

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第七冊



責任編輯：孫言誠 賀 偉

ISBN 7-5333-0535-3



2B20/07

四庫全書存目叢書·史部七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 53.375 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第七冊目次

史部・編年類

人代紀要三十卷(二)

〔明〕顧應祥撰

北京大學圖書館藏明嘉靖三十七年黃康刻本

..... 一

皇明嘉隆兩朝聞見紀十二卷

〔明〕沈越撰

北京大學圖書館藏明萬曆二十七年沈朝陽等刻本

..... 二五三

皇明大政紀二十五卷(一)

〔明〕雷禮等輯

吉林大學圖書館北京大學圖書館藏明萬曆三十年秣陵周時泰博古堂刻本

..... 五五六

人代紀要三十卷(二)

〔明〕顧應祥撰

北京大學圖書館藏明嘉靖三十七年黃宸

刻本

附《四庫全書總目·人代紀要

三十卷》提要

人代紀要卷之十一

明吳興顧應祥編集

大埔黃炎校刊 江陰湯明善

庠生倪佩同校

庚午漢獻帝初平元年

按帝協昭烈曾謚為愍帝是時漢中傳聞過害

古無生謚之理世史正綱以獻帝為曹魏所謚

止稱帝協綱目稱獻帝今從綱目

董卓弑弘農王 奏免太尉黃琬司徒楊彪以光

祿勲趙謙為太尉太僕王允為司徒 逼帝遷都

人代紀要

卷之十一

長安驅京師百姓西入關自留屯畢圭苑 焚洛

陽宮廟發諸陵及公卿墳墓收其珍寶 時關東

郡縣起兵討卓以袁紹為盟主董卓遂殺司徒袁

隗太僕袁基夷其族 荀爽卒以光祿大夫种拂

為司空袁術據南陽表孫堅為豫州刺史 以劉

表為荊州刺史 有司以蔡邕議奏和安順桓四

帝無功德不宜稱宗請除尊號制曰可初和帝號

穆宗安帝號恭宗順帝號敬宗桓帝號威宗至是

除之

按袁隗為帝太傅董卓廢帝不能死又親解帝

璽綬扶之下殿所謂大臣者顧若是乎今又不
能逃卓之誅滅可爲阿附權臣者之戒

董卓聞各處起兵置弘農王於閣上使郎中令
李儒進醢曰服此藥可以避惡王曰我無疾欲
殺我耳不肯飲儒強之王不得已與妻唐姬飲
讌歌舞泣別謂姬曰卿王者妃勢不復爲更民
妻自愛遂飲藥而死姬歸鄉里其父欲嫁之誓
不許李儒破長安鈔掠得姬欲妻之不從而終
不自名尚書賈詡知之白獻帝迎置園中仍拜
爲弘農王妃錄之一以見董卓之惡一以表唐

人代紀要

卷之十一

二

姬之擄云

辛未

關東諸將奉大司馬劉虞爲帝拒之 董卓自爲

太師位諸侯王上 孫堅兵進討董卓卓走堅入

洛陽修陵廟得傳國璽 袁紹逐冀州牧韓馥自

領州事表曹操爲東郡太守 种拂免以光祿大

夫淳于嘉爲司空 趙謙罷以太常馬日磾爲太

尉 劉焉以米賊張魯爲督義司馬掩殺漢中太

平斷斜谷關帝使其子奉車都尉劉璋諭之焉留

不遣 蚩尤旗見董卓殺張溫 長沙有人死經

月復生

初張溫討北宮伯玉董卓爲破虜將軍統於溫
卓不順孫堅勸溫以軍法斬卓溫不能至是太
史望氣言當有大臣戮死卓使人誣告溫罪皆
殺以應之

壬申

司徒王允使中郎將呂布誅董卓夷三族以布爲

奮威將軍封溫侯共秉朝政蔡邕坐上驚嘆執下

獄死 黃巾寇兖州殺刺史劉岱曹操入據之自

稱刺史 董卓將李傕郭汜等舉兵入長安殺王

允呂布自武關奔南陽又奔袁紹催汜與樊稠張

濟自爲將軍 以皇甫嵩爲太尉楊彪爲司空

人代紀要

卷之十一

三

嵩免周忠爲太尉 以馬騰爲將軍屯郿

初王允以宋翼爲馮翊王宏爲扶風催等欲殺

允先徵翼宏宏遣使謂翼曰催汜以我二人在

外故未危王公今日就徵明日俱族計將安出

翼曰雖禍福難量然王命不可避也宏曰關東

義兵鼎沸若舉兵共討催等轉禍爲福之機也

翼不從遂俱就徵被殺向使宋翼聽王宏之言

舉兵與關東之兵相應催汜豈敢縱其惡哉况

當時召之者催汜之命非王命也全小節而失

大義可謂智乎

王允始與僕射士孫瑞密謀誅卓欲假呂布之力甘心下之及卓既除自以無復後患意得志滿呂布勸以卓財物班賜公卿將校士孫瑞議下詔赦卓部曲俱不從以致有催汜之變忠於漢室則有之矣處功之道似未盡也若士孫瑞口不言功竟免於禍可謂明哲保身者矣

癸酉 周忠免朱儁為太尉 楊彪免趙溫為司空尋免張喜為司空 劉虞討公孫瓚不克被殺 以陶謙為徐州牧 是年華山崩裂

甲戌 璽平元年

人代紀要

卷之十

四

帝冠 追尊母王夫人為靈懷皇后 陶謙表劉備為豫州刺史謙卒備兼領徐州 李傕郭汜樊稠自開府如三公 劉焉卒以其子璋為益州牧 袁術表孫策為懷義校尉策遂據有江東

乙亥 立貴人伏氏為后 李傕郭汜樊稠爭權催殺樊稠自為大司馬劫帝入其營遷于北塢與郭汜相攻帝遣僕射皇甫鄴和鮮不從催將楊奉謀殺催事泄叛去將軍張濟迎帝東歸以濟為驃騎將軍開府帝至弘農濟與催汜合追至陝董承楊奉以帝渡河幸白波帥李樂營 劉虞故吏鮮于輔迎

虞于和合袁紹兵攻公孫瓚破之 是年曹操破呂布于定陶布走歸劉備 以曹操為兗州牧 丙子建安元年

袁術勸呂布襲下邳張飛敗走布虜備妻子備降于布因袁術軍糧不繼布怒復與劉備攻術 秋七月帝還洛陽改元 曹操遷帝于許昌自為大將軍封武平侯 以袁紹為太尉操自為司空行車騎將軍事總百官 曹操以荀彧為侍中荀攸為軍師郭嘉為祭酒以北海太守孔融為將作大匠 袁術與呂布結婚布復攻劉備備走投許

人代紀要

卷之十一

五

丁丑 曹操復以為豫州刺史 昌曹操復以為豫州刺史 袁術拘孫堅妻奪得傳國璽自以名應讖言遂稱帝于壽春 以呂布為左將軍討術布與術絕婚 擊術破之袁紹自為大將軍兼督冀青幽并四州 孫策為會稽太守討袁術

戊寅 將軍段熲等平李傕夷三族 曹操擊殺呂布 以劉備為左將軍 孫策為討逆將軍封吳侯 己卯 袁紹攻公孫瓚瓚自焚死以鮮于輔都督幽州 袁術敗死故廣陵太守徐璠得傳國璽獻之 袁紹攻許曹操進兵黎陽尋還屯官渡 董承受帝

衣帶中密詔與劉備討曹操

庚辰

曹操知董承謀殺承夷三族承女董貴人方娠亦遇害 操親起兵攻劉備備奔冀州投袁紹操拔

下邳獲備妻子擒關羽以爲偏將軍待之甚厚

袁紹兵襲曹操於白馬關羽刺殺紹將顏良操引

兵而西紹兵過河追之又斬紹將文醜紹兵敗

曹操表關羽爲漢壽亭侯關羽奔還劉備 袁紹

復攻曹操於官渡紹軍大敗輜重圖書珍寶俱爲

操所得前後所殺七萬餘人 是年孫策卒弟權

代曹操表權爲討虜將軍 張魯以鬼道惑衆據

人代紀要

卷之十

六

漢中

辛巳

曹操攻劉備於汝南備奔荊州依劉表 張魯取

巴郡詔以爲漢寧太守

按張魯乃張道陵之孫道陵初客于蜀學道鶴

鳴山中造作符書以惑百姓受其教者出米五

斗謂之五斗米賊同時起者張角張脩其術畧

同後角被誅脩亦亡惟道陵傳子衡衡傳魯世

以鬼道惑衆愚民被其誑誘其勢日盛朝廷不

能制以爲漢寧太守

壬午

袁紹慙憤發病愛後妻劉氏所生幼子尚遂以爲

癸未

後以長子譚繼兄後出爲青州刺史次子熙爲幽州刺史紹卒譚尚相攻 是年越雋男化爲女

甲申

曹操攻破鄴自領冀州牧擄袁熙妻甄氏與子丕爲妻 丹陽郡吏殺太守孫翊翊妻徐氏以計誅

之

乙酉

曹操破青州斬袁譚幽州將吏逐袁熙降操熙尚俱走烏桓 以荀悅爲侍中 曹操以陳琳爲記

室 荀悅著申鑒作漢紀

丙戌

仲長統爲尚書郎

人代紀要

卷之十一

七

丁亥

曹操破烏桓袁熙袁尚走遼東公孫康斬之 劉備見諸葛亮于隆中

戊子

罷三公官曹操自爲丞相 以馬騰爲衛尉以其子超爲偏將軍代領其衆 曹操殺孔融夷其族

劉表卒曹操至新野表子劉琮舉州降 劉備奔

江陵操追又走夏口曹操兵東下孫權遣周瑜魯

肅與劉備迎擊大破曹兵于赤壁曹操北還

己丑

孫權表劉備領荊州牧 納妹於備以固好

庚寅

曹操作銅雀臺于鄴 孫權將周瑜卒魯肅代領其衆 劉備以龐統爲侍中從事

辛卯

曹操以其子不為丞相副 馬超韓遂反曹操擊

破之超遂奔涼州 劉璋迎劉備入蜀討張魯備

留諸葛亮關羽守荊州

壬辰

孫權徙治建業作石頭城 曹操擊孫權

曹操誅馬騰夷三族

操侍中光祿大夫荀彧自殺

癸巳

曹操稱魏公加九錫 始建魏宗廟社稷置尚書

侍中六卿 曹操以三女憲節華俱進為夫人聘

以東帛玄纁五萬匹小者待年於國

甲午

三月曹操進位諸侯王上 馬超去張魯奔劉備

人代紀要

卷之十一

人

劉備攻成都劉璋出降遷于公安劉備自領益州

牧以諸葛亮為軍師 伏皇后懼曹操密書與父

完圖之事泄操令郝慮華歆入宮收后璽綬牽出

下暴室幽死所生二皇子俱醢殺之

按劉備之取劉璋或以為非義或曰正所以為

義以愚觀之劉焉見漢室將亂以益州有天子

氣求為益州牧陰有不臣之心造乘輿斷劍閣

遣米賊殺漢使助馬騰襲長安固為有罪然當

是時雖有天子其實政出曹操故人皆有覬覦

之心及焉死璋未有過遣人請備而反襲之恐

非王莽討罪之所為也况備攻成都之時蜀精

兵尚有三萬穀帛可支一年吏民咸欲死戰璋

言父子在州二十餘年無恩德以加百姓攻戰

三年飢膚草野以璋故也何心能安遂開門出

降群下莫不流涕則璋亦仁厚之人也

又劉備入成都劉璋兄瑁已死妻吳氏寡居群

下勸備納之備疑同族法正曰論其親疎何與

晉文之於子圉乎遂納吳氏為夫人法正一言

而使先主未免為盛德之累惜哉

乙未

立曹操中女曹節為后 劉備孫權分荊州

人代紀要

卷之十一

九

曹操取漢中張魯奔自巴中出降以為鎮南將軍

張魯三世以鬼道教眾圖為不軌王法之所必

誅者也聞曹操兵陷陽平斬其弟衛將稽顙歸

降其黨閭圖說曰今以急往其功為輕不如且

依巴中然後委質功必多也於是封其庫藏入

山避鋒操入南鄭嘉其善意遣人慰安魯乃出

拜鎮南將軍封閬中侯邑萬戶將還中國待以

客禮五子及閭圖皆為列侯操嘗曰寧我負人

毋人負我何獨於魯而嘉之蓋邪道之易於惑

人也後世封其子孫代為天師操實酷之操真

萬世之罪人也哉

丙申 曹操進爵魏王 以鍾繇為相國

曹操因匈奴來朝留于鄴分五部散處汾晉間又徙武都氏于扶風天水

晉夷狄亂華實始于此

丁酉 曹操用天子車服以子丕為王太子 孫權降于

曹操 以華歆為御史大夫

按華歆初與管寧為友共鋤菜見地有金寧揮鋤不顧歆提而擲之人以是知其優劣今觀歆甘心曹操為弒逆之事豈特優劣而已哉蓋少

人代紀要

卷之十

十一

時或有志為善及為利欲所動則靡所不至矣士君子立身一敗而萬事瓦裂可不戒哉

戊戌

己亥 曹操殺丞相主簿楊脩 趙雲敗曹兵劉備取漢

中自稱為漢中王以子禪為王太子 曹操號其

夫人為王后 關羽攻樊城取襄陽執于禁殺龐

德襲陽刺史胡脩太守傅方皆降于羽 冬十月

孫權使呂蒙襲江陵曹操以兵救樊城關羽敗走

為潘璋所殺 曹操以孫權為荊州牧 呂蒙卒

庚子 延康元年 三月 冬十一月 魏文帝黃初元年

春正月曹操卒年六十六歲謚武王追尊為魏高祖武皇帝葬高陵子丕嗣自為丞相冀州牧

三月改號延康元年 曹丕以賈詡為太尉華歆

為相國王朗為御史大夫 曹丕立法宦者官不

得過諸署令 立九品法置州郡中正

冬十月左中郎將李伏太史令許芝言魏當代漢

見於圖緯魏群臣因表請曹丕篡位帝乃告高廟

遣使奉璽綬禪位于魏丕上書三讓乃為壇於繁

陽升受璽即皇帝位燎祭天地改元黃初廢帝為

山陽公用天子禮樂蜀中傳聞已遇害謚曰愍帝

人代紀要

卷之十

十一

漢自高祖乙未年入關己亥年即皇帝位傳十

二主至孺子嬰居攝三年戊辰為王莽所篡自

入關始計二百一十四年自即位始計二百。

九年年都長安是謂西漢光武自壬午年起兵春

陵癸未年新市平林兵立淮陽王劉玄乙酉年

光武即皇帝位傳十二主至帝協延康元年庚

子為曹丕所篡計一百九十五年都洛陽是謂

東漢兩漢二十四帝共四百〇四年

三代以下人臣竊君位者始於王莽不過因君

弱臣強潛移國祚而已至於假禪受之美名逼

奪君位以啓後世僭竊之端寔自丕始

辛丑 魏文帝黃初二年 漢昭烈皇帝章武元年

魏封孔羨爲宗聖侯奉孔子祀 夫人甄氏失寵

有怨言賜死 祀太祖於洛陽建始殿 築凌雲

臺高一十三丈 以漢楊彪爲光祿大夫

求珍物于孫權 置護鮮卑烏桓校尉

夏四月劉備稱帝成都年六十歲改元章武元年

以諸葛亮爲丞相許靖爲司徒 立夫人吳氏爲

后吳氏乃劉瑁妻也 張飛爲其下所殺

孫權遣使降魏封爲吳王遣趙咨入謝 徙治武

人代紀要 卷之十一

昌 立子登爲太子

壬寅 吳大帝黃武元年

魏主立法后家不得輔政立貴嬪郭氏爲皇后

魏徵孫權任子不從 漢主爲吳將陸遜所敗將

軍黃權降于魏

按黃權劉璋將也璋敗降漢主今又降魏

冬十月孫權改元黃武拒魏使鄭泉聘漢主于白

帝

癸卯漢帝禪建興元年 五月改

魏以鍾繇爲太尉

夏四月漢主崩于永安宮在位二年壽六十三謚

昭烈皇帝葬惠陵太子禪即位諸葛亮受遺輔政

封武鄉侯五月改元建興元年 立張飛女張氏

爲皇后 遣鄧芝使吳

甲辰 魏以舟師伐吳臨江而還 魏立太學

乙巳 魏復以舟師伐吳至江而返

漢諸葛亮南征討雍閭擒孟獲南中平

吳以顧雍爲丞相

丙午 夏五月魏主殂在位六年壽四十謚文皇帝廟號

世祖葬首陽陵太子叡即位司馬懿受遺輔政

人代紀要 卷之十二

徵處士管寧不至

丁未 魏明帝 太和元年

魏大營宮室 魏主棄妃虞氏立貴嬪毛氏爲后

魏懲復肉刑不果

漢諸葛亮出師漢中圍中原

戊申 魏以公孫淵爲遼東太守

漢諸葛亮伐魏敗于街亭

吳敗魏師于石亭

己酉 吳黃龍元年 稱帝

魏制以藩王入繼者不得顧私親 立聽訟觀訟

律博士

夏四月吳武昌黃龍見孫權稱皇帝改元黃龍追

尊父破虜將軍堅為武烈皇帝母吳氏為武烈皇

后兄討逆將軍策為長沙桓王太子登為皇太子

張昭為輔吳將軍 秋九月遷都建業

庚戌

魏假司馬懿黃鉞攻蜀 立郎吏課試法

吳發兵浮海求夷洲亶洲欲俘其民以益衆

辛亥

漢諸葛亮圍祁山斬魏將張郃

吳野蠶成繭野稻成禾改明年為嘉禾元年

壬子

吳嘉禾元年

人代紀要

卷之十

十四

癸丑

魏青龍元年

春正月魏青龍見于摩陂井中改元青龍

公孫淵稱臣于吳遣使拜為燕王張昭諫不從淵

斬吳使首獻于魏封樂浪公

甲寅

魏山陽公卒魏主素服發哀謚漢孝獻皇帝葬于

禪陵

漢諸葛亮卒于師

吳潘璋平武陵蠻

乙卯

魏郭太后以憂卒 魏作洛陽宮 魏主無嗣養

宗室二子芳詢秘之或云芳任城王楷之子是年

以芳為齊王詢為秦王 崇華殿災復建

魏張掖湧石負圖 魏以馬易珍物于吳

魏以馬易珠璣翡翠玳瑁於吳孫權曰此皆孤

所不用而可以得馬孤何愛馬先是曹丕求珍

物於吳已為孫權所請今曹叡又以馬易之魏

之諸臣不諫何也

丙辰

魏令公卿舉才德兼備之士

吳鑄大錢以一當五百 吳張昭卒

古者日中為市以物易物緣物不常有而價有

高下不同故人君置泉布以通之無非欲便民

人代紀要

卷之十一

十五

也今因國用不足而鑄大錢以罔天下之利民

心豈樂從乎後世以鈔准錢亦類是

丁巳

魏景初元年以山莊縣黃龍見改建五月為歲首三月為夏四月

立南北郊營圓丘方丘 魏主與郭夫人遊後園

毛后知而問之魏主以左右泄之殺十餘人賜后

死 鑄銅人起土山於芳林園 奪吏民妻以配

士 公孫淵自稱燕王改元紹漢

戊午

漢建熙元年 吳赤烏元年

魏司馬懿擊遼東克之斬公孫淵 以韓暨為司

徒 魏主疾立郭夫人為后召司馬懿入朝以曹

契為大將軍

是年春正月漢王立張氏為后大赦改元延熙以子璿為太子璿為安定王

吳鑄當千大錢 秋八月武昌麒麟見有司請改元吳主以赤烏集前殿乃改元赤烏

己未

春正月魏主殂在位十三年壽三十六謚明皇帝廟號烈祖葬高平陵太子芳即位年八歲復以建

寅月為歲首以明年建寅月為正始元年正月以

建丑月為后十二月 司馬懿曹爽受遺輔政

何晏為尚書

人代紀要

卷之十一

十六

漢以蔣琬為大司馬

庚申

魏齊王芳 正始元年

辛酉

魏以大牢祭孔子以類淵配

魏置淮南北屯田廣漕渠 管寧卒于魏

吳太子登卒

壬戌

吳立子和為太子霸為魯王

癸亥

魏主加元服

漢以費禕為大將軍

正月吳駟虞見

甲子

吳以陸遜為相

乙丑 漢將琬卒

吳殺太子太傅居祭陸遜卒于抗代

吳太子和與魯王霸同宮禮秩如一群臣以為

言始分宮別僚由是有隙吳主長女適全琮次

女適朱據全公主與太子母王夫人有隙權廢

疾遣太子禱桓王廟太子乘便過其妃家全主

遂譖言太子不曾至廟專在妃家計議王夫人

見上寢疾有喜色權信之太子寵衰王夫人憂

死霸黨楊竺全寄從而毀之陸遜屢諫吾祭請

使魯王鎮夏口出楊竺全寄不得在京權怒誅

人代紀要

卷之十一

十七

祭數遣使責陸遜憤恚而卒

丙寅

魏曹爽專政何晏秉機司馬懿稱病

漢以姜維為衛將軍 與費禕並錄尚書事

丁卯

魏曹爽遷其太后于永寧宮

戊辰

魏以徐邈為司空不受

己巳 魏嘉平元年

春正月魏曹爽奉帝謁高平陵司馬懿殺爽及何

晏等奉帝還宮 以司馬懿為丞相加九錫復辭

不受 夏四月改元嘉平

庚午

秋八月吳廢太子和賜魯王霸死誅其黨楊竺全

寄等 冬十一月立少子亮為太子

孫權所寵潘夫人生少子亮愛之全公主既與

太子有隙遂數稱亮美權遂廢和賜霸死陳正

陳象以切諫族誅朱據亦以諫賜死昏悖至此

安能延其國祚之久乎

辛未

吳太元元年

魏太尉王凌謀立楚王曹彪誅司馬懿事覺司馬

懿殺凌窮治其黨俱夷三族賜曹彪死置諸王公

於鄴不得與人交通 秋八月司馬懿卒年七十

三謚文貞改文宣後追贈晉高祖宣皇帝子師繼

人代紀要

卷之十一

六

事塋首陽山不墳不樹 吳有神人自稱王表語

言飲食與人無異不見其形 夏五月立皇后潘

氏大赦改元太元元年

壬申

二月吳改元神鳳
四月吳主亮建興元年

魏司馬師自為大將軍

吳以故太子和為南陽王居長沙子奮為齊王居

武昌休為琅邪王居虎林 二月大赦改元神鳳

夏四月吳主疾潘后使問中書令孫弘以吕后專

制故事諸宮人畏后虐伺其困卧縊殺之

吳主孫權殂年七十一謚大皇帝葬蔣陵太子亮

即位改元建興 以諸葛恪為太傅

徙齊王奮於豫章

癸酉

漢盜殺費禕

吳殺諸葛恪以孫峻為丞相賜南陽王和死和妃

張氏自殺妾何氏撫其子皓

甲戌

魏帝髦 正元元年 吳五鳳元年

魏中書令李豐太常夏侯玄與后父光祿大夫張

緝惡司馬師專權謀欲去之事覺皆夷三族廢張

后 魏主意不平 秋九月司馬師廢其主為齊

王遷河內 冬十月司馬師迎明帝弟東海定王

人代紀要

卷之十一

九

霖之子髦立之年一十四改元正元

吳以大鳥五見改元五鳳

乙亥

魏揚州都督母丘儉刺史文欽起兵討司馬師不

克欽奔吳儉走死

司馬師尋卒謚忠武後晉追謚景皇帝廟號世宗

弟昭繼事

丙子

魏甘露元年六月改 吳太平元年

夏四月魏司馬昭自稱大都督假黃鉞服袞冕赤

舄 六月魏主以甘露降改元

漢以姜維為大將軍伐魏師敗

九月吳孫峻卒以其從弟紉為侍中輔政收元太平

丁丑 魏揚州都督諸葛誕起兵討司馬昭昭奉魏主攻之吳兵救誕不克

戊寅 漢景耀元年 吳景帝休永安元年

魏司馬昭拔壽春殺諸葛誕 司馬昭自為相國封晉公加九錫復不受

魏主行養老禮以關內侯王祥為三老鄭小同為五更 漢以史官言景星見收元景耀

吳主亮惡孫紉專欲除之謀泄秋九月孫紉廢亮

人代紀要

卷之十

十一

為會稽王年十六迎孫權第六子琅邪王休立之是為景帝十月即位收元永安以紉為相封兄子皓為烏程侯 十二月吳主休以臆會殺孫紉

巳卯 榮惑星化為童子降于吳

庚辰 魏元帝 景元元年

夏五月魏主髦憤司馬昭專恣召侍中王沈尚書王經散騎常侍王業謂曰司馬昭之心路人所知也吾不能坐受廢辱與卿等共討之王經曰權在其門日久人心不顧逆順宿衛寡弱禍殆不測魏主曰吾行之決矣沈業奔告司馬昭使中護軍賈

充為備魏主知事泄帥左右攻相府稱敢有動者族誅相府兵不敢戰賈充北諸將曰司馬公畜養汝輩正在今日太子舍人成濟抽戈刺魏主刃出於背司馬昭召百寮謀之僕射陳泰請誅賈充以謝天下昭不從歸罪成濟夷其族又以太后令廢魏主髦為庶人太傅司馬孚言之始榮以王禮髦死年二十歲司馬昭以王經不附已收斬之經辭其母母笑曰人誰不死正恐不得其所何恨之有王沈以功封安平侯

人代紀要

卷之十

十一

王沈王經皆天子之臣也一則以奔告而封侯一則以不附而被殺昏亂之朝一至於此可勝嘆哉

六月司馬昭迎燕王宇之子常道鄉公璜收名與立之年一十五收元景元

漢追謚關羽為壯繆侯張飛為桓侯

吳會稽王自殺

辛巳 鮮于索頭部拓跋力微遷盛樂此元魏之始

壬午 魏司馬昭殺中散大夫嵇康 遣鄧艾鍾會伐蜀嵇康文辭壯麗好言老莊而尚奇任俠與阮籍

阮咸山濤向秀王戎劉伶號竹林七賢

吳太子璠為太子

癸未 漢炎興元年

魏司馬昭受九錫始稱晉國公

漢姜維伐魏不克改元炎興 冬十月鄧艾兵自

陰平魚貫入蜀漢主禪降北地王諶哭於昭烈之

廟先殺妻子後自殺漢亡

蜀漢自昭烈辛丑至帝禪癸未降魏凡二主四

十三年而亡

甲申 魏咸熙元年

人代紀要 卷之十一

魏鍾會構鄧艾罪司馬昭命衛瓘以檻車徵艾鍾

會以蜀兵欲反俱被殺 三月魏以司空王祥為

太尉征北將軍何曾為司徒尚書左僕射荀顗為

司空 司馬昭進爵為晉王用天子服器 夏五

月改元 封劉禪為安樂公 司馬昭以子炎為

副相國尋立為晉世子

司馬昭既進爵為王荀顗等俱相率下拜王祥

曰王公相去一階安有天子三公可輒拜人者

獨長揖昭曰今日然後知君見顧之重夫祥之

不拜昭固自以為知禮矣獨不思躬受魏禪

老乞言之禮目擊其被弑既不能討又不能去

而靦顏在位既而又委質於晉可謂知禮乎

吳主卒濮陽王興左將軍張布廢太子璠而立故

太子和之子烏程侯皓皓既立好酒色興布悔之

皓聞執興布徙廣州道殺之夷三族

人代紀要卷之十一

人代紀要 卷之十一

人代紀要卷之十二

明吳興顧應祥編

大埔黃康校刊 江陰湯明

庠生倪佩同校

乙酉晉武始元年

吳甘露元年

秋八月司馬昭卒年五十五謚文王後追贈太祖

文皇帝葬崇陽陵子炎繼是為晉世祖 冬十二

月司馬炎代魏命改元泰始都洛陽廢魏主為

陳留王魏亡 有大人長三丈餘見於襄武

魏自曹丕庚子年受漢禪傳五主至負乙酉冬

八代紀要

卷之十二

十二月為司馬炎逼禪共四十六年

是年吳徙都武昌 夏四月甘露降改元甘露

丙戌

吳寶鼎元年

東夷倭人貢方物 併圓方丘之祀於南北郊

吳復還建業 八月得大鼎改元寶鼎

丁亥

立子衷為皇太子 徵捷為奔密不至上陳情表

吳作昭明宮

戊子

太后王氏殂居喪遵古禮 太保丑祥卒

泰山崩青徐交豫大水伊洛溢

己丑

置鮮卑降者于雍涼此鮮卑亂華之始

吳十月改元建衡大赦

庚寅

胡烈擊鮮卑先髮樹機能敗死此南涼之先

辛卯

晉主欲遠賈充以為都督秦涼軍事充患之計納

女為太子妃復留舊任 安樂公劉禪卒謚曰思

壬辰

吳平交趾 鳳凰集改明年為鳳凰

癸巳

以鄧艾孫朗為郎中 選公卿女備六宮禁嫁娶

甲午

選良家女入宮 以山濤為吏部尚書以嵇康子

紹為秘書丞

魏主芳卒謚曰厲

吳荆州牧陸抗卒

乙未

咸寧元年春正月改元大赦

丙申

吳掘地得銀冊改元天冊

丁酉

四夷內附

戊戌

吳陽羨山有空石長十餘丈封禪改元天紀

己亥

羊祜入朝請伐吳 冬十一月羊祜卒

是年初立國子學置祭酒

劉淵為左部郎此匈奴亂華之始 五渾王渾

為帥大舉伐吳

汲郡人發魏安釐王冢得竹

簡書 肅慎貢楛矢石弩

庚子太康元年四月改

王濬王渾師至石頭孫皓降降封歸命侯吳亡

吳自孫權於魏文帝三年壬寅稱帝至晉武帝

十六年庚子為晉所滅傳四主共五十九年

辛丑 選吳伎妾五千人入宮日事遊宴吳主孫皓死於此月

鮮卑慕容皝稱寇昌黎是為前燕之始

壬寅 賈充死以壻韓壽子韓謐為世孫太常謚曰荒晉

主改曰武

癸卯 歸命侯孫皓卒

本代紀事 卷之十二

甲辰 劉毅衛瓘請罷中正除九品

杜預卒

乙巳 南陽郡獲兩足獸 王濬卒

丙午

丁未 大廟地陷深數丈中有破船

戊申

己酉 以劉淵為匈奴北部都尉

庚戌 太康元年正月改

春正月改元太熙 夏四月帝崩在位二十五年

壽五十五謚武皇帝塋峻陽陵廟號世祖太子衷

即位年二十三改元永熙

立賈充女賈南風為皇后 立謝淑媛所生子遹

為皇太子 楊駿為太傅大都督

辛亥永平元年正月改 三月又改元元康

賈后專制為楊駿裁抑賈后使人誣駿謀反收殺

之并殺其妻龐氏又矯詔廢楊太后幽于金墉城

以誅楊駿功封侯者千八十一人 汝南王亮為

太宰與太保衛瓘並錄尚書事亮瓘以楚王瑋好

殺欲奪其兵權謀遣之國瓘昵於賈后誣亮等欲

廢立使帝作手詔收殺之張華復說賈后責瑋專

殺執斬之 以賈模張華裴頠裴楷為侍中並管

本代紀事 卷之十三

機要

壬子 賈后絕楊太后膳餓死

癸丑 弘農雨雹深三尺

甲寅 慕容廆徙居大棘城

乙卯 秦頭分為三部一居上谷之北濡源之西祿宮自

統之一居代郡參合陂之北兄子猗也統之一居

定襄之盛樂故城猗弟猗盧統之秦頭猗盧別

丙辰 以張華為司空 秦雍氏羌齊萬年偕號 畧陽

氏楊茂搜據仇池 是年安豐有文化為男

丁巳 以王戎為司徒是時王衍為尚書令樂廣為河南

大皆尚清談宅心事外名重當世朝野爭慕效之
將軍周處擊齊萬年戰死

戊午 畧陽大水流民就食漢川此李特起之始

已未 齊萬年平 賈后取妹夫韓壽子慰祖養之欲代

太子詐為太子友書廢太子適為庶人幽于金墉

城太子妃父王衍自表離婚妃慟哭而歸殺太子

毋謝淑媛 太子洗馬江統論徙戎不聽

庚申 永康元年 春正月改

雨血妖星見中台星圻 三月賈后令太醫程璜

和毒藥矯制使黃門孫慮賜太子適死適不肯服

人代紀事

卷之十一

十一

以藥梓稚殺之 夏四月趙王倫廢賈后送金墉

城矯詔賜死收賈謐趙粦賈午司空張華僕射裴

頽等斬之夷三族 立適次子臨淮王臧為皇太

孫倫加九錫舉政 秋八月淮南王允起兵討倫

不克而死 孫秀計殺潘岳石崇 冬十一月立

尚書郎羊玄之之女羊氏為皇后 改司徒為丞

相

史稱張華文學才識名重一時然仕於亂世而

不知見幾避位惡在其為博物也韋忠曰張茂

先華而不實信哉

辛酉

是年趙王倫篡政元建始

四月惠帝使
修政元永寧

春正月趙王倫篡位改元建始遷帝金墉城尊為

太上皇廢太孫臧為濮陽王殺之立世子羣為皇

太子孫秀為侍中專政 夏四月齊王冏檄成都

王穎河間王顒長沙王又新野公歆諸鎮兵討倫

群臣殺孫秀倫懼迎帝復位改元永寧送倫金墉

城賜死誅羣立適少子襄陽王尚為皇太孫冏加

九錫專政穎諫歸鎮鄴

流人巴氏李特據廣漢攻成都

人代紀事

卷之十一

十一

穴中其後種類遂繁秦以為黔中郡歲口賦錢

四十巴人呼賦為賁因謂之賁人漢末從張魯

鬼道還漢中抄掠行旅號為楊車巴後因飢荒

流入蜀

壬戌太安 十二月改

太孫尚卒立武帝孫清河王璽為皇太子齊王冏

驕恣參軍張翰托思專驪引去 冬十二月河間

王顒檄長沙王又執冏誅之改元太安又遂篡政

是年魏主曹芳卒諡魏元皇帝 鮮卑宇文部圍

宇文氏其先出於炎帝子孫遁居沙漠其後有
葛烏免雄武多算畧鮮卑奉以爲王遂總十二
部世爲太人裔孫晉回自陰山徙居遼西其俗
謂天子曰宇文故國號宇文遂以爲氏是爲北
周之先

癸卯

河間王顥成都王穎舉兵犯關攻入顥將張方大
掠京師冬十月又奉帝討穎破之穎殺其都督
陸機弟清河內史陸雲是年封鮮卑段務勿塵
爲遼西公李特爲羅尚所斬弟派代流死特子
雄代

人代紀要

卷之十二

七

甲子

永安元年七月改建武十一月漢劉淵元熙
復改永安十二月改永興

東海王越執長沙王又送金墉城密令張方炙殺

之改元永安穎入京師自爲丞相加九錫還鎮

春二月穎廢羊后及太子豐河間王顥表穎爲皇

太弟顥自爲太宰雍州牧秋七月東海王越與

右衛將軍陳珍復羊后太子奉帝討穎師敗侍中

嵇紹以身衛主被殺帝頽中三矢墮草中亡六璽

穎迎帝入鄴改元建武八月張方入洛陽復廢

羊后及太子安北將軍王浚與越弟東瀛公騰以

烏桓兵攻鄴穎敗走奉帝還洛陽冬十一月張

方逼帝遷長安復稱永安年號立羊后十二月

河間王顥廢穎表豫章王熾爲皇太弟改元永興

以越爲太傅王衍王戎與政

是年晉以匈奴劉淵爲大單于劉淵遷都左國

城自稱漢王追尊漢帝禪爲孝懷皇帝改元元熙

立呼延氏爲后

劉淵匈奴冒頓之後左賢王劉豹之子漢高祖

以宗女爲公主妻冒頓約爲兄弟故其子孫冒

姓劉氏自古未有夷狄爲中國主者寔自淵始

此開關以來一大變也故特著之

人代紀要

卷之十二

八

李雄自稱成都王改元建興

乙丑

夏四月張方復廢羊后東海王越傳檄起兵討

張方成都王穎據洛陽

是年羯奴石勒與牧帥汲桑爲盜以石爲姓勒爲

名

石勒初名匄上黨武鄉羯其先匈奴別種年十

四隨販至洛陽倚嘯上東門王衍見而異之是

爲後趙

丙寅光熙元年

六月改咸晏平元年

春正月河間王顥誘殺張方成都王穎奔長安

夏四月東海王越奉帝還洛陽六月復羊后改元
光熙越為太傅越用更數郭象等皆崇尚虛無貨
殖無厭 秋九月頓丘太守馮嵩執頴送鄴范陽
王虓幽之長史劉輿偽詔賜死 冬十一月帝食
餅中毒崩或曰越弑之在位十七年年四十八謚
惠帝葬太陽陵大弟熾即位是為懷帝立梁后尊
羊后為惠后 十二月南陽王模殺颺 晉以劉
琨為并州刺史 有人兼男女體

李雄僭稱帝於成都國號大成建元晏平

丁卯晉懷帝 永嘉元年

人代紀要

卷之十一

九

正月改元永嘉除三族刑立故太子覃弟鈐為皇
太子 以王衍為司徒 是年琅邪王廢鎮建業
以王導為謀主收名士賀循顧榮

按王導以廢名論素輕吳人不附引循榮為輔
殊不知因此而人皆務名以求進矣此東晉之
所以衰也

石勒降劉淵

慕容廆自稱鮮卑單于居棘城是為前燕

慕容鮮卑人也其先有熊氏之苗裔世居北夷
邑于紫蒙之野號曰東胡後與匈奴並盛分保

鮮卑山因為號其祖莫護跋好帶步提冠諸
部呼步提音訛為慕容

是年驚出地中有星如日

戊辰 東海王越殺故太子覃 漢祚元

是年劉淵僭稱皇帝於蒲子國號漢改元永鳳

己巳 王衍為太尉

漢徙都平陽於汾水得寶改元河瑞元年

庚午

劉聰光興元

漢劉淵卒偽謚高祖光文皇帝子和繼和弟聰為
大司馬大將軍錄尚書事和惡其強欲除之聰遂

人代紀要

卷之十一

十

弑和自立改元光興 石勒為并州刺史勒以張
賓為謀主 劉聰以異母弟北海王又為皇太弟
悉其母單夫人又以為言單憤恚而死

拓跋祿官卒弟猗廬總攝三部以為大單于封代
公

拓跋猗廬元魏之祖也拓跋之先相傳黃帝子

昌意之少子受封北國大鮮卑山其後世統幽

都之北黃帝以土德王北俗謂土為托謂后為

跋故以為氏其裔始均仕亮逐女魃於弱水舜

命為田祖歷三代秦漢獯鬻獫狁山戎匈奴之

屬累代作害而始均之裔不交南夏載籍無聞
積六七十代至毛立統國三十六大姓九十九
威振北方數傳至詰汾天女以男授之名力微
諺云詰汾皇帝無婦家力微皇帝無舅家力微
在位五十八年一百四歲是謂魏始祖神元
皇帝力微已上至毛立俱追尊為皇帝力微傳
子悉鹿卒弟總立卒子弗政立荷廬弗政次子
也晉封代公後尊為穆皇帝

恭容庖自稱鮮卑大單于

底酋蒲洪自稱曷陽公

本代紀要

卷之三

十一

蒲洪曷陽臨渭氏人其先有鬼之苗裔世為西
戎酋長池中有蒲生長五丈五節人稱為蒲家
因以為氏隴右苦雨謠曰雨若不止洪水必起
故名洪時識有艸付為王之語至其孫堅生背
有艸付字遂改姓符是為前秦

辛未

漢嘉平元年 成李雄王衡元年

春三月太傅越空圖討劉聰死于項以王衍為元
帥持喪歸石勒追敗之將士無一人免者執王衍
等殺之剖越棺焚其尸

石勒問衍晉故衍備陳禍亂之由勒悅與語移

日衍又云少無宦情不豫世事勸勒稱尊號以
自免勒怒曰君少壯登朝名蓋四海身居重任
何得言無宦情破壞天下非君而誰扶出殺之
空言無補之流類若此

琅邪王睿逐揚州都督周馥以王敦代之

夏六月劉聰將王彌劉曜石勒兵入洛陽執晉帝

遷平陽封平阿公殺太子詮發晉陵墓焚宮廟劉

曜擄惠帝羊后為妻司空荀晞立豫章王端為

太子屯蒙城荀藩奉吳孝王晏之子秦王業赴

許昌年十二石勒陷蒙城執晞及端誘殺王彌

本代紀要

卷之三

十二

併其兵 漢劉聰得傳國璽改元嘉平 納太保

劉殷二女為左右貴嬪位昭儀上又納殷孫女四

人為貴人

成李雄以戰勝改元王衡

壬申 劉聰封晉帝為會稽郡公以小劉貴人妻之封會

稽國夫人 雍州刺史賈疋破劉曜兵奉秦王業

入長安立為太子 王敦殺其兄荊州都督澄

石勒據襄國今順德府

羌酋姚弋仲自稱扶風公

姚弋仲南安赤亭羌相傳為有虞氏苗裔東漢

時內附處于南安之赤亭是為後秦

癸酉晉愍帝 建興元年

春二月劉聰使晉帝青衣行酒晉臣庾珉王儁慟哭聰遂鳩殺帝殺岷備復以會稽夫人為貴人夏四月太子業即位于長安改元建興 左丞相睿以祖逖為豫州刺史 王敦表陶侃為荊州刺史 漢劉聰立左貴嬪劉氏為后起鸞儀樓居之廷尉陳元達切諫而止

本紀云聰在逍遙園李中堂元達自鑲其腰入諫聰大怒命將出與妻子同梟東市元達抱樹

人代紀要

卷之十一

十一

大叫以鑲繞樹曳不能動劉氏聞之密遣中常侍私勅左右停刑手疏切諫乃解引元達謝之易園為納賢園堂為愧賢堂

甲戌 春正月朔黑霧着人如墨五日乃止 有如日隕

于地又三日出西方東行

流星隕于平陽化為肉旁有哭聲 劉聰妻劉氏

產一蛇一獸劉氏死遂失此肉哭亦止

蒲子縣馬生人 劉聰以子粲為相國

是年春二月張軌為涼州牧九月卒謚武穆子寔

嗣

張軌安定烏氏人漢常山王張耳十七世孫也是為前涼

乙亥

漢劉聰建元元年

春二月以琅邪王睿為丞相都督中外諸軍事南陽王保為相國劉琨為司空都督并冀幽軍事進封代公倚廬為代王 夏六月加王敦都督江揚等州事 徙陶侃為廣州刺史 前涼張寔得皇帝行寶獻之

漢劉聰以太廟成改元建元 劉聰如中護軍新準弟見其二女有國色俱納之立其長女月光為

人代紀要

卷之十二

十二

上皇后次女月華與劉貴妃為左右皇后陳元達諫不聽又奏月光有穢行聰不得已廢之月光自殺聰深恨元達

丙子

漢劉聰麟嘉元年

平陽地震劉聰內史女化男 犬豕交於宮門

漢內侍王沈等與劉粲構害太弟又聰殺其少府

陳休等七人太尉劉易廷尉陳元達俱以諫自殺

聰復以侍婢樊氏為上皇后四后之外佩后璽綬

者復七人 有豕帶進賢冠犬冠武冠帶綬與豕

並升聰座

冬十一月劉曜陷長安晉帝業出降御史中丞吉朗自殺曜遷帝平陽封懷安侯劉聰告于太廟改元麟嘉

晉自司馬炎乙酉年冬十二月受魏禪至司馬業丙子冬十一月為劉曜所執凡四主共五十二年而司馬睿即位建康不過偏安而已

代王猗盧愛少子比延欲以為嗣使其長子六脩拜不從猗盧攻六脩兵敗為六脩所弑猗進子普根誅六脩自立尋卒國人立猗盧弟弗之子鬱律

丁丑晉元帝建武元年

本代紀要

卷之十二

十五

春正月虹霓彌天三日並照 二月丞相睿稱王于建康改元建武睿宣帝曾孫琅邪恭王觀之子也

本紀云初玄石圖有牛繼馬後故宣帝深忌牛氏遂以二楹共一口貯酒帝先飲其佳者而以毒酒鴆其將牛金而恭王妃夏侯氏竟通小吏牛氏而生元帝亦有符云

按司馬懿死於魏明帝嘉平三年辛未後一十四年乙酉而司馬炎始受魏禪懿乃預為牛繼馬後之防而毒其將牛其為謀亦太早矣恐未

必然。

漢劉聰信內侍王沉等文構廢大弟又為北部王劉粲使斬準賊殺之立粲為皇太子

冬十二月劉聰以晉帝業為車騎將軍執戟前導又使行酒洗爵執蓋尚書辛賓抱帝大哭聰怒殺之遂弑帝

戊寅晉大興元年

漢懷昌 光初

春三月晉主睿即皇帝位于建康改元大興

立子紹為皇太子以王敦為荊州刺史專征伐王導為驃騎將軍輔政 以慕容廆為龍驤將軍大

本代紀要

卷之十三

十六

單于 夏五月劉琨為段疋碑所殺

劉聰所居螽斯則百堂災燒死其子二十一人

聰以內侍王沉養女為左皇后尚書令王鑒中書監令崔懿之曹伯諫俱斬于市又以內侍宣懷養

女為中皇后 秋七月劉聰卒偽謚昭武皇帝廟號烈宗子粲立改元漢昌聰四后粲俱悉之以斬準為大司空政皆決於準 八月準勒兵升殿執

粲弑之劉氏男女無少長皆斬東市發淵聰二陵斬疑焚廟自稱大將軍漢天王稱藩于晉

冬十月劉曜自長安入至赤壁稱帝改元光初遣

石勒拔平陽誅靳準以石勒爲趙公加九錫

是年雨血于平陽廣袤十里 十一月乙卯日夜出高三丈

初劉聰子約死復蘇云見其祖劉淵於不周山謂曰東北有遼須夷國無主待汝父爲之後三年當來約辭歸道遇衙尼渠餘國與皮囊一枚內白王一方文曰敬信遼須夷國天王歲在攝提當相見也聰曰審如此吾不畏死矣及聰死與王同塋

按劉聰在位九年山崩地震日隕星墜人妖物

人代紀要

卷之十一

十一

性無月無之蓋夷狄據中國連絃二主天地所

不容者靳準之禍天特假手云爾

已卯 春三月合祭天地 詔琅邪恭王爲皇考以賀循

言罷之

按琅邪恭王觀乃元帝之父懷愍喪國而元帝

崛起江南乃不得追尊其父乎賀循之言謬矣

斷史者謂元帝能從諫非也當時君弱臣強元

帝不敢言耳

南陽王保自稱晉王改元建康置百官

劉曜徙都長安立晉惠后羊氏爲后子熙爲太子

改國號趙是爲前趙

按劉曜既立羊氏爲后謂曰我何如司馬家兒答曰陛下開基之聖主彼亡國之暗夫何可並言彼貴爲帝王一婦一子一身曾不能庇妾於是時實不欲生謂世間男子皆然今始知天下有丈夫耳曜甚寵之后之論惠帝似矣獨不思失身夷狄哀哉

石勒遣使獻捷于曜曜斬其使勒怒稱王于襄國國號趙是爲後趙稱元年加張賓大執法輔政石虎爲驃騎將軍禁胡人不得陵侮華族

人代紀要

卷之十一

十一

是年慕容廆敗宇文氏取遼東得王璽三紐

蒲洪降于前趙

庚辰

西涼張茂末元元年

南陽王保敗死 王敦有異志以譙王承爲湘州

刺史 以慕容廆爲平州刺史

張寔爲帳下所殺弟茂立改元末元以寔子駿爲

世子

劉曜立太學

辛巳 豫州刺史祖逖卒弟約代 常山崩

代拓跋猗婁妻惟氏殺代王鬱律而立其子賀麟

鬱律子什翼捷幼在襁褓其母王氏匿于櫺中得免

鬱律後追謚平文皇帝號太祖

壬午永昌元年春正月改元

王敦自武昌舉兵反據石頭欲易太子溫嶠沮之乃殺戴淵周顗不朝而去夏四月敦兵陷長沙熊王承被執而死

按王敦問戴淵周顗於王導再問而再不答遂殺之導檢中書故事見顗申救表涕泣而嘆曰

幽冥之中負此良友夫導身為輔相不能以大

人代紀要

卷之十二

九

義滅親又假手以殺戮忠良非直負友也其負君甚矣

閏十一月帝憂憤崩在位六年壽四十七葬建平

陵廟號中宗太子紹即位王導受遺輔政

漢劉曜封楊難敵為武都王

石勒謀臣張賓卒

癸未晉明帝太寧元年

六月立庾氏為后以其兄亮為中書監

前趙封姚弋仲為平襄公羊氏卒偽謚文獻皇

后張茂降于前趙獻馬一千五百疋牛三千頭

羊十萬口黃金三百八十觔銀七百觔女妓二十人珍寶珠玉不可勝紀封涼王

甲申

涼張駿太元元年

夏六月加王導大都督揚州刺史督諸軍事討王敦敦與錢鳳復謀逆殺郭璞秋七月至江寧帝親征破其軍敦因病死

李雄立兄子班為太子

涼張茂卒兄子駿嗣改元大元

代徙居東木根山

乙酉

以陶侃都督荆襄等州軍事秋閏七月帝崩在

人代紀要

卷之十三

十

位三年年二十七葬武平陵謚明帝廟號肅宗太

子衍即位年五歲庾太后稱制司徒王導中書令

庾亮尚書令下臺受遺輔政

代王賀係卒弟紇那嗣

段遼弒其君牙而自立

石勒遣石生寇河南陷司豫徐兗等州

丙戌晉成帝咸和元年

春二月改元大誦五日庾亮殺南頓王宗降西

陽王秉為弋陽縣王

丁亥庾亮徵蘇峻為大司農辭不受與祖約舉兵反

宣城內史桓彝起兵赴難

戊子

蘇峻兵犯關卡壺及二子珍盱赴敵死丹陽尹羊曼黃門侍郎周導廬江太守陶侃子瞻俱戰死庾亮奔尋陽峻入臺城掠後宮金帛自爲錄尚書事以王導有德望猶以本官居右祖約爲太尉弋陽王秉稱峻功德復以爲太宰封西陽王峻分兵陷宣城執桓彝殺之 二月庾太后以憂卒 夏四月蘇峻遷帝於石頭 秋九月溫嶠陶侃討峻誅之峻弟逸代領其衆祖約奔趙

石勒破劉曜兵于洛陽執曜歸殺之太子熙奔上

人代紀要

卷之三

三

却前趙亡 石勒改元太和

前趙自劉淵於晉惠帝永安元年甲子稱漢王懷帝永嘉二年戊辰僭稱帝次年徙都平陽至元帝太興元年戊寅爲靳準所殺劉曜徙都長安改號趙至成帝咸和三年戊子被石勒滅之前後共三主二十年

巳丑

蘇逸授石頭使任讓將兵入宮執右將軍劉超侍中鍾雅帝抱持而泣讓奪而殺之 二月建威長史滕含大破賊兵蘇逸韓晃伏誅及殺西陽王秉陶侃與任讓有舊爲請其死帝曰是殺吾侍中

衛者乃殺之 以陶侃爲太尉都督爲司空溫嶠

爲驃騎將軍開府儀同三司庾亮爲豫州刺史溫嶠尋卒

按任讓逆黨也陶侃爲請其死晉之諸臣不明君臣之義在侃尚然況其他乎

後趙石虎攻上邽殺劉熙盡滅劉氏之族石勒遂取秦隴

代王紇那出奔宇文部鬱律之子騎槐立

是年廬山崩

庚寅

後趙石勒建平元年

人代紀要

卷之三

三

春二月後趙石勒稱天王徙都鄴止稱大趙以石虎爲太尉封中山王改元建平 趙以張駿爲涼州牧 石勒以祖約不忠於晉誅之夷其族祖述有胡奴王安爲趙將軍竊逃庶子道重匿之

辛卯

樊噲守冑鼎

趙石勒舉賢才興學校

秋九月石勒營鄴宮以洛陽爲南都

壬辰

涼州牧張駿立次子重華爲世子

癸巳

却石勒使焚其幣

夏五月遼東公慕容廆卒贈開府儀同三司後僞

僭位謚武宣皇帝子鈔嗣

石勒卒年六十僭位十五年偽謚明皇帝廟號高

祖夜瘞山谷莫知其處虛葬高平陵子弘立

石虎自為丞相魏王大單于加九錫弑妻劉氏

石生等起兵討之不克而死

張駿遣張淳假道于成奉表于晉以為大將軍

甲午

陶侃卒 仇池楊難敵卒子毅嗣稱藩于晉

成李雄生塲於頭六日死年六十僭位三十年偽

謚武帝廟號太宗墓號安都陵兄子班嗣位庶兄

李越弑之立雄第四子期越專政

人代紀要

卷之十二

三

石弘延熙元年石弘畏石虎齋璽綬詣虎禪位虎

曰愚暗不堪為君自當廢之何以讓為遂廢弘為

海陽王幽于崇訓宮尋弑之自立為居攝天王

乙未咸康元年

正月改 趙石虎建武元年 成李期王衡元年

帝冠 三月幸王導第 石虎南遊京師戒嚴六

日 石虎遷都于鄴改元建武 鄴今彰德府

石虎敬事佛圖澄聽民為僧中國人為僧始此

成李期改元王衡

代王紇那復入驛槐奔趙

丙申

立杜預孫女為后

丁酉 慕容皝自稱燕王稱藩于趙

石虎自稱趙天王太子遂謀逆事覺虎殺之男女

二十六人同一棺更立子宣為太子

趙入驛槐于代紇那奔燕

楊初殺楊毅自稱仇池公附于趙

戊戌

成李壽更號漢漢興元年 代什翼健建國元年

光祿勳顏含致仕 罷司徒官 以王導為丞相

成李雄弟壽弑期自立更號漢改元漢興

代王翳槐卒弟什翼健立稱王定襄國號代改元

建國 石虎慕容皝合兵破段遼取其地

人代紀要

卷之十二

三

己亥

丞相王導卒 復改丞相為司徒

庾亮請伐石虎

庚子

庾亮卒 代始都雲中 今大同府

辛丑

封慕容皝為燕王 前燕之始

壬寅

夏六月帝崩在位十七年壽三十二廟號顯宗葬

興平陵二子尚在襁褓弟琅邪王岳即位立褚哀

女為后封帝幼子丕為琅邪王奕為東海王

石虎作長安洛陽二宮後四十餘萬人

人代紀要卷之十二

人代紀要卷之十三

明吳興顧應祥編集

大埔黃宸校刊 江陰湯明善

庠生倪佩同校

癸卯晉康帝 建元元年 成李勢太和元年

漢李壽卒年四十四為謚昭文帝廟號中宗墓曰

安昌陵子勢立改元太和

甲辰 秋九月帝崩在位二年壽二十三葬崇平陵太子

暕即位年二歲褚太后稱制

趙榮感守房心石虎殺中書監王波以應之復贈

人代紀要

卷之十三

司空

慕容皝擊滅宇文部逸豆歸走死皝還殺其兄翰

乙巳晉穆帝永和元年以桓溫都督荆梁等州軍事

石虎大發兵治長安洛陽宮以數千里為獵場犯

其禽獸者死 張駿自稱涼王

慕容皝罷死囿以給新民 二龍見不用晉年

丙午

成李勢嘉寧元年 前涼張重華永樂元年

以殷浩為揚州刺史 桓溫伐蜀

李勢敗元嘉寧 慕容皝襲扶餘拔之虜其王玄

涼王駿卒子重華立改元永樂

丁未 桓溫滅蜀徙李勢子建康封歸義侯

李特以晉惠帝太安元年壬戌稱兵傳六世四

十六年至穆帝永和三年丁未為桓溫所滅

以張重華為涼州刺史西平公 范賁稱帝成都

楊初稱藩以為雍州刺史仇池公

趙石虎築華林園

沙門胡進言于虎曰晉運當興宜苦役晉人以

厭其氣虎遂發男女十六萬車十萬乘運土築

園燃燭夜死者數萬子宣建天子旌旗

十八萬行遊虎望之笑曰吾家父子如此自非

人代紀要

卷之十三

天崩地陷當復何愁

戊申 加桓溫征西大將軍

趙太子宣殺其弟韜欲謀逆事覺石虎殺之焚以

烈火取灰分置諸門戮其妻子九人少子纔數歲

亦殺之立少子世為太子以世母劉昭儀為后劉

曜之女也

石虎敬信胡僧佛圖澄使國中造寺削髮為僧

而骨肉相殘慘酷已極何不以慈悲之心化之

史稱佛圖澄豫言成敗有驗殆亦妖術耳

燕王慕容皝卒在位十五年五十二歲謚文明

皇帝子儁繼

是年安定妖人侯子光易名李子揚聚眾數千稱大黃帝建元龍興石廣討平之

已酉

後趙石虎太寧元年 石鑒青龍元年 前燕慕容儁燕元元年

趙石虎稱皇帝改元太寧 梁犢等因眾怨作亂眾至十萬姚弋仲蒲洪討平之封姚弋仲為西平公蒲洪為雍州刺史畧陽公

夏四月後趙石虎卒在位十五年子世嗣劉后臨朝稱制與鎮衛將軍張豺矯制殺丞相石斌鎮關大將軍彭城王石遵入鄴誅張豺廢世為譙王劉

人代紀要

卷之三

三

后為太妃尋弑之自立堊石虎顯原陵偽謚武皇帝廟號高祖以石閔為都督中外諸軍事初遵許立閔為太子至是立其子衍又欲除閔

冬十一月石閔殺石遵及衍立義陽王鑒收元青龍

十二月石鑒圖石閔不克閔執鑒幽之下令城中曰同心者留不同心者任所之胡羯爭出城率趙人盡殺之死者二十餘萬人

張重華自稱涼王

鮮卑慕容儁稱帝遼東國號燕改元燕元是為前

庚戌

燕

魏冉閔承興元年 石琚承寧元年

石閔殺石鑒并殺石虎孫三十八人盡滅石氏篡其位復姓冉國號魏改元承興

石閔本姓冉魏郡內黃人父瞻為石虎養子閔虎之義孫也

後趙石勒於晉元帝太興二年稱王襄國成帝咸和三年滅前趙僭號傳子弘為石虎所弑再傳至穆帝永和五年為冉閔所滅凡二十三年

石鑒弟石祗稱帝于襄國改元承寧以姚弋仲為

人代紀要

卷之十三

四

右丞相

蒲洪據長安自稱三秦王改姓苻故趙將麻秋斬苻洪洪子健斬秋附于晉

辛亥 苻健自稱天王大單于國號大秦 冉閔圍石祗于襄國

壬子 石祗將劉顯攻冉閔不克斬祗首送鄴又自僭號

前秦皇始元年 前燕元璽元年

苻健稱帝長安改元皇始是為前秦 冉閔破襄國殺劉顯遷其民于鄴

姚弋仲卒子襄率眾歸晉屯譙城

燕救石祗攻冉閔閔留其將蔣幹與太子智守鄴
自與燕戰敗慕容恪執冉閔歸送慕容儁殺之遂
破鄴

晉督統謝尚詒蔣幹得傳國璽歸于晉

慕容儁自和龍徙中山詐稱得璽改元元璽是為
前燕

癸丑 晉以張重華為涼州牧 冬十一月張重華卒子

曜靈立年十歲嬖臣趙長廢之立其叔父張祚祚

逞虐弑重華妻裴氏

甲寅 涼張祚和平元年

八代紀要 卷之十三 五

張祚自稱涼王改元和平

殷浩以罪免為戍人徙信安卒 桓溫伐秦不利

而還 姚襄叛降于燕

乙卯 前秦苻生壽光元年
涼張玄靚太始元年

前秦苻健卒年三十九偽諡明皇帝廟號高祖太

子苻生立改元壽光 癸惑入東井苻生殺其后

梁氏太傅毛貴梁楞梁安以應之又殺丞相雷弱

兒及其九子二十七孫

涼張祚暴虐眾欲復立曜靈祚殺曜靈涼人遂弑

祚立曜靈弟玄靚年七歲改元太始

丙辰 桓溫為大都督討姚襄破之襄走據襄陵溫入洛
陽修諸陵

苻生殺其司空王墮 張玄靚稱藩于苻生

丁巳 升平元年 秦苻堅永興元年
燕光壽元年

春正月帝冠太后歸政 夏六月三月並出幸入

紫微 燕慕容儁徙居鄴發石虎墓無屍購得之

數其殘酷投之漳水

秦太史令康權以天變告苻生生怒撲殺康權又

欲殺東海王堅堅知之乃弑生以位讓其庶兄清

河王法法不受堅乃自立去帝號稱大秦天王大

八代紀要 卷之十三 六

赦改元永興立子宏為太子以法為丞相弟融為

陽平公子不為長樂公王猛為中書侍郎

冬十一月秦太后苟氏與李威謀賜法死苻堅與

法慟哭而訣封其子陽為東海公

按苻生在位殺人無算剝人面皮使之歌舞告

賊者剝出其心諫者鑿其頂而殺之虎狼食人

則曰天助我殺之耳錘鉗鋸鑿不離左右群臣

得保一日如度十年悖亂如此苻堅若守義不

取則東手就戮而死無益於國矣尹氏乃謂微

子比干寧忍絕祀不敢取而代之以是責堅是

以聖賢之道責夷狄也不亦迂哉

戊午 次飛督王饒獻鴝鳥帝鞭饒焚之

己未 前秦苻堅攻元甘露

庚申 前燕建熙元年

桓溫以謝安為征西司馬

前燕慕容儁卒年四十二偽諡景昭皇帝廟號烈

祖子暉繼是為幽帝改元建熙

仇池公楊駿卒子世嗣

辛酉 夏五月帝殂年一十九葬永平陵廟號孝宗成帝

子琅邪王丕即位年二十一

人代紀要 卷之十三 七

涼張玄靚稱晉升平年號

壬戌晉哀帝 隆和元年

桓溫請遷都洛陽以孫綽言不行

癸亥興寧元年 涼張天錫太清元年

加桓溫大司馬都督中外諸軍錄尚書事

涼張天錫弑其君玄靚而自立改元太清

甲子 帝餌方士藥有疾太后攝政 以王述為尚書令

秦以張天錫為西平公

燕遷宗廟百官于鄴

乙丑 春三月帝殂年二十五葬安平陵弟奕即位是為

海西公

燕兵陷洛陽將軍沈勁死之

丙寅晉帝奕 太和元年

以會稽王昱為丞相錄尚書事加殊禮

丁卯 燕慕容恪卒

戊辰 桓溫自加殊禮位諸侯王上

晉以仇池公楊世為秦州刺史

己巳 桓溫伐燕失利于枋頭徙鎮廣陵

是年秦取洛陽

燕以慕容冲為大司馬

人代紀要 卷之十三 八

燕慕容垂奔秦以為冠軍將軍

庚午 廣漢李弘詐稱李勢子自稱聖王年號鳳凰

冬十一月秦王堅破鄴執燕王暉封新興侯遷鮮

卑四萬戶于長安前燕亡

前燕慕容廆晉元帝大興二年據遼東傳子皝

成帝咸康三年丁酉稱燕王傳子儁穆帝永和

八年稱帝龍都升平元年遷鄴至是為苻堅所

滅凡三世三十四年稱帝一十九年

辛未晉簡文帝 咸安元年

十一月桓溫以郗超之謀入朝廢帝為東海王立

元帝子會稽王昱年五十二自為丞相鎮姑孰專制又降帝為海西公室其三子及母

先是熒惑守太微至是又逆行入太微

張天錫降于秦

代將長孫斤謀弑代王什翼犍太子寔格之傷脇卒妻賀氏遺腹生子珪

秦滅仇池公楊纂

壬申夏四月桓溫遷海西公於吳縣秋七月帝殂年

五十三謚簡文葬高平陵廟號太宗子昌明立年

十歲褚太后稱制

人代紀要

卷之三

九

秦以王猛為相

癸酉並是孝武帝 寧康元年

大司馬桓溫來朝百官拜於道側秋七月桓溫

卒以其弟桓冲為都督揚豫江州軍事冲稱溫遺

命立溫少子玄為嗣年五歲襲封南郡公以王

彪之為尚書令謝安為僕射王坦之為中書令領

丹陽尹

甲戌蜀人張育自稱蜀王改元黑龍秦討平之

乙亥秦苻堅老莊圖識之學秦王猛卒

丙子太元元年

帝加元服太后歸政

涼張天錫降于秦前涼亡

前涼張軌自晉愍帝建興二年為涼州牧至張

天錫凡九主六十三年為苻堅所滅今陝西涼

州衛是其故治

代庶子寔君弑什翼犍國亂孫珪依母氏賀訥秦

平代分為二部河以東屬劉庫仁河以西屬劉衛

辰珪依庫仁

丁丑朱序為梁州刺史

高句麗新羅西南夷皆遣使入貢于秦

人代紀要

卷之三

十一

乞伏司繁卒子國仁立是為西秦

乞伏氏本鮮卑乞伏部之裔

戊寅郝超死王彪之卒

秦却大宛貢馬

己卯秦兵陷晉襄陽執朱序歸以為度支尚書

庚辰

辛巳立佛精舍於內殿

壬午東夷西域六十二國朝貢于秦

秦徙鄯銅駝馬飛廉翁仲于長安遣呂光擊西域

癸未秦王苻堅舉國入寇都督謝石冠軍將軍謝玄大

破其兵於肥水殺其將苻融堅中矢走朱序張天錫歸晉加謝石尚書令謝玄前將軍固辭不受

按肥水之捷雖夫祐晉室是非常之功也石玄不受爵賞賢於後世之矜功自伐者遠矣

秦將乞伏國仁據隴右叛丁零翟斌起兵攻洛陽秦遣慕容垂討之垂遂與斌合叛秦

甲申

後燕慕容垂燕元元年 西燕慕容冲燕興元年 後秦姚萇白雀元年

慕容垂自稱燕王于中山改元燕元以翟斌為河南王尋殺之

南王尋殺之

垂前燕慕容皝第五子也墮馬折齒名缺後改

本代紀要

卷之十三

十二

名垂封吳王為慕容暉所忌奔秦為苻堅將堅敗垂所部兵獨全或勸垂殺堅垂不從以兵屬

堅後遂有異志是為後燕

慕容泓起兵華陰稱王改元燕興進攻長安慕容

容暉苻堅乃殺暉燕將以泓無德望弑之立其弟

冲

慕容泓暉諸弟也封濟北王燕亡為北地長史

冲泓之弟也其姊清河公主年十四有殊色堅

納之冲年十二堅又幸之姊弟專寵王猛切諫

乃出居長安至是約暉內應恢復是為西燕

姚萇起兵北地自稱秦王改元白雀

萇弋仲之子也討慕容泓兵敗懼誅遂叛是為

後秦

燕慕容興文在劉庫仁所庫仁欲救苻丕興文遂

殺庫仁竊其駿馬奔燕庫仁弟頭眷代立

晉謝玄遣劉牢之將兵救鄴且饋之粟

按苻堅入寇晉室幾亡乃發兵救之又饋之粟

是以德報怨矣况夷狄亂華非隣國之比自相

攻擊中國之利也譬若禽獸相噬救之何為

乙酉

西燕慕容冲更始元年 後凉呂光太安元年 前秦苻丕太安元年 西秦乞伏國仁建義元年

本代紀要

卷之十三

十三

劉牢之敗還太保謝安卒謚文靖

慕容冲稱帝于阿房改元更始居平陽冲兵入長

安大掠苻堅奔五將山秋七月姚萇破五將山

執苻堅求禪代不許問璽曰已送晉遂縊殺堅於

新平佛寺謚曰壯烈天王年四十八堅子丕自立

于晉陽改元太安偽謚堅為世祖宣昭皇帝

劉庫仁子劉顯弑頭眷自立欲殺拓跋珪珪奔賀

蘭部

苻堅將呂光破西域諸國欲留龜茲西僧鳩摩羅

什勒之東還乃以駝二萬餘頭致外國珍寶珍禽

怪獸駿馬萬餘匹入姑臧聞堅死乃殺梁州刺史
梁熙而自立建元曰太安

呂光羗種也是為後涼

乞伏國仁據金城自稱大單于改元建義

國仁鮮卑乞伏部種是為西秦

燕以慕容農為幽州牧守龍城

丙戌

魏拓跋珪登國元年 後燕慕容垂建興元年
西燕慕容永中興元年 秦苻登太初元年
前凉張大豫鳳元年

封孔靖之奉聖亭侯 海西公奕卒于吳

冒頓拓跋什翼珪復立為代王建元登國是為後

八代紀要

卷之三

十一

魏道武皇帝徙都盛樂改國號魏盛樂雲中郡也
音成洛括地志

日故城在并
州新興縣

是為北朝之始

後燕慕容垂稱帝于中山改元建興

西燕人怨慕容冲將軍韓延因衆心殺之而立燕

將段隨改元昌平 慕容恒慕容永誅段隨立宜

都王子顥改元建明 恒弟韜弒顥立冲之子瑤

改元建平 永又弒瑤立慕容泓之子忠改元建

武 忠又被弒慕容永乃立為河東王改元中興

稱帝于長子將以恭后楊氏為上夫人楊引劍刺

之為末所殺

抱罕諸氏立苻堅族孫苻登為雍河二州牧請命

于不封南安王 苻不為慕容永所敗走晉東垣

晉將馮該斬之登遂稱帝改元太初

前凉張天錫子張大豫稱凉州牧改元鳳凰保據

陽塢 呂光自稱酒泉公

丁零翟斌子翟遼據黎陽

丁亥 徵處士戴逵不至 立子德宗為太子

慕容垂之子桑及孫盛會自長子逃歸

魏破劉顯顯奔西燕

八代紀要

卷之三

十四

呂光殺張大豫

戊子

西秦乞伏國仁太初元年
魏天王翟遼建興光元年

康樂公謝玄卒謚獻武

翟遼稱魏天王改元建光

西秦乞伏國仁卒偽謚宣烈王廟號烈祖弟乾歸

立改元太初徙都金城

己丑

呂光麟嘉元年

范甯為豫章太守

呂光自稱三河王改元麟嘉

姚萇襲破苻登輔重執登妻毛氏不屈而死

秦苻登以乞伏乾歸為金城王

庚寅 以王恭都督青兗幽并冀五州軍事

辛卯 魏殺劉衛辰其少子勃勃奔薛千部

翟遼卒子釗代立改元定鼎

壬辰 以殷仲堪都督荆益寧三州軍事

燕破翟釗釗奔西燕

癸巳 秦丞相竇衝叛自稱秦王改元元光

姚萇卒年六十四偽謚武昭皇帝號太祖子興嗣

帥師攻秦

是年西燕殺翟釗

人代紀要

卷之三

五

甲午

後秦姚興皇初元年

後秦姚興擊苻登殺之登子崇奔于澤中興始

為萇發喪稱帝改元皇初

前秦苻洪據長安子健於晉穆帝永和七年稱

天王八年稱帝子生為苻堅所殺堅敗子丕稱

帝于鄴為慕容末所殺丕子登復稱帝隴東為

後秦所滅凡五主四十四年

後燕慕容垂攻拔長子殺慕容永西燕亡

西燕自晉孝武大元十年苻堅敗慕容冲稱帝

八年而為慕容垂所滅中間半年之間連弑四

主不足稱國也

呂光以禿髮為孤為河西都統

禿髮為孤河西鮮卑人與後魏同出八世祖疋

孤自塞北遷河西疋孤子壽闡產於被中土俗

謂被為禿髮遂以為姓此南凉之始

乙未

禿髮為孤徙廉川

興元府廉水縣

丙申

後凉呂光龍飛元年

秋九月帝戲所幸張貴人以年當廢因醉寢清暑

殿貴人以被蒙弑之假云暴崩年三十五謚孝武

聖隆平陵廟號烈宗太子德宗立年十五歲會稽

人代紀要

卷之三

十六

王道子進位太傅

是年二月後燕慕容垂襲魏平城死于上谷年七

十一偽謚成武皇帝號世祖子寶立寶前後段氏

所生也為太子荒怠繼后段氏嘗謂垂別擇賢者

寶衛之及即位使人謂段氏宜早自裁以全段宗

段氏遂自殺寶愛其少子策立為太子後燕

以慕容德為冀州牧守鄴慕容農為并州牧守

晉陽

後凉呂光稱大凉天王改元龍飛

拓跋珪大舉伐燕取并州慕容農敗走

是年晉封楊盛為仇池公

西晉安帝隆安元年

北涼沮渠蒙遜神璽元年
南涼秃髮烏孤太初元年

春正月帝冠左僕射王國寶與將軍王緒惡王

恭殷仲堪欲奪其兵權恭舉兵向關挾道子斬緒

賜國寶死始罷兵

後燕慕容寶群盜擊破魏軍燕兵忽自亂大敗

朝臣將卒多降于魏燕王寶奔入其庶長子慕容

會軍會作亂奔中山慕容詳誅之詳遂稱帝于中

山慕容麟殺詳代立魏襲中山麟奔鄴

北涼沮渠蒙遜起兵攻拔臨松據金山推建康太

人代紀事

卷之十三

七

守段業為主以象鼻之段業自稱建康公改元神

璽是為北涼

沮渠蒙遜臨松盧水胡也先是為匈奴左沮渠

以官為氏蒙遜伯父羅仇魏弼為呂光將為光

所殺蒙遜乃起兵說建康太守段業曰呂氏政

衰瓦鮮奈何以蓋世之才欲忠于垂亡之國欲

屈府君撫臨鄙州業從之遂稱涼州牧建康公

是為北涼段業京兆人

秃髮烏孤自稱大單于西平王改元太初取金城

居樂都是為南涼

戊戌

後燕建平元年
魏天興元年

南燕慕容德元年

晉王恭殷仲堪楊佺期桓玄反陷江州加會稽王

道子黃鉞討之恭司馬劉牢之斬恭降以牢之都

督青兗七州軍事桓玄為江州刺史楊佺期為雍

州刺史以殷仲堪督荆益軍妖人孫泰談養生

術聚眾作亂會稽王道子誘斬之其兄子恩逃入

海愚民以泰神說不死爭資給之

後燕范陽王德徙居滑臺稱燕王是為南燕殺慕容

容麟後燕尚書蘭汗弒其主寶自立改元青龍

長樂王盛平之稱帝改元建平

人代紀事

卷之十三

十八

魏遷都平城稱帝始建宗廟社稷制作禮樂定律

考象束髮加帽改元天興

己亥

北涼沮渠蒙遜元璽元年

後涼呂纂咸寧元年
秦弘始元年

以元顯為揚州刺史尋錄尚書事顯聚歛實踰帝

室

桓玄舉兵反攻江陵殺殷仲堪楊佺期孫恩寇

會稽殺內史王凝之謝琰劉牢之討之以琰為會

稽太守

魏分尚書諸曹置五經博士大索書籍

南涼秃髮烏孤徙治樂都烏孤墮馬傷死偽諡武

王號列祖弟利鹿孤立徙居西平

北凉段業自稱涼王改元天璽

後秦姚興以災異去帝號降稱秦王改元弘始

後凉吕光疾以子紹為天王自號太上皇以庶長

子纂為太尉弘為司徒尋卒偽諡懿武皇帝廟號

太祖纂以兵入紹自殺纂弟弘兵強讓弘弘不受

纂即偽位改元咸寧

後燕慕容盛改元長樂

是年僧法顯從後秦入西域

庚子 南京利鹿孤建和元年 南燕慕容備德建平元年 西凉李嵩庚子元年

人代紀要

秦主

元

以桓玄都督荆江八州軍事荆州刺史 孫恩復

寇會稽太守謝琰敗死恩轉寇臨海劉牢之討之

恩走入海

魏拓跋珪立慕容氏為后克中山擄慕容寶之女

也

魏置儒人博士

南凉秃髮利鹿孤改元建和

後燕慕容盛貶號廢人天王

後凉吕弘作亂纂殺之

西秦乞伏乾歸為後秦姚興所破奔南凉待以上

賓畏為所害遂降于姚興

南燕慕容德稱帝更名備德改元建平

北凉段業以隴西李嵩為敦煌太守嵩自稱凉公

是為西凉是敦煌改元庚子

辛丑

後凉吕纂神鼎元年 北凉沮渠蒙遜永安元年 後燕慕容熙光始元年

孫恩寇海鹽劉裕討破之又寇丹徒北陷廣陵劉

裕破孫恩於郁洲 桓玄表其兄偉鎮下口

後秦姚興釋乞伏乾歸還死川

後凉吕纂宴群臣吕超以劒弑纂立纂兄隆改元

神鼎問董於秦后楊氏曰已毀之楊氏有美色超

人代紀要

秦主

辛

欲悉之楊自殺

南凉秃髮利鹿孤擊吕隆徙其民二千户吕隆降

于後秦

北凉沮渠蒙遜弑段業自稱張掖公改元永安是

謂武宣王

後燕段璣作亂弑其君盛丁太后廢太子定而立

叔父熙捕段璣誅之平原公元及太子定俱賜死

熙垂之少子丞丁后故得立改元光始偽諡盛為

昭武皇帝號中宗

是年姚興稱西秦王 南京北凉西凉俱入貢于

後秦

壬寅元興元年

南京禿髮傉檀弘昌元年

正月改元

以元顯為大都督討桓玄玄遂反劉

牢之附于玄玄兵入京自為太尉總百揆殺元顯

以牢之為會稽內史牢之自殺孫恩寇臨海太

守辛景擊破之恩赴海死從死者百數謂之水儼

復推恩妹夫盧循為主桓玄欲撫安東土以循為

永嘉太守桓玄殺會稽王道子

南京禿髮利鹿孤卒偽謚康王弟儁檀立始稱京

王改元弘昌徙居樂都

人代紀要

卷之三

三

後燕慕容熙納符謨二女有寵丁后怨恚謀廢立

事覺遁令自殺

是年桑然據漠北稱可汗

癸卯太亨元年

桓玄自為相國加九錫封楚王冬十一月篡位

更號楚改元永始廢帝為平固王遷于尋陽

魏拓跋珪初制冠服

後燕慕容熙作龍騰死

後秦姚興徵呂隆為散騎常侍後涼亡

後涼自呂光以晉孝武大元十年乙酉據姑臧

甲辰

傳四世一十四年為後秦所滅

今涼州衛東姑臧在河西屬武威郡

魏天賜元年

劉裕起兵討桓玄玄挾帝入江陵寧州都護馮遷

誅玄乘輿反正盧循陷番禺其妹夫徐道覆陷

始興魏改官制改元天賜

南京禿髮傉檀去年號罷尚書官稱藩于秦

後燕慕容熙作逍遙宮冬與妻苻氏遊太原白鹿

山士卒為狼虎所害及凍死者五千餘人

乙巳義熙元年

正月西涼李嵩建初元年南燕慕容超太上年

春正月改元以劉裕都督十六州軍事出鎮京

人代紀要

卷之三

三

口以賊盧循為廣州刺史益州刺史毛璩

起兵討桓振表殺璩立參軍譙縱為主稱成都王

帝還建康

後秦以胡僧鳩摩羅什為國師翻譯佛書

南燕慕容備德卒年七十偽謚獻武皇帝潛葬山

谷兄子超嗣位改元太上

西涼李嵩改元建初奉表于晉

丙午

孔安國為尚書左僕射

丁未

北燕高雲正始元年夏赫連勃勃龍升元年

劉裕殺東陽太守殷仲文及桓冲孫胤夷其族

後燕慕容熙妻符氏嘗李夏思凍魚膾冬思生地

黃須有司不得俱加大辟符氏死悲號辟踊若喪

考妣驗群臣無淚者罪之兄慕容隆妻張氏慕容

將以爲殉以事賜死衛中將軍馮跋推熙養子慕容

容雲爲主弑之雲即位復姓高改元正始是爲北

燕僞謚熙爲昭文皇帝

後燕自慕容垂以晉孝武大元八年僭立傳寶

盛熙九三三二十四年爲高雲所篡今保定府是其所治

南燕慕容超稱藩于秦

人代紀要

卷之三

三十一

後秦以乞伏乾歸爲主客尚書

後秦將赫連勃勃自稱夏天王居統萬改元龍昇

赫連勃勃匈奴右賢王去卑之後劉淵之族勃

勃即劉衛辰少子自以爲赫連連天改姓赫連

又以夏后氏之後故國號夏能統御萬民故居

名統萬

南凉嘉平元年

劉裕自爲揚州刺史錄尚書事

南京禿髮傉檀復稱王改元嘉平

南燕汝水竭

己酉

魏永興元年 西秦更始元年
北燕馮跋太平元年

劉裕伐南燕 後秦封譙縱爲蜀王

魏主珪欲立劉貴人子齊王嗣爲太子先賜其母

死嗣性孝號泣逃避賀夫人子紹克狠無賴素爲

魏主所惡紹夜與宦者宮人通謀踰垣入宮弑魏

主嗣聞變率衛士誅紹及賀氏皆齧食之遂即位

改元永興珪被弑年三十九謚宣武皇帝後改謚

道武廟號太祖塋盛樂金陵

初拓跋珪見賀太后之妹有美色密令人殺其

夫而納之生子紹極惡珪欲殺之遂爲其所弑

人代紀要

卷之三

三十一

珪知習衣冠禮樂而所爲若此蓋夷狄之俗也

若太子嗣不忍母之死而號泣逃避可謂孝矣

故備書之以見夷俗之難變人性之本善也

西秦乞伏乾歸自秦逃歸復稱王改元更始

北燕高雲爲其寵臣離班桃仁所弑馮跋殺班仁

自立改元太平

庚戌

劉裕克南燕執慕容超送建康斬之南燕亡

南燕慕容德於晉安帝隆安二年戊戌僭號傳

子超凡二世共十四年爲劉裕所滅居鄯今章德府

劉裕自爲太尉中書監加黃鉞復辭官受鉞

南京禿髮儁檀攻北京沮渠蒙遜敗績遷于樂都
辛亥 劉藩克始興誅徐道覆 劉裕受太尉中書監之

命

交州刺史杜慧度誅盧循

西秦乞伏乾歸復降于後秦

壬子

西秦乞伏熾磐永康元年
北涼玄始元年

以劉毅都督荆寧秦雍軍事 劉裕襲荊州殺劉

毅 劉裕自加太傅揚州牧復辭不受

西秦乞伏乾歸為其兄子乞伏公府所弑走保大

夏世子熾磐討平之自立為河南王改元永康謚

人代紀要

卷三

三五

乾歸為武元王遷都枹罕

北京沮渠蒙遜遷姑臧稱河西王改元玄始始置

官僚

癸丑

夏鳳翔元年

劉裕殺豫州刺史諸葛長民 劉裕遣朱齡石等

平蜀譙縱走死 夏赫連勃勃築統萬城改元鳳

翔

甲寅

魏改元神瑞

南涼唾契汗乙弗部叛儁檀帥師討之留太子虎

臺守樂都

西秦乞伏熾磐襲樂都徙虎臺及其民萬餘戶于
枹罕儁檀遂殺熾磐待以賓禮後復醜之并殺虎
臺南涼遂亡

南涼禿髮烏孤以晉安帝隆安元年僭立傳利

鹿孤儁檀三世共一十九年為西秦所滅今西寧衛

是其
所治

是年秦然步鹿真逐其可汗斛律而自立大檀殺

而代之 是年僧法顯自西域還

乙卯

慧星二見 霍山崩出銅鐘六枚

熒惑在匏瓜中不見八十餘日復出東井

人代紀要

卷三

三六

是年河西飢胡推白亞栗斯為單于改元建平

丙辰

魏秦常元年
後秦姚泓永和元年

劉裕自加相國揚州牧封宋公備九錫復辭

後秦姚興卒年五十一偽謚文桓皇帝廟號高祖

太子泓立改元永和

四月魏改元泰常

丁巳

西涼李歆嘉興元年

劉裕遣王鎮惡等伐秦克長安姚泓子佛念年十

一勸泓引決泓不應佛念自投官墻而死泓出降

執歸建康斬之後秦遂亡

後秦姚萇晉孝武太元九年僭立傳興弘凡三

世共三十二年而為劉裕所滅先據北地後都長安

劉裕進爵為王辭不受

西涼公昌卒謚武昭王世子歆嗣改元嘉興

夏昌武元年

戊午

慧星入太微進掃紫微 夏六月劉裕始受相國

宋公九錫之命 冬十二月劉裕使王韶之以散

衣縵帝于東堂弑之立琅邪王德文

是年晉以西涼公李歆為鎮西大將軍以北京王

沮渠蒙遜為涼州刺史

人代紀要

卷之三

七

夏主勃勃稱帝于長安改元昌武

己未晉恭帝

元熙元年

夏真興元年

劉裕殺晉宗室有才望者司馬楚之據長社裕使

沐謙刺之謙不忍殺轉屯栢谷塢 劉裕自加殊

禮進太妃為太后世子為太子

夏主勃勃徵隱士韋祖思惡其過禮殺之

夏主勃勃遷統萬改元真興

人代紀要卷之十三

人代紀要卷之十四

明吳興顧應祥編集

大埔黃宸校刊 汪隆湯明善

牽生倪佩同校

庚申宋武帝永初元年

西秦乞伏熾磐建弘元年西涼李歆永建元年

夏六月劉裕篡代晉命國號宋廢帝為零陵王以

兵守之

東晉自元帝於丁丑年即位建康傳一十一主

至庚申年為劉裕所篡共一百三年東西二晉

共一百五十五年

人代紀要

卷之十四

一

北涼沮渠蒙遜誘西涼出戰殺李歆西涼遂亡歆

弟恂奔入敦煌稱刺史改元永建

西秦乞伏熾磐改元建弘

辛酉 秋八月立子義符為皇太子

九月劉裕弑零陵王年三十六

劉裕使琅邪郎中令張偉以毒酒酖零陵王偉

曰酖君以求生不如死乃自飲而卒王每生男

輒令其妃兄弟褚秀之淡之殺之王慮禍與妃

共處一室煮食牀前不得間隙裕乃令褚淡之

往視妃出別室相見兵遂踰垣而入進藥王不

肯欲曰佛教自殺者不復得人身乃以被掩殺之裕復率百官臨于朝堂三日謚晉恭帝堊冲平陵曹丕代漢封漢帝協為山陽公司馬炎代魏封魏主為陳留王俱未嘗加害竊人之國而又弑其王者自劉裕始裕之不仁甚矣北凉沮渠蒙遜屠敦煌殺李恂

西凉李暠晉安帝隆安四年稱凉公傳歆恂共二十二年而亡

壬戌夏五月帝殂年六十七謚武皇帝堊初寧陵廟號高祖太子義符即位年十七

人代紀要

卷之十四

二

魏立子肅為太子

是年宋封楊盛為武都王

癸亥宋少帝景平元年

冬十一月魏主殂年三十二謚明元皇帝廟號太宗太子肅即位是為世祖太武帝嵩山道士寇謙之說言嘗遇老子降命繼張道陵為天師崔浩深信之言於魏主立天師道場受符

張道陵之教曹操啓其源而魏太武與崔浩助其瀾遂為千古不磨之典邪術之易於惑人如此

甲子宋文帝元嘉元年魏太武帝始光元年

春正月宋徐羨之等奏廢廬陵王義真為庶人張約之論救被殺

夏五月徐羨之傅亮謝晦廢宋主義符為營陽王弑之并殺義真迎立武帝第三子宜都王義隆立之年一十八改元元嘉以謝晦行都督荆湘等州軍事徐羨之為司空

宋主義符荒淫無度徐羨之欲廢主以廬陵以次當立乃先廢義真時義符方在華林園沽賣為樂醉寢龍舟徐羨之等約檀道濟兵入扶出

人代紀要

卷之十四

三

收璽綬以太后令數其過惡廢為營陽王送故太子宮使邢安泰弑之宋主有力突出追者以門關培弑之按霍光廢昌邑王昌邑乃光所立者然亦送還本國而已義符乃武帝所立徐羨之等顧命之臣也不聞規正之言遂行廢立之舉又以門關培而弑之若犬豕然豈為人臣之道乎

乙丑

夏主赫連昌承光元年

宋主始親政

魏主尊其保母竇氏為保太后奉之不異所生

夏主赫連勃勃卒子昌立改元承光

北燕女子化男

武都王楊盛卒子玄嗣

丙寅 宋主與僧慧琳議朝政人謂黑衣宰相

宋誅徐羨之傅亮謝晦舉兵及宋主親討誅之

子劭生 宋以謝靈運為秘書監顏延之為中書

侍郎

魏立太學祀孔子以顏回配

丁卯 晉處士陶潛卒

魏克夏統萬夏主昌走上邽

人代紀要 卷之十四

魏封楊玄為南秦王

戊辰 魏神麴元年西秦乞伏暮末承弘元年 北凉承玄元年 夏赫連定勝光元年

天竺國遣使入貢于宋

春二月魏改元

魏執夏主昌歸以妹妻之賜爵會稽公

夏赫連定稱帝平凉復取長安改元勝光

西秦乞伏熾磐卒子暮末立改元承弘

己巳 宋以弟彭城王義康為司徒錄尚書事

江夏王義恭都督荆湘等州軍事

立子劭為太子

魏崔浩勸魏主北伐

魏主伐柔然紇升蓋可汗大檀敗走憤悒而卒子

吳提立號敕連可汗

楊玄卒弟難當廢其子保宗而自立

庚午 宋以楊難當為武都王

鑄四銖錢

林邑入貢

北燕馮跋卒弟弘殺太子翼自立

辛未 北燕馮弘太興元年 北凉義和元年

魏以崔浩為司徒 定律令

人代紀要 卷之十四

北燕馮弘改元太興

夏伐西秦俘乞伏暮末殺之西秦亡

西秦乞伏國仁於晉孝武大元十年僭位傳乾

歸熾磐暮末凡四十六年為夏赫連定所滅今陝西臨洮府

夏伐北凉吐谷渾王慕璜襲敗之執赫連定以歸

北凉改元義和入貢于魏

壬申 魏延和元年

益州人趙廣等作亂推程道養為蜀王改元泰始

魏尊保太后為皇太后赫連氏為后以子晃為皇

太子改元延和

吐谷渾送夏主于魏殺之夏亡

夏赫連勃勃晉安帝義熙三年僭號傳昌定凡

二十六年而亡勃勃先據朔方今寧夏衛後取長安稱帝

癸酉

北凉沮渠牧犍永和元年

裴方明討趙廣等平之謝靈運放逸獲罪棄市

廣州

北凉沮渠蒙遜卒年六十六謚武宣王子牧犍繼

改元永和

甲戌

北凉沮渠牧犍奉表于宋

人代紀事

卷之十四

六

北燕馮弘稱藩于魏

乙亥

魏太延元年

西域九國入貢于魏龜茲疏勒烏孫悅般揭婁陀鄯善焉耆車師粟特

北凉有神授書于敦煌東門

北燕馮弘為魏所攻復稱藩于宋封燕王

丙子

造水運渾儀

宋主疾以疑忌殺司空檀道濟并其子十一人

魏攻燕馮弘奔高麗北燕亡

北燕馮跋晉安帝義熙五年襲高雲位傳弘凡

二十六年而亡今永平府昌黎縣

楊難當自稱大秦王改元建義降于魏

吐谷渾王慕璜卒弟慕利延立

丁丑

西域十六國朝貢于魏

戊寅

宋立玄史文儒四學徵豫章處士雷次宗開館于

鷄籠山教授除給事中不受還廬山

高麗殺北燕主馮弘

己卯

太子劬冠

北凉牧犍降魏北凉亡

北凉沮渠蒙遜以晉安帝隆安五年弒段業稱

張掖公義熙八年僭立傳牧犍凡三十九年而

人代紀事

卷之十四

七

亡張掖今甘肅州衛

魏以楊保宗為武都王命崔浩高允修國史

庚辰

宋元嘉十七年魏太平真君元年稱南北朝始此

劉湛有罪誅以彭城王義康為江州刺史以兵守

之

魏以寇謙之神書之文改元太平真君

辛巳

壬午

宋平楊難當宋以沮渠無諱為河西王

魏以李寶為敦煌公魏主賜尚書李順死

魏主詣道壇受符籙作靜輪宮

癸未 魏殺武都王楊保宗

宋立楊保宗弟文德為武都王

甲申 宋以江夏王義恭為太尉

是年柔然救連可汗卒子吐賀真立為處羅可汗

敦煌公李寶朝魏

魏禁私養沙門巫覡罷祀胡僧

沮渠無諱卒弟安周代

乙酉 宋以武陵王駿為雍州刺史

散騎侍郎孔熙先以圖讖與太子詹事范曄謀弑

逆欲立彭城王義康事覺伏誅廢義康為庶人徙

人代紀要

卷之十四

八一

安城郡

宋行何承天元嘉曆

魏詔以經義決疑獄 魏廬水胡蓋吳友

丙戌 宋築北隄立玄武湖

魏主討蓋吳 誅沙門毀佛像於佛像中得王璽

二

崔浩素不信佛每言於魏主欲除沙門魏主至

長安入佛寺見大有兵器怒曰此非沙門所用

必與蓋吳通謀命有司閱其財產得釀具及窟

室婦女崔浩因勸魏主盡誅境內沙門及毀經

像詔自今以後有事胡神造泥人銅人者門誅

太子是素好佛法緩宣詔書使遠近豫聞沙門

多亡匿獲免或收藏書像惟塔廟無復子遺按

髡徒無父無君聖王之所必誅者魏主先有禁

令不許私養沙門巫覡過二月十五日不出者

沙門巫覡死主人門誅却乃恬不知畏而又蓄

兵器藏婦女併其所謂清淨慈惠者而背之安

得而不誅哉為佛氏之徒者又倡為一說以魏

主與浩因毀佛而得禍獨不思太子是信佛而

不獲福庇何耶雖然浩之不信佛法似矣至於

人代紀要

卷之十四

九

寇讖之之符籙又獨尊信之燭理未明同歸於

邪而已

丁亥 魏殺沮渠牧犍

戊子 宋以武陵王駿為徐州刺史

青州城南地中如水有影謂之地鏡

己丑 宋雍州蠻反

魏伐柔然大獲

庚寅 宋沈慶之平雍州蠻以軍興減百官俸三之一

魏殺崔浩夷其族高允以直獲免

辛卯

魏正平元年

宋主殺其弟義康

夏六月魏改元正平

魏太子晃為中常侍宗愛所搆以憂卒後謚景穆
皇帝廟號恭宗

壬辰

魏文成帝興安元年

春三月宋太子劭始興王濬巫蠱事覺赦不誅

宋主欲宮中親蠶吳興女巫嚴道育善妖術役
鬼物假以善蠶因東陽公主婢王鸚鵡入主第

劭與濬多過失被宋主詰責乃陰與道育鸚鵡
及公主奴陳天興黃門陳慶園合謀琢玉為宋

本代紀要

卷之十四

十一

主形埋於殿庭以為魔呪鸚鵡先與天興私通
既而公主卒鸚鵡應改嫁劭恐事泄乃以鸚鵡
嫁濬府佐沈慶遠為妾而密殺陳天興以絕口
慶園慮將及已乃白宋主藉鸚鵡家得所為符
書及掘得王像窮究其事道育亡匿為尼劭濬
惶懼陳謝赦之

是年春二月魏主肅追悼太子晃不已中常侍宗
愛懼誅遂弑魏主祕不發喪僕射蘭廷和疋薛提
迎秦王翰欲立宗愛素惡翰又弑之迎南安王余
立之改元承平宗愛為大司馬大將軍專政

魏主被弑時年四十五歲謚太武皇帝葬雲中金
陵廟號世祖

冬十一月魏主余惡宗愛欲奪其權宗愛知之伺
余夜登東廟密令小黃門賈周弑余又祕之郎中
劉尼密告尚書源賀等迎太子晃之子濬立之年
五歲是為高宗文成皇帝改元興安誅宗愛賈周
夷其族

魏復聽民為沙門

癸巳

春二月宋主義隆知嚴道育匿于東宮與侍中王
僧綽吏部尚書江湛僕射徐湛之尋漢魏典故議

本代紀要

卷之十四

十一

廢太子及擬所立江湛欲立南平王鐔徐湛之欲
立竟陵王誕久而不決王僧綽力勸速斷宋主不
能從以告潘妃潘妃言於濬濬馳告劭喚左衛率
袁淑右軍長史蕭斌隊主張超之等謀為弑逆袁
淑不從劭殺之是夜宋主與徐湛之屏人語至旦
燭猶未滅劭與張超之等數十人馳入超之抽刀
上殺侍衛並無一人宋主以几捍之五指皆落而
崩年四十七劭殺江湛徐湛之又遣人殺潘妃剖
其心召始興王濬及百官至遂即位改元太初謚
宋主景皇帝廟號中宗以何尚之為司空

按元亮劭謀逆之情已著宋主宜召于朝堂集百官數其罪而廢之於諸子中擇一賢者立之可也而乃與二三近臣終日議而不決又謀及婦人以致事機泄露身受弑辱為天下笑況是時東官每夜饗主而不知察先一日太史奏東南有急兵其禍不測而又不知備不惟優柔不斷而疎畧亦甚矣

三月宋元凶劭檢宋主巾箱得王僧綽啓奏收殺之僧綽弟僧虔為司徒屬人勸之逃僧虔曰吾兄奉國以忠若得同歸猶羽化也遂併殺之

本代紀要

卷之十四

十一

尹氏謂王僧綽不死於臨難之時而死於受職之後不得與袁淑江徐二子同科是固然矣愚謂不特是也方元亮弑逆之後擬改元蕭斌曰舊踰年改元以問僧綽對曰晉惠帝即位即改元劭喜而從之不過貢諛言以求容于賊子之朝耳豈能死者哉僧虔於兄弟之情則得矣獨不思兄為先帝親信之臣朝夕謀議豈無知者是元亮之所必仇者也不能討又不能去而甘心以同死不亦愚乎

夏四月宋元亮劭密書遺沈慶之殺武陵王駿慶

之勸駿與主簿顏竣起兵討劭旬日之間內外整辦人以為神夏五月入建康劭入武庫井中執之與濟及劭三子俱斬于市嚴道育王鸚鵡撲殺焚屍揚灰於江張超之為亂兵所殺衆商食其肉駿乃即位是為宋孝武皇帝改謚父為太祖文皇帝復以何尚之為尚書令

宋主忌刻遣人毒殺其弟南平王鑠

是年魏行趙敬元始曆

甲午宋世祖孝武帝孝建 魏興元元年

春二月宋江州刺史臧質以南郡王義宣及改元

本代紀要

卷之十四

十二

建平尋敗伏誅

宋立子業為皇太子 鑄孝建四銖錢

秋七月魏皇子弘生改元興光

庫夷國獻名馬于魏一角狀如麟

乙未 魏太安元年

宋沈慶之罷就第

宋帝弟武昌王渾獻號楚王改元永光廢為庶人

殺之時年十七

樊惑入南斗

春三月魏以太武景穆主附廟改元太安

丙申 宋顏延之卒竣之父也

以江夏王義恭為太宰

魏立貴人馮氏為后

魏立子弘為太子年三歲賜其母李貴人死

丁酉宋大明元年

春正月宋改元 顏竣以諫奢淫宋主不悅出為

東揚州刺史

戊戌 宋沙門曇標謀反伏誅

宋中書舍人戴法興戴明寶用事其門如市顧顗之獨不降意著定命論

人代紀要 卷之十四

十四

魏以高允為中書令

己亥 宋竟陵王誕反沈慶之討平之斬誕宋主命廣陵城中無少長咸屠之慶之奏請五尺以下全之猶殺三千餘口以沈慶之為司空

誕之反宋主激成之也然罪止一人耳一城之民何辜哉

宋築上林苑 誣殺顏竣

按宋武初起兵之時移檄四方開陳順逆皆竣之筆及至尋陽疾篤竣擁主於膝朝夕臨哭軍中文教咨稟皆為專決雖同舟之人不知主之

危疾可謂患難中之功臣矣一旦因其切諫而疎之讒言一入遂誣與竟陵同謀收付廷尉折足賜死妻子徙交州沉其男口於江宋主真不仁哉

庚子

魏和平元年

宋主以廬陵內史周朗言事切直殺之

魏改元和平復置史官

是年柔然殺沮渠安周滅沮渠氏

辛丑

沈慶之復罷就第

壬寅

宋始令沙門拜人主 宋復置官祿

人代紀要 卷之十五

卷之十五

十五

是年宋祖冲之請更造新曆不報

癸卯

宋禁專殺及擅動民興軍

甲辰

宋廢帝子業 永光 景和

夏閏五月宋主殂在位十一年壽三十五謚孝武皇帝廟號世祖葬景寧陵太子子業即位年十六改元永光又改景和

秋八月太后王氏崩不往視

是年柔然處羅可汗卒子牙成立號受羅部貞可

汗改元永康

乙巳宋

子業景和元年明帝泰始元年

宋主子業荒淫暴惡載法興規諫賜死江夏王義恭尚書柳元景僕射顏師伯密謀廢立為沈慶之所發子業自帥兵殺義恭并其四子收元景師伯殺之又殺新安王子鸞義陽王昶奔魏

寧朔將軍何邁尚宋主姑新蔡公主宋主納姑後官稱謝貴嬪詐言薨殺宮婢送邁殯葬邁謀立晉安王子勛事覺見殺沈慶之進諫不得見宋主令其從子沈攸之賞樂賜死仍厚卹之

宋主又幽諸父湘東王或建安王休仁山陽王休裕于內殿又召諸妃主使人辱之南平王妃不從

人代紀要

卷之十四

七

鞭妃百殺南平王敬猷廬陵王敬宣安南侯敬淵晉安王子勛起兵尋陽討子業湘東主衣阮佃夫及子業左右哥寂之等弑子業于華林園或遂即位是為明帝冬十二月即位改元泰始

是年宋徐州刺史義陽王昶懼禍奔魏尚公主賜爵丹陽王

沈慶之輔佐孝武剪除元兇可謂社稷之功矣及事昏暴之王年已八十而不知避位惡顏柳之專而發其逆謀跡雖似忠亦起於忌心之所使至於子業每出常與慶之及姊山陽公主同

輦豈大臣事君之道耶

夏五月魏主珽年二十六諡文成皇帝廟號高宗太子弘即位年十二是為顯祖獻文皇帝馮太后稱制

丙午

魏獻文帝天安元年

宋晉安王子勛自立於江州改元義嘉尋敗死宋孝武母路太后延宋主置酒進毒帝知之即以其厄為壽太后死

宋主以嬖人李道兒子昱為子立為太子

冬十月宋主殺兄子安陸王子綬等十三人

人代紀要

卷之十四

七

丁未

魏皇興元年

秋八月魏皇子宏生改元皇興

是年魏作大像高四十三尺銅十萬斤黃金六百斤

宋以金千兩贖義陽王昶子魏魏不許

戊申

宋以阮佃夫為遊擊將軍蕭道成為南兖州刺史

史

己酉 宋主殺其兄廬江王禧 臨海田流自稱東海王

魏置僧祇佛圖戶

立子宏為太子

立三等輸租法除其雜調

庚戌 宋納太子妃令百官獻臨海賊平

辛亥 魏孝文帝延興元年八月改

宋主以子幼殺其弟晉平王休祐建安王休仁巴陵王休若

秋八月魏主傳位太子宏年五歲改元延興是為

高祖孝文皇帝自稱太上皇

壬子宋恭豫元年春正月以疾不愈改元

夏四月宋主殂在位七年壽三十四謚明皇帝廟

號太宗死高祖陵太子昱即位年十歲

人代紀要 卷之十四 十八

癸丑宋蒼梧王元徽元年正月改

魏以孔子二十八代孫秉為崇聖大夫

武都王楊僧嗣卒弟文度代降魏

甲寅 宋主微行自以為李道兒之子稱李將軍

宋桂陽王休範舉兵反蕭道成擊斬之

魏罷門戶詠

乙卯

丙辰 魏承明元年六月改

宋加蕭道成左僕射

夏六月魏馮太后進毒弒太上皇年二十三謚獻

文皇帝廟號顯祖太后稱制改元承明

丁巳宋順帝 明元年七月以後 魏太和元年正月改

秋七月帝偷飲醉還蕭道成使楊王夫等弒之蕭

道成立明帝子安成王準年十一

宋荆襄都督沈攸之舉兵討蕭道成

中書監袁粲尚書令劉秉謀誅道成為褚淵所泄

敗死粲子最救父同死

春正月魏改元太和

以東海王丕為司徒

殺楊文度以其弟文弘為武都王

人代紀要 卷之十四 十九

戊午 宋蕭道成自為太尉進封齊公 沈攸之敗死

己未 齊高祖建元元年

春二月宋司空褚淵求為齊官

夏四月蕭道成逼禪位宋主不肯臨軒下詔太后

懼帥閹人索得之王敬則扶出宋主泣曰欲見殺

乎敬則曰出居別宮耳官家先取司馬家亦是如

此宋主泣曰雖後身勿生天王家也

蕭道成遂篡位改元建元是為齊太祖高皇帝廢

宋主準為汝陰王置兵守之以褚淵為司空

五月有馳馬過汝陰王之門衛士恐有為亂者奔

入殺宋主準以疾聞齊主賞之遂殺宋宗室無少長皆死

宋自劉裕庚申年六月篡位傳至準已未四月為齊蕭道成所篡凡八主五十九年宋劉裕殺晉之子孫蕭道成亦殺宋之子孫出平爾者友平爾者也

是年契丹莫賀弗勿于師部落降于魏

庚申 齊以楊難當孫楊後起為武都王

辛酉 魏沙門法秀作亂伏誅

吐谷渾王拾寅卒子度易侯立

人代紀要

卷之十四

壬

壬戌

春三月齊主殂在位四年壽五十六謚高皇帝廟號太祖太子贍即位是為世祖武皇帝

褚淵死其子賁耻父失節不仕

魏主始親祀七廟

癸亥齊武帝 永明元年春正月改元

魏子恂生馮太后以其當為太子賜其母林氏死太后撫之

禁同姓為婚

甲子

魏始班祿

乙丑

齊富陽民唐寓之以妖作亂改元興平

是年齊開學士館

是年柔然部貞可汗卒子豆嶠立號伏名敦可汗改元太平 魏詔均田

丙寅

齊平唐寓之 武都王楊後起卒種人集始立魏始服袈裟

丁卯

魏高允卒 魏出宮人罷未作

戊辰

魏詔群臣言事

己巳

魏始備大駕

庚午

魏馮太后崩素服終制

辛未

魏作明堂太廟 更立律令 親決疑獄

壬申

魏正祀典 高麗王璉卒孫雲嗣

癸酉

魏沈約撰宋書

養老于明堂以司徒尉元為三老大鴻臚游明根為五更

是年柔然弒伏名敦可汗立其叔父那蓋號侯其伏代庫者可汗改元太安

齊太子長懋卒

七月齊主殂太孫昭業即位是為鬱林王

以蕭鸞為尚書令

秋七月魏立子恂為太子年十一

追尊其父為文帝廟號世宗 營洛都

以王肅為輔國將軍

甲戌齊鬱林王隆昌 齊海陵王延興

齊明帝建武元年

春正月改元隆昌齊主昭業淫亂無道

秋七月蕭鸞弑之追廢為鬱林王迎其弟新安王

昭文立之改元延興自為驃騎大將軍錄尚書事

封宣城公尋進爵為王

冬十月蕭鸞以太后令廢齊主昭文為海陵王而

人代紀要

卷之十四

三

自立是為高宗明皇帝改元建武立子寶卷為太

子十一月蕭鸞詐稱昭文有疾遣御師往視弑

之殺鄱陽王錡等七人

魏主南巡祭比干墓 禁胡服求遺書

乙亥 魏遷都洛陽 祀園丘 魏行太和五銖錢

丙子 魏改姓元氏改群臣姓定族姓

詔群臣終三年喪 魏主廢其后馮氏為尼

魏太子恂以罪廢為庶人 魏詔漢魏晉諸陵俱

禁樵採

丁丑 魏立子恪為太子賜恂死 立昭儀馮氏為后

戊寅永泰元年四月改

齊主殺高武子孫河東王鉉等十人 夏四月齊

改元永泰 秋七月齊主鸞卒在位五年壽四十

七謚明帝廟號高宗子寶卷即位 是年齊以蕭

行爲雍州刺史

己卯齊東昏侯 春正月改元末元

齊主荒淫無度殺司空徐孝嗣

齊攻魏馬圈魏主帶疾自將敗齊師夏四月卒于

穀塘原年三十三謚孝文皇帝廟號高祖葬長陵

太子恪即位年十四是為世宗宣武皇帝彭城王

人代紀要

卷之十四

三

魏受遺輔政遺詔賜馮后死

庚辰 魏宣武帝景明元年

齊主大興工作變潘妃

辛巳魏和帝中興元年

春三月齊蕭衍立南康王寶融于江陵改元中興

是為和帝廢寶卷為浚陵王

冬十二月蕭衍行兵圍建康齊主寶卷拜將子文為

鍾山王尊為靈帝遊戲如故齊將王珍國張稷因

衆怒弑寶卷斬首送衍追廢為東昏侯

魏安國侯王肅卒

魏罷彭城王勰歸第以咸陽王為太保北海王詳為大將軍錄尚書事

人代紀要卷之十四終

人代紀要

卷之十四

三古



人代紀要卷之十五

明吳興顧

大埔黃宸校刊

江陰湯明善

庠生倪佩同校

壬午梁武帝天監元年四月以後

春正月齊蕭衍入建康自為相國封梁公加九錫進爵為王擄東昏侯妃余氏烝之

以沈約為僕射范雲為侍中

殺齊宗室湘東王寶暉并其弟寶瓚寶宏又殺邵陵王寶攸晉熙王寶嵩桂陽王寶貞鄱陽王寶

人代紀要

卷之十五

寅夜踰墻逃出奔魏

夏四月蕭衍篡齊國號梁改元天監廢齊主寶融

為巴陵王居姑孰欲以南海郡為巴陵國沈約曰

不可慕虛名而受實禍衍頷之使鄭伯禽至姑孰

以生金進寶融曰我死不須金乃醉以醇醪招殺

之又追尊為齊和帝以寶義為巴陵王

齊嬖臣孫文明等入梁宮欲復仇平之

梁立子統為太子

齊蕭道成以己未年四月篡宋位至壬午年四

月為蕭衍所篡傳七主共二十三年

癸未 梁以沈約范雲為左右僕射 梁以謝朓為司徒

梁吉盼年一十五代父死宥之

齊鄱陽王蕭寶寅至魏請兵伐梁魏封為齊王與

兵屯東城

魏以彭城王勰為太師

甲申 春正月魏改正始元年、

魏司徒北海王詳有罪幽死、梁九城備邊、

乙酉 梁初立孔子廟置五經博士立州縣學

丙戌 魏執楊紹先滅其國立東益州、魏罷塩池之禁

魏秦州王法智推呂苟兒為主改元建明

宋紀要 宋之十五

涇州民陳瞻稱王改元聖明

是年柔然庫者可汗卒子伏圖立號化淪可汗改

元始平

丁亥 梁有三象入建業

東西夷四十國修貢于魏

魏后于氏暴崩皇子昌亦卒人皆曰高肇弑之

戊子 魏永平元年 八月改

魏京兆王愉反稱帝信都改元建平李平克信都
執愉魏主欲宥愉高肇陰使人殺之又奏除李平

名

魏立高肇女貴嬪為后諧殺彭城王勰仍謚武宣

柔然佗汗可汗為高車彌俄突所殺子酈奴立號

豆羅伏跋豆伐可汗改元建昌

己丑 魏主專尚釋氏大興佛寺

庚寅 梁行大明曆祖冲之造者 作綠淮塘

魏胡克華生子詡

辛卯 梁以張稷為青冀刺史

壬辰 魏延昌元年

魏以高肇為司徒清河王懌為司空

夏四月改元 冬十月魏立子詡為太子自是不

宋紀要 宋之十五

殺太子母 元魏事凡五太子始紀其母

癸巳 梁沈約以憂懼卒謚隱侯 約夢齊和帝創割其舌

甲午 梁築淮堰

魏楊津為華州刺史

乙未 梁淮堰潰復築

春正月魏主殂年三十三謚宣武皇帝廟號世宗

至景陵太子詡即位年六歲是謂肅宗孝明皇帝

胡太后稱制 劉騰元叉輔政 廢高太后為尼

誅高肇 胡太后以女弟為女侍中

沙門法慶作亂于冀州討平之

丙申

魏孝明帝熙平元年 正月改

夏四月梁淮堰成長九里樹以楊柳軍壘列居其上下四一四一上廣四十五上廣三十五上廣十九上廣

秋九月淮堰壞聲聞三百里死者十萬餘口

魏大興佛寺

是年柔然破高車殺其王彌俄突

丁酉

梁罷宗廟犧牲

戊戌

魏神龜元年 春二月以得神龜改

魏胡太后殺太后高氏遣使西域求佛書

復鹽禁

大代紀要

卷之十五

四

巳亥

魏崔亮為吏部尚書立停年格

魏胡太后遊嵩高 魏國用不足減百官祿

高句麗王雲卒世子安立

庚子梁普通元年

正月改 魏正光元年 七月改

魏侍中元義殺清河王懌幽胡太后于北宮專政

魏主冠改元正光

是年柔然殺伏跋可汗其國人立婆羅門為可汗

弟阿那環奔魏立為蠕蠕王

辛丑

魏以宦官劉騰為司空 魏納阿那環于柔然不

克

高車擊柔然可汗婆羅門降魏分柔然為二以處婆羅門阿那環

壬寅 梁西豐侯正德奔魏逃歸

柔然婆羅門叛魏費穆擊破之執歸洛陽

癸卯 梁鑄鐵錢

魏沃野鎮民破六韓拔陵反改元真王

魏元義專利牧守令長皆貪汚故人皆思亂魏亂

始此

魏劉騰死

甲辰 魏秦州莫折念生反自稱天子改元天建

大代紀要

卷之十五

五

高平酋長胡琛反

乙巳

魏孝昌元年

梁主初納東昏侯姬吳淑媛七月而生子綜封豫

章王是年叛降于魏改名蕭贊魏主為冊陽王

夏四月魏胡太后復臨朝誅元義以嬖臣鄭儼

徐紇李神軌為中書舍人 六月改元孝昌

徐州元法僧反改元天啓 上谷杜洛周反改元

真王高歡從之 山胡劉蠡升反自稱天子改元

神嘉

丙午

魏五原鮮于脩禮反改元魯興其帥元洪業殺脩

禮降魏其黨葛榮復殺洪業自立改元大通又改廣安

丁未梁大通元年春三月梁王捨身同泰寺群臣贖還改元

魏陳郡民劉獲鄭辯反於西華改元天授尋敗

蕭寶夤殺關右大使鄺道元稱齊帝改元隆緒

是年杜粲殺莫折念生降魏

戊申

魏武泰元年孝莊帝建義元年又改永安

春正月魏潘貴嬪生女胡太后祕言生子大赦改

元武泰

二月魏胡太后自以所為不謹見魏王年長嬖臣

人代紀要

卷之十五

本一

鄭儼徐紇畏誅與太后密謀弑魏王年一十九

謚孝明皇帝廟號肅宗葬定陵初欲立潘嬪所生

偽皇子既而迎高祖孫臨洮王世子釗立年三歲

太后稱制

三月大都督爾朱榮以高歡為前鋒自太原舉兵

入立長樂王子攸是為敬宗孝莊皇帝改元建義

執胡太后及幼主釗沉于河殺王公以下二千人

自為都督中外諸軍事封太原王還洛陽專制

爾朱榮女先為肅宗嬪至是復立為后

劉先王初入蜀欲納劉瑯妻吳氏而疑於同族

法正曰論其親疎何與晉文之於子圉乎遂納

之爾朱榮之女已先為肅宗嬪矣又欲納為后

魏主疑之黃門侍郎祖瑩曰晉文公在秦懷嬴

入侍事有及經合義獨何疑焉遂從之榮其悅

佞人之可惡如此

葛榮殺杜洛周併其眾爾朱榮以將侯景為前驅

擒斬之時宇文泰在葛榮部下爾朱榮愛其才留

為統軍

秋九月以葛榮平改元永安爾朱榮自為丞相

是年河間邢杲反改元天統

人代紀要

卷之十五

七

魏胡琛將万侯醜奴稱帝改元神獸

魏汝南王悅臨海王彧北海王顥俱奔梁梁以元

顥為魏王遣將軍陳慶之將兵納之元彧還魏

魏羊侃徐紇奔梁

是時魏已有君矣納之甚無謂也

己酉梁中大通元年九月梁主再捨身於同泰寺群臣以錢贖回改元

春正月魏主追尊父彭城王勰為皇帝邢杲平

夏四月北海王顥攻拔榮城稱帝改元建武魏主

攸出走河內顥入洛陽爾朱榮自晉陽入逐顥走

死迎攸復位榮自為天柱大將軍

庚戌

魏更興元年
主辟建明元年

梁蕭贊死于魏柩歸葬以子禮 梁復以汝陽王

元悅為魏王

春三月爾朱榮遣將爾朱天光平万侯醜奴執蕭

寶寅魏主悅改元更興

秋九月魏主攸誘爾朱榮入朝誅之其黨爾朱兆

等舉兵自晉陽入徙魏主于河東弑之年二十四

謚武懷後改孝莊廟號敬宗葬靜陵立長廣王曄

于長子改元建明

太保城陽王徽拔寇祖仁祖仁殺之送首於北

人代紀要

卷之十五

八

辛亥

魏節閔帝普泰元年
廢帝中興元年

梁昭明太子統卒以綱為太子封統子歡為豫章

王譽為河東王譽為岳陽王

魏殺侍中楊侃太保楊椿司空楊津夷其族津子

愔逃奔高歡以為行臺右丞

春二月爾朱世隆廢其君曄為東海王立廣陵王

子恭于洛陽是為節閔帝改元普泰

高歡起兵討爾朱氏

冬十一月高歡立章武王子渤海太守元朗于信

都改元中興自為丞相

壬子

魏孝武帝末熙元年

梁封西豐侯正德為臨賀王

夏四月高歡入洛陽廢魏主恭幽於崇訓寺又自

為詔策命元朗禪位立平陽王脩是為西魏孝武

歡自為丞相改元太昌廢元朗為安定王尋弑之

併弑曄恭立高歡女為后

冬十二月改元末興以同明元時年號復改末熙

癸丑 三月高歡迫行爾朱兆、紹

甲寅 東魏孝靜帝天平元年

熒惑入南斗

人代紀要

卷之十五

九

魏主欲圖高歡奔長安江州斯格為西軍使

十二月魏主與宇文泰飲酒進毒弑之年二十五

謚孝武殯于佛寺十餘年始葬

七月高歡以誅斛斯椿為名舉兵犯闕魏主脩奔長安

歡入洛陽立清河王顥子善見是為東魏孝靜帝年

十一遷都于鄴改元天平

按魏主脩淫其同產妹明月帶入長安為宇文

泰所殺因此成隙脩之醜行如此豈可以為人

君乎

魏自拓跋珪都平城至孝文改姓元都洛陽至

孝武圖高歡不克奔長安歡立善見于鄴分為

東西二魏起太祖丙戌盡孝武甲寅凡一十三

主一百四十九年

乙卯梁大同元年正月改西魏文帝大統元年

梁同泰寺建無遮大會梁鄱陽妖賊鮮于璠反

改元上顧內史陸襄討平之

春正月魏宇文泰立南陽王寶炬改元大統是為

西魏文帝自為安定公柱國

東魏高歡擊胡新劉蠡升封高洋為太原公

東魏始賦文武官祿

丙辰梁廢士陶弘景卒梁都下地震生白毛

東魏高歡以子澄為尚書令輔政

冬十二月高歡殺清河王亶

丁巳梁修長干塔

東魏元象元年以得巨象改

戊午梁得佛舍利大赦東魏禁立寺

己未東魏興和元年以新官成改

魏宇文泰廢魏主后為尼以柔然女為后

東魏以高歡女為后

庚申

辛酉

壬戌梁安成妖人劉欽躬作亂改元末漢湘東司馬王

僧辯討平之東魏以侯景為河南大行臺

癸亥東魏武定元年正月改

東魏以侯景為司空築長城西自馬陵東至上

塏

甲子是年李賁自稱越帝改元天德

東魏以高澄為大將軍領中書監

乙丑

丙寅梁中大同元年

丁卯梁太清元年

侯景叛東魏降魏復叛歸梁以為河南王

二月梁主屏除乘輿法服幸同泰寺捨身群臣以

錢一億萬贖回大赦改元太清

東魏高歡卒是為北齊高祖神武皇帝子澄繼事

自為都督中外諸軍錄尚書事勃海王幽其主善

見于官中

戊辰 兩月相承如鉤見西方

天裂于西北長十丈

冬十一月梁臨賀王正德引侯景兵圍臺城正德稱帝改元正平

是年交州司馬陳霸先平李賁

己巳 春三月侯景陷臺城廢蕭正德為大司馬尋殺之

夏五月梁主餓死淨居寺在位四十八年壽八十

六謚武皇帝廟號高祖塋修陵太子綱立是為太宗簡文帝侯景專制 熒惑守心

冬十二月始興太守陳霸先起兵討侯景

人代紀要

卷之十五

十二

東魏高澄為膳奴蘭京所殺是為北齊世宗文襄

皇帝第高洋繼事

庚午梁簡文帝大寶元年 北齊文宣帝天保元年

春正月梁改元大寶 侯景自稱漢王娶梁主女

漂陽公主

魏立蕭譽為梁王

春正月東魏高洋自為丞相都督中外諸軍錄尚

書事封齊王

夏五月高洋逼東魏主禪位國號齊改元天保是

為北齊顯祖文宣皇帝廢舊北齊山王

東魏善見甲寅年高歡所立都鄴庚午年為高洋逼禪凡一十六年

辛未梁豫章王天正元年

秋八月侯景廢梁主綱為晉安王殺太子大器及王侯在建康者二十餘人立昭明太子之子歡之子豫章王棟改元天正自為大丞相

冬十月王偉說侯景弑梁主以絕衆心景使偉與

彭儻王修纂以酒進梁主綱盡醉而寢儻進土囊

修纂坐其上而殂年四十九所著詩文甚多

侯景復廢梁主棟為淮陰王篡位國號漢改元太

人代紀要

卷之十五

十三

始

是年春三月魏主寶炬卒年四十五謚文皇帝塋

永陵子欽立是為廢帝

夏四月魏隴西公李虎卒

冬十二月北齊高洋使人酖殺東魏主善見謚曰

孝靜塋于鄴西後忽掘而投諸漳水

壬申梁元帝承聖元年 魏廢帝大統元年

梁武帝第七子湘東王繹自江陵起兵遣王僧辯

陳霸先等討侯景侯景敗走吳僧辯兵入建康大

焚掠居民號泣侯景為羊侃之子羊鴟所殺送尸

建康傳首江陵

豫章王棟與其二弟橋樛相扶出於密室二弟曰今日始免橫死矣棟曰倚伏難知吾猶有懼宣猛將軍朱買臣呼之就舡並沉於水

蕭繹擁兵上流坐視君父之難而不行援救方且與從子交兵相殘嘗與蕭寶夤陸食子未下貨曰殿下都無下意繹深憾遂因事害之其意蓋欲甚侯景篡弑之罪而自取之也豫章王棟為景所立又為景所廢鎖禁室釋之可也而併其二弟殺之何辜焉所為若此而欲享國之

代紀要

卷之十五

十四

父惡可得乎

夏四月梁武陵王紀稱帝成都改元天正

冬十二月湘東王繹即位于江陵是為世祖孝元

皇帝改元承聖

以王僧辯為司徒陳霸先為征虜將軍開府儀同

三司

魏廢帝大統元年

齊得傳國璽

侯景之敗以璽自隨其侍中趙思賢掌之曰我死宜沉于江思賢濟江遇盜從者棄之草間至

廣陵以告郭元慶取以送鄴

以楊愔為僕射尚太原公主

按太原公主東魏孝靜帝之后也愔常仕於魏者而納主之后可乎

是年兩日俱見

癸酉 梁武陵王紀敗死

魏宇文泰自加都督諸軍事

是年突厥伊利可汗死弟木杆可汗俟斤立

甲戌梁貞陽侯天成元年 魏恭帝

梁主繹講老子於龍光殿

代紀要

卷之十五

十五

冬十月蕭詧引魏兵入江陵執梁主繹梁主焚圖書十四萬卷以寶劍擊柱折之嘆曰文武之道今夜盡矣遂被殺

魏取襄陽令蕭詧帝于江陵以兵守之

王僧辯陳霸先奉晉安王方智于尋陽承制

議者謂梁武講佛經而有臺城之禍湘東講老子而有江陵之禍可為溺於佛老者之戒不特是也帝王之學與書生不同圖書十四萬卷亦何益之有

魏始作九命九秩之典

春正月宇文泰廢其主欽置之雍州立其弟齊王廓是為恭帝復姓拓跋氏尋弑欽

乙亥梁敬帝紹泰元年 後梁宣帝天定元年西魏恭帝六年

春正月齊主以兵納梁貞陽侯蕭淵明于梁

春二月梁晉安王方智自尋陽入建康即梁王位

年十三是為敬帝

夏五月王僧辯奉貞陽侯蕭淵明歸建康立之改元

天成降方智為太子

秋九月陳霸先殺王僧辯廢淵明為建安公復立

方智改元紹泰稱藩于齊

人代紀要

卷之十五

七

方智繹之子當立者也淵明蕭懿之子不當立

者也王僧辯之奉淵明畏齊兵也陳霸先雖能

立方智而復稱藩于齊亦畏齊兵也當時梁若

有人迎昭明太子之子登于江陵而立之尤得

倫理之正惜乎見不及此而陳霸先又急於自

取豈樂為之或曰登以魏兵殺繹而又立之是

成其篡也曰非篡也梁武舍孫而立次子貽謀

不減以致骨肉相攻繹嘗殺譽矣又殺歡之子

棟三人營蓋復仇耳

齊以道士為沙門

是年春正月蕭譽稱帝于江陵改元天定是為後梁中宗宣皇帝仍稱臣于魏

廣州刺史王琳救江陵不及兵次長沙代後梁

丙子梁太平元年

梁陳霸先自為司徒長城公 五月建安公淵明

卒 秋九月改元太平 徵王琳為司空不至

魏宇文泰卒子覺繼自為周公

齊大治宮室築長城

丁丑陳武帝未定元年 北周愍帝五月明帝九月改元

春三月魏宇文護立宇文覺為天王國號周是為

人代紀要

卷之十五

十七

愍帝廢魏主廓為宋公自為大司馬西魏亡

周祀園丘定郊廟之制

西魏自文帝寶炬乙卯年立於長安盡恭帝丁

丑凡三主共二十二年

周冢宰楚公趙貴太保衛公獨孤信見宇文護專

政貴欲謀殺護信止之護聞遂殺貴免信官尋又

殺之自為大冢宰 周宇文護弑魏主廓謹為恭

帝

秋九月周主宇文覺惡宇文護之專欲去之謀於

張光洛等光洛以告護遣柱國賀蘭祥等逼周主

遜位幽於舊第廢為畧陽公尋弑之黜其后元氏為尼迎岐州刺史寧都公毓立之是為周世宗明皇帝毓字文泰長子也

周人歸梁主繹之喪於王琳陳霸先遣兵擊琳

梁陳霸先自為相國封陳公加九錫冬十月遂篡位國號陳改元末定是為陳高祖武皇帝廢方智為江陰王親祠蔣帝廟

梁自武帝壬午代齊命傳至敬帝丁丑凡四主五十五年為陳霸先所篡

齊築重城 齊主幽其弟永安王浚上黨王渙於

人代紀要

卷之十五

十一

地牢

有術士言亡高者黑衣齊主問左右何物最黑答曰無過於浚渙行第七遂執之浚為青州刺史以齊主嗜酒裸裎為崇浚切諫齊主怒收之皆盛以鉄籠寘於地牢飲食澠穢俱在一處

戊寅

梁王琳以末嘉王莊稱帝改元天啓

夏四月梁江陰王方智卒年十六或曰陳主弑之謚為敬帝

綱目於是年書陳主霸先弑江陰王然史無明文瓊山丘氏世史正綱又於陳宣帝太建二年

書陳頊弑故梁主方智尤為無據弑逆大故豈可輕加於人故今書或曰弑之以存疑

陳主捨身於大莊嚴寺

周宇文護自為太師

齊主洋如北城視地牢臨穴嘔歌令二王和之浚渙悲怖聲顫齊主愴然泣下欲赦之長廣王湛與浚不睦進曰猛虎安可出穴齊主默然使左右刺之浚渙號哭呼天乃燒殺之以二妃賜左右之殺浚渙者

齊滅百官祿

人代紀要

卷之十五

九

按高洋嗜酒淫佚肆行狂暴袒露形體街坐巷宿揚情宰相使遮廁籌以馬鞭鞭之流血浹袍所幸薛嬪無故斬首支解弄其髀為琵琶高氏婦女不問親疎往往亂之或以賜左右不從者手刃之每醉輒殺人為戲動多支解或投之烈火或棄之漳流鄴下簡重囚置之仗內號供御囚欲殺則以應命可謂殘忍不仁之極矣聞二王之悲怖猶有憐然之心蓋良心之發見也湛也一言以阻之湛亦不仁甚矣

巳卯

周明帝武成元年

夏六月陳主翊在位三年壽五十七謚武皇帝廟號高祖葬萬安陵兄子臨川王倩即位是為世祖文帝

秋八月周宇文毓始稱皇帝改元武成

齊主殺魏宗室二十五家盡滅元氏之族

冬十月齊主殂年三十一臣下無泣者謚文宣帝

廟號顯祖葬武寧陵子殷立年六歲

庚辰陳文帝天嘉元年齊主殷乾明元年

齊孝昭帝皇建元年

春正月陳改元天嘉陳武帝太子昌自長安回

人代紀要

卷之十五

十一

陳主以為衡陽王濟江使侯安都殂于中流

是年王琳伐陳不克與梁王莊俱奔齊

夏四月周宇文護憚其主嚴明使膳部郎中大夫

李安置毒于饌鮓進之周主知中毒口授遺詔以

子幼立弟宇文邕而卒年二十七謚明皇帝廟號

世宗邕封魯公是為高祖武皇帝

齊春正月改元乾明三月高演殺楊愔自為丞相

秋八月高演以王晞謀啓太后廢殷為濟南王而自立改元皇建是為孝昭皇帝即位晉陽太

后戒之曰勿令濟南有他演立于百年為太子

辛巳

周武帝保定元年齊武成帝大寧元年

春正月周武帝改元保定宇文護自加都督中

外諸軍事

秋九月齊主演弒濟南王殷

齊主演初許長廣王湛為皇太子及即位立百

年為太子湛不平齊主居晉陽湛守鄴是時濟

南閔倬王在鄴望氣者言鄴中有天子氣齊主

使平秦王歸彥徵濟南湛內不自安問計於高

元海元海獻三策如梁孝王故事從數騎入晉

陽見太后主上請去兵權不干朝政上策也表

人代紀要

卷之十五

十一

請旨齊刺史沈靜自居中策也更問下策逼之

乃曰濟南世嫡主上奪之今集文武斬歸彥立

濟南號令天下以順計逆萬世一時也湛大悅

未能用林慮令潘子密曉占候潛謂湛曰殿下

當為天下主湛乃送濟南至晉陽齊主密行鴆

毒濟南不從乃扼而殺之

冬十一月齊主演墜馬折肋妻太后視疾問濟南

所在者三不答太后曰殺之耶死亦宜矣怒而去

乃徵弟湛立之與書曰百年無罪可以樂處置之

勿效前人也遂殂年二十七謚孝昭皇帝湛即位

是為世祖武成皇帝改元太寧廢百年為樂陵王
史稱高演既殺濟南後頗愧悔初苦內熱頻進
湯散時有尚書令史姓趙於鄴見文宣從楊愔
燕子獻等西行言相與復讐演在晉陽宮與毛
夫人亦見之病漸危篤備襁服之事或煮油四
灑或持炬燒逐諸厲方出敕梁騎棟上歌呼自
若了無懼容時有天狗下乃於其所講武以厭
之有兎驚馬墜而絕肋臨終之際惟扶服牀枕
叩頭求哀史冊所書必有所據宜附錄以為為
惡者戒

人代紀要

卷之十五

三十一

壬午

齊河清元年

春正月齊主湛立妃胡氏為皇后子緯為太子

夏四月薨太后卒

青州言河水清改元

齊主逼通兄后李氏生女李氏不舉齊主詬曰爾

殺我女我殺爾兒對后以刀環築殺后子紹德后

大哭齊主怒裸后撻之遣為尼

冀州刺史高歸彥作亂伏誅

周始命貴臣食邑 送陳安成王頊還陳頊妃柳

氏子叔寶猶在穰城陳遣人請之俱歸陳

癸未

後梁明帝天保元年

後梁主蕭譽以封疆褊隘邑居殘毀疽發背而殂
子歸立是為世宗明皇帝

陳司空侯安都以驕橫被殺

周養老于太學 頒大律

齊侍中和士開誦諛勸齊主極意為樂齊主大悅

荒淫不聽政命和士開與胡后撻藥河南王孝瑜

諫曰皇后天下之母豈可與臣下接手和士開與

趙郡王劼共譖孝瑜奢僭醜殺之諸侯在官者莫

敢舉聲惟河間王孝琬大哭而出

人代紀要

卷之十五

三十一

甲申

周封李昞為唐公 始令百官執笏

齊主以白虹貫日欲殺樂陵王百年厭之使人召

之百年知不免割帶玦與妃斛律氏而入齊主使

左右亂插氣息將盡乃斬之棄諸池水盡赤妃抱

玦哀號不食而卒

乙酉

齊後主天統元年

夏四月齊主湛傳位于太子緯是為後主改元天

統自為太上皇 以祖提為秘書監

丙戌

陳天康元年 周天和元年

夏四月陳主琚在位七年壽四十五謚文皇帝廟

號祖塋永寧陵太子伯琮即位是為臨海王以安

成王頊為司徒錄尚書事

春正月周改元天和元年

齊始用士人為縣令殺河間王孝琬

丁亥陳臨海王光大元年正月改

安成王頊專制

安成王頊殺中書舍人劉師知僕射到仲舉

戊子冬十一月陳始興王伯茂以安成王頊專政肆惡

言安成王頊遂以太后令誣陳主與劉師知華皎

等通謀廢為臨海王黜伯茂為溫麻侯使盜殺之

人代紀要

卷之十五

十四

項武帝兄第二子禧之弟也

周隋公楊忠卒子堅繼事

楊忠弘農華陰人漢太尉震八代孫鉉仕燕為

北平太守鉉生元壽元壽生太原太守惠敬惠

敬生平原太守烈烈生寧遠將軍貞貞生忠從

周起兵賜姓普六茹氏封隋國公

周納突厥木杆可汗女阿史那氏為后

齊上皇湛殂年三十二謚武成皇帝廟號世祖塋

永平陵

人代紀要卷之十五終

人代紀要卷之十六

明吳興顧應祥編集

大埔黃宸校刊江陰湯明善

率主倪佩同校

己丑陳宣帝太建元年

春正月陳安成王頊篡位是謂高宗改元太建

齊和士開初為世祖湛所嬖出入卧內遂幸於太

后齊主深委任之威權日盛與婁定遠等號為八

貴太尉趙郡王叡當太后前數其罪出為兗州刺

史士開以美女珠簾獻婁定遠得見太后泣訴詔

人代紀要

卷之十六

一

責叡不臣之罪叡入諫執送華林園拉殺之

夏四月齊以嬖寵高阿那肱為尚書令韓長鸞為

領軍陸令萱為女侍中穆提婆為侍中祖挺為祕

書監

武衛將軍高阿那肱都督韓長鸞皆齊主倖臣

陸令萱其夫駱超謀叛沒入掖庭為官婢子提

婆亦沒為奴齊主在襁褓令萱養之引提婆入

侍齊王朝夕戲押肩姓穆

庚寅

齊武平元年正月改

齊以梁永嘉王莊為梁王許其興復

秋九月齊立子恒爲太子

以和士開爲尚書令

辛卯

秋七月齊王弟琅邪王儼欲誅和士開等與侍中

馮子琮謀使治書侍御史王子宜彈士開罪子琮

雜他文書奏齊王可之儼誑領軍庫狄伏連收士

開斬之復以劉辟彊言欲斬穆提婆母子齊王出

斛律光引儼請罪以年少釋之支解庫狄伏連王

子宜劉辟彊殺馮子琮

人代紀要

卷之十六

二

冬十月齊王幽胡太后于北宮

太后與沙門統曇獻通齊王未之信至是朝太

后官見二尼悅而召之皆男子也事遂發曇獻

伏誅遂幽太后太后爲齊王設食齊王不敢嘗

壬辰

周建德元年

周王惡宇文護專計令赴太后宮讀酒誥周王以

玉珽擊踏于地命左右斬之周王始親政大赦改

元建德

齊祖珽誦事陸令宣得爲僕射

祖珽讒殺左丞相咸陽王斛律光以珽知騎兵外

兵事

齊王廢后斛律氏立胡太后兄女胡氏爲后陸令

萱使人行厭蠱之術胡氏精神恍惚言笑無恒齊

主復立昭儀穆氏爲右后令萱復譖於太后呼胡

后出刺其髮送還家廢爲庶人以右后穆氏爲皇

后自是令萱勢傾内外自太后以下皆聽其指揮

矣

癸巳

是年突厥木杆可汗死弟佗鉢可汗立

周以隋公楊堅女爲太子贊妃白鹿不爲瑞

齊以嬖臣高阿那肱錄尚書事尋爲司徒

人代紀要

三

齊王忌蘭陵王長恭貌美有威望醜殺之

夏六月齊王遊南苑暘死從官六十人

齊王立侍婢馮小憐爲淑妃

甲午

周太后叱奴氏卒周王行三年喪

周王廢佛道教毀淫祠周立通道觀

齊南陽王緯見婦人抱兒取以飼狗復以兒血塗

婦縱狗食之齊王鎖至行在宥之間在州何樂對

曰聚蝎於器置俎其中觀之逐樂齊王即命索蝎

置浴斛使人裸卧其中號叫宛轉齊王喜噫不已

讓之曰如此樂事何不早馳驛奏由是寵韓長

鸞嫉之使人誣告其反殺之

錄之以備齊主之惡

乙未 周伐齊

丙申

齊隆化元年 齊安德王延宗德昌元年

冬十月周主自將伐齊取平陽

周兵攻平陽齊王緯方與馮淑妃獵于天池告

急者三至丞相高阿那肱曰大家正為樂邊鄙

小事何急奏聞及暮使至則平陽已陷矣齊王

將還妃請更殺一圍從之

十一月齊王率兵救平陽不克

人代紀要

卷之十六

四

周主以齊師盛欲西還以避其鋒以梁士彥為

晉州刺史守平陽齊師圍之城陷十餘步將士

乘勢欲入齊王敕且止召馮淑妃觀之妃粧點

不時至周人以木拒塞之城遂不下

十二月周主復自將伐齊齊王敗走晉陽遂奔鄴

以安德王延宗為并州刺史改元隆化

時齊王與馮淑妃並騎觀戰齊師東偏小却淑

妃怖曰軍敗矣穆提婆曰大家去大家去齊王

走兵遂大潰

晉陽人立安德王延宗為齊帝改元德昌周主拔

晉陽執延宗以禮待之穆提婆降周以為柱國陸
令萱自殺

穆提婆齊之嬖臣叛主而降周不惟不誅又以

為柱國何以為勸哉

史稱齊主聞晉陽立延宗謂近臣曰我寧使用

得并州不欲安德得之

丁酉

齊幼主恒承光元年

周主毀壯麗宮室焚九尾狐省宮嬪

春正月齊主緯傳位于太子恒年八歲改元承光

周師圍鄴緯出走齊丞相高阿那肱引周師追緯

人代紀要

卷之十六

五

及恒獲之遂滅齊

夏四月周主至長安封高緯為溫公

冬十月周人誣高緯與穆提婆謀反併其宗族皆

賜死夷其族

齊范陽王高紹義稱帝北朔州改元武平

後梁朝周

稽胡立劉蠡升之孫沒鐸稱聖武皇帝改元石平

周討平之

北齊自文宣帝高洋庚午年篡東魏傳至幼主

恒丁酉為後周所滅凡六主二十八年

戊戌

周宣政元年

春三月周始制紗幘改元宣政

夏六月周主北伐歸殂于乘輿在位十九年壽三十六謚武皇帝廟號高祖塋孝陵太子贊即位是為宣帝

以楊堅為大司馬周主殺其叔父齊王憲是年齊高紹義奔突厥

己亥

周宣帝贊大成元年
靜帝閏大象元年

春正月周改元大成

二月周主贊發兵四萬人治洛陽宮

人代紀要

卷之十六

六

周主贊殺徐州總管王軌官正宇文孝伯

贊為太子時多失德官尹鄭譯寵幸用事王軌

言於武帝杖太子除譯名武帝臨終執宇文孝

伯手囑以後事至是召譯為內史問曰我脚有

杖痕誰為之答曰事由烏丸軌宇文孝伯贊遂

殺軌讓孝伯曰公知齊王憲謀反何以不言孝

伯對曰臣知齊王忠於社稷為群小所譖且先

帝付囑微臣唯令輔導陛下今諫而不從寔負

顧託以是為罪是所甘心贊大慙命將出賜死

按宇文孝伯忠矣但言及王軌將鬚之事無乃

歸過於人以求自全耶

周以趙王招女千金公主妻突厥和親

是月周主贊傳位太子闡年七歲自稱天元皇帝

改元大象所居曰天臺昇二十四旒車服旗鼓咸

以二十四為節復佛道二像天元與之並坐大陳

雜戲令士民縱觀鑄永通萬國錢以一當千

冬十二月作乞寒胡戲

庚子

周天元立五后俱以天為號

夏五月周天元殂楊堅入朝總朝政自為大丞相

突厥執高紹義送周徙蜀死

人代紀要

卷之十六

七

秋七月周趙王招惡楊堅專政邀堅飲酣以佩刀

刺瓜欲殺堅堅將元胄扶出不得刺堅遂誣招與

越王盛謀反併殺之及其諸子

冬十二月楊堅進爵隋王加九錫以高頴為司馬

辛丑

隋文帝開皇元年

春正月周改元大定

二月楊堅禪周位國號隋改元開皇是為隋高祖

文皇帝立獨孤氏為后世子勇為太子諸子廣為

晉王俊為秦王秀為越王諒為漢王廢周主闡為

介公盡滅宇文氏之族改周太后楊氏為樂平公

主欲奪其志不從

夏五月隋主堅潛使人弑周主闡仍哭于朝堂謚為靜帝葬于恭陵

秋七月隋定服色人主著黃袍始此鑄五銖錢

上柱國鄭繹以罪免頒新律

隋律取魏晉齊梁法律折衷重輕去前世梟輟

及鞭法自非謀叛以上無收族之罪死刑二絞

斬流刑三自二千里至三千里徒刑五自一年

至三年杖刑五自六十至一百笞刑五自十至

五十又制請減贖官當之法以優士大夫除前

人代紀要

卷之十六

八

世訊囚酷法考掠不得過二百加杖大小咸有

程式民有枉屈縣不為理者聽以次經郡及州

若仍不為理聽詣關伸訴楊素等十餘人修之

而皆取決於率更令裴政此律一頒遂為萬世

齊民之則故備錄之

是年突厥佗鉢可汗卒謂其子菴邏曰吾兄不立

其子委位於我我死當讓兄子大邏便國人以其

毋賤竟立菴邏大邏便不平菴邏不能制以國讓

攝圖號沙鉢略可汗居都斤山菴邏降居獨洛水

稱第二可汗大邏便謂沙鉢略曰我與爾俱可汗

子各承父位爾極尊我獨無位何也沙鉢略患之

以為阿波可汗還領所部又沙鉢略從父玷厥居

西面號達頭可汗各統部眾沙鉢略勇而得眾人

皆附之千金公主傷宗祀覆滅言於沙鉢略統兵

伐隋隋主遣奉車騎都尉長孫晟如突厥

初長孫晟送千金公主至突厥在彼住久與沙

鉢略弟遊獵知其山川形勝部眾強弱晟上書

言於隋主遣入反間果相猜貳

北周自宇文泰篡西魏都長安至武帝滅北齊

至靜帝為楊堅所篡起閔帝丁丑至靜帝庚子

人代紀要

卷之十六

九

北周主二十四年

壬寅春正月陳主瑱殂次子叔陵抽刀弑太子悶絕柳

后救免蕭摩訶帥師捕叔陵斬之太子叔寶即位

是為陳後主瑱在位十四年壽五十二謚宣帝廟

號高宗塋顯寧陵

癸卯陳後主至德元年

春三月隋遷新都于龍首山戒調役弛酒鹽禁

求遺書命左右僕射分判六部沿途置倉運粟

以給京師

甲辰陳以江摠為僕射建臨春結綺望仙三閣

閣各高數十丈連延數十間。廊壁帶縣欄檻皆以沉檀為之。飾以金玉。間以珠翠。外施珠簾。內設寶牀。寶帳微風。暫至香聞數里。其下積石為山。引水為池。雜植奇花異卉。陳主自居臨春。張貴妃麗華居結綺。龔孔二貴嬪居望仙。復道往來。又有王李二美人。張薛二淑媛。袁昭儀何婕妤。江修容。迭遊其上。以官人有文學者。袁大捨等為女學士。江總雖為宰輔。不親政務。日與都官尚書孔範散騎常侍王暕等文士十餘人。謂之狎客。與妃嬪女學士。廣和詞曲。采其豔

麗者。被之新聲。如玉樹後庭花。臨春樂之。類張麗華尤敏慧。髮長七尺。瞻視眇眇。目光采溢。目照暎左右。善候人主顏色。引薦官女。人咸德之。百司啓奏。置貴妃於膝上。共決之。詩曰。哲婦傾城。其是之謂歟。

後梁主歸入朝于隋

隋頒甲子元曆

作廣道渠。自大興城至潼關三百餘里。

詔公私文翰並宜實錄。與突厥和親。

千金公主請改姓楊氏。封大義公主。

丙午

後梁公琮廣運元年

後梁主歸卒于琮立

梁長城

隋頒禮部尚書牛弘所修五禮。初作義倉。

乙巳

陳中書通事舍人傅縡直言賜死。

李淵竟滅隋

千金公主周趙王招之女也。隋父之仇也不特為宗國復仇而已。後因突厥勢弱。講和改姓楊氏。初上柱國竇毅之女。聞隋受禪。自投堂下。撫膺太息曰。我恨不為男子。救舅氏之患。及長適

丁未陳禎明元年

課完項堯請降于隋

春正月隋頒曆于突厥。刺史上估。每歲入朝考

陳國中妖異特發。臨平湖久旱。忽自開。建七級浮圖。火忽從中起。飛至石頭。燒死甚衆。陳主自賣于佛寺為奴。以厭之。陳大市令章華以直諫被殺。

陳叔寶災異迭見。不知自省。而乃屢殺諫臣。自賣為奴。愚劣甚矣。國安得不亡。

隋開山陽瀆

山陽濱在揚州。與邗溝相通。開之以便伐陳也。
秋九月隋滅後梁以蕭琮為莒公。

後梁蕭詧梁武孫也。元帝被執。據有江陵。傳明
帝蕭梁公琮三主。凡三十三年而滅。江陵今荆
州。

是年突厥沙鉢略可汗卒。弟莫何可汗處羅侯立。
大食國人始至中國。即西域回回人。

戊申 陳主廢太子胤立張貴妃子深為太子

東冶鐵飛

冬十月隋主命晉王廣統賀若弼韓擒虎等大舉

大代紀要

卷之十六

十一

伐陳

初隋主與陳鄰好。其篤。因遣使吊喪。陳後主答
書倨傲。隋主不悅。群臣遂爭獻平陳之策。及陳
受蕭巖等降。隋主益怒。謂高頴曰。我為民父母。
豈可限一衣帶水。不拯之乎。命大作戰船。或請
密之。隋主曰。吾將顯行天誅。何密之有。使投其
柿於江。曰。若彼懼而能改。吾復何求。楊素在永
安造大艦。名曰五牙。上起樓五層。高百餘尺。前
後置六拍竿。並高五十尺。容戰士八百人。次曰
黃龍。容百人。命晉王廣。秦王俊。清河公楊素。皆

為行軍元帥。廣出六合。俊出襄陽。素出永安。荆
州刺史劉仁恩出江陵。蘄州刺史王世積出蘄。
春。廬州總管韓擒虎出廬江。吳州總管賀若弼
出廣陵。青州總管弘農。裴榮出東海。凡總管九
十兵五十一萬八千。皆受晉王廣節度。以左僕
射高頴為晉王元帥。長史右僕射王韶為司馬。
軍中事皆取決焉。

己酉隋文帝開皇九年始混一天下

春正月隋賀若弼韓擒虎兵入陳。陳主投井。中軍
人窺井呼之不應。欲下石。乃以繩引之。與張貴妃

大代紀要

卷之十六

十三

孔貴嬪同東而上執之

晉王廣令高頴子德弘馳告高頴。留張麗華。頴斬
之。廣由是恨頴。

王僧辯子開府儀同三司王頒發陳武帝陵。焚骨
取灰投水而飲之。

夏五月晉王廣班師至長安。獻俘太廟。陳叔寶重
賞陳氏子弟。分置邊州。給以田業。進楊素爵越公。
賀若弼宋公弼與韓擒虎爭功。帝曰。二將俱上勲。
進擒虎上柱國。有司劾其縱卒淫污陳宮。不加爵。
邑高頴爵齊公。

後突厥來朝帝命引至擒虎前曰此是執陳國天子者擒虎厲色顧之突厥惶恐不敢仰視復陳境十年餘州一年

陳自霸先纂梁都建康起武帝丁丑盡後主已酉凡五主三十三年而滅于隋

按陳後主淫亂不君隋文取之亦不為過然其心不過利其土地欲混一四海耳隋主乃曰彼若能改吾復何求將誰欺哉

以陳江總袁憲蕭摩訶任忠為開府儀同三司

江總陳之狎客任忠賣主之賊也而與袁憲蕭

人代紀要

卷之十六

車

摩訶並非其倫矣

群臣請封禪不許十二月定雅樂

庚戌故刺史馮寶妻以平番呂夷王仲宣功封熊國夫人

人

辛亥隋主以舊憾鴆殺弟滕王贊

是年吐谷渾可汗弩呂卒子世伏之使兄子無素

稱藩

壬子冬十月韓擒虎卒

擒虎將卒其隣母見其門下儀衛甚盛有同王者問之荅曰我來迎王忽不見又有人疾驚忽

驚走入門曰欲謁王左右問曰何王也曰閼羅王也左右欲撻之擒虎止之曰生為上柱國死作閼羅王足矣遂寢疾數日而卒年五十五

以楊素為僕射與高穎專掌朝政賀若弼除名

賀若弼自謂功名出朝臣之右當為宰相見素

等為僕射心甚不平形於言色由是免官然望

愈甚帝下弼獄公卿奏弼當死帝曰臣下守法

不移公可自求活理弼曰臣將八千兵擒陳叔

寶竊以此望活帝曰此已格外重賞弼曰臣今

還格外望活上低回數日特令除名歲餘復其

人代紀要

卷之十六

主

爵位

癸丑作仁壽宮役死萬數計殺大義公主

隋主以陳叔寶屏風賜突厥大義公主公主傷

感題詩屏上云感哀等朝暮世道若浮萍榮華

實難守池臺終自平富貴今何在空事寫丹青

孟酒恒無樂弦歌詎有聲余本皇家子飄流入

虜庭一朝親成敗懷抱忽縱橫古來共如此非

我獨申名惟有明君曲偏傷遠嫁情隋主聞而

惡之禮賜益薄時莫仰可汗已死其弟頡伽施

多那都藍可汗嗣位公主遂扇惑都藍復與西

面突厥泥利可汗連結隋主恐其爲患遣長孫
晟發公主私事詔廢之恐都藍不從遣牛弘將
美妓四人喻之適處羅侯之子崇干號突利可
汗求婚隋主使裴矩謂之曰當殺大義公主方
許突利乃諧於都藍殺之許崇干尚主

甲寅 給公卿以下職田 詔高仁英蕭瑄陳叔寶修其
宗祀官給器物

乙卯 收天下兵器 鑿底柱 救盜邊糧非以上皆斬
文武官以四考受代 仁壽宮成以封德彝爲內
史舍人

人代紀要

卷之十六

十六

仁壽宮成制度壯麗帝大怒曰楊素爲吾結怨
天下素慮獲譴封德彝曰公勿憂侯皇后至必
有恩詔明日帝果召素入對后勞之曰公知吾
夫婦老無以自娛盛飾此宮豈非忠孝賜錢百
萬錦綃三千段素乃薦德彝於帝以爲內史舍
人

丙辰 以光華公主妻吐谷渾 制工商不得仕進

詔死罪三奏然後行刑

丁巳 史萬歲擊南寧

以安義公主妻突厥突利可汗都藍可汗曰我大

可汗反不如染干乎朝貢遂絕

高麗王湯卒子元嗣封爲遼東王

吐谷渾弒其可汗世伏立其弟伏允請依俗尚王
從之

詔諸司論屬官罪聽律外決杖

帝以屬官不敬憚上故有是詔於是上下相驅
迭行撻楚以殘暴爲幹能守法爲懦弱又以盜
賊繁多命盜一錢以上皆棄市三人同盜一匹
事發即死帝喜怒不恒不復準科律刑部侍
郎辛惠衣緋褱以爲厭蠱斬之元會衣劍不齊

人代紀要

卷之十六

十七

御史不効殺之諫議大夫毛思祖諫又殺之楊
素優任情行事與鴻臚少卿陳延有隙嘗經蕃
客館庭中有馬屎又衆僕於塹上樽蒲白帝帝
怒主客令及樽蒲者皆杖殺之極延幾死又每
於殿庭杖殺人不計其數夫律者所以齊民治
天下之大法也隋文徒知制律以爲粉飾而乃
一不遵守安用律爲哉此所以促其下也故備
錄以爲人主法外用刑之戒

戊午 遣漢王諒將兵討高麗軍士飢疫及泛海飄沒死
十八九九月始罷

禁畜猫鬼置行宮十二所

獨孤后之弟延州刺史隋有婢能事猫鬼使之殺人

南寧襄詭反史萬歲以罪除名

已未 楊素等破突厥都藍可汗為部下所殺

獨孤后諳免高頰以牛弘為吏部尚書

以突厥突利可汗為啓民可汗妻以義成公主廢之朔州

庚申 太子勇失愛於帝晉王廣結獨孤后及用張衡計

諭楊素諸廢勇為庶人立廣為太子是日地震

人代紀要

卷之十六

十八

賀若弼下獄 楊素請殺史萬歲

史萬歲伐突厥還楊素忌之奏寢其功會廢太

子萬歲方與將士在朝堂稱寃帝問萬歲何在

素曰謁東宮矣召見言將士有功為朝廷所抑

詞意憤厲帝怒擗殺之

辛酉仁壽元年

正月以立太子改元太史令袁充詭言日景長故

曰仁壽 廢太學及州縣學尋改國子學為太學

壬戌 獨孤后死 太子用計譖廢蜀三秀

癸亥 王通獻策不報

甲子

秋七月帝疾太子廣居殿中逼丞陳夫人不從帝

覺欲召勇楊素矯詔召廣令右庶子張衡侍疾俄

而帝崩年六十四謚曰文廟號高祖咸謂廣弑之

廣先烝陳夫人而後發喪即位矯詔賜勇死

流尚書柳述侍郎元巖于嶺南

冬十一月陳叔寶卒年五十二贈長城公謚煬

是年星入月長人見於鴈門

是年漢王諒以討楊素起兵敗幽死

陳叔寶入隋給賜甚厚班同三品每預宴燕致

人代紀要

卷之十六

十九

帝曰叔寶全無心肝又聞叔寶常醉罕有醒時

使郎其酒醜而曰任其性不爾何以過日從登

卬山侍飲賦詩曰日月光天德山河壯帝居太

平無以報願上東封書并表請封禪優詔答之

帝又曰當賀若弼度京口彼人密啓告急叔寶

飲酒不省高頰至見啓在牀下猶未發封此誠

可笑蓋天亡之也昔苻氏征伐所得國皆榮貴

其主苟欲求名不知違天命與之官乃違天也

觀此則隋之不與叔寶官蓋有意存焉

隋文帝雖不與陳叔寶官然優賜甚厚賢於劉

裕蕭道成梁衍遠矣後唐高祖不殺隋恭帝亦

天報之也

乙丑隋煬帝大業元年春正月改元

立晉王昭爲太子 春三月命楊素營東京宮室

開通濟渠自西苑引穀洛水達于河引河入汴引汴入泗以達于淮又開邳溝入江傍築御道植柳自長安至江都置離宮四十餘所遣黃門侍郎王弘等往江南造龍舟雜船數萬丁役死什四五

人代紀要

卷之十六

十一

遣劉方擊林邑過馬援銅柱南八日至其國破之士卒死什四五劉方卒于途

築西莊周二百里

秋七月廢滕王倫衛王集徙遼郡 八月如江都是年榮惑入太微

賊勒叛西突厥自爲莫何可汗

丙寅 太子昭卒封昭子侯爲燕王侗爲越王侑爲代王楚國公楊素卒 徵天下散樂

丁卯 春正月長星竟天彗星見 有星孛于文昌三月殺故太子勇之子儼及其弟七人

改州爲郡更定官制

北巡次榆林啓民可汗及義成公主來朝吐谷渾高昌入貢 造大帳容數千人

秋七月發丁男百餘萬築長城

八月至金河甲士五十餘萬輜重千里造觀風行殿容數百人下施輪軸又造行城周二千步樓櫓悉備胡以爲神遂幸啓民可汗帳

至濟源幸張衡宅留宴三日殺太常卿高頴尚書宇文弼光祿大夫賀若弼

三人皆煬帝平日所忌俱坐以誹謗殺之頴母

人代紀要

卷之十六

十二

嘗謂頴曰吾兒富貴已極但有一斫頭耳况又有斬麗華之隙在文帝時已免官乃復起爲太常不知沉晦免患可爲知進而不知退之戒賀若弼父敦爲宇文護所殺臨刑呼弼謂曰我志平江南不果汝當成吾志吾爲舌死不可不思引錐刺弼舌出血誠以慎口弼乃矜功不已兩度下獄竟以舌亡惜哉

戊辰 倭國入貢 開永濟渠 復築長城

營汾陽官 徵鷹師至者萬人 赤土國貢方物城萬壽戊辰突厥啓民可汗

立孔子後為紹聖侯 蜀郡獲三足鳥

已巳 西域獻地置西海等郡 改東京為東都

突厥啓民可汗死立其子咄吉為始畢可汗

殺薛道衡

道衡以才學見忌房彥謙勸其杜絕賓客卑辭

下氣而不能從以此見殺可為專工詞藻者之

戒

庚午 春正月有盜稱彌勒佛入建國門作亂平之連坐

千餘家 諸蕃來朝陳百戲以示

三月如江都以王世充領官監

人代紀要

卷之十六

三十一

陳稜等泛海擊流求克之

穿京口至餘杭河八百餘里 徵高麗王元入朝

不至

張衡諫修汾陽宮出為榆林太守敕督江都官謂

薛道衡枉死為楊玄感所奏除名

辛未 春二月自將伐高麗自江都御龍舟入永濟渠至

涿郡從官有隨船徒步行三千餘里死者什一二

命幽州總管元弘嗣往東萊海口造船工役累死

甚衆夏四月至涿郡

秋七月發江淮以南民夫及船運黎陽洛口諸倉

米至涿天下騷動

鄒平王薄帥人張金稱隋人高士達河間格謙等

相聚兵起漳南人竇建德為三百人長乘亂而起

人爭附之各郡縣盜起不可勝計

砥柱崩堰河流逆行數里

壬申 以一百一十三萬三千八百人為二十四軍伐高

麗全陷九軍帝怒鎖宇文述歸至東都述素有寵

于士及尚南陽公主故不誅與于仲文俱除名止

斬劉士龍以謝天下

張衡為其妾告怨里賜死

人代紀要

卷之十六

三十一

張衡臨死大言曰我為人作何等事而望久活

監刑者促殺之

道士潘誕煉金丹作嵩陽觀所費鉅萬鑿石磨石

髓不得欲以童男女膽髓各三斛六斗代之帝怒

斬誕

癸酉 以代王侑留守西京越王侗留守東都秦王浩

征高麗大集兵涿郡

復宇文述官爵

夏四月進圍遼東以飛樓雲梯地道攻城二十餘

日不拔

六月楊素子楚公楊玄感起兵黎陽圍東都以李密為謀主帝以遼城不下造布囊百萬貯土積與城齊又造八輪樓車俯射城中會玄感報至潛引師回資械委棄

秋八月玄感引兵趣潼關宇文述等追敗之玄感自殺李密賂守者脫逃

治玄感黨與殺三萬餘人枉死者太半玄感所交文士王胄亦被殺

初楊玄感問計於李密密曰天子遠在遼左去幽州尚千里南限鉅海北走彊胡號令所通惟

人代紀要

卷之十

二十四

榆林一道若鼓而入薊直扼其喉高麗抗其前我乘其後不旬月資糧竭舉麾召之衆可盡取傳檄而南天下定矣上計也關中四塞之地留守衛文昇易耳直趣長安據函嶠制諸夏中計也若因近趣便先趣東郡頓兵堅城下不可以勝負決下計也玄感出其下計故速敗

焚惑入南斗

是年濟陰孟海公起兵據周橋見人引書史輒殺之

齊郡丞張須陁擊破王薄歷城羅士信年十四善

擊賊為之副

唐縣宋子賢善幻化稱彌勒佛出世作無遮大會謀襲乘輿事泄伏誅

扶風索門向海明亦以彌勒佛教集衆稱帝改元白鳥楊義臣擊破之

餘杭劉元進聚亡命於三吳以應楊玄感會玄感敗吳郡朱燮晉陵管崇推元進為天子據吳郡燮崇俱為尚書僕射毘陵東陽會稽諸處豪傑俱應之帝遣吐萬緒魚俱羅擊斬管崇時人心思亂敗而復聚有司希旨劾緒等怯懦俱羅坐斬萬緒被

人代紀要

卷之十

二十五

徵道卒更遣江都丞王世充發江淮兵討之元進燮俱敗死世充於佛寺焚香立誓約降者不殺既而盡阮之死者三萬於是餘黨復起

章丘杜伏威與臨濟輔公柝兵起掠江淮

以唐公李淵為弘化留守

李淵隴西成紀人七世祖高祖末據秦京是為

西京武昭王傳子歆為沮渠蒙遜所滅四傳至

虎為西魏太尉賜姓文野氏佐周代魏禪封唐

公虎生昞昞生仁仁生淵復李姓俱襲封唐公

淵從母即隋文獨孤后

甲戌

復征天下兵伐高麗三月如涿郡所徵兵多不至高麗亦疲弊請降乃班師高麗王元竟不入朝

冬十一月祀南郊大風

離石胡劉苗王兵起自稱天子以其弟六兒為未

安王劉淵之後也

汲郡王德仁起兵據林慮山

扶風唐弼推李弘為天子自稱唐王

延安劉迦輪自稱皇王改元大世屈突通平之

齊郡孟讓起兵掠肝胎王世充擊破之

太史令庾質論伐高麗以直言死

人代紀要

卷之十

主

以張須陁為河南討捕大使

乙亥

以讖殺郎公李渾夷其族

初高祖夢洪水沒都城惡之遷都中興至是方

士言李氏當有天下渾族盛從子將作監敏小

名洪兒帝疑其名應讖宇文述誘敏妻誣之渾

謀因度遼襲御營立敏為帝殺渾敏夷其族敏

妻亦鴆死

孔雀集朝堂高德儒指為鸞朝臣稱賀

東海李千通擁衆度淮自號楚王改元明政寇江

都

譙郡朱燦以縣吏從軍亡命為盜謂之可達寒賊自稱迦樓羅王寇荊襄

丙子

作毘陵宮宴群臣西苑

夏四月大業殿災

納言蘇威以直言盜賊除名

秋七月如江都殺諫臣任宗崔民象王愛仁

韋城翟讓坐事當斬獄吏竒其貌釋之同郡單雄

信善馬槊離徐世勣年十七有勇略俱從之李

密亡命投讓攻榮陽討捕使張須陁敗死

鄱陽操師乞自稱元興王改元始興陷豫章御史

人代紀要

卷之十六

主

劉子翊討平之其黨林士弘代統其衆殺于翊自

稱皇帝國號楚改元太平

以李淵為太原留守王威高君雅副之

楊義臣擊張金稱高士達斬之竇建德併其衆取

饒陽

虞世基以帝惡聞盜賊奏罷義臣兵

王世充擊斬格謙其黨高開道領其衆掠燕地

虎賁郎將羅藝起兵涿郡自稱幽州總管

丁丑大業十三年

恭帝義寧元年

春正月竇建德稱長樂王改元丁丑據河北

魯郡徐圓朗兵起陷東平

二月馬邑校尉劉武周朔方郎將梁師都俱殺其郡守起兵附于突厥突厥俱遣以狼頭纛立武周為定楊可汗取樓煩定襄鴈門諸郡

師都為大度毗伽可汗取雕陰弘化延安諸郡武周改元天興國號漢

師都改元永隆國號梁俱僭稱皇帝

左翊衛蒲城劉子和坐事徙榆林會郡中亂子和執郡丞斬之開倉賑濟自稱永樂王南連梁師都北附突厥始畢以劉武周為定楊天子梁師都為

人代紀要

卷之十六

天

解事天子子和為平陽天子子和固辭更為屋利設

金城校尉薛舉起兵隴西稱西秦霸王七月徙據

天水稱帝國號秦改元秦興以子仁果為太子

翟讓李密據興洛倉擊敗東都兵讓推密為魏公改元永平以單雄信徐世勣為左右將軍祖君彥為貳室

河南討捕使裴仁基殺監軍御史蕭懷靜以虎牢降密密以為上柱國又得秦叔寶程咬金為驍騎羅士信為總管移檄數隋主十罪

越王侗遣人至江都告急虞世基曰越王年少被人誑耳

夏五月李淵以其子李世民與晉陽令劉文靜官監裴寂之計殺副留守王威高君雅起兵太原遣使稱臣突厥資其士馬自稱大將軍以裴寂為長史劉文靜為司馬唐儉溫大雅為記室

武威司馬李軌起兵河西自稱涼王改元安樂李密取黎陽倉泰山道士徐鴻客上書勸李密因士馬之銳直趣江都挾帝以令天下密異其言邀之已亡去李密用計殺翟讓

人代紀要

卷之十六

天

綱目不同據史傳書之

柴紹妻李氏及李神通各起兵應李淵入關群盜悉降

後梁宣帝孫蕭銑起兵巴陵自稱梁王

冬十一月李淵入長安立代王侑為皇帝年一十三改元義寧尊隋主廣為太上皇自為大丞相封唐王以子建成為世子世民為秦公元吉為齊公

河池太守蕭瑀隋將屈突通俱降唐遣使下巴蜀是年桂陽人曹武散反改元通聖

按楊廣弒逆無道天下叛之李淵興吊伐之師

如湯武之於桀紂可也而乃效六朝故智以求
禪代豈有人臣擅立一君又尊其君為太上皇
之理乎

八代紀要卷之十六終

八代紀要

卷之十六

三

八代紀要卷之十七

明吳興顧應祥編集

大埔黃康校刊江陰湯明善

庠生倪佩同校

戊寅

隋大業十四年 恭帝侑義寧二年 恭帝侗皇泰元年 唐高祖武德元年

春正月唐王淵自加殊禮劍履上殿贊拜不名

三月隋宇文文化及弒隋主廣立秦王浩居別宮以

兵守之秦王浩者高祖第三子秦孝王俊之子也

江都糧盡從駕驍果多關中人思歸謀亂即將

司馬德戡直闕裴虔通等推宇文文化及為主入

八代紀要

卷之十七

宮弒帝帝問今日之事誰為首曰溥天同怨何

止一人化及使封德彝數帝罪帝曰卿士人何

為亦尔德彝慚而退趙王杲年十二在側號慟

虔通斬之血濺御衣帝命鴆酒馬文舉不許使

令狐行達縊殺之年五十蕭后令官人撤牀簀

為棺埋之後將軍陳稜移塋吳公臺下發歛容

貌若生唐後改葬雷塘謚曰煬齊王暕及宗室

無少長皆死虞世基裴蘊來護兒等俱被殺

梁蕭銑稱帝江陵改元鳴鳳修復園廟吳興太

守沈法興起兵據江表十餘郡夏五月李淵加

十有二旒天子旌旗出警入蹕尋受禪即皇帝位
改元武德是為唐高祖皇帝立子建成為太子世
民為秦王元吉為齊王廢隋主侑為鄴國公東
都留守官聞隋主被弒立越王侗為帝侗眉目如
畫溫厚仁愛改元皇泰王世充為納言元文都為
內史令共掌朝政

煬帝既被弒則越王乃宜立者綱目書侗稱帝
于東都論者乃謂煬帝弒父其子孫不得與漢
昭烈比然侑亦煬帝孫也愚按李淵之立侑王
世充之立侗皆假此為名以圖禪代耳非為隋
也侑為鄴國公侗為潞國公同一廢耳唐能全
侑而世充乃弒侗此人心之所以歸唐也

宇文化及西還長安李密拒之敗化及于黎陽密
奉表降隋為太尉封魏公王世充殺元文都隋
主侗以世充為僕射長樂王竇建德定都樂壽
國號夏改元五鳳秦薛舉卒子仁果立秦王世
民攻之出降復斬于市李軌降唐封涼王復叛
稱帝改元安樂李密為王世充攻敗將士多降
隋後奉表降唐封邢國公復叛行軍總管盛彥師
討斬之宇文化及兵勢日蹙嘆曰人生固當死

人代紀要

卷之十七

二

人代紀要

卷之十七

三

豈不一日為帝乎遂鳩殺秦王浩稱帝於魏縣國
號許改元天壽朱燦稱帝山南國號楚改元昌達
徐世勣降唐賜姓李羅藝降唐以為幽州總管
唐以西突厥曷蘇那可汗為歸義王高開道據
漁陽自稱燕王改元始興唐以樂工舞胡安叱
奴為散騎侍郎是年沙門高曇晟反自稱大乘
皇帝以尼靜宣為耶輸皇后改元法輪
隋自楊堅以辛丑年受周禪盡恭帝丁丑年禪
唐凡三主三十七年

已卯二月置租庸調法朱燦降唐以為楚王復殺唐

使奔東都竇建德執宇文化及于聊城斬之
傳國璽為隋帝裴寂拜蕭后奉表于隋封夏王
唐以隋降臣宇文士及為上儀同封德彝為內史
王世充將秦叔寶程咬金俱降唐咬金名知節
夏四月王世充逼隋主侗禪位稱皇帝國號鄭改
元開明廢隋主侗為潞國公立子玄應為太子玄
怒為漢王以蘇威為太師陸德明為漢王師唐
安興貴執李軌殺之河西平夏竇建德聞王世
充自立乃建天子旌旗出警入蹕立齊王暕遺腹
子政道為鄭公猶倚突厥義成公主迎蕭后建德

遣之又以字文化及育獻公主 五月王世充弒
隋主侗侗請與太后訣不許飲鴆不死繼殺之謚
曰恭帝 徐圓朗降唐以為兗州總管 羅士信
降唐以為陝州行軍總管 秋八月唐鄭國公卒
謚曰恭帝 唐殺民部尚書劉文静 沈法興稱
梁王于毗陵改元延康 李子通稱吳帝于江都
改元明政 杜伏威降唐以為和州總管 賜羅
藝姓李氏破夏兵 李世勣父為竇建德所執奔
降建德虜王世充將劉黑闥以獻建德 是年突
厥始畢可汗死弟處羅可汗立

人代紀要

卷之十七

四

唐之有天下始於劉文静之謀高祖以宿隙殺
之失之薄矣

庚辰 李世勣復歸唐 突厥立楊政道為隋王居定襄
秦王世民擊破宋金剛尉遲敬德降劉武周走死
高開道降以為蔚州總管賜姓李 突厥處羅可
汗死弟頡利可汗咄咄立 李子通滅沈法興
立老子廟

晉州人吉善行言於羊角山見白衣老父曰為
吾語唐天子吾為老君而祖也詔於其地立廟
後世所謂太上老君始此

辛巳

竇建德虜孟海公併其衆 秦王世民擊王世充
敗走進圍洛陽竇建德率兵救之世民分兵洛陽
自以驍勇東趣武牢擒建德至洛陽城示世充世
充出降世民入東都收隋圖籍得傳國八璽班師
獻俘斬建德赦世充為庶人獨孤修德矯赦殺之
初行開元通寶錢 竇建德故將劉黑闥復起渾
南徐圓朗舉兵應之 燭太常樂工為民 秦王
世民為天策上將開館延文學之士

人代紀要

卷之十七

五

志寧軍諸祭酒蘇世長天策府記室薛收文學
司勳郎中杜如晦記室考功郎中房玄齡及于
褚亮姚思廉太學博士陸德明孔穎達主簿李
玄道天策倉曹參軍事李守素王府記室參軍
事虞世南參軍事蔡允恭顏相時著作郎攝記
室許敬宗薛元敬太學助教蓋文達諸議典職
蘇易並以本官為學士

李靖趙郡王孝恭伐梁蕭銑降執歸殺之巴蜀嶺
表悉平

唐兵圍江陵銑問策於岑文本文本勸銑降銑
謂群臣曰天不祚梁不可復支矣必待力屈則
百姓蒙惠奈何以我之故陷百姓於塗炭乃詣

軍門曰當死者惟銑耳百姓無罪願勿殺掠按
蕭銑故累之後志圖恢復比群盜不同況兵至
即降宜待以不死優以官爵可也

杜伏威執李子通送長安 高開道復叛稱燕王
改元始興

壬午

劉黑闥稱漢東王改元天造秦王世民破之奔突

厥 秦王世民擊徐圓朗杜伏威入朝 楚林士

弘卒其衆自散 李子通至藍田爲吏所獲伏誅

太子建成擊劉黑闥

癸未

劉黑闥敗走其所署刺史諸葛德威執送太子斬

人代紀要

卷之十七

六

之 平陽公主薨即葬紹妻 徐圓朗走死地入

唐 幽州提管李藝入朝 以裴寂蕭瑀爲僕射

楊恭仁封德彞爲中書令 淮南行臺僕射輔公

祏詐稱杜伏威貽書起兵稱帝卅陽國號宋詔趙

郡王孝恭李靖討之

甲申

武德七年混一天下 置州縣鄉學 詣國子學釋

奠先聖先師 高開道爲其下所殺以其地爲媯

州 吳王杜伏威卒 平輔公祏 是年封高麗

建武爲遼東王

乙酉

許突厥吐谷渾互市 西突厥遣使請降許之

丙戌

初令州縣里閭各祀社稷 以傳奕言沙汰僧道

省寺觀 夏六月太子建成齊王元吉欲殺秦王

世民爲世民所殺遂以世民爲皇太子

世民與建成元吉有隙以洛陽形勝恐一朝有

變欲出保之建成夜召世民飲以鴆酒吐血數

升高祖謂世民曰首建大謀削平海內皆汝之

功吾欲立汝爲嗣而汝固辭且建成爲嗣日久

不忍奪也觀汝兄弟似不相容當遣汝居洛陽

自陝以東皆主之仍建天子旌旗如梁孝王故

事將行建成元吉慮秦王至洛陽雖制密謀殺

人代紀要

卷之十七

七

世民於是秦府僚佐房玄齡等勸世民先發伏

兵玄武門世民射殺建成尉遲敬德射殺元吉

併殺建成元吉諸子十人

以王珪魏徵爲諫議大夫 帝自稱太上皇 以

高士庶爲侍中房玄齡宇文士及爲中書令蕭瑀

封德彞爲僕射 秋八月太子世民即位年三十

是爲太宗皇帝改明年爲貞觀元年 立長孫氏

爲皇后 與突厥盟于便橋 出官女三千人

冬十月追封故太子爲息隱王齊王爲海陵刺王

立子承乾爲皇太子年八歲 張蘊古上大寶箴

以為大理丞

丁亥唐太宗貞觀元年 分天下為十道關內河南河東

河北山南隴右淮南江南劍南嶺南 今諫官隨

宰相入閣議事 皇后率內外命婦親蠶 封德

彞死 蕭瑀為左僕射長孫無忌為右僕射

戊子 罷周公祀始以孔子為先聖顏回為先師

瓊山丘氏門此後世學校專祀孔子之始前此

所謂先聖者周公也先師者孔子也後世特以

顏子配享孔子亦始于是

梁師都為其下所殺以其地為夏州 祖孝孫秦

人代紀要 卷之十七

唐雅樂 殺瀛州刺史盧祖尚復追悔 復出宮

女三千人 以王珪為侍中 立薛延陀夷男為

真珠可汗

己丑 裴寂坐與妖人相通流靜州卒 以房玄齡杜如

晦為僕射魏徵守秘書監參預朝政 上皇徙居

太安宮 常何薦馬周以為監察御史 李靖討

突厥 杜如晦以疾罷

浮屠法雅坐妖言惑眾辭連裴寂免官削封邑

半歸故郡汾陰狂男子謂寂奴曰公有天分奴

告寂寂不敢聞遣奴殺言者又奴益封邑錢百

萬寂捕急遂上變流靜州會山羗反或言劫寂

為主帝曰寂必不爾既而寂率家僮破賊帝念

寂功詔入朝會卒年六十

按唐之有天下其謀始於劉文静以告裴寂而

文静才名與軍功俱出寂之上唐祖素忌文静

而待之反薄因事殺之太宗亦不能救及即位

亦不見錄其子孫及讀文静本傳始知貞觀三

年已復官爵以其子樹義襲魯國公尚主則太

宗有以報之矣未嘗不念文静也

庚寅 李靖破突厥於陰山 溫彥博為中書令戴胄參

人代紀要 卷之十七

預朝政蕭瑀參議朝政 四夷君長請帝為天可

汗許之 杜如晦卒 林邑入貢 修洛陽宮張

玄素諫止 禁鞭背 李靖為右僕射 定服制

三品以上紫四品五品緋六品七品綠八品青

侯君集參議朝政 高昌王麴文泰入朝 大有

年

辛卯 詔僧道拜父母 以金帛賜突厥驢男女八萬口

削京觀為墳 葬高麗戰亡士 殺大理寺丞張

蘊古 開党項地為十六州 康國求內附不受

河內李好德有心疾為妖言蘊古按之以有疾

不當坐治書侍御史權萬紀劾蘊古阿縱帝怒殺蘊古既而悔之詔自今死罪雖令即決仍三覆奏

壬辰 群臣請封禪不許置三師官詔天下行鄉飲酒禮

癸巳 以魏徵為侍中李淳風造渾天儀頒新定五經縱囚三百九十人來歸赦之定内外官七百三十員

甲午 李靖為特進三日至中書平章政事吐蕃遣使入貢聘鄭仁基女為充華魏徵以其曾許人

人代紀要 卷之十一

諫止 中牟丞皇甫德參直言以為監察御史

西突厥咄陸可汗死弟沙鉢羅咥利失可汗立

乙未 夏五月太上皇崩在位九年壽七十一謚大武廟

號高祖聖獻陵上元元年改謚神堯皇帝天寶八

載謚神堯大聖皇帝十三載增謚神堯大聖大光

孝皇帝分民貲為九等李靖破吐谷渾

丙申 朱俱波甘棠入貢以溫彥博為右僕射楊師道

為侍中魏徵為特進知門下省事長孫皇后崩

權萬紀言采銀黜之突厥阿史那社爾未降

禁上書告訐

丁酉 公主嫁王珪子敬直行婦禮預為山陵終制容棺而已以武士護女為才人年十四

戊戌 頒氏族志吐蕃寇松州侯君集擊敗之復請婚許之西突厥乙昆咄陸可汗立以薛延陀貢珠二子為小可汗分其勢

己亥 王珪卒停襲封刺史如九成宮突厥結社率作亂襲御營斬之以懷化郡王阿史那思摩賜姓李立為泥孰俟利苾可汗帥種落還舊部以楊師道為中書令劉洎黃門侍郎參知政事

參政始此

人代紀要 卷之十二

太史令傅奕卒西突厥咥利可汗死子乙昆沙

鉢羅葉護可汗立號南庭咄陸彌北庭

庚子 命諸儒撰五經正義流鬼國入貢侯君集滅

高昌以其地為西州置安西都護有司劾君集等

私其寶貨下獄岑文本言釋之李淳風考定戊

寅曆

辛丑 以文成公主嫁吐蕃將行封禪褚遂良諫止之

西突厥咄陸可汗殺訶鉢羅可汗薛延陀攻突

厥李世勣破之以吐蕃祿東贊為右衛將軍欲

以琅琊公主嫁之答曰臣國中妻不可棄竟不

受

壬寅 西突厥咄陸可汗為其下所逐遣使立射璽可汗

以新興公主嫁薛延陀 高麗泉蓋蘇文弑其王

建武立王第子藏自為莫離支

癸卯 春正月魏徵卒給羽葆鼓吹陪葬昭陵其妻裴氏

以徵平日儉素悉辭不受以布車載柩而葬帝自

製碑文書石以衡山公主妻其子叔王 圖功臣

於凌烟閣

長孫無忌趙郡王孝恭杜如晦魏徵房玄齡

高士廉尉遲敬德李靖蕭瑀段志玄劉弘基

人代紀要

卷之十七

三

屈突通殷開山柴紹長孫順德張亮侯君集

張公謹程知節虞世南劉政會唐儉李世勣

秦叔寶等

夏四月太子承乾謀反廢為庶人立晉王治為皇

太子年一十六貶魏王泰為東萊郡王誅侯君集

以長孫無忌兼太子太師房玄齡兼太傅蕭瑀為

太保李世勣為詹事瑀世勣並同中書門下三品

同三品始此蓋以僕射為尚書之長兼同侍中

中書故謂之三品

薛延陀來納幣詔絕其昏

薛延陀真珠可汗遣姪納幣獻羊馬契必何力

言不可與婚帝曰已許之矣可食言乎何力對

曰敕夷男使親迎彼必不來則絕之有名乃詔

幸靈州召真珠可汗會禮其臣皆勸阻真珠曰

我得見天子死亦不恨羊馬經沙磧耗死過半

乃責以聘禮不脩絕之司馬公曰太宗審知薛

延陀不可妻初勿許可也既許而絕之雖薛延

陀可滅亦可羞也王者發言出令可不慎哉

遣使冊高麗王藏為遼東郡王

陪魏徵碑

人代紀要

卷之十七

三

初徵嘗薦杜正倫侯君集有宰相才至是正倫

以罪黜君集反誅帝疑徵阿黨乃罷叔王尚主

而陪所撰碑

新羅乞兵伐高麗遣使諭之蓋蘇文不奉詔李世

勣勸征高麗褚遂良諫不聽 徙故太子承乾於

黔州順陽王泰於均州 追黜封德彝官爵改謚

曰謬

甲辰 承乾卒 以劉洎為侍中岑文本馬周為中書令

褚遂良為黃門侍郎參預朝政 突厥徙居河南

可汗李思摩入朝 却高麗貢

岑文本拜中書令有憂色毋問其故答曰非勲
非舊貴重位高是以憂也或勸管產業歎曰吾
一布衣無汗馬勞以文墨致宰相奉稍已過殖
產何為觀此則古之宰相必有功勲者而後為
之後世徒以文士入相欲以處天下之大事惡
乎可哉

乙巳

春正月帝發洛陽親征高麗以張亮李世勣為行
軍大總管封比干墓夏四月諸軍至玄菟新
城李世勣拔蓋牟城五月張亮拔卑沙城
帝度遼拔遼東城進軍白巖城降之六月攻

人代紀要

卷之十七

十四

安市城不下秋九月班師遣使祀魏徵少牢復
立所製碑祭戰亡士卒薛延陀真珠可汗死
其次子拔灼殺其兄曳莽而自立是為多彌可汗
贖諸軍所屬高麗民萬四千口以譜殺侍中劉
洎

丙午

遣大理卿孫伏伽等以六條巡察四方殺刑部
尚書張亮

或告亮有反謀按之不服百官皆言亮反當誅
獨將作少監李道裕言亮反形未具不當死帝
不聽斬之後歲餘刑部侍郎缺帝曰朕得其人

矣以李道裕補之

按唐太宗悔殺張蘊古詔死罪雖令即決仍三
覆奏劉洎張亮之死又不聞三覆何耶

李世勣擊薛延陀降之帝自詣靈州招撫其酋長
皆喜請入朝田悅等十一姓各遣使歸命乞置官
司帝大喜題詩勒石曰雪耻酬百王除凶報千古
始以左丘明等二十二人從祀孔子復伐高麗

丁未

以牛進達李世勣為行營大總管以巢刺王妃
楊氏所生子明為曹王繼刺王後發江南工人
造大船突厥車鼻可汗遣使入貢骨利幹遣

人代紀要

卷之十七

十五

使入貢

戊申

結骨俟利簇入朝隋后蕭氏卒而突厥葉護

阿史那賀魯降以為瑤池都督王玄策使天竺
執其王阿羅那順以歸以識殺李君羨房玄

齡卒遺表諫伐高麗田悅吐迷度可汗為其下
所殺詔立其子婆閏阿史那社爾擊龜茲執其
王布失畢立弟葉護為王西域震駭

己酉

出李世勣為疊州都督李靖卒夏五月帝崩
年五十三謚曰文廟號太宗上元元年謚文武聖
皇帝天寶八載謚文武大聖皇帝十三載增謚文

武大聖大廣孝皇帝太子治即位年二十二是為

高宗 長孫無忌褚遂良受遺詔輔政徵李世勣

為開府儀同三司並同三品 堊昭陵

初李世勣有疾太宗自剪鬚和藥又謂曰朕求

諸臣托幼孤者無以踰公公不負季密豈負朕

哉至是又以其與太子無恩而先黜之則前日

所謂可托孤者何相背耶

人代紀要卷之十七終

人代紀要

卷之十七

去

人代紀要卷之十八

明吳興顧應祥編集

大埔黃展校刊 江陰湯明善

庠生倪佩同校

庚戌唐高宗永徽元年

正月

詔日引刺史入閣問民疾

苦 立妃王氏為皇后 高侃擊突厥車鼻可汗

擒之

辛亥 罪獻鷹隼犬馬者 于志寧張行成為僕射同三

品 高季輔為侍中 焚鞠 西突厥賀魯殺射

瓊可汗自立為沙鉢羅可汗

人代紀要

卷之十八

一

壬子 立子忠為皇太子 吐谷渾新羅高麗百濟並遣

使入貢 梁方破處月朱邪於牢山

癸丑 房玄齡子遺愛及高陽公主謀立荆王元景事覺

俱伏誅誣殺吳王恪 西突厥咄陸可汗死其子

頡達度設號真珠葉護與沙鉢羅有隙擊破之

尋為沙鉢羅所併

甲寅 以才人武氏為昭儀 帝在萬年宮夜大水漂溺

三千餘人衛士皆走薛仁貴登門大呼帝上馬得

出 武后自殺其女誣皇后

唐高宗初政清明自武氏入宮即昏亂矣

乙卯 以李義府為中書侍郎參知政事 李義府表請

立武氏為后李勣許敬宗俱勸之褚遂良以諫貶

潭州都督 冬十月廢皇后王氏為庶人立昭儀

武氏為皇后 王后與淑妃蕭氏俱幽于別院帝

間行至其所呼之王后泣曰至尊若念疇昔使得

再見日月幸甚帝曰即有處置武后聞之怒遣人

斷去手足投酒甕中曰令二姬骨醉數日而死又

斬之 命百官四夷朝武后於肅儀門 武后改

王后姓蟒氏蕭氏為梟氏

丙辰顯慶元年春正月廢太子忠為梁王立武氏子弘為

人代紀要 卷之六

太子年四歲大赦改元 贈后父武士護司徒周

國公 以高祖配昊天於園丘太宗配五帝於明

堂 是年武后見王后為祟遷都洛陽

丁巳 李義府兼中書令 帝隔日視事 天竺方士娑

婆寐采長生藥不就放還 許敬宗為侍中 杜

正倫為中書令 蘇定方擊沙鉢羅分為興昔亡

繼往絕二可汗 從武后意以洛陽官為東都

戊午 徙安西都護府于龜茲 鄂公尉遲敬德卒不通

賓客者一十六年卒年七十四

太宗嘗謂尉遲敬德曰朕以女妻卿何如敬德

謝曰臣妻雖陋相與共貧賤久矣臣雖不學古

人富不易妻非所願也觀此則敬德可謂知道

者矣宜其明哲保身也

褚遂良卒

己未 貶長孫無忌黔州安置許敬宗遣人逼令自殺

庚申 廢梁王忠為庶人 蘇定方伐百濟其王義慈降

冬十月令皇后決百司奏事

辛酉 朔元年 二月改元 復遣行軍大總管率三十

五軍擊高麗

壬戌 春正月改百官名

人代紀要 卷之六

以門下省為東臺中書為西臺尚書省為中臺

侍中為左相中書令為右相僕射為匡政左右

丞為肅儀尚書為太常伯侍郎為少常伯

以許圜師為左相許敬宗上官儀同三品 三月

鄭仁恭等敗鐵勒于天山薛仁貴發三矢殺三人

餘皆請降 颶海總管蘇海政矯詔殺興昔亡可

汗繼往絕可汗亦死十姓無主附于吐蕃 西突

厥寇庭州刺史來濟戰死

癸亥 李義府為右相以賊貶流雋州 改明年為麟德

元年 是年吐谷渾可汗曷鉢為吐蕃所攻棄國

走地入吐蕃

吐谷渾自晉永嘉有國至是凡三百五十年

甲子麟德元年 以劉祥道鄧德玄為左右相 冬十二

月武后誣故太子忠謀逆賜死

武后專恣帝不能堪會臣者王伏勝發其使道

士郭行真出入禁中獻壽帝密召上官儀草詔

欲廢后左右奔告后遽至帝羞縮乃曰我無此

意上官儀教我儀與伏勝曾事太子忠后乃使

許敬宗誣奏與忠謀大逆儀伏勝皆死妻子籍

沒賜忠死劉祥道罷自是權歸于后天子拱手

人代紀要

卷之十八

四

而已中外謂之二聖

乙丑 行麟德曆 以陸敦信為右相 冬十月車駕發

東都十二月至泰山 幸張公藝家九世同居

丙寅乾封元年 春正月封禪泰山改元 尊老母為太

上玄元皇帝 李義府死 李勣伐高麗 劉仁

軌為右相 武后以私憾殺其兄之子武惟良武

懷運

丁卯

戊辰總章元年

三月

四月彗星見五車許敬宗等獻

諛以為高麗將滅之兆 李勣等平高麗分為州

縣立安東都護府 以姜恪闔立本為左右相

己巳 李勣死 以李敬玄郝處俊同三品 以身言言

判取人

庚午咸亨元年

春三月改

天旱武后請避位不許

贈武士護為太原王

辛未

壬申 許敬宗死

癸酉

甲戌上元元年 武后始請父在為母服齊衰三年

秋八月帝稱天后后稱天后改元 封武承嗣為

人代紀要

卷之十八

五

周國公 武后表便宜十二條行之

乙亥 太子弘忤武后意尋卒人謂后為之謫孝敬皇帝

立雍王賢為太子賢韓國夫人所生也 劉仁軌

破新羅 帝患頭風讓武后攝政以郝處俊諫止

丙子儀鳳元年 武后誣蕭妃子郇王素節賊賄降都陽

王袁州安置 十一月太赦改元 以狄仁傑為

侍御史 李敬玄中書令

丁丑

戊寅 百官四哭朝武后于光順門 夏四月以旱大赦

改明年為通乾十二月罷通乾

巳卯調露元年 六月大赦改元 命太子賢監國

庚辰永隆元年 秋八月改 武后廢太子賢帝欲奪之

不能以英王哲爲太子大赦改元永隆

辛巳開耀元年 九月彗星見改元 春正月宴百官及

命婦于麟德殿 太平公主適薛紹

壬午永淳元年 二月以孫重照生滿月大赦改元賜酺

三日立孫重照爲皇太孫 李善感諫營宮室

癸未弘道元年 夏四月絳州步落稽埋銅佛于地候草

生其上給人曰佛光見掘出惑衆作亂討平之

冬十二月帝崩在位三十四年壽五十六諡曰天

人代紀要 卷之十八 六

皇大帝廟號高宗葬乾陵天寶八載改諡天皇大

聖皇帝十三載增諡天皇大聖大弘孝皇帝太子

哲即位更名顯是爲中宗改元弘道武后稱制

初帝患頭重不能視侍醫秦鳴鶴請刺頭出血

武后不欲帝疾愈怒曰此可斬也乃欲於天子

頭刺血帝曰刺之未必不佳乃刺之帝曰吾目

似明矣后舉手加額自負綵百匹賜鳴鶴

甲申唐 中宗嗣聖元年 春正月立妃蕭氏爲皇

后 二月武后廢帝爲廬陵王立高宗第八子豫

王旦改元文明是爲睿宗居于別宮不預政事以

旦長子成器爲太子廢太孫重照爲庶人武后始

御紫宸殿 春三月武后使將軍丘神勣逼故太

子賢自殺仍追封雍王 夏四月武后遷帝于房

州又遷均州 以武承嗣同三品 秋九月武后

改元光宅改服色官名立武氏七廟 以東京爲

神京尚書省爲文昌臺僕射爲左右相六曹爲天

地四時六官門下省爲鸞臺中書爲鳳閣侍中爲

納言中書令爲內史御史臺分爲左右肅政臺

始許諫官風聞言事 李敬業起兵討武后不克

人代紀要 卷之十八 七

武后殺侍中裴炎以鴆味道爲內史李景湛同平

章事

初中宗欲以后父韋玄貞爲侍中裴炎固爭中

宗怒曰我以天下與韋玄貞何不可炎懼曰太

后密謀廢立至是徐敬業兵起后問計於炎炎

請太后反政豫王則不討自平矣武承嗣使監

察御史崔督劾炎有異志鴆味道李景湛證炎

必反遂斬于都市炎以一言廢主自謂托於太

后竟不能保其身何耶

乙酉武后垂拱元年 春正月大赦改元垂拱 三月遷

廬陵王于房州 鄆郡馮小保以賣淫藥與千金公主私通公主薦于武后令削髮為僧改名懷義入官營造僧人唐扮不坦跣始此 以阿史那元慶為典昔亡可汗

丙戌

武后假歸政豫王旦復稱制 置銅匭受密奏

以胡人索元禮為游擊將軍按制獄周與為秋官侍郎來俊臣為御史中丞羅織人罪 以突厥斛瑟羅為繼往絕可汗 有山擁出新豐改名慶山以狄仁傑為冬官侍郎

丁亥

武后殺同三品劉禕之 號州人楊初成矯迎中

人代紀要

卷之八

八

宗武后殺之

戊子 武后加號聖母神皇 作天堂以僧懷義為威衛大將軍封梁國公 琅邪王冲越王貞舉兵匡復不克而死武后遂大殺唐宗室

己丑

武后永昌元年正月改

載初元年十一月改 春正

月武后大饗萬象神宮大放改元永昌賜酺七日夏四月武后殺汝南王暉等一十二人及天官侍郎鄭玄挺 秋九月以僧懷義為新平道大總管討突厥 閏月武后殺同平章事魏玄同 冬十月武后殺鄭王璿等六人 冬十一月武后自名

聖改元載初元年始用周正以十一月為正月十二月為臘月夏正月為一月除唐宗室屬籍 雌鷄變雄

庚寅

武后天授元年

是年以永昌元年十一月為正月

又改元天授 二月武后始策貢士於洛城殿進士廷試始此 武后以武承嗣為左相武攸寧為納言流韋方質于儋州賜死 醴泉人侯思止誣告刺史裴貞與舒王元名謀反武后流元名於和州貞族滅思止求為御史后曰卿不識字對曰獬豸何嘗識字但能觸邪武后悅從之 僧法明等

人代紀要

卷之八

九

偽造大雲經言武后乃彌勒佛下生當代唐為閻浮提主頒其經于天下建寺藏之 侍御史傅游藝表請改國號易姓武后佯不許而擢游藝給事中百官宗戚附和請者六萬餘人武后秋九月改國號曰周稱皇帝以豫王旦為太子賜姓武游藝暮年之間歷衣青綠朱紫人謂四時仕宦 以徐有功為侍御史

辛卯

狄仁傑為平章事 酷吏周興派嶺南為仇人所殺 傳游藝夢登湛露殿為所親告自殺 鳳閣舍人張嘉福使王慶之等數百人請立武承嗣為

太子平章格輔右相岑長倩不從俱被殺武后以
李昭德言亦知其非杖殺慶芝 武后以革命有
功升釋氏於道教之上

壬辰 武后如意元年 長壽元年 來俊臣誣狄仁傑魏元

忠等下獄仁傑獄中上書召見得白與魏元忠俱
出為縣令 夏四月武后幸少年改元如意 九

月又改元長壽 武承嗣罷李昭德同平章事

癸巳 婁師德同平章事 裴匪躬私謁皇嗣腰斬

皇嗣被誣安金藏剖心 武后自號金輪聖神皇

帝 侯思止私賣錦杖殺之

人代紀要 卷之十八 十

甲午 武后延載元年 杜景儉同平章事 僧懷義燒天

堂 夏五月武后加號越古金輪神聖皇帝改元

延載 鑄天樞 武后陰使人毆殺懷義

乙未 武后證聖元年 春正月武后加號慈氏越古

金輪神聖皇帝改元證聖大赦賜酺三日 二月

武后去慈氏越古稱號 秋九月武后稱天冊金

輪大聖皇帝改元天冊萬歲 安平王武攸緒隱

嵩山

丙申 武后萬歲登封元年 是年膺月武后封神岳改元萬

歲登封大赦免租稅賜酺十日 三月明堂成名

通天宮改元萬歲通天 婁師德擊吐蕃敗績吐

蕃尋請和 姚元崇為夏官侍郎 武懿宗誣刺

史劉思禮謀反族滅平章事李元素等三十六家

流其親屬千餘人來俊臣復用 武后嬖幸張昌

宗張易之 徐有功為殿中侍御史 婁師德同

平章事

武嬰信任酷吏殺戮無辜然獄中猶得上書召

見蓋當時立法之善至於想徐有功用法平恕

起為侍御史亦可見天理之在人心未嘗泯也

丁酉 武后神功元年 鑄九鼎用銅五十六萬七百餘斤

人代紀要 卷之十九 十一

武承嗣奪右司郎中喬知之妾碧玉知之作綠珠

怨詩碧玉赴井死承嗣誣知之謀反族誅之 來

俊臣誣御史李昭德謀反又欲羅告諸武表發其

罪弃市併殺昭德 秋九月武后改元神功 狄

仁傑同平章事 魏元忠為肅政中丞

戊戌 武后聖曆元年 正月武后改元聖曆 三月武后以

狄仁傑言召帝還東都 狄仁傑兼納言舉其子

光嗣為地官員外郎 九月突厥陷趙州刺史高

歡不屈而死 武后以帝為皇太子復名顯賜姓

武為河北道元帥狄仁傑副之以討突厥默啜擁

兵還漠北 武后以豫王旦為相王 置控鶴監
是年蘇味道姚元崇魏元忠同平章事

巳亥 武后慮身後帝與諸武不相容命帝及武攸暨等

誓于明堂 妻師德卒 武后疾禱少室山給事

中閭朝隱自為犧牲

庚子 武后大視元年 武后改控鶴監為奉宸府以張易

之為奉宸令選美少年為內供奉武三思奏張昌

宗為王子晉後身使羽衣吹笙乘大鶴文士賦詩

美之 狄仁傑薦張柬之為秋官侍郎 夏五月

武后改元久視罷天冊金輪大聖號賜酺五日

久代紀要 卷之十八 十一

秋八月造大像 九月狄仁傑卒 冬十月復以

寅月為歲首

辛丑 武后大足元年 長安元年 正月武后以成州言

佛跡見改元大足 三月雨雪蘇味道以為瑞

百官賀殿中侍御史王求禮獨不賀時有獻三足

牛者宰相欲賀求禮曰凡物反常為妖武后為之

然郡王重閣議張易之兄弟武后杖殺之 十

月武后改元長安

壬寅 始讓武舉 賜張昌宗鄴園公

癸卯 張昌宗譖貶魏元忠為高要尉流張說嶺南 遣

使以六條察州縣

甲辰 張柬之崔元暉同平章事 以楊再思為內史

張昌宗有罪下獄赦之

乙巳 神龍元年 春正月張柬之崔玄暉敬暉桓彥

範袁恕已率兵斬張易之張昌宗徙武后上陽宮

加則天大聖皇帝中宗復位改元神龍去周號復

以神京為東都 以張柬之袁恕已同三品崔玄

暉為內史敬暉桓彥範為納言 派貶周宰相韋

玄慶房融崔神慶于嶺南 復以楊再思祝欽明

同三品武攸暨為司徒武三思為司空 官婢上

久代紀要 卷之十八 十二

官婉兒為昭儀與武三思通為子韋后三思出入

禁中專制 胡僧慧範以妖妄得幸冒反正功加

銀青光祿大夫賜爵上庸縣公出入宮掖 以術

士鄭普思為秘書監葉靜能為園子祭酒 徵武

攸緒為太子賓客辭去 用韋后武三思計賜敬

暉等五人王爵罷其政事 群臣上帝號應天皇

帝韋后順天皇后 九月武后卒年八十一謚大

聖則天皇后天寶八載加謚則天順聖皇后 是

年尊祖考老子為玄元皇帝

丙午 立衛王重俊為皇太子 太平安樂公主各開府

置官屬 武三思貶敬暉等為遂州司馬使周利用稱御史至嶺外與之玄暉已死彥範復竹槎之上肉盡至骨後以殺之暉而殺之怒已服野葛汁毒憤培地爪甲殆盡仍播殺之

處士韋月將疏論武三思流嶺南廣州都督周仁軌斬之

張易之黨宋之問及弟之孫自流所逃回匿於友人駙馬都尉王同皎家之遜密告同皎欲殺武三思廢韋后同皎自剄於比干廟之問之遜皆除京官

人代紀要

卷之十八

古

鄭普思作亂帝庇之不誅流儋州

賜閹僧萬回號法雲公

丁未景龍元年九月敗

秋七月韋后以太子重俊非其所生惡之武崇訓謀廢太子太子與李多祚發羽林兵誅武三思武崇訓兵潰而死以其首祭三思崇訓

帝加應天神龍皇帝后加順天聖皇后

魏元忠貶卒

蕭至忠宗楚客紀處訥同三品

僧慧範姦賊削爵

遣使江淮贖生

戊申 安樂長寧公主上官婕妤皆以斜封墨勅除官

安樂公主再適其夫之弟武延秀

安樂公主奪民田作定昆池

置修文館學士侍宴賦詩以上官昭容第其文

是年張仁愿築三受降城尋同三品

徵武攸緒入朝不受寵錫而去召近臣守歲

己酉 觀宮女拔河戲開宮市

韋巨源楊再思左右僕射同三品再思死后兄韋

溫李嶠蘇環唐休璟俱同三品韋安石侍中蕭至

人代紀要

卷之十八

十五

忠中書令 祀南郊韋后亞獻

庚戌唐溫王 唐隆元年 六月後廢宗 景雲元年

春正月帝與韋后微行觀燈御梨園

四月幸隆慶池祝欽明作八風舞

夏六月韋后淫亂人言其有逆謀帝快快后懼安

樂公主欲后臨朝已為皇太女合謀餅中進毒弒

帝年五十五在位二十七年為武后所制止為帝

六年諡孝和皇帝廟號中宗天寶十三年加諡大

和大聖大昭孝皇帝

太平公主與上官昭容草遺制立少子溫王重茂

年一十六是為瑒帝改元附隆韋后稱制

宗楚客葉靜能勸后如武后故事以韋氏子弟領南北軍

相王旦子臨淄王隆基起兵誅韋后安樂公主宗楚客武延秀等盡滅韋氏之族尊父旦為帝改元景雲廢重茂復為溫王隆基自為平王尋立為太子

劉幽求參知機務李日知同三品蕭至忠等俱貶秋八月汴州刺史鄭愔與譙王重福舉兵欲誅韋氏改元中元敗死情被誅

人代紀要

卷之六

十六

罷斜封官數千人

姚元之為中書令

以西城陰昌二公主為女官

宋璟為吏部尚書姚元之兵部尚書

辛亥唐睿宗景雲二年

郭元振張說同平章事

徙溫王重茂為襄王復斜封官

命皇太子監國

太平公主謀廢太子事覺蒲州安置尋召還

貶姚元之申州刺史宋璟禁州刺史

韋安石中書令復為左僕射同三品李日知齊懷貞俱為侍中

冬十月安石日知懷貞與郭元振張說俱罷

劉幽求罷又與魏知古崔湜並同三品

陸象先同平章事

召天台道士司馬承禎至京辭還山

是年置十道按察使

壬子太極元年

延和元年

玄宗先天元年

春正月用賈曾議合祭天地于南郊改元太極

寶懷貞岑羲同三品羲尋為侍中

人代紀要

卷之六

十七

太平公主引蕭至忠為刑部尚書

五月祭北郊改元延和

密懷貞以相者言其有刑厄乞為安國寺奴復以為左僕射平章軍國重事

秋八月帝傳太子隆基是為玄宗皇帝年二十八

改元先天立妃王氏為后帝自為太上皇仍總大政

政

以劉幽求為僕射同三品魏知古侍中崔湜中書

令

派劉幽求于封州

刑部尚書李日知致仕

人代紀要卷之十八終

卷之十八

人



人代紀要卷之十九

明吳興顧應祥

大埔黃炎校刊 江陰湯明

庠生倪佩同校

癸丑唐玄宗開元元年 十二月改

秋七月太平公主謀廢立賜死肅至忠岑義實懷

貞崔湜俱伏誅

上皇誥軍國大政一聽帝自處分劉幽求為左僕

射平章軍國大事尋罷 張說為中書令

以高力士為右監門將軍知內侍省事

人代紀要

卷之十九

十一

唐書本傳高力士馮盎曾孫也聖曆初領南討

擊使李千里進二閣兒曰金剛曰力士武后以

其疆悟令給事左右坐累逐出中人高延福養

為子冒其姓等武三思復入禁中

講武驪山斬知禮儀事唐紹流同三品兵部尚書

郭元振於新州

十二月改元群臣上尊號開元神武皇帝改僕射

為丞相中書為紫微省門下為黃門省侍中為監

姚元之避開元號改名崇以同三品改紫微令張

說左遷相州刺史 盧懷慎同平章事

是年以高麗大祚榮爲渤海郡王

甲寅 定内外官出入恒式 置左右教坊 沙汰僧尼

秋七月襄王重茂卒謚曰殤帝

冬十二月以趙麗妃子嗣謙爲皇太子

乙卯 以盧懷慎爲黃門監 置侍讀官 薛訥討突厥

劉幽求卒 初置翰林院

是年山東大蝗姚崇遣使捕之

丙辰 夏六月太上皇崩在位二年壽五十五葬橋陵謚

大聖真皇帝廟號睿宗天寶十三載增謚玄真大

聖大興孝皇帝 遷中宗主于別廟

人代紀要

卷之十九

二

盧懷慎卒 源乾曜同平章事尋與姚崇俱罷

宋璟爲黃門監蘇頌同平章事

丁巳 幸東都 孫平子論中宗不當遷謫都城尉

張九齡請行郊祀

孫平子上言春秋譏魯躋僖公今遷中宗於別

廟而祀睿宗正與魯同兄臣於弟猶不可躋兄

弟臣於兄乎若以兄弟同昭則不應出兄置於

別廟願下羣臣博議遷中宗入太廟太常博士

陳貞節馬宗稷獻以爲七代之廟不數兄弟殷

代或兄弟四人相繼爲君若數以爲代則無祖

禘之祭矣今睿宗之室當亞高宗故爲中宗特

立別廟非躋睿宗於中宗之上也時論多是平

子議久不決蘇頌卒從太常議平子論不已故

謫之按中宗高宗第七子也睿宗高宗第八子

也分爲二代則昭穆不明合爲一廟於禮不可

不得已爲睿宗別立一廟庶幾情禮兼得乎平

子以躋僖爲比則又不同矣

戊午 令州縣行鄉飲酒禮 始加賦以給百官俸

冬十一月還西京 吐蕃請和

己未 宋王成器更名憲改封寧王

人代紀要

卷之十九

王

庚申 始改類回等從祀孔子者爲坐像

詔孔門弟子從祀 以優人言罷宋璟蘇頌亦罷

源乾曜張嘉貞同平章事尋以乾曜爲侍中嘉貞

中書令

辛酉 姚崇卒 以張說同三品 突厥遣使求和

壬戌 內侍楊思勗平安南 始募兵充宿衛

楊思勗羅州石城人本蘇氏冒所養姓少給事

內侍省玄宗平內難有功擢左監門衛將軍

癸亥 北巡以并州爲太原府置北都 祭后土汾陰

張嘉貞罷張說兼中書令 置麗正書院

改政事堂為中書門下

甲子 廢皇后王氏 楊思勗為輔國大將軍

遷臺閣名臣為諸州刺史 張說建議封禪

乙丑 東封太山 詣孔子宅

以王毛仲開府儀同三司

丙寅 李元紘杜暹俱同平章事 張說罷

丁卯 作十王宅百孫院

戊辰 以蕭嵩同平章事 楊思勗平嶺南獠

己巳 杜暹李元紘源乾曜罷宇文融裴光庭同平章事

蕭嵩兼中書令宇文融尋貶汝州刺史

人代紀要 卷之九

以生日為千秋節賜宴

庚午 裴光庭為侍中 令百官休日選勝為樂

是年裴光庭兼吏部尚書始用資格選官

辛未 王毛仲有罪賜死 置太公廟張良配享選古名

將備十哲

壬申

癸酉 分天下為十五道京畿都畿關內河南河東河北

隴右山南東山南西劍南淮南江南東江南西黔

中嶺南各置採訪使

以韓休同平章事

蕭嵩韓休罷以裴耀卿張九齡同平章事

左丞相宋璟致仕歸東都

甲戌 李林甫同三品大風拔木

裴耀卿為侍中張九齡中書令

裴耀卿為江淮河南轉運使置河口輪場

以方士張果為銀青光祿大夫通玄先生

是年幽州節度使張守珪斬契丹王屈烈及可突

干欲以為相張九齡諫以為羽林大將軍

突厥毗伽可汗為其下所殺子登利可汗立

乙亥 冊楊玄琰女楊氏為壽王妃

人代紀要 卷之九

丙子 皇太子更名瑛

張守珪使安祿山襲契丹敗張九齡論以死帝赦

之 增宗廟饗豆加冊黨服

張九齡進千秋金鑑錄

裴耀卿張九齡罷以李林甫兼中書令牛仙客同

三品

丁丑 置玄學博士 立明經問義進士試經法

監察御史周子諒彈牛仙客狀死貶張九齡為荆

州長史

廢太子瑛鄂王瑑光王璿為庶人尋賜死

秋七月大理寺奏有鵲來巢賜李林甫晉國公牛
仙客園國公 武惠妃卒謚貞順皇后

宋璟卒

明皇殺諫臣周子諒貶張九齡聽武惠妃及駙
馬都尉楊洄之譖李林甫之謀而一日殺三子
以刑措而歸功宰輔錫以公爵失政甚矣欲國
之不亂得乎

戊寅 王璵為祠祭使始用楮鏐以祭

令天下州縣里皆置學

立忠王璵為皇太子改名亨

大代紀要

卷之九

六

冊立南詔皮羅閣為雲南王賜名歸義

己卯 追謚孔子為文宣王贈弟子為公侯伯

先是周公為先聖南向孔子為先師東向至是改

孔子南向

磧西節度使蓋嘉運擊突騎施擒其可汗骨啜

庚辰 張九齡卒 竇瑒達干為突騎施可汗

辛巳 太尉寧王憲卒謚曰讓皇帝

帝以夢得玄元皇帝像

壬午天寶元年

春正月改元天寶群臣上尊號曰開元天寶聖文

神武皇帝

以安祿山為平盧節度使 穿三門運渠

合祭天地於南郊 牛仙客卒以李適之為左相

癸未 追尊老聃父為先天太皇鼻孫為德明皇帝涼武

昭王為興聖皇帝

甲申 春正月改年為載 以安祿山兼范陽節度使

河西軍擊突騎施斬莫賀達干更立骨咄祿為可

汗 突厥亂冊回紇骨力裴羅為懷仁可汗

以術士言避甲始祀九宮貴神牲王侔天地

乙酉 帝以武惠妃死宮中無當意者聞壽王妃美令其

大代紀要

卷之九

七

乞為女官號太真潛納宮中至是立為貴妃以其

兄銛為殿中少監錡為駙馬都尉三姊皆賜第

安祿山侵奚契丹各殺其所尚公主以叛

王鉞為京畿採訪使貢額外錢帛以充宴賞薦妃

族兄楊釗為判官

聞空中神語群臣表賀

丙戌 李適之罷以陳希烈同平章事

李林甫引酷吏吉溫為法曹羅希奭為殿中侍御

史人號羅鉗吉網

武后之用酷吏欲暗移唐祚恐人圖已故欲籍

天下之口耳明皇之用酷吏則李林甫專權欲去其不附已者明皇耽於色慾一至於此

丁亥 李林甫殺北海太守李邕 李適之自殺

今士通一藝者皆詣京師李林甫試無一人及第者表賀野無遺賢

以安祿山爲御史大夫出入禁中

冬十月如驪山溫泉華清宮自是每歲十月俱幸

至安祿山亂乃止 帝夢鍾馗啖鬼

李林甫誣構殺戶部侍郎楊慎矜

以天下歲貢賜李林甫

人代紀要

卷之十九

八

呼白鸚鵡爲雪衣娘鷹搏死葬以金棺

始令僧尼祠部給牒

以高仙芝爲安西四鎮節度使

高仙芝高麗人也唐制邊將皆用忠厚名臣功

名著者入爲宰相其四夷之將雖有才畧不專

任皆以大臣爲使以制之李林甫欲杜邊將入

相之路始盡用胡人祿山之禍林甫基之也

戊子 以高力士爲驃騎大將軍

賜安祿山鐵券 以貴妃從兄楊釗判度支事

貴妃諸姊爲國夫人

雲南王歸義卒子閣羅鳳嗣

己丑 觀左藏賜楊釗金紫

加玄元皇帝號曰聖祖大道玄元皇帝增祖宗帝

謚號群臣上尊號曰開元天地大寶聖文神武應

道皇帝 今天下各置玄元廟像

庚寅 封西嶽 賜安祿山東平郡王 賜楊釗名國忠

五星聚箕尾 得妙寶真符

劍南節度使鮮于仲通激南詔反陷雲南諸郡

辛卯 免駙馬程昌裔官 爲安祿山起第窮極壯麗

祿山入禁中作洗兒戲

人代紀要

卷之十九

九

楊國忠遙領劍南節度使

廣陵大風沉船數千艘

武庫災燒兵器三十七萬

壬辰 李林甫死爲相一十九年養成唐亂

王鉞有罪賜死

楊國忠爲右相兼文部尚書領四十餘使

張彖隱居嵩山 吉溫爲御史中丞

王鉞以典利得寵不能保其身可爲言利者之

戒

癸巳 楊國忠說安祿山使阿布思部落降者誣告李林

南與阿布思謀反剖棺削爵子孫流嶺南黔中黨與坐貶者五十餘人

楊國忠注選人於都堂一日而畢京兆尹鮮于仲通諷選人請刻頌省門

甲午

加安祿山左僕射 楊國忠為司空是日雨土

陳希烈罷 以常見素同平章事

加玄元皇帝號大聖祖高上大道金闕玄元天皇大帝

上帝號開元天地大宰聖文神武證道孝德皇帝劍南留後李宓擊南詔全軍敗沒楊國忠隱之更

人代紀要

卷之九

十一

以捷聞高力士言之帝曰卿勿言朕徐思之

乙未

安祿山反 遣封常清募兵東京

以郭子儀為朔方節度使

封常清敗于武牢祿山遂陷東京河南尹達奚珣降賊留守李愬御史中丞盧奕死之高仙芝退保

潼關河南俱陷

帝親征制太子監國楊國忠與貴妃沮之遂寢

平原太守顏真卿起兵討賊

以宦官邊令誠譖言貴勅即軍中斬高仙芝封常

清三軍大呼稱狂

以哥舒翰為副元帥屯潼關

常山太守顏杲卿起兵討賊諸郡皆應之

是年吐蕃贊普乞梨蘇死子娑悉立

丙申天寶十五載 肅宗至德元載

安祿山僭稱大燕皇帝改元聖武

賊將史思明陷常山顏杲卿力盡被執罵賊而死

譙郡太守楊萬石以郡降賊逼真源令張巡為長

史使西迎賊巡至真源帥吏民哭於玄元廟起兵

西至雍丘與單父尉賈贛兵合時雍丘令令狐潮

先已降賊擄淮陽敗兵反接于廷外行部淮陽兵

人代紀要

卷之九

十一

自契鮮縛迎巡等入城屠潮妻子磔城上潮反攻

城真戰死巡併其衆兵威大振

朔方節度使郭子儀河北節度使李光弼與賊將

史思明戰于九門又戰于嘉山皆敗之復河北諸

郡請引兵取范陽不從

楊國忠逼哥舒翰出關敗于靈寶翰降賊賊遂入

關

帝出奔蜀次馬嵬衆軍殺楊國忠并韓國秦國二

夫人喧亂不已帝不得已繼殺楊貴妃衆心始定

號國夫人走至陳倉亦被殺帝留太子亨討賊亨

遂即位千靈武改元至德年四十六是為肅宗
帝尊帝為上皇天帝以裴冕同平章事

賊陷長安殺妃主皇孫數十人陳希烈張均等
俱降賊祿山以希烈均為相

李泌至靈武以為侍謀軍國
回紇吐蕃遣使助討賊

秋八月帝自成都遣使
永王璘反淮南節度使有

安祿山取樂工犀象諸帝
御器與文辭之

天下以楊國忠召亂莫不切齒
翰表請誅國忠翰曰如此乃翰之非祿山也

國忠懼翰圖已募兵萬人令所親杜乾運屯瀾
上以備翰翰亦恐為國忠所圖乃表請瀾上軍

嚴潼關召乾運斬之國忠益懼會有言賊將
無備者乃促進兵翰奏曰祿山以羸師誘我若

往正墮其計官軍據險利在堅守况賊勢日蹙
將有內變因而乘之可不戰而擒也要在成功

務速今諸道兵未集請且待之郭子儀李
肅亦請引兵取范陽覆其巢穴賊必內潰潼

關大軍惟宜守不可輕出國忠以翰逗啗言於
帝遣中使趣之頃背相望翰不得已撫膺慟哭

引兵出關以至於敗向使明皇聽子儀光弼之
言固守潼關引兵搗其巢穴賊進退無據京師

不至失守乘輿未必播遷也小人誤國一至於
此然哥舒翰國之大將平日素輕祿山兵敗不

能死又伏地曰臣肉眼不識聖人忠義之心安
在哉

按肅宗即位靈武范氏以為肅宗以太子討賊
遂自稱帝此乃太子叛父胡氏曰玄宗既有傳

位之命太子非真叛也其失在於玄宗不亟行
而裴冕諸人急於榮貴以致此咎璦山丘氏亦

謂燭理不明欲速而見小利遂陷於不孝不忠
之罪愚以為責之太過當是時玄宗聞潼關失

守不顧宗廟社稷而為脫身之計中外不知帝
之所在則天下已非玄宗之天下矣使太子不

正大位何以激厲人心號召天下之兵而致吐
蕃突厥遣兵入助耶蓋亦勢之不容已也譬諸

人家藏一寶貨父不能守擲之於地子從而拾
之亦何傷乎

人代紀要
卷之十九
三

丁酉唐肅宗至德二載

春正月安祿山子安慶緒使闕駁李猪兒刺殺祿山襲偽位改元載初以嚴莊為御史大夫惟縱酒為樂李輔國附張良姊譖殺帝子建安王倓江南採訪使李成式討永王璘璘敗死賊將尹子奇寇睢陽許遠告急張巡合兵拒守常見素裴冕罷苗晉卿為左相房琯罷張鎬同平章事

是時府庫空虛以官爵賞功諸將出征皆給空名告身但以職任統攝不計官爵高下

人代紀要

卷之九

十四

秋九月廣平王儼郭子儀以回紇收復西京

冬十月尹子琦陷睢陽張巡許遠死節

郭子儀等收復東京李泌還衡山

賊將嚴莊降以為司農卿陳留人殺尹子琦

帝還西京宴回紇葉護歲遺絹二萬匹

安慶緒退保相州改元天和

十二月上皇還自成都

徙廣平王儼為楚王加郭子儀司徒李光弼司空

追贈死節之士李愬盧奕顏杲卿袁履謙張巡許

遠張介然蔣清龐堅等官其子孫

定陷賊官大等罪

賊將史思明降以為歸義王

陳希烈官居宰相俛首於賊任之為相此之陷賊者為可惡不刑於市而賜之自盡可謂矣

刑矣

戊戌乾元元年

正月上皇授帝傳國受命寶符冊號光天文武大聖孝感皇帝

帝上上皇冊號聖皇天帝二月大赦改元復以載初為年徙楚王儼為成王尋立為皇太子更名豫

人代紀要

卷之九

十五

立張氏為皇后

張鎬論不當納史思明降罷以王璘為中書侍郎

同平章事贈顏杲卿太子太保謚忠節

史思明反殺范陽副使烏承恩復陷魏州

冊回紇英武可汗以寧國公主歸之

郭子儀為中書令李光弼為侍中

命郭子儀等九節度使討安慶緒以宦官魚朝恩

為觀軍容使

平盧節度使王玄志卒

遣中使察軍中所欲立者裨將高麗人李懷王殺

玄志之子推侯希逸為節度使詔從之由軍士廢

立節使從此始

己亥 春正月史思明自稱大聖燕王改元應天

三月九節度使兵潰于相州

安慶緒稱臣于史思明史思明誘入其營執而殺之留其子史朝義守鄴引兵還范陽

夏四月史思明稱大燕應天皇帝改元順天

秋七月召郭子儀還以李光弼為朔方節度使兵

馬元帥 賜僕固懷恩爵大寧郡王

寧國公主因無子自回紇歸

冬十月李光弼大敗史思明於河陽

人代紀要 卷之九

十六

庚子上元元年

夏閏四月改元上元 追謚太公望為武成王

以苗晉卿為行侍中行官始此

以劉晏為戶部侍郎充度支鑄錢鹽鐵等使

秋七月李輔國矯制遷上皇於西內流高力士於

巫州陳玄禮致仕

辛丑 春二月李光弼與史思明戰敗績河陽懷州俱陷

三月史思明子朝義弒其父襲偽位改元顯聖

夏四月梓州刺史段子璋反稱梁王改元黃龍李

奭崔光遠討平之

秋九月置道場於三殿飾官人為神帝命大臣膜

拜去尊號及年號以建子月為歲首

李輔國求為宰相裴冕不從以為兵部尚書

貶劉晏為通州刺史以元載為度支鹽鐵等使

壬寅寶應元年

河東軍殺其節度使鄧景山遣使慰諭從其請以

兵馬使辛雲京代

絳州糧賜不給朔方行營都統李國貞狀聞未報

突將王元振激殺國貞

鎮西行營兵亦殺節度使荔非元禮推裨將白孝

人代紀要 卷之十九

十七

德為帥從之

賜郭子儀爵汾陽王知諸道行營子儀收王元振

斬之辛雲京亦誅殺鄧景山者河東諸鎮始奉法

蕭華罷以元載同平章事領度支轉運使如故

建巳月楚州刺史崔旌表稱尼其如恍惚登天見

上帝賜寶王十三枚鎮國群臣表賀

天一氣耳寶王藏於何所上帝既欲鎮國何不

降于朝堂而授於一尼上下相為怪誕如此

太上皇崩年七十八廣德元年塋泰陵謚至道大

聖大明孝皇帝廟號玄宗蕃官務面割耳者四百

餘人高力士赦還開訃慟哭死于道

帝疾甚太子監國改元寶應復以寅月為歲首

張后與越王係謀誅李輔國事泄輔國殺係逼張后下殿殺之

帝崩年五十二廣德元年建陵謚文明武德大

聖大宣孝皇帝廟號肅宗太子豫即位是為代宗

以李輔國為司空兼中書令稱尚父不名尋進爵博陸王

復以劉晏為度支轉運鹽鐵等使

以宦官程元振為驃騎大將軍

人代紀要

卷之十九

十六

以來瑱同平章事

裴冕忤程元振貶施州刺史

以雍王适為天下兵馬元帥統諸道及假回紇兵

克東京史朝義脫走回紇兵入東京大掠賊將鄴

郡節度使薛嵩以相衛洛邢四州降于李抱玉恒

陽節度使張忠志以恒趙深定易四州降于辛雲

京抱玉等入其營皆受代僕固懷恩皆令其復位

秋九月遣盜殺李輔國仍加存問贈太保

冬十一月以張忠志為成德軍節度使賜姓名李

寶臣裨將王武俊為兵馬使

以僕固懷恩為河北副元帥

癸卯唐代宗廣德元年

以劉晏同平章事度支等使如故

來瑱為程元振所譖流播州賜死

賊將田承嗣以莫州降以為魏博德滄瀛五州都防禦使

史朝義走至范陽節度使李懷仙已降不納朝義

窮蹙自縊懷仙斬其首以獻以懷仙仍其故地為

盧龍節度使

以薛嵩為相衛邢洛貝磁六州節度使

人代紀要

卷之十九

九

以梁崇義為山南東道節度使留後

禮部侍郎楊綰上疏舉孝廉

秋七月群臣上帝號寶應元聖文武孝皇帝大赦

改元廣德

冬十月吐蕃入寇帝走陝州吐蕃入長安立廣武

王承宏為帝改元郭子儀逐之放承宏於華州

以宦官呂太一為廣州市舶因而造反平之

十一月削程元振官爵放歸田里

十二月帝還長安

以魚朝恩為天下觀軍容宣慰處置使總禁兵

苗晉卿裴遵慶罷以李峴同平章事

吐蕃陷松維保三州

甲辰 立雍王适為皇太子

僕固懷恩反引回紇吐蕃入寇

以魏博為天雄軍

劉晏李峴罷王縉杜鴻漸同平章事縉始作胡人

法事 楊綰奏罷孝悌力田及童子科

稅青苗錢給百官俸 李光弼卒

乙巳永泰元年

正月改元 以李抱貞為澤潞節度使

人代紀要

卷之十九

二十一

平盧將李懷玉逐其節度使侯希逸詔以懷玉為
留後賜名正已

講仁皇經 命文武臣十三人集賢殿待制

僕固懷恩引回紇吐蕃入寇道死

漢州刺史崔旰殺西川節度使郭英乂

始制樞密使以宦者叅掌其事

丙午大曆元年

秋八月宦者魚朝恩判國子監事

冬十月生日諸道節度使以金帛珍玩上壽

十一月大赦改元

丁未 魚朝恩作章敬寺

以崔旰為西川節度使賜名寧

戊申 春正月幸章敬寺度僧尼千人

徵李泌為相固辭

追謚齊王倓為承天皇帝

幽州將朱希彩與經略副使朱泚及泚弟滔殺節

度使李懷仙以希彩為留後

內出孟蘭盆賜章敬寺常袞論胡僧不當列黃冠

之上

巳酉 以僕固懷恩女為公主嫁回紇

人代紀要

卷之十九

二十二

杜鴻漸病甚削髮而卒 裴冕同平章事卒
庚戌 春三月用元載計誅魚朝恩賜錢以葬

帝以元載忌李泌出為江西觀察判官以避之

辛亥

壬子 盧龍將士殺其節度使朱希彩以朱泚代之

癸丑 晉州男子郇謨獻三十六字召見

昭義薛嵩卒子平讓叔父萼為留後逃歸鄉里

田承嗣為安史父子立四聖祠令毀之加平章事

甲寅 以永樂公主妻田承嗣子華 朱泚入朝

胡僧不空死贈司空肅國公謚大辯正廣智三藏

和尚

乙卯 田承嗣反詔諸鎮兵討之李正已按兵不進

丙辰 田承嗣請入朝詔赦其罪

丁巳 田承嗣不入朝詔討之因其請罪令不必朝

誅元載籍其家貶王縉括州刺史

以楊綰常衮同平章事綰尋卒

起顏真卿為刑部尚書

以段秀實為涇原節度使

久雨戶部侍郎韓滉奏河中有瑞鹽諫議大夫蔣

鎮誣奏表賀

人代紀要

卷之十九

三

恒定二州地震三日東鹿寧晉地裂數丈沙石隨

水流出壞廬舍壓死數百人

戊午 隴右朱泚獻猫鼠同乳宰相常衮帥百官賀崔祐

甫不從

已未 以李泌為澧州刺史 田承嗣卒姪悅自為留後

淮西節度使李忠臣淫暴為其族子李希烈所逐

奔京師以希烈為留後尋為節度使

夏五月帝崩壽五十三諡睿文孝武皇帝廟號代

宗葬元陵太子适即位年三十八是為德宗

常衮論喪服奏貶崔祐甫為河南少尹郭子儀等

表其非罪貶衮潮州刺史以祐甫同平章事

常衮論公卿宜隨帝服二十七日未為不是但

奏貶崔祐甫則出於私耳

尊郭子儀為尚父加太尉中書令

罷四方貢獻罷梨園詔天下毋奏祥瑞縱馴象出

官女 罷榷酒馬燧為河東節度使

兵部侍郎黎幹諛佞被譖賜死

淄青李正已進錢三十萬繕遣使勞其將士因以

賜之 吏部尚書顏真卿請省祖宗諡

秋八月以楊炎喬琳同平章事琳以耳聾罷

人代紀要

卷之十九

三

冬十二月立宣王誦為皇太子

是年南詔閣羅鳳卒孫異牟尋嗣

人代紀畧卷之十九

人代紀要卷之二十

明吳興顧應祥編集

大埔黃康校刊 江陰湯明善

辛生倪佩同校

庚申唐德宗建中元年

正月改元群臣上尊號曰聖神文武皇帝

始作兩稅法

楊炎詔轉運租庸鹽鐵使劉晏與黎幹同謀貶忠州刺史又證其怨望遣人縊殺之

劉晏理財足國之功誠不可泯而不免於殺身

人代紀要

卷之二十

之禍專利久而不知退也槩以言利非之則過矣

帝母沈氏因安祿山亂失去遥尊為皇太后

以段秀實為司農卿 朱泚為涇原節度使

寔公主見舅姑禮

以術士桑道茂言築奉天城

辛酉 成德李寶臣卒子惟岳自稱留後

楊炎盧杞同平章事杞引裴延齡為集賢直學士加梁崇義同平章事拒命詔李希烈討之崇義死傳首京師

尚父太尉中書令汾陽王郭子儀卒謚忠武

以盧杞言罷楊炎以張鎰同平章事

田悅反詔馬燧李抱真李晟討之

平盧李正己卒子納自領軍務與成德李惟岳遣

兵救田悅

李惟岳將張孝忠以易州降以為成德軍節度使

加李希烈同平章事以李承為山南東道節度使

十月盧杞誣殺楊炎

十一月以永樂公主適田華

壬戌 成德兵馬使王武俊殺李惟岳傳首京師武俊復

人代紀要

卷之二十一

與朱滔及救田悅 括富商錢增稅錢

召朱泚入朝以張鎰為鳳翔節度使

源休使田悅還盧杞恐其見帝未至以為光祿卿

盧杞引關播同平章事戒不得言事

冬十一月朱滔自稱冀王田悅稱魏王王武俊稱

趙王李納稱齊王以滔為盟主

十二月李希烈自稱天下都元帥建興王

盧杞因惡張鎰忠直出之鳳翔恐別立相以分已權乃薦關播儒厚可鎮風俗又戒之使不得言事小人蒙蔽君心一至於此

癸亥 春正月李希烈陷汝州刺史李元平降

盧杞惡顏真卿遣宣慰李希烈

行稅開架除陌錢法

秋八月希烈寇襄陽詔發涇原兵救之

冬十月涇原兵過京師因賜與不給欲取瓊林大

盈二庫金帛遂作亂白志貞所募禁兵皆有名無

實召之無一人至者帝與太子諸王公主自苑北

門出王貴妃以傳國璽繫衣中奔奉天涇原節度

姚令言迎朱泚入宮稱權知六軍事百官勸迎乘

輿不從源休使回紇還以賞薄怨望勸泚僭逆司

人代紀要

卷之三

三一

農卿段秀實謀誅朱泚不克被害

鳳翔將李楚琳殺節度使張鑑附于泚 泚自稱

大秦皇帝改元應天以姚令言與檢校司空李忠

臣為侍中源休同平章事太僕卿張光晟工部侍

郎蔣鎮俱受偽官立第滄為皇太弟源休勸泚殺

宗室七十七人樊系代泚撰冊文成仰藥而死泚

舉兵圍奉天 十一月李晟兵入援與渾瑊兵敗

朱泚圍解 朔方節度使李懷光兵入援數言盧

杞趙贊白志貞姦佞杞聞言于帝令其徑取長安

懷光頓兵不進上表暴杞等罪惡帝不得已貶杞

等遠州司馬開播罷

以肅臯為奉義軍節度使

甲子興元元年

春正月改元興元翰林學士陸贄草詔罪已去聖

神文武尊號罷間架墊陌竹木茶漆稅人皆感泣

李希烈僭稱皇帝國號大楚改元武成以李元平

為相

元平善談兵關播薦為汝州刺史汝州陷見李

希烈便溺汚地希烈罵曰官宰相以汝當我復

受其偽官空言無補之流類若此

人代紀要

卷之三

四

賜將士功臣名號

李懷光反與朱泚連兵其養子石演芬遣人告行

在懷光殺之帝奔梁州

魏博田承嗣子兵馬使田緒殺節度使田悅請命

以為節度使

朱泚更號漢改元天皇

涇原將田希鑒殺節度使馮河清附于朱泚

夏六月李晟收復京城朱泚敗走至涇原田希鑒

閉城拒之涇卒殺姚令言降于希鑒朱泚至寧州

為其將梁庭芬射墜坑中韓旻等斬之傳首行在

詔以田希鑒為涇原節度使

李晟為司徒中書令進爵西平王渾瑊為侍中

秋七月李懷光遣子璿詣行在謝罪詔給事中孔

巢父宣慰為懷光左右所殺懷光復拒命

孔巢父初至河中懷光素服待罪巢父不止

懷光左右多胡人皆嘆曰太尉無官矣既而又

宣言軍中誰可代太尉者於是左右發怒遂殺

之巢父素稱辯博不能善其辭命惜也

李希烈縊殺顏真卿德宗本紀顏真卿被殺在貞元元年

帝還長安

大代紀要

卷之十

五

復以宦官竇文場王希遷為監神策軍兵馬使分
典禁兵

閏十月李晟誅田希鑒

朱泚僭偽未及二年而敗其始也朝臣皆甘心

為用其敗也肘腋皆為敵國若田希鑒則尤可

惡者然亦不能逃李晟之誅故詳著之以為亂

臣賊子之戒

鎮海節度使韓滂遣使貢獻加同平章事

乙丑貞元元年

春正月大赦改元

贈顏真卿司徒謚文忠

以盧杞為澧州別駕尋死

馬燧渾瑊平李懷光於河中懷光子璿自殺

初李懷光子璿為監察御史告德宗曰臣父必

負陛下宜早為備德宗問其何策自免曰臣父

敗惟有死而已及懷光敗璿自殺夫君父一也

璿不幸而遇此變不告則不忠告之則無父既

不難於死何不以逆順之道以死諫父不聽則

逃之可也

加馬燧侍中

大代紀要

卷之十

六

朱滔死以劉怱為幽州節度使尋卒以其子濟知

節度事

韋臯為西川節度使

召張延實為相李晟表其過惡止為左僕射

賜奉天興元扈從百官收京將士勳爵

丙寅以劉滋崔造齊暎同平章事造與韓會盧東美張

正則為友以正佐自許時人謂之四夔故不次用

之李泌開運道避砥柱險

淮西將陳仙奇因李希烈有疾使醫毒殺之屠其

家以蔡州降以為淮西節度使為其將吳少誠所

殺遂以少誠為留後

初希烈入汴聞戶曹竇良女美彊取之女顧曰無戚我能滅賊後有寵常稱仙奇忠勇可用仙奇妻亦姓竇請相結以固其夫希烈許諾乘間謂仙奇妻曰賊雖強終必敗云何竇久而悟及希烈死其子秘不發喪欲悉誅諸將自立適有獻舍桃者竇請分遺仙奇以蠟帛九雜果中出訖謀仙奇大驚率兵入斬之函希烈并妻子七首獻于朝仙奇之功竇氏成之也

按陳仙奇平希烈加以節鉞不為過吳少誠殺

人代紀要

卷之十

七

仙奇是賊黨也朝廷不能討又與留後國法何在哉

李晟為其婿工部侍郎張或附張延賞騰謗遣子弟表請為僧不許入朝稱疾辭鎮不許帝遣韓滉使與延賞釋怨晟遂表延賞為相

丁卯以張延賞同平章事以延賞言貶齊映夔州刺史

劉滋罷以柳渾同平章事

以白志貞為浙西觀察使

白志貞非宦官也世史正綱以為宦者誤

渾瑊與吐蕃盟于平涼吐蕃劫盟

李晟為太尉罷其兵柄

馬燧為司徒兼侍中

以李泌同平章事張延賞卒柳渾罷

停西域使者廩給分隸神策軍

郃國大公主有罪幽禁中其女為太子妃帝欲廢

太子李泌力諫始免

妖僧李軟奴作亂伏誅李泌密奏無連及朝士

是年雲南王異牟尋內附

戊辰陽城為諫議大夫

吐蕃寇西川韋臯拒擊破之

人代紀要

卷之十

八

回紇請改回鶻冊回鶻長壽天親可汗以咸安公主歸之

己巳董晉竇參同平章事

中書侍郎同平章事鄭侯李泌卒

回鶻天親可汗卒遣使立其子為忠貞可汗

庚午回鶻忠貞可汗為其下所殺

是歲吐蕃陷安西

辛未遣使立回鶻奉誠可汗

吐蕃寇靈州回鶻擊敗之

壬申竇參族子竇申與諫議大夫吳通玄作謗書傾陸

贊帝知之貶袁州別駕通玄賜死

以趙景陸贊同平章事

平盧李納卒衆推其子師古知留後

以司農卿裴延齡判度支事

癸酉 春正月初稅茶 賈耽盧邁爲相

詔宰相送秉筆以處政事

太尉中書令西平王李晟卒謚忠武

貶寶參驪州司馬尋賜死

寶參與陸贄相傾罪不至死德宗既殺之又藉

其家過矣太平廣記所載上清訴冤之事蓋唐

人代紀要 卷之二十

九

人不平之詞也

宣武軍兵馬使李萬榮逐節度使劉士寧逃歸京

師以萬榮爲留後陸贄諫不聽

甲戌 雲南破吐蕃獻捷遣使立異牟尋爲南詔

罷陸贄爲太子賓客

乙亥 陸贄貶忠州別駕 陽城言裴延齡左遷國子司

業 回鶻奉誠可汗死遣使立懷信可汗

橫海軍亂逐其節度使程懷直以從兄懷信爲留

後

丙子 以渾瑊王武俊兼中書令嚴震田緒韋臯並同平

章事

魏博田緒卒軍中推其少子季安爲留後

以宦官竇文場霍仙鳴爲護軍中尉

趙憬裴延齡卒

宣武軍亂以董晉爲節度使陸長源爲行軍司馬

丁丑 以宦者爲官市

戊寅 貶陽城爲道州刺史 鄭餘慶同平章事

己卯 宣武董晉卒軍亂殺陸長源以劉逸準爲節度使

以李錡爲浙西觀察使

劉逸準卒韓弘爲宣武節度使

人代紀要 卷之二十一

十

蔡州吳少誠叛

中書令咸寧王渾瑊卒謚忠武

庚辰 貶鄭餘慶郴州別駕 以齊抗同平章事

宦官竇文場薦韓全義討吳少誠大敗

赦吳少誠復其官爵

辛巳 韋臯大破吐蕃于雅州以臯爲司徒中書令賜爵

南康王 浙西崔善貞上封事詔送李錡殺之

成德王武俊卒以其子士真代節度使

壬午 詔百官毋得正牙奏事

癸未 以杜佑同平章事 崔損卒高郢鄭珣瑜同平章

事 監察御史韓愈請寬賦貶山陽令

以宦官孫榮義為右神策中尉

甲申 太子患風瘡疾

乙酉唐順宗 永貞元年

春正月帝崩在位二十六年壽六十四謚神武

文皇帝廟號德宗太子誦即位年四十五是為順

宗大赦改元永貞

以韋執誼為尚書左丞同中書門下平章事

王伾為左散騎常侍王叔文為翰林學士用事

追陸贄陽城未至卒

人代紀要

卷三十一

十一

立長子廣陵王淳為皇太子更名純

橫海程懷信卒子執恭為留後賜名權

秋七月太子監國 杜黃裳奏滋同平章事

八月帝傳位太子純年二十八是為憲宗皇帝自

為太上皇 葬德宗崇陵

貶王伾開州司馬王叔文渝州司戶柳宗元劉禹

錫俱貶 韋臯卒以袁滋為西川節度使

始令史官撰日曆 貶韋執誼崖州司馬

袁滋至西川副使劉闢自為留後阻兵自守滋不

敢進帝怒貶滋吉州刺史

武元衡為御史中丞

回鶻懷信可汗死立其子為騰里可汗

以劉闢為西川節度使韋臯為東川節度使

鄭絪同平章事

丙戌唐憲宗元和元年

春正月改元 太上皇崩在位一年壽四十六謚

至德大聖大安孝皇帝廟號順宗大中三年增謚

至德弘道大聖大安孝皇帝葬豐陵

劉闢以西川叛高崇文討平之以崇文為東川節

度使尋改西川 平盧李師古卒其弟師道繼事

人代紀要

卷三十一

十一

徵少室山人李渤為左拾遺辭疾不至朝政得失

輒附奏陳論

以宦官劉光琦知樞密院樞密院始此

吐突承璀為左神策中尉

回鶻入貢以摩尼僧來置寺處之

始制翰林院鈴索 策試制舉之士

丁亥 司徒杜佑致仕 武元衡李吉甫同平章事

鎮海李錡及兵馬使張子良執送京師斬之籍其

家財代浙西今年租賦

武元衡為西川節度使高崇文為邠寧節度使

白居易為翰林學士

山南東道節度使為子季友求尚主以普寧公主歸之

戊子

策試賢良方正牛僧孺皇甫湜李宗閔陳時政李吉甫惡其言直考官坐貶翰林學士王涯裴垪俱罷帝復以裴垪同平章事

沙陀來降以其酋長執宜為陰山兵馬使是為後

唐之始

是年南詔異牟尋卒子尋閣勸立

已丑

立鄧王寧為皇太子李藩同平章事

人代紀要

卷之十

七

成德王士真卒子承宗自為留後遣使謝獻德棣

二州詔以為節度使以薛昌朝為保信節度領德

棣二州承宗執昌朝以歸詔削承宗官爵遣宦者

吐突承瓘率兵討之白居易諫不聽

蔡州吳少誠卒其將吳少陽殺少誠子稱留後

是年雲南尋閣勸卒子勸龍晟立

渤海康王嵩璘卒子元瑜立改元永德

庚寅

吐突承瓘師失利詔雪王承宗罪復其官爵復以德棣與之

盧龍節度使劉濟有疾其次子劉總毒弑之又毒

殺其兄緄自領軍務

以權德輿同平章事

貶東臺監察御史元稹為江陵士曹

元稹為監察御史以忠直著一遭挫折遂喪所

守蓋亦立志不堅之故唐之士夫專務詞華而

不修實德大率如此胡氏乃謂憲宗不能長育

人才責之謬矣

辛卯

李吉甫同平章事李藩罷李絳同平章事

太子寧卒

壬辰

吐突承瓘欲立澧王憚為太子以憚母賤不當立

人代紀要

卷之十

七

乃立第三子遂王恒為皇太子

魏博節度使田季安卒以兵馬使田興為節度使

遣知制誥裴度宣慰

癸巳

賜田興名弘正徵武元衡入知政事

振武軍亂逐其節度使李進賢

甲午

蔡州吳少陽卒子元濟繼事

李絳罷為禮部尚書李吉甫卒

張弘靖同平章事

岐陽公主嫁杜佑孫琮卑順同家人禮

韋貫之同平章事

乙未

吳元濟反削其官爵發兵討之久無功遣御史中丞裴度宣慰行營還言必可取

李師道潛遣人焚河陰儲蓄人情惛懼多請罷兵帝不許以裴度同平章事

李師道令盜殺武元衡擊傷裴度首

柳宗元為柳州刺史劉禹錫為連州刺史

淄青李師道以嵩岳僧圓靜謀襲東都捕獲始知殺武元衡者

田弘正助討淮西

以韓弘為淮西諸軍都統弘不欲淮西速平遣李

人代紀要

卷之十

十一

光顏美女光顏卻之誓不與賊同戴日月

丙申

討王承宗張弘靖以兩役並興國力不足請專事

淮西不聽弘靖罷去李逢吉王涯俱同平章事

李愬為唐鄧節度使柳公綽京兆尹

是年南詔勸龍晟為其臣王嵯巖所弑立其弟勸

利吐蕃贊普死新贊普可黎足立

丁酉

以裴度兼彰義節度使充淮西招討使

李逢吉罷以崔群同平章事

冬十月李愬用淮西降將李祐計雪夜入蔡州擒

吳元濟械送京師裴度入蔡州淮西平賜李愬京

國公裴度晉國公入知政事

以李祐為神武將軍

以李廩同平章事廩始為淮西節度使吐突承璀為監軍素敬憚廩故引以為相

戊戌

李師道王承宗俱納款師道獻沂密海三州承宗

獻德棣二州

李廩耻由宦官進辭疾不視事以為戶部尚書

李愬為武寧節度使

以李夷簡同平章事夷簡自謂才不及裴度求出鎮以為淮西節度使

人代紀要

卷之十

十一

賜六軍辟伏使印李光顏為義成節度使

王淮罷以皇甫鎛程异同平章事

皇甫鎛與宗正卿李道古薦方士柳泌合長生藥

以為台州刺史採藥起居舍人裴潯諫貶江陵令

己亥

迎佛骨貶刑部侍郎韓愈為潮州刺史

春二月平盧將劉悟殺李師道函首至京淄青盡

平分為三道以劉悟為義成節度使

裴度為皇甫鎛所擠出為河東節度使張弘靖為

宣武節度使

韓弘入朝獻馬縵金帛為司徒中書令

群臣上尊號曰元和聖文神武法天應道皇帝

令狐楚為相 田弘正入朝兼侍中還鎮

崔群罷為湖南觀察使

庚子

春正月帝餌柳泌丹藥躁怒有疾內侍王守澄陳

弘志弑之止云暴崩年四十三謚聖神章武孝皇

帝廟號憲宗葬景陵中三年加謚昭文章武大

聖至神孝皇帝

陳弘志殺吐突承璀并澄王惲 韓弘攝冢宰

閏月太子恒即位年一十六是為穆宗

唐憲宗之崩綱目止云暴崩分註云時人皆言

人代紀要

卷之十

七

內常侍陳弘志弑逆其黨誦之不敢討賊但云

藥發外人莫能明不曾明言其故世史正綱直

書宦者陳弘志弑帝今考唐史王守澄傳明白

書守澄與陳弘志弑帝于中和發漢唐秘史亦

同宜從史

貶皇甫鏘崖州司戶蕭俛段文昌同平章事

柳泌伏誅貶李道古循州司馬

以貴妃郭氏為皇后

二月御樓肆赦觀倡優雜戲 令狐楚罷

崔植同平章事 柳公權為翰林侍書學士

元稹以監軍崔潭浚薦為祠部郎中知制誥朝論
鄙之

成德王承宗卒將士秘不發喪欲立其弟承元承

元不從詔以田弘正為成德節度使王承元為義

成節度使

辛丑唐穆宗長慶元年正月改

段文昌囑取進士不遂言禮部侍郎錢徽貢舉不

公降徽外任朋黨始此

杜元穎王播為相

盧龍劉總殺其父兄數見父兄為崇葉官為僧詔

人代紀要

卷之十

十一

以張弘靖為節度使

夏五月遣使冊回鶻崇德可汗以大和長公主妻

之

秋七月盧龍軍亂囚張弘靖推朱滔孫朱克融為

昭後 成德兵馬使王庭湊殺節度使田弘正起

復田布為魏博節度使與諸道兵討之

王播同平章事

群臣上尊號曰文武孝德皇帝

翰林學士元稹與樞密魏弘簡結交求進沮抑裴

度度三上表言之以弘簡為弓箭庫使元稹為工

部侍郎 貶張弘靖吉州刺史

冬十二月以朱克融為平盧節度使

以牛元翼為深冀節度使王庭湊圍深州

壬寅

魏博節度使田布為其將史憲誠所逼刺心而死
詔以憲誠為節度使

以王庭湊為成德節度使遣兵部侍郎韓愈宣慰
其軍牛元翼突圍出深州

崔植罷以元稹同平章事

裴度為司空東都留守復留輔政 王播罷

裴度罷為右僕射元稹罷為同州刺史

人代紀要

卷之二十

十九

李逢吉同平章事

冬十二月帝擊毬宦者墜馬驚得疾立景王湛為

皇太子宦者王守澄專政

癸卯

以牛僧孺同平章事 韓愈為京兆尹

裴度為司空山南西道節度使

復以韓愈為吏部侍郎李紳為戶部侍郎杜元穎

罷

甲辰

春正月帝餌金丹疾作崩年三十是為睿聖文惠

皇帝廟號穆宗葬光陵太子湛即位是為敬宗年

十六宦官請郭太后臨朝不許帝惟知遊宴擊毬

為樂

太后臨朝固非美政但敬宗年少使有太后制
之亦可

李逢吉諧貶李紳為端州司馬

以李程竇易直同平章事

劉栖楚諫宴朝以為諫議大夫

李逢吉引李虞等時號八閹十六子

盜入清思殿中尉馬存亮平之不言功

復加裴度同平章事 回鶻崇德可汗死

是年韓愈卒

人代紀要

卷之二十

二十

乙巳唐敬宗寶曆元年正月改

群臣上尊號曰文武大聖
廣孝皇帝

牛僧孺求出為武昌節度使

浙江觀察使李德裕獻卅宸六箴

鹽鐵使王播獻羨餘絹百萬匹

造龍船二十艘

是年昭義節度使劉悟卒以其子從諫為留後

僕射李絳好直諫李逢吉惡之以為太子少師分

司

丙午

復以裴度為司空同平章事

夏五月盧龍軍亂殺節度使朱克融而立其子廷

祠。

秋八月都將李載義殺之滅其族

冬十月詔以李載義為盧龍節度使

潤州周息元自言數百歲道士趙歸真言于上遣中使迎至館于禁中

帝好擊毬手搏至有斷臂碎首者

冬十二月夜獵還宮與宦者將士擊毬飲酒入室更衣燭滅宦者劉克明等弑之年一十八在位二年大和元年謚睿武昭愍皇帝廟號敬宗葬莊陵劉克明等矯制立絳王悟權勾當軍國事樞密使

人代紀要

卷之二十

三

王守澄等迎穆宗第二子江王涵立之年一十九更名昂是為文宗誅劉克明等絳王悟亦為亂軍所殺

裴度攝冢宰

以韋處厚同平章事出宮女放鷹犬省冗食罷別貯宣索革債帥之弊以高瑀為忠武節度使

人代紀要卷之二十

人代紀要卷之二十一

明吳興顧應祥編集

大埔黃泉校刊 江陰湯明著

庠生倪佩同校

丁未唐文宗大和元年二月改

韋處厚請避位不許

王播獻銀器千綾絹十萬得為平章事

橫海節度使李全畧卒其子同捷權知軍務詔改

充海節度使同捷不受命發諸道兵討之

戊申親策制舉人劉蕡直言宦官下第

人代紀要

卷之二十一

一

王庭湊以兵糧助李同捷命諸軍討之

韋處厚卒以路隋同平章事

已酉橫海節度使李祐擊敗李同捷同捷降宣慰使栢耆攘其功斬同捷以獻李祐病卒賜耆死

赦王庭湊復其官爵

魏博史憲誠請入朝詔移鎮河中以李聽代為節

度使憲誠竭府庫治行將士怒殺之奉兵馬使何

進滔為留後李聽至不得入遂以進滔為節度使

以李宗閔同平章事

命宦官毋得衣紗縠綾羅

禁獻奇巧及織纖麗布帛

是年南詔寇成都

庚戌 以牛僧孺同平章事

柳公綽為河東節度使

興元監軍楊叔元激軍士殺節度使李絳以溫造

為山南西道節度使討平之流叔元康州

裴度辭位出為山南東道節度使

宋申錫同平章事

李德裕為西川節度使

是年渤海王仁秀卒孫彝震立改元咸和

人代紀要 卷之二十一

辛亥 盧龍將楊志誠逐節度使李載義以志誠為留後

王守澄誣宋申錫謀立漳王湊帝欲屠申錫家馬

存亮諫止貶湊巢縣公申錫開州司馬存亮致仕

秋九月吐蕃將悉怛謀以維州降牛僧孺議不受

以悉怛謀等送歸吐蕃殺之

牛僧孺以吐蕃修好不可納其亡叛以失信約

固亦有見故司馬公是之但夷狄之侵陵視中

國之強弱何如耳使當是時李德裕兵力足以

制之則因是而復吾之故土彼亦何辭若徒以

紙上之陳言斷已往之是非失之遠矣

壬子 立魯王承為皇太子

牛僧孺罷為淮南節度使

昭義劉從諫入朝

回鶻昭禮可汗為其下所殺子胡特勒立

癸丑 加劉從諫同平章事歸鎮

以李德裕同平章事

冊回鶻彰信可汗

以李載義為河東節度使

李宗閔罷以王涯同平章事兼度支鹽鐵轉運使

加盧龍楊志誠右僕射

人代紀要 卷之二十二

詔諸王出閣停進士試詩賦

冬十二月群臣請上尊號以中使薛季稜言不受

帝得風疾不能言王守澄薦鄭注飲其藥効有寵

甲寅 冬十月幽州軍亂逐楊志誠推史元忠主留務元

忠獻志誠所造袞衣僭物詔流嶺南道殺之

以李宗閔同平章事

李德裕罷為山南西道節度使德裕請留京師以

為兵部尚書李宗閔言制命已行不宜自便詔以

德裕為鎮海節度使

後令進士試詩賦

成德王庭湊卒子元逵自知留後

乙卯 以王元逵為成德節度使

以史元忠為盧龍節度使

賈餗同平章事 以鄭注言浚曲江及昆明池

貶李德裕袁州刺史

李宗閔為明州刺史

李固言同平章事

鄭注為翰林侍讀學士貶翰林李珣為江州刺史

李訓謀討元和之亂時陳弘志為興元監軍召至

青泥驛封杖殺之

人代紀要

卷之二十一

四

李固言罷為山南西道節度使

鄭注為鳳翔節度使

以王守澄為神策觀軍容使

舒元興李訓同平章事

冬十月王涯兼樞茶使

遣使醜殺王守澄于私第

加裴度兼中書令

十一月李訓舒元興鄭注與邠寧節度使郭行餘

河東節度使王播京兆少尹羅立言金吾大將軍

韓約御史中丞李孝本謀誅宦官事敗訓被殺仇

士良等以其首及王涯賈餗舒元興王播羅立言

李孝本郭行餘告廟社腰斬于市親屬孩穉無遺

涯餗本不與謀人怨涯樵茶至有詬罵投石者右

軍斬韓約鄭注奔鳳翔為監軍所殺

以鄭覃李石同平章事 罷樵茶

天下之事同則成異則敗李訓既居相位不能

輔天子振紀綱立法度以消宦官之權而乃私

為詭計又與鄭注各懷異圖欲功自己立宜其

債事而速敗也

漢唐秘史云仇士良欲廢帝夜半令學士崔慎

人代紀要

卷之二十一

五

由入於秘殿謂曰上不豫已久當立嗣君可急

作詔慎由知其意答曰雖死不敢承士良乃開

後戶引慎由至小殿見帝士良數帝過失而叱

辱之帝俛首戰慄涕泣莫敢言士良指帝曰不

是學士你還得在這裏坐帝戰慄不已

內辰開成元年春正月大赦改元

昭義劉從諫表請王涯等罪欲清君側仇士良懼

加從諫檢校司徒 李固言同平章事

魏謩為補闕帝欲觀史不從

丁巳 以陳夷行同平章事李固言罷

國子監石經成

河陽節度使李泳以賂得鎮貪殘為其下所逐

戊午 盜射傷李石尋罷為荆南節度使

楊嗣復李珣同平章事

冬十一月太子永被譖暴卒

吐蕃曩賽贊普死弟達磨立國人不附吐蕃益衰

己未 晉國公裴度卒

鄭覃罷為右僕射陳夷行罷為吏部侍郎

崔郾同平章事

冬十月立敬宗少子陳王成美為太子時楊賢妃

人代紀要

卷之十一

本一

欲立皇弟安王溶帝與宰相謀不從 回鶻相掘

羅勿弒彰信可汗國人立廬馭特勒國衰

帝問直學士周墀曰朕可方前代何主荅曰堯

舜之主也曰朕豈敢比堯舜何如周赧漢獻耳

墀曰彼亡國之君豈可比聖德曰赧獻受制強

諸侯朕受制家奴似不如也

庚申

春正月帝疾甚樞密使劉弘逸薛季稷引楊嗣復

李珣至禁中欲奉太子監國仇士良魚弘志矯詔

立穆宗第五子穎王潭為皇太弟廢太子成美復

為陳王

帝崩年三十三在位十三年謚元聖昭獻孝皇帝

廟號文宗葬章陵 太弟潭即位年二十九是為

武宗

賜楊賢妃安王溶陳王成美死諸近侍得幸者俱

殺之

仇士良開府儀同三司左衛上將軍請陰養子給

事中李中敏判止之出中敏婺州刺史楊嗣復李

珣罷 崔珙李德裕同平章事

魏博節度使何進滔卒子重順知留後

黠戛斯攻破回鶻廬馭被殺可汗兄弟盟沒斯等

人代紀要

卷之十一

七一

求內附

平西唐武宗會昌元年正月改

以陳夷行同平章事

仇士良譖殺樞密劉弘逸薛季稷遣使誅楊嗣復

李珣李德裕救免俱貶遠州刺史

帝受符籙於趙歸真 崔鄣罷

是年以何重順為魏博節度使賜名弘敬

盧龍軍亂殺節度使史元忠推牙將陳行泰留後

求節鉞用李德裕計不問軍中又殺行泰立張絳

亦不問雄武軍使張仲武起兵擊絳奉表以聞

詔以張仲武爲廬龍留後

回鶻立烏介可汗遣使存問

壬戌 以張仲武爲廬龍節度使 以李紳同平章事

陳夷行罷以李讓夷同平章事

帝欲相白居易李德裕素惡居易沮之以其從

弟白敏中爲翰林學士

回鶻溫沒斯降以爲懷化郡王賜姓李名思忠

吐蕃達磨贊普死無嗣佞相立其妃緄氏兄幼子

乞離胡國人不服其將論恐熱作亂

癸亥 河東節度使劉沔破回鶻兵迎太和公主以歸

人代紀要

卷之二十一

八

贈悉怛謀右衛將軍

崔珙罷李德裕求罷不許

昭義劉從諫死其子稹自爲留後李德裕主議討

之 崔鉉同平章事

築望仙臺於禁中

仇士良致仕

遣御史中丞李回宣慰河北

甲子 以趙歸真爲道門教授先生

削仇士良官爵籍沒家資

杜棕同平章事

李紳罷 昭義牙將郭誼斬劉稹以降以李德裕

言併誅郭誼加李德裕太尉賜爵衛國公

追論劉從諫事貶牛僧孺循州長史流李宗閔封

州

乙丑 李德裕偕群臣五上表請上尊號仁聖文武章天

成功神德明道大孝皇帝

淮南節度使李紳奏江都令吳湘罪湘乃吳武陵

兄子也李德裕素惡武陵屢湘以死

李德裕惡吳武陵至其兄子犯罪遂不付法司

詳斷而屢之以死豈公天下之心乎

人代紀要

卷之二十一

九

杜棕崔鉉罷以李回同平章事

冊點屢斯爲英武誠明可汗

以山南東道節度使鄭肅檢校尚書右僕射同中

書門下平章事

用趙歸真言毀天下佛寺僧尼並勒還俗

以道士劉玄靜爲崇玄館學士辭歸

給事中韋弘質論李德裕被貶

帝服金丹有疾道士以爲換骨罷正旦朝會

吐蕃論恐熱攻其鄯州節度使尚婢婢兵敗

丙寅 春三月帝疾甚或謂唐以土德王不可以王氣尅

君名遂改名炎宦官密定策以皇子冲幼立憲宗第十三子光王怡為皇太叔怡乃憲宗納李錡妾所生更名忱

皇太叔之名古所未有

帝崩年三十三在位六年謚至道昭肅孝皇帝廟

號武宗葬瑞陵皇叔忱即位年三十七是為宣宗

李德裕罷為荆南節度使

誅趙歸真復度僧尼

以白敏中同平章事

增太廟九代十一室敬文武同一代祝文但稱嗣

人代紀要

卷之十一

十

皇帝臣某

鄭肅罷以盧商同平章事帝受三洞法錄

回鶻殺烏介可汗立其弟遏捻

丁卯唐宣宗大中元年正月改

李德裕為白敏中黨所訟改太子少保分司又以

吳湘兄訟冤貶潮州司馬作雍和殿

盧商罷崔元式韋悰同平章事

李回罷

戊辰帝母鄭氏原係憲宗后侍兒與憲宗后太皇太后

郭氏有宿怨待太皇太后甚薄郭太后登勤政樓

欲自縊帝大怒是夕郭太后暴崩不以附葬配享禮院檢討官王晔執奏貶句容令

貶李德裕為崖州司戶

崔元式罷周墀馬植同平章事韋悰罷

令狐綯為翰林學士

萬壽公主適起居郎鄭顥如家人禮

續圖功臣於凌煙閣

是年黠戛斯攻室韋盡收回鶻餘衆歸磧北

已巳周墀以直言罷為東川節度使

崔鉉魏扶同平章事

人代紀要

卷之十一

十一

盧龍張仲武卒子直方為留後尋以為節度使直

方好遊獵軍中將作亂逃歸京師

克復河湟加順宗憲宗尊號

武寧軍亂逐節度使李廓取維州

李德裕卒

庚午馬植交通宦官貶常州刺史

盧龍牙將張允伸自稱留後

魏扶卒崔龜從同平章事令狐綯同平章事

辛未裴休為鹽鐵使

白敏中為党項都統制置使

吐蕃論恐熱入朝 以魏暮同平章事

崔龜從罷

壬申 裴休同平章事 以進士孫樵言復禁度僧尼

癸酉

甲戌 詔雪王涯賈餗等

乙亥

浙東軍亂逐觀察使李訥

成德王元逵卒其子紹鼎自爲留後

崔鉉出爲淮南節度使罷杜棕柳仲郢爲鹽鐵轉

運使

丙子 以鄭朗同平章事

人代紀要

卷之三

十三

裴休請建太子帝曰若建太子則朕遂爲散人休辭位出爲宣武節度使崔慎由同平章事

吏部尚書李景讓議遷穆敬文武四王出廟詔百

官議未決 冬十一月冊回鶻爲懷建可汗

丁丑 帝欲相韋澳澳以不堪繁劇爲辭出爲河陽節度

使魏暮以剛直見忌出爲西川節度使

成德王紹鼎卒弟紹懿自爲留後

以蕭鄴同平章事

迎道士軒轅集于羅浮山

戊寅

劉瑑同平章事崔慎由罷

劉瑑卒夏侯孜平章事

冬十二月蔣仲同平章事

是年渤海王曩囊卒弟虔晃立

己卯

秋八月帝餌李玄伯丹藥疽發背崩在位十三年

壽五十謚聖武獻文孝皇帝廟號宣宗葬貞陵咸

通十三年加謚元聖至明成武獻文睿智章仁神

聰懿道大孝皇帝中尉王宗實等立帝長子鄆王

溫即位改名准年二十七是爲懿宗 誅李玄伯

宣宗愛第三子夔王滋欲立之以其非次又不

決及疾篤密以夔王屬內樞密王歸長馬公儒

人代紀要

卷之三

十三

宣徽南院王居方神策護軍中尉王宗實等立之王歸長等恐王宗實不同心出之淮南監軍

宗實入見帝已崩遂矯詔迎鄆王立爲皇太子

收王歸長等斬之鄆王遂即位夫立嫡以長所

以止亂也若長子不堪負荷亦宜明告于朝堂

以著其所以不宜立之故庶幾可耳今乃溺於

所愛欲立非次又不謀諸大臣而托之閹宦自

啓其亂階也

蕭鄴令狐綯罷杜審權白敏中同平章事

是年南詔王酋龍僭稱皇帝改號大禮

庚辰唐懿宗咸通元年十一月改

折東賊裘甫作亂改元羅平自稱天下都知兵馬使觀察使王式平之

夏侯孜罷 畢誠同平章事

辛巳 白敏中罷杜悰復相 遣使南詔吊祭

壬午 蔣伸罷 置戒壇度僧尼

分嶺南五管爲東西二道以韋宙蔡京爲節度使嶺南西道蔡京以苛慘爲軍士所逐貶崖州司戶

不行賜死

夏侯孜復相

人代紀要 卷之二十一

古

癸未 畢誠以同列徇私稱疾辭位杜審權杜悰俱罷

楊收與中尉楊玄价叙宗相結得同平章事

曹確同平章事

甲申 蕭寔爲相 冬十一月夏侯孜罷路巖爲相

乙酉 蕭寔卒高瓌代尋卒徐商同平章事

始以郭太后配享憲宗

丙戌 成德王紹懿卒兄子景崇自爲留後

魏博何弘敬卒軍中立其子全皞

嶺南西道節度使高駢大破南詔復取交趾

楊收不能遂楊玄玠請托罷相

吐蕃振跋懷光斬論恐熱傳首京師

以高駢爲靜海節度使

點戛斯遣使入貢

丁亥 懷州逐刺史劉仁規

以樂工李可及爲左衛將軍

以干悰同平章事

戊子 春正月彗星出於婁胃以爲瑞稱賀

徐泗兵戍桂州六年不得代殺都將王仲甫推糧

料判官龐勛爲主劫庫兵北還所過剽掠遣中使

赦罪送歸勛懼誅募兵破徐州囚觀察使羅彥曾

人代紀要 卷之二十一

五

自稱兵馬留後以康承訓爲行營招討使率諸道

兵討之唐末之亂始此

己丑 春正月以同昌公主適右拾遺韋保衡傾宮中珍

玩貨送

二月楊收以賄敗流驩州賜死

夏四月龐勛殺崔彥曾自稱天冊將軍

陝州告旱觀察使陳瑋指庭樹曰此尚有葉何旱

之有杖告者民怒逐瑋求飲以溺飲之

徐商罷以劉瞻同平章事

賊將張玄稔以宿州降引兵克徐州龐勛平

以張玄稔為驍衛大將軍康承訓為河東節度使
杜愐為義成節度使朱邪赤心為大同節度使賜
姓李名國昌卒諱為亳州刺史

南詔陷嘉黎雅州

庚寅 春正月群臣上尊號曰睿文英武明德至仁大聖
廣孝皇帝

路巖韋保衡以康承訓討龐勛時逗遛不進貶為
恩州司馬

二月南詔攻成都

三月曹確罷以韋保衡同平章事

人代紀要

卷之十一

十一

夏五月光州逐刺史李弱翁

秋八月同昌公主卒殺醫官二十餘人又收其親
族三百餘繫獄劉瞻諫叱出韋保衡譖瞻與醫官

同謀殺公主貶瞻驪州司戶

以王鐸同平章事以李國昌為振武節度使

辛卯 路巖與韋保衡爭權有隙出鎮西川人以瓦礫擲

之劉鄴同平章事

壬辰 于琮為韋保衡所譖貶韶州刺史琮妻乃帝妹廣
德公主與琮同行琮始獲全

趙隱同平章事

癸巳 春正月迎佛骨入禁中膜拜流涕

韋保衡譖罷王鐸

秋七月帝崩年四十一在位十四年諡昭聖恭惠

孝皇帝廟號懿宗

中尉劉行深韓文約立帝第五子普王儼年十二
是為僖宗

貶韋保衡賀州刺史賜死

路巖貶新州刺史以蕭倣同平章事

甲午市僖宗乾符元年十一月改

春正月賜路巖死二月葬懿宗簡陵

人代紀要

卷之十二

十二

趙隱罷以裴坦代坦尋卒復以劉瞻同平章事長
安市人以百戲迎之瞻由他道而入劉鄴延飲瞻

遂卒人以為鄴鵠之

以崔彥昭同平章事

劉鄴罷以鄭畋盧攜同平章事

遣使冊回鶻可汗

十一月群臣上尊號曰聖神聰睿仁哲明孝皇帝

改元乾符

僖宗以幼冲之年為宦者所立而唐之諸臣諂

諛如此

濮州王仙芝作亂

以宦官田令孜為中尉委以政事呼為阿父

乙未 高駢為西川節度使

浙西鎮遏使王郢作亂陷蘇常州 蕭倣卒

以李蔚同平章事

王仙芝陷濮曹冤句人黃巢聚眾應之

丙申 春二月今天下鄉村各置弓刀鼓板以備盜

崔彥昭罷王鐸同平章事

秋七月宋威破王仙芝沂州奏仙芝已死百官皆

賀兵散居二日州縣奏仙芝劫掠如故復發兵入

人代紀要

卷之十

十

皆怨

以王仙芝為神策押牙不受

丁酉 南詔酋龍死子法梵立

王仙芝遣尚君長請降宋威執之詐為生擒以獻

斬之

戊戌 大同軍亂殺防禦使段文楚以李國昌子克用為

留後以李國昌為大同節度使國昌不受詔

南詔請和親不稱臣

招討副使曾元裕破王仙芝斬之

黃巢稱衝天大將軍攻元王霸陷沂濮及虔吉饒

信等州由宣州入浙東開山路七百里陷福建

鄭畋盧攜議事忿爭俱罷以豆盧瑑珣沈同平章

事 高駢為鎮海節度使

李蔚罷鄭從諫同平章事

己亥 高駢破黃巢巢趣廣南求為廣州節度使授以率

府告身不受遂陷廣州

河東殺節度使崔李康

王鐸請為行營招討都統出討賊尋罷相復以盧

攜同平章事

冬十一月兩日並出而闕

人代紀要

卷之十

十九

庚子廣明元年春正月改

左拾遺侯昌業諫遊戲召至內侍省賜死

河東軍亂殺節度使康傳圭鄭從諫罷相出鎮

宦官李順融為樞密使降麻同將相

宦官田令孜為諸道兵馬制置招討等使其兄陳

敬瑄為西川節度使

遣宗正少卿李龜年使南詔和親

李國昌及其子克用敗走達靼

忠武將周岌殺節度使薛能牙將秦宗權自稱權

知蔡州事

黃巢自采石渡江行營都統高駢自度力不能制稱疾不戰巢遂度淮所過不掠惟取丁壯益兵陷潁宋徐充自稱天補大將軍入東都留守劉允章帥百官迎謁詔以巢為天平節度使冬十二月黃巢入潼關田令孜恐天子責已歸罪盧攜貶為賓客分司攜仰藥死以王徽裴澈同平章事

黃巢入長安金吾將軍張直方帥文武數十人迎于灊上巢僭稱大齊皇帝改元金統宰相豆盧瑑崔沆于琮劉鄴匿民間搜獲殺之并殺廣德公主

人代紀要

卷之三

壬

宗室在長安者無遺類帝奔興元

鳳翔節度使鄭畋合鄰道兵討賊賊發乾陵

辛丑中和元年七月改

春正月帝至成都

蕭遘王鐸韋昭度俱同平章事

樂龜朋為翰林學士

史稱樂龜朋拜田令孜得擢學士張濬耻於衆中拜之先謁謝酒被令孜對衆揚出慚懼無所容胡氏謂富貴有命枉道求之徒喪所守固矣然當播越亂離之際而汲汲於求富貴如此但

知有利而不知有害也悲夫故錄之以見唐之士風如此

加高駢東面都統討黃巢不出兵

宥州刺史拓跋思恭糾夷夏兵討賊

夏四月官軍克長安掠金帛妓妾黃巢走還襲之殺副都統程宗楚鳳翔司馬唐弘夫復據長安

忠武監軍楊復光克鄧州

壽州屠者王緒與妹夫劉行全聚衆作亂陷光州

秦宗權表為光州刺史以固始王潮為軍正

以董昌為杭州刺史

人代紀要

卷之三

壬

是年八月星交流如織或大如杯碗

左拾遺孟昭圖以帝不任宰相上疏直言田令孜

屏不奏矯制貶嘉州司戶遣人沈墓願津殺之

七月改元中和

壬寅王鐸請出為行營都統討賊鄭畋為司空同平章

事

黃巢將朱溫以華州降以為河中行營招討副使

賜名全忠

以李克用為鴈門節度使

是年嘉興馬生角 丹徒狗生角

癸卯

以王鐸為義成節度使 魏博節度使韓簡寇河

陽其將樂行達殺之以為留後賜名彥禎

田令孜為十軍十二衛觀軍容使

以淮南押牙楊行愬為廬州刺史

夏五月李克用破黃巢克復長安詔加同平章事

是為後唐之先 嶺南小校上蔡劉譙討賊有功

以為封州刺史是為南漢之始 以朱全忠為宣

武節度使是為後梁 復以鄭從謹同平章事

鄭畋罷以裴澈同平章事

以宗女妻南詔

人代紀要

卷之二十一

三

甲辰

李克用追黃巢至汴巢將尚讓以眾降巢收餘眾

奔兗州

朱全忠請李克用入汴城飲酒謀害克用走免

尚讓追黃巢至瑕丘巢甥林言斬巢及兄弟妻子

首遇沙陀軍奪之併斬言以獻帝問被擄姬安汝

曹皆勲貴子女何為從賊對曰狂賊凶逆國家百

萬之眾失守播遷乃以不能拒賊責一女子置公

卿將相何地皆戮之或謂黃巢不曾死逃而為僧

依張全義

按唐世逆賊安史死於子朱泚死於部將黃巢

死于甥逆天者天固以逆報之也故備書之以為亂臣賊子之戒

李克用表乞討朱全忠詔解之克用進爵隴西郡

王 王鐸徙義昌過魏州為魏博節度使之子樂

從訓所殺掠其侍妾 關中飢人相食

乙巳光啓元年 春三月帝還京改元

秦宗權陷東都僭稱帝 田令孜取河東鹽池節

度使王重榮拒命令孜遣邠寧朱玫鳳翔李昌符

討之重榮求救於李克用克用師逼京城欲誅令

孜帝出奔鳳翔 右補闕常璩言姑息藩鎮貶萬

人代紀要

卷之二十一

三

州司戶賜死

秦宗權責賦稅於王緒緒不能給渡江轉掠至汀

漳為將士所擒奉王潮為將軍泉州人張延魯等

以刺史廖彥若會暴逐之迎潮

丙午

李克用王重榮表請帝選官誅田令孜令孜切帝

如寶雞失太廟神主遣孔緯召百官不赴

朱玫李昌符耻為令孜用更與李克用合追逼秦

與神策軍使王建負傳國璽掖帝走入散關二月

至興元

詔王重榮應接糧料重榮以不誅令孜不奉詔

以孔緯杜讓能同平章事

夏四月朱玫以肅宗玄孫襄王煚入京師權監國事以鄭昌國同平章事

以蕭遘為太子太保歸政自為侍中以裴澈判度支高駢兼中書令駢所用妖人呂用之為嶺南節度使

冬十月朱玫立煚為帝改元建貞

田令孜自為西川監軍薦楊復恭為中尉詔都將楊守亮與李克用王重榮討朱玫攻將王行瑜斬政棄王煚奔河中王重榮殺之

人代紀要

卷之三

五

是年王潮陷泉州董昌取越州

博野宋文通以討黃巢功賜姓名李茂貞為神策都將

丁未

王行瑜為靜難軍節度使

李茂貞為武定節度使後誅李昌符改鳳翔節度使

楊守亮為山南西道節度使董昌為浙東觀察

使錢鏐為杭州刺史

春三月誅偽宰相蕭遘鄭昌圖裴澈

淮南都將畢師鐸討妖黨呂用之執高駢幽之道

院宣州觀察使秦彥殺之并殺其子弟甥姪同坎瘞之楊行密攻楊州斬呂用之行密即行愍改名也

是年流田令孜於端州不行利州刺史王建襲閬州據之以張濬同平章事

河中軍亂殺王重榮以朱全忠兼淮南節度使

戊申文德元年

秦宗權將孫儒殺秦彥畢師鐸

以楊行密為淮南留後

人代紀要

卷之三

五

春二月帝至長安改元文德

三月帝疾大漸第吉王保長而賢群臣屬望宦官楊復恭等立懿宗第七子壽王傑為皇太弟更名

敏帝崩年二十七在位十五年謚惠聖恭安孝皇帝廟號僖宗葬靖陵皇太弟敏即位年二十二

是為昭宗

幸蜀記載僖宗寵內園小兒張浪狗一日以魚馬告密與百金求得馬畜宜徽南院僖宗獨行觀之巡繞左右謂浪狗曰好馬好馬其馬未經調習忽騰躍踏僖宗左脇倒地浪狗驚惶以尿

灌之良久方甦。詔云氣疾。醫人候脉謂膀胱氣
投治莫效。卅十二日而崩。

魏博樂彥植驕恣。築羅城八十里。軍士不堪作亂。
平將羅弘信殺彥植及其子。從訓以弘信為留後。
十二月。蔡將申叢執秦宗權。折其足降于朱全忠。
割印蜀黎雅置求平軍。以王建為節度使。削陳敬
瑄官爵。

巳酉唐昭宗龍紀元年

春正月改元。以劉崇望同平章事。

帝更名晔。

人代紀要

卷之三

三

朱全忠執秦宗權以獻。進爵東平郡王。

田令孜求劉巨容燒黃金方不與。殺之滅其族。

宦者楊復恭有與上太極殿祀園丘。令有司制宦

官法服孔緯不可。始服劍佩。

庚戌大順元年

春正月群臣上尊號曰聖文睿德光武弘孝皇帝。

改元大順。

朱全忠請討李克用。宰相張濬孔緯主議以濬為

河東行營都招討宣慰使。京兆尹孫揆為副討之。

敗績。孫揆被執鋸解而死。

按張濬始因宦官楊復恭以進。復恭中廢更附
田令孜。孜及復恭再用事。薄濬之為人。濬自恃為
主所知。以言語激復恭之怒。出處既已不正。又
無深謀遠慮。徒以虛談欲僥倖立功。宜其喪師
而辱國也。

是年以楊行密為寧國節度使。朱全忠為宣義節
度使。加中書令。王建陷蜀。

辛亥

孔緯張濬罷。以崔昭緯徐彥若同平章事。

李克用上表訟冤。貶濬。遠州刺史復克用官爵。
尋加中書令。復貶濬。繡州司戶。

人代紀要

卷之三

三

復陳敬瑄官爵。

王建克成都。遂韋昭度自稱留後。詔以建為西川
節度使。

楊復恭專制朝政。諸養子皆為節度使。又養宦官

子六百人。皆為監軍。殺帝舅王環。帝恨之。出為鳳

翔監軍。不肯行。以上將軍致仕。復刺殺詔使謀反。

遣李順節討之。復恭走興元。與養子楊守亮舉兵

拒命。

是年夏四月。彗出三台。入太微長十丈餘。

壬子景福元年正月改。

鳳翔李茂貞靜難王行瑜鎮國韓建同州王行約
秦州李茂壯五節度請討楊守亮詔和解之茂貞
行瑜不聽徑自舉兵以茂貞為山南西道招討使
以鄭延昌同平章事

以楊行密為淮南節度使

錢鏐為武勝軍節度使

李克用養子李存孝叛父來歸以為邢洺滋節度
使

癸丑 以李茂貞為山南西道節度使茂貞以不蕪鳳翔
不奉詔 以柳玭為瀘州刺史

人代紀要

卷之三

三

王建請誅田令孜陳敬瑄不許建徑殺之以聞

王潮陷福州以為福建觀察使

李茂貞恃功驕橫上表不遜帝怒命杜讓能議討

讓能諫不從乃以覃王嗣周為京西招討使帥禁

兵討之崔昭緯陰結邠岐泄其事禁軍至興平望

風奔潰茂貞乘勝逼京城請誅讓能帝流涕貶讓

能雷州司戶崔昭緯復擠之遂賜死以茂貞為鳳

翔兼山南西道節度使

以韋昭度崔胤同平章事

以王行瑜為太師號尚父賜鐵券

甲寅乾寧元年正月有星孛于鶉首改元乾寧

以鄭綮同平章事屢辭不獲尋致仕

鄭綮可謂賢矣唐末宰相皆由宦官以進綮進

無所援而又勇於求退當時外鎮專權諸閹用

事雖房杜復生亦難展布綮不惟進退光明而

且得明哲保身之道本傳謂其立朝侃然無復

故態蓋其中自有所主其平日善詩語多俳諧

故使落調特假此以玩世耳豈可遽以是而少

之哉

李克用克邢州殺李存孝

人代紀要

卷之三

三

鄭延昌罷以李谿同平章事崔昭緯使知制誥劉

崇魯出班掠麻慟哭以谿依附宦官無相業罷為

太子少傅谿上表醜譏崇魯拜田令孜為朱玫作

勸進表詔停其見任

以徐彥若同平章事

李茂貞拔閬州執楊復恭送闕下斬之

以劉隱為封州刺史

乙卯 以陸希聲同平章事

董昌稱帝越州國號大越羅平改元天冊

帝思李谿文學復以為同平章事崔昭緯陰告王

行瑜與李茂貞表谿姦刑宜罷居散秋帝報曰軍旅之事與藩鎮圖之至於命相當出朕懷行瑜等論列不已遂罷谿

以李克用請以劉仁恭為盧龍節度使

崔胤罷以王搏同平章事

令諸王將兵南北司恐不利於已交論而止

王行瑜李茂貞韓建舉兵犯關殺韋昭度李谿欲行廢立聞李克用兵至留衛而還

以孔緯同平章事朱全忠薦張瀆為相李克用表言不可用詔和解之

人代紀要

卷之三

三十一

秋七月王行瑜與李茂貞假子李繼鵬作亂帝奔石門鎮李克用攻王行瑜及遣兵待衛茂貞懼斬繼鵬請罪車駕還京

以崔胤同平章事孔緯卒崔昭緯罷尋貶梧州司馬以孫偓同平章事

冬十一月李克用克邠州王行瑜走死進李克用爵晉王克用請乘勝取李茂貞韓建帝惑於貴近不從克用還晉陽

丙辰

武安軍亂殺劉建鋒其將馬殷自為留後遣使賜崔昭緯死

錢鏐克越州誅董昌以鏐為鎮海鎮東節度使李茂貞復犯關帝出走韓建逼帝入華州茂貞入長安焚燒俱盡

崔胤罷以陸展同平章事胤求援於朱全忠表胤忠臣不宜出外復以崔遠同為相胤誣展為李茂貞黨與破州刺史

王搏罷以國子博士朱朴同平章事

以孫偓為鳳翔四面行營招討討李茂貞復以王搏同平章事

以劉隱為清海行軍司馬

人代紀要

卷之三

三十一

王潮為威武軍節度使

丁巳 立德王裕為皇太子

韓建畏諸王領兵遣人誣告諸王欲殺建帝幸河中帝驚召建諭之建稱疾不入帝令通王滋等八人謁建自解建留軍中奏諸王擅權勒歸十六宅不許典兵又奏其尚包陰計請帝速斷不報建乃與宦官劉季述矯制發兵圍之諸王披髮升屋叫呼帝不能救盡殺之以謀反聞凡殺通王滋延王戒丕丹王允覃王嗣周及睦濟韶彭韓汧陳共十一人

是時宦官專政於內藩鎮擅權於外天子擁虛

器而已

劉仁恭敗李克用於安塞

閩王潮卒弟審知代知軍府事

右拾遺張道古上疏言五危二亂貶施州司戶

戊午光化元年

詔復李茂貞姓名官爵以韓建為修宮闕使罷兵

秋八月帝還京師改元光化

以馬殷知武安留後

以王審知為威武節度使

人代紀要

卷之十一

三

己未 崔胤罷復以陸扆同平章事

以李茂貞為鳳翔彰義節度使

馬殷盡據湖南

庚申 崔胤去位疑王搏所擠寄書朱全忠表論之帝不

得已貶搏崖州司戶

樞密使宋道弼貶驪州景務修貶愛州俱賜自盡

胤專政

崔遠罷以裴贄同平章事

冬十一月中尉劉季述王仲先樞密王彥範薛齊

偓等脅宰相百官署狀廢帝幽于少陽院矯制立

太子裕

辛酉

春正月神策指揮使孫德昭與崔胤謀結右軍都

將董彥弼周承誨伏兵斬王仲先持首獻少陽院

帝與何后毀扉而出劉季述王彥範為亂梃所斃

薛齊偓赴井死俱滅其族帝復位以太子無罪降

為德王賜孫德昭姓名李繼昭周承誨姓名李繼

誨董彥弼賜姓李俱為使相

進朱全忠爵東平王李茂貞岐王崔胤陸扆請以

左右軍屬宰相帝謀於李繼昭繼昭以書生難為

人代紀要

卷之十一

三

為中尉袁易簡周敏容為樞密使仍掌兵柄

以王溥裴樞同平章事夏四月改元天復

冬十月崔胤密召朱全忠除宦官韓全誨等與李

繼誨李彥弼以李茂貞兵劫帝如鳳翔帝不許彥

弼等縱火帝與后妃諸王慟哭上馬而行入鳳翔

朱全忠破華州

朱全忠入長安百官班迎至鳳翔城東帝諭遣還

鎮崔胤裴樞罷

壬戌

春正月以韋貽範同平章事帝宴宰相中尉酒酣

貽範持杯直及帝順鼻以母喪罷

以蘇檢同平章事宦官薦翰林學士姚洎為相洎謀於韓偓偓曰若圖永久之利莫若未就洎乃移疾李茂貞及宦官遂薦檢用之

韋貽範因受賂驚管不遂為債家所譟營求起復詣中尉樞密及李茂貞求之帝命翰林學士韓偓草制偓曰吾腕可斷制不可草上踰論之復命姚洎草制貽範不諫即視事尋卒

蘇檢數為韓偓經營入相偓拒之

朱全忠兵圍鳳翔仍奉表迎駕帝窘甚命李茂貞與全忠和解圍

人代紀要

卷之三十一

三十四

李繼昭出降于全忠復姓符名道昭

按五代史李繼昭符道昭各自一人並無復姓符之說

是年以楊行密為行營都統賜爵吳王行密取昇州進錢鏐爵越王王建取興元

回鶻請發兵赴難韓偓以戎狄難信喻以小寇盜不須赴難沮之

南詔布燮鄭買嗣募其主位改國號大長和蒙氏自細奴邏至此傳十三世凡二百五十年而為鄭所滅

癸亥 平盧節度使王師範發兵討朱全忠克兗州

李茂貞請斬韓全誨等及李繼筠李繼誨李彥弼等一十六人以首示朱全忠始解圍帝幸全忠營

還京師以崔胤為相朱全忠以兵驅中尉第五可範已下數百人盡殺之冤號之聲徹於內外出使在外者詔所在誅之止留黃衣幼弱者三十人以備洒掃以崔胤兼判六軍十二衛事賜朱全忠號曰天再造竭忠守正功臣進爵梁王

以崔胤所惡貶陸扆沂王傳分司王溥賓客分司賜蘇檢死

人代紀要

卷之三十一

三十五

帝欲相韓偓偓薦趙崇王贊崔胤惡其分權使朱全忠言偓妄薦帝不得已貶偓濮州司馬與之泣別朱全忠薦裴樞同平章事

秋八月進王建爵蜀王以獨孤損同平章事朱全忠諷張全義殺致仕左僕射張濬

甲子天祐元年

春正月朱全忠密遣人殺崔胤以崔遠柳璨同平章事逼帝遷都洛陽毀長安宮室廬舍取材浮渭而下京師為墟日中北斗見四月至洛陽改元天祐

朱全忠見德王裕年長欲殺之不得乃使蔣玄暉氏叔琮選牙官史太等百人夜入宮弑帝于椒殿殺宮人裴貞一昭儀李漸榮以身蔽帝被殺矯稱貞一漸榮弑逆立帝第九子輝王祚為皇太子全忠伴驚哭仆地殺友恭叔琮滅口

帝在位一十六年三十八謚恭靈莊閔廟號襄宗至後唐同光初改號昭宗太子即位更名祝年十三是為昭宣帝

是年更封錢鏐為吳王以劉隱為清海節度使

乙丑唐昭宣帝仍稱天祐

人代紀要

卷之三十一

三六

春二月朱全忠使蔣玄暉邀昭宗子德王裕棣王

昶虔王禔遂王禕景王祕祁王祺瓊王祥飲于九

曲池悉縊殺之投尸池中 堊昭宗和陵

柳璨誦事朱全忠譖罷獨孤損崔遠裴樞以張文

蔚楊涉同平章事涉泣謂其子曰此吾家之不幸

也

夏六月星變柳璨疏其素所不快者於朱全忠曰

此曹皆腹誹怨謗宜以之塞災異全忠以為然聚

裴樞獨孤損崔遠陸扈王溥趙崇王贊等凡以名

檢自處者三十餘人於白馬驛一夕殺之李振屢

舉進士不第深疾縉紳之士謂全忠曰此輩嘗自謂清流宜投之黃河使為濁流全忠笑而從之徵前禮部員外郎司空圖詣闕圖陽為哀野墜笏失儀放還山

命魏傳為天雄軍進羅紹威爵鄴王

楊行密卒子渥代為淮南節度使

朱全忠逼受禪以為相國封魏王加九錫怒不受

何太后遣官人達意求傳禪之後毋子生全王殷

趙殷衡遂誣蔣玄暉與柳璨張彥範與太后夜宴

興復唐祚全忠信之令殷等弑太后於積善堂斬

人代紀要

卷之三十一

三七

柳璨於上東門車裂張延範於都市

帝新即位應祀南郊全忠恐以郊天延唐祚罷之

柳璨與樞密蔣玄暉太常卿張延範深相結為

朱全忠謀禪代自以為不世之勳富貴無窮矣

諧言一入遂身首異處非全忠殺之也天假手

於全忠也可為亂臣賊子之戒璨臨刑呼曰負

國賊死其宜矣亦天使之言乎

丙寅

魏傳羅紹威借朱全忠兵殺其牙軍八千家嬰孺

無遺後以勢弱悔之

盧龍劉仁恭始文民面為軍

朱全忠以高季昌為荆南留後

人代紀要卷之二十一

人代紀要

卷之二十一

朱



人代紀要卷之二十二

明吳興顧

大埔黃象校刊 江陰湯明華

庠生倪佩同校

丁卯

梁太祖開平元年

春三月唐遣宰相張文蔚楊涉御史薛貽矩等賡
王冊傳國璽至大梁

四月朱全忠僭即帝位更名晃是為梁太祖大赦
改元開平奉唐帝為濟陰王遷于曹州以兵守之
梁主兄全昱謂曰朱三汝本礪山一民從黃巢為

人代紀要

卷之二十二

十一

盜天子用汝為四鎮節度使富貴極矣奈何一旦
滅唐家三百年社稷它日得無滅吾族乎梁主不
懌而罷

梁以汴州為東都開封府洛陽為西都長安為大
安府佑國軍

以馬殷為楚王錢鏐為吳越王高季昌為荆南節
度使封兄全昱為廣王

以唐相張文蔚楊涉為門下侍郎薛貽矩為中書
侍郎同中書門下平章事

盧龍節度使劉仁恭為其子守光所囚梁以守光

為鷹龍節度使守光兄義昌節度使劉守文起兵討守光請降于梁梁遣使諭蜀王建拒不納

晉李克用吳楊渥岐李茂貞俱仍稱天祐年號建仍稱天復移檄討梁建遣李克用書請各帝一方克用不從建乃自僭稱皇帝是為蜀高祖

梁侵晉圍潞州

契丹耶律阿保機率眾寇雲中晉李克用與之連和約共攻梁阿保機背盟反附于梁

是歲唐亡

唐自高祖武德戊寅稱帝傳二十主至昭宣帝

五代紀要

卷之三十二

二

天祐丁卯凡二百九十年為朱溫所滅

蜀王建武成元年

戊辰

春正月晉李克用卒年五十三長子存勗繼是為後唐莊宗克用臨卒以一箭寓存勗期滅契丹存勗大破梁師潞州圍解梁主嘆曰生子當如李亞子

梁主晃弒濟陰王年十七謚曰哀帝葬溫陵後唐

明宗追謚昭宣光烈孝皇帝

梁張文蔚死楊涉罷于競張策同平章事

梁殺金吾將軍王師範夷其族

蜀王建改元武成元年以養子王宗信為太師為樞密使唐道襲譖撲殺之

淮南張顥徐溫弒其主楊渥欲分其地以臣於梁幕寮嚴可求以太夫人史氏教立渥弟隆演為留後復以溫計斬顥推楊隆演為節度使

華原賊溫韜發唐諸陵楚收茶稅

晉李存勗遣兵助劉守光擊敗劉守文

己巳春正月梁遷都洛陽羣臣上尊號曰睿文聖武廣

孝皇帝梁以王審知為閩王

劉守文招契丹攻守光擒守文囚之以攻滄州判

五代紀要

卷之三十三

三

官孫鶴推守文子延祚為帥拒守

梁以劉守光為燕王

淮南盡取江西地

蜀行司天監胡秀林所獻未昌曆

庚午

劉守光克滄州殺其兄守文族判官呂克釋孫鶴

交客趙王匿克子琦逃之琦後力學自立晉以為

代州判官

岐加楊隆演為吳王

梁夏州亂殺節度使李彝昌以其族父李仁福代之

梁天雄節度使羅紹威卒以其子周翰代之

采以楚王馬殷為天策上將軍

吳越築捍海塘廣杭州城

辛未

梁武化元年 五月改 蜀永平元年 燕劉守光應天元年

梁清海節度使劉隱卒弟嶸知留後

梁主避暑于河南尹張宗翼第浚其婦宗翼全義改名也

燕劉守光稱帝改元應天孫鶴諫令軍士四而散之

按孫鶴為守文守滄州城陷不能死乃為警人

人代絕要

卷之三十二

四

之諍臣死不得其所矣

幽州參軍馮道奔晉以為掌書記

蜀主改元永平號英武睿聖光孝皇帝

壬申

梁主是以子婦入侍寵愛假子友文妻王氏欲傳

位友文次子邳王友珪妻張氏知之以告友珪友

珪夜入內命僕夫馮廷諤刺梁主腹刃出於背以

敗袍裹之瘞於寢殿是被弑時年六十一乾化二

年葬於伊闕縣號宣陵諡神武元聖孝皇帝為梁

太祖友珪即位改元鳳曆殺友文以敬翔同平章

事

自古僭逆之賊其暴橫淫亂無如朱溫者及為

子所弑得禍獨慘故備書以示戒

以楊師厚為天雄節度使 朱友謙以河中附晉

忠武軍亂殺節度使韓建

吳以徐溫為鎮海節度使

是年蜀王建加號英武睿聖神功文德光孝皇帝

命尚食使歐陽柔治田令孜故第掘地得令孜所

盜唐傳國璽以獻

癸酉 梁末帝

春二月梁主是第三子均王友貞與楊師厚謀起

人代絕要

卷之三十三

五

兵討賊友珪令馮廷諤先殺妻次殺已廷諤亦自

剄駒馬都尉趙藏龍虎統軍索象先齋傳國璽詣

大梁迎均王均王曰大梁創業之地何必洛陽遂

即位大梁更名鎰加楊師厚中書令進爵鄴王仍

稱乾化三年以姚洎同平章事追廢友珪為庶人

招朱友謙歸藩

梁以高季昌為渤海王

蜀主以道士杜光庭為諫議大夫

蜀太子元膺與樞密唐道襲相構被殺立幼子宗

衍為皇太子

晉王入幽州執劉仁恭劉守光以歸

甲戌 晉以劉仁恭父子獻廟祭其先王斬之

高季昌攻蜀不克而退或勸蜀主棄江漲決堤以
灌江陵判樞密院毛文錫諫止

是年南詔寇蜀敗還

乙亥 梁貞明元年

十一月改元梁主更名瑱 梁分天雄為兩鎮人
心不服作亂降于晉晉主入撫定之

吳徐溫出鎮潤州留子知訓江都輔政

廣州劉巖求封南越王梁不許朝貢遂絕

人代紀要 卷之三

六

丙子 蜀通正元年 契丹神冊元年

梁以吳越王錢鏐為諸道兵馬元帥

是年冬十月蜀主改元通正元年

契丹阿保機自稱皇帝國人謂之天皇王是為遼

太祖大聖大明神烈天皇帝以述律氏為皇后置

百官改元神冊皆中國人韓延徽教之遂以延徽

為謀主

韓延徽初為劉守光參軍遣往契丹求援阿保

機怒其不拜留以牧馬述律后曰延徽守節不

屈賢者也阿保機始禮用之延徽善屬文有智

畧教契丹建牙開府築城立市以處漢人逃亡

者少契丹遂威服諸國後奔晉陽為掌書記王

緘所嫉復入契丹阿保機待之益厚至是為相

大抵夷狄侵犯中國皆中國人教之議者謂延

徽甘從契丹急於見用而不慎所歸蓋富貴功

名之士難以道義責之但以中國之才而中國

不能用遺於夷狄惜也

丁丑

蜀天漢元年

契丹圍幽州晉李嗣源擊敗之

劉巖稱帝于廣州國號越改元乾亨是為南漢高

人代紀要 卷之三

七

祖 梁以錢鏐為天下兵馬元帥

晉李克用委政監軍張承業軍政肅清饋餉不乏

蜀主改元天漢國號漢又改明年為光天復號蜀

戊寅

蜀光天元年
南漢乾亨元年

蜀太子宗衍好酒色遊戲信王宗傑賢蜀主有廢

立意宗傑暴卒蜀主疑之

夏六月蜀王建殂年七十二謚神武聖文孝德明

惠皇帝廟號高祖陵曰永陵太子宗衍立去宗止

名衍以宦者歐陽晃為將軍預政

吳朱瑾殺徐知訓而自殺

吳以徐溫養子徐知誥為淮南行軍副使輔政

晉大舉伐梁屢破梁

越劉巖改國號漢

己卯

蜀王衍乾德元年 契丹天祚元年

晉以郭崇韜為中門副使

夏四月吳徐溫用嚴可求計請楊隆演稱帝隆演

遂稱吳王改元武義用天子禮以溫為大丞相都

督中外諸軍事東海郡王 徐知誥為左僕射參

知政事嚴可求為門下侍郎 追謚楊行密為孝

武王廟號高祖渚為景王廟號烈祖

八代紀要

卷之二十二

八

是年蜀主衍改元乾德加尊號聖德明孝皇帝

庚辰

梁朱友諒以河中降晉

是年春南漢始置選部以明經舉進士

夏五月吳主隆演因徐溫父子專政建國稱制非

其本意成疾而卒年二十四謚宣王徐溫迎行密

第四子丹陽公溥嗣其位

辛巳

梁龍德元年 吳楊溥順義元年

蜀吳勸晉稱帝時魏州僧得唐黃巢亂時所失傳

國璽獻于晉晉主欲稱帝張承業泣諫成疾

吳楊溥二月改元順義十一月僭祀南郊

是年晉成德將張文禮殺節度使趙王鎔晉以符

習為留後討之

壬午

春正月晉大敗契丹

監軍使張承業卒年七十七謚曰正憲

契丹改元天贊

晉李嗣昭攻鎮州敗死以其子繼韜為昭義留後

秋九月晉克鎮州自領魏博以符習為天平節度

使

癸未唐莊宗同光元年

吳越寶大元年

春二月梁以錢鏐為吳越國王

八代紀要

卷之二十三

九

晉李嗣昭子繼韜以潞州叛降梁以為節度使

夏四月晉主李存勖稱帝魏州國號唐是為後唐

莊宗改元同光以豆盧革盧程同平章事郭崇韜

張居翰為樞密使盧程季龍

唐李嗣源取梁鄆州以嗣源為節度使

梁敬翔薦王彥章為招討攻唐德勝南城三日援

之進攻楊劉唐主救之始退彥章毒為倖臣譖罷

梁段凝賂近臣求為招討使以張漢傑監軍攻鄆

敗績王彥章被擒唐主欲用之不屈而死

冬十月唐主乘勝入大梁梁主瑱慮諸兄弟乘危

為亂盡殺之日夜涕泣不知所為置傳國璽於臥
內忽失之已為人竊獻唐矣謂皇甫麟曰吾不能
自裁可斷吾首麟遂殺梁主方自殺遂滅梁

段凝率精兵五萬降賜姓名李紹欽以為泰寧軍
節度使敬翔自縊死段凝復奏梁趙巖張漢傑等
弄權害民與李振併敬翔家俱族誅貶唐臣仕梁
者宰相鄭珏以下十一人追廢朱溫朱友真為庶
人漆友真首藏于太社欲斷溫棺焚其屍河南尹
張宗奭入朝言之而止宗奭復名全義

楚馬殷吳楊溥俱遣使入貢荆南高季昌避諱改

人代紀要

卷之五

十一

名李興入朝遣還鎮

朱友謙溫韜俱入朝賜朱友謙姓名李繼麟溫韜
姓名李紹冲

昭義李繼韜重賂伶人入朝尋欲為亂被誅

以趙光胤輩說同平章事豆盧革判租庸鹽鐵使
遷都洛陽以長安為西京兆府

唐主善音律自傳粉墨與優人共戲優名李天下
是歲後梁亡

蜀主宴群臣於宣華苑相狎淫亂

南漢始舉進士

後梁朱溫丁卯篡位傳均王朱友為李存勖所
滅二主共一十六年

唐莊宗初入汴李振謂敬翔曰有詔洗滌吾輩
相與謁新君乎翔曰吾二人為梁宰相君昏不
能諫國亡不能救新君若問何辭以對是夕忽
報李已入朝矣翔乃自縊死夫唐之士夫無耻
事二姓者固多至如李振尤為可惡初振為唐
金吾將軍拜台州刺史不果行遂投朱溫表為
節度副使昭宗遷洛往來京師朝臣側目振視
若無人有小怒必加譴謫時人目為鴟梟又贊

人代紀要

卷之五

十一

朱溫殺戮縉紳投之黃河助溫為惡傾移唐祚
罪大惡極人人之所共惡者也及梁祚已移乃
欲首謁新君希圖復用其無耻不亦尤甚乎

甲申 岐李茂貞入貢於唐以為秦王尋卒以其子繼
為鳳翔節度使

唐群臣上尊號曰昭文睿武光孝皇帝

唐復以宦官為內諸司使及諸道監軍

唐以伶人陳俊儲德源為刺史

唐孔謙賂伶官為租庸使

唐主以郭崇韜言立次妃劉夫人為后劉夫人素

微賤不認其父及為后與唐主同幸河南尹張全義第拜全義為父

吳越入貢于唐改元寶大

蜀以宦官王承休為天雄節度使

唐遣客省使李巖使蜀言蜀可伐

漢劉巖更名涉

漢白龍元年 蜀咸康元年

春二月以李嗣源為成德節度使

黜李從珂為突騎指揮使

唐宦官詐言宮中見鬼采民間女三千餘人充後

人代紀要

卷之十一

十一

官

唐復以洛陽為東都興唐為鄴都

唐作清暑樓郭崇韜諫不聽

蜀主改元咸康

五臺山僧誠惠說言能降龍呼風召雨唐主帥妃

拜之安坐不起群臣惟郭崇韜不拜大旱祈雨不

應誠惠逃去慙愧而死

秋九月唐主以魏王繼岌充西川行營都統郭崇

韜充都招討制置等使大舉伐蜀以荆南高季興

為招討使許其自取夔忠萬三州冬十一月王衍

降遂滅蜀誅王宗弼王承休蜀人食其肉

以董璋為東川節度使

孟知祥為西川節度使

閩王王審知卒子延翰立唐以為威武節度使

漢白龍見于三清殿改元白龍漢主更名龔音取

飛龍在天之義

南詔驃信鄭旻求婚於漢妻以增城公主

漢主好夸大奢侈聚珍寶為王堂珠殿遣使詢中

國虛實言唐必亂不足憂呼唐天子為潞州刺史

楚鑄鉛鐵錢

人代紀要

卷之十三

十三

是年蜀亡

蜀王建以唐大順二年據成都天復三年癸亥

進爵蜀王後梁開成二年戊辰稱帝至後唐同

光三年乙酉為唐所滅傳二主自封王至國亡

九二十三年

丙戌唐明宗天成元年

吳越寶正元年

唐劉后遣宦官馬彥珪密教魏王繼岌殺郭崇韜

于蜀并殺崇韜子延誨延信

唐主聽宦官伶人譖言下詔累郭崇韜罪殺其諸

子又以崇韜壻睦王存乂攘臂稱冤李繼麟亦與

連謀俱殺復繼麟姓名朱友謙

李紹琛以郭宗輅死反於蜀任圜平之

魏王繼岌以蜀樂工嚴旭獻唐主以爲蓬州刺史

鄴都軍皇甫暉等作亂遣李紹榮討之不克群臣

請遣李嗣源唐主疑忌不許累言之始遣將親軍

討鄴嗣源至鄴爲亂兵所劫嗣源詭言收兵出奔

相州李紹榮誣奏嗣源與賊合嗣源欲自理屢奏

皆爲紹榮所遏嗣源欲入朝其將石敬瑭曰豈有

大將與叛卒入城得保無恙乎嗣源遂舉兵反

唐豫借河南夏秋稅宰相請出內庫財給軍劉后

人代紀要

卷之三十一

高

不許唐主以景進言遣人殺王衍夷其族

夏四月唐馬直軍王溫作亂伏誅唐主戲謂馬直

指揮使郭從謙曰汝既負我附崇韜存父又教王

溫反何也從謙即伶人郭門高也素敬事崇韜又

爲存父養子因而疑懼帥所部兵反時朱中殷領

騎兵在外唐主召之不至近臣宿將俱潛遁唐主

中流矢鷹坊人善友扶至絳霄殿廡下抽矢渴憊

劉后不來視遣人進酪唐主遂殂年四十三善友

聚樂器焚之劉后裝金寶與申王存渥李紹榮出

走朱中殷入官選官人三十餘人內其家諸軍大

掠李嗣源聞之慟哭入洛陽止于私第禁焚掠拾

唐主骨殖之是年秋七月始葬于新安縣伊陵諡

光聖神閔孝皇帝廟號莊宗宰相豆盧革率百官

上牋勸進嗣源不許止稱監國以安重誨爲樞密

使殺李紹榮復其姓名元行欽殺孔謙罷租庸使

及諸道監軍

劉后奔至晉陽與存渥私通存渥爲下所殺劉后

爲尼監國遣人殺之

監國令所在訪求諸王安重誨與李紹箕密遣人

殺之唐魏王繼岌還至長安聞繼自殺

人代紀要

卷之三十二

主

是月李嗣源稱帝即位有司請更國號不許仍稱

唐號大赦改元省官人伶官教坊鷹坊御廚禁獻

奇玩廢內庫四方所上物悉歸有司復假子本生

姓名嗣源本夷狄無姓名邈佶烈爲李克用義

兒是爲後唐明宗皇帝以鄭珏任圜同平章事

馮道趙鳳爲端明殿學士豆盧革韋說罷

自古無道之君以聲色田獵逸遊以至喪亡者

有之矣未有寵任伶人以至殺身者也自古女

后專政以淫亂竊權有之矣未有以皇后教與

制勅兼行密殺一大將者也莊宗可謂昏庸甚

矣

李嗣源之反起於伶官之譖迫於李紹榮之激方其聞變入洛之時猶有興復唐祚退歸藩服之意殺戮諸王皆非其本心當時豆盧革輩位居宰輔目擊郭從謙之弑逆朱守殷之背主既不能討又不能請於監國明正其罪而急急於奉牋勸進何為者耶觀嗣源之天資朴實可以進言者但其目不知書素無學術無有以大義告之者耳

是年契丹阿保機死謚大聖皇帝述律后愛其中

人代紀要

卷之三

十六

子耀屈之更名德光立之長子東丹王突欲不得

立

唐復以李嚴為西川都監

閩王延翰自稱大閩國王驕淫殘暴審知義子建州王延喜襲福州弑之立其弟延鈞更名鐸

丁亥

吳乾貞元年 契丹天顯元年

春正月唐主更名亶 以趙在禮為鄴都留守皇

甫暉為秦州刺史 以馮道崔協同平章事

西川孟知祥殺監軍李嚴 任園罷

高季興破蜀無功又掠魏王繼岌所進蜀珍貨四

十萬表請獲患萬三州自除刺史不許遂據夔州削其官爵遣兵討之後隋州刺史西方鄴克復三州追論宰相之罪殺言盧革輩說

高季興附于吳不受

唐以馬殷為楚國王

以郭從謙為景州刺史遣使誅之夷其族

宣武朱守殷反遣兵討之守殷自殺

安重誨矯詔賜任園死

吳丞相徐溫卒是為南唐義祖養子知誥繼事

十一月吳楊渾稱帝改元乾貞

人代紀要

卷之三

十七

唐主立親廟於應州舊宅

是年契丹改元天顯

戊子

南漢大有元年

吳遣使至不受

以孔循為東都留守王建立同平章事

義武節度使王都反奚契丹助遣招討使王晏球

破之 秋七月唐收魏稅

八月唐以王延鈞為閩王

九月唐溫韜段凝伏誅

十二月荆南高季興卒年七十一謚武信吳立其

長子從誨

是年南詔楊干貞滅鄭氏立趙善政國號大天興

又廢善政自立國號大義寧改元光聖

楚攻南漢封州劉襲懼篋得大有改元楚兵敗

已丑

吳大和元年

春二月唐王晏球克定王都伏誅并獲奚酋禿飯斬之

三月唐主子從璿酒酣戲御榻安重誨奏殺之

以趙鳳同平章事唐以高從誨為荆南節度使

削吳越王錢鏐官爵

人代紀要

卷之三

大

吳楊溥加號睿聖文明孝皇帝改元大和以徐知

誥中書令

庚寅唐長興元年

二月改

唐安重誨諭河中牙將楊彥溫逐其節度使李從

珂遣兵討之從珂入朝自明重誨諷馮道趙鳳奏

從珂失守加罪唐主不從四月群臣上尊號聖

明神武文德恭孝皇帝

唐立子從榮為秦王從厚為宋王以范延光

為樞密使

川節度使董璋孟知祥連兵反詔遣石敬瑭討

之誅董璋子光業夷其族

楚馬殷卒年七十九謚武穆王次子希聲立

契丹東丹王突欲從扶餘泛海歸唐賜姓東丹名

慕華以為懷化節度使

安重誨出督征蜀諸軍

辛卯

唐賜契丹突欲姓名李贊華以為義成節度使

以李從珂為左衛大將軍復錢鏐官爵

以李愚同平章事趙延壽為樞密使石敬瑭兼六

軍諸衛使

吳以宋齊丘為右僕射致仕

人代紀要

卷之三

九

唐罷翅稅

以宦者孟漢瓊為宣徽使

安重誨以太子太師致仕唐主遣人殺之并殺其

二子

閩王延稟舉兵襲福州兵敗為閩王鏐所殺鏐遣

弟延政建州撫慰其民唐以延政為建州刺史

閩王鏐感於道士陳守光作寶皇宮居之極土木

之盛

壬辰

唐初刻九經板印賣之

以高從誨為渤海王

楚王馬希聲卒追封衡陽王弟希範立

三月吳越錢鏐卒年八十一謚武肅子傳瓘嗣位
更名元瓘

夏四月董璋襲西川爲孟知祥所殺知祥遂併有
東川詔兩川節度使以下官聽知祥自署
以李從珂爲鳳翔節度使

冬十一月以石敬瑭爲河東節度使敬瑭以部將
劉知遠爲押牙

癸巳

閏龍啓元年

閩王鏐以道士傳寶皇語宜少避位當爲六十年

人代紀要

卷之三

三

天子命其子繼鵬權王府事既而復位復問六十
年後安歸曰當爲大羅仙人鏐遂受冊寶皇僭即
皇帝位改元龍啓命其宅曰龍躍宮國號閩

夏州定難節度使李仁福卒唐以其子彝超爲彰
武留後以安從進爲定難留後彝超拒命詔安從
進討之不克遂以彝超爲定難節度使

唐以養子從珂爲潞王第四子從益爲許王

孟知祥爲蜀王

吳徐知誥營宮城於金陵

封錢元瓘爲吳王

太僕少卿致仕何澤請建太子不從以秦王從榮
爲天下兵馬大元帥位宰相上

趙延壽范延光避秦王從榮作亂求去以延壽爲
宣武節度使延光爲成德節度使以朱弘昭馮贇
爲樞密使親軍都指揮使康義誠以其子事從榮
冬十一月唐主疾危秦王從榮以兵入求立樞密
使朱弘昭馮贇拒之皇城使安從益斬從榮并其
子唐主由是疾劇遂殂年六十七清泰元年葬洛
陽縣徽陵謚聖德和武欽孝皇帝廟號明宗迎第
三子宋王從厚嗣位

人代紀要

卷之三

三

有天下者傳之子非以私也所以止亂也立嫡
以長世亂以功皆謂其所生之子義子不得而
與焉明宗長子從璟爲元行欽所殺使從璟有
子當立從璟之子從璟無子則以次當立者舍
從榮其誰耶若其不賢宜明白昭示不堪主器
別爲之圖若無甚大過亦當優容釋師傅以導
之今既不立又加以兵柄是教之使爲亂也潞
王從珂雖有功德以大鎮世爲藩屏可也明宗
乃謂其子重吉曰吾與爾父冒矢石定天下從
榮豈得何力當呼爾父授以兵柄耳斯言也是

又啓從珂篡逆之心也是皆明宗不學無術之故而馮道輩不能以理論之焉用彼相哉初何澤請建太子明宗泣下謂左右曰群臣請之太子朕當歸老太原耳一念之差遂啓攘奪之禍亦可謂貪戀者之戒

甲午唐閔帝應順元年

潞王清泰元年

蜀孟知祥明德元年

閔王鐸永和元年

春正月唐以高從誨爲南平王馬希範爲楚王錢元瓘爲興越王

蜀孟知祥僭稱皇帝國號蜀改元明德以趙季良

人代紀要

卷之三

三十一

同平章事王處回爲樞密使李昊爲翰林學士

知祥卒僞諡文武聖德英烈明孝皇帝廟號高祖

陵曰和陵第三子昶嗣位仍稱明德

朱弘昭馮贇議徙潞王從珂鎮河東石敬瑭鎮成

德從珂遂反詔西京留守王思同統六鎮兵討之

羽林都指揮使楊思權帥諸軍解甲投降官軍潰

散王思同被執不屈從珂改容禮之楊思權等耻

見其面擅殺之并掠其家資妓妾從珂嗟惜累日

康義誠自請爲招討使馬步都指揮使朱洪實請

以禁兵固守洛陽徐圖進取與義誠相爭唐主斬

洪實軍士蓋憤從珂兵至陝康義誠及諸將迎降朱弘昭赴井死安從進殺馮贇并斬弘昭二首獻于從珂

孟漢瓊單騎赴陝投降從珂誅於路隅

唐主出奔衛州路遇石敬瑭盡殺其從騎

夏四月潞王從珂入洛宰相馮道等勸進僭即皇帝位改元清泰以太后令廢唐主爲鄂王遣人殺

之并殺其四子磁州刺史宋令詢聞唐主遇害慟

哭自經死 誅康義誠夷其族

以馮道爲匡國節度使

韓昭胤范延光爲樞密使盧文紀姚顗同平章事

復以石敬瑭爲河東節度使 李愚劉昫罷

是年閔王鐸改元永和

初孟知祥聞唐明宗殂謂其僚佐曰宋王幼弱

爲政者皆胥吏小人其亂可坐而俟也觀此則

從厚乃仁柔之主耳豈從珂之敵哉或謂安重

誨逆知從珂必反可謂獨見夫重誨爲明宗親

信重臣既知之何不誠心直道密告明宗早正

嫡庶之分名位已定從珂雖強豈敢越禮犯分

以自取不韙之罪乎却乃陰謀詭計使人逐之

而又欲附致其罪忠臣謀國顧如是乎况又起于小嫌其心未必出於公也

乙未

吳楊溥天祚元年

唐主詔開賢路趙延壽房暉為樞密使馮道為司空夏州節度使李彝超卒兄彝殷代吳楊溥加號睿聖文明光孝應天弘道廣德皇帝改元天祚

徐知誥進太師天下兵馬大元帥封齊王

閩王鏐以父婢陳金鳳為后陳與嬖吏歸守明百工院使李可殷通鏐婢李春鶯有姿色長子福王

五代紀要

卷之三

壬午

繼鵬蒸之求春鶯鏐與之次子繼韜怒欲殺繼鵬繼鵬謀于皇城使李做倣遂弑閩主於九龍帳殺陳后繼韜李可殷歸守明等而立繼鵬更名昶諡鏐為齊肅明孝皇帝廟號惠宗昶惡倣專政刺殺之倣部曲奪倣首奔錢塘

丙申

閩王昶通文元年

春正月閩王昶立父婢李春鶯為后改元通文夏五月唐以石敬瑭為天平節度使拒命不受以張敬達為招討使與楊光遠等率師討之秋七月殺石敬瑭子四人

石敬瑭遣掌書記吳維翰奉表稱臣契丹事以父禮許割廬龍及鴈門關以北諸州以求救援劉知遠諫以為父事之太過割地恐為異日中國之患不聽

秋九月契丹主德光兵救石敬瑭瑭大敗

冬十一月契丹立石敬瑭為皇帝國號晉改元天福以幽涿薊順瀛漠蔚朔雲應新媯儒武豪十六州入于契丹以趙瑩兼維翰同平章事

唐楊光遠殺招討使張敬達降于契丹趙延壽與其父行營都統趙德均俱降于契丹

五代紀要

卷之三

壬午

唐主從珂與曹太后劉皇后雍王重美等携傳國璽登玄武樓自焚石敬瑭入洛陽廢從珂為庶人以馮道平章事

是年南詔段思平逐楊干貞而奪其國改號大理都直咩城段氏始此

丁酉

晉高祖天福二年南唐徐誥昇元元年建會同元年

晉堯故唐主從珂骨于徽陵南夏四月遷都于汴

范延光反遣楊光遠討之

閩王昶拜道士譚紫霄為正一先生陳守元為天

師起三清殿以黃金數千斤鑄寶皇及無始天尊
太上老君像日焚龍腦薰陸諸香作樂以求還丹
又以方士言作白龍寺百役繁興

以吳越王錢元瓘為天下兵馬副元帥進封吳越
國王

契丹耶律德光改國號曰遼改元會同以趙延壽
為樞密使

吳徐知誥更名誥篡吳主位改元昇元國號大齊
是為南唐烈祖光文肅武孝高皇帝奉揚溥為高
尚思玄弘古讓皇

五代紀要

卷之五

五

吳自楊行密據有淮南以唐昭宗天復一年封
王至晉高祖天福二年為李昇所篡傳四世三
十五年

戊戌

蜀孟昶廣政元年

晉作定命寶其文曰受天明命惟德允昌

以馮道劉昫為冊禮使謂契丹主為父皇帝上表
稱臣歲輸金帛少不如意輒來責讓

契丹亦遣使韓頗冊晉主為英武明義皇帝

升汴州為東京洛陽為西京

范延光降以為天平節度使尋致仕

以楊光遠為天雄節度使
封閩王相為閩國王不受命

徐誥遷讓皇楊溥于潤州尋卒追謚睿皇帝

蜀孟昶始改元廣政

世史正綱稱徐知誥弑其故主考五代史南唐

書俱無明文止從史

已亥 徐誥復姓李更名昇國號唐

南唐初主名昇字正倫五代史通鑑俱同惟南

唐書作昇誤矣李昇初受禪國號大齊及更名

復姓欲自附于唐宗室之裔始改號唐

五代紀要

卷之五

五

按司馬公通鑑謂唐主欲祖吳王恪或曰恪誅

死不若祖鄭王元懿乃命有司考二王苗裔以

吳王孫禕有功禕子峴為宰相遂祖吳王自峴

五世至父榮其名率皆有司所撰考異曰周世

宗實錄及薛史稱昇為宋王璘苗裔江南錄以

為建王恪玄孫蜀李後主實錄云唐嗣薛王知

柔為嶺南節度使卒于官其子知誥流落為徐

溫養子吳越備史又謂昇本湖州安吉岩將潘

氏之子為吳將李神福虜為僕徐溫見其謹厚

求為假子時有識語云東海鯉魚飛上天遂冒

李姓於此觀之則昇之族裔殆不可考未可信其為唐餘也

晉以劉知遠杜重威同平章事

桑維翰為彰德節度使

封唐許王從益為郇國公

廢樞密院以印付中書分判

馮道守司徒兼侍中

閩主以巫者林興言殺其叔父延武延望又因醉

殺從弟繼隆叔父延義陽為狂愚避禍閩主賜道

士服幽於私第拱宸控鶴軍使朱文進連重遇迎

人代紀要

卷之三

三八

延義弑閩主昶而自立稱閩國王改元永隆更名

曦稱藩于晉謚閩主為聖神英睿文明廣武應道

大弘孝皇帝廟號康宗

庚子

楚平群蠻立銅柱於溪州

晉西京留守楊光遠殺范延光晉主不能詰以光

遠為平虜節度使

晉罷翰林學士併其職於中書舍人

晉封閩王曦為閩國王曦城福州西郭度僧萬人

晉加吳越王元瓘尚書令

辛丑

吐谷渾苦契丹貪虐降晉不受

成德節度使安重榮執契丹使者請伐契丹

劉知遠為北京留守遣親將郭威招吐谷渾白承

福等徙內地安重榮勢沮

山南節度使安從進與安重榮俱反

閩主以其弟建州刺史延政為富沙王

閩王曦僭稱皇帝

杭州大火焚盡宮室吳越王元瓘驚懼疾卒年五

十五謚文穆子弘佐立年十三

是年南唐徵諸郡丁口鹽錢後世徵戶口食鹽始

此

人代紀要

卷之三

三九

壬寅

晉出帝

南漢光大元年

春正月晉杜重威平安重榮斬其首以獻契丹

漢主襲卒年五十四謚天皇大帝廟號高祖陵曰

康陵長子秦王洪度立更名玠改元光天以弟洪

熙輔政

契丹以晉招納吐谷渾遣使責讓晉主憂悒成疾

出幼子重睿拜馮道立之仍命召劉知遠輔政

夏六月晉主殂馮道與景延廣等議之高祖兄敬

儒之子齊王重貴是為出帝不召知遠知遠怨之

秋八月安從進平

晉加景延廣同平章事兼侍衛都指揮使

晉復行官賣鹽法

嶺南博羅縣吏張遇賢有神降其家循州群賊共
禱于神言遇賢當為汝主遂奉遇賢為主稱中天

八國王改元永樂

癸卯

唐僖宗元年 又改乾和
漢應乾元年 又改乾和

春二月唐主李昇殂年五十六謚光文肅武孝高

皇帝廟號烈祖陵曰永陵長子景通立更名璟改

元保大是為元宗明道崇德文宣孝皇帝

閩富沙王延政僭稱帝於建州國號殷改元天德

人代紀事

卷之三

三

漢王玠驕淫好飲觀手搏第洪熙因其醉命力士

劉思潮扶掖拉殺之洪熙自立更名晟改元應乾

弟洪杲請誅思潮等晟怒殺洪杲祀天南郊復改

元乾和群臣上尊號大聖文武大明至道大光孝

皇帝

冬十月晉主立其叔母馮氏為后馮氏晉高祖弟

重胤妻也重胤幼育于高祖故以重字名行重胤

卒馮氏寡居晉主遂納之

楊光遠誘契丹入寇

是年唐平張遇賢於虔州白雲洞

以宋齊丘為青陽公遣歸九華

楚作九龍殿

甲辰 晉開運元年

春正月契丹陷晉貝州度河晉主自將督諸道兵

分擊契丹敗去

晉以御營使景延廣為西京留守以其不救咸城

之戰故也 晉籍鄉兵

遣使三十六人分道括率民財州縣吏因而多取

河南府出錢緡二十萬景延廣率三十七萬留守

判官應億讓之延廣慚而止

人代紀事

卷之三

三

馮道罷以桑維翰為中書令兼樞密使

晉復置翰林學士

晉李守貞討楊光遠圍於青州光遠子承勳劫其

父以降晉不欲顯誅命守貞遣人拉殺光遠以病

死聞以承勳為汝州防禦使

是年漢劉晟殺其弟弘昌

閩指揮使朱文進開門使連重遇弑閩王曦文進

自立收王氏宗族五十餘人皆殺之以連重遇總

六軍殺王延政遣吳成義討文進不克文進稱藩

于晉以為閩國王

閩南鄭承旨林仁翰等刺殺逆重遇斬文進逆吳成義入城函二首送建州

乙巳 閩故臣共迎殷王延政入福州仍號曰閩

閩李仁達以雪峰寺僧卓巖明稱帝作亂復刺殺巖明稱藩于唐以爲威武節度使更名弘義閩亡又降于吳越

晉符彥卿等大敗契丹于陽城契丹主乘橐駝而遁 晉以馮王同平章事兼維翰罷

唐攻閩主延政降以爲羽林大將軍

閩自王潮於唐僖宗光啓三年丙午入泉州昭

人代紀要

卷之三

三三

宗乾寧三年丙辰爲威武節度使乙巳年弟王審知代梁太祖開平三年己巳封閩王二傳至王延鈞於唐明宗長興三年稱帝至晉出帝開運二年乙巳爲南唐所滅自入泉州至王延政降七傳共六十年自王審知封閩王至降唐傳六主凡三十七年而亡

丙午 劉知遠殺白承福夷其族

契丹入寇晉將王清戰死大將杜重威李守貞不救與裨將張彥澤以兵降敵彥澤爲契丹先驅入大梁殺宰相兼維翰幽晉主于開封府晉亡

晉主重貴已降契丹主詰所獻傳國寶非真重貴曰潞王從珂自焚寶不知所在此寶先帝所

爲群臣備知乃止觀此則所謂傳國寶者已不存久矣晉自石敬瑭丙申年篡位傳出帝丙午年爲契丹所滅凡十年按石敬瑭以中國地土賂夷狄而得帝纔十年而爲夷狄所滅夷狄果足恃哉

丁未 漢高祖天福十二年 遼世宗天祚元年

春正月契丹耶律德光入大梁百官伏路迎候廢晉主重貴爲負義侯徙黃龍府殺張彥澤百姓饑

人代紀要

卷之三

三三

食其肉景延廣自殺

按張彥澤甘心降虜幽辱君上殺戮朝士且自謂有功契丹旗幟皆題赤心報主不知所報者何主也畢竟反爲契丹所誅可以爲逆臣之戒以李崧爲樞密使馮道爲太傅諸藩鎮皆降縱兵大掠 以趙延壽爲中京留守

立後唐明宗子郃公李從益爲許王改汴州爲宣武軍以其妃兄阿鉢立名蕭翰爲節度使守之自後遼后家俱以蕭爲姓 以張礪和凝同平章事

契丹陷相州屠之遺民僅七百人而鬻骸士餘萬
二月晉劉知遠稱帝于晉陽仍稱晉天福十二年
以蘇逢吉蘇禹珪同平章事

德光回至殺胡林死國人剖腹實鹽而去謂之帝
紀是為遼嗣聖皇帝廟號太宗趙延壽入恒州自
稱權知南朝軍國事

夏五月契丹東丹突欲之子兀欲執趙延壽即皇
帝位于中京其祖母述律后以兀欲不當立欲廢
之兀欲幽述律后於木葉山改元天祿
晉主以其弟劉崇為北都留守

五代紀要

卷之三

三

契丹蕭翰聞知遠擁兵而南矯契丹主命立許王
從益為帝而去從益母王淑妃泣曰吾母子亡國
之餘豈敢爭天下避歸私第以俟知遠

晉主劉知遠遣使殺李從益母子入大梁改國號
漢仍稱天福年號以杜重威為歸德節度使拒命
討之重威出降以為太傅

以竇貞固李濤同平章事

是年楚馬希範卒年四十九謚文昭弟希廣立其
庶兄馬希萼以長爭立國亂

南漢主劉晟殺其弟八人納其女充後宮作難官

千餘間飾以珠寶設饗湯鐵床剝剔等刑號生地
獄

吳越王錢弘佐卒年二十謚忠獻弟弘侔立統軍
使胡進思廢之而立其弟弘俶

戊申 漢乾祐元年

春正月大赦改元乾祐更名暉以馮道為太師

漢主疾劇長子承訓先卒以第二子承佑為宰相
蘇逢吉未及封而漢主殂年五十四秘不發喪誅
杜重威市人爭啖其肉二月封承佑為周王即皇
帝位年十八謚漢主睿文聖武昭肅孝皇帝廟號

五代紀要

卷之三

三

高祖堊曆陵 李濤罷以楊邠同平章事

郭威為樞密使

護國節度使李守貞反

趙思綰據長安城作亂

經畧關中王景崇叛

李穀為其僕所殺蘇逢吉與翰林陶穀又諧之被

殺滅其族

荆南節度使高從誨卒年五十八贈尚書令謚文

獻第三子保融立

己酉 漢隱帝乾祐二年

契丹遷晉故主重貴於建州給田耕來自贍

五月趙思綰降郭從義誘而殺之

郭威克河中李守貞自焚死

冬十月吳越募民墾田

十二月趙暉攻鳳翔王景崇自殺焚死

庚戌

漢遣使涇河中鳳翔遺骸二十萬

以郭威爲鄴都留守樞密使如故威以妻兄柴守禮之子爲子名郭崇以爲貴州刺史

秋八月故晉太后李氏卒于契丹

冬十一月漢主惡臣下專政與太后弟李業等謀

人代紀要

卷之三十一

三六

殺樞密使楊邠侍衛史弘肇三司使王章又遣使

殺郭威威用魏仁浦計倒用留守印更爲詔書欲

誅將校激怒將士起兵入漢主率師禦之不克至

趙村避入民家爲亂兵所殺蘇逢吉閭晉卿郭允

明皆自殺郭威入汴馮道帥百官謁見威拜之如

平時迎高祖弟崇之子武靈節度使劉贊立之太

后臨朝以王峻爲樞密使

誅劉銖李洪建等威曰劉銖屠吾家吾復屠其家

庸有極乎乃赦其家

郭威至澶州將士擁立王峻王殷遣兵拒劉贊以

太后詰廢贊爲湘陰公以威監國

是年楚馬希萼弒希廣自立

南漢以宮人爲女侍中朝服冠帶參決政事

辛亥 周太祖廣順元年

春正月郭威篡即皇帝位改國號周改元廣順是

爲周太祖 弒湘陰公於宋州

以范質王峻李穀同平章事郭崇爲鎮寧節度使王朴爲掌書記

劉崇稱帝晉陽仍用乾祐年號有并汾忻代嵐憲

隆蔚沁遼麟石十二州之地遣使契丹乞師契丹

人代紀要

卷之三十一

三七

冊崇爲大漢神武皇帝更名旻是爲北漢

楚將徐威等廢馬希萼立其弟希崇爲武安留後

徐威等欲殺希崇請兵于南唐南唐遣邊錡擊之

希崇遂降遷馬氏之族於金陵楚亡

楚自馬殷於唐昭宗乾寧二年爲刺史據湖南

統二十三州傳子希聲希範希廣希萼希崇六

主凡五十七年爲南唐所滅

遼泰寧王察割皮室詳穩益都等弒其主兀欲及

太后壽安王璟誅察割等即位改元應曆諡元欲

爲孝和皇帝廟號世宗葬顯陵璟小字述律太宗

德光長子群臣上尊號天順皇帝是為遼穆宗孝
安敬正皇帝好飲常膳人謂之膳王後更名明

朱子綱目是年直書燕王述軋弑其主元欲自
立述律討殺述軋代之通鑑纂要諸史會編俱
因之歐陽五代史則云燕王述軋與泰寧王嘔
里僧殺元欲于太神淀德光子齊王述律聞亂
走南山契丹擊殺述軋嘔里僧而迎述律以立
溫公通鑑云燕王述軋及偉王之子太寧王溫
伯作亂弑契丹主而立述軋與歐史同而文公
變丘瓊臺世史正綱止書契丹元欲為其下所

人代紀要

卷之三

三

殺述律立及查遼史本紀云遼主南伐歸欠化
州祥古山祭讓國皇帝于行宮群臣皆醉察割
反帝遇弑年三十四遼史逆臣察割傳云察割
謀亂不果帝伐周至詳古山太后與帝祭文獻
皇帝于行宮群臣皆醉察割歸見壽安王邀語
弗從以謀告耶律盆都從之是夕率兵入弑太
后及帝因僭位號牒蠟傳云牒蠟字述蘭封燕
王為南京留守察割弑逆牒蠟方醉其妻扶入
察割之幕因從之由是觀之則弑元欲者察割
也僭位號者亦察割也牒蠟乃同謀之人耳意

者當時欲立牒蠟而未成歟察割字歐辛故五
代史作嘔里僧通鑑作溫僧燕王本字述蘭而
通鑑諸書俱作述軋恐番語傳譯之誤溫公通
鑑本諸五代史然猶謂與泰寧作亂弑主而立
述軋綱目則併泰寧去之而直書述軋行弑不
知何據竊謂遼史雖成於元人之手然作史必
有國書可據况記載明白宜從遼史

是年南漢取桂州盡有嶺南地

壬子

周主如曲阜謁孔子祠墓訪孔子顏淵後為曲阜
令及主簿

人代紀要

卷之三

三

制稅牛皮法每田十頃稅一皮

癸丑

郭榮為開封尹封晉王

王峻兼平盧節度使尋貶商州司馬

立國社稷壇太廟于大梁

甲寅

周世宗顯德元年

春正月周主疾祀園丘僅能瞻仰改元顯德尋殂

年五十一謚神聖文武恭肅孝皇帝廟號太祖晉

王榮即位是為周世宗以王溥同平章事

馮道死

北漢主劉晏卒契丹冊其次子承鈞更名鈞稱兒

皇帝

乙卯

周始給漕運斗耗每斛一斗

王朴獻開邊策擢諫議大夫知開封府事

廢無額寺院三萬餘所禁度僧尼

疏汴水至泗上 吳越入貢

括民間銅器及佛像鑄錢

丙辰

周遣趙匡胤克唐滁州擒其將皇甫暉姚鳳以匡

胤爲定國節度使兼殿前都指揮使

立二稅法夏稅以六月秋稅以十月

周伐唐屢敗唐師唐遣其司空孫晟奉表于周問

人代紀要

卷之三

甲

以國事終不屈賜死

召華山隱士陳搏至復遣還山

丁巳

北漢天會元年

周克唐壽州以節度使劉仁贍盡忠所事賜爵彭

城郡王 作刑統

李穀罷以王朴爲樞密使周主父柴守禮殺人

問 以竇儼爲中書舍人

北漢主鈞改元大會

周設賢良經學史禮等科

戊午

周鑿鸛水引戰船入江

周克唐楚州防禦使張彥卿闖死所部千餘人至

死無一人降者

荆南高保融以水軍助伐唐

唐盡獻江北地罷兵

汴渠成江淮舟楫始通

唐主改元交泰更名景夏五月去帝號奉周正朔

稱顯德五年

唐以太弟景遂爲晉王以燕王弘冀爲太子多不

法唐主欲廢之弘冀毒殺景遂

放宋齊丘于九華山

人代紀要

卷之三

甲

南漢主劉晟卒年三十九謚文武光聖明孝皇帝

廟號中宗陵曰昭陵子衛王繼興立年一十六更

名銀改元大寶以宦官龔澄樞爲內太師軍國事

咸取決凡群臣有才能及進士狀頭先下驛至然

後得進亦有自宮以求進者名爲內作行進士方

得貴顯餘爲門外人不得預事

己未

春正月王朴作律準定大樂

二月導汴入蔡以通陳賴漕運 減美田稅

賑淮南飢不責償 三月王朴卒

夏四月周主自將伐契丹取瀛莫易置雄霸州得

疾而還立第四子宗訓為梁王魏仁浦同平章事
范質王溥參知樞密院事趙匡胤為殿前都點檢
周主殂年三十九謚睿武孝文皇帝廟號世宗葬
慶陵梁王宗訓即位年七歲范質等受顧命
唐太子弘冀卒以子從嘉為吳王

人代紀要

卷之三十三

四

人代紀畧卷之二十三終

人代紀要卷之二十三

明吳興顧應祥編集

大埔黃棖校刊江陰湯明纂

庠生倪佩同校

庚申宋太祖建隆元年

春正月兩日並出點檢趙匡胤出師禦北漢次
陳橋將士擁立為帝入汴侍衛都指揮使韓通師
師禦之為軍校王彥昇所殺匡胤代周命即皇帝
位是為宋太祖皇帝國號宋改元建隆廢周主宗
訓為鄭王以周故相范質王溥魏仁浦同平章事

人代紀要

卷之三十三

十一

周自郭威辛亥年篡漢位庚申年恭帝禪位于

宋凡三主九年

王鈺默記載宋祖自陳橋推戴入城周恭帝即
衣白欄出居天清寺宋祖入六宮迎拜有二小
兒非角者亦拜詢之乃周世宗二子紀王熙謹
勳王熙誨宋祖謂諸將曰此復何待左右提去
潘美在後低頭不語宋祖曰汝以為不可耶以
一子賜潘美收以為子後名惟正一子竟不知
所終

始賜楊礪等十九人進士

周昭義節度使李筠結北漢起兵不克焚死

以大梁為東京開封府洛陽為西京河南府

以趙普為樞密使 竇儀為翰林學士

周太祖甥淮南節度使李重進舉兵反合族自焚

立太廟追尊四代祖考

按宋立四世祖廟後以太祖受命立極當為始

祖而僖祖初無功德親盡當祧朱子謂僖祖乃

太祖之高祖考雖歷世久遠功德無傳然四世

之後篤生神孫應天順人以寧兆庶其功德蓋

不必親自為之然後為盛鄙見以為祖有功宗

人代紀畧

卷之三

二

有德當以創業之君為始祖方是

是年荆南高保融卒年四十一謚貞懿弟保勗嗣

辛酉皇太后杜氏崩召趙普受遺命

杜太后監周世宗以幼兒主天下之失命傳位

於弟史斷以為女后而知社稷之至計愚意不

然有天下者使子不至於不肖傳之子亦所以

止亂也

罷石守信等兵權 以弟光義為開封尹光美為

興元尹 增飾先聖先師像自為孔顏贊命文臣

分贊 占城女真入貢

制宦官給事毋過五十人

是年南唐徙都洪州唐主璟以憂卒年四十六第

六子從嘉即位奉表乞加帝號許之謚璟為明道

崇德文宣孝皇帝葬順陵廟號元宗從嘉更名煜

是為後主

壬戌 命州縣長吏勸課農桑 視太學

定百官輪對制 命諸州不得專決死罪

禁火葬 以趙普為樞密使

遷周主宗訓于房州

占城遣使來朝 高麗入貢

人代紀畧

卷之三

三

是年荆南高保勗卒年三十九保融子繼冲立

癸亥乾德元年

初以文臣知州事 禁民間童男

置諸州通判

冬十一月合祭天地於南郊改元乾德

是年高繼冲以荆南降宋荆南平

荆南高季興自後梁開平元年鎮荆南據有其

地統州十三傳從誨保融保勗繼冲凡五世五

十七年而降於宋今荆州其故治

甲子 漢質王溥魏仁浦罷趙普同平章事

初置叅知政事以薛居正呂餘慶爲之

以子德昭爲貴州防禦使遣王全斌等伐蜀

南唐募民爲僧不親政事

乙丑 滅蜀以孟昶爲泰國公尋卒

後蜀孟知祥於後唐同光三年據成都稱帝統

四十六州傳子昶凡二世共四十年爲宋所滅

王全斌等欲取雲南以圖進帝以斧畫大渡河曰

此外非吾有也由是雲南遂不通中國

回鶻于闐入貢 置封樁庫

丙寅 韃靼入貢

人代紀要 卷之三

求遺書 以孔宜爲曲阜主簿奉孔子祀

策賢良方正于紫雲樓謂之制舉 罷姜餘賞格

丁卯 春三月五星聚奎 夏定難李彝興卒子克殷繼

戊辰 開寶元年王后崩立宋氏爲后

大食國入貢

雷德驤論趙普貴賤

冬十月改元開寶

北漢主劉鈞爲遼主 譴責母儀成疾而卒年四十

一謚孝和皇帝養子繼恩立其散指押使侯霸榮

弑之謀獻首于宋左僕射平章事郭無爲誅侯霸

榮立鈞養子繼元繼元妻段氏以小過爲養母郭氏所責既而以他疾卒繼元疑郭氏所殺遂縊弑郭氏

初劉崇有女嫁戊卒薛釗崇稱帝除其軍籍女

常居中罕得見釗引佩刀刺女不死遂自裁生

子繼恩女再適何氏生繼元何與女俱故二子

幼孤崇以次子承鈞無嗣命育之

繼恩之弑五代史及通鑑續編俱曰侯霸榮弑

之丘瓊臺世史正綱諸史會編通鑑纂要則直

書郭無爲弑之及查宋史北漢世家明載繼恩

人代紀要 卷之三 五

獨處一室供奉官侯霸榮謀持其首獻宋乘其

無備白晝挺刃而入反扃其門以刃搥質弑之

年三十四立纔六十日無爲遣人登梯入殺霸

榮立其弟繼元郭無爲小傳謂承鈞病與無爲

論及後事謂其子繼恩不才無爲亦言其然繼

恩既立知其事欲誅無爲畏懦不能決月餘霸

榮弑繼恩無爲殺霸榮并人疑無爲授意霸榮

殺之以滅口夫弑逆大罪豈可以疑似之言加

之今止從宋史世家書之

已巳 遼景宗保寧元年

春二月遼主田于懷州獲熊飲醉為近侍庖丁所
弑年三十九諡孝安敬正皇帝附葬懷陵世宗第
二子賢小字明養育于宮中至是即位改元保寧
群臣上尊號為天贊皇帝是為景宗

是年宋始令民典賣田宅者輸錢印契

庚午

賜舉人屢試不第者出身 徵處士王昭素為國
子博士 省州縣官增其俸 遣潘美伐南漢

辛未

潘美克廣州劉鋹降封恩赦侯南漢亡
南漢劉隱自梁太祖開運三年據嶺南統四十

七郡傳子玢為弟晟所篡傳子鋹三世凡六十

人代紀要

卷之三

六十一

三年為宋所滅今廣東廣州府是其所都

唐上表乞貶國號印文稱江南國王賜詔呼名

御史中丞劉溫叟卒

劉溫叟為中丞清介素聞開封尹光義遺錢五

百千不受一日過明德門宋祖方與中黃門數

人登樓溫叟知之命依當傳呼而過翊日請對

言人主非時登樓則下必希望恩賞臣所以呵

導而過欲示眾以陛下非時不登樓也帝善之

史稱溫叟重厚清介然亦明主能容之所謂邪

有道危言危行也

壬申 禁鑄錢為佛像 大雨河決出官人

癸酉 禁玄象天文圖識

始禁道士與僧不得畜妻孥

周主宗訓卒諡曰恭帝葬慶陵

初親試進士賜錢張宴 禁銅錢不得出化外

封丁璉為交趾郡王 封弟光義為晉王

趙普免 呂餘慶能薛居正沈義倫同平章事

盧多遜叅知政事

高麗王昭率子佃立

甲戌 三佛齊來貢

人代紀要

卷之三

七十一

遣曹彬伐江南

乙亥 曹彬下江南李煜降南唐亡

南唐李昇晉天福二年禪吳位傳璟煜二世凡

三十九年而為宋所滅

丙子 春正月宋以李煜為違命侯

欲都長安晉王諫止

夏四月合祀天地於南郊

冬十月癸丑夕帝崩于萬歲殿壽五十諡英武聖

文神德皇帝廟號太祖弟光義即位改名炁是為

太宗皇帝

冬十二月改元太平興國 遷宋后西宮

以弟廷美爲開封尹封齊王太祖子德昭爲武功郡王德芳與元尹 盧多遜同平章事楚昭輔爲樞密使

丁丑宋太宗太平興國二年

葬太祖永昌陵 賜進士呂蒙正等及第時張齊賢亦在選一榜皆賜及第

戊寅 封孔子後孔宜爲文宣公

定難節度使李克勳卒子繼筠代領其衆

龐西公李煜卒年四十二贈太師追封吳王

人代紀要 卷之三

李煜七夕誕辰命妓作樂聲聞于外又傳其小

詞有小樓昨夜又東風故園不堪回首夢魂中

帝怒命秦王移具過飲既畢暴卒人謂以牽機

藥發庭前反却數十回而死

吳越王錢俶以其地歸宋封俶爲淮南國王

吳越錢鏐於唐昭宗乾寧二年據兩浙傳元璿

元佐弘侖弘俶五主凡八十四年而納地于宋

群臣上尊號應運統天聖神文武皇帝

冬十一月合祀天地于園丘

已卯 遼乾亨元年

帝自將伐北漢劉繼元降封彭城郡公

伐遼王師敗績 以楊業爲代州刺史號楊無敵

進封齊王廷美爲秦王

皇子德昭自殺追封魏王謚曰懿

軍中嘗夜驚不知帝所在有謀立德昭者知帝

處乃止帝不悅及還故不行太原之賞德昭以

爲言帝怒曰待汝自爲之德昭退而自刎

定難留後李繼筠卒弟繼捧代

是年遼改元乾亨 北漢亡

北漢自後漢劉知遠弟劉崇於後周廣順元年

人代紀要 卷之三

據太原稱帝統十二州傳子鈞養子繼恩繼元

四世凡二十九年而爲宋所滅今太原府是其

故治

庚辰 衛公劉錡卒追封南越王

夏李繼筠卒弟繼捧立

是歲始混一中國

辛巳 太祖次子興元尹德芳卒贈中書令岐王謚康惠

薛居正卒 楚昭輔罷

女真遣使來貢

以趙普爲司徒兼侍中封梁國公復掌樞軸

壬午 秦王廷美為柴禹錫告讞罷為西京留守尋貶涪

陵縣公房州安置 盧多遜流崖州

以柴禹錫為樞密副使

夏李繼捧入朝獻夏銀綬宥四州其從弟李繼遷

叛走地斤澤以李繼捧為彰德節度使

遼主賢獵于祥古山卒于行在年三十五謚孝成

皇帝廟號景宗後加謚孝成康靖皇帝子隆緒即

位年一十二母廢聖皇后蕭氏聽政是為聖宗文

武大孝宣皇帝改元統和復國號曰契丹群臣上

尊號曰昭聖皇帝

人代紀要 卷之三

高麗王佃卒弟治立

癸未

契丹聖宗統和元年

宴進士於瓊林苑進士分三甲始此 趙普罷

宋琪李昉同平章事李穆呂蒙正李至參政

甲申 雍熙元年十一月改元

涪陵郡公廷美以憂卒于房州

召華山隱士陳搏入朝放還尋卒

乙酉

宴群臣後苑賞花 宴進士瓊林苑及第第一人

授節度使推官賜詩 楚王元佐有罪廢為庶人

丙戌

曹彬等伐契丹 楊業賊死契丹復陷雲朔等城

張齊賢敗契丹于代州

李繼遷降契丹妻以義成公主封夏國王復姓李

丁亥 改封錢俶為許王 以李繼捧為崇信軍節度使

戊子 端拱元年春正月改

李昉罷 以趙普為太保兼侍中

呂蒙正同平章事 賜李繼捧姓名趙保忠遣歸

為定難節度使李繼遷為銀州刺史

錢俶改封鄧王尋卒追封秦國王謚忠懿七子皆

貴顯 置祕閣

是年契丹初置貢舉

人代紀要 卷之三

巳丑 尹繼倫大敗契丹于徐河師黑面大王

作開寶寺塔高三百六十尺田錫諫

庚寅 淳化元年正月改

趙普致仕 貸江州義門陳競巢

詔致仕官給半俸

契丹封李繼遷為夏王

辛卯

劉繼元卒追封彭城郡王 以張齊賢陳恕參知

政事張遜溫仲舒寇準為樞密副使 王沔陳恕

呂蒙正罷以李昉張齊賢平章事賈黃中李沆參

政 王顯免張遜知樞密院事溫仲舒寇準同知

樞密院事 李繼遷降以爲銀州觀察使賜名趙保吉 趙保忠降契丹封西平王復名李繼捧

壬辰 召終南隱士种放不至 趙普卒年七十一

詔舉人糊名考校

癸巳 分天下爲河南河東關西劔南淮南江南東江南

西浙東浙西廣南共十道京東爲左計京西爲右

計 以錢若水爲翰林學士

張齊賢引咎免以呂端參知政事 張遜寇準不

協俱免以柴禹錫知樞密院事劉昌言同知院事

李昉賈黃中俱以久雨罷復以呂蒙正同平章事

本代紀要 卷之五

陳恕爲三司總計使 封黎桓爲交趾郡王

蜀中困於徵求青神民王小波作亂敗死其妻弟

李順繼起

甲午 李順據成都僭號大蜀遣宦官王繼恩平之以繼

恩爲宣政使 張詠知益州 寇準參知政事

李繼隆執趙保忠至賜爵宥罪侯

以襄王元侃爲開封尹封壽王

是年契丹行大明歷舉明經茂才異等之士

乙未至道元年 春正月改元

觀燈于乾元殿 劉昌言免錢若水同知樞密院

事 呂蒙正柴禹錫蘇易簡罷呂端同平章事張

洎參政趙鎔知樞密事 開寶皇后宋氏崩不成

服貶翰林學士王禹偁 以李繼遷爲鄜州節度

使不奉詔 立元侃爲太子更名恒

封牂柯蠻酋龍漢瑋爲歸化王

丙申 以太祖孫德昭長子惟吉爲閬州觀察使

寇準免 以李昌齡參知政事

丁酉 張洎罷溫仲舒王化基參知政事李惟清同知樞

密院事 分天下爲京東京西河北河東陝西江

東江西浙東浙西淮南荆湖福建劔南東劔南西

本代紀要 卷之五

廣南凡十五路各置轉運使

春三月帝崩年五十九謚神功聖德文武皇帝廟

號太宗葬宋熙陵太子恒即位年三十是爲真宗

皇帝以生日爲承天節李至李沆參知政事

李昌齡有罪貶 追復涪王廷美爲秦王復封兄

元佐爲楚王 錢若水請罷 趙鎔李惟清罷以

曹彬爲樞密使向敏中夏侯嶠爲副使

以孔世延襲封文宣公

李繼遷降以爲定難節度使復姓名趙保吉

進封交趾王爲南平王 高麗王洽卒姪誦立

戊戌宋真宗咸平元年 春正月改元

呂端李至溫仲舒夏侯嶠罷 張齊賢李沆同平

章事 向敏中參知政事 楊礪宋湜為樞密副

使 西天僧來朝云七年始到

己亥 詔群臣迎養父母 給外任官職田

曹彬卒贈中書令封濟陽王謚武惠 以王顯為

樞密使 楊礪卒帝冒雨臨喪步入吊之

以呂文仲為翰林侍讀學士邢昺為侍講學士置

講讀學士始此 群臣上尊號崇文廣武聖明仁

孝皇帝

人代紀要 卷之五

庚子 益州王均作亂僭號大蜀改元化順招安使雷有

終平之 宴群臣後死賞花釣魚遂為永制

呂端卒張齊賢免

辛丑 呂蒙正向敏中同平章事 王旦王欽若參知政

事 馮拯陳堯叟同知樞密 汰冗吏十九萬五

十八百人 趙保吉復叛

壬寅 召种放為左司諫直昭文館賜第隆重後置田爭

訟時議薄之為王嗣宗所論極其醜詆

向敏中免

癸卯 張詠復知益州 呂蒙正罷

趙保吉為西京首領潘羅支擊敗走死子德明嗣

契丹封為西平王

甲辰景德元年 春正月改元

以畢士安寇準同平章事

冬十二月契丹大舉入寇用寇準計親征幸澶淵

與契丹盟議每歲輸銀十萬兩絹二十萬匹

寇準勸帝親征以安社稷固見其功然從此而

納歲幣于夷狄亦未見其善也是雖不出準之

初心然準當以為愧而退焉自處可也顧乃矜

功自伐此其所以來王欽若之譖歟

人代紀要 卷之五

乙巳 以契丹和大赦 置國信司 始歸幣契丹

遣太子中允孫僅使契丹稱南北朝

馮拯參知政事楊億翰林學士 增置舉六科

畢士安卒賻白金五千兩 詔致仕官給半俸

丙午 以宋州為應天府 王欽若譖寇準罷知陝州

王旦同平章事趙安仁參政王欽若陳堯叟知樞

密院事 以趙德明為定難節度使

南平王黎桓死其子龍廷殺兄龍越自立

契丹上主尊號至德廣孝昭聖天輔皇帝大赦放

進士楊佖等二十三人及第

奔平州 頒釋奠先聖儀并祭器圖於天下

辛亥 祭后土于汾陰 召陝州隱士魏野不至盡其所

居圖 加五嶽神以帝號

壬子 向敏中復相 契丹開泰元年

王欽若陳堯叟爲樞密使丁謂叅政

冬十月帝自言聖祖降于延恩殿王旦等稱賀詔

天下加聖祖尊號祖聖上靈高道九天司命保生

天尊大帝群臣上帝尊號崇文廣武感天尊道應

真祐德上聖欽明仁孝皇帝

以孔子謚玄字犯聖祖趙元朗諱改爲至聖文宣

人代紀要

卷之三

十一

王 給占城稻種于民

是年宋賜杭州隱士林逋粟帛

是年冬十月契丹上其主尊號弘文宣武尊道至

德崇仁廣孝聰睿昭聖神贊天輔皇帝大赦改元

開泰

癸丑 禁內臣出使干預公事

甲寅 帝如亳州謁老子于太清宮加號太上老君混元

上德皇帝 王欽若馬知節以奏事相爭與陳堯

叟俱罷 寇準爲樞密使王旦薦之也

契丹伐高麗大敗而還 張齊賢卒

乙卯 春正月上天皇尊號曰太上開天執符御曆含真

體道玉皇大帝 加楚王元佐天策上將軍興

州牧劔僕上殿不名 夏四月寇準免以王欽若

陳堯叟爲樞密使 張誅卒 賜信州道士張正

隨真靜先生王欽若奏立授錄院及上清觀張道

陵後賜號始此

丙辰 丁謂陳堯叟免陳彭年王魯張知白叅政

丁巳天禧元年 春正月改元

封李公蘊爲南平郡王 王魯不受會靈觀使尋

罷 王旦罷尋卒 王欽若同平章事李廸叅政

人代紀要

卷之三

十八

馬知節爲樞密使

戊午 立子受益爲皇太子更名禎 馬知節罷

曹利用爲樞密使

己未 春三月巡檢朱能作僞天書置乾佑山寇準知永

興軍奏聞迎入禁中 王欽若有罪免以寇準同

平章事丁謂叅知政事 馬知節罷尋與曹利用

爲樞密使

以天書再見會道釋於天安殿凡一萬三千八十

六人

向敏中卒 楊億復爲翰林學士卒

夏六月帝有疾寇準欲請太子監國事泄罷為太子太傅封萊國公 李廸丁謂平章事

馮拯樞密使 內侍周懷政謀傳位太子殺丁謂復相寇準謂以聞誅懷政貶準知相州復貶道州司馬以任中正王曾參政錢惟演樞密副使

冬十一月李廸丁謂罷丁謂復留翰林學士劉筠不肯改制晏殊草之筠請外遂出知廬州

馮拯平章事

是年夏四月兩月並見于西南

辛酉

契丹太平元年

人代紀要

卷之三

九

以孔聖佑襲封文宣公

冬十一月契丹上其主尊號睿文英武遵道至德

崇仁廣孝功成治定昭聖神贊天輔皇帝大赦改

元太平

是年契丹生女真部烏古廼始生是為金景祖自

始祖函普始居完顏部至此六世矣為生女真部

節度使俗呼為太師

壬戌乾興元年 春正月改元

二月群臣上尊號曰應天尊道欽明仁孝皇帝

是月帝崩年五十五在位二十六年謚文明武定

章聖元孝皇帝廟號真宗慶曆七年加謚膺符稽

古神功讓德文明武定章聖元孝皇帝第六子太

子禎即位年十三是為仁宗皇帝劉太后臨朝

夏四月丁謂與太后誣以朋黨貶寇準雷州司戶

李廸衡州團練副使 王曾平章事呂夷簡魯宗

正叅政 秋七月丁謂以女道士劉德妙妖誣事

貶崖州司戶 冬十月葬真宗未定陵以天書為

殉

癸亥宋仁宗天聖元年

馮拯罷王欽若平章事 寇準卒于雷州贈中書

人代紀要

卷之三

三

令復萊國公諡忠愍

甲子 視國子監 立郭氏為皇后

契丹改鴨子河為混同江

乙丑 王欽若卒張知白平章事張耒為樞密使

丙寅

丁卯 龍圖閣待制孔道輔使契丹

戊辰 張知白卒張士遜平章事 趙德明以元昊為太

子

己巳 魯宗道卒張士遜罷呂夷簡平章事夏竦薛奎參

政陳堯佐樞密副使 罷曹利用為衛將軍尋安

置房州行至襄陽自殺 復制舉諸科

王清昭應宮災王曾以首相罷 帝率百官朝太

后于會寧殿秘閣校理范仲淹諫不納又請太后

還政仲淹乞外出判河中

是年南平王李公蘊卒以其子德政為交趾郡王

契丹東京舍利軍詳穩大延琳作亂囚留守附馬

蕭孝先及南陽公主殺戶部使韓紹勳副使王嘉

四捷軍都指揮使蕭頤得僭稱興遼改元天慶

庚午

賜信州道士張乾曜澄素先生 初制武舉

契丹燕王蕭孝穆國舅詳穩蕭匹敵平大延琳

人代紀要

卷之三

主

辛未

契丹景福元年

夏六月契丹主隆緒卒于大福河北行宮年六十

一在位四十九年太子宗真立宗真字夷不謹小

字只骨聖宗妃蕭氏釋斤所生齊天后蕭氏取養

之太平元年立為太子至是即位立其所生母為

太后治國事改元景福太后蕭釋斤遷齊天后於

臨潢有司請以生辰為米壽節太后生辰為慶聖

節冬十一月聖宗慶陵名其山慶雲殿曰望仙

是年契丹以興平公主嫁夏李德昭子元昊封夏

國公附馬都尉

壬申明道元年

契丹興宗重熙元年

夏西平王顯道元年

以張士遜平章事 李宸妃卒呂夷簡論葬禮

契丹太后蕭釋斤毒弑齊天后于臨潢

群臣上契丹主尊號文武神聖昭孝皇帝冬十一

月大赦改元重熙

冬十月夏趙德明卒年五十一謚光聖皇帝廟號

太宗追尊李繼遷為太祖子元昊繼宋以為定難

節度使西平王契丹冊為夏國王元昊避父諱國

中稱顯道元年

人代紀要

卷之三

主

是年契丹生女真部避興宗諱改號女直

癸酉

夏開運元年

劉太后崩帝始親政 呂夷簡張耒夏竦俱罷李

迪平章事 廢皇后郭氏貶御史中丞孔道輔司

諫范仲淹 冬十月呂夷簡復相張士遜免

夏改元開運

甲戌景祐元年

夏廣德元年

王曙卒以王曾為樞密使 九月立曹彬孫女曹

氏為后

契丹太后蕭釋斤欲立少子重元重元告契丹主

收太后符璽遷於慶州始親決政事仍以重元爲

皇太弟

是年趙元昊反以開運同後梁年號改號廣運元

昊母衛慕氏族謀殺元昊事覺醜弑其母告哀于

宋契丹

乙亥 春二月育宗室允讓于宗實于宮中 李迪罷王

曾平章事蔡齊盛度參政故郭后暴崩追復后

號不附廟 群臣上尊號景祐體天法道欽文聰

武聖神孝德皇帝

丙子

夏大慶元年

人代紀要

卷之三

三

優給致仕官俸

知開封府范仲淹以言事出知

饒州集賢校理余靖館閣校勘尹洙上書救之歐

陽修以書責司諫高若訥若訥上其書修貶夷陵

令館閣蔡襄作四賢一不肖詩 初置太宗正司

以王德用知樞密院章得象同知院事

是年契丹初試進士以日射三十六熊爲賦

夏元昊改元大慶

丁丑

呂夷簡王曾朱繼蔡齊罷 王隨陳堯佐平章事

韓億程琳石中立參政盛度知樞密王醜同知

丁謂死

戊寅寶元元年 十一月改

夏景宗天授禮法延祚元年

王隨陳堯佐韓億石中立免 張士遜致仕章得

象平章事王醜李若谷參政陳執中同知樞密

冬十一月祀天地于圜丘大赦改元群臣上尊號

曰寶元體天法道欽文聰武神聖孝德皇帝

王曾卒

是年西夏元昊更名曩霄稱皇帝國號大夏改元

天授禮法延祚

己卯

盛度程琳免貶孔道輔知鄆州發憤卒

王醜知樞密宋庠參政

人代紀要

卷之三

四

契丹主迎其母還

庚辰康定元年 二月改

夏元昊入寇范雍失律貶安州 以夏竦爲陝西

招討韓琦范仲淹副使 二月改元康定去尊號

寶元二字 張士遜致仕呂夷簡平章事王醜陳

執中張觀免晏殊宋綬知樞密王貽永杜衍同知

樞密

辛巳慶曆元年

任福敗死韓琦貶秦州 范仲淹坐元昊通書貶

耀州 宋庠鄭戢罷王舉正參政任中師樞密任

布樞副

冬十一月郊祀大赦改元

壬午 富弼使契丹 徵處士孫復為國子監直講

癸未 晏殊平章事賈昌朝參政蔡襄歐陽脩王素知諫

院余靖右正言杜衍樞密韓琦范仲淹樞副

夏竦罷 石介作慶曆聖德詩尋以范仲淹參政

富弼樞副韓琦宣撫陝西

甲申 詔天下州縣立學更定科舉法 晏殊罷杜衍平

章事 賈昌朝樞密使 范仲淹宣撫陝西河東

富弼宣撫河北 呂夷簡卒 夏竦傾富弼

人代紀要

卷之三

二十五

是年與夏和冊堯賓為夏國王

乙酉 范仲淹富弼杜衍俱罷 賈昌朝平章事兼樞密

士貽永樞密宋庠參政 韓琦罷章得象免陳執

中平章事吳育參政丁度樞副

丙戌 吳育樞副丁度參政

是年高麗王欽卒子徽嗣

丁亥 賈昌朝吳育免夏竦平章事改樞密使 文彥博

參政高若訥樞副 貝州宣毅卒王則以妖幻習

五龍滴等經及圖讖書稱彌勒佛持世作亂國號

安陽改元德勝旗幟皆以佛為號

戊子 文彥博擒王則入為平章事薦明鎬參政鎬尋卒

宋庠樞密使龐籍參政 五月無雲而震

夏竦免竦怨石介譏已欲報之而介已卒曾孔直

溫反搜其家得介書竦因言介詐死走契丹請發

其棺杜衍知兗州保免

夏竦初則使女奴習石介字偽作廢立詔以傾

富弼今又誣介北走契丹欲發其棺立心若此

何以為宰相乎

以霖雨為災頒德音改明年為皇祐元年

是年二月夏竦薨卒年四十六謚武烈皇帝廟號

人代紀要

卷之三

二十六

景宗子諒祚立生甫十月養于國舅訛龐與二三

大將分治國事宋冊諒祚為夏國王

己丑皇祐元年

夏毅宗延嗣寧國元年

陳執中罷 宋庠平章事高若訥參政龐籍樞密

使梁通樞副

懷智高據廣源作亂

庚寅

夏天祐垂聖元年

始親享天地於明堂

是年夏改元天祐垂聖

辛卯

宋庠免 殿中侍御史裏行唐介論宣徽使張堯

佐遂劾文彦博貶英州別駕彦博能知許州

按唐介劾文彦博纖燈籠錦以獻貴妃借使有之亦君子而未仁者李師中作詩送介槩以姦諛目之不亦過乎

麗籍平章事高若訥樞密梁適叅政王堯臣樞副

壬辰 僕智高僭號大南國稱仁惠皇帝改元啓曆以狄

青爲宣撫使擊之

是年范仲淹卒

癸巳

夏福聖承道元年

狄青夜度崑崙關大破僕智高廣南平智高走大

人代紀要

卷之三十三

二十七

理 以狄青爲樞密使孫沔爲副使

龐籍罷陳執中梁適平章事

夏改元福聖承道

甲午至和元年

貴妃張氏卒謚溫成皇后 孫沔罷田况樞副王

德用樞密使 四月下德音改元

梁適免劉沆平章事程戡叅政

乙未

遼道宗清寧元年

改封孔子後世原爲衍聖公

陳洸中免文彦博富弼平章事

秋八月契丹主如長春河卒于行宮年四十謚神聖孝章皇帝廟號興宗子洪基立以重元爲皇太子

是年南平王李德政卒子日尊嗣

丙申嘉祐元年

王堯臣叅政程戡樞副

文彦博薦唐介復知諫院

御史吳中請還唐介文彦博言于帝曰介頃言

多中臣病雖有風聞之誤然責之大重介乃得

召還彦博可謂得大臣之體矣

人代紀要

卷之三十三

二十八

狄青以人言出判陳州 韓琦爲樞密使

王德用罷賈昌朝樞密使 劉沆免曾公亮叅政

包拯知開封府 九月恭謝天地改元嘉祐

丁酉

夏繼都元年

狄青卒 歐陽脩知貢舉變文體 始詔進士殿

試不黜落 制明經科

夏改元繼都

戊戌

文彦博以老求去以使相判河南封潞國公賈昌

朝罷韓琦平章事 朱庠田况樞密使

張昇樞副

已亥 汝南王允讓卒追封濮王

召河南處士邵雍不至

庚子 呂誨劾程戡免孫抃樞副又劾宋庠免曾公亮樞

密使張昇孫抃參政歐陽脩陳旭趙鼎樞副

王安石爲三司度支判官上萬言書

辛丑 陳旭罷包拯樞副唐介以劾旭復外補 司馬光

知諫院 王安石知制誥以母喪去 曾公亮平

章事張昇樞密胡宿樞副歐陽脩參政

壬寅 立濮安懿王子宗實爲皇太子賜名曙封鉅鹿郡

公 孫抃罷趙鼎參政吳奎樞副 包拯卒

人代紀要 卷之二十三 三九

召福州處士陳烈爲園子直講不至

癸卯 夏拱化元年

春三月帝崩于福寧殿 壽五十四在位四十二

年謚神文聖武明孝皇帝廟號仁宗堊永昭陵

四月皇太子曙即位濮安懿王允讓第十三子仁

宗育於宮中是爲英宗皇帝曹太后權同聽政

富弼爲樞密使 立皇后高氏

夏主改元拱化

契丹皇太叔重元反耶律仁先敗之重元自焚

人代紀要卷之二十三

人代紀要卷之二十四

明吳興顧應祥編集

大埔黃宸校刊 江陰湯明謙

庠生倪佩同校

甲辰宋英宗治平元年 正月改元

乙巳 五月太后還政韓琦撤簾

契丹咸雍元年

議崇奉濮王典禮

按漢宣帝不追尊史皇孫蓋當時嫌戾太子反

之故然亦即園起廟稱爲悼考但不追尊爲帝

人代紀要 卷之二十四 一

耳至於光武崛起南陽以再造帝業却乃上繼

元帝而不考南頓君此禮官之失也宋英宗自

幼育于仁宗宮中又比二君不同宜以仁宗爲

考而稱濮王爲本生父不必追尊始爲允當

富弼足疾求解政以使相鄴國公判揚州張昇請

老判許州 陳旭爲樞副

文彥博自河南入覲以爲樞密使呂公弼樞副

秋八月京師大水水漂民屋溺死無王者千五百

八十人

是年春正月契丹群臣上其主尊號曰聖文神武

全功大畧廣智聰仁睿孝天祐皇帝大赦改元咸
雍立梁王濬為太子

丙午翰林學士范鎮侍御史呂誨范純仁監察御史呂
大防同知諫院傅堯俞等俱以議禮罷司馬光求
去不許呂公著請還誨等不從亦罷

冬十一月帝有疾立穎王頊為皇太子
是年正月契丹改國號為遼

丁未春正月帝崩在位四年壽三十六謚憲文肅武宣
孝皇帝廟號英宗堊末厚陵長子頊即位年二十
是為神宗皇帝立向敏中女向氏為皇后

本代紀要

卷之十四

二

司馬光為翰林學士遷御史中丞論張方平不從
復還翰林歐陽脩為呂誨所詆修薦蔣之奇為
御史衆目之奇為姦邪之奇遂誣劾修之奇被黜
修罷曾公亮疾韓琦薦王安石為翰林學士韓
琦求罷以為司徒兼侍中判相州吳奎樞副罷
陳旭亦罷以呂公弼為樞密使張方平趙抃
參政邵亢樞副方平父喪去位

戊申宋神宗熙寧元年

夏惠宗乾道元年

趙鼎唐介參政以孔若蒙襲封衍聖公
陳升之樞密升之即旭

初封太祖曾孫從式為安定郡王奉太祖祀

是年二月夏主諒祚卒年二十一謚昭英皇帝廟
號毅宗子秉常立年七歲改元乾道

己酉以富弼同平章事王安石參政

立制置三司條例司行新法陳升之王安石領其
事蘇轍呂惠卿檢詳文字章惇條例官曾布檢正
中書公事唐介辨新法憤卒

以新法不行罷知開封府滕甫翰林學士鄭獬宣
徽使王拱辰知制誥錢公輔

程顥權監察御史裏行御史中丞呂誨劾王安

本代紀要

卷之十四

三

石罷知鄆州判國子監范純仁劾王安石出知
和州蘇轍言新法不便出為河南府推官
富弼罷陳升之平章事呂惠卿崇政殿說書
韓絳置制三司條例張載崇文院校書辭歸
韓琦請罷新法王安石稱疾論起琦解河北安撫
止領大名始以策試進士葉祖洽附會王安石
首選置刑法科司馬光論守法辭樞副尋罷
知永興軍呂公著趙抃程顥俱罷李定稱新
法便民以諂王安石得監察御史裏行知制誥宋
敏求蘇頌李大臨封還制書俱落職人謂熙寧三

舍人 立保甲法 行募役法 翰林學士范鎮
極言新法之害致仕 陳升之罷 韓絳王安石
同平章事王珪參政 是年遼立賢良科

辛亥

夏天賜禮盛國慶元年

王安石更定科舉罷詩賦以經義策論試士

王雱崇政殿說書 司馬光罷 蘇軾試進士發

策忤王安石出判杭州 鄧綰附王安石為侍御

史判司農寺 歐陽脩以太子少師致仕貶富弼

徙判汝州落使相 御史劉摯論安石出監衡州

倉 呂誨卒 同知諫院唐炯劾王安石貶潮州

人代紀要

卷之三

四

別駕 鄧坊場河渡祠廟

是年夏改元天賜禮盛國慶

壬子

置選卒察謗時政者 富弼致仕 歐陽修卒

行市易保甲法 詔宗室非袒免親者許應舉

是年南平王李日尊死子乾德嗣封交趾郡王

癸丑

文彥博罷 大儒周敦頤卒

呂惠卿為翰林學士

甲寅

鄭俠進安上門圖下獄

王安石免韓絳平章事呂惠卿參政

是年遼生女直部烏迺古卒金天會中追謚惠桓

皇帝第二子劾里鉢嗣

十二月遼改明年為太康

乙卯

遼太康元年

鄭俠進君子小人圖編管英州 王安石弟安國

諫峻法放於田里 沈括造奉元曆又使遼圖其

山川險易為圖上之 王安石復起平章事呂惠

卿忌其復用王雱諷御史中丞鄧綰發惠卿姦利

事惠卿免知陳州 割北邊地七百里畀遼

遼北院樞密使耶律乙辛專政皇后蕭氏被誣賜

死

人代紀要

卷之三

五

丙辰

夏大安元年

交趾陷邕州知州蘇緘死節

王雱以鄧綰所列呂惠卿事下制獄惠卿知之上

書訟安石安石咎雱憂憤疽發背死

呂惠卿以王安石薦得參政鄧綰附王安石而

得美官本惠卿黨也及惠卿得權則又忌安石

而訐其私書鄧綰又附王雱而陷惠卿小人見

利忘義反覆至此書之以為後世戒

鄧綰出知虢州

冬十一月王安石免以使相判江寧府

以吳克王珪平章事馮京知樞密

是年夏改年號大安

丁巳

河南處士邵雍卒 同知太常禮院張載卒

十二月改明年為元豐

遼耶律乙辛誣構皇太子潛廢為庶人復遣人殺之

戊午元豐元年

以王安石為集禧觀使封舒國公

呂公著薛向同知樞密使

己未

蔡確叅政 蘇軾以詩譏訕下獄貶為黃州團練

人代紀要

卷之三

太

副使坐詩案黜罰者二十二人

庚申

章惇參政 吳克罷

遼耶律乙辛欲害太子之子延禧遼主因獵覺其

專出乙辛知典中府封延禧為梁王置兵衛之

是年南詔楊義貞弑其君連義纂立高智昇平之

立連義子段壽輝

辛酉

章惇有罪免

夏人幽其主秉常詔宦官李靈 叩五路兵討之不

克潰還

是年南詔高昇恭廢其君壽輝 段正明

壬戌

行新官制改同中書門下平章事為尚書左右僕射參知政事為中書門下侍郎尚書左右丞

以王珪為尚書左僕射兼門下侍郎蔡確為尚書

右僕射兼中書侍郎章惇為門下侍郎張璪為中

書侍郎 再舉伐夏

知延州沈括請城未築夏人入寇給事中徐禧帥

師救之敗死士卒役夫死者六十萬人帝臨朝大

慟沈括陞州安置

癸亥

貶宦官李憲為熙河都總管 夏主秉常復修貢

司徒富弼卒 追封孟軻為鄒國公

人代紀要

卷之三

七一

文彥博致仕

高麗王徽卒諡曰文子勲嗣尋卒諡曰順

遼耶律乙辛伏誅

甲子

封太祖後世準為安定郡王 詔以孟軻配享孔

子荀况蘭陵伯楊雄成都伯韓愈昌黎伯從祀

司馬光上資治通鑑

遼改慶州太安軍為興平以明年為大安元年

乙丑

遼大安元年

春正月帝有疾三月立第六子延安郡王傭為皇

太子賜名煦帝崩在位十八年壽三十八諡英文

烈武聖孝皇帝廟號神宗英宗裕陵太子煦即位
年十歲高太后臨朝首罷新法十餘事

以顏回並軻配享孔子

司馬光自洛入臨為門下侍郎

蔡確韓絳為尚書左右僕射 章惇知樞密

賜孝子徐積粟帛 呂公著為尚書左丞

王珪卒 蘇軾出知登州

召程顥為宗正寺丞未至卒年五十四

是年遼封三韓王勲之子運為高麗王

續通鑑謂王珪以文學見推派草然自執政至

人代紀要

卷之五

八

宰相凡十六年無所建明時號三旨宰相愚以

為不特此也其附安石排蘇軾真小人耳

丙寅宋哲宗元祐元年

夏天安禮定元年

蔡確罷知陳州

司馬光為尚書左僕射是年九

月卒年六十八贈太師溫國公謚文正

呂公著為門下侍郎尋為尚書右僕射

李清臣呂大防尚書左右丞大防尋為中書侍郎

章惇免 范純仁同知樞密 程頤崇政殿說書

王安石卒 起文彥博平章軍國重事時年八十

一 韓維為門下侍郎 呂惠卿建州安置

蘇軾為翰林學士 范鎮為門下侍郎不拜

劉摯為尚書右丞 改封衍聖公若蒙為奉聖公

是年夏改元天安禮定秋七月夏主乘常殂年三

十六謚康靖皇帝廟號崇宗葬獻陵子乾順立生

三歲

丁卯

夏崇宗天儀治平元年

程頤議坐講蘇軾疾程頤不近人情頤門人朱光

庭劾軾謗訕御史中丞胡宗愈等劾頤不宜在經

筵乃罷頤管勾西京國子監朝士分黨攻擊洛黨

以頤為首蜀黨以軾為首朔黨劉摯與蘇王巖叟

人代紀要

卷之十四

九

劉安世為首呂大防范祖禹不立黨

進封李乾德為南平王 夏改元天儀治平

戊辰

呂公著為司空同平章軍國事 呂大防范純仁

尚書左右僕射孫固門下侍郎 劉摯中書侍郎

王存胡宗愈尚書左右丞 范鎮卒

是年高麗王堯卒叔父熙嗣

己巳

呂公著卒 蘇軾罷 范祖禹為翰林學士

范純仁王存罷 劉摯傳堯諭門下中書侍郎

韓忠彥許將尚書左右丞 分經義詩賦為兩科

罷明法科

庚午

太師文彥博致仕 蘇轍為御史中丞

辛未

韓忠彥同知樞密蘇頌尚書左丞 許將罷

夏天祐民安元年

蘇轍為尚書右丞尋罷 蘇軾為翰林學士承旨

尋罷知潁州 傳堯俞卒 罷劉摯知鄆州

是年夏改元天祐民安

壬申

立皇后孟氏 蘇頌尚書右僕射梁燾鄭雍尚書

左右丞韓忠彥知樞密 蘇轍范百祿為門下侍

郎 召蘇軾為禮部尚書兼端明殿侍讀學士

是年遼生女直部節度使劼里鉢卒天會中追謚

人代紀要

卷之十四

十

聖肅皇帝廟號世祖弟頗刺叔嗣

癸酉

蘇頌范百祿罷 梁燾罷 范純仁為尚書右僕

射 秋九月高太后崩 冬十月帝始親政范祖

禹上疏不聽 以楊畏言復章惇呂惠卿官秩貶

劉安世知成德軍

甲戌紹聖元年

以李清臣為中書侍郎鄧潤甫尚書右丞

呂大防蘇轍范祖禹范純仁俱罷 進士畢漸以

對策希時首選 章惇為尚書左僕射兼門下侍

郎 夏四月翰林學士魯布請改元紹聖

以王安石配享神宗廟庭 貶蘇軾知英州尋安

置平惠州 蔡京為戶部尚書 追奪司馬光呂

公著王巖叟贈謚貶呂大防劉摯蘇轍等

重修神宗實錄蔡卞為翰林學士安置元祐史官

范祖禹趙彥若黃庭堅等于遠州

是年遼生女直部節度使頗刺叔卒天會中追謚穆

憲皇帝皇統五年增謚肅宗明廢穆憲皇帝母弟

盈哥嗣是為金穆宗

南詔王正明避位為僧國人奉高昇泰為主改號

大中國

人代紀要

卷之十五

十一

遼改明年為壽隆

己亥

遼壽隆元年

監察御史常安民論蔡京貶滁州監酒稅

丙子

廢孟后為王清妙靜仙師法名冲真居瑤華宮

韓忠彥罷 竄范祖禹賀州劉安世英州

是年南詔高昇泰死遺命其子泰明立段氏餘子

正淳改號後理國高氏世相之

丁丑

李清臣免 追貶元祐宰相執司馬光呂公著等官

派呂大防於嶺南道卒 蔡卞為尚書左丞

降致仕文彥博為太子少保卒 編管程頤涪州

徙蘇軾昌化軍范祖禹賓州劉安世高州

戊寅元符元年 六月改

咸陽民獻王印蔡京以為秦璽因而改元

再竄范祖禹劉安世于化梅州祖禹尋卒

編管杭州通判秦觀于橫州 章惇蔡卞請追廢

宣仁太后帝不從。

巳卯

夏永安元年

立劉賢妃為皇后右正言鄒浩諫竄于新州

夏改元永安

庚辰 春三月帝崩在位十五年壽二十五謚欽文睿武

人代紀要

卷之二十四

十一

昭孝皇帝廟號哲宗堊末泰陵皇帝端王佖即位年十九歲是謂徽宗神宗第十一子也 向太后

臨朝 尊劉后為元符皇后 立皇后王氏

復廢后孟氏為元祐皇后 召陳瓘鄒浩 許劉

摯梁燾歸壻錄其子孫 復元祐黨人范純仁等

官徙蘇軾等于內地 追復元祐宰執文彥博司

馬光等官爵 以陳瓘言免蔡卞放章惇于潭州

韓忠彥尚書左僕射曾布右僕射 翰林學士承

旨蔡京免 召程頤判西京國子監

辛巳末徽宗建中靖國元年 遼天祚帝乾統元年

向太后崩 范純仁卒 貶章惇雷州司戶

罷權給事中陳瓘復蔡卞邢恕等官 蔡京結交

內侍童貫道錄徐知常又以曾布引薦復為翰林

學士 改明年為崇寧

遼主耶律洪基卒于混同江年七十謚仁聖天孝

文皇帝廟號道宗孫燕國王耶律延禧嗣位年二

十七是謂天祚帝改元乾統

壬午崇寧元年

以蔡確配享哲宗廟 追封孔鯉為泗水侯孔伋

為沂水侯 命宦官童貫製器于蘇杭州

人代紀要

卷之五

十一

韓忠彥罷追貶元祐黨籍司馬光等官爵禁其子孫不得官京師 許將溫蓋為門下中書侍郎

蔡京趙挺之為尚書左右丞蔡京尋為尚書右僕

射 曾布因與蔡京忿爭出知潤州 復貶孟后

為仙師出居瑤華宮 蔡卞知樞密事 立元祐

黨人碑于端禮門 蔡京請興學貢士作辟雍

追封伯夷為清惠侯叔齊為仁惠侯

癸未

蔡京為尚書左僕射兼門下侍郎 詔黨人子弟

毋得至闕下命州縣俱立黨人碑 除直秘閣程頤名 詔童貫監洮西軍及安撫王厚復湟州

張商英罷 詔毀范祖禹唐鑑及蘇黃秦觀文集
遼封典宗孫耶律淳為越王

遼生女直節度使盈哥卒廟號穆宗後追謚章
順孝平皇帝兄子烏雅來立世祖長子也

甲申 以蔡京長子攸為秘書郎 用方士魏漢津言定

樂鑄九鼎 置書畫算學 許將免 趙挺之吳

居厚為門下中書侍郎 賜辟雍殿名大成以王

安石配享孔子位次孟軻復封孔子後為衍聖公

元加孔子大成本於此 罷科舉法專取士學校

王厚復廓州加蔡京守司空封嘉國公

人代紀要

卷之二十四

二四

乙酉

始令州縣學以諸儒從祀孔子 蔡卞罷

賜信州道士張繼元為虛靖先生 朱勔領花石

綱 章惇死于睦州

丙戌

星變毀黨人碑 蔡京免 進士蔡挺以阿附得

首選尋為給事中 趙挺之為尚書右僕射

改明年為大觀

丁亥大觀元年

復以蔡京為尚書左僕射兼門下侍郎

趙挺之免 何執中為門下侍郎鄧洵武為中書

侍郎洵武尋免 蔡攸為龍圖閣學士兼侍讀

立八行科取士孝友睦姻妊恤忠和有此八行補

大學上舍 程順卒年七十五 加蔡京大尉

大廟齋郎方軫請誅蔡京下獄流嶺南

乾寧軍言黃河清八百里

戊子 童貫復洮州加司空 賜蔡京王帶

始以孔伋從祀

己丑 右正言陳禾劾童貫帝拂衣起禾引落裾中承廬

航奏禾狂妄謫監信州酒稅 蔡京有罪免以楚

國公致仕何執中為尚書左僕射

詔算學以黃帝為先師 播州楊文貴內附

人代紀要

卷之二十四

十五

庚寅

立詞學兼茂科 羣出奎婁貶蔡京為太子少保

出居杭州 張商英為尚書右僕射兼中書侍郎

十一月祀園丘改明年為政和

十二月遼改明年為天慶

辛卯政和元年 遼天慶元年

張商英罷 羈陳確于台州 童貫使遼燕人

馬植詭名李良嗣因童貫獻滅遼策賜姓趙

解池生紅鹽

壬辰 召蔡京為太師宴于內苑賜第京師三日至都

堂議事進封魯國公 更定官名以太師太傅太

保爲真相三少副之尚書左僕射爲太宰兼門下侍郎右僕射爲少宰兼中書侍郎 加童貫太尉
癸巳 追封王安石爲舒王王雱爲臨川伯從祀

何執中爲太宰少師 蔡京進封魯國公賜方士

王老志號洞微先生王仔昔號通妙先生

冬十一月祀天于圜丘蔡攸奏天神降詔百官

是年遼生女直節度使烏雅束卒年五十三天

會中追謚恭簡皇帝皇統四年號其藏曰喬陵壇

謚康宗獻敏恭簡皇帝弟阿骨打立自稱都勃極

烈是謂金太祖

人代紀要

卷之二十四

十一

甲午 置道階

女直抗遼遼伐之大敗 始祭地于方澤以太祖

配

乙未

金太祖收國元年 夏雍寧元年

立定王桓爲皇太子 童貫領六路軍事

王厚攻夏金軍皆沒童貫匿不以聞

女直完顏阿骨打始稱皇帝更名旻國號大金改

元收國以弟吳乞買爲諸班勃極烈

遼主親征金大敗而還

初金主至混同江無船渡金主使一人導前乘

楮曰徑涉曰視吾鞭所指而行諸軍隨之水及馬腹既濟使舟人測其渡處深不得其底夷狄之興豈偶然哉

夏改元雍寧

丙申

賜方士林靈素號通直達靈先生立道士學

蔡攸倡議作上清寶籙宮 詔蔡京三日一朝正

公相位總治三省事幸其第 上王帝尊號太上

開天執符御曆會貞體道昊天玉皇上帝

遼高永昌據遼陽以叛改元隆基求援于金金遣

都統幹魯執而殺之東京州縣及南路俱降除遼

人代紀要

卷之二十四

十一

法省賦稅立猛安謀克群臣上尊號曰大聖皇帝

改明年爲天輔

丁酉

金天輔元年

會道士于上清寶籙宮凡二千人道籙院上章冊

帝爲教主道君皇帝 給道士俸 爲林靈素升

温州爲應道軍 上地祇號曰承天效法厚德光

太后土皇地祇 作定命寶 命蔡京五日一赴

都堂治事起復鄭梈爲太宰余深爲少宰

童貫領樞密事賜坐 方士王仔昔下獄死

作萬歲山于京師周十餘里 有星如月南行

是年大理入貢以其主段和譽為雲南節度使封

雲南王

戊戌重和元年 十一月改

遣武義大夫馬政孚海如金請燕雲地

賜林靈素通真達靈元妙先生張虛白通元冲妙

先生造帝誥天書靈篆感衆以蔡京言作道史

加童貫太保 秋九月掖庭火焚死甚衆

十一月己酉朔大赦改元

己亥宣和元年 二月改

詔更佛號大覺金僊僧為德士寺院為宮觀德士

人代紀要

卷之三

十一

許入道學 宮觀道士與監司郡縣客禮相見

余深為太宰工黼為少宰 張邦昌為尚書右丞

尋為左丞 童貫遣熙河經畧劉法攻夏敗死更

以捷聞

追封莊周為微妙元通真君列禦寇為致虛觀妙

真君配享混元皇帝 加童貫太傅封涇國公

帝幸蔡京第傳觴行家人禮加蔡攸開府儀同三

司 秘書省正字曹輔諫微行編管郴州

楊時為秘書郎 是年五月龍見京師茶肆中兵

士取而食之大雨七日水高十餘丈

金始頒女直字

遼冊金主為東懷國皇帝不受

庚子

林靈素有罪放歸田里尋死 趙良嗣如女直約

攻遼許歲幣如遼數 蔡京與子攸權勢相軋帝

厭京以太師魯國公致仕

是年建德軍青溪民方臘以誅朱勔為名作亂自

辛丑

稱聖公改元永樂 夏改元元德

淮南盜宋江以三十六人橫行河朔知海州張叔

夜擊降之 童貫承制罷蘇杭造作局及花石綱

人代紀要

卷之三

九

黑青見禁中 童貫執方臘加太師楚國公

鄭居中領樞密 張邦昌為中書侍郎 以孔端

友襲封衍聖公

是年春正月丁酉朔遼改元保大

遼南面都統耶律余覲被誣降投金

遼天祚四子長趙王習泥烈母趙昭容次晉王

敖廬幹母蕭文妃次秦王定次許王寧皆元妃

生惟敖廬幹賢國人屬望元妃兄樞密使蕭奉

先恐秦王不得立潛圖之適文妃作詩諷諫遊

歌天祚衛之文妃姊適耶律撻曷里妹適余覲

蕭奉先諷人誣駙馬蕭昱及余親等謀立晉王而尊天祚爲太上皇蕭昱遠居里被誅文妃賜死獨晉王未忍加罪余親在軍中聞之大懼遂叛入金按余親之叛非其本心蕭奉先之謀天祚不明激之也

于寅 蔡攸爲少保梁師成開府儀同三司

金兵克遼中京時遼主方畋于鴛鴦濼耶律余覲引金兵卒至甚憂蕭奉先曰余親此來欲立撈耳爲社稷計何惜一子明其罪而誅之則彼自退矣遼主乃賜晉王敖盧幹死或勸之亡敖盧幹曰安

人代紀要

卷之二十四

三

忍以最爾之軀而失臣子之節遂就死敖盧幹素有人望諸軍無不涕涕由是人心解體金兵通行宮遼主走雲中遺傳國璽乘乾河爲金所得遼主至夾山方悟蕭奉先不忠誅之遼主之出也留宰相張琳叅知政事李處溫與秦晉國王耶律淳守燕遼主在夾山命令不通李處溫與大臣耶律大石左企弓等立淳爲帝淳與宗第四孫也上尊號曰天錫皇帝改元建福遙降遼主延禧爲湘陰王

史謂敖盧幹重君父之命不亡而死中生其恭

先是因失矣然孝子於親小杖則受大杖則走敖盧幹宿有人望當時遼兵尚多脫身在外招集豪傑恢復舊物以迎遼主不亦偉乎惜乎無以此義告之者也

李處溫輩既援唐靈武故事以立耶律淳却廢其主爲湘陰王則非矣

以童貫爲宣撫使蔡攸爲副使帥師十五萬應金攻遼王黼括天下丁夫計口出錢六千二百萬繼充用敗于白溝詔班師遼遣人來責以救災恤憐之義童貫不納以統制种師道曾諫伐遼遂密劾

人代紀要

卷之二十四

三

師道助賊降右衛將軍致仕

是年六月耶律淳卒年六十僞謚孝章皇帝廟號宣宗遺命遙立秦王定尊淳妻蕭氏爲皇太后稱制改元德興蕭氏數李處溫罪而救之上表于金求立秦王定金主不許金師至居庸關厓石自崩遼兵不戰而潰阿骨打至燕遼統軍高六等開門待之宰相左企弓等率百官上表迎降遼主奔四部族

童貫等再舉伐遼以劉延慶爲都統制朝散郎宋昭諫編管海州遼涿州留守郭藥師以涿易二

州來降童貫受之以其兵隸延慶攻遼敗績燕山士卒蹂踐死者百餘里歷年軍儲俱盡藥師猶進安遠軍丞宣使遣趙良嗣如金求營平灤三州不許

萬歲山成更名長嶽

是年高麗王侯卒子楷立

癸卯

金太宗天會元年

遼知北院樞密事奚回离保即箭竿山自立爲奚國皇帝改元天復

以王安中知燕山府郭藥師同知府事藥師入朝

人代紀要

卷之十四

三

賜甲第姬妾宴賞甚厚

遼耶律淳妻蕭氏走至四部族遼主殺之追廢耶律淳爲庶人

淳之立非其本意蕭氏又能誅李處溫立秦王定亦知大義者遼主殺之過矣

趙良嗣如金許歲幣四十萬之外加燕京稅錢一百萬緡金始以燕涿易檀順景薊來歸惟七空城而已封童貫徐豫國公王黼太傅治三省事鄭居

中太保蔡攸少師居中辭不拜

金兵追遼主戰于白水灤遼主敗走雲內趙王習

泥烈秦王定許王寧俱被執惟次子梁王雅里得免遼主奔夏其臣蕭特烈等立雅里爲帝改元神曆

遼史載延禧四子不載雅里恐失之也

遼奚回离保爲其所殺

金以平州爲南京以遼人張敦爲留守徙燕民過平州敦欲興復遼室召左企弓等責其叛降之罪殺之以其地歸宋詔改建平軍以敦爲節度使

遼蕭幹就奚王府稱神聖皇帝改元天嗣郭藥師

平之加藥師太尉

人代紀要

卷之十四

三

楊時爲通英殿說書童貫致仕以內侍譚楨爲

兩河燕山宣撫使

禁元祐學術毀司馬光等文集

秋八月金主阿國打卒于行宮年五十六謚應乾興運昭德定功仁明莊孝大聖武元皇帝廟號太祖葬曆陵第吳乞買即位更名晟改元天會是謂

金太宗

冬十月遼雅里卒蕭特烈立聖宗孫耶律朮烈爲帝尋爲亂兵所殺

十一月幸王黼第觀芝大醉

金襲平州張鼓奔燕山詔王安中斬鼓首昇金

納鼓啓樂又不能庇函其首以昇之使降將解體失策甚矣

甲辰 夏稱藩于金

金索趙良嗣所許糧二十萬石不與金人大怒復以童貫領樞密院事兩河燕山路宣撫使

白時中爲太宰李邦彥少宰 王黼有罪免

蔡京復領三省事昏耗不能事皆決於其子蔡絛河北山東盜起

都城女子生髭長六七寸甚秀美度爲女道士

人代紀要

卷之三

三

乙巳 春正月金將婁室追獲遼上延禧于應州降爲海

濱王遼亡

契丹阿保機自後梁均王丙子稱帝晉高祖二

年丁酉改號遼穆宗復號契丹至道宗復號遼

傳九主共一百五十年爲金太宗所滅其所都

上京今遼東三萬衛是其故處

遼耶律大石奔至西域自立于起兒漫號葛兒罕

上漢尊號曰天祐皇帝改元延慶立妻蕭氏爲昭

德皇后是爲西遼

勒蔡京致仕

按蔡京鍾愛其少子絛擅權用事蔡攸數言于

帝請殺絛帝不許欲竄之京力丐免俾侍養穉其侍讀毀賜出身敕以撼京而京猶未有去志

乃命童貫至其家逼令上章京泣曰主上何不

相容不得已以章授貫帝乃命詞臣代作三表

求去降詔從之夫蔡京父子相軋攸始欲罷其

父既而又欲殺其弟京爲相日久爲君上所厭

而貪恋不已鄙夫患得患失一至如此真可笑

也

封童貫爲廣陽郡王 劉安世卒 有狐升御榻

人代紀要

卷之三

三

而坐

金粘沒喝幹離不分道南侵

童貫自太原逃歸金兵陷朔代圍太原郭藥師叛

入金爲鄉導盡陷燕山州縣 罷花石綱及内外

置造局 詔天下勤王 下詔罪已

宋徽宗聽童貫王黼之言欲得燕雲之地竭天

下之財力以夾攻遼而王師屢敗既而所得惟

七空城而已且又甘心於納歲幣輸租稅自處

以弱輕許以糧不能踐言納叛臣張敦又不能

庇以致郭藥師叛去蓋知我虛實乃敢長驅而

入如獲無人之境并中原而失之向使金兵攻遼之初能張皇六師申救災恤隣之義與之約曰共退金兵宜還我石晉所獻之地或免我歲幣策之上也如不能然固守邊疆靜以治內金虜雖強豈敢無繫而動犯我中原乎

宇文虛中草詔曰朕獲承祖宗休德託于士民君王之上二紀于茲雖兢業存於中心而過咎形于天下蓋以寡昧之資藉盈成之業言路壅蔽導諛日聞恩倖持權貪婪得志縉紳賢能陷于黨籍政事興廢拘于紀年賦歛竭生民之財

人代紀要

卷之三十四

主六

戊戌困軍旅之力多作無益侈靡成風利源酷權已盡而牟利者尚肆誅求諸軍衣糧不時而冗食者坐享富貴災異謫見而朕不寤衆庶怨懟而朕不知追惟已愆悔之何及思得奇策庶解大紛望四海勤王之師宣二邊禦敵之畧未念累聖仁厚之德涵養天下百年之餘豈無四方忠義之人來徇國家一日之急應天下方鎮郡縣守令各帥衆勤王能立奇功者並優加獎異草澤異材能爲國家建大計或出使疆外者並不次任用中外臣庶並許直言極諫

詔熙河經畧使姚古秦鳳經畧使种師中入援以吳敏爲門下侍郎十二月帝傳位皇太子煇即位尊帝爲教主道君太上皇帝以李綱爲兵部侍郎耿南仲爲書樞密院事太學生陳東上書請誅蔡京王黼童貫梁師成李彦采劾六人丙午宋欽宗靖康元年

守黎陽內侍梁方平兵潰金兵渡河無一人敢拒者竄王黼永州開封尹聶昌遣人殺于雍丘李彥賜死並籍其家太上皇出奔避敵蔡攸爲行宮使童貫以勝捷軍自隨蔡京盡室南行

人代紀要

卷之三十四

主七

宰執請帝出幸襄鄧李綱諫止以綱爲尚書右丞東京留守李邦彥爲太宰張邦昌爲少宰趙野門下侍郎王孝迪爲中書侍郎

春正月金斡萬不軍直抵汴城據牟駝岡遣使問納張致事令執送童貫譚稹詹度且言上皇朝事已往不必計今與少主別立盟誓結好仍索親王宰相詣軍前李綱請行帝不許遣李杭至金營割地求和

李稅至金營見斡萬不北面再拜膝行而前恐怖喪膽斡萬不謂曰汝家京城破在頃刻所以

不攻者以火主故欲存趙氏宗社今欲議和當輸金五百萬銀五十萬牛羊萬頭表段百萬尊金帝爲伯父歸燕雲之人在漢者割中山太原河間三鎮而以宰相親王爲質送大軍過河乃退稅唯唯不敢出一語乃與金使同來李邦彥力勸帝從其議括借都城金銀及倡優家財得金二十萬兩銀四百萬兩而民間已空李綱言金人所需竭天下且不足况都城乎三鎮國之屏蔽割之何以立國遺質宰相當往親王不當往若遣辯士姑與之議宿留數日大兵四集彼孤軍深入雖不得所欲亦將速歸此時與之盟和亦可久李邦彥等言都城破在旦夕尚何有三鎮而金幣之數亦不足較李綱以言不用求去慰留治兵乃作誓書稱伯大金皇帝姪大宋皇帝金幣割地一依其言宋室君臣怯懦如此故備錄以爲後世戒

出內帑及括借士民金帛遣康王構少宰張邦昌往金營爲質都統馬忠敗金兵于順天門金兵少歛种師道以兵入援請緩給金幣擊其情歸不從

以太學生陳東言貶梁師成彰成節度副使開封吏護送縊殺以暴死聞

姚平仲襲金營不克而遁

李綱雖忠義然兵家機畧非其所長姚平仲欲擅其功故有此敗种師道言劫寨已誤然兵家亦有出其不意者今夕再遣分道攻之亦一奇也如猶不勝每夕以數千人擾之不十日賊遁矣李邦彥不從

金人詰責用兵之故罷李綱以謝罪太學生陳東等及都民數萬人上書留綱復以綱爲尚書右丞

京城防禦使

除元祐黨籍學術之禁廢苑囿宮觀可以與民者以肅王樞爲質于金康王構還

宇文虛中奉割三鎮地界金人遣使告辭而去种師道請俟其半渡擊之不許

初金人犯城蔡懋禁不得輒施矢石將士積憤李綱復用下令能殺敵者厚賞衆無不奮躍金人懼稍稍引却及得割地詔遂不俟金幣數足而去

夫虜以孤軍深入留頓日久苟能以所括金銀

鼓舞壯勇出其不意擊之未有不勝者也惜當時謀國者一味怯懦衰哉

李邦彥免以張邦昌爲太宰吳敏爲少宰李綱知樞密 种師道罷 楊時爲國子祭酒

張邦昌李稅免徐處仁爲太宰唐恪爲中書侍郎何臬爲尚書右丞 太上皇自鎮江還 立子諶

爲皇太子 耿南仲爲門下侍郎

復以詩賦取士 召河南處士尹焞至賜號和靖

遣還 以楊時言罷王安石配享孔子猶從祀時

諸生習王氏學以取科第反以時爲邪說中丞陳

人代紀要

卷之二十四

三十一

過庭諫議大夫馮澥上疏詆時以徽猷閣待制致仕

王安石創立新法引用姦邪宋室之亂實基於

此當時配享孔子蓋出蔡京父子之意無足怪

者後公論已定而儒者猶謂其學爲正學殆不

可曉夫學體用一原者也豈有行之足以亂天

下而反謂之正學耶

金兵圍太原詔种師中姚古救之兵潰師中戰死

古安置廣州 以李綱爲兩河宣撫使尋召還

天狗星墮擊出紫微垣長數丈拂帝座掃文昌大

臣獻諛以爲夷狄將衰 竄瑛京儋州道死重賈

吉陽軍趙良嗣柳州俱遣人殺于貶所函首至闕

下梟于市蔡攸朱勔俱遣使殺之籍勔家田至三

十萬他物稱是 復以种師道爲兩河宣撫使尋

罷師道卒 金人復分道入寇遣使乞緩師

金人陷太原都總管王禀赴汾水死 唐恪耿南

仲主和議罷動王兵 冬十月言者論李綱專主

戰議喪師費財罷知揚州尋安置建昌軍

十一月金粘沒喝自太原趨汴至河外宣撫折彥

質以兵十二萬拒之金兵以虛聲擊戰達旦彥

人代紀要

卷之二十四

三十一

質軍奔潰金兵遂渡河不復言三鎮欲盡得兩河

地 遣耿南仲聶昌割地畀金兩河民不從聶昌

爲絳人所殺南仲奔相州

南道張叔夜以兵勤王勅帝如唐明皇故事暨詣

襄陽以圖幸雍不從 郭京詭言以六甲法能擒

金將直擊至陰山乃止孫傳何臬溪信之以爲成

忠郎用七千七百七十人年命合六甲者皆市井

游惰其黨或稱六丁力士北斗神兵或稱天關上

將京云非至危急吾兵不出

金兵攻城范瓊以十人出戰渡河水泮沒五百人

郭京大敗墮死於獲龍河填屍皆滿京詭言下城作法逃去城遂陷

郭京走沿路稱撒豆成兵。賊衆至三千餘人屯洞山。欲立宗室爲帝。人知其誤。國刺殺之。妖術之足以惑衆如此。錄以爲戒。

帝出至金營奉表降。何果等喜和議成。歸都堂。惟會飲酒。

南道總管范致虛率兵入援。以僧宗印爲參議。適金兵不戰而潰。

人代紀要

卷之二十四

三十一

人代紀要卷之二十四

人代紀要卷之二十五

明吳興顧應祿編集

大埔黃象校刊 江陰湯明善

庠生倪佩同校

丁未宋高宗建炎元年

五月改

西遼德宗康國元年

夏崇宗正德元年

春正月詔兩河民降金不從

金人索金銀。邀帝入營。以孫傳輔太子監國。帝與何果李若水復如青城。開門宣赦。舍人吳革曰。天文帝座甚傾。恐墮。虜計果不聽。

人代紀要

卷之二十五

三十二

河東割地使劉幹自縊于金營

二月金粘沒喝以其主命廢上皇及帝爲庶人。令別立異姓。邀上皇及后妃宗戚俱至金營。吏部侍郎李若水死節。

金人命翰林承旨吳玘吏部侍郎莫儋令推立異姓。堪爲人主者。且邀上皇出城。京城巡檢范瑁逼上皇與太后御輦車出宮。諸王及妃公主駙馬六官有位號者皆行獨元祐皇后孟氏以廢居得免。初金人以內侍鄧述所具諸王妃主名檄開封尹徐秉哲盡取之。秉哲令坊巷五家

爲保母得藏匿凡得三千餘人衣袂相聯傷而往金人逼帝及上皇易衣若水抱帝而哭罵賊而死金人又逼上皇召太子皇后孫傳爲太子傳從之按范瓊輩俱宋臣子也大勢已去反爲賊用爲人君者可不懼哉

金人大括金帛殺戶部尚書梅執禮等

三月金立張邦昌爲帝國號大楚吳革率衆討邦

昌范瓊殺之

夏四月金人執二帝及后妃宗戚北去

宋自太祖庚申受禪至丁未凡九主一百六十

人代紀要

卷之五十五

二

七年而爲金人所虜改爲南宋

自古中華之主受夷狄之禍者莫甚於宋立學士濬謂非獨天數亦人謀之不臧其始都汴無險可據已爲失策又不能權宜如唐之明皇德宗出外避敵以圖興復以愚觀之縱使避敵但可以避免全家係虜之辱欲恢復中原恐不可得蓋宋之君臣非唐之君臣也內無李泌陸贄以爲之相外無郭子儀李晟之爲將上下一於柔懦徒知請和乞憐苟延旦夕而無久遠之謀且多難之際而又彼此相傾以希寵竊位安往而

不敗乎

張邦昌以呂好問言請廢后孟氏爲宋太后

邦昌立孟后策語有云尚念宋室之初首崇西宮之禮蓋用太祖即位迎周太后入西宮故事史謂識者知邦昌之心非真爲趙氏也愚謂邦昌一人臣耳豈可擅立宋后必上請康王即位而立之方可

夏五月康王構即位于南京改元建炎遙尊靖康帝爲孝慈淵聖皇帝尊哲宗廢后孟氏爲元祐太后遙尊母章氏爲宣和皇后遙立夫人邢氏爲皇

人代紀要

卷之五十五

三

后以黃潛善爲中書侍郎汪伯彥同知樞密

張邦昌爲太保封同安郡王五日一赴都堂參決

大事耿南仲免召李綱爲尚書右僕射兼中

書侍郎張叔夜至白溝扼吭而死以李綱言

安置張邦昌于潭州并安置王時雍徐秉哲吳玠

莫儔李權孫觀于遠州贈李若水劉幹死節

宗澤屢敗金人以爲東京留守請帝還京師不報

虜斃萬不死何果至燕山不食而死

更號元祐太后爲隆祐太后

尚書省言元字犯祖諱故以隆祐宮名易之夫

元祐乃哲宗年號也哲宗既不諱至后乃諱之
宋儒之迂如此

侍御史張浚劾李綱罷提舉洞霄宮尋安置千萬
安軍太學錄陳東布衣歐陽澈上疏留李綱斬
于市

張邦昌通燕中華國靖恭夫人事覺賜死併誅王
時雍等以王倫為刑部侍郎使金始得二帝起
居金人復入寇

是年西遼耶律大石始建都于虎思斡耳朶改元
康國夏改元正德

人代紀要

卷之五

四

戊申宗澤敗金兀朮兵于東京請帝還京以劉豫為
濟南知府豫降金楊時致仕定詩賦經義試
士法以宇文虛中為金國祈請使虛中降金
宗澤卒

二帝至會寧金以太上皇信為昏德公淵聖帝桓
為重昏侯徙韓州

以黃潛善汪伯彥為尚書左右僕射帝曰以潛善
為左相伯彥為右相何患國事不濟時金兵橫行
盜賊蠭起二人皆不以聞

是年金始撰國史金粘沒喝陷襲慶府軍士欲

發孔子墓禁之

已酉金人襲揚州帝奔鎮江從瓜埠小舟渡江至杭治
行宮以呂頤浩為樞密守鎮江

初張浚極言金人必來黃潛善汪伯彥以為過
慮而笑之及金兵至二人方率同列聽浮屠克
勤設法罷會食堂吏大呼曰駕已行矣二人方
倉皇策馬南馳居民爭門而出死者相枕籍無
不怨憤司農卿黃鑄至江上軍士誤以為潛善
罵之鑄方辯而首已斷矣高宗之用相如此而
自謂得人不明孰甚焉

人代紀要

卷之五

五

求直言赦死罪以下放還士夫被竄者惟李綱不
赦潛善等欲謝金人故也黃潛善汪伯彥自知
不為眾所容求免以葉夢得張澈為尚書左右丞
朱勝非尚書右僕射兼中書侍郎

扈從將苗傅劉正彥以功賞不明作亂殺同簽樞
密汪淵內侍康履等劫帝傳位皇子專年三歲改
元明受請隆祐太后孟氏臨朝尊帝為睿聖仁孝
皇帝以顯寧寺為宮徙居之

夏四月張浚呂頤浩兵入帝復位傳正彥走韓世
忠劉光世捕獲斬之

苗傳等却帝禪位罪不可追然皆上失其政以致之豈可盡歸咎于下哉

朱勝非頌岐王孝迪張澈路允迪廬益俱免以呂

順浩爲尚書右僕射兼中書侍郎李邴爲尚書右

丞

詔改尚書左右僕射並帶同平章事改門下中書

侍郎爲參知政事以李邴參政

立皇子專爲皇太子秋七月卒謚元懿

徽猷閣待制洪皓使金不屈流遞冷山帝遺粘沒

喝書願去尊號用金正朔比于藩臣

人代紀要

卷之五

六一

以司勳員外郎趙鼎言始罷王安石配享孔子

范瓊下獄死

范瓊逼勒二帝赴金營又附張邦昌僭逆誅之

晚矣

升杭州爲臨安府

呂順浩尚書左僕射杜充右

僕射並同平章事

是年帝爲金兵所逼走越州明州航于海隆祐太

后奔虔州起居郎胡寅上七策呂順浩惡其切

直龍之

江淮統制岳飛敗金人于廣德

庚戌

帝泛海至温州還越

甯州人鍾相作亂陷澧州

自稱楚王改元天載湖北捉殺使孔彥舟平之其

黨楊大復聚衆于龍陽韓世忠敗金人于江中

岳飛敗金人于靜安以爲通泰鎮撫使

金徙二帝居五國城去上京東北千里以上皇六

女爲宗婦金立劉豫爲齊帝世修子禮都大名

府僞尊其母翟氏爲皇太后妾錢氏爲皇后改明

年爲阜昌元年

張浚兵敗于富平冬十月秦檜自金還始主和

議

是年金禁度僧道及繼父繼母男女無相嫁娶

人代紀要

卷之五

七一

辛亥紹興元年

正月改

夏四月隆祐太后孟氏崩年五十九謚昭慈獻烈

作大宋中興王寶秋七月封太祖後令話爲安

定郡王張浚以吳玠譖言下前威武大將軍曲

端于恭州獄武臣康隨與端有隙命獄吏以紙糊

口燭之以火渴求飲與之酒九數流血而死軍士

惆悵

以秦檜爲尚書右僕射兼知樞密院事呂順浩爲

尚書左僕射同平章事兼知樞密院事

初置見錢關子

升越州爲紹興府

壬子

帝自紹興如臨安初御講殿

劉豫徙居汴尊其祖考為帝置于宋太廟是日大風捲旂屋瓦皆振其子櫟籍鄉兵十餘萬為皇子府兩京冢墓發盡

衍聖公孔端友卒以其子玠嗣

六月太相後秦王德芳五世孫僖子伯琮育于宮

中賜名瑗 頒黃庭堅所書戒石銘于州縣

秦檜免榜其罪于朝 以朱勝非為尚書左僕射

同平章事兼知樞密院事 以呂頤浩言罷李綱

提舉崇福宮 召張浚知樞密院事 呂頤浩朱

人代紀要

卷之三

人

勝非以國用不足初置浙江湖南月椿錢橫賦為

民害

是年金主以其兄孫合刺為諳班勃烈合刺即名

亶

諳班勃烈國之儲貳也初阿骨打傳位于弟故復以位還兄之孫夷狄不忘所自如此

金以其子蒲盧虎為國論勃烈粘沒喝為都元

帥元木為副元帥

南平王李乾德卒以其子陽煥為文趾郡王

癸丑

楊太僭號大聖天王復名公立鍾相少子子儀為

太子臣事之

岳飛平江廣群盜賜精忠旂 起復朱勝非為尚

書右僕射 呂頤浩免 復置博學宏詞科及元

祐十科取士法

劉豫以孔子後璿襲封衍聖公主祀事

甲寅

章誼使金請兩宮及河南地

吳玠大敗金人于僊人關 中丞辛炳劾張浚疏

扈不臣罷為資政殿學士居福州 岳飛復襄陽

朱勝非終制趙鼎為尚書右僕射兼知樞密院

韓世忠大敗金師于大儀 帝親征次平江

人代紀要

卷之三

九

起張浚知樞密院視師江上

金兵北歸

乙卯

金熙宗仍天會 夏崇宗大德元年

帝還臨安以趙鼎張浚為尚書左右僕射並兼知

樞密院 始建太廟 封周後柴叔夏為崇義公

龍圖閣直學士楊時卒 胡寅上疏諫和議不聽

出知邵州 岳飛破楊么湖湘平 徵和靖處士

尹焞于涪州

是年上皇崩于金五國城年五十四在虜地八年

而云遺言欲葬內地金主不許遂謚為聖文仁德

顯孝皇帝廟號徽宗後梓宮還加號體仁合道駿

烈遜功聖文仁德憲慈顯孝皇帝

春正月金主晟卒年六十一謚文烈皇帝廟號太

宗聖和陵皇統四年改恭陵五年增謚號曰體元

應運世德昭功哲惠仁聖文烈皇帝諱班勃極烈

宣即位是為金熙宗宣太祖阿骨打嫡孫也追謚

其父為景宣皇帝廟號徽宗詔偽齊劉豫稱臣勿

稱子

金遣萬戶胡沙虎伐蒙古

蒙古在女直之北唐為蒙兀部亦號蒙骨斯其

人代紀要

卷之五

十

人勁健善戰夜中能視以鮫魚皮為甲可捍流

矢是為胡元之先通鑑博論載元朝秘史云元

之先是蒼色狼與慘白色鹿相配而生蓋獸種

也理或有之

丙辰

吏部員外郎陳公輔論王安石學術壞天下以為

左司諫

院事以秦檜為行營留守叅決尚書省樞密

陳公輔論安石是矣論伊川則非但所謂幅巾

大袖高視闊步切中後世偽學之弊恐當時亦

有此輩以亂真也

是年西遼耶律大石卒在位二十年年五十八廟

號德宗子夷列年幼遣命皇后塔不煙稱制號感

天皇後改元咸清

丁巳

張浚兼樞密使秦檜為樞密使何鮮自金還始

知太上皇及太上皇后已崩遣尊宣和皇后韋氏

為皇太后韓世忠岳飛請復中原不報

張浚罷趙鼎為尚書左僕射同平章事兼樞密使

安置張浚于永州尹焞為崇政殿說書

人代紀要

卷之五

十一

為天眷元年

交趾郡王李陽煥卒子天祚嗣

戊午

定都臨安胡安國進春秋傳以秦檜為尚書

右僕射兼樞密使趙鼎罷孫近叅知政事

王倫以金使張通古來歸河南陝西地詔諭江南

秦檜攝冢宰受書詔群臣諫和議不聽

秦檜以勾龍如淵為御史中丞劾去異議者

直學士曾開以不草國書罷樞密院編脩胡鈗

切諫貶監廣州都鹽倉

金以經義詞賦兩科取士始頒官制

己未 升煒提舉萬壽觀兼侍講以和議為非不拜

王倫為東京留守交三京及河南陝西地

金魯國王行臺丞相撻懶反殺之以撻懶主割地

于宋乃執王倫。

是年夏主乾順卒謚聖文皇帝廟號崇宗長子仁

孝立年十六是為仁宗

庚申

夏仁宗大慶元年

李綱卒 安置趙鼎于潮州

金人悔割地分道南侵復陷河南陝西州郡

人代紀要

卷之三十五

三

東京副留守劉錡大敗金人于順昌

岳飛敗金人於郾城追至朱仙鎮大破之入汴修

治陵寢中原將復 秦檜連發金字牌十二道召

飛班師中原復陷 秘閣脩撰張九成等言和議

非計坐貶

金封孔子後四十六代孫璠為衍聖公

夏改元大慶

辛酉

金皇統元年

是年春正月金主初服袞冕群臣上尊號曰崇天

體道欽明文武聖德皇帝太叔改元

金封太上皇為天水郡王淵聖皇帝為天水郡公

秦檜主和議罷諸將兵權以韓世忠張俊為樞密

使岳飛為副使尋罷岳飛為萬壽觀使韓世忠亦

罷 秦檜為尚書左僕射 帝上表稱臣于金以

淮水為界割唐鄆商秦地及歲貢銀絹二十五萬

兩匹

是年十一月秦檜與張俊謀下岳飛于大理獄諫

議大夫万俟卨附和殺之年三十九岳雲張憲皆

棄市 金主親祀孔子

加致仕官三品者給半俸

人代紀要

卷之三十五

三

壬戌

西遼仁宗紹興元年

夏四月策進士以秦檜乞養子燬為第一檜改為

次而陳誠之為首誠之專主和議故也

金遣劉筈以袞冕冊帝為大宋皇帝 金主立其

子濟安為太子尋卒金立太子始此

秦檜竄胡銓于新州 以万俟卨為叅知政事使

金報謝

金人賜徽宗及顯肅皇后鄭氏懿節皇后邢氏之

喪 太后韋氏回自金

秦檜進封秦魏兩國公辭不拜 以秦檜子燬脩

日曆凡詔書章疏稍及檜者俱更易焚棄

是年西遼感天后蕭氏卒于夷列立是為仁宗改

元紹興

癸亥 始築園丘社稷壇立貴妃吳氏為皇后 行人洪

皓朱弁張邵自金還皓忤秦檜出知饒州

是年建陽朱熹中第五甲進士

金始建宗廟社稷

甲子

夏人慶元年

金以王倫為三路轉運使倫不屈縊殺之

万俟卨使還秦檜假金人譽已數千言厲卨以聞

人代紀要

卷之五

十四

尚不從檜諷言官李文會詹大防論卨逐去

徙趙鼎于吉陽軍 秦檜恐人議已禁野史

是年樂平縣二水闕

夏改元人慶

乙丑

分經義詩賦為兩科取士 幸秦檜第

丙寅

金殺宇文虛中

劉豫死

丁卯

安置洪皓于英州 趙鼎卒于吉陽軍

張浚論時事忤秦檜貶連州

金屢討蒙古不克與之和議割西平河以北二十

七團寨與之歲遺牛羊米豆冊其酋熬羅極烈為

蒙輔國王不受自號大蒙古國自稱祖元皇帝改

元天興

戊辰

以秦熈知樞密院復為觀文殿學士兼侍讀

竄胡銓于海南

金以完顏亮平章政事兀朮死

己巳

金亮天德元年 夏天盛元年

金以完顏亮為太保領三省事 冬十月金主殺

其弟常勝殺其后裴滿氏而以常勝妃撒卯繼之

十二月金完顏亮弑其主亶而自立改元天德廢

亶為東昏侯大定中追謚武靈皇帝廟號閔宗二

人代紀要

卷之五

十五

十七年改號熙宗是年夏改元天盛

庚午

殿司軍士施全刺秦檜不克詔磔于市 秦檜有

疾詔執政赴其第議事入朝命肩輿入宮門二孫

扶掖升殿不拜

是年金主亮群臣上尊號曰法天膺運膺武宣文

大明聖孝皇帝 金亮殺其宗室太宗子孫七十

餘人粘沒喝子孫三十餘人諸宗室五十餘人

亮乃太祖之後忌太宗後強盛故殺之

辛未

咸平王韓世忠卒

金主亮納其宗婦于宮中其叔阿魯補為亮所殺

乃納其妻阿懶為昭妃

壬申 金主亮命崇義軍節度使烏帶之妻唐括定哥殺其夫而納之後與舊奴姦賜死

癸酉

金貞元元年

金遷都于燕改元貞元以燕京為中都汴京為南京中京為北京上京為會寧府 金主生母大氏卒遺命迎其嫡母徒單氏 金主亮召葛王烏祿婁烏林答氏于濟南妻謂烏祿曰我不行上必殺王我當自勉行至良鄉自殺

按金夷狄之俗無復人理而烏林答氏乃能守

人代紀要

卷之五

十六

節又克全其夫真可嘉尚故特書之

甲戌

西遼承天后崇福元年

以孔子五十代孫摺襲封衍聖公 以秦檜孫墳

修撰實錄墳省試殿試俱第一及廷試知貢舉湯

思退以墳第一帝改為第三 加秦燬少傳嘉國

公金主亮納其諸從姊妹于宮 金製交鈔庫

始是年西遼主夷列卒廟號仁宗子幼遺命其妹

普速完權國號承天后改元崇福

乙亥

進封秦檜建康郡王加秦燬少師並致仕是夕檜死贈申王謚忠獻

丙子

金亮正隆元年

復趙鼎等官 以沈該為尚書左僕射万俟卨右

僕射並同平章事 湯思退知樞密院事宰相不

兼樞密 万俟卨主和固位無異於檜士論薄之

八閱月卒 是年欽宗崩于金

金主亮群臣上尊號曰聖文神武皇帝二月改元

正隆

丁丑

湯思退為尚書右僕射同平章事

戊寅

召潭州南嶽廟朱熹不至 湯思退為尚書左僕

人代紀要

卷之五

十七

射陳康伯右僕射同平章事 皇太后章氏崩

庚辰

以太祖七世孫秀王之子普安郡王瑗為子更名

瑋封建王 遣虞允文如金賀正旦

湯思退有罪免 初行會子

辛巳

金世宗大定元年

分經義詩賦為兩科取士 陳康伯為尚書左僕

射朱倬右僕射同平章事

金使來求漢淮地始知欽宗已崩

完顏亮欲大舉南侵故遣食樞密高景山右司

員外郎王全賀天申節數宋焚南京宮室沿邊

人代紀要卷之二十六

明吳興顧應祥編集

大埔黃裳校刊 江雲湯明書

庠生倪佩尚校

癸未宋孝宗隆興元年

史浩爲尚書右僕射同平章事兼樞密使帝銳意恢復浩與張浚論議不合被侍御王十朋劾罷知紹興府張浚遣李顯忠邵宏淵伐金宏淵與顯忠不和師潰于符離士大夫主和者附湯思退貶浚治揚州帝厚浚復召用顯忠安置筠州卒宏淵

人代紀要

卷之二十六

仍前都統

按宋孝宗雖有恢復之志而在朝諸臣皆不過貪位慕祿而無忠君愛國之誠心符離之敗不過失其所守之地耳而群議紛然又不罪邵宏淵而專罪李顯忠國是如此使志士何以立功乎

以湯思退爲尚書右僕射兼樞密使遣王之望如金議和許割金所求唐鄧海泗四州地減歲幣之半召峽州處士郭雍不至賜號冲晦處士金以孔總襲封衍聖公

賈馬招亡納叛之罪厲聲詆責以激怒起衆又曰趙桓死矣帝始發及罷詔持斬衰三年廟號欽宗

金亮遷都于汴殺遼及宋子孫在其國者凡百三十餘人惡其嫡母徒單后諫伐宋發詔令后跪聽縊而弑之焚于宮中棄骨于水亮與后婢高福娘私通縊后者高福娘也封爲勛國夫人

金亮將三十二總管入冠軍士多道亡者至采石爲虞允文所敗時金人已立太祖孫廢宗子曹國公烏祿爲主烏祿即葛王也更名雍改元大定是

人代紀要

卷之二十六

六

爲金世宗光天興運文德武功聖明仁孝皇帝下詔暴亮之罪追謚東昏王爲帝廟號閔宗

金完顏元宜弑其主亮於揚州龜山寺明年追廢爲海陵王謚曰煬後降爲庶人

壬午

虞允文請恢復以爲川陝宣諭使與吳玠經畧中原洪邁使金正敵國之禮

立瑋爲皇太子更名睿年三十四

夏六月傳位太子自稱太上皇居德壽宮改明年

爲隆興虞允文罷

金追廢亮爲海陵郡王

甲申

魏公張浚卒 湯思退免永州居住太學生張觀

等伏闕論其姦邪誤國乞斬以謝天下行至信州

憂悸而死 復以陳康伯為尚書左僕射兼樞密

使 錢端禮叅知政事兼樞密院虞允文同知樞

密 金主命以女直字譯經史

乙酉乾道元年

春正月朔合祀天地于園丘改元

魏祀使金正敵國禮而還國書稱姪宋皇帝奉書

叔大金皇帝歲幣二十萬 立長子鄂王愔為皇

太子 洪适為尚書右僕射同中書門下平章事

人代紀要

卷之十六

二

兼樞密使

金群臣上其主尊號曰應天興祚仁德聖孝皇帝

丙戌

洪适罷 葉顥魏祀為尚書左右僕射兼樞密使

金命女直人習進士業

丁亥

虞允文知樞密院事 秀王夫人張氏卒帝成服

于後死 皇太子卒 冬十一月合祀天地于園

丘雷葉顥魏祀俱免

金主不信佛法

戊子

西遼直魯古天禧元年

將希為尚書右僕射同平章事兼樞密制國用使

以母喪去起復為左僕射陳俊卿右僕射同平章

兼樞密帝乞終制許之 追封韓世忠為蕲王

李燾進通鑑長編

西遼承天后普速完與駙馬蕭朵魯不之弟朴古

只沙里通殺駙馬駙馬之父斡里刺以兵殺普速

完及朴古只沙里立仁宗次子耶律直魯古為帝

改元天禧

己丑

以陳俊卿虞允文為尚書左右僕射同平章事兼

樞密使

庚寅

春二月帝從上皇幸聚景園 陳俊卿罷

人代紀要

卷之十六

三

遣起居郎范成大如金求陵寢地

夏相任得敬者其主仁孝中分其國請命于金

主不許

是年高麗翼陽公皓廢其君現而自立

辛卯

夏乾祐元年

上太上皇尊號光壽聖憲天體道太上皇帝

作敬天圖 立恭王惇為皇太子年二十五

金致仕官七十以上給半俸 金以一品禮葬故

宋帝桓於薨洛 金祀園丘群臣上尊號曰應天

興祚欽文廣武仁德聖孝皇帝

夏改元乾祐

壬辰 春二月改左右僕射為左右丞相以虞允文梁克

家為之並兼樞密使 左司員外郎兼侍講張栻

罷 朱熹修資治通鑑綱目成 虞允文罷

金除金銀坑冶稅聽民自採

癸巳 贈蘇軾太師 梁克家罷曾懷為右丞相

十一月合祀天地于園立改明年為淳熙元年

金初以策試國子 金復以會軍府為上京

金大名府僧李智究等謀反伏誅

甲午淳熙元年

人代紀事

卷之十六

交趾入貢封李天祚為安南王始稱國

雍公虞允文卒 曾懷罷葉衡為右丞相兼樞密

使

乙未 宴輔臣王津園 太上皇七十上尊號光堯壽聖

憲天體道性仁誠德經武緯文太上皇帝

高麗叛將趙位寵以四十餘城降金金主不受

丙申 召朱熹為秘書郎不至 立貴妃謝氏為皇后

罷鄧錡 金命京府設學養士

是年安南王李天祚卒子龍翰嗣

丁酉 始罷王雱從祀孔子

金主命群臣毋面從 高麗致貢于金

金主玠宋遼宗室被海陵所害者于河南廣置舊

陵

戊戌 以史浩為右丞相兼樞密 朱熹知南康軍

范成大叅政六月罷 金主禁荆興寺觀

己亥 錄趙鼎岳飛後以京秩 知南康軍朱熹上疏

金主命史書載事實實不必浮辭諂諛

庚子 呂祖謙作大事記

是年張栻卒胡銓卒

辛丑 王淮為右丞相 以朱熹提舉浙東常平茶鹽以

人代紀事

卷之十六

其社倉法行諸路

金主追廢完顏亮為庶人

壬寅 以王淮梁克家為左右丞相

癸卯 夏六月監察御史陳賈請禁道學

金譯經史子書頒行

甲辰 周必大為樞密使

乙巳 太上皇八十加上尊號曰光堯壽聖憲天體道性

仁誠德經武緯文紹業興統明謨盛烈太上皇帝

金太子允恭卒以孫原王麻達葛剌大興兵

金禁食胎採捕

丙午

賜處士郭雍號願正先生 是年八月五星聚于軫 五月金以大興尹原王麻達葛為右丞相賜名璟 十一月立璟為皇太孫

金世宗久任外官知民間疾苦故其立太孫也必先使之為大興尹為右丞相而後立之後世之為宰輔者乃不歷民事而一以文學之臣為之可乎

丁未

以周必大為右丞相 施師點知樞密院留正參知政事 大理寺奏獄空

冬十月太上皇崩年八十二謚聖神文武孝憲皇

代紀要

卷之三十六

木一

帝廟號高宗帝行三年喪 顏師魯如金致遺物

金主見其中有玉器五玻璃器二十及弓劍之屬命還之

金禁國人學南人衣飾 改閔宗廟號熙宗

戊申

徙高宗永思陵 王淮罷 以朱熹為崇政殿說書辭不至

金建女直太學

己酉

以周必大留正為左右丞相 二月帝傳位太子 傳自稱壽皇居重華宮第三子惇即位年四十四 是為光宗尊帝為壽皇 帝 皇后為壽成皇后 皇太子為壽聖太子

立皇后李氏 國子祭酒何澹求周必大遷官不

從留正奏遷之為諫議大夫以私憾劾罷必大

朱熹著大學章句成

是年正月金主雅崩壽六十七謚光天興運文德武功明仁孝皇帝廟號世宗葬興陵太孫璟即位是謂章宗

金世宗真賢君也雖中華之主亦鮮及之號為小堯舜宜矣以夫人烏林答氏守節而死終身

不立后漢唐諸君能之乎

庚戌宋光宗紹熙元年

金章宗明昌元年

木代紀要

卷之三十六

木一

以留正為左丞相王蘭為樞密使尋罷葛必代之

胡晉臣叅政 知漳州朱熹請行經界法

金以孔元措製封衍聖公

辛亥

李后妬殺黃貴妃合祭天地于園丘大風雨不能成禮帝有疾李后譖壽皇欲廢立帝惑之不朝重

壬子

癸丑

陳亮及第 葛邲為右丞相 趙汝愚知樞密 以朱熹知潭州 金以孔文遠製封衍聖公

是年夏主仁孝卒年七十在位五十五年謚聖德
皇帝廟號仁宗長子純佑立年十七

甲寅

夏桓宗天慶元年

壽皇疾帝史皇后遊王津園不視留正引帝裾泣
諫不從 夏六月壽皇崩年六十八帝稱疾留正
等請壽聖皇太后代行喪禮尊壽聖為太皇太后
壽成皇后為皇太后 秋七月留正請建太子不
從而遁趙汝愚韓侂胄等請太皇太后詔立太子
嘉王擴襲位於重華宮年二十七尊帝為太上皇
帝皇后為太上皇后以崇國夫人韓氏為皇后召

人代紀要

卷之三

八

留正復視事尋罷

趙汝愚為右丞相韓侂胄兼樞密使承旨改明年
為慶元元年 以朱熹為熈章閣待制兼侍講內

批罷

上壽皇謚曰哲文神武成孝皇帝廟號孝宗權檣
于永阜陵慶元三年加謚紹統同道冠德昭功哲
文神武明聖皇帝

乙卯宋寧宗慶元元年

韓侂胄引李沐為右正言劾罷趙汝愚竄永州行
至衡州疾作衡守錢鑾希韓侂胄旨屠辱暴卒

以余端禮為右丞相

金給欽宗族厲田宅 修曲阜宣聖廟賜衍聖公

以下三獻法服樂一部

丙辰

金承安元年

以余端禮京鏐為左右丞相謝深甫叅政削朱熹
官竄處士蔡元定于道州何澹攻道學得叅政

冬十一月金主有事于南郊改元承安

丁巳

貶留正邵州 籍趙汝愚留正周必大王蘭并朱
熹等五十九人為偽學

冬十一月太皇太后吳氏崩

人代紀要

卷之三

九

戊午

禁偽學 加韓侂胄少傅封豫國公 育太祖十
世孫與愿于宮中年六歲 知臨安趙師異附侂
胄為工部侍郎

己未

加韓侂胄少師封平原郡王

庚申

春正月皇子坦生 二月朱熹卒 京鏐謝深甫
為左右丞相何澹知樞密院 太上皇后李氏崩

秋八月光宗崩年五十四謚憲仁聖哲慈孝皇帝

廟號光宗葬永崇陵 京鏐死 韓侂胄以其童

子師陳自強食書樞密院 十二月改明年為嘉

泰元年

金改明年爲泰和元年

辛酉嘉泰元年

金泰和元年

西遼亡

春正月臨安大火 何澹罷陳自強參政

吳曦納賄賂宰輔陳自強言于韓侂胄得興州都統制譖罷副都統王大節得專兵權懷異志何澹罷

是年西遼主直魯古出獵乃蠻王屈出律伏兵擒之而據其位尊直魯古爲太上皇朝夕問起居以侍其終西遼遂絕

西遼自耶律大石於乙巳年建號漠外傳四世

人代紀要

卷之十六

十一

七十六年爲乃蠻所滅連前共十三世二百二

十六年

壬戌 禁私史 立楊貴妃爲后 加韓侂胄太師

弛僞學禁追復趙汝愚朱熹等官

癸亥 謝深甫罷 以陳自強爲右丞相

加謚光宗循道憲仁明功茂德溫文順武聖哲慈

孝皇帝

甲子 韓侂胄定議恢復 追封岳飛爲鄂王

是年高麗王暉卒子猷立

十二月改明年爲開禧元年

乙丑開禧元年

詔韓侂胄平章軍國事 蘇師旦爲安遠節度使

領閣門事

丙寅

蒙古太祖奇渥溫鐵木真替號

追奪秦檜爵改謚繆醜 陳自強主議伐金

四川副宣撫吳曦以階成和鳳四州獻于金求封爲蜀王

以太祖九世孫希瞿子均爲孝宗孫沂王柄後賜名貴和 下詔伐金告天地廟社

伐金師屢敗韓侂胄始覺蘇師旦所誤罷其官安

人代紀要

卷之十六

十一

置韶州 以張嶷知樞密院事李壁參政

是年夏崇宗孫越王仁友子李安全廢其主純佑

自立改明年爲應天純佑尋卒年三十在位十四

年謚昭簡皇帝廟號桓宗

蒙古奇渥溫鐵木真滅乃蠻即位干斡難河之北

建九旂白旗群臣上尊號曰成吉思皇帝是謂元

太祖

丁卯

夏襄宗應天元年

皇子圻生尋卒 太皇太后謝氏崩

吳曦僭號于興州自稱蜀王改元轉運使安丙及

興州中軍正將李好義討平之

遣方信孺使金還傳虜欲反俘增幣割地稱臣及縛送首謀之人韓侂胄怒貶信孺于臨江軍復遣王倫子王玠

冬十一月禮部侍郎史彌遠與楊后密計誅韓侂

胄并遣使斬蘇師旦于韶州立榮王暉為皇太

子更名懣陳自強罷以錢象祖為右丞相兼

樞密使衛涇雷孝友叅政史彌遠同知樞密林大

中僉書改明年為嘉定元年

戊辰嘉定元年

人代紀要

卷之六

十二

王柙至金議世為伯姪增歲幣三十萬犒軍銀三

百萬仍獻韓侂胄首以贖淮南地三月以韓侂胄

蘇師旦首獻于金復秦檜爵諡臨安大火

以錢象祖史彌遠為左右丞相象祖尋罷史彌遠

母喪去

金主璟卒年四十一無嗣以世宗第七子叔衛王

興勝柔弱遺命立之更名永濟

韓侂胄聽小人之言欲立蓋世之勲以自固又

因辛棄疾一言乃與蘇師旦議銳意恢復夫既

知金國必亂則當養民練兵如勾踐之卧薪嘗

膽使內治修明觀釁而動可也顧乃無故激怒

其使以啓兵端卒之函首虜廷為天下笑胄不

巳巳

金衛紹王大安元年

起復史彌遠為右丞相皇太子更名詢

謚朱熹曰文

金改元大安謚璟為憲天光運仁文義武神聖英

孝皇帝廟號章宗畏吾兒國降于蒙古

庚午

夏皇建元年

夏改元皇建

人代紀要

卷之六

十三

蒙古侵金

辛未

夏神宗光定元年

遣使如金不至而還

金求和于蒙古不許金兵屢敗蒙古入金居庸關

夏主李安全卒年四十二在位六年謚敬穆皇帝

廟號襄宗有子承禎不立齊國忠武王彥宗之子

大都督府主遵頊立改元光定

壬申

金崇慶元年

春正月金改元崇慶

安南王李龍翰卒子吳昌嗣尋卒無嗣以女昭聖

主國增陳日照襲取之李氏自公蘊八傳凡二百二十餘年為陳氏所襲

癸酉

金至寧元年九月後宣宗貞祐元年

夏五月金改元至寧 秋八月金右副元帥胡沙

虎廢其主未濟囚于衛邸取璽臺璽鄭氏不許胡

沙虎使宦者李惠中弑未濟欲僭位未決訪于丞

相徒單鑑迎顯宗長子昇王珣於彰德立之改元

貞祐廢未濟為東海郡侯 金立其子守忠為太

子 故遼人耶律留哥取金遼東州郡自立為遼

王改元統

人代紀要

卷之三十六

十四

金末虎高琪與蒙古戰敗績師還殺胡沙虎

甲戌

金人求歲幣起居舍人真德秀建議不與

金遣完顏承暉納金銀絹帛各萬兩足求和于蒙

古又以故主未濟女歸蒙古是為公主皇后蒙古

兵北歸 夏五月金主遷都于汴

蒙古怒發兵圍燕

金濰州紅襖賊李全兵起

乙亥

以真德秀為江東轉運副使

金太子守忠卒

蒙古克燕 金右丞相完顏承暉死節

丙子

金追復故主未濟衛王諡曰紹

金立遼王守禮為皇太子更名守緒

蒙古克金潼關

遼王留哥降于蒙古

丁丑

金興定元年

詔伐金募民納粟補官以助軍興

定遠民季先以李全來歸

蒙古圍夏興州夏主遵頊出奔西涼州

金定僧道納粟補監寺威儀之令

秋九月金改元興定 尚書省以軍儲不繼乞罷

人代紀要

卷之三十六

十五

府州學生廩給金主不許

戊寅

以李全為京東路總管

金遣使求和不納遂使太子守緒以兵入寇

己卯

夏請會師伐金

金築汴京裏城河北郡縣俱降蒙古

蒙古伐西域諸國

庚辰

皇太子詢卒諡景獻 十二月得恭膺天命寶

蒙古耶律楚材進庚午元曆

金復故主東海郡侯未濟為衛王

是年金求和蒙古遣使回答欲割關西地封金主

河南土

金史衛紹王紀作貞祐四年復衛王宣宗紀於是年復衛王一事而前後不同如此今依宣宗本紀

辛巳 立太祖十世孫沂王嗣子貴和為皇太子更名竑年十五歲以宗室希彊之子貴誠為沂王嗣

壬午

金元光元年

進封皇子竑濟國公以沂王嗣子貴誠為邵州防禦使 史彌遠使鄭清之教貴誠謀廢立

以李全為保寧節度使京東河北鎮撫節制司副

人代紀要

卷之五

十六

使 蒙古主征西域至忻都大掠

是年長星見西方 秋八月金以彗星見改元元

光

癸未

夏獻宗乾定元年

是年冬十二月金主珣卒年六十一謚繼天興統述道勤仁英武聖孝皇帝廟號宣宗太子寧由速即守緒即位改明年為正大元年

夏主遵頊傳位于其子德旺自稱上皇改元乾定遵頊尋卒年六十四謚英文皇帝廟號神宗

蒙古初置達魯花赤監治郡

甲申

金哀宗正大元年

秋八月帝有疾史彌遠矯詔以沂王嗣子貴誠為皇子更名的授武泰軍節度使封成國公閏月帝崩年五十七史彌遠稱揚后旨以即位尊揚后為皇太后垂簾聽政以皇子竑為濟陽郡王判寧國府尋封濟王出居湖州以醴泉觀使就第改明年為寶慶元年上大行皇帝謚曰仁文哲武恭孝皇帝廟號寧宗追封希彊為榮王生母金氏為國夫人以弟與芮襲封沂王奉祀 史彌遠欲收衆盟張表老儒以楊簡為寶謨閣學士員德秀為直

人代紀要

卷之五

十七

學士魏了翁為起居郎

金與夏平

是年蒙古征西域至東印度國駐鐵門遇角端見班師

角端之事續通鑑載在元太祖十七年諸史會編與通鑑纂要俱同通鑑以忻都國印度國為兩事纂要則併而為一時遂以印度之鐵門為忻都國鐵門關皆不考之故今考元史本紀及耶律楚材本傳乃在十九年甲申見於印度國之鐵門非忻都也今改正

又按角端瑞獸好生惡殺如騶虞之類或載在
典籍惟耶律楚材平素博雅故知之若謂其能
人言則四方之言不同不知通蒙古之言耶抑
亦印度國之言耶未可全信也

人代紀要卷之二十六

人代紀要

卷之二十六

十八



人代紀要卷之二十七

明吳興顧

大埔黃辰校刊

庠生倪佩同校

乙酉宋理宗寶慶元年

湖州潛王潘丙與李全密謀立濟王竑起兵討史
彌遠至期全兵不至所部皆太湖漁人竑知事不
成告于朝討平之史彌遠詐言竑有疾遣余天錫
召醫視之逼竑自縊追貶巴陵郡公

魏了翁真德秀言濟王之冤魏了翁奪三秩貶靖

人代紀要

卷之二十七

十九

州真德秀落職罷祠

加史彌遠太師右丞相兼

樞密使封魏國公

詔故太師武勝定國軍節度使鄂王岳飛謚忠武

續通鑑作忠穆今從宋史

丙戌

夏主昞元年

贈陸九齡等官錄張栻呂祖謙陸九淵後

圖功臣像于昭勲崇德閣

趙普曹彬薛居正石熙載潘美李沆王旦李繼

隆王曾呂夷簡曹瑋韓琦曾公亮富弼司馬光

韓忠彥呂頤浩趙鼎韓世忠張俊陳康伯史浩

葛泌後益以趙汝愚凡二十四人

以孔萬春襲封衍聖公

追降濟王竑為巴陵縣公 是年改湖州為安吉

州 夏主德旺憂卒年四十六廟號獻宗弟清平

郡王之子南平王覲立

丁亥

夏亡

贈朱熹太師信國公 李全以青州降于蒙古以

為山東行省 楚州忠義李福作亂逐制置副使

姚神詔即以忠義都制楊紹雲燕淮東制置副使

改楚州為淮安軍

人代紀要

卷之十七

二

是年六月蒙古執夏主覲夏民穿鑿土石以避鋒

鏑免者百無一二白骨蔽野諸將爭掠子女財帛

耶律楚材獨取書數部大黃兩駝而已

夏本拓跋魏之後唐貞觀中拓跋赤辭歸附賜

姓李鎮夏州唐末拓跋思恭討黃巢有功復賜

李姓世為定難節度使傳至李繼遷宋太宗咸

淳二年為銀州觀察使賜姓名趙保吉死子德

明嗣德明死子元昊於宋仁宗明道元年始改

元建國傳十主共一百九十六年而為元所滅

併諸羗十四州廣袤萬里分境內為三十二州

居興州即今之寧夏衛乃其故治平涼府會寧

縣乃宋時邊界甘肅寧夏地方俱為其所屬

秋七月蒙古主鐵木真避暑六盤山卒壽六十六

在位二十二年滅國四十羣起輦谷至元三年追

謚聖武皇帝至大二年加謚法天啓運聖武皇帝

廟號太祖以

第四子拖雷監國

日南至宋郊祀改明年為紹定

戊子紹定元年

金忠孝軍完顏陳和尚大敗蒙古兵于大昌原

人代紀要

卷之十七

三

己丑

蒙古太宗元年

是年秋八月蒙古太祖第三子窩闊台即位于庫鐵

烏阿剌里是為元太宗始定朝儀皆耶律楚材之

議

定算賦中原以戶西域以丁蒙古以牛馬羊

蒙古以史天澤劉黑馬蕭札刺為萬戶分守中原

按元太祖歿已一年餘矣耶律楚材以遺詔請

立三太子諸王猶豫未決楚材言于監國始奉

三太子即位夫窩闊台兄也拖雷弟也以弟監

國而兄無間言弟監國日久而亦無覬覦之心

夷性率直如此

庚寅 李全叛 以鄭清之參知政事 詔史彌遠十日

一起都堂治事 改贈朱熹國公 立謝深甫

孫女謝貴妃為皇后

蒙古始立十路稅課所

初元太祖專征西域未暇經理中原官吏惟聚歛自私而官無儲恃近臣咸言雖得漢人無補不如盡殺之空其地以牧馬耶律楚材曰陛下方將南伐軍需宜有所資誠均定中原地稅商稅鹽酒鐵冶山澤之利歲可得銀五十萬兩帑

人代紀要

卷之二十七

四

八萬匹粟四十餘萬石何謂無補太祖納之至是楚材奏立十路課稅使悉用士人國用充足又間進說周孔之教以為治夫蒙古夷狄之俗譬諸禽獸惟知殺戮搶掠而已無經國之遠猷匪得耶律楚材引薦士人以為之用國欲治可得乎

辛卯 知鎮江趙范知滁州趙葵會兵討李全平之收復

淮安

金完顏陳和尚敗蒙古兵于回倒谷

蒙古以耶律楚材為中書令 擊高麗

壬辰

金開興元年四月又改天興元年

蒙古遣使約攻金許之趙范諫不聽

禁監司守臣毋輒籍沒民家

按宋史刑法志曰理宗起自民間具知刑獄之弊初即位即詔恤刑又親制審刑銘大暑大寒必親應囚及祈晴祈雪亦如之一歲凡數疏失以建康為先朝駐驛之地亦視臨安減降用刑可謂極厚矣而天下之獄不勝其酷每提刑行即決囚展轉行委肆行威福以要餽遺欲黥欲殺監勒招承又置非法刑具或斷柴為杖指擊

人代紀要

卷之二十七

五

手足名曰掉柴或木索并施夾兩脰名曰夾幫或纏繩於首加以木楔名曰腦箍或反縛跪地短監堅木交辦兩股令獄卒跳躍于上謂之超棍痛深骨髓富貴之家稍有入墨動籍其貲又以赴辦月椿及添助版帳為名不問輕重並從科罰官取其十吏漁其百戶婚詞訟亦皆收禁有飢餓而死者有無力請求吏卒凌虐而死者有兩詞賂遺苦楚而死者懼其發覺先以病申名曰病死實則殺之度宗時雖累詔切責而不能禁止而國亡矣由是觀之則理宗之所謂恤

刑者不過徒事虛名而無愛民之實况又委政
宰輔而當時之爲監司守令者皆趨時好名而
已天下豈能治乎

金春正月改元開興蒙古遣其將速不臺圍汴京
金完顏合達移刺蒲阿入援與蒙古太弟拖雷戰
于三峯湏臾白霧蔽空人不相覩又雪田泥淖深
沒人脛軍士僵立雪中槍礮結束如椽軍士有不
食三日者蒙古兵熾薪燔肉更迭休息乘金困憊
開一路縱之走而夾擊之金師遂潰勢如崩山忽
天氣開霽日色皎然金師無一人逃者合達走釣

人代紀要

卷之二十七

六

州城破被殺陳和尚自出至蒙古營曰我忠孝軍
陳和尚死亂軍中人將謂我負國家今日明白死
蒙古欲其降斫足脛割口吻至耳至死不屈蒲
阿被執蒙古欲降之曰我金國大臣惟當死境內
耳蒙古人遂殺之

夏四月金主封荆王守純子訛可爲曹王質于蒙
古求和蒙古攻汴十六晝夜内外死者以百萬計
議和始解金改元天興五月汴京大疫諸門出死
者九十餘萬貧不能葬者不在數

蒙古太弟拖雷卒于軍憲宗立追謚英武皇帝廟

號睿宗世祖至元二年改謚景襄皇帝
金主出奔河北蒙古兵復攻汴

癸巳金主守緒濟河爲蒙古所追溺死者千人又敗于
白公廟遂入歸德誅其平章白撒

蒙古將速不臺攻汴城日急城中米升至銀一兩
縉紳士女行乞於市煮皮器物充飢人情恟恟西
面元帥崔立殺參政完顏奴申樞副燕知開封習
捏阿不等十餘人諭百姓曰二相閉門無謀今殺
之爲汝一城生靈請命衆皆稱快乃立衛紹王子
從恪爲梁王監國自爲太師尚書令軍馬大元帥

人代紀要

卷之二十八

七

送款于蒙古速不臺至青城立服御衣儀衛往見
速不臺喜飲之酒立還盡焚其樓櫓又託以軍前
索要子女日亂數人以荆王府爲私第取內府珍
玩充實之群小附和請建功德碑翰林直學士王
若虛不肯作文而止

崔立以天子衮冕后服進于速不臺括在城金銀
搜索薰灌訊掠慘酷人不堪其毒立以太后王
皇后徒單氏梁王及荆王守純諸妃嬪凡車三十
七兩宗室男女五百餘人衍聖公孔元措名儒梁
涉及三教賢流工匠繡女赴青城速不臺殺二王

及族屬而送后妃于和林。在道艱楚萬狀。尤甚于宋徽欽之時。速不臺入汴。崔立。在城外。兵先入其家。取卿妻寶玉而出。立大功而已。

金虜俘宋之君臣宗戚。北去。剛及百年。而又為蒙古所俘。受禍尤烈。蓋宋以仁厚立國。金以夷性專務殺戮。故天之報應。錙銖不爽。然驅宋之后妃宗室者。為范瑗。徐秉哲。不過畏金人之威耳。若崔立之窮兇極惡。則古今所無者。天其假手於立。以復宋之讐乎。

人代紀要

卷之三

八

蒙古凡攻城。不降。矢石一發。即屠之。速不臺以汴城久抗。士卒多傷。請屠其城。耶律楚材聞之。馳見蒙古主力諫。乃詔除完顏氏一族外。餘皆原免。時避兵在汴。尚百四十萬戶。皆賴楚材保全。

金主守緒入蔡州。以完顏忽斜虎為尚書右丞。忽斜虎繕甲治兵。商賈頗集。金主命選室女充後宮。及修見山亭。以為游息之所。忽斜虎切諫。乃止。

按金主當顛沛流離之際。猶欲縱耳目之欲。不亡可得乎。

金遣使乞糧不許。

蒙古以耶律楚材言。以孔子五十一世孫孔元培

襲封衍聖公。修孔子廟。

史嵩之使孟珙帥師二萬。運米三十萬石與蒙古。夾攻蔡州。以史彌遠為太師左丞相。鄭清之右丞相。並兼樞密使。尋以史彌遠為保寧昭信軍節度使。充醴泉觀使。會稽郡王奉朝請。史彌遠尋卒。冬十一月。帝始親政。改明年為端平元年。

甲午端平元年

金末帝是年金亡

春正月。宋孟珙與蒙古兵攻蔡州。城中絕糧。已三日。金主傳位于世祖。劾里鉢後白撒弟東面元帥。承麟百官拜賀甫畢。而南城已立宋幟。四面鼓噪。

人代紀要

卷之三

九

夾攻聲震天地。金主守緒取寶玉。置于幽蘭軒。環之以草。命近侍曰。死便火我。遂自經死。忽斜虎聞之曰。吾君已崩。吾何以戰為。吾不能死于亂兵之手。言訖赴水死。將士皆曰。相公能死。吾輩獨不能耶。從死者五百餘人。承麟退保子城。謚守緒曰哀宗。哭奠未畢。城陷。為亂兵所殺。金遂亡。

金主守緒傳位承麟。與宋徽宗相類。然徽宗隱忍至金營投降。被其執辱。守緒能死社稷。似為過之。將士從死者五百餘人。蓋南方之氣柔弱。北方之氣剛勁。非有義理養心而能然也。

金自阿骨打於宋徽宗政和五年乙未建國改元丁酉年稱帝甲辰年滅遼丙午入汴執宋二帝都于上京海陵於癸酉遷都于燕辛巳年遷都于汴至哀宗癸巳年奔歸德甲午年奔蔡州傳十主一百一十八年宋元共滅之

春三月以貴妃弟賈似道為籍田令

夏四月史嵩之以孟珙所獲金哀宗遺骨寶王法物并俘金參政張天綱等至告于太廟藏骨大理寺獄庫以孟珙兼御前都統制

復巴陵縣公竑官爵賜其妻吳氏號慧靜法空大

人代紀要

卷之二十七

師趙范趙葵請復三京

三京中華故地固所當復但初與彼連和平金而遽為是舉似乎非宜况先議夾攻汴京許俟成功以河南地歸宋只宜守我封疆練兵息民一意內治養威蓄銳俟時而動可也或曰蒙古梟獍之性如西域諸國高麗日本皆無故而代之和好豈足恃乎和好既不足恃當日夜思惟以為禦備之計而顧輕舉妄動自啓釁端使彼得以為辭大抵宋之君臣專務虛文而無勵精圖治之實意馴至於亡皆由於此如趙范先諫

伐金今見孟珙蔡州之捷遂欲乘時撫定中原其為謀亦疎矣

金汴京故都尉李伯淵等殺崔立祭哀宗軍民剖其心噉之趙葵等兵潰蒙古遣使來責敗盟自是江淮之間無寧日召賈德秀為翰林學士魏了翁直學士德秀進大學衍義及三劄

乙未以胡瑗孫明復邵雍歐陽修周敦頤司馬光蘇軾張載程顥程頤十人從祀孔子廟庭升孔伋十哲賈德秀叅知政事五月卒贈銀青光祿大夫謚文忠鄭清之左丞相喬行簡右丞相兼樞密使

人代紀要

卷之三十

十一

召崔與之叅政不至魏了翁同僉樞密院事督視京湖軍馬安南入貢

蒙古作和林萬安宮唐回鶻毗伽可汗故城以為會同之所

蒙古遣皇子貴由皇姪蒙哥征西域皇子闊端征秦鞏皇子曲出及胡土虎侵宋唐古征高麗

丙申封陳日哭為安南國王賜襲衣金帶詔悔開邊

二月蒙古初行交鈔

三月趙范撫馭失宜襄陽北軍主將王旻李伯淵作亂叛降蒙古

蒙古以耶律楚材言召儒士梁涉等編集經史復修孔子廟司天臺。蒙古破許得金資庫使姚樞甚重之。拔德安又得趙復以儒學見重于世其徒稱為江漢先生由是北方始知經學。

蒙古以中原民分隸宗戚耶律楚材諫以為尾大不掉止設達魯花赤歲賦七分為率五分入府二分為湯沐常賦外不許擅自科歛。

蒙古太子濶端入蜀利州統制曹友聞戰死贈龍圖閣大學士謚毅節立廟褒忠。

丘氏世史正綱載袁桶之言曰國兵入蜀蜀民

人代紀要

卷之三七

十一

就死者率五十人為一聚人悉刺一刀至暮疑積屍中有不死者復刺一刀是時成都城中骸骨計一百四十萬城外者不計其數併附于此以見夷性之慘酷如是。

鄭清之喬行簡罷召崔與之為右丞相不至復以喬行簡為左丞相封肅國公魏了翁以資政殿學士知紹興府復成都府以明年為嘉熙元年

丁酉嘉熙元年

以朱熹所著資治通鑑綱目下國子監并進經筵

資政殿學士魏了翁卒贈少師謚文靖臨安大火以李奎同知樞密宣撫四川知成都府一追封趙汝愚為福王

蒙古始給官府符印定驛令

蒙古蒙哥伐欽察斡羅思麥怯思部皆降

欽察去中國三萬餘里夏夜極短日暫沒輒出產良馬俗衽金革勇猛剛烈青目赤髮蒙哥師至其酋八赤蠻逃于海島會大風水涸遂進屠其眾獲八赤蠻命之跪曰我一國主豈苟求其生且身非驢何以跪人乃命囚之八赤蠻謂守

人代紀要

卷之三七

十一

者曰我竄入海與魚何異被擒天也水且至軍宜早還即班師而水已至

戊戌孟珙敗蒙古兵于黃州杜杲敗蒙古兵于安豐杜杲敗蒙古兵于廬州孟珙復郢州

蒙古建太極書院于燕京延趙復為師立周子祠以二程張楊游朱六子配食

巳亥以喬行簡為少傅平章軍國重事李宗勉為左

丞相史嵩之為右丞相崔與之卒年八十二贈少師封南海郡公謚清獻孟珙復襄陽

蒙古復破成都

庚子

喬行簡罷

李宗勉卒

以明年為淳祐元年

辛丑淳祐元年

加周敦頤汝南伯張載郿伯程顥河南伯程頤伊

陽伯與朱熹從祀孔子廟庭始罷王安石從祀

喬行簡卒

冬十一月蒙古主田獵至鉅鐵鎮胡蘭山卒年五

十六在位十三年謚英文皇帝廟號太宗遺命立

第四子曲出之子失烈門其次妻六皇后脫列哥

那乃馬真氏不從遂臨朝稱制

壬寅

蒙古燕京行省郎中姚樞棄官隱于蘇門築室金

八代紀要

卷之十七

古

曾司

寇容旁列周程張邵司馬六君子讀書其間

癸卯

余玠為四川制置使城釣魚山

耶律楚材以憂卒

史稱耶律楚材卒或譖于乃馬真后曰楚材為

相二十年天下貢賦半入其家后遣近臣視之

惟琴阮十餘及古今書畫金石遺文數千卷而

已夫楚材學貫天人為主信用日久而家無

厚蓄蓋其心不為利欲所動故其所造如此誠

所謂嗜欲淺者天機深也錄之以為為仕者式

甲辰

史高之以父喪去位起復太學生劾之始乞終制

留夢炎及第范鍾為左丞相杜範為右丞相並

兼樞密使鄭清之為少保封衛國公

乙巳

以游似為右丞相

丙午

蒙古定宗元年

蒙古入兩淮呂文德敗之勒史嵩之以觀文殿

大學士承國公致仕孟珙卒贈太師封吉國公

謚忠襄

秋七月蒙古太宗長子貴由立于汪吉宿滅禿里

之地年四十一是為定宗

丁未

以鄭清之為太傅右丞相兼樞密使游似罷

八代紀要

卷之十七

十五

蒙古侵高麗

戊申

蒙古主貴由卒于橫相益兒之地位在位三年年四

十三葬起輦谷追謚簡平皇帝廟號定宗貴由雖

御極而朝政猶出六皇后諸王徵求無厭貨財民

力益困法度不一內外離心及卒未有所立太后

幹兀立海迷失稱制

續通鑑云元主殂于胡眉斜陽吉兒皇太后禿

里吉納復治國事禿里吉納即六皇后脫列哥

那也番語原無字故譯寫不同耳通鑑纂要則

曰蒙古主貴由卒皇后兀立海迷失拖曲出子

失列門聽政諸王多不服及考元史后妃傳定宗欽淑皇后名幹兀坐海迷失定宗崩抱子失列門垂簾聽政者六月諸史會編則既云皇太后禿里吉納復治國事又云皇后幹立海迷失抱屈出子失列門聽政一事而各處所載不同如是且失列門太宗崩時已遺命立之太宗崩已七年有餘不應尚在懷抱通鑑又云定宗有三子曰和者曰闊忽歹曰忽也不干其后何不抱已子而抱屈出之子乎但元史必有所據而定宗本紀亦云帝雖御極而朝政猶出於六皇后想當時群臣欲遵太宗遺命立失列門而議擬未定失列門尚在冲年故以其后幹兀海迷失垂簾聽政而主之者實太后也併著於此以存疑

巳酉 鄭清之爲太師左丞相趙葵爲右丞相並兼樞密使

庚戌 以賈似道爲兩淮制置大使知揚州

辛亥 蒙古憲宗元年

鄭清之以太傅文體泉觀使封齊國公奉朝請越六日卒謝万叔吳潛爲左右丞相游似卒

蒙古諸大臣欲立失列門久而不決至是速不臺子元良合台與諸王拔都等立太祖第四子拖雷之子蒙哥即位於幹離河是爲憲宗蒙哥華言長生也

以太弟忽必烈總治蒙古漢地開府金蓮川起姚樞于蘇門上治平策

蒙古號西域僧那摩爲國師

壬子 臨安火三日

秋七月行會天曆以明年爲寶祐元年

蒙古皇太后崩蒙古主蒙哥以諸王嘗欲立失烈

門乃分遷諸王于邊徙太宗三皇后乞里吉忽帖尼於擴端所居地之西以諸后妃家貲分賜親王定宗后幹兀海迷失及失烈門母以厭褻賜死禁錮失烈門于沒脫赤之地

秋七月蒙古命忽必烈征大理諸王禿兒花撒丘征身毒國怯的不花征沒黑奚旭烈征西域素丹諸國冬十月命諸王野古征高麗

癸丑寶祐元年

立母弟榮王與芮子孜爲皇子更名祺四川制置使余玠召還暴卒籍其家財

蒙古忽必烈自西域乘革囊及棧渡金沙江入大理國擒段智興烏爨諸部悉平吐蕃降

段氏自晉天福二年段思平據有大理至智興為元所滅共二十三主三百一十五年

甲寅 進封皇子禩為忠王 賈似道同知樞密

利州西路安撫使王惟忠被余晦誣斬于市

蒙古祭天于日月山

乙卯 賈似道敗蒙古李璫于海城 以丁大全為右司

諫大全貪祿而進與正言陳大方侍御史胡大昌號三不吠犬 謝芳叔徐清之免董槐為右丞相

人代紀要

卷之三七

六

蒙古徵許衡為京兆提學不至 元良合台征白蠻烏蠻羅鬼阿伯阿魯等國俱降

丙辰 加賈似道參知政事 賜文天祥及第 丁大全

逐右丞相董槐太學生陳宜中等六人上書編管遠州人稱六君子 程元鳳右丞相丁大全食書

樞密

丁巳 賈似道知樞密院事

蒙古遣將兀良合台入交趾屠其城

回鶻入貢于蒙古

戊午 以丁大全參知政事 程元鳳罷即以大全為右

丞相兼樞密使 以明年為開慶元年

蒙古主蒙哥自將侵蜀遣太弟忽必烈征鄂州趨

杭命塔察攻荆山

西域乞石迷諸國降于蒙古

安南王陳日熈傳國于長子光晷改元紹隆以方物貢蒙古

已未開慶元年

以賈似道為樞密使充京湖南北四川宣撫大使秋七月蒙古主蒙哥卒于合州釣魚山年五十二

在位九年追謚桓肅皇帝廟號憲宗無嗣史天澤

人代紀要

卷之三

九

護樞北還 九月蒙古忽必烈師渡江圍鄂州朝廷震恐

丁大全免出判鎮江

丁大全姦險貪殘陷害良善逼塞言路聞鄭羽冒諷臺臣彈之籍其財為子娶婦見其美自取

之元師侵境匿不以聞至是罷相臺諫請追奪

遠竄不許奸臣誤國故備書之

以吳潛為左丞相兼樞密使進封相國公尋改封

慶國公

吳潛論致亂之由起於姦臣蒙蔽又曰陛下當

遷幸臣當死守帝泣下曰卿欲為張邦昌乎潛不敢對內侍董宋臣亦請遷都文天祥乞斬之不報

賈似道為右丞相兼樞密使封茂國公督師援鄂似道密遣宋京至蒙古營稱臣割地納幣乞和忽必烈不許及聞蒙哥計又阿里不哥欲襲其位以江淮荆湖宣撫郝經言班師始許之賈似道以鄂州圍解論功行賞改明年為景定元年改封吳潛許國公似道肅國公

庚申景定元年

元世祖中統元年

人代紀要

卷之三

三十一

元兵作浮橋于新生磯兵還賈似道用劉整計遣夏貴等攻斷浮橋殺其斃卒百七十人上表報捷吳潛用御史饒應子言復以似道移鎮黃州似道以潛欲殺已怨之

春三月元太弟忽必烈即位于開平是為元世祖國語稱薛禪皇帝以五月為始建元中統元年元定官制始頒祿于官吏立中書省以王文統平章政事分漢地為十道各置宣撫使阿里不哥開元主即位遂僭號和林元主親征奔北侍御史沈炎劾吳潛罷以賈似道為少師右丞相

兼樞密使封衛國公手詔褒美權傾中外尋加太師又兼太子太師賜王帶金器千兩幣千匹安置吳潛于潮州夏六月立忠王禔為皇太子

元主以郝經為翰林侍讀學士充國信使來告即位修好王文統素忌郝經之才故有此命又陰諷江淮都督李璫侵宋以害經李璫屢請遣將攻宋元主不許經至賈似道幽之真州忠勇軍新館匿不以聞

初賈似道遣宋京至虜營稱臣割江南地為界歲奉銀絹各二十萬忽必烈方拔砦而去似道

人代紀要

卷之三

三十二

匿之及以所殺斃卒奏捷還朝又使其客廖瑩中撰福華編稱頌鄂功通國皆不知其和議也既而虜使至恐其謀泄遂以李璫為辭命知楊州李庭芝寓書于經嶼以款兵拘留于真州忠勇軍營經上書及移文執政辯論皆不報仍令捷鑄館所塹垣柵棘驛吏防守嚴逾獄行介佐不能堪經語之曰將命至此死生進退聽其在彼守節不屈盡其在我但公等不幸湏忍死以待天時人事未始不遠矣衆感其言皆自振勵帝聞有北使詢之似道奏和議出彼謀豈容

一切輕徇倘以交隣國之道來當今入見姦邪欺君誤國一至於此皆人君偏聽之故也使人人皆得言之豈至是哉且似道身為宰輔國臣吾身豈能獨存自以為巧而不知其至愚也蓋鄙夫小人徒知目前之富貴其處心積慮若禍患及身則奉頭鼠竄賣國投降無不可為矣且郝經尚知宋祚不遠惟宋之君臣獨不知之方且般樂怠教日事虛文亦獨何哉

符

是年高麗王暉卒元封其子佛為高麗王錫以虎

人代紀要

卷之三

三

熒惑入南斗宿五十餘日

元以西僧八思巴授以王印統釋教

八思巴即班彌恒拔思發也土波國人敏悟過

人年十五自其國來見元世祖于潛邸即被尊

寵

辛酉

追封張栻華陽伯呂祖謙開封伯從祀孔子廟庭

徙吳潛于循州丁大全貴州知瀘州劉整與賈

似道有隙慮其搆撫率所部叛降于元其參謀許

彪孫不肯草表合門仰藥死整素稱驍將自是邊

境之禍日深

元命有司歲時月朔釋奠宣聖廟及管内書院

元以史天澤為中書右丞相王恂為太子贊善

元以長子燕王真金守中書令領樞密使

高麗王佛更名植遣世子愷奉表于元

元初立翰林國史院王鶚請修遼金二史

姚枢請以儒人楊庸教孔顏孟三氏子孫詔立

諸路提舉學校元以賽典赤為平章政事

元以許衡為國子祭酒

元賜慶壽寺海雲等各陸地五百頃

元封陳光昌為安南王貢奉

人代紀要

卷之三

三

壬戌

賜賈似道第宅于集芳園給緡錢百萬建家廟

元江淮都督李璫以山東郡縣叛元來歸封齊郡

王復其父李全官爵

賈似道遣人毒殺吳潛于循州

賈似道必欲置吳潛死遣武人劉宗申守循潛

防之鑿井卧榻下毒無從入宗申開宴屢辭不

數日移庖過潛遂得疾潛曰吾其死矣夜必風

雷大作已而果然

賈丁大全于新州道死

丁大全與貴州游翁明孟酒失色游憩大全通

蠻為變廣西經畧朱禪孫希似道旨以聞改置
新州土牢拘管似道復諷禪孫遣官護送過藤
州擠溺水死按丁大全本亂政小人死亦宜矣
但宰相報復松鑾所司之承望風旨可以為世
道戒故備錄之

李璫復降元誅之

癸亥 賈似道以國計不足置買公田以官領之

元以姚樞為中書左丞應希憲為中書平章政事

元始建太廟 元誘呂文德置權場于鉅城

甲子

元至元元年

人代紀要

卷之二十七

二十四

增公田于平江諸路 彗星出柳光燭天中外上

書乞罷公田賈似道求去勉留之 臨安學生葉

李蕭規上書詆賈似 專權誤國黥配遠州

建寧府教授謝枋得考試宣城摘賈似道政事為

問漕使陸景思上其稿於似道左司諫舒有開劾

枋得怨望毀謗大不敬竄興化軍 冬十月帝崩

在位四十一年壽六十一葬永穆陵咸淳二年謚

建道備德大功復興烈文仁武聖明安孝皇帝廟

號理宗嗣太子禩即位是為度宗十二月改明年

為咸淳元年

是年元阿里不哥自歸于上都釋之止誅其黨與
元以燕京為中都大興府八月改元至元
十一月元以伯顏為中書左丞相以阿合馬中書
平章政事

按宋理宗首明濂洛之學黜王安石從祀故謚
曰理是大不然是時金酋雖滅蒙古強盛已有
併吞江南之勢不思明其政刑至賢使能選將
練兵以禦外侮而日惟崇事虛文以為粉飾之
具兼以姦臣相繼擅權傾斥忠良功賞不明以
致豪傑之才反為夷狄所用此又其失之大者

人代紀要

卷之二十七

三

知理學者固如是乎

乙丑宋度宗咸淳元年

理宗永穆陵 加賈似道太師魏國公授鎮東

節度使 以江萬里參知政事

元以蒙古人充各路達魯花赤漢人充提督回回

充同知未為定制 元以安童為右丞相伯顏為

左丞相 元召許衡議中書省事

丙寅 賈似道以去要君帝涕泣拜留之江萬里以身掖

帝曰自古無此君臣禮似道忌之 江萬里乞祠

祿不允以湖南安撫使兼知潭州 賈似道當國

臺諫悉用庸懦易制者彈劾不敢自由惟取遠州大守州縣小官毛舉細事而已

是年元自襄陽開互市築城置堡江心起萬人臺立撒星橋襄樊無援兵威益振

丁卯

祀天地于園丘 立皇后金氏 以顏回曾參孔

伋孟軻配享孔子升顯孫師于十哲列邵雍司馬

光從祀 以賈似道平章軍國重事三朝治

事 程元鳳為右丞相尋罷以葉夢鼎為右丞相

俱兼樞密使留夢炎為樞密使

元許衡謝病還懷孟 元平陽路僧官妖言惑眾

人代紀要

卷之十七

三十一

誅之 元珣御榻成置瓊華島廣寒殿 元勅上

都重建孔子廟

戊辰

留夢炎罷 元兵圍襄陽

西域人進萬年曆于元

己巳

葉夢鼎乞致仕不待報而去 以江萬里馬廷鸞

為左右丞相兼樞密使 元兵圍襄陽呂文德悔

置權場於樊城疽發背卒 賈似道以督范文虎

總帥禁兵

元新製蒙古字頒行天下 元始定官制

元加號西僧八思巴為大寶法王應希憲不受戒

高麗權臣林衍廢其主王植而立安慶公湏元發兵討之

庚午

江萬里罷 詔賈似道十日一朝不拜似道日坐

葛嶺作半間堂多寶閣與姬妾淫樂門客稱頌功

德尊為周公一日帝問襄陽圍已三年柰何對曰

北兵已退陛下何從得此帝曰適有大嬪言之似

道詰其人誣以他事賜死由是無敢言者

元應希憲罷以阿合馬平章事 元以許衡為中

書左丞相

辛未

元始建國號

人代紀要

卷之十七

三十一

元分兵寇嘉定諸路

范文虎救襄陽至鹿門而遁

元許衡上書論阿合馬以衡為集賢大學士兼國

子祭酒選蒙古漢人子孫及俊秀者充生徒

元令蒙古官子弟好學者兼習算術

元以史天澤平章軍國重事 冬十一月元始建

國號曰元 元併尚書省入中書省阿合馬同平

章尚書省事張易並中書平章政事

元復立王植為高麗王

壬申 張順張貴救樊襄戰死

秋九月有事明堂遂朝享景靈宮大雨賈似道期
帝雨止升輅胡貴嬪兄顯祖請帝乘道進車還宮
賈似道大怒去位詔出貴嬪為尼乃還

度宗一出入不由於賈似道遂大怒去位直待
黜貴嬪為尼而後止似道脅主之威甚矣度宗
暗弱如此何以為國哉

從賈似道請加太學餐錢寬科場恩例

按宋於是時強敵在外國勢日蹙而方且加太

學餐錢寬科場恩例從事虛文如此惡得不亡

召葉夢鼎入相固辭不至

人代紀要

卷之二十七

三八

元改中都為大都

癸酉

樊城陷范天順縊死牛富赴火死裨將王福亦死

襄陽久困援絕呂文煥降于元 蜀范文虎不援

襄陽止降一官仍知安慶府 安南王進方物賜

金五百兩帛百疋

元立弘吉剌氏為皇后長子燕王真金為太子

元遣使持金十萬兩往獅子國市藥 元會高麗

伐日本 元許衡致仕課耕力學化導懷孟有老

僧德公年百餘歲自云差見祖宗于地下命其徒

還俗

甲戌

春正月賈似道母死以天子鹵簿葬之即起復入

朝太學博士率諸生上書諫貶官 江萬里罷

以留夢炎知潭州兼湖南安撫使

秋七月帝崩年三十五謚端文明武景孝皇帝廟

號度宗子嘉國公鼎即位年四歲謝太后臨朝封

庶長兄昀為吉王昀為信王以明年為德祐元年

詔賈似道獨班起居 天目山崩水溢安吉餘杭

溺死者不可勝計

元改荆湖淮西二行樞密院為行中書省伯顏史

天澤並為左丞相阿木平章政事呂文煥叅知政

人代紀要

卷之二十七

三九

事行中書省於淮西大舉入寇

詔天下勤王 以賈似道都督諸路軍馬開府臨

安以孫虎臣總統諸軍 以王燦章鑑為左右丞

相兼樞密使 度宗梓宮至浙江瑛潮江潮失期

日晡不至 元兵入黃州知州陳奕降

元使臣郝經以帛書繫鴈足寄回

其書曰霜落風高信所如歸期回首是春初上

林天子援弓繳窮海累臣有帛書中統十五年

九月一日放鴈獲者勿殺國信大使郝經書于

真州忠勇營新館蓋是時南北隔絕尚不知改

年號至元也按漢蘇武鴈足帛書乃假設之辭
郝經乃真有此事故附于此

元史天澤卒

按史天澤出入將相五十年柱石四朝師表百
辟視富貴權勢歛跡退避若將浼之故能善始
令終為開國元臣夫以夷狄之君而有此臣堂
堂中國乃任一似道天之興廢豈偶然哉

乙亥宋帝昀德祐元年

昀度宗永昭陵 沿江制置副使陳奕以黃州降
于元又誘其子陳巖以漣州降

人代紀要

卷之二十七

手

劉整以元兵攻無為軍不克呂文煥舟師東下所
至迎降整發憤死 賈似道以呂師夔叅贊都督
府軍事師夔降于元以知江州 范文虎以安慶
降于元以為兩浙大都督 元兵入安慶通判夏
倚仰藥死

元兵至池州知州王起宗先期棄官去通判趙鼎
發攝州事都統張林諷鼎發迎降鼎發不從與妻
雍氏同縊死于從容堂伯顏至張林開門降伯顏
聞鼎發已死深嘆惜之具棺塋祭而去

賈似道抽諸路精兵一十三萬金帛輜重舳舻相

銜百有餘里遣人通呂師夔議和召汪立信為沿
江招討使初襄陽既失立信上三策似道中以危
法廢之至是聞召即至似道問所向荅曰今江南
無一寸乾淨土我去尋一片趙家地死得分明後
至高郵聞賈似道師潰扼吭而卒

賈似道師次蕪湖遣人以荔子黃柑遺伯顏復遣
宋京稱臣納幣不許與元兵遇于丁家洲敗績奔
魯港夏貴不戰而遁似道與孫虎臣單舸奔揚州
溺死者不計其數軍資器械悉為元兵所得乘勝
東下

人代紀要

卷之二十七

手

元兵入饒州知州唐震死之故相江萬里全家入
止水池死

賈似道疏請遷都王燦以不能與大計去召還為
浙西江東宣撫使居京師備咨訪 張世傑將兵
入衛 江西提刑文天祥起兵勤王 始遣總管
段祐送元使臣郝經還經至燕卒虞人獲鴈于汴
得所寄帛書

陳宜中乞誅賈似道詔罷似道平章都督予祠宜
中本似道黨疑似道已死故有此疏 右丞相章
鑑通以王燦為左丞相陳宜中右丞相俱無權密

使罷章鑑予祠 有二星闔于中天一星隕

加呂文福保寧軍承宣使趣入衛文福殺使者降

于元文福呂文煥兄也 左司諫潘文卿右正言

李可同知樞密曾淵子而浙轉運副使許自浙東

安撫王霖龍相繼遁僉樞密文及翁同僉倪普諷

臺臣劾已章未上先遁

初張晏然降元乞存宋祚元遣兵部尚書廉希賢

持國書來至是至獨松關守將張濡殺之

江陵宣撫使朱禔孫制置使高達以城降元

以王燦平章軍國重事一月兩赴經進五日一朝

人代紀要

卷之二十七

三

陳宜中左丞相留夢炎右丞相俱燕樞密使都督

諸路兵 贈處士王栢承事即何基謚文定

張世傑兵敗于焦山 賈似道自劾為夏貴孫虎

臣所誤乞保餘生令李庭芝津送還越終制以王

燦論降三官謫婺州婺人逐之徙建寧以方回論

安置循州時福王與芮為浙東安撫大使素怨似

道寡有能殺之者會稽尉鄭虎臣亦與似道有隙

遂遣監押在途窘辱備至至漳州木綿巷拉殺之

後陳宜中至福州捕虎臣斃于獄 京學生劉九

臯等伏闕上書言陳宜中擅權誤國宜中棄位逃

去遣使四輩召之不至人以為王燦所使罷燦為

醴泉觀使尋卒 以留夢炎為左丞相陳宜中右

丞相俱燕樞密使

元兵至常州招降不聽伯顏怒命降人役城外居

民運土為壘併人築之又殺民煎膏以為砲日夜

攻之而城守益堅二日城破屠其民止存三五人

統制王安節不屈而死知州姚訔通判陳炤俱戰

死劉師勇潰圍奔平江

以陳文龍秦知政事兼知樞密院 以夏貴為樞

密副兩淮宣撫不奉詔 以謝坊得為江西招諭

人代紀要

卷之二十七

三

使知信州

元師破獨松關張濡遁

左丞相留夢炎遁 遣柳岳如元師哀請禮不伐

喪又求封小國俱不聽 文天祥僉書樞密院事

是年元遣禮部侍郎杜世忠兵部郎中何文著質

書日本國

十二月元群臣上其主尊號曰憲天述道仁文義

武大光孝皇帝

按賈似道專權誤國宋不能明正其罪棄諸市

而鄭虎臣拉殺之亦足快一時之忿陳宜中乃

為之復讐何耶

丙子德祐二年五月以後宋端宗景炎元年

元兵圍潭州兩月城將陷知州事湖南安撫李芾謂其帳下沈忠曰我力竭當死雖家人亦不可辱俘汝盡殺之而後殺我忠伏地辭不能固命之乃泣諾取酒飲其家人盡醉偏刃之芾亦引頸就刃忠縱火焚其居歸殺其妻子還至火所自刎知衢州尹穀寓城中為二子行冠禮畢舉家自焚參議楊震赴園池死幕僚陳億孫顏應焱皆死軍民聞之咸舉家自盡城魚厓井縊林木者相望元旦

人代紀要

卷之二十七

忠節

守將胡繼明劉孝忠以城降自是湖南軍州俱陷金樞密黃鑄叅知政事陳文龍遁以吳堅為左丞相兼樞密常懋叅知政事日午宣麻文班止六人常懋尋遁以夏士林代亦遁文天祥知臨安府陸秀夫如元師乞稱姪納幣及稱姪孫俱不許遣監察御史劉岳奉表稱臣上元主尊號曰仁明神武皇帝歲奉銀絹二十五萬乞存境土元兵入安吉州知州趙良淳自經死進封吉王是為益王判福州信王昺為廣王判泉州召留夢炎不至以為江東西湖南北宜撫大

使

元兵至皋亭山文天祥張世傑請移三官入海而帥衆背城一戰陳宜中不許白太皇太后遣監察御史楊應奎奉璽迎降陳宜中夜遁張世傑劉師勇蘇劉義各以所部兵至海上駙馬都尉楊鎮等奉二王楊淑妃奔婺州以文天祥為右丞相與吳堅同赴元軍營伯顏執天祥止遣堅還春二月中有黑子二星大如鴉卵闔于中天一星隕以賈餘慶為右丞相兼樞密劉岳同食與吳堅家鉉翁謝堂文祈請使如元軍堂外回

人代紀要

卷之二十七

忠節

是時元分兵屯浙江沙上潮三日不至元遣范文虎追益廣二王不及執楊鎮以還楊亮節等負二王及楊淑妃徒步匿山中七日統制張全義以兵數十追及同走温州江心寺陸秀夫蘇劉義繼至召陳宜中于清澳張世傑于定海俱至夏貴以淮西降于元春三月元伯顏自湖州市入巡臨安城觀浙江潮登獅子峯覽形勝以臨安為兩浙大都督府改臨安府為杭州府宣元主詔免牽羊繫頸以帝羃及全太后福王與諸度宗母黃氏楊鎮謝堂高應松

庶僚三學生俱北行太學生徐應德與二男一女俱赴井死

楊州制置使李庭芝都統姜才真州苗再成謀奪駕不克 夏五月乙未朔陳宜中等立益王昀為帝年九歲是為端宗改元景炎冊楊淑妃為太后聽政選尊帝昀為孝恭懿聖皇帝升福州為福安府進封廣王為衛王 以陳宜中為左丞相兼樞密陳文龍劉輔叅知政事張世傑為樞副陸秀夫直學士院蘇劉義主管殿前司召李庭芝為右丞相姜才為保康軍承宣使 王剛中知福安府楊

人代紀要

卷之二十七

三

亮節為福建處置使 詔江西制置使趙潛招諭使吳浚等分道出師以圖興復 文天祥自鎮江已歸入真州與苗再成圖恢復時浪傳為元說降揚州李庭芝不納泛海自温州至以為右丞相兼樞密招聚傑于江淮開府南劍州經畧江西帝昀至燕授開府儀同三司檢校大司徒封瀛國公家貴在杭者輦至京師付之後為僧號合尊大師全太后為尼於正智寺太皇太后謝氏以疾後至封壽春郡君賀燕七年而終 劉黼赴召至羅浮卒

陸秀夫與陳宜中不合諷言者劾罷謫潮州

宋是時郡邑俱望風降元朝臣遁去已盡賴張世傑數君子扶幼主於顛沛流離之中而陳宜中又以忌心排去善類匪特宜中不忠言者亦非人也

元唆都陷衢州賀夢炎降于元 元阿朮以宋太皇太后手詔諭李庭芝降且曰吾與嗣君已臣伏卿尚欲為誰守庭芝不奉詔射殺使者守益堅至是與姜才俱應召制置副使朱煥即以城降庭芝走入泰州元兵追及泰州裨將孫貴吳惟孝開門

宋史紀事本末

卷之二十七

三

迎元兵入庭芝投蓮池不死與姜才俱被執不屈阿朮憐才未忍殺朱煥請殺之自是淮東盡陷元兵入真州苗再成亦死 元兵入建寧陳宜中張世傑奉帝航海至泉州招撫使蒲壽庚作亂走潮州復至惠州甲子門上表乞降于元福建招捕使王積翁知福安州王剛中俱降于元知興化軍陳文龍被執不屈械至杭不食而死元阿里海牙兵圍靖江都統馬堅城守不下元主詔諭之不聽以水為固元兵築堰上流決東南壩以涸其陸城遂破堅率兵巷戰傷臂被執斷其首

猶握拳奮臂起立踰時始仆阿里海牙盡坑其民
廣西州郡俱陷

是時宋之郡守望風而降甚衆擇其可惡者書
之死節者亦衆擇其尤烈者書之

是年元分江南人為十等以儒第九次于匠倡之
後命太子贊善王恂與江南日官造新曆

高麗王王愷更名曙告于元

丁丑文天祥復梅州敗元兵于零都至興國為元兵所

敗妻歐陽氏男佛生環生二女皆被擄去趙時賞
詭言姓文被執不屈而死天祥與長子道生奔循

人傳紀要

卷之十七

三

州陳文龍從子陳瓚復興化軍殺元守臣木華

復被唆都以兵破之屠其城血流有聲瓚被車裂
以死

宋帝還舟于潮州之淺灣復召陸秀夫同僉樞

密院事

元兵襲淺灣帝還于秀山復入海至七州洋欲往

占城陳宜中請先往諭意遂不返

十二月帝還舟并澳遇颶風舟壞幾死遂成疾軍

士死者十四五

是年元以漢張道陵三十六代孫張宗演為嗣漢

天師演道靈應冲和真人領江南道教命百官如
勞待以客禮以西僧楊璉真加總攝江南釋教

思州田景賢播州楊邦憲俱降于元

安南國王陳光昺卒子日烜立

羅施國降于元元伐緬

戊寅宋帝昺祥興元年元降封朱福王與芮為平原郡公元唆都陷潮

州屠其民知州馬發死之

宋帝還舟于化州之碙州曾淵子自雷州至以

為叅知政事夏四月宋帝崩年十一歲號端宗

人傳紀要

卷之十七

三

諸臣欲散陸秀夫不從復立衛王昺年八歲黃龍

見于海中改元祥興并碙洲為龍翔縣夏六月

徙新會之崖山堊端宗入山伐木蓋行宮升廣州

為祥興府官兵兵尚二十餘萬資糧取辦于廣右

諸郡海外四州

元封泉州女神林氏為天妃

八月有大星隕于海中小星千餘隨之

加文天祥少保信國公張世傑越國公天祥自劾

乞入朝優詔不許時天祥毋沒長子亦三九月

堊端宗于崖山

冬十一月文天祥被元將張弘範執于五坡嶺

十二月黃河清八千餘里澄瑩見底數月始如故

是年元以許衡領太史院事

元封伯夷為昭義清惠公叔齊為崇義仁惠公

西僧楊璉真加發宋陵寢

長興金沙泉不常出元祭之一夕水溢可溉田千

畝封瑞應泉

己卯

春二月戊寅朔張弘範襲崖山張世傑兵潰陸秀

夫負帝昺赴海死楊太后亦赴海世傑收兵海陵

人代總要

卷之二十七

宋自太祖至欽宗九主一百六十八年南渡後

亦九主一百五十二年共三百二十年而亡

元建司天臺于大都定州和社稷祭祀制度

西僧八思巴死賜號皇天之下一人之上宣文輔

治大聖至德普惠真智祐國如意大寶法王西天

佛子大元帝師

冬十月文天祥至燕

人代紀要卷之二十七

人代紀要卷之二十八

明吳興顧應祥編集

大埔黃衣校刊 江陰湯明善

庠生倪佩同校

庚辰元世祖至元十七年

擊鬼羅氏國遣招討都實窮河源遣宦者咬

住訪江南高士持香詣信州龍虎臨江閣皂建康

三茅山占城馬八兒國入貢

許衡致仕以其子師可為懷孟總管便侍養

姚樞卒十一月行授時曆

人代總要

卷之二十八

遣范文虎及高麗王擊日本

辛巳

春正月皇后弘吉剌氏殂后名察必達於政事

許衡卒戒勿請謚立碑擊日本十萬兵死于海

島還者三人焚毀道書

壬午

遣諸王相答吾兒擊緬

元主如上都益都千戶王著惡阿合馬專政矯太

子命以銅鉞擊殺之王著等尋被獲棄市臨之既

而元主知阿合馬惡戮其屍縱犬食之窮治其黨

盡誅籍阿合馬家貲馬駝牛羊騾三千七百有奇

定内外官以三年為考滿未滿者不許超遷
以占城復叛遣唆都擊之不克

俱藍國貢寶貨及黑猿海外諸國俱遣使進貢
安南國貢犀兕金銀香藥

遣使括雲南金 以耶律鐸為左丞相

以宋衍聖公孔洙為國子祭酒提舉浙東學校

殺宋丞相文天祥

徵慶士劉因為贊善大夫以繼母老辭歸

始海運

癸未 立皇后弘吉剌氏弘吉剌部初同起兵約生女為

人代紀要 卷之二十八

后生男尚主故立其女是時元主老群臣不得見

后頗預政 廣州民林桂芳趙良鈐擁眾萬餘自

稱羅平國敗元延康尋敗

復命高麗王暉及阿塔海發兵征日本 復擊占

城 定市舶抽分貨精者十一粗者十五

建寧路總管黃華聚眾十萬稱宋祥興年號

象山民尤宗等亦聚眾抄掠海上招降

諸王相峇吾兒等擊破緬西南夷十二部俱降

甲申 右丞相和禮霍羅上元主尊號曰憲天述道仁文

義武大光孝皇帝

遣王積翁與浦陀僧如智使日本舟人殺之

括天下私藏天文圖識

元主惡占城叛服不常以子脫歡為鎮南王與左

丞相李恒會唆都進兵擊之仍假道安南征其糧

餉給軍 以范文虎為左丞相商置樞密院事

和禮霍羅罷復以安童為右丞相盧世榮為左丞

相 盧世榮行鈔法謂生財不擾於民御史中丞

崔或論世榮不可相元主怒下或于獄罷之

脫歡等征占城安南王陳日烜分兵拒之

是年宋太皇太后謝氏卒于燕

人代紀要 卷之二十八

乙酉 以西僧嗣占妙高及楊璉真加言發宋會稽諸陵

五月脫歡等兵擊占城安南陳日烜拒敵遁走官

軍入其城而還唆都戰死李恒中毒矢至思明州

卒 遣使往馬八國求奇寶 復會兵擊日本

盧世榮為監察御史陳天祥所劾誅之劉其肉食

鷹額 十二月太子真金卒

丙戌 罷征日本 命江浙湖廣江西三省伐交趾立其

族陳益稷為安南王 海外諸番入貢

丁亥 復遣脫歡等擊安南陳日烜棄城走

遣使詣龍虎閣皇三茅山設醮

初置國子監以耶律有尚為祭酒 設江南各路
儒學提舉司 葉哥以交鈔及中統元寶行人物
重鈔輕更造至元鈔每貫視中統鈔五貫文賦
罪滿二百貫者死時宋宗室趙孟頫初薦至首
議其非

以素哥為尚書右丞相阿魯渾薩里平章政事

葉李為右丞馬紹為左丞

馬八兒國進奇獸似驃而巨毛黑白間名阿塔必
即

戊子 毀宋故宮為佛寺 遣宋故主孫學佛于吐蕃

人倫紀要

卷之二十八

四

陳日烜遣使請罪以金人代已罪

廣東董賢舉浙江楊鎮龍柳性英循州鍾明亮相

繼兵起 河決汴梁

南臺御史劉宣為江浙行省丞相忙兀帶誣構被

逮自劾 徵宋江西招諭使謝枋得不至福建叅

政魏天祐執以北去 以佞臣請立素哥輔政碑

加封南海明著天妃為廣祐明著天妃

巳丑 開會通河 謝枋得至燕不食而死

台州楊鎮龍聚眾僭稱大興國 禁內外百官受

人饋酒食者沒其半貲

庚寅

廣東鍾明亮已降復反寇梅州
安重鼎

鍾明亮等復降徙為首至京給餘黨糧

武平地震壓死按察司總管府官及民人七千二

百二十八壞倉庫民居不可勝計

辛卯

素哥葉李免 素哥尋伏誅葉李卒

以完澤為尚書右丞相麥木丁不忽木並平章政

事尋罷尚書省并入中書

以提刑按察司為肅政廉訪司

西僧楊理真加發宋諸陵及大臣塚墓擄取金寶

人倫紀要

卷之二十八

五

珠玉無算又私庇民田二萬三千受美女寶物至

是以盜官物事發追問籍其妻孥田畝臺省請誅

之元主釋之仍給還財產 召劉因為集賢學士

辭不至 八月平陽地震 咱魯丁雪雪的斤

俱平章政事 遣使招諭流求

安南王陳日烜卒子日燁嗣立遣使徵其入朝日

燁不至

壬辰

開通惠河以郭守敬領都水監事

亦黑迷失失史弼高興擊爪哇失利 麥迷督丁罷

以鐵哥刺真並為平章政事

徵集賢學士楊懿恭奏議中書省事辭不至

安南入貢徵其王陳日燁不至

遣兵征八百媳婦國

改封真金長子梁王甘麻剌為晉王鎮北邊

癸巳

遣使諭遼國 敕江南毀道觀聖祖天尊

楊璉真加子為浙江行省左丞以民怨罷之

劉因卒

安南遣使入貢安置其使于江陵後議伐之

葺出紫微垣 以皇太子寶授皇孫鐵穆耳總兵

北邊 以河南行省伯顏為平章事

人代紀要

卷之二十八

六

甲午 春正月元正殂在位三十五年壽八十謚聖德神

功文武皇帝廟號世祖國語稱薛薛皇帝葬起輦

谷夏四月太子真金第三子鐵穆耳即位尊其父

真金為文惠明孝皇帝廟號裕宗

御史大夫崔彥得玉印於木華黎之孫辨其文曰

受命於天既壽永昌以為秦璽上之至是以為傳

國璽

罷征安南釋其使 賜宋使臣家鉉翁號處士遣

還鄉錫予金幣不受

秋七月詔中外崇奉孔子 八月初祀社稷

以明年為元貞元年

乙未元成宗元貞元年

宋狀元留夢炎為翰林學士承旨告老致仕

蘭州河清三百里

丙申 不忽木為昭文館大學士平章軍國事

丁酉大德元年 二月改元

戊戌 元主母后幸五臺山

增太廟牲用馬國俗行拋撒茶飯

開鐵幡竿渠 召高麗王諷入朝留之以其子耶

為高麗王 歲課三十取一

人代紀要

卷之二十八

七

己亥 遣使問民疾苦 遣僧一山往日本 以哈刺哈

孫為左丞相 以兄答剌麻八剌之長子海山鎮

漠北

放江南僧寺佃戶五十萬為民 省民出公田租

庚子 緬王的為其下所弑遣薛超兀兒討之 不忽木

卒貧無以葬

遣雲南行省左丞劉深擊八百媳婦國

母后弘吉剌氏卒

辛丑 劉深等兵次順元激蠻酋宋隆濟等反

詔擊緬兵擊金齒諸蠻

秋八月慧出東井歷紫微天市垣四十六日而滅
增海運糧一百二十萬

壬寅 建文宣王廟于京師 龍興民訛言括童剪女

癸卯 罷征緬誅劉深 哈喇哈孫為右丞相阿忽台為

左丞相 星孛于室入紫微垣約一丈七十六日

而滅 宋隆濟等平 金履祥卒

甲辰 立兄子海山為懷寧王 平陽地震

乙巳 隕霜殺葉 大同地震 始定郊祀禮

立子德壽為皇太子尋卒 命兄子愛育黎拔力

八達居懷州 給曲阜陵廟灑掃戶

人代紀要 卷之二十八

丙午 詔求鷹犬 文宣王廟成

罷江南白雲宗都僧綱司

丁未 春正月元主殂在位十三年壽四十二左丞相阿

忽台等與諸王明里鐵木兒等謀奉皇后伯岳吾

氏臨朝以安西王阿難答攝政右丞相哈喇哈孫

遣使迎懷寧王海山於漠北及其弟愛育黎拔力

八達於懷州

二月愛育黎拔力八達自懷州至誅阿忽台等執

阿難答等歸上都

以李孟有謀議功以為叅知政事孟辭不許遂逃

去不知所之

夏五月懷寧王海山自漠北至上都即皇帝位是

為武宗廢伯岳吾后并阿難答俱賜死

謚大行皇帝為欽明廣孝皇帝廟號成宗國語稱

完澤篤皇帝尊其父答剌麻八為昭聖衍孝皇帝

廟號順宗躋成宗上答剌麻八者世祖太子真金

第二子也 以母弘吉剌氏為皇太后

立母弟愛育黎拔力八達為皇太子

封禿剌為越王右丞相哈喇哈孫以舊制非親王

不得加一字之封禿剌雖有功疏屬不當封力爭

人代紀要 卷之二十九

不可遂左遷哈喇哈孫為和林左丞相至鎮北邊

大治

以塔剌海為右丞相塔思不花為左丞相

加尊孔子為大成至聖文宣王

按大成雖出孟子譬諭之語然元本胡俗尊尚

佛教至是知尊孔子欲極其稱可見天理之在

人心不以華夷有間也

遣使往西域取佛經舍利

都指揮馬謀沙以角觝屢勝及教坊司伶官沙的

並平章事 賜諸王孝經 復立尚書省理財用

徵處士蕭顗為太子諭德以疾辭歸

命張留孫知集賢院領諸路道教

進封高麗王王暉為瀋陽王加太子太傅駙馬都尉以明年為至大元年

戊申元武宗至大元年

以阿沙不花為右丞相行御史大夫事

西僧歐上都晤守李壁釋不問其徒與諸王爭道擊妃墮車亦不問

以宋宦者李邦寧為江浙平章辭不受加大司徒左丞相以西僧教瓦班為翰林學士承旨

人代紀要

卷之三十

十

改鷹坊為仁虞院右丞相領之至是築呼鷹臺

以豸虎人徹兒怯思為監察御史

以答思不花為右丞相乞台普濟為左丞相尋為右丞相脫脫為左丞相

是年高麗王暉卒以其子王章嗣

真定淫雨大水溺死百七十七人

已酉

越王禕刺有罪賜死皇太子諸王百官上尊號

曰統天繼聖欽文英武大章孝皇帝

定制大成至聖文宣王春秋二丁釋奠用大牢

皇太子言宣政院奉旨歐西僧者截手晉者斷舌

有華國典乞更其令從之

質江南富民子為軍

復置尚書省以乞台普濟為右丞相脫虎脫為左丞相三寶奴樂實平章政事

行大銀鈔立資國院鑄錢以阿散為尚書左丞相行中書平章事

封西僧迷不韻子為寧國公賜金印禁漢人執弓矢器仗

庚戌

徵李孟入以為平章政事同知樞密

立皇后弘吉列氏以樂實為尚書左丞相

人代紀要

卷之三十

十二

以右丞相脫虎脫左丞相三寶奴總百司庶務

賜高麗國王章改封瀋王賜角觥者阿里銀千

兩鈔四百錠襄陽陝州荆門大水山崩壞官民居二萬一千有奇死者三千四百有餘人六安州

循州俱大水定郊祀禮冬至祀天園丘以太祖

配明年夏至祀地方丘以世祖配

封僧亦憐真乞烈思為文國公賜金印

以阿沙不花為右丞相

馬謀沙以角觥沙的以伶官而為平章事李邦

寧以闡宦而為司徒丞相教瓦班以西僧而為

翰林學士徹兒怯思以參虎而為監察御史元武宗之任官如此以丞相而領鷹坊以西僧而封國公縱其歐留守擊王妃而不問又詔歐西僧者截手詈者斷舌元武宗之政事如此真夷狄之俗也嗚呼士亦不幸而生于此時立于其朝乎

辛亥 春正月元主殂在位四年壽三十一塋起輦谷謚

仁惠宣孝皇帝廟號武宗國語稱曲律皇帝

皇太子罷尚書省誅脫虎脫三寶次樂實保八王

罷流忙哥鐵木兒于海南罷白雲宗總攝所及各

人代紀要

卷之二十八

十二

處僧官以僧人訴訟悉歸有司

以鐵木迭兒為右丞相完澤李孟平章事召先朝

舊臣程鵬飛等十五人

以諸王朝會普賜金三萬九千六百五十萬銀一

百八十四萬九千五十兩鈔二十二萬三千二百

錠有奇幣帛四十七萬二千四百有奇

三月太子愛育黎拔力八達即位是為仁宗以明

年為皇慶元年

遣宦者李邦寧釋真孔子忽大風起殿上及兩廡

燭盡滅燭臺底鐵鐫入地尺許邦寧悚息伏地良

久始息成禮 罷至大銀鈔銅錢

復遣兵擊八百媳婦國侍御史趙世延諫不聽

壬子元仁宗皇慶元年

春二月徙大都路學周宣王石鼓于國子監

以阿散為左丞相 以吳激為國子司業

李孟罷以張弘範子張珪為平章事

癸丑 鐵木迭兒罷以禿忽魯為右丞相

春三月立后弘吉剌氏 薨出東井

建崇文閣于國子監以宋儒周敦頤程顥程頤張

載邵雍司馬光朱熹張栻呂祖謙及許衡從祀孔

人代紀要

卷之二十八

十三

廟 以相兒加思巴為帝師死以公哥羅古羅思

監藏班藏卜嗣其位 阿里馬丁上所編萬年曆

高麗王辭位以其世子王禔為征東行中書省左

丞相上柱國封高麗王

始議科舉以皇慶三年八月天下郡縣興其賢能

充貢次年二月會試京師中選者親試于廷

甲寅延祐元年

春正月改元延祐 求遺逸 勅宦者勿得授文

階 以阿散為右丞相自言非世勲不可居右復

以鐵木迭兒為右丞相阿散為左丞相

復以李孟平章政事 定官民車服之制蒙古人不禁

經理江浙西河南民旧盜賊蜂起

乙卯

春二月始會試舉人以李孟知貢舉三月廷試進士以蒙古色目人為右榜以護都魯兒為第一漢人南人為左榜以張起巖為第一共五十六人及第出身有差賜恩榮宴於翰林院

加特進上卿玄教大宗師張留孫開府儀同三司

秦州成紀縣山移

授宦官中尚卿續元暉昭文館大學士

人代紀要

卷之二十八

古

仁宗統勅宦官勿得授文階未及一年又自背之政令不一如此

贛州蔡九五兵起僭稱王號平之

授白雲宗王沈明仁榮祿大夫司空

頒農乘輯要 客星變為彗犯紫微垣

以武宗長子和世琜為周王出鎮雲南

初武宗既立第愛育黎拔力八達為太子丞相

三寶奴復勸立和世琜召康里脫脫言之脫脫

曰太弟曩定宗社居東官已久兄弟叔姪世世

相承孰敢紊其序乎三寶奴曰今日兄以投策

異日能保叔授姪乎脫脫曰在我不可渝彼失

其信天實鑒之至是議立太子丞相鐵木迭兒等與太后謀遂封和世琜為周王出鎮

丙辰

太史令郭守敬卒 張珪被皇太后杖謝病歸追封孟軻父為邠國公 以趙孟頫為翰林學士承旨

冬十二月立子碩德八剌為太子

和世琜逃居漠北

丁巳

平章事蕭拜住與御史中丞楊朵兒只糾正鐵木迭兒姦貪誤國之罪鐵木迭兒逃入太后宮止罷

人代紀要

卷之二十八

十五

相遷楊朵兒只集賢學士

以阿散為右丞相辭仍為左丞相以伯答沙為右

丞相 李孟罷

戊午

追封楚屈原為忠節清烈公

寫金字維摩經給金三千兩藏經給金九百兩銀

一百五十兩

初宣徽院歲會內廷佛事之費廼四十三萬九

千五百斤油七萬九千斤酥蜜五萬餘斤至是

僧徒冒利歲費不知幾倍

增江南茶稅二十八萬九千餘錠竭山谷之產不

能充其半皆鑿空取于民

已未

太陰犯房昴復犯心 特授僧徒吉祥大司徒文

吉祥開府 鐵木迭兒資緣為太子太師御史中

丞趙世延効之以太后庇不聽

追封宋儒周敦頤為道國公

庚申

春正月元王殂在位十年壽三十六謚聖文欽孝

皇帝廟號仁宗國語稱普顏篤皇帝太子居喪盡

禮 伯荅沙罷 太后復以鐵木迭兒為右丞相

白雲宗總攝沈明仁賊敗給還強奪民田二萬頃

擅度僧四千八百人俱復為民

人代紀要

卷之二十八

十六

鐵木迭兒以太后旨誣殺蕭拜住楊朵兒只籍其

家又奪朵兒只妻劉氏剪髮毀容始免

三月太子碩德八剌即位是為英宗以明年為至

治元年尊祖母弘吉剌氏為大皇太后母弘吉剌

氏為皇太后加鐵木迭兒太師

鐵木迭兒讒構李孟奪其封爵左遷集賢侍講學

士 阿散罷以拜住為左丞相

拜住安童之孫也英宗為太子時聞其賢召之

不往見至是以太常儀禮使擢平章政事進左

丞相

平章事黑驢御史大夫禿禿哈被人告其謀廢立

元王恐出太后意俱不鞠殺之籍其家

鐵木迭兒誣趙世延下獄 以登極資諸王百官

金五千兩銀七十八萬兩鈔一百二十一萬貫有

奇幣帛木綿布匹衣鞍勒弓矢俱數萬

詔各郡建帝師八思巴殿 脩祕密寺

是年夏四月周王和世琜子妥懽帖睦爾生人以

為非其子

十二月以明年為至治元年

辛酉元英宗至治元年

人代紀要

卷之二十八

三

以諫張燈賞中書叅議張養浩金幣以旌其直

以諫造佛寺殺監察御史觀音保鎖咬兒哈的迷

失竄成珪李謙亨於奴兒于地

以僧法洪為司徒釋源宗主 遣呪師朵兒只往

牙濟班卜二國取佛經

製御服珠袈裟 以鐵失為御史大夫領侍衛

遷武宗次子圖帖穆爾于海南 作金浮屠于上

都藏舍利 授龍虎山道士張嗣成太玄輔化體

仁應道大真人 盤屋縣僧圓明作亂

卽陽道士劉志先以妖術作亂

十一月群臣上尊號曰繼天體道敬文仁武大昭
孝皇帝 命帝師往西番受具足戒賜金千三百
五十兩銀四千五十兩幣帛萬匹鈔五十萬貫
立皇后亦啓烈氏

作壽安山寺佛像冶銅五十萬斤

英宗張燈廣行官俱納諫惟造寺不受諫溺于
信佛故也

壬戌 以西僧羅藏為司徒 趙孟頫卒 鐵木迭見以

元主見踈稱疾不出至是死

太皇太后弘吉刺氏卒

人代紀要

卷之二十八

七

鐵木迭見死其子八思吉思為宣政院使受司徒

劉夔冒獻田地誅之籍其家

杖南臺大夫康里脫脫謫雲南 存卹孔氏子孫

貧者 以拜住為右丞相

有言佛教可治天下者元主以問拜住對曰清

靜寂滅自治可也若治天下捨仁義則綱常亂

矣夫胡俗重 佛教拜住獨能知此豈非超于

風氣之外者乎

癸亥

以拜住薦以趙居信為翰林承旨吳澄為翰林學
士 釋趙世延

制鷹師不花為趙國公 追奪鐵木迭兒官爵沒
其家貲 勅寫金字藏經 命僧誦經十萬部作
水陸佛事釋罪囚放籠禽十萬

減海運糧二十萬併免鐵木迭兒所增江淮糧

秋八月元主自上都還駐蹕南坡御史大夫鐵失

與知樞密也先帖木兒大司農失禿兒前平章政

事赤斤鐵木兒鐵木迭兒之子治書侍御史鎖南

等及諸王按梯不花等謀逆殺丞相拜住元主潛

於卧榻下鐵失執出折其腰而弑之在位四年壽

二十一泰定元年謚廢聖文孝皇帝廟號英宗國

人代紀要

卷之二十八

十九

語稱格堅皇帝按梯不花等迎晉王也遜鐵木兒

于北邊

秋九月晉王也孫帖木兒即位于龍居河是為泰

定帝

也孫帖木兒者世祖長子真金之長孫晉王甘

麻刺之長子也初世祖以長孫甘麻刺鎮北邊

既而封梁王鎮雲南改封晉王仍鎮北邊生三

子也孫帖木兒其長也嗣晉王

以也先帖木兒為右丞相鐵失知樞密院尋以諸

王買奴言誅也先鐵木兒鎖南禿滿等於行在所

命旭邁傑組澤入京師收鐵失等諸逆黨悉誅之
流諸王與謀者于邊地

追尊父晉王甘麻刺為光聖仁孝皇帝廟號顯宗

盜竊太廟神主 封買住為奉寧王

以倒刺沙為中書左丞相

以明年為泰定元年

甲子元晉王泰定元年

春二月修佛事命僧百八人及倡優百戲導帝師

遊京城 上大行皇帝謚曰睿聖文孝皇帝廟號

英宗以國言號格堅皇帝

人代紀要

卷之二十八

三

立八不罕氏為皇后 阿速吉八為皇太子

以皇子八的麻亦兒間卜嗣晉王受佛戒於帝師

封廣德祠山神曰普濟

封圖帖睦爾為懷王徙雲南王禪為梁王

乙丑 圖帖睦爾出居建康 張養浩為御史中丞

息州郭菩薩妖言彌勒佛當有天下作亂平之

皇后受佛戒于帝師 立諫議書院于昌平祀劉

賁 以塔失鐵木兒為右丞相

丙寅 徵吳澂不起 修離事於龍虎三茆閣臯三山

和世琜子懿璘質班生

丁卯

建橫渠書院于郾縣祀張載 遣使往江南求奇

花異果 封建德烏龍山神忠顯靈澤普佑軍惠

王 戊辰致和元年

春二月改元 受無量佛戒于帝師

封洞庭神忠惠順利靈濟昭祐王 封唐柳州刺

史柳宗元文惠昭靈公 西僧陳慶安作亂廣西

僭號改元

夏四月禁蒙古色目人不許效漢人居喪

秋七月元主殂于上都 在位五年壽三十六

人代紀要

卷之二十八

三

太子阿速吉八即位于上都改元天順

大都留守燕帖木兒執臺省臣烏伯都刺等下獄

遣使迎圖帖睦爾九月自江陵入大都自立是為

文宗改致和元年為天曆元年大赦詔天下曰謹

俟大兄之至以遂固讓之心封燕帖木兒為太平

王右丞相知樞密院賜黃金印玉盤龍衣珠衣寶

珠金腰帶海東青白鵲

封漢關羽為顯靈義勇武安英濟王

冬十月圖帖睦爾陷上都倒刺沙等出降阿速吉

八不知所終遣使迎其兄和世琜於漠北

毀顯宗廟室 遷泰定后弘吉刺氏于東安州
是年秋九月

大明太祖高皇帝生于濛梁之鍾離鄉

人代紀要卷之二十八

人代紀要

卷之二十八

三

人代紀要卷之二十九

明吳興顧應祥編集

大埔黃展校刊江陰湯明善

庠生倪佩同校

己巳元明宗

元文宗天曆二年

春正月周王和世琜立于和寧之北是為明宗

二月圖帖睦爾立雍吉刺氏為皇后 和世琜遣

使立圖帖睦爾為皇太子

秋八月和世琜次旺忽察都地圖帖睦爾入見宴

于行殿暴崩年三十謚翼獻景孝皇帝廟號明宗

人代紀要

卷之二十九

一

國語稱忽都篤皇帝升英宗之上

圖帖睦爾後即位于上都 以伯顏為左丞相

建龍翔集慶寺于建康 授乳媪夫幹耳朶大司

徒印 以西僧輦真吃刺思為帝師大臣俯伏進

觴不動國子祭酒孛朶魯不拜

以張養浩為西臺御史中丞尋卒揭傒斯為奎章

閣授經郎 祀周文憲王於鳳翔岐陽書院如孔

子廟儀 封大都城隍神為護國保寧王加封天

妃為護國庇民廣濟福惠明著天妃廟額曰靈慈

建顏子廟於曲阜所居陋巷

是年高麗王肅請傳位於其子楨

庚午至順元年

春二月封明宗子懿璘質班為廊王年五歲

罷左丞相以伯顏知樞密院

夏四月皇后弘吉剌氏與宦者拜住謀殺明宗后

八不沙徙妥懽帖睦爾于高麗大青島中詔天

下以明宗自謂非其子後徙居靖江

夏五月群臣上尊號曰欽天統聖至德誠功大文

孝皇帝改元至順

加封孔子父叔梁紇為啓聖王母顏氏啓聖夫人

人代紀要

卷之二十九

二十

顏子充國復聖公曾子邨國宗聖公子思沂國述

聖公孟子鄒國亞聖公程顥豫國公程頤洛國公

以董仲舒從祀孔子列七十二子之下

立燕王阿剌忒納答剌為太子尋卒

辛未

給衍聖公三品印以皇子古剌答納養于燕帖

木兒家更名燕帖古思育燕帖木兒之子塔剌海

于宮中賜居第貲產翰林學士吳激卒

壬申

冬十月以後元寧宗

高麗王肅疾愈復為王安西王阿難答子月魯

帖木兒與畏兀僧國師謀反伏誅籍其家

追封顏子父無繇祀國公謚文裕母齊姜氏祀國夫人謚端獻妻宋戴氏充國夫人謚貞素

秋八月元主昀壽二十九在位五年元統二年謚

曰聖明元孝皇帝廟號文宗國語稱札牙篤皇帝

以文宗遺命立明宗次子懿璘質班年七歲十月

四日即位十一月昀至元四年謚曰冲聖嗣孝皇

帝廟號寧宗

寧宗既殂燕帖木兒請立燕帖古思文宗后曰

吾子尚幼妥懽帖睦爾在靖江今年十三矣且

明宗長子於理當立乃遣人迎之至京燕帖木

人代紀要

卷之二十九

三十一

兒遲疑未立

癸酉元順帝冬十月改元元統

春三月燕帖木兒卒

夏六月妥懽帖睦爾即位年一十四是為元順帝

以伯顏為太師中書右丞相撒敦為太傅左丞相

以燕帖木兒女伯牙吾氏為皇后

十月改至順四年為元統元年

奎章閣侍書學士虞集謝病歸

以燕帖木兒子唐其勢襲封太平王

成紀縣地裂山崩

甲戌 是年天雨血又雨毛

太白屢經天

京師地震鷄鳴山崩陷為池方百里

乙亥至元元年

唐其勢以伯顏專政謀廢立事敗伯顏併弑后伯牙吾氏

十一月以災異迭見改世祖年號復稱至元尊皇太后為太皇太后

丙子 尊生母邁來的為皇后 賜伯顏服珠衣

丁丑 始尊寧宗謚附廟

人代紀要 卷之二十九

封晉郭璞為靈應侯

立弘吉刺氏伯顏忽都為皇后

廣東增城縣民朱光卿與石昆山鍾文明聚眾稱

大金國改元赤符惠州歸善縣民聶秀卿譚景山

等拜定光佛與之相結為亂

河南陳州捧胡以燒香聚眾破歸德

四川合州韓法師眾起稱南朝趙王俱討平之

禁漢人南人不得執兵器有馬者拘入官不許習

蒙古字

伯顏請殺漢人張王劉李趙五姓不從

封文始尹真人為無上太初懋文文始真君徐甲

為垂玄感聖慈化應御真君 庚桑子洞靈感化

超躡混然真君 文子通玄先暢昇元敏誘真君

列子冲虛至德通世遊樂真君 莊子南華至極

雄文弘道真君

是年太白屢經天犯太微垣白虹貫日彗星大如

天船自昴至房歷十五宿京師地震太廟梁柱俱

裂

戊寅 漳州李志甫等作亂 京師地震

己卯 杞縣盜范孟殺河南平章政事

人代紀要 卷之二十九

以伯顏為大丞相

庚辰 伯顏專恣元主不能堪其弟馬札兒台之子脫脫

密謀黜伯顏河南行省左丞道死

以馬札兒台為太師右丞相脫脫知樞密院

揭傒斯為奎章閣供奉學士

夏六月廢文宗廟主遷其后不答失里于東安州

幽死放其子燕帖古思於高麗殺諸途

封漢張飛為武義忠顯英烈靈惠助順王

尊皇考明宗為順天立道膺文智武大聖孝皇帝

以至元七年為至正元年

馬札兒台辭仍為太師以脫脫為右丞相

札魯忽赤鐵木兒不花為左丞相 以孔克堅襲封衍聖公

辛巳至正元年

湖廣道州蔣丙何仁甫等稱順天王谿洞徭寨亦作亂山東燕南寇盜縱橫三百餘處

是歲通泰崇明等州海溢

壬午 開京師金口河 惠州羅浮山崩

拂郎國獻異馬

癸未 遼陽吾者野人因捕海東青煩擾作亂

人代紀要 卷之二十九

六

修遼金宋三史 河決白茅口 召武勇山慶士

杜本不至 別兒怯不花為左丞相

甲申 復令民入粟補官 翰林學士揭傒斯卒

脫脫罷相封鄭王以阿魯圖為右丞相

乙酉 翰林學士承旨巉巉卒 丹陽雨紅霧

丙戌 夏六月汀州羅天麟等反 冬十二月靖州徭吳

天保作亂 山東京畿盜起 山東地震七日

賜平章政事賀惟一各太平以為御史大夫

胡元凡正官非國人弗授故賜惟一以胡姓名

而後授以御史大夫

別兒怯不花諷御史劾阿魯圖難居相位阿魯圖即辭去

丁亥

以別兒怯不花為右丞相罷而復起 鐵木兒塔識為左丞相卒以朶兒只代 通州盜起 以別

兒怯不花譖放太師馬札兒台于西寧卒 西番

及沿江兵起 別兒怯不花罷以朶兒只為右丞

相太平為左丞相 以連年水旱選臺閣名臣出

為守令

戊子

春二月立行都水監于鄆城以賈魯治河道 虞集卒 冬十一月台州方國珍兵起

人代紀要 卷之二十九

七

己丑 東陽童子暴長 命皇子愛猷識理達臘習漢人

文字 朶兒只太平俱罷 以脫脫為右丞相

脫脫奏事以左丞韓元善叅政韓鏞皆漢人使退

避

庚寅

封天妃父種德積慶侯母育聖顯慶夫人奉化山石裂有草木山川人物禽鳥形 星大如月八斗

辛卯

偽天完治平元年 賈魯以工部尚書為總治河防使發十三路民十

五萬十八翼軍二萬開河凡二百八十里有奇凡

五閱月功成超授集賢大學士賜脫脫世襲各刺

罕之號 封濟瀆神為靈源神佑弘濟王

潁州劉福通與杜遵道羅文素盛文郁王顯忠韓

咬兒以白蓮教燒香惑眾妄稱彌勒佛下生詭言

藥城韓山童為宋徽宗八世孫當為中國主山童

被擒福通等勢益盛陷汝寧等府眾至十萬

蕭縣李二號之麻李及老彭趙君用亦以燒香起

陷徐州

蘄州羅田縣人徐貞一名壽輝與麻城鄒普勝等

亦以妖術為亂俱以紅巾為號是名紅巾賊徐壽

輝據蘄水為都國號天完僭稱皇帝改元治平以

人代紀要

卷之二十九

八

鄒普勝為太師

江浙行省左丞李羅帖木兒討方國珍官兵不戰

而潰李羅帖木兒被執友為國珍飾詞遣大司農

達識帖木兒招降授以官

壬辰

是年二月定遠郭子興等兵起破濠州我

大明太祖肇基始此耿炳文謁于軍門

方國珍復入海台州路達魯花赤泰不華往諭被

殺死

徙故宋主子趙完普于沙州安置禁人交通

徐壽輝連破漢陽江州及袁瑞饒信徽諸郡遂破

杭州丞相樊執敏戰死董搏霄率兵復之

右丞相脫脫克徐州芝麻李遁去遂屠其城以脫

脫為太師立平寇碑加封王爵彭早住趙均用奔

濠州

徐州雖為芝麻李所據然民皆赤子也克賊而

自屠其民可乎

潁州沈丘人察罕帖木兒與羅山李思齊起義兵

討賊以察罕帖木兒為汝寧府達魯花赤李思齊

知府事 霍山崩

癸巳

偽周天祐元年

人代紀要

卷之二十九

九

以第二皇子育于眾家奴家

汴州白駒場亭民張士誠據高郵自稱誠土國號

大周建元天祐誘執知府李齊不屈而死

立子愛猷識理達臘為皇太子中書令樞密使

以方國珍為徽州路治中不受仍擁船千艘阻絕

糧運 宣政院使哈麻及禿魯帖木兒等進西天

僧行房中運氣之術號演揲兒法華言大喜樂又

進西番僧伽憐真為大元國師行秘密法作天魔

舞日習淫戲 泉州天雨白絲潮日三至

是年郭子興患趙均用專入滁州稱王

甲午 汴河水五色如繪 脫脫督軍擊張士誠

以定住為左丞相瑣南班哈麻並平章事 哈麻

喉御史袁賽不花劾脫脫削爵安置淮安以河南

左丞相泰不華代總其軍

製龍舟于內苑作刻漏王女捧籌金甲神人自擊

金鼓

是年

大明太祖取滁州以李善長掌軍事

乙未宋龍鳳元年

春二月劉福通迎韓山童子韓林兒為帝即小明

人代紀要 卷之二十九

王建都亳州國號宋改元龍鳳以其母楊氏為皇

太后杜遵道盛文郁為丞相福通與羅文素為平

章劉六知樞密

以定住為右丞相哈麻左丞相哈麻弟雪雪為御

史大夫 監察御史也里忽都劾泰不華慢功虐

民削官以咎失八都代 教授鄭咍請正國俗不

報 徐壽輝將倪文俊陷中興路

咎失八都兵圍亳州劉福通以其主韓林兒走安豐

竄脫脫雲南大理騰衝知府高惠欲以女事之脫

脫曰吾罪人也不納惠銜之再徙阿輕乞之地惠

發兵圍之哈麻矯詔賜鴆死

是年六月我

大明太祖自和陽渡江取太平等路俱附陶安迎見

定策取金陵

丙申 倪文俊迎徐壽輝據漢陽為都

哈麻耻進西僧獲罪公議與雪雪謀立太子奉元

主為太上皇其妹夫禿魯帖木兒聞于上貶哈麻

惠州雪雪肇州安置俱杖死

張士誠據平江改為隆平府遂陷松江湖州

方國珍降以為海道運糧萬戶兼防禦海道其兄

人代紀要 卷之二十九

國璋為衢州路總管

張士誠遣將破杭州江浙丞相達識帖睦爾遁寶

慶土官楊完者以功官行省叅政率苗軍復之

淮安城破守臣楮不華力盡而死 星隕為石如

狗頭新割 是年春三月我

大明太祖克金陵改集慶路為應天府南臺御史大

夫福壽死節鎮江廣德俱下秋七月諸將奉

太祖為吳國公 張士誠攻宜興耿君用戰死子炳

文代領兵

徐達敗張士誠於甘露擒其弟張士德

丁酉 詔天下團結義兵添官專率路府州縣正官俱兼

防禦義兵萬戶多有叛者

宋將李武崔德破商州直趨長安三輔震恐察罕

帖木兒與李思齊輕兵倍道赴援擊敗之以為陝

西行省左丞李思齊四川左丞

宋將毛貴破膠萊諸州益都山東郡邑俱陷

以棚思監為右丞相太平為左丞相

劉福通攻汴梁分兵為三道關先生破頭潘馮長

舅沙劉二王士誠入晉冀白不信大刀教李喜喜

入關中毛貴據山東

人代絕要

卷之二十九

主

鎮守黃河義兵萬戶田豐叛降于宋

張士誠屢為楊完者所敗請降江浙左丞相達識

帖木兒承制令叅知政事周伯琦撫諭之詔以士

誠為太尉伯琦遂被士誠拘留

倪文俊謀殺其主徐壽輝不果奔黃州壽輝將陳

友諒襲殺之自稱平章

陳友諒所陽漁人子為縣吏不樂徐壽輝倪文

俊兵起遂從之

明王珍據成都

明王珍隨州人聞徐壽輝起集鄉兵屯于青山

自固後降壽輝倪文俊破蜀命王珍守之至是

聞文俊死遂據蜀

歐陽玄致仕不能還卒于大都年八十五封楚國

公趙君用彭早住自濠州奔淮安據之趙稱永

義王彭稱魯淮王

義兵千戶余寶殺其知樞密院事寶童降于毛貴

據棣州

是年我

大明太祖克常州寧國徽州諸路及揚州耿炳文劉

成自廣德取長興張士誠遣趙打虎等迎戰敗之

人代紀要

卷之二十九

主

改長興為長安州以耿炳文為都元帥劉成為副

元帥守之炳文以儒士溫祥卿為謀主

常遇春吳良取江陰以良為樞密院判守之

戊戌

陳友諒破安慶守臣淮南行省左丞余闕力屈自

劉妻妾子女俱赴井死友諒復破龍興陷吉安撫

州汀贛諸郡

毛貴破濟南守臣董博霄力戰被殺無血惟白氣

衝天貴由河間破冀州田豐陷濟寧據之

劉福通破汴梁迎韓林兒居之周全以懷慶叛降于劉福通遣攻洛陽守將登城

責以大義全愧謝退兵為搗通所殺

秦不花以太平漢人居相位而已及在外心懷忿疾賊攻汴不援及毛貴田豐勢盛拜右丞相總兵進討即上言請令太平至軍中督餉方進兵太平知其害已諷御史劾其緩師拒命殺之以悟良哈台代總其軍

關先生破頭潘破遼州及塞外諸郡遂入上都焚官闕尋轉掠遼入高麗封唐劉蕡為文節昌平侯山東地裂天雨白毛

左丞相搠思監免以紐的該代是年我

人代紀要

卷之二十九

古

大明太祖取建德蘭溪等州遣胡大海攻婺州不克乃親率兵用儒士王宗顯潛入探知虛實拔之改婺州為寧越府以宗顯為知府宗顯開郡學延儒士葉儀宋濂為五經師戴良為學正吳沈徐源為訓導

己亥 春二月以孛羅帖木兒移鎮大同

三月方國珍以溫台慶元三府歸附

大明四月趙君用自淮安奔山東依毛貴至是殺貴其黨續繼自遼陽入益都執君用殺之察罕帖木兒復汴梁劉福通以韓林兒退保安豐

遣兵部尚書伯顏帖木兒等以御酒龍衣賜張士誠徵海運糧

以方國珍為江浙行省平章政事大都有杜鵑皇后奇氏與太子謀禪位諭意太平不答太子以左丞成遵叅政趙中皆太平所用之人令御史誣其賊罪下獄杖死

陳友諒破信州襄陽徐壽輝欲徙都龍興自漢陽至江州陳友諒出迎伏兵盡殺其官屬遂自稱漢王以江州為都

人代紀要

卷之二十九

辛

贈宋儒楊時吳國公李侗越國公胡安國楚國公蔡沉建國公真德秀福國公俱從祀孔子廟庭是年我

大明太祖取衢慶州遣使以書幣徵青田劉基龍泉章溢麗水葉琛及宋濂虞以禮賢館基蓋孫炎所薦也又以李文忠薦王禕王天錫俱任用之

庚子

偽漢大義元年

元以危素為叅知政事元紐該的卒
元太平罷復以搠思監為右丞相
夏五月陳友諒隔太平院判花雲罵賊被碎首射死妻邵氏赴水死侍兒孫氏匿其遺孤燔至金陵

追周雲東丘郡侯知府許瑗亦不屈而死

陳友諒弑其主徐壽輝于采石舟中僭稱皇帝國

號漢改元大義以鄒普勝為太師張必先為丞相

以五通廟為行殿江岸行禮大雨略無儀節復還

江州

字羅帖木兒與察罕帖木兒相攻元主遣使和解

元陽翟王阿魯帖木兒起兵北邊責元主罪

陳友諒犯龍灣我

大明兵以計勝之追北遂復安慶

是年夏四月癸酉我

本代紀要

卷之二十九

十六

太祖第四子 生是謂成祖 冬十一月黃河清三

日

辛丑 元以張良弼為陝西行省叅政

大明太祖討陳友諒拔江州友諒走武昌

元察罕帖木兒克山東田豐降 元阿魯輝帖木

兒兵敗誅

冬十一月黃河清自三門磧下至孟津五百里凡

七日十二月又清至永泮始如故

察罕帖木兒與李思齊攻張良弼於鹿臺詔和解

之 是年張士誠遣其司徒李伯昇帥衆十萬攻

長興耿炳文劉成固守月餘常遇春從江州提兵

至伯昇敗去

壬寅 明王珍破雲南稱隴蜀王為徐壽輝立廟

察罕帖木兒為田豐所殺元以其養子擴廓帖木

兒代總其衆擴廓入益都殺田豐追贈察罕河南

行省左丞相忠襄王謚獻武改封潁川王謚忠襄

皇后奇氏族在高麗驕橫為高麗王伯顏帖木兒

所殺后譖廢王立其昆弟在京者塔思帖木兒為

高麗王遣將率兵萬人送之國為高麗所敗止十

七騎還

本代紀要

卷之二十九

十七

是年金華盜殺胡大海處州賊殺耿再成孫炎

癸卯 偽夏天統元年 偽漢陳理德壽元年

明王珍僭稱皇帝國號大夏建元天統

二月張士誠入安豐殺劉福通據其城我

太祖率徐達常遇春等擊走之

秋七月陳友諒寇洪都我

太祖率諸將討之大戰于鄱陽湖友諒為流矢中月

而死其子理走據武昌復稱帝改元德壽

九月張士誠自稱吳王元遣使徵糧不與

元太平已辭歸密旨留之太子令御史普化劾其

違命遣使逼令自殺

是年元李羅帖木兒與李思齊交攻 擴廓帖木

兒攻張良弼又與李羅帖木兒爭所守疆境互相
攻擊

甲辰 春正月李善長徐達等奉

太祖為吳王建官屬以李善長為右丞相徐達左丞
相常遇春余通海平章政事汪廣洋右司郎中張
昶左司郎中二月自將拔武昌陳理降湖廣江西
悉平

元太子與右相搠思監宦者朴不花誣構削李羅

人代紀要

卷之十九

木

帖木兒官爵不受命詔擴廓帖木兒討之李羅知
非元主意遣禿堅帖木兒舉兵犯闕太子出奔元
主執搠思監朴不花與之復李羅官爵仍加太保
禿堅入見延春閣宴賚授平章政事方退

五月元太子以兵攻大同李羅復犯闕太子迎戰
不利出奔翼寧李羅入都城見元主命翰林承旨
張翥草詔削擴廓帖木兒官爵翥不從命他學士
為之遂以李羅為右丞相禿堅為御史大夫其部
屬皆列省臺李羅請誅狎臣汰宦官罷造作省錢
糧禁西僧好事

太子構禍人臣擅權元主是時徒擁虛名而已

夏四月歲星逆行入端門

秋八月張士誠逐江浙丞相達識帖睦爾以弟張
士信代之 許有壬卒

冬十月張士信攻長興耿炳文費聚敗之

乙巳 春二月日旁有一月一星 二月白虹貫日

大都雨雹長尺許 六月雨魚

元太子討李羅帖木兒李羅幽皇后奇氏伯達兒
所殺李羅其黨皆誅太子還以伯撒里為太師右
丞相擴廓帖木兒太尉左丞相知樞密封河南王

人代紀要

卷之二十九

十九

總制諸路軍馬

秋七月填星歲星熒惑聚于角亢 太白辰星聚
斗

大明太祖立國學于應天府

丙午 春二月黃河北徙 元擴廓帖木兒張良弼李思

齊連兵交戰

三月夏明玉珍死子昇立年十歲母彭氏聽政改
元開熙

元以陳有定為福建行省平章

以方國珍為江浙左丞相

是年我

太祖取淮安宿濠泗穎安豐遣徐達李文忠俞通海

華雲龍等取湖州杭州紹興嘉興悉平

求遺書建

宗廟社稷 宋主韓林兒沉于瓜步宋遂亡

人代紀要卷之二十九終

人代紀要

卷之二十九

二十

人代紀要卷之三十

明吳興顧應祥編集

大埔黃泰校刊 江陰湯明善

庠生倪佩同校

丁未吳元年春正月我

太祖稱吳元年 定文武科取士之法

命百官禮儀尚左 秋九月徐達常遇春等克平

江執張士誠至京自縊死

吳王令旨予聞伐罪救民王者之師攷之往古世代

昭然軒轅氏誅蚩尤殷湯征葛伯文王伐崇侯三

人代紀要

卷之三十

二十一

聖之起兵也非富天下本為救民近者有元之末

主居深宮臣操威福官以賄成罪以情免臺憲舉

親而嚴讎有司差貧而放富廟堂不以為慮方添

冗官又改鈔法役數十萬民堙塞黃河死者枕籍

于道哀苦聲聞于天致使愚民誤中妖術不解其

言之妄誕酷信彌勒之真有冀其治世以甦困苦

聚為燒香之黨根據汝穎蔓延河洛妖言既行兇

謀遂逞焚蕩城郭殺戮士夫荼毒生靈無端萬狀

元以天下兵馬錢糧而討之畧無功效愈見猖獗

然而終不能濟世安民是以有志之士傍觀熟慮

乘勢而起或假元氏爲名或托鄉軍之號或以孤
兵獨立皆欲自爲由是天下土崩瓦解予本濠梁
之民初列行伍漸至提兵灼見妖言終不能成事
又度胡運難與立功遂領兵渡江頓

天地祖宗之靈及將帥之力一鼓而有江左再鼓而
定浙東陳氏稱號據我上游爰與問罪之師彭蠡
交兵元惡授首其父子兄弟面縛輿觀既待以不
死又封以列爵將相皆置於朝班民庶各安于田
里荆襄湖廣盡入版圖雖德化未及而政令頗修
惟茲姑蘇張士誠爲民則私販鹽貨行劫于江湖

人代紀要

卷之三

二

兵興則嘯聚兇徒負固于海島其罪一也又恐海
隅一區難抗天下全勢詐降于元執其叅政趙璉
囚其待制孫搗其罪二也厥後掩襲浙江兵不滿
萬數地不足千里僭號改元其罪三也初寇我邊
一戰而生擒其親弟再犯浙省揚兵直搗其近郊
首尾畏縮又乃詐降于元其罪四也陽受元朝之
名陰行假王之令挾制達丞相謀害楊左丞其罪
五也占據江浙錢糧十年不貢其罪六也知元運
已墜公然害其江浙丞相拓識帖木兒南臺大夫
普化帖木兒其罪七也恃其地險食足誘我叛將

劫掠邊民其罪八也又甚于蚩尤葛伯崇侯雖堯
舜禹湯文武與之同世亦所不容理宜征討以拯
天下以濟斯民爰命中書左丞相徐達率領馬步
官軍舟師水陸並進攻取浙西諸處城池已行戒
飭軍將征討所加殲厥渠魁脇從罔治備有條章
凡有逋逃臣民被陷軍士悔悟來歸咸宥其罪其
爾張氏臣寮果能明識天時或全城附順或棄刃
投降名爵賞賜予所不吝凡爾百姓果能安業不
動即我良民舊有田產房舍仍前爲主依額納糧
以供軍儲餘無料取使汝等永保鄉里以全室家

人代紀要

卷之三

三

此興師之故也敢有千百相聚旅拒王師者即當
移兵勦滅遷徙宗族于五溪兩廣永離鄉土以禦
邊戎予之言信如皎日咨爾臣庶毋或自疑故榜
右我

太祖討張士誠安民榜謹錄于此

冬十月命徐達爲征虜大將軍常遇春爲征虜副
將軍率甲士二十五萬北定中原

檄曰自古帝王臨御天下中國居內以制夷狄夷
狄居外以奉中國未聞以夷狄居中國治天下者
也自宋祚傾移元以北狄入主中國四海內外罔

不臣服此豈人力實乃天授然達人志士尚有冠履倒置之歎自是以後元之臣子不遵祖訓廢壞綱常有如大德廢長立幼泰定以臣弑君天曆以弟酖兄至於弟收兄妻子悉父妾上下相習恬不爲怪其於父子君臣夫婦長幼之倫瀆亂甚矣夫人君者斯民之宗主朝廷者天下之根本禮義者御世之大防其所爲如彼豈可爲訓於天下後世哉及其後嗣沈荒失君臣之道又加以宰相專權憲臺報怨有司毒虐於是人心離叛天下兵起使我中國之民死者肝腦塗地生者骨肉不相保雖

人代紀要

卷之十

四

因人事所致實厭其德而棄之之時也古云胡虜無百年之運驗之今日信乎不謬當此之時天運循環中原氣盛億兆之中當降生聖人驅逐胡虜恢復中華立綱陳紀救溺斯民今一紀于茲未聞有濟世安民者徒便爾等戰戰兢兢處於朝秦暮楚之地誠可矜憫方今河洛關陝雖有數雄忘中國祖宗之姓反就胡虜禽獸之名以爲美稱假元號以濟私恃有衆以要君阻兵據險互相吞噬反爲生民之巨害皆非華夏之主也予本淮右布衣因天下亂爲衆所推率師渡江居金陵形勢之地

人代紀要

卷之十

五

今十有三年西抵巴蜀東連滄海南控閩越湖湘漢沔兩淮徐邳皆入版圖奄及南方盡爲我有民稍安食稍足兵稍精控弦執矢目視我中原之民久無所主深用疚心予恭天成命罔敢自安方欲遣兵北逐群虜拯生民於塗炭復漢官之威儀慮民人未知反爲我讎挈家北走陷溺尤深故先諭告兵至民人勿避予號令嚴肅無秋毫之犯歸我者永安於中華背我者自竄於塞外蓋我中國之人天必命中國之人以安之矣夷狄何得而治哉爾民其體之如蒙古色目雖非華夏族類然同生天地之間有能知禮義願爲臣民者與中國之人撫養無異十二月湯和等平台溫方國珍避海島勢窮而降以爲廣西行省左丞奉朝請

戊申太祖皇帝洪武元年

春正月即皇帝位于應天府復中華之正統國號大明建元洪武冊立

皇后皇太子以李善長爲中書左丞相徐達右丞相章溢爲御史中丞以廷臣兼東宮官不別設專以劉基爲御史中丞兼太子贊善大夫定南北郊置六部及各衙所兵制廖永忠等執陳友定平

福建航海取廣東元分省左丞何真籍其所部郡縣戶口兵馬錢糧歸附授江西行省叅政兩廣悉平真後封東莞伯

秋閏七月王師克通州元主妥懽帖睦爾大懼開德勝門遜歸沙漠八月克燕城元亡

是年彗星屢見於昴畢昴胡星也滅胡之兆

元自太祖奇渥溫鐵木真於宋寧宗開禧二年

丙寅僭號於兀難河之原國語稱成吉思皇帝

傳子窩闊台於宋理宗端平元年甲午滅金景

定元年庚申忽必烈即位是爲世祖至元十三

本代紀要

卷之三十

六

年丙子取宋十六年已卯混一天下自太祖丙

寅至順帝丁未凡十三主一百六十三年自世

祖已卯承宋統至順帝丁未凡九主八十九年

按夷狄爲中國主始於劉淵繼之以五胡爲南

北朝爲遼金元至順帝北去前後一千六十餘

年隋起于宇文唐雖能臣服四夷亦不能久及

其中衰又借兵回紇引胡入境陵夷至於石晉

獻地稱臣宋遂不能混一卒之併中國而棄之

蓋前此胡主不過竊據一方雖南北並稱而中

華之主猶在未有若胡元之時併海內而通屬

於夷者蓋至此而冠履倒置極矣我

太祖一掃而肅清之使中原之地千有餘年沒於腥

羶之中者拯而出之以復見天日真再造天地

之功也且三代以下惟漢未嘗屈於夷狄然漢

高方雖盛之時已與和親至若漢武之登單于

臺薄太宗之稱天可汗徒誇耀于一時而不能

嚴華夷之辨惟我

太祖

成祖相繼驅逐沙漠之外而惟嚴於內治禦戎之道

則優於前代多矣

本代紀要

卷之三十

七

已酉 立功臣廟 詔修元史

陝西平李思齊降以爲江西行省左丞食祿京師

倭寇犯崇明等處太倉守禦指揮翁德平之

常遇春李文忠軍克開平元主北遷沙漠

常遇春卒于軍追封開平忠武王 章溢卒

庚戌 以元翰林學士承旨危素爲弘文館學士

立科舉格開科取士 分封諸王

徐達等破王保保取漢中

元主妥懽帖睦爾卒于應昌

李文忠拔應昌元太子愛猷識理達臘脫走復元

嫡孫賈的里八刺及后妃諸王并王璽金寶王冊
大圭王鎮圭王竿王斧而還朔庭遂空捷至詔諭
沙漠

大封功臣 修大明集禮

遣翰林編修王濂吏部主事林唐臣使安南

遣湯和傳友德征蜀

十一月李文忠旋師

駕出勞于江上

謚元主妥權帖睦爾曰順帝封賈的里八刺爲崇

禮侯宗室來降者皆授以官

龍飛紀畧云
後遣還沙漠

人代紀要

卷之三

八

李文忠平沙漠表云日月麗中天萬國仰照臨

之德乾坤大一統群生荷覆載之恩文教誕敷

而治具畢張武威奮揚而妖氛頓息臣民欣戴

海宇懽騰恭惟

皇帝陛下卓冠群倫茂膺景運

皇圖啓祚申明命之自天曆數在躬遂化家而

爲國拯生民之墊溺救亂世之助勦太和播而

品物亨皇極建而彝倫叙凡有血氣莫不尊親

惟彼殘胡敢行肆毒竊乘間隙侵犯邊陲赫怒

皇心用加天討爰釐罪而致伐乃鞠旅以陳師臣賦

賁庸愚託屬外戚忝受副將之寄慙無裨畫之

能拜命闕廷俾率熊羆之衆總戎行陳旌亮胡

馬之群前矛度關而興和之師即降後騎出塞

而駝山之兵旋軋進開平而乘破竹之勢克應

昌而畏覆巢之威皇子后妃兩宮之貴人俱獲

金璽王冊歷代之寶器全收皇風遠播於遐荒

胡運竟終於此日况茲勳業之建豈因臣下之

能茲蓋伏遇

皇帝陛下廣運如天宏謀蓋世明見萬里之外遂成

千載之功東日窟而西月氏莫非王土南炎荒

人代紀要

卷之三

九

而北瀚海共爲帝臣一統太平萬年悠久

辛亥 初廷試進士吳伯宗等 劉基歸老

湯和傳友德廖永忠等平蜀明昇降封歸義侯賜

第京師

暹羅渤泥三佛齊國俱遣使奉表入貢

日本國王良懷遣使入貢

壬子 安南陳叔明弒其主日燈而自立

遣翰林待制王禕使雲南尋被害

命徐達等分道征沙漠

琉球瑣里國入貢

癸丑 置六科給事中

汪廣洋有罪謫廣東叅政 罷科舉舉賢良

設西番僧法王國師賜印因俗爲治

甲寅 李文忠等北伐

靖海侯吳禎平倭寇

乙卯 劉基卒年六十五

丙辰 葉居升上書

丁巳 建大祀殿合祭天地 初置通政使司

鄧愈卒追封寧河王

戊午 給文武官牙牌 安南入貢以詔諭

人代紀要 卷之三十一

百花彭亨國遣使來貢

己未

庚申 誅胡惟庸 減蘇松嘉湖重租

罷丞相官不設

詔曰

朕膺

天命君主華夷當即位之初會集群臣立綱陳紀法

體漢唐畧加增減亦叅以宋朝之典所以內置中書

都府御史臺六部外列都指揮使司承宣布政使司

都轉運鹽使司提刑按察司及府州縣綱維庶務以

安兆民朕嘗發號施令責任中書使刑賞務當不期

任非其人致有丞相汪廣洋御史大夫陳寧晝夜淫

昏酣歌肆樂各不率職坐視廢興以致丞相胡惟庸

構群小夤緣爲姦或枉法以惠罪或執政以誣賢因

是發露人各伏誅特詔天下罷中書廣都府非六部

使知更官定制行移各有所歸庶不紊煩於戲周職

六卿康兆民於宇內漢命蕭曹肇四百年之洪業今

命五府六部詳審其事務稱厥職故茲詔諭

安置學士宋濂于茂州行至夔州卒

辛酉 編修吳沉吳伯宗進千家姓系

人代紀要 卷之三十一

遣傅友德藍玉沐英征雲南元梁王把都全家赴

滇池死

壬戌 傅友德沐英克大理執段氏二子歸賜長子名歸

仁爲武昌衛鎮撫次名歸義鴈門衛鎮撫雲南悉

平置雲南布政司

秋七月刑部尚書劉惟謙等進大明律 八月

高皇后崩

癸亥 春二月遣耿炳文諭傅友德等班師以沐英鎮雲

南

緬甸車里八百俱歸附

甲子 頒科舉武三年一試著為定制薦舉並行

李文忠卒年四十六

漏刻博士元統進大統曆

乙丑 廷試進士丁顯等

徐達卒年五十四

湯和等征思州及五開諸洞蠻

丙寅 傅友德耿炳文征貴州等處苗蠻

丁卯 宋國公馮勝郭英胡海等征北虜

十二月又命永昌侯藍玉武定侯郭英征北虜

靖海侯葉昇晉定侯陳桓征東川晉定等處蠻寇

本代紀要 卷之三十一

十一

戊辰 廷試進士任亨泰等

藍玉郭英等破元愛猷識理達臘于捕魚兒海俘

獲人口馬駝牛羊輜重數萬自是殘元之孽不復

能振矣

通鑑博論云元主妥懽睦爾卒于應昌國人謚

曰惠宗子愛猷失里達臘嗣于沙漠十一年卒

國人謚曰昭宗子蓋王脫古思帖木兒嗣九年

為野速迭兒所弑而奪其位自後無考

沐英克平緬及馬龍他甸等處雲南極邊諸夷俱

定

按雲南自古荒服之地漢武帝通西南夷以兵

擊滇滇王雖降賜以王印仍長其民今雲南府

是其地也宣帝遣王褒求金馬碧雞之神止於

蜀中望祭而已至後漢明帝時哀牢夷始內附

置哀牢博南二縣今為永昌府自是以後叛附

不一三國時諸葛亮征南中斬雍闓擒孟獲平

益州永昌牂柯越嶲四郡即其渠率而用之其

後日益強大相繼為君長者曰張氏蒙氏鄭氏

趙氏楊氏段氏高氏而蒙段二姓傳世最久據

有雲南僭稱大號實自蒙氏始以其併吞六詔

人代紀要 卷之三十一

十一

在諸詔之南故謂之南詔又改為大禮國僭封

五嶽四瀆唐不能制妻以宗女至宋則段氏為

大理國自大渡河之外自為聲教元世祖雖以

兵力浮金沙江取之而猶以段氏為總管以親

王鎮之亦羈縻而已惟我

太祖天兵自湖廣貴州而入一鼓而平置三司郡縣

衛所俱為神州赤縣而化外諸夷如老撾木邦

緬甸八百車里干崖猛密等處元兵之所不能

攻者咸設宣慰宣撫入於職方輿圖之廣前代

所無故此書以是年終之以著

國家大一統之盛云

人代紀要卷之三十終



人代紀要三十卷

兩淮馬裕家藏本

明顧應祥撰應祥字惟賢號箬溪長興人宏治乙丑進士官至南京刑部尚書是書以編年紀事雖無事必書其年蓋合甲子會紀大事記而一之然繁簡失倫多未盡當其中無年可編者亦往往隨意科配如荀悅著漢紀申鑒皆強係之獻帝乙酉年恐必不然也

皇明嘉隆兩朝聞見紀十二卷

〔明〕沈越撰

北京大學圖書館藏明萬曆二十七年

沈朝陽等刻本

附《四庫全書總目·嘉隆兩朝聞見紀十二卷》提要

刻兩朝聞見錄題
學侈博洽而闡于當世之故其以語
于識時務達國體遠矣夫子稽古
文獻益重則又非徒史之難而人足
傳信之難先臣沈御史越以直道事
肅皇帝朝稱敢言鄉維耆德述所聞
見貽範來茲其體既典核周詳其
詞亦雅馴簡直信野史之良足備
廟堂之採擇者也先臣衣館于越家與
觀直筆竊嘆古遺今其子諸生臣
朝陽志遵先哲勤讀父書用續編
摩付之剞劂臣蕃謬司史職方愧

莫効涓埃觀此成書竊謂當傳諸
通都亟為流布以資作史者之
參考焉庶生平所目覩躬逢不至
湮沒而出金匱石室之藏以合其
據事直書者當益有所取信是亦
夫子文獻足徵之旨也若以誼切世
交阿私所好則非臣蕃之義所敢
出已

賜進士及第翰林院修撰承務郎臣
朱之蕃謹書



皇明嘉隆兩朝聞見紀叙
兩朝聞見紀者何先大夫臣越據



世

穆兩朝之所聞所見者紀而存之也夫稗
官野記自古有之第事涉猥鄙則大雅
之難詞尚藻繪則傳信之難此三長四

今序

患良史所為兢兢也洪惟我

朝

高皇啟運

列聖紹休典章制度彪炳宇宙忠良賢哲

照耀古今

累朝寶訓實錄藏之秘府世鮮得窺即朝

野之間不無私記然未有萃渙於一編
年紀之者紀之自東莞陳建始而以蕪
穢見黜嗣是刻傳於世者薛憲副應旂
則有

憲章錄王司寇世貞則有

國朝紀要若鄭端簡公曉之吾學編例從

序

二

遷固諸史乃大政一記僅提綱領而未
詳節目高長史岱之

皇明鴻猷紀體依通鑑紀事本末各詳一

事而不記歲年然率皆起

高廟迄

武廟止而

世

穆二廟槩未有錄焉世載既久耳目易湮
先大夫志存經史學勤博洽自嘉靖乙
酉領應天鄉薦壬辰成進士出作股肱
入司耳目任怨任勞清苦自茹鵠立烏
臺已幾九載而直道難容時宰欲殺旋
而外補旋而歸休優游林壑復二十餘
年身受

序

三

國家之恩官叨柱下之史目擊

兩朝盛際凡有聽觀靡不記錄未獲成書

賣志而歿朝生也晚僅讀父書而不得

探

金匱石室之藏及百司掌故之府每欲編次無從考信客歲大比始於書肆見光州吳司訓瑞登

兩朝憲章錄洧川范守已

肅皇大紀於是以先大夫之記錄取徵於二書又本二書之紀載旁採於他牒參

序

四

互訂證錄而藏之篋中蓋將以需異日國史之出爲攷正計耳自分蕪謏寡昧念在闕疑文惟傳舊私評僭議毫髮不敢亦以

大道之世公論昭然無容置喙知我罪我固無由也夫馬遷傳談之史劉歆校向

之書朝非其人也而竊有志焉以故輒忘僭妄竭力編摩自暑迄寒踰歲強半勒成一編仍題曰

兩朝聞見紀用成先大夫之志而佩服王章尚友先哲操觚濡筆勝無用心亦庶幾不負

序

五

明時棧樸作人之盛化云爾時萬曆己亥秋日江東草莽臣沈朝陽謹識

皇明嘉隆間見紀目錄

卷一

正德十六年至嘉靖二年

卷二

嘉靖三年至五年

卷三

嘉靖六年至九年

卷四

嘉靖十年至十二年

卷五

嘉靖十四年至十七年

卷六

嘉靖十八年至二十一年

卷七

嘉靖二十二年至二十六年

卷八

嘉靖二十七年至三十年

卷九

嘉靖三十一年至三十五年

卷十

嘉靖三十六年至四十年

卷十一

嘉靖四十一年至四十五年

卷十二

隆慶元年至六年

目錄

二

皇明嘉隆兩朝聞見紀書目

採據書目

明倫大典

吾學編 鄭曉著

憲章錄 薛應旂著

兩朝憲章錄 吳瑞登著

皇明異典述盛事述 王世貞著

憲章類編 勞堪著

桂洲奏議 夏言著

南宮奏議 嚴嵩著

議處安南疏稿 毛伯溫著

渭厓疏要

安夏錄 劉天和著

按陝馬政 沈越著

皇明經濟錄

兩朝疏抄

雲中撫平錄 樊繼祖著

汪少泉疏稿 汪宗伊著

馮南江行誼錄 馮恩錄

新河集 朱衡著

湖廣通志

名臣言行錄

鹿野雲中奏議

目錄畢

欽明大獄錄

皇明鴻猷錄 高岱著

國朝紀要 王世貞著

肅皇大紀 范守已著

史乘考誤 王世貞著

皇明名臣類苑

胡端敏奏議 胡世寧著

關陝奏議 劉天和著

督府奏疏 劉天和著

撫夷節畧 王守仁著

西虹疏草 司馬泰著

清查京衛冗食奏疏 沈越著

皇明疏議類抄

嘉隆疏抄

湖北民隱錄

抑齋疏草 楊允繩著

南宮奏牘 高拱著

應天府新志

功臣封爵考

史鹿野奏議

皇明嘉隆兩朝聞見紀卷之一

賜進士出身奉 詔進階朝列大夫致仕前山東道監察御史侍 經

筵官江東 臣沈越記錄 伯子 臣朝陽編次 季子秋陽乾陽參校

正德十六年

夏四月癸卯 上即皇帝位 上與獻王長子憲宗純皇帝孫也憲宗

生皇子十長孝宗敬皇帝次與獻王次岐王益王衡王雍王壽王汝王

涇王榮王弘治甲寅與王受封之國湖廣安陸州正德丁卯八月十日

上生於興邸誕聖之日官中紅光燭天遠近驚異時黃河清雲見翼

軫分野已卯六月王薨諡曰獻 上受勅嗣理國事府中肅然至是年

十有五矣時武宗無子儲位久虛南北繹騷中外人心已有所嚮往武

宗臨崩遺詔曰朕紹承祖宗丕業十有七年深惟有孤先帝付託唯在

繼統得人宗社生民有賴皇考孝宗敬皇帝親弟與獻王長子厚 聰

卷之二

明仁孝德器風成倫序當立遵奉祖訓兄弟及之文告於宗廟請於

慈壽皇太后與內外文武群臣合謀同訊即日遣官巡取永承嗣皇帝

位時三月丙寅也丁卯司禮監太監谷大用韋霽張錦內閣大學士梁

儲定國公徐光祚駙馬都尉崔元禮部尚書毛澄齋捧詔諭金符趨安

陸藩府迎 上戊寅諸臣至安陸捧進遺詔 上候迎府門外至承運

殿開讀畢 上陞座乃進金符 上親授之奉迎諸臣觀 上天表乃

相顧嘆曰帝王自有真也四月壬午 上辭與獻王寢墓成拜慟哭伏

地左右扶而起仍周旋顧瞻不忍舍去再拜慟哭從官莫不感泣癸未

辭聖母嗚咽涕泣不忍遽離聖母曰吾兒此行荷負重任慎無輕言

上曰謹受教駕發安陸安陸民人無老幼皆攀轡扈從承奉張佐感永

長史表宗皇指揮駙安等凡四十餘人 上戒以沿途務安靜無擾經

通諸王府設供饋悉謝不受勅有司膳餼餼原止用常品其諸凡珍異

皆却之行殿朴質輒喜有過修者輒去不視諸道倉卒不及備亦弗問及渡河父老喜躍相告曰昔我聖天子初生之年河清三百里者三日嘗聞黃河清聖人出今果然矣壬寅車駕至良鄉榮卿亦至京城外駐蹕行殿初禮部具儀請如皇太子即位禮上覽之謂長史袁宗皋曰遺詔以吾嗣皇帝位非皇子也所具云何至是大學士楊廷和等請上如禮部所具儀由東安門入居文華殿上發勅進擇日登極上不允會慈壽皇太后有旨曰天位不可久居嗣君已至行殿內外文武百官可即日上箋勸進于是魏國公徐鵬舉率文武百官軍民耆老人等三上箋勸進上從行殿受箋日中由大明門入遣武定侯郭勛告天地建昌侯張延齡告宗廟社稷上親告大行皇帝帝凡延謁見慈壽皇太后武廟皇后憲廟皇妃畢出御奉天殿即皇帝位遂頒詔大赦天下詔曰朕承皇天之眷命列聖之洪休奉慈壽皇太后之懿旨皇兄大行

卷之十一

皇帝之遺詔屬以倫序入奉宗祧內外文武群臣及耆老軍民合詞勸進至于再三辭拒弗獲謹于四月二十二日祇告天地宗廟社稷即皇帝位深恩付託之重實切兢業之懷惟我皇兄大行皇帝遵撫成業承熙治勵精維切化理未半中遭權奸曲為蒙蔽潛弄政柄大播凶威朕昔在藩邸之時已知非皇兄之意茲欲與道致治必當革故鼎新事皆率由予庸冀亦以敬承大先志自惟涼德方在冲年尚賴親賢共圖新治其以明年為嘉靖元年大赦天下與民更新所有合行事宜條例於後嗚呼君人之道在昭德以塞違繼世之規唯更化而善治特頒渙號用慰輿情弘施大賚之恩永錫太平之福四方臣庶咸使聞知時久皇方朝雨及是忽霽萬歲歲新百官稱慶識者知其為中興之兆詔下中外鼓舞若獲更生○甲辰禮部請視朝尚書毛澄等上言大行皇帝大喪禮成服已畢恭惟皇上嗣登寶位萬幾所係伏望以宗廟社稷為

重少節哀情於西角門視事百官行奉慰禮上曰朕哀痛方切未忍遽離喪次其以二十四日視朝具儀米闕于吳澤等具上儀注○兵科左給事中徐之鑾疏陳新治補救之道言陛下入自藩國繼承不基正天命啟聖之辰人心望治之日然內外臣工方玩愒於天下之久安祖宗法制適紛更於小人之柄國今日補救之道惟在先定聖志於中次廣言路於外庶免有漸若或姑息遲疑復令墮於小人之手則天下之事愈不可為矣大行皇帝聰明英武獨以志竟未定群小未徇其欲遂至忠言不聞於耳媒孽日陳於前威福下移政事大壞今者元屯難去顧其盤據既久根蔓滋多猶恐藉端通神會繼權勢或遂定策之實或假迎厄之勞以取憐國寵天下事豈堪更復姑息耶臣以是懼聖志之未定也今之言者皆久抗於權奸蔽抑之餘而欲吐其憤激忠誠之悃必有不顧忌諱言至逆耳者此在聖明嘉納而優容之若稍或裁抑則

卷之十二

小人必乘之以進而讐忠直言路一塞不可復開大為新政之累臣是以又懼言者之過激也伏望皇上獨秉乾斷內外文武大臣及非軍功而冒得封拜者各令自陳察其不肖即賜罷斥令科道查劾向來閣上誘惑奸佞之輩寬之典刑邇來小人所變亂一切弊政奏請以革用彰我皇上中興無前之烈上曰大臣自陳已有詔旨無功封拜之人亦令自劾其內外引誘讐惑奸黨者科道官各衙門弊政俱遵詔旨改正以行○是夜流星如盞大青白色起天市垣內西南行至房宿尾跡炸散後有二小星隨之○詔支取宣府儲銀備軍糧之用時北虜寇伺邊方戒嚴宣府官軍月糧久缺戶部言住者大行皇帝北征多方區畫銀帛錢鈔收貯宣府正為邊餉匱乏之需宜移文彼中鎮巡等官及管糧郎中支銀二十萬兩以其半給散折色紓目前之急其半收糧本色備調兵之用倉虜犯大同規畫兵糧兵部侍郎馮清以為請戶部

如前議詔曰○御史王鈞疏劾司禮太監魏彬言彬與逆惡江彬為
婚姻內外盤據御馬監太監張忠于經蘇縉或爭功啟釁排陷忠良或
首開皇店結怨黎庶或導引巡幸流毒四方如宣府鎮守太監劉祥總
兵都督朱振撫巡撫御史容景會錄內批侵盜邊餉甘肅鎮守太監王
欣總兵都督柳湧巡撫御史文貴假貢獻而重困邊方引外夷以窺
伺中國此教臣皆彬之黨今彬既捕治此輩亦宜亟賜併處以明法紀
以清奸黨得旨魏彬已有處分張忠排陷忠良于經首開皇店蘇縉事
引巡遊本當重治姑從寬各發孝陵衛充軍劉祥罪惡深重著巡按御
史提解法司會問王欣已去任容景文貴冠帶閒住朱振柳湧兵部查
議以聞○安邊伯朱泰等奏乞復姓許之先是詔書一款賜姓人員及
見犯罪冒姓者各復本姓至是泰奏乞復姓并辭伯爵得旨復姓已有
詔令伯爵准辭是日左軍都督府左都督朱暉前軍都督府左都督朱
共後軍都督府左都督朱安都督同知朱福各疏乞復姓俱准改復泰
本姓許暉劉姓洪張姓安錢姓福陝姓泰等皆諡附中人矯竊內降倖
功要寵以致冒國姓濫封拜授兵權而安福併出中官廝養尤極便賤
在武弁亦所不齒云○丙午遣官奉迎聖母 上諭閣臣曰朕入繼大
統雖未敢顧私恩然母妃遠在藩府朕心實切戀慕可勅遣官奉迎并
官眷內外員役咸取來京于是遣司禮太監秦文等捧篋詣安陸奉迎
聖母初 上在途思離聖母輒涕泣故登極三日即有是命○詔賜扈
駕太監谷大用等銀幣有差給事中問閣上言伏聞陛下賜大用等人
銀千兩幣二十疋隨行人員銀百兩少者亦不下數十兩臣竊以為過
矣臣觀歷代以來藩王入繼大統者序援立之功則主威弱私虐從之
人則侍衛驕弛戚倖之禁則請謁行以治亂安危之機辨之不可不早
也願陛下裁擇 上嘉納之○命釋都督鄧永于獄時給事中以永不

附江彬被許下獄人咸寬之且永以謀勇將可備將帥之選宜出永於
獄復其舊職 上知永素有軍功即命釋之既而以永為左軍都督府
左都督充總兵官鎮守遼東○戊申 上御西角門視朝百官行奉慰
禮○勅諭禮部議上天行皇帝尊諡即勅禮部會官議與獻王主祀及
封號以聞○罷戶部尚書楊譚兵部尚書王憲工部侍郎劉永右副都
御史毛珵巡撫保定右副都御史伍符皆以奉詔自陳也時少保左都
御史陳金太子太保工部尚書李燧太子太保左都御史王璟亦自陳
乞休 上溫旨慰諭特准致仕各舉傳以歸○詔逮繫訊安邊伯許泰
等初司禮監太監魏彬為其弟英辭免伯爵得旨伯爵准辭仍令為都
督同知子孫世襲錦衣指揮使于是給事中楊秉義言魏彬著名八黨
流毒四方結姻江彬固寵怙勢罪不容誅乃掩其滔天之惡全其弟世
襲之官非所以示天下也乞收回成命亟治彬罪削英之職革其世爵
以昭至公時給事中徐景嵩亦言魏彬及御馬監太監谷大用始附逆
瑾繼黨江彬交相引援竊弄威福並宜宜之典刑以謝天下給事中吳
嚴亦言魏彬不宜仍令供職其弟不宜止削伯爵及言安邊伯許泰依
附江彬同惡相濟昨至江西陰謀太監張忠等辱守臣已復深夜勒兵
云備倉卒思以動先帝之疑長而掩都御史王守仁之功至其擅權納
賄殘暴險譎之惡擢髮不能盡數宜斷自宸衷亟賜處治實社稷蒼生
之福于是 上命錦衣衛執泰送都察院鞠治以聞而魏彬等仍置不
問及御史蕭淮等奏太監谷大用丘聚張永等蠱惑先帝黨惡為奸放
逐大臣陷害忠諫變亂成法盜竊名器并宜誅戮以謝天下得旨谷大
用丘聚降奉御孝陵司香張銳張雄張忠于經劉祥孫和劉養佛保趙
林馬英蘇縉劉奉周昂周惠疇王果皮得朱福減賈劉實執送都察院
鞠治魏彬張永聞住其弟姪義子人等官爵俱削者并依詔書查革○

命賜司禮監太監王岳范原官仍各降第姓一人錦衣百戶世襲
內侍劉瑾等八黨亂政岳范與大學士劉健等謀除之語洩瑾等矯命
杖岳范于內門遣發南京尋令人追殺之至是魏彬丘聚谷大用張永
敗上念岳范以忠死故有是命○罷後軍都督府右都督張舉舉太
監張忠弟也○詔逮擊吏部尚書王璦等下都察院鞠治時給事中張
九叙等劾奏大學士梁儲結附權奸持祿固寵吏部尚書王璦濫將
官依阿權倖巡撫順天都御史劉達巡撫宣大都御史審泉濫籍奸黨
貪財害民及戶部尚書楊譚兵部尚書王憲工部尚書李燧左都御史
陳金王璟巡撫保定都御史伍符工部左侍郎劉永右侍郎馮蘭兵部
右侍郎馮清巡撫甘肅都御史文貴巡撫兩廣都御史蕭珣掌太常事
禮部尚書劉愷禮部右侍郎張星俱庸陋不職御史李獻等亦上疏論
劾儲等而及禮部侍郎顧清巡撫四川都御史馬昊撫治鄆陽都御史

卷之一

毛理巡撫榆林都御史陳璘得旨王璦劉達下都察院鞠治審泉令巡
按御史執送京師顧清劉愷馮蘭馮清馬昊蕭珣張星陳璘並致仕梁
儲方乞休勉留輔政楊譚王憲李燧陳金王璟伍符劉永毛理文貴先
已自陳解官及論黜不復究是日王璦上疏言大學士楊廷和竊攬乾
綱事多專權擢其子慎及弟第一改其弟廷儀吏部侍郎曾不引退又
私其鄉人每每越隊美官庇其所私厚原任都御史劉澤按御史趙
春勸不當罪廷和不宜久居密勿請罷之以清政本上曰楊廷和孤
忠碩德朕所素知王璦既被論劾乃不畏公議撓拾妄奏非人臣禮下
所司知之○革後軍都督府帶俸鎮平伯陸永伯爵永太監陸閏姪也
○詔司禮監查奏起用故牽府典寶關順等初順與劉良陳宣窺見逆
濫謀為不軌赴京奏聞濫知之密賄朱軍戚賢欲得順等而甘心焉會
有旨發順等充孝陵官監淨軍乃得不死至是上疏自白其冤刑部議

覆上嘉順等忠義故有是命○詔為都督僉事馬雲葉旺立祠遼東
歲時致祭雲旺洪武初為龍虎上將軍奉命由登萊渡海至遼安輯軍
民遼人相率歸附遂開遼東都司及遼左等衛比卒遼人多尸祝之
而未有祠至是義州衛舍餘許澤等疏乞立祠致祭以崇報功之典禮
部覆奏上許之○禮官議上與獻王王祀稱號初上命多官集議
禮部尚書毛澄請之內閣大學士楊廷和出文獻通考檢漢定陶王宋
漢王事授之曰是足為據異論者即奸邪當斬時有舉人張璁隨就禮
部侍郎王瓚具論皇上實入繼大統非為人後與漢哀帝宋英宗事體
不同璁以為然廷和因令言官指摘璁失調南京禮部事以侍讀學士
汪俊代之至是毛澄等會同多官上言漢成帝立定陶王為太子立楚
孝王孫為定陶王奉共王祀時大司空師丹以為恩義備至今皇上入
奉大統當別立與獻王後以主祀事宜令益王第二子崇仁王厚炫襲

卷之二

封奉祀又宋英宗以濮安懿王之子繼仁宗時知諫院司馬光議曰秦
漢以來有自旁支入承大統推尊其父母為帝后者皆見非當時取議
後世臣以為濮王宜尊以高官大爵稱皇伯而不名程頤論曰為人後
者謂所後為父母而以其所生者為伯叔父母此天地大義生人大倫
也要當揆量事體別立殊稱若曰皇伯叔父某國大王今皇上既入嗣
大宗承天地宗廟社稷宜稱孝宗皇帝為皇考改稱與獻王為皇叔父
與獻王妃為皇叔母以崇仁王為與獻王後宜改稱與獻王為考王妃
為母益王及妃稱叔父叔母議上上曰父母可移之乎此事體重大
其再議乙卯廷和等上言考之前代入繼之君追崇所生皆不合典禮
惟宋儒程頤漢議最得義理之正今多官引以為據皇上採而行之真
可為萬世法惟與獻王祀今雖崇仁王主之他日皇嗣繁衍仍以第二
子為與獻王後改封崇仁王為親王則天理人情兩全無失澄等亦如

廷和議因備錄程願議以上 上復命博考典禮務求至當廷和等又言考之三代以前聖莫如舜未聞追崇其平生父瞽瞍也三代以後賢莫如漢光武亦未聞追崇其平生父南頓君也惟皇上取法二君則聖德無累聖孝有光毛澄等復上議武宗皇帝以神器授之皇上恩德無比傳所謂有父道焉者特以兄弟昭穆之同不可為世故止稱皇兄孝廟而上稱祖曾高以次加稱與獻王雖于皇上有罔極恩斷不可以稱諸孝廟者稱之因復錄魏明帝詔上之○命營建大行皇帝山陵勅武定侯郭勛督造○召致仕大學士費宏入閣辦事復其第編脩家官初宸濠謀為不軌宏首發其奸其請復護衛宏峻阻之乃為宸濠所嫉未幾解官去宏亦罷歸至是給事中徐之鸞等紀功江西言宏謀國盡心而宏亦未聞大過不宜終棄吏部覆允故有是命○命立宋丞相陸秀夫祠於鎮江府歲時致祭從巡按御史葉忠之請也○五月命增京城

卷之一

內外巡捕馬軍四千員名以署右都督桂勇充泰將督領之勇號令嚴明稽察有方由是盜賊屏息京師肅清○日精門災禮科給事中邢震等以日精門災又久旱不雨請修舉實政以回天意 上嘉納之仍令禮官擇日禱雨既而未及禱而雨降 上喜命官告謝天地及社稷山川之神○鑄造雲南土官衙門信符金牌及海外諸夷勘合給之用改元年號也○加南京禮部侍郎章懋尚書仍致仕令有司時加存問懋時年八十有四○勅召提督南贛汀漳兼巡撫江西右副都御史王守仁馳驛赴京先是守仁以父老祖喪疏乞暫歸省養未報至是得旨王守仁擒斬亂賊平定地方朕蒞政之初方將諭功行賞所請不允其勅令亟來京○詔錄先朝得罪諸臣贈故兵部員外郎陸震太常少卿工部主事何遵刑部主事劉校俱尚寶卿刑部照磨劉珪刑部主事大理評事林公輔行人司副余廷璣俱太常寺丞行人詹軾劉堅孟陽李紹

賢李惠俱監察御史仍各賜祭廕一子送監讀書原任脩撰舒芬等詔各復原官諸臣皆以正德時諫南巡獲罪陸震等校死餘各削職除調○詔立宋將岳飛祠於湖廣武昌府有司歲時致祭從湖廣撫臣秦金請也○命吏部左侍郎無翰林院學士袁宗皋赴任供職宗皋本典郎右長史先奉諭陞今官以病未赴故命促之○錄從龍功擢署理正高哲太僕少卿紀善周紹少詹事兼侍讀伴讀吳大田太常寺丞餘各陞加有差○詔封雲南大理府新興等礦場不得妄啟○改禮部尚書掌詹事府事石琚為吏部尚書時吏部尚書王瓊被論劾繫訊故以琚代之○勅遣官存問大學士劉健仍令有司給餼米天役復其孫原庶官○大學士梁儲致仕儲乞致仕 上察其誠懇許之特賜勅給驛以還遣官護行仍廕子若孫一人為中書舍人有司月給廩米與夫○詔復江西南昌知府鄭獻職初宸濠以私隙奏獻不法被逮疏官至是職上

卷之一

疏自白刑部具列其事以聞故有是命○上大行皇帝尊諡曰承天達道英肅睿哲昭德顯功宏文思孝毅皇帝廟號武宗謹按禮官會議帝諡曰首出庶物天挺英姿即位之初躬親政理詔令之下究極民情嘉惠進士之科申嚴武舉之選安起維城囊生藩鎮命將出師歷罪致討大憝既獲誓宗載安几席之晏憚于頃刻蕭牆之變撲之斯須內外無患神武不殺蓋有之矣人方為慶天未悔禍盜賊滿野流亡在途自青兗以達兩河由楚越而西蜀數勤大將累發內兵授成等於九重收全勝於萬里此則武功之再見也粵自丁丑訖於庚辰屬邊境之不寧致皇輿之遠狩天戈至止月捷頻聞日斂所臨風烟頓息豈意南昌之地復為逆犯之衝流言外聞甚於管蔡之惡奸黨內應急於具楚之謀六飛親征萬軍齊發曾無亡矢之虞遂收除孽之功茲豈人為實有天助此又武功之屢見也自

古帝王必有文德以興炳蔚之教必有武功以振恬熙之風漢之武帝唐之太宗皆以聰明果毅蹈厲發揚風欲振殊俗而威遠夷親耿光而揚大烈以今方之殆同條而共貫也

咸寧侯仇鉞卒鉞由寧夏前衛指揮充本軍遊擊將軍正德四年以擒逆潘真鏽功封咸寧伯七年以勦流賊功遷侯爵至是卒鉞始與真鏽連謀既而見鏽起事倉卒度其無成遂反戈攻之因以成功拜爵其孫繼嗣侯後竟以逆誅○詔京城內外非營軍遇卒不得挾弓矢○勦陞吏部侍郎兼學士袁宗皋為禮部尚書兼文淵閣大學士入贊機務宗皋疏辭上曰卿學行老成藩邸効勞年久內閣重任特茲簡命宜勉副朕意不允辭○以魏國公徐鵬舉奉祀孝陵兼掌南京前軍都督府事○召起致仕太子太保左都御史彭澤為兵部尚書兼官如故戶部尚書孫交復原職右都御史林俊為工部尚書各遣官齎勅徵之令即

卷之一

十

日馳驛來京○策貢士于奉天殿賜楊維聰陸欽費松中等進士及第出身有差先是以武宗南巡故庚辰禮部會試取中舉人張治等三百五十人未經殿試至是禮部尚書毛澄請以五月十五日引赴廷對時大行在殯就西角門引見行禮免傳制唱名并恩崇宴百官素服侍班樂設而不作○錢寧伏誅寧家世不知所出幼時鬻為太監錢能養子冒錢姓正德初逆瑾用事能結納之寧因得見毅皇帝寧為人僕役柔倖善伺察迎合大被寵幸賜姓冒功陞錦衣千戶瑾謀逆事露寧以計免尋陞都督掌錦衣衛事典詔獄恣肆無忌引樂工減賢回面人于承及番僧等昵比為奸請於禁內建豹房日侍毅皇帝遊嬉娛樂招權納賄偽旨傳陞各邊將官所得金珠以數百萬計時宸濠久蓄異志寧得濠重賂因與圖復讐屯田且日伺朝廷動靜泄之濠濠謀今世子起關為立儲地軍為畫計及濠反乃捕寧下獄雜治獄未具會毅皇帝崩

卷之一

十一

上即位用言官言令亟正寧罪于是刑部會鞠以聞命即磔於市餘黨咸伏其辜家產沒官海內稱快○六月詔賞各邊官軍上諭禮部朕即位之初重念守邊軍官勞苦宜加賞發遣官各給銀二兩予是禮部會同兵部戶部查覆遼東前州宣府大同山西陝西寧夏延綏甘肅諸鎮官軍共三十七萬一千九百員名給賞銀七十四萬三千三百二十二兩○陝西賊田迪陳克已率金魚等聚眾為亂流劫邠州等處巡撫都御史鄭陽計平之○江彬伏誅彬萬全都司蔚州衛指揮使也性黠悍然實無他才累正德壬申以大同遊擊隨總兵官入討畿內盜賊事寧乃要結錢寧入豹房時毅皇帝好武彬因時談兵事且高自稱許遂有寵賜姓朱與毅皇帝同計起武時擢虎為樂文取遼陽宣大延綏四鎮兵入內教場操練都人號為外四家彬復白立西官廳自為提督益樹黨援引邊將神周李琮等同入豹房朋奸讒誘導駕駐宣府與建

上嘉二臣精忠大節卹典加厚○命縱內苑所畜禽獸仍禁天下不許進獻○田夷于承死於獄命易首於市籍其產○詔論吏部尚書王瑒罪威死戍邊初正德間經畧都御史彭澤以金幣賂土魯番滿速兒易哈密城及金印城印未獲而澤即言事平乞歸遂召澤還京理都察院事既而滿速兒知我撤兵故不返城印更要索無已且遣奸謀出入肅州兵備副使陳九疇偵知之悉捕下獄滿速兒怒以萬騎寇肅州遊擊肉寧出禦敗績九疇恐城中夷謀有變悉斃諸夷甲者并斃哈密都督失拜煙峇九疇潛結瓦剌夷酋大破番落三城滿速兒遁失拜煙峇子米馬兒黑麻入貢居京聞父死突入鳴冤兵部尚書王瓊乃發澤欺罔及九疇激變表師狀逮繫廷訊幾殺澤澤大學士楊廷和營解得免仍削籍九疇為民及瓊被劾逮御史楊東中復言瓊先在兵部結納錢寧江彬假手於寧遂左都御史彭澤副都御史范鏞御史高公韶結事中石

卷之十一
十三

天柱崔彬內兄楊機子婦之父祝隆為恭將都指揮等官 上命法司加訊乃坐交結近侍論死言官復請宥之以全士體乃謫戍榆林○遣官存問大學士謝遷尚書韓文於其家○詔逮寧亦虎仙復論死先是哈密回回都督寧亦虎仙從土魯番回種也副使陳九疇大破土魯番因盡發寫亦虎仙數十年傾陷哈密奸邪坐謀叛論死既而刑部會訊脫寫亦虎仙死會武宗幸會同館寫亦虎仙因權倖得見上賜國姓從上南征至是復逮訊復論斬死獄中○秋七月大理寺辦事進士張璉上論大禮言孝子之至莫大乎尊親尊親之至莫大乎以天下養皇

王濮王之子當時成帝仁宗無子皆預立為皇嗣養之宮中是尚為八後者也故師丹司馬光之論施于彼一時猶可皇上以武宗無嗣入繼大統故遺詔直曰興獻王長子倫序當立初未嘗明省為孝宗後比之預立為嗣養之宮中者其公私實較然不同矣或以孝宗德澤在人不可無後夫孝宗誠不可忘也假使興獻王尚存嗣位今日恐弟亦無後兄之義大興獻王往矣稱之以皇叔父鬼神固不能無疑也今聖母之迎稱皇叔母則當以君臣禮見恐子無臣母之義禮長子不得為人後况興獻王惟生皇上一人利天下而為人後恐子無自絕父母之義故在皇上謂繼統武宗而得尊崇其親則可謂嗣孝宗以自絕其親則不可或以大統不可絕為說者則將繼孝宗乎繼武宗乎夫統與嗣不同而非必父死子立也漢文帝承惠帝之後則以弟繼宣帝承昭帝之後則以兄孫繼若必預奪此父子之親建彼父子之號然後謂之繼統則

卷之十一
十三

古嘗有稱高伯祖皇伯考者皆不得謂之統矣或以魏詔謂由諸侯入奉大統則當明為人後之義殊不知曹叡是時尚未有嗣其詔蓋防為外藩援立者此有為之私非經常之典可驟論乎臣愚豈敢導諛君上以自誤于不忠又豈敢昧于自獻以誤君于不孝惟聖明體察疏奏上覽之遣司禮監官送至內閣諭曰此議實遵祖訓據古禮爾何得虧朕楊廷和曰秀才焉知國家事體復持入 上熟覽之遂喜曰此論一出吾父子必終可完也 上英明好禮初謂廷議為禮制至是心知其非矣甲子 上御文華殿召楊廷和蔣冕毛紀入賜茶論曰至親莫如父母因授以勅曰卿等所言俱有理但朕同極之恩無由得報今尊父為興獻皇帝母與獻皇后祖母康壽皇太后廷和等退而上言皇上聖孝本于天性臣等雖愚夫豈不知禮謂所後者為父母而以所生者為伯叔父母蓋不惟降其服而又異其名也臣等不敢阿諛順旨仍封還

手勅既而御史盧瓊給事中史于光言禮部所議允合事宜科道交章
猶不俞允臣恐張璠或亂宸聽毛澄等因請戒諭張璠不聽○八月初
御經筵先是勅禮部曰朕惟恐學倫德帝王首務八月初二日宜御經
筵至是行之○命禮部議聖母入門禮儀初議由東安門再議由大明
左門上不從命由大明中門入謁廟朝議詳然以婦人無謁廟禮太
廟非婦人宜入張璠曰雖天子必有母也焉可由旁門入乎古者婦三
月廟見孰謂無謁廟禮乎九獻之禮后與焉孰謂太廟非宜入乎名之
不正禮所由失也○詔查革冒濫武職命兵科給事中夏言御史鄭本
公兵部主事汪文盛主其事言上疏謂皇上臨御之初首頒裁革之詔
痛官爵之冗濫念俸糧之費靡更化善治莫先于此所據正德元年以
來軍功冒濫官爵繁冗甚非祖宗之法祖宗開國立為武爵尊待有功
品秩之尊無過公侯伯者我高皇帝開天啟運佐命元功封公者六人

卷之一

十四

封侯者二十有八人文皇帝奉天征討克靖大難其所封拜亦不滿十
餘人列聖相承益切慎重未有中官弟姪封拜之濫爵賞之極如先朝
者宸鑑背逆實逆連結憤所致仇斌舉兵平定張永援為己功既而太
監谷大用馬永成陸閣魏彬等並受褒崇弟姪俱各封伯加陞都督都
指揮者不下數十人仰遵詔旨俱已查革合行追奪請為編民又
言正德年間巧立別名陞授職級應革者三千有奇旬月之間盡行查
革積年宿蠹一旦頓清蓋整錫將順之誠瘡成塞連之治上報可○九
月聖母至通州初上命備法駕儀奉迎禮部奏請用王妃鳳轎儀仗
不從命錦衣衛治母后駕儀奏西聖母至通州聞朝議以上為慈壽
皇太后子曰安得以我子為人子及從駕內諸臣迎見聖母曰爾輩已
極寵崇何與獻王尊禮猶未定也因留通州不入上涕泣啟慈壽皇
太后願避位躬奉聖母歸藩群臣惶怖張璠贊疏至左順門楊廷和知

之令修撰楊維聰偕庶吉士十餘人沮之曰是必欲與內閣爭耶聰曰
內閣誰為爭者焉有為禮使君上母子不得相接者乎遂上疏及大禮
或問以進上覽之留中○諭尊與獻王及王妃為帝后上勅禮部
曰聖母慈壽皇太后懿旨以朕承大統本生父與獻王宜稱與獻帝母
與獻后憲廟貴妃仰氏皇太后仰承慈命不敢同進○大學士袁宗皋
卒贈太子少保諡榮襄○庚午武宗教皇帝葬康陵○冬十月聖母至
由大明中門入上候迎于午門內入見奉先奉慈殿○兵部主事霍
輔上論大禮言議者謂皇上宜考孝宗以與獻王為叔父以崇仁王為
與獻王後臣以為此議者其故有三夫為人後者為之子之說由漢以
來或人深矣師丹程頤司馬光輩守此以誤當世今日臣子敢謂已之
賢智有過之者乎蓋拘前代故事也孝宗之嗣武宗一人而止武宗無
嗣孝宗一傳而止若遂行與獻帝尊封之典則聖母之至與慈壽太后

卷之一

十五

中官皇后何禮相慶萬有過差宮闈成隙蓋不忘孝宗之德也韓琦相
崇歐陽文忠足名一代議及濮王典禮舉世非之欲加之罪今日臣子
誰敢倡父與獻帝之說以取罪乎蓋避迎合之嫌也臣謂皇上于與獻
帝宜正父子之客于與獻后宜正天子母之禮於慈壽太后中官皇后
慶之有其道事之盡其誠于尊崇典禮錯綜斟酌直運諸掌而已時同
知馬時中監生何淵巡檢房濟各上奏時中言皇上入祀宗祧遠雖祠
墓崇奉之典不稱至意何以安乎必嗣統無混同之嫌父母盡追崇之
典乃為禮也淵曰聖考尊為與獻帝矣宜立世室以申時祭不然則安
陸祠速可躬祀乎聖母稱與獻后矣宜尊為皇太后以隆徽稱不然則
中官冊立可無別乎潘言春秋之義母以子貴父可知也以故漢專太
公史臣致議當尊不尊得為不為皆非禮也上令禮部知之○命工
部修理天地山川壇○加總督漕運都御史陶琰為戶部尚書仍兼原

職瑛辭不許。十一月諭脩武宗毅皇帝實錄命大學士楊廷和毛紀費宏為總裁官。金星犯鍵閉。乾清宮成先是正德甲戌正月災至是成。上自文華殿入居之。御史鄭本公上疏言乾清宮八年營構一旦落成陛下踐祚之初適與期會固居安之日亦當思危之時臣以為不必遠思惟即此宮而致其思耳。因陳事之可思者六而願以先朝為鑒。上嘉納之。罷廣西香貢仍徧諭各處鎮巡守備官凡額外之征皆罷之。初中官鎮廣西者歲以零陵香進費至二千金。上即位詔却請獻如廣西徵香貢如故至是布政使王啓等請并罷詔從之。詔立太公廟於青州城西有司春秋致祀從山東撫按官請也。贈興府故左長史張景明為太子少保禮部尚書兼文淵閣大學士景明山陰人事獻皇有輔導功至是其子元恕奏乞卹典。上特允之仍廢元光祿署丞。論平宸濠功封王守仁新建伯奉天翔運推誠宣力守正文臣

卷之二

十六

特進光祿大夫柱國兼南京兵部尚書恭愍穆毅支祿米一千石先是守仁擒宸濠奸倭江彬等請之百方而守仁叙功疏乃獨推王璉與執政左故父未行賞。上念其功乃命集議封之餘各陞賞贈歷有差謹按王司寇世貞皇明奇事曰文臣封伯雖前後十人然以戰功得者僅三人靖遠伯驥威宣伯趙新建伯王守仁耳皆王姓威名皆盛于諸伯云

十二月遣行人存問原任大學士王鏊楊一清賜之勅。除張璉南京刑部主事先是下璉大禮或問於禮部者詳大學士楊一清家居聞之寓書於吏部尚書喬宇曰張生此論聖人復起不能易也宇不能從至是除璉南部掌詹事石璉語之曰第慎之大禮說終行也大學士楊廷和令中書舍人張天保語璉曰子不應南宮第靜處之無復為大禮說難哉也璉曰吾難彼乎哉吾為禮而已。復遣御史十四人清理天下

軍伍先是兵部尚書王璉以地方災傷奏准停差令各巡按御史帶管至是以御史王完言復之。命取衍聖公孔聞韶五經博士顏重德孟元陪祀行禮以明年三月駕幸太學故先期取之。贈故東丘郡侯花雲妻邵氏貞烈夫人侍婢孫氏安人并與雲立祠遼東初邵氏同雲死陳友諒之難孫氏攜其二歲孤煒遇陳軍投江中依浮木得生未加贈祀故有是命。命議加與獻帝后尊號皇字楊廷和蔣冕毛紀費宏上言恐紊一代綱常拂萬世公論乃封還御批言陛下朝見與獻后時即以臣等愚見從容開導。上曰卿等所言朕已悉知但哀哀之情不能自已周極之恩報亦無方其承朕命復御批如前廷和等復言帝后之加尊稱已極若加皇字與孝廟慈壽並是忘所後而重本生任私恩而失大義臣等不得辭其責者願罷歸。上曰卿等所言皆大義朕奉昊天至情不必拘于史志可勉錄皇號母託為辭吏部尚書喬宇率百官

卷之二

十七

爭皇字不可加。上曰慈聖皇太后懿旨有諭今皇帝婚禮已命行其與獻帝宜加與皇號母與獻皇太后朕不敢辭爾群臣其承命。甘州軍亂巡撫甘肅都御史許銘蒞任後嚴禁武官侵牟士卒總兵李隆不得自恣已之又以戒餉失士心隆乃陰囑士卒王札二等倡亂嘯聚數千人以復餉為辭直入幕府執銘撲殺之焚尸燔公廨劫獄庫舉城大亂鎮守太監董文忠亟擒禮二鞠之得降喉使情陰遂殺禮二以滅口復令軍卒蘇秀等誣銘貪殘剋餉激變罪狀以聞

壬午嘉靖元年

春正月己酉朔上御奉天殿文武百官及四夷朝貢使行禮免致詞稱賀。禮科給事中熊浹上諭大禮言武宗皇帝臨崩重念社大計特請慈壽皇太后迎立陛下先時未嘗育之宮中立以為後如宋英宗故事則與獻王固陛下之父不得以濮王為比而陛下之繼武宗自祖

訓兄終弟及之文可據不得曰為人後者為之子也必曰為後而以繼嗣為名則陛下直繼武宗為之後乎抑追繼孝宗為之後乎武宗本無後而陛下以弟為之後孝宗已有後而陛下又越武宗而重為之後無一可者也且與獻王母妃無後陛下舍所當後而後他人抑帝后之尊稱附伯叔之疎屬援不必避之嫌割不容己之愛人情天理其果安乎夫禮以義起政由時異今殊爵顯賞加於藩邸舊臣不為過越而使至尊至親獨蒙舊號虛皇儀而不展此臣所謂舛也愚以為與獻王宜尊以帝稱別立一廟而徽號如恭仁康定之例以示不敢上躋於列聖加上慈壽皇太后及武宗皇后徽號而母妃則尊為太妃如慈壽之例庶幾統之義報本之恩並行不悖疏下所司知之○詔南京進鮮船隻不得再議增減初南京錦衣江淮等衛原設水軍馬快戰船永樂間遷都北京遂專以運送郊廟獻新及上供品物軍需器仗其後營運內臣假託虛增肆為奸利上即位詔革其弊進鮮船隻如舊例每起不過三隻南京兵部尚書喬宇因奏裁船數視弘治間減十之四正德間減十之七上皆從之至是諸監局內臣請乞如正德中例守備太監戴義以聞兵部執奏詔書既出不宜紛更得旨如弘治年例以後不許再議增減○丙辰金星犯牛宿○以上元節賜文武群臣假十日自後歲以為常○戊午水星犯羅堰星○清查南京錦衣衛旗校以冒濫裁革者二百六十人○己未大祀天地於南郊禮成駕還御奉天殿百官行慶成禮○清寧宮後小三宮災禮部尚書毛澄言皇上郊祀甫畢宮中失火密邇青宮變不虛生宜應之以實上曰天戒警惕朕心宜同加脩省大學士楊廷和蔣冕毛紀贊宏上言火起風烈人莫能救不可謂不出天意況迫清寧後殿豈非以興獻帝后加稱祖宗列聖靈神有未安者乎天意昭然可見給事中鄧綬曾主事高尚賢鄭佐復各論奏繼會

言火之為災陰極之變五行火主禮今日之禮於名曰恭於言曰通隆極變災臣雖愚亦知為廢禮之應尚賢言郊祀甫成即有清寧後宮之災意者興獻帝后之稱揆之于禮不能無疑復以皇字加之實為過越此上天示戒也佐言變攸之變不干他宮而于清寧之後不在異日而在郊祀之餘變豈虛生災有由召上乃姑從廷和等議稱孝宗皇考慈壽聖母本生父母與獻帝后不加皇字○詔羅穀備邊時給事中楊秉義言臣等奉勅行邊散賞目賄宣大二鎮村堡丘墟公私廩之倉俾有變西顧之憂今幸有年宜急發庫銀輸之款荆厲門諸關羅穀無事以給官軍月糧有事則應客兵支用會二鎮告警部臣亦有糧餉入邊之請從之○丁卯日色慘白無光黃霧四塞大風揚塵○詔革京通二倉中瑞館總督太監及臨淮徐德督監內臣從戶部尚書孫交之言也○工部上光祿寺歲增內用薪炭之數諭令官廚諸役務從節省無

小民○馬平盜發平之廣西馬平府融縣大盜周克亮聚眾萬餘僭號流劫總督都御史張嶺以狀聞即勅演徵兵勦捕久之乃平○兵部主事霍輜上三劄言恭遇嘉靖改元式符更化謹進三劄乞賜采納一言道問學修政事為先務在居處恭而信任大臣二言勤召問在數賦稅務耗官薄增減軍職冗濫及徵輸物料之類三言救積弊在除諸司吏胥弊蠹凡困民害政之事而尤有急者則在君臣之交宜遠法帝王厲歌告戒之風近法祖宗君臣同遊之盛上納之○大學士楊廷和等請差御便殿講讀上諭詰朝日講二月二日經筵○御史馬紀請設起居注官以復國初之制○詔臧歲供內府監課之數○御史朱衣疏陳時政缺失言君德莫先力行自治莫要改過近者群臣輩疏之進陛下御批有云知道了有云已有旨夫言知而不言行力行之息也言有旨而不言是非改過之吝也此兩可回護之辭不宜見于聖明之世

給事中邵錫亦言政令既出或半載即更奏請方行或朝月遂改聖德
幾千近習固是清于群議即如通者內府薪炭及官軍俸糧二事部臣
屢執而不從中官一言而遂決詔書不信中外傳駭新政之初宜有
此疏入報聞○二月詔錄妖僧財貨工部侍郎趙璣言大能仁寺妖
僧齊瑞竹正德間謀領聖書金印賞賚不貲遂命籍錄及玄明宮佛像
戮刳金屑一千三百兩悉給商以償宿負○命治甘肅太監王欣甘州
左衛千戶孫智等罪巡按陝西御史許鳳翔劾欣等尅減軍糧智等違
法事詔治其罪○丙戌白虹彌天○命孔子六十代孫舉人承震知曲
阜縣○以水災免河南開封府及汝州秋糧○虜犯遼東詔治鐵嶺衛
守堡千戶徐瀚罪時虜入寇瀚失于策應軍人陶原率眾赴戰死之詔
下巡按提翰問罪授原子官○詔詳定朝祭禮儀先正德末朝儀多廢
乃下詔禮部令定之于是禮部奏定朝祭諸儀凡入進班奏廢復命及
齋戒忌辰令節于告日期以及御史鴻臚官面糾疏糾各禮皆查復舊
例明示諸司永為遵守從之○三月丁巳上慈壽皇太后冊寶尊號曰
昭聖慈壽皇太后武宗皇后曰莊肅皇后戊午上皇太后邵氏曰壽安
皇太后與獻后曰興國太后壬戌詔曰自古帝王以孝治天下尊親之
禮其來遠矣仰惟聖母慈壽皇太后敬相皇考孝宗皇帝訓育皇兄武
宗皇帝爵有顯聞皇嫂皇后表正宮闈母儀有年重念聖祖母貴妃事
我憲祖澤蔭佑啟本生父興獻王聰明仁孝本生母與獻王妃莊敬僉
勤誕育彤躬丕承前烈謹奉冊寶上聖母尊號曰昭聖慈壽皇太后皇
嫂曰莊肅皇后又祇奉聖母懿旨上聖祖母尊號曰壽安皇太后本生
父母曰興獻帝興國太后大禮既舉洪恩誕敷布告天下太常寺悉周
璧奉詔南京諸張璠曰詔雖下聖心未備也○
議按史臣曰此初詔之誤也

禮部類奏災異 上曰四方災異頻仍朕心驚惕與爾文武群臣同加
脩省以回天意○命更鑄巡撫甘肅等處關防以甘肅兵亂關防被劫
故更鑄給仍增等處二字以別之○禁京師民造酒淮安民造麴以戶
部言其靡費五穀致米價騰貴也○詔發張家灣中東漕船應納通倉
糧米十五萬石給大同宣府邊餉從侍郎臧鳳給事中夏言之請也○
命順天府官祈雨時春分後雨澤愆期故有是命仍勅內外臣工一體
脩省○撫治商洛陝西參議陳鼎斬妖賊馬隆擒其黨戴世隆等陝汝
州鄭縣人其母李手有封文自號觀音老母隆詐稱首有盤龍左股有
日月二氣煽結世隆等聚眾劫掠自河南盧氏浙川流入陝西商南山
陽等縣所過焚掠勢甚猖獗至是鼎率官兵討平之○命查典國太后
經過地方迎護官給賞銀幣有差○復設雲南臨安府臨州流官知州
州舊有土官知州職專巡捕事則流官知州掌之正德初土官祿傳陰
貽逆瑾罷革流官遂交通勅勒州十八寨強賊為害捕得誅亡其子祿
世爵復以罪論死撫按因請罷土官仍設流官吏部議覆從之○命
內外總督糧運官嚴禁科取分例時巡倉御史劉寓生上言天下衛所
運糧四百萬石常額外加耗有曰太監茶果者每石三厘九毫計用銀
一萬五千六百兩有曰經歷司曰該年倉官曰門官門吏曰各年倉官
曰新舊軍斗俱每石各一釐共計用銀一萬六千兩有曰會錢者上糧
之時有曰小盞免銀者俱每石一分共計用銀八萬兩又有曰救解面
銀者每石五釐計用銀二萬兩率一歲四百萬米分外用銀一十四萬
餘兩軍民膏血安得不困竭也乞痛革宿弊以蘇漕運困苦戶部議如
所言請申飭禁例故有是命○南京工部尚書蕭蘭之致仕 上優詔
許之命有司歲給糧米與夫○遣官詣安陸上興獻帝尊號先是傳諭
內閣興獻帝冊文朕宜稱于大學士楊廷和等不可言以子自稱非所

以後孝宗承祖宗之統既復諭宜稱孝子廷和等復不可言陛下考孝宗承祖宗之統于本生父自難稱孝子冊文又稱以長子入奉大統則本生之情愈明乞免從正禮至是遣官詣安陸上與獻帝尊號以太監溫祥督禮儀成國公朱輔恭上册寶禮部侍郎賈詠題神主題曰興獻帝神主不稱考及叔亦不著子名。上耕籍田。命祭教坊諱戲禮科給事中李錫言南郊耕籍國之大禮而教坊承應闕然喧笑殊為褻瀆古者伶官賤工亦得因事納忠請自今凡遇慶成等宴例用教坊者皆預行演習必使事閑國體可為監戒庶于戲謔之中亦寓箴規之益命禁之。上幸太學祭酒趙永講書帝曰俞允若茲一章司業吳惠講易時乘六龍一章講畢宣諭賞賚有差先是孔氏子孫孔彥龍等乞觀幸學禮許之。詔諭定策功封楊廷和蔣冕毛紀俱伯爵給與誥券子孫世襲爵宏廕子指揮駙馬都尉崔元進封侯爵皇親太傅壽寧伯張鶴

卷之二

二二

齡加太師禮部尚書毛澄太子太傅太監張錦等九人承奉等官二十七人皆授太監加祿廕官其部寺臺諫各賜金縢有差。大學士楊廷和等疏辭封爵許之給事中張九叙等上言陛下入繼大統實屬倫序楊廷和蔣冕毛紀特以職事章遺詔實違祖訓非敢擬之而後定也以爲元功進封伯爵恐非廷和等所敢當貴宏起廢贊佐朝政遇亦奇矣若蔭子錦衣亦非宏所敢當漢有定立順之功泰建桓之策紀綱大壞唐有門生天子定策國老之名禍不可言臣等恐主威漸以不振也御史汪淵等上言陛下之有天下倫序當然人心共屬松議無所容人力無所為廷和等何與定策功夫侯伯非開國之勳不可遽封錦衣衛官非汗馬之勞不可輕授今官爵可及于爛羊祿賞及輕于獎穉乎主事霍輶言學士封伯不可自今日始禮科給事中許復禮等亦言宜聽辭免上從之。給事中張紳請預泊入番驛廩先是正德中北虜太師

亦不刺殺小王子畏其子報仇走涼州與阿你禿厮等萬乞我曠土住牧守將難之亦不刺怒大掠堡砦往西寧外境攻破安定王族盤據西海其子麻八台復侵番落兼有西土列咂眼班板丹打力諸部漸掠西境至是紳乃上言西土諸番南距松潘西跨甘肅周匝千里土廣人稠國初廢以爵賞啖以茶利匪徒藉其互市亦漢人斷匈奴右臂意也今虜乃併有諸番踰秦隴則可以窺關中出階文則可以向劔外其不為膏肓之疾乎昔吐谷渾以遼東鮮卑西并諸羌遂為隋唐歷世患况虜既有定穴而復兼以富強之種落乎及今不治為患不細章下所司。宜府鎮卒作亂給事中許復禮言邇者廣西蠻寇河南礦賊洮河黠虜並肆陸梁甘州之變罪狀未明而宣府之亂復爾效尤乞議畫一之法以嚴控制之權。命嚴漕運軍船戶兵二部會疏漕運言國漕歲四百萬石領運十有二總共領衛所一百四十旗軍十二萬六千八百人淺

卷之三

三三

紅一萬二千一百四十艘近來漕規盡弛軍亡紅獎恐誤大計疏入命總督漕運都御史嚴報整飭之。夏四月起用工部尚書林俊未至復改刑部尚書。江西寧州地震。詔諭廣東看守珠池太監不許干與庶幾高雷等地方事。詔定各邊軍馬器械令巡按御史閱視畫圖帖說以聞著為令。潘吳松江訖工初廷臣言東南水利以吳淞江白茆港為首乞設官顧治之乃以巡撫蘇松都御史李允嗣為工部尚書領其事潘之以通于海興工于辛巳十月至是訖工凡為工十有一萬二千五百三十三前後閱七月云。擢吏部左侍郎羅欽順為南京吏部尚書。詔起陳九疇為倉部御史巡撫甘肅初九疇為王瓊所摺論死繫獄久之得釋及瓊謫戍彭澤起入兵部久欲理九疇之冤未之及至是甘州事聞廷舉代許銘者累以九疇名上從之乃以九疇為倉部御史以往給事中許復禮御史王鵬等各言許銘被殺隆等亡恙宜遣按問彭

澤謂宜檄巡按案數仍促九疇亟往體訪已而巡按陝西御史喻茂堅按治李隆以私憾殺許銘之罪移牘都察院言許銘欲振紀綱而撫馭少恩禁戢總旗而寅恭未協李隆等雖無故縱之情難免嫁禍之罪首惡王禮二父已梟示見囚同亂六十餘人志在得餉原無他謀宜免窮治彭澤請切責李隆及副總兵李義守倫支永太監董文忠等仍促九疇公行覈報。南京兵部尚書王守仁疏辭伯爵不許守仁言臣之所不敢受爵其說有四一不敢叨天之功謂軍藩之敗非人力所及乃天心厭亂啟陛下中興之業二不敢掩人之善謂大學士楊廷和尙書王瓊有先事禦備之謀發縱指示之功三不敢襲下之能謂首從義師自伍文定而下多捐軀戮力之人乃今將士之賞尚多未稱四不敢忘已之耻謂世受國恩謀當重任不可冒昧貪進據非其分疏入上諭云卿倡義督兵勦除大患盡忠報國勞績可嘉特加封爵以昭公義宜勉承恩命不允所辭

卷之一

二四

謹按霍公韜奏疏曰江西功賞御史黎龍有言江西之事不難于成功而難于倡義此論約而盡蓋宸濠初反海內震驚江彬弄權四方離析内外人心多懷觀望故若王守仁伍文定謝源伍希儒劉源清張文錦楊銳輩必皆肯棄九族然後肯倡此役故論功固宜首王守仁伍文定而謝源伍希儒則別公差非有地方之責者使二臣不預其事入亦莫罪其非謝源乃甫到南安未會守仁先檄兩廣伍希儒亦于吉安同為守仁所奏留蓋皆協心比義共獎忠勤者也賊威功成江彬張忠妬忌守仁之功首倡異論曰守仁實同賊謀又曰寧賊金寶俱諸臣消戰一空隨任紀功給事御史黨奸扇說附和其後蓋將謀孽守仁輩而傾之也後以守仁名望素著不能瑕玷而謝源伍希儒獨當其辜夫不論動王倡義之功聽貝錦雌黃之口以文致其

罪而黜之二臣貶謫不足重輕第恐視天下忠義之魄後世難為公忠任事之臣耳惟乞大賜明斷洗雪二臣之謗以勸忠良

南京戶部尚書胡富卒富績溪人歷官大理卿正德初忤逆瑾勒致仕瑾誅起任戶部屢疏裁冗食祛風弊事多阻于權貴乞休疏六上始允至是卒贈太子少保謚康惠。巡撫湖廣都御史席書薦大學士致仕楊一清可使經畧西北邊上命待缺起用不必煩以邊事御史張欽上言臣見言者多薦一清陛下綸音特允誠求舊之典但輔相不以才識為先而以誠實為貴一清多知典故洞曉事情此其美也而昔事先帝招權納賄無至誠感動之實宜為酌處疏下所司○五月錄開國功臣韓成孫鳳翔為冠帶舍人月食米一石

卷之二

三五

廟後錄鳳翔冠帶月米有加于昔宜其感激面報也歟

命復設兵備副使于密雲饒州汝寧南陽等處各鑄給關防賜之勅從兵部會議添設也○封駁馬都尉崔元小山侯壽安太后弟邵喜昌化伯興國太后弟蔣翰南伯○命設安陸祠祭署以皇親蔣翰子榮為奉祀官行禮先是治中王槐奏言與獻帝廟在安陸宜設祠祭署立奉祀官庶歲時享獻不忒故有是命給事中底蘊御史沈灼等各論奏蔣崇異姓神不歆非類禮部復請以崇仁王襲封與王主祀不聽○六月命禁安陸闖入第姪授錦衣官上從彭澤議禁勿陳乞以挽國是著為令○諭警報日講經筵併免午奏大學士楊廷和等上言臣等叨官輔導義難緘默切念人君一心關係最重養之以善則智若聲色貨利一動于中妨害政事不可勝言伏望皇上宮中無事不廢讀書以涵養此心編修湛若水亦疏陳豫戒逸遊以謹君德願聖明以端居靜思為

本以溫習奉求為業以敬天事親為職以勤政親賢為務而舊德老臣如楊廷和宿望如孫交林俊及九卿大臣時賜召問以興敬畏之心擢內臣老成端謹者給使左右以取承弼之益 上嘉納之○南京吏部尚書王華卒華餘姚人為人才識宏遠堅特方正嘗忤逆瑾傳奉致仕子守仁論瑾逆逐守仁顧素敬華不遽遷怒間令人諷華就見華竟不往○奪虜入寇自井兒堡入花馬池大掠固原平涼涇州西安鳳翔上切責提兵等官兵部尚書彭澤請身自巡邊料理不許溫旨留之○南京禮部尚書章憲卒諡文懿憲蘭溪人志行高潔有凡嗜好不入其心臨事決斷悉據經援古居官不過十年歷俸僅三考難進易退士高其節○大學士劉健卒贈太師諡文靖健洛陽人骨相奇古學問深邃宏才偉識行淳履正早際聖明晚罹奸佞進不盈移退不窘戚為近世賢輔○召起南京御史李熙為饒州知府初逆瑾擅政熙以言事械

卷之十

七

繫于京被重刑落職又以劾二府貪吏復行南京廷杖三十南京禁衛父不行刑為熙選卒習杖數日杖之幾死至是詔起用之轉浙江副使卒于官○秋七月詔御用監歲徵物料如弘治例○詔諭安陸州及京山縣田租留贍修葺陵寢吏卒諸費其衛卒原發廣西備值者供守陵之役免徵發○大同軍士告糧率眾詳謀欲為亂提督侍郎戚鳳巡按御史張欽捕首惡張的祥等疏請置之法詔誅首禍者五人以徇次調極邊哨守餘悉令諭安堵○已巳南京大風雨拔木飛瓦宮闕城垣民居傾毀工水湧溢漂溺死者無數○刑部尚書林俊請內官有犯下法司治先是內臣犯法屢詔免逮問惟下司禮監治俊言官中府中宜為一體諸內臣所犯宜下法司明正其罪如罪之不當自宜廢不法之官不宜廢祖宗之法報有旨○八月諭封孔母劉氏奉聖夫人官嫗孫氏保聖邢氏莊奉顧氏蕭氏俱夫人○事中底蘊等言加恩太濫 上

以累朝舊典如此令如前旨行○加錦衣千戶邵憲指揮俞事冠帶會人邵玘百戶以壽安皇太后族屬也○令廣東江西商貨納稅自北而南者於南安自南而北者於南雄不許違例重徵從戶部議也○詔定武舉式騎射四矢以上步射二矢以上策論如故中式者免分等第緊陞署二級○賜故御史馮顯主事劉天麒諭祭二臣正德中俱為逆瑾誣害顯自縊死天麒貶貴州驛丞死至是吏部奏復其官併乞優恤故有是命○廣西夷目黃諤等作亂先是上思州僑為土官治所中更設流官土人嘗為亂諤等聚眾攻州欽奪其印都御史林廷選捕謬下潯州府獄已而越獄復率眾攻州官軍禦之乃詐降副總兵張祐不為信詔復攻破州城守臣走都御史張嶺等以狀聞并陳督兵會剿之策兵部覆議報可仍命巡按御史查先年致謬縱脫者逮問治罪○福州衛叛卒曹宗德唐清黃英及管操指揮陳傑皆伏誅先是傑步卒進貴業

卷之十一

七

元保與宗德等謀為亂傑知而不禁貴等遂糾三衛卒數千餘人以布政使伍符使損糧價為名圍符官舍縛其子及經歷顏王備極慘辱鎮守及三司官撫諭稍戢未幾復亂圍鎮守府守臣募兵擊之斬貴元保宗德清英潰走守臣以聞傑止坐守備不設律論戍邊至是巡按御史汪瑯捕得宗德清英請逮正其罪因發傑縱賊構亂狀論死 上命併傑誅之宗德等仍易示○遣行人齎勅存問大學士劉忠從巡撫都御史李之嗣奏也○命大名府元城縣儒學廩膳生員陳萬言為鴻臚寺卿給與應得誥命以將冊立萬言長女為後故也既而勅兵部鴻臚寺卿陳萬言陞中軍都督府都督同知妻其氏封夫人給與誥命如勅奉行○山西太原府地震○禮部上大婚六禮儀注○詔釋江西提學副使李夢陽先是夢陽有詔罷歸值歲暮陽春書院成遣人乞詩夢陽與之漫敗御史周宣劾其交通叛逆逮至京師驗治無狀刑部奏請釋之

○兵科給事中史道疏請遏弊端保終舉固人心以凝天眷事言正德年間陛下在藩邸時聞政事之日非未嘗不惕然懷恨迨夫天眷一德聖明入繼實善罰惡風飛草靡凡一切除舊更新之事駸駸然漸進於孝宗之朝矣奈何新美方張舊影隨射前車已鑒覆轍猶存雖著除惡之名而漏網之吞舟尚偷生於天地雖下種車之詔而壞法之故事不旋踵而尋復如舊牧騰驤軍伍不許驗審壩上等處馬匹不許點查鷹新等項船隻而加增人夫之數法司未結人犯而奪付鎮撫司問理皆非祖宗之成法獨取大監賈保闕洪戴義之言而尚書彭澤等都給事中許復禮等之執奏則不之聽修撰呂柟因事進言而不容御史黃國用舉正冒詐而被罪大學士楊廷和等請復經筵而以罷之一字批荅豈優遇元輔之禮尚書彭澤林俊昇止復匠役而以且不查究等言見報豈推誠圖任之心卒墮以未勘之事而降職注淵以無名之罪而罰

卷之一

又

俸謫何棟於方外迄今未極輿情聲陳嘉言而下獄恐後難伸心事葛景盧佐等殃民刻骨御史陳實據招來則但付之不問劉允張陽等負罪通天御史王完指實劾奏迺以遇赦而饒爵賞多施于無功法令未行於權要凡此之類皆為先朝極弊之政陛下乃復為之乎臣嘗思之由弘治而入于正德也難由嘉靖而入于正德也易武宗承孝宗之後易陛下承武宗之後難況乎過來各處累以災傷奏報而三邊俱有緊急聲息且加以潢池草竊在在逸發白晝殺人大肆剽掠中軍乏智勇之才武備無飛揚之氣時或師旅一與糧糧隨缺士馬負飢不戰而屈其安危難易之事尚未可以預定也使于此而猶以先朝極弊之政因循牽制而不能以義斷之臣恐由今以往天下事殆有臣子所不忍言者豈不大可畏哉既而又請去遺奸以快人心奏言司禮監太監魏彬為江彬之黨二彬依倚為惡江既已擒魏何獨存上皆嘉納之

○詔加御史孫燦副使許遠之子正千戶世襲御史趙允上言二臣當逆濠之變抗節不屈折以危言至于臨刑罵不絕口忠義激烈心迹昭然今陰子止千戶似于報禮未稱詔各加正千戶世襲○詔兵部郎中黃華為南京大理寺丞未幾卒贈太理少卿華初疏諫武宗南巡縛下獄鉗校于廷五日三訊杖百餘幾死而甦除名時工部主事何遵抗疏救華言不宜殺諫臣語亦剴切優江彬彬愈怒并下連干獄榜掠瀕死復罰跪廷杖逾二日竟死至是亦贈尚寶卿蔭子世守國子生○勅諭兩京文武群臣以南京奏報猛風暴雨損壞郊社陵寢宮闕城垣溺漂大江舡隻衝塌沿江居民房屋朕心祇懼莫究其端意者政事乖違刑罰不中民困未甦國是未定以致上干天和昭示譴告朕方痛自省過爾群臣同加修省以齒修復其被災軍民之家各遣官巡視量行賑卹○九月冊立陳氏為皇后遣定國公徐元祚告天地武定侯郭勛

卷之一

十

告太廟成國公朱輔等持等奉冊實行奉迎禮○詔遣星等成邊副都御史劉王劾奏宸濠妃婁氏親族助逆罪在不赦廣信知府周朝佐訊獄未盡其事上怒朝佐遠謫婁星等以邊○南京工部右侍郎吳廷舉乞休不許廷舉以南京災異故乞罷因勸請勤學修政親賢遠佞日覽大學衍義以為法戒之資上賜溫旨褒留之○冬十月詔登載皇莊及勲戚田土命兵科給事中夏言御史樊繼祖主事張希尹勘之先是正德年來奸猾無藉之徒捏稱湖蕩等項無人之地投獻近侍執要之官具奏建為皇莊逼近居民多被侵奪官校校務橫害軍民失業盜賊生於上在藩服已知其弊至是給事中底蘊奏請查數上聞惻然即勅遣言等查勘自正德元年以後贖贖技獻及額外人言盡行查出給主召佃原係皇莊解部領進係勲戚者赴部關領管在人員盡數取回令屯田官主之言等勒報順天八府各領莊田地土計二

十萬九百一十九頃有餘。退還侵佔民地計二萬二百二十九頃有餘。其十九萬七百餘頃名稱皇莊。亦非國體。因列皇莊創立之始。及莊甲武斷培植之害。皇店皇糧。罔利之非。乞盡革。以洗宿弊。各官莊田。宜改為公祭園。親蠶。餘糧官地。太監趙鼎。建昌侯張延齡。奏討草場莊田。俱叅劾禁止。詔崇程朱之學。禮科給事中章儵。上言三代而下。論正學者。莫如朱熹。近有倡為異學者。大率取陸九淵之簡便。而以朱熹為支離。好高務名之士。群然從之。宜嚴禁。以正士習。御史梁世鏢。亦以為言。禮官議覆。二臣之言。深切時弊。有補風教。上然之。曰。祖宗表章六經。勅崇正學。欲成正大光明之業。近來士習。詭異文詞。艱險有傷治化。行督學諭。禁自今教人取士。一依程朱之言。不許妄為不經之書。私自傳刻。以誤正學。命戶部發帑銀二十萬。遣官賑卹。應天湖廣江西廣西災傷重大處。仍各蠲免稅糧有差。御史劉廷鑑。疏請法祖宗勤政。

卷之二

二十九

事以親儒臣言。文皇帝御左順門。晚朝畢。面諭近臣。勉以隨事匡弼。毋但面從。仁廟賜輔臣楊士奇等。絕筵糾諫銀圖書。皆有故事。上嘉納之。十一月庚申。壽安皇太后崩。楊廷和等議哭臨。一日喪服十三日。而除。文移兩京。不以詔天下。上不從。命仍二十七日丙寅。禮官奉讀素服。御西角門視朝。上曰。朕哀慕方切。豈忍遽從所請。戊辰。遣司禮監太監戴永。詣安陸廟。以太后崩告。與獻帝又遣監丞蕭洪。告收惠王。雍靖王墳。二王皆太后所出。獻帝同產弟也。御史唐鳳儀。請諭令各省分巡。分守官。務遵歷郡縣。察民冤抑。與革利弊。歲終還司。不如令者。撫按叅奏。撫按徇情。聽科道糾劾。上從之。十二月甲戌。上壽安皇太后尊諡。勅禮部曰。朕祖母壽安皇太后。夙事皇祖。誕生興獻帝。肆致躬躬入承大統。方隆尊號。期享遐齡。孝養未終。奄忽遽棄。追惟懿德。宜有徽稱。乃上尊諡曰孝惠康肅溫仁懿順協天祐聖皇太后。逮繫兵。

卷之二

三十

科給事中史道下詔。獄時道外補山西僉事。上言臣頃在諫垣。嘗指目大學士楊廷和為漏網元惡。草劾欲上。為廷和所覺。遂出臣外任。臣無狀。恐一旦得禍。以憂臣母。惟陛下下賜之致仕。全臣母子微生。因以原奏封上。且言廷和交通逆濠。誣附錢寧。江彬。納賄專權之罪。且云。先帝自稱威武大將軍。廷和未嘗力爭。今于興獻帝一皇帝。一考字。乃欲以去就爭之。實為欺罔。廷和疏辯。因乞致仕。上慰留之。以道挾私妄言。摧辱大臣。命吏部叅看。因逮繫治罪。丁酉。上始御奉天門。朝見群臣。仍令不鳴鐘鼓。兵科給事中夏言。疏請遵祖訓。以端政本。言臣伏讀祖訓。有曰。凡庸耳目不偏聽。所以防壅蔽。而通下情。又曰。朝堂決政。衆論稱善。即與施行。大哉。皇言。萬世宜守。頃緣先朝權奸蒙蔽。言路不通。紊亂政本。養成禍機。如先年劉瑾。捏寫旨意。既已伏誅。而近日錢寧。家又復搜出題本。四十餘件。江彬。沮抑邊情。本一百三十六件。司禮監隱藏不報。本數百件。似此欺蔽。可為寒心。臣以為本源之地。不治則末流可憂。乞陛下奉天法。祖總攬乾綱。明白達聰。大開言路。勅令御前紀事。給事中二員。朝罷赴左順門。會同司禮監官。交接章奏。紀其數目。以防壅蔽。上納之。詔禁治將官。罔利營私之弊。御史張鵬言。有不材將官。報納糧草。則占窩轉賣。而令貪卒包販。開支帑藏。則任意漫漁。而以空文出納。召商中鹽。則通同起免。而斗庫官橫得以上下其手。甚至巡卒之口糧。死馬之草料。皆寄名見在之籍。而乾沒入己。軍儲虛糜。邊政大壞。議下。所司詔撫。按嚴加禁治。兵科給事中夏言。疏請實邊儲。以防虜患。言今宣大二鎮。漏弊已極。有如虜騎內侵。京軍駐劄。竊恐餉不繼。無壯敵之資。諸書不充。非屯兵之計。昨提督軍務侍郎戚繼光。乞運漕糧數十萬石。以濟軍餉。可謂老成慮。知所先務者矣。或者以為漕糧不可輸邊。京儲或虞告乏。臣以近日所單。冗濫食糧不下十餘。

萬若指數月減省之資足濟一時急切之用斯為不費宜在可行議下
所司。詔起邵清為監察御史初清以教職擢御史正德初皇親張延
齡恃恩奏人負錢若干縷有旨與追清曰御史朝廷耳目之官可為人
索私債即會通瑾擅政索清賄不入矯旨捕清榜刺數十罷歸瑾伏誅
毛臣追訟其冤至是特召之。○兵科給事中夏言疏請崇廉抑貪以勵
庶官言三年朝覲國家重典皇上御極之二年實惟天下朝覲之期正
治道作新之機人心趨向之會宜申飭令典賢能者宜舉祖宗賜衣錫
宴之禮貪敗者宜追奪誥勅及追見任俸錢令糴穀上倉以備賑濟使
貽識鄉里以示耻辱則貪穢知所懼而御史朱寔昌亦條陳考察以裨
新政四事其一謹覈實謂保薦考語須博訪精密其二表賢能謂吏有
循良者賜宴禮部不次超擢其三制度謂考滿之後任滿當考者出
取親供不必回任給由其四均勞逸謂京官宜外補而以方面之賢者

卷之一

三

入補卿寺畧如漢刺史入為三公唐宰相出領方鎮之意 上是之。
詔逮繫李隆請京訊治巡撫甘肅會都御史陳九疇奏言李隆獄使鎮
卒後燬許銘楊淮對簿有據宜寸斬傳首九邊以正國典部議請械隆
來京訊治從之。○大學士王鏊疏謝存問因上講學親政二篇大要欲
復高皇禮賢館仁宗弘文館及古內朝之法 上覽奏答云卿輔佐先
朝志存匡救朕在藩邸已知卿名新政之初方將起用賢奏具悉忠愛
至意。○命追浙江鎮守太監劉璉等所坐職初從巡按御史何鉞奏也
○嘉靖二年
春正月癸卯朔山東礦賊作亂時王鏊等二十人掠劫東昌兗州諸郡
流入河南歸德至考城縣指揮趙泰等三十餘員官軍八百餘人死之
巡按御史任洛以聞時 上不豫百官赴闕問安 上傳旨朕躬已安
大臣免候問山東盜賊亟宜用心平定于是禮科給事中汪應軫疏陳

弭盜之策言弭盜大畧不過安之勝之安之之策推擇守令而勝之之
策則有六離間賊黨一也收用豪傑二也振塞險要三也開糾告奸四
也明賞罰以勸士五也分首從以招降六也且弭盜之法與禦夷不同
禦夷之法逐之境外而已弭盜而縱之出境是以鄰國為壑也請為定
例凡一方盜起彼此玩視不即撲滅以致出境流劫則兩處鎮巡一同
坐罪報可輸月賊亦平。○應天鳳陽山東河南陝西地震給事中黃臣
上言太監蕭敬久竊重柄復開傳乞之門地震之變職由斯人乞速罷
逐不報。○大學士楊廷和請釋史道于獄言道有老母隨養京邸今道
胃不測之罪臣切憐之乞曲賜矜全以慰其母俾道改過自効 上云
卿忠誠體國正大光明史道挾私誣罔取罪卿更為陳乞具見奉公任
怨休休有容之量俟朝明自有處分復遣中使賜以羊酒走和疏謝仍
溫旨慰之。○兵科給事中夏言疏請杜內臣傳乞事時太監梁恭為司

卷之一

三

禮太監戴義故乞典姪男戴錦戴俊職級 上命典錦衣副千戶言上
言陛下御極首下明詔凡先朝諸色人等轉陞乞陞大小官職盡行裁
革先朝之傳乞陛下既已革之今日之傳乞陛下又何為而從之先後
矛盾首尾衡決帝王重一之政似不如是奏入不報。○巡撫河南都御
史何天衢請建周公廟于洛陽令守臣春秋致祭以報經營洛邑之功
又登封縣有觀星測景二臺乃公遺跡土圭表漏且存乞勅欽天監委
官考正制度尺寸書之史冊報可。○二月會試天下舉人命大學士蔣
冕堂詹事府事吏部尚書石珪為考試官取李舜臣等四百人。○遣順
天府官祭宋文天祥。給事中黃臣疏請章奏下閣票擬時都察院請
差御史巡鹽批荅稍誤臣因上言我朝設立內閣處以文學之臣凡百
章奏先行票擬今使內閣處代言之職中貴驕專擅之奸關係匪細漸
不可長容臣封還原本以重命令疏入即加批如制。○丙申孝惠皇太

后附葵茂陵先是楊廷和上言茂陵左右不可與工致有震驚之嚴機
汚之氣憲祖在天之靈其能安乎既而遺賈詠相地廷和復以為言詠
曰當附雖有之難免不當附雖無之難為至是附葵。禮部尚書毛澄
致仕。除言官獨劾大臣禁先是給事中章喬論兵部奏擬平宸濠功
次冒濫尚書彭澤卿之因論澤因史道訐廷和遂言廷和輔道君德贊
理萬幾典喬宇同心協德仰承恩命而奸佞小人假言責而橫行使客
勿大臣引嫌求退甚非國體乞勅臺諫糾劾大臣必會章交彈不許懷
私復怨風聞妄詆其臺諫必咨訪老成識體者居之尤聽宦官約束
上遂令禁言官獨劾大臣至是御史汪珊上疏奏云言路開則人情通
而世治言路塞則人情鬱而國危王氏重罪言者新莽勢成林甫杜塞
言路祿山禍起彭澤不導上以三代之盛而務為拒諫之計即史道諫
劾廷和縱有未當失在一人耳可因而遂杜人言乎御史曹嘉疏言御

卷之二

三三

史道廷和則嚴旨切責廷和疏辨彭澤阿奏則溫言褒獎是大臣其能
擅威福以移主柄黨大臣者真能取容悅以惑聖聰非高皇不設宰相
之意也給事中李學曹言高皇帝設六科以關聯六部舉正欺弊列十
三道以彈壓百僚事得專達所以崇耳目廣聰明也必如澤言會章交
彈萬有邪險之黨潛阻其中是奸臣終無舉發之端矣澤又言掄揀臺
諫宜得老成則臣等俱當奪官乞盡罷免以舒澤忿。上乃命臺諫
劾如故毋自疑阻除言官獨劾大臣之禁廷和連疏乞罷。上溫旨留
之。○三月青州盜起壽光縣知縣孫峻討平之時盜唐經劉冠等起樂
安時犯鄰縣壽光孫峻謀知之預選勇士守備乃召召所選士為正兵
又調集市民為疑兵夜襲賊巢賊身自督士士殊死戰遂擒斬經等餘
黨悉平巡撫陳鳳梧上其功命發銀幣擢為兵部主事。○謫御史曹
嘉等外補嘉劾奏吏部尚書喬宇言字感揚一清汲引之恩謫疏推舉

及濫廢內閣書役劉榮之子諸事宇上疏乞休。上慰留之嘉又效范
仲淹上百官圖一曰資望願久可備任用者林俊石瑄孫交汪俊劉王
陶琰李時董玘二曰欽東寡過足供職守者毛澄金獻民周倫何孟春
李鉞鄒文威戚鳳張濬姚繼巖張雲張衍瑞劉麟張九叙溫仁和豐熙
三曰人品庸衆尚堪策勵者趙璜十四人四曰行檢早汚速宜削出者
張子麟十四人此四者進退倚伏之間治亂安危所係也給事中毛玉
因劾嘉不當品第大臣宜賜罷斥從之時疏出閣閣手御史向信又言
史道倡為異說以惑人心曹嘉衍為評品以犯公議皆事關閣鼓之
也宜速黜以快人心劉廷鑑劾閣道嘉三人結為黨友立異邀名放言
誹詆危間忠良宜重論以法乃謫史道為金縣丞嘉為茂州判官閣為
象自縣丞御史盧煥為錄胡劾才給事中趙廷瑞言茂州金縣皆屬荒
番而象自尤非人所居人皆云閣等至彼不死瘴毒必有現望小人承

卷之一

三四

旨而殺之者一時遂三言官已非美政况有不可言者乎不報。廷試
賜姚梁王教徐階等及第出身有差。諭令修省時父早風霾禮部左
侍郎賈詠請修省禮科給事中安磐因上言九旱風霾變不虞生天覆
豈陛下明有所蔽歟早豈陛下澤不下究歟開歲以來法官不聞露禱
之誠外廷不下求賢之詔非所以承天地而子萬民也。上嘉納之命
止齋醮及一切興造不急之務。○辛酉南京神樂觀火。遣使詔諭安
南國王黎嗣賜以綵幣行至龍州聞其臣陳嵩叛明遇害立嗣從子諱
為王其登庸復叛遂誅走海濱使命不能達而還。○金木二星晝見。
○殞霜殺麥。夏四月命宋儒朱熹裔孫野為五經博士婺源奉祀。○命
議與獻廟祀典太常寺卿汪舉言廟祭宜用十二運豆如太廟儀。上
允之禮部上請運豆已同太廟至于樂舞宜上下有等。上命會議侍
即賈詠等言正統本生義宜有間樂舞殿容禮可無別八佾既用于太

廟安陸廟祀似當少辨以避二統之嫌。上命樂選用八佾即中余才
奏言先用十二籥豆始于汪舉之導說遂致樂用八佾其漸不可長也
南京給事中鄭慶雲等上言與獻帝于孝宗分則君臣而樂用八佾能
免僭上之嫌乎皆不聽既而命制安陸廟樂章迎神曰太和初獻曰壽
和臣獻曰豫和終獻曰寧和微饌曰雍和還宮曰安和乃設典樂官。
刑科給事中張嵩疏陳諫天戒三事一保聖躬言。皇上春秋方富屢
見違和頤調護周慎親幸有節二崇正道言太監崔文感上齋醮拜奏
青詞請火其書斥其人而親近儒臣日臨講讀三務實惠言蠲租詔下
征求如故頤崇儉節冗責有司以從實蠲免報聞。逮繫主事羅洪載
于獄錦衣百戶張瑾索羨凌人洪載振効之瑾故哀懇乞受答洪載答
之瑾遂以違法撻錦衣衛官奏聞。上怒命逮訊給事中劉濟尚書林
俊孫交各疏救不報因各求退。上慰留之。閏四月命停齋祀大學

卷之一

三五

士楊廷和等疏諫齋醮言行香拜錄之勞孰若移之以御講進修齋設
醮之費何不移之以周貧困乞斥遠僧道停罷祈禱之事喬宇等言登
極降詔首正法王佛子國師禪師之罪體訪內府宮觀出入誘引之人
裁革善世真人爵號折毀新建寺宇和正之辨了然乃一旦遽信用妖
幻煩勞聖體此不可之大者給事中鄭一鵬言一醮之費金錢萬餘以
月計之不知幾萬而天災時變月無虛日京師之民裹席行乞母子裸
而餓死邊境之士荷戈執戟日夜苦而不得食奈何徇倖幸之言而飽
僧道之腹願改西天殿為寶訓殿以貯祖訓西番殿為古訓殿以貯奏
疏經筵之暇游息其中壽何以不若堯舜治何以不若唐虞。上命天
時饒饒齋祀暫輟。禮部尚書致仕毛澄卒贈少傅謚文簡澄崑山人
歷事三朝忠勤敬慎始終如一論事侃侃不為依嬖有古大臣風。命
加典獻帝后尊號皇太子楊廷和等執不可貢士陳雲章奏言大禮誠考

孝宗則陛下無父與獻帝無子而武宗之統無傳安可誣孝宗絕武宗
而使與獻帝不享宗廟乎。上復御平臺召楊廷和蔣冕毛紀贊宏授
以手勅面諭加皇太子廷和等退而上言親承天語諄諄無少疲逸之色
曷勝感戴第奉迎之初正統本生講論已定聖心固已洞察豈復得不
顧義理徇情行之哉。五月大旱自去冬不雪入春風霾迨夏益甚時
京師復雷震觀星臺。上命群臣言時政得失御史奏武言皇上近日
以來或以養子而冒闡聖之封或以內臣而奪司寇之職吏部之銓除
阻撓既多法司之律令更易殆盡勅自中出而政府不得贊其詞法以
私行而六曹不得據其志經筵則屢日告罷禱祀則不時修舉此天所
以示異也南京給事中彭汝實言邇者黃風黑霧春旱冬雷天變于上
者屢矣地震泉竭揚沙雨土地變于下者屢矣群小漸長盜賊公行草
妖不異人物之變屢矣昔人云怒予之天猶可為也志予之天不可為
也今燕閒虛費于女寵腹心委託于貂璫二虞諸張竟爾縶死李隆蘇

卷之一

三六

也今燕閒虛費于女寵腹心委託于貂璫二虞諸張竟爾縶死李隆蘇
縉猶得無恙鎮撫以報復而寢辱主事羅洪載內監擄私益而執解巡
檢鄭景貴崔文狐媚豎群枉之赤幟將輪奐食為戚里之貂璫此皆失
政之大而不能銳意修車何望天意之回人心之感疏入不報。詔修
宋臣韓琦范仲淹祠于延州建故吏部尚書王恕祠于三原。六月有
星孛于天市給事中周御言紀元以來災異迭見乃者星孛中天光芒
特異陛下亦思自省乎曹嘉以彈劾過直置之不問可也乃率級遠颺
而連及疑似之閹閹獨不為求言計乎李隆陰以私情誅殺撫臣即軍中
斬之可也乃淹時經勘若將為之地者獨不為死者慮乎崔文屬養訓
民付之虐尉可也乃歸之鎮撫司獨不為履霜戒乎人事一失于天下
變遂應于上良可畏也。詔贈南京御史蔣達光祿少卿先是震澤之
變達出軍江上以勞遘疾卒至是贈官諭祭從其子舉人嶽請也。命

江西有司春秋致祀晉處士陶潛於彭澤從都御史陳琳奏也。○命以孟子五十八代孫公肇暫襲五經博士公肇故博士元之姪元有子公祭尚幼故以公肇權領祀事候公祭長仍襲前職。○以江彬錢罕入官房及故保安寺改為燕山府軍等衛凡十五所。○詔復像直江都二縣官塘初二縣有官塘五區築閘蓄水以溉民田後蒙民規以為業古蹟廢壞真揚之間運道梗阻御史秦越奏請復之。○詔增順天府廩膳生員二十名每年貢二人。○雲南曲靖衛舍人胡晟妻生一男兩頭四手三尺。○秋七月詔賜故大學士劉珙祠額給事中劉棋上言珙立朝守正不阿至其孝事父母廬墓感有瑞麥嘉禾之祥鄉人號其所居曰仁里立祠祀之乞賜祠額命有司歲時致祭詔從之。○浙江定海等衛空中有聲如雷風雨大作地大震城礮盡毀。○山東大水。○詔贈故興化知府岳正為太常寺卿正在先朝由修撰簡入內閣卒以忠直忤權奸

卷之一

三十七

謫戍既而召還史職復坐諛出知興化府遂卒至是給事中趙廷瑞言正高風直節守正被害宜加恤典故有是命。○淮安徐楊大水漂房屋六百家溺死八十餘人。○大學士劉忠既謝存問因陳正身致治之道其要在於畏天命尊祖訓正聖心勤聖學進君子退小人無以逸遊而欲荒縱之源無以宴安而忘憂勤之念無溺声色以弊精神無嗜禽酒以昏心志無以徃直觸忌而為言路之罪愆無以請謁陰行而致號令之中止無聽甘言以絕邪佞之誘無納諂口以防深厚之欺惜賞賚以節民財罷土木以蘇民力仍望皇上時御文華召輔臣各校筆札令其疏而京九卿長貳之賢能各省撫按藩臬之卓異且於九卿長貳及撫按藩臬之來朝者不時宣問其容屬賢否軍民利病如輔臣例亦聖王清問下民意也奏入褒其忠愛。○刑部尚書林俊致仕先是崔文廟奉李陽鳳謀管城卒需索工值御史劉黼發其奸狀工部尚書趙璜執送

刑部訊之而文私囑俊求免俊不從遂誣上移獄鎮撫司俊執不發文乃以抗旨劾俊。○上怒切責俊謝過乃免既而永平知府郭九皋為奸徒趙紀誣許受賄故勒殺人東廠尚書景賢請逮繫時九皋已移守臨洮乃就臨洮逮之給事中夏言等論救不聽俊乃言治道宜攬大綱恤大體九皋既貪且忍猶不可以天子而侵有司况以單辭而遽命梟衣對簿便以謬誣枉死其不傷聖德乎不報俊乃稱病乞休許之俊復言聖明在上朝多君子而臣子將歸之言願賜採納乞召宣大臣如孝宗故事每事必與臺閣共議而行。○上嘉之命馳驛以歸。○李隆伏誅初上聞許銘之死有激發語至是獄上論斬。○上猶疑其枉復命多官會鞠又遣法司錦衣官詣甘肅訊給事中劉濟陳時用各疏李隆情罪已明速宜正法而再三訊勘徒滋遷延。○上曰朝廷不憚三覆正重刑獄公聽斷以正國法耳何以遷延徇私奏擾也大理卿鄭岳性勤無異

卷之二

三十八

始誅隆。○日本貢使大掠寧紹諸處時國主源義植幼聞無道國人不服政在大夫諸道爭貢左京兆內藝興遣僧宗設來貢而右京兆細川高亦遣僧瑞佐來與宋素卿偕先後至寧波素卿故勤人朱澄從于叛附夷人正德間來貢守臣嘗發其事主客以素卿正使釋之市舶故事凡番貢至者閱貨量席並以報至先後為序時瑞佐後至素卿奸狡通市舶太監饋寶賄萬計太監令先開瑞佐貨宴又令坐宗設上宗設不平即席間與瑞佐忿爭相擊殺太監又以素卿故陰授瑞佐兵仗助之宗設眾強益闖燬堂劫庫逃瑞佐至姚江臨紹興府城索瑞佐不得殺掠至西靈山洋殺總督僉倭指揮劉錦而去浙中大震。○永福長公主于歸時孝惠皇太后尚未小祥而長公主上以是月甲午于歸恭懷親部上初見儀注謂駙馬當四拜主坐受其二給事中安磐等言昔唐衛山公主適長孫氏太宗之服未除于志寧以為不可高宗從之今孝惠

皇太后延几未徹是也。宗能以禮處其妹陛下不能以禮處其姊也。閭閻小民有期之喪不娶嫁嫁况朝廷乎且駙馬雖賤而公主坐受其拜夫婦之禮亦甚卑謬舅姑之見禮尚未定乞加裁酌以復古道。上云：婚期原奉遺旨禮儀如故。八月河南諸郡大水南京禮部尚書秦金等以災異上言陛下臨御未幾政漸弗終天心仁愛特示警懼登極一詔百度惟貞邇來舉措背馳萬民失望詔令不如初矣即位初罷逐奸回任用耆旧邇來師傳重臣咨詢疎闊任賢不如初矣即位初聽言如流邇來事干戚宦九卿臺諫執奏不從聽納不如初矣即位初釐革倖位邇來官戚侯伯錦衣陳乞日多憤惜不如初矣即位初馬匹牛羊悉令朝更夕改旋而允從旋而報罷持法不如初矣即位初禁黜左道科道嚴計後因奸邪濫奏遂寢前旨恤民不如初矣即位初禁黜左道邇來修設齋醮瀆費官庭禁邪不如初矣即位初神氣精明邇來聖體

卷之二
三

違和天顏漸改攝養不如初矣有一于此皆足以召災未可以為過然之數而不加之意也夫陛下初政所以清明者政出公朝左右不能預也今政不能如初者政在左右公朝或不知也政不可一日不在朝廷權不可一日移于左右自古帝王制馭天下惟操此術不然內廷外朝之勢隔而信任有所偏宦寺女謁之情移而聽受有不察名為總攬權實下移矣章下禮部汪俊深以為然。詔進封張鶴齡為昌國公陳萬言為泰和伯子紹祖為尚寶寺丞加慶陽伯夏臣太子太保王田伯將輪從子泰清景俱錦衣千戶吳振威百戶于是給事中張原御史王璜上言鶴齡不宜封公萬言封伯太驟其子不宜世官尚寶夏臣不宜兼官保蔣翰一門二指揮三千戶而吳振威以戚里瓜葛冒官錦衣非祖法也不報。詔賜戚畹陳萬言宅命工部亟為修葺尚書趙璜奏論貽制萬言訴于帝謂為營繕郎中葉寬所主。上怒命繫寬訊問璜惶懼

失措輸罪乞恩以免言官申救不報。大學士楊廷和十二載考績加太傅疏辭不受。大學士致仕劉忠卒忠陳留人性峻行方集合一介不苟時逆瑾惡其於講筵指斥近倖乃改南曹久之及瑾誅始召入內閣復與張永不合遂乞致仕至是卒贈太保諡文肅。工部侍郎具廷舉請以罪人贖金下常平倉備賑從之。署欽天監事光祿少卿華湘疏請以歲差改曆言自昔聖王承天御極必以治曆明時為先夫曆之來由黃帝訖秦秦末九六改漢高祖訖漢末九五改由魏文帝訖隋末九十三改由唐高祖訖周末九十六改由宋太祖訖宋末九十八改由金熙宗而訖元末九三改一曆之改每每廣集眾見思無遺智法無遺術宜其永久不變然歷代長于曆者不數歲而輒差杜預曰陰陽之運隨動而差差而不已遂與曆錯歐陽修曰事在天下其易差者莫如曆所以差者由天周有餘日周不足也天周有餘則天常平運而舒日周不足則日常內轉而縮天日之差于中星驗焉堯時冬至初昏昴中在虎七度今冬至初昏室中在箕六度計未四千年已差五十度自至正辛巳改曆每歲差一分五十秒至今差三度六十四分五十秒洪武中博士元統言我朝曆法雖名大統實沿授時之舊年教漸遠天度漸差洪武距至正一百四年歲差尚爾況至今已二百四十三年可無脩改以合天度乎御史朱節諫薦臣知曆學改官于茲乞初禮部延訪知曆理如楊雄善立差法如邵雍沉潛智巧如許衡郭守敬者令詳定歲差以成一代之懿制不報。禮科給事中沈洪比類曾朱嘉例請賜吳公言偃子孫奉祀改建廟祠所置祀田議准建廟置田之請。逮緊給事中劉取中下獄譴戾先是崔文以禱祀惑上僭益內帑而兩貴賢任千戶陶淳羅縉縉紳賂賄邪究因劾奏文抵拾以辨。上以嚴執奏無據出為廣德判官御史黃德用候以符檄乘傳行時有類如璜同

卷之二
四

行以黃袂果裝景賢何即奏遣逮繫下獄所司具獄上降旨嚴編成如瓊除名國用遠謫給事中劉濟言罪至戍遣亦重矣敢等罪不至此故為苛法何以示天下且緝執于羅織之門鍛鍊法武夫之手而裁決于內降之旨所失不小不報。九月泗州洪澤聚有盜舟道路為梗兵部尚書金獻民請命巡撫胡定督勦從之。冬十月刑科給事中張原劾奏建昌侯張延齡恣橫不法之罪時延齡強占小民孫名土地名訟于法司不受理于是原論奏乞痛加裁抑章下所司。十一月詔以早安免蘇松常鎮等府稅糧有差及應天廬楊等府暫停徵所欠馬價。○奉安孝惠皇太后神主於奉慈殿遣太監張忠詣安陸告廟。○南京刑部主事桂萼上正大禮疏先是巡撫湖廣都御史席書疏言禮官之議舉朝是之臣未敢以為是也繼之議舉朝非之臣未敢以為非也昔堯以天下傳于舜舜繼堯統未聞不以警服為父舜以天下傳于禹禹繼

卷之十一

舜統未聞不以伯鯀為父故天下者天下之天下祖宗之天下孝宗不能私議者比之宋事竊謂英宗入嗣在袞衣臨御之日皇上入繼當官車宴駕之後比而同之似或未安故皇上嗣續大業非繼孝宗之統繼武宗之統也非繼武宗之統繼祖宗之統也以皇上承繼武宗仍為與獻王子別立廟祀總賴之議未為迂也然舜禹雖父其父未嘗尊其父以帝稱則禮臣執素亦未為失但禮本人情皇上尊為天子而父母無尊稱于情難已故追所生日帝后此于武王之追王雖續承之緒未狃而追尊之心未遠今惟定號皇考與獻帝立廟大內祀以天子之禮則大統正而昭穆不紊至愛篤而本支不渝尊尊親親並行不悖矣吏部員外郎方獻夫亦草疏言陛下之繼二宗當繼統而不繼嗣與獻之具群廟在稱帝而不稱宗繼統者天下之公三王之道也繼嗣者一人之私後世之事也與獻之得稱帝者以陛下為天子也不得稱宗者以實

未嘗在位也請宣賜朝臣改議布告天下稱孝宗曰皇伯稱與獻帝曰皇考別立廟祀之則合人情當名實矣二疏皆具草未上至是與二議合乃言今禮官以皇上與為人後而強附末世故事咸武宗之統奪與獻帝之宗識者莫不曰孝宗有武宗為子矣可復為立後乎武宗完神器授皇上矣可不繼其統乎今舉朝之臣未聞有所規納者蓋自璵額上議論有指為干進故達禮者不敢遽論其誤遂因循至今日願陛下速發明詔循名考實稱孝宗曰皇伯考與獻帝曰皇考而別立廟于大內與國太后曰聖母武宗曰皇兄則天下之為父子君臣者定至于朝議之謬有不足辨者臣見席書方獻夫皆以具疏迄今未奉宸斷豈皇上未經覽耶抑二臣未果上取謹并錄二臣之疏以聞疏奏。上云此關係天理綱常便會文武群臣集前後章奏詳議尊統合行典禮以聞吏部尚書詹曠等上奏言古今未有無父之廟然必以孝宗為考而

卷之十一

後憲祖之大宗為不絕律凡為人後者為本生父母降服宜以聖祖律文為法不聽。○大學士楊廷和致仕廷和以大禮不合時上復命內臣蘇杭織造部議地方饑饉不必遣官給事中曹懷張原等各諫止不聽命廷和撰勅廷和疏言蘇杭諸府四月以後亢陽為雪入秋以來霖雨不止饑窘非常正供不給淮楊徐邵田廬漂沒切糴計斤而鬻母子墜水而死若更重以織造恐激他變勅書必不敢草上怒其執拗切責之廷和復言臣匪敢執拗所執者祖宗之法歷考洪武永樂下及天順並無有此惟成弘間一行之可謂織造為累朝故事乎遂移疾乞休乞之。○十二月賑濟南京屯牧軍餘。○吏部侍郎何孟春以歲不登儉漢魏相條奏八事一引澆執相之言請禁止奢靡一引唐陸贄之言請慎重賞罰一引宋王禹偁奏請減百官俸皂一引范鎮奏請裁革冗費一引蘇轍奏請廣聽納一引范仲淹奏請勞來安撫江淮百姓一引唐

剛奏請州縣不許過糧一引趙汝愚奏災傷州縣預免來歲稅錢疏入

上云制祿奉嚴朝廷常典文武官俸勿減餘如議○司禮監傳旨莊

奉夫人弟校尉邢福海肅奉夫人弟小旗顧錦授錦衣世襲正千戶福

海錦復奏乞見任管事兵科給事中夏言論奏本朝令典曰武職非軍

功不陞曰文官不計封公侯所以重汗馬之勞勵忠勇之節邢福海顧

錦平日不列行伍未經戰陳有何勞効一旦官以五品侍從之職更令

子孫世襲平竊意刑顧二夫人之在藩邸雖曰供奉年多稍有勞勩然

于今日遭際龍飛充陳大內荐蒙封爵之榮渙加名號之美後宮寵渥

分已逾涯所貴持身謙降用能長保君恩不當緣寵驕矜輒復廣希恩

澤伏乞聖明亟賜追寢勿以私昵害天下至公疏入不報○兵部尚書

彭澤罷以金獻民為兵部尚書○以王煥為應天府尹初應天列郡

留都府監部幸咸所倚辦歲役冗濫不可勝計煥至悉心經理以息繁

鮮苛為務盡奏聞裁革不避怨咎既而因災陳言七事一論兩縣殷

實人戶冒入神帛堂者乞查復原籍當差一查革九庫人夫一

論內官監自有各色軍民人匠其後借撥餉銀銅絲膳盒等匠俱不應

役止納銀兩已是額外之征今復加增民何以堪竊謂借撥者宜照旧

裁革新添者宜亟從停止一論龍江水馬驛額設紅站紅隻原奉欽依

不許常川占用今內府巾帽局監仍要應付常川大缸乞旨取斷一論

神帛匠及陵戶園戶不應全戶優免又論絲綿戶給錢不便齊庶人府

額外支請及罷種馬均田賦輕荒稅皆切時病每一奏下民歡呼若更

生百餘年積弊前洗殆盡明與言治應天者以煥為首

皇明嘉隆間見紀卷之二

甲申嘉靖三年

春正月丙寅朔南京地震有聲先是自前月下弦地震雷電日不絕

至元旦復大震南京禮部侍郎劉瑞言地震不于他所而獨于南京不

于他日而于立春元旦凡有耳目莫不駭愕蓋南都天下之本而軍民

又南都之本本安則天下安因條消弭六事欲發帑藏免進賦督賑濟

修祭告謹戎備端大本疏入上嘉納之○論免上元節宴○丙子五

星聚于營室光祿少卿署欽天監事樂護上言自古五星之聚莫不有

大禍惟視人君德政淑慝何如耳占書云五星之聚是謂改易王者有

德受慶子孫繁昌無德受殃失其國家百姓流亡故聚房周祚以昌聚

箕齊桓用霸漢興聚井宋盛聚奎天寶聚于尾箕而唐德弗稱旋有祿

山之禍皇上聖德中興五星適聚宜益修聖德愛養黎元以承大慶占

書又云天下兵謀則五星聚營室凡內修外攘以銷夷狄盜賊之謀者

尤宜加意章下禮部尚書汪俊覆言正德間權奸用事蠹耗無餘皇上

起而救之遣大校艱付託甚重拯溺亨屯求望尤切宜任老成斥群小

崇敬畏戒逸欲以為祈天永命之本其他禱祀祈禳不宜輕信以啟倖

門傷治體至于足國裕民必先儉約端好尚慎差遣重爵賞戒興作儉

以數年生理可復而國用有餘矣上納其言○諭免慶成宴初制如

祀畢宴諸大臣名曰慶成時以災歉令免修撰唐鼎言祭祀禮重郊丘

君臣情通宴享帝王所以報本始篤慈惠也皇上潛升百度維新而臨

御三年君臣未同一日之宴誠為闕典乞深惟大報之典光昭威儀之

儀不報○詔命婦入親與國太后時與國太后千秋日命婦各奉箋祝

賀宴齊倍常○命開西北水利時大理卿鄭岳言臣勘事陝西道經饒

內河南見太行西倚潼關東繞懷衛北極燕薊水皆東注南入于海廬

易澤沱琉璃潭名衛沁洛遷其大也宜令瀕水開田築堤鑿渠平疇無水者量濬畝澮或為陂塘下通水泉上蓄雨潦每府增置通判一人以江左諸水利者居之督率郡邑專理農事數年之後皆為沃壤章下所司議請行之○禮部尚書汪俊會多官上議桂萼議禮之非先是楊廷和罷俊請請之廷和曰我去矣俊曰公去誰與主者適主事侯廷訓勸小宗大宗之說作大禮辨過示群臣俊得之喜輒據宗法論天子禮曰敢違議者斬因會文武卿寺等官上言祖訓兄弟及指同產言皇上為親弟武宗為親兄自宜孝宗母昭聖前後章奏惟張璁霍輶熊浹議夫推尊之非莫詳于魏明帝之詔稱親之非莫詳于宋程頤之議而桂萼之徒肆言無稽情罪可惡疏入上云還參衆論再議初武定侯郭勛之與是議也謂俊曰此關係重大宜折中不可偏執俊與力辨遂

卷之二

二

至大詬給事中張紳等三十二人御史鄭本公等三十一人各抗疏如部議上責其朋黨亂政修撰唐皋奏言陛下當考所後以別正統隆所生以備尊稱上責其阿意二說俱奪俸于是俊等更議于興獻帝后上各加一字以全尊稱不報○二月楚代二府上論大禮楚王崇派以儀賓沈寶疏上奏曰今之大臣孰不欲皇上取法唐虞惜其未舉堯舜之事以復皇上者按祭法有虞氏祖顓頊而宗先未嘗不以瞽瞍為父也夏后氏禘黃帝而郊鯀鯀雖凶德猶得享于郊者以為父也以是知聖賢之用心矣夫子焉而不父其父不可以訓宜聖心不安于此也今當考興獻帝別廟祀之代府長史李錫復奏曰高皇兄終弟及之訓慮至深遠由孝宗以及興獻帝然後及陛下則聖考聖母宜隆尊稱不辨自明南京都察院經歷黃綰上言陛下有仁孝之心而臣下不能因之擴充乃牽合宋漢王不同之事強陛下考孝宗而減武宗兄弟相

傳之統絕與獻帝父子罔極之恩父子君臣皆失其道不幾于三綱淪九法數乎錦衣衛千戶聶能還奏言比者儒臣欺罔置興獻帝無祀臣以武夫姑以武臣襲贊言之無嗣者必及弟姪未有不封其生父母者也而况陛下天下大君乎疏入上益心動遂有召桂萼等之意矣○詔逮繫給事中鄧繼曾于錦衣衛繼曾言近日中旨多戾經典悅邪說之誦媚則賜褒命惡師保之抗言漸加放黜時如正德可謂極弊尚未有如今日之旨可駭可嘆者若出自聖翰亟宜收回如群小所為宜速加顯戮上大怒逮繫鎮撫司考訊給事中葛鵬御史林有孚申林不聽繼而命勿具獄請補外○詔禁內外官交通藩府上從之命有宗藩地方勸履平濠功次因言內外官不宜交通藩府上從之命有宗藩地方大小官員但交通納賄者撫按官指實奏聞○詔增應天府庫膳生員二十名從御史陳伯諒請也○命內官監太監張準提督九門巡視城

卷之三

三

牌兵部尚書金獻民上言額外冗員宜為停止不報○南畿諸郡大饑人相食巡按淮陽御史朱衣言民迫饑餒父子兄弟夫婦之間多相殘賊發婦劉氏食四歲小兒百戶姚臣王堂以子鬻母軍餘曹洪以弟殺兄王明以子殺父無復人道地震霧塞彌千里上命戶部侍郎席書發帑截漕粟賑之仍發帑金十五萬分賑淮鳳○命操江都御史伍文定擒捕諸盜時盜賊竄起閩廣齊豫楚之間所在成群泗州洪澤江洋盜艘動以數千故命文定往撫戢之○南京大疫先是旱江南北流民來就食者數百萬有司設粥隨食隨斃至春疫為疾疫比屋死亡百無一存墻傾屋塌如無人境人鬼相觸可怖支糧正軍已減五萬而流民還者百無一二至秋始定○翰林侍讀湛若水疏論時事言臣以經術事陛下嘗讀易至屯否二卦夫屯者陰陽始交而難生君臣欲有為而未遂此則陛下登極時然也否則陰陽隔而不通內外

雖而不孚陛下自視今日於此卦何如夫屯而不濟必至于否否而不濟則將來不可言者一二年間天變地震山川崩湧人飢相食殆無處日夫聖人不以屯否之時緩親賢之訓明賢不以深痼之疾廢元氣之劑今元氣之劑親賢是也願以賢大臣為之統領傳求明先王之道者日侍文華講明聖學上納之○詔逮御史朱淵馬明誦陳迥李本員外郎林維聰下獄時昭聖皇太后聖旦先期傳旨免命婦朝賀翰林修撰舒芬言昭聖皇太后聖誕之日乃陛下受日承歡之會而諸命婦朝賀則又得天下之惟心以事其親者也遽傳免賀恐疑人心乞別降給音以彰至孝上以芬出位妄言奪儀御史朱淵馬明誦亦以為言淵言皇上孝事兩宮常如一日與獻太后聖誕既已朝賀昭聖誕辰乃聞報罷禮數煩殊關係不小昭聖手携神書親授陛下母子之恩天日昭鑒今日之禮母后雖或固辭皇上尤宜敦請以明大孝明衡言聖見朝

卷之二

賀在平時則可今當議禮紛更之時人心勿慎之日忽聞報罷安得無疑使此旨出自太后必有因事拂抑之懷今昔存殁之感若出自聖意則母子至情有隆無已可以聖母嘉節輟重禮哉上怒曰命婦免賀本奉皇太后懿旨朕孝奉兩宮安有間越豈得妄言各違詔侍即何孟春疏救不報御史陳迥李本員外林維聰言陛下以宮闈之故罪及言官本生正統之義又不能無所軒輊忠臣義士將杜口結舌不敢復議天下事上怒其煩輒亦遣訊大理卿鄭岳申救不報○召督賑侍郎席畫南京兵刑主事桂章張璠霍輅詣京都御史具廷舉言書等被召必不肯受初說以犯罔上之誅願特勅諸王府及南京大臣各陳所見而家居若大學士謝遷楊一清尚書韓文邵寶王守仁都御史李承勛皆累朝舊臣熟于典禮勅令開陳擇其合于礼者斷而行之以正前代之謬則大孝咸孚人無異議璠等乃復上疏申明統嗣之辨且曰今日

加稱不在皇不皇實在考不考推尊者人子一時之至情父子者萬世綱常不可易也若徒爭一皇字則執政必姑以是而塞今日之議皇上亦姑以是而滿今日之心臣謂百皇帝之稱終不足當父子之名百執事之口終不能與皇上之心也乞明詔中外稱孝宗為皇伯考與獻帝為皇考武宗為皇兄則父子伯姪兄弟名正言順事成而禮樂興矣上以此言有闕典禮俱命會議是日○上御平臺召蔣冕毛紀費宏諭加尊號及議建室覲對曰臣等願陛下為堯舜不願為漢哀帝上曰堯舜之道孝弟而已冕等俱不能復對翌日命內閣草詔加上稱號給事中張紳御史朱寔昌等奏言伏見召桂萼等來京人心既以驚疑頃又聞命蔣冕等草詔萬一聖心為邪說所惑如天下後世公論何上俱切責之○命營龍虎殿于顯靈宮以奉玄帝御史張日輔諫止不報○三月上諭議建室祀與獻帝禮部尚書汪俊罷勅諭禮部加上聖母

卷之三

尊號為昭聖康慈壽皇太后本生皇考恭穆獻皇帝本生母章聖皇太后仍于泰先殿側別立一室以盡朕追慕之情俊等言皇上奉大皇帝不得祭小宗為本生父立廟大內從古所無請即安陸廟增飾為獻皇帝百世不遷之廟俟他日襲封與王子孫世世奉享陛下歲時遣官祭祀亦足以伸至情上曰朕祗奉宗祀罔敢違禮卿等違協公論議擬于是尚書詹事給事中張紳御史任浩等各疏奏不聽俊因求罷去上切責之曰爾等司邦禮違背正典肆慢朕躬遂罷之○復召桂萼張璠詣京以席畫為禮部尚書時璠已起命發南京附朝議者益懷疑忌黃輅黃宗明送之曰人心大異子行慎之無負吾君也戶部侍郎胡璫等言大禮已定席畫督賑江淮實開民命不必徵取并止璠等璠已至鳳陽讀勅諭乃語璠曰為禮如此再草不能無罪後同上疏極論兩考之非且云本生父母對所後父母而言實陽以與之陰以奪之也

皇上豈能遽察其數乎。若不亟去本生二字。則雖有皇考獻皇帝之稱。天下後世終以皇上為孝宗之子。為人後之主。實隨礼官欺蔽中央。乃復召事。現以書為禮部尚書。將見在上前。言三人來。必被撲殺。上復遣人趨之。見遂乞罷。上曰。朕方倚任卿。共盡治理。建室祀儀。朕自裁定。○夏四月。命修奉先殿西室禮部侍郎吳一鵬等議。建室大內。事干正統。不敢曲從。請罷其議。仍祀安陸。上曰。朕承天命。祇奉宗廟。孝養聖母。豈敢違逆。但本生聖母躬親奉侍。而本生皇考荒廢陵園。遠在安陸。卿等安乎。命下再四。扶同執奏。敗父子之情。傷君臣之義。朕冲歲甚失綱常。其奉先殿西室所司宜亟修葺。以盡朕歲時追切之情。修撰呂柟言。臣嘗論奏。建室未蒙即從。臣不能如張純之動主。獻皇帝封典。國乃忍淡其邦名。且有二統之嫌。臣亦嘗請行宗法。反不如令廢既猶。董之能行。而綿修御守。益亦言。曾元不忍父之廢疾。憐于易。董愛之。

卷之二

六

至也。而曾子責之曰。君子愛人以德。細人愛人以姑息。今之致隆獻皇帝。非但一簣之失。獻皇帝不以陛下為姑息之愛乎。魯公受天子之祀。祀周公蓋尊之至也。孔子傷之曰。魯之郊禘非礼。周公其夷矣。今以非禮祀獻皇帝。陛下其安之乎。上大怒。遣繫柙守益錦衣獄訊之。○以浙江湖廣總巡使李熙理提防諸事務。○加上兩宮尊號。已酉奉。上昭聖慈壽皇太后冊。寶尊號曰昭聖慈壽皇太后。庚戌奉。上與國太后冊。寶尊號曰本生母章聖皇太后。癸丑。上御奉天殿受賀。頒詔天下。詔曰。朕恭膺天命。嗣承皇兄武宗毅皇帝大統。祗奉宗祀。惟我皇考孝宗敬皇帝神謨聖政。是繼是行。仰惟聖母昭聖慈壽皇太后。擁翊之功。莫聲名言。本生父母與獻皇帝與國太后鞠育之恩。罔碑報稱。尊稱未極。恒用歉然。恭奉冊寶。加上聖母尊號。曰昭聖慈壽皇太后。與獻帝尊號曰本生皇考恭穆獻皇帝。與國太后曰本生聖母章聖

皇太后。養尊隆于正統。礼無盡天。至情時張。弛至東昌。讀詔書曰。執政忍為此欺乎。兩考並稱。綱常尤紊。不可但已也。

謹按史臣曰。此再詔之誤也。

大學士蔣冕。時昭聖慈壽皇太后。言此故。雖非臣等與知。但今命。庸書為禮部尚書。現取來京。聖意所向。中外不能無疑。竊恐聖母聞之。亦不能無疑也。宜追復前命。不聽。遂移疾。復乞罷。從之。御史王泮等疏。留不報。○兵科給事中陳時明。疏請。選將練兵。言。宣大甘肅。相繼告變。內地。因民困。鼓有不逞。跳梁一呼。成羣。此土崩之勢也。及今宜命本兵。簡閱京營。將士。聽征為一等。聽選為一等。老弱工役為一等。而上下其月糧。又軍必有選鋒。每營拔三千。精銳為遊兵。若先鋒。則選遊將。善戰有謀者。署遊擊。今自選遊擊。數十人為領。哨。把總。官隊。官選。夜不收。工。切營者。數十人。以教營士。邊警即出。又京營操練。毋具虛文。毋拘成法。

卷之三

七

便各以已意。教戰。務有實用。此伐謀之上兵也。章下所司。議請從之。○詔。咸乾清坤寧二宮。膳修十分之一。戶科給事中鄭一鵬。上言。各官日進月進。數倍于天順時。今歲灾用。缺往借支。太倉而清寧宮。仁壽宮。米。央官每有多餘。分饋。戚里。繼富。益奢。不若留寺供。應以張母后之德。上曰。祖宗朝。嘗因天變。減膳。他官勿易。乾清坤寧二宮。警戒十之一。戚里如故。○魯。迷王賈。獅子。西牛。西大。西馬。及阿骨刺。賈馬。駝。珊瑚。珠。玉。巡撫甘肅。食都御史陳九疇。以聞。給事中鄭一鵬。言。西旅貢。蔡召公。作。成。越。棠。獻。維。周。公。致。辭。下。逮。漢。唐。有。却。千。里。馬。如。文。帝。不。受。林。邑。珠。如。太。宗。今。魯。迷。所。貢。願。可。受。之。以。累。聖。德。乎。洪。武。中。內。臣。奏。增。虎。肉。太。祖。云。養。虎。何。為。而。肉。以。飼。之。命。以。虎。送。光。祿。而。縱。他。禽。今。乾。明。門。諸。所。禽。獸。尚。多。仰。給。大。官。日。費。且。殊。而。魯。迷。所。獻。皆。非。土。性。受。之。異。益。乞。就。彼。輸。遣。以。光。聖。德。杜。覲。伺。不。報。○武昌。知府。蔣。勳。鎮。守。湖。廣。大。監。李。景。

儒不報初景儒侵奪府藏需求供意武昌一府歲取金四千餘兩又倡貢鄭之端知府因言景儒供億之病民者十貢鮮之病民者六乞比太祖却人參香米葡萄酒之意罷之不報○金星畫見○御史盧煥疏陳災變言腹心之深憂者四根本之深憂者三咽喉之深憂者一君身不修言路不通命計不當財用不足腹心之憂也京庫虛匱輻輳貧困太倉乏儲根本之憂也而宜大兆岷虜患並起內地民窮迫而為盜恐生他變則咽喉之憂也疏下所司○禮部左侍郎吳一鵬類奏四方災異言自二年六月迄今二月其間天鳴者二地震者三十六雷電雨雹者十八暴風白氣地裂山崩產妖者各一民飢相殺食者二非常之變倍于往時願陛下躬行明詔以先群下救疾苦罷經管信大臣納忠諫以回天意上云覽疏朕心惻然事屬朕躬者朕自圖之有司其尚交修以弭天變○戶部侍郎席書疏辭尚書命言宗伯掌邦禮任實難勝欲

卷之二

任南京光祿少卿史後四品散官服色後深陽人與監生楊謨謙各出粟賑饑撫臣以聞上嘉其行義命加後官誥諭視次量加一級○以南京各府災警免刷卷○勅山東屯田副使無理水利○大名府濬縣知縣焦某進饑民圖界以大名府所屬州縣災傷為饑民圖以進請蠲恤戶部議覆詔撫按官酌量議處以聞○詔逮南京戶部員外郎李崇諒京榜訊時崇過西安門不下馬南京內外守備魏國公徐鵬舉等劾奏上怒其輕慢法度詔逮訊鎮撫司鞫為稜山縣典史○改雲南永昌金齒二千戶所為保山縣○巡撫保定等處右副都御史劉麟疏乞休致上以麟素有才望不允既而麟言天津三衛所增地畝多瀉鹵硤確不足以辦子粒請皆罷免戶部言屯田舊額僅千餘頃弘治中雖增五倍而所減子粒視舊亦三之二勢不得盡蠲請下撫按及兵部副使驗實奏處從之○房山縣地震順天府尹王軌因言數月以來震於諸藩於南都乃今於畿內寢近城關陵寢安莫大焉意者官闈預政與宦寺涉權與匪人進用與民力勞瘁與兵荒相仍與九重深居願加體察上覽奏責其任率下所司知之○真定府無極縣有怪風自西北來先紅後黑咫尺不辨人折樹木鷄犬亂鳴有傾覆雷暴雨○巡按福建御史王以旂言濱海居民每因夷人進貢交通誘引貽患地方今宜嚴定律例凡番夷貢船官未報視而先迎販私貨者如私販蘇木胡椒千斤以上例交結番夷互市稍貸給財博鬻及教誘為亂者如川廣雲貴陝西例私代番夷收買禁物者如會同館內外居民例攬造違式海船私鬻番夷者如私將應禁軍器出境因而泄事例各論罪怙惡不悛者併徙其家疏下刑部覆言所引例已足盡法從家太重請勿連坐仍通行浙江廣東一體榜諭從之○以歲災免部運官後期一二月者勿罪○錄詹翰林承旨學士宋濂六世孫德芳為國子生○大學士

卷之二

九

王鑒卒贈太傅諡文恪鑒吳人幼穎悟不群問學賻博爲文春容爾雅當世式之其立朝大節卓有可觀士大夫咸惜其用之未竟云○吏部尚書詹宇請釋修撰呂柟編修鄒守益之獄言柟守益各以言事下獄人心皇皇以言爲諱況茲天氣炎蒸法司罪人俱蒙釋減若此文學侍從之臣必在矜恤疏入報聞尋謫判解州守益判廣德○贈南京右都御史王懋中太子少保以淚淚變倡義協謀也○擢原任河南副使王韋爲南太僕少卿○命造觀德殿祭器如太廟○張璉桂萼至京師上疏言召令雖云再下典禮益甚違謹復條七事一辨兄弟及之訓二辨英宗受仁宗命而爲子三辨皇伯考之稱四論本生父母五言無兩考之禮六言母子之稱七言立廟之說謂禮臣始之以不學無術終之以相助匪非不亦異乎疏奏留中鴻臚少卿胡侍俊言祖訓謂兄弟及者蓋以嚴嫡庶防觀瞻爾是故降父母期師升以爲重正統

卷之二

入繼太宗魏明以爲纂正統是統嗣一也魯昭公未嘗受命歸父漢病已未嘗受命昭帝何以受命爲哉唐睿宗不當兄中宗宋太宗不當兄藝祖以其爲君也不當稱兄則不當稱伯明矣奏入上責其狂妄出位斥爲潞州判官給事中張昺等言萼等堅執邪說上貪天功被機行取翽翔道路至京數日始朝或稱疾不出何違慢之甚也御史鄭本公等言萼等行取來京黃綰張喙旁噬黃宗明撥臂橫行方獻夫居中內應席書陰爲間謀皆由此也朝臣復各論劾日積數奏皆不聽○六月以石琚爲吏部尚書文淵閣大學士預機務○命以桂萼張璉爲翰林院學士方獻夫爲侍講學士璉言禮官失禮于初匪非于後伏承明命三至促臣來京蓋欲令與面決是非親賜宸斷乞皇上親臨便殿集執政禮官許臣等各執證據典藉以折再詔之誤兩考之非于是給事中張漢卿劾奏席書賑濟不法戶部尚書秦金履請旨得是字遂明沮

其進張璉等乃取所劾璉等章奏發刑部尚書趙鑑等擬請私相語曰若亦得亦是字輒撲殺之上稍聞知乃命璉等爲學士而責趙鑑朋邪害賢輕弄法度責張璉等陷義問忠俱伏罪璉等獻夫各疏辭學士命上云爾輩忠誠學行簡在翰林宜成朕納賢之治吏部尚書詹宇奏言桂萼等偏執異說動搖人心言官論劾殆無虛日願乃俱承翰院之命願亟罷黜上以萼等執經論禮意非干進乃切責宇宇遂求罷去翰林修撰楊慎率同官上言君子小人不並立正論邪說不並行臣等所執程順朱熹之緒萼等所言冷褒段猶之餘學術不同議論亦異可復強顏詭隨和光自媚乎乞賜罷黜上責其率眾附和俱奪俸御史段續陳相言萼等假議禮之名爲干進之階以若人而授若職恐貶賢之厲作負衆之寇至上責其排陷忠賢俱下獄外貶南京尚書楊旦等亦言學士論思之官二三臣之言偶合聖心遽爾超擢非所以示大公上云擢用賢才何謂偶合因切責之○張璉桂萼疏奏議

卷之二

以立後三言孔子射于矍圃斥爲人後者四言遺詔不言繼嗣五言禮輕本生父母六言祖訓稱天子爲伯叔父七言漢宣光武俱立皇考廟八言朱熹嘗謂定陶事爲壞禮九言古者遷國載主十言祖訓皇后治內不與外事不宜假昭聖懿言十一言皇上于壽安皇太后不得率天下終三年喪十二言新頒詔令決宜重改十三言諸司連名章疏勢有所迫疏奏留中何孟春復條爲之辨上責其妄意奏機璉等是非因伏罪而吏部員外郎薛苞上爲人後解二篇爲人後辨一篇命下之獄尋釋之○秋七月吏部尚書詹宇罷宇因論桂萼等被切責乃引疾乞休上允之御史許忠烈劾言宇忠節清望冠于一時昔守留都宸以構亂有保障之功今任銓衡素風淡泊門庭生色正清朝所倚任者不

宜以一辭遂聽其去。上曰朕未嘗不用字，字自以疾求去耳。召南京吏部尚書楊且為吏部尚書，未任亦致仕。上諭獻皇帝冊文去本生二字，改稱本生聖母章聖皇太后為聖母大學士毛紀贊宏石堦言本生二字，上于宗廟內于宮闈事體重大，慎無輕改。上乃御平堦召紀宏珩切責之曰：此禮當速改，爾輩不能以忠事君，如何以禮待爾？又曰：爾輩為無君之臣，如何使朕為無父之子？紀等惶怖而退。上召多官至左順門，諭更定聖母尊號為聖母章聖皇太后。後四日，恭上冊寶，何孟春草疏達旦，語札部侍郎朱希周曰：此禮復為更定，乃爾等且不避禮官尤當力爭之。希周乃率即中余才言：孝宗母昭聖已越三年，今更定之諭忽從中出，則明詔為虛文，不足取信于天下。後世祭告為煩，實不能感孚于天地宗社。況本生二字初無貶詞，今若去之，則與昭聖無別。孟春因與九卿學士臺諫各疏爭本生二字，章十三上，俱留中不

卷之十一

十三

報。群臣伏哭左順門，詔逮繫學士豐熙等百四十二人于獄，請戍除名。有差調何孟春南京工部侍郎大學士毛紀罷時，上罷朝齊居文華殿，兵部尚書金獻民大理少卿徐文華倡言於眾曰：昨諸疏留中公改稱孝宗為皇伯考，則太廟無考正統有間，吏部侍郎何孟春曰：憲宗朝禮部尚書姚燮率百官赴文華門跪哭，爭論慈懿皇太后葬禮，憲宗從之。此國朝故事，修撰楊慎曰：國家養士百五十年，伏節死義正在今日，檢計王元正等遂邀留諸朝臣于金水橋南，曰：萬代瞻仰在此一舉，今日有不力爭者，當共擊之。孟春獻民文華復相號召，于是尚書泰金等二百二十餘人俱赴左順門跪伏大呼萬皇帝孝宗皇帝登極于內。上命司禮監官諭之曰：此禮朝廷自有審處，群臣咸曰：必得俞旨，乃退。獻民謂輔臣尤宜力爭，朱希周乃詣內閣告毛紀等曰：群臣伏闕公輩可坐視乎？紀與石瑄遂赴左順門跪伏上言宗廟之禮至重且大，而

本生二字為要，陛下奉天命臨九有，所恃者人心爾，若不舍已從人，何以為治。上復遣諭曰：恭穆獻皇帝神主將至冊文祝文俱已撰定，爾輩姑退，群臣仍復不起。及午，上命司禮監官錄諸姓名收繫諸首者，于是收學士豐熙給事中張紳御史余朝吏部郎中余寬戶部郎中黃待顯兵部郎中陶滋刑部郎中相世芳大理寺正母德純八人于獄。楊慎王元正乃憾門大哭，一時群臣皆哭聲震闕廷。上大怒，遂命逮繫馬理等一百三十有四人于獄。孟春等二十有一人洪伊等六十有五人姑令待罪，翌日錦衣衛以在繫官上請初逮繫時有奔匿者，至是悉追繫之。併待罪者凡二百二十人。上責之曰：何孟春輩擅入朝禁聚朋哭喊，假以忠愛為由，實為私黨欺朕，冲年任意妄為，乃命榜訊，照等八人編伍戍邊，其餘四品以上宜諭奪俸五品以下各杖之。凡一百八十餘人編修王恩王相給事中裴紹宗毛玉御史胡瓊張日賴郎中

卷之十二

十三

楊淮賈外郎張深申良主事臧應奎件瑜余禎安璽殷承叙十有七人俱病創先後卒，既而上怒楊慎等不已，復命繫楊慎王元正給事中劉濟安盤張漢卿張原御史王時柯七人責之曰：楊慎輩倡率叫哭，欺慢君上，震驚朝廷，大肆惡逆，乃命加杖之。楊慎王元正劉濟編戍安盤等削職原死杖下。上怒何孟春調南京工部復詰責毛紀等紀因求去。上曰：爾因辭奏諫，購罪朕躬，豈大臣忠愛之道，罷之。○上本生聖母冊寶尊號曰聖母章聖皇太后。獻皇帝神主至，上奉迎安于觀德殿，上冊寶尊號曰皇考恭穆獻皇帝。先是太監賴義迎獻皇帝主至順德府，劉王兵備劉東鑒不及候迎，及主入都察院又不歸以行，殿儀狀義劾奏，逮詔獄訊之。○命食事陳洗復為給事中，時洗奏言陛下察幾致決于本生二字，毅然去之，有人心者咸謂今日始全父子之恩，無不感泣，若不布告天下，猶為未明。上悅，洗先以給事中外補乃復

召入○瑞慶侯王源卒 上為之輟朝一日賜齋糧麻布贈太師諡榮靖賜祭如例源孝貞太皇太后之弟也既而命錦衣衛帶俸指揮同知王僑襲父爵○以謀叛罪人寓亦虎仙等妻子古力哈屯你加兒哈屯賜武定侯郭勛倒刺速壇賜鎮遠侯顧仕隆列者虎兒把力賜惠安伯張偉駕亦哈六刺賜遂安伯陳鐔打納賜大學士費宏失林賜大學士石珪各為奴○兵部尚書金獻民以秋防警備請戒諭各鎮巡官同心戮力加謹提防 上從之○詔罷造海船先是南京工部派徵浙江江西湖廣福建諸省銀六萬餘兩造海船運送山東青州諸府布花於遼東以給軍士無防海寇其後青州諸府以海運多險已將布花折銀輸遼東派徵造船銀兩如故至是南京工部右侍郎吳廷舉言海船之造勞民傷財無益于用請革之便下工部議以為可 上從之詔自今海船罷造勿復徵派擾民○巡按直隸御史王官請命戶部鑄造鐵

卷之二

十四

斛頒給宣大諸倉以為出納之準 上從之因命戶部併給諸邊○八月顯陵司香太監楊保上言陵殿門牆規模狹小乞照天壽山諸陵制更造工部尚書趙瓚等言陵制當與山水相稱恐難察同今殿牆以黃瓦覆但宜添設明樓石牌及改司香衙門為神宮監置護衛曰顯陵衛其餘未修房屋應創新者另為添造應仍舊者止加脩飾不必大為改作 上從部議○命武定侯郭勛揀選營武等十二營官軍一萬二千員名以坐營官署都督統張軫都指揮劉淮焦倫充參將演操聽征仍命太僕寺挑選寄養馬匹備給○給事中陳洸疏請照先朝事例凡遇大事陛下親御文華或午門宣召多官序立于前令其次第敷陳事理躬察可否面賜裁決庶無寬延歲月依阿猶豫之弊奏上報聞○開發淮浙長蘆運司額鹽十一萬六千五百五十引于延綏聽都御史周金召商上納糧料以備客兵支用仍禁勢要奸商占窩罔利者從該部

議也○南寧伯毛良上言楊廷和邀定策功沮撓大禮使陛下失天倫之正廢追崇之典其罪甚大而千戶輩能還百戶陳紀教諭王价錄事錢子鰲亦各論奏俱留中不下○以吏部侍郎賈誼為禮部尚書兼文淵閣大學士預機務○晉王上西河王奇溯孝行命勅獎諭言王固母病渴仰祝天地甘泉湧出飲之疾愈及母卒哀毀骨立宮墀古柏生花異香襲人稱孝感 上令所司勸實獎諭之○九月令天下罪囚應議折贖者皆輸粟預備倉以需賑濟○大禮議定稱孝宗敬皇帝曰皇伯考昭聖康惠慈壽皇太后曰皇伯母恭恭穆獻皇帝曰皇考聖皇太后曰聖母詔諭天下先是 上命趙席書來京書至 上以皇伯考皇考名未正悉發諸議留中者下禮官集議鄭岳徐文華言孝宗太廟饗祀行之已久母昭聖慈闈冊寶奉之已安不宜輕改 上切責之而祭酒崔銑乃言陛下甚無輕正統無拂群情無恃威可作無謂已可繼

卷之二

十五

則今日之忠邪辨矣 上怒罷之吏部侍郎胡世寧時居憂屢中上疏言大禮之議惟在聖心獨斷早定之而已或謂當考孝宗使獻皇承統亦將考孝宗乎或謂獻皇不得推尊傳不言武王追王之典乎或謂宜系與國于帝后之上獨不曰與國者先朝之封建帝后者今日之推尊隆新典而仍舊號可乎或謂仍祀安陸獻皇止陛下一子宜躬孝享而乃別廟于外藩可乎書言書疑敗謀惟在聖明獨斷早定之而已既入上嘉之時禮部會議席書言遵祖訓據禮經皇上實繼統非為人後汪偉鄭岳徐文華尚與張璁等辯論未決武定侯郭勛曰祖訓如是古禮如是茲議當矣人臣事君當將順其美于是書與璁等獻奏會同公張鶴齡侯郭勛馬泰震伯張偉尚書秦金等六十有四人上言三代之法父死子繼兄終弟及今孝宗有武宗為嗣初未嘗立皇上為嗣與漢宋事大不相同夫人無二本孝宗伯也宜稱皇伯考昭聖伯母也宜

稱皇伯母獻皇帝父也宜稱皇考章聖母也宜稱聖母武宗兄也仍稱皇兄則合乎天理當乎人心大統大倫兩有所歸奉獻皇帝別為禪室不入太廟則尊尊親親兩不相悖議入上允之乃改尊稱祭告天地宗廟布詔天下曰人君為治本于孝道聖人論政先于正名孝在篤親名貴備實自古及今化成由是朕本憲宗純皇帝之孫孝宗敬皇帝之姪恭穆獻皇帝之子皇兄武宗毅皇帝上賓之日遵聖祖兄終弟及之訓屬以倫序當立遺詔命朕嗣皇帝位昭聖惠慈壽皇太后懿旨遣官迎朕入繼受天明命于茲三年尊稱大禮屢命廷臣集議輒引漢定陶共王宋濮安懿王事為援至再至三其論未定朕心靡寧伯姪父子天經地義豈人所為況漢宋二帝嘗立為子朕則入奉宗祧實與為人後者不同今以為繼嗣實非我聖祖垂訓之意是豈徒禮官之失亦朕冲年未能決擇之咎也朕祇承九廟尊養兩宮正統大義未嘗有間惟

卷之二

上

恭穆獻皇帝章聖皇太后朕之父母也劬勞之恩昊天罔極雖位號已隆而名稱未正因心之孝每用歉然已告于天地祖宗社稷稱孝宗敬皇帝曰皇伯考昭聖皇太后曰皇伯母恭穆獻皇帝曰皇考章聖皇太后曰聖母各正厥名情既允稱禮亦無憾猶慮天下臣民未能知悉茲特詔諭以申朕拳拳孝親之誠先是上命內閣草詔欲寬恩例庶書以為小人之幸有壞典禮上問三學士亦如書言乃止

謹按史臣曰此為三詔更定而禮正矣詔雖內閣所草上實裁定曰是豈徒禮官之失而亦朕冲年未能決擇之咎此固成湯無以萬方罪在朕躬之心也當此之時為內閣禮官者或去或不去固宜自訟俯首稱罪則凡小大臣工未有不悔悟者也

學士張璠桂華方獻夫各上疏乞休言初臣敢抗一時朝議憤事萬古綱常大禮既成分當求退上慰留之曰爾輩才猷過人忠誠愛國不

允所辭○潞盜陳卿據青山以叛初為藩府長史司吏弁之嘯聚千餘人據青山叛流劫潞州諸縣及河南懷慶地方官兵不能制○冬十月議遷顯陵初上名安陸松林山為顯陵及大禮既定百戶隨全等奏請改遷顯陵下所司議工部尚書趙璜等言顯陵為先皇體魄所安不可輕犯山川靈秀所萃不可輕泄國家根本所在不可輕動太祖不遷皇陵太宗不遷孝陵願以為法上猶命禮部會多官議之席書等上言祖宗陵寢未嘗遷動百六十年來皇圖鞏固帝德重光伏聞顯陵勢如伏鳳氣結蟠龍此實山川之形勢帝王之幽宅隨全妄議乞治其罪璜再上乃命罷議于是定顯陵祭如七陵儀遣省臣行禮

卷之二

十七

我太祖定鼎于南而鳳陽之陵猶故太宗遷都于北而鍾山之陵猶故矧今顯陵之在安陸仙潭龍從于其北漢江襟帶于其南神龜蜿蜒于其東赤馬浮沉于其西蓋乾坤構奇翼軫儲祥固無庸于改遷者聖心獨斷特命罷議真有見矣

○禮部尚書席書條上十二事言皇上入繼大統以名稱未正孝德未伸困心鬱志三載于茲今幸大禮告成天下拭目以觀新政謹條十二事一曰清心寡欲二曰讀書觀史三曰接見賢臣四曰納聽忠言五曰恭行節儉六曰裁減冗濫七曰預儲邊餉八曰戒抑貴戚九曰禁佛法十曰溥用人十一曰務安靜十二曰肅憲法御史藍田復即書奏條論其欺上切責之○諭賜副使劉滌祭葬復其家巡按四川御史范永鑒言滌當逆瑾竊柄首倡讜論被校殺死理復機郡罰穀三百輓輸大同生產殆盡御史潘鵬曲阿瑾意反誣滌以貪削籍良可痛恨皇上御

極起爲知府繼遷副使不就而卒宜加優恤以旌遺忠故有是命○大同軍亂殺其巡撫張文錦參將賈鑑命太監武忠都督桂勇都御史蔡天祐往勸之先是文錦巡撫大同議于城北九十里築五堡徙鎮卒二千五百家居之諸卒畏虜不願徙參將賈鑑希旨嚴逐之不往者推其伍長郭鑑柳忠倡亂殺鑑裂其屍聚焦山下自固文錦恐諸叛卒通子虜招入城即索首亂者鑑忠遂率衆劫獄囚焚府院文錦踰垣匿憚野王第諸卒索而殺之乃出在繫故總兵朱振干獄推以爲主振不得已約日與汝約從我則可毋犯宗藩母掠帑廩毋焚劫皆伴應曰諾復賜鎮巡代奏宥罪事聞廷議遣兵部侍郎李昆齋勅赦諸叛卒以太監武忠代王鎮守以都督桂勇爲總兵以按察使蔡天祐爲食都御史巡撫其地賊之天祐至會武忠桂勇及朱振集諸叛卒諭以威德諸卒陽聽而奸盜劫掠如故勇督捕殺數十人將亂首柳忠郭鑑等而釋之以

卷之二

十八

安其心衆稍定會有別鎮恭將李賢帥兵赴陝西道出大同兵有掠民禾畜者與民鬪諸兵畏賢曰朝廷命我勦汝叛卒旦夕盡粉矣禾畜爲于是轉相訛傳有洗城說會有戶部進士李枝輓餉至鎮訛聞有客言勦叛遂夜聚千百人排枝問狀枝從門實中出文移示之漸有信者但衆既聚不可散乃各大同知縣王文昌曾勸鎮巡嚴取諸卒遂往圍之文昌走匿得不死乃縱火焚民居千餘家逼脇代王索金帛王如索應之始散王微服出適居宣府天祐等撫諭不定復以狀聞○大同總兵桂勇請罷張文錦所建聚落高山二堡撤回戍守官軍以安衆心詔徙之○土魯番寇甘州都御史陳九疇出擊走之士魯番滿達兒大舉入寇至甘州九疇忠勇先登力戰既解甘州圍又夜率衆聞道兼行抵肅州內外夾擊敗番兵殺火者他日丁虜退去關中守臣奏河西危急遣兵部尚書金獻民都督杭雄率師討獻民至蘭州諸番已爲九疇

所敗出嘉峪關獻民用九疇諫請遷發與使開關絕貢○吏部侍郎何孟春請設宣大及陝西三邊總制從之孟春上言大同之變若先有經制大臣控制宣府則大同軍士必有所恃而不敢肆撫臣將官亦有時伏而徐爲計其禍可弭也土魯番入寇甘肅若先有總制開府蘭州檄至即發兵阻遏則地方不至殘破王師不勞遠征今大同人心猶多反側河西番虜尚爲跳梁請勅兵部會舉才望大臣二人一以總制宣大一以總制陝西三邊假之權宜責其成功庶內變可消外患可靖部議二地總制有侍郎戚鳳李鈺故事孟春所奏可從 上是其言○詔戶部侍郎胡瓚總制宣大軍務都督魯綱總兵討大同叛卒天祐奏至乃遣瓚瓚立賞格擒首惡者進三級擒助惡者進二級擒脅從者事平亦資以銀兩固請發布三萬疋羊皮短襖千領分發從軍之士 上勅止除首惡餘皆不問○召起致仕兵部尚書廖紀爲吏部尚書○十一

卷之二

十九

月詔起降謫開閣後爲食事于桂爲知府曹嘉儀爲御史從給事中陳洸之請也○遼東妖賊李真陸雄等聚衆謀作亂詭稱商販突入山海關殺守關主事王冕守臣以聞詔令劉遠巡撫劉澤張連捕之嚴禁白蓮社左道○詔逮繫浙江布政使馬卿杭州知府查仲道等詣京拷訊初太監吳勤少監王士聰監織杭州估寵悍縱其舍中厠養多推剝工匠惘惘郡縣卿稍給束之而緣緣工顧悉取杭州裕金凡有閱發會中廝養輒索美金什之二三仲道白卿禁阻熟滋不悅又以往復儀節日與卿相構請遂安泰卿抗違明旨稽誤工作 上怒命逮繫卿等詣京考訊朱寔昌等言勤以私恨劾馬卿致干宸怒二臣節省愛民觸忤權璫願當譴責即乞召勤等而釋二臣 上切責之而令勤等安靜行事毋得分外擾民○大同縣庫資穀知縣王文昌庫資許泰侯年庫金數千兩覓覓抵罪乃乘亂縱火焚燬縣署文昌聞變倉皇自殺○詔逮繫

御史任洛易州兵備副使任忠子獄洛為京民陳彥章所訐忠因呈白欽免罪人俱逮繫詔獄又有光祿卿樂護華湘為屬官馬能所誣亦送法司訊鞫奉級外補○十二月總制宣大胡璣計大同亂軍平之先是璣督兵出居庸關巡按宣大御史王言璣等督兵擊討人心動搖乞勅璣等發兵勅臣等選宣大精銳潛約大同巡兵合擊必能擒滅不効則置臣于理命璣發兵為計未晚章下兵部侍郎李昆言官策良是第師已出關事難中止璣乃帥師次陽和堡密檄桂勇擒亂首羽檄日十餘下諸卒懼向蔡天祐乞生天祐漫曰惟誅首惡餘不問爾輩無得助亂即可免誅眾稍解勇密令千戶苗登計擒郭鑑等十一人斬首勦示隨撫保五堡軍士人心稍快越二日鑑父郭巴子忿怒復糾叛卒胡雄黃臣徐毡兒等煽惑諸卒盡甲而馳分閉諸城門迨夜圍勇第掠其貨殺其家口數十人盡磔其屍生啖之遂執勇于業總兵第欲殺之天祐聞變偕武忠馳至反復曉諭勇得不死諸卒訴天祐求哀天祐曰能擒首惡兵猶可止諸卒乃擒徐毡兒等四人以獻斬之郭巴子暨諸首惡竟逃匿璣聞之欲提兵西行天祐函送鑑等首級于璣城中土人亦詣璣請緩師不從天祐乃上疏乞班師復遣書璣謂首惡既誅餘黨逆釜魚耳固易制也璣乃止天祐疏至上命璣班師璣言叛賊就擒人心安定請加恩大臣璣諫以旌勞勩給事中鄭一鵬御史蕭一中言大同構亂廟堂之上一籌莫展大臣璣諫何勞可錄巡撫宣府張縉巡按王官巡按山西劉麟未嘗有聲援之助璣之計叛逆黨未盡師不臨城何以加恩乞治璣罪別遣大臣督兵進討不報仍勅天祐再擒餘黨勿問脅從○代王還大同時亂稍定上諭代王還國王乃復入大同○謫大理評事章商臣補外職商臣言臣以是平庶獄為職臣自七月受官以來見以大禮伏闕觸犯聖怒大臣改任者何孟春一人編戍者學

卷之二

二十

士豐熙等八人廷杖死者編修王思等十七人以忤內臣而逮繫者劉使刻乘鑑知府羅王以織造抗內使下獄者布政馬卿知府查仲道二人以失儀下獄者御史葉奇主事蔡軋等五人以京堂為所屬計奏下獄者樂護華湘二人此皆國家大政上千天和下駭民俗臣聞皆左右陰主之願陛下大奮明斷復戍者之官錄死者之後逮繫者釋之而正訐者之罪上怒謫補外○詔起大學士楊一清為兵部尚書總督陝西三邊軍務時上命陝西設提督軍務大臣一員諫才優望重者往于是推大學士楊一清兵部尚書彭澤南京兵部尚書王守仁上命一清以原官改兵部尚書提督軍務給事中鄭自璧請取金獻民還京以清代之一清馳至陝西道洛陽謁故大學士劉健健年九十有三辭以疾不見既而執轡短褐出曰應需音而入相矣今出將乎一清曰偶承乏爾因命孫輩飲以饌名他無一語○侍讀學士方獻夫請輯大禮

議之

乙酉嘉靖四年

卷之二

二十一

春正月庚申朔詔贈食事田美官時總督宣大侍郎胡璣遣美往督渾源應朔諸餉道遇虜要殺之乃請于朝贈以官許之璣因言大同之變天兵壓境渠魁已擒必鎮撫得人庶可整頓今所賴坐鎮叛軍者獨總兵桂勇朱振耳若巡撫蔡天祐專事姑息難消邊患上乃切責天祐令與朱振勉圖後功○命織幣諸郡改貢幣金時寧波知府楊最言本郡僻處海隅地不產桑常貢綺縠轉市嘉湖乞改貢價料為便從之因命今歲諸郡織幣諸幣已具者貢幣未具者貢金○巡撫寧夏都御史張璠請加給邊儲部議以准塩八萬引山東小引塩四萬引各定價召商中塩收買芻糧貯之要地以備客兵支用報可○詔贈兵部主事王冕光祿少卿初冕遇妖人陸雄之難其母先為賊所傷冕挺身救之既

而賊爲是從冕罵賊以死 上嘉其忠孝故有是命○總督漕運胡錠疏陳六事其一言江北地利不盡宜隨地高下開濬修築教民諸糧二言自馬邵伯諸湖衝決爲害宜乘時整築運堤建立平水石閘以爲疏洩之計三言夫厥應付困疲特甚宜于兩淮巡鹽掣驗所每引量徵備賑銀一分以濟夫厥之用四言官軍舍餘占買民田勿糧不輸遺累里甲宜令清理令供賦役如民五言鳳陽先年欽賜會昌荒地荒蕪者多爲盜淵藪宜給民佃種收其子粒轉發會昌家六言山陽鹽城二縣相去三百餘里有太湖之險賊多藏匿宜增設縣治或照沿海守禦事體築立墩堡量撥戍守部議允行○戶部尚書秦金論救侍郎席書都御史胡錠時書錠奉命賑濟言官論奏其罪金言淮陽饑饉陛下軫念元元遣官分賑至發帑金截漕米益以鹽價恩至渥也而書錠所委非人侵牟冒濫言官論列似有可信但救荒本無奇策知人自古爲難

卷之二

二十二

宜錄其勤勞矜其過誤從之○兵部侍郎鄭岳請罷山海關征稅言無舊例上令騎載肩荷者勿聚征每歲所稅務覆實以爲修關費侵屠者巡閱御史劾治○後鳳陽正陽鈔關稅○詔蠲免蘇松常帶征錢穀先是三府大飢歲賦三十八萬有奇令俟兩年後帶征巡按朱寔昌言凶災之餘方值一稔即輸辦歲賦猶難奈何復責宿衛重爲民困乞之○詔賜巡撫江西都御史盛應期銀幣應期既陞兩廣總督乃藉任內所儲預備倉穀數以聞戶部仍請勅天下各巡撫官嚴督有司用心儲蓄毋事虛文 上從之仍賜應期銀幣○北虜入寇倭掠陝西諸塞殺吏民復促楊一清赴遼○詔改胡世寧南京吏部侍郎先是召世寧爲吏部侍郎未上外艱去服闋乞休時大禮議未決江淮飢人相食疏乞早定大禮赦群臣小過簡賢求治既成不果上及群臣伏闕爭大禮渾罪又疏言群臣心欲効忠詞乃過激乞曠然開釋圖回治安召起爲兵部

侍郎御史曹弘劾世寧奸諂道諛大負生平乞賜罷斥不聽世寧上京東邊僑二十五事又上大學唯仁人能好惡洪範惟辟作威福易大傳不出戶庭君不密則失臣諱意三章疏上留中給事中余經言世寧欲起告密之風世寧言乞下臣章宣示因引罪求去不允又上知人官人二十事言者益亟章至數十上乃改南京吏部侍郎○巡撫江西都御史陳洪謨疏請寬貸言禮得罪之臣言人子事親三諫不聽則號泣而隨之前者議禮諸臣伏闕號泣誠爲有罪而按之于禮亦有本况何孟春豐熙操履醇固宜置左右以資啟沃呂柟楊慎論思有體宜出禁閣以責後效張原毛立死無以飲妻孥流落惟皇上曲賜優貸使還諫者得以自效物故者可以自安通萬國之歡心致天人之佑助宜無出此不報○二月提督軍務侍郎胡璫還自大同列上功狀兵部議璫等討賊未有成功逮爾班師事屬輕率且叙功邀賞尤非臣下所宜罪在

卷之三

三十三

不追 上詰責璫而賜桂勇銀三十兩以旌其功○土魯番牙木蘭復據哈密侵肅州又入沙州○命都督同知朱勇提督京城巡徼初勇總兵大同郝通代之勇選會京城多盜復以季勇○三月詔留兩淮餘鹽銀三萬兩支給淮陽各運京操官軍行糧○日本使宋素卿等伏誅初宗設肆掠後匿入海島無可踪跡獨素卿及瑞佐就執下獄待訊廷議備責沿海倭倭官緝捕宗設無所得而朝鮮國王李倬奏稱倭奴入犯上國至殺官兵不伏天誅偷生到境仰伏皇威剿殺幾盡今將賊倭二倖仲林里古多羅首級三十三顆及長箭船炮等物并華人被虜者王濂等八人獻之闕下 上命給事中劉穆御史王道按覆之乃發仲林里等至浙令與素卿對簿備鞠遺貢先後及符驗真偽既具乃諭素卿叛正仲林里古多羅故殺各斬瑞佐等釋還本國○大同逆卒郭巴子等伏誅以蔡天祐爲兵部侍郎既而罷之先是郭鑑既誅父巴子復

糾明雄等為亂及擒徐毡兒巴子匪未獲自度無脫罪理乃潛入城廂
訪餘黨夜焚王總兵第詰朝天祐乃集眾諭之曰朝廷宥罪班師開爾
主路何怙惡乃爾事既定復亂者何眾曰倡亂有人閉城大索即可得
乃籍其名而索之得首逆郭巴子胡雄等四人助逆焦亞雲馬江等三
十四人先後捕獲盡斬以徇事聞乃以天祐為兵部侍郎既而言官追
劾其靡財之罪遂罷之○命修恭穆獻皇帝實錄勅云皇考嘉言善行
可以大書特書者不止一端宜有紀述以垂萬世乃以大學士費宏石
珪賈誼為總裁官侍郎溫仁和侍講學士董玘副之共領其事遣寺丞
周璧往安陸采輯遺事○仁壽宮災昭聖皇太后所居仁壽宮一旦火
起延燒王德安魯昇福諸殿上乃減膳撤樂素衣避正殿告于天地
宗社諭令群臣同加修省給事中楊言上言變不虛生感召有自仁壽
宮災責在諫官不在陛下朝廷設六科以舉正欺弊而今皆失職天變

卷之二

二十四

安得不至吏科失職致陛下賢否混淆進退倒置林俊蔣冕豐熙等見
幾引去抗諫諫死而張璉桂萼始捷徑以獵清秩終怙勢以誣重臣戶
科失職致陛下儉朴不聞而張喬索陽和之土田崔和謾望商之引目
禮科失職致陛下享祀未孚而廟社精靈無幃幪之庇兵科失職致陛
下勅山海之抽工縱錦衣之濫職匠役增收而奉幣陞賞日冗刑科失
職致元惡如藍華等脫籍沒之法諍臣如郭楠等施械械之刑工科失
職致工作不當而局官陸全等希冒俸薪內監陳琳等請權木植此臣
等之不職所以拂天理逆人心而傷和氣也乞賜罷斥以謝天譴御史
余敬亦上疏自陳俱報聞○夏四月命議立恭穆獻皇帝廟稱上以
觀德殿規制未備孝心未熾至是光祿署水何淵奏言孝莫大于享親
禮莫大于宗廟獻皇帝入繼大統所自出之帝請于太廟內立世室以
為禰廟崇祀獻皇帝與祖宗同享太廟則禰廟得所有光正統遂下部

議禮部尚書席書等上議言淵請立世室竊謂非禮王制天子七廟三
昭三穆與太祖之廟為七周以文武有功德乃立世室與后稷廟皆百
世不遷我太祖始建四廟德祖居北懿熙仁三祖各以昭穆為序後改
同堂異室議禮以太祖擬文世室太宗擬武世室今獻皇帝以藩王追
稱帝號何淵乃欲比之太祖太宗立世室祀于太廟不知何說也古王
者立始祖之廟又推始祖所自出之帝我朝推上德祖何淵乃以獻皇
帝為所自出之帝不知何說也初議以孝宗為滿今祀獻皇帝于親德
殿即為禰廟何淵乃曰禰廟得所而後正統有光又不知何說也張璉
言臣與廷臣抗論之初即曰當別為立廟京師又曰別立禰廟不干正
統此非臣一人之議天下萬世之公議也桂萼言孝子不順情以危親
忠臣不兆奸以陷君如何淵之說誠所謂陷君者可順情而信之索昭
穆之序亂統紀之常乎禮臣等復屢議上不之許曰朕恭膺天命入

卷之二

二十五

繼大統奉天法祖豈敢有干太廟惟我皇考撫訓朕躬固極之恩豈可
怠忽觀德殿奉祀尚在大內太常不得行禮匪合儀制所議反覆連理
背經宜將夏商周典禮博考會議因議宜于碑城之東皇城之內擇地
以立禰廟所別者出入不與太廟同門位處不與太廟並列祭用次日
使敬心不分于所尊廟欲稍遠便樂殿不聞于列祖專專親親庶可兩
全至于親盡之期則與孝廟一同上復宣問席書親盡當祀之說因
言皇考生朕一人入繼大統今特立廟以後子孫世世獻享不遷以
仰朕孝思之情○五月提督陝西三邊楊一清請准肅開刺引監召商
羅買隨宜處置以備緩急從之○巡撫御史張珩請以兩淮運司餘鹽
銀每歲貯三十萬于太倉預發三邊羅買糧草或將原銀貯庫以備不
虞部議如珩因言珩勞績卓異宜加旌獎上從之○詔加廬州府知
府龍詒一官詔在任修理義倉置買義田行賑糴賑濟之法又條積蓄

便民八事曰議倉制嚴丁口議賑糴議賑貸議賑濟官田嚴稽考責有司故有是命。四川兵備副使余珊效魏徵陳十漸曰紀綱漸頹言官府異體陟罰未公而政多苟簡之弊曰風俗漸壞言名檢日薄廉耻日消而士多諛佞之習曰國勢漸輕言叛卒殺撫臣妖胡戕主事而庫帑驅逐小王志吞洮河曰邦本漸搖言冗食橫征織造索而江淮困於水旱交豫困于剽掠曰人才漸凋言呂柟鄒守益去而館閣空汪俊顧清去而部臺空張原胡璉死而臺諫空曰言路漸塞言朝奏一封而暮投千里三木囊頭而九泉御恨曰邪正漸淆言歸六藝以文奸言假周官而參漢法王莽虐情于下士之日安石垢面于入相之初即有周孔誰其辨之曰君臣漸睽言大禮議起載鬼張狐邪佞相親巧發奇中大臣顧望小臣畏煖曰災異漸臻言東南洪水傾城西北赤地千里遠

卷之二

陽軍婦生子兩頭無極赤風畫晦如夜以陛下上聖之資秉中興之運宜與堯舜比隆而乃有此十失豈相臣奸佞伴食以致之乎願去此臣更求應變機神如楊一清木彊厚重如石珪者置諸左右庶幾與政可除太平可望報聞。順天東安縣灘縣雨雹大殺禾稼。六月武宗毅皇帝實錄成。詔作世廟先是命禮部會官詣太廟左右相地營之獻皇帝廟尚書席書等相度廟址言太廟右地勢湫隘惟太廟左環碧殿旁寬敞宜立廟其制前殿後寢一如太廟神路由門左門出入。上曰廟制與太廟同而高廣微減務極嚴整伸朕永奉之儀乃命太監郭坤崔文李鑑惠安伯張偉工部侍郎童瑞程工給事中衛道御史葉忠監視仍定廟名曰世廟。詔復錦衣革職百戶閻安等原職安與李全崔王王邦奇等疏辨原職以營建陰謀復從之尚書金獻民言全等怙奸奏辨一日而復九十人是以左右一人之私壞百年之法給事中鄭

自壁亦爭之俱不報。擢溫州府同知顧璘為山東僉事整飭沂州兵備先是璘為南京武選郎中時武宗駐蹕南京兵部尚書喬宇以璘通敏有識選侍左右武宗注目久之命充護衛遂護還政武選會有旨查冗員請囑不行因有諍之者詢知許州有惠政民德之至是擢僉事尋陞河南副使。提督鳳陽等關無巡撫山西右副都御史畢昭請乞歸奏許之昭因言臣以母病陳乞歸養已蒙俞允第新任都御史江潮遠在萬里若候交代恐母旦夕不保終孤聖恩乞特許放歸以伸烏鳥之私吏部謂其情詞懇切議令巡撫大同右副都御史蔡天祐暫理其事以待潮至。上憐其意詔如部議。御史趙允疏請正都指揮張傑等罪言國家所以布大信於天下者在法令畫一而已陛下比年以來法既用而屢更如都指揮張傑僣盜庫銀總兵趙文禽殘失機罪証已明法所不容矣一則免責其償一則併貸其罪藍華姚璿殷洪殷銘等

卷之二

肅國害政死有餘辜且其職銀有將百萬者有二十萬者既有其死并賞其職楚府承奉潘朝茂親視王專擅僭逼已論死矣而旋從末減太監耿忠主守自盜紀世楹謀坐殺第張彥達致死三人罪有明條而各家免死何以慰塞人望布大信于天下乎夫法在必行故人不致犯前坐職者可以實錄倖免殺人者可以展轉得生則人皆效尤何所紀極乞仍前處分明正諸惡之罪以彰法紀得報有旨。召起原任兵科給事中史道為潁州兵備僉事道初以論大學士楊廷和出謫縣丞隨丁內艱服闋召復給事中道疏辭言已陞僉事乃復此官先是道父史俊亦任潁州兵備民有包老之稱道任此亦治號廉平云。詔加魏國公徐鵬舉太子太保鵬舉既守備南京掌中軍都督府事又以祖姑仁孝太后親無命奉祀孝陵疏言我祀不能無舉請辭免奉祀詔加鵬舉太子太保不允所辭。遼東叛賊李真周輔等伏誅。福建汀州流賊

曾鳳等俱捕獲伏誅。○秋七月詔司設監兵仗局各准收入匠五百名兵部尚書李鉞言儲糧與國脉相為流通軍匠與糧儲互為損益織染局見在軍匠二千一百有餘內官監七千八百有餘併合新收一千五百有餘以歲計之該支糧一十五萬二百餘石其他監局食糧人役難以數計若弊端復開則京通二倉立可待盡寧不寒心不報。○以食事席春為修撰劉夢為編修先是吏部以御史孫元席春劉夢皆當路子弟宜改別官。上命俱授按察僉事席春書弟也見弟外補邀恩連章論大學士費宏等而上疏為弟乞恩改授館職遂命春為修撰夢為編修給事中鄭一鵬言先朝子弟為臺諫者多改授行人其一二改翰林者皆稱實緣當時羞之旋即外補當春改官書胡不引行人例固授纂修乎書自負議禮偶合聖意遂恣行胸臆乃為弟乞憐恩夢甘為鷹犬輕構大臣平生奸偽洞見真情乞將書罷斥將春削籍辨夢與夢挾奏

卷之二

子八

之誣以明公論。上切責之。○詔許錦衣正千戶孫堪許場治事故事蔭叙軍職止于食祿。上念先臣孫燧許達臨難死忠大節表著故特從兵部之請。○八月詔逮繫元城知縣張好古于獄訊之泰和伯陳萬言弟姪暴橫好古以法繩之萬言愬于。上命逮訊御史李高爭之不聽。○大學士梁儲卒諡文康贈太師

謹按支大綸曰梁公居內閣踰十載家無負郭之產宸濠沒藉舉朝惟公無私餽而務自韜晦不伐其功科官田賦公門人也至云沒公之貲可減天下租稅之半御史李鐸試公尤力至大理丞缺叙宜鐸詮司以詆公難之公立命擢之曰舉不避仇是何足校而戚武大將軍勅死不且草泰藩請地片言尼之尤非人所及

○詔建處士吳與弼祠于鄉巡撫江西都御史陳洪謨巡按御史秦毓言撫州府崇仁縣處士吳與弼家先朝禮聘授春坊諭德不受歸老于

家砥礪名節有裨風化乞特建祠賜額令有司致祭從之

謹按吳瑞登曰與弼為溥之子粗衣微履舉動效古見明道見獵有喜心益知聖學為必不可學小樓坐卧收斂身心其不為俗所染可知當其承英宗之聘辭論德之官始易所謂不事王侯高尚其事者有士如此取其節焉足矣而世儒議其規卿相之位有傲世之心抑何好議其短哉稽之我明二百年如與弼者蓋不數數得也所謂鄉賢之最者吾誰與歸

○九月刑部尚書致仕林俊卒年七十六病時疏言身後乞免祭葬以安存歿錄議禮諸臣以慰幽明又言古者撻人于朝與眾棄之非欲爛肌膚而致之死也成化時臣猶及見廷杖三五臣綿衣重毡才足示辱正德時逆瑾用事始起去衣之端末年諫止南巡遂有死杖下者成弘間詔獄惟叛逆妖言重加拷訊其餘常犯送鎮撫問法司議罪今一

卷之二

二九

縣訊問無復低昂非祖宗仁厚之意也疏下所司俊尋卒俊莆田人立朝正直不妄詭隨雅志林整一介不苟取冲素若寒士尤好引掖後進士論推服。○冬十月命議世廟神路禮部初議世廟出入不與太廟同門宜由闕左門入別開神路何淵言從闕左門入則經太廟之後折北而南復折而東乃達于世廟神路迂逆宜與廟街同門圍制左祖右社語社則稷在其中語祖則禘在其中社稷異神尚得合祭同門獻皇與祖宗本同一氣乃不得同門耶禮部尚書席書等議言獻皇廟議已定不干大廟而君臣之分嚴獨尊稱廟而父子之恩篤神路少或不便特一節耳何淵言雖鄙俚而于禮未為有害于事未為不可臣等亦不敢固執但直通北街須毀牆伐木折神宮監似為有礙諸命會官相地議擬。上允之。○璵亦主廟街繪圖以進費宏等力爭不聽。上曰由廟街門但于神宮監北量折廟屋令可通板輿而已

謹按史臣曰皇上從容中道者也初禮部議未當群臣論奏未知
所處聖諭曰朕豈敢有子太廟是見太廟不可于矣崇大統也義也
曰觀德殿奉祀尚在大內太常不得行禮匪合儀制是見世廟不得
不作矣篤尊親也仁也至作廟曰制度與太廟同而高廣微減自義
率祖而有所制也議廟路曰往祭世廟還由廟街門自仁率親而有
所統也制禮作樂非聖人其孰能之

○詔修遼東邊牆從巡撫周璉之請也仍命戶部以長蘆額鹽六萬引
山東四萬引兩淮三萬引行該鎮關市以佐工費○語論四方災異上
下同加修省大學士費宏等上言應天以實不以文感人以行不以言
皇上欲盡修省之實必存心政事加意察民而後可今用度不能節省
則民財竭于科歛工匠不能停減則民力勞于奔走近京地土不為莊
田而民間養馬當差之費無從辦納入庫錢糧賠納過多而遠方承領

卷之二

三十一

管解之人無所控訴太倉無三年之蓄而冗食者收充不已京營無十
萬之兵而做工者借撥不休況忠直之士以觸忤得罪而未蒙寬宥臺
諫之臣以敢言為職而每加詰責有罪當刑者屢經審錄而不為處決
無冤可辨者或加優旨而仍令勒詳皆足下致民怨上干天和此臣等
深憂極慮不能已于言者又前曰憫念民窮欲暫止仁壽官工役臣等
不能將順聖意若因修省暫且停止未為不可上嘉納從之○十一
月召提督陝西軍務兵部尚書楊一清為少師兼太子太傅吏部尚書
武英殿大學士預機務初御史吉棠等奏召一清入閣復起彭澤代一
清總制章下吏部大學士費宏奏召謝遷席書上言一清宜復內閣而
宏舉謝遷所以沮一清耳吏部外牽于臺諫內媚乎宏惟斷自聖心可
也上從之故有是召○戶部尚書秦金疏止採取金珠寶店言朝廷
經費多端太倉所餘無幾此外別無區處至于珠石原非中土所產祖

宗朝俱有內藏皇上恭行節儉必不以此玩好之具勞民動眾况廣東
軍費災異頻仍一聞採取民何以堪不從○十二月乙卯朔日食○命
註尚書伊訓併聖祖所製洪範註與近日御製無遠分為三冊共成一
書復命將崇陶伊訓無遠通加註釋名曰書經三要○大禮集議成席
書奉表以進言曰聖曰龜奮正義以爭于前曰書曰聖曰獻夫申大經
以鳴于後實為綱常之計無後身家之謀上命頒賜各藩府及中外
文武官仍令各省刊布以傳乃加席書太子太保張璠桂夢榘事府詹
事兼翰林院學士方獻夫霍輅少詹事兼侍講學士建議諸臣皆加秩
有差○閏十二月南京御史司馬秦等奉詔陳言以消天變禪聖政疏
陳教聖學攬政權遠小人勵百官錄忠臣蘇民困振武備七事上納
之○太監李能請權取山海關稅以備邊費部議聞以詰奸非以謀利
元年詔旨盡行裁正豈宜更開利門不聽○進費宏少師兼太子太師

卷之二

三十一

謹身殿大學士石塘寶詠並太子太保武英殿大學士○兵部尚書金
獻民罷以李鉞為兵部尚書言官論獻民于士魯省措置失計獻民因
引去以鉞代之

兩歲嘉靖五年

春正月甲申朔詔給食京師饑民時饑民多乃命養濟院月給米醵燭
旂竿二寺日給食以惠貧民○學士張璠桂夢榘疏請寬釋禮部得罪諸
臣言近者諸禮諸臣倉卒定論不暇考禮聚訟四年更詔三遍此誠出
于皇上因心之孝親自裁定非臣等凡庸所能與諸臣一時愚昧誤犯
聖明曲衷矜宥今尚有充軍如學士豐熙郎中余寬等者為民始給事
中安磐張漢卿等并降調如修撰呂柟編修鄒守益御史馬明衡李本
陳相段綸主事侯廷訓評事章商臣等者伏罪省愆已喻三載况今獻
皇帝追尊之禮已成世廟已立皇上大孝之心光于天下萬世矣乞將

言禮放斥諸臣或矜其情而寬其法或諒其心而復其官御史張家亦上言乞宥伏闕諸臣章下吏部議上復報罷給事中史于光言聖人喜怒如天道伏闕諸臣怒而罪之此秋氣肅物之極哀疏勅下議且將賜還此天道賙物之仁俄而報罷豈欲其厥嗣之久然後用而全之乎今廢謫已兩閱歲一旦如劉安世齊志以殘范祖禹梅州不返陛下必有後時之悔伏望早沛春生之仁即起諸臣必將感恩思奮以圖報稱不報○詔起提督三邊王憲赴任御虜時虜亦上刺住牧寧夏賀蘭山後將以水合渡河入套陝西諸邊皆患之鎮巡以聞乃命憲無程赴任○南京御史趙得祐論劾禮部尚書席書言書因排大學士費宏遂謂書諂媚宏是倡黨說惑聖聽也且書救一陳洸而洸輕之稱一鄭洛而洛効之書亦有靦面目矣廖紀欲避吏部讓書而書肆為衆所鄙棄之語以資聖聽是果忠于朝廷耶上怒奪得祐俸○禮科給事中林士元

卷之二

等論劾學士桂萼言萼與刑部尚書趙鑑論給事中陳洸罪犯至據臂相加輕蔑禮法真此為甚夫君道友逆則順君以誅友今洸負不赦之罪萼乃欲撓法以違君忿戾橫于胸臆攻激加于班儕殊失大臣之度章下所司○命有司為大真人張彥頰營第時彥頰府第被災請賜更造上許之命有司建造遣內監一人往督刑科給事中黃臣言頃者趙泰榮三王府災第詔行勘估計今彥頰所請未經估勘輒煩有司且遣中官往督是出親王上也昔漢采巴嘆酒殿庭而成都火熾彥頰若有道術豈不能救其家之燬將焉用之上詔如前旨○御史雷應龍請罷養鷹犬之費上命光祿寺數教以聞應龍言乾明門諸所畜養鳥獸歲飼肉一萬六千又五百餘斤秫豆五千二百餘石徒費民財恐累聖德請悉罷之上曰朕即位來凡百玩好不經耳目惟欲慎德圖治以安民生鷹犬蟲蟻一無所益每歲畜養乃耗萬計所司其查數以

聞○詔許河南山東輪上太倉粟價先是河南山東州縣歲輸大倉粟米民皆領價有司市之京師時京城米價翔貴計值當虧正課三之一民莫能辦乃自言願盡輸原領價銀以蘇困苦戶部請從民便每石輸價銀八錢五分加耗五分上許之命來年仍納本色如故○都督同知桂勇請定班軍盜發連坐之例時巡捕軍有為盜者事發則領軍官皆連坐勇因言官軍故皆奮休盜發班中則輪班者當坐下班者不當坐請分別輕重行罰其不係官軍能踪跡盜賊者皆得論功如賞格兵部覆奏如勇議從之○給事中王科請舉首領佐貳之廉能者言兩司首領州縣佐貳以下率以秩卑為上官所輕棄則部民得以事傾之以故率貪冒不自顧惜宜令所在正官各舉所知擇其中廉幹者稍加遷擢使得自展布又今邊疆財貨之職不宜以庸下材有物議者宜擇年力精強及引目所選士使任之邊方州縣巡運司等官有廉稱者一

卷之三

禮部用吏部議從之○以災免鎮江丹徒丹陽三縣原帶徵嘉靖二年錢糧金壇縣帶徵已完特令改折四年兌軍米以蘇民困○戶部請嚴徵解之限言有司徵催無法經賦不辦國用告竭請督比天下來朝正佐官凡徵解未完者籍記多寡者為限程限內皆停俸以完日支給過限者並下巡按遠問送吏部降用則人心知警國儲自充上是其議命從實舉行仍問戶部以各抽分廠及鈔關銀課所在戶部具對河西務杭州北新關及臨清三鈔關錢鈔自元年至四年皆輸廣惠庫楊州進安二鈔關三年以後皆歸補官軍俸糧蘇州許墅鈔關自元年八月以後皆輸大倉銀庫九江鈔關自元年八月以後皆解部給公用其六年七年合將七鈔關錢鈔皆送工部以備仁壽官營建之需上命七年以後各鈔關銀兩皆輸承運庫錢鈔輪廣惠庫○二月以龍虎山上清宮道士邵元節為真人賜銀印吳尚禮為左至靈宮供事○陝西

地大震○會試天下貢士命大學士賈誼詹事董理為考試官取趙時春等三百人○戶科給事中管律請復兩淮鹽課舊制言兩淮鹽課舊制七十二萬引有奇其常股四分以給工役賑濟之需存積六分非國家大事邊警有急未嘗擅開糧草皆輸本色未嘗濫收銀價是以國不言虛邊不告歉正德中改常股存積皆為正課破利生奸遂令商人自請開中又皆拆收銀價緩急無備請自今五年始畫復舊規則公私兩便從之○天方入貢詔遣繫禮部主客郎中陳九川主事陳邦傳千錦衣獄時譯使胡士紳言九川等索授天方王璞上怒逮赴鎮撫司拷訊給事中解一貫奏乞併逮士紳及天方使人面質不報既而錦衣邏校聞大學士費宏命王工製帶疑為九川所索王遂入宏第執會中兒以去欲與九川對簿宏弗敢拒因上言曰者臣遺故尚書鄧璋以詩璋酬以玉璞重若而斤為束帶者三今天方失王重若而斤與臣璞輕重

卷之三

三十四

不倫若之何疑臣受九川獻九川之誣據此可辨上不問以溫旨慰之而九川竟論成邊○畿內饑巡按順天御史張珩言畿內凶荒乞加賑恤部議從之乃命郡縣倉使悉數給散不足則發通太倉錢穀補助之○詔免盧溝橋稅御史沈松言無湖荆杭諸處皆隸水干便市舶權分為宜盧溝橋稅御使沈松言無湖荆杭諸處皆隸水干便市舶皆貧民自致以食其力宜免稅以甦之上如議行○巡撫甘肅會都御史陳九疇請外徙哈密夷人于肅州北境不徙九疇及兵部尚書金獻民奏言哈密二種向因避仇內徙一居肅州東關一居金塔寺等處異類雜居終難輯睦議得肅州北境棄地量與築室修城以居永杜後患總制楊一清覆議各夷自內屬以來未嘗為患一旦遷之外地此不北合瓦刺則必西連察台徒足召孽未見有益宜待哈密復立之日方可議此上然之令提督尚書王憲轉行鎮巡曉諭撫綏毋致疑貳○

命南京存留馬快船及修造操江船皆如故先是巡撫應天都御史吳廷舉請以南京馬快船十分之四改為操江巡哨船可省派南直隸數十萬銀兩南京兵部尚書奎元嗣議以為南京江淮濟川二衛及錦衣衛見船不過九百餘隻每歲差用常六百餘往來守候動經歲時而又有年例錢及陪償修理之費每食船甲民甚苦之然必船隻有餘乃可稍寬人力若去十之四則存留應役之人何以堪命且舊制洛河聽守船隻無事以通使客有事以備征進若減舊額則停泊難久失祖宗防微至意非臣等所敢知也得旨如部議○應天府尹王璘朝覲回任以母年九十乞便道歸省許之○士魯番乞貢不許先是士魯番數遣人持番文入貢詞先後不一巡撫右僉都御史寇天叙等以為請詐反復不足深信第恐求貢不得明春復來防禦不可不嚴于是兵部議以為士魯番持其詐力且貢且叛往歲甘肅之役大肆侵掠故議閉閣絕之

卷之三

三十五

今以計窮乞貢而番文背戾諺張不實其所遣又非彼中英人詐譖臣則請下提督鎮巡官曉諭夷使如果悔過効順方許通貢如有詐偽仍舊閉絕嚴兵境上以俗之上從其議○詔准復原任南昌知府鄭獻舊秩不必再勘先是獻已奉復御史楊林復論之獻復上言臣前守南昌展濠謀逆臣首發其黨主何順之好次擒其黨與委進係之屬濠深恨臣遂中臣以危法法吏乘風煽煉成獄身陷囹圄及濠舉兵命臣臣別舟聲言用臣祭馮幸臣以微言諷感守者得脫械先登斬其七賊歸諸都御史王守仁具陳城中虛實守仁以為忠相與決策攻入南昌因委臣圍守王官頗効勞績而御史楊林乃誣臣投到於賊亡之後心跡未明死有餘恨吏部以聞上曰獄抗逆遇禍不陷非義又頗有斬獲功准復舊秩不必再勘○詔出高牆嶺庶人家屬時留高牆者甚眾上憐而出之以屬楚王鈴東仍令所在有司嚴加約束毋得令放縱○

命授營建工役官秩御馬監太監張忠為營造官殿工匠役乞恩授秩其中以前戶乞錦衣千戶者二旗卒乞百戶者一冠帶人匠乞錦衣鎮撫者四十有四畫象官乞京班者七匠役乞冠帶者十有四計六十有八人俱從之給事中鄭自壁上言力諫乞收成命兵部侍郎胡世寧亦以為言俱不報會太監周縉等乞錄故太監羅喬泰文宗詔復從之于是尚書李鉞言我朝舊制武階專待軍功管事必由推選自正德間為權奸所亂幾危社稷今整肅未幾而內臣乞陞隨請隨得如祖宗成憲何如天下公議何 上以陞復官職先朝故事戒鉞等勿復言○三月廷試賜製用卿楊維傑歐陽衡等進士及第出身有差先是席書上言臨軒策士延攬英賢朝廷第一大舉何讀卷者以官之崇卑為甲乙人每閱卷二十而受卷糊名諸官不畏國紀每以故識當路子弟所對策盡付元臣擬取上甲次及九卿翰苑所讀雖有材雋抑而不揚乞勅

卷之二

三十一

御史有風裁者監收試卷嚴督糊名勿通關節送各部諸臣從公裁取如踰前轍指名彈劾 上然之○戶科給事中陳洸劾籍先是潮人賴氏等奏發洸之事情御史監田舉劾勒令即中葉應聰等親詣廣東會官勘問南京御史司馬泰上言洸奸邪之心鄙穢之行奸娶之妻上盜勅命強奪之妾下敗囊倫手書稱刷賊為大王莊房寓劫財之強盜占田不下數萬畝累死不止數十人潮人痛憤切于骨髓寃號徹于蒼旻洸自知罪大而不可解乃託為議禮致警之言每每飾辭強辯以賣聖聰乞明正其罪以謝潮民以懲奸惡疏下所司既而勘明刑籍為民時太監崔文亦黜退閑居南京御史王錄又言惡如陳洸宜置重典而脫死為民奸如崔文宜投遠裔猶未拔去乞編洸于滇南發文于孝陵以防後患杜復進可也因為呂柟鄒守益諸臣宜原心釋罪復加錄用不報○詔復以衡道為給事中洪養浩為御史時故太監王堂寅錄左

右起為天壽山守備御史謝汝儀疏論不報俄擢堂守備南京而孝陵司香故太監谷大用屢以司香康陵為請從之御史喬祺疏諫不報謝汝儀復上言人君之德莫大于明斷陛下復衛道洪養浩官天下俞然稱陛下之至明罷黜崔文天下俞然稱陛下之英斷乃御史張袞請錄用豐熙等陛下始然而中止豈聖心不無芥蒂于中耶臣以為陛下之仁諸臣終當被其休光但恐讐讐卒徒之中依依下寮編氓之內歲損月失他日雖欲憐而用之將何及乎此張袞之言當亟從也御史喬祺論谷大用不當取用陛下報聞豈聖心不無眷念于中耶臣以為陛下之聖奸惡固有所憚而不敢為然王堂守備南京矣亡何復有大用之命但恐此輩招置愈巧根據日深他日即欲殺然去之不已晚乎此喬祺之言當亟行也亦不報○夏四月都御史姚鏞督師討田州指揮岑猛廣西諸土酋族岑氏為大自叙為漢岑彭後國初岑伯顏以田州歸

卷之二

三十二

附世知田州府三傳為岑淖潭二子長獮次即猛弘治六年獮弑父自立為土目黃驤李蠻所殺嗣位未定而驤與蠻構以猛奔梧州督府奏猛襲父官爵後與思恩知府岑濬相讐殺濬亦猛族也遂襲破田州猛走免都御史潘蕃奏討濬誅之改思恩為流官知府兼攝田州隆猛福建平海所千戶正德初猛賂劉瑾得復為田州府同知領府事猛撫輯遺民兵威日振會江西盜起都御史陳金檄猛從征賊平金疏猛功還指揮同知猛與復祖官不得觐望驕蹇漸不用命交輟旁郡日甚而前得猛賂者至是無所得多諸猛不法都御史戚繼期信之欲脅得重賄舍猛猛復出不遜語應期怒疏猛反狀請討之未報應期去都御史姚鏞代不察其故再疏請征猛從之乃遣都指揮沈希儀張經李隆張佑程鑒等五將軍帥兵八萬分道進而令參議胡允元監軍討之○禮部尚書席書疏請選庶吉士從之書言國朝選庶吉士讀中秘書始

自永樂初後掄取無定科考校亦無定制弘治間大學士徐溥丘濬始議每科一選不限地方歲年以為定式迨後因涉嫌疑遂不復行似非至當之舉乞仍舊議每科選取第勿逾二十人可也 上從其言○大學士費宏疏辨張璁桂萼誣奏 上溫旨答之時璁等連章劾費宏實受陳九川所盜王璞又受布政使彭燮金而擬旨留用宏上既自理言璁等欲殺庶吉士臣等請以溫仁和董祀為之拂二人意璁又自言日者談彼命當與卿人並相諷臣推轂而臣亦未及又見臣恭和御詩荷章朕王帝之賜復懷嫉忌形干奏計臣以皇考實錄重成不忍遽去故敢辨析明臣之愚 上慰諭之御史鄭洛書言璁等劾宏受王納賂是宏為貪夫不可司政本矣而宏之留人無非之者以其藏垢納污之量可以敵璁等之橫議也以璁等之言宜可秉國柄矣而人無干之者恐其脾睨代宏遂至流毒天下也乞諭宏以止足之義戒璁等肅暴之

卷之十一

三十九

非各令乞歸別選賢能以副任使不報○五月癸未朔日食○刑部尚書趙鑑致仕鑑以疾乞休優詔許之特賜馳驛仍令有司給以月米及歲夫六名陞辭 上特製詩一章書于龍箋賜之以寵其行舉朝以為異教○福建知府汪文盛疏請蠲賑言自正月雨至四月不惠平曠皆為巨浸山鳴海溢旗鼓自警奏乞蠲賑且乞自罷以謝天譴章下所司○上奉兩宮于午日及舟賜宴給事中高世魁言舜造漆器諫者十餘人以防侈靡之漸陛下之德遠追虞舜近有此舉不將為逸樂之漸乎此必左右有緣先朝故事為請者近來每每輒言故事如太監鄧文請易勅書張忠乞陞官匠皆附會輟欺陛下以濟其私陛下入其機而不自覺殷鑒不遠願亟而之報聞○召用大學士楊一清一清辭之復疏五事曰聖孝聖政聽言有過和衷 上優詔褒答不允所辭○六月進費宏章蓋殿大學士楊一清太子太師謹身殿大學士石珪賈誼並

太保先是禮部尚書席書言國家大學士故事凡少師必兼太子太師少傅必兼太子太傅俱謹身殿少保必兼太子太保武英殿今一清以少師乃兼太子太傅武英殿非制也乞改正以存彞典一清言臣見書疏惜其典章之未明發言之太易也太宗初置閣臣以學士為首餘皆請讀修檢而黃淮以中書預焉自三楊始進公孤而士奇少師兵部華蓋殿榮少傅工部謹身殿溥少保禮部武英殿未兼青官保傅之官也燕之自景泰始至英廟委任李賢止以吏部兼翰林學士而已後乃加太子少保憲廟初始進少保華蓋殿成化以來始有少師兼太子太師等官耳書之典章果何據乎且書以費宏抑臣于後故為此以先臣然宏為少師一年矣臣得入即使官秩書同亦當叙其下書意雖厚臣實不知臣也既入報聞故有是命○上御平臺召大學費宏楊一清石珪賈誼入見宏誦詠先入 上諭之曰卿等昨和朕詩朕亦為卿等作一詩相

卷之十二

三十九

勛一清繼至 上諭之曰卿昨歲督邊殊有勞勛茲特召還輔理朕為一詩賜卿卿其勉之宏等皆頓首謝謹按吳瑞登曰太祖御黃閣為宋濂賦醉學士之歌宣宗御文華為楊士奇賦樂有嘉魚之句于時猷和蓋真明良喜起之氣象矣我世宗平臺四詩遠追先志下勵臣工于宏則以沃心輔德期之於一清則以政本皇綱賴之于珪則曰化成在人文於詠則曰治理須于平蓋皆因人警戒所以弼嘉靖初治宜其有光祖宗矣○太子太保戶部尚書韓文萃文山西洪洞人清心寡欲癯瘠粹又奮勵充叅議量蓋宏居常抑抑至臨大事介斷連擊至死不撓至是卒吏部議諡曰忠武子而卒保其身老似武公而不弛于學乃贈太傅諡忠定○上以恭穆獻皇帝睿書頒賜廷臣○恭穆獻皇帝實錄成凡十五卷實訓十卷○秋七月壬午朔享太廟遣駙馬都尉崔元代給事

中章僑言廟享禮無故不宜遺代元雖親屬貴臣終非氣類相感祖
宗之靈決無歆享之禮又况臨時差遣倉皇就位誠敬何存 上責僑
妄言奪俸○副都御史張潤請行訟牒株連之禁從之潤言國朝令甲
自叛逆盜賊機密密藏外軍民訟牒連株振拾全誣十人以上者俱有
厲禁近來官司不恤民隱不思一人被繫一家痛苦輕忽者不肯理庸
劣者不知理急緩者不能理貪暴者恣其科索街其威福快其羅織因
而廢人生業破人常產陷人驅命于和召災賊此之由乞行禁勅以福
生民從之著為令○禁冒乘驛傳御史劉陽奏論冒乘驛傳之害部議
嚴禁從之○八月詔改作親德殿先是上諭內閣曰世廟告成朕心始
懌但親德殿在奉慈殿後地勢迫窄甚非所宜欲改建于奉天殿東實
宏等言奉慈在西恐獻皇神明未安 上曰遷親德殿與奉慈無干勿
多言蹈前日大禮之誤宏等不敢復爭乞勅禮工二部卜日營度禮部
尚書席書等言世廟之建民勞踰年今災異非常大工不可屢興 上
曰民力富節但親德殿改遷舊宇所費不多宜令改作以慰朕懷給事
中張嵩御史郭希愈等言古之聖君清廟示肅才屋示儉况今府庫未
充征稅迫之事惟求貴惟仍舊可也皆不聽
謹按史臣曰君子將營宮室宗廟為先此世廟所以不可不建也然
親德殿在內實礙奉先殿此皇上所以欲改作也然曰改遷舊宇所
費不多親親仁民之意已藹然矣
○上頒示輔臣御書十二字曰法祖安民奉天行道福善禍淫且諭及
皇考昔年童訓之功今日勉學之勤宏等跪謝○上更撰世廟樂章迎
神用永和初獻用清和聖獻用康和終獻用冲和徹饌用太和還宮用
寧和而大學士費宏等上言皇上更定世廟樂章曲名欲少異于太廟
因具奏世廟中樂舞專用文德蓋以獻皇生長太平不以武功為尚考

之漢書高祖以武功定天下故惠奉武德惠文二帝不尚武功故止奏
文始昭德今世廟止用文舞亦此意也 上允之○魯迷復貢獅子二
犀牛一 上命收畜內府仍留熟炙五人飼之御史張錄力諫不聽○
九月癸未火星犯太微西垣上將星○世廟成 上自親德殿奉恭穆
獻皇帝神主安于世廟後自武英殿迎神位安于親德殿 上御奉天
殿群臣表賀○上定世廟祭典太廟同日初禮部議用次日太常寺以
時祭太廟并饗親德殿先三日齋戒先一日省牲今世廟祭用次日齋
戒省牲日各不同且歲暮之祭難以次日舉行禮部復論世廟時享應
用太廟次日歲暮權與太廟同日 上曰俱用同日常第行之○上奉
重聖皇太后謁見世廟先是 上諭輔臣曰聖母欲謁世廟卿等詳議
可否費宏等言國初所定諸司職掌止有納妃謁奉先殿禮而皇后謁
廟禮並不載惟大明禮制內有皇后初立謁太廟禮未樂續定儀法改
謁奉先殿無至太廟者蓋以正乾坤之位謹內外之防聖母欲謁世廟
忍經由太廟門祖宗列聖臨之在上心固有不妥者 上以問魏藻對
言唐開元禮有皇后廟見之儀國初皇后謁太廟內外命婦陪祀永樂
止謁奉先殿當時禮官失考非祖制也皇太后中宮宜先見太廟以補
前禮之缺次謁世廟以成今禮之全宏一清曰魏藻所引開元禮不可
為法國初禮文未定二臣欲復廟見是彰祖宗之闕也不可席書劉龍
言魏藻所引俱婚禮今乃行大祭禮不可俾會重聖皇太后宜奉主後謁親
德殿以守祖法魏藻言周王宗廟之祭王服充冕而入立東序后服副
褱而入立西序九獻各四拜是天子與后共承宗廟也皇上毅然舉行
以復古帝王之威未為不可因具儀以上席書等不能難乃議請聖母
謁廟翟卑暫隨法宮路經太廟往復之間降輿與必須皇上躬自扶
侍蓋禮雖皇太后行之所以主斯禮者實在皇上一行 上從之至是

上奉章聖皇太后訓世廟還宮。上行慶賀禮賜席書劉龍翟樂張
璵桂夢金帛。○田州岑猛奔歸順州知州岑璋誅之功猛聞大軍至欲
兵令毋戰裂帛陳冤狀都御史姚鏞不聽督兵益急乃陳兵自固鏞下
令諸旁近土官能擒猛者予千金爵一級昇其土之半黨猛者移兵誅
之又以歸順州知州岑璋猛婦翁也恐璋黨猛乃召都指揮沈希儀問
計希儀知璋以女失愛故憾猛對曰僕司日當探其情以復希儀察其
部下千戶趙臣者雅善璋乃召臣問曰聞岑璋與猛有隙吾欲遣說之
藉令破猛如何臣曰璋多智善疑直語之必不信當以計說之希儀曰
計將安出臣曰鎮安與歸順為世仇督府往使人歸順則鎮安疑使人
鎮安則歸順疑公今遣臣徵兵鎮安臣迂道過璋璋必詢故臣為好故
泄之璋要領可得也希儀曰善乃遣臣徵鎮安兵臣過璋所璋果喜逆
臣曰久不見故人今肯念我來耶臣默然佯為不豫者璋叩之不荅須

卷之二

四一

吏復太息璋心疑之明日璋置酒飲臣臣愈不豫若有沉思者璋益疑
問故曰軍門有意督過我耶臣曰無之璋曰陣壕有所控訴將違勘耶
臣曰無之璋挽臣卧內跪叩之臣泣下璋亦泣曰璋死即死耳君何秘
不告臣乃曰託君肺腑有急不忍隱然君不死則臣死矣璋驚曰何故
臣曰督府討田州謂君猛婦翁必黨猛命我徵鎮安兵襲君君不言君
死我言君必驟發為自脫計我必以泄機死奈何璋頻首謝曰君實生
我君不言我赤族不悟也猛奴視吾女吾欲圖猛久矣奈何以猛及我
也臣曰君意若爾盍自列于督府匪直免禍功有藉也璋乃強臣留傳
舍遣人馳詣希儀所告猛反願擒猛自効希儀伴追臣返以其事白鏞
鏞喜乃不備璋督兵頗逼猛猛子邦彥守工堯隘璋遣千人助守實為
間也璋遣報希儀曰已遣千人為內應衣別有識幸勿加戮希儀許之
及戰歸順兵先呼敗感眾田州兵驚潰希儀斬邦彥猛欲出奔璋使

入招之曰事急矣願君走歸順可達安南再而後猛倉卒無所之又
以烟故遂佩印走歸順璋涕泣迎猛館別墅辟田州人無得至左右璋
日說曰天兵退矣猛喜不疑監軍胡先元與諸將見希儀已破隘欲擒
其功願開猛走匿璋所遂以兵萬人擣歸順璋亟遣人持牛酒犒師境
上而自來見諸將頓首謝曰猛敗昨越歸順欲走交南璋邀擊之猛目
被流矢走不知所之急之恐入交南連逆賊為變幸緩五日當搜致先
元等許之璋歸復跪曰天兵已退非陳奏事不自為君草封事令人
上之如何猛曰固所願也乃為疏令猛出印印之璋得知猛實印所乃
置酒賀猛樂作持鴆酒一盃獻曰天兵索君急不能庇請自為計猛大
怒罵曰悔墮此老奸計也遂飲鴆死璋斬其首并所佩印遣使聞道馳
詣軍門上之鏞撤兵還太監鄭潤總兵官朱麒各上言大軍破田州猛
中泰矢死斬其首搜獲印信其子參敗死田州平請設流官治之事

卷之二

四三

下兵部覆奏從之。○冬十月詔脩壽宮以巡撫王憲為工部右侍郎
總督收買大木給事中張萬言民困財絀宜先營仁壽宮以慰昭聖之
心其王德安喜景福等殿暫為停止俟民力少蘇徐議興建。上命次
第庀材營之。○頒賜獻皇帝恩紀合春堂詩于群臣。上親製序曰皇
考所著有恩紀詩集乃受命分封之國感皇伯孝宗皇帝錫予之恩
而紀之者也詩凡七卷有合春堂稿則未之國時在大內西館及出府
所作凡百三十餘首繕寫重刻以傳仰思皇考之教不可復泯然心數
固存手澤斯在朝夕諷誦庶幾有得也。○戶部尚書致仕蔣昇昇全
州人由知縣歷今官三十餘年操履清白始終一致與第大學士冕友
愛惇睦家庭肅然臨終戒子勿求恩澤士論重之卒贈太子少保。○李
勣遠提兵馬永官安置南京初永言諫禮伏闕諸臣質逐窮亮誠其自
取今大禮既明群疑盡釋聖心已慰而諸臣淹滯歲月無路自新乞宥

罪矜釋以彰浩蕩之仁 上怒其出位妄言切責之既而復為戍邊陲
完乞卹典遂奪官安置南京御史魏有本救求外謫吏部尚書廖紀因
言南京根本重地而軍政城守器械久皆廢弛前楊銳告往攝府而馬
永近復安置此天啟聖聰為根本之大計也乞寄以營務必有裨益御
史魏有本言雖可罪心本無他乞有狂言召還原職報聞○上製教一
箴及註范浚心箴程頤視聽言動四箴頒賜大學士費宏等宏等疏謝
因言此帝王傳心之要法致治之要道請勅工部于翰林院蓋亭壁立
以垂永久仍勅禮部通行兩京國學併摹刻于府州縣學使天下士人
服膺聖訓有所興起 上諭如議行○詔以定國公徐光祚冒請土田
悉以歸民時御史張珩丘養浩言光祚奪民土田冒請為已產戶部請
覈之 上命悉以歸民其勿覈○詔賜故太子少保吏部尚書許進謚
襄毅○翰林編修孫承恩上所編 賜名鑒古韻語先是承恩奉手勅

卷之二

四

命儒臣摘取尚書中善惡事編成 諷語以為法因取唐虞至宋元人君
事跡可為法戒者撰括成詩六十首以獻 上嘉納之名曰鑒古韻語
○十一月兵部尚書李斌卒斌祥符人長于軍旅料敵奇中在三邊嘗
以數千騎覆虜衆五萬時稱奇捷卒贈太子太保後諡恭簡○以王時
中為兵部尚書○以張璠為兵部右侍郎時璠與詹事桂萼兩疏論大
學士費宏專權威福大肆奸貪極言醜詆既而上御經筵宏不至璠遂
劾宏倨慢不敬用優人張仁出入私第開通賄賂縱子懋賢戀良狎嬖
媚優正德時旁註試錄傾陷僚友 上置不問御史張錄又並劾之
上曰進退大臣在朝廷費宏乞休已有旨慰留子犯罪過自有公決張
璠等各修乃職毋肆煩瑣給事中解一貫因言宏之大節無損璠等平
生和險無一可錄特以議禮偶合聖心憑恃寵靈凌轅朝士與宏積怨
已久不過欲奪其位而居之耳其所攻訐非真為國家也章下所司總

等攻宏疏四五上弗克乃具疏乞休言臣等既不能積誠以感動聖聰
又不能曲意以阿依權臣有此二罪難復居官 上慰勉留之○十二
月 上以災異諭臣工修省大學士楊一清上言臣親災異如遼東山
陝江浙湖廣地震不下二十餘次各處雨雹傷稼殲人南北直隸旱荒
為害山東豐沛洪水泛溢遼東有雷雨之變貴州有山崩之警至于江
南之人疴江西之虎怪郎榜之牛禍屢見叠出尤為奇異豈惟近世未
聞抑亦載籍罕有稽諸傳紀考其證驗皆陰盛陽衰所致伏願陛下總
攬乾綱以防欺蔽延訪大臣以資輔益覽諸司之奏章辨臣下之忠佞
似我飭諸司凡朝廷政事之缺失天下生民之利病以至遺賢之未盡
甄舉忠直之未盡收錄諛諛之未盡殄除幽滯之未盡昭雪明白開陳
悉心敷對陛下廓納善如流之量弘改過不吝之勇大要以恤民固本
為主民心悅則天道和此老臣垂 之年感恩圖報之愚悃也 上勅

卷之二

四

諭嘉納一清復條陳修省事宜一 上告以竭修省之誠一寬恤以宣修
省之澤一用人以資修省之益一 上獎以祛修省之害疏入 上曰事
關朕躬自有處置餘付所司降勅頒行○左都督時源條陳邊務三事
言實邊軍以禦外侮首馬力以壯軍威明賞罰以勵士氣部議從之○
議瀛河禮部尚書具一鵬言清河以北兗州以南水勢渺茫田廬淹沒
請徵求瀛河漕運等處或濬故道以通其流或開支河以分其勢大學
士費宏言我朝河勢南趨自入河南汴梁以來分為三支或由潁亳地
方渦河等處或出宿遷小河口或從懷遠至泗州出淮河其勢既分雖
有衝決之害亦不甚大正德末渦河日就淤淺黃河南趨之勢既無所
緩乃奔赴沛徐悉入運河自徐至清河一望皆水耕稼失業近來沙縣
至沛沙淤壅塞官民船隻往來悉取道昭陽湖而湖水不多運道必阻
此可憂之甚及今必須濬河復舊通流分殺河勢然後運道不至泛溢

徐沛之民得免漂沒之患而巡按御史穆相戴金劉深亦各上言部議
言宜塞支河口相黃河水勢向背開河地勢高下講求疏濬之法○兵
部請檢選騰驤四衛官上不從御馬監乞自選移部銓注亦不從既
而太監閻洪橋言選之請移文兵部遵行給事中鄭自璧言陛下免選
之旨丁寧至再而閻洪剛復自用仰雷建之威蔽日月之明聖轂下輒
敢為此治洪欺蔽之罪不報○詔公侯伯不得輕預都督府事給事
中管律言太祖革樞密院置五府設都督及同知僉事諸官總諸衛所
分掌京軍公侯伯止隸籍祿不預府事有事則召總兵官佩大將軍
印帥師征討事平則束身歸第官卒各歸其所又禁官貪勿受公侯饋
遺官卒非征討不得輒入公侯之門今給印劄書俱屬侯伯圖京坐司
亦皆其人腹漁自潤禁禦侮之兵祇為前驅後擁之具非磐石之至
計帶礪之貽謀也乞勅兵部別以去留別選材諸以備緩急從

皇明嘉隆間見紀卷之三

丁亥嘉靖六年

春正月己卯朔○大祀天地於南郊罷慶成宴先是禮官以宴請上
曰郊祀慶成次日設宴乃祖宗朝典故典蓋以上帝居歆君臣歡會其禮
不可廢也今四方災異非常方欲上下同加脩省朕恐多費勞民可暫
免一年以見朕奉天恤民之意惟四吏使臣賜宴如故○裁革江西臨
川縣東館及安仁縣二稅課局○大學士楊一清上所擬元宵詩時
上政暇喜為詩文一清以所擬元宵詩呈覽內有愛看水輪清似鏡之
句上以為類中秋詩改云愛看金蓮明似月一清疏謝以為曲盡情
景不問可知其為元宵作矣聖賢趙倍殆非臣下所能及也○以災免
南京錦衣等四十二衛屯田子粒有差○詔營造江西上清真人第宅
南京給事中鄒架因上言無從出請以家豪入官田宅照時估價變

卷之三

賣可得十數萬兩除給造第宅外以其餘者賑貸疏下所司○南京刑
部請治南京御馬監太監牛宣需索之罪時宣以需索解戶鋪墊銀被
劾宣訴稱舊規詔聽分路俸有奉御宋得常隨趙文景弗治於是南京
刑部言鋪墊之名乃正德以來積弊非舊規也今若聽宣妄引為解則
自今內而郡縣有如昔之科歛貧民外而邊師有如昔之扣除糧料詰
之則皆曰此舊規也分從分豁可乎此皆耗府藏而戕元氣者也幸陛
下察之疏下法司○詔罷前山東提學副使趙鶴鶴以快死訓導為諸
生所奏勘明聽調吏部議補嶧州兵備銀罷○齊庶人長樂請給養
儀銀兩許之初長樂以父能增墳在江寧奏乞蠲租賦革草堂禁侵擾
置守戶又請養像銀兩惟許給養像銀兩有差餘俱報罷○賜宣寧王
府宗室輔國將軍成鐸夫人李氏坊名曰旌孝初李事姑王肅孝姑前
不致叱婢姑疾瘳戒禱神祈身代姑疾則先炙臂試痛姑在牀褥親扶

持鹽櫛食飲烹浣者十年衣不鮮帶居喪哀毀過禮幾絕而甦宣寧王上其孝行為請旌表故有是命。○以災傷免福建福州廣西桂林等府稅糧。○兵部侍郎張璠上大禮要畧先是上諭禮部曰獻皇帝尊號已定世廟已成所議典禮不可無一全書特命館閣儒臣重加編纂以成一定之典以昭一代君臣之行璠遂自纂大禮要畧二卷以進因言此禮之失非今日也自漢宋諸君失之矣此禮之非非今日也自漢宋諸臣爭之矣皇上之改非改今日也改漢宋諸臣也臣等之爭非爭今日也爭漢宋諸臣也是宜皇上之欲為全書以昭一代君臣之行也夫前之集議成于禮部猶從案牘之文有司之書也今之全書出于史館宜從典則之體天子之書也昔唐有開元禮宋有開寶禮所載多制度儀文而已曾有如今日嘉靖之禮為經綸立本之大典哉臣自建議以來履歷所識無敢自欺輯為要畧誠有不得已焉者也 上命付史館

卷之三

纂述○勅纂大禮全書以大學士費宏楊一清石琚賈誼尚書席書為總裁官侍郎張璠詹事桂萼副之共領其事翼日開館 上御文華內殿召纂修諸臣諭之曰大禮書未備特命卿等纂修傳之萬世各宜用心因賜金帛有差宏等稽首拜命而退。○詔陳利民事宜時災異叠見大學士楊一清疏請寬恤以宣修省之澤 上曰朕思民瘼多艱情狀難一匹夫匹婦容有不破其澤者其令諸司四品以上及科道官各將利民事宜條列以聞朕敬天恤民之意光祿少卿余才上言拘以四品則求言之道尚為未廣報聞。○錄用議禮諸臣初教諭王份為大計所黜光祿寺錢子勳亦以他事奪職而錦衣百戶聶能遷則以沐革與南寧伯毛良皆閒居里中故各言宜考獻皇帝以千進用時禮部奏乞錄用議禮諸臣 上遂命毛良管理軍政能遷進錦衣千戶份陞級于勳原官致仕既而份乞京秩子勳援例乞蒞事皆從之吏部尚書廖

紀及給事中劉穆各疏言國朝令甲以大計黜者不復叙乃份等以言禮干進遂啟倖門不可不聽給事中解一貫上言大禮者陛下天性之孝非因人言而成官爵者陛下勵世之具非倖倖而得彼議禮者皆何知人取果若為忠必無一毫覬覦之念乃以為餌而欲徼陛下之爵賞則為小人無疑得免刑誅為幸從而官之可乎若復用份子勳壞祖宗百年之制啟小人倖用之門何以示後疏入亦不報。○虜寇大同塞。○二月改觀德殿為崇先殿初西室之修未以殿名 上命內閣擬名毛紀費宏石琚擬上三名曰崇本曰崇恩曰衍慶 上親定為觀德殿取商書七世之廟可以觀德之義也醫士劉惠周序忘奏以為未善請更為尊親殿且揚言德字同德祖之號時眾議紛惑 上乃下二人于獄竄之編伍眾乃止至是 上更定名曰崇先殿既而惠周序子想父重譴乃命釋之

卷之三

三

謹按史臣曰太廟以奉安神主禮制之本然也內建奉先殿奉安神位以伸朝夕朔望致敬之誠禮以義起者也夫以太廟則有奉先殿然則有世廟宜有崇先殿矣夫祖禰一體也奉先崇先一追也改觀德為崇先名實稱矣 大學士石琚致仕。○加席書武英殿大學士致仕尋卒時書為少保兼太子太保禮部尚書以目疾乞歸 上念之特加武英殿大學士賜第京師支薪官四俸仍令不時疏陳時政書受命三日卒贈太傅諡文襄書遂寧人早自修檢才諳學識又足展其志意所至注措有善譽以議大禮稱 上意進少保賜第給俸禮遇亦稱隆云。○召起羅欽順為禮部尚書不至初欽順為南京吏部尚書召為禮部未至以憂去至是服闋 上先因大學士席書以目失明薦欽順自代故復有是召欽順力辭不就。○南京禮部尚書邵寶卒贈太子太保諡文莊寶無錫人質性

純懿問學該洽孝親睦族獎誨後進應務之才細巨皆適所著有學史
簡端錄二書巡撫吳廷舉上于朝。詔逮繫兵部主事楊惇等及刑科
給事中楊言于獄初錦衣百戶王邦奇陞千戶遇詔汰革邦奇以詔出
大學士廷和子深怨望之及奏復舊職又為兵部尚書彭澤所抑故又
怨澤乃上疏陳邊事詎澤與廷和誼誅此兩人疏下兵部邦奇復上言
費宏石瑄俱廷和奸黨得奏欲為彌縫而廷和子兵部主事惇藏匿傳
牘令前後奏辭皆不得驗彭澤弟彭冲又為交通請托上命下惇等
獄令廷和會鞫刑科給事中楊言奏邦奇心懷怨望文辭奸言詬辱大
臣惑亂聖聽廷和保全神器歸于陛下即所擬條格或矯枉過直然事
專為國今去未幾禍延子孫恐全軀保身之士皆以廷和為口實誰復
為國家任事上怒其為大臣遊說即朝中遺言與惇併問御史陳察
向陞大呼曰臣願以不肖軀易楊言群臣咸駭引避上目攝察察不

卷之三

四

為動上亦置不問察退而上言無論邦奇言非實即大臣不自歸杆
文罔無以消厭人議亦宜體貌始終聽自校効去宜下邦奇司寇獄勿
今天下有以窺見風旨上然之因寬言微諷神外以楊惇隱匿卷宗
視職為民邦奇陳言希用降總旗御史程啟光等復上言楊言昧旨東
奏不知避忌然其心欲因事故效忠耳願以敢言獲罪下同輿皂備嘗五
毒復斥之外補如此用舍何以勵臣工示天下乞復還原官庶聽言之
智使過之仁圖治之勇三者皆得報聞。三月虜寇宜府入大白陽堡
恭將關山戰死所部卒殺傷殆盡巡按御史杜民表以聞上以宣府
一月連喪兩軍乃切責鎮守太監正統巡撫周金令立功贖罪。南京
吏部尚書朱希周罷時希周主大計京官事竣有言希周主計不職一
言官者上聞之命再考察希周懼上疏自劾因乞罷從之再考之命
尋亦中止。大學士劉健卒健洛陽人性簡靜重風節初事孝宗補成

聖政晚受顧命抗言致主完名全節天下仰之卒年九十有四計開
上為暇朝謚文靖。夏四月大學士費宏致仕時宏為璫等所排致言
日至乃力求罷歸從之。以禮部侍郎翟鑒為吏部侍郎兼翰林學士
入閣參預機務。議行馬政兵部言祖宗制養馬在順天府府屬論地
派養此外更無別科種馬在應天府府屬論丁派種此外別無他役如
有倒失雖赦不蠲項者有司怠玩漫不檢覈或地歸豪右而養馬累于
細民或丁多逃移而種馬至于漸耗馬政之廢實由于此宜令順天府
屬數地應天府屬數種有地亡馬存者即以其馬責之佃主其種馬昔
有今亡者俟秋成日以漸買補則數年之後馬可蕃息詔如議行。崇
先殿成上奉安恭穆獻皇帝神位聖母章聖皇太后行謁見禮賜楊
一清賈詠翟鑒劉龍張琨桂萼金帛。詔賜南陽漢丞相諸葛亮祠名
忠武河南南陽府屬舊有諸葛卧龍岡祠廟巡撫蔣聘請賜祠額詔以

卷之三

五

忠武名。詔逮繫巡按山西御史馬錄下錦衣衛獄初山西五臺人李
福達一名午戌邊塞陝西洛川縣與季父越倡白蓮社惑眾嘯聚數千
人大掠鄆洛間尋捕越及其黨誅之福達逃匿既而徐溝縣有張寅者
納級為指揮其子大仁大禮輸粟國學巡按馬錄行部至縣其仇薛良
訐告寅係妖賊李福達變易姓名蓋是時窮追福達方嚴也錄欲以為
功遂執之而張為縣中悍族譜牒甚具錄詆為偽撰一切捺抹寅走京
師于武定侯郭勛勛為秘書錄錄遂飛章劾勛藏匿叛賊并私瞞上
之上責勛對狀刑科給事中張達等復劾勛黨逆事下都察院乃復
請轉行山西按臣訊之時錄亟以獲捕妖賊為功屬威嚴以就贖于是
詢給事中常泰刑部即劾仕暨鄆洛父老皆附和同詞以張寅為真福
達也錄以成案行布政使李璋按察使李珪會事童倫指揮馬勇難輸
之無敢及異者遂會巡撫江潮論云福達聚人數千殺人巨萬難潛踪

匿形而罪跡漸露雖變名易姓而惡貌如初論以極刑尚有餘辜武定侯郭勛結納匪人請薦無忌雖妖賊反狀未必明知而術客私干不為避忌亦宜抵法示懲章既上復下都察院都御史聶賢據外崇違覆奏張寅委係李福達逆跡昭灼法所應誅上命錮以待決因詰郭勛勛乞恩輸罪因為寅辨其枉寅子大仁亦奏雪父枉而聶賢及御史高世魁故寢其奏給事中劉琦常泰等七人御史高世魁等六人即中劉仕等復各疏勛名曰輸罪實代為達辨論以知情何詞福達妻李俱歷勛家論以藏匿何詞為達居間唆其子亡命論以故縱何詞江潮馬鑾聶賢會疏福達不枉勛當連坐上不從命錦衣千戶戴偉移取張寅獄詞因佐諸京即訊既至命三法司會訊時薛良及證者面指張寅為李福達實語塞證中有戚屬者乃都御史畢昭所引以證薛良之誣者及訊之廣乃曰我未到官安得此言于是刑部尚書顏爾壽御御史畢

卷之三

六

賢大理卿湯沐等具獄詞上上怒曰爾等皆理官乃徇情偏護不虛心詳審但欲扶同入人重罪豈朕欽恤慎刑之意且畢昭等先勛良誣而今又勘實何也侯爵事畢親鞠于廷大學士楊一清言黼黻不親獄訟乃已復命多官再訊爾壽等上言福達反狀甚明法難輕縱况彼以神奸妖術蠱惑人心臣等若不能執一或縱舍異時復有洛川之福臣雖伏斧鑕何抵欺罔之罪上怒曰顏爾壽職司邦刑朋奸肆詆俱令戴罪辦事待再鞠明白一併裁處刑部主事唐樞上言宜將福達逮正典刑上怒其狂率削籍為民爾壽等乃改擬張寅造妖言律上曰改擬妖言亦不見妖書命行取原勘官面加質証乃遣歸衣官劉泰等逮繫馬錄及原勘布政使李瑾按察使李珏會事竟給都指揮馬家詰京面訊復召羅欽順為吏部尚書復辭不至五月丁丑朔日食編修廖道南陳洪範九事言一日五行伯陽父曰陽伏而不能出陰迫

而不能蒸于是有地震今連歲遼邨地震者數是土失其性也臣願順五行以法天運二曰敬用五事五事人君之大德而思又聖功之本劉向傳言思曰廢厥咎霧厥罰恒風近來掌霧交作大風楊霾是思之失可徵也臣願順五事以修君德三曰農用八政八政經國之大要而食與師先今日之急務今水旱頻仍飢饉相繼夷狄猖獗于邊門盜賊充斥于郡縣是食與師皆可憂也臣願修八政以行王道四曰五紀夫日為君象入眾陽之宗邇者榮惑留度內庫被災而五月朔日有食之陰長陽微不可不慎臣願協五紀以若人時五曰建用皇極夫皇極大中正之道曰民無有滯朋人無有比德比年以來朝廷無和衷之美旺庶有胥戕之風臣願建皇極以端治本六曰用人用三德夫剛柔為民性之偏而剛克柔克為人君威福之權權不可下移臣不可上僭臣願明三德以肅邦紀七曰明用稽疑蓋謀之鬼神機隱難測謀之卿士庶人

卷之三

七

理顯易知是非大同即卜筮不能易臣願決稽疑以定國是八曰庶徵蓋時與不時係人君之感召邇來民詭物孽及草木之妖歲時豈出臣願審庶徵以感休祥九曰五福曰六極夫五福者天之所畀六極者人之所招詩書載殷高宗之事曰封建厥福曰壽考且寧即福與富壽康寧也要本于攸好德耳臣願定福極以立世則則嘉靖之治允垂萬世即高宗不足侔也甄入上嘉納之時上講尚書又留心洪範與講官顧鼎臣內閣楊一清論稽疑卜兆之說故道南俗陳之○命講大學衍義時上諭內閣今日輪一官將經書通鑑撮其有闕君德政事與修省之道者直錄其義以贊其所未曉大學士楊一清以經書淵微通鑑浩繁宜將大學衍義日輪一官講析大義參以時事明白敷陳則經書格言通鑑要旨盡在此書而治平之道措之不难矣上從之既而命工重刊大學衍義親製序文冠諸首翌日講畢御製五言古詩一章

弁序一首寫示內閣楊一清依韻恭和以進 上賜聖書褒其忠誠勉以協恭輔導總集成冊名曰朔學詩。以胡世寧為南京工部尚書。總制兩廣都御史姚鎮龍召起新建伯王守仁以兵部尚書調制兩廣及江西湖廣軍務初田人聞議設流官洵思亂土酋盧蘇扶參猛子邦相與思恩土酋王受煽惑遺眾執思恩知府吳期英封其庫藏以御兵守之兩江大震御史石金至聞前御史與鎮有隙意不直鎮又藩臬諸司素不為鎮所喜者多沮鎮事倡言猛實未死鎮為歸順所欺有自右江來者則言猛已糾安南莫登庸入寇陷思恩省城旦暮且不保靖江諸宗室倉皇出奔石金信之遂劾鎮壞夷無策輕信罔上圖田州不可得并思恩而失之 上大怒落鎮職命新建伯王守仁代之先是鎮上言田州遺黨復叛再乞集兵勦捕軍與錢穀相應議處 上命動支廣東司府帑庫銀兩不得自分彼此致誤事機至是守仁未上鎮代偵知思恩未陷欲徵兵擒蘇受自贖乃檄廣西諸司議事而叩鎮者始郵吏發檄東西交誤各以檄誤不至鎮竟不克集兵而去。京師雨錢。六月詔增世廟武舞初大學士費宏等議世廟止用文舞隨全何淵言武舞未備宜下部議禮部侍郎劉隆等議宜仍舊 上諭輔臣以世廟不用武舞所以讓太廟不為缺典卿等試議之張璠曰世廟止用文舞宏謂獻皇生長太平不以武功為尚臣竊以為不然按王制云自天子達于庶人喪從死者祭從生者皇上身為天子尊獻皇為天子父廟用十二邊豆用八佾以天子之禮樂祀獻皇者所謂祭從生者禮也闕一非禮也聞樂舞以佾數為降殺不聞以文武為偏全若必以武功定天下者得無用武舞揖遜得天下者宜真如舜何書云舞于羽于兩階乎且樂舞之數天子八佾為人六十四諸侯六佾為人三十六國朝太廟文武舞各八計一百二十八人王國宗廟文武佾各六計七十二人

獻口在藩已用七十二人今追王而乃六十四人乎桂萼言周禮以司千堂舞樂祭統以翟為樂之賤蓋音貴人殷容貴于戚去武舞者是去樂舞所貴者也 上曰爾輩考據經籍推論甚明不用武舞誠為缺典可照數增入。總理河道侍郎章拯上潘河圖說言黃河濟清為國家之利而汜濫無常則地方之患今濟清者有二處一曰保家渡在崇澤縣一曰趙皮寨在蘭陽縣比皆可引水南流以殺河勢宜大加濬治固為圖說以進工部請從拯議 上然之令刻期舉工。贈故江西瑞州知府宋以方為光祿寺卿以方黔陽人守瑞州時濠有反狀因繕城墮集民兵以備之濠使至不為禮徵索皆不應濠中以他事逮繫南昌獄就繫之明日濠遂反械以方至舟中以方罵濠不屈赴水死至是巡撫陳洪諷上其事故有是命仍蔭其一子為國子生。召起大學士謝遷遷辭召命先是大學士楊一清以費宏既去次當及之特薦謝遷以代 上遣行人齎勅召遷請京辦事遷既辭 上曰任賢求舊惟朕本懷納誨輔德尚資耆碩宜勉為朕一出以副眷倚至意。金星犯靈臺上星。秋七月南京雨血。命更大禮全書名明倫大典。詔禁有司獄吏用法深刻致戕民命者即黜為民永不叙從都御史周卿奏也。以胡世寧為左都御史未至改刑部尚書霍爾言其廉直宜堂院事故仍有是命加太子少保。河決豐沛時河水汎溢豐沛及徐州之西漫為巨浸沛北尤甚東溢逾漕漫入昭陽湖沉沙壅淤漕渠為平運道大阻時胡世寧過沛疏漕河事宜上之章下所司。會訊巡按山西御史馬錄等子闕處逮繫刑部尚書顏頤壽侍郎劉王王啟左都御史章賢副都御史劉文柱大理寺卿湯沐少卿徐文華顧必等子詔擬時錄及李種等俱逮至京顏壽等復請會訊以原擬上 上怒謂顏壽等朋比罔上悉逮治之其原鞫郎中御史寺正等官俱亦逮繫待罪。詔大常光

祿二寺見缺厨役悉以在冊餘丁充補暫止原籍清勾以蘇民困○通政司右叅議高檣請後姓許之檣本孫姓少育於外叔祖葛華因從其姓至是乞休後姓而華妻張氏具言所以育養伏乞勿聽許上亦憫之下吏部議吏部言檣本孫氏子不得背天經以犯人之戒後姓為宜但張氏有恩則聽同居以母事之沒後仍復歸宗庶於情義皆得報可○始命歲貢生授教職三年教有成效者得典鄉試每省毋過五人○詔建河神祠於沛縣時漕河復通議者以為神助請復其故宇春秋致祀工部為請從之○詔科道官互相糾劾先是禮部右侍郎桂萼上言陛下以堯舜之資勵精圖治而故大學士楊廷和廣樹私黨蒙蔽陛下者六年幸次第斥逐然遺奸猶在言路昔憲宗初年嘗詔科道官於考察拾遺之後互相糾察言路遂清臣請以時舉行如舊例事下吏部侍郎孟春覆言憲宗初年無此詔旨而革疏出言官論劾之後情涉報復無以厭眾心昭公論且考察已審不當別議宜俟後次考察時舉行萼又言詔旨出憲宗卷案俱在而春奉職無狀欲媚言官以圖倖免公肆欺誣并宜究治上復命吏部復查事例以聞戒勿回護于是吏部覆言成化中廷臣會舉科道超陞巡撫有劾奏所舉不勝任者憲宗乃命互相糾劾一時外補者七八人非考察拾遺事例且憲綱所在謂內外風憲皆得互相糾舉未及六科典掌所稱例不合上終以萼言為是詔吏部當護令科道官互相糾舉考察遺漏者以聞吏科都給事中王俊民等言皇上此舉誠欲綜核名實以重言路今六科已去四人十三道已去十人比之諸曹不為不嚴便有遺漏安敢緘默但耳目之官職司甚重惟皇上裁擇之御史劉隅等言皇上龍飛兩行考察之典御史祇黜數亦甚多今必欲臣等互糾是開攻訐之門滋抵復之計非盛世所宜有上以俊民等抗命切責而宥之仍超劾上俊民等復言臣等誠

見淺陋恐所知未真惟吏部銓衡人物都察院糾正庶僚諸臣形跡皆莫能逃幸皇上即委之考覈因黜臣等以為不職之戒上復責其方命日久朋儕規避倖倭民偶倖五月餘各三月仍令吏部都察院復考不得姑息隱護已而吏部都察院言御史儲良材不謹給事中黎良御史王道曹弘浮躁露當如例降黜上曰儲良材問住黎良留用王道曹弘既終養家居不宜典考若兵科都給事中鄭自璧一門三黜清議有乖戶科給事中孟奇被劾勘問不自引避各降二級調外任此二人罪狀昭然在人耳目部院顧徇私掩覆護以無所關係者為解殊負委任其餘再稽輿論嚴察以聞乃部院覆考上給事中余經御史任田為浮躁淺露御史楊瑞張鵬漢為才力不及得古俱降一級調外任○命少詹事兼侍講學士方獻夫霍韜俱充經筵日講官講大學行義韜自以南人語音多訛辭免日講請撰古今政要及詩書叙畧直講以進上嘉其忠謹許之命侍經筵如故○命詹故興府長史贈文淵閣大學士張景明次子元藩為國子生吏部言景明以長史贈官恩逾例外前已廢其子元恕例難再與上以景明潛邸舊學特許之○詔復御史儲良材原職良材以覆考被黜言者臣嘗劾都御史聶賢不孝楊廷和曲為掩覆得全後為御史鄭洛書所論賢落職及吏部左侍郎孟春右副都御史劉文莊等黨廷和此賢依附以為洛書之奏臣實主之茲假考察之權復同門死生之怨因從春文莊陰罪且言二臣欲嗾言官保留王俊民程啟元托客友徐文華等縱橫遊說營復聶賢引用廷和盡攻議禮之臣仍主大宗之論上讓部院不公為人報怨且良材素行非不謹者安得終身棄之今降補外任良材復自言素以忠諫為楊廷和等所嫉雖蒙曲全降補外任恐諸奸餘黨難保乞賜骸骨侍郎桂萼言良材任怨通詔去非其罪上從萼言故復之○逮繫太僕

卿汪玄錫光祿少卿余才于詔獄大學士賈詠罷時三法司被逮上命桂萼攝刑部事張璉攝都察院方獻夫攝大理寺玄錫與才忽偶語曰福達獄已得情何更多事乃爾詞者以白璉等璉以聞上怒命逮繫並掠之詠與錄同里遺書慰之鎮撫司搜得以前上詰責詠投劾乞歸遂令致仕○命革內三經廠及外二寺齋醮上諭輔臣曰朕思每年初度請于朝天宮建齋祈壽夫人君欲壽非齋醮能致果能敬事上天凡戕身伐命之事一切致謹則必得壽矣齋醮為今將內三經廠與外二寺齋醮悉行革去止朝天宮如故夫革三廠二寺之齋者省一分有一分益之意存一官之醮者蓋為春秋報意耳此意欲言已久恐人譏朕偏倚特于卿等言之庶見崇正之意○八月虜人寧夏塞提督尚書王憲總兵官杭雄禦却之斬首三百二十級上欲推功加恩大學士楊一清一清再上疏辭曰陝西之捷陛下神威聖德諸將

卷之三

十一

協力成功雖王憲不得專美豈臣身在朝署可攘為己功且殿學非賞功之官武蔭非無功可賞上察其誠從之○命給新建伯王守仁券祿先是守仁雖錫伯爵未給券祿至是光祿少卿黃綰訟守仁平宸濠之功故有是命○命謫御史胡松外補御史周在程啟充救之命校尉下時侍郎桂萼力為王璉當復用松上疏劾璉險邪因及萼引用非人上怒出松為蕪州推官王璉罷起周在程啟充各抗疏留松上怒杖之○九月桂萼張璉方獻夫平反張寅獄釋之諭御史馬錄承成選等既攝三法司事復鞠錄等于闕廷具得張寅被誣之狀錄以挾私故入人罪未決擬徒上怒錄以擬為輕坐以奸黨律論死等語張寅未決而馬錄受死恐天下不服宜發邊地充軍既而論楊一清等曰馬錄首害人罪有所歸與其慘及後世不若誅及其身以從典罰弗及嗣之意一清曰錄無當先之罪律無可擬之條若法外用刑人無

所措手足矣上不待已從之錄乃免死編戍南丹衛子孫世戍焉順壽等俱奪官罷徐文華顧必論戍邊二人皆與璉爭大禮者江潮李璋李璋章綸馬等俱奪官薛良及其證佐俱論遣璉等請編欽明大獄錄頒示內外諸臣以明順壽等之欺罔從之上復以給事中劉琦常泰張達程輅王科沈漢泰祐御史姚鳳鳴潘壯高世魁刑部郎中劉仕大理評事杜鸞等皆抗疏劾璉朋奸陷正俱命逮至死于箠楚從行者十餘人餘戍邊削籍有差○命以京官二人主外省鄉試張璉上言每年鄉試黨外官預結生徒密通關節故復舊之士多係權貴故議子弟不公之弊莫此為甚兩京主試雖係翰院而經房仍聘教職學議荒謬不善甄別明歲復當開試宜各處命京官二人主之其兩京經房亦添京職甲科一人庶取舍可公而真才可得章下禮部議覆從之○以張璉為禮部尚書文淵閣大學士泰預機務兼掌都察院事先是

卷之三

十三

上以璉平反大獄賜二品服金束帶至是召入閣復賜玉帶上諭璉曰朕有密議勿令他知道朕與卿帖皆親書正恐代寫有洩事機璉謝因舉先朝楊士奇故事請給圖書為密封奏對之用上乃賜璉等銀圖書二曰忠貞貞一繩愆馮違凡所上密疏可于帖上小書字號今編四字卿傳語三臣以見朕意一清用持字璉用忠字萼用秉字奎用正字一清等各上疏謝璉復疏言人君以論相為職宰相以正君為功如楊綰相而于儀威嚴舉劾幹省騶從崔寬毀第舍暴殄陰險納賂禍延國祚二人為相得失甚明今之內閣宰相職也兩來部院諸臣有志者難行無志者聽令是部院為內閣之府庫矣今之監司皆宜公行稱為常例蓋不歸怙然成風是監司又為部院之府庫矣撫字旁心指為政拙善事上官率與為名是郡縣又為監司府庫矣如何民不窮且盜臣惟皇上欲宣德流化必自近始近必自內閣始誠令內閣得人則清

明之治可素臣見每年進表朝謁官率以餽送京官為名科索小民怨
置載道宜加禁約犯者勿赦 上俱納之○冬十月召起謝遷為戶部
尚書進謹身殿大學士參預機務○命復通州運河巡會御史具仲言
通州運河乃元郭守敬創建先朝漕運平江伯陳銳等亦屢以為請今
通流等八押運跡尚存原設官夫在因而成之為力甚易仍令開運
歲可省脚價二十餘萬兩又漢唐宋漕皆從汴直達京師未有貯國儲
于五十里之外者今令京軍支糧通州悉稱不便而密雲諸處皆有開
道可通設虜酋御導輕騎疾馳旋日可至燒燬倉廩則國儲一空京師
坐因此非細故請以臣言下所司議舉運百萬試之與陸運兼行俟次
第就渠徑達京倉與無窮之利杜不測之患于計便 上命戶部侍郎
王軌工部侍郎何詔及仲董其事○詔建故兵部尚書陳洽祠冷武進
人宜德初受命征交趾戰死贈少保謚節愍至是邑人請建祠祀之巡

卷之三

十四

撫陳鳳梧以閣部議許之○冬十月以黃綰為大理少卿綰初為南都
察院經歷與璵等同議大禮遂疎卿貳綰至京上言臣幸沐運途忝司
平反以為照駁國審之法不行則司刑者無所畏憚庶獄不可清他若
詳定法律考課官屬矜恤獄囚查革淹滯節省煩擾體悉吏隱又所以
清獄之源遠修舊章上裨聖政之萬一也乞皇上俯察特勅法司凡問
刑有擬坐未當者容臣等照駁再鞠三次不當官吏具奏下吏若問有
冤抑移獄別鞠再鞠二次不服會三法司錦衣堂官會審情重者會九
卿圓審其原鞠改鞠官若有容私偏護者一體參問 上從之○十一
月詔修顯陵先是 上親製顯陵碑文至是命加修治遣成國公朱麟
祭告內官監太監崔文工部侍郎章拯程工給事中李鳳來御史白清
監視○命議鹽法錢法 上諭戶部曰鹽課接濟邊儲泉貨流通民用
俱當今急務通來鹽法之壞由于私鹽盛行官鹽阻滯錢法之壞由于

私鑄者多官不為禁其速議區處禁約事宜以聞尚書卿文盛上言臣
等思救今日之弊必先申明祖宗之舊制又在朝廷之上杜奏計之門
而奸無所利絕占窩之弊而商有所資然後鹽法不致阻壞至于錢法
必奉行之吏奉酌物情使市肆無擾宣布條格俾偽為者不容然後錢
法得以通行因條鹽法五事曰禁私鹽曰禁占窩曰禁奏計曰明限期
曰添刷引錢法三事曰遵錢制曰禁私鑄曰禁私販 上納之○復申
勅纂脩明倫大典以揚一清謝遷張璵翟鑾為總裁官桂芳獻夫副
之共領其事仍命一清撰岳懷王墓碑璵撰張璵撰張璵撰張璵撰張璵撰
鑾撰善化長公主墓碑

謹按岳懷王墓碑曰王乃恭穆獻皇帝第一子母今章聖皇太后也
為今上之兄王生而月華呈瑞獻皇帝及章聖皇太后喜之弗勝越
五日大風揚沙人甚異之而王薨矣今追冊為岳王謚曰懷夫皇上

卷之三

十五

追思同氣至親雖未及歲深惟父母之遺休不敢易之親親至孝何
以加諸常寧長公主墓碑曰公主恭穆獻皇帝之長女母今章聖皇
太后也公主生甫四齡而薨今上追封為常寧長公主竊惟聖天子
仁覆萬物雖疎遠不遺况至親乎茲乃備物以瘞非直妥靈于冥漠
而獻皇在天之神亦少慰矣善化長公主墓碑曰公主恭穆獻皇帝
第二女淑妃王氏所誕降也公主年甫十齡而云謝矣今錫以嘉名
寵之錚色益立愛惟親立敬惟長聖天子之孝也

以侍講陳沂為江西參議沂初為修撰武宗實錄成進侍講每經筵
多寓規諷 上問寧和心其名先與楊慎等再謀大禮至是乃補外○
十二月召起開住太監張永提督團營大學士楊一清等上言開住大
監張永當正德五年寧夏實錄之變受命總督能討擒逆黨撫安軍民
及回京奏發劉瑾罪狀下獄伏誅宸濠之變隨武宗南征時逆賊已擒

而張忠等猶搜求餘黨永至多所開釋一方始安江彬手握重權人心惶惑武宗是為遂計擒之若永者誠不易得乞賜起用則內臣皆知為善之益勉于效忠上然之乃起永提督團營上因言團營重務為國家第一事一清等乃條陳六事一曰慎簡提督文臣蓋以兵部不宜兼管營務乞舉素負才望諳曉兵政大臣專設一員以提督之二曰嚴擇將領官員蓋以時任多青梁統轄不開軍旅宜推舉將官曾經戰陣者付以蒐選教練之任三曰慎選戰鋒官軍蓋以出兵禦敵必使鋒銳者當先宜大簡各營分為等第選其勇健者二千人為一等就中又選膽力過人武藝精熟者千人為戰鋒專備征調四曰時訓練以求實用蓋以把總官雖知號令而軍士徒應故事必使營中講解通曉號令又簡一二人為師聽其教習責以成功五曰禁科剋以作士氣蓋以管糧等官科剋多端所存無幾乞自後假借科剋者以軍法治之六曰查處

卷之三

十六

京營馬匹蓋以營馬多瘠固係失養亦由軍士貧難故耳訪得各軍一年全支草料者凡三月餘月折解所折不足以供立以待斃宜諭戶部量增其數以助食軍而重德其失養者則被罰者無辭上令兵部如議行○吏部尚書桂萼疏進所繪馬跡九州圖○河南靈寶縣黃河清知縣張廷桂上言是月庚申○佐村黃河澄清凡五日仰惟皇上專心聖學加志窮民風夜憂勤圖維化理是以輒清坤寧黃河呈瑞然不于他處而于馮佐村詩稱馮翼孝德史稱中興賢佐今聖天子在上登庸賢俊赫然中興萬世太平之應也上曰黃河澄清實効靈異皆賴上天庇祐宗社錫福人民所致乃遣官祭告上復紀之以詩既而御史周相諫阻告祭上怒繫相貽獄奪其官○以李承勛為兵部尚書兼左都御史掌都察院事

嘉靖七年

春正月甲戌朔甘露降于長泰縣欽化諸里南嶺汀漳撫臣汪鏞上言元日降甘露稽諸載籍聖王之德上及太清下及太寧中及萬靈則甘露降君治政則甘露降仰惟皇上仁孝之德追隆舜武敬一之心媲美湯文名號正而倫理明禮樂興而刑罰中賢俊登崇舊章修舉至和感召有此禎祥上覽奏曰甘露呈瑞以為朕仁孝感格之徵夫豈敢常朕非好為祥瑞然天意所至人不敢違惟奉天求庇民物以益靈貺仍遣官祭告薦于宗廟頒賜廷臣○乙亥日重暈生餌右有戟曰虹彌天○詔鑿新漕河決豐沛漕渠壅塞胡世寧疏請開新渠提督河道御史盛應期上言宜于昭陽湖左別開新渠北起姜家口南至留城一百四十餘里以通漕舟其說與世寧合工部尚書重瑞覆議從之上乃命應期及郎中柯惟熊主其事○大學士楊一清疏請修屯鹽之政以實邊儲蓄處積邊儲不過糧買召商二事今糧買既有弊惟召商為最

卷之三

十七

便必自今永為定制凡關中鹽引務令商人上納本色邊儲銀兩除量留以備凶歲折放亦當召商糴粟稍優其直而不苛其收則應者自眾然欲以本土之所出供本土之所需非廣興屯種不可欲廣興屯種非補助屯丁不可宜令清軍官查理衛所軍戶不然亦可徵古募民實塞之意召募隴右閩西之民以屯塞下按地之外任其開墾必俟三稔乃徵其稅屯政修舉之時牛具種子皆為官物屯地埋沒聽人首告官家占種諭令吐還管屯之官尤宜得人貪婪侵射者罰無赦有成效者薦舉擢用若徒以清查催納為名而無实心經理之方恐于邊備終無益也上令擬議條例以聞仍勅王憲劉天和身親督課務底成效既而王憲言甘肅開中引鹽召商開納本色未有應者乞行總理糧草都御史劉大和會甘肅撫臣酌處本折兼收庶人情樂從而邊儲有賴上從之○以聶能遷為錦衣衛指揮僉事掌鎮撫司事務初能遷以言禮附

璉故由千戶進擢此任。○湖廣巡撫都御史孫修言江上多盜請於按察司副使俞事內歲遣一員駐劄岳州專任江防從之。○以淮楊廬鳳連歲災傷詔以兌運米改折四萬五千石銀七分徐州改兌米一萬八千石於臨清廣積倉如數支運俟豐徵補。○大學士謝遷自陳年已八十在位無補乞放歸田里。上優詔留之不允。○禮科給事中蔡經等請罷遣官校言國家內設刑部都察院大理寺外設撫按按察司等官皆為陛下奉三尺法者故內外有犯責之推鞠在諸臣亦足辦矣今陛下時差官校逮繫罪人此屬假勢作威淫刑麗貨譬則虎狼蛇虺遇者無不被其毒噬至於地方之騷擾驛遞之需求又不可勝言願自今罷勿遣刑部尚書胡世寧請從其議。上納之先是署都察院事兵部侍郎張瓊等議覆署刑部事吏部侍郎桂馨所奏詰發奸細懲治職官事宜謂祖宗設立刑部都察院大理寺謂之法司所以糾正官邪清平獄訟也設立臬廠錦衣衛謂之詔獄所以緝捕盜賊詰訪計究也夫職業之廢謂之曠官職掌之奪謂之侵官今後凡貪官寃獄仍責之法司提問辨明然有隱情曲法聽臬衛察察上聞凡盜賊奸宄仍責之廠衛緝訪捕獲然必密問明白送法司擬罪上聞庶於事理為當。上深以為然亦詔如議行時臬衛權重於法司故經等又言之。○二月詔修葺血廠。○詔脩南京太廟前殿。○上御經筵以大學士楊一清侍班咳嗽命今後凡遇日講免入侍經筵日如小疾亦免若有召問不在此例。○詔虜中走回人口帶來馬匹令有司平價收買印烙給軍騎操從巡撫都御史劉源清請也。○浙江處州府知府潘潤請錄誠意伯劉基後言基有佐命功乞如徐達湯和例令其孫瑜襲爵并將該府舊祠稍加拓飾以稱錫報元勲之意章下所司。○上賜答大學士張璁分獻大明聖道祭孔子詩二章。○詔添設鎮守河間真定等處總兵官命都督魯綱

充之以潞城盜警故也。○召起王璉為兵部尚書兼右都御史提督陝西軍務初璉詢成榆林楊廷和主之璉等欲傾彭澤以及廷和乃上言哈密不靖禍起于彭澤陳九疇澤之復起廷和黨之也乞亟用璉以寧西鄙。上從之故有是命。○詔逮繫都御史陳九疇于獄請成邊璉既被用即上書論九疇誣罔謂滿速兒實不死。上命逮繫九疇于鎮撫司最能遷主獄事阿璉等意榜掠備至論九疇誣罔坐斬詞連彭澤廷和請併逮治刑部尚書胡世寧力言九疇忠勇有功河西不可殺之以快奸回輕中國九疇得不死謫戍邊裔彭澤金獻民俱奪官廷和獲免。○勅王守仁兼巡撫兩廣守仁疏辭言臣以迂疎多病總承總制四省軍務之命已不勝任今又加以巡撫之責其何能堪況兩廣地方為蠻夷犍犍之巢穴日有攻劫搶擄之警報郡縣凋弊日甚小民困苦日深巡撫之任非得才力精強者重其事權漸其官階而又其職任不可竊見致仕副都御史伍文定質性勇果識見明達昔討寧藩臣備知其能起而用之其于經畧之方撫綏之術必能不負所委他若刑部左侍郎梁材南贛副都御史汪鏐亦皆才能素著且舊在兩廣備諸土俗民情皆堪斯任疏入報聞。○二月命復築寧夏邊城時兵科給事中陸紫言陝西河套本吾內地國初設東勝衛以控扼之自後棄為虜巢其寧夏花馬池至靈州一帶地方最為虜衝地勢平衍無險可恃邊牆低薄壞整凌隘虜每擁衆深入正德初楊一清總制陝西欲將延綏定邊營迤東石灣池至寧夏橫城三百里內邊牆增築高厚事已就緒會本官去任僅四十里而止迄今議者多言邊塞風沙板築易壞然前所築四十里計今且二十年屹立如故則斯言謬妄可知須如當時原議固守之策莫先於此。上命如一清劾議速發帑儲佐之。○詹事霍韜陳碑治疏言魏相在漢歷陳先朝故事以裨時政宣帝舉行漢治中興故大

祖傳軍臣未得悉陳謹錄一二切于時政及近年行令有合太祖者為
例以獻一言洪武中令天下多栽桑來而北方尤宜一永樂中命寶源
局鑄農器給山東被兵之民一言憲綱以農桑為生民衣食之源責成
巡按一言洪武令遣監生及人材分詣天下督修水利一言諸司職掌
所載各處壩閘陂池可引水灌田者不時修復一言職掌所載內外軍
職俱有額數一言永樂間交趾之平謂多陞不如重賞一言洪武中令
天下生員兼讀諸律一言洪武間僧道度牒當與對冊各府州縣止存
大寺觀一所併處其徒一言永樂中軍民子弟私自削髮為僧者併其
父兄發北京為民種田一言景泰中令各寺觀田土止留六十畝為業
餘皆給民佃種疏入詔下所知之○提督兩廣軍務新建伯王守仁
平思田賊撫定之初守仁將至調集湖兵數萬人南下諸土夷皆憚之
守仁乃自輜晦示以無事及抵南寧見盧蘇王受兵勢已熾度岑氏不
可遷戚乃使人招蘇受降約日投見會有造浮言誑蘇受欲取其賄者
蘇受疑懼不即來守仁遣其心腹反覆諭之蘇受頗信已而聞太監總
兵等官皆相繼召還入見調集防守之兵解散散去始遣頭目黃富等
十餘人赴軍門訴告願得掃境後生惟乞宥免一死守仁復陳朝廷威
德開誠諭之仍給以檄文使諭蘇受等蘇受得檄言來見必陳兵衛又
欲軍門左右祇候皆易田人守仁不得已許之蘇受乃期日來見威兵
自衛守仁教其罪許以不死論杖一百以全軍法蘇受不釋甲受杖且
田州人杖之守仁諭蘇受使歸候命乃上疏言思恩田州之後兵連禍
結兩省荼毒已踰二年兵力盡于哨守民脂竭于轉輸官吏罷于奔走
即今地方已如破壞之舟漂泊于顛風巨浪中覆沒之鬼洶洶在目若
必欲窮兵雪憤以收前功未論不克縱復克之亦有十患唯罷兵行撫
則有十善行勦之患如彼行撫之善如此利害較然無可疑者又言思

卷之三

三

田父苦兵軍民已不堪况田州外悍父趾縱使克平置以流官兵弱財
匱恐生他變岑氏世有功伐治田州壯岑氏不可請降田州府為田州
官猛子邦相為判官以盧蘇王受為上巡檢別立田軍府設流官知府
統之因薦布政使林富為巡撫都指揮張祐為總兵官鎮守廣西上
皆從之乃令邦相歸治田州盧蘇等各蒞任許休之三月徵其兵用田
州以平

謹按高進士岱皇明鴻猷紀曰岑猛專橫則有之實未反守臣不職
激使為亂耳感應期固當深罪姚鎮亦不按何舉事卓卓也暨猛死
欲易田州為流官猛有子亦當思所以處之如守仁用為判官之類
乃可而遽欲斬其後何以服夷氏之心乎及蘇受稱兵鎮得稍父于
任猶或可平而竟為僚屬所構陷奈之何哉此舉事之所以貴同寅
協恭也然石金之論劾張邦信等之沮撓豈人臣體國之忠乎至守
仁處蘇受事太涉姑息非所謂鐵腕果魁脅從罔治也乃見必陳兵
杖不免甲豈朝廷納降之體乎故雖藉其力平寇而不旋踵致兩江
之亂豈非縱奸長惡之繇耶蓋夷酋雖不可繩以中國之法然是非
公心則亦有之合諸夷之兵以討其憤之賊何憚一盧蘇耶無亦厭
兵爭而無任事之臣耳

勅製忠靖冠服許在京七品以上及翰林國學行人八品以下者在外
方面及府州縣正學官武職都督以上服之令禮部頒圖式于天下如
勅遵守○三月命工部建敬一亭於翰林院鑄御製敬一箴五箴註仍
行兩京國子監天下儒學一體建立○詔儒臣重校大明會典增入續
定事例詹事霍韜上言土田戶口藩封祿米文武職官內臣監局官員
之數乞勅所司查覈若累年匠役之制官府供需之式四方料物之準
律今異同之宜自有太祖定典惟弘治間庸臣舞智更為新例多壞成

卷之三

三

憲乞勅廷臣共加酌議保從刑罰用訂積年之誤又言脩書傳例恐憑各部造送冊籍多致訛誤若令各衙門官一員共事編纂則事例源委彼自能稽仍得算術二人以備數算則訛舛貨賦按籍覆焉可尋源察也疏入從之○勅諭甘肅邊儲上勅戶部曰甘肅邊儲累年缺乏其詳畫經久之策以聞時言者各人殊胡世寧上言甘肅米價貴實由壞祖宗籌邊之法永樂時邊需悉以鹽利每鹽一引輸粟二斗五升故富商大賈悉聚邊儲自出財力自招遊民自墾邊地自執穀果自築墩臺自立堡聚所以兵強食足至天順成化間變其故法商人中鹽悉令輸金戶部邊儲無用撤棄而歸以致墩臺日頽堡聚日渙遊民日去邊地日荒千里沃野莽然丘墟稻米一石直金五兩皆變壞鹽法之故也安邊足用惟復鹽法之舊而已霍韜亦言宜復鈔法以存龜戶輕引銀以來商人上深然之○夏四月大學士謝遷致仕加張璁太子太

卷之三

三

保辭遂加少保解院事○命華內外吏胥通役例錢從桂等之請也仍行各撫按通行禁革著為令○五月辛未朔日食○北畿山東河南山西陝西大旱詔來直言時言者頗眾不見納米大學士楊一清上言群臣條奏固多但拾陳言者祇充故事立奇論者有礙措施是皇上應天以實群臣應詔以文也臣謂今日之務在省事不在多事在守法不在變法在安靜不在紛更在寬厚不在煩苛昔人有告其君者曰為國有不足懼者五深可畏者三三辰失行天象屢變小人訛言山川崩竭水旱蝗蟲不足懼也賢士藏匿四民遷業上下相循廉耻道消毀譽失其真直言不聞深可畏也以為不足懼者非真不足懼修德以弭之耳深可畏者則以變無形而禍甚烈勢若緩而伏最深今日之弊實恐隋此臣懼其要亦曰舉賢才以充任使收人心以固邦本求直言以防壅蔽而已上嘉納之○六月明倫大典成上親製序文命宣付史局刊行

天下加張璁少傳兼太子太傅吏部尚書謹身殿大學士父之 上享太廟數目璁賜以御詩及銷衣衣

謹按張文忠公璁後序曰斯禮之議也起于皇上登極之六日而爭之凡五六餘年也始而恭穆獻皇帝童蒙聖皇太后止稱帝后既而加皇字稱本生父母終而去本生字稱皇考聖母此先後凡三詔也始而爭也其爭也出言盈庭或自疏或連名先後攻擊凡三百有餘章也無小大無遠近先後交構凡七百有餘人也臣等憤不得已抗言于處或自疏或連名先後建明凡數十餘章也無小大無遠近先後陳力凡數人也兩議相持眾寡不敵揆之以天理人心定之以中正仁義皇上一人而已典禮既定乃命儒臣編纂成書以貽典則使後之君臣父子各止其所此謂聖人倫之至也此所以為明倫大典也

卷之三

三

詔追奪議禮諸臣官勅曰大學士楊廷和謬主濮議尚書毛澄不能執經據禮蔣冕毛紀轉相附和林俊著論迎合喬宇為六卿之首乃與九卿官交章妄執汪俊繼為禮部仍主邪議吏部郎中夏良勝脅持庶官望遂邪志何孟春以侍郎掌禮部鼓舞朝臣伏闕喧呼朕初見道未明三吏詔令而大禮始定然不欲已甚姑從輕議廷和為罪之魁以定策國老自居門生天子視朕法當儆市特從寬宥削籍為民毛澄林俊已病故各奪生前官職蔣冕毛紀喬宇汪俊已致仕各奪職閑住何孟春情犯特重夏良勝醜獨深俱為民其餘而京翰林科道部屬大小衙門各官附名入奏或被入代署而已不與聞者俱從寬不問其先已正法典成為民者茲不再究爾禮部大書一通揭示承天門外俾在位者咸知警省謹按皇明奇事曰五元功皆不利太祖開國元功文臣韓國公李善

長以撫賜死成祖靖難元功太子太師淇國公丘福北征敗沒削爵
全家謫海南景帝御虜元功兵部尚書于謙諫倭天順復辟元功武
臣忠國公石亨下獄論斬大學士徐有貞下獄流金齒世宗入繼元
功大學士楊廷和奪官遂無一利者

番吏牙木蘭帥眾內附初滿速兒令牙木蘭據沙州索驕留貢使不與
且率帖木哥土巴攻肅州牙木蘭不肯滿速兒欲殺之牙木蘭懼棄款
麥救萬幸老稚萬人闖帳二千奔肅州乞白城山金塔寺住牧守臣議
留之 上以夷情重大令提督三邊尚書王瓊親詣甘肅會守臣悉計
以聞既而滿速兒以討牙木蘭為辭令虎力納咱兒糾瓦剌寇肅州遊
擊將軍彭澤兵備副使趙載禦之遁去○通惠河成御史具仲即中何
棟等疏聞因陳五事曰時疏濬以通運道專委任以責成效復舊額以
給官失改開坐以防患處剝船以便糧運 上嘉其勞命查驗行賞

卷之三

十四

所條事宜悉從之既而糧運至者一百九十九萬有奇省脚價一十萬
兩仲以運軍疲敝請暫給三分之一俟一二年後併減歲運以寬貧民
庶軍民兩受其惠報可○加上皇孝聖母尊號奉上冊寶加皇考為恭
睿淵仁寬穆純聖獻皇帝聖母為章聖慈仁皇太后詔告天下○翰林
侍讀學士許誥上所撰通鑑綱目前編圖書管見太極圖論命留覽○
秋七月天方撤馬兒罕答魯頭目各朝貢滿速兒亦乞通貢提督王瓊
為奏上乞還羈使朝貢莫不報○南京吏部右侍郎湛若水進所撰聖
學格物通命留覽○命編纂御書文札時大學士張璁言近奉皇上御
書文札諭臣等者臣懼日久散逸宜命官編摩昔唐學士吳兢有貞觀
政要國初有洪武聖政記楊士奇有三朝聖諭錄是編宜名為嘉靖政
要 上曰古有左史右史之官歷代因之我聖祖創翰林之職亦有修
修撰之官未見居此職者盡乃事夫史之可否一出子公非公則果

神亦察之乃命張壁張潮編纂而以張璁總領其事○八月工部侍郎
兼左舍都御史潘希曾上治河疏言河之大而要者有三一孫家渡經
長淮衝趨淮入海一趙皮寨經符離橋出宿遷小河入海一沛縣飛雲
橋經徐州趨淮入海夫孫家渡趙皮寨乃上流之支河飛雲橋乃下流
之支河弘治以前三支分流會于淮而入于海故徐沛無患漕渠不淤
今上流二支俱就湮塞全河東下併注于飛雲橋一支下東呂梁二洪
上過閘河流水茫無畔岸決堤塞沙大為漕患然非疏其上流則秋來
水發沙挑復淤堤築復決近因趙皮寨開濬未通正在疏孫家渡以救
水勢請勅都御史潘墳亟為疏濬 上嘉其議從之○命顧鼎臣穆孔
暉許成名王撰誥勅於浮辭以存實錄○九月總督河道都御史盛
應期及管河郎中柯惟熊俱罷初應期議開新渠惟熊力贊之乃集夫
役萬餘分標開鑿人頗怨讟已而言者嘖嘖謂功必無成徒糜財用勞

卷之三

十五

民力朝議罷役應期請緩一月毋停止保其終事惟熊復言其不便
上怒奪應期官勅歸田里部議因並罷惟熊新渠之議遂寢○命定
宗室襲爵請封諸例時方獻夫上言宗室襲爵請封請名嫁娶膝至等
項宜擬立定例刊印成書頒行遵守其有違例奏擾者罪其教誘之人
論遣戍邊從之○新建伯王守仁督兵討廣西斷藤峽八寨賊悉平之
初成化中韓雍平斷藤峽諸蠻稍靜正德中遺孽復熾橫掠商舟都司
史陳金務為姑息約令諸商入峽者各出餉銀遺之諸蠻就水瀆受去
如權取然初蠻以坐得利不為害久之遂無忌大肆掠奪不懼即殺之
道路為梗守仁撫田州時先檄湖廣土兵欲誅盧蘇王受等至則田州
已定湖兵當還而蘇受亦願立功自効兩江父老遞訴峽寇猖獗狀守
仁上疏請討許之乃命湖兵及蘇受等隨至南寧與諸守臣將率議襲
峽寇約日會勦峽寇聞湖兵且至先期逃匿守仁故為散遣諸兵伏候

旗息鼓以示無事寇盜池不為備乃令官兵突進連破油磑石壁大皮等寨賊奔斷勝峽復追擊破之賊復奔橫石江溺死六百餘人俘斬甚眾賊眾潰散搜剿無遺遂移兵進剿仙基花相白竹古陶羅鳳周安古鉢都者峒等處寨寨次第破之擒斬三千餘人俘獲無算八寨悉平兩江底定

謹按霍宗伯韜地方疏曰竊見王守仁奉命將田州思恩撫處傳當隨復勦平八寨及斷勝峽等賊臣等皆廣東人與賊隣壤備知各賊為患實跡天下十二省俱多平壤惟廣西獨在萬山之叢其土險其水迅其山之高有後援不度飛鳥不越者故諺語曰廣西民三而賊七由山高土惡氣習兇悍雖良民至者亦化為賊也八寨賊洪武年間所不能平斷勝峽成化八年都御史韓雍僅得討平及今五十餘年遺孽復熾故廣西賊巢柳州慶遠鬱林府江諸賊雖時出劫掠官

卷之三

二十

兵亦屢請征之若八寨賊則自國初至今未有輕議征勦者蓋謂山川兇惡進兵無路消息少動賊已先知一夫控險萬兵莫敵故百六十年未有敢征者賊亦恃險肆惡時出殺掠四方頑民犯罪脫逃投入八寨則有司不敢追攝隣近流賊避兵追勦投入八寨則官兵不敢誰何是八寨者實四方寇賊之淵藪也斷勝峽又八寨之羽翼也廣西有八寨諸賊猶人有小腹疾也八寨不平則兩廣無安枕期也今王守仁沉幾不露掩賊不備一舉而平之百數十年豺虎窟穴掃而清之如拂塵然非仰藉聖人神武之威何以致此臣等是以歎服守仁能體陛下之仁以懷綏田州思恩向化之民又能體陛下之義以討復八寨斷勝峽梗化之賊也仁義之用兩得之矣

冬十月丁未皇后陳氏崩諡曰悼靈久之更諡孝潔先是后有疾泰和伯陳萬言請乞容妻冀氏入宮視之上以疏示輔臣曰朕惟外戚自

古未有入宮替者假言視疾多窺伺朝廷在彼為得計在君為墮計皇太后作配朕躬良醫妙藥豈無治病之具何謂不見親人不能痊愈朕不敢徇私縱外戚入宮蓋不如是恐無以範後世也○潞州盜陳卿等據青羊山都御史潘瓊督師討平之初卿等據青羊山為盜巡撫山西俞都御史常道請兵收勦延議從之發京邊軍從征師至山下卿與其黨陳琦設奇敗之道懼遂議招降卿益輕之大肆猖獗集眾萬餘分據山中魯班堅穿胸矢綻口諸處各設巢穴官兵不敢搜攻不能入撫不來降相拒五載廷議猶欲招安獨張瓊不可力主勦議乃請奪常道官而以俞都御史王應鵬代之又命都督魯綱帥兵協勦綱駐潞州虎張軍聲賊眾惶懼奔逸四出大掠臺閣黎城潞城諸縣焚殺甚慘綱頓師不出賊知其無能為復聚入山中據險自固而河南修武諸縣亦被殘燬巡撫河南副都御史潘瓊乃檄兵備副使翟瓚牛鵠僉事陳大綱楊朝

卷之三

元

鳳等督兵進勦翟瓚破魯班堅穿胸矢綻口洪梯陡崖諸寨陳卿父子倉皇竄匿又進破谷堆底門樓安陽諸寨焚燬殆盡魯綱聞賊破亦帥師至會于替度寺賊走青羊山石返頭諸處翌日賊首陳卿為僉事陳大綱所擒陳琦為副使牛鵠所獲前後斬賊數百降服脅從者二千餘人青羊山遂平捷聞給事中夏言因劾奏常道與兵魯綱還延之罪復言諸臣功次當加查覈上從之即遣言奉勅以往○閏十月工部尚書李鐸卒贈太保諡恭敏既而給事中劉世揚以士論不與未協于諡上曰鐸諡既不協公議併贈官俱單去今後務慎重國典不許濫與偽刑部尚書胡世寧因推廣上意為疏解上嘉納之○少保大學士石琚卒琚黨城人為入沉默不妄言笑有不當意者輒忿激見顏色主教南雍以師道自任諸生不敢犯屢典文衡力去浮怪文體為之一變

云至是卒謚文隱改謚文介○召起李重為工部郎中先是重以戶部郎中擢守德安會有言宗藩驕橫不法者重直其民意意如法遂坐構陷去德安民為立祠祀之至是漕河壅用撫臣薦復起用○兵部尚書王時中罷以胡世寧為兵部尚書加太子太保世寧由刑部選兵部力辭至三疏言外庸方強內憂日甚天下之人聞然皆無忠義之氣我朝尚書兵部者臣卿里所聞方實于謙耳目所逮劉大夏彭澤忠力為國不得保全其倖免者依何軟媚坐視養亂者也復援姚崇李綱故事上定武舉崇職重將權增武備更賞罰御史夷足遏儲絕弊源正謀謨惜人才十事要說 上嘉其忠願促令上任議行十事世寧又上言今天下士習萎靡依阿自保乏體國之忠在朝惟李承勛伍文定堪總軍旅而位望已崇難以小寇輕出馬是陳九疇皆大受之器而以檢人問斥成過副使施儒楊必進皆過眾殊才吳澄行近古人皆為

卷之三

三

大計所黜遂謂例不再用失例非祖宗初法而人材難得自古明君用才雖父祖所棄亦追錄不遺况邇來大計所黜皆權奸之所排擯者乎若一點不錄而忠勤體國者皆以為戒所關治忽不小也 上嘉納之○十一月新建伯王守仁卒初守仁定田州 上嘉其功命行人馮恩齎勅及繒勞之及平斷藤峽及八寨寇遂病至是疾劇上疏乞骸骨賜林富自代未及命下馳至南安府遂卒由是言者噴噴謂檀離重鎮云謹按支氏大綸曰文成鞠躬盡瘁病劇而歸沒于道路為臣死忠亦可已矣而言者猶以檀離重鎮咎之世之忌功如此國子祭酒魯鐸卒鐸景陵人嘗奉使夷邦却金珠之饋及在告絕跡公門日與後進之士講究經義屢薦不起卒之日貧不能焚巡撫為請賜朝故事四品例無祭贈謚 上以鐸清節著聞特令有司治喪賜諡文恪○冊立順妃張氏為皇后先是上與大學士張璁議冊立中宮事

想以天子有后所以共承宗廟不宜久虛 上曰君子所配必求淑女而君長之配尤宜慎擇前者初婚之期皆是宮中又惡之婦所專主而日夜言之聖母聖母未之容耳今復與此事則不如不繼朕所愛者德與賢耳非有偏寵尚色之私卿等密與同官謀來至是立后后于嘉靖元年冊順妃錦衣衛事楫之女也○十二月命縱遣光祿寺所給養鷹犬諸禽獸從御史朱觀之請也○詔議補遼東宣府陝西延綏寧夏甘肅諸邊糧草 上諭戶部曰近因大同奏報糧草缺乏已命發銀二十萬兩給之朕思遼東諸邊屬情巨測糧草不足人馬疲散緩急何恃凡此邊民皆我祖宗赤子可不加恤乎其亟查議補之

已丑嘉靖八年

春正月戊戌朔風霾晝晦先是立春日長星出白氣亘天至元旦大風霾晦如夕 上令大學士楊一清條畫弭災急務一清等陳四事曰恤

卷之三

三

民窮修武備惜人才飭言官已報旨因復密疏澤寬請戊二事陰為議禮言事諸臣乞恩寬宥 上不必既而右中允廖道南應詔陳言言昔太祖高皇帝令天下勿奏祥瑞若災異即時奏聞一念敬畏上格皇天而敬畏之實約之有四一任大臣如論六部以允執厥中論中書省以振舉大綱是也二崇儒術如論朱善以常持此心至公無私論秦裕伯以聖人之學以天為準是也三重守令如論來朝官以約已利人論侍臣以治民猶治水是也四擇將帥如謂擇將當無用識謀仁勇倫邊常存戒心是也 上嘉納之○命集議新建伯王守仁功罪奪其世爵卹典及禁其學術初守仁之在廣西適安南內亂桂萼欲建議圖之遣書守仁使偵要領守仁寢不與傳萼叩之及思田平萼忌其功而映案又平守仁奏捷感言諸盜雖擒流劫之禍陷陣俘馘之多請加賞勞上曰此捷音近于誇詐守仁姑賜獎諭餘令巡按嚴實以聞及守仁

以病乞歸命未下去廣西學官守仁撫制四藩關係甚鉅而擅自離鎮
罪不可逃今聞卒于南安猶可原諒 上曰守仁擅離重鎮非大臣事
君之道况學術和正事功真偽封拜當否猶有可言其會官集議以聞
給事中周延言守仁事功學術人爵共服不必更議 上曰朝廷以此
為功罪所係故命集議周延言附狂率誦神外職既而尊等上議言守
仁事不師古言不稱先欲立異以為名則非朱熹格物致知之說知衆
論之不與則著朱熹晚年定論之書招致生徒互相倡和才美者樂其
狂遂流于清談庸鄙者借其聲遂敢于放肆其門人為之標榜辨謗至
謂枕之不死投之江不死以上實天聽幾于無忌憚矣若剿捕漳寇擒
威逆濠功固足錄但賊平而縱殺不已報捷而誇張不實罪亦難原宜
免奪伯爵以彰國家之大信申禁邪說以正天下之心 上曰守仁
放言自肆詆毀先儒用詐任情壞人心術近年士子邪說皆其倡導至

卷之三

三

千宸濠之變仗義討賊功疑惟重姑不深究所封伯爵係先朝信命許
終其身身後卹典俱為傳車仍榜諭天下敢有踵習邪說果於非理者
重治之○二月不雨 上禱禱不應因製自咎詔示群臣使咸加警惕
○命放鷹隼田大拓佃牧馬按鷹隼田土時言官請放乾明門諸處鳥獸
從之已而命奉先奉慈崇先各殿薦食品止依會典所載用鹿兔雉鴛
諸物鷹隼田大既已縱放其鵲鵲鵲野兔等肉俱不復用戶部尚書
梁材因言從田鷹犬既放其保定府安州等處牧馬草場一百二十頃
按鷹隼田九十九頃宜還科道官閱視大置招民佃種每畝歲徵租銀
三分解納太倉從之○以少保兼太子太保吏部尚書兼翰林學士桂
萼為武英殿大學士兼預機務○巡按湖廣御史張錄獻饑民圖時湖
廣襄陽大饑錄會圖為說以獻請賑貸 上覽圖感動命所司多方賑
賑使民沾實惠○初命鹽課官監收錢穀從戶部尚書梁材之請也仍

各令歲終奏上計簿○命暫開武職援納之例時兵部以陝西三邊軍
餉不充奏開武職援納例 上以開武職非善法第邊事方急姑暫一行
歲終即止○南京提督機務太監李政乞兩淮鹽銀為織造費 上責
政妄乞不允○侍講學士許誥陳講讀四事一言河圖洛書萬世文字
之祖宜同五經四書進講以明斯道之本原一言孔門授受專在治情
後儒倡為靜坐養性之說言愈多而義愈晦自今講筵顧問請無及此
一言各經註疏互有得失宜令儒臣直陳所見以求千古之是不當牽
於師說及畧聖經一言進講經書務明大旨凡諸家小道一切屏絕然
後有益於治 上嘉納之○左通政宋滄等條奏職業六事一言大明
律後雖附載臣民題奏本式而官尺民尺長短廣狹尚未分明宜如法
刊示使不得以意增損一言奏本多小字不便觀覽宜令明整與題本
大畧相似一言凡各衙門軍奏事干私情徑赴左順門投進者聽科臣

卷之三

三

及本司參奏治罪一言凡題奏大事別具御覽畧節至于民間本詞務
要簡實不得浮冗緣及他事一言差錯奏章如例奏奏行罰其民本移
本司自行駁出改正一言嚴訪積年作狀代寫頂名打點等項奸徒處
之重法以清宿弊 上曰祖宗設立通政司出納命令通達下情所係
甚重今是職久廢爾等建議修明朕已具悉俱如議行○復設蘭州管
糧郎中時有言甘肅孤懸河外轉輸艱難者戶部尚書梁材等上其議
故有是命○以災傷免南京四十二衛屯糧有差○詔天下來朝官俱
依限赴任違者罪之○工部尚書劉麟等請裁革易州柴炭廠委官專
選部屬官一員至之原設總理侍郎改為提督處之京師使兼領一應
廠局修造報可○襄陵王府輔國將軍偕浦等私詣陝西省城告吏祿
糧御史張珩以聞 上憫其迫於饑食貴而宥之仍令巡撫官設法查
給毋俾失所○巡撫陝西都御史寇天叙以地方災傷請開靈州二池

盟課及勅借例從之○會試天下貢士命大學士張璠詹事霍韜為考試官取唐順之等三百二十人○土魯番歸哈密諸夷命置於肅州時滿速兒以牙木蘭叛乃遣人貢獅子因齎譯書言願歸哈密城及諸夷使所掠人口以求牙木蘭王璦上言土魯番歸哈密乞令失拜煙谷子米兒馬黑木守之貢使二十四人遣入京放歸羈留各番貢使男婦凡千人散置沙州其土巴帖木哥部夷五千四百餘人置白城山哈密都督亂吉學刺部夷置肅州東閣赤斤都督掌下蒼兒子鎖南東盟肅州北山金塔寺罕東都指揮枝丹置甘州南山乃下兵部議尚書胡世寧欲專守河西謝哈密無煩德中國霍韜上議必欲與復哈密亦下兵部議世寧言太祖建北平行都司去境四百里而文皇界之兀良哈文皇郡縣文趾而宣宗棄之安南哈密非大寧交趾比况其初封忠順王為我外藩者乃元遺孽永樂二年封三年即故其兄子未幾即絕而強

卷之三

三三

立非其子孫者嗣之蓋嘗三立三為土魯番所虜乃叛我即反及勞中國竊以為此與國初所封元孽為和寧王順寧王安定王有等耳安定王又在哈之內近我甘肅今亦不知其存亡何獨以一忠順王故耗我金幣疲我士馬窮我財力又言牙木蘭本歸正人非叛虜者唐悉怛謀事可鑒璠等不聽力主璠議安置諸夷於肅州境內獨留牙木蘭不遣如世寧言土魯番以不得牙木蘭竟據各密遂所置諸夷部落諸夷俱失故土住牧河西塞上而亦不刺盤盧西海尾刺結集壯山河西三面皆有虜患矣○兵部尚書胡世寧罷以李承勛為兵部尚書世寧見所議不合求罷從之以承勛代世寧承勛因上言土魯番在西戎中非強大者自正德十一年以來數犯甘肅邊兵往往失利非彼之能我之自治未善乎今稱歸哈密不過空言相謹所送原掠人口不及百之十一而乃以索牙木蘭為辭徒以起釁耳今甘肅之安危不在土魯番之強

弱而在自治之得失要當以足食固邊為久計通番納貢為權宜彼雖變詐多端而我待以誠彼雖反覆萬狀而我度以理則控制有道體統自專然兵有深機事難遠度是以閫外之事不從中制令材猷練達如王璠應總制之任握便宜之權事當應機立決畫一且養母或顧慮太過動輒生疑可也恐鋒鏑交于原野謀猷決于廊廟不合機宜反致牽制臣與璠中外雖殊義當共濟令璠展布四體知無不為申長子帥師之義璠皇上西顧之憂則閔陝永賴遠夷自服上然之因命璠用心調處無負倚任○勅褒鉅野王府輔國將軍當潰時當潰奏言以父子應支祿米賑濟封內饑民且勸上以祖宗為法以國體為重裁不急之費息土木之工疏入上嘉其意在恤民且以節儉獻規特降勅褒之不聽辭祿○三月詔青羊山增設順義縣陞潞州為潞安府時給事中夏言往勘青羊山功次言前巡撫常道安與兵端都督魯綱不能宣揚

卷之三

三三

朝廷德意乃大張官軍虛聲以致賊勢決裂剿之與所宜並加至于進兵機宜平盜方畧盡出都御史潘瓚經畫至于刻期入山則副使翟璠等奪險先登搗其腹背摧陷之功居多牛驥同槽鳳凰等過敵嬰鋒扼其咽喉收降之人頗眾陳大綱張羅伏機塞其賄路遂使首惡奔竄僥倖首就擒此數臣有功可錄旌賞之典所宜先行至于諸路官兵戮力用命俱當從厚賞勞以勵人心被賊殘害地方亦當賑濟存卹以全民命又言據盜陳卿已就勦平而所據青羊山地勢險要東西相距一百餘里南北相距一百四十餘里山連萬壑水分兩河村落頗多離縣遠法令難及宜開設縣治割靈閣潞城黎地附近里社屬之立學校巡司等官以靖地方陞潞州為府以控制之乃畫圖貼說以進事下戶部尚書梁材覆奏從之縣名平順州陞為潞安府○廣東食事林希元上救荒叢言言救荒有二難曰得人難審戶難有三便曰極貧之民便賑米

次貧之民便賑錢稍貧之民便賑有六急曰垂死貧民急饑病疾病貧民急醫藥病起貧民急湯米既死貧民急墓瘞遺棄小兒急收養輕重繫因急覓恤有三權曰借官錢以糶糴興工作以助賑貸牛種以通變有六禁曰禁侵漁禁探盜禁遏糶禁抑價禁宰牛禁度僧有三戒曰戒遲緩戒拘文戒遺使其綱有六其目二十有三皆參酌古法體悉民情上嘉之○以方獻夫為吏部尚書○命行義倉社倉法時兵部左侍郎王廷相言邇來各省歲饑民皆相食發廩賑之猶苦不足以備之不豫故也宜倣古義倉之法但立之千州縣則窮鄉下壤百里就糧旬日待郵非政之善者惟宜貯之里社一村之閒約二三百家為一會每月一舉社正率屬讀高皇帝教民榜文申以同盟之約舉眾中善惡獎戒之其社米第上中下戶捐數多寡各貯于倉而推有德者為社長能善事會計者副之若遇荒歲則計戶而散先下與中者後及上凡上戶則償之而免其下與中者凡給貸悉聽于民第令登計冊籍以備有司稽考則既無編審之煩又無奔走之苦且寓保甲以弭盜鄉約以敦俗之意一法而三善具章下戶部梁材言昔人謂救荒無奇策臣謂義倉之法可以備荒乞行各撫按官體量行之上亦謂廷相所奏有益小民從之○廷試賜羅洪先程文德楊名等進士及第出身有差○命名工部大庫曰節慎庫○巡撫河南副都御史潘瓚罷初河南連歲旱荒郡縣請賑填多駁勘河南知府范鉉未待報開倉發賑民誦誦之填以是惡鉉其餘有司賑貸稍寬即加譴責會有以陝西饑民父子夫妻相食流聞禁中者上切責戶部增因惶恐上疏乃歸罪于鉉以自解于是給事中蔡經等言填本不郵民嫌鉉賑貸之速百端窘辱及奉旨詰問乃復歸過於鉉失大臣體國之義上詔罷填永不叙用○命咸寧侯仇鸞鎮守兩廣○命李武定侯郭勛官罷歸時大學士楊一清思勛

歷橫諷御史王堂言之御史陳容亦以為言上不得已命太保兼太子太傅及後軍都督府印提督團營勒歸私第○詔嚴官吏犯贓及酷刑致死人命者之罪先是霍韜諫謹天戒疏言官以贓敗及故禁故勘平民致死者律當絞斬後以贓罪得贖而致人死者置之不問遂致貪酷之吏得罪傷和惟令行之不嚴故吏易犯法至是上詔今後官更犯枉法贓者追贓入官仍問軍發遣不得故出以長貪風酷刑致死人命雖因公亦照例為民著為令○海賊入寇時海賊百餘人泊舟常熟登岸掠掠敵殺官軍勢甚猖獗巡撫孫祥以聞上命撫按官悉計勦捕○夏四月命革選廉吉士及更定翰林官銓補法先是大學士楊一清等奉旨考選廉吉士以唐順之三人廷試策為上所批獎即以冠而續取胡經等二十人上請上留唐順之等一體除用因曰唐吉士乃太宗之制在當時良善邇來大臣徇私市恩無益國用此後不必選留但有學行卓異者吏部奉訪以備擢用尚書方獻天上言館閣乃儲材之地賢相名臣多出其間邇年留選不能盡公誠如聖諭所云吏部訪收信得其要但翰林院原設侍讀侍講各二員修撰三員編修檢討各四員邇年太濫講讀修撰至十五六人編修檢討至三十八人或二官全缺亦非經制宜于原設額數量增數員除一甲三人銓補外聽吏部照缺推補編修檢討于主事御史給事中評事中舍行人博士助教推官知縣學官進士內訪補講讀修撰于郎中員外都左右給事中寺正寺副太僕光祿丞同知知州通判內訪補其學士庶子諭德贊善洗馬等官亦論資序遷分內外庶事體畫一經久可行上從之自是盡逐舊官而多置陰厚矣○詔諭獻職不許請乞田土先是大學士楊一清等言近畿八府土田多為各監局及勢豪之家乞討或作草場或作皇莊民失常業願自今以後凡有請乞絕勿復許小民控訴乞賜

審斷使畿內之外有特為命 上曰卿言正合朕意令戶部推侍郎及風裁科道往勘外省令巡按御史按行諸王府及功臣家惟祖宗欽賜有籍可據者則已其他近年請乞及多餘侵占者皆還軍民事竣具上其籍至是戶部侍郎王軾言皇上命臣清查莊田見勦賦之家數千百頃占據膏腴連郡邑乞如成周之制隨其官之品級而定擬多寡別其世之親疎而量為裁革其自置田土不報納糧差者俱追斷如功臣田土例 上從之令自今勦賦大臣務各安分以保祿位不許妄行陳乞○命授永嘉縣儒士葉幼學翰林待詔時楊一清薦幼學潛心典禮乞量授館職使供史館纂述故有是命○五月巡鹽御史朱庚立上諭鹽法之不便者先是戶部尚書鄒文盛條陳添刷鹽引至是庚立言欽依添刷引目而商人莫肯應者其故有二一則昔時餘鹽先製過而後納價今則先納價而後領引既輸于邊又輸于運司苟非巨商必不應

卷之三

三

命一不便也一則淮南納銀一兩九錢准北納銀一兩五錢比之舊額淮南增銀四錢准北增銀一錢五分無利有損其孰肯從二不便也今宜以添刷之引先行給商待其製過納價以寬先期併征之意添中餘鹽淮南減四錢准北減一錢五分以恤目前虧折之苦庶商人得利而新法可行從之○吏部右侍郎何瑋罷先是瑋移疾乞休許之既而御史毛鳳韶奏留乃以瑋為南京都察院右都御史瑋不就罷之○六月大學士桂萼進輿地圖各有紀叙命留覽○山西大饑連歲凶歉餓殍載道參政王尚綱上救荒八議一曰賑饑餓乞遣使行部問民疾苦二曰恤暴露乞有司祭瘞釋釋厲氣三曰救貧民乞支散庚積秋成補還四曰停徵飲乞裁日住徵以俟豐年五曰信告令乞勸分穀粟六曰推糴買乞令無閉過七日謹預備乞申舊例措糴積貯勿使更虛空虛八曰卹流亡乞所過州縣加意存卹勿使群聚思亂戶部議行之○右

都御史周南卒贈太子太保南嶺雲人初大帽山賊留劫三省朝議用重臣督勦南往破之因移兵攻桃源賊黨及汀漳山巢賊悉平遂留撫其地南輟巡撫之設自南始○兵部右侍郎黃衷罷求以督木回籍會經事官妄言至京不行朝見吏部查實在籍 上意不解遂罷之○七月以副都御史王堯封巡視浙江福建軍務都督崔文為江淮總兵鎮瓜儀時溫州磐石衛逃役軍四百餘人被甲持刀入館頭縛永嘉主簿吳永迫脅通判栗廷用踰垣勒令本府取官銀三千餘兩給領府衛不能制常州賊首侯仲金等群聚數百人連艘數十隻劫奪民財敵殺官兵執其主簿梁瑾支解之殺百戶任臣投于水又有海寇數十艘入掠寧紹諸縣殺戮士民燒燬房屋給事中夏言請設都御史巡視浙江海道設江淮總兵官操備江浙控制九江安慶淮楊蘇松諸郡 上從其言乃命堯封及文為之○太師定國公徐光祚卒諡榮僖○左都御史

卷之三

三

陳金卒○命採珠于廣東總督兩廣林富言去前採珠僅二年珠尚未生恐不可得說者謂以命易珠今恐易以命而亦不可得疏入詔如前旨○八月勅令大學士張璉還家奉桂萼散官令致仕先是璉萼妬寵言事相左多忿激不相下各為惡語交聞上前楊一清乃乘隙間之諷給事中孫應奎陸燦勳專事不不法言璉雖恨懷自用執拗多私而其術猶疎為善猶淺事外若寬近中實陰刻伎忍之毒一發於心如復蛇猛獸犯者必死宜速加誅貶 上怒下勅暴璉專罪狀曰張璉自用自恣負國負君桂萼尤而効之朕以言官屢劾朕不敢私論法當置刑典特從寬貸璉令還家愴惜以需後用萼奪散官并學士致仕其餘黨分別區處璉應奎陸燦王準居言官之列有耳目之寄坐視至今方為聚眾應奎首論可原王準下法司訊之○九月召張璉還大學士楊一清罷時璉去至天津霍韜私計曰議大禮者吾輩三四人耳張桂去必

及我乃急疏列楊一清罪二十四事 上覽之立召璉還時有朱繼宗者以他事下獄辭連一清謂受張容金私以錦衣指揮 上怒欲逮繫一清璉疏力解得免下旨曰一清累朝舊臣朕即位首先召用何乃不顧名節深負朕眷法當追理念閱國體輔臣璉又疏請從寬姑令自引一清遂乞致仕刑部尚書許贊會官議一清晚節昧知幾之議哀年忘在得之戒今其去就實為國體所關宜優容之 上命致仕令馳驛以歸璉既復入內閣璉亦復散官致仕○詔革外戚封爵世嗣府部議應襲者惟定國公及彭城惠安二伯于是昌化伯邵杰慶陽伯夏臣壽寧侯建昌伯等皆在革中○冬十月癸亥朔日食刑部員外郎邵經邦言正陽之月食于朔而今調和燮理之任有皇父其人者正應之陛下既納陸釐之言令張璉致仕尋復以議禮有功見留眾議洵陛下弗察也乃天變若此可弗畏乎 上大怒發戍邊衛○乾清宮內西七所務

卷之三

三

災○虜酋吉囊俺答寇榆林寧夏塞總督邊務王璉出兵禦之虜亦得利去璉遂請修邊牆據要害起蘭洮畫榆林凡三千餘里軍民可賴少安○詔改築恩府城時提督兩廣軍務林富上言改築恩府城于荒田添設縣治于那人以屬南寧典王守仁前議多同戶部覆議從之○雲南衛卒亂初巡撫都御史歐陽重以諸衛軍卒多有異姓冒伍以饗月餉者下令覈之凡冒者斬弗予請冒者怨嘯聚數千人環馳軍府詳諫不已擲瓦礫門垣內重惶懼給餉如初及後開諭久之乃散巡按劉果乃參論重職存撫馭事專錢糧雖與利除害有為國任事之心但矯枉過中失通愛民之意太監杜唐責在鎮靖地方總兵官黔國公沐紹勛寄專總領軍衆雖事出倉卒或無故縱之情然令弛平時有失鈴束之道 上以重不善處置以致擾亂而果顛倒參劾任意回護命重致仕調果外用給事中夏言上言都御史者陛下所倚任之大臣也

御史者陛下所親遣之近臣也御命萬里之外託負士民之上令行禁止人莫敢違者所以尊朝廷而重名分也今以軍士一譴撫按俱罷紀綱法度人將謂何賈生尾大不掉之憂唐人藩鎮跋扈之患大抵由斯兵驕卒悍倣倣成風類以月糧借口如陝西之甘肅山西之大同福建之福州延平直隸之保定近日浙江之溫州內地邊方事變數見失今不振起類綱以為消弭之計將使他日有事地方之臣以此為戒為謹執肯為陛下建事立功慨然天下為已任哉 上以偏徇切責之○十一月召桂萼復任史館儒士蔡圻疏請萼功故有是召○河南陝西大饑陝西食事齊之寧晉臣承乏寧夏自七月由舒靈逾汝寧目擊光息蒸類聞蝗食禾穗殆盡及經陝關潼關晚禾無遺流民載道偶見居民刈穡喜而問之答曰逢也有縣刺二種子可為穀饑民仰此而活者五年矣見有以穀食者取而啖之聲口溢腹嘔逆移印則小民困苦可

卷之三

三

勝道謹將逢子封題恭獻乞頒臣工使知民瘼共圖治安因陳大可憂之事三深可惜之癖四言國家實賦輓運上涉脫或道途有捷鑰之梗而東南之漕一再歲不至何以虞之此大可憂也天潢日祿食匱乏而憚於改絃不思尾大之患此大可憂也邊疆歲擾將驕卒情而大同甘肅之變屢事姑息異日有患必自邊境此大可憂也八九年間大禮一譴蔓引不休好惡予奪一主平是其所不合者擯之如四齒榜柳永不收錄其合者擢之如伊尹傳說驟至台鼎此可惜之癖一也大臣之不肖諂諛為甚今侈祥符異見之章牒殷情導德漸不可長此可惜之癖二也初章冗濫嚴省萬計實錄日夕聽其陳請戚里漸復倖倖日親此可惜之癖三也內臣鎮守非太祖立法之意天下臣民以為陛下御極當不旋踵去病梗乃今因循久而不議此可惜之癖四也章下所司○上禧雪於南郊及社稷壇是日雨雪時上以深冬無雪宜

虔誠祈禱戊申朔南郊明日又禱于社稷壇即日雨雪 上喜乃親詣郊壇告謝靈雪方獻天穰孔暉等各獻靈雪賦頌及詩歌 上皆優答之○十二月更正衣冕及群臣朝祭服制詔禮部將圖式纂繪頒行中外○虜入寇大同偏頭關諸處左都御史王憲罷時虜入寇 上命推大臣提督軍務兵部尚書李承勛首舉憲宜行以資督撫大同又嘗總制三邊素諳邊務堪承明命憲抗言直辭吏部尚書方獻夫等合辭以請憲有難色不應拒之益力給事中夏言劾憲隨事畏避失色關廷 上怒憲竊祿苟安遂削籍○虜寇寇羣昌提督軍務王璠勦平之初烏思藏朵甘等處官入貢世為藩籬成化後稍亡為邊患璠初都督鄭卿討之不克由是歲入敵掠隴右騷然王璠議欲候彼入境即以兵擣其巢人畏之是歲官兵北征羣寇入寇羣昌兵部尚書李承勛言西番為亦不刺所侵日益內徙若羌狄交通後將益熾昔趙

卷之三

四

充國不戰而服免段頻殺老百萬費以億萬計內地空虛故勇將取快目下老將動必萬全乞廣宣帝之明專充國之任制禦事宜一以委璠上從之璠計欲撫罕开必勦先零乃遣遊擊彭斌都督劉文率兵自固原至洮岷分據要害且撫且勦凡撫定六十五族勦破一十六族斬首百有七十西鄙以寧

謹按鄭端簡公曉曰西戎亦能為中國患從申侯逼遷西周附隸焉族拒東漢唐連土番直入長安宋失熙河併于西夏為禍不小哉以官當帝羣僚之西鄙少寧正德後邊防大弛戎心遂啟璠議欲於洮岷河蘭間繕城堡遠斥埃廣儲備謹脩海賊勿使得連西番即有侵侮請發精兵駐臨洮羣昌要害之地拒之斯良策也

詔華天下鎮守內臣兵部尚書胡世寧言各省鎮守中倭內臣二十七人錦衣官校旗勇內府說匠數千人皆祇祖宗法依城社生耗國儲股

民膏血令人莫敢誰何者宜為裁革而張璠既得政柄亦慮天下鎮守內臣大為民害因力請 上章之於是百年大患一旦悉除○南京右都御史張琬疏乞致仕許之琬自南京工部侍郎改刑部進左都御史諸御史入謁琬曰朝廷之法執于御史執者廢法將安歸惟寡交遊則無私謁少宴會則無請託皆端端退居官清約乞休疏四上始得請○詔騰驤四衛禁軍隸兵部查覈先是初年詔書騰驤等衛士必兵部查覈乃得收廩太監閻洪泰取中旨免覈至是兵部尚書胡世寧以四衛說冒依附奸欺不可詰因上言官府一體請官軍考選清覈並如旗手等衛內臣言四衛禁軍隸兵部不便往歲彰義門破虜東市勦曹賊皆四衛功以直內故得號召易集下部再議世寧直言往歲之事正以兵權歸閹人致亂彰義門之戰由太監王振東市之賊即太監曹吉祥也 上從世寧議○南京御史司馬恭條上南都軍民利病七事曰革船

卷之三

甲

料以通商賈節派買以蘇舖戶饒房鈔以蘇民困屢流民以災京師便法守以恤軍士采物料以足供應重將領以振軍威疏入報聞

嘉靖九年

春正月壬辰朔頒赦一諸歲於嶽麓書院從知府孫存請也○甘肅鎮巡請結尾刺以間土番番不許時鎮巡官唐澤等言土番番累年犯邊蓋將尾刺為外援也今因議結彼此有隙宜遣使齎賞遠結尾刺以離上番番之交總制王璠以無故齎賞倖倖不可成之功自起釁端不可為也兵部尚書李承勛等覆議以鎮巡所論固兵家用間之策而總制以生事啟釁為慮未得中國正大之體如土番番不來犯邊許通貢如舊若再侵犯即絕其貢使是刺叩關納款量行犒賞如其不來不必遣使庶幾情自服國勢自專 上從之○詔申明科貢並用之令時保定巡撫錢如京言京畿地重請悉銓進士為守令不宜濫授歲貢 上不

許曰前歷詔所司隨材任用不拘資格但有治行宜民者一體擢用蓋科貢乃國家取士正途不可偏有所重茲所議似特重進士而視成貢太輕令人何以自奮保民之道奚由廣及宜申明前旨行○二月建先蠶壇於北郊先是給事中夏言清理皇莊事竣請將負郭官莊削去皇莊之名改為親蠶廠公桑園種植桑柘以備官中蠶事仍令禮官詳考禮經斟酌皇后親蠶儀以進戶部覆議不可而止及上有事于南郊言奉命分獻南海壇因而有感遂上疏請舉親蠶之禮言按祭統天子親耕于南郊以供粢盛王后親蠶於北郊以供純服考之於漢則皇后親蠶于東郊後漢皇后帥公卿列侯夫人蠶唐立先蠶壇于長安北苑中貞觀間文德皇后帥內外命婦有事于先蠶宋景德詔禮先蠶元豐詳定享先蠶之儀宣和皇后親蠶于延福宮紹興初猶復舉行後因太常丞王湛言始廢我高皇帝躬耕藉田未及親蠶豈非缺典臣以為農桑

卷之三

四一

之業不宜獨缺耕蠶之禮不宜偏廢疏入上甚喜悅勅戶部建壇尚書梁材言宜建于皇城內或西內上曰周禮耕蠶分南北郊其蠶于禁中唐人便安之制耳不可為法于是禮部尚書李時等請行于北郊酌治蠶之禮定壇壇之向制採桑之器擇掌壇之官翟車出入或從東華門或從玄武門用謹厚內臣周肅宮禁上從之命出入由玄武門其壇制較先農什一建具服殿蠶室繭館俱如古制仍舊織室於西內以終蠶事右都御史汪鉉言皇上舉行曠典親耕蠶為天下先又頒示租約列為條目刊布天下所以導民勤儉矯俗屬世者德至溥也乞以高皇大明令及禮儀定式所載與皇上所諭通行禁約凡官民服食器用宴會遊玩之類但輸品式嚴加違禁之罪仍宜行自近始上乃令臺臣檢舉不法具罪以聞○上命頒賜大學衍義於科道諸臣先是止賜夏言言請準其賜故科道各賜一部○上祭太社稷行耕籍

禮先是諭禮部朕以冲昧入承祖位敢不率由舊章第以祭太社太稷奉我太祖太宗配竊有疑焉夫天地至尊次則宗廟又次則社稷太祖配天則正矣又奉祖配社豈不失其序歟或謂以祖配社乃親上之道此我皇祖時社稷之失也又謂后土勾龍氏乃共工之子祭之無義夫勾龍氏有平水土之功故取之配社猶以后稷配稷也未可論其人况父不善而可惡及其子乎宜如高皇帝制太社以后土勾龍氏配太稷以后稷氏配其詳議具奏禮部乃集多官議太學士張璁翟鑾等各言祖宗配位社稷歷代以來祀典不載我太祖稽古定制初無配位之禮後因孔官張璁之請遂沿襲至今茲者天啓聖衷獨覺其舛况皆遵後祖制非有變更茲會多官皆無異議則既得以伸尊祖敬宗之心又不失立法創制之意所謂禮樂百年而後興者真在于今日疏入上從之至是上祭太社太稷祭畢出郊祭先農行耕籍禮如常儀○御

卷之三

四三

史周禮條陳五事曰明史職恤水災清冊籍厚風俗理驛傳上以其言可采命所司詳看以聞○詔定百官謁文廟禮凡春秋二丁不與陪祀者皆以常服序列陪祀官之後同時行禮正旦次日諸司必候其堂屬畢集始得謁拜有先後參差聽糾儀御史劾治之○詔革應天府上元縣羊戶先是巡撫都御史陳祥言南京光祿寺司牲司羊戶凡二十六人皆徵銀上元諸縣不下三百餘金而歲辦不過奉先殿薦新羊羔一隻司設監羊毛百斤耳宜存句容溧陽羊戶各二人應役餘悉罷免從之○三月命收養宛平大興縣貧民七百八十三人於養濟院八月給糧三斗歲布一疋○工部請遣先蚕壇執事舉慶女官冠服上以女官俱有常用冠服命於來年議遣○禮部言親蚕之禮出于創見一時命婦倉卒入壇恐致愆戾請以所繪採桑圖授之俾各如式演習仍請定名採桑之所上因名其所為採桑壇○丁巳皇后親行蠶禮于北

郊祭先蠶氏○給事中夏言請更郊祀上言載國家以天地合祀于南郊又為大祀殿而屋之設主其中是制殊矣古典弗應經義謹按禮書古者祀天於圜丘祭地于方丘圜丘者南郊地上之丘丘圜而高以象天也方丘者北郊澤中之丘丘方而下以象地也南郊之壇曰太壇以之燔柴北郊之坎曰太折以之瘞埋此分祭天地古制也况壇于南郊坎于北郊雖以就陰陽亦因高下之義豈有崇樹棟宇擬之人道哉古之王者敬天有加豈昧營構凡以義不當為耳至于一祖一宗之配及諸壇之從祀舉行不干二至之日而於孟春稽之古禮俱當有辨乞勅多官集議以求至當上嘉納之○詔祔送詹事霍韜于都察院時韜見言以郊祭議合乃疏言親蠶為亂成法分祀為紊朝政上置不問復為書遺言其言祖宗定制不可變易周禮為王春雩書宋儒議論皆為夢語皇后出郊親蠶為壞閭閻之法漬男女之防且曰今啟南北郊

卷之三

四四

之說將自是而東西郊建矣將自是而更九廟矣郊社宗廟之禮皆因而畫更革之矣可不慮哉又為副函通遺三法司使收載備照言得書即飛章併其書上之因言韜誣周禮背程朱蠹其學殆不可曉且數其無君七罪惡浮正卯豈可置而不問上大怒謂韜非詆先儒議訕朕躬懷奸蓄詐要名賣直命錦衣衛械送都察院議罪既而南京御史鄧文憲言郊祀親蠶之議夏言未必是而霍韜未必非陛下賞言而罪韜是獎諛而惡直也上責文憲附和狂邪降邊方雜職○夏四月詔集議郊祀典禮中允廖道南上言太祖初年建圜丘鍾山之陽方丘鍾山之陰以分祀天地洪武十年感霖雨陰雨之應覽京房災異之說始行合祀太宗遷都于北未有建白以緩之者禮樂百年後興詎不信哉至于宗廟之制國初立四親廟德祖居中懿祖仁祖次分左右昭穆有定位禘祫有定時至九年十月改建太廟用漢人同堂異室之制時享

歲祫則設衣冠于座而祀之始以功臣配享恐非古先聖王尊尊親親之道也周禮太宗伯兆日於東郊兆月於西郊我聖祖亦有朝日夕月之文有其舉之莫敢廢也且今之大祀殿正徹古明堂之制宜法聖祖初制兆圜丘于南郊以祀天兆方丘於北郊以祀地尊德祖配享以法周人專后饗之意而又宗祀太祖太宗於大祀殿以法周人宗祀文王于明堂之禮兆大明於東郊兆夜明於西郊以法周人朝日夕月之禮增太廟大禘之祭正太祖南向之位移功臣於兩廡庶尊尊有殺親親有等而古典復見於今矣下禮部議時贊善蔡昂修撰倫以訓燒漆祭酒許誥學士張潮編修歐陽德給事中陳侃趙廷瑞御史陳諱譚續皆以合祀為宜而洪言尤激切俱下禮部夏言復議不當以二祖並配言周人以后稷配天于郊以文王配帝于明堂今日宜奉太祖配天于圜丘奉太宗配上帝于太祀殿二配至重萬世不遷之法豈有抑揚輕重

卷之三

四五

于其間哉亦下禮部會群臣集議右都御史汪鏞等八十二人皆主分祀大學士張璁等八十四人亦主分祀而謂後朝成憲不可輕改及時訓不可更作尚書李瓚等二十六人亦主分祀而欲以山川壇為方丘尚書方獻夫李承勛詹事霍韜等二百六人皆主合祀而不以分祀為非英國公張瀚等一百九十八人無所可否上命再議於是張璁等引五經諸史條析合祀之非伸分祀之是名曰郊祀考議上之上從其議方獻夫上疏輪罪言前主合祀非是上曰爾職列大臣不能考議正禮以稱朕誠既自知罪姑置不問霍韜亦上言近議郊禮不能仰體聖志乞恩輪罪上曰爾既省改過願自效忠亦准復職不問○北畿河南湖廣山西大饑時行人楊爵有事湖廣山西還言畿內及河南湖廣山西俱復大饑乞徐議郊禮以省勞費上勅部院曰邇來最近之民饑殍在道聞諸奏牘實用憂心內外臣工皆有分理之責而部院

大臣又百司庶僚之百不可不佐朕安民其各諧議會奏以聞于是吏部尚書方獻夫等會陳重守令廣儲者索鬼神卹陣亡慎刑獄及蠲免救濟諸條上采納之○命選右僉都御史李如圭撫賑榆林時給事中孫應奎言榆林一鎮災傷重大士馬捐瘠死亡無算骨肉相食前賑不通煙火幾絕草根樹皮剥掘已盡近復揭石為粉用以療饑食多墜死言之傷心疏入上曰所奏饑荒朕不忍聞於是會議宜發太倉銀十萬兩往賑之都給事中夏言請以李如圭出撫和羅錦條上榆林備荒事宜一言往時塞下倉廩常盈後因積貯既多改為納價之例歲一不登食無所出當如舊例徵收本色以脩軍餉之需二言榆林道路崎嶇轉輸甚難宜將內帑發去銀兩召商糴買如期完納三言朝廷中塩以為邊計而左右往往占中買窩窩價日增兼以米價翔踊所得無幾商人遠遯四言天下各設預備倉邊方獨缺乞發內帑及所在有司贖錢併房中所獲馬匹變賣糴穀貯之各營堡而命都御史李如圭主其事詔從之○大學士楊一清削籍時給事中趙廷瑞劾奏一清初居銓部專植私黨繼入內閣顯結權奸先帝南巡親幸其第不能竭誠諫及時回鑾而乃躬衣戎服羅設寶玩有跪送騎馬之曲欄門初酒之詞傳笑海內大臣以道事君固如是耶其關通鷹鷂賄錢寧之狀則給事中鄭一鵬章僑楊言御史樊繼祖侯秩屢播謗文矣仍宜追論以警官邪詔奪一清官○五月詔建四郊時耕臣議入上覽之曰分祀良是乃命建園丘于南郊其北為皇寧宇建方丘於北郊其南為皇祫室作朝日壇於東郊夕月壇於西郊給事中夏言復條上規制及添差督工大臣時四郊並建工值浩繁司農告匱軍役亦苦不足○以都給事中夏言為食都御史不拜仍加四品服初言屬食都御史李如圭出

撫榆林上即命言代之御史熊爵言先年張綏以即中署中丞不數月為蒙宰不數月剥皮裹革今言實緣驟遷寧能免於禍乎上切責爵言因疏辭不拜云臣聞宋臣包拯劾罷三司使宋和尋以拯代和歐陽修有蹊田奪牛之議今臣薦如圭出撫即以臣代如圭擬之拯事形跡近似能免人言耶乞覆新命上從之命以原官加四品服及俸○詔清查內府各監局匠役○虜入寇先入漁陽塞不數日又入遼西塞又大入寧夏塞後又入宣府塞御史盧問之條陳選將練兵足食事宜下部議行之○六月刊定大明集禮成上因親製序文以垂一代之大典○詔褒總制陝西都御史王瓊攻破諸番之功河西四郡請留瓊從之初兆岷等處番夷若龍板爾等族屢擁眾入犯瓊會集兵眾諭以禍福諸番多聽從惟若龍板爾及喇唧等不服乃分兵攻之破若龍板爾巢穴喇唧等族震懼稽首聽命斬首三百六十餘級撫降七十餘族獲牛羊器械以千百計上嘉瓊功降勅褒獎瓊至陝二年西服土魯番率十國奉束約入貢及是諸番湯平西陲無事河西四郡舊苦土魯番侵暴恐一旦瓊去夷患復作咸詣撫按鎮守乞為奏留于是甘肅巡撫唐澤巡按胡明善疏其事言乞留瓊以慰民心上從之○詔議定樂律時上釐正郊祀中允廖道南請稽古樂章以裨盛典上曰考定律呂必真知者乃可既而詔發內府所藏金玉銅石鐘磬于神樂觀考正音律仍令科道官各舉所知諸曉音律之人以聞于是給事中夏言薦行太僕丞張鶴曉暢律呂上命徵之鶴臨清人時在告里居乃應詔至欲定元聲復古樂併進所著樂書二部一日大成樂舞圖讀自琴瑟以下諸樂逐一作譜一曰古雅心談以十二圖象十二律律圖各有說乃下禮部議覆上曰音律即為更定勿誤廟享之用○詔議括田時御史郭弘化言天下土田國初總計八百四十九萬六千五百二十

三頃弘治五年止四百二十二萬八千五十八頃不及國初之半乞勅各處撫臣選任監司守令分詣搜括覈實以開墾下戶部尚書梁材言此事重巨乞會群臣集議既而議請如弘化所言之○詔逮繫兵部主事趙時春下詔獄榜訊時春言過者災異頻仍勅令群工各陳所見乃因災求言之詔未報而慶賀聖瑞之奏屢至蓋緣性年靈寶縣官以河清受賞繼以都御史汪鏞遂進甘露今則副都御史徐瓚及訓導范仲斌又進瑞麥指揮張楫又進嘉禾汪鏞楊東又進蓮花禮部又再請稱賀夫仲斌之流委瑣不足責汪鏞徐瓚楊東等叨列憲臣宜激濁揚清進忠補缺禮部尚書李時等官居八座職典三禮乃亦昧義要利罔上要君乎此風漸長大非國家之福疏入上詰責之時春引咎上怒趣令時春具陳因言當今之務最大者四曰崇治本信號令廣延納勵廉耻最急者三曰惜人才固邊圉正治教上責其條陳不明以實

卷之三

忠直下錦衣榜訊○敬一亭成初帝製敬一箴遂命建敬一亭於禁中至是落成賜宴儒臣群臣為詩以獻○處州知府吳仲編通惠河志成進呈命付史館採入會典仍令工部梓行○詔罷姚廣孝配享太廟時祭酒廖道南上疏言姚廣孝不宜配享太廟禮部尚書李時會大學士張璁桂萼議廣孝在太宗雖有帷幄之謀而崇秩顯爵已償其勞今以削髮披緇之徒配享太廟實所弗宜乞移祀于大興隆寺從之給事中高金因言陛下龍御之初凡法祖法師國王佛子有害正道者悉從屏逐近又輩姚廣孝之配享乃今真人邵元節謀家殊恩以為聖治累顯削去真人之號上曰真人封號已久何以至今始言必有嗾之者逮訊之且令禮部議閣李時言撤配享以正祀典用元節以為祈禳事既不同惟上裁之上深以為然金微稍解○八月吏部尚書方獻夫罷先是廣東人彭澤為吏部郎中以不檢見黜乃緣張璁得內降留用

未幾改左諭德士論駭之太常魏校以疾乞歸方獻夫以澤同粉榆遂補澤太常卿又有黃方亦廣東人獻夫以為南太常而彭澤之故議吳爵以吏部入官亦由澤判官擢延平府通判人尤駭異獻夫又誤聞廣東食事劉喬死還以負外郎吳紳代喬後知其不死乃權喬為副使而無其缺令寄俸以居浙江參政黃卿性倖直見恩于璁而副使以平溫州知府丁璫皆璁所善乃調卿于陝而以平代卿以璁代以平各得命百相代去都給事中夏言劾獻夫媚悅政府蔑視名器任意行私犯議有因而璁擅易命吏文選郎中劉序又甘心詭隨宜併切責以防其微上命黃卿等俱以舊官任事彭澤係朕點用璁獻夫安心辦事勿得辭避今後用人務合公論既而給事中孫應奎亦劾獻夫私其鄉人洗光及澤至是給事中薛甲上言四事曰廣祐納以來忠諫正習俗以明體統勤訪問以盡人才養和平以疑天休中多阿媚語給事中饒

卷之三

秀劾甲附附大臣反嗜群僚其曰劉永昌武夫也豈可以効冢宰張瀾軍餘也豈可以議總督欽正習俗以明體統似矣然自永昌建言以後無復有言官議大臣得失者獨夏言諫黃卿等之調補孫應奎議洗光等之擢用趙漢議臣等之不職而已未聞有及璁獻夫者甲之所言明為二臣杜塞言路不思為甚章下吏部獻夫知衆論不與乃上疏乞罷從之○詔諭刊布聖母聖皇太后女訓及孝慈皇后傳文皇后內訓大學士張璁言皇上發下女訓一卷首實以獻皇御製序次以聖母自序之文為目凡十有二宜刊布以示中外更乞親灑宸翰序之卷末以垂永久上從之既而後以孝慈皇后傳文皇后內訓欲同女訓頒布璁亦請御製後跋上曰朕惟時俗大不古若兒女子至為難教欲正其本當自官中始凡當行事宜會講以聞禮部因奏官中事宜合令翰林院撰諸書閣女教者撰為諒必明白易曉內訓女訓宜撰成直詳

證以高皇后傳內事實令女官記誦每月皇后率妃夫人詣聖母前聽講一次於坤寧宮進講二次仍令女官將二南之詩被之管絃以備宮中宴樂一切俗樂悉行斥去而大學士桂萼亦因女訓一書上推行之序行之官中者三事曰胎教之儀諸母之擇子師之慎行之天下者三事曰女訓之學曉譬之教媒氏之正事下部議官中三事宜書御屏為官閣先事之備其行之天下者宜令天下各崇陰教以敦女習不許驟擊記誦詞賦鼓人心止將女訓等書勸誘風俗婚姻一遵祖訓嚴禁指腹結襟之弊○詔修葺夏墩堡邊牆時總制王瓊奏言夏一鎮接莊浪整葺為西北第一大事乞為議處其部尚書議覆夏一鎮前以黃河為擾後枕賀蘭山之險自鎮遠關以至大沙溝舊有墩臺相接以斷北虜西行之路昔人所謂斷匈奴右臂是也邇來廢棄遂通屢患請發官軍十萬乘時修復庶西北之防可固詔如議行○少師大學

卷之三

五

士楊一清卒一清為霍韜所擯里居忽忽不樂疽發背卒之前數日猶為疏自解言身被汚蟻死不瞑目上聞而悼之後至十二年以恩詔例復官二十七年始贈太保諡文襄

謹按鄭端簡公曉曰公生而隱官貌類寺人學博才雄善調停應變尤曉暢邊事羽檄旁午一夕十疏悉中機宜又好汲引人一時後達喜功名者爭趨其門

兵部尚書致仕伍文定卒文定孤忠自許過事敢為而不能與時俯仰故功名其著而以齟齬終其身為志士所惜云

謹按吳氏瑞登曰宸濠之平孫許勵其節王伍大其勲而中其機宜奮其忠勇則文定力也昔雷萬春面中六矢而不動文定火燎其鬚而不驚以故保全雅陽與勒鋤寧賊者曠世一例至于桃源等寇屢伐屢平安鳳等亂開風即解彼芒即不靖勦之宜矣而戴金非之

乃不知文定平卒使罷兵乞休謂之何哉噫古來忠臣烈士不能依煥脾忍荷身能為國建功志已畢矣若文定者又何憾焉

兵部尚書胡世寧卒世寧仁和人風裁峻整優于經濟貞諒自持有羔羊之節持論侃侃多所建白以江西副使疏論宸濠戍邊起為食都御史歷工刑兵三部尚書至是卒贈少保諡端敏○詔逮繫順天生負張紳于獄紳上七疏言朝政得失其一為大學士翟鑾吏部侍郎董祀禮部尚書李時都御史汪鏐及布政吳山大僕卿張原明兵馬胡綱馮錫求道延陳謙太監顧義晏宏呂憲張景昌內景賢乞加旌勞報聞都給事中夏言引上言大臣德政律乞將紳鞠究奸欺置之重典乃繫獄訊之○詔革甘肅鎮督儲重臣甘肅舊有巡撫又有督儲都御史時巡撫唐澤引疾乞休而寧夏巡撫方缺吏部欲以督儲趙載攝之都給事中夏言上言甘肅孤懸河外不可一日缺人而災傷疊見加以西都御史

卷之三

五

供億實繁寧夏相去二千餘里兵食調發動輒宜無攝理宜以趙載代澤革去督儲之任以節邊費而寧夏缺人速宜銓補上皆從之○冬十月以夏言為侍讀學士兼吏科都給事中時勅修祀儀成典乃改言為學士預修纂修仍兼原官在科辦事復充議官○令大臣子弟避臺諫官者毋得改翰林時都御史胡璉子效才為御史乞恩避職上謂吏部曰避臺諫改翰林此近年陰私弊政非祖宗法今後止與在京職官著為令○詔正孔子祀典初大學士張璁修祀儀成典因言先聖先師祀典俱當纂入而孔子祀典多有未安宜採今昔儒臣之議以洗前代相沿之陋為百世可遵之典一謚號不當稱大成文宣王二章服不當用衾冕塑像一蓮豆樂舞不當用十二八份配享不當以顏曾子思坐堂上子先父食一從祀不當以馬融賈逵王弼等預列而遺后蒼王通韓愈上命禮部集議時群臣多以去王號毀塑像為疑上乃

自製正孔子祀典說頒示群臣以明王號之當去編修徐階疏辨非宜
上不憚出階為延平推官御史蔡賈等亦辨其非詐詰調賈等妄言
上視職為民魂復上孔子祀典或問以解群議眾議乃定于是改大
成至聖文宣王為至聖先師孔子其配享四子仍稱復聖宗聖述聖亞
聖從祀諸弟子稱先賢左丘明以下稱先儒俱罷公侯伯爵撤像設木
主祀之申根申黨二人存根去黨罷公伯寮奉冉顏何荀况戴聖劉向
賈逵馬融何休王肅王雱杜預十三人從祀林放蘧瑗鄭玄盧植鄭眾
服虔范滂祀于其鄉進后蒼王通胡瑗歐陽脩陸九淵從祀而別祀啟
聖公叔梁紇以顏無繇曾點孔鯉孟孫氏配程珦朱熹蔡元定從祀焉
○十一月己酉初有事于南郊先是命製園丘祀諸金鑑王爵錫舉主
璧及鐘磬貴鼓諸樂器既成陳於文華殿召大學士張璁閱視是日冬
至上觀祀于園丘奉太祖西向配各驛續一用璧三獻九奏樂舞
用八佾從祀大明夜明各驛牛一恒星五曜群星及雲雨風雷師各半
一羊一豕一郊畢還御奉天殿行慶成禮布詔天下賜恩寬恤列款皆
上所親定賞賚群臣有差○詔立九嬪大學士張璁言古者天子后
立後宮三夫人九嬪二十七世婦八十一御妻以廣胤嗣今中宮正位
有年前星未耀宜慎選貞淑以克祀嬪 上從之乃勅禮部選立九嬪
○十二月賜大學士張璁御製蟄樂詩時值蠟節故有是賜○土魯番
入貢是歲滿速兒遣虎力奶翁隨天方諸使入貢方物後索牙木蘭不
與滿速兒欲俟奶翁還即要諸番冠肅州會奶翁道死是刺又攻其部
不果來寇而來降人哈六刺言滿速兒欲以哈密城與拜失煙各事督
理兵部固請許其通貢着令三年或五年為期夷使雖多十二入京餘
留塞 上詔從之然哈密為土魯番所據守臣感威備荒胡不暇無
復問關外事矣

謹按鄭端簡公曉曰秦中老人曰土魯番哈密處動經累我義未直
兵則何畏彼求方棘予則何恩况染指貢賦不足以示信侵漁宴賜
不足以示廉而一時士習又皆重聲譽而畧宗核騰口說而寡實事
不知中國之於夷狄固不可過撫以納侮亦不可深拒以窮兵唯順
則撫故賞斯恩唯逆則拒故威斯畏况西域賈胡倚玉石以射利藉
黃靡以厚生苟馭之有術又何患焉
上命賜侍讀學士夏言御製聞講詩先是言講中庸至聖至誠章致望
于 上故有是賜○大學士桂萼等奏遣賜酒米蔬肉○始祀先聖先師
於文華殿東室初有釋像 上命撤去之乃祀先聖先師伏羲神農黃
帝堯舜禹湯文武九龍南向周公孔子二龕東西向是日 上自為祭
文行奉安神主禮并令輔臣張璁等及講官徐縉等入拜○大學士桂
萼進所著三才日曆志 上嘉納之留覽○易行先師孔子神位用木
奉安于文廟遣祭酒許誥行祭告禮○以大報禮成欽恤刑獄法司祭
遣祭落釋放罪囚一千八百五十五人○詔行祀郊稷禮先是大學士
張璁言頃者生員李時鵬監生張參各疏請舉祀郊稷之禮以祈聖嗣
夫古后稷之生祈於稷孔子之生亦禱於尼山乞禱之說古禮有之然
大雅既醉之詩曰公尸嘉告曰君子萬年永錫祚胤曰釐爾女士從以
孫子夫公尸之告皆祖考之錫福也皇上仁孝誠敬天地神明日鑒在
茲况祖考之親者乎臣願當茲慎選淑女之時以廣求嗣續之誠告於
太廟世廟以祈祖考之祐以慰聖母之心 上嘉其請令禮部擇日具
儀于是以是月二十四日行禮

皇明嘉隆間見紀卷之四

辛卯嘉靖十年

春正月丙戌朔 詔行三途並用法先是南郊禮成諭禮臣稽祖廟廟科舉歲貢為舉並用事體廣求人材以備任使于是舉洪武十九年以後弘治十一年以前故事今天下有司訪求懷才抱德經明行修為鄉評所重伏在岩穴者撫按兩司嚴實送部量行擢用徇私濫舉者罰舉人歲貢才德出眾屢行薦剡者一體擢用京堂方面 上因曰三途並用祖宗良法近來專務科舉之學偏重進士之選以致大尚浮辭不修實行蠹國害民者在有之今後三途並用必求得人以稱朕用賢澤民之意○初行祈穀禮于大祀殿 上以孟春上辛于大祀殿祭皇天上帝行祈穀禮用辭饋一蒼王三獻九奏樂舞八佾奉太祖太宗配享初夏言建議二郊奉太祖配祈穀奉太宗配張璠等以為不可留中

卷之四

不下言又疏請 上責諸臣違君叛禮乃命祈穀以太祖太宗並配而二郊專奉太祖既而改祈穀於驚蟄曰○復行特享禮於太廟初太祖立四親廟德懿熙仁同宮異廟各南向孟春特享於群廟三時合祭于德祖廟序用昭穆後改建太廟同堂異室四孟歲除俱合祭罷特享禮至英宗并祔九室已僭憲宗祔懿祖孝宗祔熙祖武宗祔仁祖獨德祖不祔時享則太祖太宗以下俱東西向至是 上諭大學士張璠曰朕欲自今春享奉太祖居中太宗而下各居一室行特享禮其孟夏秋冬三享仍如今行時裕禮季冬中旬擇日太袷則以德祖居中合懿祖以下同享於太廟親王功臣配食兩廡以存太祖當代之制歲暮祭於奉先殿其世廟止行四孟禮歲暮亦祭于崇先殿庶祭義或明而人情不至于疊勞可萬世行也他諸邪論不必惑之其即會奉時議來或咨夏言以助之以彼嘗言祀典耳璠等即如論議曰我高皇帝四時

享祭歷于德祖不得正南面之位文皇帝而下同堂而祭每東西相向不得受特享之禮親王功臣分為臣子坐于堂上而天子跪拜于下皆干禮不合于情未安茲必正南面之位以尊太祖孟春行特享之禮以專列聖冬舉大袷之禮以合祀祧廟之主移親王功臣配食于兩廡以別尊卑情順理安真可補舊制之未備垂萬年以常行矣 上乃命祠官設樂如九廟狀奉太祖南向群宗述遷就室各南向特享之于是始退德祖于祧殿不復預時享矣○命議祫祭大零秋報諸禮時上既正太祖位向欲復古祫祭禮乃勅輔臣及禮官集議并問大零秋報之禮禮部尚書李時以聖諭并御筆所畫祫祭時享三圖示侍讀學士夏言言乃撰祫議一篇以進言禮曰不王不祫祫者本以審諸祖之所自出也惟王者竭四海之有以奉神明力大足以備禮故祭可以及遠有虞氏夏后氏皆祫黃帝殷人周人祫帝嚳是也我祖宗之有天下固

卷之四

以德祖為始祖百六十年來居中南向享太廟歲時之祭者德祖也今陛下定大袷之祭而統群廟之主者又德祖也然則主祫之祭又可尊德祖乎夫既身為太祖之始祖矣而又為始祖之所自出恐無是理也宋熹亦曰祫是始祖之廟推所自出之帝設虛位以祀之而以始祖配夫三代而下必欲如虞夏商周之祫黃帝帝嚳則既無所考若強求其人如李唐之祖諱又非孝子慈孫之所忍為也臣愚以為宜設先祖虛位而以太祖配享蓋太祖始有天下實始祖也議入 上深然之時中允廖道南獻議以為皇姓乃帝顓頊之後宜祫顓頊并下集議大學士張璠首言曰言虛位者求之于虛則失之無言顓頊者求之于遠則失之誣惟祫德祖為當兵部尚書李承勛等亦以為然言復抗疏言祫德祖之議可疑而未敢以為是者有四于是復下部議既而諭禮部祀始祖所自出之帝於太廟奉皇祖配每辛丙午年舉行神牌曰皇初祖帝神

位初 上諭欲于奉天殿行秋報禮於丹陛上行大雩禮夏言秋報
宜于大祀殿奉太宗配大雩宜于郊兆之傍擇地為壇孟夏後雩祭蓋
孟春上辛既行祈穀祈穀云者所以祈雨賜時若以大我穀黍也苟春
夏兩賜以時則遭官代雩否則祈禱亦足稱陛下為民之心而于古人
之禮為不失矣後秋報禮獲不舉○吏部侍郎董祀能初御史胡明善
劾祀能徐繼李時顯與臣及聞民延緩溺終以圖起用 上命明善
具陳其狀罷之永不叙復○二月頒賜甘露于廷臣先是顯陵甘露降
安陸守臣奏上之 上乃出郊昭謝天貺于園丘祭告世廟頒賜廷臣
仍製欽天記頌以示後世侍讀學士夏言撰寶露頌以獻令付史館○
詔戒四郊朝房時工部題稱方丘并朝日夕月壇添蓋朝房 上嫌其
太多令各減去二十間夏言上言三郊地方惟北郊稍為僻曠四無居
鄰東西二郊旁有寺觀民居可暫儼寓今北郊朝房宜遵欽定之數建

卷之四

三

設左右稍如神樂觀之制東郊已成者免今復毀西郊全不必添廢工
程易完而財用不致浪費 上從之○庚辰初行朝日禮于東郊是日
春分于東郊行朝日禮大年一用王禮三獻樂七奏舞八佾○大學士
張璫請避嫌名賜名于敬璫上言臣生三月父命之名入仕十年尚未
之改今密邇君父名屬嫌疑請易之 上不許再疏以請乃賜名于敬
字曰茂恭又書于敬茂恭四大字賜之○三月賜大學士張璫敬御書
崇恩堂三字初獻皇帝書崇恩堂 上以賜璫且識其端曰皇考手澤
仍賜篆刻于敬字銀印勅諭曰日前聞卿自為堂房名曰崇恩非所謂
崇得君恩乎朕思皇考嘗手書此三字朕恭裝軸併銀印一枚以賜見
吾君臣相慶之意○虜入大同塞巡撫王自用疏請貽書召小王子來
歸兵部尚書李承勛以為不可乃止○行親耕禮禮科給事中王璣言
耕藉實務有四一供采賦二知稼穡艱難三慎惜財用四率公卿百官

皆重農以風示天下使知務本 上是之○建土穀祫先蠶壇于西苑
初部議北朝親蠶不便至是召大學士張璫尚書李時詣西苑相地
建土穀壇乃併建先蠶壇于仁壽宮側而設北郊蠶室采桑所定土穀
壇名曰帝社帝社稷時駕幸西苑詔召二巨趣者相望二巨時至太液池
使中官操舟濟之八見于魯仁壽宮賜以酒饌珍饈出御製西苑視蠶
祫先蠶壇位賦手授于敬曰朕偶有作卿等剛潤和之以寓微戒之意
字敬請 上手書賜為世寶從之後數日併裝成帙名曰咏和錄復諭
于敬曰朕惟君臣之際固不可不嚴此在朝當慎若燕處則猶家人漢
文前席賈生迄今以為美談君臣不交治功不成卿于朕猶周公愛成
王首以孝訓朕他特餘事耳昨見退遜太過輔導大臣與諸臣不同故
曰道之教訓傳之德義保其身體以後卿有入奏面來計處俾朕性有
定方可廣接他人以別賢否朕又欲于今春奉兩宮春遊後與卿輩一

卷之四

四

赴以仰遵聖祖至訓亦以見幼孫之率由祖道當有宴樂預與卿言之
○冊立九嬪方氏鄭氏王氏閻氏常氏沈氏廬氏沈氏杜氏 上御殿
受賀○申軍職貼黃法○兵部尚書李承勛卒 上悼惜自為文遣禮
部左侍郎嚴嵩祭之贈少保謚康惠承勛嘉魚人學有源委才無枝柱
提兵南北曉暢軍事通達國體議論英發孜孜為國知無不為甚稱上
意○賜禮部尚書李時銀圖書一枚文曰忠敏安慎○建大神殿于南
郊初南郊撤屋為壇祭之日奉上帝神牌圍丘上配以太祖祭之既祭
而神牌無所藏乃命建大神殿以藏之既而 上念舊存齋宮在園丘
止是踞視園丘也欲改建于丘之東南夏言上言更起齋宮于園丘之
旁似于古人掃地之義未為允愜且秦漢以來並無管室者正謂質誠
尊天不自崇樹以明謙恭肅敬之旨故惟大次之設為合古典陛下前
日考據精密豈今偶未之思耶願審其議仰答太靈報聞○詔定各陵

山神號 上諭內閣昨因議進祖陵皇陵二山名朕思孝陵在鍾山亦宜同體文皇既封黃土山為天壽山今又擬顯陵為純德山而獨鍾山如故于理未安朕惟祖陵宜曰基運山皇陵宜曰邦聖山孝陵宜曰神烈山並方澤從祀以基運聖天壽山之神位設於五嶽之前神烈純德山之神位次於五嶽之序其示禮官知之○建太歲壇於神祇壇內先是 上命禮官考古太歲壇制以聞禮部言太歲之神自唐宋以來祀典不載唯元有大興作祭於太史院亦無常祭之典至我國朝始有定祀是以壇宇之制於古無稽按說文太歲木星也一歲行一次應十二辰而一周天其為天神明矣亦宜設壇露祭但壇制無考宜照社稷規制少為減小庶隆殺適宜而祀儀不惑報可○巡按直隸御史余勉學條陳江防二事一飭武備以靖江洋言留都所重莫過江防儀真而下巡江軍快衛不滿四十人所不滿二十人加以月糧不給俯仰為累乞勅兵部議處將鎮江衛原坐京操軍士量留以備江防及行沿江衛分凡巡江軍快務足百名之上應得月糧務以時給使其平居則常川操練有警則互相應援二設營伍以據要害言瓜州遠在下流與京口對峙東控海洋北接淮揚最為要害雖有儀真守備巡歷不及乞勅兵部議處量於揚州衛調撥官軍築堡瓜州常川守備與儀真等處聲勢相接以防不虞仍行彼處量造衛宇以便往來防守兵部覆議撥軍築堡難以輕議餘俱可行詔從之○命浙江採薪竹花斑竹製造方丘月壇笙簧○召鄭府良醫劉夏愷入御藥房署御醫畢修合藥餌初愷上保養天和方既蒙進用又恐太醫院脩治不精疏乞禮部遣官督之上嘉其忠詔罷遣官而專屬愷云○詔京衛武學生願應文舉者聽兵部考送○庚子駕幸西苑祭帝社帝稷○建歷代帝王廟先是右中允廖道南請改太慈恩寺與辟雍以行養老之禮撤靈濟宮徐知證知謬

卷之四

五

二神改設歷代帝王神位仍配以歷代名臣禮部議覆言今國子監廡祖宗以來臨幸之地恐不必更甚梵宇舊址重立辟雍惟都內舊觀係胡元濫制敗壞民俗相應毀棄靈濟二神當時已得罪名教固宜撤去但所在窄隘恐不足以設帝王神位宜擇地別建得旨黃龍廟像可便毀之帝王廟工部其相地卜日興工於是工部清毀帝像會官相擇帝王廟地因言皇城門內保安寺故址舊為官地改置神武後衛而中官陳林衛其餘為私宅地勢整潔且通西壇可贖還而鼎新之奏入報可至是脩建遣工部侍郎錢如京提督工程○詔加太常寺丞張鶚俸一級初鶚請定帝社稷樂歌初下數日鶚審音協律連夕教成上嘉其勤陞俸一級○詔太廟夏秋冬三禘而無配享如孟春儀者為例仍增誠意伯劉基牌位次六王之下○夏四月朔時享太廟世廟○選授歷事舉人孫勛為工科給事中阮徽為廣東道試御史先是吏部奏請揀

卷之四

六

選舉貢監生在部需次者 上曰州縣有司係親民官職今以天下之廣進士僅一二須舉貢足其數爾等既知要在得人奈何踵舊弊發身進士者不必循良既得行取選用科道部屬舉人或問一預監生全無何由自效往教詔相兼擢用竟不遵行今次揀選務秉公擇實有賢能立心為國者一體選科道部屬者為令下吏部行之○皇后行親蠶禮于西苑先是禮部以皇后親蠶即行于內苑復具儀以請 上覽之曰親耕無負此安得賀第行叩頭禮教坊司女樂止延宴角勿前導餘如所擬仍命賜蠶母王氏等二十七人各布一疋○逮繫給事中王納言詔獄納言奏太常少卿金贊仁寺丞桑友蘭徐可成俱以黃冠異流濫叨清秩若卿陳道瀛尤甚宜罷斥以杜僥倖 上以納言煩言奏援下錦衣獄拷訊隨謫湖廣布政司詔磨既而陳道瀛以被劾乞休不允○皇陵衛軍餘李成葵母花紙錢火燒延陵木事聞 上責巡視官令法

司恭究○甲子初行大禮于太廟○兵部火延燒工部公廠文卷悉燬○禮部尚書奏時條上省試事宜言巡按御史不得收取遺士不得與主試京官爭較禮儀不得徇私聘取經房官從之既而巡按浙江御史李佑請經房閱得備卷必發監臨泰開墨卷以為去取李時言若令泰開去取則失祖宗模名易書之法不可上深以為然○復以武定侯郭勛督京營兵先是夏言請勛重臣提督郊工大學士張孚敬遂力薦勛上從之乃復勛保傳官使督郊工至是復命總督團營眷顧日隆矣○詔革將領奏帶軍功時給事中張潤身言各處將領奏帶人員冒濫軍功甚眾非國家慎重爵賞之意宜行裁革以清戎行上詔革之○五月令南京戶部尚書邊貢致仕時右都御史汪鋐奏劾貢嘗酒嘔職月視事無三日妨政病民莫此為甚恐因而成風為害不淺上然之勅令貢致仕○詔革邊陲鎮守內臣時巡撫保定都御史林有孚言禁刑諸閭城堡險隘各有守備分守等官防禦已周復置鎮守內臣誠為冗員乞將耿忠張輔等取還永不銓補部議從之○壬子初有事于北郊是日夏至上祀地于方澤用騂牛一黃琮一三獻九奏樂舞八佾奉太祖西向配騂牛一從祀四壇五嶽及基運翊聖神烈山為一五鎮及天壽純德山為一四海四瀆為二各太牢一○詔旌應天府尹江晚及參究蘇州知府聶豹等先是令天下有司積穀備荒以多寡別殿最應天巡撫毛思義言時等所積溢于原數豹等不及限宜有甄別上曰晚等體國為民宜加旌舉豹等各守統郡及不及數其系究以聞仍通行天下撫按官查造送部以憑朝覲黜陟勿事姑息○召少保兼太子太保吏部尚書翰林學士方獻夫為武英殿大學士參預機務初獻夫罷歸尋遣行人蔡謨齎勅召還部發及門獻夫潛入西樵山以疾辭上復遣官趣之曰朕將別用獻夫乃就道抵潞河疏請容攝養

旬日上知其意故有是命時廣東食事龔大綏奏獻夫里中侵奪民山事獻夫抗辯大綏罷去○召起秦金為南京戶部尚書金至部即疏陳便民六事一言浦口宜改設草場二言馬草宜召商上納三言水宜砌碑固四言織染局絲宜于產絲地收買五言湖廣領辦棉花六言潮州額解白綿俱宜徵折色上從之○詔邊鎮行屯田法時陝西巡按御史陳世輔言足食強兵莫善屯田本鎮沿邊一帶宜修堡寨徐議耕種量其土宜設立大小屯堡百人以上為大屯屯長屯副五十人以上為小屯止立屯長令其督責耕種立教場督屯丁習射其中給馬匹輪養以備追賊之用仍限以三年責其成功上詔准行○雷震子門西角樓及西華門城樓西北角柱上御製祝文行露告禮于殿陛論群臣同加修省○詔吏部擢用福建副使謝汝儀初晉江巡檢張隆為海賊劫殺捕之未獲會漳州民陳大淵等販粟至舟中有防盜器械為捕盜者所誣獄成淹禁死已六人而莆田民彭仰亭等亦誣奸人命汝儀廉得其實俱出之巡按廣守愚言汝儀慎重刑獄宜加超擢上嘉汝儀辦理冤獄詔吏部擢用仍令逮治妄誣人役及原問官之罪○詔復誠意伯世爵以劉基配享太廟併詔求常遇春李文忠鄧愈湯和後先是刑部主事李瑜因撤姚廣孝配享上言陛下明聖撤去廣孝庶世瞻仰第臣鄉人劉基運有功不在廣孝下宜配享與徐達並上然之下部議吏部侍郎唐龍等言高皇收攬群豪創造洪基一時佐命諸臣並軌宣翼而贊畫帷幄奇謀恢復中原大計基實為多故在軍有子房之稱剖封發孔明之喻基孫厲嗣爵鐵券金書誓以永世焉卒遂獲主業委帶旁或謂胤緒孤孱弗克負荷或謂長陵嗣統遂至疎嫌雖一辱金泥傳聞多謬而盟書載府績効具存昔武王興滅天下歸心成季無後何以勸善基宜配享太廟九世孫指揮瑜可嗣爵上

從之以瑜為誠意伯因命吏部併求常李勣為之後各復世爵以副皇
祖報功之意○閏六月慧星出千東井○少保大學士致仕謝遷卒贈
太傅諡文正遷餘姚人學識純正有大臣風節弘治間與劉健李東陽
同心輔政一時稱為賢相

謹按鄭端簡名臣記曰成化弘治間翰林聲望最重者具文定公寬
及公二人皆進士第一人儀幹修偉文定溫粹含弘公明暢亮直文
定詩文尤有古意一時並負公輔之望丘文莊卒文定適憂去公入
內閣十餘年號能持正文定竟不得入洛陽為首相公數言文定洛
陽曰吾且去用之未晚他日又言又曰我且去用之未晚公曰吾豈
私原博耶顧渠科第先于齒先于望實先于越次在此慚焉故言
之而公終不聽耶洛陽笑不答

秋七月巡按直隸御史胡體乾疏治吳中水利言疏治之策有六曰開
洩水之川浚容水之湖殺上流之勢決下流之壑挑潮漲之沙立治田
之規又須專設督理之官如右通政何棟副使陳文沛普治水吳中才

稱幹濟宜當擢任疏入報聞○詔謫太常卿彭澤戍邊行人司正薛侃
削籍大學士張孚敬罷初吏部侍郎徐縉為國子生詹昂所訐彭澤欲
得縉位乃偽為縉手書且黃精白蠟遺孚敬以激怒之孚敬疑縉澤復
勸孚敬劾縉去之吏部果以澤名上 上心欲以缺屬夏言故不允澤
代澤遂思以陷言會薛侃欲選建儲貳草疏云祖宗分封宗室留親王
一人司香名曰守城王乞查舊典擇賢而親者迎取入京澤侃同年也
過而見之乞構縉細閱將為一得助侃信而與之澤持以白孚敬曰此
侃疏乃言所草也將上矣孚敬愕然密以上聞澤給侃曰相君見疏草
深歎忠愛可行侃尚猶豫未上孚敬復詰澤澤坐趨侃上之孚敬復家
疏出言畫 上大怒命逮繫侃是時 上御文華殿召孚敬問狀對如

密疏次召言以侃疏示之問可否言對曰陛下春秋鼎盛前星方耀侃
議不可行 上猶疑其詭對也命出待訊言出侃已械至群臣會鞠言
未知故猶就列聽訊時刑部尚書許讚都御史汪鋐方被論杜門乎敬
趣令出孚敬首詰侃曰孰使爾為此侃曰我自為之豈受人使耶乎敬
曰聞夏言至此胡不吐實侃曰言雖同年久不通刺此疏彭澤白相若
相君以為可而後上何復乃爾汪鋐從旁大言曰言實主之何得云無
吾與爾爾失諸神祠言不勝誣擊案大置曰奸賊爾主此畫反陷忠良耶
吾與爾爾面奏之孚敬怒趨入左掖門言排撻隨之偕至文華殿閣者不
納孚敬不得已入閣具奏言亦就史館草疏俱上頃之命逮言詔獄論
勿拷掠侃訊迫但曰夏言實不預知見此草者惟歐陽德黃宗明及吾
弟僑耳給事中孫應奎葉洪曹汴面斥孚敬愾王疏劾之孚敬乃奏逮
德宗明僑應奎洪汴俱下獄同訊明日復鞠侃五毒備至侃曰必欲振

夏言當釋我繫矢諸天則可諸淫訊者縮不敢言獨戶部尚書梁材大
理丞周鳳鳴論言無罪是日獄仍未決又明日甲寅慧出東井 上知
言冤乃命司禮太監張佐出訊而令孚敬坐閣中勿至訊所比會訊彭
澤見孚敬不至不敢復誣言侃對簿曰鍛煉羅織非聖朝美事萬死萬
死唯侃為之耳聖上之明不免為太傅所誤薛侃之愚宜乎為彭澤所
賣也佐等以聞瞞時命釋言德宗明等明日 上詔群臣至閣下聽論
曰薛侃猖狂之性發言不謹朕非暮年何忍言終無建儲之期妄生異
議法當重誅彭澤狡詐奸邪交開口語致薛侃對簿有連宗室且使輔
臣亟于攻擊情犯深重請遣衛克軍張孚敬昧休休有容之量顯事忌
嫉勒令致仕夏言既不預知何為擊案誣詆念為彼陷所激特赦不問
孫應奎葉洪曹汴職在糾彈迹涉回護念係言官亦從輕貸其餘一併
釋之于是彭澤戍山西侃納贖為民

謹按文氏大綸曰彭澤計獵美膳奸狡百出卒以自陷可謂異矣永嘉遂以上聞何耶聖諭洋洋悉中情款即漢法吏猶當吐舌神哉詔國子監建啟聖祠○南郊并神祇二壇神倉工成武定侯郭勛等加陞有差○八月祭未初行夕月禮於西郊是日秋分祭月西郊如朝日禮○鄭王遣使獻白鵲二時會四郊典禮告成禮部疏請表賀而白鵲適至○上喜而受之獻于太廟以彰天休禮部左侍郎夏言進瑞鵲頌上令付史館○陸安陸州為承天府附郭縣為鍾祥縣割荊門州當陽潛江二縣及沔陽州景陵縣附之○詔賜陝西總制王瓊金幣時瓊以甘露降于固原採取以獻因言陝西天旱民饑流徙者眾願以甘露降祥而感上天以旱乾為災而恤下民亟請賑恤以上應天眷上令戶部多方詳議因賜瓊金幣○少保大學士桂萼卒贈太傅謚文襄萼安仁人與張孚敬言大禮稱上意比末年二人亦遂相失至是有遺

卷之四

表謝恩上覽而悲之○無逸殿幽風亭成初上于西苑作無逸殿幽風亭至是落成上御幽風亭召大學士翟鑾禮部尚書李時右都御史汪鋐諭曰茲當秋成之期與卿等同觀收穫時曰皇上重農務本自足以風勵天下因命賜諸臣宴宴畢復御無逸殿之東室曰無逸殿之作雖以勸農而講學亦在其中經筵日講官仍各進講七月詩無逸書各一篇既而命儒臣書無逸篇于無逸殿壁自為文記之○九月帝王廟工成時修撰姚淦請黜元世祖以正祀典部議夷而進于中國則中國之亦春秋與善之意宜遵舊制上從部議○進太子太保禮部尚書兼翰林學士李時太子太傅武英殿大學士泰預機務○以夏言為禮部尚書○虜寇陝西遼東○冬十月虜入大同塞四路殺掠吏民廷議遣將出京營兵禦之既而虜得利去遂止○詔建欽天追先二閣上令鐫欽天記頌祖德詩二碑建閣覆之既而賜修撰倫以訓等恭

和祖德詩及欽天記頌以訓等皆從經筵特命賜和○詔開天下歲生員額二年以充國學如弘治八年例府學歲二人州學三歲三人縣學歲一人順天應天等歲三人仍飭提學官嚴加考選不得冒濫時祭酒許誥以生徒乏少請如嘉靖初元增貢故有是命○廣平府曲周縣產嘉瓜並蒂者一瓜中更生枝蔓者一縣丞侯廷訓繪圖以聞上奇之以示禮部禮部以為本支繁衍之兆上乃親獻內殿賜廷訓衣一襲賜故南京吏部尚書贈太子太保黃珣謚文僖珣卒於正德中歷事三朝有清謹名故追謚之○詔建寧壇於園丘之旁上幸南城召輔臣李時翟鑾高書汪鋐夏言至文華殿諭之曰朕初欲建寧壇於南城以此地方乃遊觀之處非祭天之所宜建於園丘旁乃合古礼于是時等相地以聞命來春興工○復置御馬草場於武清縣桃花口等處其湖渠馬房地仍召佃徵租○詔革南京各監局軍匠之冗濫者仍以

卷之四

存留之數著為例禁所司不得濫開勾補○錦衣衛指揮邵輔以皇上臨御十年前星未耀請備禱天下名山大川上優答之○禮部上郊廟崇盛文給之數因言南郊籍田皇上躬執三推而公卿共宜其力較之西苑為重西苑雖屬農官督理而皇上時省耕較之籍田為勤則二倉之儲誠宜分屬無文以供郊廟祭祀請以耕田所出藏之南郊園廡神倉若園丘祈穀先農神祇壇長陵等陵歷代帝王及百神之祀皆取給焉西苑所出藏之恒裕倉若方澤朝日夕月太廟世廟太社稷帝社稷祿禘先蠶及先師孔子之祀皆取給焉庶稱皇上敬天地神明至意上從之○詔免行刑刑部奏上重囚當決者上曰各犯雖已情真其中不免有可矜疑者况大札在通暫免行刑拘禁如故是日釋死罪者九人皆發戍○改兵部尚書王時中為刑部尚書○命九嬪父方銳沈欽鄭准盧永昌王雄閣紀沈九鼎韋聚杜林俱錦衣衛正千戶帶

俸○以蝗免准楊田糧○詔罷改遷顯陵之議時光祿寺廚役王福錦
衣衛千戶陳景請遷改顯陵迎癸天壽山以全大孝而緣事監生詹盛
溫州武舉生杜承美為民兵馬周密湖廣生負薪時用致仕金事寧河
相踵具奏事下部議覆言此奏與昔年隨全錢子勲之說相同尚書
書已備論于前大學士李時又極論於後况先皇帝衣冠之藏歷歲已
久顯陵之役建造經年封其山為純德名其府為承天表章丕顯事體
已定而一旦議遷老成慮者多為駭愕乞重降嚴旨禁絕細人無得
妄議園陵重事傷國大體 上從部議勅再奏據決不輕宥○詔冊靈
川王胤移為藩王初藩王嫡妃趙氏無出惟有庶子七位恭王保庶
第一支傳至胤禮故絕以倫序推之例應庶第二支承襲王妃紀氏及
合府陵川等王左長史韓宗孔等同奏推靈川王胤移攝理府事而吳
江王勛清宜山王詮鏞爭立 上切責之封胤移嗣王○詔貴州凱里

卷之四

十三

安撫司暫免貢馬初貴州諸安撫司每遇朝覲之年進馬四匹變賣白
銀四十兩貯庫時凱里楊張初授安撫恐起派貢賦騷擾新民欲比例
施南乞求蠲免巡撫都御史劉士元以聞部議凱里為新造之域凱里
皆新附之民止令照例進表免其進貢馬匹姑待五七年之後生意漸
復事體漸安然後與各土官衙門一體進貢 上從部議○十一月詔
立盱眙雙貞祠時盱眙何雄有二女長年十七次年十二歲饑餓欲鬻
二女為娼二女泣不從以死自誓雄強之乃潛出以帛繫手俱投水死
事聞詔立祠賜額雙貞○遣行人周文燭齋勅召大學士張孚敬○以
王憲為兵部尚書王瓊為吏部尚書先是 上幸西苑仁壽宮召翟鑾
李時汪鋐夏言等入見 上曰陝西饑荒已遣戶部侍郎葉相賑濟今
相病宜何所處又問吏部侍郎唐龍如何眾皆稱其才遂用龍 上復
召諸臣言曰吏部事重龍去一侍郎豈能勝任卿等可從公推舉朕欲

川王時中為刑部王憲為兵部王瓊為吏部就令龍代瓊總制等對
曰聖見允當今龍亟赴任故有是命○詔逮治御史喻希禮石金希禮
以星上祈嗣瑞雪遂降而議禮議獄得罪諸臣僅蒙原宥則和氣重蒸
前星並耀金亦乞重頒恤典 上以加罪諸臣致延遲嗣命所司看問
夏言救之復令嚴刑鞠治併言等具以狀對○詔優歲貢士舊法先是
巡按直隸御史胡明善申明學政議處歲貢張亨敬議行選貢法將崇
學通考廩膳無人准貢增附定擬一等二等三等之說考居四等縣行
黜退以寓沙汰之意至是都御史史道清復舊法禮部尚書夏言復言
祖宗令甲歲貢必食糧年深者近欲痛加沙汰大非舊意乞遵舊制正
副各一人選考不必增四五人以滋奔競 上從所議且令頒示天下
不得紛更奏援御史楊宜亦言過者沙汰生員之令一下而奉行者過
刻少者以文辭見黜長者以齒貌不容沮父兄教子弟之念驅衣冠為

卷之四

十四

田野之傭且史冊所載有增廣生員增制學舍者有沙汰天下僧尼者
未聞有沙汰生員之名也乞明詔所司加意作養毋以黜退為功部議
楊宜所奏公平正大誠為確論 上從之

嘉靖十一年

春正月庚戌朔詔肅朝儀時羽林指揮劉永昌奏稱東西長安門外新
築御路乃郊祀經行之道而車馬偕行恬無悚懼入朝私揖之禁多不
遵守疏下部議覆言正陽門外正路乃係祖宗以來御輦經行原無禁
例而長安東西大街恐未可擬名御路若一繫禁止行人事屬未便惟
遇大祀出郊有司除道先禁旬日駕回照常行走至于朝衣公服乘笏
鳴珮乃見君之禮不當輒相私揖合申明禁 上詔從之○詔大同諸
邊各立義塚時巡按直隸御史徐汝奎上言大同地方遠賊入境陝西
延綏諸處重被災傷軍民苦多死亡請立義塚理尸骨仍乞遣祀部議

言先王昭澤及枯骨之仁聖人垂掩埋之令是以征西陣亡之士
藝祖以之興悲而青州流斃之民守臣為之立塚宜從汝主請 上令
依擬行○星隕于衛○青州地震○命武定侯郭勛代行祈穀禮○詔
逮繫南京御史馬駁等諸京考試初駁等同官十人連章劾吏部尚書
王瓊 上怒命悉逮來京給事中魏良弼論救 上以其懷怨庇黨並
下鎮撫司獄具俱論贈還職○戶部尚書李瓚卒○南京戶部尚書鄧
璋卒贈太子太保璋涿州人為逆瑾構下獄後瑾誅起撫河南計勦流
賊總制陝西擊賊套虜經畧哈密土魯番納款前後以功屢受勅獎○
二月會試天下貢士命少詹事張潮侍讀學士郭維藩為考試官取林
春等三百二十人先是禮部尚書夏言當知貢舉條上三事曰變文體
以正士習責主司以定程式簡考官以重文衡 上曰文運有關國運
所係不細近來士子經義詭異艱深大壞文體誠為害治宜明禁論務
醇正曲雅明白通暢如仍前鈎棘苛僻痛加黜落甚則主考且奏處治
餘依擬行○南京禮部尚書江瀾卒謚文昭○進張學敬華蓋殿大學
士泰預機務○上幸南內觀欽天追先二閣過世廟有感作詩賜夏言
言恭和以進○虜入榆林塞掠陝西內郡○命望祀祈嗣先是大學士
李時上言皇嗣天子之儲貳宗廟社稷萬民之所係屬在今日所最重
而至急者乞于新春之首親製祝文分遣廷臣禱祀徽鎮 上曰卿奉
忠懇不當已若但遣使遠出未免擾吾百姓但命道士齋捧香帛今彼
處官員行禮而建地祇壇廟等往詣祈告禮部尚書夏言因言廣書望
秋于山川周禮男巫掌望祀望祈說者謂祈進也山川在遠不能一一
就祭故延進其神遙望而秋祭之也聖諭誠與古合但輔臣之請止於
徽鎮而海濱山川宜一體致祀 上依擬行○三月彗星復見○賜尚
書王瓊王憲等合春堂詩傳訓三篇御書御製祖德詩敬一歲欽天記

卷之四

十五

頌及內府書籍○清軍御史鄭澹疏陳二事言便勾解以實軍伍其制
卷以蘇民困窮充軍人犯例該極邊者如得定餘無論終身永遠就
量本省遠近編補若有釋放過逃者一年之內指揮十名以上鎮撫六
名以上百戶四名以上依例參奏問罪降級舊例卷御史多者不過年
餘清軍御史必限三年又可無近自後刷卷御史不必專差但遇清軍
之年選委御史清理事竣就將應刷文卷刷刷一周先行奏繳其清軍
數目俟還京日奏繳未完卷簿如無清軍御史交代即交所在巡按帶
督都察院發議從之○詔奪南京中府都督同知楊龍偉三月以擅棄
有與為御史喬英所劾也○賜太子太傅豐城侯李受祭葬謚武襄○
湖廣黃岡縣民徐大誥一產三男斬水縣產嘉禾三十餘莖多者至一
穗九岐都御史凌相以聞詔賜相鈔幣○詔罷河道都御史李維鼎操
江都御史張璠籍為民給事中徐俊民言國家根本莫重留都南北咽
喉莫急運道惟茲鉅任貴在得人竊見李維鼎政不修一籌莫展張璠
任性乖方妄作威福即指揮等官斃于杖下者幾十人以故小民不安
相聚為盜沿江剽掠殆將百艘乞更置二人以靖地方得旨維鼎職令
開住璠浩刑肆雲特贈為民○擢山東右布政邊憲為應天府尹○補
賜南京禮部尚書江瀾謚文昭從其子應天府尹曉陳情也○詔以通
惠河脚價銀五千兩修築天津巡北一帶孩兒渡黑龍口桃花口等處
決口○命都察院出榜禁約金山王泉七岡山江石山麓山香峪山係
諸陵龍脈處所毋得造墳建寺伐石燒灰○召起服閣副都御史潘珍
提督操江擢大理少卿戴時宗為會都御史總理河道○命工部增造
佛即樓銳頒十二團營演習○奉聖夫人劉氏卒特詔以侯伯夫人禮
治葬事仍加祭四壇給墳地一區附墳田五頃夫人 上乳媼也○以
早荒詔京衛弁順天所屬官軍月糧預支一月仍祭京通二倉米委官

卷之五

十六

監糴以平穀價。廷試賜林大欽孔天胤高節等進士及第出身有差。○詔議改建宗廟先是上御文華殿東室召輔臣李時崔鑾禮官夏言議復古七廟制其太廟及寢殿祧廟宜存弗撤惟量地分建群廟議未決諸大臣退會中名廖道南疏請建九廟因獻所撰大神殿禮成感雷賦一篇圖丘載祀慶成詩九章併錄上御札寵及其名者三條上得疏喜下廷議夏言上議古者廟制唐虞五廟夏后因之殷周皆七廟而祭法王制與劉歆宗說又各不同宋儒朱熹古今廟制引王制天子七廟外為都宮內叙昭穆明帝遵儉自抑遺命勿別為廟遂有同堂異室之制嗣後歷魏晉隋唐宋皆然我太祖初創立四親廟廟皆南向似近古禮後改建太廟又用明帝之制皇上憲天稽古大釐祀典獨于廟制不能無疑形諸翰札宣諸召問者屢矣但今太廟南近宮牆東邇世廟西阻前朝地勢有限垣外隙地不盈數十丈若依古制列六廟即畫

卷之四

闕其地猶不能容欲稍減規制則太廟巍然而群廟湫隘于義未安議者欲就太廟兩廡即分群廟而有廟無寢神將安棲諸王功臣置之何所若謂周制儉約宜遷就為之而周制已大于今制度且太宗之下凡有七聖時如古制為三昭三穆而止立六廟乎抑如商周以太宗為百世不遷之宗而加立七廟乎即使廟成而皇上冠冕珮玉循迂曲之途遍歷群廟日亦不足或謂群廟可攝則終無對越之時丘濬謂問日一廟則是十四日而後遍也故東都以來同堂異室未可盡非上曰朕于天地百神皆正祀典太廟之禮乃不復古乎昭穆廟次即度地以開言惶懼從命乃撤故廡改建太廟居中昭穆各三左右列太宗廟在六廟之上各營寢殿為特祀云○夏四月金星書見○詔旌義陵王王五世同居韓王疏請乞比齊民褒旌乃命撰勅遣官旌表其門○詔封常玄振懷遠侯李性臨淮侯鄧維坤定遠侯湯紹宗靈璧侯吏部尚書王

瓊上言常遇春李文忠鄧愈湯和子孫特命襲封僅與侯爵蓋常李流徙禁錮湯鄧寢貶百年一旦爵遠裔以上公恐難負荷此慎重爵賞之良法也第四人封侯例有爵號上乃命為懷遠等侯仍給以勳階詔券食祿如初封○西海夷人卜兒孩乞入貢初達虜卜兒孩乃小王子部落先年因小十王據其女子殺其黨眾構兵讎殺力不能支乃遠竄西海蟠據有年搶掠甘肅地方殘破沿邊屬番久為中國肘腋害近欲納款入貢托帖木哥等屬番乞請甘肅巡撫趙載疏上其事部議西海虜寇竊據我土原非祖宗以來入貢之國甘肅地方遠通西域原非止虜入貢之路况虜情叵測未敢擅許上報有旨○令定東西郊神祇增親祀之期初祈穀之禮上因遣和遣官代行至是將祀北郊禮部尚書夏言請暫遣大臣代行因言陛下啟建郊壇禮成之初俱以躬行祀事竊惟陛下父天母地宜躬祀典朝日夕月即遣官行亦不為越禮

卷之四

上是之因命朝日壇間歲一親祀以甲丙戊庚壬午年月并神祇壇三歲一親祭以丑辰未戌年著為令典○五月兵部左侍郎潘希曾卒贈兵部尚書希曾金華人始為給事中忤逆瑾廷杖削籍瑾復職後提督南贛屢珍巨寇居太常凡六年貳卿且三年不以留滯介意有大臣之風○六月禁守令官濫編賦役戶部尚書許讚上言郡邑令長多濫編征繇為自潤計乞敕撫按嚴禁使各量地繁省為賦役盈縮勿得橫肆剋剝大貽民害上勅行撫按嚴禁之既而提督南贛都御史陶諧奏言南贛徭役比各處煩重河夫機兵打手富戶力士等項名色為多乃編審里甲之時復有曠丁銀兩及供億諸費甚為不經乞通行天下罷免各項名色與民休息仍令有司均徭平賦審編之時毋得妄有誅求其法外作奸者論如法上詔行之○御史徐汝圭疏陳諸邊兵食官延綏宜漕石州保德之粟自黃河而上楚粟由鄆雲汴粟由漢中

以達于陝宣大宜二參將登多方糧置及轉糧山西山東河南三邊則西運易州南運鄆城北運居庸以為紮荆倒馬白羊等口之儲皆當招商實軍給食于官兵則西路萬全右衛懷安衛與天城陽和相近宜選補于此以為臨期之援東路永寧等處則護衛宣府以為調遣之援北直隸八府責令召募勇敢設法練習以為邊關遠近之援榆林山陝近兵各于本處分頭選制如此則糧有餘備兵有餘力一旦有警從容調發不至如曩時煩擾報可○秋七月太子太保吏部尚書王瓊卒贈少保謚恭襄○詔大學士方獻夫掌吏部事○重校刊二十一史成先是南京國子監祭酒張邦奇等請校刻史書欲差官購索民間古板部議恐滋煩擾上命將監十七史舊板校對修補仍取廣東宋史板付監鑄金二史原無板者購求善本翻刻以成全史至是刊成祭酒林文俊等表進○禮部尚書夏言疏議通政司鴻臚寺職掌仍請免朝日期不當輒免面見官員先是上體違和數不視朝鴻臚卿王道中因請領繳勅書及辭見人員暫受事左順門後因循遂為定制而在外官員不明鴻臚寺與通政司職掌徑將實封本冊赴寺投遞寺亦與封進相承日久亦因以為例通政使陳經等因請明職掌以正體統言乃議曰我朝分建百司以釐庶務而于章奏之復逆案牒之往來又設通政司以總之紀其時日而考其出入名為喉舌之司以防壅隔之弊至于鴻臚寺之職止于整肅朝儀傳宣制命引領進奉人員非知通政司之實封可以開折公文必須編號其職掌之詳載在會典條目甚明各宜遵守皇上勵精圖治視朝臨政鮮有暇日其面見面辭及領繳命勅人員雖過暫時免朝仍候視朝時奏見庶中外臣工皆知尊君之禮而於祖宗立法防範壅隔之意益嚴上如議行著為令○八月彗星復出東井大學士張學敬罷時彗星三見上諭免賀萬壽節禮宜請俯仰輿情

胎常舉行俟禮成後行令各司痛加修省先是給事中魏良弼巡京營薦材官十五人部覈非實奪俸三月乃因彗見引占書上言彗星晨見東方是君臣爭明彗字入井姦臣在側張子敬竊弄威權驕公專橫妖星示異實惟所召乞亟罷免以消天變乎敬因自劾乞職遂據前事謂良弼以宿部故構之上怒杖良弼于闕庭死而復蘇乃削籍既而給事中秦泰劾子敬強辯飾奸媚嫉愈甚不去乎敬天意終不可回上覽奏曰秦泰之言實出忠讜令乎敬自陳狀惟致仕去○河決魚臺河道都御史戴時宗欲棄魚臺為受水之渠因而導之使入昭陽湖過新開河出留城金溝境山等處乃易為力詔廷臣會議○詔奪兩廣總兵官戚繼光侯仇鸞等祿初兩廣盜賊蜂起辛卯一歲中奏至九十七群越林花聚眾千餘據陽春西山攻陷高州府及茂名縣掠其帑藏而去總督都御史林富密不能制奉倭勦賊黎文貴劫歸林州許折桂劫海濱御史徐錦具麟先後奏聞久未擒賊至是繼奏言盜息民安給事中張澗身劾警署罔及備倭總兵江寶副總兵張經參將俱縉均屬職乞賜罷黜兵部僅議奪祿上從之○九月以汪鉉為吏部尚書給事中葉洪劾鉉奸暴不堪銓宰上怒其狂率奪俸一月○戶部尚書邊貢卒貢歷城人工於詩與北地李夢陽信陽何景明力追古作一變至雅欲耽于詩酒憲臣劾其居官不事事而海內文士爭向慕之○上幸西苑御迎翠殿召夏言賜問作面諭大宗伯言舉所知以倫翰林之選詩一首及秋日書懷詩一首書龍箋賜之仍命磨和○改文選司郎中王道為左春坊左諭德先是大學士方獻夫薦王道張珩可大用上命吏部量于翰林春坊官故有是擢○召見大學士李時于文華西室諭以星變修省之意時條上三事曰移安靜請勅群僚連奉舊章勿為高論曰惜人才請勅吏部罪非贓濫稍加甄別曰慎刑獄請勅法司無事

深刻鍛鍊羅織 上從之初侍讀學士吳惠郭維藩進講惠言者無益之費罷得已之役維藩言去操切更張之弊務敦厚博大之體 上諭李時問之令條列以聞二臣言皆有指切 上亦不之罪也○詔復選庶吉士時大學士方獻夫奏稱翰林春坊員缺欲令吏部訪補而李時亦請部院各薦僚屬禮部尚書夏言因言近年以來以翰林而改他官以他官而改翰林出者不厭其多而且一往不復入者每病其少而又且以不稱斥去甚至以一甲例當銓授者亦復出之又有不時考察之法以盡出之舊卷未聞摧折太過而庶吉士之選遂格而不舉者今兩科矣翰林乏人思正坐此宜煩聖慮求之薦舉也若為國遠圖求賢良法則莫若仍遵文皇帝成憲復庶吉士之選而已今年進士未選授者尚不下二百人乞勅考選仍著為令庶材館可充而將來輔相之賢將有人以副皇上之望矣 上嘉而行之○冬十月金星晝見○詔逮

卷之四

二

繫編修楊名于錦衣獄請戍邊初名上言陳愚見以裨修省謂 上喜怒失中黜陟未當宜奮力自省 上曰覽奏見納忠至意第云奮力自省朕愚不能如曰喜怒失中黜陟未當可明言之名遂上疏言吏部尚書汪鉉小人之尤武定侯郭勛奸回之性而陛下用之是聖心偏于喜也建言之臣終于廢棄是聖心偏于怒也工作屢興所至騷然民無寧日禱祀累舉輒信元節不惜靡費 上大怒收繫拷訊鉉具疏謂名四川人與楊廷和同里思為報復請究邪言以彰國法邵元節亦具辨上皆溫言慰留名被訊不勝楚毒乃誣服程文德同擬疏草兵部侍郎黃宗明疏救名言已經兩訊死而復蘇冬月嚴寒萬一斃于囹圄恐為仁明之累 上大怒曰楊名罪惡死有餘辜即死之未傷吾仁明之治方究主使宗明殆是乎因並訊之既而刑部尚書具獄上 上曰楊名指斥朝廷誣害忠良准令戍邊程文德私相朋比謫邊方雜職黃宗明

狂妄論救調補外任○吏部尚書廖紀卒紀東光人端亮方朴卒謫傳靖○詔逮繫南京御史馮恩詣京初以星變勅臺諫各條得失恩遂上言舉時政得失以更正張不若舉臣工之邪正以進退遂悉數張子敬方獻夫汪鉉罪惡且謂平敬之奸久露汪鉉方獻夫之奸不測陛下平敬而不去此二人天下事未可知也臣謂張子敬根本之慧汪鉉腹心之慧方獻夫門庭之慧三慧不去庶政不平雖欲召和不可得也又謂大學士李時為太平宰相翟鑾為伴食中書戶部尚書許讚為守成尚書禮部尚書夏言為救時宰相兵部尚書王憲為通達刑部尚書王時中為具臣工部尚書趙璜為蕭介吏部侍郎周用為敏練許讚為迂邪禮部侍郎湛若水為無用道學顧鼎臣為不局偏長兵部侍郎錢如京為安靜黃宗明為通儒刑部侍郎聞淵為博大朱廷吉為篤實工部侍郎黎璉為滑稽翰林廷樞為通敏又謂平敬獻夫鉉適子也臣孽子也

卷之四

三

焉有適子悖逆父母孽子猶持敬兄之理者乎乞斬三奸以正不孝父之罪然後斬臣以謝不敬兄之罪以一早賤博去三穢以清仕路新政治亦除舊布新之應也 上怒命官校收繫來京下錦衣鞠問○額即亂夷人乞貢時額即亂寄住番王哈辛遣火者皮列等言原係撒馬兒罕人分居北山額即亂願獻方物入貢巡撫甘肅趙載因總制陝西三邊唐龍以聞 上命暫許入貢後附撤馬兒罕進貢不許別稱王爵有違國典○詔收錄黜革生員時江西提學副使張時徹承望風旨沙汰生員校士華方都給事中李鳳采上言湮塞化源沮喪士氣乞將被黜士子仍舊收錄禮部覆議從之仍禁天下提學官毋事苛刻以傷風教○詔專祀唐狄仁傑宋寇準劉安世于大名府時巡按直隸御史施山言大名府古有名宦狄仁傑寇準鄉賢劉安世祠宇書院二官一賢功德顯著乞崇專祀從之今收入祀典有司致祭○詔今歲暫免行刑○

御史鮑象賢請分後班軍時以興工多役班軍象賢請分為三二以營操一以赴役兵部用通政使陳經議請分為二半歸於營半放回原衛休息放其糧雇夫應用從之已而京營後言放回班軍非制詔准行明年一年○詔順天府發銀二百七十兩于五城市故衣給流民無衣者○禮部尚書夏言疏乞除其家府軍左衛軍籍計之以見應役軍丁篤疾京衛及江西俱無次丁故也○詔點提督北直隸學校御史胡明善為民時明善以擅取禁塘大石立碑為內官答文鑑所計下獄令法司擬罪明善上書訴辯上怒奪刑部尚書王時中等俸半年謫郎中諸徠邊方雜職責法司違誤其獄點明善為民已而補條廣東高明縣典史○以水災免順天府二十七州縣通州神武等六十衛租糧有差○十一月廣東海寇剽劫平之時海寇陳邦瑞許折桂等突入波羅廟欲犯會城為指揮李裕等兵船所感邦瑞投水死俘斬賊徒甚眾于時皇

卷之四

主事

募閩兵船隻及新造大船既集折桂等懼乞就招撫三司官議從其請以脅虜男婦千餘人給銀散遣軍家折桂等安插東莞縣編充總甲約東其黨五百人為新民聽海道調督防捕都御史陶諧以聞並上文武諸臣功罪兵部覆言折桂既稱傾心向化惟應待以不死令編充總甲統率原眾若彼來降作孽未免移忠地方宜行鎮巡官再加審處解醜散類消弭禍萌不可亟求近功遂遠慮侯議處既定保無後難然後分別功級頒行賞典後竟罷賞○以水災免應天府高淳溧陽江浦寧國府宣城四縣存留稅糧有差○詔許後南京神帛堂匠役先是科道奉例查革南京司禮監神帛堂匠役黃謙等三百餘名適分建郊祀詔添造制帛等項該監太監李繼遂以工多人少為辭復請留疏凡三上上以制帛禮神重典特許之○詔自今欽賞羊酒俱於光祿寺取辦勿以煩民以舊皆取辦於宛大二縣故也○詔修理孝陵○工部尚書趙

璜卒謚莊靖璜安福人有幹局以才見稱而孜孜奉公士論許之○詔遷置慶展人台浚於陝西省城封其子為侯為世子管理府事巡撫寧夏副都御史楊志學及巡按陝西御史毛鳳韶等題稱慶展人台浚因謀不軌既革王爵後怙終不悛殘害家子寧夏為極邊要鎮而諸王構忿妄生事端驚疑人心宜為遷發用絕厲階且其長子為橫年以長成倫序當及乞將冊封以理府事部議從之仍勒衛樹恪守禮法用蓋父愆既而慶懷王妃王氏及舊橫乞免遷發不許○四川撫臣宋滄復白免於梁山縣蟠龍鎮遣使馳稟言王者應事疾恩加耆老則白免見汪鏐夏言林文俊等各獻詩頌上優答之宣付史館○清獻殿翠芳亭錦芬亭寶月亭工成○復除羅洪先為編修○哈密衛都督札吉亭等請貢期部議今五年一貢吏使無過三十人從之○朵顏三衛夷人寇遼先是巡撫都御史王大用欲通稟願與厚賂城其霧靈山不果是時

卷之四

主事

苗阿堆哈利赤數入建昌喜峯太平諸寨殺掠人畜革蘭台又乞陞官兵部言大用喜事請以毛伯溫代之禮部尚書夏言上言大軍乘機禍餘三衛祖宗吏立為中國藩籬自來效順比諸夷不同今累犯邊宜追究首惡以彰中國之威查嚴邊臣失守之故上從之○十二月侯官縣獄囚反獄獄囚盧堅等十有九人劫獄殺布政使查約參議楊瑞都指揮王朝知縣黎文會經歷周煥劫出獄囚奪門亡去事聞命天下重囚俱禁按察司獄勿寄郡縣既而撫按請褒錄查約等部議不可○兵部尚書陶琰卒贈恭介球贊諱諱直道而行言不詭激事不避難一時稱為名德○虜道松潘漳腦寇四川西境○西城七十五王入貢時西域貢稱王者七十五人貢使至二百九十人禮官夏言謂國稱一人王內閣言先年入貢稱王亦有三四十人答勅並稱王今盡裁奪恐夷情缺望言復言西域諸國稱王者唯土魯番天方撒馬兒罕三國如日

落諸國名甚多朝貢絕少且與土魯番諸國不相統若類答王號人與一勒恐非所以尊中國而嚴外夷也自後各執賜勅任意往來驛傳勞煩宴賜頻數竭我財力以役遠夷計亦左矣 上從言言當是時土魯番強殘破我嘉峪關外七衛及城郭諸國地大人衆非復永樂間陳驗封奉使時矣

謹按鄭端簡四夷考曰土魯番一名土爾番在火州西百里古交河縣安樂城也城方一二里地平四面皆山氣候多煖少雨雪土宜麻麥有瓜果牛羊之利人皆居信佛法多僧寺城西二十里有崖兒城僅二里居民百餘家相傳故交河縣治又云古車師國永樂十二年行在驗封貢外郎陳誠使至其國誠言城西北百里有靈山最大夷人言此十萬羅漢涅槃處也近山有高臺臺傍有僧寺寺下皆石泉林木從此入山二十里至一峽峽南有小土屋屋南登山坡坡有

卷之四

二五

石屋屋中小佛像五前有池池東有山山石青黑遠望紛如毛髮夷人言此十萬羅漢洗頭削髮處也循峽東南行六七里登高屋山下小山巖巖峰巒秀麗羅列成行峰下白石成堆似玉輕脆不可握堆中有若人骨狀者甚堅如石文縷明析顏色光潤夷人言此十萬羅漢靈骨也又東下石屋屋上石笋如人手足稍南至山坡坡石壁如王夷人言此辟支佛涅槃處也周行群山約二十餘里悉五色沙石光焰灼人四面峻壁窮崖天巧奇絕草木不生鳥獸鮮少云

遣給事中陳侃行人高澄往封琉球中山王時中山王尚真卒子尚清請嗣乃遣侃澄以太牢祀真封清嗣王賜王妃冠服錦幣侃言弘治正德時修接羅倫嘗使安南安南乞留詔勅為鎮國之寶倫為請得留即琉球請留如安南海外遠不得即請乞下禮官議議請如安南侃等至國授封王拜曰天朝詔勅金匱者八葉于茲請留之侃等許之比還

遣其王親寧吉長史蔡瀚上表謝侃乃上使琉球錄言大明一統志中載琉球有落漆王居壁下聚櫓樓非實事杜氏通典集事淵海廣志錄星槎覽勝所述亦傳者之妄乞下史館從之○歲暮行大拾禮于太廟

嘉靖十二年

春正月甲辰朔輝輝府星隕如斗聲若雷鳴○河南撫臣吳山復白鹿於靈寶縣以獻禮部尚書夏言請告獻太廟世廟因撰白鹿賦以進國子祭酒林文俊亦表進瑞鹿賦○召大學士張璠敬先是璠以災免至是遣鴻臚少卿陳璋召還進少師仍奏贊機務○青州地震聲吼如雷○逮至御史馮恩論斬時汪鑑見收繫恩遂上疏誣恩不法事謂恩以閩江行部迂道還家路受蘇常二全豚又謂恩舟行遇劫避匿江干隱不敢發又謂恩擅朴武弁縱容胥吏為奸且摘恩疏中舉李時夏言語當上言大臣德政律斬併下刑部恩復于道中疏辯不報既而逮至

卷之四

二十六

京下詔徵榜掠無完膚乃詔法司擬罪刑部尚書王時中言恩敦譽相恭似非罪頃大臣宜寬死充戍 上怒時中遂革其職恩竟論斬長繫待獄○紹遠繫密雲將家繼勲下獄時自冬及春虜寇薊鎮渤海所大略聞諸處無慮數十次繼勲異輒特甚擁衆閉壘任虜縱橫軍憤請戰輒割其耳 上聞之詔捕繼勲下獄罪以首論○左都御史王瑒卒諡恭靖○詔諭土魯番時連壇滿速兒以三事奏請一欲治先任都御史陳九疇二欲遣人和番三欲賜彼降人牙木蘭兵部言賄賂賄奏漸不可長宜論修職貢毋得招譴從之既而夷使馬黑麻虎力乃翁等言陳太監家人王洪要去馬匹玉石等物訟之於部 上令遣官甘肅勘處○二月禮部尚書夏言進昭聖皇太后壽宴致語 上諭言朕奉皇伯母壽宴卿可作致語一篇言恭撰以進○今奏報軍機處盜賊勿拘齋日從兵部尚書王憲之請也○禮部侍郎湛若水進所輯古文小

學詔留覽。詔內外武職應襲升入學肄業所司以時督責之。○原任御醫李慶鵬奏進方書言服之延年宜子詔却之。李鵬前以罪黜殿方書希進。上察其情故不受然亦不罪也。○命加致一真人邵元節歲祿先是命元節孫邵成南以右正一收太常寺丞。舊孫魏時雍以左至靈陞太常博士元節各疏辭令帶銜准免支俸至是復加真人歲支米一百石撥校尉四十名接李更用仍加掌道教事賜之詔命元節復疏辭。上優答之。不允。○以廷臣疏薦擢巡撫宣府右副都御史劉源清為兵部右侍郎總制宣大偏頭關保定軍務進署都督僉事邵永都督同知掛印充宣大等處總兵官永仍於東官廳操練士馬待報啟行已而源清疏辭且舉原任兵部侍郎蔡天祐自代。上以源清才望素著不允辭仍命行取天祐至京候用。○駙馬都尉謝詔乞地奏母許之。○以雲南災傷詔存留布政司所貯缺官銀一萬四百餘兩應解兵部者

卷之五

七

賑濟。○吏部疏舉開任左都御史姚鏡服開刑部右侍郎寇天叙開任四川巡撫馬吳聰勘右副都御史陳祥致仕右副都御史林琦周金侍養石泰謀牛薦等宜起用從之。○詔下武昌知府仲選及楚府長史楊天茂孫立於巡按御史逮問先是楚府通山王府鎮國中尉顯樓故交驢選郡有殺人獄賂顯樓求脫顯樓乃為之尊致五百金選所曰酒也選命吏發其尊得金乃集僧佐封識已藏中吏鞠成殺人獄以其事聞撫按併捕顯樓左右劫治之顯樓亦以游言誣選啟行長史司以自解天茂等為之轉呈撫按於是撫按論顯樓納賄市私不欲文致人罪選不自修飾致有宜及門天茂立扶同呈舉無所排正均屬有罪。止切責顯樓薄罰之奪祿五月其選等於理。○禮部尚書夏言進四郊禮像詔名其書為郊禮通典仍賜金幣言既言皇上裁定四郊上合先王典禮臣始皆與議遂忘罔陋悻悻往典恭輯聖制歲餘始獲成編繕寫以

進。上優納之。○戶部尚書孫交卒交鍾祥人再典戶部承正德末公私匱乏之時裁冗食立經制及致仕二十餘年清標奇德卓為海內之望。○三月上初御經筵。○上幸太學釋奠先師孔子以大學士李時等分獻遣侍即周用祭殿聖公禮成。上御真倫堂祭酒林文俊講虞書益稷篇司業馬汝驥講易順卦賜坐。上宣諭諸生曰治平之道備在六經諸生宜講求力行以資治化翌日衍聖公孔聞韶率三氏子孫祭酒林文俊率學官諸生表謝乃賜聞韶以下衣帶文俊以下襲衣寶鈔仍賜宴于禮部侍講學士廖道南上聖主臨雍崇教頌優詔褒答之夏言請紀錄幸學事宜頒布天下學校使知隆師重道之意令依擬行。○應天撫臣陳軾得白兔於無錫縣以獻命留銅內苑夏言以白兔雖產東具與西蜀所獻同乞免稱賀。上曰白鵠鹿兔已屢行獻賀之禮今後或有重至不必復舉仍令天下果非正瑞自至者勿報予是汪鉉

卷之五

七

作詩三章美。上謙冲之德。上褒答之。○山東平山衛牛生異犢頭額豐滿牙齒嚙膝前二膝至足并尾皆成鱗甲甲內有毛身有文落地而死巡按御史方遠宜以聞。○肅州衛星落有聲。○貴州安南衛生兩頭勇軍人李華妻生男一身兩頭四手四足良父身死巡按御史周禪奏聞。○夏四月提督總兵張觀條上防禦密雲便宜六事觀奉勅銳兵赴薊鎮勸諭言薊州一鎮分為四派雖皆根本藩籬而密雲一路切近黃花鎮渤海所天壽山諸陵外薄廣集實為要害本鎮地廣兵少不足備守因言宜補缺伍選丁壯增墩臺嚴哨探併村落吃穿坑六事。上從之。○以南京兵部尚書王廷相為左都御史。○上幸南內召大學士張孚敬等閱馬時上御環碧殿閱馬馬有王驊飛白王馴碧王驥照夜璧銀河練瑞池駿飛雲白凡七乃召孚敬及李時方獻夫羅繼英閱之賜老飲又命至嘉樂館觀花木。上乘王驊飛青蓋至重華殿進孚敬

等於左室賜酒饌蟠木飛魚服因御製古樂府七言律各二章出示令
和之踰三日復幸西苑御寶月亭召學士等同遊御清微殿琴瑟亭賜
茗酒錦囊詩扇紅藥花亦製古樂府七言絕五言絕各一章命和○五
月禮部尚書夏言上雪壇禮儀言皇上肇建雪壇於園丘之傍以祀天
禱雨為民祈福而儀注樂章未經擬定目今九燠欲恭請聖駕出郊致
禱但裁擬未定未可舉行謹條具請又言大雪之祀宜奏雲門之舞雲
門者乃周官大司馬以祀天神之舞取其雲出天氣雨出地氣也充取
以名樂亦本此耳 上納之○上諭禱雨時自春徂夏亢燥不雨 上
減損服御飲膳臣下青衣朝奉辦事令順天府率屬祈請至是復傳諭
禮部道尚書夏言祭北極佑聖之神侍郎湛若水祭東嶽泰山之神肅
春祭都城隍之神陳道瀛祭漢前將軍壽亭侯之神務秉潔誠以格神
貺既而雨降四野沾洽乃朕御如故○擢處州知府吳仲為湖廣左叅

卷之四

三十九

政追叙通惠河之功也○召取服閣詹事張璧復任○山西祁縣天鼓
如雷火光落地○詔天下博求魯子嫡裔承襲五經博士如顏孟二氏
例從學士顧鼎臣請也○增設廣西南寧府隆安縣○四川黑虎五寨
苗賊反攻圍長安堡急巡按御史朱廷立以聞 上命松潘副總兵何
卿統兵駐威茂討之令廷立督三司官協剿時巡撫宋滄以病予告命
吏部亟推撫臣以代之○六月發太倉銀二萬兩於陝西為更築邊牆
及修理舖舍之費從總制唐龍請也○彗星見於五車芒長五尺餘尾
指西南大學士張孚敬因上言彗復出於昂壁之間變不虛生皆臣等
奉職無狀所致除自陳外今通加修省 上曰彗星為異退而復見者
四上天垂戒不敢不祗懼謹擇日於殿陛祭告文武群工宜痛加省愼
朕不逮上回天意○大學士方獻可罷○雲南府及寧夏衛地震陰德
縣地震如雷○詔發大倉銀於陝西收糴邊儲時戶部尚書許讚言陝

西八府稅糧俱供延綏夏甘肅三邊之用先年官廩未嘗罄發
帑金邇來水旱頻仍已發內帑鹽課三百九十六萬如也豐年自有應
餘今陝西都御史王堯封復請內帑金千兩腹裏收糴計去甘肅三千里
寧夏二千里延綏一千五百里轉輸甚難今發太倉銀一十八萬兩令
三邊秋成收買芻粟以為長策從之既而復言郡縣所贖緩引稅多
乾沒無稽宜令糧穀備賑亦報可○秋七月鳳陽撫臣請城鳳陽不許
鳳陽府治原無城垣累議建城拘干方向有礙年歲荒歉既舉復輟至
是巡撫鳳陽副都御史劉節復疏請築城事下部議行今南京禮部侍
郎黃綰及委欽天監冬官正許濟等親詣鳳陽相度濟言鳳陽無城止
存土埂五十餘里中有皇城一座內包萬歲山東西山勢相連拱對皇
陵其萬歲山正當前案自建皇陵到今土脉靈氣秘結年久誠恐建築
城垣不免開壕動土有傷風氣綰等議覆從之奉 上諭○出謫學士廖

卷之四

三十九

道南蔡昂為通判時詹事顧鼎臣日講不至張孚敬言道南昂不為代
講致愆於儀乃出道南通判徽州府昂通判潮州府○改吏部考功主
事唐順之等為翰林編修 上以翰林侍從乏人詔吏部博求方正有
學術時望者充其選部臣以順之等十人名上詔七人改補如擬三人
報罷○詔與復甘肅屯田兵部尚書王憲言甘肅一鎮孤懸河外歲發
內帑非算宜復屯田 上從之令舉幹濟都御史一人副使二人專理
屯政○八月辛未朔日食○左都御史王廷相疏陳考察差四御史六
事言御史職在除奸革弊伸冤理枉激濁揚清及所奏勘合公文宜如
期報按部宜省導從供億撫按貴和按臣宜遜撫臣違者奏請降調
上嘉之○皇子生麗嬪閔氏出也命以皇嗣生詔告天下部以敕例請
因諭內閣曰仁義恩威不可相掩大義滅親況其他乎卿等敬言赦
為小人之幸此言恐不可食大禮係奪君父大獄係殺人媚人及馮恩

等俱不赦宥。○遺惠安伯張偉祭雲雨風雷。○鎮海黃山川等神於神祇壇以皇子生也。○公侯駙馬伯徐延德等以皇子誕生各獻馬相賀。詔發銀幣有差。○詔祭告河神時順天府香河縣郭家庄自開新河一道長一百七十七丈闊五十一丈有奇路較舊河近十餘里有司以聞詔管河諸臣亟為繕治。因命祭告河神。○擢御史王以旂為南京太僕少卿。○諭賜禮部尚書夏言御書秩宗二字。○改南京刑部主事曾翀南京大理寺右評事余允俱為御史。○詔陞上元至薄何儒為宛平縣丞。儒初為廣東巡檢常招降佛郎機國番人因得其蜈蚣紅鏡等法以功陞上元至薄令於操江衙門監造以備江防。三年秩滿吏部併錄前功故陞是職。中國之有佛郎機諸火器自儒始。○詔逮建昌侯張延齡下刑部獄。論死。革昌國公張鶴齡爵降南京錦衣指揮同知帶俸閒住。鶴齡延齡皆慈壽皇太后弟也以恩澤侯自先朝。憑藉寵靈驕驕橫。

卷之四

三

正德中曰者曹祖有子曹齡為延齡奴因以星命得幸。此等語同輩馬景等謂其父傳六甲六丁神術能役鬼兵。景等初信之而祖益神其言。後祖父子不相能。每私忿詈而景等亦厭祖。謂于延齡逐之。祖忿怨。延齡與其子昂及景等陰謀不軌。詔逮祖下刑部獄。而以景等下錦衣獄。昂等下東廠獄。時都督錢寧掌衛事太監張銳督東廠皆親望不窮治。會有旨將集多官廷鞫祖。聞自悔。恨仰藥死。當時亦以祖暴死為疑。其提獄主事陳能巡風主事曹春司獄。王子明皆得罪。獄亦以解時。正德十年九月也。延齡得軍銳各銀五百金。尋屬天文生董永為草奏。辭不允。然驕橫如故。嘗以婢竊金施僧。遂執婢及僧杖死焚其屍。嘉靖初錢寧張銳及太監佛保谷大用等前後伏法。庄田第宅當沒官。廷齡擇便者輒抑價買之。為山池臺榭多僭侈。論制奴畜指揮司。聽為之行錢。聰員延齡五百金索之急。遂謀於臬子至拾曹祖所首事為誣。

將許延齡延齡遂遣人執聰發其家。櫃中得奏狀榜聰百置幽室中。死令聰子昇焚其屍。乃與昇拆券捐賁而稍優遇之。昇禁不敢言。然憤智至。至知終為昇所讎。又別與百戶胡經及校尉阮虎有隙。至其仍拾聰前奉連及經彪等奏之事。下刑部逮延齡。并諸奴勸諭得其擅買漢制田宅及杖死婢婢司聰事有證。其言陰謀不軌。遂無左驗。以延齡係應議親臣請裁於上。上怒曰。夫謀逆者只論謀與不謀。豈論成否耶。因責尚書嚴賢等徇私黨比背義欺罔。令戴罪會法司及錦衣衛鎮撫司從公究詰。且謂司聰非以筆死其曹祖服毒死。想當時有主使客縱之者。宜併追論。其原問奉行法司宜更備列其名。以聞。屢詔趣具獄。賢懼乃助其奴甘元張輔及馬景等。謂司聰以絞死曹祖及昂為妖言。與景等私相傳語。謀不軌。延齡逆謀雖無左證。而僭倖多端。究殘成性。罪應論死。其兄鶴齡居第相連。坐視不諫。責亦難辭。前任刑部尚書張十齡侍郎張綸楊茂元及該司郎中祝濬主事王言陳能曹春等遷延疎慢以致囚死獄中。皆宜追問。馬景等按律各罪有差。奏上。上曰。延齡犯在十惡。其跡甚明。宜從重典。第告變人亡無憑。實証今但以多殺無辜僭肆不法之罪。按祖宗法誅之。鶴齡同惡相濟。姑革其爵。其奴馬景傳用妖言罪死。甘元等十人俱免死。充軍百戶劉經革職。其僭造臺榭山池及強買沒官房產。令該部查奏處分。濬等子麟等各令巡按御史逮赴京師治罪。嚴賢廢之餘特蒙起用。乃不奉公重法。故拘偏私。姑奪俸一年。該司官下錦衣衛拷訊已而延齡上疏自明。上以延齡罪重責通政司不宜與封進。奪通政使俸半年。左右通政參議各三月。○擢光祿少卿王暉為太常少卿。○度天下道士一萬人。○召原任兵部右侍郎黃宗明為禮部右侍郎。時侍郎缺吏部凡會推者三上皆不用。宗明前以論救編修楊名出為福建泰政至是特旨召用之。

卷之四

三

○京師地震○朝天宮道士張振通獻詩詔逮繫訊問振通奏言臣籍係閩之福安留江唐上柱國端國公之後葉少游泮水蚤失父天保息本官謬膺今職祝釐之暇作國朝中興詩二十一首及寶露白鵲白兔金臺八景武夷九曲皇度八詠諸詩謹錄上進乞賜宸翰序文部議振通猥鄙塵賸僭踰狂悖呈技眩名希圖叙用法當究治俾狂妄小人庶知所警詔下法司提問○九月為西苑新稻于內殿○論禮部考皇子廟見命名諸儀因勅曰皇子命名本朝皆有勅諭但未及一歲遽賜之勅是虛文也不如待其知事然後教之又禮曰父命之名朕又思之必當告于祖考然後可以命子夏言曰命名之日倣古人見子之儀特登一二天語而賜之名不用降勅至告于祖廟而後命子亦宜創制以備一代之禮番法萬世○吏部侍郎席春削籍春席書第也初因翰林員缺春語尚書汪鉉曰楊惟聰陳沂堪翰林選鉉曰二人黨廷和去議不

卷之四

三三

之心無間瞻息值此異變宜何恐懼防患未然頃緣皇子故聖懷弗寧不敢遽贊伏乞皇上勿以目前拂逆之事為足慮而圖之干遠勿以前人附會之說為足信而求之于身益廣包涵之量降虛受之懷崇寬平之政以防未然之患上怒其疑君欺罔命逮治之○海賊寇台溫寧波諸郡縣官軍禦之惟海門衛指揮楊淮差有斬獲功餘多不利賊勢益橫○禮部尚書夏言進贊治堂記時言新博尚書燕署成手書奉紀天語以為堂名曰贊治因作記刻石以昭聖眷恭摺進呈上命留覽○岷府彥汰乞復封號不許先是彥汰以幽囚嫡母致死遇令多官稱臣革王爵後以世子舉崇乞請令冠帶管理府事至是復請封號部議不可上勅令不許○詔罷京官主考省試禮部尚書夏言跪言各省關科名為鄉試原係有司職務實古人鄉舉里選之遺意近以京官主試亦一時補偏救弊之法可偶一行之若踵為常規又不無弊况考官與被臣每爭較禮節競生嫌隙一切事宜多有未便請罷之上從其請令仍用教職○虜寇鎮遠關守將王効禦之斬首百有四十一○大同軍變殺總兵官李瑾總制劉源清都督部永帥師討之初七月內虜渡河將入寇巡撫大同都御史潘倣以聞兵部尚書王憲曰非設總制重臣不可乃請以兵部侍郎劉源清為總制都督部永總兵禦之舊鎮大同總兵李瑾議于天城左凌濠四十里以遏虜騎源清從之期三日事竣瑾責嚴苛尤酷為權刑暨役與鎮卒李富子王寶等倡亂從者六七人遂殺瑾圍倣第倣踰垣避匿符勒俱亡諸卒覓執倣脅令草疏言鎮官苛刻激兵悉舉請置勿問源清曰即兵悉變法不可廢請討之本兵王憲議討渠魁寬宥從降置貴源清及倣令相機撫剿倣督食事孫允中等計擒首惡十餘人縛獻源清時源清駐陽和堡榜示大同城中曰五堡之變朝廷處太寬今復成殺主帥天討必誅五堡遺孽見榜

卷之四

三四

示輒偶語不自安請追理甲申事也允中繼諸因詣軍門乞緩師徐圖之又五堡事朝廷已處分今勿以為言源清曰甲申之夜胡公兵不臨城言者紛紛吾不可更襲前轍乃以囚屬御史蘇佑訊而遣恭將趙剛等率甲士三百人捕亂黨傲驗所捕名多捕賊有功為諸囚所誣者乃止捕無功八十餘人比晚諸鎮卒皆變拒巷不納捕者源清遣允中入城諭曰大師且至能釋兵以迎不問諸卒益譁至夜城中喊聲作訛言兵來屠城群起為亂允中暨諸將擒斬二十餘人眾稍散黎明源清師至城斬關入大肆殺掠城外積屍枕藉諸卒及五堡俱變擁指揮馬昇楊麟為渠帥閉城門弗啟少頃師至整隊入城亂兵開門迎敵殺恭將一人傲允中亟馳往諭眾皆應曰城外屍塞道矣尚給我耶反覆論不聽○詔遣官安慰代王時王因大同之變亂卒聲言欲擁為主乃微服出城欲親赴關行至宣府鎮撫臣韓邦奇等慰留奏請卻

卷之四

五

議大同叛軍數年間兩行稱亂前代懿王畏其迫脅潛至宣府朝廷鑒其忠誠遣勅褒諭今代王文燿因禍變方萌復能引避杜絕嫌微遁身迫切尤宜矜恤應降璽書安慰令暫住本鎮亂平歸府上從之○出禮部侍郎黃綰為恭政尋復原官先是大同巡撫潘倣見亂大作與倉事孫允中計曰亂不可遏矣乃列將士貪功妄殺激變鎮兵狀聞道上之總制劉源清亦疏奏巡撫諸臣黨逆卒致抗王師言官遂劾倣罷去源清次聚落驛允中往見之言將士安殺故源清曰毋為賊說允中遂留居懷仁時輔臣張學敏以主勦議而禮部侍郎顧鼎臣黃綰皆言用兵之非綰言尤力忤輔臣意吏部汪鋐以他事出綰為恭政綰憤懣上疏自列且指言用兵失計上悟命復綰官○十一月大學士翟鑾以憂去先是上賜鑾銀圖書二一日清謹學士一日純德輔德至是奏進○擢恭政樊繼祖為大同巡撫以江桓為總兵官時兵部尚書王憲

上言大同之變非大發兵勦之不可張學敏是其議乃以桓總兵繼祖巡撫大同繼祖至陽和堡與劉源清議大忤遂上疏請假金牌車騎入城諭之可立下且云恐賊計無聊將北邊屬貽患非小疏入不報源清于諸關設邏卒過城中章疏又連疏奏宗室諸文武悉已從賊實大欲棄此城殺兵部是其議命趙攻之源清乃百道攻城且令郎中李文芝主事楚書穴城水灌之諸叛卒守城益堅大掠城中○遣官攝祭園丘時上偶微疾諭令致齋輔臣禮官皆言病謹小愈未宜遽歷煩勞况向定儀注亦有遣官代攝之文聖躬為天地神人之主不可不重至再三請上方賜允○十二月上御殿遣使冊封諸王時德世子冊文內云恪懷忠孝禮官言微字同慈訓怨訓惡若用此字義屬不通宜用敦崇之教因追論中書舍人戴倫訛謬罪之○禮部類奏災異報聞禮官後言類奏災異累朝舊規歷年以來申飭修省今聖德謙冲似蒙采

卷之四

三六

聽而于內外臣工無所施行將謂陛下以災異為諱以修省為虛非所以謹天戒明常憲而昭示天下者也疏入上曰前批委畧災自朕召敢不省懼內外臣工各宜悟改即通行文示悉

（冊生）嘉靖十三年

春正月戊戌朔○祭卯廢皇后張氏收其冊寶○諭和御製綵燈詩上諭內閣張孚敬李時翟鑾曰朕數歲前于宮中閣于內座之上正中奉以祖訓一帙上左奉以皇考手澤一幅曰疑思問每于元宵之夕設一綵燈即燈盞輪懸一絕五言曰於赫皇祖訓於昭嚴聖澤孫子時瞻歌夙夜慎兢業卿等其和之乃各製二章以進○壬子冊立德嬪方氏為皇后先是上諭禮部曰朕承天眷嗣祖丕圖坤宮不可無繼主母不可缺人相祀宗祧承惟慈極昨已聞于聖母以德嬪方氏性資端慎名冠九良允副朕懷未嘗少怠宜立為皇后嬪嬪沈氏稟資淑敏朕所

特嘉宜進封為宸妃麗嬪時其曾協能事且有加恩茲進封為麗妃禮
日具儀禮部以十五日請云是行冊禮○虜寇大同寒時大同亂卒多
潛出邊誘虜入寇以脅我師于是虜數萬人大舉入寇部永帥師與虜
戰失利殺傷甚眾城中叛卒鼓噪以應虜酋長數十人入城諸叛卒指
代府曰兵退以此謝虜留精騎相持餘眾分掠渾應朔懷諸郡邑數月
乃去○詔遣官募軍諸邊虜寇大同羽檄達京師中外洶洶廷議遣使
請九邊募兵益之于是兵部請遣給事中六人兵部諸司六人分詣各
邊召募勇敢以資軍實○二月總制劉源清罷以戶部侍郎張瓚代之
源清上言請別設總制禦虜而巳專事攻城轍臣議請從之 上納夏
言議不許下御劄曰叛卒謀殺主將法不可赦然非眾城所為師未信
從劉源清貪功嗜殺地傳洗城以致逆卒劫囚勾虜既云脅從不問何
又引水灌城大同北門要地祖宗所遺源清必欲城破人誅縱使成功
何由與復若二人不用豈有今日之患今可罪黜二人別遣大臣備虜
家擒逆賊之魁庶免師老財傷即割出中外始知用兵非朝廷意源清
聞之乃詣城下索首惡時即中層榮與都指揮紀振游擊數廉俱陷城
中相與謀曰總制誠索首惡當謀為內應因指揮馬昂為賊所擄戴威
令行城中榮等激以大義昂委心焉遂捕血盟令鎮撫王寧出告繼祖
繼祖深加獎勉苦源清源清許之令人穴城詐給馬乃水灌之穴者
死焉昂大患恨將不利于榮等事遂已源清知不可為乃引疾乞解任
上大怒罷之乃以張瓚代為總制○詔左都御史王廷相提督團
營軍務給事中曾卞言邊事孔棘請令廷臣各舉將材起都督馬未用
之因言團營重務王憲職任本兵勢難兼攝今邊報旁午營務視昔加
重請改左都王廷相提督公憲專心部事從之○總制張瓚擴大同亂
至平之初以瓚代源清 上勅瓚督勵將士早除光逆以靖地方有從

黨與悉勿問傳諭城中良善自分赴迎勿得貪功濫殺瓚至大同即下
令曰毋攻城吾將有請也因遣騎招允于懷仁與議時允中已被劫
落職矣又密遣使諭城中主事楚書觀兵城下城中俱登陴請曰吾輩
非殺主帥者亦無他志畏死自保耳請書入書送入諭尉之且言用兵
非朝廷意眾皆望閣呼萬歲書仍遣馬昂等陳朝廷威德曉以禍福令
獻首惡至夜昇與楊麟計擒倡亂黃鎮等二十六人斬之獻首瓚營于
是繼祖馳入城以鎮撫人心都永猶阻撓倡言繼祖伏兵為內應眾果
夜驚繼祖堅卧不起乃安瓚復遣允中入城宣諭之繼祖乃榜諭城中
發倉賑卹亡賴縱容者擗殺一二以徇眾情瓚遂馳至城下退諸路
兵二舍外諸將領以次上謁次日張鼓吹與巡按御史蘇祐自南門入
置酒高會賞將士城中大定虜聞之亦遁去瓚還居上谷遺制之事
聞 上悅降璽書褒之○閏二月詔令朝鮮夷使得出館將觀先是朝
鮮貢使朝廷待遇以禮與他夷不同安寓會同館听令太學講拜貨買
出入不行防範後因女直早哈殺死夷人遂一體防禁至是入貢使臣
蘇洗讓等請乞復舊例欲出館游觀光瞻禮儀考實文物蕭爰化部
覆 上從之令通事一人陪侍出入以示禮待防衛之意○詔令嚴州
府崇祀嚴光范仲淹嚴州境中舊有釣臺祠以祀嚴光有恩范亭以祀
范仲淹至是知府戚應陽疏請將二賢祀列在祀典有司致祭部議嚴
光東漢真隱以高尚之志逃名於漁范仲淹有宋名臣以公輔之才盛
近于守遺祠猶在流澤可徵宜如嚴鹿陽之請 上從之○命禮部待
郎黃綰往核大同功罪賑恤被兵軍民及宗室初大同變起代府各王
及將軍中尉多避患出城潛匿民間及虜衆入寇宣大諸處被掠尤多
代王奏請宜勅遣大臣按察賑濟部議如代王請特遣才望大臣前去
該鎮慰安宗室撫定軍民賑濟困窮查勘功罪舉察中外欺隱辨明上

下冤枉果有貪功憤事釀禍煽亂懷奸誤國之人指實糾奏宜之於法以正紀綱于是遣縮往縮至大同左右隨從悉用大同人宗室軍民迎道訴官軍暴掠投牒且數百縮絕不問叛軍事衆心稍安于是宣御劄聖書慰宗室撫傷殘撥駭賸窮乏令守臣捕誅遺惡雪誣罔乃核激變之由正欺罔之罪列諸將士功賞疏上之先是上諭會推大臣查勘大同霍爾圖言今日此舉關係國體重輕地方安危宜有深遠之慮不可苟且為目前之計因陳制勝之畧及處之之策當預定廟謨者凡三一言不可記言不赦使叛卒危疑二言不可從事姑息使邊軍效尤三言宜論以聖朝兵力不難戡爾但皇上好生不忍殺爾使之畏威懷德乃為上策疏入上納之金星晝見先自前十一月見至是日光耀與日爭明○詔取還所遺募軍官禮部尚書夏言疏言各邊召募武勇此事似涉張皇前代募兵之舉多出國勢微弱兵制衰廢之餘今西北

卷之四

三十九

諸鎮未患無兵今日大同不即破城得兵已多若前日經冬暴師東略遍野雖歲後遣使召募所獲不補所亡況使臣四出追呼配抑邊境騷各鎮所募之軍數不下萬計而月給糧餉人給資裝耗財不貲卒無實用乞特降明旨追還勅使從之○三月詔復慶道南蔡昂原官上祀帝社稷至壇門饋講官曰五人也何止於三耶命司禮官數名以闕大學士張孚敬曰道南昂外出未補宜以祭酒王懋補之上以侍從乏人命道南昂仍復原官勿更推○上頒御製祭祀記于在廷諸臣凡一百九十通命禮部分給之○詔孟夏禘享太廟命武定侯郭勛代之時上諭禮部咳疾之患猶未盡除仍須靜養遣官代祀給事中張選不知上疏言孟春特享通聖體違和暫遣代祭今孟夏又當禘享大小臣工已知聖躬萬福必親行禮茲復免朝萬一復如故事遣官則亦涉怠玩即如聖躬平復之初未任趨跽拜跪之勞亦當明詔禮官先期告

廟以陳不得已之故陛下亦須靜養遣官以通神明之貺以俟缺事不可直謂遣某姓某官代祭而已地○上嘗自時享命官一時權輿皆非無故是否朕偷安忽祀乃切責之○夏四月詔令魏國公徐鵬舉主祀孝陵時鵬舉守備南京兼奉孝陵祀禮左都御史王廷相論劾之鵬舉乃自陳辭任仍乞主祀以報高皇帝罔極之恩從之○詔誅妖賊沈淮淮山海衛軍餘黨習妖術嘉靖三年從妖人李真等謀反戕殺山海關主事真等伏誅淮潛遁遼州王田三河等處者八年至是為巡閱御史所偵獲有聞下順天府臣張嵩嚴勘得實遂正其罪○擢國子監丞林介為禮部儀制主事教習駙馬都尉謝詒禮部因言原奏諭講習大學今已卒業更請欽定一經仍講讀四書習古人字法及詩句得旨令詔先讀易經餘如所擬教之○鳳陽縣夜星隕如斗火光燭地天鼓鳴如雷○河南彰德府兩電方數十里傷麥禾損人畜○南京提督織造太

卷之四

四

監本政奏請添官織造上罪其狂率煩擾下南京法司逮問○五月朔夜四更客星見於騰蛇歷天廐入閣道至二十四日而滅○湖廣鄖西縣暴風雷雨雹損禾稼○端午節賜百官宴○大學士張孚敬有疾遣醫診視賜牲牢米肉等物○大同府朔應二州天鼓鳴○巡撫保定都御史周金疏請濬河言蘭家園決口塞之則東流暴漲而河間之民不堪不塞則東流漸淤而保定之患不息宜將決口仍舊存留量起鄰河夫役將新河濬濶使東北平流以免勞溢之患工部覆議從之○大學士李時奏書院於家藏聖製疏乞額名上嘉其忠敬賜名珍謨○詔湖廣蕪湖縣每年額解倉糧徵銀解部從南京戶部請為山僻運難也○命嚴報屯墾時戶科給事中董懷理言國初軍餉倚辦屯墾全屯田不與其勢有四而墾法大壞其誰有六甲馬充斥疆場戒嚴時不能耕牛種不給力不能耕丁壯亡徙人無以耕墾為慶有房及居內田

反居外勢不能耕管屯者猶按籍征賦計非扣減月糧則照丁陪補無
屯之利有屯之害屯何自興開中不時米價騰貴召糴之難勢豪大家
利權專擅報中之難官司利罰吏胥侵索輸納之難定價太昂利不償
本取贏之難下場挾擊動以數年守支之難私鹽四出官鹽壅滯市易
之難司鹽者因設餘鹽以佐之餘鹽利厚商固樂從然不以開邊而以
解部雖歲入鉅萬何益軍需亟入限司屯鹽者三月查報○詔旌表節
婦葉氏神武左衛舍餘許紳繼妻葉氏以家貧從夫通州探親不遇紳
病道死葉氏守屍號慟絕飲食十餘日往來者哀而食之拒不受竟死
夫旁按御史錢學孔以事聞詔立石建坊死所以重風教示勸○內
苑先覺壇廟成進綵○南京戶部尚書許誥卒誥靈實人前家宰進之
子志氣豪邁行誼修潔所著有通鑑前編圖書管見諸書寫志好學家
聲益振卒諡莊敬○上幸南內召輔臣等宴賜時駕幸南宮御重華殿

卷之四

兩後新涼遣內侍召武定侯郭勛大學士張孚敬李時家宰汪鑑宗伯
夏言入曰祀器新成陳諸殿中爾往敬觀因賜扇及酒饌復以君臣同
遊對時育物為樂甚大事須有記乃命各作記樂賦以進既而復留孚
敬時出宣宗輿地圖詩及御和詩各一章示之○六月太康縣儒士安
都進十九史節畧命焚之都撰十九史節畧四百七十卷刪遺固之失
正蜀漢之統并武后之奸明光昭之疑六朝惟存本號朱溫特去尊稱
削藝祖以圖名附遼金于宋紀至是成進呈 上曰歷代史書已有正
定何得撥拾支離部議焚其書從之○南京太廟災時風雨交作霹靂
震響後殿西南角并前殿西北角火起沿燒東西廡廊及神厨庫共一
百三十二間金銀祭器冠頂袍服俱燬南京守備太監李瓚以聞 上
曰南京祖宗根本重地宗廟尤重朕聞災變不勝驚惕五祖神靈必須
奉慰乃行告天禮于殿陛畢即詣太廟恭慰神御先是諭內閣曰慰廟

四一

卷之四

之禮有謂必待擇日齋沐乃可舉行此禮之常者今因災而祭禮之變
也譬之人或遇災子必奔諸父母所以慰安之爰待正衣冠而後行卿
等宜知之禮部請遵舊規下寬大之詔永忠謹之言九卿諸大臣各宜
自陳以候罷免 上曰寬恤詔書去歲已布諸司有事關修省者各條
具以聞吏部侍郎霍韜自陳上言圖天下善治在慎選百官任官得人
責在吏部故夫獎政未除病民致災皆百官不職之罪百官怠玩廢職
不治又吏部不職之罪因陳已罪有四乞賜罷黜 上慰留之御史鄭
坤亦因災建言言周易震為雷其象曰君子以恐懼修省雖為火其象
曰大人繼明照於四方聖經備載其理昭著固非若漢儒泥於禍福休
咎之穿鑿諸家滯於小說讖緯之杜應惟陛下下觀玩自能轉禍為福變
災為祥因條上八事曰備政曰崇祀曰興成曰尚實曰重本曰仁武曰
嚴考曰審官事下部議○秋七月命建皇史宬 上諭內閣曰祖宗御
容實訓實錄宜有遺崇之所因命建皇史宬于文憲殿西新館閣諸臣
重書九朝實訓及實錄奉御容于閣上閣下藏訓錄○詔釋高牆庶人
長樂等先是巡按直隸御史張惟恕查勘高牆庶人情罪輕重言長樂
聰濯聰源秉枌枌并家眷人口及已故宸漢妻羅氏例當釋放乃遣
內臣伴送各賜藩府長樂歸南京府聰濯聰源歸山西代府秉枌歸
松歸陝西秦府仍月給薪米養贍已故宸漢妻羅氏係鳳陽配娶不係
江西氏族難歸寧府令依本宗既而管牆太監王德言高牆居住庶人
有兄弟同居不分妯娌者有子女繫聚房屋窄狹感暑炎蒸翁婦不避
者請將已釋庶人空宅移令分住使宗室倫理有序無桎梏之失兄弟
隔越無將來之虞部覆從之○吉慶入榆林塞大掠安定會寧金縣月
餘總督尚書唐龍督總兵官劉文徵兵尾之弗敢與戰吉慶始由青沙
峴出花馬池塞文等救其老弱及被掠人口斬首四百五十有四龍上

捷書奏功兵部尚書王憲以王越封伯例請勅給事中往覈發封竟以
報功陞賞有差巡按御史又劾總兵劉文周功掩罪不問○八月詔簡
選續御時錦衣百戶費洪上言先年建立九嬪今已轉擇三嬪冊封后
妃三缺應補乃勅禮部選官于北京直隸南京鳳陽淮安徐州河南山
東選之○詔行墾田勸課之法於天下巡按直隸御史李祺上言鳳陽
連歲旱疫民多亡徙請勅有司查勘荒田招集流民給以牛種督勸耕
墾仍免其通負賦稅則量加賑濟部議此法當通行天下從之祺又言
江北之軍有京操而無漕運江南之軍有漕運而無京操獨鳳陽且運
且操勞苦為甚且陵寢高牆皆在其地又無城池之險見在巡守僅止
二千卒然有警誰與禦之請遣鳳陽八衛京操三分之一以備緩急亦
報可○勅止南京重建太廟先是南京禮部尚書湛若水言太廟被災
列祖神主亦被延燬必須補造神主以為神靈之依重建太廟以為奉
安之所而工程非歲時可就香火非日月可缺宜特遣大臣祭告權將
太廟原日朝夕香火暫停奉先殿以少伸皇上純孝之誠 上御平臺
召禮部尚書夏言欽授勅議南京太廟事理曰太宗既遷北京為子孫
萬世之業則南京太廟不必重有一天下作二主二廟恐弗合禮義于
是言會多官集議言誠如聖諭乞協輿論克應祀典足昭王章宜合併
奉先殿供奉如常且北京宗廟行將復古定制久注淵衷而南京太廟
修飾方新遷還回祿則皇天眷德之意聖祖降後之靈恐不可不默會
於昭昭之表議入 上喜令亟起新廟南京太廟不必復建廟址集周
垣香火併入奉先殿承天府皇家廟亦勿稱廟即倣奉先殿名曰隆
慶用別重輕之意仍將勅議刊布以垂久遠○詔逮繫南京職方主事
劉世龍詣京世龍言南京太廟災陛下于五廟神靈奉財祭告勅加修
省謹以時務之重且大者三事上陳一曰杜誦諛以正風俗勿以詭隨

阿諛者為賢能勿以正直鯁介者為不肖二曰廣容納以開言路以言
獲罪者當原情叙錄不幸而斃者宜量為存恤三曰慎舉動以存大體
大臣為群僚表率不宜侈斥倖用因事械繫或加笞楚動輒成與國家相
關延齡逆豎固不足惜而皇太后垂老之年莫能庇其骨肉干情未安
神御閣之建固尊祖之盛舉而五廟神靈倂無依宜劑量緩急以漸
晉為凡闕聖躬尤宜謹之始以圖終慎之微以防著疏入 上大怒謂
機訕君上結庇逆惡逮繫米京訊問○九月九五齋恭默室成初命文
華殿後建九五齋齊西曰恭默室為祭祀齊居之所至是落成命輔臣
張孚敬李時等以詩紀其事乃各上五言詩四章○詔議世室七廟規
制 上召夏言偕在工諸臣武定侯郭勛等同詣廟庭視計制用物式
言前後殿相接為寢室不必遠去乃議東為三昭廟并文祖世室而四
西為三穆廟每廟進深占地一十六丈一尺五寸橫闊一十一丈六尺
五寸以東西列廟總門與太廟戟門之旁門相並直北後墻與太廟戟
廟相並 上謂世室當隆其制乃議前殿視群廟崇四尺有奇寢殿視
群廟崇三尺有奇既而復召見言于鍾粹宮面諭曰太宗世室并昭穆
六廟宜有名額乃稱太宗廟曰文祖世室昭三廟曰仁廟英廟孝廟穆
三廟曰宣廟憲廟武廟後復諭文祖為世室則世廟字當避言曰古者
祖有功宗有德世室稱太宗廟最當 上從之○冬十月詔論大同功
罪初大同定 上遣黃綰往覈功罪綰至大同部永欲沮撓之揚言別
有法司來核又惴惴城中云聖駕將親征綰乃先疏永奸以聞時給事
中王庚亦劾永殘民誤國貪殺邀功訛為屠城之傳輿議大變部議先
奪其官勸明再擬至是因綰列功罪乃徵劉源清部永下獄源清削籍
永降級立功贖罪消倣孫元中復原職致仕張璠奏繼祖詹崇楚書等
各賞資有差

謹按高氏岱曰軍士戍紱主帥國憲具有付之一獄吏足矣而何至釀大亂耶倣始論置不問非也源清請討良是然鎮靜而徐圖之首惡不過百人不可盡捕耶乃以攻竄夷之策自毀其藩籬鎖鑰之地謬甚矣廟謨本兵猶可委之事難適度源清愛國重托乃憤其謀不自己甘為亂階何心也部永固無論矣聖明乃能獨排群議深燭過情御劄教語賢于百萬之師真可謂聖天子明見萬里哉張璠樊維

真入邵元節馳驛還山遣官促令赴朝元節暫請還山中途奏魯橋驛驛丞矯抗李員外懸內閣牌復為其舟人侵侮乞賜總究上命錦衣衛逮驛丞及李員外赴京聽問李員外乃大學士李時年敗元節為不知者而奏之時上章引罪言舟中乃臣等知縣劉永進遣送臣女舟女痼疾思歸因第敗之便遂以附之而家人無知輒懸內閣牌臣雖

卷之四

四

不知臣之罪也 上令安心供職元節復上疏乞賜臣退伏山林上慰之曰卿毋以小人欺辱故遂違使命選風力官齋勸促令就道仍令撫按官赴之○命兵部選閱國營京衛官軍武定侯郭勛言選閱有妨操練請候住操別為議處兵部言事方有緒而一旦停止轉滋奸弊且平旦營操操畢而閱亦何妨之有若冬月嚴寒軍士曉選則尤不便請閱選如舊詔從部議○四川威茂松潘等處番寇平詔進副總兵何卿都督鎮守如故○逮至原任刑部尚書致仕張子麟刑部主事陞山東副使養病王言主事陞陝西右叅政開住陞能主事陞陝西會事開住曹春下法司鞠訊俱坐張延齡事也勒得昔曹祖實以畏延齡威勢自服毒死無他情法司當于麟率屬不嚴言等不先覺察罪當於麟子麟仍致仕言等仍養病開住 上命俱革職為民○禮部尚書夏言請建書院樓堂于里中以藏御製宸翰及所賜書籍并之名額 上從之書

院名忠禮堂名聖德樓名賢學今有司繕造工部給扁仍賜言銀圖記一其文曰博學優才諭令凡手疏上封用此識記○詔更祖陵黃瓦先是洪武中建泗州祖陵令江南造黃瓦以道遠未至先以黑瓦覆之既而殿廡告成遂不復更瓦至皆積不用至是奉祀朱光道具疏請用故所積黃瓦更正殿廡及增設陵前石儀與鳳陽皇陵同制禮部覆如其奏 上從之○詔置告奸奴郭祿等於法初源清告故太監張永第

客不法并許永墳違違制及礙皇城龍脉詔下司司勸報永墳與風水無礙第修沐過制詔感損如式事竣已久至是容奴郭祿為案所逃思以傾之乃祖源清故智誣稱永墳犯龍脉客不行遷改去歲又將妻陳氏竊焚兆內致表冲太子慶令其子郭麒陳勝錦衣帶俸指揮閭紀所使之轉奏紀麓妃關氏父也 上與而惡之以其疏示輔臣張學政因言近年京師無籍小人競為刁辭挾詐人財錦衣衛雖見任官無受詞

卷之四

史

訟例紀係帶俸乃受讎告詞轉奏其為麒主使甚明此風若漸長未免有傷皇上平明之治請嚴治之得旨郭麒挾詐害人主使閭紀脅奏其令法司逮訊從重問報紀姑貸之祿計窮乃復具疏許永如紀奏且誣其與親王中交通有大奸令陳氏衣男子服懷跪闕入午門前為麒聲冤詔鎮撫司執付法司如前旨從重擬報法司乃論祿及諸朋謀奸首俱發邊衛充軍詔如擬初郭勛以張永故有憾於楊一清乃乘輶輅劾奏一清使永奴朱繼宗許容私犯語流禁中至此容几三被奴告矣事初聞眾皆惴惴與大獄類 上聖明察其誣置諸奸重典中外大悅而告許之風少衰○四川雲陽縣民夏瑪栢獲異石以獻云用水灌可照人影通政使張經言瑪栢小民當星之有司不當徑詣闕下以開進獻之端下戶部辨驗無狀據西域賈胡言為初兩所用札冊石時置泉內明之可致雲雨命收入內庫○吏部尚書汪鋐建樓以藏御製諸名額

賜名昭恩給扁○詔免行刑時 上欲誅延齡命法司論決大學士張
平敬李時等力爭之曰昭聖皇太后春秋高聞延齡死萬一不食有他
故何以自解于天下而慰孝廟之靈 上大怒曰自古強臣令君有愛
死囚令我矣當自悔不從廷和耶乎敬李持之不變會九卿錄囚閣下
汪鉉以私怨欲論殺馮恩左右錄鉉恩詰對語微以聞 上不懌命今
歲當論諸囚俱免刑○十一月兵部侍郎徐問疏陳武備八事曰預備
兵以重聲勢練外兵以為羽翼防制達官以需調用區處屯丁以防
患經畧邊關以備黠虜應策武臣以興自效專責委以杜聚寇專內治
以杜變端疏入報聞○移置大同從叛指揮馬昇楊麟于武昌福州衛
時樊繼祖言馬昇楊麟始為叛卒擁戴拒城自固罪在不原既而勢窮
改圖內應擒賊功亦難掩誠所謂罪之魁功之首也下兵部議尚書王
憲言二人功罪既明宜有罪賞功量移內地庶邊孽不生邊警可息乃

卷之四

四

以昇為都指揮調武昌衛麟為指揮調福州衛○召輔臣等視恭默室
上諭張平敬李時曰文華錄新但九五齋書軸未成精一堂牌額未
懸朕以此為冠衣所在不欲用前名待別作之庶稱其名今日可與禮
官一至觀之東室繪正心誠意字懸于西壁繪敬一字揭之門左右楹
西室繪漢文帝止葦受諫圖懸之左唐太宗納魏徵十思疏圖懸之右
隨召夏言黃綰黃宗明至詣恭默室觀北壁河圖東壁洛書西壁鳳鳴
朝陽三圖乃各撰觀恭默室及東室西室頌併詩以進 上優詔答之
○賜輔臣等御製大報歌時 皇上有事于南郊駐蹕齋宮諭賜張平
敬等以自製大報歌命和乎敬等恭和以進 上留覽○十二月命議
南京奉先殿像禮初南京太廟災不復建議香火膳享併入奉先殿南
京禮臣言南京太廟止有每日香火原無進膳祭享禮儀無可歸併其
奉先殿日進膳儀并獻新及時節祭祀禮儀合照常供奉難以加損

上從之乃御製祝文遣官齋捧今南京中脩撫寧侯朱繼行祭告禮
巡檢盧繼田州判官岑邦相初邦相歸田州盧繼自謂有與復功專
橫特甚邦相不能制漸有節制盧繼自謂有與復功專
還蘇遂劫土目攻邦相殺之燔其屍都御史陶諧受蘇誣言邦相病死
無後立邦相子芝達歸田州猛仲子邦佐率立亂復大作事聞下督府
核其故及蔡經代撫以兩江苦兵革久矣恐朝廷復用兵乃言邦相逐
母霍下蘇因蔡經殺之于是置不問楚官如故吏民謹曰殺人不罪殺
至無刑吾屬何賴哉○逮直隸巡按御史李新芳大名兵備副使楊
下詔獄先是新芳行部至廣平縣城門卒值故事發新芳素有心
疾被驚退走怒甚督銳手併督知縣周謐又用左右譖謂其居官多不
法恐見按治故使銳手謀害遂執謐及典史田經付推官楊經鞠訊謐
等不服經知獄不就以新芳怒惡重違其意乃文致他事誣謐修

卷之四

四

城錢縉坐以監守自盜律廣平知府李騰霄不能平詣新芳辯折之辭
氣頗厲新芳愧憤遂誣騰霄至使謫謀害已奏之而遣推官楊經素新
民馳府執騰霄騰霄拒之稍集眾自衛新芳復劾其據城為亂檄兵備
副使楊勳勒兵二千人往捕之騰霄棄官走通判吳子孝推官吳佩經
歷吳尚質皆走郡城一空百姓奔走爭門出蹂躪死者甚眾新芳復遣
數百人追騰霄等下今得騰霄者予三百金追至趙州及之執騰霄繫
唐山縣官舍而笞子孝等尚質皆教十尚質立斃騰霄乃上言酷暴憲
臣擅徵官兵捶死無辜殊使貪媚推官枉入重罪知縣周謐亦上言楊
經故勒冤獄俱下都察院巡撫都御史周金亦奏新芳謀妄及勒經新
民怙勢作威嚴發兵之罪 上命新芳回籍聽勘左都御史王廷相請
遣使勘覈乃遣兵科給事中王禎刑部郎中李標往勘事至是據實以
聞遂逮新芳等下詔獄而奪經新民官其他連引其累先是金既劾奏

新芳都察院言撫按互爭金宜回避金亦言新芳懷逆皆掌院王廷相陰為主持乞勒廷相無預勘事因自請罷歸廷相疏辭本無回護亦請先罷 上以其事下刑部令廷相金亦各供職如故後刑部具上獄辭當新方擅勘禁五品以上官自失憲體楊彝阿順助雲俱革職為民騰霄新民經並開任詔從之此事實新方用小忿作威福至干擅調官軍幾至地方大變而吳尚質之死明為故勘乃獨用不諳憲體視職當時論者以為失刑云○貴州宣慰使安萬銓遣使貢馬時萬銓毋死請守制終喪如文臣比禮科以土官守制無故事請下守臣勘處詔可○憲廟宮妃楊氏薨 上諭輔臣明展元旦例群臣賀節但朕自春受病至今怯寒苦勞適值憲祖妃庶祖母楊氏薨逝正係開喪非宜受賀以盡祖考之情可明示內外諸臣知悉

卷之四

甲元

四卷終

皇明嘉隆間見紀卷之五

乙未嘉靖十四年

春正月壬戌朔召召輔臣等元旦詩 上御文華殿召大學士張璠敬李時武定侯郭勛尚書汪鋐夏言至示以所製元旦詩一章命廣和之○禮部尚書夏言進天賜時王賦 上以天降瑞雲諭臣暨禮官曰今日欲與卿等一見但蒙天賜時王耳言因言時王語雪前所未道足為文訓乃作賦以獻 上嘉之曰卿賦以重君言且見忠愛○詔復重提督京通諸倉內臣 上改元初各倉內臣俱革後李宜貴緣外戚復提督京倉給事中孟奇力諫不聽既而復以王基李慎督京通二倉徐淮臨清亦漸復用至是給事中管懷理上言各倉內臣初蒙革中外稱便自李宜用而諸倉漸復大學士張璠敬奉革鎮守弊本盡扶偶未及此而王奉李慎謀督京通大肆聚斂橫行科索輩較之下竊柄殘民乞革之下戶部議尚書梁材覆言我朝酌古定制監局供事于內府部分治于外且載祖訓體統截然若京通等倉皆戶部職掌督收則有侍郎即官巡視則有監察御史綱舉目張萬世無弊宣德正統以來始用內臣亦止一二正德間陸續增置一羊九牧需索多門雪冤平清政大壞今宜盡革以復聖祖設官分職之典成陛下正大光明之業從之○召諭改建世廟 上召見大學士李時禮部尚書夏言于文華殿右室諭曰皇考世廟以迫近河水久議移改前日面諭卿等當同七廟之吉興工但今七廟之建以統于太祖之尊又限以地勢規制頗殺今擬改建世廟于太祖左方實與太廟加近宜于舊規亦須少殺于列祖之廟不至相踰庶稱朕尊祖之意免豐昵之嫌卿等宜會官相度來聞既而言等擬世廟規制以進 上復召大學士張璠敬李時暨夏言諭曰昨所擬世廟規制在太廟東不免于動林木朕惟我皇考聖心仁儉今

朕作廟正以安妥神靈不敢不追體皇考之心卿等即今日之吉於太廟東南寬隙之地相度定擬來聞言等遂詣太廟東南度地一區并詳具規制圖帖進呈令依擬行○命奎駙馬都尉鄭景和投獻田地景和願養孫恩等詭受小民投獻田三百八十九頃隸安州三角浞諸處上聞命給事中薛宗鎡挾吳奉歸官徵其租入太倉收孫恩等法司鞫問仍戒飭景和○莊肅皇后崩武宗后夏氏也既而禮部以謚請上命會議大學士張孚敬曰莊肅皇后與累朝事體不同其冊謚之文宜二字四字夏言曰今在廟列聖元后俱十二字恐二字四字未稱大學士李時曰二字四字太少須得八字孚敬曰禮官如何言曰請謚者禮官之職定謚者翰林之事今眾議未協當請上裁都御史王廷相曰莊肅作配武宗今日之謚似宜一體吏部侍郎霍韜曰謚者天下之公非天子自行之宜備陳以請大行威名帝后嬖夷妻以夫尊禮宜與並古

卷之五

人制謚止嚴美惡之法無論謚文多寡但莊肅作配武宗他日神主附享宗廟謚文不一似無以稱媲美同尊之義此在今日所當講者言乃其請上裁上不悅曰會議動輒紛爭朕與皇兄雖不同父母是均一祖無彼此之分前日喪儀朕謂群臣不可不盡二十七日之制此大義所關但朕過皇嫂之喪無事嫂如事母之理非朕自專矧兩宮在上勢有所壓宜謚六字曰孝靜莊惠安肅毅皇后教臨用中且陰六又合也附葬康陵○二月初建九廟時卜日告廟與工過莊肅皇后之喪上曰廟建大事禮之至吉今既卜吉宜速奉違但時非古比或以為皇兄后喪為不可即舉行者禮部其會多官議之眾議宗廟事重不當以喪禮輟止而宗廟重祖併當吉服告廟上曰廟制已稽郊禮教感甚非事天尊祖之道其昭期從吉行事○詔修太廟上御文華殿西室召大學士張孚敬李時暨禮部尚書夏言面諭曰今恭建列聖群廟本為

尊太祖者但太廟既為太祖之專而廟庭塵舊禮宜崇飾庶稱尊崇之意乃並日興工○詔舉卑冠服之非從提學御史方一桂之請也○令編修唐順之以主事致仕初順之為吏部主事選按編修上命校閱實訓實錄順之以疾請歸上曰順之方以史職見校訓錄輒自稱疾令以原官罷不叙○會試天下舉人命侍讀學士張璧侍講學士蔡昂為考試官取許穀等三百二十人○三月諭改廷試貢士於四月二日○莊肅皇后喪也○鳳陽祖陵皇陵○夏四月廷試賜韓應龍孫陸吳山等進士及第出身有差是日讀卷畢降聖諭曰其上一卷正合題意夫周道善而備朕所取法其上三卷說仁基之禮成之亦甚得其意其上四卷論仁敬夫敬而能仁可以保治矣其上二卷泛而滯於行其下二卷却論雖與題不合然言及時事故朕取之可二甲首謹按吳氏瑞登曰史臣謂自有制科以來朝廷策士未有親承聖問

卷之五

躬自披閱如是者論賜大學士張孚敬藥餌時孚敬以疾在告上問李時曰孚敬欲求靜養非盡屏諸事其何能靜時曰此末疾也刻日可愈上乃遣中官齎藥餌及手札諭之曰昨李時具言卿病苦朕惟近古之君有剪髮療大臣疾者朕居常合藥數味自飲輒效茲為卿擇清心寧神驅火保肺者為一服以此得愈庶慰朕念亦見朕意○諭賜輔臣等御製喜雨述懷詩命和禮部尚書夏言言莊誦御作仰見皇上欽天率祖愛民重穡憂勤惕厲之意及恭讀聖訓仰見皇上思親好學謙已誨人不自滿假之心甚感德也乃恭和一章以進○詔孟夏權于內殿給享時修建宗廟列聖神主俱暨奉安于內殿故給享之禮即于奉先殿先殿舉行禮官夏言因進議廟祭禮儀上諭曰祭以厥明行事為敬其脫履入殿恐古人禮意與今不同宜加考議言上言古人席地而坐飲酒用邊

豈亦席地以設故侍坐於長者履不上于堂入則脫履出則納履雖以致潔亦便拜跪然行於古人席地之時則可行之於今則非宜矣若今脫履上殿意者又恐履聲嫌於不恪然履以飾足為禮脫履雖若致敬而足不為飾亦近于褻宜令不必脫履上從之○夏四月詔薦新麥賜百官麥餅先是例於四月八日賜百官不落夾蓋相沿佛氏之說也上令俗事宜革去因諭曰禮記月令篇謂是月麥先熟以薦寢廟今可取此義歲以孟夏五日薦內殿仍具米食造如舊名曰麥餅賜百官食自是歲以為常○大學士張孚敬致仕孚敬在閣日久疲羣屢作違疏乞歸自賜藥後益稱疾篤上不得已乃許致仕遣行人勅送歸里月給廩八石歲給輿皂八人命有司以時存問○詔定宗廟雅樂禮部尚書夏言因部司議上言宗廟雅樂升歌舞聲容盛美惟是原為同堂之制統在大廟今各廟既已特建則樂亦宜特設若原日樂章乃國

卷之五

四

初所作其所稱揚止及德懿熙仁四祖如云慶源發祥世德惟崇是已今四祖又祧舊章弗協故太祖創業太宗定鼎列聖守成神功威德與天無極當有頌聲以對越在天是誠有待於今日也上是之○大典降寺災御史諸演上言佛本夷狄之教非聖人之法惑世誣民耗財蠹政流傳既久卒未盡除皇上御極乃命京師內外殿宇汰尼僧申勅天下臣工勸諭僧人還俗將漸除之以挽回天下於三代之隆此天之心也即今大興隆寺之災可驗陛下之排斥佛教深契天心天固默相陛下順成之耳乞勅禮部申明禁約頒布天下凡各寺院一切佛像悉令毀之投諸水火永絕根源則僧人不必逐失其所依彼將自散追數十年天下將不識所謂佛矣又言寺基甚廣宜改為習儀祝聖之處上曰寺既毀永不許復習儀照舊此故地豈可用併大慈恩寺一應修齋盡行革去部議請改僧錄司于大隆善寺併遷姚廣孝牌位散遣僧

徒隨住各寺願歸正從化者聽上曰歸化者還議恤典○遼陽戍卒亂詔諸巡撫都御史呂經戍遼時管操都指揮劉尚德查數屯田侵占諸卒不便者遂倡亂詔都御史呂經重飲刺軍聚眾為亂欲執尚德殺之尚德走免乃圍經署鼓噪不已經懼諭垣諸卒執之置都司署內開餉之事聞兵部尚書張瓚德大同之變竟以激變坐經請戍遼御史曾忬論救不報○詔巡按遼東御史曾銑安諭遼陽銑按部聞遼陽軍變亟行副總兵李繼揭移安撫凡眾所不便者悉罷之命將吏督諸軍操守如故于是亂軍稍就約東城門始開遊擊高恩自投于獄銑遂按遼陽分部將士畫城守九門非時巡警德其飲酒喧譁者遂劾奏都指揮劉尚德逢迎呂經失撫字伏而為亂軍乞原都察院以銑議欠當欲求為首者以正其罪兵部是銑議請即懸榜安諭其開端數人聽查實逮問上從部議○廣寧卒亂呂經得戍遼報還入廣寧治裝都指揮

卷之五

五

袁璘素諂事經擬叩諸軍月糧草料為飾裝計其悍卒于寶兒等俱遼陽前事鼓眾倡亂知縣張孝兒忽經遇劫出獄率眾持挺排門直入執經救其罪同娼婦程楷之公牒松篁俱縱火焚之延燒公署及儒學取經署庫備至復繫于獄遂挾管糧郎中李欽吳及鎮守太監王純具奏侍即黃宗明言前者遼陽之變固生於有激今重復苦役皆已改正乃驚然而起誰復激之不宜復貸請令代經巡撫韓邦奇督兵壓境取其首惡兵部覆議請遣官逮經及有罪者下御史問刑奇不必行既而錦衣官校逮經者至廣寧諸軍疑駕帖非勝黃是詐為以脫經復噪亂擁經信官校悉置廣寧獄總鎮官諭以禍福乃出官校諭二日巡按御史曾銑遣人宣示諸軍始出經付官校行于是銑乃劾奏諸軍及總鎮官兵部侍郎林庭楫請親詣廣寧訪捕報可○命選廣吉士于文華殿先是上召見輔臣曰今年選廣吉士止用一人教習大學士李時曰

此須重有德行者不必專重文字 上曰有德行者方可為人師範文
章末藝耳時因薦學士蔡昂 上問前顧鼎臣教習何如曰老成傳當
至是請選庶吉士 上御文華殿親試之取三十人送翰林院讀中秘
書○復召大學士費宏入閣奏預機務先是張孚敬以疾給假 上謂
李時曰孚敬閣中事決卿與爭否時曰機務至重臣豈敢不爭第孚敬
至剛一時難入比委曲講究卒亦未嘗不從 上曰昔楊一清言彼性
如此且如莊肅皇后諡號即用十二字何害乃至子禮部爭機時曰乎
敬亦止以弟嫂與子母不同亦是忠愛 上曰忠愛固然不無執拗耳
且彼不惜人才所以多怨茲內閣缺人朕欲取舊老費宏來與卿相處
何如時遜謝稱善至是召宏○詔增設七廟樂官樂舞生禮部議各廟
既已特建則樂亦宜特設但執事官員分樂舞生見在數少他日各廟
供事不敷今照太廟原設名數增補協律郎贊禮郎司樂等官四十員
樂舞生一千二百二十九名宜調選補併樂舞袍服亦宜照教如式成
造 上是之○右都御史致仕鄧昊卒昊寧夏人始為御史忤逆瑾外
謫瑾敗累官至右都御史後坐天全土官高繼恩事逮京下獄嘉靖初
釋復原職當時如楊一清胡世寧李承勛皆薦其可當大任而不為新
貴用事者所喜故未盡展其蘊云○五月建啟祥宮 上以獻皇帝誕
降宮中乃因其地建啟祥宮以伸永慕既而落成侍講學士康道南撰
頌以獻 上優詔答之○六月太常少卿張鶴上疏論樂納之鵠初以
太僕丞馬政太常職典雅樂欲設特鍾特磬以為樂節復官懸以備古
制候元氣以定鍾律因開陳正樂俗樂鍾律候氣官懸等繪圖并說以
進部議特鍾特磬所謂金聲玉振也况群廟行禮奏樂尤必得此為節
然後可舉誠宜特設官懸古制詳見周官有官縣軒懸判懸特懸之別
廟廷之中周旋未便姑且置之惟候元氣則為作樂之本請如所奏如

法築室園丘外垣隙地仍選天文生知曆候者往相其後待有次第委
官考驗或草澤之中有能明此學者多方物色以共成其事其論設特
鍾特磬宜令如式成造 上是其議既而罷之○虜酋吉囊入榆林塞
先是軍夏鎮巡張文魁等奏言吉囊僭倭等糾集大眾于河西花馬池
諸處住牧意圖入寇請修築邊牆乞量起內郡民夫充役并發帑銀濟
用更調鄉鎮兵馬併力禦備至是入寇榆林大掠古北口參將魏祥出
禦死之○詔釋御史馮恩於獄免死成遣初恩論死繫刑部獄癸巳秋
汪鋐欲殺恩時會審閣下刑部械恩至鋐張目視之鋐以太宰東向坐
恩故向關跪伏鋐公審畢搜之西向乃僵立曰汝能殺我乎死且為厲
鬼殺汝鋐攘臂曰汝謂死為厲鬼殺我我且先殺汝汝白上帝殺我耳
恩曰吾就磔死亦臣子受命而然爾安得殺我鋐大怒曰汝自謂氣節
獄中受諸饋遺豈一介不取之節乎恩曰愚難相恤義固當爾吾豈有
奸官與人人豈與我買爵耶爾受其金擢布政擢都憲受其王帶金
珠起廢擢用搖亂國是罪不容誅反欲汚我清修乎鋐起欲以手批之
為同僚所格遂書曰情真應決謂眾曰任先生開釋吾自定矣都御史
王廷相曰不可我朝一百六十二年不殺言官難自今日始 上微聞
其語是歲遂免行刑久之其母具氏暨登聞鼓聲冤子行可請以身代
皆不報甲午冬行可于長安街刺血書奏自縛閣下通政使陳經見而
憐之為引奏 上動容曰忠孝乃出一家耶下刑部覆鞫至是署審尚
書導賢都御史王廷相各上言恩應詔陳言伸此抑彼不當上言大臣
德政律且子代父死情亦可矜乞從末減遂得免死編戍雷州○詔許
番僧限買食茶時陝西都司岷州衛大崇教等寺番僧劉失稜竹等奏
稱三年一貢馬匹方物止蒙照例賞賜段匹酥油乞比照四川番僧事
例許自買食茶每名一百五十斤部議限三十五斤從之○秋七月戶

部尚書致仕李瀚卒贈太子少保瀚沁水人以風裁自持不畏強禦所至以嚴正見憚而持法平恕人亦無怨言○詔令刑部左侍郎陳瑋南京太常寺卿洗光致仕刑部尚書畢賢乞致仕許之時御史曾紳戴銑論劾南京兵部尚書唐龍刑部尚書畢賢戶部左侍郎張雲刑部左侍郎陳璋工部右侍郎甘為霖大理寺卿王經國子監祭酒吳惠南京太常寺卿洗光甘肅巡撫趙戴各不職狀時部議稱龍等皆舊臣無大過宜留用 上覽之不悅召大學士李時論之曰年來言路不開外戚咸歸罪張乎敬殊不知科道官陳奏天啟多私今覆此疏亦是私意時曰吏部是愛惜人才 上曰人才固當愛惜須有分辨安得盡舉所劾而褒譽之且劉龍何如人時曰誠篤 上曰第遲緩耳南京泰贊果非所任可召歸今臺詹事府畢賢何如時曰無過 上曰賢老矣與陳璋光光俱覺衰老宜令致仕畢賢宜令自陳以全體貌 上又問王經何如時曰清介第過執 上曰過朝則幹事不通昔任胡廣朕自藩邸知之蓋亦何堪趙永之流留之無用時曰恐公議未允 上曰如此則外調用上復論及張雲誠懇甘為霖有才趙戴無過 上曰此三人悉留用之上又曰吳惠雖無華國之文然亦不甚忤朕職此可謂南京翰林院中用之翌日遂詔璫等致仕○大學士賈宏至詔入閣辦事 上遣中使齎手勅賜宏宏跪謝言朝政莫先用人而進退為最重民物必在寬恤而守令為最急惟聖明特加之意臣當且有所陳 上曰覽卿日有所陳之言深慰朕心凡事卿當嚴正閉邪匡朕不逮○諭令聖節免賀 上諭禮部曰朕茲靜適連月咳疾雖除腰膝時發今望處暑當常御早朝但生辰月近拜天謁祖禮多期八月朔常朝二十四日并九月二日經筵惟生辰之賀宜暫罷免恭以聖神列主未得還廟卿等須將順朕意或以有所不能盡亦常服御殿若朔望禮可矣禮部因條

致辭稱賀禮儀以進○詔旌表節孝以勵風俗于是各巡按御史查嚴上聞○給事中陳侃請特祭海神許之時侃奉使琉球往來海中時遭風險幾致顛覆至是還乃上言初去開洋逆風大作舟遂發而群呼剪髮設誓求神俄而風息羣塞鑊漏此其功一舟圓時遇颶風折桅壞舵舟人震哭大呼神救忽有紅光自空舟人驚報神降遂得無事此其功二時當易柁風濤甚急眾不敢任請命于神得吉兆遂易得安此其功三又有一蝶繞舟雀之桅上人以為神想來救難是夜果疾風迅發白浪拍天臣等懼甚因言聖天子威德被海內外百神效職海神獨不救我輩乎當此風濤能保我數百民命真為奇功當為奏聞立碑言訖風緩舟行如飛徹曉已見閩山此其功四因請令福建布政司與祭一壇以答神休部議從之○巡按遼東御史曾銑擒捕亂卒平之先是遼陽廣寧亂卒趙則兒于營兒聞侍郎林廷相將至自懼不免合謀脅眾為亂侯廷相至開城門要殺恩及給賞如大同例銑乃密刺首惡名潛授方畧遼陽令副總兵李繼等廣寧令備禦韓承恩等撫順令備禦胡承恩等刻期擒捕于是亂兒盡平及王經等同日被獲銑因具奏言遼東之事始因激而倡亂雖無素謀既負罪而逞兇漸成不軌夫法不可侮情不可縱大同之變處陝西之變有啟之李璫之變處程文錦之變者啟之蓋小醜習于耳目自謂凌辱命臣賊殺主帥不過如此我輩何忌焉今宜會議嚴實悉從重究毋事姑息 上嘉之曰銑設策弭亂忠盡可嘉待缺擢用詔悉如銑議○給事中楊傑請褒表革除死事諸臣不許僕言忠義之士殺身成仁宜加褒表維世範俗建文時死節諸臣若尚書鐵鉉張統陳應泰侯泰侍即卓敬胡子昭黃觀郭仁陳性善都御史景清練子寧茅大方大理少卿胡閏寺丞郭瑾太常卿黃子澄少卿康景盧原質侍講方孝孺樓運修撰王叔英給事中陳繼之暨泰黃

鉞戴德奏朝永御史高翔曾鳳韶魏公允王度葉希賢中書舍人宋和郭節梁良王何申郎中梁田王主事巨敬布政使張昂按察使王良副使程本立僉事林嘉猷知府姚善陳彥回葉惠仲長史劉琬紀善周景修斷事高魏知縣顏伯璋鄭恕教授陳思賢教諭王都指揮馬宜朱鑑等雖職有崇卑委任不一均能以義自殉不為勢屈乞將死忠實跡付史局編校載在實錄仍各追贈官誡錄用子孫俾所在有司創立祠宇以時享祀禮部尚書夏言覆議言齊泰黃子澄輩皆當時誤國有罪之人太宗名為君側之惡聲其罪而誅之者也楊傑新進儒生未諳事體奏內事理大義所關難以准議上罪其輕率進言姑宥之○八月初命貴州開科取士洪武間開設科目以雲貴兩廣皆隸邊方將廣西鄉試附廣東取士十七名貴州鄉試附雲南取士十五名永樂間增建貴州布政司而所屬府衛州司編立學校作養人材後廣而以人材漸充

卷之五

今自開科而貴州仍附雲南應試士子有瘡痍簪艾之厄登陟切膚之危間被賊觸瘴死于非命舉家累世遂以讀書為戒給事中田秋建議該省設科部議未定至是巡按御史王忬備細勘報乃詔行之雲南解額准取四十名貴州二十五名○詔增設廣寧右衛儒學先是遼東地方每城各設學校而廣寧右屯衛獨無撫按累請以部議不果至是巡按山東御史常時平言巡歷該衛戶口繁滋士知向學大異昔時見充生員者不下四十餘人俱寄廣寧鎮城并義州衛學相隔百三十餘里道路跋涉艱難乞建立儒學將寄學生員武生掣回肄業為便上許之○上御無逸殿召輔臣同遊時御無逸殿東室召大學士費宏李時至曰今日朕朕出遊召卿等來庶幾君臣同遊之意因命出觀東壁書無逸篇北壁則皇考所作農家世詩上跋其後幽風亭東壁書七月詩北壁則上所咏幽風園長句上曰朕志在恤民即今工作亦

非得已奉天奉祖皆當營建過此即無事矣上又言恤民在用賢宏曰聞上昔與李時夏言評品群臣甚當上曰朕在內僅得其以耳卿等有見不可不盡朕簡用或未當仍須執奏時曰頃宏至京舉朝欣幸上委任舊舊至治可成上曰舊臣止卿及宏在時等謝衰朽不足副眷用乃命賜酒飯以出

卷之五

謹按史臣記曰上嘗與輔臣李時從容評議諸臣曰王廷相賢矣梁材甚正甚賢尚健恨秦金衰耳汪鋐無定見考察遂多枉抑時曰鉞近在部時與霍韜爭辯上曰若爭鉞猶連時宜使韜為尚書部事益散他日又曰張孚敬忠誠才畧但不惜人才耳人咸服上藻鑑召起姚鏐為兵部尚書總制三邊時上召見大學士費宏李時于無逸殿宏曰三邊今缺總制臣敢薦一人上問為誰宏曰姚鏐往在延綏甚得士心時曰鏐處兩廣亦是後來王守仁却未是上曰守仁徒虛名耳時曰遼東項用馬永基好宏曰聞家丁三百餘人必善騎射其驍勇上曰將須文武兼資不專在勇時曰然遼東初定項用有才智者如永基好至是遂起鏐兵部尚書仍兼前官三邊總制○諭建西海子祠時上召見禮部尚書夏言於無逸殿論曰西海子每歲端午奉兩宮遊賞止望祭以祀其神今宜特建祠宇庶有所瞻依言出因上言禁內西海子者即古燕京積水潭也其源出西山神山一畝馬眼諸泉繞出甕山後匯為七里渠東入都城瀦為積水潭南出王河入于大通前入謂積水為海且在西內故至今沿稱西海都城之水悉於此匯王河城濠大通漕河皆食其利比諸五祀之神其功較大祠宇未立誠為缺典但祠必有名西海之名恐嫌于四海正號乞特賜嘉名庶稱祀典上從之令待另諭○虜吉囊復入榆林塞守將梁震擊敗之乃去○詔祀泰將魏祥于褒忠祠初祥鎮守塞雲古北口遇虜賊死祥子堂請

比照陣亡王經事例入宣府漢忠祠諭祭部議宜許之以為邊臣效忠者之勸 上曰魏祥以死勤事忠誠可憫准入褒忠祠與祭一壇○九月吏部尚書汪鉉罷先是給事中薛宗鑑孫應奎交章論鉉奸邪誤國擅立威福且述里巷謠曰十萬呂文選一億汪尚書鉉上疏辨謂應奎等挾私罔上 上慰留之既而御史曹紳等相繼劾之 上召大學士費宏李時曰鉉九卿之長被論如此何顏復立朝班宏等以大工未訖請留之 上曰鉉邪佞詭隨留之無益第言鉉者不已而鉉又不肯自陳如國體何宏等以 上意誠鉉鉉乃引疾乞休許之時文選郎中呂希周已遷通政使尋亦罷去鉉罷 上乃出曹紳疏責諸言官曰言官宜隨事救正乃皆疑君負主肆行報復人君奉天豈敢私其好惡亦何敢拒言乎敬鉉何嘗導朕拒言紳謂三年杜口是誰使之其逮訊詞連宗鑑皆廷杖削籍孫應奎各級外補○詔改折蘇松諸處漕糧戶部尚

卷之五

十二

書梁材上言蘇松淮揚等府及江西湖廣今歲荒歉兌運艱難且改折漕糧一百一十五萬石以寬民力從之○冬十月南京禮部尚書湛若水奉命祭告祖陵因獻祖陵頌十章詔留覽○以御史曾銑為大理寺丞論平遼陽廣寧功也仍賜銀幣餘賞有差○少師大學士費宏卒贈太保謚文憲宏鉛山人恭慎謙抑習國家故事能持重得大體故三入政府以功名始終云○諭巡撫員缺會官推舉吏部侍郎霍韜因上言推陞官員吏部權重之弊有三一言小京堂推陞屬吏部二言大理諸少卿推陞屬吏部三言天下知府百五十餘員推陞亦屬吏部百官惟知畏吏部不知畏朝廷請乞聖斷凡兩京秋三品者專照聖上新定會舉巡撫事例會九卿推舉吏部無得自專諸少卿寺丞及知府等亦會推四員或八員請旨擢用則於治體有大利焉疏入報聞○詔奪給事中董進第御史王祚等官為民時吏部尚書缺侍郎霍韜言家宰表

率百僚非他部以惟 上命 上令推之乃推羅欽順夏言梁材唐龍王廷相 上皆不允令科道官舉一人以聞于是進第及祚等惶懼言陛下神聖諸臣孰別已稔非臣等所敢言 上怒曰令汝推舉即疑君懷忌不言即汪鉉說佞朕已知之但未至大惡姑令策勵非私其入聞朕與輔臣有言乘機構害蓋猶以大禮故中傷之耳悻悻無入臣體其視章者皆奪職為民○命選取科道官時科道乏人部議請行取內外考選 上曰科道朝廷耳目之官近年所選多浮薄之士輕率妄言有乖政體今次務求醇篤老成諳事體者○十一月詔授孔子後承寅學正奉祀先是衢州孔子後彥純正德中製翰林博士至是儀封承寅以例請故有是命○延津民李拱臣進女拱臣自言有女端麗堪充下陳白于通政司轉送禮部以請禮官因請擇日選視 上曰郊享之初淑女適至殆出天意不必擇日送選徑進大內可也○十二月巡撫河南

卷之五

十三

都御史簡霄疏陳丈量田地言田既丈量則貧民有糧無地者得以免賠償之苦而富民有地無糧者難以遂欺隱之私宜熟議其便戶部覆議請通行天下但有違背無并者告發改正不許一槩丈量致生紛擾○詔以淑女曹氏冊封端妃○以深冬無雪命順天府官祈禱

丙申嘉靖十五年

春正月丁巳朔 禮部尚書夏言疏請暫罷親祀諸禮從之時 上諭

曰朕元旦更衣因冒風寒今連遇雪氣猶如各朕體素弱目今畏寒不可不慎且在當攝之時仍暫調理祈穀之禮且命大傅勛代令敬慎從事言因言 皇上以保和聖躬為重車駕決未可遽即郊甸各項祭祀俱宜遣官代行親耕之行亦宜暫輟以慰中外臣民惓惓忠愛之私上嘉納之○初鑄審錄關防給恤刑官凡十五顆○西番烏思藏入貢時四川都司官劉永昌等起送烏思藏輔教王大秉法王聞教王差來

到京國師短竹劉失叱什短竹巨吧堅泰等各十五員名并存留寨主
番僧凡三千餘名長河西魚通寧遠等處軍民宣慰使司差來到京寨
官桑果短竹等十五員名并存留寨官等一千三名各備珊瑚銅佛
魏諸物赴京進貢部議舊例烏思藏輔教等主三年一貢每王名下止
許百人長河西等宣慰司亦多不過百人今過額數太多例應減革賞
賜但既經起送宜從寬處一體給賞以全柔遠之道上曰番人進貢
已有明例今多過額顯是違官貪圖貨賄朕朕起送巡按御史查治問
罪○詔省諭韓府宗室時陝西撫按黃臣周鈇上言韓府宗室充滿郡
城實多幸肆近勘旭柳等不法事情居日益久聞日益真乞勅下韓世
子省諭各郡王府宗室務遵祖訓再有仍前不悛者許輔導官具啟世
子從實奏處治府衛官即將撥置誘引之人照例從重問遣部復如
所奏上從之仍詔通行天下王府一體曉諭○泰和伯陳萬言卒其

卷之五

十四

適孫書乞與祖爵吏部侍郎張邦奇言外戚封爵例止終身 上命為
指揮同知帶俸錦衣衛○二月女直入貢撫順原額貢夷五百名俱限
正月內到京時建州等衛夷人都督松巾幹黑納等八十名到關尚有
未到四百餘人因詰以違故稱說各往邊寨尋買馬匹又值大雪巡撫
遼東都御史任洛以聞部議言女直夷人朝貢自有常例各衛站所自
有定數此祖宗畫一之法比年往往逾期過額守邊大臣多為地方重
拂夷情違例濫放此後續來者務查常數驗進若復過額即開示祖宗
成法省諭回還以後必依期入貢庶朝貢以時法守嚴明亦可免供億
擾擾之弊 上是其議○御史張景疏陳巡撫事宜各過巡撫勅內
有防禦虜寇修理城池整飭軍馬區處糧餉謹關防明賞罰等事請令
每年之終以行過事蹟造冊繳報有功陞賞廢弛參劾從之○詔預謀
處土魯番等夷人入貢事宜時總制陝西三邊尚書唐龍言甘肅一鎮

專一防禦虜寇西番諸夷諸夷之中惟土魯番匪夷性極狂狡而夷酋
速坤滿速兒尤如鬼域之不可測今又當進貢之期防虞事宜尤宜預
計若彼仍索牙木蘭宜明諭以牙木蘭乃我番屬非彼匪種既安置日
久斷不可發以絕希望之心允諭令將哈密城池作急退還庶幾法制
不疎他虞可杜 上詔部議行之○三月戊午客星見於天樞星旁
上諭大學士李時曰今紫微垣有客星不知主何事應時曰古人謂天
道遠人道近事應之說起于漢京房未必一一合但在人君修德以應
之景公一發善言災感退舍况皇上修德之所感乎 上嘉納之○詔
復歲貢生員舊例初祖宗舊制除三年一次開科鄉試外其歲貢之制
于每府學一年起貢一人州學三年二人縣學二年一人俱令提學官
于各學食糧年深生員內徑自考送如正貢不堪將以次陪貢者考充
後因奉行新例令提學官會同巡按御史并二司官不論食糧深淺通

卷之五

十五

行考取至將新進年少附學生員起補起貢是考不中數及五名提學
官降級別用坐是提學官畏忌輒違成憲各府州縣於該貢年分竟不
起貢自十一年至十四年天下缺貢至一千一百九十餘處禮部因言
國初詔天下建立學校猶慮僻壤遐陬未諳文教難聚律以中土每寬
立條格以開進取之路今一例考選以致延誤黜落率多偏方下邑之
人提學官遂于乏才之地愈不敢起貢是使偏方下邑既鮮科目又無
歲貢可望勢必至類廢學校盡散生徒人沮進取之心恐非祖宗立學
設教之意乞遵祖宗成憲令諸司無侵提學事仍將未曾起貢地方依例
考補庶事體歸一而人才各得其所 上詔令天下提學官俱照舊例
行○國子監祭酒呂柟條陳監規五事從之一言舉人在監一言盛貢
八監一言納銀例貢一言公侯伯子孫在監習禮一言儀禮一書當令
士子習行部議宜如所言行之○詔加致一真人邵元節道號四字仍

遷文官二品朝祭服及王帶○上御文華殿開講○南京工部尚書致仕崔文慰卒贈太子少保諡康簡○上躬親宗廟工程召見大學士李時禮部尚書夏言於龍德殿示以御製躬親廟工記繫以三絕句詩皆即事紀實一論罷免講官溫講一議宗廟廢掃門戟設置之宜一議祭禮之正宜有附從時等各依韻恭和三章以進○上謂七陵上諭曰朕非弱支人上戴皇天陰眷嗣續祖宗大寶你列聖陵寢禮當躬謁皇祖皇考道所不及各命官奉朕孝意祭告天壽山長陵等七陵朕躬叩拜西山皇高祖妣恭讓重皇后皇曾叔祖景皇帝陵所亦展拜一次庶慰朕追感之情既又諭茲修謁陵之禮必一同奉聖母行又后妃宮眷當從俱令禮部具儀以請于是二十一日聖駕祭京出德勝門次沙河次日至天壽山上初至陵下立行宮門首祇候聖母駕至親侍降輿以入百官咸親仰贊聖孝之至云明日謁長陵登長陵明樓拜陵碑次謁獻陵景陵又明日謁裕陵茂陵泰陵康陵又明日駕發詣西山謁恭讓重皇后景皇帝陵禮畢駕還先是上駐天壽山行殿召郭勛等言論曰適過沙河一帶見居民甚少野無農事此地祖宗園陵所在甚切朕心今日昌平州官率耆老生徒來見宜有詔諭是夕即自草勅稿漏下二鼓復召輔臣李時捧出因問時曰七陵在此須人守護卿等何如處之時曰昔丘濬曾議京師當設四輔以臨清為南昌平為北分薊州保定為東西各屯兵一二萬以護京師今若于昌平添設一總兵南護京師北護陵寢增設軍馬自備軍民稠密上曰卿等可勘議以聞初上至行宮奉聖母觀九龍池巖下設一黃毯殿以奉聖母上坐胡床巖樹下在聖母帳殿之側張小蓋召勛時言侍左右復命中官引觀龍池泉竇久之是日賜勛時言乘馬各服新賜蟒衣飛魚以從上祀陵回奉聖母泛舟西湖觀王泉山上製行舟次序圖諭示官等御舟

居中左一舟橋書少保文臣二員賜時言共之右太傅武臣一員賜勛舟共二十五艘聖母以下至宮眷侍衛皆序列有差跪而賞慰從功賜工部尚書林庭楫侍郎甘霖銀幣郎中劉應授張問員外郎郝守正勞傳相潘瑞左傑主事皇甫劉聚等俱鈔幣從為霖之請也謹按夏少保言進御詩曰百年不覩朝陵駕父老權呼誠漢儀春日沙河河水上千村花柳映龍旂蓋謂本朝謁陵之典自宣宗後五朝不復舉歷百二十年也大學士李時禮部尚書夏言各恭和皇上御製謁七陵并奉聖母觀王泉山詩暨恭紀應驛詩十三首以進上嘉納之○夏四月遣官往祭孝陵暨顯陵上以展謁七陵還乃遣成國公朱鳳舉祭孝陵英國公張溶祭顯陵以伸追報之孝○詔議作壽宮先是皇上恭謁七陵召武定侯郭勛大學士李時禮部尚書夏言及欽天監監正夏祚等侍從聖駕親詣天壽山相看迤東十八道嶺風氣翕聚堪為大吉之地上猶諭言訪求精知地理之人不拘此山博選吉壤言曰太宗文皇帝嘗山陵于昌平縣命禮部尚書趙珩以明地理人廖均卿等擇地得吉於昌平縣東黃土山車駕臨視遂封其山為天壽山即今七陵所在是也今宜訪廖氏等子孫必有秘受祖術得其真傳者既而謂告諸陵畢率欽天監官親擇吉地復諭曰適觀吉地咸可為陵朕惟祖宗所遺本諸天錫既越列聖之地恐朕未可償今日既定宜勿他適還京可即議營造否則必踰前為也卿等其力贊之勛等言山陵之事前古帝王皆所謹言惟我太祖高皇帝太宗文皇帝嘗預修陵寢至今相傳以為非常之聖乃有非常之舉言因上言禮部侍郎位為樞密漢文帝自表瀝西唐太宗詔營九峻則是古者皆預造山陵蓋既造始然自後觀見且省子孫經營不煩費人力此高世之見也我太祖太宗悉先有事故二陵地理並

復純古福澤無疆今皇上因謁天壽山陵親覽十八道嶺可為萬年壽宮遂勅臣等以預建之事仰見賡用明達真出恒情萬萬臣等敢不勉從聖志謹將營造事宜條列以請翌日復諭曰預建陵墓大臣已設但恐聚有未與可行可止爾百官以及國之耆民可一言之于是掌宗人府事駙馬都尉京山侯崔元掌吏部事左侍郎霍輔并寺院科道及宛大耆民高輔等合辭勸進上從之○詔脩諸陵先是上於行宮面諭大學士李時禮部尚書夏言及武定侯郭勛曰七陵多有損壞併工脩葺長陵神道宜用石砌底圖堅久其石像等項宜各護以石臺所有修葺事宜部議以聞○詔起原任戶部尚書許瓚為吏部尚書○行大稀禮於太廟諭賜輔臣禮官御製稀畢公夏言因上言太廟方成適當五載稀祭之期而新廟之中皇初祖首享之此於皇上追遠之孝太祖推尊之心適相吻合初祖在天之神宜乎饗食是以未玄鳥之祥也謹

卷之五

七

恭和三章以進○上詣天壽山祭告修飭七陵并預建壽宮時郭勛祭告惟太宗長陵合請皇上躬詣行禮諸陵宜遣大臣代告其與工吉日并駕發吉期宜行欽天監選擇上曰不必擇日二十一日卯時興工修理陵殿預建陵墓即本日申時朕於十九日發行親告皇祖太宗遣告六聖獻陵英國公張溶景陵武定侯郭勛裕陵遼安伯陳鏡茂陵輔臣李時泰陵禮部尚書夏言康陵駙馬謝詔天壽山之神尚書顧鼎臣后土司工之神工部尚書林庭槐各行禮至日駕發京師次沙河行宮明日駐蹕天壽山諭曰朕昨恭謁列聖諸陵仰觀玄扈享殿歲久傾圯宜加修飭及朕法皇祖故事預作幽宮於太宗文皇帝之左側下勅詔附臣民合辭以為當是所宜從之俱已擇日興工惟茲事體崇崇工程重大仍特命卿太傅勛輔臣時知建造事總督工程少保言同知建造事總提規制兵部尚書張瓚提督領軍署都督俞事陸松監督工程卿

等宜竭誠殫慮管理是勤務俾工作美完建造如式以為永久之圖斯副朕意既而 上詣長陵獻陵景陵諭曰景陵規制獨小又多損壞其於我宣宗皇帝功德之大殊為未稱當重建享殿增崇基構以隆追報祭告禮畢二十八日車駕還京○五月命錄皇祖御製文集諸書時上諭內閣訓錄已完可將皇祖御製文集累朝文集及五經四書二十一史性理大全聖學心法各重錄一部藏貯不必開館○詔求赤黃玉上欲薦祀赤黃諸王詔諭多方訪求必得以稱朕禮神之意○賜百官端陽宴于奉天殿召大學士李時尚書夏言武定侯郭勛沅西苑先是 上駕回暫住玄福宮賜時等酒及諸品物諭曰端陽日朕奉兩宮西苑沅舟賞節因命言撰致語既而後諭時曰昨奉慈諭罷免今欲為君臣一賞以寓交泰之意卿其與勛言計之至是賜百官等宴畢上幸西苑預命勛時言候于崇智殿遣太監辜霖賜以艾虎絛索牙扇

卷之五

七

諸物勛等致詞謝上曰今日之宴一以當節一以酬前日山中之勞至水次 上御龍舟命時言一舟勛一舟自芭蕉園歷玉蟬金簪橋至澄碧亭頒賜御餚又命樺人蕩槳近龍舟賜顧問登岸復宴于無逸殿乃還翌日時等表謝云自宣宗賜宴義遊萬壽山楊榮同遊西苑今僅再見云○禮部尚書夏言乞留郎中陳鏡員外郎楊儀從之時儀為主客郎中儀為精膳員外郎吏部以為不職外補鏡湖廣岳州知府儀四川兵備倉事言乃上疏乞留言竟老成明練盡心職守近日查檢番夷大省賞費能得衷心尊國体宜留久任緩急可使儀諸習禮制長于文學而兵刑之職用非其才况經劉委江西公務將來即中有缺堪以歷補庶習知本部之事臣往來督視山陵部事難盡親理得一二老成屬官効力少塞陳贖職入 上命服原官○同知建造事禮部尚書夏言進壽宮圖式言疏臣等危從聖駕至天壽山祭告召見行宮議及壽宮

現制欲遷避祖陵節省財力享殿欲用磚石為之示儉朴地中宮殿等制以虛文勞費且空洞不實非永固之圖欲盡釐去仰見聖德謙光聖慮又遠敢不將順但恐過下減損無以稱臣子尊崇之禮其寶城明樓亭殿門廡一切之制所宜比照長陵少存尊避以垂萬年之制前蒙面授欽畫壽官圖式比諸長陵咸殺太多臣謹督令匠氏參酌議擬畫圖貼說進請施行其東山口小山俗呼天壽改名平臺以正其謬又諭建天壽亭以識皇祖聖蹟此實大孝之舉謹併進呈圖其皇妃從葬之制列聖以來或陪葬或別葬且載會典竊謂帝后合葬諸妃陪葬乃古今經常之制協幽明依附之禮但蓋不當由隱似宜於外垣之內寶山城之外明樓之前左右相向以次附焉庶合禮制亦謹畫圖貼說以進

卷之五

五

上諭禮部欲除去禁中釋殿奉建兩宮以備一代之制集群臣議食以為可上即命撤之尋召李時夏言郭勛入視大善殿見殿內金銀繡像鉅細不下千百且多鬼怪淫褻之狀又見几案上及懸度梁拱之間與金函玉匣之貯藏貯者皆云佛頭佛骨佛牙諸物枯朽摧裂奇醜礙礙礪計不下千百斤言退而上言皇上撤去佛屋毀除穢像使詭異之形不得潛留清禁此真卓越千古之見但牙骨之類皆屬朽穢不宜使之尚存乞勅下所司瘞之草野上是之曰朕思此物聽之者智曰邪穢必不欲觀愚曰奇異必欲奉之雖埋之將來必有竊窺以復惑民者其別議之言乃復言佛法荒幻本無足信即以其教言凡佛死曰涅槃必焚其骸名曰闍毘由是觀之佛死必焚安有遺骨况佛固人耳其牙骨必與人同豈得巨細不類善惡必山海異物更僧持以誑惑中國信奉之人無疑也乞勅所司一切付之水火以滅其跡其金銀銅像併令銷毀

實千古稱快萬代瞻仰上從之于是禁中邪穢掃蕩殆盡○諭改大興隆寺為講武堂禮部尚書夏言因條事宜上言國家大事在祀與戎周禮大司馬每遇仲月因時教武唯冬農隙則大閱之漢有會都平樂觀之講唐有都外驪山之講宋有近郊西郊之講我高祖經理淮甸親閱試將士文皇靖難之餘亦時加簡練通者承平日久武備漸弛宜厘聖慮講武之事誠不可緩謹條上四事一營造殿堂一專教將領一尊崇廟享一時加勸懲一上皆納之命會兵工二部議行○貴州都勻夷酋王阿向世據凱口圍屋為不靖巡撫陳克宅平之事聞上嘉其功陞賞有差○六月詔崇修后稷廟祀于武功先是陝西西安武功縣即堯封后稷有部之地與稷母姜源各有廟祠鄉民歲時奉祀但未入祀典巡按陝西御史周鈇採輿論因比照秦州先年伏羲廟事例請修飭廟宇賜額撰文春秋致祭會撥廟戶守視其姜嫄古廟亦聽民間自行

卷之五

五

舉祀部議禮從之○秋七月諭罷中元日內殿祭禮上諭禮部中元之祭事不經見去歲已用清明霜降二節于陵前祭甚合禮今中元亦有陵祭內祭似勿實可也部議誠如聖諭請著為令○詔議遷奉慈殿三后神主初孝宗於奉天殿側特建奉慈殿別祭孝穆皇太后復初孝肅太皇太后近復初孝惠皇太后于內蓋皆祀所生母也至是上諭禮部曰廟重於陵禮制故嚴今廟中一帝以一后配惟陵則二后配慈廟祀陵祀已自不同今復建奉慈殿不如奉主於陵殿為合禮又梓官既配墓於帝主無附廟之禮宜在陵殿此亦關典禮卿其會議以行尚書夏言乃集多官會議言自古天子惟一帝一后配享於廟所生之母別為子寢身沒而已斯禮之正是故禮有享先帝之文周之閔宮宋之別殿皆此義也國朝廟制稽古惟一后配帝禮真嚴為孝宗奉慈殿之建子祀生母以盡終身之孝耳禮於妾母不世祭謂子祭之子孫則

止蓋父之所尊子不可不承父之所異子不敢同明其宗耳繼祖重故不復顧其私祖母也今日陛下於孝肅太皇太后曾孫也于孝穆皇太后孫屬也于孝惠皇太后孫也禮不世祭義當擬祧今議欲遷主度殿使復所安情伸禮得足定天下之大典且與宋熙寧龍奉慈廟故事事體畧同但祧義惟遷主為是而遷主陵殿歲時祔享尤為曲盡莊則代所及議入 上令擇日奉安○御史徐九鼎請購求遺書及召見講讀侍從諸臣辨析經旨部議廣儲書史足彰一代文籍之盛而延見講讀亦備顧問以緝熙聖學之意宜賜允行 上曰書籍充棟學者不用心亦徒示虛名而此心不養以正召見亦虛應也併令罷之○禮部尚書夏言引疾乞罷不許言姻費完為順天通判與府尹劉淑不相能淑相家人時受富戶銀兩東廠緝獲淑相謂有指使劫兒橫肆因及言惡怙謂晉王新填被叔許奏賄銀萬兩朦朧請封考選儒士受銀四百

卷之三

三

言奏辨謂淑相積有宿怨今以已私敗露橫侮及臣蓋自度不免于法祇借臣為名可藉口他日實緣耳 上曰劉淑相見犯賊罪究問未結黎誣大臣以掩己罪詔逮黎錦衣獄訊問既而言官劾言章十數上南京禮部尚書霍韜亦因淑相事劾言朦朧為已故大學士費宏請謚以為奉事增城黎關情節法當坐斬以宏謚文憲為犯憲宗皇帝徽號既當更正言亦疏辨再引疾乞罷 上慰留之○道錦衣官視大學士張孚敬疾無諭入朝半敬道病復歸○斷藤峽盜殺戍卒食事鄒閔叅議孫繼武罷初王守仁平峽盜以岑猛子邦佐為武靖知州邦佐不能輯下受賂庇盜峽北盜復漸肆猖獗其酋侯勝海者居岑灘為亂指揮潘翰臣聽土目黃貴輩香言誘勝海殺之實貴香利勝海田廬也勝海弟公丁集眾噪城下殺入閤與繼武言于巡撫都御史潘日請討之森將沈希儀沮之曰得賊未易取須春江漲以數千人從武宣順流下撲

之乃可不聽聞繼武還潯州以千人往擊賊先遁去斬一疾夫而還遂言賊已歛迹請立堡戍旦從之希儀復言賊未大創兵威不振立堡難守旦不聽至是堡成聞令黃貴輩香以三百人戍之許擇取勝海田廬不禁于是諸徭大憤恚邦佐又陰黨之公丁遂集眾二千人夜寇堡殺戍兵二百餘人貴輩走免旦聞悔之曰果如沈子所料矣巡按御史諸演以事聞請討報可閱與繼武以放縱罷去何且亦去侍即奏經代上命督兵討之○皇史宬成令專藏訓錄其列聖御容奉安于景神殿○八月勅諭天下諸王府約束宗人時晉府高平王府輔國將軍表拾擅離王府赴闕奏擾部議遣官伴回仍啟知晉王重加切責因言處治于既犯之後不若約束于未犯之先誠欲加約束非專責親王并管理府事者不可故有是諭○諭議還悼靈皇后神主 上諭禮部奉慈三后主遷奉各陵陳后宜先處尚書夏言言悼靈皇后神主先因附于

卷之三

三

所親暫奉安於奉慈殿孝惠太皇太后之側今三后神主遷奉陵殿則悼靈皇后神主禮宜遷奉聖諭斷請安于奉先殿旁室以安神靈但奉先殿別無旁室惟殿之西一室空虛清闕兩宜遷奉惟于歲時享祀或有事祭告祖宗列聖則宜一體設饌但不啟主匱不見祝稱斯為合禮 上是之○皇第一女生禮官夏言言皇上荷荷天休肇誕淑祥乃節值中秋時當子夜將來嗣胤繁衍之端莫大發於茲 上納之令免賀○諭改建內殿神厨時大庖厨在西內乃內殿上食烹調品羞之所地遠非宜文華殿小厨密邇內殿便于供進故改建之仍更名神厨○總制陝西右副都御史劉天和疏陳戰守便宜以圖禦虜實効言中國長技輕車疆域是已而據險設備之要修邊牆掘水頭是已蓋古兵家流率謂步不勝騎騎不勝車國家所造戰火兵車其制度多寡不一惟前任總制秦紘改造隻輪小車孝宗嘉獎取名全勝車今幸存破損八

輶轡備規制宜似製造可擺列邊牆以遏虜入據拒險要以邀虜歸諸邊佛朗機流星砲壹萬餘砲品字銃銅鐵神鎗見貯甚少不足用近見陝西省城城樓貯有神臂弩可及三百步宜倣漢耿恭之法箭鏃開四火又傳以河南嵩縣射虎箭藥人馬中之無不立斃更修築邊牆挑挖壕塹以制虜入與武營南有鐵柱泉方可百步虜入及歸必至此飲馬飲日臨泉僅有小堡請增築高大包泉其中令兵據守使虜數百里無飲馬之地則其勢自不能深入部覆請如所奏 上從之○虜寇涼州總兵王輔等敗之詔加總制劉天和左都御史先是虜酋吉囊率衆十萬屯牧賀蘭山後分遣其衆入寇涼州副總兵王輔率衆八百騎分三哨逐之至塞外孤山墩再與虜戰酋酋長一人率其衆斬獲甚衆已而虜復入莊浪境總兵姜與以涼州兵馳至與虜再戰勝虜騎大集與伏兵佯壯走以誘之虜追之遂陷伏中大敗捷聞 上悅加天和官以重

書奏諭仍賜銀幣餘各陞賞有差○九月詔冊封妃嬪 上勅禮部比者輔臣建議慎選員淑以充妃嬪用廣嗣續麗妃閻氏首誕子祥雖進妃封未加美號宸妃沈氏安嬪沈氏康嬪杜氏同中官以侍朕共勤贊於宗祀茲即九月吉日行進封之賜宸妃沈氏麗妃閻氏俱進封為貴妃端嬪曹氏首出淑祥進封為端妃安嬪沈氏進封為安妃康嬪杜氏進封為康妃原選淑女四廬氏封為靖嬪江氏為恭嬪任氏為順嬪趙氏為榮嬪同日發冊禮部具儀行之○上如天壽山祀陵 上諭秋祭七陵於十八日發京長陵朕躬拜獻陵以大臣郭勛助慶隆李時裕陵徐延德茂陵夏言泰陵崔元康陵銜銓陳后陵謝詔各行禮二十五日回京時宣府警報日至兵部請遣防禦從之○御史余光上所撰二京賦詔付史館○論議政三后謹號初 上於沙河行宮諭禮部尚書夏言曰三后神主皆係當特事上皇太后太皇太后之號乃因子孫所奉專

稱今既奉遷陵殿實同帝后之例揆之名實於禮未宜似當更定御其會議以聞至是言會多官于東閣集議上言三后神主奉安二陵當各從夫婦之義不當仍襲子孫之稱故皇太后太皇太后之號在奉慈殿則可在陵殿則不可請以孝肅太皇太后神主題稱孝肅貞順康懿光烈輔天成聖皇后不用廟字孝穆皇太后神主止稱孝穆慈惠恭恪莊愷崇天承聖皇后孝惠太皇太后神主止稱孝惠康肅溫仁懿順協天佑聖皇后俱不用純字則嫡庶之稱可別夫婦之分無嫌尊卑親親之道盡 上從之○改謚悼靈皇后曰孝潔皇后先是禮官夏言上言先皇后謚稱悼靈考之謚法在悼雖協年中早夭之義而靈義有六類非大義之稱先皇后正位中宮奉主宗祀贊理內治已及七年懿行純德足以毋儀天下揆之前謚未稱表行之實宜更定褒稱垂示後世至是改謚○久十月皇第二子生昭嬪王氏出也傳諭禮部尚書夏言上

言皇上峻德承天大孝光祖帝心眷祐宗廟垂休大慶滋至迺者陽月吉辰篤生元嗣國本天宗永有承賴中外臣民不勝懽欣謹以稱賀禮儀進聞 上命稱賀止在門吉服如前例言復請見朕御殿受賀不許○京師及永平保定諸處俱地震有聲如雷 上諭禮部曰朕懼上天宜即加修省自今日始青衣黑帶靜處三日露告於天賀喜其罷之其過示文武群臣痛加修省尚書夏言上言聖嗣誕生天下大本所係臣民鼓舞仰戴皇天降祐之祥茲遽罷免稱賀不惟不足伸臣子慶幸之私其於所以重國本答天眷亦若有未盡者請俯察群心曲從愚懇仍干修省之後御門受賀庶仰答天戒丕承天休並行不悖 上乃許之○奉遷三后神主于陵殿命尚書顧鼎臣嚴嵩侍郎謝丕改題神主駙馬崔元郭景和護行遣祭伯銜銓陳鏞行禮乃奉遷孝肅皇后於裕陵孝穆孝惠皇后於茂陵既而 上親詣告長陵復詣裕陵茂陵行慰告

禮○更定獻皇帝廟號 上諭夏言皇考廟名似不甚穩先議比世室之義即名世廟朕及復思之今推尊太宗世宗不遷是矣恐皇考亦欲尊讓太宗且世之一字來者或用加宗號將思何避乎今加于皇考廟徒掩虛名又不得世宗之稱不如別擬既而復論皇考廟名題曰獻皇帝廟庶別宗稱以見推尊之意言乃上議曰按禮天子諸侯始祖廟稱太廟太宮子孫世祀無容易矣若昭穆等官則稱小廟小寢世世遞遷類稱野焉唯其間有功德祖宗雖世數當祧則必別立廟以世祀之以其既不可以昭穆名又不可以太始目乃以義起號之曰世若周之文世室武世室是也降自秦漢孝武制作功著以前有孝文宗無二太故推尊為世宗光武功同創業以上有高祖不可稱太故推尊為世祖他如唐之文皇宋之太宗上無所避忌故皆以太稱宗不言世矣此皆以功德百世不遷與始祖並舉於無窮不可限以定數由是論之則太

卷之五

七

即世世即太如太有所避即當稱世其義一也稱世之義蓋如此皇考獻皇帝篤生聖人雖比跡商周之契稷而前有文皇既稱太宗義當尊讓後有聖帝必為世宗理宜虛埃是宗世二稱皇考在天之靈必不欲當况世之上不冠以謚下又不承以宗考之前古亦未經見今欽定為獻皇帝廟庶義明禮正而萬世之公議始定 上曰所議足見忠敬命付史館○後訊張廷齡論斯詔速繫先後直徹官榜訊初延齡下刑部獄主事沈椿以戚晚故不令人重獄後代者遂襲其故脫其桎梏益寬假之延齡在獄嘗書聖學心法一幅題君道不明當罰於其端 上謂察知之令備查先後提牢官吏執付錦衣榜訊尚書唐龍上章引罪上令戴罪審處詔下都察院從重擬罪都御史王廷相議延齡怨望當比子罵父者律仍前候斬主事沈椿等二十四人俱贖杖○南京吏部尚書湛若水上二禮經傳測時若水纂二禮經傳測上獻下禮部閱視

夏言謂以曲禮為經與孔言相戾不可傳示後學 上命已之○十一月頒皇子誕生詔于天下暨詔諭朝鮮諸國先是十月六日皇嗣誕生例當詔告天下 上諭彌月之期舉行既而面諭禮官夏言皇子初生既詔告天下何獨外國至冊封日始遣使詔諭况已告聞天地百神當使華夷一体知悉他日冊立再行詔告卿宜議擬舉行因著為令○詔議征安南國先是皇子生欲詔諭安南朝鮮部查安南自正德十年國王黎嗣遣陪臣阮仲達等赴京進貢之後迄今貢使不至皇上登極遣編修孫承恩等詔諭竟以彼國作亂道路梗阻未達而返後令鎮巡訪勘迄今未報今復命使恐亦如前有損國体因言安南職貢不修歷二十餘年背叛之罪難逃在法當與問罪之師 上諭今會同兵部計議勿視為非要兵部尚書張瓚等共議言皇上繼天立極君主華夷而安南黎氏失守宗祧既不上告天子其逆臣交亂又皆各據土疆俱屬背

卷之五

七

逆天道干犯王法請勅選錦衣官有膽氣謀畧者前往廣西令鎮巡仍選深曉夷情熟知道路者伴送勅使徑入安南境內勘問久不入貢緣由朝廷仍下令選將整兵待報而發 上從之既而戶部侍郎唐胄疏言自古夷狄相攻中國之利不必罷散中國為黎氏報仇 上意主計令待所遣錦衣官勘奏更議而廣東廉州府知府張岳復條言用兵安南有六不可狀不報○禮部尚書夏言疏請定功臣配享及令臣民得祭始祖先祖百官併立家廟言九廟告成祀典明備但本朝功臣配享在太祖太宗廟各有其人自仁宗而下五廟皆無似為缺典至於臣民不得祭其始祖先祖而廟制亦有未定則天下之為孝子慈孫者尚有未盡伸之情今屬當廟成謹上三議一議仁廟以下五廟文武大臣中從公評定功在當時澤在後世者取以為配使光顯元祀之列一議宋儒程頤當修六禮言庶人時祭用仲月冬至祭始祖三春祭先祖至宋

嘉纂集家禮以始祖之祭近于通上乃刪去之自是士庶家無復有祭始祖者今宜如程子所議冬至祭始祖立春祭始祖以下高祖以上之先祖但不許立廟以喻分一議乞詔天下臣工建立家廟三品以上為五廟以下為四廟若夫庶人祭于寢已無可說矣議入 上召見文華殿諭曰三議具有可采尚俟暇日議行既而問及王府宗廟之制今不知盡能如禮否言復作王府宗廟并武臣家廟二議以進○諭建景陵碑亭及各妃石碣配祭陵殿先是 上諭景皇帝陵碑偏置門左非宜可建亭于陵門外大門內庶稱尊崇又諭太宗東西井二妃墳并憲廟十三妃墳宜各立石碣表識金山各妃墳所之祭宜併入天壽山各陵殿配祭金山墳祭罷免部議覆乃令建亭立碣諸妃移祀陵殿著為令○加上孝靜皇后諡號初 上於天壽山行宮諭夏言曰皇嫂孝靜皇后諡用六字於禮未備選用全諡展合典禮至是欽定為孝靜莊惠安

肅溫誠順天僭聖毅皇后命輔臣李時政題神主○九廟成禮部尚書夏言上言宋儒朱熹有言天地間有兩件極大事其一天地不當合祀南郊其一不為太祖特廟自東漢以來千餘年間無人整理今皇上一朝共舉不數歲而郊廟之制大成又獻皇帝廟下營吉址更正隆名聖孝顯親於是為大廟庭一新神人快觀且祈主有期伏請聖躬瞻視適觀厥成以伸皇上尊奉祖考至誠至敬之情仍勅令文武百官恭候於太廟門前俾得瞻仰宮牆之美 上曰朕不必視○十二月令都給事中陪祭宗廟初每歲郊祀六科都給事中例得入壇陪祀載在會典而宗廟之享缺六科不載至是禮科都給事中李克濁等比照郊壇事例以請 上從之著為令○諭皇后助祭宗廟 上諭禮官夏言古者天子有事于廟后助奠獻茲者廟制既已復古皇后宜與事宗廟以明婦職言因議請曰古者天子后妃共事宗廟所以協誠同敬禮經曰夫祭

也者夫婦親之所由備内外之官盡陰陽之義也今新廟告成稱祀始禮文允當隆備本月初十日奉安太祖神主暨列聖神主各入廟至期合請皇后恭詣各廟行事乃具皇后助奠儀以進 上曰皇后助奠本古禮之正况我皇祖初制命婦亦有陪祭之文卿等考據詳正但目今倉卒待議別行○更定太廟祭神位初季冬大禋奉德祖居中而懿祖熙祖仁祖以次列焉又自太祖而下太宗仁宗宣宗英宗憲宗孝宗武宗以次列焉後 上諭夏言祭祭宜以四祖同我太祖並皆南向庶見太廟為特尊太祖之義至是更定以德祖居中東次懿祖又次仁祖西次熙祖又次太祖俱正南面之位自太宗而下六聖之位左右序列一遵舊制○奉安太祖列聖帝后神主於各廟先是禮官疏上奉安禮儀言駿奔對越浴邑揚清廟之歌寢成孔安商人著殷武之頌是皆廟成始附而祭之之詩也今皇上稽古制禮創天子七廟之制特金太

祖之尊別作太宗不遷之廟乃曠古之盛事新廟告成禮宜肇稱神主之祭以安太祖宗列聖在天之靈恭擬禮儀以進至是乃行奉安禮○以少傅兼太子太傅禮部尚書翰林學士夏言為武英殿大學士恭預機務謹按王司寇世貞別集曰內閣臣不由甲第者楊文貞以薦辟胡若思陳汝靜張子玉以鄉舉不由翰林者黃文簡以中書舍人文貞以審理副胡若思以桐城知縣金文敏以給事中俞綱以審理正王穀愍薛文清以御史李文達以吏部主事劉宇曹元以知縣表榮襄以長史張文忠以南京刑部主事桂文襄以知縣方文襄以禮部主事夏文愍以行人以嚴嵩為禮部尚書兼翰林學士○閏十二月上兩宮皇太后徽號布詔天下初宗廟告成將布詔置憲先令加上兩宮徽號翰林院乃議上

昭聖康惠慈壽皇太后章聖慈仁皇太后既而禮官言兩宮皇太后尊
同行輩名分不殊徽號字數誠宜一體 上曰兩宮同尊非姑婦也但
皇伯母原係皇兄所上二字故今似多耳今宜並以八字上之乃于初
三日加上昭聖康惠慈壽皇太后初七日加上章聖慈仁康靜貞
壽皇太后乃布詔天下曰朕創昭穆群廟以祀祖宗彰太祖為常尊之
主復作太宗廟于群廟之外表著功德享祀百世更創皇考廟曰獻皇
帝廟止修時祀以避豐稷之嫌由是致孝慈闡恭上徽號慶禮既備推
愛宜頒故告萬方咸使聞知○召起原任大理卿為左僉都御史史道
巡撫大同以廢除犯宣大地方失事重大故也道至鎮親督兵會同總
兵梁震于玉林川等處與虜對敵斬獲賊級一百二十顆既又于沙河
等處斬獲賊級一百四顆二次捷聞 上降勅獎勵賜以銀幣進副都
御史仍巡撫大同地方○廢后張氏薨○吏部尚書許讚至京 上令

卷之五

三

節赴任視事謝言臣當恪守成規仰遵明詔疏銓選以決壅蔽之
弊公薦舉以復久任之法停中外無故改調之途抑近年奔競濫陞之
習斟酌年資均平勞逸以期報塞萬一 上嘉納之○加授致一真人
邵元節禮部尚書以舊祠皇嗣誕生故也○詔作聖濟殿奉祀先賢之
神○甘肅巡撫趙載疏陳制駁李廣撫處凡刺諸事宜下總督議行

丁酉嘉靖十六年

春正月辛巳朔○徵王厚熜得白兔并撰頌以獻○詔禁民間居積倉
糧以御史韓岳言京師米價騰貴家右乘勢居積高價故也○令邊臣
不得輕調遊兵先大同因虜寇調集遼東遊兵至是以虜出邊詔令掣
回仍令此後非有重大邊情不得輕調○詔限西域諸國入貢吏使并
以漢人為通事時甘肅巡撫趙載言西域土酋番等各國稱王者一百
五十餘皆非本朝封爵宜責令改正而違例入貢者宜以禮阻回酋長

使臣皆限立名數至外夷通使舊皆以色目人為之往往視彼親視我
疎在京則教分外求討伴回則令潛買禁物今宜易以漢人毋令交通
以生夷心部覆詔從之○皇三子生康妃杜氏出也是為穆宗莊皇帝
○命戒諭國子祭酒許成名司業董承叙時御史張景泰劾成名賄賂
潛通承叙同流合汙下吏部議尚書許讚復奏尚持兩端 上曰吏部
權衡所在宜有定論讚乃擬留用 上從之仍責令成名承叙宜加砥
礪以圖後效○二月詔毀湛若水書院時御史游居敬乞戒邪僻大臣
以端士習上言王守仁之學主於致良知湛若水主於體認天理皆祖
宋儒陸九淵之說少變其辭以號召奸名媒利之士然守仁謀國之忠
濟變之才尤不可泯若水迂腐之儒廣收無賴私知書院其言近是其
行大非乞戒諭以正人心下吏禮部議尚書許讚嚴嵩會奏王守仁已
經禁革不必更議若水自守南雍以來間有生徒附和標榜居敬所列

卷之五

三

貴備太過若水年已七十屢次乞休奉有明旨留用亦難別擬 上曰
若水既有成命但私塾書院宜置干理姑不問令所司毀之○上如天
壽山祀陵皇四子生戊寅駕祭京師又次日 上躬詣長陵致祭官使
傳稱皇四子生 上御製嘉喜歌頒示扈從大臣各屬和以進甲申還
京○三月命塞天壽山通黃花鎮東西路口○議建行宮 上欲於沙
河建立行宮勅工部計直死材鳩工以待修營丙午駕祭京師視之祭
丑還京○夏四月詔奪兵部侍郎潘珍官開住先是安南國世孫黎寧
遣國人鄭惟懷等來奏稱貢使不通由莫登庸不軌道路阻截乞與開
罪之師時議討安南珍上疏言宜移機交南聲莫賊篡逆之罪必殺不
赦其餘脅從計其歸順仍機率假以殺賊之權令督所部兵馬候大兵
入境併力進討 上以惑亂人心褫職開住○五月朔 上命皇三子
名載 皇四子名載珂○起復都御史毛伯溫至京 上命即日之任

候討征安南之命。湖廣承天府學生員王道同等言承天為龍興根本重地已如順天應天二府學例將鍾祥縣學生員通設府學其學地俱六十名則每年起貢之數亦宜如二學例禮部議復二歲起貢三人詔可。禮部請冊立東宮上曰卿等請冊立其悉忠愛可少待之先是御史余光上言今者聖嗣誕生異日正位東宮統臨大寶宗廟社稷天地生靈所關非小而其本則在於養論教而已祖宗設東宮官屬如詹事府左右春坊司經局等官皆為輔導而置諸博選鴻儒充師保賓客之任以立教于豫部議皇儲為天下本當慎蒙養請以光言下吏部預訪人材俟冊立舉行報可。召起致仕右副都御史顧璘以原職巡撫湖廣。授故大學士王鏊孫有壬為尚寶司丞以身後廢叙請也。詔建故臨清知州夏鼎祠有司春秋致祭為大學士言之父州民稱其有德疏請立祠故有是命。致仕大學士張孚敬上疏問安又賀九廟成

卷之五

皇子生 上優詔答之仍諭以疾可一來見以慰朕思。詔在京文武官舊例四五月俸糧折絹者改折銀七錢南京官四月折絹八月折布從戶部尚書梁材議也。詔增脩內閣。上以內閣規制未備命大監高忠率官匠詰閣相計修造事宜乃以大學士李時等議以文華閣之中一間兼設御座旁四間各相間隔而開戶于南以為閣臣辦事之所閣東誥勅房內裝為小樓以貯書籍閣西制勅房南面隙添造捲棚三間以容各官書辦于是閣制視前稱美。原籍養病大學士方獻夫奏賀皇子生 上優詔答之。總督三邊都御史劉天和巡撫延綏都御史張珩各以薦劄吉囊聲勢異常奏計馬上小銅佛即機範并招募新軍盛甲器械給與之。詔以鄭王厚烷母妃閻氏貞孝賢德事實送史館採錄從王請也。詔令取礦時大工興工部尚書林廷楨等議言山東河南蘇州礦銀解部者二萬餘宜行天下採取遂令行之。右都

御史毛伯溫議討安南因條上六事曰正名用兵用人理財明賞罰一事休 上納之。謹身殿災時雷震殿鴟吻火發燔焚旋後撲滅上諭輔臣李時夏言及禮官嚴嵩救勵百官同加修省御史桑喬因以殿廷被災條陳三事一禁奸弊以節工役如沙河行宮部議用銀七百餘兩賴皇上洞察始改二百餘兩則他可知一重邊防以銷隱憂請遣才望大臣歲一行邊簡閱強弱調度糧餉以便條奏施行一去匪人以重大任如尚書嚴嵩林庭楨張璠張雲四人者不職之尤宜速為罷黜以肅應天之實 上納之既而給事中田濡亦陳弭災三事一言在外監司守令多以深刻為能罪及無辜感召災異乞以酷刑律治之一言往者軍恩多赦獨馬錄楊慎王元正劉濟豐熙邵經邦呂經馮恩乃隸謫籍乞賜矜宥一言奏許成風甚至誣指宮禁持脅官司請發遣如例疏下部議刑部尚書唐龍言查慎等俱為大禮錄為大獄呂經激變遂

卷之五

卒馮恩進言狂率固彼自取罪但慎錄等編發俱已十年類亦既久創受災深況豐熙年近七十劉濟已死成所呂經輩舉張亂已旋定馮恩進言狂誕心亦無他乞俯從其請宥此七人各典生還或將慎錄二人量移近地實皇上浩蕩罔極之恩諸臣望外再生之幸 上不准宥。六月令大臣被論者勿得強辯時禮部選譯字生嚴嵩要納貨賄以為去留苞苴盈門曾取高價御史桑喬等疏列其狀嵩奏辯以求白心跡給事中胡汝霖上言大臣被論列者惶恐待罪其是非宜付之廷議用舍聽之上裁尚書嚴嵩穢行既彰招致人言乃輒奏辯此皆鄙夫文過臣謂奏辯之風不息則無以存大臣之休肅耻之節不立則無以勵小臣之行嵩志趣日下往而不返則陛下誰與共成盛治 上命今後大臣被論者宜省已勿得強辯。南京吏部右侍郎林文俊卒 上以文俊有編摩諱讀之勞特諡文修。新作養心殿成。秋七月右都御

史毛伯溫引疾乞終制不許先是御史何維栢上言朝廷舉措大臣出處天下觀望所係不可不慎頃皇上以安南之役起毛伯溫於縉望之中而伯溫亦感激被命不敢再辭者蓋不忍負陛下知遇之隆也今幸賴聖明感格安南悔過征討罷役六省生靈既各遂安居之願獨伯溫一人未遂孝思之情臣願陛下保全伯溫之節廣錫類之孝責令陳情乞終禮制使天下皆知陛下善以禮導其臣大臣能以禮律其身無為後世譏誚昔富弼有母喪韓琦言起復非盛世事富公卒不可奪仁宗竟從其請天下後世至今為美談如使伯溫今日果於自奪而不亟請大臣不以為非小臣不以為言使異日國史書之曰大臣起復自陛下始豈不可深惜哉疏入上曰毛伯溫朝廷以征討起復已有旨令蒞任治事維栢輒來奏擾且不究至是伯溫引疾請終制上令在京調理痊可即出供職勿以終制固辭○給事中高時請省徵派言今各

卷之五

五

省水災皆藩臬守令不能奉宣德意使民愁怨陰氣積勝所致也朝廷屢下蠲租之詔而紛紛雜派如木料斑竹油漆磁器磚瓦段疋金箔銀硃之類不可勝數其實百倍于正額宜講求實政務為節省以甦民困以答天心奏入有旨災傷賑濟所司自有區處諸物料皆供用不可缺者時撥拾遺奏姑不究○命暫停沙河行宮工以待豐年從御史景泰言也○以災傷免寧國太平安慶各府屬州縣衛所稅糧有差○命遷河南開封府歸德府夏邑縣城以避水患也○御史蘇木疏請武職守制言三年之喪通于上下高皇帝當于戈倥偬武臣不許守制蓋一時權宜之術而未必為萬世法也今世士大夫奪情起復即為公論所不容何獨于武臣而限之乞著為令甲俾之持服如文臣例若有緩急在行間亦當以墨綬從事得旨奪情起復律有明文武職無守制例皆係祖宗成憲本不諳法制輒欲變更本宜遠治姑從輕議乃謫深州判官

○詔諭給事中沈瀚外補瀚言文華殿脩飾將完秋風漸爽請時御經筵日令儒臣進講商確治道上以瀚有所欲言何待經筵責令對狀瀚具疏伏罪詔降調外任於是謫浙江布政司照磨○以水災免淮安鳳陽各府屬州縣大河邳州等衛所稅糧有差○詔各按察使自今用歷官刑名者為之○以水災免湖廣承天武昌黃州荊州岳州各府屬州縣及廬州沔陽等衛稅糧有差○諭增立六陵功德碑上召大學士夏言等面諭前在陵上曾諭卿獨長陵有功德碑而六陵未有無以彰顯功德今宜增立示所司行○遣安南使者鄭惟憐歸國先是安南國世孫黎寧遣國人鄭惟憐等十人赴京奏稱正德十一年逆臣陳嵩為亂結主黎嗣本國共立明之故兄長子鍾權國事十六年討嵩誅之其臣莫登庸等復謀不軌逐鍾居外脇立其庶出幼弟應僞攝國事卒應僞應僞立已子自稱天王由此道路阻截貢使不通諷以是竟

卷之五

五

憂憤成疾死本國後立寧為世孫權管國事寧即鍾之子也屢馳書總鎮告難俱被登庸邀殺之於路不得達適因廣東商船潛行取道京來乞與問罪之師亟救國難奏下礼部覆言安南信使不通者二十餘年今朝廷方擬與師問罪彼國告憂之奏遂至事屬可疑且惟憐等附舟漂海延住占城二年行至廣東地方又不呈身赴告所在官司給文起送亦難盡信今宜將惟憐暫留在館令原差勘覆彼國事情官作速具奏以待區處上從部議詔錦衣衛拘留惟憐等聽候不許交接外人光祿寺以朝鮮國貢使例供給之於是議討安南起復都御史毛伯溫主之既而提督兩廣侍郎潘旦言莫登庸求貢部議逆庸求貢遞難准從宜行提督巡撫總兵等官詳審順逆相機撫勦上從部議至是遣惟憐等歸國○八月改廢大學士李時次孫鍾南京大理寺卿宋欽孫鶴年國子生以時長孫鑣授中書舍人欽子廷佐中式故也○謫文選

郎中楊育秀外補南京禮部尚書霍翰論劾育秀賄賂公行以書奏奉
令關通請託故書奏之役幾為利數每承令求入書奏者價至二千金
方為收用下吏部覆覆尚書許讚謂吏部嚴重清議具存顧承令之後
開納止八十金而乃以二千金求入書奏事之有無亦甚易見上謂
讚繁詞曲護奪俸二月育秀降級補外革去承令以國子生充之○贈
故南京禮部侍郎劉瑞為禮部尚書初瑞以忤逆瑾誅至是陳乞
上憐之故有是贈○戶部尚書鄒文盛卒文盛公安人廉慎古朴內持
風節外若恂恂庸人故人稱為長者○上命奪南京禮部尚書霍翰及
給事中尹相等俸相論劾翰悻悻望下祭先期習樂縱飲於太常
且取魚湖中移酌松下有戾官常宜加斥免下南京部院會核其事覆
奏言鄒位居大臣量鮮休容職司邦禮矩度疎濶尹相等以傳聞具奏
言亦過當復下吏部詳議尚書許讚言霍翰習樂飲酒固太常故事後
○松下未免獲視既經部院核明莫逃洞燭上以竊取魚移酌失大
臣體奪俸四月尹相等言詞過實奪俸二月○皇五子生尋薨○禮部
主事許論上九邊圖論上留覽○皇六子生○賜勅獎雲南巡撫汪
文盛等初命邊臣體勘安南事又遣錦衣官徑至安南境察之文未得
要領至是巡撫雲南都御史汪文盛與世守雲南黔國公沐朝輔招致
安南夷人刁鮮等為詞察適值莫登庸遣阮璟等八人潛入雲南偵戒
兵進止刁鮮等執之併獲偽印一方大詰一通致文盛處訊問于朝兵
部請賜璟等干邊以威登庸上曰登庸篡奪黎氏偽作大詰罪在不
赦即勒雲南兩廣鎮巡等官協力征勦賜刁鮮等冠服仍賞白金三十
兩汪文盛沐朝輔降勅獎嘉之○詔奪總制陝西右都御史劉天和俸
天和上言自徐斌水至鳴沙洲百有二十里宜改築新邊移紅寺堡于
邊內本兵張讀言疆界不可輕棄軍堡未易撤移先年河套失守竟為

虜巢今復欲稍邊地則退一寸失一寸甚非計之得上曰先年移築
邊垣迄無成效况稍地乎劉天和擅興妄議令奪俸半年○九月交入
武文淵以其眾來降初安南國賊黨武散成武文淵武子陵等背叛彼
國避罪出逃犯我邊疆羈執我土官瓏微雲南總兵黔國公沐紹勛及
巡撫胡訓巡按董珊會奏部議行雲南撫按會總兵官協力相機追剿
既而欲遣官密諭以朝廷欲討安南不貢之罪令歸附我軍往征彼國
以贖前罪且令開陳彼國作亂事情奏報至是文淵率眾來降上嘉
文淵傾心慕義賜四品章服及金幣○詔建繁應天主試官江汝璧歐
陽衢于獄貢士不許應試南宮初應天進呈試錄禮部尚書嚴嵩劾其
品隲文字不填主名大不敬大學士夏言又謂發策問對郊祀語多譏
訕當置于理上命官校逮繁汝璧衢于獄其提調監試官孫懋楊麒
何宏沈應陽南京法司即訊同試官舒文奎等所在巡按即訊貢士不
許赴南宮會試○詔開山東龍爬石井山諸礦先是武定侯郭勛上言
採礦無損于民有益于國蘇州西有瀑水礦洞居人嘗鑛發之獲利無
算乞遣內官及錦衣官奉勅往督食家業殷實者為礦甲然知礦脉者
為礦夫所獲礦銀三分為官課五分充顧辦費二分歸之甲夫人等用
酬其勞則彼此皆畢力於礦所獲自倍部議前已責成撫按不必別有
推委議下撫按行至是巡按山東御史李松言沂州寶山開礦七十八
所得白金一萬一千三百兩今礦脉將絕欲得龍爬石井山次第開
採恐復微細徒費財力戶部議行勘覈上責戶部推調命撫按極力
任之○詔清理蘇湖等七府田賦時掌詹事府禮部尚書顧鼎臣上言
蘇松常鎮及杭嘉湖七府為田賦淵藪供需甲天下而里胥那移飛洒
欺官蠹民歲侵萬計前兩勅撫按清覈竟未見奉行乞加申勅章下戶
部尚書梁材覆言財賦出於東南而蘇湖諸府視他郡尤重田賦定于

版籍而欺隱飛詭諸弊在今日尤多遂致細民產去而稅存上戶田多而賦寡害及民生大虧國計宜咨撫按督率守令次第清理 上從之
○冬十月刑部尚書趙繼卒繼壽光人累官尚書引年乞休 上嘉其知止親製五言古詩一章以寵其行縉紳榮之○新作崇德殿成○命宋儒朱嘉十三世孫藻襲翰林院五經博士○南京禮部尚書顧清卒謚文僖清華亭人先為編修遇逆瑾擅權清守正不阿遂落職謫方復官生平好學敏行士論重之○兵部尚書王憲卒憲東平州人有材畧關於軍旅勞績尤著閼陝一時推重○十一月詔嚴緝盜賊時天下諸司入覲每多盜賊沿途為害御史沈越條緝盜事宜上之 上即命嚴加巡緝越捕獲巨盜數十人窮治其罪道路以清 上褒嘉之○詔賜侍讀學士郭惟藩祭葬惟藩儀封人孝友朴素 上念讀勞故特賜之○十二月甲戌皇七子生○詔以武定侯郭英伯享太廟時武定

侯郭勛得寵請乞以祖英伯享高廟禮部集議會云不可給事中邢如默戶部侍郎唐胄各上言廟祀諸臣位次且不可易況有無之額敢增損乎勛遂言往年祀劉基以文臣故舉朝翕然臣祖武臣故忌者紛上以勛言為然命英從祀先是各功臣位次俱以爵序及基入乃以伯爵位公侯上 上不悅曰何上基而下英也令禮官考議仍以爵序于是列英于黔寧王下永義侯上而基列永義侯下

嘉靖十七年

春正月丙子朔○天方國遣使入貢請得遊覽中國禮部議奏非例疑有狡心詎絕之還其貢物○二月會試天下貢士命禮部尚書無學士顧鼎臣吏部侍郎蕭學士張邦奇為考試官取袁燧等三百二十人先是禮部言邇來文倖日壞道術日微宜勒會試取士務求醇正典雅合于程式者鈎棘詭軋之文悉宜黜落其背戾經傳引用莊列不經之

言恭奏除名詔從之○順天府房山縣民傅得本等奏言水洞山分浮圖峪等處銀礦可採 詔錦衣衛千戶張璋驗實工部覆議行撫按察官採取從之○詔許應天中試舉人送國子監初應天鄉試以試錄違式有旨逮問所取士不許會試既而誦考官諭德江汝璧為福建市舶副提舉洗馬歐陽繼為南雄通判府尹孫樸等納贖還職御史吳悌請寬中式生儒姑容應試 上謂其違旨錦衣逮治尋宥之至是部復以諸生為請乃詔送國子監肄業○詔調昌國公張鶴齡子宗說南京錦衣衛俸并延齡子宗儉家口俱隨住初建昌侯張延齡既以罪論死繫獄其兄昌國公張鶴齡降南京錦衣衛諸子宗說宗儉等尚在京師張氏自弘治正德時憑恃寵靈久為中外所怨嫉延齡等既得罪而諸子庸其故貴富厚擅都下諸無賴子及家奴利其所有類操造危言以恐嚇之率皆取重賄或索賄不得而意未懌者則百諸官去年冬有

卷之五

班明于雲鶴者上章告變構及中官戚里鶴齡自南京逃赴韶獄瘦死明雲鶴以誣奏充成而言者且接踵未已有劉東山者以射父坐死在處巡視東城御史陳讓檄兵馬錢珊捕獲之東山故刁狡嘗誣譴宗儉等銀物無算至是乃上書言延齡夫妻父子親戚歷歷上事皆實班明等奏不誣莫脫已罪併讓珊搆致之狀仍取張氏奴陳文紳所摺奏詞一紙連封以進諸奸猾小人龐永洪千良臣劉琦郭文振王文正等又群起而和之言張氏詛咒歷歷事有迹連逐安伯陳鏞兩寧侯宋良臣京山侯崔元太監麥福賀恩李勳等諸所引無庸數十人章俱下錦衣衛拷訊獨令饒良臣及福候訊竟自奏請錦衣衛推鞫東山等所言事皆無實不可聽奏上詔釋元等俱行法司會鞠法司擬東山等枷號三月極邊充軍讓珊贖校累職饒良臣免究禍等請自上裁因言延齡罪狀多端久留禁獄其子姪驕溢傲然以致奸人垂涎財物紛紛告

計動輒指斥乘輿干犯官禁其於國體所傷非小乞將延齡早賜處死
宗說宗儉等調發南京產葉登奉奏上詔延齡仍禁錮候決宗說調南
京錦衣衛俸并宗儉家口俱隨任諸所有田宅戶工二部查數以奏討
得者悉籍還官缺券追奪總良臣如舊管事恤等免究餘如擬既而戶
部奏奉旨查明卑爵重犯張鶴齡順天府莊田原係飲賞者二十四
處三千八百十餘頃責令原佃人戶照舊承種徵子粒銀解部計每年
一次開領以為家口食費原係奏討者九處計一千四百餘頃查數追
沒入官具自置順義縣莊田一處計四十七頃許令變賣詔可○移南
京新江口水操教場於洛川衛西○四川成都府地震有聲○以水災
詔免順天府府屬州縣稅糧及羽林等衛所屯糧并各莊田子粒有差
○巡撫山東副都御史胡濙宗疏請濬河言青萊登三府地方舊有元
時新河一道南北距海三百餘里舟楫往來與販貿易民甚便之比歲

卷之五

冰塞不通商賈皆困原設開陞故迹猶存惟馬家濠中多頑石乃乞人
疏鑿未竟者今已募夫鑿通尚有停口箇鎮淺隘者一百餘里冰塞者
三十里乞勸支官帑開濬求為民利部覆如議從之○命吏部左侍郎
孫翰林學士張邦奇擢光祿卿陸深為太常卿無侍讀學士葉修玉膝
○詔罷罷耕籍禮還尚書李廷相祭先農之神○致仕大學士張孚敬
上疏請立東宮 上優詔答之○巡撫順天府御史克以平疏請濬河
言蘇州運河自殷留庄大口至舊倉店淤淺一百六十六里請發帑草銀
六百四十兩糧米五萬石及時疏濬詔可○蘇州府地震有聲○巡按
福建御史李元陽進甘露九聖詔留官中禮官請薦廟稱賀 上曰賀
露之降實拜天休朕躬謝于玄極殿薦宗廟奉而官頒賜百官大臣表
賀已之○以災傷命暫停徵淮安府額輸等賑種馬○命免各巡撫宣
赴京議事以南北頻災盜賊竊發故也○詔以親祭山陵預告景神殿

行禮○上如天壽山祀陵時以清明節親祀山陵戊申
有差○給事中呂應祥請除宣大鎮積弊從之應祥上言大同兩因兵
變親習頗風官吏百計貪錄以倉場為奇貨商人一通關節視盤驗為
虐文而宣府一鎮總理分理周克同心經收監收即如同氣併嚴誹盜
包掠敢奸乞勅戶部書祛風蠹將指揮王序耿鎮等收繫鞫問部議從
之○兩京及山東陝西福建湖廣大旱○夏四月詔賑卹饑民時各處
饑民流聚京師而永平四郡尤多聞有大役勸勸就工饑死城隅日數
千人通會河側屍骸枕籍戶部請令宛大二縣分地查覈錄名呈部人
給太倉米三斗責令還籍給事中魯燧等亦請發內帑救卹及行各處
多方賑貸從之○聖蹟亭成 上如平臺山祀文皇帝于亭中初 上
以平臺山為文皇帝駐蹕之所命構亭名曰聖蹟至是成 上欲躬祀

卷之五

之庚戌駕發京師壬子祀文皇帝于亭中癸卯御沙河宮頒食從臣甲
寅還京御史沈越上言聖駕展謁山陵孝思惟永因條法祖大事曰務
學曰勤政曰攝躬曰崇正曰納言曰親賢上之 上嘉納○復設鎮守
內臣革科道官監收錢穀時武定侯郭勛條上通選法用人才立稽考
惜民財蘇困苦諸事因欲復鎮守內臣革監收錢穀科道官下六部議
吏部尚書許讚刑部尚書唐龍工部尚書溫仁和俱謂勸言體國愛民
為必不可行戶部尚書李廷相謂科道官以諫議糾察為職監收錢穀實
非所宜其令內臣監督開鑛亦為國足財之意惟兵部尚書張瓚言鎮
守內臣初詔裁革以食殘害民永不差遣原非太祖舊制 上曰內臣
雖非舊制姑暫選用第勿作威害事取兩京內府錢穀原無科道官監
收即令革去○大雩時自正月至是月不雨甲子駕出郊壇雩祭御製
上復于宮中默禱戊辰巳巳大雨霽足群臣表賀○

詔鎮守軍夏威寧侯洗舊回京命佩征夷副將軍印充總兵官總督征南諸軍事改提督工程工部尚書毛伯溫為兵部尚書無右都御史秦贊征南諸軍事既而罷之初上以黎寧之奏暫停征討安南之師詔雲南兩廣督撫等官休勒的確夷情從宜撫勸於是巡撫雲南都御史汪文盛傳檄安南諭各土官目能預自歸順者許仍其世業令武文淵等號召黎氏舊臣多與兵自効併諭登庸能束身自歸籍上與圖者待以不死于是安南官目及鄰境土官咸願內附武文淵因攻登庸守鎮營破之登庸子方濂時已代登庸據國率兵攻文淵不克文盛以家自縣蓮花灘者其地當交廣水陸衝遂列寨樹營署兵賊腹中以為諸歸正人聲援方濂懼乃遣頭目范正毅等奉表來降授標鎮官沐朝輔等以其表聞請貸方濂俾守藩臣礼毋得與黎寧武文淵構兵歸還疆侵地併請聖遣花灘兵議効勞諸臣陞賞會黎寧亦承前檄備以本司

卷之五

四二

纂載播越之詳及所有兵馬數目水陸進兵道里陳牒朝斬所以開訓俱下兵部集府部科道官會議言其登庸父子篡主雷民罪在不赦今雖稱降尚據國土詭稱邀請意圖緩兵朝輔等所請未可輕許請正登庸父子篡弑之罪恭行天討第連三省督鎮諸臣力伴勢分一或意見不同未免彼此牽制必得文武大臣統一節制庶幾調度整肅成功可速故召舊等既而提督兩廣侍郎蔡經奏而廣進兵安南水陸之路有六因計兵食之費不貲欽州知州林希元反復以安南人心離散登庸父子亂政應行之狀上聞請進兵疏俱下兵部尚書張讀等復請會府部科道議及議上用兵事宜率常談且多前所陳謀者上不悅曰安南事必議休達道者乃見得分曉朕聞卿士大夫私相論議謂不必征討爾等職司邦政全不主持一二委之會議既俱不協心國事其已之仇焉毛伯溫令在京別用禮部請製修建皇陵祖陵碑文先是恩

陽守臣以脩建皇陵祖陵請御製碑文各一通一樹皇陵右亭以配太祖宸翰一鵠勒祖陵壽春諸王墳所事下巡按官相率議擬至是奏報禮部覆請從之○以皇嗣應祈命魏國公徐鵬舉詣神烈山大學士李時諱天壽山巡撫鳳陽都御史周金詣基運翔聖二山巡撫湖廣都御史顧璘詣純德山各行告謝礼分遣道士十八人祀嶽鎮海濟諸神○詔贈故太子太傅黔國公沐紹勛特進光祿大夫右柱國太師謚敏靖○命戶部發銀米賑京城外饑民○五月太原府地震有聲○沙河行宮興工○詔凡武舉開科試卷分別邊方腹裏及南方為三等從給事中朱隆禧等言也○端午節賜百官宴于午門○改右都御史周叙為工部尚書提督工程○應天府尹孫懋引疾乞休許之○詔脩涉河朝宗參莊三橋○保定東鹿縣地震五日○賜石諭德王用賓故父河南懷慶知府王懋祭葬用賓侍經筵有年初聞懋計詔諭祭一壇至是

卷之五

四三

後以奠請上念其諱讀勞特許之○詔禁各處海民及罷黜生員登居京師違言命用者時定遠縣生員黃淮獻大明中興謬誤書獻皇帝廟號及承天府名章下禮部以為宜加禁治故有是命○妖僧田園寺伏誅昌平州古佛寺僧田園偽造妖言惑眾入京師寓千戶陳贊家偽授贊安國公殺其庶祖母劉善秀及欲舉首人曾廣以城口東廠辦事官校捕獲併贊俱伏誅都給事中朱禧陰上言通時妖僧倡為自蓮教以惑眾謀不軌者非止一園也緣禁令不嚴人心輕玩宜榜諭中外申明保甲之法庶民不敢保邪為奸上是其言命都察院出榜禁諭嗣後有妖賊潛匿釀成大患緝事官校不預偵捕連坐之○刑部尚書唐龍以母老乞休上嘉其孝誼准終養仍給驛以歸○雲南永昌軍民府地震○巡撫鳳陽都御史周金上言海門縣埧江田千二百餘頃計我糧六千三百餘石請每石止徵腳價一錢五分餘官軍月糧支用從

之○詔申毀天下書院吏部尚書許瑄上言邇來撫按司府官多將朝廷學校廢壞不修別建書院以聚生徒動費萬金供億科擾日者南畿書院已經御史游居敬奏行撤毀人心稱快諸路亦宜查革如仍建立泰泰治罪上以悉心民隱詔內外盡毀之○兵部尚書姚鏞卒鏞憲紹人端嚴憚大以公平稱○戶部尚書王承祐卒謚康僖承祐三原人吏部尚書恕之子前為給事中忤逆瑾罰粟輸邊後累今官而蕭索好學孝友端慎卓有父風○六月詔以山西遼州同知李文察為太常寺典簿時察進所著樂書曰聖圖解二卷樂記補說二卷律呂新書補註一卷與樂要論三卷因請興正樂以薦上帝祀祖考教皇太子禮部言文察所進樂書多前人所未發且千人聲考定五音以為制律候氣之本法似徑截深合應書依永和聲之旨宜令知音律者協同肄習詔改換太常典簿同寺官肄樂○詔議明堂秋享禮奪戶部侍郎唐胄官為民時揚州府通州同知致仕豐坊上言請復古禮以隆聖孝謂孝莫大於嚴父嚴父莫大于配天宜建明堂加尊皇考獻皇帝廟號稱宗以配上帝又言天下郡邑宜各立明堂歲時祝賀君上以尊朝廷勿寄釋官以聚體統下禮部集議尚書嚴嵩言明堂之禮諸儒傳論不一其制其地眾說不同臣惟明堂圜丘皆以事天今大祀殿在圜丘之北正應古方位明堂秋享之禮即此可行不必更建至于侑享之禮詩傳以為萬物成形于帝人成形於父故秋祀帝明堂以父配之自漢武建唐宋諸君莫不皆然主親親也至于錢公輔司馬光孫忞所論又主祖宗之有功德者今以功德則宜配文皇以親則宜配獻皇帝孫忞以嚴父之旨以皇考而不得配陛下容或有所不安者至于稱宗之議則未有稱宗而不祔太廟者恐皇考在天之靈亦有所不安臣不敢妄議以負陛下其令天下各建明堂無庸崇嚴過滋煩擾惟聖明裁定上以示大學

上與言言不敢對上曰明堂秋享宜于奉天殿行之其配享仍擬歸一之議以聞皇考稱宗在今日亦不為過情何在為不宜也復命集議嵩乃言考秋享成物之旨嚴父配天之文皇考配享允合周道垂訓無極上嘉納之時戶部侍郎唐胄上疏力爭上留中不發乃設為臣下奏對之詞作明堂或問以示輔臣特黜胄為民○秋七月巡撫山西御史韓邦奇請寬調兵之禁從之先是禁不得輕調邊軍邦奇以為言部議謂祖宗令甲官里不得擅調此為小醜而言至于大盜竊發變在呼吸者女得以此為辭當勅所司講明律意即調兵勤捕亟應援之今如所議○壬子皇太子薨○巡按浙江御史張如員請治大學士張孚敬從子張那那不從初孚敬還居里中病瘵瘵從子那那竊勢自弄謀吞人田廬婦女里中苦之如員上言孚敬瘵瘵昏耗無復知識其從子那那志窮荒度謀肆吞噬流毒一郡積害十年乞下法司按嚴以彰國典孚敬亦疏許如員不職狀如員後言群奸畏罪假托大臣污蔑職仍乞下法司從公勘覈如孚敬言是臣甘鈇鉞之誅如臣言是宜繩乎敬以為大臣不法之戒仍將張那那明正其罪以慰溫民俱下院議事遂徵○詔督漕御史逮治運卒作亂罪時南京龍江等衛領運指揮陳欽劉憲等率衛卒允運江西漕米欽憲貪婪不法強索社首濕耗諸項錢穀諸卒嘯聚遂群擊之因擲擊縣官走免監兌主事鄭質夫檄禁不止遣人收首惡者諸卒益譁擁入署內持擊質夫傷額走匿久之眾乃解散巡撫都御史胡岳上其事因劾分守叅政潘漢督糧叅議王昂分巡副使陸堂坐視之罪質夫亦疏聞俱下戶部議詔行督漕都御史周金侯漕舟抵淮收欽憲等餉問從重論守巡所在即訊○八月兵部尚書李元嗣卒謚康和元嗣內江人有器度幹局所至有聲○詔加總制陝西三邊右都御史劉天和兵部尚書先是大同叛虜警上命各守

臣整搦士馬嚴令防禦至是虜酋吉囊犯河西天祐率所部將卒禦之斬首八十五級事聞上嘉天和功故有是命○新建慈寧宮成先是上命建慈寧慈寧二宮奉二太后至是慈寧先成賜營造太監高忠等金○以太子太保禮部尚書兼翰林學士掌詹事府事顧鼎臣為文淵閣大學士參預機務○九月尊太宗文皇帝為成祖文皇帝皇考獻皇帝為睿宗獻皇帝附太廟先是上因禮部尚書嚴嵩議復諭嵩曰朕惟國家之興始于太祖高皇帝而中定艱難則我太宗文皇帝宜同稱祖號皇考獻皇帝躬備大德延及朕身入嗣祖位宜薦宗稱焉乃復上議曰古者父子異昭穆兄弟同世六殷有四君一世而同廟不係父子故也晉則十一室而六世唐則十一室而九世宋真宗詔議太廟禮學士宋誼議以太祖太宗合祭同位其後禘祫圖又以太祖太宗同居昭位皆古事之可據者今皇考與孝宗同氣之親同為一世臣謂宜奉皇考與孝宗同為一廟蓋四世之廟稱為獨親我太祖即位仁祖雖自布衣必享天子之祀皇考固獨缺焉聖心必有所不安又言古禮宗無定數祖非有功者不得稱漢世稱祖有高祖世祖光武再追漢高祖無二祖之義我文皇帝一萬世之鴻業功莫大焉樂以宗稱于義未嘗尊祖為祖聖見允為出神聖愈然無復異議上命各擬廟號上曰上大學士言擬太宗為烈祖孝皇帝上不從定為成祖至是恭上廟號尊文皇帝為成祖皇考獻皇帝為睿宗知天守道弘德淵仁寬穆純聖恭儉敬文獻皇帝附于太廟○大享上帝于玄極殿奉睿宗配享初上議舉明堂秋報禮于奉天殿既而改議撤南郊大祀殿建大享殿行之是秋大享殿未成乃就宮右玄極殿行之以睿宗配享○至是享成宴群臣于謹身殿布詔天下詔曰朕繼承室位十有七載于茲追繹我太宗文皇帝宜以有功而祖報皇考獻皇帝宜以有德

皇明嘉隆間見紀卷之六

嘉靖十八年

春正月庚午朔○禮部議進喪服諸制 上令畫圖註釋○諭巡
承天時勅脩大峪山陵命奉迎獻皇帝梓宮又勅巡撫湖廣副都御史
陸杰等迎護梓宮防衛周密勅已下有言顯陵山川之勝不宜遷祔者
上乃欲巡承天躬閱諭曰朕惟孝子事親送終為大皇考顯陵日者
建造狹隘雖增修猶多未稱朕將躬詣陵下與諸左右大臣周閱山
川更卜吉兆重建玄宮以安皇考皇妣之靈擇於二月望日子夜發京
中外其悉知之于是給事中曾熒等御史劉仕賢等各奏留不報吏部
尚書許讚等亦各疏陳請勿南巡 上曰今事已定而惑於群議非實
有諫止之忠宜思之勿為此沽名之舉左都御史王廷相特疏進言聖
駕南巡有謂輦路所經災荒特甚盜賊蜂起恐有犯屬車之清塵者有
謂近邊磨磨日伺邊警與遠涉恐有突至昌平逼京師者有謂尾從
軍校內外從官不下數萬恐費糧草供應不貲者然患猶在外處置得
宜可保無事臣之所慮則皇上玉體時間不快登歷長途衝冒風霜六
氣襲之五內受之萬一違和誰其任焉且巡幸一事所關甚大居中可
以制外機權由已處外必假託付機權屬人况勞人動眾加以苦急無
聊患起不虞理勢或有臣請當事者自行必能辦事所供賞賜留為修
建之用不惟免皇上遠行之勞且大事易籌意外無幾一舉三得疏入
時 上孝思深篤南行之議已決雖知其忠不及用也○詔起故大學
士翟鑾為兵部尚書兼右都御史行邊使 上將南巡念邊防事重命
兵部大臣總督戎務復傳諭起鑾為行邊使因發帑金五十萬兩付鑾
分勞沿邊將士○進武定侯郭勛為朔國公以去冬祗薦皇天上帝冊
表勞也○命選官僚時吏部上言冊立東宮在通宜慎選官僚以裨聖

功 上命大學士夏言額昂臣遴選勿論卿貳臺諫即官致仕間居一
體按用一時於兢之徒內外蜂起既而選定溫仁和等三十有七人中
多不愜人望者給事中周琬力以為言章下吏部以將巡承天姑寢不
議覆○二月冊立皇太子日下五色雲見 上以南巡在邇乃冊立皇
太子載堦為皇太子當午日下有五色雲見長徑二丈形如龍鳳是為
卿雲大學士夏言額昂臣以聞 上命禮部擇日昭謝尚書嚴嵩請於
翌日祈穀禮畢御奉天殿受賀 上曰慈寧几席未除其免稱賀○冊
封裕王景王上既立皇太子乃封皇三子載 為裕王皇四子載堦為
景王時皇五子載璽皇六子載壘皇七子載墳皇八子載堉俱賜追封
為親王王戚懷王薊哀王均思王○大學士張孚敬卒贈太師謚文忠
孚敬永嘉人慷慨任事不避嫌怨 上親按古謚法以其危身奉上特
謚文忠眷顧之厚終始不替云

卷之六

謹按鄭端簡公曉曰張公晚年發憤抗朝議受知聖明得柄用攬才
俊謝苞苴孤立行一意元侯中貴戢戢飲東要亦有以服其心矣又
許文簡公曰公天性孝友氣度朗豁博極群書奇偉過特非時俗庸
淺所能揆測及當事蒞政執法以往剛嶮不回遭遇聖明建明大禮
乃知殷宗思治廢帝齊傳周宣中興嶽降生申有由然也
命皇太子監國以宣城伯衛輝為留守使大學士顧鼎臣同留守使本
兵張瓚泰預機務與太監麥福協守及分守京城官十八人賜與臣勅
曰朕幸承天已冊東宮監國特留卿贊輔協董文武重臣居守內自掖
庭外而都城遠及邊鄙百司庶務悉以付卿事須入告者以賜印密啟
○上幸承天府時少師夏言學士陸深侍讀屠應峻胡經等尚書許讚
李廷相嚴嵩楊志學侍郎袁宗儒張衍慶江曉高韶及朔國公郭勛等
扈從 上命戶部侍郎高韶偕郎中六人齎白金三十萬以備途中供

億勿令缺之其處從諸官兵部印給關符每一署官各一備列供需事
目以速關發纖悉俱備乙卯車駕發京師○駕次彰德趙王遼帝於漳
水朝於行宮○駕次衛輝汝王來朝行宮災奪河南撫按等官初上勅
止汝王勿出遠近及車駕至衛輝御行宮王乃來朝王 上父行由東
闈入御前行朝見禮 上避座受之詔加歲祿五百石賜金幣是夕有
火起行宮延及御寢 上遽還莫知所避錦衣衛指揮陸炳排闥入員
帝出詣中官婢內使焚死者十數人盧薄服御焚燬殆半 上命王廷
相檢括法駕三日乃行及抵亢村河堤行殿復災 上大怒命逮繫撫
按二司官於是巡撫易瓚巡按馮震布政使姚文清按察使龐浩等俱
下詔獄奪其官因繫有司以示儆○命祭嶽瀆及古帝王聖賢祠墓初
上命禮官朕往過途途凡有附近嶽瀆及古帝王聖賢祠墓預奏遣
祭於是次真定望祭恒嶽衛輝祭濟瀆榮澤祭河均州望祭嵩岳俱用

卷之六

三

大牢古帝王聖賢遣祭用少牢忠臣烈士祠用脯醢乃遣駙馬都尉鄔
景和如裕州祭漢世祖南陽祭諸葛亮襄陽祭羊祜均州祭武當山之
神○三月 上至承天府謁皇考於隆慶殿先是庚午車駕次鄭州鄭
王周世孫來朝辛未次鈞州徽王來朝詔各加歲祿三百石賜金幣故
少保賈詠失朝奪其散官乙亥次南陽唐王來朝已卯至承天府入御
舊邸卿雲宮遂祇謁皇考於隆慶殿○上謁顯陵辛巳駕至純德山及
紅門降輦稽首遂乘騎登陵山立表於皇考寢陵之北周覽久之命改
營焉御製純德山喜而自得之詩命輔臣等屬和壬午詔增顯陵園垣
遂定新宮之式自是遷祔之議始寢○享上帝於龍飛殿奉皇考獻
皇帝配申申命于龍飛殿祀上帝配以皇考仍親製樂章奏之○祀顯
陵乙酉 上祀顯陵悲思瞻敬再製獻陵歌以示大學士夏言禮官嚴
嵩等命屬和戊子以大享禮成 上御龍飛殿受群臣朝頌詔天下時

楚王來朝守制侍講學士康道南衣緋入朝獻南巡江漢賦景雲頌
上覽之命付史館賜以酒饌既而以居憂衣緋命奪官永不叙○上駕
還京庚辰以回鑾詳告獻皇帝壬辰駕發承天府製思恩賦因念所經
供億良苦賜免承天府田賦三年湖廣諸府十之四河南十之三○詔
改吏部右侍郎顧璘為工部左侍郎時顯陵肇工命璘領山陵事璘長
於料簡而程省費憚調發有制視他所管率損費十五而功實倍之○
以方士陶典真為神霄保國宣教高士典真即仲文師事致一真人邵
元節元節病不能從南巡乃薦典真 上命給詔印仍許携其家於官
○真人邵元節卒贈少師謚文康榮靜元節龍虎山道士始以符籙見
上璘兩有應累遷致一真人禮部尚書至是卒贈資善厚
謹按王司寇世貞謚法考曰方士之有謚也自世宗始也謚而四字
淫矣而使方士得之則益淫也又按顧文康夏文愍碑誌云邵初死

卷之六

四

內閣擬二謚御批俱用耳

四月詔賑鄭鈞饑民已亥 上次榮澤時鈞州至河大饑野殍相望學
士陸深勸撫臣胡繼宗請賑續宗唯唯及 上濟河御舟大學士夏言
及京山侯崔元同以為言 上為動容命發行帑白金二萬賑之復問
曰能活萬人否言奉命傳示於外○命改御史謝少南為左春坊左司
直兼翰林院檢討時少南上言慶都乃為帝堯肇封之地堯母乃帝譽
元妃今縣城內陵墓具存當時祀典失于紀載今乘輿親臨千載一會
乞賜表揚以弘達孝光巡幸 上曰帝堯父母異陵可見合祭非古耶
命有司修建祠寢副朕追崇往聖之意謝少南建白可嘉改授左春坊
左司直兼翰林院檢討○御史劉士達以巡狩陳言三事一普文教二
嚴更治三紓民力 上是其言下所司議○山西地震○庚戌彗星見
芒長三尺許光指東南掃軒轅北第八星旬日乃滅○聖駕至京師是

月望日壬子 上至京由宣武門還宮往返計兩月云 上入御文華殿命禮官奉告太廟及奉先殿既而御奉天殿受朝○金星晝見○上幸大峪山甲子駕幸大峪召禮部尚書嚴嵩論曰大峪地勢空率豈如純德山完美謹奉慈宮南狩于是大峪之役始罷○五月令大學士夏言致仕奪其勳階既而召還以為少傳兼太子太傅復入內閣初 上命言選官僚給事中周琬劾言不公章獲未獲而自悅皇甫濬皆禮官宜從 上南巡者以擬改司直檢討遂留不行及 上至承天頒賜扈從諸臣中官按名唱之悅濬皆不至給事中丁湛遂劾二臣賞緣華階未經部覆尚係即官避不扈從大不敬 上怒奪官二級外補先是上幸大峪山內閣以居守勅稿進覽遲緩 上責言曰爾職何事此時方呈勅草耶及至承天言有密奏不用原賜印記又命錄原進文字旬餘未上 上責言欺慢狀言具疏引罪 上大怒曰言自微官朕命張

卷之六

五

別加罰治則臣死且不朽疏入 上曰言既寶君命手澤可見其言皆追取數日不緻必有殘壞禮部其亟取以進姑念昔日贊儀郊典章其勳階少師官職其以少保兼尚書學士致仕言乃檢手勅諭帖起自九年至十八年共四百餘道印記一顆具疏上之 上諭吏部閣臣夏言初出朕簡用首因奉示建贊止郊茲典至大言知之真正克贊成之朕嘗曰昔年敬為綱常立論正吾父子之名言不忘禍患能贊再復皇祖初禮二臣於戎有助不意言以傲慢之資起進承卿之任身居是位猶不警勵昨已令去之然朕懷念言建助大儀力贊隆議其復少傳無太子太傅還閣辦事贊終喪禮宜省思盡忠未可怨尤君上也即日任事初言既罷政將行詰閣辭 上遣司禮官止之命還家候旨隨降是諭言即進閣疏謝 上曰覽卿已赴閣朕知悅已卿宜益勵初忠盡心輔政事秉公持正不惟副朕任亦免眾忿也卿其思之言復疏謝且言自處不敢後于他人一志孤立為眾所忌 上覽之不悅隨詰責之并硃塗疏中洗改字數處言乃惶恐引罪得旨報聞○詔設興都留守司 上以承天府為興都設留守司統顯陵承天二衛比中都為建聖諭碑於承天府榜其城樓曰顯親達孝之城○茲孝獻皇后梓宮發京師初 上還自大峪乃定議祔葬獻皇后于顯陵下以是月甲申發慈寧宮往奉天命禮部尚書溫仁和等及諸內侍護從由會通河朔舟而去既而至漢口江沙淺遊有司懼議所以驟通之策適西山大雨漢水增漲梓宮得順流而下撫臣以聞 上喜曰朕仰荷天休慈神孔安朕心寧悅○兵部右侍郎蔡經復計斷騰峽諸盜悉平之詔進經左待郎加平遠侯柳理今少保初柳經承命撫膺集諸司議發兵曰諸君虔賊賊頭兵幾何副總兵張經曰不過萬人蔡經曰太少沈希儀曰非八萬人不可蔡經曰太多副使翁萬達曰二君言各有據製而取之曰勸經罪

卷之六

六

討之曰征由張君言勦也由沈君言征也然公賊為俗久矣勦之無功
從沈君言便會朝議欲征安南事遂已公丁等益憤時出殺掠粵人苦
之萬達言之蔡經御史鄒亮臣亦贊之經乃會安遠侯柳珣決計發兵
以兵事屬萬達萬達廉得百戶許雄素通賊狀切之曰能擒公丁貸汝
死即論如法雄懼請効力自贖萬達佯庇公丁謂仇家誣之耳乃捕
繫許訟公丁者教人公丁果遣人自列萬達亦伴許之又令雄假稱實
為賄公丁喜益信雄會萬達巡他郡以事屬蔡議田汝成汝成召雄申
飭之雄給公丁詣汝成自列言寇堡事蔡他徭汝成亦慰遣之乃密授
意城中居民被賊害者家出殿公丁一市皆諱將微弁逮公丁入繫獄
遣雄諭其黨曰寇堡事公丁委罪諸僇果否諸僇遂言事果自公丁聽
論坐不敢黨乃檻致公丁於軍門磔誅之汝成乃言之督府謂首惡既
擒宜乘此時進兵討賊經許之會沈希儀病乃以副總兵張經將左軍

卷之六

副使翁萬達監之以都指揮高乾將右軍副使梁廷振監之以副使蕭
曉紀功參政林士元及汝成督餉以是年二月兩軍齊發左軍三萬五
千人分六道攻蕪湖石門等處嶺木昂藤中大坑等巢右軍一萬六千人
分四道攻碧灘羅漢上中下峒等巢南來夾擊賊大窘遂擁衆奔林峒
而東王良輔數擊之中斷復西奔諸軍合擊大破之斬首一千二百級
復追至羅漢山又斬百餘級會平南縣有小田羅應古陶古思諸僇亦
據險弗靖萬達等移兵勦之因招降賊黨二百餘人江南胡姓諸僇
順者亦千餘人藤峽復平萬達汝成乃同獻議于督府凡七事一曰編
保甲以處新民二曰立營堡以通江道三曰設營備以控上游四曰改
州治以處屯所五曰清狼田以正疆界六曰處欵兵以慎邊防七曰權
商稅以資公費議上蔡經多採納疏請行之捷聞蔡經改左侍郎進秩
一級柳珣加官保諸將帥守臣皆賞有差○更定官僚初夏言選擬

三十七人內崔銑黃佐羅洪先唐順之皆起廢自家人無異議其筆
胡經屠應峻薛僑史際白悅皇甫孝胡守中八人為周琬所劾既而白
悅皇甫濬謫補外任胡守中擢僉都御史吏部仍以蔡等上請上命
察與胡經屠應峻薛僑史際仍守原官別選堪為官僚者言官又謂南
京吏部侍郎費案給事中呂懷黃易皆夏言私親上亦命案等各守
原官于是言等乃舉江西副使徐階為洗馬兼侍讀考功郎中任翰為
左司直兼檢討文選主事周鈺為右清紀無侍書復趙時春為編修無
校書仍以胡守中為副都御史無屠事府丞起故編修王同祖為司業
燕校書官僚始定時給事中錢徽上言所選官僚不宜用此奔競之徒
亦不欲顯擢其醜上曰既云所選非人又不明言奸佞至此哉今削
籍不叙○右都御史朱震卒案性峻直有清操嘉靖初綜覈吏治舉五
人卓行而震第一歷官三十年人謂有先朝名臣之風○六月丁酉朔

卷之六

雷震奉先殿時雷擊殿左吻并鼓樓毀上召大學士夏言顧鼎臣往
視時暑已移辰言等尚未入政府上不悅曰輔臣朕所憑倚恣逸若
是何以表率群工命禮部劾之言等請罪上曰朕每寬言過非為言
為左右裁重也言乃滋傲情成性歲不知警何以表率百僚臣亦相
效既已知罪姑宥之自後諸司敢肆過職非者部院奏參相實護者連
坐既而上終告戒諭群臣同加修省左都御史王廷相因應詔自陳
上言人事得而後天道順大臣法而後小臣廉臣親今日士風臣節知
災異所由來昔在先朝蓋有賂者猶百金稱多而今累千鉅萬以為常
蓋有貪者猶膏行畏人而今明目張膽曾不忌大臣貪濁而安處則小
臣傲效京官貪濁而無患則外官鼓動于和召災率由斯致臣不能正
身格物使災絕風清乞賜罷黜以儆有位不允○秋七月頒賜御製大
狩龍飛錄於文武群臣及各王府○戊寅水火金四星聚于東井○

遣官賜書禮於汝府等王荅南狩來朝之禮也○瑞昌王府輔國將軍拱柄表進大學頌一章 上留覽以奏牘不謹下禮部奏劾尋宥之○致仕通州同知豐坊奏卿雲雅詩一章詔付史館 ○河南水城知縣劉瑞進瑞麥一莖七穗者二本 上曰麥粒我民允為至寶朕當勉修敬德以荅帝貺○賜行邊使尚書翟鑒總督尚書毛伯溫侍郎樊繼祖銀幣以三臣在邊有捍禦功也翟鑒因請於宣府之方城許家庄東井各修築城堡添設官軍守之報可○逮訊襄陽典史王文魁等治罪先是聖駕謁南巡文魁同民人栗奎詭列民行為奏疏語多觸犯傳流道路冀得聞上停止而李文政等復用黃帖抄謄傳播東廠旗校緝獲以聞時栗奎已故有旨逮訊文魁等坐妖言惑眾律及二十餘人各治罪有差○以冊立東宮恩賞在京養濟院窮民五千八百五十餘人各米四升○命發清江廠造船餘銀三萬兩為臨清磚廠燒造雇運之費○

卷之六

工部侍郎顧璘巡撫湖廣都御史陸杰疏請隆慶慶儀式 上以禮殿規制已善不必改惟奉天府陽春門外并城樓舊制卑隘宜改造高大壯固○以冊立軍恩慶兵部尚書熊右都御史毛伯溫子朴戶部侍郎高公節子鈺禮部侍郎蔡昂子應炎工部侍郎無右副都御史顧璘孫履祥通政使許紳姪沐太常卿陸深子楫順天府尹邵錫子准庭天府尹袁檮孫勿南京光祿卿楊維聰子文祥巡撫山東右副都御史曹蘭孫文巡撫大同右副都御史史道子直臣巡撫江西右副都御史胡岳子鍊撫治鄖陽右副都御史王以旂子管巡撫遼東右副都御史劉漳子思正巡撫河南右副都御史胡繼宗子初巡撫山西右副都御史賈迎子桂巡撫江西右副都御史王暉子誠俱為國子生既而又歷提督兩廣侍郎蔡經子思恭巡撫甘肅右副都御史牛天麟子宇巡撫湖廣右副都御史陸杰子光鼎巡撫陝西右副都御史任裕子瓊巡撫貴州

右副都御史張鉞子繼芳光祿寺卿趙廷瑞弟廷璋亦俱為國子生○召起右副都御史能決為南京禮部尚書○雲南楚雄廣西臨安三府地震臨安民有壓死者○日本國王復遣使來貢先是嘉靖二年日本使臣宗設等入貢比歸擄掠中國吏民以去自此紀不通貢者十有七年至是復脩貢浙江鎮巡官以聞 上曰夷姓多謫不可輕信巡按御史督同三司官嚴加譴審果係效順如例起送仍嚴禁所在居民無私與交通以滋禍亂餘如所擬○顯陵二聖玄宮成○尊獻使京山侯崔元監禮使禮部尚書溫仁和各疏報山陵事竣 上悅溫育荅之○吏部右侍郎無學士張邦奇請假送母還鄉 上謂大臣祿養壽母乃自古治朝盛事所請不允○命臨淮侯李廷竹食書南京右軍都督府○賜文武大臣命婦金幣○詔加戶部尚書梁材太子少保材十七年考尚書六年滿奉旨致仕至是召復原職吏部以例請 上嘉材清操著

卷之六

聞乃有是命○補鑄嘉靖制錢命兩京工部各監造初南京吏部司務朱希臯疏言開礦濟用不若倣古採銅充賦設官鑄錢又禁其偽以行其真新錢既成貿易轉輸賜予俸給皆於此取之甚便章下戶工二部覆言今天下州縣則壞成賦為籍已定若復括銅充賦未免紛更且兩京俱有寶源局開鑄法未嘗廢可特令補鑄制錢之數仍申嚴盜鑄阻壞之禁詔如議行於是申令行錢地方無論制錢及歷代舊錢無用每好錢七十文准銀一錢低者以二折一有藏蓄私鑄鉛錫小錢者許自首免罪仍依時估給與鉛錫之直不首者捕治如例○詔賜遼平王府奉國將軍安清金幣初安清以聖駕南巡大建醮典為上祈福適有鶴自天而下至是周世孫朝炯以聞 上嘉其精虔資以金幣○戶科給事中楊上林疏論順天府尹王道中言道中係京師人桑梓故鄉例應迴避而偃然受命非所以遠嫌疑一政體也既而考察自陳請致仕○

南京禮部尚書霍韜等獻聖功圖時輶典考功郎中鄒守益言皇太子幼未出閣未可以文辭陳說惟日聞正言見正事則可為養正之助乃繪圖為十三事以進一日文王為世子問安二日視膳三日文王世子齒胃四日漢桓榮授經五日神堯茅茨土階六日大禹菲食惡衣七日卑官力漁八日周王知稼穡難九日周室后妃蠶織十日宮中隙地聖祖令種蔬菜十一日西苑稼穡十二日西苑蠶桑十三日商高宗訪道 上覽之曰此冊語多回隱假借訛謗無人臣禮姑宥不罪○遼東遼軍作亂總兵馬永勦平之時廣寧衛遼軍終伏作亂求以家丁夜不收三百餘人嚴捕斬首四十級生擒二賊無一人脫者初遼東有變上丁將於輔臣李時時謂永有家丁三百餘威勢勇善騎射至是永果以家丁立功乃進永為左都督○閏七月詔諭朵顏夷人不得授職事時朵顏衛夷人打哈以姪輩蘭白等俱得職事而己為花當子乃猶未得因欲阻貢以脅求都指揮職事語甚不遜薊州巡撫張漢等請調兵備勦 上令巡撫明諭不當受職之故彼宜聽受遼東官軍且勿輕調○庚申獻皇帝獻皇后合葬於顯陵新寢既而勦輔大臣以神主升祔廟享大禮嘗成上言奉慰 上曰朕冲昧稔愆累及父母今者送終禮畢孤惟求慕轉覺不堪卿等陳慰具悉忠悃但人子之情未盡莫如朕甚奉天動民恐亦冒昧卿等其悉心匡朕不逮時少詹事孫承恩獻慈孝獻皇后山陵禮成頌一通 上留覽○宣城伯衛輝遂安伯陳鍾請有與上以提督營務勞故特與之○南京禮部侍郎呂柟罷稱因登見雷震之災上踰自列遂命致仕○召霍韜為太子少保禮部尚書掌詹事府事時輶入京道過揚州遇南京進鮮太監張禧還舟八艘挽卒數百部傳苦之輶命候吏罷其原閑止用一艘十餘卒乃自揚州至天津通簿錄之總計乾沒二千餘金至京奏聞章下兵部○八月大計京官

國朝今甲每已亥年殿最京官黜陟之皆以二月是年以 上南巡吏部奏移八月時南京奏黜者七十人屯田御史錢籍自知見輿乃疏劾考功郎中章衣與大計疏並上 上曰錢籍既黜如何仍用御史印法當置理第已削籍姑免流放○詔逮繫大僕卿楊最訊治外于獄時上諭輔臣曰朕欲命東官監攝國事重務仍請裁決朕靜攝一二年即可親政如初最聞諭即上疏言聖諭何為至此揆厥所由不過信方士調攝修養耳夫堯舜性之湯武身之非不知修養可以至德以不易得也不易得所以不學豈謂堯舜之世無德人堯舜之智不知學仙哉孔子謂老子猶龍龍即仙也孔子非不知老子之為仙不可學也不可學豈易得哉臣聞皇上之諭始則驚而駭繼則惑而悲大馬之忠誠有加周昌期期不奉詔者皇上端拱清穆恭默思道以純心契天心以孝念格玄穹不適聲色保復元陽不求仙而自仙不期壽而萬有千歲黃白之術金丹之藥悉傷元氣本性不可服用也至於監國重事臣不敢及自有大臣主議陛下定裁九重之暇肯一留意庶紀人之憂或可比韋絃一助疏入 上覽之大怒詔逮繫錦衣衛司獄之瘦死獄中○虜人宣府塞西路參將賈英禦之敗績時虜酋青台吉哈喇台吉那林台吉皆屯牧塞外時時掠宣府至是復入塞英見虜少率眾禦之亂行而前入虜伏虜殺我將士千餘人掠戰馬千匹益深入兩路殺掠人畜萬計總兵官江恒楚不出援事聞奪桓兵柄○九月乙未朔日食三分在未明之前免諸司救護○命兵部尚書毛伯溫督師威寧侯仇鸞為總兵官進討安南時伯溫總督宣大軍務乃移鎮廣西集兵餉為出師計萬受命演行請帶閒住省祭官吳電等十人與俱 上怒令兵部查議以聞兵部因奏寬等越例妄請駕亦尋疏引罪 上念駕方膺重命姑不究令法司逮治電等實緣希進之罪○復祭大同五堡成巡撫大同

副都御史史道修築大同弘賜鎮邊鎮川鎮虜鎮河五堡堡成至今類
焉代人建立三祠以祀道○禮部上聖駕躬詣長陵奉安成祖陵祀儀
注辛酉駕發京師駐沙河勅駙馬都尉京山侯崔元刑部尚書周鼎
居守壬戌駕至天壽山行宮○冬十月乙丑朔上躬祭長陵立成祖
文皇帝陵碑○皇太子千秋節賜文武百官壽○命戶部右侍郎王
果兼僉都御史往河南賑濟時河南災甚巡撫胡繼宗奏乞特遣大臣
發內帑銀往賑戶部覆請即委續宗督所在有司發倉庫賑濟不給始
以內帑佐之 上曰地方災重民農歿亡數多朕心惻焉其亟推有才
識大臣往彼設法賑救毋得視為故常乃命果往○鎮守大同總兵官
梁震卒震榆林人深沉有機略騎射絕人初為指揮即以敢戰知名不
十年為西邊大將每出塞攻虜虜人畏之至是卒賜祭葬贈太保諡武
莊○詔賜光祿少卿蔣欽祭葬欽常熟人武宗朝為南京御史劾奏逆

卷之六

十三

瑾擅權亂政被逮拷死瑾誅贈今秩後 上允官請命所在立祠祀
之而廢其子院入監至是巡按直隸御史陳惠復以祭葬請故有是命
○命加大同巡撫史道兵部右侍郎兼都察院左僉都御史先是妖賊
楊通等暗結叛軍劉天爵等謀變欲先殺親王鎮撫等官道廉知之乃
伏兵先時撲滅黨眾數十即日兇軍逃伍者不可勝數該鎮倖免獲報
之禍既而連賊入犯右衛丁家村又入犯石槽關等處道調遣兵將對
敵斬獲賊級甚多又虜賊大舉入寇道又會同總兵官梁震分道督兵
於紙房頭等處斬獲賊級眾沮回至是以修築大同五堡功程敘次
總督尚書毛伯溫及行邊使翟奎已故總兵梁震巡按御史皮東山建
議督修之功 上嘉道功云伍堡修設已成委益邊防大計史道盡心
邊務忠勤可嘉乃進是官仍賜銀幣廕一子入監加鑾伯溫俱太子少
保震贈太子太保○詔遷繁新城知縣吳璣詣京廷杖戍邊尋以亡命

誅之璣在縣聽斷不審時潞州衛軍餘唐剛戍後妻言訟于誠不孝璣
收鉞捶之幾死縛至市命屠僧江道朱雲支解之鉞弟亮走訴巡按御
史金清清檄保定府收璣置對得唐剛後妻惑妬狀鉞非真不孝者乃
誅其事以聞 上曰璣專殺非罪當抵死乃逮繫至京廷杖一百絕遞
世成後以亡命卒誅之江道朱雲亦各論戍○詔覈句容祖跡時巡撫
江西都御史王暉句容人也上言句容朱家巷皇祖故鄉墳址具在乞
會官覈實表揚以光聖孝 上然之乃勅南京禮部侍郎崔統會撫按
覈訪既而統持不可曰興王之墓失實為罔事竟寢○十二月太常寺
卿穆孔暉卒諡文簡孔暉堂邑人夙有俊才好古文辭行已端雅士論
重之 上念講讀勞卹典從厚○詔錄故大學士劉忠孫存恩為中書
舍人○庚辰日生暈及左右珥白虹亘天○虜人宣府及榆林塞時
虜初入宣府深井諸堡詔遣總兵江桓下獄既而復入榆林塞殺守將

卷之六

十四

宋隆○今武職爭襲謀殺者族姓皆不得承襲時南京和陽衛舍餘李
鰲謀襲祖爵殺其兄子百戶王鰲子堂實襲鰲為之南京刑部論戕殺
宗親罪死奏請楊黃從之因命武職爭襲官爵謀殺宗支者雖有族姓
不許承襲著為令○詔撤行官 上回鑾後請道行宮未撤中外流言
訛傳自息有司不籍口需求 上命亟行之○詔賑河南饑民時撫臣
王果上河南饑狀 上命亟發德州倉米較賑卹○詔存問工部尚書
陳雍時雍年九十有前行知府湯紹恩請加禮以示風勸 上嘉雍德
壽賜以羊酒令巡按浙江御史及門存問給米併後夫歲以為常

庚子嘉靖十九年

春正月甲午朔○貴妃關氏薨妃出皇長子至是以疾薨 上痛悼之
追封為皇貴妃○以太子少保兵部尚書無都察院右都御史行邊便

翟鑾為禮部尚書武英殿大學士仍入內閣參贊機務○詔城沙河行官時行官將成上勅兵部侍郎樊繼祖營築城池會順天保定二撫臣議畫工役于是巡撫保定都御史劉隅以工直錢穀上請上命工部酌處之○以刑部員外郎劉汝楠為湖廣提學僉事初江以連主試福建汝楠以險狹得解首明年會試南宮為主試張孚敬所黜仍戒榜之後第進士歷官員外至是遷湖廣提學僉事御史舒鵬翼論劾汝楠為文離經叛道如白晝魔語使任督學長浮競薄靡將何止仍乞勅下部院查覈天下提學官有如汝楠與近年張翺江以達者併行斥逐庶文體正而士習可端吏部尚書許讚發言汝楠鄉貢文字固多奇險會試南宮已就平實姑令督學如仍尚奇險即行糾黜上從之○巡按順天御史馮彬請設餉保重臣不報彬上言薊州一邊起自居庸延及山海關橫亘五百餘里環拱京畿密邇陵寢為國家要地國初置大

卷之六

十三

寧都司于喜峯口外直隸州地復置營州等衛所十餘以控制之又封建親王其間西聯宣府東接遼陽儼然藩屏之重成祖以朵顏大寧福餘三衛靖難有功乃從大寧都司衛所于保定徙軍府于江西而以其地與之仍官其酋長為都督等官歲令百人入貢厚加資賞使為藩籬而已已之變乃北向構難成化間管造大臣經畧後復報罷近年以來益為窺伺入貢後期或時為侵掠不可不慮雖有撫臣申飭警備而燕治民事彼此率合宜專設重臣付以便宜使駐劄州保定以固邊防疏入不報○巡按陝西茶馬御史沈越請節省地畝課茶腳價有奏獎以慰民困從之初漢中府所屬金州西鄉漢陰石泉紫陽五州縣歲辦地畝課茶伍萬餘斤西安漢中臨洮華昌平涼鳳翔六府每府編茶夫百名每名徵價貳兩五錢解漢中府收貯大戶解茶到府領銀自行雇脚運至茶司後漸微解不完借支他項解茶大戶領銀費復科派盤

纏揭借私債負累告擾迄無之歲越因上言茶運衙門官吏夫役冗濫先經裁革今已五年不期微解夫銀累有拖欠大戶領價浪費復多茶多人少路遠力疲經年不到有誤易馬而科派揭借年復一年伍州縣貧民何以堪之夫以五萬斤之茶每年公私之費至四千餘兩傷財亦甚况陝西地方控制三邊賊重差繁民貧土瘠小民額辦多不能供所擬腳價委應減省因定冬路腳價各府原編茶夫價銀通行免編止將累年拖欠并存留各府者微解支盡候支進之年止行南鄭徽州昭前編征其收茶大戶止令赴司驗收以防中途抵換西鳳等府如有盤獲私茶類齊封記各由通運轉解茶司則官無遲誤催督之擾民無重差負累之困課茶易完易馬有資邊方馬政少裨萬一疏入上嘉其省約為民令行之○巡按雲南御史謝諭論勅禮部尚書嚴高言高為燕喬所劾不自咎責倖辭巧辯謂贊易明堂危蹕南幸為諸臣所嫉蓋假

卷之六

十六

此以揚已功激聖怒而指眾口耳豈自解之本心哉臣在遠方不知臺諫劾者何指但高之可論難以枚數選擇字生通融無義宗藩陳乞索賂奏獲至齋詔官役亦索重賄旋日仍求土物且收買童男充斥家庭歌舞自娛或待價轉沽豈宗伯大臣所宜為乎疏入報聞○二月清軍御史姚虞上流民圖言今承天修建陵官及陽春等門工作匠役官為召募助糴及河南饑民皆來就役求食携妻孥不下萬計而匠額有限不能容收屯聚饑饉積載途其尚存者或鬻子捐妻或剝木掘草或相向對泣或殞首於天猶可言也及其父不顧子夫不計妻親累于陰風積雪之中旬旬於頻垣荒墟之下臣竊憐其心撫膺流涕有不忍言夫承天陵寢之地二聖妥靈之所而流民死亡妻孥萬狀二聖之心必有弗安謹效鄭公繪圖十二以聞乞聖明垂覽從宜賑卹謹請將那縣預備倉糧入公三斗論令回籍從之○罷武舉科時歲例

當開武科鄉試兵部上請 上曰武舉未見得人姑已之兵科給事中
王夔因上言取之不廣故習者少自陛下定制三年一試取至五六
十人士皆踴躍思奮一旦報罷恐士鮮體詔如前不許妄議○詔
興 上命修葺舊邸宮殿督工太監袁亨預計工直總用四十六萬
有奇移文監督侍郎顧璘轉咨撫臣陸本恭因上言湖廣連年水旱民
困已極大工重費自非一方所能辦乞行開納事例令天下郡邑凡輸
納者俱赴璘處收貯以備支用章下工部議行之○三月癸巳朔日食
○御史楊時煥得仁等疏請以故禮部侍郎薛瑄從祀孔子廟度不從
時略等言瑄國朝大儒宜從祀文廟詔下儒臣議尚書霍韜等十三人
議宜祀庶子童承叙等議宜緩檢討郭希顏等以瑄無著述功議不必
祀給事中丁鴻等請從衆議之多者 上曰薛瑄能自振起誠可嘉尚
但公論久而後定宜俟將來乃從童承叙等議○詔營仁壽宮先是命

卷之六

十七

修慈慶宮景陽宮及壽宮雖官諸役繁興費已不貲俱未告完至是又
命修西苑仁壽宮給事中朱憲御史金聚等各上言前舉慈慶等工動
以百萬計而此宮之役料直人力當復倍之倘事在得已乞為暫輟則
寬一分小民受賜一分 上曰朝廷一小舉動輒行費擾姑置不問○
虜人榆林又入宣府塞虜入寇榆林破清平堡入米脂殺掠人畜萬計
焚芻糧數萬長驅而出總兵周尙文駐兵青秋原虜退以捷告虜又入
宣府破北路馬營諸堡掠神鎗砲千計芻粟牛羊萬計往時多掠婦
女近年遇婦女輒殺不掠此時又掠一婦○詔湖廣置刑西道設守巡
官時湖廣江華縣苗寇屢道堅等五百餘人羅田縣強寇張友忠等二
百餘人竹谿縣竿子冠一百五十餘人各劫掠鄉鎮拒殺巡捕主簿及
巡檢等官 上下命督撫臣陸本恭因請分武昌道之德安府刑南道
之承天府置刑西道設分守臣官駐承天府巡官駐沔陽州以護漢疆

○詔增頭陵陵戶二十名其後恩殿每年供用昭隆慶殿一體供辦從
守倫太監傳霖請也工部右侍郎顧璘因上言修頭陵陵官殿計銀四
十六萬兩有奇請派南直隸浙江江西福建兩淮兩浙鹽司協濟又言
承天大工並興軍夫匠役日食米四百石無以荒旱不給宜將借用承
天用餘南糧先行支放及漢陽等府所運南糧八萬五百餘石悉留接
濟詔俱從之○詔復錦衣衛百戶費洪職洪先以兵部考察去任疏言
臣嘗三獻微言奏補九嬪以廣聖嗣今東宮已定軍恩天下臣獨廢黜
不與乞復原官詔許之○命御史楊宜提調南直隸學校○以水災詔
留江西南昌等府縣九江永新等衛所折銀糧穀以恤之○掌錦衣衛
都督同知陳寅言今年當軍政考選之期而兵部以錦衣衛類題錦衣
係近侍直差之臣須歷練閑熟卒難更易乞照嘉靖三年例免考許之
○以旱災免湖廣武昌黃州鄖陽承天各府州縣并各衛所及保靖宣

卷之六

十八

慰司存留糧三分之一○湖廣江華縣苗寇屢道堅羅田竹谿縣盜郭
仲才張友忠等作亂殺主簿張文英巡檢許昂事聞詔責總兵官譚綸
巡撫陸本恭備戰時宗等俱令戴罪剿賊未幾報賊俱捕得誅之○侍
講學士閒住廖道南進文華大訓箴解詔留覽○調御史毛愷外補時
陞洗馬鄒守益太常少卿兼侍讀學士掌南院事愷因言守益名儒宿
學宜留侍青宮不當投之閒散 上以愷阻議成命于預于奪調軍國
推官○詔令兩京公侯伯子弟凡未任者送監讀書國子司業王同祖
言世祿之家鮮克由禮如教之不豫則統穆之子何望干城請令兩京
公侯伯子弟未任者悉送監讀書如嘉靖八年例自今以往歲以二月
舉行學有可觀則奏聞叙歷不率教者並聽糾治兵部覆請 上從之
已乃詔襄城伯李應臣與安伯徐泰賜恩安伯張鏞崇信伯賈偉清平
伯吳家彥俱赴監讀書觀禮○禮官請以四月朔日朝講詔待秋以講

○乙巳京師風霾時黃霧四塞微紫赤色忽暴風從西北起勢如崩
文德坊及西長安街坊各城旄旗柱俱折夜分乃息 上曰風霾之變
上天示戒本朕自致群工百職亦宜警省災變有數殆真可迴朕觀此
點凡三見朕占謂至兵戎火西北邊防不可不慎兵部其會官集議以
聞于是本兵張璠等會議上邊事 上曰國家安危重寄在西北邊
者虜犯我疆邊人荼毒朕甚憫之召災致異厥有朕自且兵馬勿輕
煩調度而將官撫官咸出邊選曾不聞有紆朕憂者顧累以兵食不足
為辭此無他不能輸忠畏法耳自今武臣有失律挫威之臣有貪冒
著者聽科道官糾劾其諸邊有不便者總督撫按奏聞毋隱既而御史
包節上言頃因風變上履聖憂首以邊防下令集議第職掌所在忌避
居多汎濫扶疎要非根柢不足以稱塞德意即今災異疊見邊事可虞
而以貪鄙之張璠坐籌之若之何頃思子未形因列請實官督諸事

卷之六

十九

請速罷璠別用忠良不報璠疑都御史王廷相嗾之乃上疏力辯且託
廷相與羽流唐璠講求冊鉛房術非正人君子所為廷相亦疏劾璠
貪婪圖法行道共咷旬節論列何異于臣唐璠老矣鬚髮緇紳共推
璠與廷相好嘗稱其預知邊防乃以罪臣是問俗而笑保也 上曰二臣
皆朕所簡用各盡心乃職勿得深辨時給事中張先年復論璠世居京
師親屬故舊環布市井璠居本兵又踰七載人情習熟請託日多既晏
經論列宜量改用以全始終亦不報○夏四月雜谷鬼僧入貢初鬼戎
入貢例自嘉峪關入至是雜谷安撫司刺麻僧都綱定日藏等一十五
人僧眾賈思已等一千二百餘人入四川永寧都指揮使司為送月藏
等十五人至京入貢璠璠璠璠諸物餘僧留塞上乃下禮部議賞 上
曰各僧姑賞還還所司違例起送查覈以聞○沙寇掠掠滑州命都督
湯慶討之江陰縣大盜黃良泰璠聚眾馬駝沙為寇時丹陽道璠

卷之六

二十

不通乃自奔牛鎮北入孟晉達大江長璠率盜舟數十溯江上將遇
舟出廣劫舟果七艘殺運卒數百人又劫商船五十餘殺溺商旅數十
人府衛官督兵追捕乃拒殺官兵執捕盜官一人縛梃竿射殺之遂遁
震動南京給事中楊雷乃劾鎮江知府張璠州陽知縣周寧不潔清渠
致運舟冒險遇寇乞置於理 上曰江寇猖獗守土巡江等官俱難辭
責乃奪操江都御史王學夔巡江御史胡賓係張璠周寧等俱巡按御
史收問乃設總兵官湯慶駐鎮江勸之○詔立烈婦胡氏祠賜名哀
烈江西南城縣民李華隨父適遠方其妻胡氏名全姑與姑易氏獨居
姑縱淫日與鄰人徐璠等通胡貞白自誓又不顯言姑惡時時切諫姑
百計凌虐過胡與同汚畜戚口胡不從姑與璠謀夜猝胡以土囊掩殺
之事聞命正璠及姑罪仍詔為胡氏立祠名哀烈賜祭一壇○命發馬
價修築宣府邊防巡撫宣府都御史楚書上言宣府一鎮坍塌險隘
垣計二萬五千餘丈挑鑿窟坑一千三百餘所移補墩臺一百二處乞
發錢穀營修 上命發馬價三萬畀之○冀州豪強縣天鼓鳴夜屋墮
為石凡四○五月詔戒諭巡撫陝西都御史賈啟及總兵官周尚文時
啟與尚文因事構隙久不相能總制三邊兵部尚書劉天和上言即今
大虜十餘萬駐牧河套窺伺榆林而巡撫總兵兩不相協何以應敵乞
降勅切責或改秩別用 上勅令協恭守禦違者劾治○禮部尚書李
浩卒諡莊簡浩曲沃人器宇魁梧議論英發剛明不撓為時所重○詔
建雷壘時工部尚書溫仁和等上言近年大工浸廣為費不貲內自慈
寧宮奉先殿景陽宮神厨神庫慈慶宮三殿皇穹宇崇寧壇謹息殿西
苑仁壽宮農禋壇外自諸陵壽宮離宮六聖及景皇帝碑亭諸王諸妃
各坐城計用過白金六百三十四萬有奇夫歲入無幾而尚可支吾者
以往時節慎庫儲有存積且開納初行應之者眾耳邇來裕藏已竭工

賈無紀顯陵之役坐派數省而承天工費百七十萬有奇乞少緩以畢前工 上命計部悉心區畫○詔給還大學士夏言進繳御札四百三
道銀記一刻手勅一道○六月湖廣清軍御史姚虞疏請置勾軍簿冊
從之先是御史包節題將各衛所應勾軍丁俱置冊印藏一遇清勾
勾單及原冊送清軍御史查覈無弊方用印信清勾至是虞復請申明
此法言各處清軍御史例不常設衛所官旗仍舊禁以存作缺橫行
勾擾乞勅巡按御史一體查理如無清軍御史即送按巡查覈未為定
規庶妄勾可息民生不擾部議從之○戶部尚書梁材罷時翊國公郭
勛請將該軍糧銀以濟工費材以法裁之勛遂劾材違抗罷之○秋七
月詔授方士段朝用紫府宣忠高士朝用以燒煉術干翊國公郭勛
以進用勛試其術驗遂以所化銀製器百餘進 上大悅時大工煩興
財用告訕朝用復獻銀萬兩助雷壇工費 上以為忠愛故錫授此號

卷之六

後術不驗或謂先所化銀為以幻術即盜勛藏云○詔飭陝西邊防御
史沈越上言比者奉命巡按洮河西寧泰馬出金城關登馬站峯沿歷
邊境實審閱武見邊防懈弛不能不重皇上西顧之憂夫從古夷狄為
中國患惟北虜回夷西番而已陝西皆與之鄰三面受敵故預防入寇
則邊垣宜修預防征戰則士卒宜練預防兵餉則儲蓄宜備預防久守
則屯田宜重而固邦本則在邊民之郵修治法則在邊臣之擇尤今日
之要務也疏入 上詔陝西撫按等官嚴飭邊防毋得仍前廢弛○詔
增湖廣解額原額科八十人今增至九十人○刑部尚書聶賢奏議禁
聚賭長壽人持心清苦始終不變人服其操○御史魏謙吉請黜貪酷
之吏從之謙吉言麓輔山東諸郡災傷頻仍科歛繁重閭閻小民朝不
謀夕甚且為盜臣切隱憂莫得其計惟在蠲豁食酷別選賢良但往年
考察多存寬恕即貪酷顯者亦曲為庇留或止從量調朝廷名為有過

之仁小民實切剝膚之害乞新部院嚴加考覈盡行罷黜庶民困日甦
盜賊自息 上嘉其有愛民實意詔部院亟行之○虜入宣府塞總兵
官白爵雲霄敗之巡撫宣府僉都御史楚書奏言虜以七百餘南下勢
若犯東臣意其必西果擁數萬騎入萬全右衛總兵白爵雲霄戰於宣平
敗之其別入者副總兵雲霄敗之爵又追奪虜所圍獲甚眾又大戰于
北壯虜乃涉桑乾河半渡值兩官軍急擊又大敗之計斬首六百級獲
馬六十四匹兵部言宣府自都勦失事以來日以不振數十年無此捷
上嘉其功詔進書又副都御史許都督同知賞資諸將士銀幣有差○
八月巡撫大同都御史史道請給王府祿糧言本省歷年所遺代府路
城等王府祿糧共銀二十三萬餘兩請信該司豐贍等庫七萬兩先行
放給仍行巡按御史嚴督所司催解補之報可○詔發大倉銀二萬兩於
併關中淮浙運司存積益十五萬引於大同鎮又發大倉銀二萬兩於

卷之六

宣府以備馬價支用○詔賜鎮守雲南總兵官黔國公沐朝輔制勅輔
初襲封時年尚少勅一應地方事務暫令巡撫處分至是都御史汪文
盛言朝輔稍長讀書習禮有祖父風請改勅諭同臣等議事 上從之
○虜犯山西巡撫山西都御史陳謙告急上言八月六日建賊由井坪
至朔州城七日分三路由井子家青屹峇侵至陽方邊接連狗兒澗水
口等處殺官軍掠人畜又入水口佛老觀灰泉泉溫等處深入省城西
南十日與鳳交城平虜與汾州文水清源十數州縣封壤連接一望平
原民皆村居曾無堡塞比之邊城萬萬不倖且各賊又連剽劫延住腹
裏數日不出人心驚惶禍災莫測後報聲息尤為可駭我兵連退不滿
八千大同援兵雖至大約一千五百人奮戰觀望不前兵勢至此後
將何支山西地連綏密邇京師又與河南諸省止隔一山若不早振
舉必成大患乞下廷臣集議更新紘轂兵部尚書張瓚不以為然曰虜

今止退何事張皇○虜入安邊定邊總制劉天和帥師破之詔
加天和太子太保加大學士夏言少師翟鑾少保兵部尚書張璁少保
將帥以下各降賞有差初謀報虜將入寇天和集諸將誓之矢劒曰不
用命者以徇既而守陴者酒酒不戒虜登陴入天和聞變率精兵九千
夜馳八十里駐花馬池時虜已深入大掠固原諸處撫按羽書至天和
乃召將帥至詰得其狀立斬之三軍股栗遂帥眾躡虜分機延緩軍
夏固靖兵合擊之會天大雷雨虜卒膠解馬驚墮渾中不能去死者相
屬各鎮兵悉至天和密令延綏總兵官周尙文帥師擣其左軍夏任傑
帥師往其右固靖魏時擊其鋒天和以大兵尾其後強弩火礮四合奮
擊虜大敗走逐北數百里斬虜首五百虜卒張奴兒殺吉慶子號
小十王者諸酋大哭遁去天和乃以捷聞 上行告廟飲至禮下重書
褒獎天和即軍中策加太子太保任一子錦衣正千戶陞賞三鎮文武

卷之六

三

吏士千餘人授張奴兒世指揮僉事內閣夏言翟鑾以謀議帷幄加言
少師鑾少保本兵張璁以曲盡方畧坐收全功加少保任一子錦衣副
千戶巡按劉光祖呂光洵亦加陞賞巡按以邊功叙錄自此始○以乘
一真人陶典真子世同為太常寺丞孫良輔及瑁具瀾俱食博士俸○
九月乙卯焚感入南斗犯南斗杓第二星數日乃去○冬十月戶部尚
書梁材卒材大城人歷歷中外清節著聞司國計者前後十年時工作
煩興邊費無藝材謹守骨輸出入有度一切濫請妄費悉斬不與而振
起上風屹然自守砥柱中流無愧古人後追謚端肅○大學士顧鼎臣
卒贈太保諡文康鼎臣昆山人性樂易無畦町自入講筵即受知千
上及卒遺表勅 上親覽愛民保護聖躬 上覽之悲悼輟朝一日○
禮部尚書翟鵬卒鵬南海人質直好古行誼高潔卒諡文敏○十一月
壬寅金星晝見○以楊守禮為右都御史總督三邊軍務時給事中馮

亮上言三邊大捷之後虜方蓄憤積怨期于一逞總督重臣倍宜簡任
上是其言今廷臣推薦咸薦守禮故有是命○安南真登庸來降初
毛伯溫至廣西徵集兩廣福建湖廣狼土官兵并檄雲南守臣別集兵
候師期又檄諸司於臨邊諸郡縣儲積糧餉議分正兵為三哨廣西憑
祥州為中哨兵四萬人叅政翁萬達副總兵張經監督之龍州羅田峒
為左哨兵一萬四千人副使鄭宗古叅政李崇監督之思明府思陵州
為右哨兵一萬四千人副使許路都指揮白法監督之分奇兵為二哨
歸順州為一哨兵一萬四千人叅政張岳都指揮張輓監督之廣東欽
州為一哨兵一萬四千人副使陳嘉謀叅政高誼監督之又烏雷山等
處為海哨兵一萬四千人副使徐捷都指揮武鸞監督之中軍則都指
揮董廷玉等率五百人為親兵共領兵一十二萬餘人又議雲南別集
之兵於蓮花灘分三哨哨各兵二萬一千餘人中哨以副使鮑象賢都

卷之六

三

指揮王紹等監督而督餉則布政使胡宗明左哨以副使鄭驥都指揮
方策監督而督餉則右叅政朱方右哨以副使張綱都指揮馮立等監
督而督餉則右叅政程旦皆黔國公沐朝輔都御史汪文盛主之經畧
既定兵衆漸集乃馳檄諭安南父老士民諭以興滅繼絕之義大懸賞
格言討罪止於真登庸父子有能擒斬真登庸真方濬者賞銀二萬奏
加顯秩有願以府州縣歸附者即以府州縣與之又諭令真登庸父子
果能束身歸罪寬籍其土地人民納款聽命亦待以不死伯溫等駐師
近邊冠日進兵登庸聞之懼遣使詣軍門陳乞願出境降躬聽處分詞
頗卑切伯溫等承制許之約以十九年十一月初三日來降守臣于鎮
南關近地修葺幕府將蓋以待時登庸子方濬已死乃留孫福海于其
國至日登庸與其姪莫文明并酋目阮如桂等四十餘人入關各及組
繫頸詣所設闕庭徒跣伏稽首跪上降表復詣軍門匍伏再拜藉國

中土地軍民職官悉聽處分所侵四峒領以內屬仍請給頒正朔護守
舊賜印章以候更定於是伯溫等宣諭朝廷威德暫令歸國候命是役
也萬達岳始終經畫宣力為最○慈慶宮本恩殿成○十二月戊午太
白經天○虜又入大同塞○南京奉先殿成時修葺訖工○詔拿替善
羅洪先司諫唐順之校書趙時春官罷為民洪先等各上疏言來歲元
日朝賀禮成請皇太子出御文華殿受文武百官朝賀禮部尚書嚴嵩
覆言緣妄上曰朕方疾後未全平復欲儲貳臨朝是以君父為不
能起者羅洪先等狂悖浮躁姑從寬令俱黜為民○吏部尚書許瓚進
嬰童言問上令禮部校刻之○大理寺左寺正王文光條上恤刑事
宜納之先是文光為御史以爭南京守備掌兵無隱憂忤都御史調大
理一切持平屢奏獻稱旨至是疏恤刑詔下所司○崇王載境請父恭
王墓表上不許時王為其父恭王請墓表禮部言韓府襄陵莊穆王

卷之六

二十五

卒憲宗嘗允其子範址請令詞臣譔銘刻石崇王曾祖皆嘗賜墓表請
如王奏上曰宗室薨逝給壙誌此祖宗典制安得有賜表事襄陵王
立石已非例崇兩王表墓皆先朝誤恩後有王家乞請禮部宜若累朝
體例議覆

辛丑嘉靖二十年

春正月戊子朔雪先是歷冬無雪至是始雪大學士張言等各模頌以
獻○詔治觀臣請謁時都給事中李文進言諸臣觀畢徧事請謁輒以
書幣問遺權貴非所以風四方崇廉耻矧明禁在邇豈以先後異致及
今不止後將謂明禁為虛文益滋奸弊乞下所司緝捕庶知所警上
詔亟行之○刑部尚書楊志學奏謫康惠忠學長沙人在寧夏柳門却
庸并築花馬池垣墻屢立邊功○刑部左侍郎陳璘卒璘樂清人始忤
逆瑾又諫南巡廷杖以忠直自負海內慕之○西海虜酋遣人叩塞納

款時甘肅巡撫都御史陳卿言西海虜酋卜兒孩遣人獻金牌馬匹叩
塞納款事下兵部尚書張瓚等言卜兒孩據西海二十餘年實為甘肅
腹心之害若果輸誠則莊浪西寧諸處得耕牧休養屯田堡寨得乘閒
脩舉河西孤危之勢可轉為安但虜情叵測今止獻金牌馬匹未有如
往歲來遣子入侍酋長入觀之事鎮巡官亦未明言何以待之請命總
督尚書楊守禮同本鎮官偵察情實併陳制禦之策奏請裁決或甘言
諛詞緩救邊備亦速奏處仍令巡撫御史嚴金牌所自以聞上從部
議○巡撫大同兵部右侍郎史道病乞休時給事中聶靜言道摺剋
重已備禦無策徒妄意內陟冀脫禍幾乞賜罷黜疏下道乃歷叙年勞
併乞以奏內事情數劾且曰人臣任事有險夷有難易有勞逸聲之擔
負者二人共一人之負則逸一人盡一人之負則勞一人併二人之負
則困而累勝一人無十人之負則困而必至于斃若夫袖手空言者焉

卷之六

三六

知負者之苦今外臣之難惟巡撫最巡撫之難諸邊最諸邊巡撫之難
大同最臣以淺昧承乏重寄真猶操萬斛之舟於洪濤巨浪中其所伏
籍者陛下之威靈耳使坐享安閒者不憫其持危濟險之難與夫努力
支撐之苦又從而下石以挫敗其氣臣之四体何以展布計乞如臣請
而已上念其年勞優詔留之○二月巡按陝西御史張光祖疏薦致
仕南京禮部右侍郎呂柟言柟安貧力學忠信篤敬雖年踰六十精力
尚強乞不循常格即賜擢用疏下所司○命承天督工尚書顧璘修興
都志時顯陵新城及舊邸宮殿俱工成進璘工部尚書承天知府吳惶
詳築修承天府志禮部尚書嚴嵩言禹貢並叙九州而事統于帝都今
日承天宜總為輿都一志但總裁分纂貴在得人今督工尚書顧璘文
學素著足任筆削宜令無督有司聘委文學官儒分纂璘為總理草成
進覽下內閣者詳恭請裁定後刊布四方詔如議○會試天下貢士命

掌詹事府事禮部尚書溫仁和侍讀學士張袞為考試官取林樹聲等三百人○詔逮擊御史楊爵下錦衣獄爵上言臣病居田野九年於茲適蒙聖恩任以耳目之責每思國事日非君恩未報痛心流涕方今之勢如人病極內而腹心外而百骸無不受病臣請舉目前所見足以失人心而致危亂以貽憂者為陛下告天下之思真大於以危為安實則可憂而以為大可慮也往歲夏秋不雨歷冬無雪至元旦始雪即止大學士夏言等輒謂瑞稱賀欺天罔人不已甚乎朔國公郭勳大惡大蠹中外知之而使毒于政致群狡趨附善類退處為國家禍不日深乎此任用匪人足以失人心而致危亂者一也君人者奉天安民使之各得其所今四方饑饉相仍小民委命溝壑而土木之功十年不止又連委部臣遠建雷撫股民膏血民何以堪此興作不已足以失人心而致危亂者二也唐虞三代君臣每以勤敬之道交相儆戒陛下即位

卷之六

三七

之初嘗頒示敬一歲于天下數年以來朝儀間缺經筵不御恭辭不得一觀聖容敷奏不得一聆天語人心日怠中外渙然此朝講不親足以失人心而致危亂者三也方士執左道以惑眾聖王所必誅者乃今異言異服列于禁廷金紫亦綏過于羽流保傅之職坐而論道者加之迂怪之徒聖德國體所損不小陛下以上天元子若遠宗帝迫近守祖法則和氣致祥罔有天災山川鬼神亦莫不寧安用此耶此信用方術足以失人心而致危亂者四也古人有言君聖則臣直若震之以天威加以危禍如往年楊最言出而身即死近者羅洪先等以言罷斥臣恐忠盡杜口則諛諛交進民情更弊何由上聞此沮抑言路足以失人心而致危亂者五也此數者關天下治亂係國家安危貽聖心之憂誠不容已願皇上念祖宗創業之艱難思今日守成之不易察臣愚忠賜之施行疏入上覽之怒甚命速送鎮撫司長繫之時中外諱言辭論出

卷之六

三八

入皆稱其謹直云○三月追賜刑部尚書潘恭綬恭崇德人先在兩廣以忤逆瑾與劉大夏俱謫戍瑾誅宥還至是巡按浙江御史傅鳳翔上言潘平生大節與大夏等卹典不宜獨缺故追賜之○詔錄用舊臣初臺諫官交章薦用舊臣吏部議請如所奏上命李廷相唐龍屠儒張鼎華顧必玉道鄭本公王崇慶等叙用惟呂柟何瑋不叙○廷試賜沈坤潘晟林一鳳等進士及第出身有差○吏部尚書許讚乞罷不許時給事中徐熲劾奏吏部主事李棟貪鄙不職上詰責讚令嚴實以對熲疏陳因求罷上慰留之○夏四月詔降安南國為安南都統使司以莫登庸為都統使先是登庸奉表乞降諭令歸國候命伯溫乃與守臣聯疏上言自古南夷創亂類皆驚驚詭詐憑恃險阻勢強則鴟張以梗化力屈則鼠竄以全身中間亦有稍識利害通款求附止於遣使奉表致其方物如尉佗黎桓者以漢文帝宋太宗之盛未有襁衣自縛扣求哀切如登庸今日者所據登庸乞要內屬稱藩歲領大統曆日補足節年貢物似亦可宥如以登庸有罪校降未宜輕授爵土或可別與都護總管名色如漢唐故事使撫安南夷眾其黎寧雖自稱黎利子孫查勘踪跡亦實難明鄭惟燎一向潛住該國近據雲南開報會審夷人鄭垣口稱潘馬江峒雖有黎寧而來歷宗派不可得詳所列事情年貌又與惟燎原報互異俱難憑據當再查勘果實聽令仍于潘馬江居住管束見有地方或量與職事徑屬雲南鄭惟燎亦宜安插廣東量給田宅不致失所因將出師受降次第布為八圖曰天成不振曰交夷糾繫曰釋縛乞降曰稽首祈恩曰夷使輸誠曰夷酋咸服曰著士陳詞曰夷民感德并遣官伴送奠文明等至京事再下廷議俱請如伯溫言上曰莫登庸既面縛軍門納土請罪察其款表與國人代陳情有可原茲為交人求圖單去王疏勿得稱國庶免亂臣接迹云乃降安南國為安

南都統司以登庸為都統使官從二品子孫世襲別給銀印舊所傳擬
制度削去改正海陽山南等十三路各設宣撫司正佐官職暫歸陞陟
俱聽登庸統理通隸廣西藩司每歲給與大統曆以奉正朔仍令三歲
一貢其漸察古森一葛金勒四峒侵地還屬欽州國中錢穀甲兵之數
不必奏報其黎寧仍令守臣勘訪果係黎氏之後授與所據四府境土
以承宗祀若非子孫則已莫文明諸夷使及所遣伴送之人各加賞
制下登庸已死伯溫等復上疏請以制命授其孫福海從之其後福海
不能緩輟夷眾復為黎寧所逐竄居廣東境內黎氏復據其地朝廷亦
置不問○九廟災布詔天下時久陽不雨是日初昏風雨驟至大雷電
火起仁廟演史燬主忽延成廟主亦燬遂及太廟昭穆群廟一時俱燬
惟獻廟獨存上奉列聖主于景神殿遣大臣詣長陵獻陵告題成祖
仁宗各帝后主亦奉安景神殿乃下詔曰朕奉天位思報祖德先正太

卷之六

祖南向之尊倫建九廟之制加薦尊諡用聲追崇賴二三大臣協力
贊非朕變更成典實本信遵古道自謂少盡報本之情詎意有今日之
變也朕一聞奏報若墜深淵欲赴火中思無濟事謹力疾奉慰祖宗于
景神殿奏謝上帝神祇告于大社稷遣官備祭百神書報宗藩詔示天
下臣庶使知一人之重罪致延九廟之御樓撥厥咎原無可容已爰將
寬恤之文預示圖復之力布詔天下咸使聞知都御史胡守中言非常
災變痛切心骨恨不能赴火撲滅所幸獻廟獨存餘可次第光復而都
給事中胡汝霖御史李秉雲因劾大臣坐視火災不速救護上以汝
霖乘雲挾私妄劾命逮繫考訊獄具請補外○詔停工作禮部以非常
火災上疏奉慰上命一切工役俱輟惟諸殿修葺如故○吏部尚書
許讚罷時御史党承賜上言嚴交修以答天戒乞勅南京文武大臣及
四品以上官各自投劾讀乃引罪乞罷許之給事中戚賢等因疏上書

進退以回天變言郭勛張璠樊維祖李廷相胡守中李開先胡經夏
戴儒王廷相王同祖曾經大計罷斥不宜資緣復進而聞淵能漢劉天
和呂柝魏校程啟充程文德徐繼王繼魏良弼葉洪馬明衡王臣等雖
以計黜亦宜引戴儒王同祖例錄用則進以天下退以天下善惡惡
之心協而天心克享天變可消上曰宗廟災變朕方祗懼戚賢等肆
意妄言顛倒是非如王繼魏良弼等小人亦擅引為懷奸植黨一至于斯其
從實數疏以聞賢等懼因輸罪乞恩原之○給事中李鳳來等疏陳時
政納之先是御史党承賜請勅所司各條時政缺失上請裁擇上曰
今茲災變朕心震驚宜痛加修省以實事天所司條上務切民瘼國體
毋得為彌文應故事于是鳳來奏言六事曰執治體明治功正紀綱慎
刑獄禁暴飲重水利而張翰亦言六事曰抑奔競重恩典惜人材舉廢
遺公舉刺懲貪墨疏入上皆採納○歲內旱蝗議發內帑金賑之○

卷之六

詔濟運河命兵部右侍郎王以所督治之時運河淺阻湖廣恭議方遠
宜請開海運上曰運河一時淺阻已命官往治海運不得妄議既而
漕運都御史周金言運船淺阻徐臨德天津水次舊有駁倉乞速議脩
補以圖寄國部議此國初轉輸之法故於水次置倉後因漕河已定直
達京師今倡此議恐運軍懈息而河工亦視以緩不可許給事中郭登
又言河道既塞事變所伏不如允寄國為便上謂宜視河流通塞以
為緩急不可執一因令遣官會漕運官協心經理以濟國儲○詔奪南
京國子祭酒鄒守益官為民守益因災投劾言先王克謹天戒人臣克
有常憲凡厥臣工休戚一體其能者宜洗心盡瘁共濟艱難而不能者
宜引咎不退毋竊祿位庶民脂膏大學士夏言謂言辭率刺擬旨削籍
上從之○禮部右侍郎崔鉉卒贈尚書諡文敏鉉安陽人宏才博學
好古能文著書頗多然出處無玷士論服之○詔雲南巡撫收緊前金事

錢世賢論戊邊初世賢雲南人為福建念事以駐著清軍御史包節劾罷之及節巡按雲南行部至郡世賢率僕從突擁進道共詣學之節上其事 上命雲南巡撫劉渠收緊世賢等訊治卒論戊邊○六月召巡撫大同兵部左侍郎史嵩之而部督事以龍大有代之○恭贊軍務太子少保兵部尚書兼都察院右都御史毛伯溫班師論平安南功行賞有差時伯溫奏詔班師因距陳諸臣功績上言臣與咸寧侯仇鸞奉命勸處安南而莫登庸父子悔罪乞降皆敬皇上大德格天至誠動物以不殺為武以萬全取勝是以一怒而憚遠夷薄伐而屈群醜也勳輔大臣恭贊密勿禮兵二部廣集眾思而一時從事之臣亦皆仰承廟算俯竭愚忠如蒙皇上軫念微勞下部酌議將左侍郎蔡經等恭政翁萬達等指揮王良輔等均賜優錄其餘分別等第俾沾恩膏誠鼓舞人心風厲庶職足為明作趨事者之勸如臣碌碌因人成事懷家矜宥不加譴責

卷之六

三

實惠臣莫大之幸 上詔加伯溫太子太保仇鸞楊珣沐朝輔等及諸偏裨各擢賞有差○刑部尚書錢如京罷時給事中具從義論劾如京貪污欺著 上命錦衣收如京廩役通賂者嚴加拷訊不得其狀 上令如京致仕○秋七月火越隕時有火越如斗落千左軍都督府中門左之乃城○御史葉經疏劾禮部尚書嚴嵩奸貪不曉時晉府交城王絕輔國將軍表相謀襲王爵建校尉任得貴至京以黃金千兩白金二千兩賂嵩受之役以白金三百兩賂儀制司令史徐旭及王府科胥人黃璫姚忠嵩為題覆表相宜襲交城王已得貴會東殿選卒緝知得貴行賂執以奏聞下法司鞠實胥吏尤璫忠各戍邊又奏府永壽王庶子惟懋與嫡孫懷燾爭立以三千金賂嵩亦受之為覆允王妃遣入聲登聞鼓奏訴經因劾嵩賄跡暴著亂國經 上曰表相惟懋庶否既行所司勘覈以聞嚴嵩安心供事勿以人言介意○華州同州地

震聲如雷○掌錦衣衛事右都督陳寅進所編皇考聖母御製事蹟及上龍飛禮儀詔留覽寅潛邸邑從臣也○虜酋俺答遣使求貢時俺答阿不孩遣使石天爵肯切款○同陽和塞求貢言其父認阿郎在先朝嘗入貢蒙賞養且許市易漢邊○兩利近以貢道不通每歲入掠因人畜多災疾卜之神言入貢吉天爵原中國人掠居虜中者肯切係真夷遣之同來果許貢當趣令一人歸報伊即約束其下令邊民墾田塞中與眾牧馬塞外永不相犯否則徙帳北鄙而縱精騎南掠巡撫大同都御史史道疏聞其事因言虜自弘治後不入貢且四十年而我邊歲苦侵暴今果誠心歸款其為中國利殆不可言第虜勢方熾戎心叵測防禦機宜臣等未敢少懈乞亟下廷臣集議所以待之者詔兵部集議以聞虜待命邊外屢向墩哨卒調進止一日邀守墩百戶李寶下墩以虜酒席地飲之載以馬擁入堡酋管與之歡宴虜眾有執掠哨卒劫其衣糧

卷之六

三

者僉謂聞而痛懲之遣使送哨卒衣糧還巡按御史譚學復以聞因請速定大計准貢則後虞當防不准則近害立至且請多發兵糧通知兵大臣趨臨調度相機緩勦兵部議覆從之○詔以醫婦李氏侍皇妃后妃及保護皇子効勞日久官其夫王銘錦衣千戶世襲○巡按浙江御史高時疏論鹽課言曰州府長寧黃巖杜黃三鹽場引目額數一票為一引每票鹽三百斤每百斤納銀一錢商人無利多不樂從宜如舊議立中津橋稅每鹽百斤納銀三分庶民富皆便而國課有益戶部覆議從之○堂太常寺禮部右侍郎金齊仁以三載績滿請展其徒協律郎陳自選科臣言歷未有及異姓者禮部議量加自選一職詔與添註典簿不為例○隆慶州妖賊張雄等誘眾作亂巡撫都御史楚書督所部討平之賜書及參謀劉珂等銀幣有差○侍講學士開仕虞道南述所撰親遠孝頌及清壯八歲平南九歌疏入報聞○朵顏酋輩

台請益貢使初元良哈諸部朵顏為大孕顏諸種花當最貴元良長子
華列字羅早死其弟把兒孫驍勇嘗入寇把兒孫死諸眾皆附其華列
率羅子華蘭白華蘭台宵結北虜欲併力侵邊至是又挾北虜求添貢
欲得與福餘大寧每衛各三百人不許復請衛二百人又不許時時出
沒塞下輒云結小王子旦夕大舉入塞會僑答吉囊自大同深入太原
乃許補前貢失期者衛各二百人○八月諭免賀萬壽節時禮部以萬
壽聖節習儀請上曰宗廟被災朕方待罪生辰小節其令罷賀○兵
科給事中蘇應旻請改任魯銑巡撫大同不從應旻言巡撫之設腹裏
易而邊方難山東易而大同難大同懸塞外邊防尤重而龍大有素寬
江南未請邊事若魯銑則熟於故事練於邊情陛下用之而頗有效者
也任以山東實違其用乞改銑大同上謂已有成命不允所請因令
今後用人務審其才各邊巡撫毋得輕推○昭聖皇太后崩上尊諡曰

卷之六

三

孝康肅帝莊慈哲懿廟天贊聖敬皇后○命左副都御史胡守中為兵
部右侍郎兼原官總督薊州軍務時給事中馮亮御史王繼宗張光祖
言三衛不度北虜猖獗京師百里之外即為賊巢宜遣大臣總督薊州
軍務兼理糧儲增設遊擊於密雲往來喜峯口潮河川古北口黃花鎮
諸處專備應援仍發內帑銀以備主客兵馬支用上納其言兵部議
遣大臣以張漢陳經名上請上不許特命守中給符勅以往○召起
總兵周尚文時大學士翟鑾等條上禦虜六事曰謹衛京師防守糧運
隨路設伏招募邊兵處置軍需給銀買馬因薦都御史陳九疇總兵周
尚文練邊務可備緩急乞特賜起用上不允起九疇准周尚文起
用○詔罷大學士夏言時言久以疾在告及上以慈壽皇太后
服制議示言言奉命議上進繳理諭奏內字訛上怒詰責之言引罷
陳謝因乞還鄉治疾上怒曰言初以言職朕命今故傳示令上言如

禮自是異擢崇遷眷出群臣上命詳意悉於一至於此茲方廟災修省
之初皇伯母大喪之際邊圍未靖屬主憂之時不思體念言出任意痛
已將平敢干求逸大負倚注本當遣問第念往來令削其少師致仕○
虜入大同塞大掠太原諸處先是虜酋遣叛人石天爵求入貢上
曰虜情巨剽殺詞給裁耳命舉大臣總督宣大軍務廷議舉副都御史
張珩珩力辭遂罷去乃以樊繼祖往發帑金九十萬遣科部官督理命
發石天爵至鎮繼祖乃逸之去遂以戒邊無俗報虜酋吉囊遂率眾入
塞押臂代州三關副總兵丁瑄出師至寧武關東北十里石湖嶺遇虜
力戰死之虜遂入關繼祖坐視不能救縱其深入山西太原遊擊將軍
周宇禦於太原北侯城村力戰死虜遂入省城又越而南殺掠人畜數
萬京師戒嚴乃起翟鵬總督京師南面及山東河南軍務既而吉囊出
關未至塞上僉谷復入又越太原而南至石州殺掠益眾上命繼祖

卷之六

三

發兵應援先給丁瑄喪具五十兩○九月命大同紀功給事中張繼
御史張光祖勘覈功罪時巡撫大同史道已召回部而代有未至又值
內艱乃續經從戎斬獲虜級千長安領及三山陞等處總督樊繼祖疏
報兵科給事中龍遂御史傅鎮因上言山西巡按王達謂虜從容出關
調至延緩大同兵並未見敵直隸巡按譚學調虜回未戰同時矛盾宜
行查覈上命紀功科道勘實回奏既而翔翼光祖往覈奏言山西三
關先於八月間被僉谷阿不孩深入數百里殺掠慘慘千時皇上責大
同諸將論繼祖嚴加邀擊過諸將漫不加警俾虜得志倘得而去曾未
三日而吉囊之眾自平虜衛入時繼祖駐師大同左衛若合力拒戰虜
必引去乃爭相飲避令虜長驅入軍武關而與風汾石之間再連屠毒
夫僉谷之入寇也當繼祖承簡命之初倉卒調度實効固難及吉囊之
入寇也正繼祖閱兵大邊之日將師雲集發蹤甚易顧乃漫無警蹙縱

廣入關受命云何節制安在宜極加訓飭實以後功 上令戴罪督兵
母負簡任既而遣侍郎張漢往賑山西被虜郡縣○詔收緊翎國公郭
勛於獄先是勛怙寵專恣所為多不法大學士夏言惡之時駙馬都尉
崔元亦得 上寵嘗與勛及成國公朱希忠並召見燕語元乘間發勛
罪 上領之禮科給事中臧賢因勛違肆克狂假擅威福田園甲第
併吞過於京師水運陸輸培克及于天下 上猶置不問既而李鳳來
復劾勛下都察院指實陳奏勛未獲而刑科給事中張允賢復奏言
都察院開命四十餘日遷延不勘畏勢豪而慢朝廷 上曰郭勛等乃
敢藐視國法送鎮撫司拷訊令勛從實陳狀收其黨孫澤等時連及駙
馬謝詔英國公張溶惠安伯陳鏞俱下獄勛問勛跪辭 上允之命給
以勛勛私心不便勅久不領科道官復摘疏中有臣姦何事臣黨何人
又有臣實不敢深懷怨望何勞皇上賜勅等語言顯是不遜 上大怒

卷之六

三十五

曰何必賜勅等語皇臣子對君之言殊為強悍陳鏞王廷相扶同抗違
一併劾奏御史胡守中勛黨也知 上意有在亦劾勛結納縱卒奪職
衛機權侵軍餉閹閹貨怨望不忠輕視勅書不屑領受諸奸勛三上章
自理不聽于是工科給事中高時遂盡發勛奸利事言勛罔利無厭近
侍內臣亦為併吞託鄉紳為腹心布官校為爪牙以張延齡包藏禍心
罪在不赦與之交通經紀其家心豈無為違禁儲粟以數萬計積而不
散復欲何為至于器用遠式僭擬不度私交朵顏諸部市易茶馬尤駭
觀聽目者都尉謝詔英國公溶惠安伯鏞均朝廷勳戚罪微于勛皆置
之法勛之過惡重巨羽翼尚多宜置重法永絕禍胎 上深然之乃下
旨曰郭勛受朕恩眷出群臣上乃結納逆囚包藏禍心跡此一端他可
知矣即速繫接治以聞言官耳目所寄若此重情無一言及本宜重懲
姑且不問高時能進諫言加倅一級○冬十月召還大學士夏言復入

閣先是上命罷言言則知 上怒因奏德勝十四策且曰臣甫解机務
之初適有門庭之冠事勢孔棘關係安危一得之愚不敢不獻至于他
嫌非所敢避臣何敢忘皇上眷遇殊恩默然以去也 上曰夏言既有
忠謀如何堅於自愛負朕恩耶本宜寬德姑念昔勞宥之既而言入諳
迎和門辭賜酒饌無逸殿仍令還私宅調理以俟後命至是復命以少
傅入閣○召起原任吏部尚書許讚復職○十一月詔革餘鹽法初鹽
法開中有常股法需次支掣有存積法以待不次之需俱令商人輸金
充帑就各運司掣鹽行鬻既而有餘鹽法令商人輸金運司就場收鹽
與常股並掣夾運以鬻然自餘鹽行而存積之法廢運司積輸無幾
而邊帑日虛良法益壞時戶兵二部集議裕邊急務以清理鹽法為要
請設都御史一人專理長蘆山東兩淮四運司鹽法給事中郭登上言
官不必設唯當酌議應革事宜下戶部覆議尚書李如圭言鹽法不行

卷之六

三十六

由占窩賣窩之弊未革商人無利其餘鹽似難輕革 上曰變亂鹽法
起于餘鹽邊儲不充私鹽盛行正由于此其亟罷餘鹽惟遵祖宗成法
行之于是如主復查數言兩淮鹽額六十九萬六千三百兩浙鹽額
四十四萬四千七百六十九兩長蘆鹽額六十萬五千三百四十八兩
並無額外餘鹽之數至于餘鹽係近歲新增宜行革去當自二十一年
始悉復舊法勿復增減因條上四事曰禁餘鹽并禁權勢置印簿別邊
徑詔如議行○南京給事中王燁等論劾兵部尚書張瓚不報燁等言
瓚與郭勛世居京都締結親誼凡推舉將領關節交通街衢有恭將千
金都司八百之譜今勛逮詔徹天下臣民皆舉首加額以為大奸之去
宗社生民之福而瓚猶在位何以激天下忠義之氣弭戎狄玩侮之心
乞將勛正法瓚罷斥則人心鼓舞而醜虜不足平章下所司遂獲○瓚
國公郭勛論死初勛下鎮撫司乃行五萬金賂署司指揮孫綱綱為傳

錄微事具獄以上既而下刑部郎中錢德洪按綱所簿予以輕比及後
囚都察院掌院事毛伯溫劾綱以廝役濫虐近侍納賄行私郭勛不法
如裁邊即開礦復鎮守罷巡閱濫虐近侍納賄行私郭勛不法
地脉皆隱歸不舉情本故出法當併論刑部尚書吳山惟恐成案罔顧
重獄郎中錢德洪法律不諳事理未達俱宜加懲以警急囑上命收
孫綱訊治論罪逮繫德洪奪山俸三月刑部再論勛乃坐劾殺人律罪
斬長繫待決○乙巳金星書見○詔逮繫巡按陝西御史浦鑑請京訊
治時鑑上言近見高時疏劾郭勛特加俸級而楊爵首許勛罪尚繫于
獄臣初不知爵為何人今行部至富平察其平生兄亡而挂冠養母
毋迨而廬墓興思足跡不濡于城市請謁不通於郡邑荷陛下錄用而
積思陳諫乃移孝以為忠也乞有之以開納諫之門作敢言之氣上
怒命遣官校逮繫該部○以胡松為山西泰政三關僉用時松為山

卷之六

三

西督學副使乃上總房十二策凡萬有餘言深切利弊本兵忌效覆
松議充實三關兵馬其策可從乞遷松山西泰政命三關僉用自行已
策然泰政非寬職又不予松兵權竟以不效斥罷○十二月詔宋儒程
頤二十八代孫程心傳襲五經博士○巡按江西御史沈越請申飭社
倉法從之先是言官建議備荒之策宜倣宋臣朱熹社倉之法後多廢
格不行越因上言乞勅戶部申明行天下各府州縣鄉倉之地不許廢
置在倉之穀不許變易積穀之令不許廢格仍令有司官負自行相勸
令鄉各有倉倉各有積撫按官每歲稽其成功驗其勤惰以行賞罪開
報吏部課殿最以行黜陟疏入上令戶部申加申飭以裨荒政○詔
收訊薊州總督兵部侍郎胡守中初守中為御史會緣政官僚進副都
御史兼詹事府通兵部議遣大臣督剿遼遼事上特命守中為兵部
侍郎以往及至鎮多乾沒內督金又出塞伐古松數萬株建東遼橋謂

使於哨探而虜騎長驅遂無捍蔽從索萬金賂邊士怨之巡按
御史洪垣疏劾不報既而南京給事中王燁上言張璠嚴嵩胡守中皆
與郭勛陰相結納互為奸貪而守中近因勛敗復抗疏劾勛始附其勢
以同利終尾其敗以脫禍此小人之尤而任以薊州軍務臣知其不堪
命也乞賜罷斥亦不報至是禮科給事中章允賢奏劾守中言犯郭
勛向因重擬又併黨與而悉除之至會審之時他無一言獨謂守中恩
以讐報則勛得勢時守中同惡相濟昭然甚明聞其初結納拜勛為家
父家奴孫准等亦與執袂為友自蒞任薊州假以修邊多被浸漁如責
報上中下三百六十家雖都御史翟鵬亦以上戶被徵科罰諸將領動
以百千計巧立名色賄貨無厭又令其子導從往來交通關節浮誇欺
罔取玩四夷區區來遠樓之建何足為塞外之大觀而日勤夫匠絡繹
騷然又遣昌黎李知縣遠投賄金賂結貴近親伺向背倏忽去來蕭小

卷之六

三

人之無忌憚者也疏入上怒命收執守中及其子并昌黎知縣等俱
送法司鞠問○秦王蜀王唐王各上黃金千兩白金萬兩助建宗廟詔
各加歲祿二百石王常一蜀王受帶辭祿
（注）嘉靖二十一年
春正月壬午朔命戶部遣官督催山西河南積逋宜大邊糧從總督
大尚書樊繼祖之奏也○刑部會訊胡守中論斬時刑部尚書吳山等
會鞠守中結納權貴致顯崇妄選軍政擅開武科侵盜帑金橫索部
將造違屏而噴獻動金鼓以入都擅伐邊樹自撤藩籬啟虜夷奔突之
患毀邊疆制禦之防法當斬首其密雲副使段續張見李文芝薊州泰
政李允升奏將同倖等畏威阿勢甘心聽從並宜坐罪詔從之○議修
大同邊垣詔罷之時議修築大同邊垣總督尚書樊繼祖恐虜蹂躪不
能禁巡撫龍大有謂外邊遠不可築內邊又難為力俱乞停止本兵張

墳遷言天同地方先年既設外邊復設次邊以界限華夷尺寸皆金湯也今圯壞不修恐醜虜竊據永無恢復之日昔河套棄而陝右多事西河棄而甘肅多事大寧棄而朔州多事三岔河棄而遼東多事懲前慮後乃知兩邊修築亦一時權宜但地方廣遠公私匱竭果難為力上曰修築邊垣防禦要務但去歲醜虜深入得利今秋計必復來宜以整兵防禦為急修築姑暫停止○二月詔罷總督大同尚書樊繼祖奪山西巡撫陳璘講前大同巡撫史道官為民先給事中徐燦上言山西巡撫陳璘未入而誇張請乞虜既入而畏避退縮大同巡撫前則史道權放夷使石天爵繼則龍大有觀望因循不即之任朔州巡撫徐燦無一善狀四年遂躋都臺遼東巡撫孫禴部運未還遼陽顯權計邊境大臣若斯是可不為寒心哉總督尚書樊繼祖帶百萬之糧餉連四鎮之甲兵坐視應朔任虜出入古之以身殉國者顧若乎是以未免北顧之憂耳章下兵部至是言官復交章劾繼祖縱虜深入殺將畏師宜加罪誥上乃勅令罷歸陳璘講史道削籍為民宣大總兵王宣白爵俱罷總督翟鵬亦以虜去歲輔無事遂召還京○進封安平伯方銳為安平侯上勅吏兵二部朕躬奉皇妣孝獻皇后几筵痛憶遺音周足三期贊成朕孝后妃列御宜加恩遇銳進封侯○南京吏部尚書吳一鵬卒謚文端○兵科給事中胡賓以近畿荒歉請議處發糧從之賓言通倉糧米已積六百餘萬石而邊方多事惟賴銀兩給發乞將該倉糧米一百萬石減價發糶以資銀庫濟急用部議以為可從○虜掠蘭州○詔城臨清從山東巡撫曾銑之請也○三月復以翟鵬為兵部侍郎總督宣大偏保山東河南軍務既而罷之遂革宣大總制官時邊臣奏報虜眾復至乃復命鵬總督軍務鵬將行候辭輔臣夏言未面即去言御之鵬至鎮奏乞遷餉言謂樊繼祖買積芻粟尚未動支如何在在空虛

上命嚴之至是鵬又言據降虜言賊已會眾三千萬將入犯乞亟調陝西前邊各兵赴鎮并令多發鹽銀以備軍需上曰鵬受新命首領銀舉措已畢况出京日久尚駐宣府抗命怠事深負委任姑革職問住因併革總制官專責大同龍大有宣府楚書山西劉景保定劉隅四巡撫防虜○承天府督工尚書顧璘進所輯輿地志因疏陳輿地體制三事一定舊邸之官職言當與南京內府相同一正廟祀之樂章言當以皇上大狩山陵聖製詩歌製為樂章以享陵廟一謹祠祭之供事言當以陵寢供事責之奉祀祀丞隆慶殿晨夕上食責之司香上報可○詔進夏言特進上柱國少師吏部尚書華蓋殿大學士時言九年考滿上賜鈔幣吏部以先年楊士奇劉健勅宴例請命復勳階如舊賜勅褒諭○夏四月詔建大高玄殿於西苑奉祀上帝也○詔松江府增設青浦縣巡撫夏邦諱巡按舒汀會議請割華亭上海設青浦縣從之○山東巡撫曾銑討劇賊劉儀等剿平之時儀等嘯聚魚臺之獨山鼓眾倡亂統撥兵備副使金清等捕勦擒其首惡眾皆潰散乃上其事上嘉統功賞銀幣加清官級○裕享祖宗列聖于景神殿命成國公朱希忠代○掌都察院事毛伯溫請申明憲綱因陳八事曰禁酷刑慎舉動革驕擾懲豪勢省繁文明職守正士風備建造上嘉之曰振舉綱維切中時弊朕允之行既而言撫按所屬官員六品以下罪狀顯著即自問罪不必繫劾給事中沈良材言通判推官知縣職在親民若繫稱六品例不得劾恐欲問罪則罪惡未顯欲指劾則于例有違宜令一體舉劾俟部議處分其罪狀深重者照例問罪不必劾奏上從良材言○五月滿清紀郎周鈇外補鈇言虜必再至乞早為防禦計不聽請廬州府知事○詔進兩廣巡撫蔡經兵部尚書加安遠侯柳琦少保特瓊州黎賊亂經等遣兵剿平之上命加琦少保進經兵部尚書鎮守如故

○改工部尚書顧璘為南京刑部尚書○御史黎循典疏請開墾山東
荒田言費縣沂州利城嶧縣滕縣地方野有曠土積逋甚多宜下所司
招撫流移令復舊業措處牛具種子假以歲月免其征役使得盡力田
事少裨國課部覆從之○提督兩廣蔡經等討思恩九司之亂勦平之
先是思恩軍民府既改流官分設九巡檢司用土目分理之與隆司土
巡檢潘良者貪淫殘虐為眾所怨恨土民劉富盧迴等因誘眾作亂聲
稱欲盡除九司之官復流為土勢頗猖獗經會通總兵安遠侯柳珣議
遣副總兵張經參政翁萬達等督田州各土兵勦之副使陳茂家撫輯
其眾三千餘人至是且三年九司悉平巡按御史何瓚勸上諸臣功次
詔經瓚賜勅獎勵仍各賞銀幣有差○衍聖公孔聞韶以毋喪乞家居
終制許之○命以陝西開納事例銀三萬兩賑濟延綏榆林二鎮及折
放軍士月糧從督撫官請也○詔戒諭琉球國王尚清初漳州人陳貴
等私駕大船下海通番至琉球為其國長史通事蔡廷美等招引入港
適遇潮陽海船爭利互相殺傷廷美乃安置貴等僑王城盡沒其資貴
等夜奔為首者所掩捕多見殺國王尚清知之下令國中乃止至是械
繫貴等七人誣其為賊遣廷美等骨表文送至福建欲赴京陳奏巡按
御史徐宗魯會同三司官重加譯審列狀以聞廷美等待命 上下部
議部臣覆奏貴等違法通番自有律例但琉球國王尚清縱容夷人屢
次交易又奪取貨物羈留人眾橫肆屠戮復誣以為賊其欺慢恣肆宜
加切責仍聽本部移咨戒諭不得輕與中國商民交易詔如部議○詔
遣官存問大學士毛紀紀家居二十年至是年八十山東撫按以聞
上曰紀輔弼舊臣年登八袞壽考並茂其賜以羊酒令撫按官及門存
問乃月給食米與夫以示優崇○上製濟疫小飲子方頒所司遵用濟
民○湖廣寶慶府邵陽縣妖賊平事聞 上賜巡撫都御史陸杰銀幣

餘各陞賞有差○詔施藥餌時都城疫癘盛行死者枕藉禮部左侍郎
孫承恩請命太醫院及順天府惠民藥局依按方術預備藥餌施給以
濟貼危 上從之○上傳雨有應群臣表賀時久旱不雨 上乃躬禱
於大索殿得雨數日乃止 上甚喜輔臣等皆進表稱賀俱優詔答之
○閏五月詔革周府將軍安瀾為庶人河南巡撫魏有本上言河南諸
宗人缺祿米三百萬石諸將軍安瀾等五百人誣推行營門凌逼撫臣
安瀾遂坐革為庶人既而王及宗人獻白金六千兩助修太廟 上命
賜王帶一圍衣一稱○榮感入房宿四星中央相守月餘芒角甚怒○
六月虜大入塞時吉囊病死其子板不孩居套中小王子不及見台吉
駐威寧海上俺答糾數酋經朔州至廣武天屹屹攻城兵敗績乘夜
趨鴈門沙溝墩越關南代州薄大原城門外無所掠大肆焚燒指揮王
倫等率壯夫以矢石火器斃賊十二人虜復焚演武場移營南走京師
戒嚴先是兵部奏言頃者大同山西虜報皆至防守事宜奉旨自行但
虜詐巨剽倘自宣府獨石邊外突入潮河古北黃花密雲地方則震驚
京師宜令薊州總兵祝雄分兵駐密雲督同參將王繼祖設伏古北等
處禦之并令遼東錦義泰將趙國忠駐寧遠城以為薊州聲援通州國
儲所積宜令東西廳整兵一枝俟警即發守通州至于京師尤宜戒備
行紮荆副總兵周徹遣兵先戍保定倘虜深入關南即調至琢州擁衛
京師 上是之及虜軍朔州守臣以聞 上示兵部曰宣大二鎮屯戍
重兵正為山西畿輔藩籬往者虜賊入邊殘害山西驚動畿輔守臣踵
為故常失事已甚即令能協力戰守俾虜大挫而去則先賞宣大諸臣
之功其或彼此觀望致虜猖獗者必罪無赦○詔加總督漕河兵部右
侍郎王以旂俸一級先是徐昌洪渴漕舟滯不行遣以旂督治至則先
求故道視泉脈循經流塞分殺自徐洪南抵沽頭增置閘又相地形引

水勢暴漲土壩河時漚清舸皆如期達京師汶上宣陽之間有水橋四勢豪浸沒敵德邸藉灌漑為私利以旂上言水橋以備畜洩河溢則壅河以入湖河溢則懸湖以入河遂任怨力復水橋迄今賴之至是巡按山東御史楊本深巡按河南御史趙維本上言黃河孫繼口李昇高口尾運口俱已疏通徐呂二洪水勢通行糧運無阻上悅詔加以旂俸一級餘各陞賞有差○秋七月己酉朔日食詔罷大學士夏言上

卷之六

四三

下勅曰天心下眷累及太陽正臣子欺君父外陰侵內陽之咎也夏言以臣凌君罪不下郭勛第累年供事內苑故持省死去之用承天戒仍修省三日祇告玄極殿大小臣工宜既乃心共圖濟理先是上手勅諭都察院左都御史毛伯溫布示臺諫等官曰朕承皇天寶命以神王二道裁理天下非求仙用夷荒昧之為止一早期終始不一然君逸臣勞先賢亦嘗言之奈何世降人浮求一真才夾輔終不可得昨夏言則知東宮遷移無故欲改慈慶殿為東宮府廢母后制以縱奉子朕必不為往歲令高忠代獻玉器又獻女子朕詰忠曰祖宗家法何如爾可交結文臣即又聞言乘輿禁中召引者詰之對曰非輿橫板昇之迫朕以香葉巾便東髮皮帛發便殿處因言入內直賜之言曰時人正瞻目視我此不可受朕聞之命言出言曰即別下旨乃可去耳此非變詐而何且朕不早朝言亦不赴內閣一人在第其二三人者雖入亦不知軍國重務王言須密豈宜人臣視如戲具此等鉅惡言官不聞糾發直貪生媚寵今日神鬼皆怒爾甚傷禾卿等其布此諭中外知之于是御史喬祐等給事中沈良材等各建疏劾言上曰臺諫為朝廷耳目而結合欺罔不思盡職命吏部都察院考覈以聞言乃上疏自劾尋革職閒住既而大計臺諫官共七十三人奪級外補居半○禮部右侍郎呂柟卒柟高陵人性穎敏誠確力學慕古與馬理康海皆有名關中以進士

第一人除翰林修撰通達以柟同鄉欲引附已嘗以入閣柟絕不與往來瑾憾之且欲中傷之會瑾敗得已後累至今官卒久之追諡文簡○南京刑部尚書周倫卒諡康僖○復以翟鵬為兵部侍郎兼倉庫御史提督宣大備保山東河南軍務時部議言鵬在山西甚倡徽各鎮守巡官軍因無總制未免各分彼此乞會同推舉忠誠有將畧者上命原總督宣大翟鵬復任給事中劉綸上言頃者北虜南侵陛下勅翟鵬往督軍務臣以為虜遁而總督輒罷虜至而總督增設事出倉猝機不素定非所以專責成而圖成功臣今請專任翟鵬凡兵馬錢糧悉得便宜從事上是之因詔鵬先發後聞紀功科道官其做古監軍之制擇能任事者往兵部尚書張璠因言簡命翟鵬可謂得人第戎兵積怯非大破常格嚴示誅賞無以激勵士心上以為然令擒斬僭者賞千金不次陞拜其次賞百三百金加三級臨陣退縮者自都指揮以下

卷之六

四四

徑自斬首總兵以下先具犯狀戴罪殺賊○虜掠上黨平陽諸處副總兵張世忠躍厲力戰死之虜出和陽塞時僉各青台吉呪刺哈喇漢及叛人高懷志李天章各擁萬眾越太原列營汾河東西散掠上黨平陽下邑翟鵬時尚未至被師連營具相攝觀望不肯戰縱虜深入虜大衆駐平遙介休間散入陰山中殺掠人畜諸將竟不肯棄險邀擊虜掠男女牛羊衣襪運遞就大營結陣整眾且歸世忠等自侯城村起營盟約諸將躍厲力戰諸將閉營不相援虜見世忠軍壯戰又力呼集精騎三千餘合圍世忠世忠憤曰諸將獨不念血盟耶世忠被箭傷腹創下馬四面布戰虜亦窘會失火藥盡世忠憤呼曰我軍被圍戰苦諸將竟不相援國憲天刑軍汝追耶復上馬往來督短兵血戰自己至西虜見我兵死傷眾無援大戰力竭遂驍我營世忠頭中二矢墜馬死部將張宣張臣等痛世忠死率族軍會五等力戰宣臣亦死虜既殺世忠等乃

復分掠定襄五臺又自代州出擊靈丘廣昌掠殺人畜萬計徙廣武站出關安行自大同左衛及陽和塞去虜自六月丁酉入塞至七月庚午凡掠十衛三十八州縣殺擄男女二十餘萬牛馬羊豕各二百萬衣襪金錢稱是焚公私廬舍八萬區蹂躪禾數十萬頃既而肅世忠右都督于八十金宣臣各四十金仍立祠祀之○議禁京師外城不果時邊報急御史焦連欲建外城如南京上命速議給事中劉養直以為宜建於無事之時不宜築于有事之日且廟工方興材木未備若并力築城恐官民俱困乃罷議○巡按江西御史沈越疏請橫峯關設縣治許之先是廣信府弋陽縣橫峯關鎮乃外省人民及處州礦徒流寓雜處開山挖土燒碗營生而山居土惡性悍習習頑野學為梗後設立府館添注捕盜通判以制馭之然不過往來住劄而嚴禁巡檢司又無能為前因歲饑餓食爭搶成患起檄廣信檢校管景佐勘之

卷之六

景乃宜布威德作勸善懲惡以示之盜多悔過悔過散去時縣民王席等謀開設縣治欲割上饒十里鉛山二里并弋陽十里設為一縣越因上言橫峯關地僻民稠止以燒造為生且人多貪薄俗皆勁悍稍遇饑饉輒聚搶掠良善被其殘害鄰境亦多驚擾是以王庸等奏欲立縣出於民心悅從且開設縣治則通判巡檢俱當裁革改設官吏俸增不多况基止工料民皆願助則衙門房屋財不多費其分撥都里則又值大造黃冊過割俱便誠保安地方之長策也乞勅下部議俯順民情可彌將來之亂階成新邑之英治因條上開設事宜上詔部議行之○進少保兼太子太保禮部尚書翰林學士嚴嵩武英殿大學士泰預機務仍掌部事上以夏言罷進翟鑾少傅謹身殿乃以嵩入武英殿同參辦事給事中沈良材御史童漢臣等上言嵩貪濁猥思皇上洞見而以為輔臣是小人而乘君子之器也其背公營私亂國是必將無所不至南京給事中王燁等劾嵩險詐姦回貪婪久著若處以具瞻之地是樹天下之貪標也且其子世蕃充玩狡僭同恩相扶翼之政不為國禍南京御史陳紹等亦劾嵩比昵匪人貪黷貨賄言官屢形論列莫逃聖矚今以機衡之重畀之必不能回心易慮乞爾忘私俱不報○詔罷山西巡撫劉景時給事中劉綸劾景納賄姦黨一籌莫展冒破帑銀修築邊牆且掩敗稱功專肆欺罔而宣府巡撫楚書沉酣高卧將士離心久握重兵遽備日弛俱不職宜罷固薦平陽知府聶豹於政王儀於教其才可當一面部議劉景失事重大不容辭責應盡職聽斷楚書才乏振揚亦無亡失應回籍聽調上從之因起原任巡撫趙錦于大同李廷干山西王儀于宣府任維賢于延綏既而維賢又為給事中馮良知所劾自是更調紛紛邊臣益務欺蔽以避罪○已亥焚賊犯南斗○九月後餘盜法吏部尚書許謙請復開餘盜以足邊用戶部議覆從之

卷之六

餘盜復行○巡按江西御史沈越疏舉遺廢以備任用上言帝王用人每切求舊人臣効職莫重焉舊蓋以老成宿德之臣治體多練而廢置遺佚之久砥礪必深于此甄收錄用必能奮起率功感恩圖報與新進勳士之作為自有不同皇上詔舉遺廢誠克堯舜求治之心臣仰體明命恒切甄求所擬都邑廢置官員如原任刑部尚書周鼎兵部侍郎簡霄右都御史萬鍾左贊善羅洪先給事中曾忭詹泮御史曾孔化郭弘化副使江以達王贊泰議王臣知府何祉或因自陳或因誣誤各罷家居沉淪既久動念益堅是皆適用之器難得之才乞勅吏部察訪錄用庶幾有用之才不終于無用之地而干治道亦有補焉一章下所司○詔逮繫工部員外郎劉魁于獄時建甯壇壝上言請緩雷殿工作以成廟建足遠備上怒廷杖長繫鎮撫司○冬十月郭勛死于獄○官婢謀逆伏誅及貴妃費氏時上幸曹妃官妃家官婢楊金英等

上共謀行絀後 上發熟以組繼之而誤為死結謀得不遂監官
張金蓮知狀亟走白后后中夜聞變曳裾馳至為解項組 上得蘇病
不能語后命左右收金英等十餘人併曹妃俱磔于市時事起倉卒妃
實不知 上後知妃死常憫其冤既而族金英等家以討定宮變勅諭
中外○大學士嚴嵩乞罷不許時言官董漢臣伊敏生喻時等劾論嵩
不已巡按四川御史謝瑜上言天下之人皆謂先帝相繼百有四十年
其至治可名在四罪而天下咸服今郭勛胡守中張璠嚴嵩為聖世四
面陛下旬月之間誅殛其二而張璠嚴嵩二面尚存何不投之流之以
全先帝之功而上疏乞罷 上勉留之嵩復上言臣蒙陛下勉留感激
流涕莫知為處雖聖斷不疑而豺虎為鄰向非聖明委曲保全臣聞門
不知死所夫豺獍尚知報本臣豈忍負恩私敢于求去顧臣之心跡雖
自信無媿而言者或聽朕使或修舊怨日復一日轉相猜忌恐九重高
遠何由盡知獨有一去可以塞詆誣之口 上曰卿安心供事再有
擾者重治不宥○兵部尚書張璠卒璠屢被言官論劾皆有顯跡上
終不去之至是卒即與加隆○以毛伯溫為兵部尚書先是給事中任
應見宣大連有虜患後劾張璠金部無為因及職方郎中楊偉俱宜罷
免不聽璠卒于官乃以伯溫代璠 上曰卿總司憲綱久著才望兼以
南北征伐諸練戎務故特以本兵任卿伯溫以素貪邪諸過類多債
帥乃上言請禁沿邊將領倍冠膏求之弊 上納之命都察院判榜禁
諭伯溫因奏為楊偉才識通敏既暢軍情向隨輔臣覆鑒巡歷九邊備
知夷狀今年實已深例宜遷轉乞勅吏部仍留供職積有勞勩不次殊
擢 上從之○十二月詔開屯田時南京給事中王礪上言虜患緣
邊儲空乏欲為久遠之計先寬屯田之徵凡沿邊地有餘佃種者悉與
為業永不起科貧者諒給牛種仍令遊騎巡察以防侵掠 上從之

督撫巡按按察地方凡堪種地土許開墾成業永不起科○詔奪國子
司業王同祖官為民先是同祖上禦虜策請因朵顏三衛賂結黃毛虜
又糾兀良哈亦不剌等夷共破北虜御史賈大亨劾其佞倖至是又請
改元以延聖曆 上惡其倭斥之削籍為民○象山縣黃霧四塞時雨
黃霧行人口耳俱塞○給事中蘇冕請召補京營軍士不許冕言京營
軍士尚缺二萬乞募民充補下兵部議尚書毛伯溫覆言今日之事不
在足兵而在選兵不在生財而在節財若所募匪人不特無益營伍抑
且虛費糧資臣謂募兵之議暫宜停罷第令見在軍士時加操練汰其
老弱冒替者使在營皆可用之兵無坐食之患為可耳 上從部議○
以兵部侍郎王以旂為南京右都御史以旂以處父母之邦持重法乃
務屏驕從清庶猷出入稀簡每謂諸子曰昔張湛入里門必步可取為
法也後以病瘍疏辭解任溫旨勉留尋瘍亦瘳復召入為工部尚書

皇明嘉隆開見紀卷之七

癸卯嘉靖二十二年

春正月丙午朔日食 上御奉天殿受朝時郎中林廷琛主事周卿御史蔡毅司正李天然等俱以失誤朝賀為鴻臚寺所糾 上怒其不恪下錦衣衛獄因各降調外任其日糾奏御史來聘以糾奏不時奪俸三月○大學士翟銓以病請告 上遣醫診視疾中使齎賜酒米諸物○詔改給山西三關東西二路參將勅書東路駐代州東起平刑關東界西盡代州境西駐偏路關東起寧武東界西盡黃河七堡境改廣武站備禦于北樓口隸東路增置守備于神池堡隸西路發太僕寺銀三萬三千兩令撫臣市馬給其軍從總督翟鵬巡撫李廷請也○詔各撫按等官通將所屬大小官員課第殿最彙造揭帖封送吏部以備朝覲考察黜陟未為定制○召起致仕南京刑部尚書周用為工部尚書總理河道既而工部請加用憲職便行事 上以祖宗時總治河道原無兼職已之○戊午月犯鬼宿積屍氣○詔改派兩淮等運司鹽引共計九十萬有奇計銀三十四萬餘兩俱貯宜大鎮備調遣客兵支用時總督侍郎翟鵬以是為請故有是命○詔廷杖御史來聘鄭光澤尋調外任時當啟警行祈穀禮于玄極寶殿命成國公朱希忠代是日光祿少卿陳叔順等十四人陪祀不至 上怒其不恪各降三級外調乃以聘光澤職糾儀失于查糾廷杖之調聘四川丹陵知縣光澤陝西澄城知縣○尚寶司丞桂興有罪令革任與因九廟災乃私擬增建廟制輸大繪圖上之併進所撰頌聲俗辨諸書高自稱許禮臣劾其狂妄希進鼓惑觀聽詔逮繫法司鞠之法司當與納贖還職 上特命閒住與等之子也○命增置陝西延綏西路安寧安定二保初西路參將雖移駐循安邊營然而地勢孤懸西至定邊營東至安塞營各百里許總督尚

卷之七

書楊守禮請於中道谷設一堡以便策應從之○二月詔改南京禮部尚書張璧為禮部尚書趙令遠赴供職○勅賜都督姜漢祠各閭忠以漢死安化王變故也○勅建二忠祠於山西先是都指揮丁瑋周宇先後禦虜而死至是立祠祀之○給事中陳崇請行大閱大射禮部議覆不果行○詔祭太倉銀并京通二倉粟米于宜大二鎮時宣大總督翟鵬言前發帑銀夏秋防禦今廣警在春初乞增銀接濟戶部議請發太倉銀四十萬應用又宜大米價踴貴宜于京通二倉坐撥十萬石赴宣府十五萬石赴大同以濟軍士費用既而鵬言大同道路險遠轉輸實難乞將大同糧米盡留宣府以給客兵將宣府糧草價銀移支大同庶彼此通融兩鎮均便從之○三月遣官詣天壽山祀陵時大學士嚴嵩言陵工告完歲清明日宜詣陵奉春享禮于 上欲親行已而不果乃遣英國公張溶代○巡撫保定都御史丁汝璈請實邊儲言國初邊糧

卷之七

悉徵本色以故倉廩盈餘邇來改折軍士多不得實惠擇腹待敵所以往往不支今後宜於豐歲徵本色七分解倉積貯以後貴收本色賤則收折色庶士卒可以終歲無餓戶部言各邊事體不同宜行邊臣酌處○貴湖苗叛召起萬鐘為總督副都御史率兵討之先是湖貴之間有山曰蜡爾又曰蠟爾諸苗居之苗古三苗遺種也山東北屬鎮溪千戶所稍南屬單于坪長官司隸湖廣辰州府山西屬銅仁府銅仁平頭二長官司隸貴州西北接四川之西陽宣撫司地東西可二百里南北百二十里苗雖分土隸兩省中蟠結黨徒實相蔽匿然各土官相轄有戶籍稍輸賦典廣西徭徭不同其屬鎮溪者半與瀘溪編民雜處所墾種多瀘溪田供徭役雖時小寇竊未叛也有單于坪土官田與黔以事繫辰州徵諸苗以其地主也飲賄賂吏以計脫深匿苗寨主奉之與黔及雷苗多求索滿苗妻女諸苗怒逐之燬其公署遂叛日相曼引鎮溪苗

亦叛其貴州銅平苗則土官弱不能制而有司又不能撫恤其屬時有叛苗不納稅糧官以通欠責見戶見戶並多逃亡官府嚴督土官平頭長官遂携印逃諸苗悉騷然叛共保蜡爾山結皆自固湖廣諸守臣討之不能定遂以事上聞 上欲遣官剿撫金萬鍾時鍾家居乃就家召起為副都御史開府辰州令相機剿撫乃徵諸路漢土兵進討之○召起用莊浪故都督魯經經善曉夷情緩急可用 上聞其才乃令宣大總督翟鵬訪取委任兵部尚書毛伯溫請檄經自選丁壯及莊浪漢兵同赴軍門聽用經以莊浪兵寡請得並選山丹永昌京州鎮番西寧五衛務足兵五千鵬許之 上令促經赴鎮○遣內臣蘇杭織造時尚衣監太監李敏請乞遣內臣赴蘇杭福州等處監織御用袍服從之給事中蘇應旻言大江以南賦役繁重加之災害相仍海寇竊發昔擅殷富之名今實凋敝之極若遣官監織徵需害下其端一開遂為廟階

卷之七

三

乞復成命移行工部勒各撫按如式督造不報○方士段朝用論死初朝用以黃白術結郭勛于進授紫府宣忠高士既而改羽林衛百戶又改紫府宣忠仙人父父伎窮因骨索勛賂搖死勛家厥後復上書譴奏上怒收繫論死竟死獄中○夏四月大學士嚴嵩辭部事以張璠至也嵩既入閣即竊弄威柄諸司建白必先白嵩而後敢進御于是副封菑宜驛填戶外而大學士翟璠從以位坐嵩異孤且賴猶以階軌嵩嵩卿之二相遂因有卻○安南都統使莫福海入貢時福海謝恩修貢上令齊使如故但罷賜宴稍減供饋以示非陪臣禮○兵部尚書毛伯溫疏陳總督事宜納之伯溫言屬者並置總督大臣是宜允濟而臣猶有過慮者四自古閩外之臣彼此調和則士豫附但事權相埒嫌隙易生可慮者一自古命將出師最忌中制若往復奏請必至坐失機宜可慮者二近年邊務廢弛已極非旦夕可以責成恐言者隨諫其後可

慮者三總督大臣得專生殺諸將不遵約束即加以罪可慮者四臣請文武同心決策共濟時艱軍中一切機宜不從中制雖有小失朝諫宜諒其心邊臣亦當盡心展布即有人言宜自當待命不當聚眾引避所轄自總兵以下有所抗撓即許論斷如法 上俱嘉納○戶部侍郎張璉卒璉擢州人賦性剛直不畏強禦初武宗駐蹕太原有儀賓坐殺人下獄者賂江彬乞免彬矯詔赦之璉曰天顏咫尺憲臣不親奉詔旨其孰敢信竟置之○五月大理寺卿汪文盛卒文盛崇陽人才敏敏贈以功名自喜初武廟遊幸文盛疏諫廷杖有直聲後撫雲南屬有安南之役屢上方畧鑿鑿可稱○詔奪文選郎中王與齡官為民初內閣嘗以親厚者屬文選不以為異典齡過文選執法不聽請託時大學士嚴嵩囑選監生錢可教知縣不從大學士翟璠囑調刑部主事張惟一于吏部又不從嵩學獄言官劾奏典齡又遣書御史沈越越于衆言官前

卷之七

四

裂其封遂發其圖陷文選之奸嵩大恨典齡知為二輔臣所劾乃因尚書許讚疏白囑託事嵩當辭令削籍○六月詔清查京衛冗食官員旗役先是兵部請革冗食 上命極差風力科道官乃遣兵科給事中楊上林御史沈越清查京衛京營官軍力士匠役之冗濫者○詔禁士民冠服之詭異者時為凌雲等巾競相馳逐僭擬多端禮部上言巾服有乖禮制乃詔中外所司禁之 謹按兵司訓瑞登曰惟王盡制代有所易而臣子恪遵罔敢或違我太祖革胡服胡語復中國之冠裳等威有辨士庶不得僭擬嘉靖以來浮華漸盛競相夸詡不為明冠明服務為唐巾晉巾金玉其相錦繡其飾揚揚閭里豈徒識者鄙之其得罪朝廷甚矣宜令有司嚴禁市易庶可挽回風俗追復醇龐之舊矣 詔逮繫給事中周怡于獄時大學士嚴嵩翟璠構卻怡乃上言風教之

大禮讓為先禮讓之行朝廷為首朝廷有違言之隙則說諧之衆生于
人大臣有動色之爭則攻闢之禍流于下由今溯昔未之或易陛下臨
御以來二十三年於茲求治鏡民切宜乎太平有象四夷來王今陛
下日事禱祀而水旱災荒未銷歲開輪納而府庫未充歲蠲租賦而百
姓未蘇時命選練而邊境未寧由陛下勞心焦思于上而下未有將命
之臣耳為輔臣者宜同心協力以佐陛下而大學士翟奎書嚴嵩藉寵
靈恃恩修怨聞在內閣違言失色入見陛下各私陳背詆是二臣已不
和矣安望其事上而風下也嵩之威靈氣焰凌逼百司凡有陳乞雲集
其門先受其意而後聞中外之臣不畏陛下而畏嵩蓋則依阿諛諂
能自持勢不足以驅人而名位先嵩又足為嵩之妨礙吏部尚書許讚
世掌銓衡小心謹畏而直氣正色不能銷權勢要求之心陰搆陽排互
相訾訐視陛下為何如主臣恐大臣不和則悔邪乘間黨比媒孽非國

卷之七

五

之福日者抗論輔臣如御史謝瑜童漢臣皆以他事罪謫去伊敏生翁
時等亦已露於聲色臣恐諫臣之口自是稍閉雖有枹杌難免誰復言
之可懼甚矣即今初秋宣府已報虜警而文武總制大臣各立門戶不
相和同則臨敵夾機甲可乙否其不僨事敗謀吾不信也伏乞陛下明
離照舊乾斷戒輔臣無修怨以竊威福戒吏部無依阿以忽黜陟戒撫
臣毋辱將佐以維士心戒將佐無緣小故以敗大謀陛下更優容言官
博採群策先務和德於上俾大臣公忠為國慮已忘營各務和諒於下
則神之聽之終和且平 上曰怡謂諸臣不和負君望禍其言良是第
其心主於訕上謂朕日事禱祀不務和德于上爾夫朕事天禮神多尚
庇祐至於四方之廣豈得盡無水旱若爾有位果能秉公竭忠修和盡
誠同心贊主何患不治諸臣不和即時奏劾至今方言何也其輪心復
奏以聞怡復奏上詔廷杖如楊爵例銅繫之○詔給朝鮮國民衣糧護

送還國時朝鮮國民洪贊等四十二人航海遇風飄入通州海門界守
臣傳詣京師詔給之衣糧遣官護送歸之○詔賜總督尚書楊守禮巡
撫張鶴總兵官吳璘等銀幣時虜自正月至四月屢犯延綏江崖溝大
沙梁草灘墩長海子等處戒師迎敵追勦前後斬虜首七十級事聞
上嘉諸臣功故賜金幣有差既而守禮乞致仕 上以疆圉殷繁守禮
不念人臣死事之義乃負恩求避命降俸二級該部不行奏奏切責而
宥之○太子太保禮部尚書掌太醫院事許楷卒賜祭葬如例其妻緣
洪熙中本院使梓用文例請謚禮部議覆詔特謚恭僖○以火災免鳳
陽諸府州縣稅糧有差○巡撫山東都御史曾銳言近議增州縣民壯
山東地瘠民貧不堪重役然新以防虜所招集義勇在官可即編入均
徭免其雜役以充民壯報可○詔復致仕大學士賈詠原官詠初以少
保兼太子太保禮部尚書致仕會軍駕南幸承天詠出迎謁於途失誤

卷之七

六

陸見詔落其散官以尚書大學士家居至是年八十守臣以聞 上曰
詠耆舊重臣年踰八十齒德並茂其賜之羊酒令河南巡按官及門存
問仍賜月米與夫以示優眷尋又以守臣言詠復原官如故○發太倉
銀三萬兩於榆林寧夏二鎮以備各兵糧餉又發銀三萬二百兩於宣
大三關充募軍費○秋七月分遣神樂觀樂舞生資香帛詣先聖帝王
陵寢所在令有司致祭○重夏地震○太醫院三皇廟成名其殿曰景
東門曰成濟禮部尚書張璠祭告○金星晝見○命加西海夷人朝
指揮命事王中為都督僉事先是遼東撫按官言中先年冒嘗入朝
命絕其入貢近中偵報虜情有功乞許其入貢仍加陞賞以示激勵故
有是命令約東部落入貢年諭以舊罪朝廷業已置之宜益修忠順以
厚圖報效○奉陝西都指揮僉事陳謨以下三百四十五人俸三月以
軍馬器械墜損廢為巡按御史周南所劾故也○御史沈越疏請革

戚曉冒襲從之先是 上諭武職不由軍功不許承襲係祖宗舊典今
後皇親子孫亦無得冒濫世襲越因上言臣奉命會同兵科給事中楊
上林兵部主事年朝宗遵奉清查但世代有遠近情義有感疏族屬有
異同事體有輕重然情以展愛孰非難絕之親義以制情實有不偏之
則臣等查得教內廢及所生可矣而或以及同宗之姪尊及母黨可矣
而或以及兩姨之親甚則乳母微品亦受榮推既蒙誤恩又克永世殆
非所以昭名列等書大訓於方來也孔子曰唯名與器不可假人陸贄
曰名近虛而於教為重由是言之則裁抑之法在今日誠不容已因將
合華人員具名上請 上允行○上禱雨有應示輔臣感雨詩時父早
癸丑 上禱雨于雪壇是日雨百官跪賀 上曰天降甘澤朕心感仰
卿等其竭誠贊輔遠製感雨詩頒示○焚惑入南斗占主東南大饑是
冬江南米價數倍于常○禮部尚書溫仁和卒諡文恪仁和華陽人歷
事三朝以醇謹稱○八月虜入榆林塞又入甘州塞○臨清城成巡撫
山東副都御史曾銑巡按御史何允魁等俱賞資有差○山東獻瑞麥
嘉禾時泰安州產瑞麥又生嘉禾知州馬達伯奏獻會西苑亦有瑞麥
上曰瑞在稼穡非珠玉不可食者比况禁苑之秀又當雪禱禮成上
天恩賜豈可輕視于是群臣表賀○九月南京右都御史何瑋卒瑋懷
慶人博學篤行以古人自期嘗謂象山慈湖之學流入禪定充塞仁義
後追諡文定○刑部錄上大辟囚請行刑詔已之○詔逮繫巡按山東
御史養經詣京廷杖死初養經劾大學士嚴嵩受王府表袖惟德賂嵩
卿之及經監臨山東鄉試進呈試錄嵩摘錄中有諷刺語激怒 上意
上手批曰策語含譏訕謔部尚書張璧遂言今歲虜不入犯乃陛下
廟謨所懾而策謂饕餮而去乞逮治考官 上曰省闈事出巡按教官
徒著衙耳業經往倅不道速逮治之乃械繫至京杖闕下遂死布政陳

儒以下但諸邊方雜職○冬十月詔革順天冒籍中式舉人初順天鄉
試歲多冒籍中式禮科給事中陳鼎劾奏之歷陳京闈之弊 上令冒
籍生員送提學嚴實具奏時被論者十餘人而鄭夢綸陶大壯沈譜丁
子載陸可成翟鍾王六名以詐冒回籍○詔罷考功郎中胡鯨時南京
御史韓一古等奏劾鯨及稽勲郎中李愷貪墨不職狀乞罷黜以重觀
典部院議改別用 上曰許讚等且不究命昭不謹例罷鯨愷補別部
○十一月以許穀為文選郎中穀自考功歷司封郎中是改文選時行
取官候選日久俗弊後任者至多反前所舉而低昂之穀曰此不肖之
心也亟白於尚書許讚行之讚曰大觀伊邇須觀後行穀曰觀官最至
萬一有弊語則行取者難為去留讚聽其言竟以二日畢考選事會謂
公而厚云既而擢南京太常寺少卿○禮部右侍郎馬驥卒諡文簡驥
綏德人始為編修諫武廟南巡廷杖平日工文詞明習典故更深沉有
大節時稱詞臣之選云○詔復太廟合享制 上勅諭禮工二部曰頃
會議欲奉皇考於孝宗廟雖有兄弟同室之義然題扁各殊終為未安
夫禮非天降乃起人情祖宗列聖惟聚一堂斯實時義之順者茲當建
立新廟仍復舊制前為太廟後為寢又後為祧時恰時享奉太祖高皇
帝正位南向成祖及群廟祧皇帝考同堂而序享獻既畢則奉主各歸于
寢庶昭穆不紊世次以明勅行之○詔奪巡按貴州御史魏洪冕官為
民時試錄亦有訛舛令洪冕削籍布政侯絨以下降誦有差○十二月
詔旌表孝子張鈞初石州人張鈞正德間舉于鄉以親老不仕讀書奉
養孝行著聞鈞父赦大學生始亦以親亡不得祿養誓不仕隱居城中
辛丑虜大入寇至石州城下赦為擄去鈞聞之馳騎入虜中求父為流
矢所中梟剝前往至則父已死哀痛殞絕少甦盡飲父血而死至是撫
按上其事記旌之因旌石州同時死者孝子張承相烈婦白氏等十一

人承相州學生少孤勝至其母以逃為虜所得承租抱母叩頭虜恚俱殺之抱母首而死千傳生二歲而孤母居村舍傳從城受書虜至城下號泣求母母已被執道遇之取石擊賊賊就剖其心殺之母得遁去傳死年十八掾更張永安父為虜所逐永安持挺走殺之擊傷二賊遇父逸去身後護之被數十創死安勲妻白氏聞賊入塞從夫匿土穴賊攻穴甚急度難俱生今夫逸去罵賊不辱身被十餘創死牛宗近妻李氏家貧隨夫傭作夫為賊所得伏夫身求代賊俱殺之山下侯景傭妻吳氏賊至走山洞其旁女皆已掠去度難獨免乃推兩兒山下目投水賊曳出載馬上遂自刺其面不辱賊殺之喬甫妻郭氏母家甚大而夫甚貧奉舅姑極孝謹賊至不屈被殺狀與白氏同典膳張環妻李氏年老寡居張蘭妻馮氏年二十而寡李義三十餘年俱罵賊不屈而死烈女賀氏年十七未嫁賊至從父匿山洞被執罵賊死溫氏年十六與母俱

卷之七

九

被擄伏地不肯從賊死沁州學生溫繼宗貧苦而孝父沒不能養虜寇邊成勸入城避之不肯賊至與叔父淵等力戰擊傷一虜虜以角大至中矢死父極旁至是皆旌之○追廢故少師大學士李東陽孫仲為中書舍人以侍孝廟東官諡諡恩也○詔罷河間府通判周缺并職為民奪吏部尚書許讚傳誦文選郎中鄭曉外補時吏部擬陞缺為南京吏部主事上曰缺外調未滿四月何以輟陞京職詔讚對狀仍令將今年春旨調降人數已未陞轉具查以聞于是鑽并上疏引罪并查已陞轉官陳叔順周卿具會期陳冠林廷琛費元李汝楨高佐王一言李天然楊佑劉昭文蔡霖皆如恩洪廷桂李大魁等十六人未陞轉三十九人列名具覆上曰爾等職司銓任不以王言為大前所降黜皆因朝祭失誤等事朝廷薄戒警其息玩乃未及一年遷轉數多擅權市恩欺蔑國法殊失人臣休許讚等奪停二月鄭曉降三級調外任周缺併陳

叔順非非假冒求何以速進俱革為民尋降曉為和州同知○大同演武廳火○直隸提學御史謝九儀奏順天等學冒籍生員有罪逃回者十四人逮治本無他故但冒籍者十三人削為民族屬頗遠至京未父者十四人發原籍入學籍貫明白者一人肄業如故禮部因上言國家開設賢科三年大比貢士禮部簡其賢者對制大廷以供中外百官之任所係甚大夫人之才其地者多寡不同故解額因之而異至於會試則分為南北中卷取之各有定數所司不得增損奈何法久無疎遂有遊學矯詐之徒見他方解額稍多中式頗易往往假為流移冒籍入試至有脫逃罪犯交易姓名奔走營求靡所不至至于會試舉人報籍印卷亦有假託族屬改附籍貫以南作北國法固存士風大壞乞於明年會試嚴加覈究但係先年冒籍曾經恩赦者許其首正其他籍貫不明妄報中卷北卷者本部指名奏退仍行兩京各省凡遇鄉試開科

卷之七

一

提學考選生儒不得將流移附籍之徒一舉濫收以玷科目違者奏請治罪○以水災免蘇松常鎮四府州縣稅糧有差○詔斬虜謀張尚仁等五人以徇陝西緝獲尚仁等令斬之仍傳首各邊鎮賜祭政謝蘭副使曹通等銀幣○丁亥木星犯房宿北第一星○原任禮部尚書兼武英殿大學士冠帶間住夏言以元旦恭上起居命復舊銜致仕○詔收順天府治中嚴世蕃為尚寶少卿世蕃大學士萬子嵩以治中臨民謂尚寶司為閒散乃言於上改之○命加賜祭額寺衛都督車蘭台織金紵絲衣一襲綠段二表裏定為歲例先是革蘭台寺以進納藩衛之功上嘗優賜之命不為例台寺屢求添貢加賞至是准增歲例之賜貢額如舊戒毋煩擾○命查武學冒籍者盡罷黜之戒後有冒緣濫入者事覺重治不貸從兵部覆給事中陳鼎奏也○詔發大倉銀八萬四千八百兩于遼東鎮修築邊垣

庚子年二十三年

春正月庚子朔 上不視朝○癸卯木主火三星聚于房○詔徵延綏
赴兵赴戍大同先是延綏巡撫張聰上言備廣急務惟補足行伍充實
芻糧訓練士卒鋒利器械修理城塹虜若入寇據險守隘使進不得攻
散無所掠其勢自困邀而擊之此為上策若集兵防守不可為常請仍
諭各鎮使互相傳告一聞有警本處兵馬作何戰守附近兵馬作何應
援絕各鎮觀望之心杜彼出推託之念 上納之至是宣大總督翟鵬
以虜報紛至請徵諸鎮援兵聽用事下兵部尚書毛伯溫言審如鵬請
盡調全陝剿寇之兵獨守宣大山西不知各鎮有警何以待之且聖援
之心重則自勵之心輕惟延綏遊兵二枝可聽徵發 上從部議○兵
部尚書秦金卒諡端敏金無錫人歷事三朝老成練達有大臣風節時
論許之○詔免查廠衛陞授官旗時總督東廠太監李賓請申明舊制

卷之七

府察緝捕微勞乞恩免查以勵後效 上曰秦內緝獲妖言強盜陞授
人員俱免行查既而管鎮撫司事指揮同知崔王等亦疏請兵科給事中
中戴壽桂劾其效尤妄奏部議仍行科道官遵照前旨清查給事中楊
上林御史沈越各會同查覈越因言廠衛額奏之獎率多含糊乞請曉
諭擬陞連署姓名虛張勞動奏一人則陞一人奏百人則陞百人遂使
市井之流立登朝籍屬養之賤亦流官班若止憑據衙門之詞不數其
實恐無功者多有功之賞今後請將廠衛人員令兵部東廠會選才
力堪充任使者二三百名分註五城如果東城擒獲西城不得奉以為
說南城擒獲北城不得勦為已有所獲人犯果係機密重情有關憲典
者令送法司鞠明成獄給與總捕人印信票帖抄招募餉候類奏陞賞
之日執以查照若不係重大事情過為羅織許法司從公執奏照常登
客庶事無通情民無冤獄而率附附陞者不得以肆其奸詭入納之○

命工部造嘉靖通寶錢依洪武折二當三當五當十式各三萬文續
貯庫○虜寇甘州土官百戶馬能言于總兵楊信以魯迷等國陷進
貢回夷九十餘人驅之禦虜亦阿力等九人死馬巡撫都御史詹榮
以聞兵部言回夷絕強胡而附中國誠以恩寵相沿威靈足恃也楊信
乃聽馬能之言無故驅以禦虜挑怨召蠻為罪魁都指揮黃騎柳積
等或不能阻執于前或不能應援于後均當責之于理 上命楊信
職逮馬能等按其罪以寫亦阿力等死事可憫令撫臣重給棺款祭葬
之費送歸本國仍移檄國王宣諭朝廷處置罪人優恤無辜至意○總
督宣大侍郎翟鵬疏請專命大臣督餉不從時兵部議兵食相須若分
理之則督兵者務多調人馬不惜廉價督餉者務極節餉糧中機宜
事權不一掣肘難行宜將一切兵餉仍聽總督官督令撫臣召買毋得
推諉誤事 上從部議○以宣府旱災命支京通二倉粟米十萬石運

卷之七

濟米城給本鎮官軍○追贈故刑部右侍郎林鵬為刑部尚書諡恭肅
○京州衛大火○命戚寧侯仇鸞掛印充總兵官鎮守甘肅等處○二
月巡撫河南都御史李宗樞請築黎城吾兒峪堡從之宗樞言山西黎
城境上有吾兒峪隘口初議築堡以居民阻撓而止因退築羅家郊臣
等以為是峪逼近故關連亘三省因舊築堡險防守誠不可緩然堡
完日即令吾兒峪巡撫居內轄兵防守蓋自黎城抵故關有溝七十二
可為戰地羅家郊雖已修築然退入峪內二十餘里旁路小徑尚或可
通終非久計尤必築垣於峪外則內而羅家郊外而同峪諸隘口皆保
障于中一遇有警發兵外守前以故關大溝為戰地中以吾兒峪為門
戶後以羅家郊為堂室重關疊峙不獨中土鞏固而北直隸山東亦有
賴矣兵部覆請 上命宗樞悉照舊議併工修理為人遠之計○提督
鳳門等關無巡撫山西余都御史李珪以病乞休許之命曹銑以原職

代○會試天下貢士命禮部尚書兼學士張潮石庶子江汝璧為考試
官取瞿景淳等三百二十人時潮入院疾作遂卒後以同考官山稱作
試錄後序先是南京御史包孝論劾翰林官袁煒潘仲驤章承叙積世
臣郭希顏素干清議勿令再入禮閣禮部覆令各官痛自砥礪俟大計
裁處故諸臣皆不與分校○給事中楊上林等議上查革冗食言錦衣
衛南北鎮撫司臬房額設見任管事俱有定員見今多溢原數兵部欲
將傳乞註擬管事者革去管事不為無據臣等請照舊制革回原衛所
司帶俸候缺推補請旨點用庶人人各以功能自奮御史沈越因言祖
宗朝非軍功不授以武職非異才不加以流官蓋酬功旌能振勵之微
權查得該部推用各都司及參遊總兵等官雖係舊考語但亦有偶
叨一薦即授重銜及不勝任旋議罷黜則名器已廢臣願重惜此典不
輕授人比照武舉會議事例非有軍功大勞雖遇明恩不得突授庶懷

卷之七

主

奇抱忠之士將脫穎而出又言武舉之設載在會典但直以捷之科目
補塞一時彌文用舍或違其長遲遲視乎所進則新者未用舊者已湮
大非朝廷選將掄才之至意乞勅該部將新舊武舉人負通行查出其
年資才望尚堪策勵者酌量地方加以署職在內地者限以五年在邊
境者限以三年若無功能即住支加俸不許指倚武舉名色朦朧奏用
至於各邊營寨多係脂膩不諳韜鈴倚仗權門各送贊畫無事則
庇占軍下廉費牢廉要挾主帥漁獵有司遇警則奉頭鼠竄驚索然
傳人首級冒功乞賞此弊因襲已久乞勅兵部轉行撫鎮查覈有無指
陳方畧建立軍功年終分別等第時議去留奏請庶諸邊鎮多自樹勞
伐之士上俱嘉納章下所司○三月廷試賜孝鳴雷瞿景淳其情等
進士及第出身有差○詔革錦衣衛帶工軍餘先是錦衣衛事右都
督陳寅請申明制典寬查革事上曰該衛既差役繁難免查但中間

工所費緣寄名及臨時添名者查明盡行革去給事中楊上林等因查
錦衣衛軍餘兵教等五千人計名帶工糜費餼廉言丘教等各役見於
正德二年投充十六年奉例查革所謂丘教姓名乃正德間投充故名
也嘉靖七年李學等因之而奏復一千一百三十名後王允中等沿之
而奏復三千八百七十名大率群小無知公肆欺冒始假營操之故繫
踪跡於行間繼託幫役之謀寄姓名於工所中間假張認本援午成牛
因影索形乘虛作實踵為故習營食日深國用日耗若不盡革此輩冗
食何時已哉御史沈越亦言錦衣官校軍旗原係侍衛直駕爪牙桓赫
既參擁仗之班則宿衛勤能不在荷鋤之役不知營事之臣何人創為
幫工之說使將惰之人環聚而耗公廩况朝廷工役不常國家財賦有
限若必豫養軍人以俟興作則所費不貲故豫養十人則歲費糧百二
十石豫養百人則歲費糧千二百石養愈多耗愈甚今日丘教等三千

卷之七

十

八百七十名李學等一千一百三十名皆所以耗國家之財者也臣愚
以為養軍以待役不如因役以募民養以待役則費出無窮役以募民
則用節有限昔太王作室鰥鼓弗勝文王為臺庶民胥悅况郊廟大役
不止臺室皇仁招徠何患無人若丘教等誠無所用之第恐連累年奏
復之非倡一弊國革之說藉口廟建托以求容是又啟一冗食之因也
伏乞上裁上令再假幫工希求恩澤者即奏聞重治著為令越又言
內府各監局今查見在食糧新舊軍匠計二萬五千二百五十八名每
各監局多者數過三千少者不下數百率多假公廩以徇班錢役私門
而恣影射或營冊開逃仍造食糧或令收令除任意冒濫或已經事故
不行開除或不由驗送私自偷補或解到戶丁不行掣回新匠或食糧
有名局監無人甚者名在六府不能餉八材繕系百工不能通世輩操
縵而嬉者什九餼廉稱事者什一私得其益公費其財且前項人役或

以局監寫字刊書或以耕鑿採或以說花製燈或以行造金銀或以製合火藥即其所挾類皆技藝微勞平日倉糧充宜若無可擬陞者然而傳陞例陞工完而陞附名各工而陞又有不開原由勝騰而陞者改其官為皮作局文思院書繕所副使大則有為光祿監事順天知事上林苑監丞者群小冒竊以為當然且謂朝廷名器可謀而獲不知欺天罔上法典不容從而違之竊恐後之人有以議賞罰也伏乞令臣等照欵裁革可省國家之耗費以副皇上憺憺憂民裕國節用惜財至念上從之○夏四月戶科給事中戴慶桂疏陳禦守之策條五事以上曰量徵調以備折衝寬法制以便閭閻擬胡服以備掩襲懲規避以聖戰守廣推擇以備將選下部議覆上曰所言既為禦守奇策務實舉行○詔禮部重議廟建時左庶子江汝璧上九廟世室圖言成祖首正世室而奉皇考入廟則見存舊廟宜遷于穆廟之殿以當將來世室與成祖廟東西對峙太祖廟其後三昭三穆列乎其前成廟廟廟翼乎其左右疏入上悅下部議時太廟同堂異室准後舊制禮部尚書張璧議定工部尚書甘為霖已奉行營建汝璧諫下俱倖工以待既而右贊善郭希顏言宜立太廟居中世室居左而應右四親廟以次而左右祧廟居後亦下部議禮部遂言汝璧之議問有異同然其說出于朱熹廟議之圖希顏之議本于章玄成此不待智者而後知其不可也惟仍舊制則名正言順足以垂萬世視損七廟而為五廟孰為當耶蓋禮官因上悅汝璧議難干題覆故嗾希顏為此議以亂之並罷前議也○五月諭令各省守巡官偏歷所部時給事中何光裕言各省守巡俱有地方之責雖偏州下邑亦必躬親偏歷察吏治聞城池查錢糧理罪囚治奸豪恤孤寡督稅糧審盜侵諸所應舉職務俱將憲綱事體施行不職者應據按察奏上詔從之○嘗吏作亂時甘肅

近邊各糧倉吏糾眾攻劫莊寨殺掠人畜據險抗拒巡撫屠榮上言欲乘時追剿以禦寇悍除民害而總督張珩上言欲宣布恩威待時戡定事下兵部議尚書毛伯溫言番夷梗化實切腹心急之則驚變緩之則滋蔓宜治具陳兵固守地方仍遣人宣布威德陳示禍福令知悔禍嚴首惡以贖罪如怙終負固定宜追勦不得互為異同以致失誤上從部議○給事中楊上林御史沈越奏繼清查冗食文冊查過例應裁革皇親指揮使等官七十一員錦衣并旗守等七十七衛所例應裁革改正替職等項官旗指揮使等三千六百五十員名查革過錦衣左右等所參典等司幫工軍餘五千名時元濫一清而裁革票擬實出大學士瞿鑾于是中貴戚既怨變者益眾而有一鑾當道變鳳齊鳴之謠云○六月災惑犯南斗○大學士方獻夫卒謚文襄獻夫南海人立朝議論恒存平恕人以此多之○詔罷右贊善浦應麒削籍先是應麒主順天鄉試受賂取馬鑾等變為代筆生員需索東廠緝捕之給事中呂時中劾應麒罷之併馬鑾俱革為民○巡視京營御史沈越疏請沙汰老廢并冒濫軍士言臣被命以來逐一查閱營衛情弊聞見頗悉夫國衛于兵兵資于食京營之兵所賴以振揚威武控內禦外故轉天下之粟以供之嚴輸力戰重賞而不辭者所倚甚重故也使其替補法嚴訓練精密則兵威自壯糧費不虛若老弱冒濫之徒雜處行伍虛糜無益豈國家養兵儲用之功哉故但今邊右有事團營居重駁輕不可無通融作新之道乞勅兵部再加詳議將臣所擬應革軍人斟酌以請上納之○秋七月加禮部尚書陶仲文少傅兼少保文正一品俸○戶部尚書李廷相卒謚文敏○八月內苑嘉禾生一莖變穗者六十有四零壇壝奉五出者一○詔罷大學士翟崇剛籍還籍少詹事江汝璧等訊治時給事中王交王克日論劾汝璧及修撰沈坤編修彭鳳歐陽煥員外高節

朋私通賄大壞制科大學士翟鑒以內閣首臣二子汝倫汝孝臨中鄉會而業師崔奇勲姻親焦清入試既同一號座主皆出彭鳳其歐陽聰亦汝倫舊師故改閱書經跡若引繩而陰為籌畫及沈坤之取陸燾節之取彭謙汪一中皆以賄賂故乞明正其罪且欲追論順天鄉試秦鳴夏浦應麒阿奉翟鑒之罪上令部院從公參看鑒上疏辨因請獎試上曰鑒既聽參更難援耶內苑乘輿入閣大晏二子縱有執轡之才豈得明白濫進遂令鑒削籍為民并汝倫汝孝焦清等俱除名下汝鑒等干錦衣獄及法司鞫問謂汝鑒鳴夏應麒雖阿取輔臣之子然實非以賄故至坤亦然獨謙以得罪執政誣以賄上詔杖汝鑒等革職閒住節克軍謙為民坤一中煒姑留供職因詔逮鑒監試御史王珩沈越謫補外先是江汝璧奏辯言臣為考官時在內有給事中盧勳周家陳裴為同考試官在外有御史王珩沈越為監試官此五臣皆陛下除

卷之七

十七

奸革獎之人臣若有此情當時豈得不言上曰盧勳等職係言官目見場中情弊如何不行糾奏因令勳等對狀勳裴乞恩認罪命降俸三級以珩越強辯命逮鑒錦衣衛謫珩判除州越判開州時擬降調出刑部尚書聞淵都御史熊浹以為太過淵因連揖謝之蓋淵有所為希執政意也○進大學士嚴嵩少傳兼太子太傅○九月以少保兼太子太傅吏部尚書許讚為文淵閣大學士禮部尚書兼翰林學士張璧為東閣大學士並兼贊機務○以熊浹為吏部尚書賈象為禮部尚書○巡撫兩廣都御史兼兵部尚書潘鑑卒謚康敏○虜入大同塞總督尚書翟鵬禦却之○進巡撫金都御史許論副都御史尋乞休許之以朱方為巡撫副都御史時有叛人白通事子朵顏首倡劉州塞論伏兵擒通事斬之乃進論副都御史論尋請告云以朱方代之○詔撤諸鎮防秋兵時虜酋遣叛人至京師入兵仗乞習餐佛即機大礮獲而誅

之朱方遂請撤鎮兵下兵部議尚書毛伯溫言諸鎮兵俱宜撤從之○冬十月虜入寇初寇勝房堡總兵邵永禦之不能入遂自萬全右衛壞垣擁入上以本鎮防禦不嚴切責總督尚書翟鵬等仍令東西應整棚士馬候報征之既而虜報各至京師戒嚴兵部尚書毛伯溫成國公朱希忠給事中戴夢桂御史楊本源及山西巡撫魯鏡等各議防守事宜上令兵部檄二鎮士馬急赴畿輔頃虜隨往分布截殺勸擒之○虜破宣府塞詔逮鑒總督尚書翟鵬及巡撫都御史朱方等訊治兵部尚書毛伯溫罷時虜破宣府入紫荆關給事中戴夢桂言劉州巡撫朱方輕躁建議撤兵太早藉口惜費致虜得乘間入寇王儀卻永一聞其議遂即散兵虜一入口召兵不暇總督翟鵬漫無可否亦難辭罪上曰鵬若不下令儀永安敢撤兵朱方建議撤兵使既去之賊非時勾入以必搶京師為辭二臣實為罪首俱命械繫來京訊治儀永姑奪俸

卷之七

十八

戴罪殺賊御史舒汀因言撤兵致寇雖自朱方而本兵毛伯溫職方郎中韓勛漫無參酌朦朧題覆罪不容辭況朱方止議撤鎮兵而并將宣大兵並撤則本兵之罪也上是其言令奪伯溫官為民而杖韓勛於關廷遂卒既而逮鑒鵬方至俱論成遣鵬至河西務借宿民家皆莫肯留鈔關主事因杖其居民民訴之嚴衛以聞復逮至京遂卒于獄方亦斃杖下乃以翁萬達總督宣大軍務○十一月虜寇甘肅總兵仇鸞總督張珩巡撫趙錦等禦却之○南京兵部尚書張邦奇卒謚文定邦奇鄧縣人好學篤行以母老屢進屢乞休累官尚書年六十餘而其母尚存至百歲而卒人稱其孝養所致云○吏部右侍郎歐陽鐸卒謚恭簡鐸泰和人有文德操履修潔士論重之○詔加秉一真人禮部尚書陶仲文少師其少傳少保如故時有大同順聖川水地莊卒劉伏玘擒板不孩部下酋目王三三本華人叛附虜者磔之傳首諸邊上曰朕

祇奉玄威保民伐逆仰上天垂鑒叛惡生擒固義勇之効力實鬼神默
戮其魄也遣告謝郊廟社稷加仲文少師餘官如故

謹按鄭端簡疏曰我朝開國靖難勳戚內閣五楊吏宰三王皆未有
燕總三孤者仲文獨以直人躋宗伯領三孤云

兵科給事中徐養正疏陳團營事宜從之養正言今之團營即古天子
之六軍也當戎務廢弛之久而欲錢糧支給宜禁止浸漁以革風弊馬
匹領養則揀選壯軍以便餉餉給發予矢器械以熟操練分別軍士強
弱以作勇敢疏入詔議行之○十二月以戴金為兵部尚書金因條上
備邊十二事曰別武才以責成效稽分領以別勤惰實缺伍以備攻守
選民兵以裨行陣脩戰車以禦敵敵極富厚以養馬匹脩關隘以固藩
屏重墩臺以明烽火謹盤詰以杜奸細處降人以收亡叛養死士以極
厲情選士兵以備調度上令酌酌舉行○詔禮官議大臣祭葬贈諡

卷之七

十九

時禮科給事中周宗上言祭葬贈諡宜著為畫一之法因下部議尚書
費案等議以為國家定制優卹臣工計品論資以為隆殺則辨貴之義
存而賤者勸程工課實以為予奪則辨勞之議存而怠者奮祭葬有半
得則辨賢之義存而不肖者懲難逾不得以干恩父母不得以追附則
辨能辨位之義存而觀瞻者息規制非不甚備而歲久因循越且濫矣
臣等擬議條格如言侍臣者必嘗侍講讀言軍功者必嘗躬履行陣
給半葬者必原其年勞之異用請特恩者必論其途徑之正邪於例不
可拘法當報罷者條列上請以俟裁定一二品官妻後封病故者止祭
一壇不得與夫之父母比三品四品父母止授封五品以下封者不賜
祭其稱特恩昨日侍講讀履行陣及東宮官親奉出閣開陳有勞者
不得與與一切雜途皆報罷尚書左右都御史已加三少而奉旨去
者止與本等祭一壇被劾開住者不許四品以上父母曾經本等封贈

者各許並祭無封贈者不許二品文官妻未封夫人者不賜祭被劾致

仕者聽本部論其生平功過酌議請裁未考滿者不分在任致賜賜賜
祭一壇葬減半聽調別用及開住詔復者俱不許四品官已考滿者父
母雖不得重封亦與祭一壇未考滿者不許議上上命被劾致仕者
仍如弘治中例准給祭葬以稱朝廷優禮大臣之意餘皆如議○命刊
醫方纂要及外科經驗方上諭禮部皇考躬集醫方纂要仰體天地
生德壽眾至仁之心歲久傳有未廣即重錄梓行以濟民生皇考御製
外科集驗方一併重刊之○副都御史萬鏜平湖貴苗班師初鏜受命
徵兵討湖貴苗不克有言鎮溪土指揮田應朝為諸苗所信服足辦此
事鏜用為巡捕指揮應朝故辰州府學生員巧黠多智能誘煽諸苗
往年永順保靖相仇殺皆應朝陰搆亂而兩利其賄及得巡捕益煽惑
群苗大肆奸利征則庇庇真寇誘殺居民冒功實撫則挾求重賄多反覆
苗實未蒙惠利故功久不成鏜遣人誘苗帥龍來見苗謂必得實始出
鏜令一千戶入質龍果未鏜執而奏殺之苗亦殺其所質千戶鏜乃厚
恤千戶家復遣兩省諸監司挾所隸土官親詣賊巢招撫擒以花紅牛
酒給魚鹽又計口給糧食官其魁龍許保湖苗暫息貴州苗尚觀望未
肯靖鏜遂奏苗平請班師許之朝廷各論功陞賞召鏜還為兵部侍郎
未幾龍許保吳黑苗復倡亂於初州縣兩省無寧日

卷之七

二十

苗實未蒙惠利故功久不成鏜遣人誘苗帥龍來見苗謂必得實始出
鏜令一千戶入質龍果未鏜執而奏殺之苗亦殺其所質千戶鏜乃厚
恤千戶家復遣兩省諸監司挾所隸土官親詣賊巢招撫擒以花紅牛
酒給魚鹽又計口給糧食官其魁龍許保湖苗暫息貴州苗尚觀望未
肯靖鏜遂奏苗平請班師許之朝廷各論功陞賞召鏜還為兵部侍郎
未幾龍許保吳黑苗復倡亂於初州縣兩省無寧日

乙巳嘉靖二十四年

春正月乙未朔○史館以所重錄諸書成進呈先是上命錄列聖御
製文集并聖學心法四書五經大全及性理二十一史諸書至是俱完
奏聞進覽乃賞發總裁等官有差○閏正月論甘肅平虜功加總兵戚
宣侯仇鸞及總督侍郎張珩官時鸞上平虜功言曰者聞虜入寇督兵
出禦追至朵蘭地及之一日凡五捷斬虜首百餘級并斬吉囊于狼台

吉且謂為擒獲虜王又將昆李麻老卒姓名竄入籍中俱稱有工事下部覆言為秦捷辭多虛構意涉誇張計璇璣望日仲冬啓極知朝夕才五時耳質明聞警發兵追蹙至沙河大途又至朵蘭雙拉軍行不啻三時乃于三時間五戰五捷得首功百級何雄速如此且往歲大同黑山之捷謂賊吉囊于太不孩竟成空言今復以衣鎧鮮華謂為狼台吉藍引擒王之語妄意封侯之勳不知果何所據且又竄昆李麻老姓名謂破陣當先俱屬可疑宜行勘覈覆奏上曰斬獲既多厥功可嘉其加賜太子太保任一子可鎮撫張珩進右都御史其諸功次令巡撫官覆覈以聞○戊寅金星晝見○詔中外嚴禁修靡時禮科給事中查秉彝上言風俗浸侈始于世祿之家好作無益崇尚虛靡以蕩民心四方無藉之徒聚黨遊食以愚黔首誠敦倫紀教之端教奸誨淫之地臣竊以為欲天下太平左息盜賊欲息盜賊在保善良欲保善良在明禮制禮

卷之七

十一

制明則人知節儉節儉則無求則廉耻立而禮義心生奸盜原委疏入上詔中外嚴為之禁○巡按山西御史陳蒙疏請擊逐李虜言止虜三犯山西殺掠百萬此不可以常寇目計費帑金六百萬而戰守無尺寸功不知何用此六百萬為諸臣建議動稱屯守不知虜衆內侵不由諸隘口皆從絕壁懸崖附懸崖邊垣又何足恃況諸隘口皆從煤虜自為多囊鉞刀遇虜偵者賂求不殺彼此譯語互為和同待虜深入然後舉燧發砲降旗轉走蓋不止一日一處為爾且邇來之虜類多我民亡命為彼嚮導星術機械文字技藝諸人咸足為彼區畫故連歲非時倭至冒險深入如履故途無復忌憚自今以後恐患無底止乞下廷臣集議萬全之策期于必戰盡復空地庶可弭其內擾之患而邊境無虞章下兵部議行○兵部尚書戴全罷以唐龍為兵部尚書○命施藥於朝天宮上諭掌詹事府事吏部侍郎孫承恩錦衣衛指揮使

陸炳曰方此春時民多疾疫朕體上天好生之命令爾等施藥於朝天宮用以溥濟群生宜如諭行既而承恩奏邊方軍民亦宜救療乃復命錦衣千戶同道錄司官齎赴宣大山山西等處會同撫按官立法給散粉俾均霑玄惠以廣同仁之義○命兵部右侍郎路迎兼倉部御史往修築然荊諸關初兵部尚書戴全言然荊密雲係國門之藩屏而宣大偏關又為然荊密雲之捍衛蓋添設重關以限制夷虜若假以人力脩補必成不可犯之險乞勅一重臣親往然荊等處相視關隘亟為脩築其宜大偏關亦勅總督侍郎翁萬達議處具聞至是乃命迎往○總督漕運右都御史王暉疏請留漕運折糧銀數萬兩賑廬鳳滁和被災之地戶部覆漕糧為京儲重計難以議留聽以所給兩淮餘盈銀賑濟得旨允行○命續纂大明會典大學士嚴嵩等請續纂大明會典除先年纂輯已完外自今嘉靖八年至二十三年止一應事宜照前凡例續收附

卷之七

十一

入以成全書報可乃命大學士嚴嵩許讚張璧為總裁官吏部侍郎無學士孫承恩張治副之○二月賜致仕吏部尚書羅欽順羊酒命撫按官及門存問仍給月米歲夫欽順年八十巡撫張岳為之請故有是命○詔天下有司招撫流移復業給與牛具種子俟年豐抵還能有開墾開田者蠲賦十年從山東巡按劉廷儀奏也○吏科給事中盧勳等陳慎考察四事一集眾見以昭大公通行兩京堂上官將所屬各官用心稽訪備書事蹟俟會考日親携赴部以憑恭酌去留一核眾職以昭大法謂於欽天監大醫院一體考察以清胃滯一除曖昧以全人材止據居官操行之事嚴加考覈其未任之前及閤門曖昧之事一切弗聽一禁奔競以正士風各官果有附勢依權賁錄鑽刺者照不謹事例黜退毋容倖免得旨太醫院官照例考覈欽天監已之餘令部院如議行○總督直隸河南山東兵部侍郎張漢條陳備邊四事納之漢言虜不畏

吾地險而所畏者將勇不畏吾卒衆而所畏者兵精兵精本于賞罰之當因陳選將練兵信賞必罰四事之宜踞下部議俱依擬行○命罷元主忽必烈廟祀及其侍享五臣時禮科給事中陳鼎言元世祖以夷亂華不宜廟祀乞撤帝王廟元主忽必烈神位及其臣木華黎等五人牌名并南京廟祀胡像禮部議覆從之于是削宋訥所撰廟碑命輔臣別為文記之○三月大計京官點南京考功郎中薛應旂外補初大學士萬入內閣南京給事中王燁首劾高奸貪嗣是論者紛紛嵩憾燁不已及是大計京官嵩令所私尚寶丞諸僚賄書應旂使燁燁應旂執使及書擬奏為尚書張濶所阻而傑先為南京兵部主事時以貪聞于是尚書濶及都御史王以旂令應旂并傑出之又點前南京御史出守常州符驗等嵩乃嗾同鄉御史桂榮劾應旂以私怨黜本郡守遂黜應旂補外職○詔收原賜勳戚族舍初福德寺五族舍寶源吉慶二族舍皆

卷之七

十三

先朝所賜勳戚者至是 上降旨曰先朝之賜原非子孫世有俱令還官徵賦以資國用命順天府丞一人督理之○夏四月詔申飭諸司賤卹戶部尚書王果上言邇來各處災傷業已奏請蠲恤第諸司多玩愒虐飾民不受惠臣以為守令乃親民之官守令得人民受其福衆今賑恤之時所在撫按加意督成果能先事儲蓄及時賑貸全活衆多者奏薦陞擢其或廢職誤事奏劾斥治庶食殘有警疲困少蘇 上令依擬行○五月壬戌朔日食○楚世子英燿弑其父楚王顯燿英燿伏誅先是英燿淫縱不道奸宮人方三楚王錮三而杖殺其使陶元後以端午設宴樂婦宋公兒侑觴英燿復納之王怒欲杖殺押邪劉金金大恐乃與其黨張英燿先發謀以上元舉事軟血盟分執木槌銅瓜伏堂後以舉砲為號申刻王至與武昌王欣尋歎於西室從者各就食英燿舉手發砲衆從王後出謝六首以銅瓜擲王腦碎各亂槌擣之立死猶難屍

以洩忿昇入內寢翼日殮用長史承奉等謀以中風報訃而錮武昌王於別室王從者扶門出告變鎮撫官以聞 上詔司禮太監駙馬都尉等官會鎮巡撫之武昌衆聞揭英燿弑逆狀擬具 上命成國公朱希忠祭告皇祖斬英燿于市焚屍揚灰勿令收瘞凡預謀者悉盡磔之仍書諭各王府○六月大學士毛紀卒贈太保諡文簡紀據縣人受遺迎上入繼大統歷事四朝守正不阿以疾乞休家居二十載始終一節先是詔有司存問及是聞卒輟朝一日○秋七月太廟成奉安列聖神主于太廟布詔天下 上以廟建禮成於奉天門受文武百官上表稱賀乃頒詔天下詔曰朕惟宗廟之禮所以序昭穆孝子之至莫大乎尊親成國家宗廟之制自太祖肇基首立四親廟其後更制同堂異室比因稽古式師周典奉太祖正位居尊成祖及列聖與成肅宗皇帝武宗皇兄俱同堂而序享獻之節茲以七月初一日奉安神主聖靈攸安朕

卷之七

十四

志少使布告天下咸使聞知○命加大學士嚴嵩太子太師許讚少傅張璧太子太保工部尚書甘霖少保兵部尚書唐龍禮部尚書費采俱太子太保賞廟建功也○詔逮繫御史周冕于獄初禮部尚書費采等奏言太廟告成宜舉告廟禮 上命皇太子攝行祀禮冕上言數年采祭列聖松景神殿聖心弗安今大工告成廟貌鼎新祖宗列聖得復其位肅宗又與列聖合享一堂非陛下之誠孝無以安其靈通其志宜于奉安之日或秋祭之期齋祓一心親致孝享上以對越祖考下以儀刑百辟庶神人胥悅休徵協應不宜代攝以缺神人之望疏入 上怒冕故抗明旨逮獄鞫詎遠方○擢岳州知府陸坤為鴻臚寺卿時巡按湖廣御史伊敏生薦坤救荒有善政且慈惠清謹淳德篤行持身如處女愛民如已子庶幾古之循良故特旨擢之○西海虜酋整克納求附初整克乃北虜小十王部落因變逃據西海已父至是遣其屬阿

都赤赴甘肅納款求居內地總督尚書張珩上言整克精兵十萬若不
得請必為套虜所吞是藉寇兵也納之便但虜情詭詐難信宜令整克
親赴軍門覆審無異然後俯從其請仍令海上任牧如故俟套虜入寇
即于境外拒戰有功一體給賞或計擒酋首朝廷待以不次之典既以
羈縻西虜又借其力以捍禦套虜計無便于此者 上命相機酌處仍
整湖士馬嚴加防守勿墮奸計○詔逮繫總督尚書張珩巡撫延綏都
御史張子立于獄適戌邊時套虜二萬餘入榆林塞殺掠人畜數十萬
計延綏遊兵時俱徵赴宜大防秋故虜入無復禦者其禍最慘乃逮繫
珩子立詔獄訊治戌邊○八月加乘一真人陶仲文伯辭請贈廕
上許之追贈三代給與誥命廕其孫做為國子生○晉府永和王知煥
獲白兔以進賀萬壽節 上喜而嘉獎之○詔釋御史楊爵給事中周
怡于獄尋復逮繫楊爵初爵與怡先後繫錦衣獄至是命釋之赦其罪

卷之七

放回原籍大學士嚴嵩以工部郎中楊魁與爵等事體相同乞一體寬
宥 上並赦之既而復逮繫爵○諭立京城義塚時 上諭禮部曰朕
思京城九門地大人衆多有死喪貧難不能葬者或有四方客死不能
歸者暴露骸骸甚憫焉五城御史其督率各該官役以義地收瘞之
○虜寇大同塞泰將張鳳生員王邦直赴戰死之時虜以數萬騎犯大
同中路鐵裏關等處總兵張達率衆力戰却之又犯鴉鵲峪泰將張鳳
率其屬各殊死戰鳳挺身陷陣中流矢先死餘衆盡沒磁州生員王邦
直初以武力之士應詔至是見虜勢亦慮衆寡不敵守者促之且激曰
若素以勇聞奈何見賊不殺邦直耻之遂大呼入陣陣中皆見其
兵少無繼援遂聚而圍之邦直奮勇獨殺十數人而死虜衆勝欲
深入總督翁萬達總兵周尚文各遣騎四出邀虜虜登山見官兵大
集乃遁出關事聞 上嘉萬達等功各賞銀幣仍賜勅褒獎復陣亡總

卷之七

兵張鳳原官贈邦直都指揮僉事各廕一子世襲千戶○詔陞河南歸
德州為府增設附郭縣為商丘割睢州及考城柘城二縣隸之其原轄
寧夏鹿邑虞城永城如故從撫按官奏也○命成都府祀漢廣漢朱隳
與之於四賢祠巡撫都御史王大用奏請故邵是命○遷揚州府海門
縣於直隸金沙場割通州清江鄉七圖及利河鎮北水蕩附之避水患
也○大學士嚴嵩請親行大享禮報聞先是太享殿工程將竣禮部尚
書費崇言大享殿三字原係欽定請書扁額 上吏門名太享殿名皇
乾案又言自古園丘事天明堂事帝其禮一也惟事天之禮極簡聖人
以為未足以盡其意故有秋季大享之禮仰惟皇上憲天稽古達孝因
心茲當郊廟禮成之後準古明堂之制肇建大享殿皇乾殿今工完在
即秋享上帝以睿宗獻皇帝配典禮隆重群臣宜上表賀及詔告天下
并書諭宗藩上令暫止至是嵩上言皇上嘉尚古禮取法成周明堂嚴
配之文奉皇考以配上帝尊親大孝千古帝王莫及此與往年權行於
玄極寶殿茲則鴻構落成首舉此祭人心咸望衆興一出躬舉大儀以
光聖孝蓋昨者太廟新成群臣已切維時渾暑未敢輒請茲天眷聖躬
克養德威臣敢批瀝愚衷乞賜鑒納奉定大享以九月四日暫于玄極
寶殿行禮各項禮儀俱俟來秋定行○詔定陵祭遣官以英國公張溶
京山侯崔元西寧侯宋良臣安平侯方銳駙馬都尉鄔景和謝詔長寧
伯周大經王田伯蔣榮惠安伯張綱都督沈至王朝用更番行禮○遼
東廣寧衛直隸龍門衛俱地震有聲○建州右衛吳酋李撤赤哈糾衆
為亂屢犯城堡擾人患之至是就擒命斬首梟示賞總兵官趙國忠巡
撫山東都御史董珊等銀幣有差○九月大壩馬房草場火逮問戶部
主事趙珍等辜贖罪還職○詔謁祀諸陵官不許託故代行御史黃如
桂言朝廷歲以春秋二季遣官謁祀諸陵禮典甚重比者人情玩愒各

衙門司務得以代堂上辦事進士得以代各司其非所以奉宣聖孝恭
近列聖之意宜禁之得旨自今陵祭如有託故代行者科道指名奏
○擢吏部文選郎中劉整為右通政提督騰黃詔于各部司屬內選有
才望者為文選郎中務在得人毋循次調補既而禮部尚書費象言比
者選司員缺吏部素資從各部推用臣之所屬有儀制祠祭二司事任
最重而郎中周琬高簡最各稱職該部方賴其用有如忌臣者出臣不
意議調琬等成命一下臣欲疏留下可得矣近評事孫學思假以大學
士嚴嵩之名求索差遣臣執不與學思為嵩私人多多機警第恐其罪
中傷大以臣孤危而復奪此二臣再遭謗訕愈難獨立上曰索章在
攻訐假以保留屬官為詞妄生齟齬下其章所司○乘一真人領道教
事陶仲文奏詣太和山建醮祝延聖壽上允其請賜勅給驛以行○
詔後以四孟朔日時享太廟○詔奪吏部尚書熊浹等俸先是部擬刑

卷之七

三

部郎中翁大立調補文選吏科都給事中楊上林劾論大立傾險不職
宜罷有旨令吏部對狀于是決等謝罪上曰爾等職司用人乃不行
審察選用失當以致人言令奪決等俸三月大立不准調用○法司上
是歲重囚應決之數上曰囚犯屢歲廢刑即當處決但朕方奉欽天
報祖吉典姑停行刑令嚴錮毋縱○巡撫鳳陽都御史王瞻請貴海州
民馬課先是海州災傷有詔貴民當出馬者徵其值二年及是限滿驛
上言海州地小民急近亡過半請以前所貢者永著為令兵部覆請再
賞五年以示寬恤從之○詔建橋於琉璃河工部尚書甘為霖以財力
不支請行開納事例通查各省無礙官銀及變買大興隆寺基銀一體
解赴工部上允之付所司議處乃命鑄總視工程開防給為保鑄管
理工程開防給工部郎中劉勳既而復發內帑銀五萬兩助濟橋工○
乘一直人陶仲文于原籍貴州造雷壩并御書樓成疏乞坊額上賜

名隆教坊令工部製扁給之○詔改徵被災地方折色○大學士張鶴
卒贈少保謚文簡璧石首人諱實周慎在講筵最久多所裨益可稱○
召起原任大學士夏言于家上遣官賜勅令馳驛前來以副眷倚至
意○冬十月皇太子千秋節賜百官宴于午門外先是詹事孫承恩等
言過者皇上以皇太子冠讀且近習禮禁中固慎重大禮至意臣惟近
侍左右朝夕與居易于玩狎不可不慎惟皇上有君之尊有父之親誠
進皇太子于前躬為肄習賜以面諭况聖德之至一言一動莫非觀法
尤易速化至近侍諸臣又勅諭之俾各事以正道使便言喪語不入于
耳戲侮玩好不接于目斯可端皇太子蒙養之功副皇上佑啟之意
上納之○大學士許讚罷時讚引疾乞致仕上怒令削籍為民○追
錄許達樂陵禦寇功巡按山東御史鄭芸上言正德間劇賊劉六等糾
眾抄掠所至縣官望風奔潰獨樂陵縣知縣許達鼓策巷戰保障有功

卷之七

三

後以死宸濠難產于瑒錦衣千戶項見浙江參議周雍以擒賊功
得陞一子入監達功不在期雍下乃僅錄其江西死事之功而樂陵功
猶未錄似為缺典下兵部議進瑒官一級從之乃以錦衣千戶許瑒為
指揮僉事○十一月纂修王牒成○詔廣東守臣為副使陶成并其子
左布政陶魯立祠于會城歲時致祭成廣西鬱林人初任浙江僉事正
德間征處州叛賊以功進副使既而為賊所獲死之後遺官諭祭贈祭
政民德其保障功立祠以祀魯以父廢為新會縣丞與征兩廣洞蠻忠
勇有父風累進湖廣布政諸蠻深讎之乃掘其祖墳戕其宗黨魯卒于
官其子孫不敢歸葬林遂占籍南海至是成曾孫陶鳳像具疏上請
上乃命建祠祀之○詔罷吏部尚書熊浹決刑籍為民先是浹諫止仙其
上批決疏以示大學士嚴嵩言決非敢沮諫意以仙箕之降民間
多有恐後不驗有負皇土崇奉之意上切責嵩為決強解嵩引罪乃

釋及子陶仲文恩蔭又上疏力關異端留中不報 上屢以事督過
俸者再決不自安至是稱病乞休 上大怒曰熊決前比張亨敢議禮
藉以干進姑不追治令錦衣官校監送原籍為民庸調勿復○太常卿
魏校校稟山人有異質能通諸家言折衷于六經言動以禮近世稱
為儒宗○詔改兵部尚書唐龍為吏部尚書以路迎為兵部尚書○十
二月夏言至京令復入內閣初召言命至門下士有勸言勿出者言不
聽竟出應召○兵部尚書劉天和卒贈少保謚莊襄天和麻城人字度
弘亮有泛應才始為御史以法裁太監慶堂詔獄誦金壇縣丞後巡撫
陝西造輕車驛等總理河道手製乘沙量水諸器後人多遵用之○詔
進大學士嚴嵩少師○日有黑氣相盪時自二十日至二十六日輪
外有黑氣如盤與日光摩盪○詔濟南京後湖

丙午嘉靖二十五年

卷之七

壬午

春正月己未朔 上行拜天禮於玄極殿出御奉天殿受賀○群臣表
賀瑞雪時 上方禱雪元旦雪降輔臣率眾上表稱賀 上曰時正履
端仰荷天眷瑞雪應禱朕心感荷覽奏已知○二月總督宣大翁萬達
請調各鎮客兵聽用從之萬達奏言古農子住牧河西俺答阿不孩引
兵渡河乞如例調發客兵其河南山東民兵無益于用獨可調山東長
鎗三千事下兵部尚書路迎等上言前年戰黃土溝虜既南下而北
去去年戰陽和川虜亦深入而宵遁多客兵之力若山東長鎗手河南
毛葫蘆本非民間常徭為其長于用鎗善于走山所司顧慕以資保障
第每省至六千名不無冗以老弱今宜減半務選精壯以一都司統之
取便往劄候警赴援仍調延綏遊兵二枝寧夏固原遼東遊兵一枝務
足三千人以五月初旬各赴宣大軍門聽候調用 上從部議○南京
龍江右衛指揮食事蕭勇以祖籍永平乞改調 上問兵部改調事列

自何時始可復行否兵部上言會典京衛武職調外洪武三十五年
著為令然業者在內官衆則可耳今官益少如許之則規避者紛然起
上是其言令自今求外調者勿聽○以通倉粟米匱乏詔京衛官軍月
糧改給京食糧米不為例○貴州巡撫都御史劉渠請增守備言雲南
界中曲靖之東為烏撒道里綿遠更醜狠戾已就彼議建哨堡撥軍防
禦蓋緣諺無專官事誰責成請增守備一人于迤東一路以無制之詔
從其議○吏科都給事中楊上林等連疏請錄用遺逸 上命吏部擇
才果堪用者詳具履歷以聞于是吏部疏奏原任工部尚書章拯兵部
侍郎劉源清等三十人 上以拯等俱先年黜當其罪而無罪者又年
老非才報罷○陝西花馬池舊草場火奪軍夏副總兵王振及分巡寧
夏僉事王朝相係三月仍計所燬草數責振等償之○光祿卿孫禎上
言供應器皿已充乞暫免一年燒造以寬民力報可○裁革楊州朝宗

卷之七

壬午

二間從漕運都御史王時泰奏也○衍聖公孔聞韶卒賜祭葬如例詔予
賁幹襲爵○增設鎮宛助馬二堡守備官總督宣大侍郎翁萬達等言
大同進北二邊西自大同左衛馬頭山起東至陽和柳溝門止創鎮羌
助馬二堡乞設官兵防禦部議從之○詔賜大學士嚴嵩祖嚴驥集祭
先是嵩疏稱祖塋被水衝壞乞容男世蕃給假還葬 上許之仍命禮
官議恤典至是議請得旨嚴嵩輔政有年勤勞著著伊祖嚴驥令工部
差官營墓賜祭二壇不為例○賜韓王融燧皇明祖訓皇明典禮洪武
禮制各一部從其請也○增設甘肅鎮高臺千戶所儒學製回寄名甘
肅生員實之以巡撫傅鳳翔議故有是命○四川白草番為亂攻陷平
番堡及其酒關虜把總立仁殺百戶耿爵流劫村寨給事中屠永通劾
奏副總兵高鳳凰昏庸不可用都御史王大用惟務裁節誤撤藩籬所
戚才萬之一而喪失無算皆當罷黜刑科給事中諸君現因言何卿沈

希儀皆川廣良將可代 上用兵部議罷大用岡鳳嚴飭守上諸臣職
罪立功而命卿以署都督會事乞副總兵官分守松潘等處既而工科
給事中張元冲劾兵部尚書路迎用卿不以會推而於題覆廢亂典章
上曰卿已有成命自今本部用人毋登會推○兵部尚書路迎上防秋
八事一日預有京軍言襄方渡河住青山後若越天城陽和而南則
紫荊危又聞獨石山後有虜住牧若越龍門長安樓而東則苗花銀驚
宜預訓團營兵部署諸將過警調發閱賊所向用收倚角之功二日
團結堡夫言邊民多有曉徒者可編立保甲遇賊截殺以助官軍之勢
三日開理兩關言國家定興燕京自黃花鎮以東歷香雲馬蘭太平燕
河屬山後軍餉以西歷居庸白羊紫荊倒馬屬龍泉為西關後設以重
門也以重兵築保修繕然天險往時加以斬削慮難防禦宜令御史
巡視補葺四日預防孤鎮言薊州在天壽山後兵力單弱萬一寇伺薊

卷之七

州震警陝西騷擾邦畿如虜大舉宜合三鎮之兵并京營人馬合擊之
五日召徠武勇言草莽之中有精通武畧膂力過人者檄下所司多方
延訪不限名數厚給衣糧送各營出力報效俟有功之日通計陞賞六
日蒐訪廢材言邊將徒戰不宜以一青終廢諸可原者請以各開七日
厚養降人言邊人陷虜來歸者將士或詐殺以冒功絕其還心宜行禁
約八曰量移邊兵言日者本部徵山東河南民兵擬五月赴磁德二州
總調而奉旨止令本省練卒尚有不虞恐犯千里趨利之戒乞乞前議
上皆從之○巡撫應天都御史歐陽必進言應天等十一府早災乞留
解京銀三萬兩賑濟計之○以淮陽軍火命兩淮運司發餘銀二萬
五千兩賑恤竄丁從巡御史劉存德請也○巡撫保定都御史蘇祐
等奏修築欽州諸關工完延袤六百餘里隘口百餘處詔賞帑等銀幣
○南京給事中游震得等請復厚任考功薛應旂京職言大計熟陳主

自部院大臣而條其行能致其詳審考功即中實司之日者薛應旂公
忠任事不避怨尤乃以謗譴補外非所以勸忠勤下吏部議尚書唐龍
覆言應旂疾思如諸去好若脫過抑官邪昭然在人宜復京秩以勸後
之當事者 上乃從震得請○三月詔逮繫巡按湖廣御史包節于獄
諱成初承天守備太監廖斌擅作威福節至之初欲繩以法而語先
泄斌惡中之于是候節謁陵時故獻膳羞遽使撤去而詭稱節庫出之
斌奏已登節始奏 上怒以節抵飾已罪逮詔獄卒坐大不敬謫戍遠
邊○刑部尚書高友璣卒贈太子少保謹恭簡友璣樂清人安重有操
執不避權幸屢疏不挫士論推重○夏四月命山西巡撫曾毓以原官
總督陝西三邊軍務○議立招降賞格時邊臣言沿邊軍士招致降人
宜立為賞格以昭激勵兵部尚書路迎等議擬上格例大邊外招男子
一人賞銀三兩通加至十五兩止切男婦女二兩至十兩止墩邊引入

卷之七

一男子賞二兩通加至十兩止切男婦女一兩至五兩止又議嚴禁殺
卒毋擅縱人出境毋取過人詐為降人冒賞詔俱如議行○諭禁凡被
論官毋得攻擊論者時給事中羅崇奎言近年以來諸臣被論多強辯
飾罪反詆言者而輕排之如戶部尚書閔楷貪鄙有聲給事中萬虞慎
莊震得論之當也乃反讐兩人亟圖陷害至借後湖銀兩之事公為中
傷之術且後湖貯軍有人度支有額楷乃謂數不止此假手報復除亦
甚矣乞嚴加勸諭以後凡被論諸臣宜杜門省愆不得論辯即有論辯
亦無得輒攻擊言者請如楷所疏令南京都察院遣御史一人稽覈後
湖銀數庶得其實○五月詔錄磁州死事生員王邦直子王化燭為磁
州守禦所正千戶○虜酋俺答遣使進貢乞和邊卒殺之時俺答阿不
孩遣使使保兒寨等三人投番文有白駱駝九頭白馬九匹白牛九隻
及金銀銅各一求進貢請和自後民種田塞內虜牧馬塞外各守信誓

煖卒納之總兵家丁董寶祖石天爵事終三人以首功報總督劉萬達因上言董寶公廢賤卒壞法貪功彼執物示信託煖卒通款即不許猶當善詞以遣乃誘而殺之此何理也董寶等滔天之罪真不容誅乞亟正法典榜之塞上預弭其萌怒構兵之謀即不可解臣等相度幾宜按兵待戰疏下所司既而又請自今各邊有妄殺降人冒功者如按得實不必解京令巡按梟斬示衆以杜奸人玩法之心報可○六月兵部尚書路迎罷以陳經為兵部尚書○巡按廣西御史馮彬請勦徭獠不許彬上言廣西之患莫甚徭獠與其召募以防賊不若召募以勦賊據其巢耕其土凡賊之策田肥土我兵無不願得之者因其願而令之是不勝矣部議廣西一省徭人居其半其三徭人其二居民以區區二分之民介蠻夷之中事難倖舉且免差應調土徭積習今日應募以平之者安知他日不各據其地轉而為賊乎宜下撫按議從之○詔收山場

卷之七

湖廣河道諸稅時戶部尚書王果上言國計匱乏宜預為措置以濟邊餉因請收復山場湖廣河道諸稅金上曰漕輸歲四百萬石故事俱輸本色邇來任情折減累朝積貯支費無經不聞時有稽覈以致府藏空乏歲出不敷爾戶部職司邦計責將誰諉所條山場諸稅姑行查覈以濟邊用○詔遺繁原文選郎中高簡于獄論成邊初簡為文選郎引用私貨給事中楊上林劾簡聚斂積困大壞鈐規不報既而簡出補泰政御史陳九德等復劾其徇私殖貨引用匪人何遷茅坤等上乃命遣官逮繫至京下詔獄論成何遷茅坤俱補外職其餘御史熊過等俱削籍○吏部侍郎董紀卒諡文簡紀會稽人博學能文性峭直始為吏部主事絕請託鄉人多怨之後落職三年始白○吏部尚書詹龍罷奏卒龍以文選高簡故三疏乞休上以為稱老忘君令削籍為民及出都門遂卒龍蘭溪人性疎爽有文學經畧關中大著勞績一時稱為才

臣父之詔復原官贈少保諡文襄○詔停止各開納事例○擢總督漕運巡撫鳳陽右都御史王曜為戶部尚書總督會場兼理西苑農事○秋七月命戶部發銀米賑恤京師轉徙居民其房屋傾圯者加給之時京師霪雨戶科給事中李瑞疏請修省會雨已止上曰霪雨為災耶日躬禱已荷天恩賜霽修省不必行朝廷有獎政當重者各官宜秉公指奏處分庶盡應天之實因降諭賑濟○詔增貴州鄉試解額五名先是額定二十五名至是撫按官王學益蕭端蒙言本省人才加咸近又附湖廣鎮遠五衛軍生乞量廣解額詔增至三十名遂為例○詔錦衣衛捕繫天寧寺通法師等衆詔治時禮科給事中李文選言邇年宣武門外天寧寺中廣聚生徒輒建壇場受戒說法擁以輿蓋導以鼓吹四方緇衣集至萬人瞻拜伏聽晝夜散男女混淆甚有過罪黥徒髻髮隱匿因緣為奸故四月以來京師內外賊盜竊發輩數之下豈宜有此

卷之七

又當民衆族朋連黨結倡為外護愚民無知破財鬻產爭先布施因而乾沒重耗民財大者基亂小者導修皆非細故乞捕外護為首者數人及通法師者按治其罪諸郡邑名山古刹如有佛子法師假以講經聚衆至百人者一體禁止如此則邪說不興異端日熄疏入詔錦衣衛捕訊餘下禮部禁治○以左都御史張用為吏部尚書用辭不允○總督宣大侍郎翁萬達請從銀製造火器言臣嘗攷火器之製造成三出連珠百出先鋒鐵棒雷飛母子火獸布地雷等砲屢經試驗比之佛郎機神機鎗等器輕便利用因請帑銀二萬兩督造分發宣大三關并各邊城堡應用兵部試驗言三出連珠百出先鋒鐵棒雷飛俱利可用則宜多造其火獸布地雷砲用之昏夜切營則可用之行陳似非所宜似應量造議入報可○八月甘肅天鼓鳴○加封真人陶仲文為神霄紫府閭範保國弘烈宣教振法通真忠孝集一真人率道教事更給誥印陞

工部帶律尚書感端明顧可學俱禮部尚書以萬壽聖節加恩也○四川巡撫都御史張時徹請撫勸番吏役之時徹上言川蜀之地民夷錯居往者番奴一族流入石泉縣白土諸鄉號白草番于時裁軍不即剪蕩徒扼要地守之今真酒平番關堡是也此者進擊周庚作威去殺召怨起變而亡命奸人導引搶劫于是關堡陷沒守將俘虜而賊勢愈猖且二關堡者番寇之咽喉也我既失陷賊乃得逞羊腸鳥道縱橫出入而全蜀為騷動矣夫不大創者不久懲不一勞者不永佚為今之計其如量調漢土官兵三萬分布要害直搗巢穴盡殲醜類以張天討如番蠻畏威納款獻還擄掠人口擒送首惡情願築立關堡分地認守者聽臣便宜撫處兵部覆其議是上許之令相機撫勸○詔修京城九門城垣以天雨損壞故也○巡按山東御史張鐸進十眼銅砲大彈可及七百步小彈可八百步四眼鐵槍彈可四百步皆足陷陣摧鋒詔工部

卷之七

三

如式製之○詔李蔚州巡撫都御史郭宗鼎等條初宗鼎奏報虜四十萬在宣府得石欲東西分犯輒請京營山東河南兵為援而竟無其實其後宣大總督劉為達奏七月十一日虜犯宣府北路龍門泰將董麒不報督府而輒率所部勒之斬首三百餘級其明日守備陳勳死於陣進擊呂陽與虜戰二日乃歸麒與生營指揮谷泰帥兵先還不為救遇遊擊郭都旗牌官王浩于青沙梁告以虜且去俱罷歸因効麒擅命辱師請付法吏上下其章于兵部因併前州警報講張之罪於是兵部未諭董麒谷泰不救勳陽之戰而過都治之援俱屬有罪而麒之罪尤甚巡撫孫錦總兵趙卿不能發覺俱宜併究郭宗鼎過聽輕舉罪亦難辭得旨宣府之區警報與宗鼎之妄告講張巡使騷動京兵靡耗糧餉厥罪惟均姑從輕奪宗鼎俸一年錦卿各半年兵部覆奏回該姑不究董麒董任谷泰連問○宣府兵張達疏請以舍人尹秉義等三

人自隨給事中劉學易言其欲奏帶冒功之弊乃禁不許○詔旌嘉烈婦張氏建祠賜名袁貞嘉定民汪綬妻張氏其姑陸氏淫縱惡張氏正乃與所私執殺之舉火焚室欲滅其屍而不得至是欲成巡按孫松御史王言以聞詔有司建祠祀之名曰袁貞○虜入陝西總督三邊兵部侍郎曾銑請復河套時套虜三萬餘人入保安塞大掠延安府至于三原涇陽掠殺人畜銑等以聞上謂今年失事頗輕不必查覈銑乃上疏請復河套言河套古朔方地漢武帝命衛青逐厥因河為塞唐張仁愿復於河北築三受降城即國初東勝衛及東西受降城地後三城內徙套為虜穴中禦煩勞三秦坐困故套虜不除中國之患未可量也臣嘗較之秋高馬肥弓矢勁利彼聚而攻我分而守則虜勝冬深水枯分帳散牧馬無宿業日就羸瘠春深陰雨彼勢益弱我乃淬厲戈矛備具火器往乘其敝時則我勝今不棄其敝而用吾利是以鮮功請以練

卷之七

三

卒八萬人益以山東鎗手二千每於春夏之交水陸並進直搗巢穴歲歲迭擄虜勢必折而遠遁我乃并河為塞修築邊垣分置衛所修復屯政轉輸可省形勢益壯中興大烈其在斯乎因條為八議一曰定廟謨二曰立紀綱三曰審機宜四曰選將材五曰任賢能六曰足芻餉七曰明賞罰八曰修長技計萬餘言指擢明悉詔下兵部議行○戊戌有流星西南行時南方流星大如碗赤色光如斗大起自中天向西南去○調巡撫甘肅俞都御史傅鳳翔於江西初鳳翔為陝西參政攝倉都御史巡撫甘肅亡何遷改江西于是給事中楊宗器劾奏鳳翔狡諂竊進賈綠庭起始以經武善邊圖著論于進即由參政躡取巡撫一籌未展遽自甘肅改撫江西使鳳翔不宜過材何以參政而驟列倉都使果有經畧又何數月而輟移內地計鳳翔之姦不過欲缺邊方為進取捷徑耳况又犯清議日事營求遠宜罷黜以戒奔競事下吏部竟議留用○

以山東泰政楊博為巡撫甘肅食都御史○九月土魯番入貢初番酋大者阿克力等八百七十四人來貢入嘉峪關巡撫傳鳳翔總兵官仇鸞不知為計俱令往割甘肅館穀之既而鳳翔得江西命以去楊博來代博至甘州疏聞請自上裁上命量留數十人入貢餘令出關鳳翔鸞博各奪條有差○番酋乞地住牧不許馬黑麻速壇等欲入貢內附求討地方住牧總督張珩以聞部議欲照牙木蘭事例安插上曰甘肅自經土魯番戕害哈爾以來藩籬侵廢亦地方日益削弱夷占住甘肅生息日繁貽患甚深馬黑麻速壇踵習父兄舊惡包藏禍心今又結婚并判陰據密占種沙州土田意在內侵且因謀洩遂爾投降原非本意姑且俯順其情容其入貢其求地住牧等俱不准行○南京戶部尚書周金卒贈太子太保謚莊敏金武進人豁達警敏有經制才自正德間歷諫垣九年都督馬昂獻既姪女弟驛寵金抗章請誅昂

卷之七

還其女久之得還後數歷中外勞績甚著○南京給事中張思誠請禁問刑深刻者從之思誠言在外問刑衙門罔知明允競為刻深如殺人驗傷互異輒擬抵死盜賊賊証未明竟坐殛刑被誣濬禁不日官不早失一釐干獄則歸咎原告比以誣告致死之條積年擱役不日官相客隱一觸其怒則搜剔隱匿過按以久懸衙門之律擒捕私愆者未出行盤地方而舉引越境查盤倉糧者不論多年滯滯而舉引侵欺諸如此類不可殫述乞加禁治部議如思誠言上令即行撫按嚴加綜覈并會同吏部訪察殘忍者大計黜治○冬十月進甘肅巡撫楊博為副都御史初軍東屬吏為土魯番所逼內徙入關王璉處之肅州近郊久為民患博至知過人苦之乃召其酋長諭曰汝等寄居此地非久遠計地有白城威虜金塔諸處俱善水草宜為汝圖遷居之可為世業諸吏稱幸乃為築城堡于白城諸地遠者去塞五百里而迨近者亦不下百餘里

諸夷眾樂徙去積患頓消又河西屯地久湮廢博請于朝聽民苗甯以十年而後徵復貸牛器穀種于佃者于是人爭應令因跡龍首渠故道分疏支濟墾田萬餘頃備壯卒田之謹烽燧勤偵候虜不敢輒至塞管一入寇諸將士拒不得入斬首虜四十餘級獲輜重萬計至是進博右副都御史○榮憲犯室壁室壁分野屬衛相守月餘亦色苦用怒甚○詔逮繫河南巡按御史侯度及守巡府衛正官俱詣京訊治時承天皇莊銀解至衛輝新鄉縣為盜劫去掌解內使奏聞上怒甚奪巡撫柯相俸戴罪捕賊詔械繫巡按侯度等至京度杖而梟餘各降二級久之獲賊或以為非其實云○詔陝西巡按逮訊貪事毛一言時總督三邊侍郎曾銑劾奏一言管理糧餉貪鄙恣肆部從不謹例罷之上詔令巡按逮訊仍令自今以後凡邊臣被論有干軍機錢糧者吏部勿得緊擬罷職○辛卯金星童見○建昌侯張延齡薨總督侍郎胡守中

卷之七

死於西市時處決重囚五十人延齡守中俱伏罪死○十一月代府奉國將軍充灼等謀反伏誅初充灼等八人與俊桐等曉思少張文博等謀誘虜酋小王子至大同為亂事泄總督翁萬達上其事上命械繫充灼等至京考訊有據充灼等八人俱勒令自殺其屍俊桐等請為庶人禁錮鳳陽張文博等二十八人磔斬有差仍梟首大同塞脫而兵部請叙錄諸邊臣功言大同總兵周尚文應符有機首勇禍本宣大總督翁萬達大同巡撫屠榮裕上邊事追捕無遺功當優論宣大巡按谷嶠給事中李文進御史趙炳然皆有勳訊發摘之勞而山西巡撫曾銑巡按陳豪得都尉封崇恩于其界中功皆次之代王專鎮封內雖不能預察奸萌而事發之後景駭響震不至他虞亦宜降重書優獎上從之乃加周尚文太保翁萬達左都御史屠榮裕兵部右侍郎其餘各陞賞有差○詔邊臣勿得變亂屯政時巡撫甘肅副都御史楊博疏陳屯田事

宜部議言經畧河西莫先興復屯田而屯政不舉者惟科撥之也種未
入土而名已在冊人已在此請令諸邊臣召民開墾永不徵賦其故常
徵賦後復荒無有並許佃種一體蠲免凡邊臣敢有變亂屯政者巡按
叅治論罪○兵部侍郎陶諧卒贈兵部尚書諡莊敏諸會稽人剛介不
撓歷事三朝奉公守正終始一致○十二月諭令內使侯章諭斬先是
章毋害死女婢章懼泄支府藏于變事發法司擬當絞律上諭刑部
章宜以故殺律斬○詔議復河套先是三邊總督曾銑請復河套部未
議復至是銑請破常格發帑銀以築邊牆因復上言河套可復謂邊牆
不過數十年計而復套則萬年久遠之計併下兵部議尚書陳經等覆
言築牆復套俱不易而復套尤難縱使能復亦難為守上曰為撫河
套久為內患連歲深入全陝被其荼毒深軫朕懷前日邊臣無有以逐
虜為念者曾銑所奏具見壯猷爾部內日久方題覆迄無灼見何也還

卷之七

三九

令統督同各邊鎮巡官協心圖謀務求長策嗣上方畧其邊垣千里沙
漠與宣大地勢不同止可將要害修築茲暫發兵部銀二十萬兩付銑
為邊餉軍械諸用勿得浪費○詔勅肅宗小孤山紀勝詩於石仍令建
亭江西南省祭官繆建賢上奏言肅宗獻皇帝封之日舟過小孤山製
詩紀勝嘗于神祠臣道經其地恭錄以獻上喜賜建賢絲幣乃命工
部製碑勒勅仍勒巡按官建亭貯覆

丁未嘉靖二十六年

春正月甲寅朔山西巡撫楊守謙請經理營田從之守謙言偏頭老營
二所餘地一千九百餘頃堪為營田以內省京運外嚴防守且學訓使
張鑑為提調通判張應麒為總委官欲久任責成其牛種皆取自本省
又擬照沿邊錢糧禁例以防侵盜事下戶部尚書王果覆言中議所
疏綜理周密若各鎮營田似此舉行則兵食可足而帑積多省上俞

行之○遣還瓦剌諸夷出關先是瓦剌達虜卜陸魯兒等三十人以避
哈爾諸夷侵掠內附至是求還甘肅守臣以聞詔即遣出關○命戶部
發銀十萬兩於延綏賑濟時戶科給事中劉起宗言過者調山西巡撫
都御史楊守謙於延綏誠為得人但延綏項年以來兵荒相繼民皆救
死扶傷之不暇若非朝廷加意優恤出格賑貸則無以振其弱而固其
心誠宜捐金數十萬以紓眉睫之急然後諭令守謙度勢量力或議營
田或議入粟或議因時和糴或修鹽糧飛輓之舊或覈內地通貢之租
如此庶可為邊方善後計奏入上是其言命戶部發銀給之仍令守
謙查核該鎮缺乏之由以聞既而戶部言缺乏錢糧不獨延綏一鎮其
在山西大同遼東甘肅諸鎮盡然此皆各省供邊錢糧微解不完所致
宜行撫臣一體查奏治罪詔從之○改江防總兵官沈希儀充副總兵
官鎮守廣西兵部言廣西缺副總兵宜補而希儀生長粵西諳熟夷情

卷之七

四

先防柳慶夷種畏服今亂人未盡剷除宜調用以撫定之得旨准改仍
命以後將領生自兩廣雲貴四川者不得推入京營及西北邊用著為
令○詔奪尚寶卿席中倖先是中城旗守衛地方掘得牙牌四面一東
寧伯一彰武伯一永順伯一燕山左衛指揮僉事至是都察院奏論中
等防範不嚴以致盜遺在外請量加罰治詔各奪俸一月仍令查明開
奏○改刑部尚書閻淵為吏部尚書○二月勅諭天下朝覲官時官陞
解賜之勅曰朕繼承丕基撫御方夏二十六載於茲任大責重宵旰兢
兢永惟四方萬國豈予一人所能徧察所冀承流宣化與戒共理者其
惟諸藩臬郡有司乎爾天下來朝大小官員除不職者已令部院以法
降黜外爾等仍還舊職其各仰體朕奉天保民圖登至治之意惟仁以
發民勤以達事忠以體國為以守身斯為稱職無驕貨以肆無淫刑以
逞無阿諛以干進無欺詐以飾名有一于茲足以傷和善治爾有嚴憲

將不爾爾等其勉之戒之既而給事中陳崇將勅諭作官歲十章上之。上曰陳崇舞弄文墨輒欲將此並勅令風示在外臣工甚為狂僭乃令陳崇引罪命降調外用。○召南京刑部尚書屠喬為刑部尚書擢工部左侍郎文明為工部尚書。陝西階州地震有聲。○給事中查秉彝疏陳利弊十事。一曰事權不一。今之監司有布政按察使有分守分巡職至重矣。又有清軍黃冊糧儲驛傳屯田兵備江防教者何冗也。除事關機密軍務員須顯設者釋弗議外。其可併省者宜一切專責守巡。二曰用法太苛。我朝大明律令重憲不易。至見行條例多出臣下一時建白。今宜嚴故入之條重誣告之律。革過前犯毋得牽引法官問刑止於用律勿輕用例。以杜深文之漸。三曰稽查煩雜。夫查盤之權宜總于巡按而間歲一舉之。今巡按查盤矣。巡撫復行之。守巡各道又行之。至有一人而三四罪。一罪而三四招。一事而株連數十人。適開吏

卷之七

七

憲宜從省併。四曰罰贖違律。科罰二十兩以上者送部降用。雖專以守令言。監司亦同守也。今有罪贖至百兩以上者。有無故勒民粟至數百石者。甚至有給散人家產者。又有從輕發落量折工價者。宜明律令慎罰贖以懲賊盜。五曰徵科無藝。今財賦所出倚重東南。宜定限輸糧使各里收入官而官總其數。戶倉糧長者不食解頭。其食解頭者必官庫領銀實批銷繳以絕那借。累賠之弊。若府州縣官類解者毋得携帶解頭以滋需索。六曰徭役不均。國制差役十年一編。九年休息。法至明倫。邇來州縣善於紛更。年年編役。甚至括索幼丁。審編餘銀以充私索。如弓兵責其賠補。鹽斤斗級責其賠耗。米宜申明徭役舊法。使勿屬民。七曰供給過侈。州縣有坊里之供辦。其初以給賓族上官而令則官吏夫費苞苴結納。悉從倚辦。宜一切禁革。章下部院覆如其事。詔使之。○禮部尚書賈崇知貢舉。以從子懋文應試。請令侍郎崔桐入場領題。

從之。○左都御史宋景年贈太子少保。諡莊靖。景泰新人練達國體志行剛方。一時縉紳咸推重之。○詔改工部尚書王以旂為左都御史。○吏部尚書周用卒。用吳江人。端亮有節操。晉寧詮曹縉紳方望其丰采乃未有所建立而卒。士論惜之。賜祭葬。贈太子太保。諡恭肅。○會試天下貢士命掌詹事府吏部侍郎孫承恩掌翰林院禮部侍郎張治為考試官。取胡正蒙等三百八。○詔革新立戰鋒五營。先是巡撫王儀總兵卻永選各營精銳五千人。別立戰鋒五營。每軍額外加米五十至是宜大總督翁萬達言其弊。謂五營各領以廢棄將官又別取老弱步卒用充原數。及過戰陣復自以為親兵。居後及驅諸路兵為前蔽。生是士多解體。請罷坐營官而歸其兵于各營各路。上謂戰鋒五營之立。變亂兵制。即令革罷。軍士勒歸原伍。○朝鮮國執獻通倭商船初福建福清縣民馮淑等三百四十餘人擅收繒綺布絹諸貨違禁泛海私通日本

卷之七

七

利值大風飄泊朝鮮界中。候者執之以白其國王。李岷岷即遣譯使順宗監送淑等及諸貨物于遼東。都指揮使司巡按山東御史張鐸奏聞于朝。上曰近年沿海地方通番細民干犯國法視為故常。福建諸處尤甚。往往為外夷擒縛。有傷治體。皆海道官不職。巡按御史其查勘以聞。御史具相上議冊封還官。言宜求端重老成者如侯伯數缺。即於國戚都指揮內簡用。侍衛團營侯伯不得齟齬。從人騷擾。聽所司治罪。報可。○三月諭立邊方官選用陞遷格。上諭吏部曰近年西北邊方防務多事。任用要在得人。爾部內宜留心選用。總督撫按官宜不時剴舉。以憑黜陟。西南蠻夷邊方亦用此例。其別立選用陞遷資格以聞。既而三邊總督曾銑上言邊方守令所係甚重。必選年力精銳才幹強敏者銓補。其有稱職者宜特加獎擢。乃下部議尚書閣議覆言邊方守令通將應選者量酌地勢遠近取年力相應者除補毋以告就邊方

者舉授各巡守邊境者務擇才選用毋以才力不及官改調其平時撫綏有方遇變建立奇功者不拘守令兩司不時薦舉破格起擢上允行之○廷試賜本春芳張春胡正蒙等進士及第出身有差○山東汶上盜田斌等流劫泊河都御史詹翰擒平之詔逮繫巡撫山東都御史何鰲于錦衣獄刑籍初汶上人田斌及其妻為白蓮社僧惠金及妖人楊惠所愚囑聚數千人流劫曹單濮陽諸處掠得丁壯輒以毒酒醉之列置前陣不避死傷以故所向無前黨與日眾州縣不能誰何事聞上命逮擒首惡解散脅從勿令滋蔓貽患地方既而南掠至徐鳳間泊河都御史詹翰集役卒格鬪敗之追兵繼至斌乃就擒餘黨散去山東巡撫何鰲以捷聞上曰妖寇煽惑愚民地方官不能擒捕解散以致淮北震動河南繹騷所奏擢實例不准行其良善被禍者巡按御史查覈奏聞于是山東巡按張鐸以賊所由平奏上上乃命械繫何鰲至京下錦衣獄久之削籍為民○夏四月詔逮繫巡撫山西都御史孫繼魯詣京先是總督宣大翁萬達議大同為山西藩蔽大同有備則山西無虞將來可以漸撤客兵繼魯言論長遠大同差急山西差緩論緊邊山西大同並急今欲止守大同豈得無憂萬達復奏繼魯沮排成議乞賜別處兵部尚書陳經言繼魯不能虛心撥事責其共濟誠難上曰萬達與周尚文悉心協謀勿以繼魯一疑沮繼魯敢背明旨快制總督阻壞成事遣官逮至處分繼魯性剛介未幾竟械死詔獄○四川巡撫都御史張時徹檄兵討白耳番蠻平之先是時徹與副總兵何卿請會兵進剿乃調天金高繼光馬湖王祥等率兵討之俄而平定奏聞上命進時徹為兵部右侍郎何卿都督同知○命修兩京國子監學舍○詔革南京提督糧儲都御史以南京都察院副都御史或食都御史提督南京糧儲至是提督俞都楊宜以京儲事務議漕騰給事中張汝

卷之六

四

棟論劾宜因請裁去提督下廷臣集議從之臣等都御史併于南京戶部侍郎總督事著為令○吏部尚書羅欽順卒贈太子太保諡文莊欽順泰和人學術醇正操履端方為世儒宗○命考選庶吉士於東閣上親賜題文曰原心詩曰善為寶厥尤思謙等二十八人送翰林院讀書命吏部左侍郎鄒翰林學士張治右侍郎徐階亦兼學士教之○慶節備咨乞入貢不許宣大總督翁萬達上言俺答求貢請參酌可否巡按御史黃汝桂疏奏虜自入觐為懷貢禮廢迄今四十餘年自嘉靖辛丑虜人肆巨剽之謀石天爵倡入貢之請去歲至今又復踵行前詐豈可輕信隨虜計中蓋虜自庚子以來連年蹂躪大同入澤潞破宣府抵熱刺西掠延綏東寇遼陽凡我臣工皆宜志鐵膽厲以雪積憤但時未可乘勢當徐圖耳故貢亦不貢亦危者與秋之故習也貢亦不貢亦危者邊臣之至計也事機貴于先圖軍令重于申命乞嚴勅總督鎮

卷之七

四

巡過加防禦上曰逆虜連歲寇邊詭言求貢勿得聽從其各邊嚴兵禦防如有執異處以極典時陝西有復套之謀將督兵出塞當事者主之故力紿貢議云○五月三邊總督曾統親虜勝之詔賜銀幣增俸一級初春中統督兵出塞掩擊虜未得利至是復出塞襲擊虜覺整眾拒之統蒐選銳卒督之出戰賊斬二十六人生擒一人脫脫虎斃于矢石者甚眾獲牛馬駝橐九百有五十夷器八百五十三虜後帳漸北間以輕騎入掠統復督諸軍驅之遂遠遁不敢近塞統以捷聞因列上諸臣功罪上曰奎虜連年深入如蹈虛地大損國威統能率兵出塞擒斬有功乃詔增俸一級賜以白金四十兩約幣三襲巡撫謝蘭李士翔巡按盛唐及守備諸臣各賞有差○詔諭南京守備太監丘得為淨軍時南京給事中雷賀劾奏得為以軍校逆賞賚緣進用貪婪殘害不可以司根本重地上命仍充淨軍○給事中何雲鳳疏論考選臺諫納

之雲鴈言考選臺諫當取宋司馬光所言不愛富貴重惜名節曉知泊
體三事為選用之則勿以毀譽為用舍乞勅諭吏部 上納其言○六
月加真人陶仲文特進光祿大夫柱國任一千尚寶司丞時仲文以正
從一品滿六年吏部尚書開淵奏請 上曰仲文歷俸年深忠勤懋著
宜加秩任子以酬眷故有是命○陝西總督曾統論劾甘肅總兵戚
寧侯仇鸞詔奪鸞俸銜言延寧大虜厥境修邊之役尚未畢功故臣檄
莊浪營經兵三千暫駐蘭州適中之地以為應援乃鸞疏撫本鎮兵馬
寡少故違節制不聽調遣而巡撫楊博附和上請并乞責成 上以鸞
沮撓軍機妨誤邊事但秋防在即各營俸數月兵科給事中齊譽因言
前宣大總督翁萬達與山西巡撫孫繼魯謀議不合已形訐奏今秋深
虜警羽檄旁午而鸞等復與競爭持不下請降嚴勅令無誤邊事 上
是其言○詔該提督浙福軍務都御史巡按浙江御史楊九澤言浙江

卷之七

四

軍紹白溫連延福建福興泉漳諸郡時有倭患而省官僚不相統攝臣
謂巡撫重臣亟宜復設 上曰浙江首省又當倭夷入貢之路如議設
巡撫兼轄福建等處提督軍務著為令○倭寇寧白詔以朱統為右副
都御史巡撫浙江兼攝福建地方初統未至官有倭百餘艘久泊寧波
台州諸處約眾數千人登岸殺掠無算焚毀官民廨舍數百千區巡按
御史裴紳論劾防海副使沈將守上奏議鄭世威因乞勅統嚴禁之海
通番勾連主藏之徒 上乃諭令統統至浙肅知沿海大姓皆利番船
勾連主藏賣家尤甚凡夷船至爭致其家皆以虛值轉鬻牟利而值不
時給夷眾怒以是構亂相殺傷乃下令申嚴海禁凡變橋餘艘一切毀
之任怨任勞嚴戢閩浙諸貴家嘗言去外夷之盜易去中國之盜難去
中國之盜易去中國衣冠之盜難上請飭暴貴官大姓通番二三渠魁
姓名戒諭之于是聲勢相倚者大詳切齒○馬澤督警為寇巡撫四川

都御史張時徹督兵討平之詔賜時徹及巡按御史袁鳳鳴兵備副使
朱簞等各銀幣有差○鎮守雲南總兵官太子太保黔國公沐朝輔卒
贈特進光祿大夫右柱國太保諡恭僖賜祭葬如例○秋七月戶部都
給事中厲汝進上言國家設鈔關於商賈貨聚之地分委戶部屬官監
收近見本部委用臨清鈔關主事間以志行卑污景慕趨附者處之非
所以慎選任防侵漁也又言各邊管糧郎中往往以贓敗尚書王杲曲
為回護無誠心為國家之義宜戒諭之奏入杲自陳朴愚願圖後效因
言科臣所言臨清鈔關主事本部即移文戒飭并申嚴差滿考察之例
上以科臣未嘗顯言戒飭無據王杲令盡心供職其考察屬官如議○
山東漕縣河夾城池漂沒人民死者甚眾工科都給事中劉大直論劾
河道都御史唐瀚等得旨命巡按御史查覈以聞既而御史竟承賜言
瀚及副使張九叙等隄防失策詔奪瀚俸九叙等下御史逮問○巡關

卷之七

四

御史王士禔請築倭城言居庸關半里外盆道堡居民輻集而土城卑
圯乞令增築并擊降慶衛備禦永寧官軍二百五十人守之詔許增修
城垣其官軍備禦如舊○陝西甘肅五衛風霜肅肅奏赤復黃○詔
諸官軍年例銀兩得隔年預支時巡撫宣府都御史孫錦管糧即中
岳珉上言松居馬營等堡官軍告求冬衣布花及積欠月糧乞借明年
年例銀八萬兩戶部覆如其言 上以預發隔年銀兩不可為常命戶
部計處改正未幾大同督撫諸臣復以預借為請報如前旨以再請准
以六萬兩給之已而戶部言年例銀兩每年于正月題請差官給發不
得隔年預支詔如議○大學士嚴嵩請賜橋名言臣屢荷恩賞無由上
奉會都那饒體用賜金買穀賑濟又豈郡北秀江橋一座建上下浦石
橋二座推廣德意請賜橋名詔名廣澤廣潤○乘一真人陶仲文請度
天下道士徒之凡度二萬四千○詔禁戢京師○吏部右侍郎王道

卒道武城人潛心理學多所著述持論不苟同于俗為士論所重○延綏守禦李越計殺貢夷收訊論死時延綏有入貢夷至越訪而殺之遇伏發沒軍甚眾巡按陝西御史戚唐奏收越等勒訊論越及裨將陳守節各斬餘衆編成卒俸有差獄成上之下部院議左都御史屠僑等集議請如唐論從之○以刑部郎中陳鳳為江西金事鳳在部時故事省中所訊獄多嚴衛逮至者畏其威止視成案擬罪莫敢輕重鳳多平反之省中稱能至是出食江西○八月工部尚書甘為霖卒○大學士賈誼卒贈太師諡文靖詠臨頤人以大獄註誤引疾乞休居鄉以醇厚聞○九月以左都御史王以所為兵部尚書提督團營軍務○詔逮繫戶部尚書王呆御史艾朴及總督太倉尚書王緯于獄論果朴皮違賄別籍給事中馬錫泰劾果朴私受兩淮運司解官王正大駭動郎中余譽繼收納不足銀色上怒逮繫果等廷杖之下獄給事中馬汝通

卷之七

四

等後劾總督尚書王緯等皆有請託宜加窮治後逮繫緯廷秋併鞠訊之鎮撫司肅得運副張祿與群官侵弊以聞詔行巡訊祿稱論果朴皮違賄為民後果竟死成所公論寬之○閏九月詔罷巡撫雲南都御史應大猷時給事中鄭大向論劾大猷所屬藩果有司有舉無効避忌長奸請加罰治上曰撫按舉劾憲綱舊例雲南遠在萬里外貪官酷吏倍甚他省大猷居任日久豈無一人堪効耶遂例處法大傷憲體罷職不叙○冬十月建寧府署聖廟詩碑亭于小孤山○房首元良哈寇遼東○御史陳其學論劾錦衣都督陸炳駙馬都尉京山侯崔元上以輪罪釋之其學論炳黨亂離政及擅禁小錢諸不法又論元容所養徐二權取官監諸貪肆狀大學士夏言欲從中下捕治炳炳泣馬言乃已于是下旨收捕徐二等上令炳元自言狀乃俱輪罪乞恩釋之不問○陝西山崩分馳西安府澄城縣麻阪山先大吼如雷晝夜不絕歷

三日山崩一百丈裂中半而下東西分馳三四里遺趾平陷○元良哈復糾建州夷寇遼東○延綏巡撫楊守謙請重賞格從之守謙言激勸邊事惟在重賞賞不踰時則士心競勸今令甲斬虜一級者加陞一級不願陞者予三十金為賞已輕而又查勘文移動涉年月以致人心不勸近以宜大事棘增賞格四十兩猶未優厚請增為六十兩令即時給賞蓋陞級製歷利于官旗有力之人窮邊之卒所願在賞彼見獲功者即時持數十金出轅門有不相顧動色頃忘其死者乎部議宜通行九邊上命亟行之○十一月官中火詔釋楊爵于錦衣獄爵前後繫獄凡七年人無敢為言者是夜宮中火傳詔急赦爵爵家富平及歸有犬鳥集其舍爵曰吾其死矣乃自為墓誌未幾果卒

卷之七

四

謹按支進士大綸曰爵狷介清苦忠直性秉絕無干名競進之念居家時有旨逮繫官校以屬按臣乃故以好過從適爵方飯几有麥飯一盂號一盤見按臣即與同食既畢官校入繫之爵即與偕行諸官謂曰盂亦一內別乎爵曰去矣勿復顧官校吐舌云楊君慷慨乃爾其磊落沈澁之氣可輕擬哉此予聆之原按臣者

皇后方氏崩上即日發喪諭禮部曰皇后比救朕危奉天濟難冀同洪者相朕始終不意遽逝痛切朕情其以元后禮葬之既而謚曰孝烈皇后○總督三邊曾銑上後套方畧時銑會同陝西巡撫都御史謝蘭延綏巡撫都御史楊守謙並巡撫都御史王邦瑞及三鎮總兵官泰酌後套方畧條列十八事曰恢復河套脩築邊牆選擇材選練士卒買補馬廩遣兵機宜轉運糧餉申明賞罰兼備舟車多置火器招降用間審度時勢防守河套營田儲蓄及明職守忌詭言寬文法處革又上營鎮八圖曰立營總圖及過虜駐戰選鋒車戰騎兵迎戰步兵機行營進攻變營長驅獲功收兵各圖上覽而嘉之奏下兵部尚書王

以旂會廷臣集議言銑先後章疏俱可施行上曰虜擾河套為國家患朕軫懷宵旰有年念無任事之臣今銑前後所上方表劄等疏以詳酌即會同多官協忠據謀以圖廓清其定策以聞○十二月詔收還甘肅總兵官威寧侯仇鸞請京鸞在甘肅日久貪縱酷虐恣為不法初曾銑以防秋調取河西兵馬鸞執不發為銑奏劾上令按臣查勘鸞知不可掩益任悖無顧忌至是銑復發鸞十罪曰欺給朝廷擅作威福殘害故殺貪婪酷法腹削卒伍侵牟邊餉私役戍下騷動地方容養奸回圯敗寮服各疏指擬數千百言上覽疏大怒命以山西總兵官王繼祖代鸞令錦衣逮鸞來京訊治既而甘肅巡按張雨復言鸞難首養衆大失苗夷之心六事巡撫楊博又詳疏其欺罔貪暴三十事俱下兵部尚書王以旂覆言所奏夷情且人命十餘贖私鉅萬必須勘明方可正法上是之○詔送文陞土官陳復宗孫陳瑄于順天府學初復宗

宣德中來歸以殺賊功官錦衣正千戶復宗生賢賢生儒儒生一麟世廩于學宜其後有詔裁革一麟子瑄數引例陳乞從之

皇明嘉隆間見紀卷之八

嘉靖二十七年

春正月戊寅朔上不御殿○詔罷大學士夏言初言復用大學士嚴嵩忌之言又以元臣抑嵩嵩亦卿之于是二相大不相能言廉知嵩子世蕃通受苞苴代輸戶轉納錢穀侵牟朘削欲以上聞嵩懼世蕃請言求哀言稱疾不出嵩賂閣人直走入言榻下及世蕃長跪泣謝言謂其屈服已也遂置不發嵩父子愈恨之會錦衣都督陸炳先為言所排亦怨言欲傾之而不知所發見嵩與言有卻欲陰比嵩圍言言亦欲讎言有相仇乃因山崩分馳之異疏陳缺失因言總督三邊侍郎曾銑開邊啟釁禍不可測言從中主之表裏雷同致誤國事上心動言累疏力辯上不聽命廷臣集議于是吏部尚書聞淵禮部尚書費采左都御史屠儼等皆謂言位居元輔政太所關凡國家機宜當熟計利便為之兄復套太計乃輕信曾銑之譏言必行任意徇情罪不容逭上怒令奪言師傳官以禮部尚書致仕○詔逮繫總督三邊曾銑詣京命兵部尚書王以旂總督陝西軍務初以旂等集議復套謂套誠當復第區處當預定乃列復套事宜十餘條以上上曰今欲行此大事一銑何足言恐恐百官受無罪之殺大學士夏言等不敢決請自上斷嚴嵩以銑有好大喜功之心為窮兵黷武之舉在廷之臣皆以為不可而該部和同附會上奏因復解銑疏而攻言愈急及夏言既罷以旂等復上議復套事宜俱宜停止請別為防禦計上曰日本兵先亦預議今乃言非計耶各奪俸示罰命錦衣官校逮繫曾銑赴京訊問以王以旂兼金部御史代銑總督以贖預議之罪言官當機不言各廷杖之以旂聞命倉卒即日就道○致仕尚書張拯卒諡恭惠孫蘭溪人直諫有大節王論重之○河決曹縣及金鄉魚臺定陶諸處總理河道都御史屠儼

請於趙度諸處多穿支河修築堤岸以保水患詔可○建四川竹箐山沙子開金子山銅鑼關羊關山五巡檢司於洪雅諸縣以防峒賊從巡撫張時徹議也○陝西延安府鄜州諸處地震有聲○都城隍廟火詔工部重建○虜入河套命參劾曾銳開邊罪巡撫延綏都御史楊守謙奏報套內先有復台吉舊台吉都刺台吉駐牧今聞虜酋俺答等踏水渡河與套虜聚謀將寇延寧聲勢甚重不可不嚴加防禦大學士嚴嵩擬旨罪曾銳上曰虜寇聚謀深入此曾銳擅開邊釁所致其應行總督王以旂謹脩之銳欺君誤國部院參劾以開勿得黨護庇覆于是兵部侍郎萬鎮等奉旨銳開上貪功擅開邊釁之罪會鎮守甘肅總兵威寧侯仇鸞亦先被銳等劾奏逮繫來京見銳被逮乃上疏自訟因計銳謀國不忠馭軍無法往年虜寇延慶殺人盈野銳隱匿不以實聞收諸將金錢萬計遣子曾淳賁付蘇綱開通貴近圖免于罪故皇上有今歲失事願輕不必查覈之旨銳明知誘殺撲殺國有大禁乃于丁未二月擅將所部士馬出定邊塞襲擊虜帳希望功賞而分卻失律全軍覆沒隱匿不以上聞又犯取軍糧數萬自知罪重乃倡議復套希冀非常之功以掩蒙蔽之罪不忠甚大甘肅巡撫楊博初亦謂銳啟釁招尤其計非是乃又通銳以沮撓論臣臣久歷邊陲深知套地不可遽復且軍機重務邊塞大患豈可阿意曲徇而傳以臣言白銳謂不去臣竊終為掣肘故銳復遣淳行五千金陷臣今全陝之人為科徵調集所苦若督督欲駕巨恐意外之變不在河套而在邊圍之內也時皆謂是疏為所授草率降旨逮曾銳蘇綱後竟釋亦罪不問○改總督倉場戶部尚書劉儲秀為兵部尚書尋削籍召南京工部尚書趙廷瑞為兵部尚書時王以旂出代曾銳乃以儲秀代以旂儲秀謝恩疏內言上自入繼大統威懷四夷復套一議尤見聖明非臣愚陋能佐萬一上責其浮辭聞

上無任事忠削籍罷去復以廷瑞代之○二月詔定孝烈皇后陵名承陵上以孝烈皇后陵名未定諭輔臣曰朕思太祖成祖俱是二后先安玄宮其陵名定在何時可令孔臣查故事以聞孔部尚書費家泰言洪武十五年九月十三日孝慈皇后葬孝陵永樂十一年二月十六日仁孝皇后葬長陵皆命名在先上葬在後載兩朝實錄中于是上定孝烈皇后陵名曰永陵仍御製祝文命成國公朱希忠告太廟○召南京兵部尚書張潤為戶部尚書總督倉場督理西苑事○詔法司駁還山東賊謀反罪改擬初山東賊商大常等劫掠地方撫按獲之擬以謀反上之 上以謀反律重令法司駁還原奏科擬既而巡按山東御史俾鎮復奏大常本以煽妖行劫非謀反者改擬強盜得財律斬從之○諭陞太監鮑忠諸從子官時忠病故御馬監太監李慶等奏乞陞忠從子鮑國等八人官一級及廝役鮑璉等五十名乞收為勇士俱從之給事中劉休乾疏諫不報○巡撫大同都御史詹榮請給屯田牛具許之榮言屯田實塞古人守邊之良法然地利不盡則粟不積牛種不具則田不墾今近邊弘賜等堡三十一所延亘五百餘里膏腴之地數十萬頃召耕佃作誠禦虜一助第貧軍每以家無農具坐視汚萊使地有遺利可為太息臣聞該鎮故有牛具銀改給都司市馬今馬充用請文一歲者市牛給軍庶農不分而墾田有効從之○三月詔蘇松常鎮兵備無理糧儲時巡按直隸御史陳九德言國家財賦仰給東南而蘇松常鎮四府居半但土沃民流飛馳百出管糧同知糧監不能鎮壓或持法稍嚴吏胥大姓輒相排詆去之奸弊滋長國賦不登請特重其事權以兵備無理從之○大風揚塵四塞○總督三邊侍郎曾銳論死奏西市時銳遠至京下法司訊治給事中齊譽等上言銳嘗服上刑以為邊臣永戒 上曰銳誤國事敗方齊子俱奪級補外職既而錦衣衛鞠上

獄情論銑交結夏言行數萬金介言妻父蘇綱致之失議復套及失律
冒功俱如仇黨所奏 上命法司按律法司以銑罪律無正條宜比守
邊將帥失陷城寨者斬 上曰銑情罪異常乃云無正律可遂置不問
耶于是刑部侍郎詹翰都御史屠僑吏部尚書周錦大都督陸炳等
阿附會論銑隱匿邊情行萬金賄通夏言當交結近侍官罪誣同奏
赦者律論斬妻孥流放編管三千里 上曰乃斬銑于西市蘇綱成廣南
統死家無餘貲妻孥狼狽徙天下聞而冤之○初建雲南廣通定遠
二縣儒學從撫按官奏也○出威寧侯仇鸞于獄○廣西僉谷乞入貢
不許總督宣大左都御史翁萬達奏言僉谷投譯書求貢 上命拒之
既而翁萬達又言僉谷諸首求貢不遂既既有憤殺將糾眾聚兵待時
一舉即今撲捉整軍狂謀漸逞而歸人供報諸酋猶以祈貢為言令之
轉達邊臣職在封疆奉有戡討計惟戰守豈敢仍復輕聽但兵家之事

卷之八

必揆彼已度利害第恐懸虜匪茹連大羊數十萬肆其暴悍則非備堅
兵敵可抵伏乞廟謀從長速斷俾邊臣得以便宜從事 上曰朕以邊
圍重寄付萬達等自宜并力防禦胡乃屬以求貢為言其令違前旨一
意拒絕嚴加懲備違誤重治之○夏四月詔逮繫大學士夏言詰京下
獄論死時言歸至丹陽就逮至上京上疏極陳為萬所構陷 上不聽下
其疏于刑部命法司會訊刑部尚書喻歲堅上奏言疏有議貴議能之
請乞自上裁 上以歲堅違旨瀆職詰責之歲堅輪服乞恩于是竟坐
言當銑所犯交通誣同律斬妻孥流二千里 上曰言受朕隆眷居
輔弼乃肆欺慢屢勸不悛又主議復套擅啟邊釁身及妻孥俱依前
律科斷○金星畫見○雲南武定軍民府女土官知府羅氏遣使來貢
給賞如例○詔許邊軍佃種民田巡按直隸御史吳相言邊兵戍守之
勞鋒鏑之虞百倍於民民有恒產而兵自月糧外無擔石之儲不才將

領又加服削彼朝夕自救不暇何暇禦虜臣以為各邊民田自原額糧
畝之外餘者尚多宜下所司擇官勘實給軍佃種寬其歲徵其餘無田
者許軍民以附邊屯參伍為業詔可○陝西軍夏衛地震有聲○五月
孝烈皇后葬永陵先是 上命后禮與孝烈皇后啟安禮併舉孝烈居
左既而 上以孝烈皇后已久安不宜妄動罷啟安禮至是部臣以玄
宮規制請乃更令孝烈皇后梓宮入山陵居中右處其左云○詔拿
韓府張城樂平等王冠服時韓王融燧上言張城樂平等王府將軍中
尉各宗室不遵鈐約私出鎮城 上命各奪其冠服仍加戒諭○致仕
兵部尚書戴金卒金漢陽人歷官中外三十年有治才以巡鹽採木稱
旨進用然素負氣在本兵不久為言者劾去至是卒賜祭祭如例○以
戶部右侍郎李士翱為左侍郎總督倉場督理西苑農事先是倉場例
以待即提督自改用尚書陳經後遂以為常至是吏部言六卿中無父

卷之八

次者請如先年例仍用侍郎詔以士翱為之○六月追贈故大學士楊
一清太保謚文襄○詔改巡撫浙福都御史朱統為巡視統在浙中申
嚴海禁任怨任勞其通番巨姓貴官家皆不便統諷給事中葉鏗御史
周亮奏言統原係浙江巡撫所無轄者止於福建海防今每事違制諸
司往來奔命大為民擾部覆浙江備無巡撫或遇有警遣重臣巡視事
宜即止今宜裁革巡撫而復巡視舊例乃改統巡撫為巡視如舊規行
○苗大叛命掌院事右都御史張岳出總督湖川貴軍務先是萬鏗班
師後苗魁龍許保等復倡亂焚劫巡撫貴州都御史李義壯請添設總
督節制三省令其得以軍法從事然後夷苗可平乃命岳勦撫仍開府
駐師辰州○詔削周府鎮國中尉勦發爵為庶人禁錮高牆勤勞前以
奏請祿糧卒祿一年至是復潛至京上疏言陛下期上聖之資當以古
帝王為法乃厭棄萬幾溺意長生之說以齋醮為計誤以興作為急務

獨不思秦皇漢武宋徽之所就者如何耶臣非不知言出禍隨然得與劉向李勉趙汝愚遊地下死且不快上怒其謗訕故命削爵高
牆步登禮部請立皇后不許初孝烈皇后山陵畢禮部即具疏請
上報曰卿等以後共承宗廟不可一日忘故為是請念已立太子仰承
天祐亦既有年昨孝烈崩即諭輔臣高拱復請亦已再示卿等道宗室
有以梁武宋徽比朕者朕思欲退閒后不復立即當傳位太子卿等忠
愛其為朕考前代故事及成祖訓典以開尚書費象等復上疏言皇后
居體承乾贊成內治椒房蘭殿豈宜久處離蒙再示不允臣等狗馬之
心實切惓惓至於傳位之旨尤所未喻我皇上運際休明春秋鼎盛天
與人歸古今莫及將億萬年為民物主而遽欲退閒豈所以承天心而
答眾望耶歷考前代唐高祖傳位太宗是在垂暮之年宋雖有一二內
禪者則又末世隨時遷就之舉皆不可為訓及考成祖時六飛三駕暫
勅皇太子居守一應禮儀俱在實錄然亦止以太子監國而已至於訓
典無所稽考所有聖諭臣等不敢仰承上報曰覽卿等對足見忠誠
懇切朕已具悉后未可立宜承朕命詔增設湖廣承天府儒學文廟
樂舞學故諱安陸州春秋祭典有禮器而無樂舞至是御史賈大亨言
州已陞府則廟典亦宜備設報可○秋七月丁丑月犯金星○兵部侍郎
潘珍卒珍婺源人素宜有行誼以諫征安南忤旨落職後屢論薦俱
不報論者以為未究其用云○京師地震有聲上諭禮部曰此變非
常朕感承仁愛不敢怠忽群臣當加思省邊防尤宜慎備其令兵部
轉諭鎮巡諸官知之○詔編管夏言妻蘇氏於遠州時蘇氏請代言死
上言父子夫婦均屬大倫昔綏綏以女代父臣請以妻代夫願就獄身
死俾臣夫少延旦夕之命臣誠瞑目九泉也上曰蘇氏亦係流放人
妾得代死全原籍巡按官亟行遣發勿得故縱○詔有司以禮慰勵衛

府高堂王厚燾奏東王厚燾孝行以衛王厚燾與山東撫按官疏請故
也○諭詰責鄭王厚燾時王疏請上脩德講學年進居敬窮理克已
存誠四箴及演連珠十首以簡札急政歸非惡諫神仙木土為規上
手批其疏曰爾探知宗室有謗訕者故效尤彼勤懇細物一無賴子
取爾真今日之西伯也請欲為為之○詔增置遼東戍兵時巡撫都御
史李珣奏言遼東為京師左臂歲七苦虜秦軍諸夷且陽順陰逆為腹
心之梗而本鎮無強兵制之請於義州大靖等堡遠前屯城中右所
諸處各增置戍兵三千名以防不測報可○大學士許讚卒贈少師謚
文簡讚寶人前吏部尚書進子練習國家典故性醇厚不伐嘗以兩
世典銓大懼盈滿云○大同女化為男大同右衛泰將馬繼宗舍人馬
祿女年十有七將適人化為男子撫按以聞○西苑獻瑞數雙穗者七
十五本礼部請獻太廟宣付史館上以昊天降祥事聞民食非他物
比從之群臣表賀○八月以萬壽節覃恩加乘一真人礼部尚書陶仲
文支伯爵儀成国公朱希忠駙馬都尉崔元各祿一百石輔臣嚴嵩支
正一品俸加礼部尚書費象少微顧可學咸瑞明各太子少保都督陸
炳光祿大夫上柱國賜方士郭弘經號清微輔教忠靖宣誠高士王永
寧號清微輔道翊範通真高士各錫印給之○京師及遼東廣寧山東
登州府同日地震詔文武群臣當加修省各條陳時政得失以聞○重
建圓明閣○宣大總督翁萬達疏陳邊儲二十事曰明職守正簿書預
會計重責成慎交代嚴委任戒主將重官商時估值嚴收受謹出納編
號帑度濫冒禁常例謹權量稽公公用較斛秤謹防衛部謹悉令行之○
陝西寧夏衛地震有聲○九月以歲命戶部發銀各邊續發仍勅撫臣
具有司催科以聞○京師地震有聲○詔授孔貞寧五經博士貞寧衍
聖公貞幹弟也命專主子思廟祀○給事中姜良翰請申明礼制從之

良翰言今天下之患在吏治不清豪強玩法農夫失業而其原皆自風俗侈縱始請申明札制以章示下民凡飲食宴會服舍與馬器用之類悉差別等第令不得僭踰然後塞兼併之原庶貧富之戒驅游惰之民復生養之業庶幾太平可望然而京師諸夏之本貴戚士民之首茲欲風教四迄請自京師始 上從之令都察院榜諭遵守○虜入寇宣府塞直抵居庸關命京營將士分城戍守仍給以行糧大學士嚴嵩言于上曰虜以言銳收復河套故報復至此 上于是怒言意益不辭既而宣府報虜退出過詔各該將領仍嚴防備且邀虜歸路奮擊之○冬十月殺大學士夏言于西市言與嚴嵩同鄉以聲勢相軋言罷歸嵩盡斥其黨及復用位在嵩上亦斥去嵩黨然嵩素佞心險待言益恭而言意氣揚已目中無人自謂得上心而不知竟墮嵩術中 上初亦無故言意嵩乃陰構怨望訕謗語流入禁中及災異密疏引漢誅翟方進故事以激上心致成大獄蓋古今異矣云

卷之八

謹按夏進士大綸曰夏言豪邁辯博果於有為曾銳懷慨任事不避艱險將相調和力主奎章以復百年之故疆建匡撥之全策偉哉振古之畧也獨不念權奸內固應天外矜側目伸喙而思達者方日夜甘心焉乃坦懷張膽自以無所謂帝知已了無顧忌息壤固在其余屬垣之語何嗚呼成宜以後大將無推轂之權英雄無借箸之策又知奚惑于二公之不終也

詔以山東運司餘鹽二十三萬一千四百六十餘引減價易銀助邊從御史劉時進奏也○詔河南守臣建祠祀故燕山衛指揮使馬義都督俞事馬俊都指揮俞事馬振義正統中從駕北征死土木之難子俊鎮廣西以征勦古田賊殺俊子振任河南都司擊賊劉六等亦死于陣至是振子如援都督張世忠故事求立祠許之○靈雲降百官表賀

卷之八

上以風靈示異且入冬未雪躬禱于內壇是夜雪降輔臣嚴嵩率百官賀 上悅各優詔答之○十一月詔議孝烈皇后祠太廟不果時禮部議祀仁宗祔孝烈皇后於太廟之九室議不果行兩浙運副郭希顏復以往年所著論廟議二冊及周禮廟祔一篇進覽因言享祀凡幾諸文學大臣豈不聞父昭子穆古今通禮必不可亂失今不改恐同室一日弗安一日况九室皆已有主五世又不忍祔將來孝烈不識何所祔此非聖慮之未及而誰為畫此者失策也乞改詔中外增上昭穆世世長守則臣無遺恨 上以讀後姑黃其罪○御史王士超疏請舉用遺廢不報士超言陛下臨御以來召楊一清于致仕拔王瓊于謫戍後來德業聞望為世仰重藉使當年以有過棄則二臣沉沒終身不得效尺寸于竹帛今時事方殷需才甚急使諸臣以小愆永棄不得與前二臣同霽洪造深為可惜乞勅吏部于一應閑住為民擇其可用者以次擢補其有諫戾可原者亦宜分別輕重以廣朝廷宥過之仁疏入遂獲○密雲縣進生沙金五十兩詔入內庫仍行各撫按官多方採獻○十二月禮部尚書費象卒謚文通既而給事中趙鉞言象及故總兵鄧永行屢無聞數經論列不宜錫之以謚 上曰謚法原有美惡以示勸懲今後所司定擬務合公論○詔廣西向武州土官男黃仲金那地州土官男羅廷鳳泗城州土官男岑施各就本處襲替免赴京師以其嘗聽調有勞也○詔進間住應天府丞朱隆禧為太常寺卿致仕隆禧以考察黜會秉一真人陶仲文之太和山即邀至其家以所藏方書托之代進 上視之悅命即其家以白金彩幣賜之隆禧既受賜因自赴陳謝意圖留用 上以考察黜罷例不復起令加秩致仕○命兵部左侍郎范總兼金都御史往河朔川諸處相視修築開城既而復命總理邊關諸隘○詔廢總督宣大左都御史翁萬達弟萬臣為國子生萬達以修邊

功當廢子乞恩改廢其弟許之

已酉嘉靖二十八年

春正月壬申朔 上不御殿○巡按直隸御史陳其學疏請久任漕運河道二臣從之其學言漕運河道二臣皆國計所係非久任無以底績前年秋冬間胡松推河道韓士英推漕運去年秋初士英始莅任不踰月陞南京戶部尚書仍以松代松至淮亦不踰月陞戶部右侍郎彼此更代視如傳舍宜行久任以專責成待其年資已深勞勩茂著然後不次擢用庶於國計有裨部議報可○禮部尚書孫承恩致仕南京給事中雷賀御史張詔等論劾承恩及兵部尚書趙廷瑞各貪鄙不職狀承恩廷瑞各疏乞休 上諭廷瑞勉修職業承恩許致仕○太子少保禮部尚書盛端明以年老乞致仕許之○甘肅巡撫楊懋疏陳莊浪備荒事宜從之先年甘肅荒歉莊浪為甚傳因請先事講求多方備處遂條

卷之八

上四事言食丁宜月給銀米糧料宜收買本色各倉宜收糶冬米京州宜謀種屯田疏下戶部議覆報可○二月大同朔州地震○以南京吏部尚書張治為禮部尚書兼文淵閣大學士國子祭酒李本為少詹事兼翰林學士俱入內閣參贊機務自夏言得罪後嚴嵩嘗上疏請簡廷臣協輔詔姑少待嵩獨相且年餘至是再疏以請 上從之令吏部即推五六人堪用者以名聞乃特命治本同參機務既而本疏辭內閣上曰內閣職在代言備問祖宗時選用文學侍從之臣不專品職崇卑爾爾簡擢宜懋修職業以副朕命不允所辭○虜入宣府塞總兵官周尚文帥師與戰勝之虜北遁先是大同偵卒言虜酋俺答等糾眾將去由舊路寇宣府總督翁萬達以宣府總兵趙卿怯懦恐不能當虜乃疏請預調大同總兵周尚文代卿至是虜果以數萬騎犯宣府滴水崖指揮江瀚董陽禦之戰死虜遂東犯永寧關南大寨總兵周尚文提大同

卷之八

兵萬騎至南路泰將田珣率騎千餘來附與虜遇於曹家庄搏戰竟日相持未決次日復殊死戰斬酋首四峯其旗賊氣遂沮會萬達督四路衆將姜應龍等自懷來順風鼓譟虜以為大兵至遂結營東遁宣府新任總兵趙國屯關警出關又敗之於大澤沱遂與尚文等分道追賊虜狼狽夜遁萬達以捷聞議者以為數十年間鮮此戰功 上以勞績可嘉命加尚文大保兼太子太傅擢萬達為兵部尚書兼右副都御史仍督軍務各賜銀幣重賞獎勵既而尚文疏言諸將士奮不顧身三戰三捷今臣獨膺陞賞而陣亡及有功將士未嘗思爵恩人心懈弛願辭陞賞推恩將士以圖後效 上以成命不允辭命兵部議賞格以聞遂擢賞諸將士有差江瀚董陽等各優卹其家仍為祠祀之大學士嚴嵩謫謀帷幄歷一子中書舍人仍賜白金五十兩○以吏部左侍郎兼翰林院學士掌院事徐階為禮部尚書兼管如舊○命祝錦衣指揮同知鄭璽職開任革撫軍侯朱岳英國公張溶坐營營事奉定西侯蔣傳忠安伯張綱等休各二月先是給事中楊允繩偕岳等閱視應製官舍於安定門外閱武場軍器報訖言云虜入寇至沙河岳等皆懼而走允繩以聞詔責璽訖言驚駭岳等恫懾懾感傳等亦不能規正故有是命○詔賜宣大二鎮撫鎮諸臣銀幣先是兵部題撫慶慶事宜定以遏虜不入為上功雖無斬獲亦宜陞賞至是總督翁萬達上年各鎮防秋功狀宜加叙賞 上從之○詔賜巡撫南贛汀漳都御史龔輝等銀幣糧奉旨勦剿賊首欽古等梟悉平因叙列諸臣功次以福建倉庫項為首次則參政王大受王積汀州知府汪汝漳漳州知府盧璧廣東倉庫徐繼泰政朱憲章江西副使高世彥等詔加輝俸一級仍各賜銀幣有差○三月辛卯朔日食○皇太子冠羣冕先是 上與輔臣計欲於今春東宮行冠禮問大學士嚴嵩可行與否嵩言典禮重事遷行恐未開熟讀

先期演習從之因命禮部具儀上聞乃擇乙酉日皇太子行加冠禮時年十有四既冠又明日晨興疾作遣醫診之不治忽北面拜曰兒去矣正坐而薨上痛悼殊甚擇葬地於金山謚曰莊敬太子○總督陝西王以所請發銀脩築邊垣言延緩一鎮計用二十二萬三千六百餘兩以三年次第築之兵部覆先發銀一十六萬餘兩尚支一年餘俟明年取次給發從之○命更定江西旌忠祠孫燧許遠位次先是寧濠叛都御史孫燧副使許遠同時死節詔贈燧禮部尚書遠副都御史忠旌忠祠並祀其位燧左遠右後數年遠亦贈禮部尚書江西人以遠死尤烈乃尊遠居燧左至是都御史郭懋卿以為言乃復命以生前官秩為次仍左燧右遠○諭北巡驅虜不果上諭輔臣嚴嵩北虜累年入犯我皇高祖成祖每歲一驅巡今如遵舉一行可歎萬官皇上聖謨弘遠欲上法祖宗甚盛心也但今時非前比只嚴督將臣守禦自可無事巡驅之典似不必盡同于昔上以為然○山東臨清州大水雹損房舍禾苗○夏四月禮部尚書顧可學請改泰折為泰圻不從可學上言皇太子加冠日風壞北郊泰折街坊越二日東宮仙逝按韻會泰與太同曲禮正義謂未婚曰折前名似當避忌爾雅曰園丘大壇祭天也方澤泰折祭地也以圻易折似合祭義上曰坊名朕所定也如何擅改第如故修之○詔奪巡視浙福都御史朱純官還籍聽理先是純以詔安撫獲海賊奏捷因言閩賊蟠結已深成擒之後奸宄切齒變且不測臣託得所伴偽千總李光顯等九十六人交通內應即以便宜檄都指揮盧鏜海道副使柯喬斬之部臣請下巡按勘劾既而御史陳九德劾純不俟奏覆擅專刑戮請治其罪並坐鏜及喬等詔兵部會三法司雜議言純原奉勅許以便宜行事項賊擒於一月奏發於三月似非臨陣者比宜俟得旨行刑鏜喬皆不得無過然事難遽度請遣風力憲臣往驗其

事乃遣給事中杜汝楨往勘命罷純官待勘鏜喬等下所遣官訊之部以純罷去其巡視員缺更請上裁詔巡按御史熟計巡視廢置以聞○兵部尚書趙廷瑞罷以給事中楊允繩論其近罹危疾舉動支離一時推用俱不得人故也○給事中羅崇奎請各省錢穀宜左右布政司司出納從之崇奎言偵利所在最易溺人今各省錢穀主於左布政一人不無卑便之私請自今查盤必巡按親臨如巡按勢有不及則同右布政監視凡封鑰出入必相白都御史屠儒議宜如所請○五月召總督宣大翁萬達入為兵部尚書先是翁以范總為之未任以忤旨削籍乃召萬達○太保左都督周尚文卒尚文陝西西安後衛指揮同知自弘治正德間數出塞逐虜累至今官生平多謀善騎射讀書通大義清約愛士飲食同甘苦能得士死力善用間諜悉知虜中委曲故每戰輒勝然性高亢以故幕府多不能堪後十年始贈太傅諡武襄○詔逮繫給事中沈東于獄時周尚文卒尚文家素求與陳敘尚文功伐東在禮科因上言尚文為將忠義自許通者虜騎深入開命疾趨奮勇先登多所殺獲此亦一時奇功也雖幸蒙聖恩褒之聖書陸之官秩然尚文有不戢之功朝廷有未盡之賞請贈以封爵延之世賞則九邊肅然之士咸振腕自奮爭先赴敵義不旋踵矣時大學士嚴嵩尚文家不求于己而自陳功伐沈東又為疏請乃擬旨激怒上意上降旨曰周尚文連疏自伐功勞怨望多端寃而末治不知何故東係言官不行重劾反肆欺罔誣誕朝廷擅權市美吏部都察院奏劾以聞于是尚書聞淵右都御史屠儒言東心本無他第狂迂當治上令下法司鞠訊既而法司坐東奏事詐不以實律杖徒納贖嵩恨未洩仍擬旨杖東四十長繫鎮撫司獄○虜犯鎮羌等處總督陝西三邊兵部尚書王以旂督師之賊之詔廢以旂次子篤為國人生餘各陸實有差先是套虜自西海

還掠永昌鎮等處甘肅總兵王繼祖督諸將禦卻之至是復犯鎮寇
永昌鎮番山丹等處泰將蔡勳遊弋馬宗援等三戰三捷前後斬虜首
一百四十餘級獲馬畜夷器無算○六部錄上其功故詔歷以旂子加王
繼祖都督同知甘肅巡撫楊博副都御史俱撫鎮如故仍賞銀幣勸獎
○鳳陽淮安地震○六月詔免隆慶永寧滴水崖諸處秋糧仍發太倉
銀一萬兩賑濟以被虜殘害故也○詔下世襲五經博士魯府粹按臣
逮問訪詔訪魯子嫡派子孫時充州府嘉祥縣魯守仁與吉安府永豐
縣曾質粹各以譜至質粹與守仁爭襲乃與其父積慶約襲官後以所
賜供祀田產均分既而質粹背約二人交惡訐訴不已有司以賜地量
分守仁質粹復誣奏守仁奪賜地事巡按御史劉瑤覈勘質粹言多誣
妄并得其偽冒狡獪狀上之故有是命○太傅華太子太傅駙馬都尉
京山侯崔元卒元尚永康太長公主 上入繼大統元奉金符迎請於

卷之八

十五

與即及 上即位春過隆慶縣臣戚畹莫敢望焉平賜祭奏如例贈左
柱國諡恭恭國增封侯賜官不以軍功自元始○德清太長公主薨○
召大學士張治學士李本禮部尚書徐階入直無逸殿○秋七月詔追
廢故太子少保吏部尚書倪岳孫民悅為國子生以侍孝宗東宮諱讀
恩也○詔捕沿海奸徒先是巡視浙福都御史朱統在浙中上言長嶼
諸澳大俠林恭等號稱刺達總管名目鈞連夷舟入港作亂更有巨奸
姚光瑞等無慮數百人開通主匪牟利搏爭又有擅造雙橋餘艘潛走
倭島互市器物因而為賊竊通蹂躪海濱今欲遏止將來之患必須引
繩排根永絕禍本乞下法司議所以正憲典威奸厲者統尋去任都察
院議下巡按福建御史轉行巡視海道都司等官緝捕前項奸徒并土
豪為淵藪者悉正以法至于見獲佛郎機國王三人亦宜審其情犯大
彰國法仍移檄各處有能告捕匪惡者重賞如改過自新者聽免本罪

且福建海患相沿出入彼宜令兩省諸臣一體會議行報可○巡倉
御史阮鶚疏陳漕運事宜部議從之○總督湖廣川貴都御史張岳疏
上會兵討苗事宜言貴州諸苗旋撫旋叛湖苗因之二心若苗苗不誅
則湖苗之撫不固因條列會兵討苗諸事宜皆報可○南京吏科給事
中李萬寶條上考察四事一言優異才治行卓絕者宜賜優書以資二
言嚴汰黜貪酷者宜追奪詔勅逮治贓罪不及者宜降級調用以示懲
創三言信禁令禁絕餽遺令甲甚明宜嚴緝訪四言杜幸門朝覲被黜
不許奏辭疏下所司○八月戶科給事中張秉壺疏請慎節財用納之
乘壺上言今國家財用遑需繁費不貲加以土木禱祀之後月無虛日
帑藏匱竭司農百計生財甚至變賣寺田收贖重罪猶不能給乃遣部
使者括通賦百姓若若海內騷動疏下戶部尚書夏邦謨等覆言天下
財賦每年實徵起存之例各有定數成化以前各邊謫百費省約一歲

卷之八

十五

出入尚爾有餘今則不然京通倉糧歲入三百七十萬石嘉靖十年以
前常有八九十年之積十年以後歲支加五百三十七萬石抵今所儲僅
餘四年太倉銀庫歲入二百萬兩先年所出大約一百三十三萬兩常餘
六十七萬嘉靖八年以前內庫積有四百餘萬外庫積有一百餘萬近
歲大約所出三百四十七萬視之歲入常多一百四十七萬及今不為
之所將不可措手足且今生財之道既極計惟節用乞令所司將一年
出納錢穀分為四目一曰歲徵幾何一曰歲收幾何一曰歲支幾何一
曰歲儲幾何務令簡明進呈御覽以為通融權節之計 上允行之既
而工部尚會計錢糧之數計歲徵銀六十一萬一千餘兩係本年額派
者歲收八十五萬三千餘兩係積年解欠及取諸事例等項者歲支九
十一萬七千餘兩係一切脩造支用者歲儲一百萬餘兩節慎庫貯累
年用存者分為四項以獻 上留覽○西苑獻瑞禾一百六本群臣表

賈○致仕南京兵部右侍郎潘旦卒贈工部尚書且婺源人性行修潔
初守潯郡二郡有惠政民祠之○虜入宣府大同塞初虜趾求貢不遂
又以前使者被殺故乃縱使剽掠且射書求以為許貢則常約東部落
令不犯邊否則秋且入關奪掠京輔虜以累入得利知我兵積怯言辭
桀驁有要挾意與前遣使情殊異至是果役來由華林兒至松樹墩
登暗門潰牆而東寇大同左右衛及威遠諸處攻燬堡塞五十餘所兵
科給事中胡叔廉言往者邊臣已報大同修築邊垣甚固今乃虜得衝
入請治其罪 上令巡撫泰數以聞○從肅州諸番夷于境外初肅州
邊外屬夷總牙日羔勒等舊為土魯番所迫欲求內附已議安置于肅
州城北威虜等地于時未築城堡若虜夷侵掠乃相率環附肅城雜居
至是歷事監生李時賜疏言不便久且貽內地患請下所司籌畫必從
之境外詔守臣經畧之巡撫都御史楊博檄副使王儀泰將劉勳修葺

卷之八

十六

戰以退虜在閩南者計在必守以保邊毋以疎虞取敗 上令督撫諸
臣視賊所向相機戰守至是乃入寇廣寧遼陽及宣府塞倭與官張鼎
福及百戶成策李松力戰死之事聞詔給景福等營獎銀令有司查議
卹典以聞○冬十月定國公徐延德請給空閒地土不許延德言直定
府無極諸縣查出空閒地土乞為給賜又言本家莊田雖遇災傷不宜
蠲租戶科給事中王德因論泰延德妄意希求厚自封殖今後賜典一
聽 上裁 上乃令屯田御史勘覈以聞○擢吏部左侍郎丁汝璈為
兵部尚書時翁萬達以憂去左侍郎詹榮以當署部事引疾乞假 上
怒其無致身之忠罷職閒住乃以汝璈代之○召南京刑部尚書劉詠
為刑部尚書○詔免今歲行刑以苑田後荷玄瑞故也○擢吏部左侍
郎潘潢為戶部尚書○命故優給黔國公沐融母弟輩襲爵與半祿優
給融病歿融叔都督朝弼以黔國夫人陳氏疏請立輩輩時甫三歲朝

卷之八

十七

威虜并金塔寺右城脩築白爐墩等城堡凡七建墩臺二十有一召諸
番諭以利害給以耕種其諸番皆稱首奉令各如所擬地認住計所安
置番帳七百餘所部落男婦三千四百餘人遂以為期約自後惟朔望
許入城市交易凡一應番漢人等不許非常交通出入違者加之重辟
于是肅州數十年番害悉除總督王以旂以其事聞因列上諸臣功狀
上深嘉之各陞級資以銀幣時賜等下督臣頒賞有差○陝西慶陽
大水蘭州大饑○九月禮部尚書顧可學乞假遷奏賜馳驛還○吏部
尚書聞淵致仕以戶部尚書夏邦謨為吏部尚書時淵引年乞致仕許
之淵既去會推禮部尚書徐階 上曰階方事朕左右固非先朝私文
館之直者如何輒擬外遷乃推邦謨代之○刑部尚書俞茂堅引疾乞
致仕許之○虜寇廣寧遼陽及宣府塞先是謀報虜酋俺答率眾入遼
結營東回勢將深入兵部尚書翁萬達乞申飭諸臣在關北者計在必

弼代鎮如故仍命朝弼及撫按三司官護視輩成奏請領鎮○建寧夏
後衛儒學於花馬池營取本衛寄業鎮城生員充之○詔免山東貴州
等府秋糧以旱蝗故也○十一月命附孝烈皇后神主於大廟時大學
士嚴嵩議安主於皇妣獻皇后之側從之○吏部尚書夏邦謨乞休不
許時南京科道官鄭維城楊順等交章劾邦謨諂附會侯新改銓曹不
協人望邦謨上疏自理并求引退 上曰卿簡自廷推宜盡心供職不
必以人言求退也○金星晝見五日○詔逮繫巡撫河南都御史胡纘
宗等詰京訊治初駕幸承天續宗委陽武知縣王聯供行殿役不便怒
笞之聯隨為御史陶欽襲以賊罪劾罷聯歸家殺人事覺坐絞待報聯
謀動宸聽為脫罪計令子朝策走京師以長至日假朝衣隨百官入奉
天門稱父冤奏續宗以私却故入人罪巡按潘泉諸官阿附續宗詎同
羅織仍搢搢續宗迎駕詩有穆王八駿空飛電湘竹英皇淚不磨為呪

詔 上怒命選繫續宗等二十餘人詣京拷訊○以唱霜殺苗見山西大同府所屬州縣前後陽和等衛山陰馬邑等所糧草有差○召起用致仕少詹事王用賓于原職○十二月巡按直隸御史陳其學請裁徐州呂梁洪大言先因水涸險設有洪夫二千四百有奇通者黃河自西來注之漕輓順利人力甚省乃洪夫仍取盈額徒恣虐柴乞墾行裁省以寬庸賜民力疏下工部請命總理河道酌議報可○總督宣大都御史郭宗舉疏陳邊務因條上三事○除戎器言請增造宣大山西諸處戎器移文工部給發如不適用即折解軍門自製曰選戰士言選順河直保四郡壯士六百人及山東青沂二州鎗手二百人刻期赴鎮分曹教習曰規敵情言伺探敵情全在用間今出境禁嚴莫能規敵所向宜稍破常格許邊臣多方集議議下兵部從之○擢提督倉場戶部左侍郎李士翱為工部尚書○禮部疏請考選天文生言欽天授時實

卷之八

十八

惟首務推測考候貴在得人苟惟拘拘派勢至乏人倘習學盡收恐成冗濫請今後將本監執冊丁男願習本業者量為摘取分派各科教習本戶有缺盡將送考就中擇其精進者照例頂補如二人俱通先補嫡派餘者候缺送考報可○上親祈雪于洪應壇時 上諭禮部深冬不雪二更何滋今朕親祈洪應壇百官青衣辦事勿慢朝天等官遣文武大臣行禮如例○巡撫鳳陽都御史龔耀疏請免積欠鳳壽倉糧言淮安等府州縣連歲灾傷戶口逃亡大半而錢糧照額科派積年通負徒存虛數又將見在疲民代償日朘月削存者必逃逝者不返窮困之極恐釀他变乞將積欠鳳壽倉糧盡行蠲免庶凋殘少蘇逃移復業戶部覆言宜行撫臣查數果係小民通負以十分為率每年帶徵二分其荒蕪轉徙務令有司加意招復若有實效不次擢用詔從其議

庚戌嘉靖二十九年

春正月丙寅朔 上不御殿○陝西三邊總督尚書王以旂等奏增設清水高家清平三堡等處守備官各一人募兵各滿千人成之仍以黃甫川木瓜園孤山三堡隸清水以建安清水二堡隸高平以龍州成武懷遠三堡隸清平而清水營守備屬東路參將管轄兵部議覆報可○詔發太倉銀六萬兩給光祿寺備用以本寺卿高澄奏供應不充故也○刑典史屬汝進籍先是汝進為給事中以戶部尚書王景華論劾廢世蕃等皆有請託宜加窮治大學士嚴嵩疏言汝進欲以贓污職臣名故借臣子世蕃巧誣 上以汝進意欲與景開釋遂杖之外貶至是大計天下吏部令吏部削其官○致仕南京戶部尚書徐問卒問武進人深沈肅靖累遷廣東布政以治行第一賜宴賞歷官所至有聲始終無玷士論尚之○二月詔奪巡撫湖廣都御史林雲同御史李廷春職廷春先知湖廣石首縣有貪聲雲同以法咎之至是廷春還道雲同恐其

卷之八

十九

懷怨遂發其在任贓私請行罷斥廷春亦列雲同鄙汚事乃俱奪職職職數○召起原任兵部尚書陳經為戶部尚書總督倉場管理西苑農事羣卒經益都人以言官論劾引疾致仕至是 上特旨召用經會病卒于家賜祭葬如例○會試天下貢士命大學士張治堂詹事府事吏部左侍郎無翰林學士歐陽德為考試官取傅夏鼎等三百二十人○巡撫甘肅都御史楊博請開荒田言甘肅荒田萬頃請借支本鎮京運銀募民開墾詔以三萬兩給之○南京兵科給事中甄成德疏陳江防四事一脩教場以時簡練言新江口營舊有水陸二操水操于馬頭陸操于教場後皆為江水衝沒當教所司是置一虞操紅以備遠圖言新江口操紅未及脩期輒先損漏宜量給補葺費仍令工部官不時閱視一嚴接伏以防不虞言沿江伏兵之地東曰觀音港西曰上新河曰和尚港皆當嚴備而部兵者亦往往賣閒移役即兵亦惰弛未嘗往來偵伺

請一切裁之以法一查原額以實營伍言江防官軍暑不輟往往詭籍逃伍十減二三宜悉計處補或改正或清勾務令各伍充實事下兵部議俱可從之○大風揚塵四塞○隆慶州張山營堡山鳴○巡按浙江御史董成請寬海禁初洪武間設市舶司於太倉黃渡以通華夷之情遷有無之貨收徵稅之利咸戍守之費又以禁海賈抑奸商便利權在上尋以黃渡近京師改設于福建浙江廣東七年罷未幾復設蓋夷中百貨皆中國不可缺者夷必欲售中國必欲得之以故祖訓雖絕日本而三市船司不廢嘉靖初以宋素卿宗設念爭奪殺給事中夏言謂禍起市舶禮部遂請罷之自是番貨至輒為奸商所籠賂取轉鬻久之奸商欺負多者萬金少不下千金皆不肯償乃投賣官家久之貴官家欺負又不肯償食及甚于奸商番人泊近島遣人坐索其負不能得遂以乏食出沒海上為盜貴官家欲其亟去輒以危言憾官府云番人據近島殺掠人奈何不出一兵以禦之及官為出兵復悞番人間以好語啗之利他日貨至且復賒我如是者久之番人大恨諸貴官家言稅貨本倭王物爾價不我償我何以復倭王不掠爾金寶殺爾倭王必殺我遂盤據海洋不肯去而小民迫於貪酷苦於徭賦困於饑寒相率入海從之兇徒逃囚罷吏黥僧及衣冠失職書生不得志辭不逞者皆為之奸細鄉道弱者圖飽煖旦夕強者奮臂欲洩其憤于是王五風徐碧溪毛海之徒皆以華人金冠龍袍稱王海島攻城掠邑劫庫縱囚遇文武官發憤所殺即伏地叩頭乞餘生不聽而其妻子宗族田廬金谷公然富厚莫敢誰何浙東大壤巡撫都御史朱統燕知其情特嚴海禁緝閩浙諸貴官家于是諱者四起竟陷統燕職巡按重威乃希貴官指請寬海禁以便漁樵裕國課上令行浙中藩臬諸司集議可否從之○三月 上積雨于禁中先是禮部以亢旱請令順天府官祈雨 上曰

去冬無雪今春不雨凡百五十日如再及半月奏永皆失潤朕躬禱為民卿等以上下相關百官亦當修省思應天不可以虛文第令該府官竭誠以禱至是 上躬禱于禁中命英國公張溶等分告各官廟○御史阮鶚疏請復宛大廟民助役銀初永樂間徙浙江南直隸富民三千戶實京師充宛大二縣廟長既而逃亡者眾有司議以見役人少每逃戶一人各徵銀三兩助役廟民便之嘉靖二十八年以虜警轉發助役銀于各邊充餉後遂為常于是鶚疏請仍舊給民戶部言廟民歲日繁不必仰給于逃戶請量發銀四百兩給之其逃戶故絕者止行原籍徵銀二兩未絕者即于本戶徵銀無復累及他甲詔可○丙子大風揚塵蔽天○廷試賜唐汝楫呂調陽美金和等進士及第出身有差○丙戌黃霧四塞日無光○詔許錦衣指揮郭守禮襲封武定侯守禮故武定侯郭勛嫡長男也勛下獄死八年守禮以祖功陳乞襲爵 上曰郭英勳戚未可便因凶嗣廢祖功准續原封免襲勳○夏四月詔廷杖都御史胡繼宗削籍奪刑部尚書劉訥官命大學士嚴嵩支無官俸時訥與都御史屠喬大理少卿沈良才會訊王聯上言聯以絞罪重囚奏許誣指無振續宗詩全章皆頌威德語非訛謗聯乃坐原殺人罪朝策詐假官當斬續宗等悉赦勿治疏入 上不悅大學士嚴嵩評云訥以同里故偏黨續宗 上怒曰既云偏黨何以有湘竹英皇句其為比護明甚乃廷杖續宗併訥皆削籍為民奪備良才俸問司官吏俱錦衣逮訥以嵩對制平微公忠取劾命撫史大學士倖○癸丑大雨百官表賀上以甘雨應祥賜恩郊廟各優詔答之○詔封掌道教事禮部尚書陶仲文恭誠似辭許之 上召吏部尚書夏邦謨至迎和門授勅禮部尚書無其人陶仲文禱雨濟旱力贊平獄特封為恭誠伯賜諡威祿一千二百石給事中張表臺言皇上應先民瘼躬薦德馨休徵之應良不徒

然仲文安得貪天功為已力于是仲文疏辭上曰卿祝釐保國禱祈
雨賜累效職若勒獄非卿事也果專恭盡誠玄修雖數爵亦未克酬
今以平獄謝似非宜者且許辭待奉教另行○五月改工部尚書李士
翱為刑部尚書權戶部左侍郎胡松為工部尚書○兵部尚書翁萬達
疏陳邊備十事從之時邊報日棘西海夷窺其涼套虜窺延固儋谷小
王子部落擾威寧海子及開平邊外歲犯宣大諸鎮朵顏三衛數引北
虜犯廣寧遼陽睨白馬關及黃花鎮于是萬達等議條上十事曰飭
營關以嚴內治餉邊鎮以固藩籬務實政以嚴邊防廣儲蓄以實邊塞
時餉饋以安募卒重犒賞以激將士開使過以策奇功開受降以殺虜
勢激撫按以安人心正軍法以肅紀綱詔如議行○貴州苗陷印江縣
寇石阡府詔制貴州巡撫李義壯籍勅總督右都御史張岳開府辰州
集兩省官議多謂林箐深密累討無功撫之使即不聽撫守之使不出
掠可也岳力言撫守皆非長久之策必大剿以兵然後撫守可圖義壯
附萬鑑撫岳劾義壯不受節制弗肯協謀討賊至是苗陷印江寇石
阡貴州震動事聞上降詔切責岳制義壯籍岳復疏曰滇中之議初
亦詳於衆口伐蔡之後功必成於獨斷於是始克集三省有兵二意進剿
矣○給事中俞鴻請更罪人充軍例從之舊制罪人充軍南人發南北
人發北不過三千里其情重當發極邊者北直隸宣天山東山西河南
俱甘肅山西陝西宣天河南發遼東既而遠軍不習水土逃死過半于
是鴻言比年邊事孔棘軍伍空虛與其投生人於不死之地不若充寬
其法因而用之夫今之充軍罪犯不過曰邊衛曰邊遠曰極邊而已南
北地里不過曰本省隔省再隔省而已以罪之輕重定地之遠近邊衛
可以本省擬配邊遠可以隔省擬配極邊可以再隔省擬配如內省無
邊方者可以隔省附近邊方擬配其邊遠極邊亦可依數遞配庶解者

易至逆者易勾而有司亦便於遵守下兵部議覆從之○重修大明會
典成禮部尚書徐階表進呈覽○六月命禮部尚書徐階錦衣右都督
陸炳施藥于朝天等三官○戊申金星畫見自己酉後皆陰雲至卯寅
復畫見○詔革鎮江總兵官先是秦璠王良出沒江沙置總兵官于
鎮江勦捕及盜平因沿未革至是御史趙錦上言江洋群盜多係販負
草竊之輩時發時至驅逐勦捕直有司事耳鎮江總兵官不必設不可
設不宜設及復千餘言上詔議革之○虜犯大同總兵官張達及副
總兵林椿死之時虜酋僉答率眾數萬由小營圪塔墩口八大同塞計
伏精銳給谷中以羸騎百餘為餌偵卒信之走自達達素果敢徵兵未
果遽率麾下卒馳擊之伏兵圍達數匝馬蹶見殺椿分兵擊虜衆騎于
彌陀山開達被圍不介馬而馳援達不克亦中流矢死虜得二將首輒
引去事聞上嘉其效忠死事贈達為左都督諡忠剛椿為都督同知
諡忠勇賜祭葬立祠祀之達陝西人目不知書然慷慨負奇節力絕
人平生遇敵好離營陷陣所向有功卒以此敗邊人至今稱兩將及王
千斤之勇云○太常寺請修理天壇詔會官計處工費以聞給事中謝
登之言園立乃祀天之所誠不當惜費但今四郊並建財力已勞未及
大壞不宜遽興重役工部議覆從之○閏六月詔免隆慶州永寧縣去
年田租之半以被虜故也○詔逮繫總督宣大侍郎郭宗舉及巡撫大
同都御史陳耀訊鞫詢成邊諸部將俱論死初大同之役宗舉與耀言
張達林椿雖沒于陣而虜亦潛遁官軍被傷者少上已命奪俸既而
給事中唐禹追論達効死先登全軍陷沒屬其二子張世傑世俊以血
戰潰圍得全此數十年未有之大軀而宗舉等不自席憂軍幕陳喪
敗之咎乃更語彌縫苟避罪譴則死何以見張達林椿生何以謝二子
宜明示賞罰以昭勸戒上悅為奏公正詔達二子同廢與椿子鳳騰

俱指揮僉事世襲令錦衣械繫宗昂耀至京廷杖之耀死杖下宗昂諡
戍遼東邊諸部將戴綸徐仁歐陽安等俱論死長繫刑部獄○詔起復
兵部尚書翁萬達總督宣大召用間住都御史趙錦巡撫大同時郭宗
昂諡戍乃奪情起復萬達代之以萬達不能速至先以兵部左侍郎蘇
祐攝其事以趙錦為都御史代陳耀為巡撫 上以非常遣發慰勞特
至○召起威年侯仇鸞為宣大總兵官初鸞以曾統等論劾逮繫來京
鸞後許統得釋罪坐廢居京邸至是宣大缺總兵官賈賂大學士嚴嵩
子世蕃求起兵部承指推用乃加鸞太子太保總宣大兵○詔簡督李
官時給事中楊允繩上言祖宗取士以經術為重匪徒以繪句繡章校
長一日過來士子但逞浮辭不敦實行下者祖僧恣睢干謁假托皆由
督學使者尚文藝而輕行檢故爾請勅銓曹慎選賢者諸臣用端士習
上曰督學官士子表率今後必慎選行誼端方者以充任使勿得徒

卷之八

三

尚藝文循資濫擢○詔裁革太常寺廚役樂舞生冒濫之數樂舞生量
存一千五十三人廚役量存一千三百名○秋七月薊鎮遼東舊猛可
等入寇官軍擒斬之先是巡撫順天都御史王汝孝憤余顏三衛諸夷
索賈無厭嘗出境撲殺之諸夷以此蓄怨至是殺入犯邊始犯鮎魚石
又犯河坊口諸處官軍出勦斬首百餘級汝孝以聞請褒賞有功邊軍
兵部覆請嚴之然諸夷再失利而去遂通迤北大虜為之鄉道云○給
事中楊允繩疏陳銓改事宜言古者立郡縣之等明銓序之品所以人
與地相適今宜劑量政務繁簡地方邊腹道里衝僻列三等為銓除中
間或有請託規避者請通加裁抑至于履任後人才地方或未相宜又
有出於銓擬所未及者仍申明舊例令撫按官奏報改調則人才可適
于用銓擬漸趨于平吏部覆議報可○瓊州賊亂兩廣總兵官平江伯
陳圭督兵勦平之時瓊州五指諸山黎賊那燕等割劫崖州諸處傳置

總兵等官攻圍城邑圭與提督歐陽必進督兵進勦前後斬賊五千餘
俘獲千餘招撫三千餘事聞 上嘉其功命加圭祿任一子錦衣百戶
詹必進子為國子生○改刑部尚書李士翱為戶部尚書時戶部尚書
潘潢以該員賦餉 上謂潘潢司邦計偏執自用調南京故以士翱代
之○致仕禮部尚書戚繼明卒謚榮簡○擢南京兵部右侍郎顧應祥
為刑部尚書○詔逮繫巡視浙福都御史朱純至京訊鞫下福建都司
都指揮僉事盧鏜海道副使柯喬獄論死純自殺時給事中杜汝楨巡
按福建御史陳宗憲會勘統編急周章聽信奸回顛覆刑統清操雖勵
于平時明憲難逃于今日柯喬盧鏜黨比匪人擅殺無辜法當直論其
冒功坐視諸臣通判翁燦等次之知府盧璧等又次之于是兵部三法
司再覆請如所勘奏喬鏜繫福建按察司獄待次純聞命惶懼通有官
校來吳江逮繫故天津副使朱鴻漸詣京偵者妄言逮純統聞之仰藥

卷之八

三

自殺統為人清廉勇於任事開府閩浙首嚴通番之禁海中為之肅清
走馬溪之役雖張皇太過然勘官務入其罪功過未明統竟坐憂恐未
就訊而死于非命公論惜之○釋漳州知府盧璧等於獄璧先奉巡視
朱純命查決所執通番諸囚既而副使柯喬都指揮盧鏜被逮論死証
執璧必欲同坐而番人力辯與璧無干科臣勘擬改調詔令釋之久之
改守漢陽初璧在漳平白葉洞賊築堡塞與屯田用罪人唐弘臣破巨
賊李大用數百艘自謂不世奇功而為人所獲止以平賊督餉受獎實
為不稱其功云○詔復征山海關稅自中土出者山海收六分遼東收
四分自遼東入者遼東收六分山海收四分每季委文官一員督同守
備官抽稅其遼東八里舖店錢罷勿收從遼州巡撫王汝孝奏也○火
星犯木星守井宿○八月虜入薊州塞先是虜酋俺答脫脫等自
威寧海子移住斷頭山并調集套虜聚眾十餘萬謀深入關南攝總督

侍郎蘇祐初至宣大即請益兵餉未報而倭酋狼台吉擁眾窺大同咸寧侯仇鸞懼私遣其廝養時義以重誦結倦各令別寇宣府薊州無犯大同虜遂東去知宣府有倭乃寇薊鎮無重關山外即虜境所恃朵顏三衛為藩籬三衛舊得大寧地住牧又歲利入貢賄頗為狃悍禦虜不能起三衛入寇近三衛稍離心多結迤北太虜故虜由其境入犯三衛反陰為嚮道云虜之東也實使之乃倭秦探知虜東行恐侵薊鎮震驚京師請提兵駐居庸以徭不虞而謀者復自虜中語欲寇薊間是月乙亥虜果寇薊鎮攻古北口巡撫都御史王汝孝悉眾禦之丙子虜縱兵自間道至黃榆溝諸處快邊牆入我兵不能禦遂大潰丁丑虜悉眾入圍順義時以保定兵駐城中城乃得全虜遂長驅入內地○虜逼通州京師戒嚴詔諸鎮兵勤王初巡按畿內御史王忬聞虜攻古北口疏請集議戰守策而馳駐通州曰此國家咽喉處也急募吏民城

卷之八

三

守收漕舟楫潞河西勿使為虜用戊寅虜至通州以白河阻之不得渡乃駐營河東二十里孤山汝口諸處分掠密雲懷柔三河昌平諸州縣村落居民焚殺殆盡王忬夜為疏總使走京師請援京師始急集諸營兵城守僅老弱四五萬人又半役于總兵提督察不令出伍索武庫甲仗庫閣撥餉不時發久之不能軍本兵丁汝養以聞上大驚遣都御史王儀以三千騎援通州而命文武大臣各十有三人分守都城九門及皇城四門以吏部左侍郎王邦瑞定西侯蔣傳總督之給旗牌令以軍法從事又命都御史高太師督行道官募民間材力子及坊甲保伍合四萬餘分置城間復令四方來試武舉者千餘人分從諸大臣策應上猶慮不固檄召大同總兵戚繼光侯倭營引兵發居庸壘前禦虜後衛鎮諸路及河南山東兵入援禮部尚書徐階奉言京師之兵多不習戰統領勦費又不知兵今繫獄將官戴綸徐仁李珍麻隆賈

鎮歐陽安素歷邊疆威著謀勇乞如張達等例釋而用之授以兵馬必能出力以報不死之恩在外緣事有名特官遼東有劉大章同益昌侯西有時陳雖去京稍遠亦當赦宥召用此則兵部拘泥常格而不教用者閭閻居民一聞虜警必奔走入城宜令兵部同錦衣衛五城御史如意安撫內有驍勇可用者即召募為兵既可充實行伍而亦弭亂一端又聞兵部欲募兵城外剗營蓋為捍護閭閻之計但恐京軍見敵輒夫反搖民心而閭閻竟不能捍護宜亟召仇鸞兵入衛令兼督城外剗營諸軍大約以大同人馬為京師先鋒以京師人馬助大同人馬聲勢相倚庶兩有所恃而不恐此又兵部思慮所未及者上皆嘉納之詔宥綸等罪各復原職給與兵馬行糧聽總兵官仇鸞調遣○詔以戚繼光仇鸞為平虜大將軍總督勤王師諸兵以楊守謙為兵部左侍郎提督戎務時鸞先駐師居庸故首得命即以大同兵二萬三千至守謙亦以

卷之八

三

保定兵五千至人心稍安既而河間宣府山西遼陽延綏諸將各以兵先後至凡七鎮五萬餘人上嘉勤王師各賜書褒獎千金帛使驅虜眾即軍中拜鸞為大將總諸鎮兵賜襲衣王帶上尊千金又賜密啟封記曰朕所重惟卿一人得密啟奏以守謙為兵部左侍郎提督圍營戎務駐師城下以衛京師分遣京營諸兵屯城內外巷陌間營兵懼見敵驅之出皆泣不敢前城外及近地居民擁入連日不絕多被血淋漓至者時事起倉卒諸務未脩勤王師聞變即馳至未嘗獲糧制下犒師牛酒諸費皆不知所出戶部文移往往後越二三日軍士始得數餅餅故厚糈粟則饑寒益甚無所需故士卒饑疲且甚陸炳因言戶部不預計軍興糧餉不支士多餓死上怒令奏尚書李士翱以下諸官職戴罪辦事○給事中張秉直請駕還大內言虜勢漸逼中外戒嚴而危宮垣備虞喧嘩之聲易達聖聰非所以再奸允養威重也乞還大內如太

陽中天群陰自息直使人心安輯志氣大馬涉而醜虜不足平 上不從
○虜犯京師辛巳虜自白河東渡路水西北行大掠村落居民焚燒隨
舍火日夜不絕至東直門執御殿內臣八人以去郊民扶傷披血集門
下門閉不得入萬口號慟聲徹西內 上命啟門扉納之是日虜掠婦
女大飲演武堂上遊騎往返六門外勤王諸兵無有敢櫻其鋒者○虜
求入貢命廷臣集議通貢得失初虜執御殿內臣楊增去不之殺見虜
商僂答踞坐穩惟謂曰若歸見天子好為我致書乃即令增持書入
城及啟書多緩語求入貢 上召大學士嚴嵩李本及礼部尚書徐階
對十西苑因出虜書示之 上曰事勢如此奈何嵩曰此搶食賊取又
何足患階曰虜在城下縱火殺人胡止云搶食當議所以禦之之策
上顧階曰卿言是因問虜求貢書安在嵩出諸袖中 上曰此事何以
應之嵩曰此礼部事階曰事雖在臣惟皇上主張之 上曰正宜商議
階曰今虜駐兵近郊而我戰守之備一無所有宜權許以款虜第恐將
來要求無厭耳 上曰苟利社稷皮幣珠玉皆非所愛階曰止於皮幣
珠玉則可萬一有不能從者奈何 上疎然曰卿可謂遠慮然則當如
何階因請以計款之言其書皆漢文朝廷疑而不信且無臨城貢貢之
禮可退出大邊外別遣使償番文因大同守臣為奏事乃可從此往
返之間四方援兵皆至我戰守有備矣 上首肯曰卿言是因令再集
群臣議通貢可否日午群臣畢集礼部示以虜書言款以三千人入貢
許之則緩兵不則益兵破其城因陳筆劄令各書所見奏請 上裁群
臣相顧莫敢發時國子司業趙貞吉抗言曰此不必問恐後生懦夫暗
不解事方一多書可許則三千人入城恐為害甚大且虜肆
深入震驚宮闕乃不務驅逐而畏其恐喝許之入貢以何異城下之盟
斷不可者翰林檢討毛起謂時事孔棘宜暫許之邀使出塞而後拒之

貞吉叱起謬語群臣俱以為為不可奏人乃止時將向夜 上望見德勝
安定門外烟火燭空大震懼聞中官稍道趙貞吉及毛起語乃馳至
召二人入對西內貞吉大言陛下宜御奉天門下詔罪已追獎故都督
周尚文功賜祠錄後釋給事中沈束于獄以作人心且日士卒不力殺
敵以平昔主將多冒首功耳今誠得首功一即予白金指金不十萬兩
且盡矣因求為御史佐軍務大李士嚴嵩請命貞吉齎金出城諭買虜
前 上亦壯貞吉言遂擢貞吉左春坊左諭德兼河南道監察御史予
金五百兩稱詔出城宣諭行營將士憚斬虜首○上御奉天殿詔逮繫
巡撫俞遂都御史王汝孝駐守通州都御史王儀詣京訊治時 上久
不視朝以虜衆薄城吏部尚書夏邦謨疏言人情洶洶之時非上躬御
正朝延見廷臣不足以繫衆望振威武 上乃許之是日文武諸臣具
服待命闕下晡時 上始出御殿降勅切責諸大臣遂還宮群臣出就
午門下跪聽宣勅皆惴惴計有所處分門且下鍵乃勅遣官校逮繫王
儀王汝孝來京即訊及儀至下獄以畏候不戰削籍去逮汝孝使者道
梗未達汝孝復斬獲虜級竟得以後功末減謫戍初儀至通州命營兵
屯戍城外而自閉閣卧城中會威寧侯仇鸞引兵至虜少却鸞兵以饑
故往比掠食諸村落儀令人捕執下獄死者十數人鸞兵大譁欲甘心
儀巡嚴御史上其狀故逮治之尋起遷巡按御史王忬為食都御史代
儀守通州○詔奉道政使樊深官為民深言威寧侯仇鸞養寇邀功
上令削籍○召起守制原任兵部左侍郎史道來京急用道派人歷任
邊方多年去京甚近故也○虜犯諸陵時虜進至清河迄北分掠天壽
山東山口唐陵果園等處 上命大將軍仇鸞嚴護陵寢仍令搜捕近
京群盜乘機剽掠者○詔逮繫兵部尚書丁汝夔及左侍郎楊守謙下
獄初虜逼通州汝夔聞警束手無措梟偵者無償卒出却不下數里道

遇扶傷者輒奔還妄言見虜城中報震既而言不信汝變不加罰復擊他卒偵之備妄如故城中救大震而成國公朱希忠理京營兵以其多役占不足行伍恐見兵少且獲罪乃東西型調為掩飾計兵疲不得息家人莫知所餉亦不知型調者為誰爭警丁某丁某欲魚肉之語頗徹禁中及勤王師至庫餉不時兵饑疲出怨語而大同軍尤無律往七樵髮劫掠村落中時被捕獲詭稱遼陽軍遼陽軍者朵顏諸部也先是有傳虜中語遼陽軍實導我來者故京師訛言遼陽軍叛而驚方被龍雖獲大同軍行掠者不敢治必以聞上謂大同軍首入擄行掠亦出饑飢令免窮治送寶收撫而驚殊不呵禁汝變不得已令勿捕大同軍大同軍益無忌民聞告之有甚于虜乃恒詭稱遼陽民間不知遂謂汝變山東人以御曲故庇遼陽叛軍及虜薄城下汝變受計於大學士嚴嵩謂地近喪師難撫當令諸將勿輕戰虜飽自去取諸將固不敢戰乃談

卷之八

三

汝變下令勿戰及汝變被逮嵩恐雲前盡給曰毋慮吾為之地汝變亦信嵩有回天力安之弗自辯及臨刑乃大呼曰賊嵩誤我遂與守謙俱棄市仍易汝變首以御令勿收發其妻三千里外于戍鐵嶺獄○詔廷杖左諭德趙貞吉謫嶺南初貞吉廷議罷調大學士嚴嵩嵩辭不見貞吉怒叱門者嵩大恨乃伴薦貞吉使齎金出城宣諭貞吉傲民居致金于咸寧侯仇鸞鸞曰吾軍典虜通安能領財多金不之納虜且引去貞吉計無所出適倫諭諸營而還比且復命嵩謂貞吉狂誕且追論其申理周尚文沈束非是上怒命廷杖之謫荔浦典史○虜遁出塞京師解嚴時虜漸退先以其輜重北去餘眾猶分掠京城外欲奪白羊口出咸寧侯仇鸞即諸將兵尾之虜被白羊守將扼險禦之不得稍棄牛羊婦女關下擁眾東南還至昌平北倖典鸞軍過鸞不意虜遇倉猝未陣虜騎蹂入我兵不戰而潰死傷千餘人鸞畏為虜獲以裨將

卷之八

三

泰論士翺及工部尚書胡松兵部侍郎謝蘭等 上命士翺開住降調
蘭南京餘各奉級俸有差○詔起復兵部尚書翁萬達時本兵缺月
餘吏部尚書夏邦謨等前後會推四人皆不稱旨乃奪邦謨俸特召起
萬達用之○更議營制以威軍侯仇鸞充京營總兵官改吏部左侍郎
王邦瑞為兵部左侍郎管理京營軍務時京營廢弛久衛卒多後于諸
將及中貴之家或死亡者猶按空籍給衣糧充行伍者又皆老弱不任
兵前戶部郎中汪宗凱論劾提督成國公朱希忠不報至是邦瑞復以
為言乃罷希忠提督改十二團營為三大營曰五軍曰神樞曰神機總
三營曰戎政府以鸞統命邦瑞協理為鸞副革去提督內官鸞請張鶴
齡故地改建府牙居之小廨四週居大同兵五百自衛曰用以訓練京
軍邦瑞請用兵部主事二人給事中御史各一人議論多與鸞忤主事
申據復持法不為屈疏京營弊改語稍便鸞怒尋疏入遠提挾之出
補外鸞又言京營置給事中御史主事等官不便皆罷之鸞言無不從
遂益驕橫

謹按王司寇世貞曰威軍侯仇鸞以口辨教當重寄凡八佩將軍印
初掛鎮虜將軍印鎮寧夏再以征番將軍鎮兩廣三以都護前將軍
扈駕承天四以征夷將軍討安南五以平羌將軍鎮甘肅六以征西
前將軍太子太保鎮大同七以平虜大將軍鎮虜八以太傅總京營
戎政掛印固朝惟宣平王朱求八佩將軍印而鸞亦然

置副總總督大臣以工部侍郎孫楡為兵部侍郎總督劉遵初設副總
總督以朔州保定遼東三鎮雜焉改楡為兵部任之楡因上言彙煩三
衛部落日蕃屢次侵噬花當費求添貢把兒孫深入擄掠動挾北虜以
恐喝中國自胡守中抚賞過盛益驕戎心今北虜出古北口道由朵顏
而倂為不知縱使深入負朝廷厚恩宜及其貢使宣示恩威俾知悔罪

從之○命工部左侍郎龔輝管理九門濠塹石壩先是兵部左侍郎王
邦瑞請築重城濬治九門濠塹設關于大同橋審水 上從其濬濬設
關一事以築城事重令且休兵息民待來秋行故有是命○命兩廣提
督侍郎歐陽必進等獎賞安南應襲都統莫宏瀾以擒叛賊范子儀等
功也○冬十月詔改京營提督官名曰總督京營戎政鑄戎政之印給
威軍侯仇鸞管理文臣曰協理戎政既而鸞等上言頃者營制一新臣
等仰奉嚴旨三令五申欲大振往時玩愒之習但恐行法過嚴人情不
便或輿謗言搖惑乞責成臣等毋有所避并令所司禁戢流言者 上
曰卿等受朕簡任其督率官軍嚴加訓練若有造言輿謗意圖阻撓者
捕緝重治○命右倉都御史商大節經略京城內外○募諸道民兵及
各邊鎮銳卒入衛京師威軍侯仇鸞言京營軍止宜城守難以格戰請
分遣御史四員招募民兵乃勅遣四御史分道募民兵于畿輔山東山
西河南諸府嚴集京師練備防秋秋後各散去如踐夏卒例既而鸞又
言選抽各邊銳卒入衛京師宜大二鎮共選若干人為四部令歐陽安
統領與各選卒依期入衛兵部覆言二鎮京師之門戶禦寇不于門戶
而格關于堂與可乎 上不聽命二鎮卒姑不預徵寇若有犯即星馳
入援聽大將軍布魯于各邊共選兵六萬八千餘人班入京師與京
營兵雜練之○詔免兩京決囚○擢戶部右侍郎孫應奎為戶部尚書
○乘一真人陶仲文進所積賞銀一萬兩段二百匹助邊○詔遣
繫刑部郎中徐學諭訊治刑籍初 上以虜患論群臣令人盡言學
詩因奏劾大學士嚴嵩上言外攘之要在修內治內修之要在正本源
今大學士嵩位極人臣職司政本陰險莫測貪饕無厭內為勳貴之結
納外為群小之趨承苞苴盈門冊車駁道轉政十年日甚一日釀成虜
患其來有漸而嵩且泄泄自謂得計其糾論序班龔結疏自云尺帛不

受門可羅雀將誰欺欺天乎此猶無事時然耳即今虜勢猖獗武備廢弛猶認升佳兵不祥之說以謾清門會餐如故恬不畏明縱于世蕃受奪職總兵李鳳鳴二千金起補前州受會總兵郭琮三千金以為督運索史館吏胥陳世良等千餘金王府科吏戚克相三百金固利之密不遺巨細前此所未有之貪也自九月初旬以來私徒南還輜車數十乘騎車四十乘沿河棧船十有二艘細載而歸悉假別署封識以誑道路謀已得矣如君父何臣每接士大夫語及高父子無不切齒痛心而七八年間又無有少敵愾者誠以世蕃狡警擅執父政凡諸司奏請涉於疑畏者必先閉白世蕃而後敢聞高又機械足以先發治人勢利足以廣營自固投機構隙足以立威脅眾文辭便給足以強辯飾非而精悍警敏揣摩巧中足以趨利避害彌縫缺失私交密會令色脂言足以結人懷心而緘其口舌如歷年論高者往往假事陰中於遷除考覈之閒給事中王雱陳垣御史謝瑜童漢臣等當時俱蒙聖恩寬宥而今安在哉故天下之人視高父子如鬼如蜮痛心疾首敢怒而不敢言者誠畏其陰中之禍也乞罷高父子別簡忠良委任責成則順治威嚴何匪虜之足患上曰學詩乘機報復遠欲榜訊尋則藉高不自安求去上慰留之高復疏謝仍乞放其子世蕃回籍上憫高老令留世蕃侍養大學士張治卒臨文賜治茶陵人傳學強識性亢爽有氣節言論侃侃臨事不同時上崇焚修而治不能供玄撰快快而卒後改謚文毅○貴州衛地震○詔議征北虜時威軍侯侯鸞上議大舉北伐先遣京營諸將分詣各邊訓練士卒以待師期鸞請駐師宣大間整飭兵甲俟冬月大舉往犁庭度以舒華夏之氣上嘉之命兵部會官議兵部左侍郎史道尹部尚書孫應奎工部尚書胡松等上議言願虜北順深入郊圻震聲發毒元元罪惡貫盈法在不赦皇上深懷大計

欲與問罪之師而復有敵愾禦侮如龜者身任其職決策請行除兇雪忿千載一時臣等僉謀俱如鸞議即今整齊士馬臣道等之職預儲軍餉臣應奎等之職精利器械臣松等之職皆當矢心協慮先事預圖比及大舉庶不後時而迅雷之下虜將不及掩耳上悅于是命戶部大括各處積貯及歷年通食以備軍興○十一月擢兵部左侍郎王邦瑞為兵部尚書先是召起翁萬達于制中復為兵部尚書萬達家海南兩月餘尚未至上遲之屢以為問大學士嚴嵩言萬達在肘腋諸臣觀望恐非君命召不俟駕之義上深然之曰古語忠則盡命又豈侯獨耶即萬達不來不必待也以王邦瑞代之未幾萬達至其疏自明上姑寬其罪奪職別用○詔蠲順天府順義懷柔平谷諸縣秋糧有差以被虜獨慘故也○置三輔總略大臣時以易州昌平州及通州為三輔各設總略都御史以翁萬達總略期降授兵部右侍郎兼會都御史守易州召許宗魯守昌平州王忬仍守通州為三輔總略使○兵部左侍郎史道凱陳陳慶要計上言比虜犯京固其心久欲內犯復緣宣大年來失利二鎮城堡殘破數多彈輟直下徑通畿輔無復遮障京畿居人久安承平散漫浮屠一旦大羊突入無怪束手授命以臣之愚今之萬全為計大約有三夫虜性輕生亦知避害我以弱示兇機愈恣若以威加即避不敢近宜以便宣事權假借宣大總督急將二鎮兵馬挑選精壯假以防秋為名多方訓練使人皆有外事之心會同保定巡撫盡將廣昌紫荆界處所東西三圍堡以至阜平四溝一應素稱勇悍之人盡數退出曉諭仍調浙江處州民兵定限明年春同戰勢可乘之時揮兵直搗可收功萬全往者樂廣鎮守大同見賊眾優擾一月間為是舉者三以後不犯大同者幾五年虜中胡兒夜泣其父母恐之曰太師來也營中大小無不知者比臣與廣同臨戰陣身親見之此先威以奪賊

氣而賊自以其入無為利計之上也如其舍是不為則當于近日磨入各要害處所急當備築關隘北緊關邊口如冷口潮河川大水峪小水峪石匣峪古北口白馬關等處雖稱天險崎嶇有徑胡馬可通但當衝立堡壘隙可乘依山列壘易為折毀莫若逢石火鑿遇土削割各令坎岡險峻高下懸絕時或賊至週迴悵望無能飛度再於大小諸口前堆積糧料以便客兵堵截此因地為險以立大防賊雖欲入而不可得計之中也夫沿邊誤阻則王畿近地可以高枕但虜情叵測萬一周防未備一線為其所乘逾山之南且夕可至通者議築九關外城時難卒成宜勅兵工二部會同都督陸炳及巡城御史督率責令地方酌量富分則九則各照人家住止前與左右挑挖圍壕一道勢如叉手壕內積土築堤引灌西山之水圍繞萬一虜至調兵屯布於內與居民併力拒阻賊自難越壕內以咫尺都門而九關自萬生靈可保無虞此驅猛虎而出家間得免于噬嗑計之下也疏入 上嘉納之○雲南元江府土舍那鑑作亂時那鑑謀不軌殺元江土知府那憲奉其印綬嘯聚千人流劫郡縣撫按官胡奎林應其總兵沐朝弼上其狀命兵部議勦之○詔批仁宗昭皇帝主升附孝烈皇后於太廟第九室。咸寧侯仇鸞請易置四邊將從之時大同總兵徐珏易州徐仁宣府李鳳鳴薊州成勳鸞請以徐珏駐易州徐仁代珏守大同鳴鳳守薊鎮成勳守宣府上命兵部從之尚書王邦瑞因上言仇鸞論薦四將求濟我務命有允行奚容更議第令于奉者朝廷之大權命將者天子之重柄祖宗特正副總兵皆兵部會同府部九卿科道諸臣集議朝廷公推舉每上二人恭候裁定所以慎重其任防杜其漸示臣下不敢專也今鸞等名擬任更易四將則九邊提兵柄者誰不目為心向矣生觀親親皇上聖明推心賢帥何所不可但國家典制關係匪輕聖人舉措萬世作則臣待罪

本兵不敢不披瀝於君父之前也 上曰戎政初修忠賢是抱况朕有密諭匪彼卑擅爾兵部若隨事效忠用無不備何必待彼更易刻勞朕心取一籌未發先行攻毀謀國之忠固如是乎既而後諭廷臣曰昔我二祖兵柄委任達能諸將未有非謗都邦瑞以虜退未嘗故為瞋顰之怨訕乎今每事破格而盡忠者遂不能容僅虜再至又效汝輩之誤國耳并論中外知之邦瑞聞諭惶懼真措○咸寧侯仇鸞師襲虜時率諸鎮兵出宣大擊虜聲震不敢出塞稍至近境夜襲斬老弱數級還乃自効無功 上置不問○錦衣都督陸炳請以大慈恩寺故址為射所從之○詔以阜城關外首宿園地為操練民兵教場○十二月都御史商大節議請給糧新兵從之時大節以新募民兵請分三等給糧隊長及投降人二石次者人一石五斗又次者人一石議下兵部尚書王邦瑞等恐京軍援例乞罷議大節執奏言部所情者財臣所情者信始以厚招之終以薄待之是臣失信于眾兵而朝廷任臣之意亦不足信於天下況應食糧二石者止八十一人食一石五斗者止一千四百餘人其餘二千四百餘人又俱食一石且軍士世食月糧如欲比例則平居所以養之者謂何至于民兵有事則用無事則止彼素非有又籍于官饑寒切身則有掉臂而去者臣不能禁也奈何惜小費而妨大信乎 上詔從大節言○湖廣川貴總督張岳進兵討貴州苗破之初苗陷印江縣 上降詔切責岳岳詢前故知撫無益久戍守亦非策乃力主計之其湖廣聽撫諸苗行令恭政王崇如故撫處崇亦撫綏有方苗遂不復叛惟近貴數村寨黨比貴苗龍許保等倡煽岳乃大集漢土官兵進討之總兵則沈希儀領兵則恭將石邦憲等監督則貴州副使趙之屏湖廣參議張景賢而銅仁防禦皆石邦憲先所規畫時邦憲以印江失事故被論劾制下當解任聽理岳歷叙邦憲功次上疏留之

自九月進兵至是深入吳破苗冠計各哨擒斬俘獲二千餘人從賊
首有名者五十人擒獲龍許仙母文妻妾餘賊逃匿林箐凍餓死者幾
盡巢穴焚毀客藏米穀燒掘無遺諸卒報稱龍許仙已獲第未逮至五
行查督具疏以進兵功次開因撤所徵兵歸鎮止留石邦寧等搜捕餘
黨○詔前開住廣東會事林希元籍希元進改編大學經傳定本及所
著四書易經存疑諸乞刊布詔使其書令巡按福建御史收勘論坐視
其冠帶為民○火屋逆行守井宿○廣苗僉乞貢時僉乞復叩宣府邊
求貢 上命集廷臣議皆言廣苗逆天犯順法所必誅為中國計但當
飭六師為戰守備徐察其效順果誠然後議之未晚也 上然之命所
司一音整集兵糧相機戰守不得輕信弛備○詔勅獎晉王新與時王
輪銀三千兩助募兵有司以聞 上嘉其體國恤民賜勅獎之○召起
原任巡撫順天副都御史許論提督鳳門等關巡撫山西○刑部尚書
顧應祥詳定問刑條例進呈詔刊布中外衙門一體遵守今後問刑官
敢有任情妄引故入人罪者重治○詔禁正陽崇文宣武三關廟外城
命侍郎張時徹梁尚德同都御史南大節都督陸炳督工
辛丑嘉靖三十年

初廣澤城下求通貢下廷臣集議起趙貞吉方與毛起爭不可時鎮
象中大言申貞吉議喋喋不休吏部尚書夏邦謨曰之曰此何小吏而
言若是鎮曰大臣喋喋不言故小吏言之其咎也既而又疏請以萬騎護
陝豫萬騎護通州軍儲而合勦王師數萬人數堅虜虜必墮歸可獲大
捷不報時大學士嚴嵩獨用事數獲抑邊機鎮乃抗疏劾奏言嵩受國
重任視如鴻毛貪婪愚鄙若膏肓鐵石不開諂諂方畧治國安邊惟與
子世蕃日夜圖維營求自保妬忠悅佞納賄市交且以朝廷賞罰為自
已出故人人皆計善愛憎不復知有朝廷恩威因屢數其父子奸貪十
大罪言納將官之賄以開邊釁一也受諸王餽遺令宗室失職二也擅
史部權奸賊狼藉三也索撫按之常例奔走絡繹四也陰制科道官不
敢言五也中傷善類置之死地六也縱子受財飲怨天下七也搬運財
貨騷動道路八也內關九載無一善狀九也不能協謀天討以紓君父
之憂十也因及夏邦謨承受願指關通賄賂狀言名為公室之臣實則
私門之吏請併誅斥 上怒鎮雖詆大臣沽名飾罪乃令校於關選編
管保安州為民○詔給西番諸族勒令先是御史劉希請復金牌勒令
以便各番納馬給茶族大馬番者給以金牌族小馬番者給以勒令至
是總督尚書王以旂等亦以為官兵部議覆言國初制金牌信符頒降
西番諸族令鈐制其黨納差發馬匹給以茶引其後西海為北虜所據
番虜又歲加侵掠諸番所領金牌散失漸從內地密遞三衛遂不復有
符符比號之事今番族變詐不常北虜抄掠無已給而復失如體統何
止宜給與勒令合使族屬無統者易以號召而于文移革去交易之名便
各效差譽之誠以正體統詔如議行○二月禮部尚書徐階疏請建儲
不果行階言皇子年已十五選婚請擇貴惟其時宜先正名號乞容臣
等遵例擇吉表請冊立 上以問大學士滿萬亦以為言竟寢不行○

兵部尚書王邦瑞罷先是邦瑞疏上倫虜五事 上曰兵部正官馬用建白是以空言塞責取因詰責之詔革職任德冠 帶辦事至是考亦自陳乞罷 上謂邦瑞巧詞懷怨無人臣心勒令為民不許再取○工部尚書胡松以衰病准致仕○詔留用諒勅房大理寺副徐應璽時大計京官萬父于桐喝吏部中傷善類甚衆苗御徐學詩劾已已削籍未舒其忿其兄應璽吏部亦以不謹擬黜奏入 上察其枉中旨留用○權協理戎政兵部右侍郎趙錦為兵部尚書○詔今吏部尚書夏邦謨兵部左侍郎史道俱致仕以給事中張秉憲考察拾遺論奏也○兵部右侍郎翁萬達罷時萬達經畧荊閩以考察自陳不職 上謂其無奮勉効力之志許令罷去既而疏謝失體頭字以不敬黜為民○給事中劉休乾請除冗吏冗費以裕軍儲不報時北伐議急令諸臣建議軍需體乾乃上言近自北虜陸梁陛下赫怒欲大舉伐之而國計告匱建議諸臣一切為不得已之計姑以紓困急佐經費臣愚不知大計但聞蘇軾有言豐財之計當去其害財者則華元史清元費當令理財第一議也我朝成化五年武職已逾八萬合文職蓋十萬余計今功之陞授輕貴之傳請及各衙門添設大臣之恩廕不知凡幾豈止十萬所以糜爛財賦者不少乞勅大小衙門一切冒濫逐一查革自嘉靖元年至十五年光祿寺積剩不下八十萬以後供用日增類多內官乾沒其他供應衙門那移侵盜未易悉數乞勅禮部酌議者為今典科道年終查覈奏繳二冗既除所省不貲民既不擾國亦不乏疏入遂寢○湖廣叛苗執思州知府李允簡等總督張岳遣兵討之初岳討諸苗其魁龍許保吳黑苗實未獲至是復糾合湖廣貴州境叛苗百餘人出劫思州府或謂四川酉陽宣撫冉玄實陰主之思州城中居民不數十家猶有瞿塘衛戍更卒戌守時聞苗寇平城守稍息知府李允簡方視苗寇百餘

人伴稱瞿塘卒更戌突入城殺吏民百餘人掠掠藏執允簡及經歷知事等官去石邦憲等聞報至分遣兵邀其歸路諸苗懼縱允簡等得逃歸由小徑各遁入林箐邦憲等所遣兵伏諸路邀擊擒斬數十餘人苗乃燄永保二宣慰及酉陽宣撫冉玄會兵討湖苗助逆者數寨其冉玄助劫思州岳以事狀未明不暴其罪第嚴督責之未幾各兵擒斬湖苗渠魁數十人餘黨復以撫定初田應朝自得巡捕後日益橫恣有司侵不能制既據永保稟文合酉陽兵攻平茶害殺無辜若干人及官兵計苗多所沮撓岳至檄使來見不出顧謾語應之岳應知應朝雖諱不習騎射無武勇其所恃從叔田勉驍悍為之牙距岳先以計執勉數其罪杖之斃于獄應朝乃窺匿苗寨聚遣人自列岳許之令出立功贖罪久不出乃革其巡捕以事屬鎮溪所諸千戶應朝失巡捕勢益窮諸土官多仇嫉之其族人亦不直也乃托永順宣尉投見千軍門岳以時方用兵恐激他變乃杖而釋之令從征暨苗寇破仍以計擒挾殺之時諸苗畧定惟龍許保吳黑苗未獲岳檄邦憲等懸賞購之○三月擢吏部左侍郎李默為吏部尚書南京右都御史歐陽必進為工部尚書○詔開馬市起前兵部侍郎史道無都御史總理互市時虜酋俺荅以去冬承貢勅諭未許入春請求益數咸寧侯佐驍雖言北伐實內畏虜上言請許入貢欲于宣大開設馬市虜貢馬一匹償銀若干乃密遣廝養時義結俺荅義子脫脫使俺荅以貢馬互市為請俺荅利成貨幣投驛書於宣大總督蘇祐言求通市祐以驛書上聞 上命群臣集議竊力主之言永樂成化中嘗設馬市于遼東待海西女直及朵顏三衛今虜求開馬市留便為質縛故示信似宜暫行兵部尚書趙錦議與臣同 上意未決問大學士嚴嵩嵩以一年四次每次用馬價十萬兩似期密而費廣且大丰溪壑無厭將來難以阻限惟一年二次為宜 上然之議

遣使主市事乃起道兼都御史前往大同處置邊務總理互市既而兵部員外郎楊繼盛疏請罷馬市因陳其不可有十其謬有五言互市和議之美名也屬緯薄陳辱我如是而反與之和上何以解列聖陛下何以洩百姓怨忘天下之大謬一不可辱下北伐之命人思自奮而一旦講和失天下之大信二不可堂堂天朝下與大羊為市而冠履倒置損國家之大威三不可棄條情懷思與逆賊決一死戰而和市則及蒙條效用之志四不可廢變之後天下頗諱習武事而和市則憚天下修武之心五不可宣大吏民勾引串連凡有私通皆以互市為解開邊方通虜之門六不可歲荒民困人心思亂今知兵威不足制虜將群為盜賊而無忌起百姓不靖之漸七不可張武經年竟成空言長胡虜輕我之心八不可積載金帛彼或違約我不能羈縻乎彼而彼及得愚弄乎和虜胡虜狡獪之計九不可歲費數十萬得馬數萬匹互市不亡我財日虜忘國家根本之慮十不可或謂外開馬市陰修武備不知武備果修何藉于和虜欲無厭稍不如意勢必敗盟則彼之入寇為有名我之不應其求為失信市馬小利費足羈縻之乎其謬一也或謂方今缺馬正欲市馬不知互市可無事又安用馬况虜又未必以良馬與我乎其謬二也或謂許馬市以結其心漸將通貢以為求利不知市馬我猶得以少償其償實則徒手取重利矣其謬三也或謂虜既利我當不失信不知市馬之利不足盡供其衆得利者甚失者必怨吾恐羈縻不過二三年耶何以善後其謬四也或謂征討禍慘互市費微不知損威養寇壞天下之大計者禍甚于戰其謬五也疏聞上曰互市邊臣奏請廷議已久繼盛不早言今遣使已行而阻撓邊機搖惑人心何以集事令錦衣扶而訊之尋鞫為妖道典史○詔南京禮部尚書萬鍾為刑部尚書○諭增設頭陵奉守官員不果上諭輔臣顯慶不異天壽事體當同

少文武二人奉守大學士嚴嵩言二聖陵寢所在委宜從重聖恩極當但鳳陽祖陵止內官守衛武臣留守顯陵設官創制蓋准于山天壽文武奉守近因防虜添設事察官卑惟聖明裁之上是其言遂不果○命故安南都統使真福子宏澤襲父職初福海死宏澤嫡子當襲族人真正中等乘其幼陰欲謀奪而官屬范子儀等實助之賴官目黎伯驥等擁兵防護宏澤得不死正中計窮力感乃亡入中土奉旨暫行安插子儀亦潛往永寧等處久之復侵擾內地詭詞惑亂宏澤跡漸真可既既而宏澤上表修貢乞嗣又擒獲子儀等西貢獻功并請歸正中以全親睦朝廷始知宏澤無恙因命兩廣鎮撫官早勘以聞至是提督侍郎周廷等具言查覈已明應准承襲故有是命○中軍都督府都事張子中以祖母百歲乞假歸省計之仍命有司給米二石絹二疋○夏四月御史輪時疏請經理邊備從之時官陞下俯命邊臣之議開通馬市蓋得薄遠虜欲以飭我內治即兵法以利動之之微意非平胡之長策也是在奉行者據為經理耳乃兵部侍郎史道愾思而往已逾旬月各鎮邊防未聞經理如邊城所以資衛守也今前州黨荆開諸處形勢如故官兵所以集武藝也今京營卒伍不可輕用挑選邊士不可久屯錢糧所以贍軍餉也今或軍餉未給糧聚未發器械所以壯兵威也今或虛額未盈其數濫作未極其工夫虛情詭秘戒備宜先故不當問市之開不開惟重我之戒嚴不當究虜之誠不誠惟申我之備禦乞勦兵部嚴行各鎮巡官速加經理即議如其言上令亟行之○給事中徐綱請改定遠方選法從之初廣東之高雷瓊州廣西之桂梧南寧俱屬遠方聽除者往往告就遠方以規善地綱因上言宜將高雷諸府及兩廣雲貴三司首領遠東各街經歷皆改正選以絕覬覦事下吏部尚書李默覆言數郡地非豐饒風瘴可虞者非大不得已人誰樂往宜仍舊

法 上命宜如科臣言初駁附嵩進無致異同既而陸炳薦之得柄用遂異于嵩嵩即之故擬旨駁炳炳主武舉門生也○詔復寬海禁從巡按浙江御史宿應參之請也○設初年醮典于朝天等官諭禮部曰四民之中惟農為重而且最苦朕茲為民祈福臣佐君理民不宜欺怠諸司其以實奉行之○勅獎代王廷琦等時王獻銀五千兩汝王祐棹獻銀三千兩德王載燾獻銀八匹銀一千兩徵王載煥宣化王府輔國中尉知良各獻銀一千兩助邊俱賜勅獎諭○詔逮繫經署京城都御史商大節于錦衣獄論死先是大節嘗廣入犯秦慕異等材力士倍厲精練以備非常咸俟仇鸞以秋防徵之使隸已麾下復徵大節防禦京城大節以已列卿或不受徵節制兵部巡卒舊不隸京營祖宗有深意不宜令營軍領因奏言京城防守官軍為仇鸞分調佳則恐奸宄乘虛倉卒難為捍禦宜勅兵部詳議且劾鸞包藏禍心宜裁抑其權

卷之八
四三

無使貽亂 上怒其推奸避難鸞亦上疏力排之遂詔錦衣快訊法司坐失事軍機律斬大學士嵩以本犯雖涉推避實非臨陣失機比宜發戍邊不聽尋鸞獄中○初開馬市于大同鎮羌堡時侍郎史道主市事德谷與子脫脫等令虜人驅馬至城下計值取價共易馬二千四百餘匹事竣德谷貢良馬九乞再市鸞請降勅厚資之禮部尚書徐階等議賜德谷紅錦襖衣一襲金頂會弁一金束帶一脫脫紅繒虎刺等青繒各二勅史道遣官頒給宣諭朝是恩威仍令嚴飭部落勿得生事遂陞從之○五月以靈雨應祈遣成國公朱希忠等告謝各官廟先是上以時久不雨乃宣諭禮臣命祭告郊廟備於群祀既而以雨未霽足風靈間作復詔諸司祈禱至是得雨故命告謝○威寧侯仇鸞以疾在告遣太醫院診視仍賜半膳諸物既而鸞又以在告不得與祭神祇疏請上曰大將或時不與即令副將代之若為令○詔該徐淮聖田大臣

時巡按淮揚御史趙錦請設憲臣于淮揚徐充間招撫流移開墾舊田上命以都御史往其職守科條戶部詳議以聞○給事中徐公邊請止加增歲賦是年戶部計歲會加賦一百二十萬皆坐南畿江浙州縣徵之選因上言賦溢成額乞停止勿徵 上令今歲姑全徵解其後停免○詔遣朝鮮夷人時朝鮮國夷人管令金等八人以航海直颶風漂至淮安守臣譚送京師詔恤而遣之○宜府設馬市於新開口堡嚴苗把都兒辛參等五都入市共易馬二千餘匹○命止撤鎮廣法壘先是陶仲文請設玄府鎮廣法壘嚴事之以禱廣壘令勿敢窺我邊壘至是上以虜酋款塞欲撤之忽入報虜有異謀欲窺邊塞 上諭走臣曰朕于十有九日欲撤鎮廣法壘二十日即有警報玄威所祐不可忘也遂止勿撤○六月雲南盜那鑑殺左布政使徐德詔奪巡撫都御史石簡官初那鑑大掠元江守巡官議用兵征勦巡撫都御史顧應祥曰此困獸可緩而縛也馬用兵為會應祥遷南京兵部侍郎去都御史石簡代至督兵進討那鑑詐降計請重臣入城撫諭群盜簡信之撤左布政使往撫亦不自為備直抵元江城下那鑑指顧群盜執簡殺之巡按御史趙炳然以狀聞 上怒奪簡官賜趙炳然一子國子生○山東兗州府地震有聲○致仕應天府尹孫繼卒贈石副都御史慈惠給人行誼端潔居官有惠政清操和易甚為鄉人所稱○詔調山西副使尹綸于京師統民兵五十以備調用兵部尚書趙錦言綸父子俱才勇招集衆丁日以威虜為念宜用之京師故也○金星書見申位六日○秋七月詔令總督陝西三邊兵部尚書王以旂經理延寧馬市時延綏鎮巡官張遇等言本鎮自國初來未經開市法宜慎始且東西相距十五百里鎮無邊牆北近虜巢于此立市恐召虜侮延寧兩鎮所與市者唯套虜一部花馬池界在二鎮中有邊牆三百餘里可以為據

宜合延寧二鎮同立市此地限以一期先後互易總督大臣用防秋例駐此以便調度庶事體歸一氣象可視仍比照大同事例給發銀克用勅遣大臣一人前來經理詔發銀四萬兩大臣不必遣惟令總督尚書王以訪會同鎮巡官酌議如大同例行○虜酋俺答執獻叛逆妖賊蕭片等子墨上詔加威軍侯仇嵩等官初華人蕭片王得道喬源立富等持白蓮教出入虜地為奸僥倖以為小首立富教虜以火食屋居虜居之撤撤有聲竟不敢居乃蔡版升處之是時馬市甫畢隨有虜騎犯左衛者原片等恐虜與中國通不利予已乃賄僥倖左右僥倖亦為其所忌侍即史道憲踪跡白蓮教諸妖張聚龍等五十餘人執之并執片源等妻子僥倖頗利中國市亦不悅片等弗靖道會有旨命通延寧經理市事遂以其事上聞請自方購取妖賊無使留虜中以養後患咸寧侯仇嵩言當重為賞格緝獻片等者予百金因遣時義哨僥倖以利

卷之八

四三

諷令執片等為信僥倖以為然遂擒片及王得道等三十餘人械至大同塞下納降驛書致道所轉聞于朝其喬源丘富等三十五人俱走匿道乃收片等干大同獄分遣緝捕官卒捕源富等不獲乃上言內閣元輔寶珊賡謀戎政大將功收互市家卒時義結信虜酋縛歸兇逆功當首論事下兵部尚書趙錦覆言蕭片等世居中國久荷生成乃叛入外夷謀為不軌馬市甫成便犯猝至幸荷皇上至德潛孚玄威遠播誘僥倖答之裏震妖氛之氣遂收不戰之功實非人力所致仇嵩亦心報國銳志安邊史道宣威沙漠信乎大羊蘇祐何思等整輯兵餉協助謀猷家卒時義蹟不測之虎穴喻無信之大羊均有可嘉乞勅禮部卜日告報玄祝肅道等宜特加賡賞以為人臣竭忠任事之勸上曰諸臣忠誠盡職尤可嘉尚于是加蕭太子太傅歲祿二百石任一子錦衣千戶進道兵部尚書仍督邊務蘇祐何思各賜銀幣時義進指揮會爭餘皆陞

賞有差○海州衛地震○總督漕運都御史應璩請開三里溝以通河運從之璩言先年黃河入海之道既通無溝故開清河口通黃河之流以濟運道今黃河入海下流如湖口安東等處俱漲塞河流湧而漸高茲欲使黃河之水復清河須鑿湖口工力浩繁勸得三里溝在淮河下流黃河未合之上淮水清濁少議者謂宜開清河口開三里溝至通濟橋但舟由三里溝出淮河達黃河且道里其近工費不多欲除河患無以易此疏下工部覆從所請○八月叛逆妖賊蕭片等伏誅片等三十餘人俱磔死于市傳首九邊示眾○威寧侯仇嵩請討朵顏諸夷不許嵩言朵顏諸夷影克哈赤哈丹兒陳通事等昨歲導虜犯順今虜已納款復行誑惑請亟加征討兵部尚書趙錦言各夷歸附已久未必一日盡叛其有一二反側在在方畧祛除之而已請下總督鎮巡詳議總督劉遵待郎何棟因言影克哈赤乃朵顏夷酋中國授以

卷之八

四六

都督都指揮職事一有動搖將致諸酋俱叛不宜復置夷寨况朵顏大羊也駐牧此地縱有反叛為患尚小北虜虎狼也若使據此禍將無極如果剪除朵顏北虜窺隙勢且憑為巢穴是撤毀藩籬延寇以自近也為計左矣及審連年勾虜實哈丹兒陳通事為之構煽二虜咸中國通逃惡溺滔天罪在不赦容臣多方擒捕以正國法亦足警戒各夷使知悔懼上從棟言○詔總理互市兵部尚書史道還京協理京營戎政初道主開馬市於宣大自三月至五月二鎮互市事完後虜又以牛羊易換米豆為請道上言僥倖蓋欲借是以定彼諸部落之心諸部落之心定則僥倖等恭順之心始得以專近者僥倖等令人執送蕭片而來脫脫淳切告言虜中富者以馬易毳毼貧者以牛與羊請易米麥臣以為虜之富者但十之二三貧者十之八九不通融處之彼貧者竟無生計必為飢寒所迫無平不為彼頭領能強而制乎衡決約東有防

大計議久不決道復上疏兵部議以為不可 上問大學士嚴嵩嵩亦以為不可 上以道不思慮置邊備乃為濫奏遂令還京自是邊警謂中國不足信復時時剽掠境上然皆馬市利未肯公言大舉邊臣亦以互易不絕以中其心大率畏而啗之無復前時制馭羈縻之累既逾年虜奸復絕○九月咸寧侯仇鸞疏辭戎政不詳言頃聞妬臣者謂臣家丁劫趙時春所統民營被其殺戮夫兵雖有軍民之分悉臣節制臣何怨于民兵而今家丁劫之此由去冬臣欲調邊兵而尚書王邦瑞郎中尹耕欲募民兵以沮抗軍機不遂故值臣出兵于外遂駕此浮辭搖亂國是伏望收臣重權俾得全首肅下以終大造之德 上手書慰之曰卿竭忠戎務今秋果賊未犯豈可以群嫌求退宜益盡心運思以慰朕望不允辭○諭令防虜 上諭兵部風作竟日防虜之計不可少怠不知連日何如尚書趙錦對言虜往近邊無所嚮住但今秋高馬肥正

卷之八

七

在國嘗臨視郡學釋奠先師又特賜帑金命工修葺至是 上復命司重加修理復親製碑文述皇考崇儒重道之意勒石學宮○十一月逆夷哈丹兒陳通事伏誅詔加咸寧侯仇鸞等官時法司鞫訊陳通事等獄具俱磔死于市仍梟首邊塞兵部尚書趙錦因上言哈丹兒等日尋干戈屢犯疆場鈞致豺虎深入內地畿輔震驚流毒內外賴我皇上精誠格于上玄神貺昭于丕顯茲茲二逆一日就擒師既無征功收不戰大小臣工莫不仰荷玄恩孰敢貪天工以為己力第據迹而論咸寧侯仇鸞總督何棟總兵官成勳俞都御史吳嘉會大學士嚴嵩李本禮部尚書徐階協理京營兵部尚書史道成國公朱希忠錦衣都督陸炳并臣錦等均蒙天祐以效微勞但恩典出自朝廷臣等不敢擅擬 上詔加朱希忠太子太師增歲祿百石任一子錦衣指揮進棟左侍郎仍總督邊務任一子錦衣千戶進勳都督同知嘉會副都御史萬官階

卷之八

八

彼馳驅之候邊臣戒備不容少弛 上以為然令各邊加謹備之毋怠毋忽○京師地震有聲○錄故新建伯王守仁子正德為國子生初守仁歷正三品俸餘三年以在軍中未及考滿至是其妻張氏陳乞特許之○冬十月吏部尚書李默罷以刑部尚書萬鑑為吏部尚書時默推遷東巡撫以張鼎謝存儒名上不稱旨遂罷默令削籍以鑑代之○朵顏叛夷哈丹兒陳通事總督劉遠兵部右侍郎何棟擒獲之詔行獻俘禮初哈丹兒陳通事潛結北虜導入薊州塞沿掠畿輔及京師至是復來塞內偵我虛實為遊獵卒所擒棟以事聞因械繫二逆至京禮部尚書徐階上言二逆就擒實賴玄貺宜獨吉告謝雷是弘應遣還官告于兩郊太廟大社稷及帝王廟次日群臣具服稱慶行獻俘禮從之○協理戎政兵部尚書兼食都御史史道月罷乞恩休致以與萬相左故也○廣東高州府地震有聲如雷○詔修承天府文廟儒學初獻皇帝

已任任一子錦衣指揮進本禮部尚書加階少保希忠太子太師炳太子太保史道趙錦俱加太子少保各歷一子其餘陞賞有差○詔以太和山今歲香錢及明年之半抵補顯陵官軍俸糧及賑濟所屬災傷人戶○錄兵部尚書王瓊子朝翰為錦衣副千戶世襲時給事中申介御史徐祚聞視邊防追論瓊功上言瓊在延綏定遠營諸處修築邊墩千百餘里今花馬池一路田野開闢人民安堵數十年不經虜患瓊之力也宜旌其功而瓊子朝翰原以父軍功授錦衣正千戶後經裁革乞賜復製故有是命○福建福州府地震○十二月詔賜總督三邊兵部尚書王以旂等銀幣時延寧馬市完易馬三千餘匹虜酋狼台吉等約東部落終年無諍涉秋及冬三邊絕警以旂疏聞 上詔賜以旂及各鎮巡官等有差○以雲南應祈祥臣表賀 上喜各之因製賀雪吟頌賜成國公朱希忠等七人○禮部額奏災異 上曰今歲災異數多厥有

由召內外大小臣工各思過圖改分贊治理邊防尤宜加謹毋得怠忽○致仕兵部侍郎詹榮卒榮山海衛人撫大同四年餘時與翁萬達周尚文皆稱一時之選虞惲之不敢入追榮去大同大同遂歲有虞忠○咸寧侯仇鸞請以大寧班軍改撥薊鎮防禦從之○言薊鎮空虛擬以大寧都司移置其地復慮人情重遷或以大寧所屬外衛班軍免其京操改撥薊鎮防禦上命兵部集廷臣議尚書趙錦等言移鎮未敢輕議其所稱改撥官軍甚當因條為六事以聞詔從其議○命給事中李幼滋御史李一瀚查覈宣大等處客兵錢糧兼查宣府圍種糧草之數自元年起至二十九年止○詔議裁革冗費戶部言今天下歲入糧草折銀及諸司餘鹽價銀二百萬而各邊所費已至六百餘萬皇上俯從臣等議處增鹽課徵糧銀廣開納贖錢舉天下一切應徵應取之數而盡括之僅供終歲用來歲以後費將安出請嚴諸衙門所屬官員

卷之八

七

儒士尉役官校酌議裁革乃將本部錢穀歲所出入盈縮之數據其大綱繕進仰備睿覽亦使百司庶府咸知此數各為公家惜財凡一切之用不得任意派取庶可為經久計詔從之○致仕協理京營戎政兵部尚書史道疏為恭謝天恩言薊鎮邊臣擒捕導虜賊首荷蒙聖明念臣昔曾奏行各邊計擒導虜犯京妖逆猶以先次獲妖斬首臣道者不盡聖懷別論閣直宣示該部加臣太子少保蔭一子錦衣百戶臣思前日擒獲妖逆不聖德玄威遠懾胡虜原非臣有顯能臣資已踰涯分况今身退承恩猶為異數然生灰冷之後光入覆盆之陰願臣何人而能有是何功而能當是惟知皇天再造無忘茲齒期報他生俟之將來且願臣子臣孫砥礪臣節忠貞世焉而已疏入 上優答之

皇明嘉隆開見紀卷之九

壬子嘉隆三十一年

春正月甲申朔 上不御殿○丙戌金星晝見至甲午日始復○○大同等塞先是虜叩市大同巡按御史李逢時謂詔禁非時開市叱去逮諸通事于獄至是僉答遂縱賊入掠一犯雙溝當塞寨將尚表守備劉勳禦之皆敗再犯圍山墩諸處進擊本柱等棄其軍還警報皆至逢時因上言虜寇敢於歲初擁衆入犯僉答之約束全無馬市之騷擾難恃今日之計惟大集兵馬一意討伐乃帝王威恩並施之道宜行宣大前邊各總督鎮巡督令將士合兵征勦仍勅京營大將戚繼光侯仇鸞發兵進征毋得隱忍顧忌致成大患 上曰虜賊非時擾攘官兵不能防禦唯平日專恃馬市全不堤防故爾自今一意戰守毋得仍前觀望○命遼東苑馬寺卿張思移駐本苑兼轄金復蓋州三衛軍民初苑馬卿

卷之九

原設于遼陽去本苑三百里遼東守臣以三衛民繁事多關原兵備不便遙制乃奏請以思兼之○東安縣大水詔令蠲糧差一年○宣府撫臣劉鳳藻請開市許之時宣府邊外虜數叩關求市重因上言大同互市寇盜不作而宣府晏然今乘其款順之機撫之易耳請無拘臣以一年兩次之期令洛驛開市羈縻虜情於國計甚便兵部尚書趙錦言邊議可行第銀無過五萬馬無過五千守此則雖一年數市亦當聽之報可○二月更名西苑御宮為永壽宮○宣大二鎮大饑人相食命督餉侍郎馬坤馳往賑濟之○虜入大同塞指揮王恭禦死之先是 上諭兵部虜情變詐反覆不一為今日計惟有大振兵威用張殺伐庶舒革夏之氣尚書趙錦上言大將仇鸞領各邊兵入衛六萬八千天下精兵無以踰此宣大戊卒又十有一萬大振兵威用張殺伐此其時也若後觀望依違坐誤事機臣等萬死何足贖罪第鼓勇奏功以副皇上眷遇

之隆則在大將所當自盡耳 上曰兵馬既多即令大將分布逐勦勿誤機宜時繼優畏懼不敢發兵征進又特通市不為戍守而大同總兵徐仁復驕縱聲言既與虜平無庸戍守恣意掠奪為害甚烈巡撫何思亦以通市故禁邊軍拒敵總督楊公以故虜家出入關隘無復顧忌勸稱實市有司庫雖謹其役賄者變服入城奸辱婦女其敢誰何至是虜眾萬騎入塞抵懷仁縣管家堡大掠居民網兵徐仁副總兵王懷邦恭將張勝游擊劉澤京管左擊孫麒各擁兵觀望不為逐勦澤京除遣廝卒結虜路獨中軍指揮王恭率所部禦虜賊於管家堡力屈死之虜得利進去總督侍即蘇祐上其事 上命兵部偵虜眾多寡以聞○詔逮繫大同總兵官徐仁等詣京拷訊刑巡撫都御史何思籍贈指揮王恭都督僉事任一子正千戶立祠祀之時代府饒陽王克聰上言徐仁恃虜與平股削軍餉及至有警移疾避艱劉澤京虜通市妄稱實馬何思不察虛實誤聽異言縱虜出入醉飲鮮醇餘虜快利大肆猖獗扭于通市反禁傳報大壞邊防莫此為甚巡按山西御史李逢時亦論劾仁等而言指揮王恭素著苦節臨難致命宜錄祀贈歷以勵臣忠 上命錦衣官校械繫徐仁張勝劉澤京等來京訊治何思則籍為民奪王邦懷官發宣府立功自贖王恭忠可嘉予其贈都督僉事任其子為正千戶立祠祀典禮部議行○鳳陽府地震有聲○詔修太和山玄帝宮湖廣撫按會計工費當用十萬餘命發內帑銀給之勅原任侍郎陸本提督工程○勅吏使頭智于大同市大同自弘賜堡拒虜市後日苦侵累累求開市無敢應者至是復遣前開市時吏使頭智來求市通事林叢蘭故與智善乃誘入境縛之總督蘇祐以擒獲功聞斬智于大同市○大風揚塵四塞○詔罷大同馬市時邊防久廢言官屢以為言咸寧侯仇鸞亦薦禍及客疏止之乃詔罷市○詔補大同戍卒兵

部尚書趙錦等上言往歲宣大非無虜患而本鎮戍卒自足戰守自固越卒入衛京師眾分勢散致調各鎮士卒赴援命罷勞餽餉繁費數年以來費金七百餘萬後將何繼不若以本鎮軍舍餘丁土著壯夫補足原額庶供億可省而戰守足恃 上從部議○三月裕王景王冠先其禮部尚書徐階言今皇子年十有六選婚講學實維其時必先行冊立大典使名位素定而後冠婚諸禮可以次及 上令階具冠婚儀以進階復請以長幼為序先裕王次景王婚期亦然 上令俱於三月行之至是月朔乃俱行冠婚禮禮成 上諭輔臣曰卿等以二子當婚請今已冠矣當先舉讀習半載正合婚期列聖舊範亦是此程其示禮臣知之○福州府地震○山西地震有聲○詔大將軍戚繼光侯倭歸師赴大同勦虜時虜犯大同益教營內不自安乃請出邊正罪然營實無意討賊第為大言以自解云虜不足平及督軍兵畏縮不能戰大學士嚴嵩以 上寵信之深不可問亦欲因事以暴其貶故上言警不戰上令兵部傳諭之自是始知警不足恃○以少保兼太子太保禮部尚書翰林學士徐階為東閣大學士恭預機務仍理部事○召起原任禮部侍郎歐陽德為禮部尚書時德方守制 上亟欲用之令服闕即赴任○命斬定遠右衛軍餘徐打成於市初打成被擄逃回尋叛入虜至是詐充兀力其山衛指揮納兒齋勦書馬匹入貢事覺伏誅仍沒入納兒原勦及所進馬○夏四月倭寇破黃巖縣大掠溫台寧紹諸郡邑時海禁既嚴而船主士來益連結倭賈為奸徽人王直以亡命走海上為船主渠魁倭奴愛服之與其黨徐學毛勦徐海彭老數十人列兵近洋築軍山隈乘巨艘為水寨出入寇掠引倭奴萬餘人破黃巖縣焚掠慘甚自舟山象山流劫溫台寧紹間浙東大震○詔贈台州府知事武庠太僕寺丞時倭寇台州巡按按陳璘禦之突入賊中伏發眾潰時死之事

聞贈太僕寺水磨子立祠賜額忠○詔補築宣大邊垣初總督翁萬達建議修築宣大山西邊垣一千一百餘里烽墩三百六十三所頗稱完固後以通市故為虜撤毀所在破缺兵部尚書趙錦請檄巡官極力修補給事中李幼滋遂上言敵壘卑小宜于垣上增築高臺營建房廬以藏火器器械乃詔鎮巡官斟酌行之○大將軍威寧侯佐鸞襲摩塞外敗績時偵報虜衆數千住牧威寧海側鸞利虜少欲襲有其功乃帥各營親卒及檄戴綸等統衆萬餘夜馳二百里比曉及威寧海虜覺悉衆突出驚等倉皇退走殺傷官軍一百二十六人射死馬百餘足鸞等奔還中途斬獲寒騎六級上疏言狀且張其功伐兵部覆言斬獲甚少損傷甚多難以言功且出師伐虜與倉卒禦敵不同亦不可以血戰論上曰斬獲雖少勤勞宜錄乃賞戴綸等亦賞登有差○虜入遼東塞指揮王相死之詔贈相官及祭葬錄歷時虜酋把都兒辛亥

卷之九

原謀寇錦義詞知有備乃乘虛入犯遼東前屯衛大河口撤去邊垣七千餘里指揮姚天謨等力戰潰圍不克皆死王相聞報統所部兵四百人赴之與虜遇於寺兒山大戰移時相被重創千戶葉廷瑞調圍練卒百餘佐之相裹創欲復戰或曰虜克勿如此爾以寡弱當之必無幸相曰吾家世為將惟有此一腔血報國恩耳明日虜欲喘相疾趨出其前邀之戰于蟻聚山虜悉衆來相殊死戰左右夾擊身復被十餘創而死廷瑞面受數刀昏仆于地次日乃甦餘卒無幾虜即日引去總督劉逢吉御史何棟以聞上嘉相忠勇贈都督同知任一千正千戶○五月詔添設兩淮浙江等處巡撫都御史從戶部請也給事中何雲鴈言鹽法之舉廢不在官之加設與否顧所以督責之者何如耳今有巡撫御史事權豈在都御史下而鹽法之壞至此以御史不能盡法德奸實心與利故也宜專責御史其都御史勿設使上不聽令吏部精擇堪任

者以聞既而以順天府丞王紳為石食都御史清理淮浙等處鹽法○命順天府官祈雨既而大雨百午永賀○詔謫陝西兵備食事史直臣為潞安府通判先是大學士嚴嵩與威寧侯仇鸞競寵構道直臣父道書言上命君主馬市縛獻蕭片皆君之功鸞僕時義冒功謂何宜論劾之道具疏艸命直臣轉上會見者言此疏上高必用子子直臣之直臣乃中止後鸞覺以道告歸莫可罪乃奏劾直臣在工部時督遣戰軍不如法今皆損壞嵩亦劾直臣中止不之救遂有是謫○福建巢賊李文彪等寇南安提督軍務都御史張烜遣兵禦之於鼎都嶺敗績清軍御史沈寵劾奏烜上以劇寇未平姑下詔責督烜悉心撫勦○雲南府地震○禮科給事中王鳴疏請王府無得收置民田從之○諭賜湖廣巡撫都御史屠大山巡按御史胡宗憲等幣絹以恭刊承天府廟學碑進呈也○詔罷戶部尚書韓士英以戶部左侍郎方鉉為戶部尚

卷之九

書時士英自南京兵部被召未至南京給事中張永憲御史金蒙等交章論劾士英庸鄙圖官歷任戶兵二部利權委之吏胥軍務聽于守備不宏復理劇書上令罷士英歸責吏部推用不當乃改用鉉○廣東風雨雷震海潮漲溢時雷州遂溪諸縣風雨驟至雷震火光如晝自西南起至中天星散海潮之溢壞官民廬舍及人畜田禾無數○虜寇糾州塞命威寧侯仇鸞出禦之先是遼東報至為請行邊仍請以兵戶工三部侍郎從兵部主調遣戶部主糧餉工部主器械三侍郎各簡其屬皆隸鳳翔府自布科條煩碎嚴苛動以軍法為言上俱從之時諸司屬多難其行而虞衡郎中張祥獨抗言欲往以赴國家之急同官皆壯其有毅直之氣鸞又以采顏三衛增廣寇邊欲乘虛搗其巢穴總督何棟以為不可貽書力止之至是謀報復復使劉邊塞當出師乃疽發于背既而邊報愈急益病劇上言與疾出師請免陛辭從之然而卒不

能出也。○秋七月詔開軍民納馬事例○以都御史王忬巡視浙福海道時倭寇猖獗日甚廷議復設巡視重臣乃以忬提督軍務巡視兩浙兼領漳泉興福四郡以都指揮俞大猷湯克寬為浙閩參將忬時巡撫山東聞命即日至浙度府治軍府又廢壞而浙人系腕不勝戰防受簡書甚輕不足以督率吏士乃上疏請假事權誅賞得便宜從事且剿且撫勿拘條例從之忬乃任大猷克寬為心膂徵狼士諸兵及募溫台諸下邑無黠少年分隸諸將布列瀕海各鎮堡嚴密防禦浙人恃以無恐○宣府萬全都司地震有聲○召起原任陝西都御史張珩巡撫延綏珩諫成六年吏部薦其先任延綏甚得道和宜赦罪復官故有是命○八月詔奪成寧侯仇鸞大將軍印鸞疽發背死時鸞疾劇不能出師猶顧戀大將軍印不欲辭上又無敢言易大將者至是兵部尚書趙錦曰事急矣乃上言今強虜壓境人心洶洶大將乃安危所係而鸞病不

卷之九

能軍印在大將所諸偏裨令不行有如虜衆長驅貽君父不小臣雖不勝大馬拳拳乞暫假大將軍印出自督師禦之 上謂本兵不可出令收大將軍印綬上之命侍御蔣應奎暫掌戎政據京營遊擊將軍時陳為都督僉事改戶部侍郎孫禮為兵部兼僉都御史俱提督軍務於是錦即夜至鸞第收鸞印綬聞收制初印綬大恚憤疽益劇遂死○詔裕王景王出閣講讀先是大學士掌禮部事徐階奏請二王出閣講讀 上令擇吉舉行未幾命編修高拱檢討陳以勤為裕王府侍講兼府講官檢討孫世芳林燦至是始詔出閣○江西鄉試貢院火巡按御史蕭端蒙因論執事諸臣罪詔下金谿知縣劉亦等六人于御史訊問奉石泰政馬森按察使陳沐副使譚大初俸一月○追論成寧侯仇鸞罪戮屍其家先是鸞數在上前畫策調兵禦虜卒無成效 上頗厭之及鸞死亦心知鸞奸逆未發會鸞所養時疫及侯榮姚江皆冒切

授錦衣指揮等官知鸞死事必敗而大學士嚴嵩與錦衣都督陸炳亦素忌鸞乃給時義等曰汝禍在旦夕為若計惟進虜可免義等信之遂出奔居庸關華城諸處欲叛降虜為閩吏及選者所獲陸炳聞下詔獄鞫之炳乃進發鸞前後遺虜納賄請亂政狀 上大怒令諸司會鞫之于是法司奏鸞謀反律當追戮乃詔暴鸞罪惡剜棺戮屍斬首梟元九遷妻子及時義侯榮姚江皆斬籍其家沒貲入官諸黨惡皆譴成邊下詔布告天下

卷之九

謹按高進士岱論曰仇鸞以庸暴之資叨非常之寵禦寇則束手無策亂政則驕劫橫生皇上初以專任責成之心望其有委身報主之績而不虞其負國之至此也蓋自其擢舉無功而歸聖心已不能無疑然猶唯其言而莫之違首亦駕馭之其一獲之報耳使少延旦夕之命必不免生赴市曹當時或有疑鸞及者余曰鸞不反即反無足憂撲滅之孤豚腐鼠耳或曰何以知之余曰歷覽心奸臣及逆者其始皆憑恃寵靈建大功以攝人心乃可劫人之從鸞總諸路之兵握專閫之柄而不能少遏孤軍深入之虜此其人豈能及哉其跋扈而不可嚮邇者不過藉一時之權以肆其毒耳嗚呼鸞不足責矣使國家有任事之臣朝廷何至委大權於狂瞽子哉國家養士二百年緩急一無所恃乃使奸宄之徒得以亂法干紀辭臣何得辭其責也總督湖廣川貴兵部右侍郎張岳討叛苗龍許保吳黑苗獲之諸苗悉平初岳奏石邦憲購擒許保等邦憲密遣使入寨賄令聽撫苗麻得盤吳老獍吳且逞等窺許保至龍田寨烟家吊喪誘至別寨飲酒醉而縛之預遣人報邦憲以兵取之去岳奏誅之仍嚴督捕黑苗時苗事已定惟黑苗未就擒岳乃不復用兵但令懸賞以緝之而黑苗方微許保巢窠深山無所踪跡於是諸司會呈苗情皆不巨及黑苗苗謂自苗等以

來辛勤數年功已八九而終之以澄其素責可乎且黑苗不捕終不了也急督之而貴州巡撫任職等乃言不當以一酋故而稽成功欲罷無捕岳以黑苗年方三十力無數人舍之不誅它日必為邊患方持不可既詢知其因捕急故深自匿岳乃故緩其令凡諸所繫親黨盡為釋去而密督諸土官索之至是無得其匿所遣兵劉南等陰入寨襲斬之持其首出諸苗欲援為功奪去索賞命事離遂給賞百金仍令土官田興邦督索得之驗實乃賞至軍門岳始以故事問湖貴地方悉寧矣時嚴蒿怙權納賄以岳不通問遠深憾之人多危岳岳慨然曰吾自分已定稜稜寒骨死時只少馬革一張耳及苗平後廷議設總督撫鎮其地仍命岳為之猶以落街任事不復其原官云○先是酉陽宣慰使冉玄助劫思州事露岳以諸苗未靖含忍未究及是苗平岳乃條上冉玄向米黨苗劫郡及謀吞保靖邑梅諸叛惡罪狀乞逮治玄陰遣人挾重賞

卷之九

入京師行賂嚴嵩岳後疏計其陰謀行賂乞下厥衛嚴行緝捕不報○淮徐山東大水時霍雨不止河水大溢故淮徐邳及山東諸州縣皆被水患○九月朔州馬邑地震○命豐城侯李熙總督京營戎政熙因條上釐正戎政三事一言逆竊賄進把總等官宜考定去留二言驕調任系將不由上命宜加逮治三言驕增置各將家丁宜查革奪上從之○詔建寧王府於湖廣德安府上諭工部朕二子將舉婚禮一王留京一王封國宜行擇建之虞部覆封國重典原由欽定乃命建於德安○詔廷校兵部侍郎蔣應奎通政使唐國相刑籍先是應奎協理戎政策其子繼詔名於兵籍中冒首功官千戶國相以子驕傲為仇驕家焚冒功授百戶至是上諭大學士嚴嵩悉改驕所置戎政給事中凌汝志因論劾應奎國相言狂虜跳梁士氣不振朝廷日懸金爵之賞計功授人猶不肯用命況繼詔等乳臭小兒從惟聞統帥中奪之首功奈何

令披堅之士蒙霜露犯白刃畢命疆場之外乎應奎國相身為大臣甘心墜斷乞按之上怒各廷杖之編籍為民其子令巡按收訊○虜寇山西三關不克遁去○詔罷各邊馬市初大同馬市罷宣府以虜守約互市不絕至是虜益驕方張家口開市畢次日即入常峪口肆掠巡按御史蔡朴疏請宣府馬市亦宜罷上曰各邊開市悉令禁止敢有效逆違言者論斬兵部亟嚴示各邊一意戰守毋怠○冬十月黜謫南京試御史王宗茂外補宗茂論劾大學士嚴嵩父叨國柄擅作威福負國入大罪併考功郎中萬家附權納賄狀上怒其狂率謫宗茂平陽縣丞○罷兵部尚書趙錦謫戍邊給事中郭錦追論錦始附仇鸞故也諸凡緣鸞進者奪官治罪有差○總督宣大侍郎蘇祐等出塞擊虜敗績時祐與巡撫侯鉞總兵吳璘協謀出塞擊虜虜酋俺荅及把都兒等會兵迎拒師敗指揮劉欽等七人士卒死者無算璘急欲聚自衛適歸塞

卷之九

九

言官劾論祐等案謀殺師兵部覆言大同兵威積弱虜勢益橫今各官親冒矢石搗巢窟庭雖未獲全勝而深入力戰以禦疆表之勝似亦可嘉宜寬其罪以作士氣上從之仍令優恤欽等七人之家以為死事者勅○命大學士徐階解部事時禮部尚書歐陽德至京上命仍兼翰林學士掌部事與大學士階交代○寧夏地震有聲○召起原任兵部尚書俞萬壽為兵部尚書尋卒萬壽揭陽人幼穎異五歲能讀書性剛介坦直南北征討多建奇功已酉召入為本兵以父喪去庚戌之變詔奪情起復時虜患方棘上疑至之遲以問萬壽萬壽先以萬壽至京不先入謝已御之不為申理遂貶右侍郎竟坐廢至是復召用命未至而卒贈太子少保追諡義毅世稱為名臣云○十一月御史喻時以邊務疏論太學嚴嵩言諸臣平日條對不為不多討虜擒胡不為不盡而不見有成功者言豈竟不足用邊豈竟不可圖哉由大學士嚴嵩不能觀

國耳夫諸臣之議違儲議處帥者最急當宜虛心直氣陳于陛前其緩費可停其冗食可省某官帑可發某軍需可理轉移以處之緩急以濟之使陛下無憂邊儲可也其才術可授督撫某驍勇可任將帥其機智可察變其訓練可服眾破資格以用之任便宜以行之使陛下無憂邊帥可也顧乃以隱忍諂媚為熟計以依阿柔倖為盡節欺陛下誤國事以致大患日甚一日譬之子視父毋之困踣莫為出力人視天地之豎幸不為動心也伏乞嚴勅責成疏入不報○詔權欽道典史楊繼威為諸城知縣上恩繼威馬市疏皆驗乃自典史遷知縣俄還南京戶部主事三日遷刑部員外郎尋改兵部武選司○給事中袁洪愈條上賑濟糧餉恤民三事一言大同數被虜患朔州諸處瘡痍尤甚宜發帑銀行鷹門款判二關糧粟輸賑仍請疏奏乾河以通糧運二言効海所貢花鎮諸處易粟露積野無倉場貯蓄無官備守支宜增置之其調度錢

卷之九

糧惟委總督不必添差督餉大臣三言畿輔諸郡兵繁賦重宜製糧役清驛傳遞通負以賑恤之戶部覆言輸粟道遠疏奏乾河恐防險固宜下撫臣條其利害上是之○南京工科給事中林懋舉御史王民請設水兵於南京浦子口言浦子口宜設戰船習水戰以備不虞下兵部議尚書屠楷覆言留都長江天塹南有新江口營統水卒以扼江洋之險北有浦子口營統陸卒以遏淮陽之衝至嚴也今浦子口軍不滿二千不能當江口之十一而水戰又非所長不若量增邊卒置之江口而於浦子口沿江增墩臺十座選軍二百人守之長江冠來陸兵協力拒戰絕其登岸之謀北岸有警水軍沿江應援斷其入江之路庶為長便上從部議○十二月詔選官人上命於京城內外并順天等八府選民間女八歲至十四歲者三百人入官○詔開膠萊新河先是山東巡海副使王獻懷登萊之民亡瘠人稀生理不足皆由舟楫不通故也

按元遺跡鑿馬壕石底以通淮安商賈建新河等八座以蓄淺水愚學張魯白現諸河以通水道言元人功用已開其三今之用功當任其一至是給事中李用敬奏開膠萊新河謂新河一道在海運舊道之西乃元人欲開通以避海濤島嶼之險而未成者上詔撫按詳議以行○朝鮮國王李暉以洪武永樂間所賜樂器樂壞奏求律管仍乞遣樂官赴京教習以遵聖朝禮樂之制許之○詔逮訊光祿寺少卿馬從謙誦成邊從謙論劾太監杜泰乾沒內帑金巨萬泰遂誣從謙誹謗不忠俱令逮訊上怒從謙誹謗發成極邊塞以發奸免罪從謙遂死杖下○吏科給事中何雲鵬疏陳考察六事納之一言稽考語以防欺誤二言究逃官以懲不恪三言禁覲道以警官邪四言止許奏以端士風五言旌異能以昭激勸六言飭法典以肅逸人吏部覆言後四事人所當言前二事亦可採用上令行之○癸酉大雪百官表賀初冬深無雪命

卷之九

順天府官祈雪至是得雪○諭修歲終諸典于內殿上命禮部傳諭百官曰朕欽承天祐崇奉玄修今歲眷護非常感恩莫報凡爾內外諸臣宜畫一體大義勿欺勿慢乃分命文武大臣成國公朱希忠等祭告各官廟百官俱言服齋常辦事法司停刑五日○癸丑嘉靖三十二年春正月戊寅朔日食時陰雲不見頃之大雪百官以護日故罷朝賀次日始朝服詣奉天門行禮仍上表稱賀○詔秋禮科給事中楊思忠之先是思忠劾議孝烈皇后不得祔廟上心御之後以資屢撫遂不允至是科臣表賀正旦首署思忠名上摘表中玄禧申錫語曰是何文體思忠懷欺逆理又失令秋一百黜之餘俱奪俸○命逮刑部侍郎兵鵬往賑徐鄆諸郡邑先是大學士嚴嵩等言徐鄆等十七州縣連被水患飢民甚而勦劫更不能禁恐生他變乞命戶部給發餘鹽銀兩及

徐淮等倉存留糧米選差大臣出賑故有是命○河道御史周鈞等疏上治河議時徐邳被水患大學士嚴嵩請將黃河下流設法疏濬令水歸故道百姓安居上命鈞及漕運御史連鑣作速勘處至是鈞等上言劉伶臺至赤晏廟凡八十里乃黃河下流頃為淤沙壅塞以致奔潰此其疏濬所宜最先者次則草灣老黃河口衝決安東一壩亦當急築既成之後宜築長堤磯嘴以備衝擊又三里溝新河口北舊口水高六尺若開舊口雖有沙淤之患而為患稍輕若開新口未免淹沒之虞而漕舟頗便宜將新口暫開建置閘座及將高家堰增築長隄原建新庄等閘加石修砌以遏橫流但挑築工料計用銀十三萬九百餘兩乞發淮陽許墅二閘并蕪抗抽分銀兩解用 上從之既而賑濟侍郎吳鵬上言黃河西來萬餘里匯納百川古疏九河以殺之猶真能支今自河南以下全派經徐出清河匯淮以趨于海而無所分其流益壯其

卷之九

十一

勢益次頻年衝潰連淤之患皆上流少分殺之故也宜於徐州上流至河南開封諸處相度舊道擇其便利者疏濬又河一二道以分殺水勢為求圖之便疏入詔如議令鵬鈞會通河南撫按勘處以聞○巡撫雲南御史鮑象賢討元江盜那鑑獲之先是石簡罷以象賢代之象賢既至調集土漢兵七萬廣稽糧運期進剿為必取計逆賊那鑑大懼飲藥死象賢檄百戶汪輔入城撫諭其眾命推那氏當立者眾推前土官那端從孫從仁象賢命從仁暫統其眾事聞兵部議覆從之○詔建繁兵部武選員外郎楊繼盛廷杖之下獄論死繼盛見大學士嚴嵩擅政乃具疏齎沐上之方今外賊惟虜內賊惟嵩未有內賊不去而外賊可平者請誅賊嵩當在勦虜之先嵩之罪惡言者眾矣第當摘貪污之小者耳臣敢以嵩之專政誤國十大罪陳之高皇帝輩中書節不設丞相而嵩偃然以丞相自居九府部題覆必先稟命而後起趨是無丞

卷之九

十一

相之名有丞相之權壞祖宗之成法罪一權者人主馭世之具而嵩以擬旨竊弄威福用一人則曰我薦之我殺之黜一人罰一人則曰此人非我所親此人得罪于我借朝廷之恩威行一己之愛惡群臣畏之甚於陛下奸皇上之大權罪二善則稱君過則稱己忠順之道今陛下行政之善嵩必令子世蕃播之于眾曰上故無此意我議而成之又刊嘉靖疏義欲使天下謂陛下所行之善盡出於彼掩君上之治功罪三陛下令嵩擬旨蓋取君逸臣勞意也嵩乃令子世蕃及諸義子趙文華群會而議機密豈不漏洩縱奸子之僭竊罪四嵩令孫嚴效忠冒兩廣奏捷功又冒瓊州一人自斬七級功乃以歐陽必進總督平江伯陳珪總兵黃如桂巡按奏首功竟得錦衣千戶而三人亦得美遷冒朝廷之軍功罪五逆賊仇鸞以貪冒論革世蕃受鸞三千金威迫兵部薦為大將及鸞將敗詆排之以飭前鋒是勾虜背逆者鸞也而受賄引用鸞者嵩與世蕃也黨悖逆之奸臣罪六胡虜深入丁汝襲問計于嵩嵩曰京邊不同敗於邊猶可掩也敗于京不可掩也且虜飽自退耶故汝襲傳令不戰及陛下逮治汝襲汝襲臨刑始知為嵩所紿乃罵賊嵩誤殺是嵩以不戰誤國又以死紿汝襲也誤國家之軍機罪七黜陟大計非可徇私者即中徐學詩以劾嵩父子章任為民矣乃於考察京官之時又罷其兄中書舍人應豐賴聖明以免都給事中厲汝進以劾嵩父子降典史矣而于考察外官之時復逼吏部將汝進黜罷削籍專黜陟之大柄罪八府部之權皆撓于嵩矣而吏兵二部大利所在尤其所專主者選除以入賄為低即將官既納賄于嵩不得不剽削軍士而士卒失所司既納賄于嵩不得不濫取百姓而百姓流離利歸一人毒遍天下人皆思亂失天下之人心罪九嵩請媚以事上貪污以率下大壞風俗通賄者貪如盜販而亦為所誅拙者廉如伯夷而亦罷黜致令

天下化之以守法為固滯以彌縫為通變以廉介為矯激以奔趨為練達習俗漸成牢不可破壞天下之風俗罪十更五知用重賄賂以結陛下左右凡聖意所在一言一動無不報萬知之故萬得遂其逢迎之功是皇上之左右皆賊萬之間諜也奸一令義子趙文華為通政使凡章疏至必將副本先送于萬御史王宗茂劾萬一疏文華停留五日方上故萬得以展轉撫飾是皇上之納言皆賊萬之鷹犬也奸二萬所畏者厥衡緝訪乃令世蕃將厥衡官籠絡迫結姻親是皇上之爪牙皆賊萬之爪牙也奸三萬所畏者科道有言凡進士初選非出其門者不得為中行推官知縣及考選之時擇熟軟圓融出自門下者方補科道至五六年無所建印即陞京堂方面政科道諸臣寧忍于負君上而不敢忤權臣是皇上之耳目皆賊萬之奴僕也奸四萬又慮部臣如徐學詩者不能無言凡各部之有才望者俱網羅門下欲行一事先報世蕃故

卷之九

萬得預為布置少有異謀先報世蕃故萬得早為斥逐是皇上之臣工皆賊萬之心腹也奸五夫萬之十雅類此五奸以彌縫之五奸一破十罪立見群臣畏威懷恩固不必問或召問二王令其面陳萬惡果無得其實重則置之憲典輕則諭令致仕以全國體賊臣既知愛條必此即繫僥倖之頭易易耳上怒命鎮撫司執訊何為引用二王繼盛印非二王誰不畏萬者且二王家事必懼為萬欺當盡言耳上命杖之一印下法司按之刑部尚書何喬受萬指坐詐傳親王令旨律論絞即中史朝賓持不可萬恚之即請獄具上之令長繫待決大學士萬具奏待罪上賜手勅春留之

謹按王司寇世貞皇明奇事曰嘉靖中前後諫臣獨楊最楊爵楊繼盛疏最直傳播天下而得禍俱慘爵獲終牖下其後同贈官賜祭而爵獨缺諡蓋世稱三楊云

以協理京營戎政兵部左侍郎聶豹為兵部尚書○命吏部左侍郎程文德知貢舉以禮部官有二王婚禮故也○提督湖廣川貴兵部右侍郎張岳卒岳惠安人少萬志力學以居敬窮理為宗初入仕諫被杖謫後屢忤於權相屹然不移經理交苗勞績尤著卒後楚粵間多廟祀之乃追復右都御史贈太子少保謚襄惠○二月詔冊封李氏為裕王妃錦承衛副千戶李錦六也先禮部以婚禮請上令且儀以聞至是命成國公朱希忠大學士徐階捧冊封之景王亦冊妃王氏○會試命大學士徐階侍講學士敖銑為考試官取曹大章等四百人時吏部尚書萬鍾請增科額以備守令之選故詔取四百人○湖廣羅田縣省祭官陳緯進白兔詔為內苑賜緯銀幣○命工部右侍郎陸杰往太和山督造玄像賜坊名曰治世玄岳○奉安先聖先師神位于文華殿東室先是上親祀聖師十一位於永明後殿至是後祀文華殿遣官行安

卷之九

神禮如制○辛未金星晝見於申位五日乃伏○詔選武選郎中周冕于微點為民先是楊繼盛劾工部尚書歐陽必進以嚴効忠貞功狀必進奏辯下兵部世蕃自撰題草遺冕令奏之冕發其奸併嚴鶴冒其替効忠狀以聞上罪冕挾私逮繫詔徹訊治龍為民兵部尚書萬鈞遂以世蕃所囑冕稿且屬高自上疏乞免鶴官允之○三月賜故大學士楊士奇祠額及春秋祭文從巡按江西御史蕭端蒙請也○陝西大饑詔發本布政司及鳳陽等府倉庫穀賑濟仍以本省開納銀一萬兩佐之○山東饑詔發臨清倉粟泰山香錢賑之○賜總督三邊尚書王以旂巡撫都御史謝蘭柯相等銀幣以修築蘭州邊垣工完也○詔遣巡按雲貴御史趙錦下錦衣獄點為民錦因正旦日食劾大學士嚴嵩怙恩寵以張威權假刑賞以行愛憎諸奸貪事乞賜罷黜以應天災就入萬待罪乞罷上溫旨慰留乃手批錦疏曰趙錦此疏可變且明

訪君上情罪狀天令錦衣衛丞城繫來京後錦至下獄杖之特旨賜為
民○命兵部左侍郎楊博無石食都御史經畧邊務憚因條上薊州保
定事宜言二鎮兵馬宜清其本原正其紀綱嚴其稽考緣其困弊既而
報前鎮所修邊牆墩臺已踰大半其未完者請命總督鎮巡嚴督修治
皆報可○廷試賜陳謙曹大章溫應祿等進士及第出身有差○虜寇
宣府時虜數萬騎由青邊口入犯遊擊孫邦丁碧與虜遇戰却之邦亦
被創尋又寇澤井堡副總兵郭都出戰死之事聞 上嘉邦碧奮勇禦
敵俱賜金幣以卹死事可憫卹典如例立祠致祭○閏三月總督三邊
兵部尚書王以旂卒以旂江寧人為總督在鎮六年開誠布信虜無深
入前後禦虜斬首以千計其所繕障塞皆堅壯可恃西人賴之至是疾
作許致仕卒於固原鎮邊民號泣罷市詔贈太保諡襄敏○吏部請以
主事等官考選科道詔以為啟奔競不許○詔城京師外城先是給事

卷之九

十六

中朱伯辰言高皇帝定鼎金陵于時即築外城聖廟為遠蓋為萬年之計
文皇移都北平密過邊塞顧乃無郭者則以締造方始未暇盡制耳迺
言虜警修築南關臣民幸甚緣將事之臣措置失當且所築僅正南一
面規制備隘故未成旋罷今宜亟為之商通政使趙文華亦以為言前
請如議至是兵部尚書等相度京城四面宜築外城約計七十
餘里以規制圖畫貼說以進 上令擇日興工勅諭平江伯陳圭等督
理工程○虜寇延綏副總兵李梅禦戰死之事聞 上命加優卹如例
○海賊引倭大舉入寇先是都御史王忬巡視海道任都指揮俞大猷
湯克寬勦賊大猷冒險出洋焚蕩巢穴八百賊逃去群賊流散克寬統領
步兵往來海壇護城捕賊斬獲亦多忬不肯陽敗冒功擒治奸豪破解
支黨至是賊首王直復糾漳廣群盜六集各島倭大舉入寇連艦百
餘艘蔽海而至南自台望嘉湖至蘇松迄淮北濱海數千里同時告警

南京戒嚴兵部議遣將領分屯要地令四司官分行點剗而列兵龍
閣命職方郎中阮犀崖苦衆衆皆首鼠乃慷慨調度陰調虛實以為備禦
○夏四月海賊攻破浙江昌國衛屯據九五日恭將俞大猷以舟師攻
之始去巡視浙福都御史王忬因條上海防事宜一言禁近海聚民通
引倭夷以絕禍本二言照各邊例惟以奮勇血戰為功不以損傷折軍
為罪三言調閩浙兵相無操習以資防禦四言通行兩廣南直隸巡撫
撫江官遠行哨探分布兵船彼此夾攻五言兩省守巡兵備官查照東
定地方常川駐劄以便責成六言脅從賊犯准令投首積年渠魁示曉
歸降七言閩浙魚紅量議收稅查理鹽課以助軍餉八言濱海頑民接
濟夷寇走漏消息嚴以極刑部覆從之○寧夏衛地震有聲○海寇犯
太倉州攻城不克分衆四掠燒燬開厝公私廬舍是時有失舟倭四十
人突至浙江乍浦所往來平湖海寧海鹽諸境焚掠慘害官軍禦之皆

卷之九

十七

敗殺傷甚衆凡十有六日竟擒倭李舟而去○倭寇破松江上海縣其
首據官衙號令餘衆分劫街市○詔華昌平易州經畧大臣○山東盜
李子強作亂時子強聚衆數百人建樹旗鼓倡亂流劫邳州諸郡巡撫
沈應龍督漕運鑣匪不以聞言官論劾之 上令戴罪勦賊久之乃平
○改南京吏部尚書潘清為南京兵部尚書○倭寇破浙江臨山衛來
勝西犯松陽知縣羅拱辰督廣州兵禦却之賊浮海走泰將俞大猷以
舟師擊斬首六十九級既而圍泰將湯克寬泰政潘恩俞事妻是聞
於海壇環四門攻之不克縱火焚城樓及民屋數百間而去未幾攻陷
乍浦所知縣羅拱辰復督兵來援倭引去流劫奉化寧化諸處克寬追
圍于獨山民家以火焚之賊半死餘衆奪道走遁於海○江北倭掠海
州殺二百餘人○五月倭寇復入上海縣指揮武尚文縣丞宋繁死之
時復入上海燒劫縣市知縣粉顯科逃匿尚文及繁出戰皆死賊屯縣

中七日解字廬舍焚燒畧盡○詔令太平府同知陳璉蘇州府同知任環統蘇松諸郡兵禦倭時巡撫都御史言璉素閑經畧請協同環統兵操練籌畫上從之璉因上禦倭十二事宜倭寇多中國人宜早圖區處俱嘉納之令密與圖計○虜犯遼東上榆林堡副總兵岳繼賢蘇督兵禦之虜走出塞繼等追奔四十里及于小長山斬虜四十餘級事聞命賜繼金幣○詔設副總兵官於鎮江南京給事中賀運泰言海寇犯浙東以防禦漸密乃泊守寶山題蘇湖諸郡竊惟留都根本重地海洋密邇鎮江京口乃江淮咽喉瓜埠儀真又漕運門戶萬一賊虜橫掠而西致根本震動運道艱阻為害非淺請添總兵駐劄鎮江事平而罷上命暫設副總兵乃命分守福興津泉恭將湯克寬充之提督金山等處○六月南京給事中和清等疏請裁冗費從之清等言遼因山東徐邳歲荒特遣重臣賑恤第被災之地不止于此若南畿山陝順德諸府及湖廣江浙所在凶歉或經歲恒陽赤地千里或大水騰溢或成川或草根木皮掘刺無餘或子女充殍道殣相望其歸德滕沂諸處則盜賊公行道路梗塞大江以南蘇松濱海諸處則倭夷狂噬井邑丘墟莊破格蠲賑難民困乃京師之帑藏既虛各省之接括已竭額外之徵求未已軍興之供億尤煩工作之役竭興挑河之費日廣司農百方謀畫求所以生財者未得竊謂燃眉已急改弦難緩似當於繁文冗費力加汰省耳詎下戶部覆言各處災傷已命賑貸至軍國調度臣等日所籌料今營兵官兵民兵新兵三十二萬計而官校廚匠勇士旌手又數萬計皆仰給官食光祿寺歲派二十四萬計而連歲額外奏討又十餘萬計內府供用如黃白蠟昨歲坐派一十七萬五千餘斤而又召買一十八萬五千餘斤沉速香坐派一萬五千餘斤而又召買一十四萬五千餘斤諸所費率蓋可類推其無用之兵無事之官無名之支

無益之費不可勝紀夫一歲之入不過三百餘萬而邊儲歲用大約以五百萬計入少出多無所抵補而近來繕邊撫吏脩城濬河衣裘賈賂皆出歲額會計之外將來制用益不可支又安有餘裕以佐百姓急宜如清等議審較取中酌為定制報可○令會議王府庶人口糧禮部尚書歐陽德上議知成化十三年例則過多如嘉靖四年例則過少今當視中尉歲米減三之一歲給米七十石妻妾子女使女皆衣食其中不必計口更給庶人口糧既定則擅婚者減庶人三之一得五十石傳生者減庶人之半得二十五石庶增損適中上從部議○以賑濟徐淮刑部左侍郎吳鵬為兵部左侍郎兼食都御史總督漕運撫鳳陽先是給事中王鳴臣論劾連鎮地近盜匪不以聞調外任故以鵬代之○巡撫應天都御史彭黉巡按御史陶承學等請調山東福建兵禦倭不從黉等言倭勢日熾非江南脆弱之兵承平統禪之將所可辦者請得便宜調山東福建等處勁兵及勅巡視都御史王忬督兵發紅犄角攻勦疏下兵部覆言山東陸兵不開水戰福建海倉月港亦在戒嚴豈能分兵外援宜令黉等就近調募分布防禦并請命王忬互相應援其應用兵船器械徵發所在支用南京兵部尚書孫應奎亦言倭夷劫掠漸近留都沿江津隘已議調官軍防守應用甲仗芻糧乞命南京戶工二部給發上俱允之○經畧邊務兵部左侍郎兼石倉都御史楊博事竣回疏辭職從之○秋七月命戶部左侍郎馬坤督理糧餉時連報廣將入寇九門列營以備戰守故也○太平府同知陳璉等擊倭敗之倭浮海去時璉等統兵敗倭斬首千餘級餘寇出境浮海東遁巡撫應天彭黉巡視浙江王忬以聞既而擢蘇州府同知任環整飭蘇松兵備陳璉共贊軍務立有戰功以與時相忤僅蒙欽賞而已倭自閏三月中登岸至是始旋留內地凡三月攻陷郡縣殺掠焚蕩畧盡百年所稱

蕃盛安樂之區騷然多故矣○詔以兵部左侍郎賈應春總督陝西三邊軍務應春因上言總兵以鎮守為職而巡撫則總理軍務至統攝調遣又總督任之防守疎虞軍餉不繼姦弊不登責在巡撫若訓練不精兵革不利士馬不強至于長縮殘害罪在將官其有摧鋒破敵奮勇血戰之功撫臣不得同其賞如撫臣身督戰陣躬冒矢石及設策出奇指授方畧者則議賞以為任事者之勸上從之○虜酋大舉入寇俺答把都兒等入寇分道由大同弘賜堡等邊境合衆上渾源州東犯靈丘廣昌諸處時總督三邊侍郎賈應春上言各邊間諜不通每虜入寇不知向往是以無備往往敗事夫虜將內犯必會衆聚兵驍肉掠馬傳箭祭旗而中國被虜之人亦多臨境傳報頗有左驗若邊臣加意招撫務結其心令偵虜向往道路時日預來清報我得以專力為備視泛然散守功相十百矣乞令鎮巡招致如得虜情實因致成功者即將原報人役定為首功報可○詔獎諭魯王順坦賢孝王父端王病嘗藥禱神請以身代及薨卧苦餒粥者期月徒跣扶輦百里衰經三年終始艱難喪禮又捐千金及湖陂數頃賑濟饑荒有司以聞詔賜勅獎諭之○命應天鳳陽山東遼東巡撫都御史各以本職兼理海防從給事中王國禎等之請也○擢松陽縣知縣羅拱辰六合知縣董邦政添註浙江食事給事中王國禎等言寇入之初守土諸臣俱俱奔策而拱辰邦政乃能獨當勦敵立有戰功宜不拘資格量陞濱海一官俾得展施保障一方故有是擢○吏部尚書萬鏜罷削給事中朱伯辰籍時通政使趙文華少有文學為大學士嚴嵩所愛及為主事不檢出為望運判官後黃緣萬復入為郎亡何改通政參議尋擢通政使日與嵩子世蕃比周嵩目為養子至是隕陽巡撫缺人嵩願指會舉文華吏部尚書萬鏜遂以文華名上伯辰上疏數其不可且曰馮驥援而寵賂日章恣貪慕而薦耻

靈長鄉黨羞稱縉紳共鄙問數猶玷班行臺憲何堪任使文華奏辯言通政使在朝廷之上左右將事例不外補今吏部以處臣而又族所親伯辰論列是必去臣而後快也且鏜前為都御史後以侍郎致尚書乃通計前倖考滿事涉欺罔猶以不得一品怨望上乃黜鏜削伯辰籍仍留文華○建大通橋彰義閣城樓○戊辰金星晝見四日方伏○詔擢固原遊擊陳鳳軍夏遊擊朱玉為署都督俞事賜文綺時虜入寧靜庵口急攻揮前浮圖等略開南大震鳳王率兵援紮荆閣前哨已有踰浮圖略而南者鳳王夾擊之虜馳去鳳王督衆追之過浮圖略守者具犒鳳王曰稍緩恐不及賊俟旋軍享之追虜于三家村大戰竟日殺傷甚衆虜欲北遁又慮為我兵所躡乃以駟騎來戰綴鳳王兵其衆分道自廣昌紅沙坡石門略大金井諸處遁去是時虜氛甚惡中外戒嚴京師懲庚戌之變人情洶懼及鳳王力戰退虜事聞上大悅故不俟勦報命即加陞賞○八月遣官存問靈丘王聰滿時王年踰八十故賜勦存問○虜犯宣府虜酋小王子率衆由宣府獨石入犯赤城滴水崖諸處攻燬屯堡焚戮甚慘凡四日驅掠人畜而去○廣東猖獗作亂肇慶府東西二山猖賊李朝卿等四千餘衆據山為亂巡按御史郭文選以聞詔提督總兵等官冠期勦之○詔奪英國公張溶祿一年時祭大社稷遭落代落行禮倉遽科官糾其厭怠不敬上手批曰溶勦臣之首報以世祿攝祀不敬他任可推姑罰祿一年今後使命代者務加敬慎毋得慢神欺君二王今方成人俟三年後命攝監禮官宣事舉劾毋得怠視○太原府地瘠有整○召原任吏部尚書李默後職趙令之任時廷臣會推都御史屠儒刑部尚書何喬南京都御史周延上特旨用默○河南賊師尚詔作亂尚詔本鹽徒初以私販作奸詣山東鹽馬賊攻剽遠近鄰里長之官府不能制先任巡撫謝存儒苟幸無事假

以保長歸德知府尹一仁復令督捕盜逐獲聽民訟肆為威電與王千
斤等構謀不軌結聚赴日舉兵郡以他事遣卒至鎮尚詔疑偵已執殺
之以祭率衆夜薄城切庫獄細載去尚詔有令勿犯學官勿戮生儒故
守今皆匿學官以免尚詔家多金主姬妾尚詔既出攻城拓城主賴子
乘虛掠所蓄潘其姬妾姬妾識其人以語尚詔遂圍柘城索之不得乃
破城執獲磔之因掠公私帑度復圍太康索所怨者二人縣官執其人
絕城與之巡撫都御史楊宜檄都司尚允紹等以宣武陳兵援之戰
於鄆陵官兵死者相枕勢益猖獗至數十萬人延及宿州聲言寇鳳陽
隨寇南京南京兵部尚書潘潢與其屬計所以禦之職方郎中阮壘乃
廉得指揮謀勇者白提重兵於池河防禦分委將領於沿江策應賊無
可乘遂不敢南官兵追及於五河縣賊分兵為水陸營乞紹環擊演更
皆破賊遂奔潰不復能軍○總督兩廣都御史應積檄兵勦廣西猺獞
平之時桂林平樂猺獞擾亂肆殺知縣張士教傷百戶曹恩焚掠甚
慘檄乃檄總兵鎮遠侯顧寰等督兵進勦斬獲甚衆悉平之捷聞上
命廢擯二千國子生并宴等各賜金幣有差○詔賜勅獎諭西河王長
子表相之孝晉王新填奏言表相孝行父母有疾彌月不鮮帶感雙龍
之祥故諭獎之○九月虜犯山西巡撫都御史趙時春禦之敗績總兵
李淦及其子松戰死詔贈淦等官立祠祀之時虜萬餘騎由大同平虜
衛犯山西神池利民等堡時春即馬步軍自出禦之至廣武諸將皆會
謀報虜騎有二千餘擄擊可得時春擐甲欲馳決以虜悍狡未可易戰
時春不聽乃攘臂而前及虜大屯虜虜伏兵四起鼓譟而來淦曰公
速去吾死於此矣乃與其子松皆戰死全軍俱沒時春投一墩中哨卒
以繩引之而上乃免虜率引之既而錄淦功贈少保左都督子松贈指
揮同知賜諡立祠如張達例○詔錄獻皇帝慈烏鳴集之祥江西恭議

王喬齡奏言獻皇帝始封之四舟泊龍江開慈烏以萬數集江柳向舟
鳴集江西提學副使李應陽亦述于文集可考其事神異宜錄付史館
禮部議覆詔可○莆田地震有聲如雷○河南諸軍分道追賊敗之時
指揮袁燦擊之於東城縣都指揮張國芳擊之於商丘十字河斬獲甚
多師尚詔乃乘軍械變服散其徒而逃○冬十月直隸河南山東大水
吏部侍郎程文德上言水災異常言官屢奏持議未見歸一臣以今日
內帑不必發大臣不必往夫救荒莫便乎近更不便乎拘宜各遣行人
賈詔宣諭令各州縣自為賑給聽其便宜處置凡官帑公廩贖納勸借
苟可濟民一不限制又近日戶部申明開納事例亦許就地土納即
果麥黍穀凡可救饑者得輸官計直請勸輸官仍登計全活之數定為
等則以憑勦陟即撫按守巡賢否亦以是稽之報可○詔立柳將軍神
廟於新安鎮賜額致祭柳將軍名匡山東人宋時從軍陣亡嘗見于河
道總理河道都御史曾鈞奏立之○總兵湯克寬擊南沙倭敗績自倭
聚東道後江南稍寧惟崇明南沙泊失風倭艘三百人舟壞不能去克
寬及倉事任環留兵守之日久不克至是克寬復督都運等兵擊之敗
績亡卒四百餘人○詔以災寇免浙江江蘇經軍波各府所屬秋糧○總
兵湯克寬引舟師追擊倭缺倭擒之先是倭賊百餘由臺亭縣漂缺登
岸流劫麻木涇金山衛等處至是移舟泊寶山克寬引舟師追擊及於
高家灣燬其舟斬七十三級生擒十四人○兵部議武舉鄉試三次中
武者准經起送會試永為定制從之○命行人侯東萊勸諭南直山東
撫按官督率府州縣官破格從權設法賑濟饑民仍令以勸諭刊示百
姓從吏部侍郎程文德奏也○詔發太倉米賑濟饑民仍令有司撙節
埋糶時上問大學士嚴嵩民多無食若何嵩言四遠饑民來京求食
一時米價騰騰請以太倉米數萬石平價發糶仍禁市行不許多買轉

賈以素高側簡又言民有身無一錢者仍坐蹶道路請于十萬石內以八萬石糴濟二萬石委官運赴城外每早召集饑民人給一升上曰朕意正如此令以六分出糴四分給貧苦者既而上又曰故思饑民必有弊于道路者暴露骸骨朕所不忍宜有以處之乃勅令在京行城御史在外行撫按各督有司查視掩埋以稱朕不忍暴露之意○諭通錢法上諭戶部錢法未通亦宜計處便民戶部言錢法不通由輕重二弊未能迭相為用請以新舊諸錢定為二則上則七十文准銀一錢中則倍之官私收稅亦准此例不得概有增損仍勅御史嚴密督察有阻壞錢法者治之上曰錢法乃小民目下之急且不必深文凡係嘉靖制式以七文易銀一分洪武等式與前代雜錢加倍違者科罪○巡撫河南都御史楊宜履賊首師尚詔等命加宜祿賜金幣尚詔流死四十餘日破府城一州縣城八層燬鄉鎮殺戮十餘萬人三省震動及官軍追敗變姓名走至吳縣於山東東昌府縣其賊黨潰散山東河南及江北鳳陽諸州縣各有所獲宜乃悉錄其名以聞上以宜平賊有功命進俸一級仍發以金幣凡所在捕賊即於所在誅之○倭寇與化府指揮張棟等擊走之時有倭舟失風飄至興化南日看寨登岸流劫殺千戶葉巨卿棟率兵擊之逃走知府董士弘復糾民兵獵戶與棟等圍而殲焉是時江南海警倭居十三而中國叛逆居十七未幾南日舊寨復有三舟登岸棟與士弘擊之乃擒其倭數人○十一月詔諭鑄錢上諭工部鑄洪武至正德紀元九號錢一百萬錠嘉靖紀元號一千萬錠○詔勒御製太和山玄殿紀成碑文于山門前先是侍郎陸杰言本山自興工以來屢現祥光請勒碑于山門故有是命○總督劉遠軍務何棟羅先是兵科給事中王國禎論劾棟表類巧偽總兵張堅素戾成勲貪庸巡撫山西都御史趙時春誇誇僥倖俱宜罷斥更置上

令勲閣住堅調用國禎仍疏堅以千金賄陞因許兵部尚書蔣豹迂疎很懷不畏公議上仍令堅閣住棟亦乞罷許之○總督兩廣都御史應檉卒贈兵部尚書檉遂昌人員介自持不隨人俯仰居守務實政與時多忤而所至民咸稱之○十二月命兵部左侍郎楊博兼右僉都御史總督遼東軍務○詔令孟夏冊封宗室禮部以歲終當遣官冊封宗室而畿甸穴傷驛遞艱阻請移來年四月應古者孟夏封諸侯之禮詔可者為令○南京兵科給事中賀涇條奏拱衛留都七事一議舉樞吉尼南京有警地方兵部會推知兵大臣一員在江南則居新江口等處在江北則居滁和浦口等處居中調度相機勦捕二簡官軍言各營軍士宜汰其老弱補以精壯所司以時閱視許動支營房地租銀犒賞三濬城濬言通濟十三門兵馬通衢有為民居妨礙者折毀神策三門濠河有填淤者濬治四肅門禁言守城門軍士原給器械宜專官查驗整理五詰奸細言京城內外及徐滁和地方宜竊立保甲嚴行讞察六處操船言水軍戰船宜做沙船改造其艘艘接紅當量存之七重應援言池河新營所屬飛熊三衛勒視巡官聽兵部節制江上有警亦聽鳳陽撫按調遣上從其議○詔建總理河道右副都御史曾鈞為工部侍郎職掌如故時漕河工完故有是命工部尚書歐陽必進等各賜金幣有是仍令禮部祭告河神

庚寅嘉靖三十三年

春正月壬寅朔上不御殿○詔廷杖六科給事中張思靜等以賀通中失機萬壽字故也○朵顏屬夷寇掠挑木關口參將李章等擒得首惡通漢總督侍郎楊博請繫通漢於獄俟諸夷入貢械赴喜峯口宣示便知所警從之○康妃杜氏薨妃裕王母也諡榮淑後追尊為恭恪皇后○詔發太倉米給各處賑賑民百里以內至者人三升遠者加至

二十升而止○陝西階州地震○記停過選事例先是以前方之才每歲春李許北方舉貢監生成年就選既而過吏有缺吏部拘於一年選之例不時得補而正選守部者又以年次不得補遺方遂至停擱各種不便吏部尚書李默等言祖宗創制每歲六選法最精密頃年酌行遠方事例已非舊制今又加立過選名色吏道益難非但承用不便而已上亦以為然命罷之○倭寇掠蘇松時賊據太倉南沙五月餘官軍列艦海口圍之敵重不能破軍中多疾疫乃倭棄舟開壁東南賊遂潰圍出海轉掠蘇松各州縣○謫吏部文選郎中楊載鴻為典史時載鴻以行取疏上而安慶推官郭來朝當給由并捧聖書表入京道聞行取報即棄表歸巡按御史問東等効其不敬因及任內貪暴狀上令革來朝職為民因切責吏部言該司郎中欺蔽為奸于是誦載鴻為將樂縣典史○二月詔贈歸德檢校重綸為歸德府同知拓城衛舉人

卷之九

三

陳聞詩為鳳陽府同知各立祠祀之初師尚詔及至歸德知府及中衛官皆道綸獨率民兵巷戰被執誓死猶刃數賊其妻賈氏及一姪一僕皆從綸死尚詔素聞聞詩名約克城之日必生致之以為帥既而衆擁聞詩至不屈賊斬其家屬數人以脅之聞詩知不可脫乃給之曰必欲殺行勿縱火勿殺人賊許諾乃擁令聞詩上馬行聞詩遂不食三日至鹿邑自縊至是巡撫楊宜奏上其狀上令贈官立祠○罷南京刑部尚書顧應祥初應祥秋奏決囚比得報已踰冬至二日應祥竟決之監刑御史及言官會劾應祥事下吏部尚書李默覆言應祥徒知專命而不知冬至之後例當覆請安得遽決以傷元陽之氣似應以過誤論上勒令致仕併奪監刑及郎官俸○英國公張溶獻玄微神光圖先是遣溶祭玄嶽至是還復命言嘗祭時天氣晴和方初獻神殿前香爐峰忽出五色光殊彩四燭祭畢始隱隱徐沒因繪神光圖以獻上報

聞○戶部尚書張潤卒贈少保諡恭肅潤臨汾人端雅有度而居官主於奉公剛正自持屢擢不變人皆稱之○三月詔發大倉銀四千三百兩賑上林苑諸署饑民○詔造大祀十二章衣服弁服○命工部侍郎陸杰兼倉部御史督修顯陵時大和山將訖工因後有事故恩賜使杰督之○詔分屬紫荊諸關於各道總督副總都御史楊博言易州井陘大名三道皆軍備邊而所屬地方煩簡夷險各異卒遇有警恐顧此失彼請自今專以紫荊關屬易州道倒馬龍故三關屬井陘道順德府所轄關隘屬大名道并將畿內府州縣衛所屬分隸之每歲當秋防之時仍令井陘道暫往曲陽大名道暫駐順德以備不虞詔可○議開膠萊新河遣御史何廷鈺資勅視之○禮部尚書歐陽德卒贈太子太保諡文莊德泰和人字度宏粹初知六安州還南京刑部員外郎上擇諸臣有文行者列侍從改翰林編修掌詹事府事召直無逸殿在禮部

卷之九

三

管議二王建儲婚禮及康妃喪儀雖時與上意齟齬然上察其持正卒優容之海內士大夫方想望其風采會病卒士論惜之○倭寇掠遼泰諸處時自蘇松掠民舟入海趨江北掠通州如阜海門諸州縣獲焚掠各垣場餘衆有漂入青徐界者山東遼東俱震巡撫遼東都御史江東因條上海防八事部覆議從之○以吏部左侍郎王用賓為禮部尚書○以屠大山為兵部侍郎兼倉部御史總督軍務糧儲巡撫應天時吏部尚書李默言蘇松巡撫所轄十二府地遠難兼况當軍興調兵轉餉非一人所能請設提督軍務大臣專責勦賊而巡撫專主糧餉上曰督撫兩設事權得無掣肘乎其與兵部會謀以聞于是默與兵部尚書畢豹等議奏設一官兼兵餉如浙江例上從其議乃以大山為之○夏四月京師大疫命發藥救之仍贈給米穀是日雷始發聲先是上諭禮部曰今春雨澤固降雷未發聲勅臣工同加脩省至是諭賑

疾疫需乃發聲○詔罷總督宣大兵部尚書蘇祐 上以祐年向衰罷令回籍而以兵部右侍郎賈應春代之○詔鎮守雲南總兵官沐朝弼襲封黔國公先是黔國公沐紹勳無嫡嗣庶生二子朝輔朝弼朝輔長襲父爵比卒有二子融璧俱幼以優給候襲而令朝弼以都督僉事攝鎮雲南未幾二子俱殤撫按官勘實以聞請令朝弼襲爵許之○倭寇攻嘉興初自海鹽趨嘉興泰將盧鏜等帥兵禦之稍却次日復戰於孟宗堰伏發殺官軍四百人溺死五百人都司周應棋等死之賊乘勝入據石塘山分兵四掠至吳興嘉興城副使陳宗慶帥兵禦却之焚其舟賊遁入乍浦與長沙灣寇合犯海寧諸縣既而東掠入海至崇明縣夜襲破其城知縣唐一岑死之○浙江地湧出血時慈谿縣民家地湧血高尺餘○京師外城成進提督京營平江伯陳圭等官廕子賜賚有差○命工部右侍郎盧勳提督顯陵後恩殿工程時陸永卒故命勳代之

○五月倭寇掠蘇州倭自崇明進薄蘇州府城大掠時兵科給事中王國禎上禦倭方畧言禦賞招降賊首王直詐計兵部尚書蘇約覆冒海賊與山賊異山賊有巢穴可以力攻海賊乘風飄忽瞬息千里難以力取臣聞王直本徽人以通番入海得罪後嘗為官軍捕斬海寇陳興主等及餘黨二三百人欲以自贖而當是時有司不急收之遂貽今日大患故倭寇飛官楊公黃佐故事懸賞購募以賊攻賊非輕王爵以示賈也 上以國禎言為是令一意勦賊脅從願降者待以不死賊首不赦○調原任湖廣副使張貴賢整飭淮揚兵備專理海防時海寇不時總督漕運侍郎鄭曉及直隸巡按御史李逢時請添設兵備專駐泰州以防通泰海州海賊出入之路吏部覆從其請因調景賢為之仍列銜于湖廣○詔復以侍郎賈應春提督陝西三邊軍務命兵部戎政侍郎許論總督宣大山西軍務務應春自三邊召佐本兵部又移鎮宣大以代

者江東未至久留不發御史胡宗憲等言東患病蒞任無期而三邊去宣大久遠今時已入夏防秋伊邇宜留應春仍總督三邊別於近地推補宣大庶彼山調度有人而邊方有賴故有是命○彗星見時彗出北斗天樞星旁○遣御史溫景葵兵部主事張四知往山東募兵禦倭○山東益都縣地震○六月辛未彗星漸北行犯文昌○詔籍京師召募民兵尤巡捕軍復統領民兵革職參將左顯原職聽用初庚戌變召募民兵四千為一營防禦京城設參將領之至是逃亡千餘顯請勾補兵部言此皆烏合無從清勾宜汰老弱所餘精壯不足一營宜附籍京營巡捕以資實用因請復顯職從之○虜入大同塞總兵岳懋死之詔逮繫巡撫都御史侯鉞及故總督宣大兵部尚書蘇祐于獄俱削籍為民時虜眾數萬入大同塞懋帥師出禦力屈而死全師覆沒巡按御史毛鵬以死事聞因論劾巡撫侯鉞等 上大怒逮繫鉞下詔徵既而兵部

言祐先任督撫漫不省憂貽患今日乃復逮繫祐下獄俱黜為民贈懋少師左都督諡壯愍摩子立祠祀之○雲南楚雄府安寧州地震有聲○以王忬為右副都御史巡撫大同初侯鉞被逮 上問大學士嚴嵩可撫大同者嵩倉卒不知所對 上曰朕知王忬可乃手勅吏部曰朕思大同撫臣須得人乃可其以王忬為副都御史巡撫其地趣令之任先是忬在浙江舉盧鏜釋柯喬激勵諸將爭奮遂北復麻為偵刺凡沿海大猾稱倭內主者悉繫案覆其家破賊黨與自是倭奴不復知我產實與所從向性而餘艘在海中者亦無得以救果火藥通往往食盤自遣散又行視諸郡邑未城者計寇所由緩急次第城之凡三十餘所杭州官吏以烽火不時發日集坊民登陴守宿怨苦載道忬令罷之曰吾斥堠明無慮弗及奈何先敵而逆受困救耶一郡大喜至是往撫大同忬去而浙中之禍始條○擢徐州兵備副使李天寵為金都御史巡視

浙福海道時王丹往撫大同故擢天寵代之○京師大雨平地水深數尺漂沒墻垣廬舍命戶部發銀賑濟工部濬渠洩水○漕運都御史鄭曉疏請收養勇從之曉言倭寇類多中國人其間有勇力智謀者可用每苦資身無策遂甘心從賊為之嚮導若不早圖區處必為腹心憂乞命撫臣于軍民中查舉與以教勇名色給以月糧令其無事率人捕盜有事領兵殺賊立有功勞量議官職奏請陞受則悍士漸受條範不惟中國之人不為賊用抑且異日可備將材之選即今從賊者宜出榜諭許令歸降遣還故土擒斬賊徒如例給賞才力可用立功贖罪俟有勞績亦與叙遷不然數年後或有如盧循孫恩黃巢王仙芝者蓋至滋蔓難為撲滅疏入報可○秋七月廣東督賊糾倭寇千餘剽掠海上官軍擊敗之擒賊首方四溪等餘黨遁去○命有司修築通惠河堤岸開壩以久雨水溢故也○倭寇流劫自蘇州至嘉善縣轉赴松江出海奈

將俞大猷擊敗之於吳淞所擒七人斬首二十餘級○西苑獻嘉穀三穗雙穗者七十八本禮部請宣付史館率百官賀上報曰天賜玄庥不可慢忽今年更秋作亂大水疫荒任事之臣不見盡心虞置何以賀為○御史徐坤疏陳馬政言番養馬匹本以專備京操歲收二萬而用有餘乃今各邊奏討頻仍外圍空虛專惠內廐然則苑馬太僕寺設於外者豈皆虛設乎臣請自京師之外至宣大極邊遇有奏討宜量給之餘則勿許各邊苑寺展弛者亟行撫臣整理先補種額以裕草生之原次查草場以清芻牧之地又專任守巡一人時加稽察則廐牧充于塞上而內國不至空虛上詔如議行於是陝西苑馬少卿盧登條上馬政事宜言宜督通貢明印烙訓隴樂均地差以救目前而開場園廣學畜以為久計上皆嘉納之○諭發內帑銀一萬兩於山東東嶽泰山神廟從陶仲文請也○侍讀嚴訥給事中曹禾郭仁各請量蠲浙江

被倭郡邑田租從之○詔駙馬都尉鄧景和大學士嚴嵩徐階本吏部尚書李默禮部尚書王用賓錦衣都督陸炳入直西內其吏部侍郎程文德郭朴禮部侍郎閔如霖吳山以侍從文學撰文不入直景和以不諳玄理辭免入直倣以金幣賄玄修諸臣猶及景和愧且懼疏稱臣無功乞辭使臣洗心滌慮效馬革裹屍之報上怒曰景和故出不祥語詔上耶法司當以怨詆律上姑寬之令革職發崑山原籍為民○八月進徐階太子太傅武英殿大學士李本太子太保文淵閣大學士○南京太僕寺卿章煥條上海防四事一曰築城堡言兵因地形今江南之變千村萬落皆為戰場而郡縣且相率開城奈何使各鄉兵當賊宜急築城堡於諸鄉以固守併力于郡縣以待戰郡縣有倫則賊不敢散掠而謀阻諸鄉堅守則兵不必偏分而力裕將人人自為戰守音皇祖嘗命湯和視海上擇要地築數十城以備倭而東南安堵其驗也二曰預軍需言西壯諸邊一切軍食皆有司先期部署以聽督撫調度故卒有緩急可咄咄而辦今臨變之時上官漫督之主者亦漫應之肩贖間已成胡越何況百里之外嗣後軍中之需賞功之費一會計所出貯之別庫使軍門不以煩有司有司不以煩居民則萬全之術也三曰練士兵言今議者悉稱調兵不知少發則不足多發則用不繼久駐則師老費財暫駐則兵散而賊復入急之則怨寬之則驕而為亂宜訓練士兵漸罷容兵若士兵不足宜募近海丁壯及有罪調發者居之海墻給偶配于田宅使之土著而忘其鄉是城堡之外益以藩籬計無便此者四曰收奸豪言外賊易見內賊難知今海賊深入內境凡我動靜無不知之者誰為之又其始至千人四布莫測而鳴號畢集者又誰為之皆奸民所驕也誠使郡縣得人示寬大布恩信問疾苦時拊循使反側者將反本而呼天何變之能生且海上多壯士負氣任俠而不

肯下人我能制之則為我用不能制之則為賊用故安反側收聚傑治
亂之機也疏下所司議行○募兵泰將李逢時等追擊倭寇於新涇橋
敗之時倭寇自嘉興遠屯採淘港枋林等處連獲嘉定縣城逢時與許
國以山東民鎗手六千人至與賊遇於新涇橋逢時率麾下先進取之
賊退據羅店鎮官軍追擊之擒斬八十餘人許國恨逢時與之同事而
先不約已乃別從間道襲賊以分途時功追至採淘港乘勝深入伏起
官兵大潰溺水死者千人指揮劉勇等死之諸軍倉卒不整遂大敗○
詔增造南京新江口兵舟二百艘先是額設四百艘操江都御史潘珍
奏減其半至是魏國公徐鵬舉以海寇請改沙船增後奮額從之○九
月詔停徵蘇松常鎮四府租一年以被倭故也○套虜教百騎犯紅井
官兵襲敗之遁去○禮部尚書黃綰卒綰黃嚴人起家任子致八座人
不以為忝第以隱語憾楊一清公論疏之○詔徙代府樂昌王府於朔
州代王以宗室繁衍請徙之以寬民力從之○南京右都御史王纘卒
贈工部尚書纘黃嚴人抗直敢言為尹留都有惠政民立生祠至今祀
之○昌平白羊口草場火詔奪守備齊維禎戶部員外郎劉崇文俸二
月○以南京都御史吳鵬為工部尚書○吏部尚書熊浹卒浹南昌人
少有志節議論侃侃恬于寵利有古大臣風後謫恭肅○詔以倭亂罷
浙江嚴貢魚鮮○冬十月虜寇圍鎮總督右都御史楊博檄總兵周益
昌禦却之時虜攻劉鎮邊牆自道並進四晝夜不克乃退屯古城川次
日復南旋駐虎頭山夜火光滿野連日數十里博募死士執火器潛入
其營中至夜齊發虜衆驚擾徹旦乃解去先是上聞警報奮至為之
所食遣殿衛卒校杜調其狀至則見博環甲登陣宿止古北口垣上而
諸將士擁博擊賊甚力上聞大喜詔發大僕銀一萬兩犒前鎮中牆
將士賜博及益昌各服色衣一襲○詔免是歲兩京決囚○詔存問南

京兵部尚書致仕湛若水時若水年九十廣東撫按官以聞禮部請加
以存問從之○詔還賑濟宣大侍郎陳儒初儒賑濟請以便查覈山
東河南山西屯田錢糧之數兵部言兵荒之後恐益騷擾乃詔儒還○
十一月倭寇嘉興湖倭自柘林分掠嘉興湖州二府都指揮劉恩至逆戰
於嘉興縣却之○詔更賜總督湖廣川貴侍郎馮岳勅令其節制容美
十四司初容美土官田世爵更把隘土官向元揖累世相繼元揖幼世
爵倖名解職遣女嫁之因誣元揖以奸云恐激變請令自捕元揖下獄
遂盡俘向氏沒入其產撫按知其誣責與元揖對狀世爵不出設衆自
俗與羅峒叛會黃忠等通事聞下督撫馮岳等議言世爵驕橫有司不
能治而獨父係元揖甚為不平宜令出獄假督臣節制容美之權問世
爵抗違之罪若再不悛絕以國法部議從之○詔廷杖禮部儀制司署
郎中聶靜熙為民不與外陳全之主事賈衡吳仲禮俸以冬至類進賀
表誤書三十二年也尚書王用賓等具疏自劾得旨不治○十二月虜
寇大同塞總督侍郎許論巡撫都御史王忬徵兵擊走之捕虜虜百餘
級牛馬稱是詔進忬兵部右侍郎無右都御史仍巡撫大同許論及諸
將士賞賚有差○兵部尚書蕭雲龍疏陳防夷事務言倭寇作難設官增
備調兵選將督撫諸臣協謀共濟賊賊有期乞申飭各官築城堡掘坑
塹固守要營團練土兵招撫游從嚴賞罰之條屬交通之禁司府縣官
更分別去留治以軍法先是豹威稱南北戰功請上謝玄受賀遂階
一品至是以警報日聞恐被賊責故為是條陳規規已責云○己丑大
風揚塵四塞○倭寇陷青村所○福州府地震○命鎮遠侯顧璘總督
京營戎政平江伯陳圭卒故命襲代之○詔遣原募山東倭倭兵還自
採淘港之敗東兵遂不援會主將李逢時等被逮皆舊勳璘稍自引
去總督張經請下有司追捕兵部言此輩俱係北土烏合之兵驢之餘

於水澤之地固甚非宜今不如悉放遣之詔可

乙卯嘉靖三十四年

春正月丁酉朔 上不御殿○詔以倭警命南京掌左軍都督府事豐
潤伯曹松專督寧陵軍防護陵寢○詔逮繫應天府尹李珊請京訊治
革守備魏國公徐鵬舉任奉祀孝陵時府獄死囚具伯恭等十五日越
獄奪城門走詔逮珊訊械至法司以案証在南請下巡按御史查覈父
之御史為開釋請仍在籍聽用從之○以南京兵部尚書張經總督直
隸浙福軍務時朝議欲徵狼土兵勤倭寇以經嘗總督兩廣有威惠為
狼土兵所戴服故用之勅令節制當天下半得以便宜從事開府置募
自辟參佐經亦慷慨自許中外忻忻皆謂寇不足平○都御史屠喬梓
謚簡肅僑鄞縣人有大節居常退孫若不得臨事屹不可奪歷官四十
年以清謹著聞○詔錄宋儒朱熹十三世孫法襲五經博士○以原任

卷之九

三

兵部侍郎張時徹為南京兵部尚書兼督機務○詔總督京營鎮遠侯
顧寰工部尚書具鵬閣視脩理山陵橋梁增垣工程○二月給事中黃
驥疏陳邊計納之時宜大告饑邊計缺之譴條上三事曰議積聚嚴通
負復公田戶部覆奏報可○罷開膠萊新河先是御史何廷鈺請疏濬
新河詔遣廷鈺往會山東撫按官勘報至是報言工費難成遂罷其議
○罷新耕籍田遣戶部尚書方純祭先農之神○虜分道寇宣府懷柔
川龍門城等處○調吏部左侍郎掌詹事程文德為南京工部左侍郎
尋黜為民初文德奉詔供撰玄文 上疑有欺及吏部會推南京吏部
尚書有文德名 上疑文德欲自脫遂調之既而疏辭有瞻望闕庭傍
徨踟躕欲去不忍之句 上謂其猶懷欺誑命黜為民○遣工部侍郎
趙文華往祭海神兼督察海防時大學士嚴嵩言海寇猖獗宜遣大臣
禱祀東海以奪其魄宣布朝廷德意即令察視賊情訪求區處長策因

薦文華可用 上從之乃賜文華印記令得以密啟言事文華本嵩私

人既奉命出憑免忠諫所雖即立權臣有司無不望風震懼奔走供
奉江南為之困弊至於羣擊兵機顛倒功罪以致紀律大亂戰士解
離徵兵半天下而賊氛愈熾人皆以為嵩引用匪人之罪云○詔修理
南京城垣○兵部尚書鞏豹罷時南北多事 上深用為慮責成本兵
甚切而豹事多推諉不當 上意 上以豹年衰不勝重任典入直轄
臣言之于是豹引疾乞罷 上特令問住○三月以總督薊遼保定都
御史楊博為兵部尚書時鞏豹罷故召博代之○廣東高州地震○詔
進王忬為兵部左侍郎即無右副都御史總督薊遼撫大同方半歲而
薊遼總督楊博入為本兵廷舉忬 上手署用忬代博令速赴鎮不必
候代其大同巡撫事行總督許論暫理○總督許論擒山西巨盜郭尚
儒等平之尚儒渾源人初聚眾四百餘處廣云西山鉄嶺崖為巢劫掠

卷之九

三

遠近守備指揮方琦率兵出捕為尚儒所執傷亡甚眾論檄忬將李欽
副使楊順等以計擒之其黨遂解去詔賞論等銀幣進順係一級○宣
安公主行下嫁禮適駙馬都尉李和七寧晉人先是選尚皇三女寧安
公主至是成婚公主入謁奉先殿見 上及皇貴妃賜宴宮中和朝見
皇貴妃亦賜宴如禮○蘇松兵備副使任環敗倭于南沙野茅洪時環
督泰將解明道等以舟師與倭戰敗之斬首一百餘級○夏四月詔賞
廣西田州土官瓦氏等銀幣時瓦氏併孫男岑大壽大稔引土狼兵應
調至蘇州總督張經分配總兵俞大猷等校勦倭寇奏聞令賞銀紵餘
令軍門獎賞○詔議處民兵兵部尚書楊博奏詔議上言京城民兵之
設始自庚戌虜患之後倉卒召募類多烏合今欲盡汰之則細民遺失
月糧於情不堪且巡檢京城分布不足此其取之于營兵不若議處民
兵之為便也請勅所司汰其老弱存其精銳其原出真保者發兵備道

籍為民兵在京者仍隸巡捕將管攝與火哨軍人相無巡邏者不補上從所議○狼兵與倭戰敗績時倭據川沙窪林為巢新倭復至地方甚恐聞狼兵至人心稍安趙文華時至松江紀海乃厚犒狼兵激使進剿至漕涇遇倭與戰不勝頭目鍾寅黃繼等十四人皆死於是賊知狼兵不足畏復肆掠如故○倭寇犯江北淮楊等處由通州餘東場海門東夾港地方登岸流劫狼山利河等鎮突入通州南門燒民屋舍而去○詔駙馬都尉李和後軍都督府帶俸歲祿一千石賜寧安公主莊田二千頃有奇○詔修江西許旌陽真人宮○詔賜湖廣容美宣撫司土官銀幣世爵獻大木五十株備承天工所應用改加獎賞○詔令雲南鑄錢給事中殷正茂言鑄錢可助國用請採雲南銅至湖廣城陵磯鑄鑄部言本地便從之○巡按浙江御史胡宗憲請諭日本國王從之宗憲言往時日本入貢多不及期請待其後來得以便宜謝遣仍

卷之九

三六

令有司移檄于王問以島夷入寇之狀兵部尚書楊博奏言令按臣移檄日本國王責問何人倡亂令于半年間立法鈐制號召還國即見忠款雖貢期未及必為奏請否則陽為入貢陰蓄異謀也上是其議○提督兩廣總督張璠奏廣東賊徐銓方武等殺之先是銓與海賊王直糾結倭寇縱橫海上至是張璠檄海道副使汪栢等督戰銓等就戮前後斬首千二百餘級海濱頗靖○五月倭寇犯嘉興總督張經遣兵擊走之時倭四千餘人突犯嘉興經分遣泰將盧鑑等督狼士兵水陸擊之賊遂北走平望副總兵俞大猷以承順宜慰司官舍嚴翼南兵邀擊之賊奔回王江涇保靖兵復擊其後賊大潰諸軍共擒斬首功二千有奇餘賊數百奔走柘林東南用兵此為第一功云○詔逮繫直隸浙福總督尚書張經及泰將湯克寬請京下獄論死初經至浙驛倭自任有府同知張任先為即噍經上卿之及行部至其府夜令人踰城出質明

詰責任司兵防不嚴城守褻衣冠縛而繫之藩臬府官俱不敢營解得監織內臣馳入止之任因首保跪出不勝辱欲自縊知府守之乃免國朝府貳無受寄者遠近駭異人心稍不予經其所用諸將佐何卿沈希儀輩名位已抗驕不為用而新募士又慄悍不任兵所徵田州兵瓦氏山東鎗手又不受律以故名實瑣瑣時督察侍郎趙文華挾舊凌經經自以大臣儼然其上不為屈文華志運疏劾經謂其才足平賊第以家在閩畏賊報讎故越超縱舍賊以為德耳會臺諫亦有言者上怒經玩寇殃民詔遣官校逮捕經及克寬訊問時經已破倭于嘉興王江涇捷聞兵科奏乞留經平餘倭自効不聽既而經等至京下法司議罪經上疏自理言倭寇犯嘉興即季泰將盧鑑督保靖兵援嘉興季俞大猷督永順兵由柳湖間道趨平望以扼賊路冷湯克寬引舟師從中擊之一戰而勝凡斬敵一千九百有奇焚溺死者無算賊氣遂餒豈有一毫

卷之九

三七

急玩之念自臣蒞任方半年前後倭斬且以五千計惟是智勇淺短不能殲殲掃盡此則臣之罪也疏入不報刑部尚書何簪竟論經與克寬罪死繫獄待決○倭寇掠崑山縣石浦等鎮時原屯川沙堡倭賊復突犯開港周浦等處季泰舟過浦分掠泗涇北幹山倉事董邦政將擊周潘引兵追擊遇賊驚潰潘被創死軍士死傷者數三百人賊遂屯駐石塘橋流劫崑山石浦諸鎮○鳳陽府大水雹壞民田舍○發太僕馬四百餘匹給延綏留戍前鎮軍士○南京御史屠仲律條上禦倭五事一曰絕亂源言宜禁放洋巨艦嚴嚴巨家及下海奸民二曰防海口言宜守平陽港拒黃花澳據海門之險則不得犯溫台塞寧海關絕湖口淨過三江之口則不得窺寧紹把繫子門則不得近杭州防吳淞江備劉家河則不得據蘇松嘉興三日責守令言宜責江南守令當以訓練土兵保全境土為最嚴四曰議調發言近日徵調各處民兵無慮數萬而虞

功不奏坐不善用兵之十歷五日作勇敢言沿海如沙民並徒打生手及利庄悍夫皆勇悍可用宜獎諭收錄令併力戰守疏入詔部議行之
○詔江西南贛吉三府行廣益每年定以二十萬引依例抽稅內二分存留八分解部表臨二府仍行准益不許抽稅著為令○官兵追倭於馬頭鎮殲滅之初倭五十餘人自山東日照縣流劫東安衛至懷安衛榆縣後自贛榆流劫沐陽桃源等處至清河阻雨徐卸官兵分道追之殲於馬頭鎮民家斬首四十一級此賊自日照登岸以數十人流害兩省殺戮千餘人至是始滅○柘林倭賊縱火焚巢舊舟二百餘艘出海東越○蘇松兵備任環營總兵俞大猷及永順官舍彭翼南等士兵進攻陸涇澳賊敗之斬獲甚衆餘賊奔潰○倭寇常熟知縣王鈇及鄉官參政錢泮死之詔贈鈇及泮官時鈇率衆禦賊泮從率者民家丁追賊及於上滄港為賊所掩擊俱死巡按御史金制以聞詔贈鈇為太僕少

卷之九

三

卿泮為光祿少卿各任一子歸衣百戶世襲立祠死所祀之○詔復開福建鐵冶先建寧延平二府歲課鐵五十萬斤解部率以浙省銀礦並發禁革至是巡按福建御史胡志變以為言詔復之○六月吏部請遣勳爵宗圖文冊從之初勳爵宗文舊無冊籍一遇故絕爭襲紛然無所考証吏部請乞如軍職貼黃例行兩京五軍都督府將各公侯伯父祖始封承襲承歷并立功者的派子孫與應襲者所自出備造宗圖文冊一存本府一送本部一送吏部每五年一造請著為令以杜紛爭詔可
○倭寇江陰知縣錢鐸死之時倭據江陰蔡涇開鐸統狼兵禦之遇賊於九里山時已薄暮雷雨大作賊伏兵四起狼兵悉奔惟餘鐸及民兵八人盡死於賊巡按御史周如斗以事聞詔贈鐸光祿少卿亦廢子立祠○參政任環營總兵俞大猷擊敗倭于馬頭山時三板沙倭賊奪民舡出洋環督大猷引舟師追擊于馬頭山擒倭首難擒貴及賊五十七

人斬首九十三級是日倭舟被海風飄回者五十人屯嘉定縣民家環率兵攻之不克乃投火民宅焚之賊盡死既而環有親喪巡按蘇拱御史周如斗以倭寇未平請留之詔奪情任事如故○改南京戶部右侍郎楊宜為兵部右侍郎兼倉都御史總督直隸浙福軍務上聞周琬疾甚故罷琬以宜代之○詔罷巡撫浙江都御史李天寵尋罷趙文論死擢巡按浙江御史胡宗憲為倉都御史巡撫浙江時宗憲與趙文華合文華欲扶宗憲宗憲亦力排天寵欲奪其僭言在浙督酒廢事上令罷黜之文華遂為宗憲乃以宗憲代天寵既而復詔逮繫天寵請京下獄以失律喪師竟論罪死○秋七月遣道士二十三人分費香帛祀歷代帝王陵寢○巡撫四川都御史張鼎討夷民阿康返之亂平之康返君宜賓縣時隱為亂有司慮得罪匿不聞久之賊勢益熾至數千人焚屠村鎮皇督倉事焦稷集兵二萬餘討平之擒康返諸梟皆破

卷之九

三

事聞賜其等銀幣有差○詔以馬邑生員張惠為附鎮撫初惠五月間為虜所獲僉令其主事馬籍因知其數又嘗送置正富營頗得其謀在滯中凡二月得聞奔歸言僉答求紹二部兵可二萬六千人叛人丘富日夜導虜為鈞梯攻城造舟渡河靜樂等縣妖人盧山佛等計為內應欲奪左右威遠三城自立為主以接僉酋入寇總督許論上其事請僉錄惠為歸義者初故有是命仍賜銀兩○倭犯南京先是高埕巡倭自杭州西掠至嚴州淳安僅六十餘人以浙兵過急突入歙縣流劫至南陵縣趨太平府時據江都御史駐太平督兵禦之賊引而東犯江寧鎮守備遣指揮朱襄等率勇士數百人出時賊已至板橋襄等急緩不知祖楊縱酒一遇賊盡為所殲群賊沿途殺人由安德鳳堂英岡各門外鄉落搶掠趁秣陵間時應天府推官羅節卿指揮徐承宗率兵千人守閔望風奔潰賊遂過閔而去○八月虜寇古北喜峯諸口總督劉遠

侍郎王忬徵兵拒走之時忬至劉鎮未幾虜酋打來孫黃台吉擁眾數萬薄古北喜峯諸口忬即徵兵拒之虜遂退走忬因大集將佐計賊守諸利害于是條上八事曰列戎守聽權駐據險要專責成明偵報張兵聲恤主兵撫屬夷俱報可忬乃以副總兵吳佩遼東總兵殷尚質副遼總兵周益昌副總兵龔業及總兵趙卿李賢等各統騎步諸兵分守冷口馬蘭峪牆子石塘房及渤海子紫荊倒馬諸關隘自以精兵居中應援又約宣大總督許論各移兵就險勿分彼此界所以為防禦計者殆無不至○詔立擒叛人王直等賞格時南京御史金淵陶承學各言中國叛人王直久住日本主謀煽惑乞懸立擒捕賞格兵部議覆賞格宜如宜大例有能擒斬王直來獻者封以伯爵賞銀萬兩授生營生府職銜其斬獲苗黨者各賞有差○詔進原任主事史際向賢寺卿與四品服色時際輸米五千石助軍餉故有是命○巡撫直隸都御史曹邦輔

卷之九

甲子

機兵擊游擊關倭賊殲之初賊自南京出林陵關流劫溧水溧陽起宜與無錫至游擊關邦輔應與柘林賊合且為大患乃親督兵備王崇古會集各部兵扼其東路四面賊之隨地與戰乃檄召金事董邦政指揮婁宇以沙兵助勦一戰斬首十九級賊始懼奔吳舍欲潛走太湖我兵覺之追及於楊家橋盡殲其眾此賊自紹興高埠奔竄不過六七十人流劫抗最嚴軍太平至犯南都經行數千里戰傷無慮四五百人歷八十餘日始滅邦輔以捷聞賜功食事董邦政時督參趙文華聞此寇且疾急赴之欲攘其功比奏則邦輔已先奏捷文華大怒遂思所以陷邦輔矣○九月巡撫浙江都御史胡宗憲與直隸巡撫曹邦輔會兵進勦陶宅倭寇陶澍時督參趙文華以蘇寇之捷已不得與為恨見調兵四集謂陶賊寇乃柘林餘孽可取宗憲因大言賊不足平以悅其意遂乘簡浙兵得四千人約邦輔以直兵會勦浙兵分三道且兵分四道東

西並進賊悉銳衝浙兵諸營皆潰損失軍士千餘人直兵亦陷賊伏中死者二百餘人賊勢益熾文華先恨邦輔至是乃以陶賊寇患委罪邦輔及金事董邦政泰之詔下邦政于總督建既而刑科給事中孫潛言近見督參趙文華請罷巡撫曹邦輔泰稱約與天攻而邦輔後期及考疏內所列邦輔督副總兵俞大猷進勦在九月十一日浙兵次日方進則後期之罪不在直兵今蘇松士民交口咸稱邦輔實心任事而前流劫留都之倭又為邦輔所滅功能顯然遽請罷斥文華之意殆不可曉兵科給事中張汝復言浙直官兵會勦陶宅倭寇屢遭陷敗諸臣奏報不實且趙文華欺誣大負簡命上乃申飭文華矢心秉公視師圖效○論選女子入宮時諭禮部選民間女子十歲以下者一百六十人○以災傷免陝西西安等八府府州縣正官朝覲○以倭警免浙江杭州等七府府州縣正官朝覲○兵科給事中楊允繩疏陳禦倭之策言

卷之九

甲子

海寇為患已及三載破邑殺官猖獗日甚而迄無底定之期者在將習不振而獎源不革夫為將之道曰制曰法曰謀江南諸將全不知此故用兵之際絕無紀律不鳴金鼓不別旗幟聚如兒戲渙若博沙前有伏而不見後有賊而不知凌率為兵浪與賊戰自相蹂踐全軍覆沒此其咎端在不知三者而至于不設哨探不知地形又其取敗之尤當事者不此之察動以增兵益餉為請意不過張賊聲勢緩已罪愆豈知難括天下之財供江南之役藉天下之民為江南之兵如以蛾赴火以雪膏井竟有何益臣愚以為在先擇將而至于獎源則又不專在外督撫賂在京權要官司又賂督撫皆取具于臣即今于遠待盡之民豈堪摧剋侵剝之患日國家隱憂蓋不止海島之間宜勅令大臣洗心滌慮剋絕朋朋之私和汛掃苞苴之習此端本澄源平倭之要道也疏入納之謹按吳司訓瑞登曰當時嚴嵩父子以貨賄多寡為黜陟而又用趙

文華以視師江浙之吏悉飲脂膏以填溪壑當此外寇方熾之時而又有內寇以腹削之根本重地安附文哉吾以為尤繩之疏更有關於宗社者不小也

詔留巡按蘇松常鎮御史周如斗再歷一年從其士民請也○詔勅令南京兵部尚書張時徹侍郎陳洙致仕奪守備撫寧侯朱岳俸二月以倭犯京城故也○以水災免鳳陽淮安揚州三府及徐沛二州各衛所秋糧有差○虜犯宣大山山西等處時糾眾數萬大舉入寇分犯宣大山西俄而山西虜自平陽方口出總督兵遮擊于朔州頗有斬獲虜遂非由王茂山遊宣府虜亦由瓦窯口引去○以蝗災免山東濟南東昌青州等府秋糧有差○詔復魏國公徐鵬舉充班首如故初南京歲時百官朝賀以鵬舉為班首致詞及鵬舉罷守備撫寧侯朱岳代之鵬舉班首位鵬舉疏請於朝部言鵬舉元勳世臣爵列上公章任未嘗事爵況

卷之九

係欽定班首且今奉祀孝陵先後之序較然甚明請如所奏報可○虜寇懷來川總督王忬督兵擊走之詔進忬官任一子千戶時虜酋把都兒打來孫等悉眾屯懷來川攻南塘兒牆黑衝峪大石溝諸處忬督兵拒擊後走之事聞進忬右都御史兼兵部左侍郎仍任一子千戶併錄宜大功加總督許論太子太保餘有差○冬十月裕王第一子生群臣具疏稱賀○詔遣繫昌平知州衛錫詰京訊治堂太常寺徐可成言寺丞王守一祀長陵至昌平細不倫鼓樂夫役送迎香帛亭又責械其樂舞生非朝廷重慶之意上怒故有是命○以旱災減免山西太原等府稅糧有差○詔殺直隸浙福總督尚書張經巡撫浙江都御史李天爵及兵部員外郎楊繼盛于西市初繼盛獄具至冬月朝審三木詰諸諸內臣士庶夾道擁視因共指曰此天下義士又指其三木竊嘆曰奈何不以此囊萬與世蕃繼盛口吟曰風吹柳鎖滿城香簇簇爭看員

外郎豈願同聲稱義士可憐長板見君王聖明厚德如天地走豺稱平過漢唐性僻三來歸視死此身原自不隨楊上英斷神路繼盛雖論死心實器之每謙繼盛報執筆躊躇者久之卒不忍殺惟邊防軍務失律者必殺不貸當知上意乃以張經李天寵疏覆奏而附繼盛于尾上覽之怒江南賊寇遂下旨行刑繼盛妻張氏上言臣夫諫阻馬市預伐仇鸞逆謀聖旨薄誦旋以鸞敗首賜前雪一歲四遷臣夫御恩

圖報誤聞市井之言尚徇舊生之見荷上不即加戮俾從吏議杖後入獄割肉二斤斷筋二條日夜籠檻備諸苦楚年荒家貧臣紡績供給兩次奏謝俱蒙特宥今歲混入張經疏尾奉旨處決倘以罪在不赦乞將臣梟首以代夫命天生一日必能執戈矛禦寇寇以報陛下奏入為高所抑不得達遂與張經李天寵同死西市是歲論大辟囚當刑者凡百有餘人詔決九人而經天寵繼盛三人與馬由是天下罵高父子及文

卷之九

四三

華蓋其

謹按吳司訓瑞登曰士師天下之平西市臣民之聚即使一人無辜受戮亦于陰陽之和名夷狄之變况張經嘉興之捷為第一功楊繼盛劾嵩之疏為第一忠即李天寵之在浙亦不過飲酒廢事何嘗失律喪師特為趙文華輩誣陷一旦遂致之死况當刑者有人而所夾者九人三良與焉豈非天下人心之共憤乎是時何嘗掌刑罪可勝誅哉噫嘻此忍心甘為故入至于楊七絕疏論侵冒而反曲律處絞宜天災地裂史不絕書也

又按楊忠愍贈刑詩曰浩氣還太虛丹心照千古平生未報恩留作忠魂補天下相與傳誦先是忠愍在武選嘗獨居深念至夜分夫人張問其故曰吾受上恩恩有以報耳張曰嚴相國方用事豈君直言時耶忠愍不應遂沐浴具跪上在獄時有一吏應生頗為周旋尚書

屢禁之不為動又欲自具請中救忠愍曰歲予血三年而碧者即地
下必有以報應生及遇害時王世貞吳國倫徐中行王世懋等執手
泣訣經紀其喪而王遂以女許配其次子應箕全其後事尤人所難
支進士大綸曰嚴嵩內結貴璫外布黨與既戒邦憲復逆天道公殺
諫臣自是而沈鍊郭希顏繼殞矣即聞門寸斬不足以洩義士之憤
也

南京兵部尚書潘潢卒潢婺源人市文學行誼修饒士論重之○十一
月壬辰朔日食○以提督南京江都御史史褒善為南京大理寺卿
尋還原職時褒善遷大理兵科給事中楊鏡上言東南倭夷方熾參贊
巡撫俱以失事黜褒善等脫罪譴乃得美遷以釋重負因循規避若此
惡惡何時已乎乞還褒善原職仍將銓部罰治 上是鏡言令褒善
仍督撫江寧遂即俸一月吏部尚書李默等姑負之○詔足甲役舖戶

卷之九

四

事宜初巡城御史黃正色奏章夫役八事堂錦衣衛事陸炳亦請處舖
戶均甲役章舖長以恤民窮俱下都察院會官集議至是條上八事一
均甲役言是優免之則二處舖戶言酌食需之宜三章舖長言止宜總
甲之役四均舖舍言齊人戶之數五省刑罰言止水火盜賊之報六章
夫役言稅役不許聚撥七均雜役言不得科歛器用之類八禁豪橫言
治玩法生事之民議上俱允行之○遣使送歸琉球就學首生先是琉
球國中山王尚清遣官生蔡朝用等五名就學南京國子監至是在監
五年請歸國省親聽用許之遣使送歸○虜入遼東大掠義州諸處時
虜酋打來孫等擁衆入遼東塞殺掠義州諸處居民總督王忬復拒擊
走之巡按御史上言地方被殘宜徵定總兵官殷尚寶罷免巡撫都御
史嚴志鼎并切責總督王忬章下兵部尚書楊博覆言尚寶等力能卻
虜情有可原 上從之置不問○詔止徵狼兵是時調至客兵多恣暴

卷之九

四

肆不奉約束川兵與山東兵聞泰將尚允紹幾為所殺至於出戰皆自
為進退自酉陽兵為倭所敗即大譟奪舟徑歸蘇州田州瓦氏等至浙
多驕悍所過殘掠居民迄無戰功可錄于○總督侍郎楊宜上言徵調
狼兵非徒無益而肆意騷動殘害百姓請罷之 上從宜言命兩廣督
臣查果遣發隨路掣止○詔右都督朱希孝左都督陸炳各任一子錦
衣千戶嚴鵠官校戴經李恩各進一級時希孝奏言鵠執獲廣謀哈台
白馬廝二人炳奏言經恩執獲廣謀波羅花鬼羊羔二三人皆我華人
易名為廣用者兵部尚書楊博議覆 上命希孝炳各任一子錦衣百
戶嚴鵠等照烈陞級鵠嵩之孫經恩皆炳家丁也○閏十一月光祿寺
卿章煥疏陳禦倭之策條止八事一曰統兵之制未定言將佐雜居諸
軍為合兵親將如弁髦將視郡縣如傳舍必將有專閫兵有常伍無事
相習有事相隨則兵可統江制倭兵之制未定言諸軍目不睹軍容耳
不聞將令有急驢之不能卒集臨陣而逃轉相掠劫必平時有約束臨
陣有紀律則兵可取三曰調兵之制未定言調至土狼獾悍難訓必以
諸邊節制之兵為準調到土狼之兵為輔則調可用四曰募兵之制未
定言分道募兵皆游手無賴來去不定道路驛騷必程其技力籍其家
室守法者厚恤犯法而逃者重戮則兵可募五曰練兵之制未定言始
調客兵不練鄉兵既用鄉兵又散客兵及鄉兵難持不免復徵客兵不
惟緩不及事且恐為客兵所侮必識權宜實用則兵可練六曰屯兵之
制未定言兵有營居故可聚不可散有行列故可散不可亂今雜處市
廛嬉遊里巷遂令山東稚銳變為純樸狼苗鄙野威習歌舞必營居行
列早為區處則兵可屯七曰行兵之制未定言南方皆沮洳之澤葦葦
之場動犯兵家所忌必行有斥候止有堅壁又有戰地有間謀則可正
可奇可疑可伏而兵可行八曰養兵之制未定言師行糧從預者主數

弱者主變今或臨陣未食或食至不均或師行境外食且城中必給軍
有制備士有資帛死扶傷恤孤問寒則可飽可饑可生可死而兵可養
又言倭賊遠來多苦於饑渴漸積藏賊據而食所向無前如使築城繕
堡蓄積收飲野無所掠又坐困之道也部覆疏切時務請下督撫嚴處
行之○詔秋御史曾佩發成邊衛初佩制卷南京事竣繳冊有奏啟二
本上貴問故本為何佩以舊制對奏啟自東官慶後非一二年淺近
差錯此必有說鎮撫司嚴訊以聞下法司擬罪生佩違制宜黜為民
上令重振政成邊衛詔可仍杖而遣之○詔別防倭諸臣職守給事中
孫濬上言防倭諸臣既有巡撫總兵又有總督及督察重臣事權不一
牽制靡定所以迄無成功議下兵部尚書楊博覆言諸臣職守督察主
錫忠討寇嚴實布聞總督主徵集官兵指授方畧巡撫主督理軍務指
置糧餉總兵主設法教練身親戰陣至于有司責在保安地方固守城

卷之九

四六

隄上然之命行諸臣各加遵守○十二月詔名南京新設軍營為振
武營初用兵部議選南京各衛餘丁補正軍三千以都督段堂領之使
防守京城又選孝陵衛餘丁三千人以豐潤伯曹松領之使供護陵寢
各赴營場團練南京兵部尚書張鰲復言福建都指揮黃鎮四川寧州
衛指揮劉顯江西贛州衛指揮謝朝三人勇畧素聞可徵赴官都教練
軍士報可○命戶部遣官往四川山東諸處取礦銀○詔遣驛給事中
楊允繩于獄訊治論死時允繩與御史張巽言巡視光祿錢穀疏論寺
丞胡青混報子孫偽增物價乾沒帑銀宜正侵冒之罪青上疏辯許言
玄典隆重所用物品不敢從取之數允繩憎臣棟選太精斥言不過資
事之用取具可耳何必精擇訓防皇上齋祀靡費駕言劾臣苟有臣子
之心安敢如是皇上為國為民誠格大臣有欺謗如允繩者何以為
百官勸臣一勇不足惜如朝廷休憐上大怒詔錦衣逮治付刑部

論罪尚書何曾生允繩誅為比子罵父律論絞上今仍同與言廷杖
八十繫獄待死巽言及骨仙謫補外○召督察侍郎趙文華還京先是
文華據王江涇之捷為已有又奏言督兵破倭于周浦等處捷聞召之
還京時各臣奏勦功罪俱明獨何曾事重邦政指揮要字二人文華惡之
曾竟不及巡按直隸御史張雲路徐敷教亦為論奏不報○吏科給事中
王鶴請禁治監司之奔競守令之驕橫者上言今天下奔競者莫甚于
方面而驕橫者莫甚於進士之有司撫按一到或陞代節且兩司紛紛
謁賀往來道路無有寧時廉給夫馬重困里甲近以地方多事奏請多
選進士充守令初至則餽贈賄賂集盤司為揚既得為揚食酷並作乞
勸令該部痛懲前弊一體罷黜疏下部議行之○山西陝西河南同時
地震時陝西地震聲如雷雞犬鳴吠山移數里平地折裂水溢出西安
鳳翔慶陽諸府州縣城皆陷沒官吏軍民壓死者數十萬時厚任兵部

卷之九

七

尚書韓邦奇光祿卿馬理祭酒王維禎同日皆死連震數月人心惶懼
夜皆露宿不敢近廬舍山西平陽蒲州河南河洛諸郡縣皆震○外馬
房草場火○兵部尚書楊守禮卒守禮蒲州人喪明有大度不為世俗
態才猷敏達所至著有聲績○晦日無光時日光忽暗青黑數日
影如盤數十相摩視久則百千飛邊滿天向西北而散易通卦驗云曷
智同位日月無光

萬曆三十五年

春正月辛酉朔上不御殿○寧夏地震有聲○賜黔國公沐朝弼勅
令其節制土漢諸軍撫按官不得擅調諸司白事及移文謁見禮儀俱
先鎮守後撫按違者以名聞初朝弼自都督襲封又以先事被勦有司
薄之稍奪之事權至是援父祖例請許之○兵部尚書楊博以憂去
總督宣大兵部尚書許論還部掌事○庚辰彗星見時彗出進賢星

芒長尺西南指漸長至三尺餘歷掃太微垣次相星又東北行入紫微垣掃天床星至四月二日始滅○二月會試天下貢士命大學士李本少詹事尹臺為考試官取金達等三百人○命戶部侍郎鄒守愚往陝西等處祭告境內名山大川河洛之神及祀典所載神祇以地震之變故也○詔罷直隸浙福總督侍郎楊宜時趙文華與巡撫浙江胡宗憲私厚亟欲以宗憲易宜文華正月入京上諭大學士嚴嵩問文華南寇始末文華即冒言寇起時苦無兵今兵集苦督撫非人不能調度請以宗憲代宜故特詔罷之○詔逮繫吏部尚書李默于獄訊治論死初默復入吏部益有直聲給事中梁孟龍劾默剛徇貪污以名器為罔利之媒不宜久縱以傷國體默上疏辯上兩舍之不問默初為綠大學士嚴嵩進用及典武試取陸炳為門下士炳得勢內援默日見信響默遂與嵩高第之趙文華自江南視師旋凌侮公卿無敢抗

李本

者默獨以盛氣折之楊宜既罷嵩與文華欲用胡宗憲而默復請用王誥由是惡默益甚文華遂摘默部試選人策問中漢武征伐四夷而海內虛耗唐憲功成進祭而晚節不終諸語指為謗汕劾之上大怒下禮部參者尚書王用賓等屢言默偏執自用失大臣體而策問所引尤不宜言上以其黨護切責用賓等下默錦衣拷訊法司論罪刑部尚書何喬遠坐默比子罵父者律絞上曰律不言臣罵君古所無也今有之其加等處斬默竟死獄中

謹按文進士大論曰李默博雅有才負氣好以愛憎軒輊人在銓部大通賄賂及文華以策問構獄則近於及唇腹非之法矣故人遂惜默而罪文華

以胡宗憲為兵部侍郎總督直隸浙福軍務○詔逮繫直隸巡撫賈邦翰請京訊治遂請成邊趙文華隨之也○三月以大學士李本攝吏部

事本攝吏部欲第九卿長貳及寺院督府諸大臣材品奏請去留乃上言大臣者小臣之倡也大臣不職則小臣靡然從之故去不肖者先大臣于是甄別諸臣百十有三人別為三等其上二十有八人前工部尚書具鵬次趙文華嚴世蕃陸燿燁馮天馥何喬遠沈坤諸人其中七十人則駱德卿徐履祥趙貞吉諸人其下十有五人宜斥免南京吏部尚書楊行中禮部尚書葛守禮及文守淳郭馨陳邦修等多可大用者時論昨之又考察不職科道官共三十人不謹都給事中鄭從善等不及都給事中王鳴臣等皆罷黜降調如例御史留用者仍各杖四十是時大學士嚴嵩欲錮排異已以懼眾志故本一切屏斥公論益為不平○顯陵後恩等殿成訖工詔加提督侍郎盧敷倅一級倅一手國子生其舊從諸官各擢實有差○詔誅降虜人王青等三十二人初虜入山西生得漢人輒降之唱以厚賞令詐為口外饑民行乞入邊使就虛實故虜人

李本

款得利去至是虜酋俺答謀犯邊先遣降人王青等入偵而按兵威寧海子待之會青等三十二人俱為山西三關總卒所縛巡撫王崇古上言狀詔誅賈青等實崇古等銀幣有差○以工部尚書具鵬為吏部尚書時吏部缺會推具鵬即曉王用賓請上曰晚舉望不聞用賓貪汚素者鵬亦少風力既而後疏推鵬雖少風力但志圖報效任之必能盡職上乃命鵬○廷試賜諸大綬陶大臨金達等進士及第出身有差○加大學士李本少保武英殿大學士以考察九卿堂官及科道事竣故也○擢工部侍郎趙文華為工部尚書時吏部會推文華補工部上悅其得人遂擢用之○夏四月改南京吏部尚書郎曉為右都御史兼兵部右侍郎協理戎政改禮部尚書王用賓為南京吏部尚書○詔逮戶部郎中金九齡法司訊治雖為民坐廷試時私入入禁門為衛士所執故也○擢吏部左侍郎吳山為禮部尚書兼翰林學士○侯寔

温州同知黃釗死之詔贈浙江參議一子立祠時寇薄城釗馳出
出兵迎擊戰敗被執賊欲索千金為贖釗罵賊不置賊怒遂磔殺之
聞贈官廕祀○倭犯崇德遊擊將軍禮戰于皂林死殺自乍浦入欲
犯杭州禮以數百卒守崇德乃逆戰于皂林分左右翼夾擊之賊首徐
海等皆辟易獲七十餘級力竭無援大呼鎮撫侯何衛義官霍貴通
等力戰俱陷陣死事聞詔贈禮都督廕子世襲獲金事槐衛亦贈加
二級貴道贈光祿寺丞廕一子知印○總督胡宗憲奏遣寧波府生員
蔣洲陳可願使倭願還至五島遇王直等言日本國亂王相俱死諸
島夷不相統攝漸徧諭之乃可殺輩皆遣省無嚴以窮自絕賊令中
國貸前罪得通貢市願殺賊自効宗憲以聞下兵部集議不可乃止○
詔建寧南謝典先是上諭禮部曰春夏之交而雨澤少四多災皆係氣
數未有人能叩上玄者勿謂不經理宜敬奏其停刑止屠仍告六宮廟

卷之九

五十

未幾雨降上悅大學士嚴嵩等率百官表賀建謝典三日甘肅天
鼓鳴○倭寇犯鎮江瓜洲儀真等處○戶部左侍郎鄧宇昇等奏
詔陝西祭告賑恤還至河南病卒詔賜祭告贈右都御史謚襄惠
一子國子生○夏五月壬戌木星逆行犯房宿北第一星○命太子太
保工部尚書趙文華兼右副都御史總督浙福宜隸軍務初倭逼會
守臣關門并郊關之民提學阮鶚手創關武林門納之且百萬倭不能
犯故超拜巡撫時宗憲欲撫賊文華意嚴世蕃庇鶚抗議主剿遂
共銜鶚鶚未至倭剽乍浦宗憲遣委代子鶚卷甲突其圍敗
之又追擊之嘉興臨平山又敗之皂林賊遂集圍桐鄉鶚夜馳入保環
攻之百法不能下宗憲遣紅牌令講成鶚發砲碎之五書鶚由責宗憲
其屬御史趙孔昭疏乞援宗憲害宗殺死守月餘徐海中鉅彈窮乃遁
沈庄鶚遂進薄之巡江御史邱惟忠言倭寇通州攻圍未解餘自狼山

轉掠瀕江諸郡縣而瓜儀為留都門戶鎮常乃漕運咽喉不可視為緩
圖宜大集客兵嚴勅諸臣協力共靖其亂兵部議覆言倭自入犯
以來未有偏浙之東西江之南北如今日者縱使地方多兵而分投防
禦不無顧此失彼之患徵兵應援實不容已日者趙孔昭乞援已議令
徵集湖廣土舍永順夷兵併山東河南廣東打手毛葫蘆等兵共六枝
俱赴浙直軍門聽用今再議選河南睢陳山東八衛陝西延綏及徐沛
募兵然徵調雖多事權貴一請勅遣才望大臣一人總督前去以為指
角保障留都上然之時工部尚書趙文華請行乃命兼副都御史以
往先是文華視師回言殘寇無幾旋當清蕩及倭患愈甚羽書屢至
有是命○冀州高邑新河栢鄉陰平及廣平等處地一日三震如雷○
初建真武殿於齊雲山○辛午金星晝見○遣制勅房辦事左通政王

卷之九

五十一

槐錦衣千戶全天爵同內使一人抹礮取銀於薊州王旺峪先是有詔
採礮禮部議遣司官一人往既行上曰天地之寶不可不重命召還
原遣官而以槐等代之○命兩廣河南湖廣等處歲進葛布時上諭
內閣朕近取葛布於內司皆無見貯者惟祖宗時左右進御則有之夫
葛之為服見於經亦為可用其令工部議奏工部覆言葛貢載豫州厥
貢絲泉是貢葛自虞夏已然矣今四方產葛之所惟兩廣河南湖廣可
僑上用但一時難卒辦宜先於京城權備其每年供用者乞下所司定
織獻之得旨每年進入百疋○以翰林侍講邢一鳳為南京太常少卿
○六月詔罷提督操江都御史史襄善初襄善駐蕪湖聞浙西倭寇突
至即馳往徵軍避之賊渡江陰過狼山直抵瓜州至揚州無能禦者給
事中張師載論劾襄善吳懷失職上令罷之○廣東倭寇劫掠潮州
等處巡撫都御史談愷以聞因請以本省兵船赴浙直軍門者擊退自

收部言並海諸省俱係要地宜令慎與胡宗憲酌議彼中事勢緩急以
為去留不得自便彼此從之○倭寇入慈谿知縣柳東伯亡去詔令削
籍初王忬在浙令兩浙諸縣皆築城自固獨慈谿士人持不可至是倭
衆大至東伯不知所御携印組走匿寇殘殺人民無寧縉紳被禍尤慘
始追悔不城為失計東伯失守當生死以無城可守削籍為民○慈谿
省倭官杜槐等追擊倭賊死之詔贈官廕祀初倭入慈谿槐與父文明
率兵追敗於王家園海道劉起宗因委防守餘姚慈谿定海三縣未幾
與賊遇於白沙一日戰十三合殺賊三十餘人斬其一酋槐被創遂
墜馬死文明別將兵擊賊於鳴鶴場斬白眉倭帥一級從七級生擒二
賊上驚呼為杜將軍既而復追賊至奉化楓樹嶺以兵少無繼陷陣
沒巡按趙孔昭以其事聞詔贈槐光祿寺丞文明府經歷廕子國子生
有司立祠祀之○大學士嚴嵩乞休不允時嵩一品九年再滿上疏辭

卷之九

王

位且言國家考課循典群臣歷俸九年者例不引奏復職况臣忝居廷
臣之首再歷九載無尺寸之功以年以例俱當引避上賜勅獎諭慰
留之○秋七月詔授帶俸太子太保禮部尚書顧可學光祿大夫柱國
廕一子國子生以六年秩滿也○制勅房辦事左通政王槐進王旺峪
礦銀三千兩并上中下礦砂各五斤○西苑獻瑞穀一莖雙穗者九十
五本詔獻太廟群臣表賀○詔脩紫荊倒馬諸關隘以兩水衝地故也
○八月襲封衍聖公孔貞幹卒於京師賜祭祭如例其子尚賢請回籍
終制許之○詔廢徽王載瑜為庶人自絞初王國開封鈞州先恭王薨
殺知州巡按御史劾之上謂御史私庇其屬逮詣京廷杖之及王即
位謂帝庇我乃益橫日嗾護衛卒慘羅士民家腴美田園奇異木石輒
占取之女子端麗者強昇入府為官婢不可則以千衛卒小有過輒笞
死或生啖虎豹或生蓋棺中煢煢死痛哀聲徹道又庇其伶人使凌轢

縉紳又挾諸客微行鳳陽留都入素好方術士煉女藥為鉛服之云能
延算時有梁散人以羽客出入王門下知上好方術乃竊王鉛走京
師會緣獻上服之上喜復索鉛散人不能繼貽書求王王謂吾鉛
當自厭何為假彼市寵也乃不與散人御之一日上從容問散人爾
遊微知王何似散人前卻奏曰日者猶未諸事自遊留都還則大晚
暢上愕然自是疑王而州民耿安有女在王宮被驚死燬其屍安痛
女非命走京師上變告王謀不軌且指其潛窺留都鳳陽睥睨非望及
諸罪狀下河南撫按勘覈不妄上怒命削王爵廢為庶人禁錮鳳陽
邸于是巡撫都御史潘思等率眾圍王宮王懼命妃妾四十人俱麗粧
自經王亦經死貨貨俱沒入官先是王庭鍾鼓自鳴後苑見群羊入沒
占者知其為亡國兆云○詔有司採芝上問禮部古用芝草入藥
今產于何所求之可得否具以狀對尚書具山等對言本草芝有赤白

卷之九

王

青黑黃紫其色不同其味亦異然皆云久食輕身王充論衡云芝生于
土土氣和故芝草生瑞命記云王者德仁則芝草生文選云煌煌靈芝
一年三秀漢書儀云芝有九莖金色綠葉朱實夜有光黃帝肉傳云王
母遣仙歌萬年長生之曲授帝以石函王復之書會蘭風瑤池之上授
神芝圖十二卷然世不常有服食之法亦未有傳皇上體道奉玄芝
草自將應時誕生遠近必有獻者所產之地臣未敢預擬于是上詔
有司採諸玄嶽龍虎三茅齊雲及五嶽仍訪之民間會宛平縣民張臣
祐得芝五本獻之上悅賜銀幣自是臣民獻芝者紛紛矣○詔諭總
督浙福直轄軍務尚書趙文華等協力勦賊初文華赴浙沿途檄徵河
間山東兵四千人募徐沛兵千人為前鋒及抵鎮江兵東下諸寇在常
州桃巷諸處者聞之皆解散亡何復聚掠倏忽莫測胡宗憲議欲招輯
之阮驥不可文華等益恨之巡按趙孔昭蘇州巡按周如斗是時驥上

言寇未一挫撫之徒滋後患宜命文華等矢心討賊安民勿輕信其誘
自貽後悔上然之諭文華等協謀剿寇期蕩平○官兵大破倭寇
於沈庄初海舍桐鄉賊黨別陷仙居巡撫阮鶚赴勦謀擊火城中分道
入應三戰賊皆敗遂殲之言者皆謂宜切責宗憲而專任鶚剿平上
從其議曰言撫者斬於是賊辛五郎等奔茶其山鶚趣兵大破獲之黨
陳東麻葉輩以次授首海勢孤乃退保沈庄溝柵數重官兵皆親望不
敢進鶚大怒曰若輩乃不知海之攻桐鄉即撤趣總兵俞大猷先鶚親
重兵由海鹽突擊之戰實至西海鶚賊之驍所部兵自四月收於觀海
又戰於海軍等處又戰於仙居又戰於白馬廟又戰於乍浦等處又戰
於蔡其至沈庄之戰腹裡賊乃盡是年六月也至十二月鶚與海道正
副都司戚繼光攻舟山且拔宗憲兵乃至戰堅主勦冒險犯難以至成
功又建言善後即死繼賊撤客兵言撫者益甘心矣文華而上捷書襲
為已功上命械繫首惡至京正法既而兵部尚書許論等言首惡既
擒地方底定皆皇上至誠昭格玄功允洽是以百靈助順謀者啟而戰
者莫非區區人力所能強為乞上修祀用答玄貺趙文華等功次待覆
實權賞上從之降勅旌功令促文華還京○錦衣衛千戶全天爵進
礮銀三千五百兩上諭內閣曰昨王臣塔之寶以勝于稱今可仰承
天地之賜令如法取用不可自壞各處未開之場仍令查訪取用以顯
金玉露形經旨太上玄風于是戶部上疏稱頌聖德因言帝錫嘉祉不
當聖廟於無用之地請宜示大辭及四川山東河南各省委督撫採取
其未開之所仍行撫按按防以稱天地降祥及聖主足國裕民之意報
可○詔訪買龍涎香上諭戶部龍涎香十餘年不進臣下欺愚甚矣
其偽登所產之展具奏取用戶部請遣官馳至福康廣東會同原委官
於沿海審辦可通之地多方訪買期泊罪上仍令遣官雲南求之

肝株之採錫採香之命並使者四出官司督取急於星火論者咸謂
罪陶仲文顧可學云○九月詔許原籍為民駙馬都尉郭景和留居京
師景和籍崑山詣闕入賀聖誕因言臣自五世祖寄籍錦衣世居北方
今被罪南徙不勝大馬馬戀主之情伏伏入賀退而私省公主墳子西山
見丘封豨然判棘不剪臣竊自念孤死尚正首丘臣為生人託命貴
主獨與死者視魄相吊於數千里外不得展春秋祭掃之誠指心傷懷
五內崩裂臣之罪重不敢祈恩惟陛下幸哀故主使臣得寄籍原鄉長
與靈影相依死無所恨願入上憐而許之○杭州府大父自府城東
南隅及郭外官民廬舍焚燬數千區死者不知其數○廣東省城口廣
西小至子打來孫等寇一片石喜各口諸處總督王軒督兵拒走之事
聞詔賜金幣有差○大星犯太微垣上將星○命孔子六十五代孫尚
賢襲封衍聖公○庚辰大風揚塵四塞○總督尚書趙文華至京初文
華再出督兵時至徵兵集餉靡費不貲于是提綱後復加徵稅租截留
漕果扣除京帑迫脅富民脫釋凶醜按括公私金寶圖畫以百萬計其
為軍旅之用止什之一二所徵官士民兵川湖廣貴山東山西河南北
無不罹患而臨敵不前遺還不去往往潛為盜賊行者居者並受其禍
雖有梁在之捷何足贖之至是還京而吳越之間始若脫距○冬十月
太醫院御醫李景進玄猴仙芝四十九本詔留御前賜果絲幣○賜故
駙國公沐融沐登祭祭祭仙芝四十九本詔留御前賜果絲幣○賜故
如例給卹典從之○金星重見元四日○湖廣苗匪叛總督侍郎馮岳
平之初張岳既去諸苗慮阿頃等復叛馮岳至徵總兵石邦憲復擊平
之舉聞進岳右都御史無侍郎印憲都督同知餘皆擅賞有差○十一
月朝鮮遣使歸傳先是倭船四艘自浙直敗還飄泊至朝鮮境朝鮮國
王李恒遣兵逆擊于海中盡燬之得中國被擄并助逆者三十餘人至

畏因遣臣沈通源等入朝以聞并歸我俘 上嘉其忠順發銀幣仍賜書褒獎通源及獲功人李潤慶等皆厚賜還歸○虜犯遼東塞總兵官幹尚質遊擊將軍閻懋官御虜死之時虜衆十餘萬入寇鎮靜堡諸處尚質等帥兵出禦力屈死之事聞詔加贈卹套總督王忬俸巡撫蘇志昂落職○賜大學士嚴嵩免朝仍腰輿入直 上諭元輔嵩年踰七秩賜免廷賀唯入直西苑仍賜腰輿先是賜乘馬入禁至是復加恩寵為異數云○獻倭俘舉謝古大典詔論平倭功時倭俘麻葉陳東等俱械繫至兵部尚書許論等奏請獻俘從之群臣俱具服稱賀仍舉謝玄大典論平倭功加趙文華少保胡宗憲右都御史各任一子錦衣千戶餘陞賞有差○總督胡宗憲督總兵俞大猷帥師攻舟山倭平之初自梁庄捷後倭賊悉靖惟舟山倭據險結巢官兵環守之不能克時土狼兵俱已遺歸而川貴兵六千人始至胡宗憲方留防春汛諫總兵俞大猷經營舟山之賊會夜大雪大猷乃督兵四面攻之賊悉銳出敵殺土官莫翁送諸軍益怒競進賊大敗歸巢官兵積薪草以棕葉捲火擲之賊四散潰出斬首一百四十餘級餘悉焚死賊遂平○戶部主事沈應乾准河南縣等洞礦銀一千兩并礮石礮砂各二壘○廣東官軍討峒賊陳以明等平之初廣東新寧會新與恩平之間皆高山叢菁徑道多及奸惡亡命輒竄入諸徭中吏不得捕遂聚至萬人推以明為主號承天霸王流劫陽江諸處官軍討之數敗督撫侍郎談愷等乃檄諸路土目兵進勦破之斬其賊將偽飛虎將軍伍廷章等衆勝攻賊各巢俱平之事聞詔歷愷一子國子生餘賞有差○廣東布政司進龍溪香一十七兩○十二月鎮江府地震○山東官兵討剿賊楊恩仁等平之思仁青州益都縣民善騎射輕財好施鄉里呼為寨宋江先生事為鄉家所告縣官捕之急思仁遂聚衆謀夜襲府城事泄不果因流劫樂昌諸

城莒州等處諸亡命惡少歸之衆三百餘人至是撫按官檄海道副使聞大年等督兵勦之思仁懼遂變姓名潛走會其黨為官軍所獲乃言思仁所在因俗執之餘黨皆散事聞詔斬思仁等二十二人于市進大年俸一級仍賜金幣餘賞有差○刑部尚書何鰲引疾乞休許之召起丁憂服闋工部尚書歐陽必進為刑部尚書○詔加贈故江西副使許遠三代諡命時遠已加贈禮部尚書子錦衣指揮許瑒復以祖父毋諡命請 上念遠精忠勁節特允之○提督操江都御史高建言狼福二山乃倭寇出入之虞請增募水兵萬人沙船三百艘分發恭將等官操練部議從之

鍾宇記

皇明嘉隆間見紀卷之十

丁巳嘉靖三十六年

春正月乙卯朔上不御殿○改都御史阮鶚昇撫建其浙撫職務命宗憲兼理文華董捷之也及行宗憲盡擢其兵固之○裕王第一女生遣駙馬都尉李和告奉先殿○詔賜故南京兵部尚書韓邦奇祭葬贈太子少保謚恭簡邦奇朝邑人博學多聞篤於行誼學務實不為空言一時學者咸宗之時以陝西地震卒撫按為請祭葬故卹典有加○湖廣鄖陽府地震○南京吏科給事中張師戴等疏陳考察事宜言君子小人之辨其幾甚微君子孤立寡合未免取忤於俗小人阿諛懷寵足以彌縫於人考察大典要當辨心術之微審是非之真以為去留毋分崇卑毋間遠近毋拘常數毋追既往及欲開陳事跡昭示賢否吏部議覆從之○詔封開遷安縣荆子峪撫軍縣牛欄峪昌平州大長峪

礦洞罷勿開採○二月捕司禮太監李彬下獄論死籍其家歸衣都督陸柄勛奏彬侵盜帝真工所物料及內府錢糧以數十萬計私役軍丁造墳黑山會起丁字大券僭擬山陵大不道是實之法上命捕治法司當盜大祀神祇御用等物律與其黨杜泰王庚王愷皆論斬發遣如律沒入其貲銀四十萬有奇金珠珍寶不可計○吏部尚書具鵬左都御史周延以考察農官先自陳乞罷上令盡心甄別賢否詳慎去留不允辭○詔罷戶部左侍郎謝九儀兵部左侍郎沈良才時大計京官九儀良臣自陳有旨改用及科道官趙敏等考察拾遺無九儀良才名特旨罷之亦異舉也○三月倭寇掠寧波府初梁莊之捷徐海等敗死其渠魁王直復糾倭眾六艘約三千餘人入寧波港登陸四掠焚殺慘甚總督胡宗憲方議招納接兵不整奏政則懇請出師不聽○嚴

鎮遠墩入寇常樂堡鳳凰其次子牛義督兵逆之虜眾不敢死守

亦被創巡撫石永以聞上嘉其父子忠勇賜賜祭葬贈左都督世襲加鳳長子官三級守義進都督倉事仍命立祠榆林祀之○權總督陝西三邊右都御史賈應春為南京戶部尚書以副都御史王夢卿為兵部右侍郎代之○權總督湖廣川貴右都御史馮岳為南京刑部尚書以兵部左侍郎王崇善右副都御史代之○初禮部冊封皇女為嘉善公主○宛平縣民張道等奏進靈芝詔賜布帛○巡按山東御史毛鵬請設預備倉從之鵬上言比者郡國一遇災賑動請國儲殊非救荒良策州縣預備倉之設本以濟先近多廢弛所宜亟行修復今東昌既已繕葺可聽其便宜入穀其濟交青萊登五府宜嚴督所司建置實令依期儲穀俟賑從之○權吏部左侍郎孫陞為南京禮部尚書○山東沂州雨冰雹大者如盆小者如雞卵平地厚尺餘徑八十里損傷人畜無

算○夏四月戊子變敵逆行始從亢歷角天門入軫至是夜凡逆行二舍有餘○虜入薊州塞副總兵蔣承勛禦虜死之詔加贈廕廕酋打來孫等擁眾十餘萬入薊州桃林口踰建昌營深河掠永平諸邑承勛率眾禦之賊死越二日出境總督王忬以聞上曰虜入犯近畿殺將肆掠各官不能防禦又不能追敵爾等不從重奏治顯有庇護之情姑不問其令御史嚴實以聞贈承勛都督任一千正千戶既而御史奏劾總兵歐陽安等上怒奪忬右都御史止以右侍郎兼食都御史視事巡撫都御史張祉謫大理丞安寧都督各仍舊視事○詔修薊鎮邊牆上諭大學士嚴嵩頃虜犯薊鎮其與部臣論具嘉會計防所當預者對言流河口牆缺棄置進入犯於得利也爾驛援宜將各口原修未完邊牆作速修補上因問邊牆果起何事祖宗時不知亦有因改之者先代何朝為上今修邊當遠聞嵩言臣乃自五代石晉時制敵前等

十六州之地與契丹遼金相繼宋未能復至我太祖始逐元君此地復為中國有乃命徐達起古北口至山海關增修關隘以為內邊成祖于此建都益加繕治累朝以來缺壞即修復又專設東西巡閱御史每歲閱視昨庚戌後凡京畿邊牆通議修築費銀百萬古北口一帶頗稱完固今口牆亦修完昨賊徒流河口桃河口劉家口此三處聚謂山險賊不能到牆未修完不意賊即從此入今宜嚴勅督撫通關修補專責巡閱御史閱視以後賊徒某口入即治本口原修官之罪如此人方知警事克有濟既而論等復條上七事言修補邊牆以固險隘充實主兵以脩戰守補練營兵以重根本豫處錢糧以防春夏補給兵馬以護陵寢議處宣大以固門戶嚴密擺邊以遏虜衝得旨劉邊已修六年所費不知凡幾今却稱未完以致賊入姑記督撫官之罪王忬等其亟嚴修築之數以聞○原任南京吏部尚書朱希周卒贈太子太保諡恭靖布周

卷之十

三

崑山人學行醇篤恬於世利居官守正士論推之○倭犯江北先一舟自如皋縣掘港登岸焚劫才七十餘人官兵合勢急擊殲之于白蒲鎮○奉天等殿門災是日晡時雷雨大作至昏雷火起奉天殿延燒護身華蓋二殿文武二樓奉天左順右順午門及午門外左右廊一時盡燬火次日始息群臣各上疏慰問上命各加脩省既而告災於郊廟社稷布詔天下上諭禮部正朝係出治之地上下同責勿但朕罪茲二十二日舉祀高玄大興止封停刑百官依脩省例五日乃止○江北倭寇至海洋二洲掘港呂四場諸處登岸九二千餘人流劫海門縣進犯如皋泰興○詔工部脩繕端門外東西廊房給六科中書科暫住○詔議脩奉天諸殿大學士嚴高言人工興修一節臣等查得永樂十九年三殿災至正統間方議修復存天戒也然其時奉天門在即以為正朝今次事有不同所當速議修復但工程重大殿與門或以次興工于是

上諭工二部曰殿庭無不復之理當仰承仁愛毋實直為忤時作斂方可不然恐貽患難圖也禮部尚書吳山工部尚書趙文華等因言正朝重地亟宜脩復但經費有次第當酌議奏請上曰茲先作朝門為是殿堂隨次為之一應事宜議定以聞○五月倭寇犯泰州諸處時有倭舟七艘自金沙登岸侵犯如皋至泰州轉掠揚州山東及徐州官兵禦之皆潰遂薄新水關矢及城中又進犯天長縣都司沃田把總丘君寵禦之皆敗死賊遂入縣治劫掠已而由石梁趨盱眙縣復攻入之遂突犯泗州攻城不克分眾犯清河攻入縣治縱火焚掠而去遂侵淮安府入安東縣焚劫○遼東衛司郎中戴翹查驗各處大木時工部會議修復殿朝門午樓請先宣示神木廠通州潮縣至儀真龍江關蘇湖等處遺留大木解京興工上謂查料過半方可興工故遣趙查驗○江北倭至揚州營于灣頭鎮數日遂犯高郵入寶應縣信宿而去突

卷之十

四

犯淮安掠船四十餘艘旋復入寶應燒燬官民廨舍掘縣北土壩泄上河水入乃架舟遊東鄉由鹽城至廟灣入海居數日開洋東趨○命工部右侍郎劉伯躍兼食都御史總督四川湖廣採辦大木改戶部右侍郎張舜臣工部提督大石窩採石○嘉善公主下嫁駙馬都尉許從誠從誠係定府定興縣人也○詔發太倉銀五萬千緡鎮修邊○六月淮揚兵備副使于德昌等督兵擊倭賊於東鄉縣敗之德昌督水陸兵恭將劉顯率苗兵直前衝賊親斬其渠首賊眾披靡諸軍鼓譟進賊走爭舟戒水陸兵夾擊之斬首百餘級多焚溺死者餘眾退泊雲梯關舉去刀門港遁○巡撫鳳陽都御史王浩以倭勢猖獗請給旗牌計之○詔駙馬都尉許從誠于後軍都督府帶俸給歲祿二千石米及兼支○恭誠伯陶仲文病且革職進歷年所賜璽王金寶冠及銀萬兩且言子孫甥婿俱躋榮顯身後恐不能保上受其所獻溫旨慰答之○倭

止陝西採礦○秋七月詔發太倉銀三萬兩給光祿寺支用○發太僕寺馬一千五百匹給宣府鎮新選遊兵○詔順天府置辦珍珠四十萬顆有奇廣東採辦珍珠九十萬顆有奇○發太倉銀三萬兩于薊鎮二衛兩於延綏為秋防客兵之用○福建撫臣進龍涎香十六兩廣東撫臣進十九兩有奇○八月山東楊穀縣治地中湧血馬尺餘○議更奉天殿名 上諭大學士嚴嵩殿名奉天自己坐是已即天也此意不知皇祖何取焉因言讀聖諭仰窺聖德不以天自居謙中之至然臣聞傳記有曰天子至尊無上又曰人君其尊如天此係先儒之言其原出孔子作春秋繫于天稱天子曰天王此孔子之言後世真易又書言天命天討人君賞罰一歸于天皇祖取義或出于此伏思祖制已久須勅禮官集議以俟聖裁 上曰卿解奉天二字甚正第聖賢所謂非是題扁之用遂論禮部曰昨承恩示未可諉之氣教先代儒臣有言君心通

卷之十

乎天心夫以人君奉天百為萬用孰非天者豈止刑賞大事始謂奉天皇祖命名取義在此然于己身坐之終未安也况又燬初確建文自作人孽今次兩蒙昭示名稱之舊決不可復其會官集議以聞于是禮部會議上言皇祖肇造之初名曰奉天者以人君受天命為之子故昭揭以示處耳然既以奉天命名是昊天監臨儼然在上而臨御之時坐以視朝仁人奉若之意豈為未安仰惟聖明有作禮樂一新顧此殿名獨仍舊貫茲當修復之時乞斷更足以答天庥 上曰會議已明俟至期奏祭於南郊太廟更之○詔罷工部尚書趙文華奉前籍為民謫其子錦衣千戶懌思成遷先是文華視師江南籍貨殃民要功備事上亦稍聞之及還京以金二萬兩金銀床帷一具餽嚴世蕃世蕃姬共二子有七人各金翠爭炫一奪世蕃以為薄已叩之而文華官大司空加少保日驕尤與世蕃不相容世蕃思所以中之 上素以文華能任勞

時三殿大工方興 上以屬文華而欲先建正朝門樓實成甚意文華雖懷狡然實無應卒理劇才不能以時奉旨 上滋不悅世蕃乃為疏乞遣文華使移疾請假 上曰今大工方興司空乃其本職趙文華既有疾令回籍養病然 上既稔知文華罪惡雖斥去意猶未平會其子懌思請假送親回籍時 上方以聖旦祈興止封而疾猶所忌怒曰止封限內乃敢稱病于是令司禮監覘視其偽及小內監至文華箕踞暢飲內監曰上令朕來視疾君疾云何文華押而戲之曰吾第飲酒耳何疾且贈遺復薄內使嘆之以實入告 上怒甚乃以文華江南諸不法罪狀示大學士嚴嵩欲殺之嵩知為世蕃所中患曰吾家心腹一旦敗亡何以勸後乃具疏申救伏謁西苑移日內侍屢傾以聞 上手批曰文華卿子也安得不救然朕之臣也以臣欺君其速殺之嵩復具疏伏謁如初 上乃霽顏手批曰慰嵩老文華放還矣嵩老慰乃削籍罷歸

卷之十一

懌思成遷文華道卒或云仰藥死文華初憑籍高貨要結 上寵既以臃肥後張經陷卒款及再出江南人畏如虎所至望風媚附賄賂填溢與世蕃比周作恩朝野以目一旦斥去中外稱快○改刑部尚書歐陽必進為工部尚書文華既罷 上令推勸能堪司空任者以名聞吏部以必進應詔 上疑其年老問大學士嚴嵩嵩曰必進雖年六十精力尚健前是重城多者能績 上乃用之○召南京戶部尚書賈應春為刑部尚書○重建午門與工○九月詔祀故大學士顧鼎臣於鄉鼎臣居昆山始建議造城比倭入寇東南諸郡邑無城者悉遵嚴義昆山獨以城全郡人追思之請立祠以崇報詔許之○改南京工部尚書馬坤為南京戶部尚書○虜入鴈門塞時虜衆二十萬破應州四十餘堡攻鴈門關巡撫都御史閔照乞兵應援總督宣大侍郎楊順見以為失律當坐乃令總兵校遊虜民婦上首功以自解得不罷去○後前錦衣緹

歷沈鍊于宣府初鍊至保州里中人爭館穀之使弟子從學其父老聞知其故則相嘗高父子鍊亦大署之因東努為偶人三日為林甫槍及萬而射之以泄忿高父子聞之益御鍊而前後總督多殺避虜人為首功以掩敗鍊復念瀝貽言謂讓既而總督宣大侍郎楊順至掩敗益甚鍊諫之語益峻且為詩及樂府歌之順大患陰險嗾經歷金紹魯指揮羅鐙走自世蕃謂鍊結谷為復讎計世蕃以問巡按御史李鳳毛鳳毛曰似有之然予已辭散其黨矣尋鳳毛光祿卿以路楷代鳳毛世蕃又以鍊為囑楷至則與順共為計適有白蓮社妖人通虜者順亟捕之乃寘鍊名于其籍中以誅叛聞下兵部議舉朝皆知其枉而尚書許論竟不為雪理悉如順楷言楷意其毒鍊未足復敗鍊二子驚衣千戶翟楷太常少卿順疑高為我薄意其毒鍊未足復敗鍊二子驚死又逮其長子生員義日考掠之幾不免及順楷敗乃得脫於禍○戊

卷之十

辰彗星見於天市垣內列肆星旁長尺餘東北指至十月二十三日而滅○哈密衛都督米兒馬黑木乞貢許之米兒馬黑木為土魯番所侵乞內附既處之甘肅至是援沙州都督日黑刺例陳乞特從其請○冬十月亥嶽諸山獻芝先是上屢諭亥嶽諸山採獻鮮芝逾九月者勿上至是進獻一千四百餘本既而巡按北畿御史馬斯臧獻二十本巡撫河南都御史潘恩獻二十有五本布政使林茂和獻二十有二本四方繼上者不可勝計耶縣民亦獻一百八十一本詔賞以金幣○重建三殿興工先是上諭禮工二部先復朝門餘次及之既而又諭內閣昨計殿建亦不宜遠須今冬破土治水仍如門建叩於上玄文武大臣乃指俸助大工役于是皇妃嬪御等共助銀五萬九千九百餘兩詔工部收用唐王榮王各助銀五千兩晉王二千兩分下監書優獎大學士嚴嵩成国公朱希忠錦衣都督汪炳各助銀一千兩大學士李本徐

階威曉方承裕駙馬謝詔許從誠各五百兩餘官有差至是上諭群臣皇天眷朕新作朝堂而聽治以是月二十八日建工預奉告於玄極殿及大高玄殿百官吉服視事法司停刑○十一月詔以災傷免山東濟南東昌兗州諸州縣衛所稅糧如例仍命有司加意賑濟○山東鄒縣地震○遼王獻大木七根銀二千兩襄王獻大木十二根銀三千兩各賜勅獎諭○詔遼東襄陽知府李一經工部郎中戴勳儀真知縣師儒諸京訊問俱驅為民以採木侍郎劉伯龍劾其抗違勅旨違誤大工致仕至是卒請卹典禮臣執弗與上曰隆禧手朕有調護之功其所進樂方及香納諸物至全在御宜特予之不為例○重建大朝門興工上親告大高玄殿○海寇王直就擒初直寇本港總督胡宗憲欲戰而慮不勝乃力主撫議檄總兵官盧鏜往來直舟以鄉曲誘之約直來

卷之十

官以都督置司海上通互市直信之亦自分言肅清海波遂與毛海峯乘碧川挺身來見宗憲以賓禮遇使指揮為其館主給與肩輿出入復出載米酒肉供饌其舟人日費百餘金且交貨為信保無他虞宗憲以狀上然不敢悉其故上謂直元元不可赦宗憲既得旨乃密檄按察司收繫詔加憲太子太保餘皆還實有差然直雖就擒而三千人無所歸益患恨謂我不足信撫之不復來日散掠浙東溫台江北淮揚閩中橫表為禍更慘○虜酋辛愛安桃松乘米降辛愛德各子士馬雄冠諸部且兇殺無賴北邊畏之其第三子桃松乘與部目收令哥通辛愛欲殺收令哥令哥懼求降于總督宣大侍郎楊順順自謂為奇功以夷男婦致之闕下辛愛遣騎來索不得乃攻燬諸墩堡塞蓋順懼上言虜情巨測欲協朝廷歸之未及決傳各子黃台吉點虜也詐言以殺叛人五富易桃松乘巡撫大同都御史朱爰請從長計處以彈邊惠于是遣

桃松寨收令哥等遠幸愛各諸婦環視破裂之屬知順無能竟不執送
丘高而攻圍右衛益急○十二月朔金星晝見○戶科給事中徐浦請
止軍門提編言漸直福建近因軍興額外提編以濟一時之急比多因
公倍欽民不堪命今事勢稍息正宜休養而總督胡宗憲既乃於加
徵存留之外仍前提編漫費無稽乞勒禁止既下戶部尚書方純謙
既而浦復奏動輒辱庸係附胡宗憲玩鴉提編實民呂希周侵牟軍帑
皆事有指佐純而可謂停不堪重任可知不報然竊浙中善後疏亦言
提編宜罷察視總督督以爲恨及專撫福建獨罷閩中者○雲南左布
政鮑道明獻寶石計一萬五千八百餘枚○原任工部尚書蔣璉卒贈
太子太保蔣恭靖瑤歸安人瑤光清平親若恂恂而遇事有不可奪之
節卒年九十○冬無雪時 上初雪于雷殿諸祠喻月雪始降群臣表
賀○詔止軍門納級時巡按憲德御史向維持言頃因倭患許總督軍
門權宜納級奈何士來市僧逃軍罷吏向懷罪自匿者皆得歸入于白
晝大都而軍前未見協濟之實夫充軍下死罪一等而亦令納銀自贖
罷閑官亦令效用軍門於其刑罰謂之何故疏人 上罪各官任意行
私令悉收回原發空頭制付監加禁止罷閑官生事等民者悉革回閒
住○廣東總兵靖遠伯王璉等討扶桑黎榜山峒賊平之先是賊首楊
天恩李汝端等勇險據巢招納亡叛流毒一方者數十年至是連等調
兩廣漢運官軍分哨進剿斬首七千八百餘級破賊二百餘處所俘獲
八百餘人地方以寧提督軍務侍郎王訪以開詔處理一子鍾表百戶
訪一子國子生餘各賞有差○詔嚴捕妖人馬祖師先是有人妖人馬
祖師流寓湖州之烏鎮民沈松家以幻術惑聚有物如蜘蛛入人家變
幻飛走異狀禦之則刀杖傷人夜驚懸惑人至死其者有毛髮計中江
林高傑許達李福松蔣明等更相誣飾妖術惑愚民爲所誘者甚衆

約以九月甲子起兵攻嘉興會有洩其謀者官司坐捕之毛峯等皆先
被擒至期馬妖樹白青二旗放火縱掠兵僞奏政劉黨急督兵擊之賊
潰走南潯官兵追擊及於雙林盡殲其衆獨馬祖師者逸去總督胡宗
憲等以聞兵部議兩浙倭患頻仍民生日蹙是以人心搖惑變難易
生故妖道一鼓流言嚮風噴聚今惡黨雖擒元兇未獲舟山遁逃反側
觀望宜急赦脅從而嚴捕馬祖師者以除亂本詔可○以刑部侍郎潘
恩爲南京工部尚書○詔以冬寒暫停山東保定山西採礦召先差採
辦主事張齊錦衣千戶張鉞還京時一歲先後附入各礦金銀王旺峪
銀七千五百兩保定金二十八兩銀九百二十八兩山東金八百五十
二兩銀八千一百四十三兩河南銀一萬五百兩四川金七百兩銀一
萬一千二百兩雲南金四百兩銀一萬兩
庚午嘉靖二十七年
春正月庚戌朔 上不御殿○光祿寺火奪少卿李鳳毛等俸下大官
署正孫昭等於法司問黜爲民 上諭司禮監曰寺火非天災自馬從
謙以來邪黨日多故示異耳○陝西民王金獻芝山一座金西安鄠縣
人聚芝百八十二本內有徑一尺八寸者數本名曰仙應萬年芝山以
祝聖壽 上悅齊以金幣○詔以天寒罷河南採礦召主事沈應乾千
戶李鉉還○給事中張學顏請久任督撫非六年九年以上勿遷吏部
覆言久任責成者所以重付託之權循資叙遷者所以廣疏通之法今
部堂有缺必取諸卿貳卿貳有缺必推及督撫若督撫歲久不遷而資
望淺者乃得躡陞散僥倖速化之心失出入均勞之義非定論也第宜
稍加督責令毋貽患地方且詔如部議○二月賜嘉善公主薊州牧馬
草場地二千五百九十五頃○命戶部督催廣東年例香料○倭犯廣
東千戶魏岳高洪死之時倭犯潮州之鮑浦攻蓬州千戶所食事萬仲

分部水陸兵馬東西哨之臨敵而哨兵皆潰潰哨十戶魏岳高洪俱死○諭諭探木催科官務安靜行事時大工趨辦甚急民不堪命給事中魏元吉上疏言狀因請嚴差官騷擾之禁故有是命○虜圍大同右衛命發帑金應援時大同自納虜婦挑松寨之後虜圍日急至者滋衆道路梗塞烽火斷絕總督楊順上書告急副總兵尚表護運入右衛虜復圍鐵圍之數重經月不解巡按御史路楷亦言右衛城中併寬而食折屋而燬勢甚倒懸危在旦夕上聞而大駭命戶部發帑銀十萬兩亟遣才幹司屬督運濟之時度支告匱尚書方純等奏懼不知所出請令工部錢糧分其半還之本部以濟匱乏上切責純等謀國不忠明日純謝罪請先發太倉銀五萬兩及紫荊關新城倉浮圖峪客兵米二萬石豆一萬石蕪程運至大同以濟急用報可乃以郎中謝教督運大同○三月南陽地震有聲○詔逮繫宣大總督楊順巡按御史路楷

卷之十

十二

上曰時來之言不可盡謂風聞○遣官校逮繫順楷請東下錦衣獄獄具刑籍為民論亦削籍○召起後楊傳為兵部尚書上思傅忠乃自朕中奪情召起之○改戶部尚書方純為南京戶部尚書以刑部尚書賈應華為戶部尚書○遼東大饑人相食詔發太倉庫銀五萬兩補給軍餉○以兵部侍郎江東總督宣大軍務東至鎮視事奏聞上報曰右衛又困朕聞城中將變爾急用心處置可無左食都御史奏論兵部曰右衛困急江東勿以權任辭務令盡心幹理逐賊入餉○詔逮繫巡撫福建都御史阮鶚詣京黜為民時御史宋佛望上言邇年舉用邊臣卒以奔競為通方僂謂為揮霍不一二歲輒計還權每有敗劾巧為掩蔽甚則求歸相載而去如何棟之在制邇周琬之任蘇松是已語及鶚久徵客兵騷擾民間至為十恨之誣宜罷斥未報時閩寇方張憲既奔舟山功恨鶚善後疏罷狼土兵盡撤回鶚兵鶚獨將自選五百人入閩遇賊於福寧大戰於連江等處至福清海口皆募土著應敵以選鋒設奇破之然巡撫創建兵備調動行戰立恩心料手書募兵皆身餽食戰頗利宗憲乃乘間使世蕃風所私劾鶚刻民聚怨于罪鶚方督兵戰於海口就陣逮歸京師下鎮撫司訊治過不掩功罪為民○以協理京營戎政兵部右侍郎鄭曉為刑部尚書曉因上言故事在京軍民詞訟俱赴通政司告送法司問斷各衙門有應問者奏送法司不得自決比來事權不一諸司各自受詞不復奏送甚有私紙贖以為利者且其間拘禁捶楚或妄以意見出入顛倒法令致善良苦于紛拏奸頑喜於詐冒請申明會典條例令內外諸司通行遵守上納之○詔逮繫兵部侍郎具嘉會于獄諭刑籍御史萬民英論劾嘉會巡撫薊州時侵牟築塞帑金上命收繫既而獄具削籍為民○詔逮繫給事中具時來主事張耕董傳策于獄論及邇時吳時來等各上疏劾勅大學士

卷之十

十二

嚴嵩納賂誤國狀時來言高輔政二十年引用匪人邊事日非邊臣冠
刺軍餉以餽執事執事受其餉而典之合黨欺君令子世蕃入直票擬
干與國政窺覷錢微以市恩私引其親屬為文選郎中方祥為職方
郎中比周為奸賄賂公行故俗呼索為文管家祥為武管家凡進退一
人行止一事必關白世蕃不論人之賢否事之是非惟視賄之多寡如
趙文華勦倭還京餽遺數萬猶以為未足而授草引疾張經被逮行金
五千及聖斷不貸而說為賄郎王汝孝失律以三千金而得遣成蔡克
廉撫淮揚亦以三千金而轉寺卿楊順欺君誤國何功可錄而三廢其
子計前後行金三萬而方祥亦得二千共加會修邊倭冒亦何功可錄
而驟遷三官復三廢其子則以黃白厄藝五篋而趙文華為之開通邊
事不振軍民困窮職此之由抑言高位極人臣貴甲天下錄其子至工
部侍郎孫至錦衣中書實客盡登顯要親戚俱衣青紫古今以來可謂
極遇報恩當何如而乃恣行貪險大壞紀綱邊情之所以急儲餉之所
以乏人才之所以皆高所致且其險足以傾人其詐足以惑世其解
足以亂政其才足以濟惡使天下之人深畏其威而不敢言不可不急
處以謝天下傳策亦言高奸貪諸冰急當罷斥以收人心時大學士徐
階雅不與高同而時來神皆階門生傳策又松江同鄉高太疑階與素
必有人使之者乃下時來等子鎮撫鞠訊備極苦楚竟無所言獄具擬
坐重辟刑部尚書鄭曉執不可上怒降中旨廷杖之謫戍嶺南高尋
亦乞罷上優詔不允○昌平州地震○夏四月詔進大同副總兵尚
表為都督會事初表以開住官選餉入遼上以表雖用而老不能出
師遣副總兵馬芳統所部家丁赴之其日表捷首至言官軍突圍
與虜戰斬一人獲十八人內有僮各一孫及一孀虜退舍十里上加
表功故令進秩○倭寇掠臨海縣時倭寇二十二艘約數千人掠臨海

之三石鎮總督胡宗憲驅走之○命兵部尚書楊博出督宣大軍務時
大同右衛圍久不解議者以為非博往不可上遂命博出督宣大厯
部中位以待之令刑部尚書鄭曉攝兵部事○總督浙直侍郎胡宗憲
獻白鹿時宗憲得白鹿於舟山獻之大學士嚴嵩等表賀○密雲地震
有聲○詔前巡撫遼東都御史蘇志皋籍給事中張益論劾志皋貪污
敗檢上命削籍為民○詔發帑金協濟大同上諭戶兵二部大同
右衛父園之食即舉督餉大臣一人前往山西裁劑諸處糴米轉給仍
徵薊州諸處兵馬赴援戶部尚書賈應春奏發帑金四十萬兩赴大同
支用從之○裕王妃李氏薨上親定喪儀如壽定王繼妃吳氏例以
部疏錄薨失礼命改為故○大同右衛圍解先是虜分留右衛圍尚表
運餉入城乃移大營內牧由是內外斷絕兵部尚書楊博奉命出督宣
大徵諸鎮卒聲言伐虜羽檄日十數下總督侍郎江東等選集主客兵
數萬嚴部而進虜聞大兵至悉拔帳而遁東遂以是日入右衛城所運
糧凡四千餘石居民感泣呼聲震地自以為更生初有倡言宣大可棄
者上問大學士嚴嵩嵩設為難辭欲上自棄之上汲汲措餉發
兵為更易文武大吏而虜尋引去右衛以存時守將尚表與虜相拒幾
四閱月誓志勵眾死守不屈博上其功優叙之王德戰死奏為立祠贈
庶詔加傳太子太保兼左都御史既而御史桑尚約言右衛殘破以來
耕稼廢於攻守田畝蹂於虜騎廢舍器具盡於炊爨農夫戰士夷于鋒
鏑今雖暫解將來未可知宜大加賑恤嚴設守備為善後之計上深
然之○五月大軍時久旱未將立稿上命齋祀高玄忽雷電大作雨
雨霽足群臣表賀○命留兵部尚書楊博於宣大鎮先是命博總督宣
大事軍還部及右衛圍解議召還博給事中張學顏上言宜假博事權
令其專意綜理不必還部上以為然乃命博留鎮視事博請以進士

校邊縣以重邊防之既而傳因陳善後二十餘事于右衛東路牛心山諸處築大小土堡九座墩臺九十二座接連左衛高山站以達鎮城潘大河二道各長十八里五旬訖工請命御史視之上嘉其功大成速降勅加獎資以銀幣○山西蒲州廣東潮州地震○倭攻福建惠安縣知縣林咸死之先是倭千餘攻惠安咸率丁壯乘城禦之倭攻五晝夜不克丁壯死者數百倭亦頗有損失乃引去咸復率兵攻倭於縣境之鴨山乘勝追奔陷賊伏中而死○浙江東陽縣地出血時東陽湖城張思齊家地折泐三四處各湧血若綫疑結片起大就食之掘地無所見巡按御史王本固總督侍郎胡宗憲各上其狀因言往歲慈谿曾有此異未幾有海寇之殃今諸寇未息而東陽復爾可為寒心乞勅大小臣工一体警備從之○福建倭結舟自海口出港泰將尹鳳督武舉楊承業等引舟師擊之衝沒賊舟七斬首六十八級生擒七人餘舟敗遁

卷之十

十五

鳳等追至東洛外洋及七礁白大諸處斬首百餘級生擒十六人銳傷及溺水死者甚眾福興倭患自是少熄○陝西淳化縣大雨雹○六月以宣大二鎮兵荒暫免居庸商稅○詔調大同被虜各州縣稅糧從總督尚書楊博奏也詔書至鎮軍民大喜博因宣布國恩選其丁壯之驍捷者名為義勇使各路將領分隸教習兵威復振○召起原任巡撫大同食都御史何思巡撫南贛汀漳提督軍務時巡撫周滿以疾乞休上謂漳贛用兵之際滿病不勝任即當擇人代之于是擢江西布政使宋淳代滿會淳為撫臣徐紳劾奏坐罷乃復起恩於家代之○癸工部節慎庫銀十萬兩於各邊修造軍器○秋七月詔奪總兵俞大猷等官初總督侍郎胡宗憲遣還毛海峯誘降王直及直至下嶽海峯遂絕與倭自善妙等列柵舟山阻分港而守官軍四面圍之雖頗有斬獲而賊憑高死守我兵莫利先登多陷沒者時新倭大至上學降服言趙宗

憲及時平賊宗憲懼得罪乃上疏修言水陸戰功於是言官極言其欺誕并劾失事諸臣乃詔奪大猷及參將戚繼光等職級期一月蕩平○巡撫雲南都御史王昺請罷鑄錢不從昺言雲南額派鑄錢三千三百一萬二千一百文以鹽課銀二萬兩為工費後物料艱難轉輸不便又加贓罰銀一萬一千兩止鑄錢二千八百七十四萬費多入少乞罷之部是昂議上以雲南產銅不宜惜小費以虧國用命給銀鑄錢如例○詔遣兵部郎中唐順之查理薊鎮兵馬○總督宣大尚書楊博言獨石孤危非憲臣駐之不可乞命分守口北道駐鎮城兼管東路而以分巡口北道專轄北路改駐赤城從之○閏七月命立承天府元祐宮紀成碑時御製碑文成乃命工勒石立之○淳化諸縣雨雹○汝王祐棹薨無嗣國除命保定侯梁繼璫迎王樞歸葬及其官眷還京師○癸太僕馬一千匹給延固入衛邊兵○西苑獻嘉禾時西苑產嘉禾五本上

卷之十

十六

命薦於太廟群臣表賀○大朝門成時新建朝門午樓諸門成禮部請欽定名額上命朝門且仍前權名大朝群臣表賀○總督浙直侍郎胡宗憲復得白鹿於香雲山獻之○八月虜犯宣府赤城等處遊擊董一金等帥兵禦之斬首十二級奪馬百匹把總馮尚才戰死○兵科給事中鄭茂疏陳邊務條上八事曰審兵機慎選用勤巡歷明戰守攻火器清耗蠹申禁例恤凋殘章下所司覆行○詔錄曹子喬孫質粹為世襲翰林工經博士質粹曾子五十九代孫也○九月冊陳氏為裕王繼妃妃監生陳景行女也選為裕王繼妃至是冊之是為仁聖皇太后○詔停吏憲監生及武官加納事例○虜寇遼東時大虜王文土蠻黑石岩諸部十餘萬眾駐大驢場以精兵七千騎寇界嶺坎垣將上恭將崔桐擊走之又寇箭桿嶺總兵修登拒之又合眾寇嶺西諸寨總兵歐陽安馬芳等擊走之其奇兵入黑峪嶺中軍張倫等破走之乃拔營遁去

○擢翰林院待詔尹樂祥鄭守德潘靜深李秀為禮部主事仍兼原職
給事二王府○兵部郎中唐順之還京先是順之奉命閱視鎮軍馬
至是還奏鎮軍額卒減少三萬餘人且一卒未練仍以徵發疲各邊因
上言昔漢光武以漁陽突騎定天下唐潘鎮專兵而盧龍一道常虎視
河北所謂其人慷慨勇悍而沉鷙耶今鎮之兵也今皆羸兵敗馬朽
甲鈍戈徒靡廩餉不濟緩急故往年庚戌之變及近日土牆之寇至於
近檄宣遠遠徵延固以禦之乃鎮兵則置而不理誰之咎也所據總督
王忬總兵歐陽安巡撫馬佩等俱宜坐贖贖誤事之罰上降旨曰該
鎮缺兵至三萬不補一卒不練督撫所理何事兵部從實奏者以聞于
是攝兵部主事晚等議三臣俱當降罰時琨已罷去乃命降忬安祿都
級留用○冬十月命太子太保魏國公徐鵬舉守備南京善堂中軍陷
督府事○陝西華州地震有聲如雷越六日再震十二日復大震傾廬

卷之二

十一

年已後見在食糧軍數一查覈盡得詭名冒支諸奸弊狀上之詔下
按臣訊治○淮揚巡撫都御史李遂疏獻泗水神木言鳳陽府五河縣
有大杉一株圍一丈五尺長六丈六尺湧出泗水沙中臣等竊惟中都
祖陵所在此木忽現謂由河而下原非所出之區謂從江淮而入又無
逆流之理是蓋祖宗啟祐淮泗效靈與大工會不偶然也昔成祖重修
三殿有巨木出於廬溝因以神木名厥二百年來美談再續臣謹拜手
以獻上令即輦送至京以助鼎建○十一月詔逮繫巡撫應天都御
史趙忻松江府同知劉敏政吳江知縣曹一麟至京訊治先是忻行部
至松江會金山軍亂敏政露刃直抵松江城下久之方解時崇明戍軍
亦以索餉不獲縛海防同知周魯署印判官薛仕凶之教場數日給事
申蘇景和聞之乃上疏劾忻淫亂貪墨各實據發狀因言敏政一麟皆
忻所屬更三人相與濟惡殃民疏入上怒命逮繫訊鞠法司言忻等
皆以律徵過刻行事幸方致招物議未有貪縱實跡乃命降忻敏政調
用一麟為民○詔以雲災免山西平陽太原二府夏稅有差○詔諭法
司恤刑上敕諭三法司曰朕承天命為天下生民主因念人命至重
惻隱矜恤刑以弼治當則可致協氣休祥自至否則上于和氣災沴攸
生近來司民牧者理道不明律法不通任事作威深文鍛獄甚或貪賄
賄囑顛倒是非不顧冤抑是何心歟且湖廣安陸縣勿男具一魁二命
枉刑毋又被拘情無所告遠至朝扉以一推之豈止數百爾三法司治
刑為職當思矜恤都察院通行天下撫按申飭有司各改前愆惟公惟
慎盡心聽獄民以不冤天地神明昭鑒在上爾亦能保祿位福子孫如
不恭命必不爾運欽哉○十二月初命處遣御史查光祿寺錢穀時光
祿寺歲用以三十六萬計上以為多疑有乾沒仍諭內閣曰即今兩
宮大分重省妃嬪僅十餘宮中罷宴二十年餘朕所用膳品悉下料無

卷之三

十二

堪御者十壇供器不當一次茶飯費朕不省此三十餘萬安所用也大
學士嚴嵩曰臣聞祖宗時每歲額銀二十四萬兩彼時該寺歲用不過
十二三萬節年積有餘銀今乃三十六萬其侵欺情弊可知臣查會典
光祿寺內一款凡本寺供應物件月差御史照刷具奏若復會典舊規
則諸弊可革 上從之命遣御史一員月籍該寺諸費進覽自是歲以
為常而經費亦為稍損○巡撫延綏右食都御史董威為報効卷勇官
趙鶴并家丁趙昇等奏求火器工部復請 上謂鶴既稱報効不自備
器械而官為請給顯是假托冒功不許○給事中魏元吉等疏救荒四
策一補積欠請令通倉收粟以給餉銀發銀以給濟東彼以此它補
各從水陸之便一革濫稅請疏通山海關往來商貨罷勿復征一開礦
禁諸召集各處礦夫聽其從便採銀以四分輸官備賑濟之用一議引
銀每引請量減價值止稅銀二兩發管糧部中補給軍士草價部議允

嘉靖三十八年

春正月癸酉朔 上不御殿○巡按直隸御史尚維持請設四城守禦
不從維持上言吳淞柘林川沙陽令孟河五處俱為蘇松常鎮要營兵
松舊有中禦所而四城未設專官乞各鑄給千戶所印及註選倉大使
一員以司糧餉蘇松恭將宜駐金山督守柘林青村南匯川沙諸處常
鎮恭將宜駐陽令督守圖山孟河二地而浙直總兵專駐吳松調遣事

卷之十

十

卷之十

十

下兵部議覆言各將改駐當如所奏其四城設守禦所必須改調官軍
抽補軍士坐派月糧計畫允當方可議行 上從部議○前軍都督府
火詔奪掌府事英國公張濬等祿米五月巡風百戶姚瑞下法司逮問
○廣東原屯黃岡倭流劫海陽饒平潮陽惠來等縣○詔賜大學士嚴
嵩鉅直出入乘肩輿歲支伯爵祿及銀幣羊酒仍宴於禮部先是大學
士徐階等言嵩年登八十本朝閣臣未嘗有請加優禮故有是賜嵩
疏辭伯爵部宴 上復溫詔答之○總督胡宗憲請募山東民兵言倭
患未弭春汛伊邇請募山東民兵三千選官督駐蘇松常鎮防守部議
從之○詔補嘉瑞州知府宋以方於旌忠祠先是正德中副使周憲以
計瑪璫賊被害建旌忠祠祀之及宸濠之叛以方死之至是以方孫一
克請附享於旌忠祠 上許之○二月虜寇遼東時虜犯遼東塞總督
侍郎王忬檄部將楊照帥師禦之照分布諸將及虜大戰逐北數十里
斬虜八百餘馬牛夷器以千計忬以大捷聞故事首虜四百即稱大
捷為上功大學士嚴嵩時忬忤其功不錄○會試天下貢士命吏
部侍郎無學士李瓌太常少卿兼學士嚴訥為考試官取蔡茂春等三
百二十人○巡撫河南都御史章煥請遣部臣經畧河工不許煥言汴
城以河為帶其初河從西來勢本東注數十年間南岸傾頽北岸淤塞
漸成橫溢宜於翟家口大開河口以殺其勢別挑支河培築堤岸以圖
求遂請遣部臣經畧詔從其議而勿遣部臣○命海州備倭指揮韓懋
功移駐西平堡兼轄海蓋二衛以西平通隣虜巢屯堡軍薄從鎮撫等
官請也○大學士嚴嵩請裁入直諸臣酒饌從之嵩上言昨詔遣御史
聞嚴光祿錢穀二月間遂省二萬一千有奇今在直諸臣酒饌日費二
金之費之 上曰法行自近口裁三之二○總督宣大尚書楊博請錄
招降功從之博言宣大三鎮一歲中招降至千六百四十人乞錄諸將

佐功 上命營有差○廣入蘭州塞詔逮繫總兵官歐陽安等下獄
論死自練兵議起前鎮客兵戒什之二而春防視秋又殺什之五以故
鎮兵最為單弱是時虜酋把都兒辛愛率數萬騎以朵顏酋影克哈孩
為鄉導入寇總督王忬所遣偵諜皆被殺死遂薄塞下忬疏請援兵大
學士嚴嵩謂忬怯懦為重欲坐費帑金不報通濬水泉浸廣遂由舊家
口入塞大掠蘭州諸處忬遣總兵馬芳等以輕兵八千夜馳虜後牽引
之虜不敢深入三日引去事聞 上以蘭州失律逮安等下獄而奪忬
俸使祿礪為秋防計既而言官復言安等當服重典乃論死長繫獄中
○總督南京糧儲戶部右侍郎黃懋官條陳糧儲事宜言各衛官軍馬
匹開支糧料如有逃亡事故倒失者宜計日扣還不得仍前索候以長
奸弊一軍匠日支口糧如遇小月即除一日不得五年類叩以恣便區
長安四門軍人口糧仍行原委司屬親詣給散不得輒委官攢以致疎
瀆部議從之○廣東倭流劫福詔安官兵禦之賊引眾犯漳浦○詔製
封衍聖公孔尚賢送監讀書時山東撫按官丁以忠等言尚賢冲年寡
學宜查照伊祖孔弘泰比擬公侯伯事例送監讀書詔從之○三月詔
諸巡撫大同都御史朱宸成邊初宣大總督楊順巡按路楷宣府巡撫
張錫朋比為奸獨不與私黨及桃松寨歸後復試順不置順謂之於
大學士嚴嵩乃以右衛圖急斥免比順楷被逮給事中鄭茂往勸詞連
及乃亦逮訊以順罪坐之遂令成造○廷試賜丁士美毛忬元林士章
等進士及第出身有差○倭犯浙西自象山縣金井等處焚舟登岸海
道副使譚綸引兵與賊戰於馬岡敗之斬首七十七級○鳳陽巡撫都
御史李遂等請留入衛班軍不許遂等言淮陽鳳泗東南重地武備久
弛近者倭夷突入乃暫留京操春班官軍以為防禦但兵非恒役必無
固志將非專設終難責成乞定議存留班軍專勅副留守等分領操練

抵護陵後兵部言入衛官軍輪班歇操原係舊制若留春班則秋班每
歲京操有礙事体宜將皇陵衛官軍編立甲伍令加操演習一護陵不
許別調其春秋二班軍番休者遇警候軍門調遣報可○詔逮繫浙直
總兵俞大猷訊治先是柯梅倭流泊泉州府嶼焚掠相拒者一年所後
諸酋移衆南嶼建屋而居閩中大詳謂總督胡宗憲縱寇往宗憲乃上
言舟山餘孽勢易成擒而總兵俞大猷邀擊不力縱之南奔閩廣宜加
重治 上命逮大猷訊治閩人復大噪謂宗憲嫁禍大猷於是南京御
史李瑚論劾宗憲數其三大罪瑚與大猷俱閩人宗憲疑有漏言遂委
罪大猷以自掩飾○上禱雨於雷宮禁屠停刑既而雨百官表賀○倭
犯江南崇明縣泊舟三沙地方登岸焚劫○夏四月山西卒亂都督輝
鄭即討平之時山西泰將高鵬有願養卒八百人 駁無術諸卒謀
叛殺鵬及遊擊將軍事文焚府縣廬廨劫囚掠幣一郡大亂即乃督兵
討之群寇遁散○裕王長子薨大學士嚴嵩等言親王之子曰世子今
翁稱長子是與郡王之子同也乞特賜追封庶於典禮為合 上命追
封為世子其喪祭視世子已封者例○福建新倭大至且多番攻具先
攻福寧城經旬不克乃移攻福安縣破之其沿海諸郡邑若長樂福清
等境悉有倭舟是時廣東流倭往來詔安漳浦間浙江前歲舟山倭移
舟南來者尚屯浯嶼加之新寇徧福漳泉無地非倭矣○巡撫貴州都
御史高拱討普安亂軍平之初普安衛安南所屯軍李昂等聚眾行劫
拒捕殺人流毒川貴者且七年至是昂等渠魁九人就擒等以聞及
稱貴州軍民鮮少多係川湖流民生事宜申明保甲以稽土著 上嘉
神功賜銀幣昂等依律處決餘允行之○倭寇掠淮揚巡撫都御史李
遂擒獲之時江北兵備創景詔以遊擊立陞等擊原駐白蒲倭一戰于
丁堰再戰於如皋東三戰於海安皆捷斬首百餘級賊乃進掠通州如

畢謀犯楊州景韶復督陞等擊敗之賊奔入潘家莊盡銳攻之斬復其
多既而廟澤倭又合眾來攻淮安將曹克新禦之賊敗溺死者其眾
巡撫李遂以禦倭功次上聞前後斬獲真從倭首八百一十八級生擒
一十六人上嘉遂督兵臨陣斬獲數多命按臣嚴實議賞○詔發倭
僧清授于四川寺院安置初清授隨侍郎楊宜所遣鄭授臣至寧波未
幾總督胡宗憲所遣生員蔣洲復以僧德陽至俱上書求貢市朝議未
允令量賞遣歸未行而王直就擒宗憲疏言倭情可見不必遣還然留
之浙西非宜請用洪武間例發四川各寺安插兵部議從之○權唐順
之為右通政先是順之以職方郎中命視師浙直至是總督侍郎胡宗
憲薦其有文武才宜超格用之時順之已進右通政仍命同宗憲經畫
軍政○五月倭寇福清諸縣時倭犯福清晉江諸縣焚掠慘甚巡按福
建御史樊獻科奏劾巡撫都御史王詢恭將黎鵬失律罪詔奪祿抵罪

卷之十

三

有差○詔逮繫總督薊州侍郎王忬榜訊論死初楊繼盛劾大學士嚴
嵩為所陷死忬聞之悼甚而二子又為經紀其喪嵩卿之常思有以中
忬及詔各鎮練卒忬意實以鎮卒不任戰雖練無益而諸隘迫虜不得
不徵發以為固然不敢辯而疏上練兵十三事曰請以三年為期嵩嘗
曰何昔畧而今詳也且彼尚欲三年耶及深河之役嵩擬旨當重置罪
姑奪祿責後効復嗾言官劾總兵俞大猷等論死欲以搖忬而都御史
鄒應卿復給忬曰政府以邊事重不欲困君行且縱君歸矣蓋自技効
去忬信之果請放歸應卿復為草授巡按直隸御史方輅曰政府欲逐
王忬而忬復自請歸君蓋効忬兩遂之輅亦信應卿乃上言忬病悖不
任事調度無策貽害地方失策者三可罪者四負主上恩當罷嵩得輅
疏即擬旨逮繫忬上從之乃遣官校械忬至京下錦衣獄拷訊獄具
世蕃復削去所叙功次上之下刑部論罪尚書鄭曉忬持不從重擬

請成奏入上降旨曰軍令指揮之誤諸將皆斬令從重擬罪乃比守
邊將帥守備不嚴失陷城寨律斬長繫待報○詔改宣大總督兵部尚
書楊博總督劉遠軍務初博在宣大有首告素雄塞外屢肆侵擾博計
擒之斬其黨十有五人時出奇兵襲虜虜從帳去乃列上修邊四事費
半功倍上嘉之至是王忬罷繫乃移博總督劉遠時方盛夏博聞命
即赴鎮區畫戰守事宜虜聞楊博督至悉引去博以眾頗等屬夷每通
虜不為我用乃約東諸帥同時舉燧燧揚旌纛自居庸至山海瀾漫千
餘里旌旗連天礮石震山谷如是者三屬夷膝報虜虜大震疊以為我
兵頻增益連環為堅終歲不敢近塞下○副總兵盧鏜破倭寇于崇明
沙先是命大猷被逮命盧鏜代之時倭寇二十餘艘屯崇明沙總督胡
宗憲檄鏜帥師攻破之寇遂遁去○詔更建玄聖五龍亭○江北兵備
李景韶擊廟澤倭平之時廟澤被倭圍日久景韶督卒填壕斬嚴兵逼

卷之十

三

臺而陣賊終不出乃令水兵載薪焚其舟復水陸進擊倭潛遁入舟官
兵進據其巢追奔至墩子港斬獲頗多餘倭無幾不復能戰乘風開洋
而去○福建永福倭舟出梅花洋恭將尹鳳等以舟師分擊之斬百餘
級生擒九人既而倭復回舟泊澳頭未幾復遁鳳復以水兵追擊於橫
山斬獲甚眾○六月京師大霖雨上諭司禮監祈晴雷駐禁屠停刑
○以陶世恩為太常寺丞世恩仲文子以歷歷尚寶少卿為言官所劾
奪其官仲文乃乞復原職上命改為太常寺丞兼道錄司右演法○
召南京戶部尚書馬坤為戶部尚書時賈應春以疾乞致仕故召坤代
之○詔遣官存問秉一真人恭誠伯陶仲文時仲文請假暫還里中
上諭禮部曰仲文職掌玄教屢盡忠誠雖請假還鄉年逾八旬即書勅
遣錦衣千戶前去存問賜以金幣羊酒用示眷懷仍令有司歲時存問
○虜犯宣大時虜由大同鎮川堡入犯轉掠宣府東西二城駐內地凡

旬日會久雨乃分道西自趙山溝墩東自丁零嶺懷安左右衛引去總
督尚書楊博因條上經畧宜大八事悉允行之○雷擊奉先殿門外南
牆西墻○秋七月初命太倉銀庫月報出納之數戶科給事中龔情言
奉命巡視太倉銀庫正月內貯銀七十四萬有奇未及半年僅餘八千
餘兩國儲至此可為寒心昔皇上問光祿經費月具揭報歲省三分
之一况太倉歲以千萬計中間請乞之頻仍給予之沅濫當不止如光
祿所侵冒者亦令月具內外出入之數自當畏懼樽節而所省不計詔
可太倉銀庫之月報出納自此始○總督劉遠保定尚書楊博疏陳遠
務上劉遠二鎮唇齒相依每秋彼此警報緩急互宜今遠東總兵楊
照於七月以後統領勁兵移駐前屯一帶一遇石門燕河二區有警徑
自入關應援至于深西黃花一帶極當廣衛昌平居庸所係尤重仍當
嚴行宣府總兵李賢亦於秋期移駐懷陰如遇深西有警馳入居庸會

卷之十

合剿兵弁入勦截疏入報可○金星畫見○南京禮部尚書閔如霖卒
如霖烏程人恭謹有文以撰玄失上意南遷尋罷歸而卒○南京
地震有聲○詔賜潘世子程堯書籍敬一箴皇明祖訓祖德詩恩紀念
春堂詩四書大全大學衍義各一部從潘王恬校讀也○倭寇犯江北
恭將丘陵死之原屯三沙倭賊突犯江北由海門縣七星港登岸流劫
過金沙西亭將犯楊州海道副使劉景韶督陸等兵併力禦之戰於鄧
家庄賊敗走仲家園復追至錫園陸輕騎先追賊現無後繼盡銳來衝
陸馬蹶被殺已而官軍大至賊懼奔逃○八月巡撫鳳陽食都御史李
遂厥白免二禮部請遣官告廟百官於大明門稱賀上命成國公朱
希忠告太廟百官免賀○山西山丹衛天鼓鳴○總督胡宗憲遣江南
副總兵劉顯斌江北倭於劉家庄敗走之初江北倭自鄧家庄敗後沿海
覓舟不得官兵自後急擊之於劉家庄橋諸處賊勞餒困頓會天雨乃奔

卷之十

入劉家庄官兵四面圍之宗憲遣劉顯以銳卒千餘來援江北將士謂
功在垂成慮為顯所擠噴噴有言巡撫都御史李遂恐士卒不和乃檄
江北兵悉屬之顯軍政既一遂刻期進兵顯率所部先登各營選鋒繼
進縱火衝擊自辰至酉賊巢始破奔走追擊之先後斬首四百餘級賊
眾盡殄○詔發太倉銀遣官賑濟遼東巡撫都御史侯汝諒言遼左全
鎮被災三歲不登乞如大同右衛例簡命大臣大出內帑金錢以拯此
一鎮生靈沾危之命上聞而憫之故有是詔○原任刑部尚書何喬
孟贈太子少保蔡山陰人清正廉謹有古大臣風士論重之○九月兩
淮巡鹽御史李廷龍請賑濟龜戶言兩淮三千場分災傷異常應賑食
鹽共六萬五千六百餘丁乞支庫貯挑河銀一萬九千餘兩酌量賑濟
從之○暹羅國王勃魯坤息利允池呀遣使貢方物賜賚如例仍從其
請還坤甸貨物以佐修船之費併給來使冠帶○刑部尚書劉詒辛劾
鄆陵人故尚書璣子武廟南幸詔以軍國推官署蕪湖縣中貴索饋不
與繫獄罷官嘉靖初起廢尋遷御史累進刑部尚書毅然守正不少撓
法士論服之○總督劉遠尚書楊博請借通倉運糧以給遼東從之博
上言遼東災傷已極召糧甚艱乞將新運通倉錢糧停泊天津者暫借
六七萬石田天津水運到州以達山海關顧脚陸運至各地方給散其
漕糧則以賑濟銀兩撥還戶部議許之○冬十月廣東寇作亂廣東寇
張璉林朝鼎吳平龍何福溫旦等烏合千餘人流劫朝陽及海豐諸處
拒殺官兵土官不能制以狀上聞○原任工部侍郎程文德卒文德求
康人篤學修行稱為儒者命撰玄文不稱旨疏劾上享安靜和平之
福上怒令削籍及卒食無以殮識者建之後贈禮部尚書諡文恭○
詔增設廣東廣寧縣諸堡慶府先是提督兩廣都御史王訪巡按御史
潘季馴等言通者扶黎諸果實四方亡命淵藪蓋由山峒深僻奸盜易

匿致缺請於團浦地方開設縣治分割四會縣太平柑攬大團等地方十一團隸之報可○山東沂州地震○總督浙福侍郎胡宗憲乞解職不許先是巡按浙江御史王本固南京御史李瑚各論劾宗憲奏奏寇溫台失事掩敗餘功之罪詔下查盤科道官羅嘉賓龐尚鵬從實覈報嘉賓等復奏其不職宗憲乃引疾乞解任優詔慰留之○詔以瑞雲及秋祥登降法司停今歲行刑○十一月詔以宋儒朱熹原籍婺源縣子孫世襲五經博士嘉慶源人後官是安遂家焉國朝官其子孫為五經博士世襲建安而婺源子孫請如建安例乃以朱野為五經博士而未有世襲至是野老請授其子錦世襲許之○蘇州諸惡少作亂蘇州自海寇與招集武勇市井惡少咸奮腕稱雄十百成群詐割劫白晝橫行市人莫敢正視巡撫都御史俞大立檄捕之諸惡少懼相與揮血以白巾抹額各持長刀巨斧攻吳縣長洲縣及蘇州衛獄劫囚自隨數噪攻都察院門入之大立挾妻子踰牆遁乃縱火焚衙門初諭待驗令字旗牌一時俱燬會天將曙諸惡乃衝封門斬關而出逃入太湖中官兵四散探捕獲首從周二等二十餘人事聞上命大立戴罪覈期殄厥以靖地方奪知府王道行知縣柳東伯等俸捕賊指揮朱文正等按臣逮問○詔改陝西渭南醴泉隆德沂陽石泉沔縣漢陰七縣經隸各府七縣皆州屬以撫按官言其不便改之○總督陝西三邊侍郎魏謙吉疏陳甘肅防禦事宜言甘肅三面臨戎中間一線之路地既孤懸而尺籍千虛兵馬單弱即合番夷侵軼大虞盤據增兵實伍已無餘策請將各鎮城堡逐一審驗凡年力壯健無他役占者悉編之伍籍一體防禦能之奇功酌量陞賞部議允行○四川小河守禦千戶所地處要害○詔誅海賊王直梟示時總督胡宗憲議上王直葉宗滿王汝賢等族謂直等勾引倭夷肆行政掠東南經騷海宇震動臣等用間遣謀始能

誘殺乞將直明正典刑以懲于後宗滿汝賢雖罪不赦然往復歸順曾立戰功姑賞一死以開來者自新之路法司議言三犯俱不可原上曰直昔率勾夷罪逆深重命就彼梟示宗滿汝賢既稱歸順報効姑待以不死永遠戍邊○原任大學士削籍翟鑾卒子汝忠陳乞復秩上念其贊襄有勞許復故職○召總督劉遠兵部尚書楊博還部先是博自宣大撫剿遼防秋畢當還部吏部尚書具鵬曰宣大重鎮非博不可刑部尚書鄭曉曰博在宣大則宣大安在本兵則九邊安乃召還理部事華加少保○召起原任兵部尚書許論總督劉遠軍務時博還部故召論代之○十二月詔贈蘇松兵備石泰政任環為光祿寺卿立祠廕子環前為蘇州府同知倭寇犯蘇之閩門城門閉民避寇者不得入統城號泣環按劍開門納之全活甚計蘇人德之屢舉後寇有功累進參政矢志戡倭衣履皆自織其名聲必死賊後以母喪歸遂卒于家禮科給事中徐師曾上其事請贈祀上命贈光祿卿有司建祠蘇州以時致祭仍任一子原銜副千戶○巡按浙江御史凌儒請賑恤竈丁從之儒言浙東杜寶亭等八場竈丁近遭倭患焚蕩殺虜傷殘已極乞將運司沙地銀五百七十餘兩在倉糧穀七千六百七十餘石量行賑恤戶部議覆報可○詔錄宋儒程頤二十代孫宗益世襲五經博士○以陝西苑馬少卿張祥為按察副使整飭洮岷邊備祥在苑馬濬盡鍾奸諸邊利賴進副使通融茶法則刈牛食番人一二皆震駭無敢撓法者○詔遣浙福諸處募兵收為鄉兵巡按福建御史樊獻祥言近歲軍興募集武勇四方無賴子每以投兵報効為名所至騷擾今廣浙閩俱有海警宜以三省兵應募者悉遣還原籍收為鄉兵即以客兵糧餉養贍不惟客兵免遠調之勞各方且獲鄉兵之利計無便于此者上令行之○詔開天津海運先是巡撫遼東都御史侯汝諒以遼東大饑議

開山東之營業北直之天津二海道轉粟入遼陽戶部議復言天津海
道路近而事便當如擬行其營業海道慎勿輕議以啟後患從之

庚申嘉靖三十九年

春正月丁卯朔上不御殿。以都御史鄧懋卿總理天下鹽運初戶
部奉諭計處財用擬遣主事一人詣淮浙理鹽課得旨報允乃以主事
黃乾行名上。上曰鹽法久弛非極力整頓不可其更議以聞戶部請
如先年遣取九疇王璽黃臣等例改命大臣一人往理吏部乃舉懋卿
懋卿大學士嚴嵩鄉人也倚借高勢關通苟且殆無虛日故事諸府縣
巡檢司巡卒責備鹽盜縱脫遺漏者罪之不尅以次懋卿乃奏立規限
法每卒一人季限復鹽若干斤販夫若干名舟若干艘其有無販夫
有鹽無舟及有販夫無舟者不錄為次其鹽與販夫不及若干數亦
不錄俱削其雇役錢存帑以充舟鹽之值故遇卒遇無私販有終歲不

卷之十

三十九

得夫一雇錢者而身竊役籍不違為生產往往共行私販牟大利遇商
船族舟反誣為鹽盜按劫之少拂意輒以私鹽強頭舟中誣其入為販
夫白致刑獄至有死亡者豈不可言其有司又或增賦於民徵金作舟
鹽之值不復責還卒以緝捕而私鹽任其橫行貽患至今鹽法大壞既
而南京御史林潤劾奏懋卿貪冒五罪言需索屬官餽遺鉅萬罪一受
狀取富民財罪二宴會日費千金罪三雪殺平民罪四加派楊州鹽商
稅至激變罪五懋卿疏辯上不之問。擢唐順之為詹事御史巡撫
淮楊先是順之以右通政浙直視師至是擢令巡撫淮楊順之因條上
海防事宜八事一曰禦海洋言禦倭上策必禦于海而崇明舟山乃海
賊入寇之路尤宜預防當春汛時宜令蘇松兵備駐崇明率紹兵備
暫住舟山總副將官常居海中督兵分哨如有縱賊入港登岸者以次
論罪二曰固海岸言賊至如不能禦于海則海岸之守為第二着昔但

坐地方殘破者之罪今宜併坐賊所從入者有能衝鋒禦賊使不得登
岸深入者雖無首級亦以奇功陸實三曰圖海外沿海通逃之徒為賊
嚮導者甚眾宜多方招徠以消禍本并開日本通貢之徒若抄犯如故
則命朝鮮琉球承制宣諭四曰定軍制言調募客兵坐糜廩餉宜急練
士着之兵俟訓練成悉罷調募五曰鼓軍氣言士卒遇海風而頭目掉
眩聞潮聲而耳聾心惕何望掃清大憊宜責文臣督師時御戎服出入
軍中以作武將之氣武將臨陣時聞取潰校逃卒斬一二人以變士卒
耳目六曰復舊制言沿海衛所軍伍素整屯田數萬悉可墾種七省原
設三市舶司收權于上今教者俱已廢壞宜令諸路酌時修舉七曰別
人才言海道副使譚綸總兵盧鏞等可舉而台州知府黃大節副總兵
曹克新等宜罷八曰定廟謨言外患未息內變恐作近者具松定海水
卒以呼糧之故緋官劫獄漸不可長宜預議招懷之畧疏入下府司議

卷之十一

四十

行之因罷大節而調克新別用。陝西寧夏衛地震。虜犯宣府虜入
寇洗馬林諸堡副總兵馬芳督兵拒却之巡按御史王汝正以聞因請
治芳與參將郭震等縱賊入境之罪詔芳以功准贖愛等俱下御史問
金星畫見三日。盜劫泰興縣庫時盜百餘人夜入楊州府泰興縣
劫庫殺人守臣以聞詔奪知縣梁棟等俸及把總呂珩各戴罪捕賊初
江南禦倭水兵多浙中少年烏合應募之輩及事寧散還窮無所歸流
落江湖間遂相聚為盜云。二月詔更定浙東守巡官信地以台金嚴
為一道改分巡軍紀倉庫為台州分巡無管三府兵備添設參將一員
守之以寧紹為一道其原設寧紹台兵備副使及參將俱令止領寧紹
二府以溫處衛為一道其原設溫處兵備分巡副使令兼領衢州一府
仍以寧紹分巡事併于兵備道從總督胡宗憲議也。○脩理都城興工
。詔殺原任中允郭希顏于江西省初希顏由中允出為兩浙鹽運副

使大計復則籍家居十餘年至是上疏言臣在歲恭讀聖諭欲建帝立儲者臣謂立儲難如欲立諸則重臣莫可與言有莫若安儲何者君相信則儲安兄弟相保則儲安父子相體則儲安相信有道釋疑是也相保有道分封是也相體有道總攬是也三者安儲之急務也何謂釋疑臣惟蒙無故之議者仁君不及全其臣屈危疑之地者慈父不能庇其子皇上至愛莫如二王至重莫如元輔固何憚何疑自言者倡為二王面陳嵩惡之說恐輔臣疑而不自安則何暇善後然尚可談也由差遠也二王疑而不自安則誰與承祧此大可慮也由最近也皇上何不降德音諭元輔以益加忠謹使知並勅無他也不必疑王諭二王以無忘恭敬使知嵩亦無他也不必疑嵩然後王心無所惶惑而師保是依大臣無所避忌而匡贊愈力臣故曰疑釋而君相信則儲可得而安也何謂分封臣聞神龍離洲人或狎之美王出匱人或伺之言外防也

卷之十

三

二王親則皇上之子也貴則國本之寄也顧同處京府智與年長則崇高所共欲防不預設則說隙所由萌故幼而遷就膝下者所以篤恩也長而出就藩封者所以強本也宮府不宜久虛山川若已預待大臣實計聖明早斷及時勅王就國周其翼衛殊其寵數於制於情似為兩盡故曰分封而兄弟相保則儲可得而安也何謂總攬臣惟恒情愛子未有不矧任其艱而欲子安於無事者今四郊多壘一日萬幾非皇上神謨獨運太平未可易致天意人心孰不欲大聖人萬年垂拱者即京府獨處猶宜親就儒賢丞丞冲贊切確於仁孝之道而一毫外務不得預聞况時事固非高枕之日而君父又非倦勤之年分封之典既定留京之意已明即皇上端拱以應天人從容而議建立似無不可故曰總攬而父子相體則儲可得而安也此三者安儲之至計而今日之先務也臣每嘆忠臣不退耕而忘君烈士不避戮以直諫在廷不言在野不容

不言惟聖明赦章茅言計自臣始則士豈有不嚮風勿首爭效闕下者哉臣嘗得罪輔臣但天恩未報輒憤激陳言惟皇上察之疏入上覽之大怒云立子為儲帝誰可建者乃謂建帝字為妖言命各科集議禮科給事中監壁等議坐大逆不道妖言惑眾嵩復擬旨從吏之逐比妖言讞斬決不待時傳首天下旨下江西撫按官松之密微守巡官收希顏希顏不之知也時于家延賓客為子娶婦衣緋待之有僉臬亦衣緋來通謁希顏以為賀已也迎之坐未及語目左右視之出遂拔起都指揮司縛繫之無何諸司漸集撫按官亦至乃昇赴市曹斬之傳首天下天下莫不哀之

謹按支進士大綸曰郭公髫年有至性下筆輒數千言余大父官江右見其入試方十三齡而七篇立就不加點竄蓋天才也以直道忤時動遭顛踣晚年一疏理確詞贍有賈長沙風乃不得保首領矧望

卷之十

三

前席哉君子於是思割刃賊嵩之腹矣

南京振武營兵亂殺總管糧儲戶部侍郎黃懋官先是南京原設都御史總理倉場糧儲後裁革令戶部侍郎攝之舊例諸營卒月糧一石無事者減十之四春秋二仲月每石折銀五錢及馬坤為南京戶部尚書奏裁折銀四錢諸軍始怨比坤北轉蔡克廉代坤病不視事時歲大侵石米八錢諸軍又求復原額不得懋官至總督視事為剗計月糧半支本色半折銀二錢又停補役軍丁妻糧其補伍復役諸卒每數數經歲時不得受糧而諸受糧者遇月小盡祇除三升更嚴嚴死士卒不實則榜其部長諸軍益不堪又故事每月支糧不逾上五曰先期下關待待之是月既望關符未下且議先發半糧折值是日振武營卒倡亂分布諸要路遮留諸卒勿赴營令俱至總督府丐月糧眾從之遂走會同館園縣官居第鼓譟不已破關擁入懋官窘迫踰牆欲自避匿墮地

不能起其妻先亡在極諸卒出其屍掠其金欲及諸索復索得悉
競前撲殺之搜至大中橋縛繫坊上身無完膚髮髻摘盡將銷金紅
帳作旗號召遠近搶掠諸店酒食衆醉射懣官屍慘不可言時新江口
操卒聞城內亂亦鼓譟擁入四掠商民復突入內敵欲刺守備官不得
府部諸大臣聞之急出示諭不聽復督兵部尚書張蔭桓求賞鑒錯錯不
能應會誠意伯劉世延赴至諭曰爾輩但求賞易耳能從我惟爾所歛
衆稍定翌日九卿大會兵部侍郎李遂揚言曰昨黃侍郎之變速親見
其自瑜墻死各軍特不當殘辱之即據此奏聞不得稱叛因慶亂軍退
衆求賞遂叱曰今日之事若求復妻糧月糧原額即可得求賞不可得
朝廷在內爾輩欲何為者乃令人各給銀一兩以補城折糧餉衆始散
而都督乃密檄捕首亂周山蔡忠劉鑒滕彪謝學等二十人送刑部鞠
訊事聞上降旨曰當卒集衆圍逼部臣必有不得已何緩徐鵬舉李

卷之十

三

庭竹張蔭桓有守備責任不能鈐戢俱應究治姑令戴罪視事與侍郎
李遂揚輯軍民凡事便宜處治各營軍卒夙受朝廷恩養輒不畏法俱
宜重處為首者查名擒治其餘姑念激變所致俱赦免既而法司會鞠
周山等二十人謀殺制使皆斬餘從赦原素入上謂黃懋官全屍而
死已為失刑所獲未必皆為首者再議奏聞刑部復會擬周山蔡忠劉
鑒倡亂斬首滕彪等十有七人比矜疑例調經遼衛充軍先是倭寇之
亂各處防守張蔭桓立振武營于大教場東招募軍丁一萬四千餘人
操練皆遠近兇惡投充利在食糧蔭桓不思此軍年費月糧十七八萬倉
廩空乏支給不敷故懣官為剗削計至生此禍率多新投軍人舊軍不
預人皆以此罪發後振武營卒廢詔徙山西汾州慶成永和二王府
宗室於閤內命有司玉發祿米為營造府第之資以撫按官言二府宗
室各散居村落不便關防故也○湖廣竹縣縣地震出血○三月詔遷

擊祭酒沈坤訊治初坤家居為倭寇督率鄰里以保所居遠近依附者
衆有犯令者輒榜笞之故居民雖賴以安而被其榜笞者亦生怨恨至
是南京御史林潤論劾坤居鄉暴橫罪狀上怒其惡速繫詔獄拷訊
坤奏辯不聽竟死獄中○擢兵部左侍郎江東為戶部尚書○詔求天
下五色盈尺芝○廣東香山諸縣同日地震聲如雷○大同總兵官劉
漢擊虜於灰河破之時虜聚喜各口外窺犯劉遂漢乘其虛督兵自鎮
河口出塞揭虜帳於灰河斬首二十八級虜狼狽西顧自邊鎮多事以
來官兵積懦虜留巢並塞無一敢問之者至是漢倡為之嗣後各鎮往
往乘間出勦虜始懷稍稍從速其幕云○遣御史陳旌溫汝瑋往各邊
修舉屯政從戶部議也○兵利給事中王文炳請議安民蓄兵絕寇之
策言邇者浙直倭患稍寧而閩廣警報踵至蘇松淮楊間傳徒悍卒所
在騷擾宜勅下本兵議所以安民蓄兵絕寇之策部議安民之策莫若

卷之十

三

去不急之務捐無名之征重懲貪官酷吏蓄兵之策莫若訓練各處鄉
兵至諫籍行伍者則責之軍衛募自民間者則責之有司絕寇之策宜
令沿海有司按籍所部居民有與盜賊通者許同里首告即置之法仍
追所犯銀三十兩給賞告者又有無賴惡少竄入軍中巧立報効實重
名色平居坐靡公廩有事冒冒首功此輩亦將來禍本宜一切禁革
上皆納之○詔議賑濟饑民時近京地方饑荒民流入京者甚衆無所
得食上憫念之令部臣詳議事宜以聞戶部乃議上五事一議賑流
聚宜宜令戶部錦衣衛各簡其屬十人與五城御史悉錄見在流民發
太倉米萬石日人給一升至五月終止五月後係百里外者人給五升
遠者以次遞加至二斗止使還舊業二議濟病弱言凡就賑饑民病者
能赴官者令所在富戶為糜食之太醫院仍給藥調治三議歲游惰言
凡年力少壯者取其年籍令工部酌議准免給與工價勿令轉徙四議

處近民如昌平通州諸處宜于太倉通倉各發米五百石付所司分賑
五議處遠民宜移咨順天保定巡撫凡應賑之處定擬多寡分數馳
報本部請發太倉銀折米充賑 上俱從之○詔奪巡撫應天都御史
翁大立官時給事中曾燕論劾大立不職狀吏部覆言大立率易更張
有失衆心 上命還里聽用○虜寇一片石時虜酋把都兒辛發等擁
衆數萬以屬夷影克軍為鄉導入寇一片石等關恭將佟登等帥兵禦
却之追至芝蔴灣而還捷聞詔進登等各一級賞總督鎮巡官許論等
銀幣有差○原任兵部左侍郎張珩卒贈工部尚書謚襄敏珩石州人
行履高潔器識弘遠尤博綜群籍為御史時輔臣推充侍從諱臣疏辭
不就士論高之○命翰林侍讀張泰侍裕王講讀○諭令撫臣撫勦盜
賊 上諭兵部亟示各處巡撫嚴督所司悉心撫勦四方盜賊尚書楊
博乃條得盜六事上之一曰罷額外之征言連歲兵荒民於公賦外有

卷之十

修造買馬治河諸征宜為禁止二曰寬宥從之罪言民之為盜非其得
已凡脅從者悉令歸業許其自新宜為榜諭三曰廣賑貸之令言京師
饑民已荷賑恤其遠方亦予請行各撫臣便宜賑貸四曰罪捕賊之官
言巡撫職官所領軍丁民快有隱匿賄賂者重坐五曰治縱賊之罪言
責成有司勤行巡歷慎固封守縱賊不捕者計其多寡治罪六曰申行
賞之格言凡捕賊有功者各遵例行賞疏入 上嘉納之○夏四月巡
撫鳳陽右倉都御史唐順之卒順之武進人博學強記凡六經子史兵
法陰陽以至算射靡不精通嘗願朝躬盡瘁死而後已及有病遇日死
國吾志今得良死舟中矣遂卒於官詔賜祭葬立祠揚州○改戶部尚
書江東為南京兵部尚書加太子少保時張蒼以振武營兵變罷去故
改東代之東疏辭太子少保 上手詔追嘉其入餉右衛之功令盡心
安撫士卒訓之忠義以冀邦本不允所辭○擢戶部左侍郎高耀為戶

部尚書○罷刑部尚書鄭曉問任降左右侍郎趙大祐傅順傳二級
事近京軍民有冤得起刑部訴理時御史鄭存仁巡按順天移檄禁民
越訴片法司官擅受民詞有訴追取府縣不得輒發曉聞之乃引大明
律例及會典中亦載近京犯人得聽法司問理率大祐等上疏論存仁
違例侵官存仁亦執大明律自下而上之義論曉等欺罔時覆議未上
曉復疏辯 上責其濫援特命罷之因命自今一應詞訟在外者屬之
有司在京者屬之刑部不許再行爭擾○追賜岳懷王名厚熙王未名
而薨 上以歲時齋薦未名不便登錄故諭禮部賜今名云○虜犯遼
東廣寧大掠而去○五月勅獎蜀世子宣圻賜以金幣世子進黃金一
千兩白金一萬兩助建大工 上嘉其忠悃降勅褒諭仍令加賜金幣
○巡視京營給事中蘇景和御史張九功疏請增選戰兵以重訓練
上從之即命景和等會同總督官選兵三大營中得壯士六萬餘人因

卷之十

復奏請分為二十枝免其工役俱赴各營操練以聽征調增設中軍千
戶把總領之報可○加胡宗憲兵部尚書兼右都御史仍督沿海軍務
先是浙福倭寇日熾巡按福建御史樊獻科請趙宗憲赴閩應援巡按
浙江御史周斯盛請勅兵部趙宗憲督師勦寇以弭海患宗憲聞命泄
泄如坎既而寇稍解散乃以功進兵部尚書至是宗憲請稍假以事權
得以為諸道主 上因命以大同馬蕪院右正沿海撫巡諸官悉聽節
制體統如三邊而勦巨總兵者亦由掖門通謁參拜庭下○擢兵部左
侍郎閔賈為刑部尚書○詔旌慶成王府故鎮國將軍奇添夫人王氏
節孝初奇添卒時夫人年甚少養姑育子備嘗勞瘁及是年八十餘適
見孫曾四世山西撫按官疏請旌表故有是命○詔清查畿內莊田時
遣御史沈陽郎中張大紀清理陽等言清出隱冒莊田之數應量給者
一萬六千頃有奇應入官者二千五百頃有奇其底稅枝系未逮而竊

派已絕本身見存而爵級已華及太監寺觀自買民田而乞買糧差與
順達官先朝給賞住劄地土共一千九百餘頃俱宜追奪從之○游
城王府中尉俊彞有罪自殺俊彞謀殺宗人巡撫大同都御史李文進
以狀聞上以俊彞罪重有違祖訓勒令自殺○南京操江都御史喻
時請止設無湖泰將從之先是翁大立欲添設泰將於蕪湖而史衷善
亦同其議至是時奏安鐵輔言狼山金山各有副總兵沿海一帶各有
泰將把總則藩籬已為有守淮揚以至嘉湖各有兵備而復有兵備駐
劄廣德則門戶已為有守此足以禦外至之賊矣安慶儀真各有守備
又有操江巡江分投巡視則堂與防守又已嚴密此足以禦內營之盜
矣使諸群工殫心竭力則天塹屹然料難飛渡不必添設泰將明甚且
置將必須增兵增兵必須議食今應天連年倭寇之擾生理未復去歲
災傷之後流徙更多正辦錢糧尚爾通肩疲加兵餉其何能堪伏乞專

卷之十

三

責儀真安慶二守備分定地方時常會哨稍有違誤奉令處治庶官不
增而事亦集賦不加而民自安疏入報可○六月召起原任兵部尚書
王邦瑞協理京營戎政○兵部右侍郎魏謙吉卒時謙吉應召赴任卒
於道命全給卹典○給事中曾廷芝條陳重守令四事一旌異能言中
人之情非激不勸昔漢宣有賜金之典先朝行增秩之令今宜令撫按
表其治行高第者以示風勵一破資格言古者用人不問其資如穎川
淮楊用治最進位公卿不問何途出也今天下惟甲科為重由舉貢授
者即舉貢不齒今宜一洗微風程較功實母得以資格軒輊一慎詮除
言人情壯多激昂老犯在得今宜察其年貌以憑器使一驗文憑言各
官坐轎非部檄至不敢離任近有買憑奸偽非數金不授致使延遲今
宜類集各省文憑令出京回任官員順費以便撫按轉發部議從之○
南京禮部侍郎孫陸卒贈太子少保謚文恪陸餘姚人前死節都御史

遂子孝友長厚終死寧濠之難終身不書宦字亦不為人作壽文事伯
兄如父居官被服雅素口不談人過世稱篤行君子云○秋七月上
禱兩于宮中既而得雨群臣表賀○戶部左侍郎石永卒贈右都御史
永威縣人梗介廉靖歷官以風裁著稱所至肅然卒之日行李蕭然家
無餘儲世稱貞士○大同總兵劉漢破虜於豐州大同右衛邊外由王
城舊城而北經二黑河一灰河歷三百里其地曰豐州崇山環合水草
豐美叛人丘富趙全李自馨屠之築城建墩構官殿甚宏麗開良田數
千頃接東勝川號曰阪升阪升者華言城也富等以白蓮妖術教虜人
寇製鉤杆攻城具時僭谷引眾西掠間二年留千騎守老弱夏從大者
山口外避暑惟富等不從漢與巡撫都御史李文進謀部分泰將王孟
夏麻永等五十三人率銳卒三千馳進漢與趙奇以重兵分三路營于
玉林隘為後繼孟夏等獲獲疾馳昧爽鼓譟奮擊斬首八十三級生擒

卷之十

三

七十六人焚其宮室餘眾奔匿時富隨虜北徙趙全匿墩上虜騎大至
截兵引退還渡黑河虜追騎至且戰且却分哨迭戰還與大兵會翌日
入邊往返凡五日總督葛綽以聞上大悅令亟加陞賞有差○廣東
吳川縣地震有聲如雷○巡撫河南都御史董煥疏請經畧中原時南
征寇警微欽煩急倉吏肆行水滄屬至民不堪命往往群聚為盜河南
初傳倭至鳳泗又言開封沒於黃河于是林縣聚賊數千睢州亦聚數
百犯其南關聞知前言訛傳始皆解散煥乃上言備陳經畧之策以紓
安地方杜遏亂萌曰屯重兵收易備脩城池察險隘時巡歷選良吏處
宗藩議黃河疏下所司○八月總督尚書胡宗憲獻芝草白龜宗憲得
芝草五白龜二進獻上悅命龜曰王龜芝曰仙芝禮部因請謝玄告
廟許之百官表賀○福建叛兵攻泰寧縣守備王址等死之時叛兵三
百餘人自沙縣將樂攻泰寧破之址率千戶劉兆元百戶戴權等禦之

軍亂兆元率眾先奔址樵賊死賊逃趨樂安廣昌奉永豐教城遁去
巡按御史鄭本立以聞詔贈址都指揮權正千戶各陞襲子孫一級兆
元等逮問先是福建倭亂調募廣兵多輕悍無賴比憑陵騷擾日需獨
賞有司不厭所欲即鼓行為盜云○原任戶部尚書賈應春卒應春有
定人歷官三十年慷慨任事家居鄉人稱為長者○初設江西興安縣
屬之廣信府先是上饒弋陽二縣之間有橫峯黨黨民屢變巡按御史
沈越嘗請設縣未果至是撫臣何遷復以為請戶部議覆可從之○召
南京工部尚書潘恩為刑部尚書○禮部尚書顧可學卒謚榮僖可學
無錫人先以參議病免重賂大學士嚴嵩以煉秋石服食却老薦于
上獲寵用累至今官然惟帶空銜支俸煉秋石供服餌不與聞公家事
也士論鄙之後奉遺詔視其官○九月調延綏巡撫董威為南京大理
寺卿威在延綏賊私狼藉士論不齒嘗為慶陽知府孫續續未貪污為

卷之十

王元

巡撫程軌巡按李秋所劾吏科給事中梁震罷因奏言三臣舉劾互異
部獲軌秋言是乃詔降除名調威別用威素以厚賄結嚴氏父子反得
調南京大理卿倒置蓋甚○虜由拒門堡大川墩諸處入寇進屯朔州
復移營而南攻山西盤道梁越關大掠總督侍郎葛綽上言虜賊初屯
朔州臣已遣宣大兵馬西援及賊深入親臨廣武調度第彼眾我寡如
直下太原何以待之乞將入衛遊兵三枝併保定勁兵二枝亟赴本鎮
共圖戰守既而虜遁報至兵部以聞上計賊必出朔州詔綽率師兵赴
朔州邀擊之○戊子月掩軒轅左角星○冬十月詔令景王之國上
諭大學士嚴嵩等景王府已成數年當遵祖宗大制令之國何不舉行
嵩等以示所司于是吏部尚書吳鵬等請如舊制設王府官僚報可時
上春秋高岡本未定二王並居外邸而景王母妃在上左右奸邪
之黨日夜窺伺有識者以為深憂忽聞夜半傳旨京師士民踴躍稱慶

○詔兵部嚴督所司勦捕盜賊時京城內外及畿輔州縣多盜故詔所
司嚴捕玩怠者以名聞○以禮部署郎中李續刑部署郎中高岱為景
府左右長史點中書舍人劉芬為民初吏部議以進士充景府長史分
素性不慧或戲之曰吏部將以爾為之芬大怒即馳往尚書吳鵬家裂
冠毀裳掉臂大罵而去鵬以聞詔逮繫拷問黜之○詔免今歲行刑時
法司上朝審重囚應決之數上曰今秋天降奇祥欽仰恩賜姑免行
刑仍令嚴緝無縱○十一月上禱雪于雷壇時入冬無雪上乃躬
禱于雷壇久之雪降時以為靈雪群臣表賀○詔逮繫彰德知府傅汝
礪通判田時雨詣京訊治時雨論死汝礪戍邊時趙王厚煜讀書好禮
有資行嘗構樓屏妃妾獨處一夕以小簫頭入侍寢早起為王捫足見
王縊於床下大驚呼王妃張氏子成皋王入視已絕翌日長史以病薨
計哭臨如禮而外議洵言變起官闈且及成皋王王懼乃以自縊狀

卷之十

四十一

聞而歸罪于彰德知府傅汝礪通判田時雨詔械詣京拷訊汝礪成極
邊時雨以威逼論死械至河南斬之長史以下罪罰有差先是六月間
潞川王與民爭田時雨治其奴趙王為營解不聽竟以成讎十月間湯
陰王府將軍從汝礪索糧不與又囚其奴趙王令厚煜詣府丐免辭不
見乃見時雨復以語侵之然亦憐憫無足死者深官秘密事蓋不可知
云○詔逮繫總督南京糧儲都御史董煥詣京訊治初煥自淮安改督
儲會該督運過淮因留數月仍假道過家于是南京給事中馬負圖等
劾煥煥不覺簡書遲延半載乞賜罷黜以懲怠玩上以煥專事談論
意本欺謬命逮送法司擬罪議發成邊煥有文學其上經畧中原疏頗
抱憂時之志第其中虞蓋空疎又當一統全盛之時而為經畧中原之
語亦非所宜言故上心厭之至是遂得罪竟死成所○乘一真人陶
仲文卒仲文黃岡人初習道士祈禳術以吏員為遼東海州庫大使九

年考滿當陞正九品寓京守選師事致一真人即元節乃薦於上得
幸賜坐稱之為師賞資以數萬計官禮部尚書少保又加少傅少師光
祿大夫柱國封恭誠伯及卒上嗟悼良久葬以伯禮賜諡恭惠
肅○總督劉遠尚書許論獻白王蟾真蹟一卷論家藏有紫清仙人白
王蟾真蹟至是進獻上嘉其忠款受之○十二月太保左都督陸炳
卒追贈忠誠伯諡武惠炳平湖人以尺籍從獻皇帝之安陸其父松事
上於潛邸累以從龍功官都督僉事上南幸承天衛輝行宮災炳
以負上出諸火中上德之游膺養注由列校至左都督無公孤
尊寵于廷臣無二月任金吾鈞致奸宄法紀甚肅而勇後自奉獻產巨
萬聲勢震天下是時上數起大獄炳曲為調護保全縉紳又折節
廣交以籠聲勢故終嘉靖之世無發其奸者後始以言官論奪其子官
籍其家○詔點密雲營糧戶部郎中劉廓兵備副使張子順為民初郭

卷之十

四二

與子順有卻嘗陰求其短欲以中之會廓政命山西督糧治裝買四騾
以行子順因馳奏廓裝中皆空貨廓亦許子順冠叩軍糧詔錦衣衛各
捕下獄訊之俱無狀坐奏事詐不以實俱黜為民○以編修趙祖鵬為
湖廣僉事祖鵬以女妻都督陸炳席其樞勢因大為奸利事士論駐之
炳卒祖鵬遂外補○火星犯鈞鈴大星○大風揚塵四塞○巡撫陝西
都御史程軌巡按御史李秋疏獻白鹿芝草各一云得之部內書堂山
萬壽宮中上以玄祥疊至歸恩天眷賜軌等鈔幣

辛酉嘉靖四十年

春正月壬戌朔上不御殿○戶部尚書高耀會計各邊應發年例軍
餉銀數大同四十四萬七千兩宣府二十四萬兩山西一十四萬兩延
綏二十七萬五千兩易州五萬三千兩昌平六萬五千兩分屯運京倉
米二萬石赴密雲一萬石赴昌平通倉小四萬石赴薊州抵年例之數

報可○虜入河西時虜葛爾丹自河西踏冰渡河寇掠五花營守備王世
臣千戶李虎等迎戰於水橋敗虜遁出邊○巡按直隸御史鄭存仁
上言順永保河南四府比歲饑荒乞以贖金一萬兩就彼賑濟上聞
而憫之命亟行賑濟務令各沾實惠○雲南老撾宣慰司土舍怕兵招
貢象及龍涎諸香給賞如例○巡按廣東御史潘季馴疏上均平里甲
之議從之時季馴議行均平里甲之法先計州縣衙僻以為用度煩簡
令民各隨丁力輸銀於官每遇供應及諸公費官為發銀更胥承買里
長止在官勾攝公務甲首悉放歸農廣人便之季馴自以代者將至恐
有變動乃上言願表去京師絕遠比年牧民者視為利藪屠剝萬狀而
小民仰九重如在雲霄愁苦之聲無路上達故相聚為盜臣將里甲弊
政更張一新頓天下之事立法非難守法為難守之於畿輔地固難而
守之於窮海外尤難今廣東之民既感而動若非仰仗明旨丁寧雖有

卷之十

四三

周公之法誰與守之疏入報可○二月辛卯朔月食不見是日申酉間
日當食微陰不見欽天監言日食微陰即同不食大學士嚴嵩等謂日
雖有雲而自申至酉日色不加晦應是不食請舉大謝禮從之而禮部
尚書吳山乃以救護禮畢報上責之姑令引罪○原任都御史周延
卒贈太子太保諡簡肅延吉水人峭直寡言笑居官執法不為矯上
迹清操自持終始不交士論重之○南京錦衣衛指揮徐繼勳獻白兔
言得之鳳陽府鳳皇山下進告大廟群臣疏賀○京師不雨上禱于
雷壇既而得雨群臣表賀○景王發京師之國德安府先是郭希顏疏
請分封被刑自是詔閣臺省無一敢言既而夜半持出宸旨令景王之
國至是乃行○諭令差官施藥上諭禮部近因春令人多生疾令太
醫院依方修藥隨病治療差官同錦衣衛官于九門分布給散立夏日
止○京師大風上諭閣臣曰今日之風占謂兵火其傳諭憚示諸臣

內賊兇賊外嚴邊俗于是尚書楊惲等奏言陛下偏以風變軫念內
外申飭臣等以安攘之事臣惟今日內地雖稱威使然數下寬恤之詔
保無他虞惟是外邊自正月以來在薊鎮則有把都兒欲犯古北臣已
檄許論拒守在大同則有俺答欲犯左右衛臣以檄李文進防禦今用
明詔申督之當不至仰煩聖憂報聞○三月命戶部給米一千二百石
賑濟京師饑民○命提督工程工部尚書雷禮還部管事仍兼提督
詔令吏部尚書具鵬致仕先是御史耿定向論劾鵬罪狀一言鵬屬籍
董份主試順天而子紹中以魁選一言給事中袁洪愈御史林騰蛟發
吏部司屬之賄賂而鵬較外補洪愈濫滯以此制言官一言文選郎
中何海安駁封員外宗臣各以貪墨被斥而一擢泰政一擢提學一言
病夫蔡克蕪而擬之司徒沈坤巨惡而陟之祭酒一言移門賄賂幾如
閭市而反移文撫按禁貪職疏入不報時鵬在吏部一切百司進退

卷之十

四三

悉聽嚴世蕃即邊方小吏亦無敢自專公道久湮中外人心咸鄙薄之
至是給事中梁夢龍等復劾論鵬上勅令致仕○禮部尚書吳山罷
山直亮有時望既以救護日食忤旨上大不悅嘗示風指于臺諫諸
臣給事中梁夢龍等遂劾論山請罷之上令開住○丙子金星晝見
至二十四日而沒○擢吏部左侍郎袁煒為禮部尚書○改少保燕太
子太保左都御史歐陽必進為吏部尚書○建萬春宮○命禮部尚書
袁煒入直西苑供撰玄修○製大祀袞冕皮弁服○改刑部尚書潘思
為左都御史○夏四月原任工部尚書劉麟卒贈太子少保謚清惠麟
南京廣濟衛人後居湖之長興先知紹興府以忤劉瑾除名瑾誅起知
西安以謙縱造忤旨致仕在長興三十年開戶讀書足跡不入城市貌
懶懶長者自守介然不為吟咏哀感愛敬之○大風雷晝晦御史張九
功以早霜陳言五事曰禁賄賂以絕僥倖簡督撫以肅邊鎮省工銀以

塞侵漁平盜賊以安地方恤營軍以蓄國威上俱納之○擢吏部右
侍郎馮天馥為刑部尚書○詔申飭治捕盜失事者之罪時巡撫保定
都御史霍冀上言比緣民窮多盜而有司衛所長吏及司捕者漫不為
意宜如先年河南例凡有衛所州縣長吏同治一城者若遇失事重大
則衛所長吏及巡捕官坐以守備不設罪府州縣官論罷職其無衛所
地方則各守令及巡捕官坐以衛所官罪初以師尚書之亂創此例迄
今行于河南不及他省茲者四方盜起請一切通行報可○詔發銀工
部鑄錢時上以內庫乏錢命取庫內南新錢進用戶部尚書高耀言雲
南錢係解部並銀鼓鑄原備京邊俸糧非進內藏數也上乃止仍令
兩京照例發銀二萬兩工部鑄造進用○以三殿迎梁命鎮遠侯顧襄
等分祭所過禁門文武大臣翰林科道官奉迎如禮○原任南京協同
守備臨淮侯李廷竹以母老陳情乞于南京五府帶俸以便終養許之

卷之十

四四

○五月大學士李本以母喪去任詔遣官馳驛護歸○池河卒亂龍南
京兵部尚書江東回籍聽用時守禦所練卒一卒兄弟更換應役本管
千戶吳欽不加懲治輒申南京兵部尚書江東准令見丁應役吳遂倡
亂遂縛欽于營臺東聞亟遣官招撫之欽得釋衆始定羣捕首惡九人
逮繫訊治事聞乃罷東○詔考察京官時御史唐繼祿以早蠶為災條
上修省十事其黜罰奸庸一事欲令京堂官俱自陳其餘聽部院考察
去留疏入報可于是大率士嚴嵩徐階各上疏自陳求退上勉留之
尋吏部尚書歐陽必進率九卿自陳吏部都察院奉旨考察在京諸司
官黜降如例○蘇松嘉湖大水時霪雨彌月湖陂俱溢平地水深丈餘
禾苗俱沒至十月始退○赤虹亘天晦日將晦赤虹二道自西北徑東
南且天者移時始散○閏五月山東萊州府地震○命都督俞繼賢
提督南京振武營顯承新命上言南京營軍習成驕悍宜以法裁制之

臣故所統川兵三千有勇知方乞許便宜帶領隨營操練內以彈壓惡外以控制倭夷卒有帖終者許臣以軍法從事俟其內馴外服海防稍靜漸為散遣兵部尚書楊博覆言南京原無前項糧餉請許選精銳五百自隨餘付代者有警聽調用上從部議○詔巡城御史每年終將各城兵馬會本舉劾時南城兵馬周子詩以侵盜車輛工費事覺為管工給事中劉畿所糾因有是命○原任南京兵部尚書屠楷卒贈太子少保謚恭簡楷臨桂人入仕三十年孤立寡交然亦無忤性豪奢好居第僅避風雨日閉門靜習讀書其中士論高之○南京給事中郭斗請蘇留都坊民言應天上江二縣原無應付事例而公私使者輒以片牘坐索厨傳夫役鼓吹坊民受累請禁抑之其應給者於各附近州縣均徭內編派聽本府差撥毋使偏累二縣部覆從之令南京部院及各撫按官嚴行禁格違者罪之○大學士嚴嵩妻夫人歐陽氏卒上

卷之十

四十五

諭閣臣曰聞高妻果不起夫婦並八十者不多有其示禮臣諒卹典後不為例時高子世蕃不欲歸而高無次子可扶柩旋者高乃以情告上設為兩難辭謂已老耄一日不可無世蕃在側上乃特旨留侍養令不必守制喪令孫鵠護歸高疏謝言世蕃例不敢任官支俸上報聞○六月流星隕有光時朔日昏中有星流牛女間墜地大如鷄卵其光燭天○命脩撰唐汝楫充裕王府講官○陝西寧夏固原地震城垣墩臺房舍俱倒塌地裂湧出黑黃沙水壓死軍民無算○蘭州莊浪天鼓鳴○宣府流夷斬虜來獻先是宣府邊外有流夷史大史二等為黃台吉以威逼屬固用為嚮導內江永寧龍門關頗被擾害台吉淫電史夷妻女及所部夷婦有色者多為所漁史夷乃怨恨之累求內附保塞邊臣疑其有詐令殺虜自効以為徵信史夷兄弟乃斬台吉首領恩克等十餘人以俘賊來獻守臣以聞詔賞史夷金幣有差○罷刑部尚書湯

天馭以給事中侯廷桂劾其庸鄙故也○建仁和宮○詔罷總督俞遂兵部尚書許論時戶科給事中鄭茂言各邊錢糧虛糜之甚奏討之多莫過薊鎮臣查嘉靖三十六年邊餉客雲止八九萬今三十四萬有奇昌平止四五萬今一十四萬有奇何前後懸絕若此總督許論在鎮三年一卒未練而糧餉獨倍往昔侵冒之弊誠不能無宜專勅風憲大臣赴邊計議上是其言遂令論罷歸聽嚴以楊選為兵部侍郎代論總督○秋七月己丑朔日食時日食一分五秒例免救護禮部尚書袁輝上言皇上以父事天以兄事日群陰退伏萬象輝華是以日位旺榮氛稷銷鑠食止一分與不食同臣等不勝懼忤上以為然而悅之○召南京刑部尚書蔡雲程為刑部尚書○故黔國公沐朝輔夫人陳氏獻銀三千兩助太工賜銀幣詔雲撫按官以禮獎諭○萬春宮成○虜犯宣府分數道入副總兵馬芳等督兵禦之擒其酋十四人俘斬十八人

卷之十

四十六

獲馬二百四十餘匹虜遁出邊○巡撫應天都御史方蕙請修水利言蘇松常鎮四郡水利甲于天下宜備查應修之處分別工程難易以次興工河夫銀兩編征追補如故仍請復設水利通判勅兵備憲臣往來督課之部議允行○八月田官獻嘉穀時御田產嘉穀異穎同本者四十有九田官以獻群臣表賀○兵部尚書楊博疏陳守禦機宜詔行之先是上諭大學士嚴嵩等曰自傳入朕每慮邊務今秋恐有擾者其語博早定策以遇之博因言九邊以薊鎮為重虜酋俺答等潛形不露竊恐謀窺薊鎮伏承宸慮謹條六事以獻上以所奏事宜悉令施行○原任禮部尚書孫承恩卒承恩華亭人卒贈太子太保謚文簡○九月詔戒諭晉王先是太原知府於惟一在郡繁已任事節財愛民歲飢設法賑濟全活以數千計前歲虜入鴈門總兵王懷邦率眾避入會城軍士擄掠於市惟一執而撈之驅其眾於城外及懷邦以失事被劾屬

惟一問狀惟一論懷罪當死巡撫都御史孟淮時奏免防秋民止盡
徵折價及廢入懷邦以是快淮欲上書發其奸與之俱死淮乃諭惟一
令寬懷罪惟一執之益堅淮大恚乃劾調惟一太原士民如失怙
恃於是晉王上言惟一在郡得軍民心請留之 上不悅乃戒諭王毋
得妄有干預仍下巡按御史逮問長史承奉等官以聞○降勅諭王
定燿禁制宗室王奏言臣僻在邊隅密選洞苗土人故為夷風所染不
習禮義比者宗人蕃衍日就驕佚或收方士燒煉或強掠良人子女或
詐索軍民財物或結無賴遊畝或鼓彈夜遊城市本府公事稱疾不赴
臣以前後勅諭宣示禁約歷年久遠欺玩如故乞重降勅諭頒示藩封
俾臣奉以從事 上從之令改勅賜王嚴加鈐束○勝犯居庸關官軍
禦之總兵姜應龍先進過虜於南海廣縱騎圍之應龍身被五創墮馬
泰將胡鎮應所部兵力戰射傷數虜奪應龍以歸虜遁去○詔給各邊

卷之十

中

火器 上諭輔臣曰朕聞虜入已久恃各邊有備賊稍知畏可于諸城
堡通給火器以禦之仍堅守勿戰以仰奉上天保佑之意于是兵部尚
書楊博言今歲虜謀異常在西者分入密雲以誘我薊西之兵在東者
分屯遼右以窺我薊東之怠大意垂延畿甸欲為深入之計今塞外早
寒勢無能為臣謹如聖諭傳示邊臣 上曰然薊鎮火器工部亦以時
多給之○詔脩景王湖廣府第○原任南京戶部尚書盧紳卒紳咸寧
人性誠懇務修實行孝友恭儉閑中士人咸則之○冬十月詔遣戶部
大臣往覈薊鎮倉大邊餉先是 上屢諭大學士徐階以虜患當備儲
上言金城湯池無粟不守今諸邊言缺食甚苦而戶部稱給發已多中
間弊源必有所在乞諭戶兵二部根究清理乃又安之策也 上應之
欲治諸奸貪階復上言奸貪侵冒其弊最大其次亦有二端曰民運糧
欠不行催繳給發日多給發後時糧買價貴故得最少須本末兼理庶

幾有益 上然之因諭道戶部侍郎一人前往薊鎮宣大清理邊餉務
先治奸貪次釐時弊于是命總督倉場右侍郎林應亮往吏部又言應
亮諱原有餘明敏不足而二鎮契鄰蠅集兵馬單怯總理之責非所能
勝宜及其未行改命練達勤敏者代之 上允其請下大臣再推因調
應亮于南京而以倉部御史霍冀總理宜大薊鎮糧餉既而給事中張
益言皇上軫念邊餉特勅大臣往理慮甚速也第稽查糧餉者戶部之
職本部左侍郎劉大賓右侍郎趙貞吉廷臣舍弗推而以霍冀應詔惟
二臣才識不逮故公論去之宜令致仕乃命羅大賓負吉俱間住○初
令南畿人不得典南試先是中允吳情典應天鄉試同邑中者十有三
人時論大譁言臣復劾論情試錄已刊舉行更易副考官胡杰不能匡救
乃謫情廣東市舶提舉杰廣平通判南畿人不許典南試自此始○詔
令總督浙直兵部尚書胡宗憲進兵勦賊先是南疆盜起殺副使汪一

卷之十

中

中至是兵部尚書楊博言江西之寇始於南贛賊巢合廣西叛兵益以
本鄉思少遂至蔓延不制前奉詔督責諸臣以九月報平今且過期不
效請更申飭刻期蕩平仍令照邊方事例半月一馳奏賊情御史段顧
言生長邊鄙素聞賊畧可就委以兵事海道副使譚綸嘗練土兵足稱
智勇今以守制回籍宜令墨襄效用以靖地方且閩廣之賊所倚重者
數巢穴耳使以勁兵乘虛掃蕩攻其必救賊必率于內顧乃可平定
上令宗憲督率進剿餘如議行○准王厚齋獻白馬時王得白馬於都
湖遣使進獻群臣表賀○十一月以禮部尚書袁煒為武英殿大學士
兼預機務時 上漸有疑大學士嚴嵩意欲罷論大學士徐階舉堪輔政
者階奏言傳云人君以論相為職夫百官孰非當論而獨云爾者以
相位高任重必由人君自論然後見思自上出而令且上制也惟乞皇
上斷自宸衷簡用一二與臣等同事則政體明而幾伺陰阻之私自杜

上乃特命燁以學士入閣○詔令吏部尚書歐陽必進致仕改郭朴為吏部尚書先是故兵部尚書湛若水曾孫壽乞贈祖官吏部謚若水學行醇正士望所歸宜允其請 上怒曰若水偽學亂正乃為謚譽其以狀對必進惶恐謝罪 上責其徇情沽譽詔奪少保兼太子太保止以尚書供職既又以戶部侍郎不堪位而不言降俸二級至是以禮部尚書缺命推郭朴上言文據諸臣久不擅改茲以朴擬在例內何也其以狀對必進等謝罪 上以必進往回動換自速轉後自凡專肆大失大臣體姑與致仕員缺朴即代之諭朴勿辭朴上章陳謝 上褒諭曰卿性資醇謹樸本勤誠遵命即任朕心加悅宜慎評庶職先於守令以副簡用至意○萬壽宮災萬壽宮在西苑本成祖舊宮自壬寅宮闕之變 上即移寓于此不復居太內是夜火作禁衛皆不救乘輿服御及先世寶物悉燬○二月詔營萬壽宮 上暫寓玉熙宮工部尚書雷禮言玉熙宮殿湫隘且地曠近水非可久御萬壽宮係皇祖受命重地王氣攸鍾偶值災變實天啟呈上俾與新丕基永延億載之祚及時營繕以承明眷 上曰郊廟謝罪禮成是日風蒨氣爽皇天赦憫眷與當承其重建之禮言重更御官事體隆重請如殿工例容臣朝夕督稽夫匠從之○命左都督朱希孝入直西苑仍令親率官校環衛大玄都四面及西安門侍郎葛縉亦令率營兵入衛于是鎮遠侯顧寰自以職典京營當一體効勞援繒例請許之○贈故江西副使汪一中妻宜人程氏為淑人命有司建坊立祠祀之初一中既陣亡程氏痛其夫死于非命扶柩至家絕口不食而死巡按御史王喬以聞故有是命○協理戎政兵部尚書王邦瑞卒贈太子少保謚義毅邦瑞宜陽人嚴毅有執器識甚偉歷官四十餘年以廉節著稱至是卒于官○召起原任南京兵部尚書江東為兵部尚書協理京營戎政仍加太子少保如舊○命

遷京營丘卷戌時兵部尚書楊博以京營之兵頻年坐食漸成驕惰乃議摘選番戍條上四說一言使京軍習見烽燧涉歷勞苦可以轉弱為強二言居庸鎮邊警報絕少即使有警去京甚近朝發夕至視調宣大保定之兵勞費頗殊三言春防之日本鎮止留邊兵二枝一遇屬警顧此失彼誠得京兵守戍使邊臣專守古北口在此為重聲在彼為實用四言部署已定可視春來緩急為進止不至虛發以耗芻糧 上是其議○詔重刊衛生易簡方書前禮部尚書胡濙所進也 上好醫藥置一部凡案間時加檢閱間有脫簡命禮部繕印全帙進覽時故板亡失過半禮部乃請購民間善本重刻以廣其傳詔可○總督俞欽宣天糧餉戶部右侍郎霍冀條上薊鎮事宜曰清居耗重調遣禁冒支限遠近議防冬議監價給年例戶部議覆從之

春正月丙戌朔 上不御殿○壬辰大風揚塵蔽空○權吏部侍郎嚴訥為禮部尚書○京師地震○兵部尚書楊博請給宣大薊鎮穀種許之博言今年播種之始雪澤屢降弟薊鎮宣大逼鄰虜境十室九空農事方興牛種不給恐遲延過時則秋成無望臣前在左右衛目擊其苦若及今稍為處給計種一石可得子粒數石比之荒歲召買省價實多請發馬價銀三萬兩分給三鎮以為方春播穀之費 上嘉其留心邊計許之仍令各鎮從實舉行○直定府天鼓鳴流星晝隕有光○詔賜宣大總督都御史李文進等金幣初虜犯大同敗胡堡執守衛劉晉臣去至是晉臣自虜中亡歸言叛人丘富已死千版其黨趙全周元等焚而瘞其骨文進以其言聞兵部言逆賊天誅實賴玄祐請擇日奏謝

上令使貢行乃賜文進及巡撫陳其學銀幣省晉臣被虜之罪○戶科給事中鄧綬查數薊鎮還京先是練奉詔查理薊鎮軍營盡得官吏侵牟兵馬虛耗之數以巨萬計至是還乃上言邊餉日虧皆原任總督許論調度失宜管糧郎中閻光潛剽劫出納不明之罪而所以致弊之由有十大畧虛填籍伍濫收家丁偵報不實調遣不時主兵或代客兵出戰客兵或代主兵入守門皂官承盡食軍門之餉商民將領胥成影射之風其他無名冗役無益濫費不可勝數皆當痛革疏入報聞○詔協理京營戎政兵部尚書江東與提督京營鎮遠侯顧寰輪日視操時東以萬壽宸居與工自請率甲士守門 上以開操在邇詔典顧寰輪日視操仍同防守○都御史潘恩疏陳時弊條上四事一言邇來管錢穀者牟美餘之利理刑名者徇出入之私開嚴閣津則留難商旅差違勾當則騷擾軍門諸司私家果取市物巡城設酒料及樂戶耳聞目見

殊失官常宜勒兩京都察院重加嚴禁二言邇來御史惟急簿書期會承迎趨走不暇聞有司賢否雖行舉劾必待及時以故貪吏日縱宜勒令諸司治行不時奏聞三言憲職嚴重不可纖毫汚染今御史巡歷供億饋遺動至百數甚或公受保舉謝儀私索地方土物宜勒令毋過自奉毋厚私交禁革守令常例紙贖一切歸公四言有司任情出入斷鍊成獄或所犯本無重情而家道豐盈必為羅織假積穀之例託兵費之名多則罰金數百少亦輸穀數十比追磨產有同籍沒宜勒令但坐應得之條勿加一切之法疏入 上嘉其深切時弊納之○二月詔罷親耕親蠶禮勿復奏時耕蠶禮久不親行每歲禮官循以故事請上每命戶部祭先農女官祭蠶祇至是復請政祭蠶祇 上諭輔臣曰耕蠶二禮皆自朕作即親耕亦虛實耳必有失為是遂俱罷之○會試天下舉人命大學士袁煒掌詹事府事吏部左侍郎董份為考試官取王錫爵等三百人○福建倭賊犯懷安縣投督都御史游震得檄兵勘之時坐營指揮王堯帥三衛軍福州府通判彭登瀛帥鄉兵先嘗賊失利歸罪于臺震得執臺督之斬隊長以下四人三衛軍不服有怨言會副使汪道昆閱操教場遂大譟格殺鄉兵數人求殺登瀛不得屯城南久之乃散○命釋宣府巡撫都御史遲鳳翔于獄外調鳳翔初以給事中曾廷芝劾其貪酷下獄行巡按御史勘報至是勘所奏事多誣但舉動乖張不諳邊事刑部覆請量調以全器使故有是命○雲南總兵官黔國公沐朝弼請送還妻嫂于南京許之朝弼奏言臣故兄朝輔之喪已歸矣南京二姪融馨文相繼歿今妻嫂陳氏留居府第蕭索不樂乞送還南以便祭掃臣以其租入奉之詔從其請令撫按官護送仍給以養贍田產○山東德州大風雨魚大者數寸其地為九龍廟○方士童道行獻瑞龜錦衣指揮嚴鶴獻王免靈芝群臣表賀○三月萬壽宮成先是

上命營建萬壽宮欲連成大學士徐階知 上意以待郎朱衡董之太
始工役日夜兼營三月而成宮中有壽源萬春太玄仙禧諸殿極其宏
麗 上大悅工部請加恩諸臣 上以階竭忠盡勤加少師兼文尚書
及大學士俸廕一子中書舍人階疏辭不允侍郎衡加俸一級餘各陞
賞有差○調福建武平知縣徐甫宰于廣東程鄉縣時廣寇遽起程鄉
為甚江閩間大被其害南贛巡撫陸稔請由令長非人所致武平與程
鄉隣甫宰治武平久賊素憚其威信故特奏調之○宣大薊鎮勘上糧
餉先是 上命宣大糧儲董憲勦總督楊選查勘糧餉至是董等上
言薊州主兵年例不過七萬今已十五萬客兵不過十數萬今則三十
萬密雲主兵年例不過二萬今則八萬客兵不過九萬今則二十三萬
其他冗費雖不盡無而增兵之耗十居八九皇上令本鎮專練主兵漸
減客兵誠務本善後之良商要在督撫着意行之耳若主兵月糧全資
民運河南山東巡按事煩宜責成巡撫順天保定巡撫事煩宜責成巡
按屯田子粒責成屯田御史各賜新勅重其事權部議從之○廷試賜
徐時行王錫爵余有丁等進士及弟出身有差○總兵石邦憲大破四
川土舍韓甸平之先是播州容山長官司副長官土舍韓甸與其正長
官土舍張問治兵相攻甸遂敗問兵奪其印遂無畏悍糾眾橫行湖廣
境中官司不能制為害且二十餘年至是邦憲始大破平之擒甸并其
妻捷聞論功詔復聽調總督重威任候用進邦憲右都督甸等各斬首
梟示甸妻發定安置○命增設茶馬司於甘州巡撫陝西都御史鮑承
應議請於甘州適中之地增設茶馬司令其多方招商中茶抬番易馬
仍令四川保寧茶課全徵本色助之 上從其議○夏四月 上初御
萬壽宮舉迎恩大典五日群臣表賀○命兵部左侍郎葛縉兼右食都
御史督視遼東軍情時虜酋土亦魯等大舉寇遼東攻東關驛錦川營破

之巡撫都御史吉澄以聞因言本鎮士馬單弱城堡頽壞不堪戰守請
如次同往年事故特命重臣調發兵糧救援且促新任總兵吳璘到任
上諭兵部曰吉澄所奏地方危甚吳璘果勝任否因令更推才望大
臣一人督視軍情乃舉縉任之縉奏舉武庫郎中張志孝京營副將劉
大章自隨報可○命順天府祈雨時久不雨 上諭輔臣祈雨大學士
徐階上言宜行順天府臣祈之既而復躬禱于禁中○陝西鄜縣散官
王金進獻靈芝及五色龜 上大嘉詔授金大醫院御醫仍諭禮部
芝五色既全五數又備豈非上玄之賜乃命成國公朱希忠告太廟群
臣表賀○五月命都督會事劉顯充總兵官鎮守廣東南贛恭將俞大
猷副之時兵部尚書楊博建議故有是命凡一應戰守事宜令會同督
撫協謀勦賊仍令江西紀功御史段顧言兼覈廣東功罪以聞○以吏
部右侍郎張永明為刑部尚書○遼寇遼東時遼東邊外屬夷王景綏
率虜衆入寇一自東州堡一自核桃山入副總兵黑春率遊擊徐繼忠
禦之春身自搏戰殺數十人諸將從之虜衆大敗棄其輜重鎧甲而遁
備禦劉音亦敗虜於核桃山斬首百餘級督視葛縉巡撫吉澄總兵吳
璘以捷聞兵部尚書楊博言遼東饑疲之後有此克捷乃近年諸臣所
未見者有功諸臣論賞宜重從之○命增遼東主兵銀兩時督視軍情
侍郎葛縉以虜衆米價翔貴請增主兵銀一萬兩從之○詔罷選庶吉
士時仕路混濁賄賂公行庶吉士素號清選亦以賂入貧者稱貸為資
有持券入償於司禮太監黃錦者縉密以聞 上聞而罷之○大學士
嚴嵩罷詔逮繫其子世蕃于獄論成邊擢御史鄒應龍為通政司參議
初嵩見張璁夏言以言禮驟貴乃從史與獻帝稱宗附廟 上從之自
是眷遇日隆人言不復入自徐學詩王宗茂斥謫而縉側目楊繼盛
沈鍊死而言者屏息吳時來張翀董傳策成邊而朝野搗手莫敢復及

高又專伺 上意為迎合計結納諸人微伺大內動靜察白之朝夕數十至高隨其巨細累金錢勞之以故諸人德高連白不少輟高因得以知 上所欲為將迎之 上好玄祀言者嘖嘖不已高獨以為然屢撰青詞供奉壇殿間 上賜以香葉巾輒昂復命徒諸貴人拜起高唯唯不違以故奄者不表其子世蕃以父任歷官工部左侍郎貪恣很懷無所不至以中書舍人羅龍文為心替廝養嚴年為羽翼鬻官剝民公行不忌 上亦微知之念高不忍發會有術者竊道行以其仙術進 上事必咨之 一日命中使持片楮焚於殿密書云世蕃惡毒上帝何不殛之適行潛匿御札以別楮焚之詭作仙筆報云世蕃罪惡貫盈固宜殛之以在輦轂下恐震驚皇帝欲俟外遣戮為益粉耳 上心益動亟欲遂遣而無由至是御史鄒應龍上疏劾世蕃憑藉父族專利無厭私擅爵賞廣致賂遺而伊子錦衣嚴鶴中書嚴鴻家奴嚴年中書羅

卷之二十一

龍文為尤甚即數人之中嚴年猶為黠狡不才士夫競事媚奉號曰鶴山先生猶有異者世蕃遭母喪 上以高年老特留侍養令子鶴代為扶襯世蕃名雖居憂實喜得計擁侍姬妾屢舞高歌已為鬼神所厭扶其目矣臣請斬世蕃首懸之藁竿以為人臣凶橫不忠孝者之戒如臣言不實願斬臣首懸之藁竿以謝世蕃父子 上覽之乃降旨曰嚴高力贊玄修壽君愛國人所積惡既多年矣乃縱愛逆子言聽計行不復思朕優眷特命致仕乘傳以去仍歲給祿米百石世蕃等命錦衣衛逮赴鎮撫司考訊鄒應龍盡忠言事當有特嘉吏禮二部擬官以聞既而法司獄具坐世蕃戍烟瘴鶴鴻文戍邊遠年錮于獄擢應龍為通政司叅議命增設平遠縣泊于程鄉縣之太平營隸江西贛州府從南贛都御史陸稷奏也○收方士藍道行下獄論死時嚴高父子既得罪上追思高贊玄功意忽不樂乃諭大學士徐階等欲遂傳位退居

西內專祈長生階等極言不可 上曰卿等既不欲違大義人情必天下皆仰奉君命同聞玄修乃取嚴高已退伊子已伏罪敢有再言者同鄒應龍俱斬高知上意已動乃密賂上左右各十萬金令發道行怙寵招權及矯稱王詔諸奸利不法事道行遂得罪○虜寇寇遼東攻鳳凰城不克轉掠湯站堡副總兵黑春引兵逆戰虜倭敗黑春追擊陷伏中死之事聞詔贈都督同知莊子立祠○六月廣東逆賊張璉伏誅初自倭寇滋蔓福廣江西諸路不逞奸民所在蜂起而廣東尤甚賊首張璉本饒平縣之烏石村人以毆死族長懼誅亡命入宿賊鄭八蕭雲峯黨後鄭八死璉與雲峯分部其眾而璉為最強知縣林叢槐嘗親至其巢約降給以冠帶璉益驕甚與雲峯兵合縱掠汀漳延建及江西之寧都連城瑞金等處攻陷雲峯鎮海衛南清等城三省騷動守臣以璉巢介三統之間四面皆山未敢訟言勦之璉雖叛猶揚言聽撫以緩我師及

卷之二十二

提督兩廣侍郎張臬始謀大征奏言逆賊張璉勢甚猖獗臣已調集狼兵十萬與福建江西會兵進剿分定信地臣臬駐惠潮巡撫福建都御史蔣震得駐漳州南嶺都御史陸穩駐永定得旨如擬仍令協力進兵剋期殄滅時方議勦調兵未集賊覬知福建平和縣單虛率眾攻城府知事胡期亨署縣事與典史談繼率鄉兵出城迎戰賊見鼓行甚銳以為有大兵至驚駭奔潰繼麾眾疾擊之擒賊五人斬首三十二級穩疏以聞而臬亦報擒程鄉賊首王子云陳福保等二十五人是時 上深以南寇為慮聞報大喜論兵部曰勦賊獲功殊荷上玄威應此効勞人員其通查請資以勵眾心於是部列諸臣名上詔賞臬穩等銀幣各有差兵部尚書楊博因言朝廷不愛重賞以勵士將帥不徂小勝以立功上下之間乃為兩盡今大賊猶在蕩滅未期乞下嚴旨申飭之至是臬等以聞廣江西兵捕勦賊首張璉蕭雲峯俱就擒斬首一千二百有奇

捷聞兵部請將賊首檻送京師獻俘正罪餘黨未平者亟行所司撫勦
弁令巡按官詳覈功罪以聞 上曰獻俘一節祖宗久不行賊首就擒
可即彼地刑之首梟三省以雪民怒為正乃以逆賊平告於郊廟群臣
奏賀既而論平賊功嘉璉右都御史應一子國子生穩進兵部侍郎總
督胡宗憲巡撫江西胡松泰政譚綸等各賞銀幣有差○巡鹽御史袁
淳論諭淳安知縣海瑞初鄒應卿以都御史總理天下鹽運巡行郡縣
招權納賂叱咤風生其妻偕行裝五綵輿令十二女子舁之令長以下
膝行前匍匐上食惟謹至以文綉被廁床白金餽溺器千里傳送絡繹道
途比至淳安供張甚薄瑞復抗言縣小民貧不足容車馬懋卿怒甚然
素知其強直不可辱歛威去之密嗾淳論劾瑞遂落職○總督陝西三
邊喻時請豫邊防言三邊四鎮地里浩渺兵稀糧少戎律懈弛因條上
豫防五事曰調腹兵以補空邊視功次以激勇力量緩急以備軍儲處
供饋以預冬防修戰馬以充衛額詔下所司○秋七月內苑獻嘉禾一
莖三穗及二穗者凡三十一本群臣表賀○總督薊遼侍郎楊選疏陳
秋防四事一言順天巡撫每年移駐昌平防秋今今口最為要害宜勿
拘以地使得視警策應一言石門切近畿輔宜分遼東兵三千駐軍遠
者專聽臨時調授一言龍井兗將軍石牆子嶺提調官唐時雍等皆不
職宜更置一言本鎮之兵功在保障宜申飭軍士能禦虜者悉照三十
三年古北口例論功不論斬獲致賊深入者仍以失事議罪部覆從之
○戶部尚書高耀疏上理財之議先是 上以財用缺乏命戶部集九
卿科道官議足國裕民之計以聞至是耀議陳十四事曰省兵食慎調
遣先節約完積遺清屯糧議收放均修外例處銅價省供應杜奉
留議補助課漕銀定稅法 上納之○前鎮喜峯口諸處地震○八月
詔重錄永樂大典初文皇帝命儒臣纂輯諸書分韻類集以便稽考為

卷三萬有奇曰永樂大典 上愛之每置一二帙于几席間及三殿
命左右亟登文樓取以出遂得不燬至是命再錄副本以俗不虞乃諭
大學士徐階董其事以禮部侍郎高拱兼翰林學士同諭德兼侍講
纂淳文總校官右中允張居正兼編脩同脩撰林燦等充分校官開館
繕書○戶部尚書高耀獻龍涎香初大內災官人有密收龍涎香者時
上索之急耀陰使人以重價購之得八兩以獻遂大稱旨○命工部
右侍郎呂光洵提督盧溝橋工程時盧溝西南堤壞命工部尚書雷禮
往視禮還上言修築事宜言盧溝橋東南有大河從麓園莊入直沽下
海沙泥淤塞十餘里稍東有岔河從固安入直沽下海地勢稍高宜先
疏濬大河令水歸故道然後繕築長堤其決口地卑土浮水深流急人
力難施而西岸有故堤約長八百丈宜按遺址繕築仍委幹局官九人
分為九區併力責成又橋東西岸甃石不堅當俟決堤功完之日加工
繕治 上乃命光洵督其役仍令禮月一往視既而工完賞禮等銀幣
禮因言河工係筭內帑請撰文勒石以昭聖蹟報可乃命大學士袁燁
撰文記之○九月三殿工成時大工告成乃更奉天殿曰皇極華蓋殿
日中極謹身殿曰建極文樓曰文昭閣武樓曰武成閣奉天門曰皇極
門左右順天門曰會極歸極東西角門曰弘政宣化群臣表賀仍布詔
天下閣臣擬赦 上曰赦者小人之幸且搜木輦石者安從沾惠耶不
許○召督視遼東軍情侍郎葛綢還部以虜退故也○詔革工部左侍
郎劉伯耀南京刑部侍郎何遷南京右通政胡汝霖南京光祿少卿白
啟常原任湖廣巡撫張南廣西副使袁應樞右諭德唐汝楫南京太常
卿王材等職間住時給事中趙灼沈淳陳讚劾伯耀等皆黨嚴嵩父子
故同時罷去○戶科給事中何燧疏陳時弊條上五事曰寬民力懲賊
吏重糾察正士風禁奢靡詔下部院議行之○方士熊顯進法書詔賜

冠帶銀幣頭江西豐城人進法書六十六冊 上令留覽賜以冠帶銀幣遣還○改刑部尚書張永明為左都御史○命檢討殷士儋充裕府講官○福建新倭大至突犯福清福寧政和等處○召南京戶部尚書黃光昇為刑部尚書○詔免江西水災諸府州縣秋糧○冬十月御史林潤疏議宗藩言今天下極弊而大可慮者莫如宗藩未有建不易之策者懼拂宗室之心而重違祖訓也臣觀河南開封洪武中惟有周府今郡王增至三十九府將軍至五百餘中尉儀賓不可勝數舉一府而天下可知距嘉靖初至今四十餘年所增之數又可知天下財賦歲供京糧不過四百萬而各藩祿米凡八百五十二萬即如山西存留米一百五十二萬而祿米三百一十二萬河南存留米八十四萬三千而祿米一百九十二萬是二省之糧借令全輸已不足祿米之半况吏祿軍餉皆出其中乎自郡王而上猶得厚享將軍而下至不能自存饑寒困苦號呼道路聚而詬有司守土之官不惟懼辱且懼生變奈官司因于難供而宗藩病于不給天下無可增賦之理而宗藩正當蕃衍之時可不寒心哉今議者或云當今天下親王如國初遼韓岷肅皆二千石或云郡王而下半支如京朝官例儀賓而下如外有司例或云親王祖免而下則從廢人之例月支米三十石或云不宜遽削於今日而惟定制於方來或云定子女之數以杜詐冒或云開應舉之途弛商賈之禁言人殊臣以為宜令集議於朝仍頒示諸王示以撙節極弊不得不通之意令戶部會計賦額以十年為準大約兵荒蠲免存留費用幾何王府增封幾何祿米及諸費幾何令宗藩曉然知賦入有限費用不經其陳善後之策然後通集眾議斷自宸衷以垂萬世不易之規疏下部議○詔免各省歲辦軍器改徵折銀聽工部自行成造以濟實用從尚書雷禮請也○廣東官兵追捕賊首林朝慶等獲之初張璉等平獨程卿巨

賊梁軍林朝慶徐東州等出沒贛吉一府久之不定南贛巡撫陸穩乃檄泰將俞大猷引兵夜襲軍巢懼先遁東州典官兵遇於武平伏發就擒朝慶復約河源賊首黃積山謀大舉官兵乘積山無備攻巢克之斬積山首朝慶復率其黨從銀場坑間道出攻程鄉城知縣徐雨宰嚴兵待之乃計遣主簿梁惟棟入城中招安因而說散其黨朝慶窮急遣巢遁官兵追擒于陰那山并其弟朝敬等于是朝冠悉平○十一月福建官兵擒龍山賊蘇阿普斬之阿普龍岩縣人故賊首藍松山范繼祖之黨初松山為程鄉所擒阿普俱求降同知鄧士元受之安置其黨於龍岩漳平二縣間然而劫掠如故七月阿普為龍岩人所擒漳平人欲要為功相競干途為其黨乘間奪去阿普因結果西漢以拒官軍久之會繼祖亦敗阿普勢窮龍岩知縣劉源湧乃懸重賞購執之斬首以徇於是山冠悉平○詔總督尚書胡宗憲軍督浙宣福建軍務不兼江西以江西寇平也○命御史姜儉至大任分行天下訪求法士及秘書○詔逮繫總督浙福尚書胡宗憲詰京察釋之令罷歸南京給事中陸鳳儀等論劾宗憲欺橫貪濫十大罪言潛結海寇王直欺天冒功大罪一奉旨會勘江閩群盜偷安不行違旨玩寇大罪二虐兵殺侵餉軍需大罪三延納贗軍嚴中茅坤蔣孝呂希周田汝成等競為奢僭靡費無紀大罪四扣減織造價值侵盜誤國大罪五遍府驛派解庫給銀兩縱吏舍騙索庫糧馬匹流毒驛傳大罪六私出把總貪總告身費官通賄大罪七以杭州衛官廩私親鄉官徇私城公大罪八私役官兵送子守家為門子報怨大罪九娶杭州部民洪梗女為妻留卒役來住徐子明之妻於督府宣滿敗度大罪十乞將宗憲罷斥別選才良以紓南贛之懷重下吏部覆奏宜置干理 上然之命遣官校逮繫宗憲赴京考訊既而逮至請旨處分 上曰今却加罪後來誰與我任事其釋之乃

落職居家○詔罷浙福總督大臣時胡宗憲事敗 上諭大學士徐階
浙閩總督似不必設階上言地方已就平寧百姓遭崇憲擾害之後有
資綏輯止宜設巡撫重臣于勒內開載浙直有警互相應援之語似為
便益從之乃以趙炳然為右都御史巡撫其地○丁酉冬至大祀天於
圓丘命成國公朱希忠代初太常寺奏郊祀詔百執事各宜加慎毋怠
及祭之日天氣和霽星河澄朗 上喜甚乃諭禮部曰朕仰荷皇穹眷
祐大報禮成代者忠敬百執事效勞宜嘉恩賞乃嘉希忠太師餘各賞
銀幣有差○命奉安獻皇帝獻皇后神几于象一宮 上嘗思慕獻皇
帝后乃以冬至日奉安二聖神几于象一宮以便瞻奉○甘露降于顯
慶殿陵宇俗太監張方及奉祀蔣華等奏言冬至日甘露降于顯慶之
松樹乃採取以獻 上大悅以示禮部尚書嚴訥言在昔黃帝堯本
朝惟太祖成祖當致斯瑞今顯慶乃二聖登祥之地而冬至乃一陽來
復之期斯地斯時奇逢妙合宜令百官稱賀以昭聖孝感通之徵 上
從之○辛丑日暈生珥白虹彌天○虜犯寧夏時虜數萬騎犯寧夏清
水營諸處副總兵王勳戰死守臣以聞詔贈勳都督同知蔭子正千戶
立祠致祭治失事諸臣之罪○詔徵兩淮鹽課先是兩淮餘鹽銀額徵
六十萬後新開工本鹽引增至九十萬總理鹽法鄧懋卿復增至百萬
半年一解商人苦之會有旨趙徵春夏課銀率下巡鹽御史徐燝燝乃
上疏言祖宗朝兩淮鹽法日常版曰存積曰水鄉共七十萬引有奇每
引以二百斤為一袋商人赴邊報中每引納銀八分永崇以後每引納
粟二斗五升下場關支四散發賣商人利亦十五焉雖律法甚嚴止
以犯禁料罪而所獲贏貲悉置不問良以商人挾資萬里躬冒矢石出
百艱得一生以為我足遊耳當時諸貯足而戶曹轉充有以也近年
正鹽之外嘉以餘鹽餘鹽之外又嘉工本工本不足必嘉添單添單不

足必加添引鄧懋卿見鹽阻滯為疏通之術而不知邀近功于目前
後終不可復繼是誤國亂政之尤也諫者徒以前歲鹽課不虧遂指為
例臣查得前歲所解非取諸商也稱掣之後即為督促此單不取預備
下單下單不足解當引即又不足則蓄產回籍又不足則悉括庫貯挑
河諸銀盡借之節年所積不罄不止戶部但知有銀解到不知為剝肉
醫瘡也今查告災荒而不加恤安知將來不并六十萬而盡虧耶又有
可懼者年來產鹽各場皆沒于水煎燒之所蕩析難居徵鹽入倉不免
縲絏若取盈百萬之數官必迫商商必迫寬臣恐復業者一人逃亡者
數十人茲急欲絕不棘于此矣乞勒戶部仍以六十萬徵解庶商寬樂
趨可以經久疏入部議亦以為然報可○倭寇攻興化府城陷之倭初
至先犯邵武殺指揮齊天祥轉掠羅源連江等縣殺遊擊倪祿遂攻玄
鍾所城及寧德縣入之乘勝直抵興化府城浙江泰將戚繼光引兵還
浙遇倭自福清東營澳登岸麾兵擊之斬首一百八十有奇遂行而閩
倭至者日眾始攻興化城不克乃合兵薄城下圍之且匝月至是守城
卒勞罷賊乘其懈弛夜以布梯傳城入之開門放火城中方知賊至百
姓惶擾泰將畢高泰政翁時器悉絕城宵遁同知吳世亮為賊所殺賊
遂入據府總兵劉顯時在會城聞變來援至則城已陷顯大兵留江西
勦廣寇所提八閩卒不及七百人且罷于屢戰倭新至勢眾且銳顯知
不敵乃逼城為營以伺賊隙顯有威名興化人初聞顯至以為旦夕破
賊而相持日久疑其養寇懷以為恨巡撫福建都御史游震得狀聞
部覆言賊以旬月內連破數城如入無人之境帥府而下職守謂何顧
事急之際姑令戴罪立功請調新募義烏兵一枝以戚繼光統之仍起
丁憂參政譚倫典都督劉顯總兵俞大猷同心共濟以收奇功 上從
之○十二月前遼總督侍郎楊選疏陳邊務言各邊將帥必威令素行

於士卒而後可責其禦虜近日奸夫猾吏各陰求嚴將之短浮言藉藉眩惑視聽甚則客兵藐視抗衛自今宜嚴造謗之誅重閫外之權仍令主客兵一體訓練使令者並以軍法治之又順天撫臣職理兵馬糧餉而薊遼糧餉撫臣咸不與聞自今主客糧餉宜責管糧郎中收放兵部召買年終彼此磨勘仍於巡撫勅中添載催徵屯糧事宜著為令從之○命南京戶部彙進黃冊上令每遇大造黃冊畢日將新舊戶口田糧之數彙成一帙進覽○擢廣東程鄉縣知縣徐甫宰為廣東按察僉事紀功御史段顧言薦其督捕巨寇林朝曦有功故超擢之

嘉靖四十二年

春正月庚辰朔上不御殿○諭補閣臣時上諭問大學士徐階同官可增一人誰堪其任者階上言知臣真若君皇上聖明天縱廷臣才品真逃聖鑑第此官位高地近不專有材須得平正謹實之人乃不

卷之十一

十一

敢憑藉債事上諭曰知臣惟有完避與我太祖耳若若者朕所自簡而不才至此相必君擇古之正理但後世官生之主不知人耳階又上言嵩材足輔政初皇上用之未為不可乃嵩怙寵而驕官成而息過聽其子而子復復貪特異常人致負聖恩昔先用四凶後嘉放殛太祖用李善長胡惟庸終以罪誅皇上之於嵩真與帝克太祖先後合轍茲乞簡自宸衷降勅宣示以協正理以崇主權上諭曰四凶惟庸之類非先與太祖之不知彼不終慎耳然充為聖人之首太祖何事不知尚且如此後世生長宮中者安及萬一能無誤事耶嵩罪非在聽子乃縱之病國戕民耳階又上言捧讀聖諭仰見皇上聖不自聖之心然自古人心難測大奸似忠大詐似信此知人所以難也惟廣聽納則窮凶極惡自有入以搜之深情隱匿自有入以發之未用者不至濫進已用者不至幸留下堂陛下而周知天下之情嵩縱子病國戕民誠如聖諭使早

卷之十一

十四

有人言豈至此故凡人有言必詳加詢察事大而言實者行之其不實者小則置之太者亦薄其責而容之務以來天下之善耳此法行則利在朝廷不利在臣下否則臣下受其利不利歸朝廷臣愛朝廷重于愛身故輒及此上嘉納之○勅巡撫山東都御史張鑑兼督營田復增設兗州府營田同知二人○廷杖御史凌儒黜為民儒陳時事舉吉水羅洪先等皆強年重望乞早甄錄疏入上惡其市恩賣直無故奏擾命錦衣衛逮至午門杖之削籍○甘露復降于顯陵松柏守備太監張方以獻上悅宜諭百官違定國公往祭顯陵加方恩一等守臣及供奉園陵者各賜銀幣有差○御史姜儉進所訪秘法書詔留覽○巡撫順天都御史徐紳疏陳驛傳事宜一議編審二寬積逋三免扣解四重專官兵部尚書楊博等議覆言順天驛遞之役故事十年一編今民間苦其偏累請三年一編著為令各州縣協濟驛遞銀兩逋欠數多宜令係小民者蠲免係所司侵匿者究治往因邊儲告急令天下扣解驛遞銀兩銀已輸官而小民代應如故是重困也宜罷其令順天府屬諸驛舊屬治中專理今宜申明職守責令以時巡歷上允其前後諸議而以扣解銀兩令部再議博役議言軍餉不足則士氣餒而國家之藩籬不固驛傳不通則行旅滯而國家之氣脈攸關二者均非輕務即如昔年扣解利千軍餉者十之一二害于驛傳者十之八九大率各處徵解到部多者八九萬少亦四五萬以之供邊九牛一毛耳至於驛遞則十夫九逃十馬九缺近者倭破興化齎報人以驛馬不時應付遲延四十餘日始得達京則弊可驗矣臣與戶部尚書高耀往復諮議皆斷以為驛傳錢糧宜復舊規留與地方供應而後可以責其時報聲息從之○詔旌表故文思院常侍官呂陞妻周氏以夫死自縊故也○虜犯宣府時虜五千騎犯宣府清水崖由黑漢嶺南下敗於將宋蘭莊擊麻錦

等兵遂掠隆慶永寧等處駐東西紅山窺分道原任為事總兵劉漢力
戎卻之賊遂西行由柳溝進據虎皮寨攻張家堡不克會大雪乃退去
以入凡七日○二月詔修良鄉縣公廨驛遞良鄉最近京供應勞頓會
比不稔各省直協濟銀兩人不徵解解平驛遞傾廢其丞簿率僉民
屋以居公使往來有露宿者順天府尹王國光言其非宜請亟加修繕
并請以本府所屬徵解馬價貯太僕寺者量借一萬兩公費從之○詔
賜總督宣大山西尚書江東等銀幣東上三鎮招徠虜中人口數一千
八百有奇請錄諸臣功乃賞東銀幣總兵姜應熊參將張威守備尚義
各進一級餘賞有差○詔再免昌平州寄養馬匹七年先是昌平自隆
庚戌虜變停派諸寄養馬匹已十三年至是太僕卿劉朝佐請復之巡
撫順天府御史徐紳以昌平密邇京師陵寢地衝民困宜永停不派部
議再停七年許之○虜犯遼陽副總兵楊照引兵進擊之于清河虜敗

卷之十一

五

遁出塞未幾後犯長安堡詔設伏待之繞出虜前擒獲甚眾○三月詔
修鳳陽祖陵先是有旨修理鳳陽祖陵及楊王墳至是巡撫都御史毛
懋等言二墳工費一切取民今地方兵荒大役難于並舉請令先營祖
陵其楊王墳頽壞已久役巨費多請暫罷以俟豐年報可○以禮部尚
書嚴訥為吏部尚書時郭朴以父憂去故以訥代之○詔調浙兵于福
建勦賊巡撫浙江都御史趙炳然因上言各省募兵多浙之烏義人夫
福建所以致變者民變為兵兵變為盜其所由來漸也夫治盜之策不
得不假於募兵為人上者多方撫慰使盜化為兵兵化為民可也今又
驅折之民以拯閭之急竊懼夫浙之為閭也請自今一意團練土著使
人皆可成家自為守急則為兵緩則為農聚散之間而有歸著即不得
已而招募亦必先本省次鄰省不得專泥一方以贖禍本 上報可○
詔設湖廣黃安縣巡撫都御史張甬請割麻城黃岡黃陂三縣地為一

縣隸黃州府從之○工部尚書雷禮請將編商戶從之禮言本部各員
錢糧例派商舖上納比者往往放富役貧而各監局所派錢糧稍有虧
裕輒為奸商營占以故倉審之際往往紛紛乞容臣等將一切之苦累
商戶之貧富通融均派勸諭各監局不得縱奸倚勢營利其間庶良民
不至流亡而上供亦可無缺詔允行○御史王大任奏進法秘書五種
三十冊詔留覽○擢吏部左侍郎李春芳為禮部尚書○懷慶府天鼓
鳴有石墮入地尺許○夏四月致仕大學士嚴嵩具奏起居并進祈
文符及各宗法秘 上優詔答之仍賜銀幣始嵩之致仕歸也至南昌
值聖誕即銜柱宮延道士田玉等為 上建醮祈禱王自言能書符詔
鶴嵩試之良驗會 上遣御史訪法秘嵩乃索王所藏諸符錄上之○
西苑王免生子是臣表賀○雲南進寶石青紅黃三色計三百六十兩
有奇○廣東進龍涎香計七十二兩有奇○詔重修興都志時禮科給

卷之十二

六

事中丘岳請刊定興都志言今之興都寶藏二聖衣冠為皇上龍飛之
地即我聖祖之中都也乃一統志內猶列安陸先年纂修典志竟以體
裁不合未觀成書使先帝盛德皇上大孝闇而不章乞下禮部重議纂
輯凡昔所未備今所宜錄者據實悉書仍增入一統志以成一代盛典
詔從其議乃以吏部侍郎董份為副總裁官右諭德張居正侍講林燦
修撰諸大綬檢討吳可行為纂修官開局編纂○副總兵戚繼光督兵
大破倭賊于平海衛是役也斬首二千三百餘級火焚刁傷及墮崖溺
水死者無算繼所掠男婦三千餘人復得衛所印十五顆自是福州以
南諸寇悉平○巡撫宣府都御史趙孔昭罷歸時給事中何鑒言各邊
巡撫職專閭外膺兵馬錢糧之寄必應靖剛明始克勝任十餘年來因
仍故習視內帑如棄餘以請討為得計甚至需計部之遲緩而先之以
餽送利官階之速轉而藉之以鑽求弊不勝言如山西巡撫楊宗計

見在兵糧已十五萬仍奏討銀六十萬宣府巡撫趙孔昭計兵糧見已足用仍奏討銀五十萬此何為哉宗器稍存名檢猶堪策勵若孔昭則專事鑽求不可一日居位者伏乞裁處 上詔宗氣策勵任職孔昭聞竊聽勅仍令各邊將耗財省財事宜具奏以聞○詔贈興化死事諸臣同知奚世亮為右叅議知縣周尚文縣丞葉德良徐九經訓導盧學顏為太僕寺丞各廕一子國子生遊擊倪祿楷樺齊天祥張光祚千戶魯思亮邵千壽張珊各廕其子二級○雲南進礦金礦銀金計四百兩銀計一萬兩○已巳金星畫見至壬申始伏○廣州新會縣地震○刑科給事中李瑜等疏陳問刑之弊言屬者刑部開送囚數動計五百餘人臣等詳章奏多稱冤抑問實隨時抄發未見該部一為議行國家設大理以審讞蓋付以天下之平近聞該寺讞囚非不問有泰駁苟見該部執初即以無詞覆之甚至獄詞已付廷評該部諫有出入輒復追改

政體安在今執審屆期請特勅該部矢心審讞大理務求明允至各省恤刑使者例以五年一差吏部宜暫止推陞果資望相應亦待事完補諫庶主德易宣下情易達疏下刑部覆從其議○御史姜儼奏進法秘書十七種一百四十二冊詔留覽○五月勅鎮副總兵胡鎮執茶顏夷人通漢等時前鎮古北口遣哨卒四人出塞為茶顏夷人撲去俄而夷人通漢扣關索賞鎮伏兵執之并縛其黨十餘人通漢子懼擁原撲哨卒與廂老虎至墻下請易其父通漢者虜酋辛庚之義妻父也總督侍郎楊選欲以牽制辛庚乃縛廂老虎數其罪而釋之併所執諸夷悉遣出關獨留通漢要其子入質侯子至乃遣還自是令諸子更迭為質半年一代兵部尚書楊博等議以為良策 上詔賞選等有差○廷杖給事中陳瓚黜為民瓚疏陳黜道好米道賢二事言文選郎中南軒奸之皆聞宜罷黜而在告諸臣中原家恩許待用者宜錄用部覆如議 上

不悅手批曰軒准調用爾等全不看詳此疏中意縱其欺據陳瓚必欲行愴儒所言巧幻深奸豈真忠為國者其命綿衣衛如儒者奉行儒謂前御史凌儒也于是逮瓚杖之亦令削籍○廣東僉事徐甫宰擒程鄉賊平之初上抗縣賊首萬鼎堯等為官軍所擒其黨遁入程鄉賊溫鑑梁道輝巢中鑑等益強乃出巢窺江西平遠知縣王化擊敗之趨端金遇嶺北道副使李佑兵三戰皆敗奔歸程鄉故巢甫宰乘其營壘未定急攻之擒道輝于大坑口擒鑑于沙羅塘餘黨悉平○六月詔釋通政泰議胡朝臣于獄令為民朝臣為工部主事督造皮甲為匠役冒破失於覺察竟坐侵剋工銀五百四十兩論成繫獄追贓且十餘年人皆知其枉朝臣屢上書自直法司亦為代白乃令釋放為民○方士趙添壽進獻符法三十六本 上曰茲所進法秘皆出真傳特給冠帶勅遣還鄉添壽復進法秘乞留寓靜觀新祝 上納所獻令遵前旨趨歸○

秋七月諭令申誠有司 上諭大學士徐階曰諸臣忠善固多邪罔亦不少如段尺常供亦復故違明限蓋謗事上玄取階上言段尺違限原係有司貪肆以納賄為捷徑以織務為無益循習致然非由謗事上玄也皇上惟于用舍之際審賢否核功罪辨勤惰塞苟直之門杜請託之路則百事皆可幹濟不止段尺一事不至違限而已 上曰欺謗不盡無而貪肆者為甚國虧民苦悉此等所為祖宗法度視為眇耳此本要冢宰力行階以示吏部尚書嚴訥因上言為國守土而於民最親者莫切于守令請行各撫按官不待復命即將所屬貪肆有跡者以名聞聽本部分別處治 上從之階復上言祖宗法度本極嚴明使為臣者不以利欲蔽其良心豈至公然違犯使國虧民苦此在群臣均干天憲而大臣不能倡率百僚又不能斥去此屬其罪尤重訥在吏部殊有志守第忍請託既絕不免怨謗仰賴聖明主持耳 上嘉納之○西苑龜

生五洲者以為壽徵 上書遣告太廟廷臣表賀○戊戌金木土三星聚于井○總督京營戎政鎮遠侯顧寰疏議京營事宜條上六事精挑選之法校操練之實明補替之例禁奸詭之習專兵車之用預諸械之設兵部議覆 上曰京營係戎政之本選練事宜務從實舉行毋更文支調有負委任○八月田官獻嘉禾御田產嘉禾一莖四穗者三本三穗者六本而穗者八十一本田官以獻群臣表賀○賜致仕大學士嚴嵩奉本金幣時萬壽聖節嵩等各表賀進帝壇香燭本復獻聖德格天萬年純祐頌 上嘉納之各賜金幣○詔分定南京操江巡撫職守時兵科給事中范宗吳上言南京故事操江職在江防應天鳳陽二巡撫職在海防各有信地後因倭患遂以原屬二巡撫者亦屬之操江以故二巡撫得以諉其責於他人操江亦以原非本屬以緩圖視之今宜定信地以圖山三江會口為界其上屬之操江其下屬之二巡撫萬一

卷之十一

七

謚立祠祀之○廢伊王典模為庶人初王嗜酒僭侈所為多不法言官劾其陰蓄異志恣行僭擬禮兵二部請正國典 上念親親姑奪歲祿薄罰之王不悛益怨望詛咒既而訛聞嚴世蕃父子有篡立意乃行金百餘萬賂世蕃受之王意世蕃父子戴已益跋扈私造軍器陰養戰馬圖大舉又為九五當乾牌置府中強選民間女子十五以上者數十百人不得則閹門搜致怨聲載路有士人陳大壯居與府隣王欲得其址不予乃令校卒執大壯梓殺之世蕃敗王惜其賂遺優人三十餘走分宜索所賂金世蕃不得已還之使其黨邀于吉安盡殺其優人劫其金河南參議耿隨卿肅知其狀白于巡按御史顏祿止其事詔令禮部會三法司議會言王兇蕩滅義違背祖訓請置重典 上不忍廢為庶人禁錮之沒其家九五牌尚存遂除其國○九月致仕大學士嚴嵩請放歸其子世蕃不許嵩上疏言臣年八十乞皇上哀其無告放歸于世蕃及孫鵠以終臣餘年 上曰嵩有鴻侍養已恩待矣竟不從嵩請○詔罷江南加派兵糧銀兩巡撫應天都御史周如斗上言江南自有倭患以來嘉派兵餉銀四十三萬有奇今地方以寧乞減三分之一少甦民困兵部尚書楊博言加派兵餉原以濟急事已宜罷不但當減分數上詔從之○故海寇王直餘黨洪迥珍降伏誅迥珍漳州人叔與直通番後直敗其部下殘倭乃依迥珍往來南澳問懼官軍誅之聲言聽撫而剽掠如故至是勢窮率其子文宗自詩福建海道副使邵棟所願立功自効總督都御史張臬收下獄馳疏以聞詔即其地斬之○冬十月詔封烏思藏閣化諸王時閣化諸王請封 上以故事遣番僧還冊班麻等二十二人為正副使以通事序班朱廷對監之比之中途班麻等肆為騷擾不受廷對約東廷對還白其事禮部因請自後諸藏請封即以詰勅付來人賁還罷番僧勿遣或下附近藩司選近邊僧人賁賜

卷之十一

二

上從之封諸藏不違京寺番僧自此始○詔法司今年暫免行刑○虜入薊州塞大掠通州先是有暴風自北起上諭輔臣以兵火當慎且云楊照之事可鑒也大學士徐階傳示兵部移檄各邊備禦至是宣大總督尚書江東檄報虜衆數萬迤邐東行兵部尚書楊博即通檄各鎮將領預整士馬備應援令沿邊謹斥堠嚴烽燧毋使虜入會薊遼總督侍郎楊選以遼東失事率兵東巡而虜數萬騎遂薄牆子嶺攻甚急選急掣兵回拒之斬二級選以捷聞至夜虜破鎮擁衆大入屯平谷縣進掠通州警報至京京師戒嚴詔宣大總兵官馬芳姜應熊劉漢等速調兵入援以總督尚書江東統之是夜上于宮中望見東南火影光虞此虜去京不遠諸將何不截殺頃足晉曰楊博敗我家事奈何乃諭大學徐階遣官奉告郊廟傳示兵部及提督京營領軍等協力逐勦分兵護守重城諸門塞外閑屯要衝趨各鎮兵入援楊選督兵尾虜亦至

卷之十一

十一

通州總兵馬芳帶領裨將補于漢兵馬五千至京江東督兵繼至總兵姜應熊亦至上命馬芳督兵守重城發帑犒師楊選至東直門外傳令抽其重兵助守重城命馬芳屯廣渠門以當通州入京之路勅江東總督城外官兵楊選以下俱聽節制令營英徐紳往護通州表正往護路河灣劉漢護守陵寢馬芳補于漢專衛京師而令戶部發廩作粥以餉諸軍○總兵官胡鎮遂虜于通州裨將孫膺死之初虜至通州往掠香河諸縣已而還經通州歸平谷劉漢總督侍郎楊選部領胡鎮孫膺等諸將追虜于通州宣大總督尚書江東往屯順義欲令選等邀虜于古北口廷議不可乃令姜應熊麻錦設伏古北口而選等仍躡虜通州之河東時上欲本兵定畫付諸將內外夾擊以伸華威兵部尚書楊博趨選等擊之選命胡鎮孫膺典王孟夏黃演馬承胤等會兵逐勦而鎮等饑罷之餘不能自振遇虜通州之野斬馘數級乘勝逐北身被六

鎗衆血力戰獲首虜三百餘級孫膺獨當一隊陷陣死之虜乃逡邐北去江東檄諸將邀擊於古北口斬獲甚衆追逐出塞而還京師解嚴○詔逮繫總督劉選侍郎楊選及整飭薊州邊備都御史徐紳于獄楊選論死華市徐紳削籍先是兵科給事中李瑜言虜駐牧順義三河已入且諸臣擁兵觀望畏縮不前力戰之臣自胡鎮外無聞焉當今不一大創侯虜自出豈所宜哉請勅嚴諭勦期勦賊五日不出則降級奪俸十日不出則議罪行罰庶人心奮勵而窮寇可追因劾楊選徐紳至是上以虜由薊鎮出入怒選等失職命遣官校逮繫選及紳詣京下鎮撫司拷訊獄且楊選論死斬於都市徐紳削籍為民李瑜論劾江東請與選同罪上詔大學士徐階言江東不宜與選同論故東得免○詔賞總兵官胡鎮等逐虜之功大學士徐階上言胡鎮衆創逐虜亦既有功宜加恩賞其營卒被傷及陣亡者請加優恤上從之乃命江東次

卷之十一

十一

第勦王功次及東既入下兵部議尚書楊博等議上不及輔臣上曰此故事不可少階上言臣等不能仰贊廟謨有罪已戴洪慈恩予豈所敢望上曰博等全不畏天又不自責而竟直欺世無君肆已今不典恩養或積後禍姑徇其意耳朕在官中尚占風知戒令備禦乃漫不經心及虜寇充斥幾旬烽火燭天又無籌畫縱彼蹂躪蹂躪徐紳本兵營如是耶階力言其無他且曰廷臣中才識通敏熟知邊事無如博者惟皇上優容賞其後効可也從之○命總兵官馬芳等回守宣大鎮大學士徐階言宣大重地恐虜乘虛竊犯宜將馬芳姜應熊發回防守從之○甲戌火星逆行自辛亥起胃宿至是逆行抵婁宿之次○十一月無雪上所得之群臣表賀○詔以兵部右侍郎劉燾總督劉選食都御史溫景葵整飭薊州邊備先是吏部尚書嚴訥推舉總督邊備二人名上不當上意上謂大學士徐階曰吏部何以此才當此任耶縱

無他松亦不宜動循資格必速更之階因上言循資格其來已久訥
初至部未能破去積習須伏聖明特諭論材庶訥有所遵奉更有二事
輒敢附聞一曰專主權臣每見明旨下及內外多不遵奉如勸功罪動
至經年徵錢寂寂無一字禁私覬則潛行于昏夜以售欺劫貪肆則聊
及於孤寒以塞責是主權未專也一曰定國是臣竊見士夫以虛文巧
飾為有才而誠慤者則詆以為拙以怙勢作威為風力而敬慎者則笑
以為懦以息安泄沓為得體而勤勵者則鄙以為俗流以容奸庇惡為
長厚而明作者則謗以為生事甚至以謀國為過計以郵民為迂談以
持法為苛刻以秉公為乖僻是國是未定也夫二者平時尚能敗政況
能建立于多事之秋以仰副安內攘外之心乎乞諭諸司示以賞罰使
賢者有所恃而為善不肖者有所畏而不敢為惡庶於政治有補上
皆嘉納命階指其主名論之階上言當恕其已往而戒其將來苟有犯

卷之十一

主

者必罪不赦又申嚴職罪之律凡職官枉法皆絞即自畏懼而改
過矣從之○詔逮繫給事中丘樞于獄令刑籍樞條陳邊臣善後事宜
一言破邊官之常套如兵馬為一方之保障豈堪迎送之疲綏樞竭百
姓之膏脂何取饒遺之監二言除邊人之積竄如邊人擅殺降夷豈不
沮歸附之心墩軍私衛虜偵無至啟窺覷之虞三言畧邊務之虛文謂
選將練兵脩牆輯餉以至分區擺邊未嘗不僕僕稱勞而不務粉飾不
步支吾者幾何請勅邊臣以求实效上初聞楊選執吏曹通漢令其
父子代質事以為啟釁樞疏入上大怒曰樞所見如此局不先設乃
下樞錦衣衛挾之黜為貳○原任吏部尚書聞淵卒淵鄞縣人寔重深
沉端毅有守有大臣風但為吏部時值嚴嵩當國頗有牴牾雖未幾竟
引去而功名頗異於初異者惜之○重建御宮成更名憲恩○諭遼暴
露士卒上諭兵部曰近者陣亡士卒聞猶暴露原野朕甚憫焉其命

官往督所在有司悉行掩瘞仍總設一祭以慰幽魂○十二月京師大
風時有風變占在土功工部尚書雷禮請增繕重城以備規制謂永定
七門當添築甃城上詢于大學士徐階階言重城保障之效即南城
可觀但不築則已氣則必固可守不然關係匪輕上曰禮謂築城永
益信乎費且鉅萬守之為難昔日虜入更慮重城獨朕焦勞計畫耳爾
等徒知建城工完可徵實資詎為守計耶階不復言○詔禁通海遼船
先是遼東鐵營許通登萊雜穀因是遼商利海道之便私載貨物往來
山東守臣恐海禁漸弛懼有後患疏請禁止從之○詔諭朵顏三衛屬
夷時禮部尚書李春芳言朵顏三衛屬夷世為中國藩蔽邇來雖不失
職貢而往往陽順陰逆即今諸夷入貢當齊集於部宜示朝廷威德勅
令以時哨報竭力捍衛無懷二心若仍前反覆即閉關絕貢且發兵誅
勦不宥俾歸傳諭諸部上從之詔所司豐其廩餼稱朝廷柔遠之意

卷之十一

三

○琉球遣使入貢琉球國中王尚元遣陪臣鄭憲等入貢因送還中
國漂流人口上嘉其忠順降勅褒諭賜以錢幣
甲子嘉靖四十三年
春正月乙亥朔上不御殿○京師大風上諭兵部曰此風未為無
謂非四時之正也上天恩示其慎承之令嚴邊備尚書楊博覆請先備
宜剿次之各鎮務在萬全以紓聖憂上曰遠方當慎已屢有旨宜令
劉燾盡心幹理京營亦宜選練毋以文應取罪○城路河灣先是朵顏
夷人言北虜侵將內犯上命內外嚴備禦順天府尹劉繼上言路河
張家灣宜築城障以便乘守計用工銀五萬六千餘兩已有三分之二
乞借光祿銀二萬大工可濟上從之既而劉燾等徵集眾兵嚴為戍
守虜知有備不果來○虜犯遼東時東虜主蠻黑石炭等糾眾萬餘犯
遼東一片石黃土嶺泰將白文智據牆禦之晝夜急攻不克既而總兵

胡鎮巡撫溫景葵督辦擊賊二元等兵至協力拒守賊知有倫復轉攻山海關不克乃遁總督劉峯列上諸將吏功詔加賞賚有差○詔發銀犒賞邊卒上謂邊卒不計用命何能得力令戶部取銀二萬兩兵工各一萬兩發剿總督劉峯給犒官軍大學士徐階上言春防既賞秋防將引以為例賞則不以為恩不賞則適以生怨不若足其糧餉而賞則以待有功上深然之○增築甌城于京城永宛等七門○潮州府地震有聲如雷○提湖廣布政劉自強為應天府尹自強剛直不畏強禦留京重之○二月給事中辛自修疏陳吏治言平易個幅之吏授之以盤錯則事廢而民多玩擲霍卓犖之才當之以安靜則更張而民必擾故銓才要量地猶急即如近歲考察大名府屬以謹去者居十之一順天府屬居十之五量較之地盡為匪人而畿甸之一隅獨多賢良哉今宜分別議處若銓選時必擇才力有餘者居其難而以不足者

卷之十一

三

居其易者考績時必於難者求之恕而於易者責之詳若推陸時必使難者無滯滯之嘆而易者有循階之久若黜罰時則於易者必盡其法而於難者量原其故庶天下無不可治之地亦無不可用之人疏入下吏部議尚書嚴訥請行撫按先據此以行舉劾部中亦就此斟酌進退報可○勅戒諭韓王融燧時韓府宗室一百四十餘人越關至陝西會城索巡祿環巡撫陳其學鼓譟詬其學不敢啟門者數日諸宗室揮臂奮腕橫肆閭閻公行搶奪百姓號言王子反巷無行人長安為之罷市其學檄布政司借發各項銀四萬七千餘兩及疏下得旨復括各項銀三萬一千兩解送該府而各宗益強暴擣擊留會城不肯去其學與巡按御史鮑承慶疏言其狀上怒切責融燧令嚴加鈐束既而發首惡奉國將軍融燧為庶人禁住閑宅同恩鎮國中尉旭渠等各奪祿米二月融燧降勅戒諭之○福建總兵戚繼光追擊仙遊縣殘倭大破

之時舊倭餘黨復糾新倭萬餘攻仙遊城圍之三月繼光引兵馳赴之大戰城下賊敗趨同安繼光麾兵追至王倉坪斬首數百級餘衆奔漳浦之蔡丕廟繼光督各哨兵入賊巢擒斬數百人聞寇悉平殘寇得脫者流入廣東界掠魚舟入海○閏二月命吏部尚書兼學士嚴訥禮部尚書兼學士李春芳吏部侍郎兼學士董份俱以丙苑如勤輔臣例○詔禁宗室私置田宅時周府宗室違制多買田宅濫受投獻巡按河南御史胡克先以聞詔各王府邸第之外不得私置房宅其貧民賣田王府者先將田糧數目及佃戶姓名報官一體編役違者以投獻論○京師雨雹○詔各巡按御史兼管查盤兵餉○汀漳盜寇亂漳平知縣魏文瑞死之時汀漳二府盜據赤水大海諸寨與江西連城寇合拒傷官軍文瑞出捍禦遂死事聞贈文瑞光祿少卿奉念事黎元同知尹尚賢等倭戴罪立功○京師捕獲諸妖賊伏誅時京師有呂姓者以白蓮

卷之十一

三

教惑衆陰結亡賴千餘人偽授職官給以告身約于八月謀逆北連丘富廣衆以圖大舉河南山東宣大真順諸處妖人尤衆互相援結煽惑愚民不下數萬有李應龍居河南之濟源一目微眇兩手渥日月字懷衛之間不逞者推以為主陰鑄印章數百座以待用置太白旗數十給付各小帥以為會兵符驗約于四月八日起事是月呂姓者謀泄有人以告身二帙辟穀藥餌一菓首白大學士徐階階發兵部尚書楊博遣官校緝獲呂姓者鞠實奏聞因命內外搜捕應龍應龍逃匿山西久之乃獲各伏誅○三月陝西巡按茶御史潘一桂疏陳恭馬事宜條上五事一言陝西驛卒番庶而法不許轉販開東故民無所仰給生計甚窘宜少弛其禁二言各衛橋棚田畝銀兩奸弊滋生宜悉行清查以便買馬三言侯馬舊制固原調馬就軍延軍調軍就馬宜為畫一之令俱赴平涼對仗為便四言召商中茶近增至百萬不免壅滯宜嚴止中五六十

萬招商以百五十人為率五戶松潘鄰近洮河私茶往往關出與番夷通宜停松潘引目申嚴入番之禁令撫按議之報可○河南開封扶溝縣民盧欽詣闕獻其孫女詔納入宮賜欽父子銀幣復其家○廣東官軍擊潮州倭寇破之初歸善縣盜溫七伍端作亂都御史張景徽奏將謝勅討之勅不為倫為盜所乘殺指揮王佐等勅俱近歸原衛未幾溫七兵亦敗被擒端自縛至軍門求殺賊自効端即所請花腰封也總兵吳繼爵俞大猷受其降提督具桂芳至因使擊賊官軍繼之圖倭於鄒塘連克三巢焚斬四百餘人捷聞上命各加賞賚○繫錦衣衛獄沈東妻請代夫繫叔時熱審法司繫囚有死罪矜疑者二十一人戍邊原任給事中沈東繫錦衣獄不與熱審例東妻張氏乃上疏言臣夫得罪且十六年家有老親八十有九衰病侵尋朝不保夕昔臣因東長無子為娶一妾未及到京會天下獄乃相與寄居旅舍歲月積深懷楚萬狀欲歸養舅則夫之鍾鼎無資欲留給夫則舅又旦夕待盡臣夫繫囚之臣誠不敢復顧私家切覩聖恩曠蕩庶類樂生豈臣一門自遺覆載臣願代夫繫獄暫令臣夫送父終年仍又赴獄待罪法司亦為之請不聽○夏四月大雩上以久旱大雩於郊廟社稷及各壇殿久之得雨群臣表賀○命漕運總兵署都督僉事黃印充總兵官鎮守湖廣以署都指揮僉事方恩提督漕運鎮守淮安○遣官施藥于朝天宮○募民有願築室重城者官與之地永不起租仍禁各門稅課額外重征諸弊以通商貨○巡撫福建都御史譚綸以冠平請終喪許之綸既回籍復條上經久善後六事一議將言軍中必令大將運籌而佐以偏裨今獨恃一戚繼光令其左右支吾四面當寇繼光雖才勇力亦不及乞行撫按隨宜舉用如守倫胡守仁把總傅應嘉以充之則官不必備而分任有人二議兵言許撫臣各取州縣民壯團練之半與各巡司弓兵給

以客兵之費集之會官分為二營設練都司二人分領訓練可以漸減客兵而增主兵三議食言自兵興以來未入朝廷者甚多議者以寇亂稍寧欲為備徵之舉不知瘡痍未起蠶蠹未闢一旦督促數年之通是敵之盜也宜令已徵者量留地方未徵者姑免追併四言寬海禁五言設縣治六言處有司惟寬海禁設縣治二事行撫按再議餘俱允行○庚子木火土金四星聚于柳○五月壬寅朔日食○詔令戒諭各關隘主事時給事中趙格言荊州蕪湖九江兩浙浙野揚州淮安臨清河西等處關隘各主事及委官乾沒之弊乞加嚴禁上曰機務累經申飭給有稽考又簿所司玩視成風往往入報多少委用府佐徒相比為奸致虧國課今各差主事有仍前縱肆者該部及在外巡按御史通劾之毋事姑息○西番入貢番王速壇沙母咱法兒等回回遣人入貢方物求賞其使馬黑麻沙的等奏稱離家數年自求加貢刀鎗以希賞賜禮部議之

之意宜稍從寬惟其人不能其數吏部覆議從之○詔於張家灣置倉御史王用禎請於張家灣新城置倉以備地方有警暫寄漕糧從之○魯迷西番遣人貢獅子○改江南總兵署都督僉事劉顯鎮守浙江命蘇松泰將郭成元副總兵鎮守江南○京師重城○秋七月景王疏辭免蘇常祿米因請無奪從軍校月糧從之○賜岷王定耀書院額名樂善從其請也○以右諭德兼侍講張居正充裕府講官○以巡撫浙江都御史趙炳然為兵部尚書協理戎政先是給事中辛自修論幼總督戎政鎮遠侯顧寰不能以家視國開誠布公恐恐唯唯動多顧忌協理倉都卒燧外僚越還望實米副心疑氣沮展布終難乞勅爰洗心滌慮仰報殊恩勅吏部將燧酌議別用速舉素知兵事者代之庶安懷有賴上然之乃以炳然代燧○八月諭兵部集議京營實政尚書楊博等議上言祖宗設營兵于京師以壯邊兵之根本居重馭輕意甚

卷之五

深遠夫歲變生倉卒請調紛紛以故戎政二臣莫知所措從之則慮其刺膚不從則橫生口語宜及今防秋之期先定規模使管臣之計審而後邊臣之望塞因條十事一核操練之實言主將入營僅舉合操未暇分練宜令總閱之餘諸將自練二核戰守之實言邊兵主戰京兵主守今京師南有重城事勢稍緩宜于東北用八枝西方用二枝去京城一二里為營其戰兵六枝屯城四隅惟恭佐二枝許聽近京急調三核將領之實言諸將不和往往口異狀是非盡起宜重繩以法四核軍士之實言兵在善練亦在善選固有選時強壯練時衰病者宜隨練隨易勿待類選五核議論之實六核火器之實七核兵車之實八核城守之實九核洩壓之實十核哨探之實皆言不時脩理戰具分布伍卒以為城中策應偵報之用上令務實舉行○大醫院御醫王金進獻萬壽香山三座聚芝三百六十本為之賜白金十兩是歲天下臣民進法秘

仙桃瑞芝及為上建醮祝釐者甚夥各賞賚有差○萬壽聖節群臣表賀上覽之甚悅報輔臣曰朕仰荷天眷運開元甲慶值生辰倍切欣感所奏已知○虜掠宣府塞時廣酋黃台吉率輕騎自宣府洗馬林突入將永三五散掠把總江汝棟以銳卒二百按伏堡中不知為黃台吉出而搏之黃台吉驟騎直前官兵奮挺擊之墜馬幾為所獲部眾至死奪去官兵得其盔刀而還事聞賞汝棟銀并加二級○九月淮安大饑巡撫鳳陽右侍郎王廷巡按御史朱綱奏留本府商稅銀給軍戶部覆議此係國家正課但可暫借以紓目前至于與利補弊計安永久責在有司今蒿萊之地不耕流移之民不復當事者徒聞束手倉黃垂涎國課甚無謂也且營田招撫事宜詔書具在容臣等承制申飭之上以為然因切責廷等令督率所屬實心經理毋容曠職虧賦責擾朝廷○詔賞宣府總兵馬芳銀幣芳遣家丁三十人出塞四百里斬虜四級獲

卷之六

二人馬七匹以還事聞故詔賞芳等○詔賞剿邊總督劉燾銀幣初劉燾總督移駐密雲兵將屯結歲用漕糧十餘萬石悉由通州陸運至牛欄山轉輸密雲頗稱勞費至是燾發卒疏通潮河水達于通州更駕小舟轉粟直抵該鎮大為便利且省漕運費什七上嘉燾功故持賞之其餘効勞將吏給賞有差○冬十月詔罷寶源局鑄錢初從廷議命寶源局及南京雲南鑄造嘉靖制錢發民間貿易然所鑄不一有金背火漆錠邊諸名後因鍛過艱難工匠勞費革去錠車代以鑪溫而鑄工競雜鉛錫圖便到泊輪郭麓橋色澤慘暗奸徒盜鑄濫惡日滋貿易不通并金背亦不售聞闕大困其益鑄日報罪死終不能止上憂之問大學士徐階鑄源階詳舉願末奏之因上請曰臣竊惟偽諸錢既不

給賞中外臣工而家賞者受而無用虛皇上之恩三也官府以此給于商民而領受者有虧苦之怨四也局中之人坐享其利而朝廷之錢法日阻禁嚴之令因之不行虧損國體五也臣等愚見不若停止寶源局鑄造其部中應給錢者即以鑄錢之銀代之則奸弊革而私鑄止國法伸而群情便從之○擢御史王大任姜儆為翰林侍讀學士時大任等採訪法秘還京師上嘉其勞故有是擢仍各賜銀幣二臣所得法秘數千冊及法士唐秩劉文彬等數人皆督書肅術無驗上特以名枚之冀遇其真故大任等得驟遷秩等俱賜居第於京師然亦不深注意云○雲南嶺縣叛酋王行道伏誅行道始祖土巡檢後已革職父王惟精坐事論死行道乃復私稱巡捕土舍為群盜主行劫臨安數郡間有司屢捕不獲至是參議盧岐嶷檄軍州土官同知祿紹先等追至陸納山遂擒行道誅之事聞賞賚岐嶷等有差○詔自今兩京鄉試同考

卷之十一

三

官仍用教職罷部臣勿遣先是南京御史官陳科場事宜請兩京同考官用京官進士出身者易詩書各二人春秋禮記各一人其餘參用教官以便覺察故是歲初用進士為分考官皆就近選用得人得預擬淨議遂多而南京部臣至與主考列位爭事不協于是禮部復以初議不便白上罷之○諭免是歲災囚上諭法司今者甲元建歲會典舉降非常比者宜奉天眷不為緩失應災重囚其停刑繫獄如故○命戶部議裕國計初上問大學士徐階太倉儲積今有贏餘否階言近年太倉止有二三年之儲而一歲所入僅足歲出惟有前歲四月米賤給放折兌銀十萬省出月米八萬石耳因言折兌之法行于水旱之歲以裕災民放于米賤之時以增倉儲軍民兩濟是在戶部留意行之耳上乃諭戶部尚書高耀曰寇警不時國計當裕其悉心條議以聞耀疏上八事戶科給事中李邦謙復上言理財之道生聚為疾食糗用舒而

已今開財之法搜括殆盡充蓄之計無出樽節乃錦衣衛恩廕之輩踵接肩摩各衙門帶衛之官日增月益冒濫之費不為不甚戶部計支月米二十四萬五千餘石而營操諸卒止于九萬餘皆錦衣官校各衛吏士官橫虐役諸色臣訪此項有以一人月領數石有以一吏月冒數秉考求其故則以士馬之實數司農不得而知錢穀之出數司馬不得而稽以無為有之弊何所不至握輜鈴者一聞警報調遣先發邊餉焉得不糜在餉鎮則有百里全支五十里半支之例而宣大諸鎮又未之議或非畫一之法歟舊制太倉解發止供客兵之用而主兵則取足于民運屯租邇來各邊屯場俱稱拋荒一遇缺乏即行奏討太倉如何不匱乞勅該部查議酌處則錢穀不患不節夫國計民瘼事本相須近者淮徐諸處水旱為災十室九空逃亡過半該部猶斬改折弗肯全予或有脫巾之呼關係不小不可不慮上嘉納之○復命選館御史李文續

卷之十一

三

言翰林職親地禁大用所儲今選館報罷者再明年復當會試乞下輔臣舉行仍望精選而廣收之如考中入館者遇有不稱不妨外補在外者遇有真才不妨改用期于得人而已吏部覆言翰林從別衙門改補事体未便不若就新科進士從公考選從之○十一月詔逮捕嚴世蕃羅龍文詣京考訊初世蕃編成雷州行至南雄而返羅龍文亦赴伍潛住歛縣藏匿亡命為通逃淵藪巡江御史林潤移檄徽州府推官栗祁密捕龍文龍文微知之走匿世蕃家是時世蕃以營建室宇聚廝役四千餘人展集夜散詭秘巨測袁州府推官郭諫臣白諸監司散遣之既而世蕃聞聞廣群盜欲掠其家復陰蓄家卒千餘人偕之由是人心疑懼噴噴不已潤乃上疏言臣巡視上江訪江洋盜賊多入逃軍羅龍文嚴世蕃之家龍文上築深山中乘軒衣蟒有負險不臣之志而世蕃自罪譴後愈肆兇頑日夜與龍文誹謗朝政動搖人心近者假治第而聚

衆至四千餘人道路洶洶咸謂變且不測乞早正刑章以絕禍本跪入
上即命潤收捕二犯詣京即訊○詔副總理鹽法都御史鄧懋卿籍
為民時南京御史林潤疏劾懋卿五罪言蔑視憲典枉法行私所過郡
縣陪耗無遺一運司取十萬兩贖貨無厭罪一商民王鐵吳章被訟公
行苞苴十有餘兩大喪名檢罪二恫喝楊巡撫劉景韶萬金始得惟
願往謁皇陵擄掠備極賤賈無極反道悖禮罪三轅轅有司暴虐百姓
奮死場官姚佩厨夫蔡經而平民斃於下者二十二人殘忍酷毒罪四
止畿山東賊李松藉楊州水災剝削流寓而勢必取盈無名派擾去歲
盜聚聚為亂動搖國本斷傷元氣罪五乞將懋卿速賜罷黜庶民怨
消而士論快 上命刑部于是南非商民歡舞載道○吏科給事中趙
灼疏陳考察四事從之時天下諸司入覲將大計群吏灼因疏陳考察
事宜條上四事一定取舍言周時小宰計群吏之治以廉為本今考察

卷之十

三

時必使操持清白者雖過必容貪墨有聲者雖才必黜則廉吏勸二酌
降調言調以處徧官降以懲有過今漫無差別宜分為二等才不任繁
者調舉動乖違而貪肆未著者降則濟量適均而人才曲全三破常格
言宜以功能為殿最以賢否為去留即一郡而數人勿以為苛或數郡
而一人勿以為縱四抑浮言凡告訐者勿得受理即事狀具結須亟
為窮治嚴反生之法不得為先入者所欺詔從其議○安南入貢安南
應襲都統使莫宏漢所遣宣撫副使黎光貴等奉表文方物至京此二
十七年歲例貢也光貴等至中國十五年餘使臣從士物故過半至是
始得達 上嘉其恭順特賜宴如朝鮮琉球二國陪臣例○十二月兵
部尚書楊博乞罷不許時刑科給事中張岳疏陳時宜六事曰議祿糧
以安宗室辨誠偽以端士習公輿論以蓄直材遏奸宄以作士氣嚴部
差以肅官守止開納以議兵餉因言方今世際清明各部諸臣皆思

淪淪雪以清吏治惟兵部畏縮遠巡各司條例難亂無章胥吏朋奸操
噬武弁此其責必有所歸此言皆譏切尚書楊博博聞之不平乃執奏
乞罷歸思過 上優詔留之既而禮科給事中曹棟因論科場事宜未
言大臣體國與言官論事當如和羹相濟言官之無忌益見大臣之有
容大臣之休休乃有言官之謬謬故堯舜雖聖不能無吁咈四嶽雖賢
亦不能識絲千未試近有小臣盡忠言事而大臣為之悻悻不平不知
天下國家之事果一人一家所能辦否乎其語蓋亦使博也○命順天
府官祈雪既而 上親禱於洪應壇停刑禁屠○江西平遠知縣王化
擒田抗賊首梁國相等於石子嶺國相本南韶故盜梁寧之子先已請
降至是復叛約三圖賊葛萬榮等謀分寇江閩二省化先其未發寄妻
子于會昌縣而身自帥鄉兵擊之賊連敗乃縱反聞于會昌城中言化
已沒化妻計氏聞之遂自刎化追賊益急卒破擒之撫臣以事聞並上

卷之十

三

計氏守節狀 上從部議加化府同知仍署縣事詔旌其門曰貞烈立
祠祀之○南韶山賊馬五作亂守備賀鐸納級指揮蔡允元死之時馬
五等流劫乳源江灣諸處鐸允元督兵迎戰為賊所執罵賊不屈而死
提督侍郎吳桂芳以聞詔贈鐸都指揮使襲陞其子二級贈允元指揮
使廕子所鎮撫司仍各建祠死所旌之
乙丑嘉靖四十四年
春正月己亥朔 上不御殿○詔賑畿內饑民時各處饑饉京師餓莩
猶衆加以疫癘流染死亡枕藉 上欲作粥施餌以救災疾大學士徐
階上言粥餌之施有名無益况給散無紀則強壯者幸而閑弱老羸者
多至踐踏而亡 上曰二事俱增民病出粟又無多積奈何階曰眾災
雖無多積猶足辦此但四方貧民一聞京師出粟皆匍匐而至至時施
畢空歸又將顛殞道路宜命戶部出粟止及京民其在外者行令撫按

一體賑給仍諭遠邇元元各於郡縣候賑勿得來京庶平全活為多從之○景王薨王諱載坤上第四子母靖妃盧氏封國湖廣德安府至是年二十九妃王氏無嗣計聞上輟朝三日諡曰恭遣誠意伯劉世延往諭祭有司治喪如禮遣中官王臻往經理其府事迎柩歸矣西山處其官眷于京邸○上不豫上又御西內思成宮每有黑氣出撥被欄藻井上忽見木綿教團上心疑之諭內臣慎火且曰天祐無象惟逆邪作祟不可不防至是聖體違和中氣不足面頰作痛諭太醫使知之百官奉表起居○兵科給事中邢午庭疏陳邊務積弊言今之邊務猶有積弊未除者二事一運籌未盡周言如近歲遼東虜常露形入犯河東及我兵馳赴河東彼以輕騎竟犯廣寧此聲聲靡定可鑒也山西虜初以十月終入寇再以十二月中入寇不足寒迄不避草枯此衝突無時可鑒也在我當多方戒嚴勿以張疑而墮彼之計勿以非

卷之十一

三

時而弛我之備倖北則勿徒餌兵則勿食我之哨探欲明而屬吏之傳言難據庶幾前應後獲勝可破二報功未盡實言假為督畫報効者以勝入為首領以謀級為要津憑藉虎威大張鴟吻見軍民獲首者即櫻為已物且揚揚然受賞叙不惟錄及其身且帶有家丁一衆重賞使忠義解體職此之故宜試驗武藝藉畧而去留之本兵亦不得徇情容送庶登報皆真人思用命誦入上嘉納之○二月會試天下舉人命吏部左侍郎兼學士高拱侍讀學士胡正蒙為考試官取陳棟等四百人○上疾有瘳詔進太醫院使徐偉為右通政仍掌院事○詔湖廣衡州府江西吉安府復行廣益國初湖廣江西全省俱行准益後因兩廣用兵設立監廠廣西於梧州許行湖廣衡永二府廣東於潮州南雄許行江西南贛二府後復增袁吉臨三府袁臨旋罷惟南贛吉衡永五府食廣益近歲改行准益民情大稱不便總督兩廣具桂芳南贛具朋

請復行廣益從之○詔查蘇松常鎮加派錢穀之數時巡按蘇松御史溫如璋上言蘇松常鎮四府自嘉靖十六年以後加派各項錢糧至四十七萬有奇而工部料銀不在此數乞裁減以復舊額事下戶部尚書高糧等言本部會派錢糧俱照舊額未有絲毫加增獨黃蠟果品之數加派四府不過六千九百餘兩今如璋所奏不啻百倍中間必有虛捏詭派情弊宜行撫按逐件查用併將實徵文冊通行造報以憑稽考詔從之○詔頒行宗藩條例先是御史林潤疏言宗藩積弊請行各王府及廷臣集議處之之策得旨允行會南陵王睦棧條陳立宗學以崇德教設選科以省祿費嚴保勘以杜冒濫革冗職以除素食戒奔競以息驕奢准拜掃以廣孝思立憂制以省祿糧七事禮部因請并下其疏于各王府令雜議以上仍聽本部會定擬請上裁至是集議處事宜六十條上之詔為書頒行賜名宗藩條例○三月大明門內西千步廊火

卷之十一

三

上諭大學士徐階曰昨火處乃文積近地他日纂脩何稽當預計之階上言據官監左錄按曰正德十六年米內外題奏及四方番文計八十三萬二千餘本俱貯六科廊內其千步廊所積乃先朝遺疏已經纂脩者不必別有計處上然之○上還御萬壽宮先是命復名新宮曰萬壽至是上安萬壽宮扁額即日車駕還御群臣表賀○巡撫遼東都御史王之誥條陳開墾荒田八事一議工力二議牛具三議種子四議車兩五議供費六議軍措七議倉廩八專責成疏下戶部詳覆俱從之○廷試賜范應期李自華陳棟等進士及第出身有差○大學士袁煒以疾乞歸許之煒疾篤上疏乞歸兼乞賜姪尚寶司丞大輪偕侍湯藥從之令馳驛歸○逮至嚴世蕃羅龍文以罪伏誅前大學士嚴嵩籍沒其家初御史林潤聞命馳至九江收世蕃龍文等因檄袁州府細具嚴氏諸暴橫狀得之後上疏數世蕃父子罪因欲徧收惡黨言世蕃罪

惡滔天積非一日近時不法之事又非一端任彭孔為主謀羅龍文為羽翼惡男嚴鶴家入嚴珍一等為爪牙窮兇極慾無所不至在省城已古舍基又併吞宗室府第在袁州已占官地又侵奪平民居房政視聖之寺以為家祠鑿穿城之池以象西海直欄橫檻峻宇雕牆巍然朝堂之規模也表城之中列為五府南府居鵠西府居鴻東府居紹慶中府居紹康而嵩與世蕃則居相府廨房迴繞萬間店舍環亘數十招四方之亡命為護衛之壯丁森然分封之儀度也總天下之貨寶盡入其家傾天下之庫藏莫比其蓄世蕃已踰天府諸子各冠東南雖豪奴戾年謀害彭孔家貴亦稱億萬間膏脂剝削殆盡民窮盜起職此之由而諺曰朝廷無如我富粉黛之女列屋群房衣皆龍鳳之文飾盡珠珍之室張象牙床圍金絲帳朝歌夜絃右對左舞荒淫無度汙穢綱常而諺曰朝廷無如我樂養世已逾二千納亡叛更倍其數精悍皆在其中

卷之十一

妖妄並藏于內則伐鼓而聚暴則鳴金而散故郭寧三劉相誼洪斗文攀錦段四鍾福秀等數十百人明稱官舍出沒江廣劫掠士民淫汚婦女府縣檣獲招申明據其家人壽二良一等數十人陰養刺客昏夜殺人奪人子女誘人投獻半歲之間事發者已二十有七其他不知何限切思震濠逆謀之而亦不過結納賊首誘致人受獻田土今世蕃不法與逆濠無異且包藏禍心已著在朝之日伊藩典換妄懷異念世蕃受賂賈主其謀及世蕃既逐典樞索還原賂世蕃復計殺索賂之衆是世蕃之陰結伊藩何異錢寧章之交通宸濠乎居朝則為錢寧章居鄉則為逆濠以一人之身總群奸之惡雖赤其族猶有餘辜皮腐龍絕百僚公然欺主世蕃問發雷州並未赴伍僅居南雄二月而返嵩乃豚臄請移近鄉既奉明旨復留在家以明旨為不足恤以國法為不足遵惟知私恩不知公議茲非嵩之欺陛下乎世蕃之惡有司受詞數千盡送

與嵩當檢閱其詞而處分之尚可諉乎不知乎既知之又縱之不惟縱之又且曲庇之此臣謂嵩不能無罪也伏乞聖明乾斷少加切責以為人臣欺君之戒上怒併世蕃等俱下法司鞠究刑部尚書黃光昇等具獄上諭云世蕃所坐死罪非一而怨望誹謗上猶為不道同龍文俱比子罵父律世蕃追二百萬龍文二十萬田宅入官子姓通籍者皆削奪

卷之十一

「曰此逆情非常爾等漫錄潤疏一過耳何以服天下其再訊以聞於是光昇等復劾言其交通倭虜潛謀叛逆具有顯證請正典刑以洩天人之憤上乃降旨曰逆情既的世蕃龍文即時處斬其盜用官銀財貨家產盡沒入官嚴嵩畏子欺君大負恩眷併伊孫見任文武職官俱削籍為民有司拘管當役餘黨逆邪盡行逐治毋致遺患餘悉如擬奏內不言逆本是何法制姑且不究遂斬世蕃龍文于市既而籍其家金三萬有奇銀二百三十五萬九千有奇餘物珍寶稱是亡何嵩亦死謹按史臣曰世蕃一兇罔鑒于耳濁亂朝政本其父嵩得政日久益弄威福乃至廢國帑竭民膏而不足以滿其慾壑塞公道悖天常而無所用其忌憚即其罪狀宜坐奸黨之條豈謂無可殺之罪哉乃潤疏指為謀逆法司擬以謀叛悉非正法也噫謀逆謀叛事之有無不可知而奸黨正律則無所辭雖然不如是則不得即時處斬以快天下人心之萬一也

有以典史而擢都御史如馮堅以直廳而歷布政司如王與宗者臣亦欲倣此意聞超擢一二以鼓其志如此則其斥幽也觀典之外又施于不測其陟明也資格之外又加以非常清時感治裨益不小至是乃擢廣東潮州府同知王化為廣東食事鳳陽府同知江東為陝西食事辰州通判邵元善為四川食事廣安知州張澤為雲南食事淑浦教諭李珙為大理評事碣石衛經歷郭文通為肇慶同知蓋化東元善由舉人澤珙由歲貢文通由吏員俱以治行卓異超擢從近例也○盜劫金壇縣庫時有江洋盜入鎮江金壇縣劫其庫及鄉紳曹大章家殺傷二十餘人而去巡按御史溫如璋以聞詔奪兵備副使耿隨卿等俸一月下同知廬江知縣陳順正等巡按御史逮治○龍州宣撫薛兆乾叛官軍討擒之巡撫都御史谷中虛以聞詔賞中虛銀幣錄督戰指揮王詔等功○以吏部尚書嚴訥禮部尚書李春芳俱兼武英殿大學士入閣參

卷之十一

三

預機務時大學士徐階屢請添補閣臣上允階曰機密之地非臣所當獨居事務繁多非臣所能獨辦況大馬之齒六十有三思慮不能精審記憶不能周詳事必遺忘而差謬精神不能應卒筋力不能忍勞事必遲悞而曠弛他日罪愆叢集悔何及乎上欲付之廷推以服人心階又言群臣才品無逃聖鑒不如簡自宸衷使政權自上猶得馭下之要上然之乃以訥春芳兼學士入閣亡何俱改武英殿大學士○以郭朴為吏部尚書時朴服闋乃起復用之○大學士袁煒卒贈少師謚文榮煒慈谿人以撰玄文甚稱上意自是春遇日隆前後恩賜廷中鮮有其比至是引疾歸行至安山卒○改工部尚書董份為禮部尚書○倭寇犯通州呂四場等處官軍禦之賊敗遁轉掠至江南三沙副總兵郭成等帥舟師迎擊之於海中沉其舨斬首百餘級○巡撫雲南都御史呂光洵討叛夷阿方李向陽等平之先是阿方等起兵攻易門

所流劫嶧峨昆陽新化諸州縣僭號稱王約士官王一心王行道為援一心後悔諸軍門請討賊自効光洵許之尋出榜招降其黨數百人督漢土兵分道俱進先斬向陽乘勝攻大小木址三寨克之斬阿方首餘黨悉平詔進光洵兵部尚書巡撫如故○五月勅襲衛王厚禧初衛府歲祿萬石王奉宗藩條例奏辭祿米之半以補宗祿不敷之數為諸宗倡詔准辭二千石勅賜褒獎○詔捕治矯詔逮人者時有矯詔往雲南鶴足山建醮者自稱為大真人府贊教梁廷材巡撫雲南都御史呂光洵信之因令有司致齋供具及是事洩以聞上大怒命錦衣衛緝捕重治之○虜中版升降人李自馨等叩邊請率眾歸降總督江東以聞兵部懼有後患不敢主議請行督撫計處報可○詔逮方士胡大順藍田王下獄論死初方士藍道行以方術見事敗下獄而陶仲文既死諸方士術不驗胡大順仲文徒也亦以姦欺事發斥去希復進用乃偽造

卷之十一

四

萬壽金書一帙詭稱呂祖以箕授者又用黑鉛取白名曰先天水燬成清霞王粉丸命子王玄與何廷王齋至京因道士藍田王羅萬象以通內監趙楹獻之上覽之問曰既云其書扶箕者何在然未明言召之也田王遂與萬象詐傳客言徵大順至京更名胡以寧薦揚于上且奏永圖書及建宮地上命以寧入見至則大順也上惡之時官中屢有氛孽田王等遂以為藍道行下獄故有此祟欲以動上上遂欲用田王等冀清官孽乃問大學士徐階藍胡輩可仍用否階上言胡大順無賴小人不畏法紀而田王尤甚本無足取官孽已久恐非道行下獄所致且不能必其用此二人官孽果息不若治之以法之為正上悟乃謂此而不治無以戒來者階言田王乃世蕃之黨妄進白鉛其意叵測至于詐傳客言罪惡尤重伏望速斷以消隱禍上乃命收大順等下鎮撫司拷訊獄具上謂不實意欲寬之復問階階曰聖旨至重

若聽憑詐傳他日夜半出片紙有所指彈將若之何必須重治乃保判
深計上乃下大順等法司令從重擬罪因并論斬極懲獄中○
虜寇延熾虜酋以數騎漢服扣關詐稱為大同鎮奉公役至者闖入啟
扉千衆登至把總高向鈞中流矢死遂入延綏黃甫川開城焚掠城內
外凡四日攻堡不克而去○六月以掌詹事府高拱為禮部尚書時給
事中歐陽一教論劾禮部尚書董份乃削籍罷去以拱代之○有芝生
於詹宗原廟廟在太廟都宮之外舊為詹宗廟後以太廟成神主附太
廟而原廟猶存至是前殿東柱產金色芝一本上大悅因命名王芝
宮群臣表賀既而奉安詹宗獻皇帝孫孝獻皇后神位于王芝官以高
士包存蘭蕙提點奉事香火○詔外官封贈勿拘三薦之教故事外臣
方面以下考滿封贈必以三薦至是吏部尚書郭朴上言封贈之典朝
廷所以示激勵今外官方面以下限以三薦但南北畿輔地近而御史

卷之十一

聖

差多各省止有撫按間有巡鹽御史其選遠者必二三年而後代若拘
限例似非均平之道請自今中差御史并總督題薦仍限三次之上係
無按薦舉者勿拘次數查訪治行貪同即與題請庶疎遠其若恩澤詔
從之○山東妖人張鎮張朝用伏誅鎮滄州人朝用商河人皆宗白蓮
教惑眾誦經傳法私稱廟宇行宮四十五所天津副使黃中捕獲誅之
併捕其脅從數十人餘黨皆散○詔改進士陳經邦等二十八人為庶
吉士送翰林院讀書先是給事中請定選館之制每科取選每選不過
三十人每留不過四五輩限年四十之內所試文字純正典雅為尚詔
從之至是選經邦等既而改禮部侍郎高儀為吏部兼學士教習庶吉
士○提督兩廣侍郎吳桂芳請控治諸徭言廣東肇慶府德慶州上下
江一帶地名羅旁凉水介東西二山之間竹木叢翳素為盜賊淵藪其
羅旁兩山徭人先年都御史韃雅經畧隄防頗就安輯惟山東諸徭阻

深菁而居時出剽掠有司每歲發卒戍之徒費無算今一勞永逸之計
莫如聚兵召商隨山刊木設立營堡將就近田地給與戍兵耕種以省
給餉諸費耕守既足控制斯嚴北岸營兵以次漸減此足食足兵治以
不治之上策兵部議覆詔從之○秋七月遣官施藥於朝天宮廟命禮
部堂官巡督務使民沾實惠○河決徐沛時河水泛溢決沛縣之飛雲
橋東流踰漕入昭陽湖汎濫而東平地水丈餘舟行木末十日而退漕
渠遂涸城無跡上下凡百里時運艘過沛才三之二餘悉不得達○八
月萬壽聖節南京吏部尚書王元賓原任大學士守制李本禮部尚書
為民董份吏部侍郎致仕茅瓚各獻頌進祝原任總督尚書致仕胡宗
憲進法秘十四種俱命留覽○前遼屬夷劫掠時前遼邊外屬夷乘夜
潛踰前嶺至黑石庄劫掠守臣以聞詔奪泰將王治道等俸戴罪防秋
○詔以嘉禾瑞免告太廟時西苑刈穀得嘉禾二穗至四穗者共九十

卷之十一

聖

七本山西陽曲縣生員鄧登高獻白兔賜登高金帛至是遣尉馬謝詔
告獻太廟百官表賀○諭舉天賜藥丸謝典上諭禮部曰頃二日朕
所嘗御祿及案上有藥丸各一蓋天賜也其舉謝典遣告諸神禮官請
併告太廟從之○改南京刑部尚書朱衡為工部尚書兼副都御史總
理河道及漕運事務時徐邳河淤命衛告祭大河東嶽等神○九月詔
給景泰王妃王氏養贍糧米歲一千五百石并原賜寶坻王田諸縣莊
地一千五百二十餘頃福順吉慶二店稅銀仍以給之○詔鑿新渠初
漕渠左視昭陽湖其地沮洳去河不數十里識者危之嘉靖初戚應期
督漕議作渠湖左以避河患鑿未半為異議所阻而止至是漕河湮以
總理河道工部尚書朱衡出督漕鑿衡躬自行河尋應期所開故迹視
之以為運道之利無渝于此疏請鑿之下工部覆議尚書雷禮請如衡
言自南陽鎮至留城計百四十餘里○原任南京刑部尚書顧應祥卒

應祥長與人皆書無所不窺其最自喜者九章句股法謂能以人法窮天巧卒贈太子少師○詔有司為襄垣王府陵川縣君建坊賜名貞節協儀廣裝馬卿地震壓死縣君自經事聞下禮部議旌表例不許請坊而許請勅蓋為生者諒也若死者雖有勅孰受之且庶民家節烈俱得表揚況出大漢不加旌異何以風示群宗自今宜存者給勅沒者建坊從之○總督宣大兵部尚書江東卒東潮城人在宣大四年上嘗遣中使饋食慰勞重書褒獎至是卒於懷來贈少保謚恭襄○巡撫浙江都御史劉鑑請勿復開寧波市舶從之時言者欲比廣東事例欲開市舶司於寧波畿上言寧波故設市泊以通貿易屬以近海奸民規利起釁乃議裁軍今人情狃於近利輒欲議復不知沿海港多兵少防範甚難此舉一開島夷嘯聚禍不可測市舶之議遂寢○詔罷兩淮所增工本鹽數初兩淮鹽課歲以七十萬五千引為額開邊報中為正鹽後每

卷之十一

四三

引益以餘鹽納價運司解部至嘉靖三十二年用御史黃國用議以各場鹽戶額外剩餘鹽將運司割沒鹽銀扣留八萬二千餘兩給鹽戶充工本增收鹽三十五萬引通前額課共一百五萬引俱作正鹽開邊仍每引帶餘鹽如例戶部用以抵各邊主兵年例凡十七萬六千兩有奇由是鹽數頓增三分之一行之數年運司積鹽日多引至無所售邊商不復報納鹽法大滯至是巡鹽御史朱炳如極言其弊謂工本不能不惟無益還餉而竊窳兩困將併往年正鹽常例一切失之戶部尚書高耀乃請斷自明年為始兩淮所增工本鹽三十五萬引盡數停罷其運司扣留割沒鹽銀八萬二千餘兩仍解部濟邊詔從之○冬十月詔督餉遼總兵郭琿等開荒功餉遼總督劉燾等上言古北牆灣石塘三路今歲開荒地六十三頃收子粒六百七十餘石宜通行各邊將領嚴督軍士一體舉行因叙琿等功詔賞琿等銀兩有差○詔改景王府官

先是吏部擬奏景府長史等官改授事例至是改左長史李績為鴻臚左少卿右長史潘靜深為順天治中審理正李秀為戶部主事紀善賈鎬張天鵬復大理寺副中書舍人原職餘如何除授有差○河東卒叛以協理戎政兵部尚書趙炳然總督宣大軍務○召起原任都御史譚綸巡撫陝西○貴州叛苗作亂時能里衛叛苗阿利擁眾劫印格殺官兵總兵石守憲巡撫吳繼徽會兵勦之賊首就擒上命賞邦憲等銀兩誅阿利等梟示如律○詔逮繫原任浙江總督尚書胡宗憲諸京下獄初宗憲以侵軍餉為言官所劾宗憲以書抵所親羅龍文賄求嚴世蕃為援書中自擬旨以囑世蕃會世蕃被罪未達仍匿龍文所及龍文伏誅巡按御史王汝正奉詔籍其家得宗憲所與龍文世蕃書上既獻之因言宗憲昔與王直交通每籍龍文為內援語事世蕃故事久不發今蒙恩放職不思補過愈肆猖狂招集無賴橫鄉里其罪不減于世

卷之十一

四四

奔龍文乃二犯已正明刑宗憲獨以倖免恐無以服天下心臣又聞龍文長子六一素稱大猾且習通倭初匿宗憲家今不知指授何向使六一得亡走倭恐江南事又有大可憂者在疏下都察院奏覆令逮執宗憲來京革其子錦衣千戶松奇職為民下撫按緝捕六一既而宗憲疏辭歷叙平賊功并節年獻瑞象恩以致言官忌嫉且計汝正私受所屬賄上心憐之亦下法司併訊刑部因請將汝正宗憲互許事情行巡撫操江都御史勘報從之宗憲尋死于獄詔免勘○詔免是歲行刑○十一月詔逮繫巡按山西御史張檟詣京檟言往者嚴嵩奸惡皇上納鄒應龍謀置之重典復顯陟應龍以旌其直公論稱快先年首發十奸如吳時來董傳策張紳王宗茂等久厠戎行流離瘴癘乞宥過錄用如應龍例上大怒命錦衣逮繫檟詣京訊治○大學士嚴訥致仕訥以疾乞歸上優詔許之仍賜馳驛○供用庫請增匠役不許初供用庫

匠役名數先經司禮監太監黃錦查議應留二百八十九名至是該庫
奉乞增收百名工部尚書雷禮題覆止補舊額不得增收管庫內臣復
行奏乞大學士徐階上言人匠一名歲支米一十二石百名則千二百
石原額既足供用增添實為虛糜必不可乃止○十二月壬申火星逆
行在井踰二舍再旬乃復○勅褒崇王翊鏘時崇王奏戒祿
米一千石崇王奏戒五百石各補充宗祿從之俱賜勅褒獎○詔追賜
大學士翟鑾卹典順天府學翟汝忠上言臣父鑾歷任少傅謹身殿大
學士晚年獲罪骸骨棄居臣先乞恩已准復大學士顧乞卹典如楊一
清唐龍例下禮部議尚書高拱等言鑾奉職克慎居寵不驕且講筵直
贊撰述之功俱宜追錄詔賜祭葬諡文懿○南京兵部尚書李遂以疾
乞休許之○陝西妖賊李應乾伏誅應乾甘泉縣民自稱唐之後裔與
河內民李元共為妖言待歲陰約版升叛入丘富及各處群盜通
虜及番語欲謀不軌隳永寧王府鎮國中尉睦杵府中私製號旗刻偽
印封拜其黨與期起兵之日先據河南約睦杵為內應事泄各撫按官
捕之急復差匿昨城王府無像宗室睦杵所謀厚遣之窮無所歸併其
黨三十餘人俱死○平聞下法司擬罪詔礫應乾等傳首以徇黨與各
以輕重發遣迨者各司緝捕睦杵賜死睦杵發高牆閉住○詔翰林院
重修王牒○總督宣大山西尚書趙炳然疏陳經事宜條上六事曰
修城堡廣儲蓄備遺補年例給馬匹責實效詔令部議行之○四川
妖賊蔡伯貫等作亂伯貫大足縣人時有白蓮教妖人田統以邪說鼓
衆推伯貫為主肅聚數千人偽號大唐大寶元年旬月之間攻陷合川
大足銅梁榮昌安居定遠璧山七城三川俱震劄州學正黃尚質司
肅其賢令攝巴州躬自捍禦都賴以安巡按御史李廷龍請治撫臣劉
自強等玩寇失職之罪乃詔奪自強及各守臣俸計之賊以妖誕相誑

卷之十一

五

感雖群黨響應所在遽起然實為合無紀律遇官兵輒敗不支一時
瓦解諸首惡多被擒戮伯貫懼遠走大足舊巢官軍破巢擒之餘黨悉
降詔訊實伯貫處決伯貫舉事比三十六日而滅
丙寅嘉靖四十五年
春正月癸巳朔上不御殿○福州興化泉州三府同日地震○己亥
金星晝見○勅南京兵部尚書節制振武諸營領兵都督以下仍會同
操江及應天淮揚兩巡撫從宜調度兵食以備倭患○戊申大風揚塵
四塞上諭翰臣曰今日風色甚異宜傳示本兵預防兵火兵科給事
中邢守廷因疏陳邊備三事一言鎮總督監司縱士卒暴橫宜加禁
戢二言邊北諸軍不時入犯輒取利去宜加謹備三言邊將畏虜而不
畏法無肯決一死戰者宜加申斥上令兵部知之○虜寇宣府塞慶
入寇西陽河副總兵任勇率眾禦之斬獲二十餘級虜乃引去○二月
戶部主事海瑞疏陳玄修奉詔逮繫獄初瑞為知縣都御史過縣境發
其陰中職以剛正動一時至是為戶部主事抗疏上言昔漢賈誼陳政
事于文帝文帝漢賢君也賈誼非可貴倫也陛下初年刻除積弊然
與天下更始高漢文帝遠甚然文帝能推其仁恕之德節用愛人三代
以後皆稱賢君陛下則銳精未久妄念牽之而去謂長生可得一意玄
修竭民膏脂後與土木二十餘年不視朝政法紀弛矣數行推廣事涉
名器濫矣二王不相見人以為薄于父子以猜疑誹謗辱臣下人以
為薄于君臣樂西苑而不返宮人以為薄于夫婦天下吏貪將驕民不
聊生水旱靡時盜賊滋熾十餘年來極矣不及漢文帝遠甚天下之人
不宜陛下久矣內外臣工所知也知之不可謂愚今日所賴以匡救而
歸之正者諸臣責也乃焚脩齋觀相率進香天桃天樂相率表賀與進
宮室則工部極力經營寶香市璧則戶部差求四出陛下誤為之諸臣

卷之十一

五

誤順之無一人為陛下言焉。諛之甚也。陛下之誤多矣。大端在玄脩。玄脩所以求長生也。自古堯舜禹湯文武和有能於世者。亦未聞漢唐宋加土布存。今日格陶仲文陛下以師呼之。今既死矣。仲文尚不能長生。陛下獨奈何求之。若夫天賜桃樂。怪誕尤甚。此左右奸人肆其欺侮也。玄脩之無益可知矣。陛下誠知玄脩之無益。翻然悔悟。日視正朝。宰輔九卿侍從諫議。相與講求天下利害。洗數十年道君之誤。置其躬於堯舜文武之上。使其臣亦洗數十年阿君之陋。置其躬於皋陶伊傅之列。明良喜起。都俞吁咻。民物熙洽。薰為太和。道與天運。命由我出。而陛下性分中自有真壽矣。若區區於服食起舉之說。庶幾一遇之。其可得乎。惟陛下留神省察。疏入。上初覽之。怒甚。抵其章於地。已而復取置御案。日再三讀之。為感動嘆息。留中數月餘。會上有疾。煩懣。遂下詔曰。海瑞嘗主毀君不臣。悖道。錦衣收訊。法司乃擬大辟。獻上而獄。

詞竟留中不下

謹按支進士大綸曰。帝英明果毅。好善如飢。瑞言太激耳。然法司有旨重擬。而疏竟留中。聖度淵邃。豈小人所能揣摩。原任南京工部尚書王訪卒。贈太子少保。謚恭簡。訪奉化人。篤實清謹。始終一節。士論稱之。○纂脩承天大誌。成表進呈。覽禮部請刊布中外。仍以興節新名。分典都事。續纂入一疏。志中易故。安陸州之號報可。○詔魏原任通政呂希周。御史嚴杰。副使茅坤。知府潘仲驤。冠服黜為民。希周等皆嘉湖人。罷官家居。橫甚。鄉人苦之。巡按浙江御史龐尚鵬。行部至其地。庶得諸人不法狀。悉收捕家人子弟。置之法。乃上言。仲驤等既解位失勢。與齊民等而猶敢肆。雲里中此徒挾冠帶為重。得以出入公庭。政細民莫敢誰何。非痛裁抑之。恐貽三方之害。無已。吏部議覆。故令視之。○諭幸承天。不果。時承天誌成。上覽之。因欲南幸。諭輔臣曰。

朕疾久不痊。茲大誌成。欲一視承天。拜謁陵。取藥服氣。此原受生地也。必能奏功。諸王不必迎從。臣免朝。朕用卧興。以行七月。終可還京矣。大學士徐階上言。聖躬未復。宜嘉意靜攝。而乃欲南幸。承天遠涉長途。不惟失崇讓之道。亦非所以上慰二聖之心。其取藥一事。未知皇上欲取何藥。宜開品。味論行。巡按取進。則聖躬不勞而坐。致上藥矣。上曰。自朕取龍飛諸殿。圖閱視。遠近謠傳。南幸已旬餘。科取小民。寧免也。順天下祐一行。必獲萬康。但先理途居為要耳。階又言。前奉諭南幸。不敢仰贊者。一為聖躬計。一為國事計。蓋已亥至今二十七年矣。皇上自度精力較彼時何如。雖皇等下祐必獲萬康。然輩行不及官居之安。途次不及殿庭之適。皇上崇讓之道。自當避勞而就逸也。且已亥以前。邊陲無事。彼時且命大臣行邊。及增內外城。閱守禦之備。今之邊警。時聞官兵未壯。而六飛遠狩。京師空虛。狡逆之謀。儻或竊發。聖駕在外。能無憂驚。

合卷之十一

此為所當計慮者。至于有司。科取小民。誠如聖慈之所軫念。而湖廣兵荒。撫按節次奏陳。猶未暇及。伏乞聖明俯亮下。個毋致輕舉以貽後悔。於是南幸之議始罷。○三月詔。簡汰各省布政使。時給事中胡應嘉論劾。浙江左布政李磐。江西左布政侯一元。因請命吏部。不待考察之期。將各省布政使。通行簡汰。以重方岳之選。吏部乃會都察院。以貴州右布政丘預達。廣東右布政陳遠。福建左布政王遵廣。江西右布政林懋舉。四人應詔。乃令盤等俱致仕。調遵懋舉於簡僻用之。○土魯番速壇馬速叩。閣請貢許之。先是番王沙速壇。潛掠比屬部落。中流矢死。馬速其弟也。擁眾嗣立。乃遣人求入貢。詔下禮部議。言馬速以弟繼兄名。義甚正。况遠夷稱貢。理無拒絕。第種落震驚。驟要求不免煩費。宜約遵原定貢。斯毋得執此為例。報可。○擢太常少卿丘岳為禮部右侍郎。添註管事。先是岳為給事中。請脩承天大誌。至是。上諭吏部曰。承天大誌成書。

二親功德昭著請修之臣岳添註禮部右侍郎蓋特恩云其奏修諸臣以紀中誤有脫簡第各齎銀帛不復論叙○以吏部尚書郭朴並武英殿大學士禮部尚書高拱兼文淵閣大學士俱入閣參預機務○夏四月朔日食○詔南京兵部尚書胡松為吏部尚書○以掌翰林院事吏部左侍郎高儀為禮部尚書仍兼翰林學士○直隸涿州地震有聲如雷○吏科給事中辛自脩請檢察章奏從之時禮部員外郎李鐸以賀表有脫誤字自修因上言人臣祇慎而後朝廷之體統尊邁來題奏章疏競為繚繞不惟九重清覽難於偏詳而事體處分反以文晦甚者以卻裂醜穢之語載之牘中尤非對君之體乞初禮部一應章奏須言簡事核務持大體如違聽該科參治 上然之○五月辛卯朔木星逆行留守太微垣左執法○賜吉王珣鎮書院額曰崇德從其請也○給事中張士純請行久任之法言郡縣官非三年考滿者不得推陞行取賢撫考滿仍加秩留任不得一槩序遷從之○六月朔廣承天衛軍亂時衛軍以求需月糧擁眾入府門毆擊書吏知府鄭文茂廉得其為首者執而鞭之至死諸軍益憤因大呼警辱文茂久之始解事聞 上曰軍士玩法至辱守臣其令守備撫按官嚴捕首惡治之○戶部以邊餉不足請再行開納事宜三年從之○河中央馬家橋諸處總理河道尚書朱衡都御史潘季馴以開工部議復請令衡等亟為經理仍及水盛之時親詣黃河上流督率有司詳視其處故道可復其處新河可開務圖上策以弭後患從之○乙亥雷電雨雹○上以父早親祈雨於疑道雷軒越三日大雨群臣表賀○虜寇宣府塞總兵官馬芳禦却之斬獲頗眾虜乃遁去○右中允陳謹為衛軍所傷卒時謹守制家居會家人與衛軍相毆謹出解之為亂挺所傷卧病月餘卒時都御史汪道昆巡撫福建南京給事中岑用賓聞之効道昆以撫臣之威不行于士卒自畫大

都賊害近臣恬不為怪請亟罷道昆然後按治諸驕軍以法乃罷道昆回籍聽調命巡按御史捕治首惡○秋七月浙江礦寇作亂西安縣有銅坑礦徒竊取市利而蒙右又為淵藪以勾致之為患不絕郡縣嘗為封禁驅逐之而奸民不逞者假以礦利鼓眾嘯聚數千人大掠常山西安諸縣環攻衢州發破之官兵追逐乃散其遊騎馳入婺源縣掠其庫藏而去知縣李志學避匿得免後以失陷城池論死久之以婺源無城乃從末減○兵科給事中周世選疏陳時弊四事一曰治水言國初夏原吉以重臣治水江南功施至今後來止以文移往來塞責臣觀震澤瀑漲潮沙壅塞浸為東南大患宜亟令脩治陂塘舉行原吉故事庶根本要地可以無虞二曰連賊言連賊之弊起于糧額不均奸人包占及巨家貴族技詐優免影射詭寄宜令有司定為優免則例而糧長收頭一切利弊咸汰除之三曰議將言南北將帥多黃緣通賄如京營遊擊韓濟文遣家人何君表枝千金于樞門以求美遷延綏總兵趙奇倭託公差挾金入都城以圖大柄宜嚴治之四曰勦盜言各省巡撫有司官如傳舍故事多隱匿如川湖閩廣群盜紛紛不即捕滅宜坐姑息奏亂之罪徹軍礦賊尚熾而秦州史家莊盜徒復起此江淮咽喉乞令守臣勦平仍通行天下各舉保甲之法約束齊民以消禍本疏入詔下所司○始通天津海運轉漕永平諸軍自是每歲通漕省國帑十二漆東諸邑漸稱饒足○八月進封敬妃文氏為貴妃冊封宮御尚氏為壽妃進貴妃文氏父承武錦衣衛指揮同知贈壽妃尚氏父臣為都督食爭兄文輝授錦衣正千戶○西苑獻瑞穀九十九本群臣表賀○命工部速建恭展新宮迎冬至一陽入居之○提督南贛都御史吳百朋疏請討三巢賊許之先是廣東賊首李文彪與江南賊首謝元樟賴清規相與結黨擄亂號為三巢時時劫掠近巢郡邑居民前後具奏請勦無慮數

十疏以倭寇方棘故不暇及至是文彪死其子珍與謝賴二賊勢益猖熾每分道四出攻城畧邑眾且數萬百朋決意討之乃上疏請專付以討賊之任不效則治臣之罪 上從其請○命遣禮部主事徐廷祿奉承天大誌祭告顯陵○命徹威熙宮改建大享門以玄極殿前地隘不便陪祀故也既而玄極殿成奉安上帝肅宗皇帝神位命成國公朱希忠行禮○九月詔新承天龍飛諸宮承天守備上言宮殿滲漏棟樑朽損 上謂輔臣曰龍飛諸宮殿六十餘年今不可草次為之前謂一幸必行可遣官更建以備之宜先告顯陵大學士徐階上言宮殿損壞誠宜更建但湖廣連被水災一方之力必不能辦須為計處 上問戶部濟邊銀已用幾何所餘幾何當有積者未可云朕親細事也天降地產民輸之財豈可妄費必節愛之乃可階言理財為國治要務皇上今日之問正大計也豈親細事 上曰承天工料彼或不敷工部節慎庫助

卷之十一

五十一

之亦可階復言臣通問工部尚書禮庫金幾何禮言支用不足已借戶部銀一十八萬各工應用雖欲出助亦不能也久之 上謂階曰南工一時難建先脩隆慶後恩二處餘俟時盈舉之因遣工部左侍郎張守真往督工程○古田獲賊韋銀豹等來降時銀豹又據古田與諸種分其地為上下里居之銀豹兩犯省城獨下六里人從之提督軍務吳桂芳因其間遣典史廖元入上四里諭降諸種獲復業者一千九百餘人于是銀豹勢孤亦請降桂芳即以古田平聞因言古田自弘正來縣令未嘗入城今典史廖元恢復已有次第宜量陞本縣主簿俟其功成即擢為令詔從之○詔禁僧尼戒壇說法時白蓮教麻行御史鮑本蔭以妖盜本為一途恐挾邪鼓衆釀成大患於是詔順天撫按嚴禁僧尼戒壇說法仍令嚴衛巡城御史查勘京城內外僧寺如有仍前受戒寄寓者按捕下獄四方遊僧悉令所司送回原籍備差○新渠成先

是工部尚書朱衡定計開沂山一帶新河築堤於呂孟諸河以防潰決河道都御史潘季馴獨以為不如濬留城故道由是與衡有隙衡持前議益堅身自督工吏卒不用命者以重法絕之浮議藉藉工科給事中鄭欽信之上疏言狀工部請遣官勘視乃遣給事中何起鳴往勘起鳴還上言往時都御史戚繼期開新河垂成而廢至今惜之今黃河異常尚可不為通變之謀哉故臣斷以為開新河便宜如衡言工部會廷臣議俱合 上意遂決令其不得有且完事至是工科給事中王元春以新河未通劾衡言起鳴初主新河之議今亦自變其說會衡以新河工成上告於是群議寂然 上令衡會同季馴悉心料理以圖永久既而季馴以憂去吏部言衡心計精明足當大任今河工業已有緒宜即以河道事使衡兼之報可○復設廣東巡撫初廣東廣西各置巡撫成化間御史龔憲等言兩廣事不協一故寇盜益繁宜設大臣總督兼巡撫

卷之十一

五十二

而罷其巡撫乃以韓雍為督撫開府梧州居中節制正德中以體統太重改總督為提督已而惠潮二府山寇潛發去梧二千餘里徵調為難因建議以二府割隸南朝而南朝去潮惠亦復遼遠地屬代轄徵發益艱山寇潛滋道路梗塞至是言官建議宜復設廣東巡撫乃以李佑為石余都御史巡撫其地○冬十月兩淮水災詔留運司工本鹽銀二萬兩賑濟電丁○詔濬豐潤縣環香河轉漕太平等寨軍餉從巡按順天御史鮑承蔭請也河濬自成化間設豐盈倉于該縣舟運累十萬餘石貯之以便東路官軍支給後河道湮廢舟楫不通近歲餉銀運警日甚太平路塞一路主客兵餉俱赴薊州關領如喜峯三屯諸處近者至四五百里公私俱稱不便承蔭乃查復舊河運道仍于北齊莊張官屯雅鴻橋設三閘以潞水云○謫原任大理卿萬家廣西副使袁應樞成進下刑部侍郎鄧懋卿于巡按御史逮問家等皆嚴嵩父子親黨是時

沒敵產所得銀不充二百萬詔旨嚴急官司乃指為案等寄頓侵匿各
追銀一二萬應樞又為怨家告其發塚事遂皆得罪○左都御史張永
明以疾乞休許之令馳驛歸○召南京兵部尚書王廷為左都御史廷
因陳言大事曰慎選授慎分巡慎獄刑慎倡率慎檢束慎舉劾詔從實
行之○原任南京兵部尚書李遂卒贈太子少保遂豐城人姿貌魁偉
博學有才尤長於用兵沉機秘結出人意表改隨試轉效時服其戡亂
之畧○准徐餓命巡鹽御史以脩河銀一萬二千兩賑之○吏部尚書
胡松卒贈太子少保謚莊肅松滁州人潔已好修富於經術容貌儼然
望之者知為正人莊士其任吏部以振淹滯破資格為已任諸司事皆
躬親綜理竟以積勞致疾卒於官○詔逮繫戶部司務何以寬下錦衣
獄初上因海瑞疏諭輔臣曰今人恨不新其政瑞可見也瑞言但使
朕病久不如甲午前安能視事又曰朕仰承天眷不自謹惜致此病

卷之十一

五

賜如能出御政豈受此人詬訾也以寬嘗奉命賈龍涎香已進四十兩
久未蒙眷乃揣摩上意疏言主聖則臣直頃者海瑞任其顛愚遂以
逆耳之言仰干天聽乃蒙聖度優容置之不問此亮亮所難也但詔付
法司中外惴惴以瑞為戒乞渙發德音曲貸瑞罪以開塞直之門上
大怒詔逮下獄用刑禁錮不許罔上行私○命釋給事中沈東於獄發
為民○以兵部尚書楊博為吏部尚書時胡松卒高耀資望當改吏部
大學士徐階言吏部須清潔剛毅耀於二者皆皆未足遂改博代松○
閏十月召宣大總督趙炳然入為兵部尚書○以兵部侍郎王之誥總
督宣大山西軍務兼理糧餉○詔黜巡撫陝西御史方新為民新上疏
言臣惟黃河與止虜之患自古有之然而不甚也今豐沛之區閭閻
殫為河而又與都有陵寢之憂鳳宿有水雹之厄河南等處有饑饉流
移之苦臣竟亮之澤水不烈於此矣各邊將情卒驕虜至輒囑避觀望

而又軍武有軍士之變南贛有土兵之叛徽州等處有嘯徒竊發之虞
臣意舜之三苗不棘於此矣夫澤水三苗唐虞何等時也而不足為治
累者以充饑統業于上而禹皋諸臣日孜孜分憂慮也今司獻紳者日
以獻奇祥言瑞應為利國而尸疆場者惟以報虛捷隱安為長計理
下試歷數彼中外諸臣為公家分憂慮者難也臣以為為戒斥罰之法
在今日不盡廢而陛下于此災變之會亦宜鑑古察今戚然自責昔漢
武獵于一歌詞意悲悵遂因以過衝決之患周宣雲漢一詩籲告其切
其與也勃焉況陛下自視為何如主豈使宣王武帝專美于前哉疏入
上怒其任情妄言黜為民○原任兵部尚書許論卒論靈寶人前吏
部尚書進之子戶部尚書許之弟也博學強記嘗進九邊圖其商輅
情綜畫戎務鑒稱多石畫云○巡按應天御史宋纘疏留徽州知府
何東序先是給事中趙格劾東序酷虐詔赴部聽調至是纘稱其賢

卷之十一

五

且言東序不畏強禦為奸鋒所中如此不當是使節士吞聲後果無為
公家効力者也宜留東序供職疏入下吏部尚書楊博奏纘言是量調
東序衡州侯有後効仍不次超擢以為任事任怨者勸詔從之○十一
月詔加荊州知府趙賢三品服色俸級遂溪知縣張希範大埔知縣張
孔修五品服色俸級以賢守郡有善政而希範孔修禦寇有功故有是
命○重修顯慶、恩慶成更碑題曰大明睿宗獻皇帝陵先是顯慶明
穆碑題曰恭肅獻皇帝之陵十七年始上廟號工部左侍郎顧璘請更
題如長陵碑製上報可既而止之至是都督蔣華謂碑題與廟號不
合不可示萬世疏請更定乃更今號云○南京吏部尚書王用賓以疾
乞致仕許之令馳驛歸○命漕運都御史仍舊駐淮安督徐邳一帶運
務○十二月改四川龍州宜撫司為龍安府先是巡撫譚綸言宜撫薛
兆乾失諫薛氏不可復立宜如馬湖事例創建府治改設流官知府等

官詔從之○初設四川隆昌縣于瀘州富順崇昌縣之中屬叙州府先是三州縣中有驛曰隆橋居山谷間為盜淵藪設重慶有通判督軍守之至是守臣建言設通判不如設縣治令事府專統可以責成然後地方無患部覆從之○詔設福建海澄寧洋二縣以其地多盜故也○庚子 上崩於乾清宮先是 上不豫欲自西苑思成宮還御乾清宮以宮中丹雘淪落不稱路寢命更飾之至是 上疾甚還宮遂崩是日大學士徐階及文武大臣啟請 皇子裕王入主喪事王舉哀具黑翼蓋冠青布袍角帶由東安門步入發喪次命內外官謹宿衛發喪辛丑以大行皇帝賓天告奉先殿報訃音於宗室諸王頒遺詔于天下詔曰朕以宗人入繼大統獲奉宗廟四十五年深惟享國長久累朝未有乃茲弗起夫復何憾朕奉列聖家法自考身教一念惓惓惟敬天動民是務祇緣多病過求長生遂致奸人乘機誣惑禱祀日舉土木咸興郊廟之祀不親朝講之議又廢既達成憲亦負初心適者天啟朕衷方圖改轍而遽嬰疾疾每一追思益增愧感蓋德成美端伏後賢皇子裕王仁孝天植睿智夙成即皇帝位勉修今德勿過毀傷諸凡刑獎悉稽舊典自即位至今建言得罪諸臣存者召用沒者卹錄見監者即釋復職方士人等查照情罪各正刑章詔告天下咸使聞知

謹按史臣曰世宗神功盛德不可縷指大要以嚴馭吏以寬治民以經術為師以法律為輔以明作脩內治以安靜歸邊防其於稽古考文之事尤為謹備而皆發之孝思本之敬一故功成制定華奮嚮風中興大業視之列聖有光焉享國四十餘年追慕獻皇獻后如一日每遇時節忌辰侍臣竊窺聖容慘怛享獻精虔無不泣下者晚年雖不御殿而批決顧問日無停輟雖深居淵默而張弛操縱威柄不移一升遐一詔艾悔尤深真可謂不世出之主矣

壬子皇子裕王即皇帝位○詔釋戶部主事海瑞於獄 上在潛邸素聞其剛直故亟釋之士論稱慶○詔改明年為隆慶元年時嘉靖四十六年大統曆已頒天下詔改之

皇明嘉隆間見紀卷之十二

穆宗莊皇帝

丁卯隆慶元年

春正月丁巳朔○詔加武英殿大學士徐階少傳李春芳太子太師郭朴太子太傅舊制初即位皆賜金幣時以國帑方絀止給誥勅如例已給者加散官勲階○詔加大學士高拱少傳兼太子太傅以吏部左侍郎陳以勤為禮部尚書文淵閣大學士禮部右侍郎張居正為左侍郎東閣大學士俱入閣參贊機務以侍講殷士儋為禮部右侍郎待詔王凝劉奮庸俱為尚書卿加諭德唐汝楫太常少卿致仕論潛邸功故命各加官既而以勤上謹始十事一曰定志言陛下方臨御之初窺伺百出倘志不先定將上累聰明下妨政事惟堅特聖志一意主求太平此志既定則凡聲色貨利逸遊便佞皆不足惑感德大業悉從此出此謹

卷之十二

始第一義也二曰保位言自古言保位者曰帝慎乃在位曰予臨兆民寧平若朽索之馭六馬願常以萬義勝為虞世道帖危為患三曰畏天言當深察天道甚通雖深宮燕閑人所莫窺常若上帝鑒觀雖號令臣民靡不如意常若嚴父譴誡瑞應之來脩德應之災異之見引咎回之四曰法祖言太祖肇造鴻圖成祖嗣成大烈其垂訓立法至宏且遠願恭取祖訓置之左右守而勿失仍勅中外諸臣一切遵率如故五曰愛民言宜省非正之歛停不急之征黜貪暴之吏蠲繁苛之令蕩然與天下休息而聖衷又念念在民則久安長治術無出此六曰崇儉言太祖乘輿服御以銅代金成祖所服衣袖常至敝垢意以尺帛一錢皆百姓膏血願躬行素約自禁近始悉從省約凡宮中奇巧之玩無名之賜一切罷之七曰攬權言凡朝廷大與筆人材大進退宜悉與大臣參詳可否而臨以明斷親自裁決則威固于內權重于外天下可運諸掌八

曰用人言太祖嘗言用人之道當知奸良知良不用知奸不去則誤國自此始願深味此言於大小臣工一一清心昭之則眾正途閣群枉門塞而大業成九曰接下文祖宗朝每召見群臣講論治道至大語首著君臣同遊之訓願視朝之後即御便殿召大臣親自擬議十曰聽言言祖宗時軍民凡有可言之事許直至御前陳說願大開言路言之當者顯擢其人其未當而或過于許直者亦誣容不罪夫言者上逆龍鱗而犯忌諱下結讐怨而取禍患亦何所利其心蓋忠于國也宜諒其心使得盡言無隱躍入上嘉其忠愛懇至悉納之○擢大理左少卿鄒應龍為太僕卿○刑科給事中胡應嘉等疏請躬決庶政從之應嘉等言祖宗朝軍國大事皆天子躬臨臣下處斷英宗以冲年未能面決輔臣楊榮樞創早朝奏事之例先期擬答進御臨朝遽以傳旨遂沿為故事唯孝宗接見延訪治道斯隆陛下以長君踐祚章奏僅憑札牘上下竟

卷之十二

爾睽隔左右投隙百弊滋興不可不防其漸也願每日朝罷必御文華殿令三四輔臣不時進見凡因革用舍大政咸與面計裁決事屬六部則召對諸卿義當疑難則顧問諸臣庶神智不勞而聰明日擴又考前代宰相入閣議事必使諫官隨入而國朝之制令六科輪班于殿廷左右紀錄聖旨蓋亦前代遺意乞恢弘舊典此後接見大臣宜命科道更番隨入凡有奏事不忠者聽其面折是非或退而參奏疏入上是之○詔錄用建言得罪諸臣吏部尚書楊博遵遺詔上言先朝建言得罪諸臣如樊深立辨楊思忠尹相魏良弼李用敬陳瓚胡時來周怡沈束顧存仁趙軌張遷袁世榮何惟栢趙錦張登高黃正色方新張擢凌儒申仲王時舉馮恩徐學詩周冕張紳董傳策劉世龍唐樞母德純等三十三人宜遵遺詔錄用上命俱還原官以次推補又言諸臣中以建言死者其等有二三戮死者為一等應復官贈廕加諭祭若楊繼盛郭希

顏沈鍾楊名絕凡四人其次廷杖死者應復官贈陰若楊最王恩薛字
鍾何光裕裴紹張原浦鍾曾神並經周天佐伍瑜戚應奎殷承叙凡十
三人又次繫獄戍邊斥死牖下者應復職贈官若唐肖李璵豐熙楊慎
楊名王元正羅洪先徐文華張鼎劉濟劉琦馬錄程啓元盧璣陳
讓桑喬包節王宗茂余翔方一被劉魁余寬黃待顯陶滋相世方王與
齡董鎰凡二十八人至于尚書熊決諫止仙箕御史楊爵連擊權倖二
臣雖罪止斥逐然其忠義風節世所共仰又當與杖死者一體卹錄議
上從之贈熊決少保謚恭肅○諭示免朝時初七日傳免朝至十一日
復傳免朝給事中魏時亮上言皇上初政甫及一句免朝至再得非獻
諛者以先帝為辭乎先帝初年日御經筵親賢納諫二十載無倦晚歲
雖云不朝而明于親輔臣剛于制近習斷于去奸邪故群小畏法庶政
不紊奈何以初政而遽急乎奏入留中○上孝恪皇后杜氏尊諡曰孝
恪淵純慈懿恭順贊天閼聖皇太后太后 上生母也父杜林贈慶都
伯至是封林子繼宗嗣伯○賜百官上元節假時賜假十日諸司仍奏
事自是歲以為帝○禁民間放燈○詔起諸臣時吏部尚書楊博請起
用南京禮部尚書葛中禮戶部侍郎趙貞吉右副都御史林雲同右僉
都御史曹邦輔右布政鍾卿副使曹金立敬殷邁金華謝庭藻等從
之○上大行皇帝尊諡曰欽天履道英毅聖神宣文廣武洪仁大孝肅
聖帝廟號世宗

謹按禮官會議帝諡曰罷一瑞之出鎮而宿弊革于朝廷剪勳戚之
內訌而陰禍消於宗社恩無掩義露政者雖貴必誅斷以定謀干紀
者雖親必懲閭閻性道則敬一有歲五歲有註上接精一之傳教綱常
則明倫有典明堂有問曲盡尊親之道接夷狄則狼烟息警鯨海澄
波征叛逆則警服南交夷除群盜定營制以作六軍徵將材以備九

伐報祈歲舉賑貸時施慎獄展勤於欽恤課吏嚴黜乎貪殘奉獻廟
極追崇之典侍慈宮竭誠養之誠躬卜吉兆於純山肇舉曠儀於大
享惟茲眾美之咸備實皆剛德之所成按諡法剛德克就曰肅號曰
世宗比漢武帝光武帝

詔復除周怡沈東為給事中○擢戶部主事海瑞為尚寶司丞○削籍
鄒應卿有罪發戍邊○下方士王金等干獄論死○詔削奪故真人郭
元節陶仲文官爵及誥命籍其田宅○命撤西苑諸殿閣扁額時西苑
有大高玄殿園明諸閣五座諸官部議盡毀修建齋醮諸宮殿禮部尚
書高儀惜其材費請止去扁額從之○加上孝崇皇后尊諡曰孝崇恭
懿慈睿安莊相天翊聖肅皇后孝烈皇后尊諡曰孝烈端慎敏惠恭
祇天衛聖皇后○加元妃李氏尊諡曰孝懿皇后封后父李銘為德平
伯后兄李奎為都督食事○二月冊繼妃陳氏為皇后封后父陳景行

為固安伯○詔贈刑部尚書鄭曉為太子少保謚端簡○詔革諸匠役
官職時內官監李芳奏劾工部尚書徐杲監生王儒等六人前修廬
橋侵銀巨萬請下法司究問杲匠役以營建官殿冒叨冬卿之銜而一
時工役為太僕苑馬少卿者二人為布政司參議郎中員外者五人鴻
臚光祿官以百數名器輕濫已極 上心惡之至是因方言下吏部議
革○司禮太監黃錦王本馮保等廢第姪錦衣千戶○上親祭肅皇帝
几筵時屆清明節也○詔罷王芝官歲時享祀日供膳如舊○御史王
得春疏陳八事時皇后不見禮于上移居別宮中外以為憂故得春以
八事條上一曰早正母后之位而先帝宮人未經進御者宜放出以消
陰邪二曰祀典甚大而師宗記無職太常宜罷黜以正昭格之禮三曰
名器甚重徐杲以匠役而叨部卿服緋魚腰世祿不可為訓四曰輪納
白糧物料當令部科收驗勿委內侍以困糧解及禁奸諛慎題覆重責

選恤災傷皆切時鑒奏下府司○三月詔裁上林監苑隸卒太監李芳
言上林苑監內官各有定秩而祇候卑隸近年妄增者宜裁之以節費
從之著為令○御史龐尚鵬請御文華殿延見宰輔李叔和請敬大臣
以圖治道周弘祖請勤政事給事中魏時亮馮成能周世選孫枝各以
勤政御朝請疏入俱不報○吏科給事中王治琬上四議一曰議宗廟
之禮以隆聖孝言先帝追崇獻皇太備尊稱誠萬世不刊之典至入廟
稱宗一事在今日尤當議者古者宗廟始祖百世不遷其次昭穆迺
非薄之也獻于祖也先帝擬周文武世室尊成祖如太祖此義起之禮
若獻皇帝雖貴為天子之父而實未嘗南面臨天下今乃與祖宗諸帝
並列雖親為武宗之叔父而實當北面事武宗今乃設位于武宗之右
於之右與終為未合或獻皇亦有未安乎先帝于獻皇祔廟之後世室
之祀尚並舉之是先帝之心亦有未安者聖慮淵微似待今日益進享

卷之十二

太廟于分若尊而不免于祧居別祀世室則為萬世不祧之主先帝遺
詔祔享孝聖皇后而別祀孝烈夫婦之義既正矣矧宗廟太禮可沿一
時之成跡乎乞勅廷臣詳議以求至當于以光先帝大孝二曰議朝講
之禮以圖治安言祖宗創制御殿閣各有成規早朝午朝皆有定式
經筵有禮日講有儀左右妙選英賢題奏面相可否今雖梓宮未行哀
慕方切而朝講之規所當預定三曰議親輔之禮以成德業言今皇上
之御輔臣恩數徒隆而接見疎簡賞雖崇而情旨隔必信老成如著蔡
倚謀斷如師模拔閱疏章面商事理以奮治功四曰議燕居之禮以澄
化原言人主深居禁掖隔遠外庭左右便倭窺伺百出或以宴飲戲樂
或以遊戲騎射或以技藝貨利使人主接之不以時用之以不禮近則
散損精神疾病由生久則妨累政事危亂徒起不可不慎近聞人言貴
噴謂宮中燕閒舉動有非諒陰所宜竊意聖明必無此事然臣子防微

卷之十二

杜漸不敢不言乞謹服御精神優禮中宮以收儆戒之益慎開近習
以端承弼之選奏入納之○癸肅皇帝于永陵孝潔肅皇后孝愔皇后
祔焉○諭脩世宗肅皇帝實錄以張居正陳以勒高拱充總裁官○贈
刑部左侍郎劉王為刑部尚書謚端毅初王以大獄罷士論寃之至是
詔加卹錄○夏四月重錄永樂大典成加徐階等官階有差○詔罷進
獻時上諭進鮮船隻騷擾地方及太常寺給散牲價一切宿弊承天
府香米等物及外夷珍禽異獸俱各停止不許進獻○詔察吏治吏部
尚書楊博奏詔疏陳天下郡邑衝僻繁簡不同有逸而得舉有勞而速
謫既平黜陟之宜遂起超避之徑今品第上中下三等推陞補量才
授任不惟視等以為歲月之遲速仍視第以為官資之高下每省總括
數語以陳其繁細列等差以盡其詳使觀殘破則思保障之畧觀困疲
則思拯救之猷盜賊則掃蕩而撫循災傷則賑施而安輯丁預則移風

自勝此皆天性至孝中外傾戴今山陵既畢義播漸遠若乘時遊幸動或違禮對景娛樂言或詭譎皆足以伐天和而虧盛德夫以日月雖仍近俗而三年孺慕實本天經亮陰之禮豈容踰越今輔臣既無由入侍而暫御不皆正人惟皇衷深自抑損以全至孝諫人不從○詔復楊廷和等官賜諡廷和復大學士諡文忠王廷相兵部尚書諡肅敏梁材兵部尚書諡端肅侍郎曾銑諡襄毅楊守謙諡恪愍商大節諡端愍副都孫繼魯諡清愍侍郎江曉程文德張漢俱復原職賜林俊諡貞肅具廷舉諡清惠○禮部尚書高儀疏請召對言我朝列聖接見輔臣燕對同遊造膝陳悃上下交泰皇上御門條奏漸復舊規而朝著尊嚴禮不洽今山陵已畢經筵日講咸宜舉行便殿面議尤不可緩乞時召六部大臣各奏章疏以決可否 上嘉納之時給事中張鹵亦上言陛下自即位以來視朝太遲經筵日講多輟接見太稀臣下章奏多不省覽

卷之三

此數事非所以圖治也留中不報○詔諭御史齊康外補康以大學士高拱屢被論劾意大學生徐階主之乃疏論階專權國狀復以先帝建儲階執不可誣之併劾李春芳聲勢相倚有旨切責康妄言于是科道陳瓚歐陽一敬凌儒張價等交章劾康為拱門生聽其言投宜置之大理寺丞海瑞言階自執政以來憂勤國事休休有容有足多者而康乃甘心膺大搏嗜善類其罪又浮于拱 上納之降康二級外調○大學士高拱引疾乞歸許之時諸司攻拱章日數十上乃引去○六月詔起殷邁為浙江副使提督學校先是邁以南京文選郎出為江西參議乞休不允已擢貴州督學副使未上而疏請致仕邁性恬退至是用薦者言召起視學而浙掄士一先德行未幾遷江西參政○詔議禮部侍郎薛瑄新建伯王守仁從祀時禮科給事中趙軌御史周弘祖請以故禮部侍郎薛瑄從祀孔子廟庭朕定向亦請王守仁從祀下禮部議

尚書高傑覆言薛瑄相去百年輿論共服王守仁尚近猶恐衆論不一宜會官集議以俟聖斷 上是之○秋七月辛酉金星晝見○賜羅洪先諡文恭楊繼盛諡忠愍詹繼盛子應尾為國子生○給事中王治奏翟廷王馬尹乾沒內府金乞罪之 上報可而以事屬司禮監治之○詔諭太常寺少卿周怡外補怡疏陳定君志以修德業語多談切內豎上怒其抗違落級外調○八月朔 上幸太學先是禮部謂舉幸學之典至是駕幸太學釋奠于先師孔子賜輔臣羊酒鈔錠有差○詔加贈彭澤為少保諡襄毅何孟春為禮部尚書諡文簡楊最為副都御史諡忠節○詔復王忬兵部尚書時山東副使王世貞上書訟父忬之冤詔復忬原官○遣武英殿大學士陳以勤祭先師孔子時秋丁祭也○上御經筵先是大學士徐階請經筵講學令使勅行既而命大學士張居正同知經筵事至是先御文華殿日講次日始開經筵○皇于千秋

卷之三

節 上御皇極門文武群臣致詞稱賀○虜犯永平時虜犯永堡攻昌黎縣城幾陷引而西將窺深河兵部請調兵入援久之未決虜厭飽自退黃台吉踞伺近邊令騎四掠○詔兩廣總督譚綸入京兵科給事中吳時來言請召綸及總兵俞大猷麻繼光來督練邊兵以省諸鎮徵調之擾部議大猷才宜于南往者曾試于此不效且近來老綸與繼光惟上所用 上令召綸入京○吏部議卹先朝言事諸臣以光祿寺少卿馬從謙戶部員外申良給事中周達常泰清紀即周缺上請 上怒不許部復引例執奏亦不許給事中王治御史龐尚鵬上言馬從謙張達常泰皆謫戍周缺編氓申良杖死或以大禮或以大獄或積斥時政力持國是無非為宗廟社稷計今雖死填溝壑而孤忠勁氣豈容遂絕于生成 上以從謙所犯比于罵父例終不允惟贈申良為太常少卿張達常泰周缺俱光祿少卿先是從謙以劾中官杜泰得死部臣首議

御錄中官祖之○命太監陳學棟于真定郡佐得參預故事渾
池河設稅課司以通判主之歲終以內臣印烙正德中奏差內臣民困
稅耗嘉靖中專委府貳商民稱便至是李芳奏為陳學可任其時來力
爭其不可不聽○諭幸天壽山不果 上欲詣天壽山行秋祭禮大學
士徐階上言累朝舊制祭禮惟太廟親奉其山陵止皆遣官重社稷也
及今東西二廟日夕窺伺前邊宣大警報屢聞皇上顧欲自危而待窺
意祖宗在天之靈亦不樂有此行也 上不允階復言天壽山之後即
黃花鎮黃花鎮之外即虜地今據邊報東虜土酋等欲犯喜峯口西虜
把都兒等欲犯古北口此係豈輕小者臣等計度利害實不敢以國家
之事輕試于危險 上乃悟而止○詔復監生試卷單字號先是南畿
督學御史耿定向建議監生試卷單去單字號于北監中式者浮于
制額數倍考官則以制裁之南監預于常數過半時中允孫毓訓德王

卷之十二

希烈主應天監生伺出謁聖選道而諱辱之事聞司業金達等奉條
而罪出首禍者數人詔編血字如舊○九月諭令太監坐團營尋罷之
先是太監呂用高相傳旨令坐團營提督兵部尚書郭乾言官有定員
不用內侍 上仍命草勅與之禮科給事中歐陽一敬孫枝御史韓君
恩等各上疏言團營裁革已久亦無可生乞追復前命 上怒曰何物
小吏乃敢抗違詔示徐階等復極力言團營起于景泰嘉靖庚戌廢
薄都城戎務大壞始革團營撤去內臣事權歸一數年來漸有成效
用內臣必且盡亦先帝之法 上乃命罷○諭內外臣工各陳理財之
策先是 上問戶部京帑所貯金存者幾何以贍軍國足備幾何年尚
書馬森奏太倉銀庫歲入僅二百一萬有奇歲支在京俸祿糧草一
百三十五萬有奇邊餉二百三十六萬有奇各省常賦諸過民運今年
詔蠲其半以出入較之共少三百九十五萬有奇昔謂國無三年之儲

國非其國今查京通二倉之粟七百餘萬石以各衛官軍月糧計之僅
支二年歲漕四百萬石內除撥餉運班軍行糧外實入二倉者三
百四十九萬運貢漂流歲更不下二十餘萬石改折湊補別用不預焉
欲為三年之蓄不可得況六年九年乎因條上目前所急奏之 上大
駭曰軍儲缺乏一至是乎朕一切服用正供外未嘗妄費纖毫卿其悉
心經理無忽至是奏請令中外臣工各陳理財之策又奏差御史馬明
謨趙岩譚啟張問明等分查天下軍需贖羨以贖元年所蠲之數從之
○大學士郭朴乞致仕許之○虜酋黃台士見莊浪靖虜諸處○備蒼
大邊駐牧攻破石州城知州王亮采死之殺八五萬餘縱火焚廬舍三
日不絕復攻汾州破莊堡十七所細載徐歸官兵屯駐太原虜去掠取
靈虜及殺土民避寇者輒提以問既而 上日講畢問大學士徐階等
以石州陷故諭令選將調兵加意防守兵科給事中魏時亮因上言陞

卷之十三

下憂及虜寇而日講後又問輔臣以石州事仰見加意勤政願益推此
心遠法帝王無怠無荒近法孝皇召問大臣則虜患不足平矣時來亦
言聖情留意邊防更望召更兵戶部以督撫得人若何錢糧接濟若何
防守足計若何庶令當事臣工人人惕厲 上皆嘉納之○冬十月甲
申金星入南斗○諭輟經筵日講時司禮監傳旨天氣漸寒命輟經筵
嘉靖元年十一月二十五日輟講今天道尚未嚴寒視前日期則為
太早宜以聖學為重祖宗為法有旨罷罷○工科給事中馮成能疏請
新河古臣從新河來相度南北地勢可應者三其一新河自南陽而下
至鮎魚口與三河口地形俱高水以平流積滯之故漫溢四野致奪樹
藝之地又諸閘半就淹沒而長堤崩潰未已以上流之患可應者也其
二三河滙流以西注既湍悍難治而其下達新河側高屋建瓴衝突

補甚故沙泥填壅之區旁則懼衡旱則懼澍此中流之患可慮者也其
三下村以南諸閘水勢高下相懸幾及千丈故閉之節蓄洩為難此下
流之患可慮者也此上三患皆由三河地既居高水復平流雖目前告
成宜逆為未然之備 上以其疏示尚書朱衡令熟計以聞○詔刑禮
科給事中陸鳳儀為民時鳳儀疏謬遺落聖旨故也○土蠻掠永平
時由界嶺口羅漢祠入永平大肆剽掠半皆朵顏三衛夷人○虜寇
州殺系將吳昂既而黃白吉寇偏頭關 上怒命速襲鎮巡劉肅王之
諱并遣副將田世成等討治○召戚繼光入京協理戎政令劉繼
賢劉燾回籍聽勅○諭令臣工各陳禦虜之策 上諭閣部東西二鎮
虜寇殺掠至甚防禦之策何在卿其與文武臣僚商確以聞○兵部尚
書楊博因上言狂胡匪如分道憑陵東犯薊鎮則九重震竊西犯偏關
則主晉驛動今按各邊地勢既殊戰守互異薊州昌平保定三鎮有備

卷之十二

十一

可恃但乘高據險匹馬不入即為土策宣大遼東山西四鎮無壙可守
難保不入但堅壁清野使虜無所復即為中策薊昌合聽督臣修補邊
垣分兵戢守宣府山南東路咫尺昌平四海治安道入遼瀋皆賊徑所
由宜統重兵以衛陵寢屬門軍武備頭均山西門戶屬單外倚大同而
偏頭西連延綏獨當虜衝邊長八百餘里兵不滿萬故科臣議撤擺邊
止令居中相機戰守保鎮兼剿倒馬龍泉頗稱天險蔽以宣大必復虜
南窺洪蔚然後乘墻拒守大同外與虜鄰先年總兵梁震每伺虜入寇
輒令勁兵搗巢虜畏之今用此可以禦虜遼東一鎮濱海鄰夷中道二
線之路兵食咸仰本鎮地腹收稅惟難充豐積足以稱雄矣○賜原任
兵部尚書翁萬達謚襄敏兵部左侍郎陶諧謚莊敏吏部左侍郎董理
謚文簡○吏科給事中陳瓚追論殺沈鍊之罪先是嘉靖中錦衣衛經
歷沈鍊上疏請誅嚴嵩謫保安州為民當與世蕃深啣之會楊順總督

宣大高屬順殺鍊適虜犯大同順妄殺被擄者冒報首功鍊為詩刺之
有白草黃沙風雨夜冤魂多少冤頭願之句順恨之遂為巡按御史路
楷誣以交通妖賊竟坐鍊死士論冤之後嚴氏敗鍊尋以遺詔復勅順
遂追論順僣冒銀及邊儲銀七千兩賂指共殺鍊鍊子襄亦為父訟
究逆命逆順及楷惟治坐交結近侍律斬○十一月有事于南郊時冬
至 上親祀天于圜丘奉皇祖配祀畢 上御皇極殿百官行慶成禮
○十二月詔賜故禮部侍郎何瑋諡文定追奪大理卿朱庭立刑部侍郎
傅潮官給事中王治言故禮部侍郎何瑋理學純臣宜加美諡原任
大學士夏言所論復臺事未為失策與會銑均屬無辜宜與雪宥大理
寺卿朱廷立刑部侍郎傅潮銀鍊夏言會銑之獄宜追奪其官詔諡瑋
文定傅潮朱廷立俱追奪本職○甲午流星隕時有流星如盤大青白
色自中天東行尾跡有光長二丈餘○賜故戶部尚書太子少保徐問

卷之十二

十一

謹莊裕○詔復吏部尚書萬鏐等官江西撫按任士憲蘇朝宗奏言世
宗朝吏部尚書萬鏐以諫進百花酒為趙文華誣奏稅職石副都御史
江潮以劾問妖犯李福達劾奏武定侯郭勛罷御史郭弘化以諫採木
採珠削籍御史王時柯郎中胡建圭事余積並以議大禮廷杖建圭積
死時柯編伍遷奉遺詔以請 上命俱復原職加贈○詔令鄭王厚烷
復國先是嘉靖中王諫事玄削爵錮高牆至是令復國加祿米四百石
○甘肅大鼓鳴自西南而東北經時方止○瓊州賊李茂等作亂知府
王可大撫平之先是茂等萬餘人船千餘艘為寇累年眾議欲勦之可
大以為宜加招撫言不撫而用兵須數十萬金殺傷兵民以千萬計累
年月不解又未必決勝烟濤茫茫兩舟對峙不可見急之即遁入大洋
徑赴島夷緩之復來我舟一遇颶風立碎果欲勦之必如國初將恩樹
功兵不畏死更得天時乃可得志不然不如撫之便也乃出招撫茂等

果聽諭待命後復屢為地方出勦他寇郡之東偏時以無恐

隆慶二年

春正月辛亥朔京師江浙大風揚沙白晝晦冥○江南訛言命選宮女時傳朝命內臣選官女于各省每三十女以一寡婦領之于是民間室女嬌婦競求婚配多務苟合有司知而不禁說者謂元至正丁丑及正德間嘗有此異或以為恒風之應云○甲寅金星晝見○進禮部侍郎殷士儼為尚書掌詹事府事○加工部尚書朱衡太子少保出督河漕○詔進大學士陳以勤武英殿加太子太師吏部尚書○詔裁增加梗米及青白鹽太監李芳請裁損近年所加白梗米四千五百石青白鹽三萬斤仍令二年後悉遵弘治間例 上知其節費惠民允之○上享太廟時孟春當享太廟 上命成國公朱希忠代行禮大學士徐階等上言祭祀國家大典春祭四時首禮皇上必躬奉裸將而後為孝為敬

卷之十二

十三

祖宗列聖亦必得皇上之躬親對越而後來格來歆且自宮至廟其路不遠獻奠有數其禮不繁夫以宗廟之重雖勞且不當避況非甚勞者乎請聖明親詣太廟行禮從之○浙江會城災焚室廬舟楫數千計○詔停正乙真人名號奪其印止以喬孫張國祥為上清觀提點○光祿寺請裁羊房官吏軍士不聽先是永樂時尚膳監有羊房景泰中移之西琉璃廠牧地十三頃司牲官吏軍士歲費數千金至是請以羊入本司而裁革冗員太監孟冲爭之竟從冲言○禮部尚書高儀疏請建太子許之先是上初即位儀即請冊立皇太子 上諭皇太子尚幼當先賜名而後冊立至是復請引宣德成化弘治間冊立皇子皆二齡六齡事例為據言皇上篤生元嗣已踰六齡岐嶷英毅茂異曷時奏諭以來又已踰歲早宜諭誨以廣聰明給事中張鹵等亦上請 上命擇日具儀以聞○勅命太監織造命李佑督織造于蘇杭工部尚書雷禮等言

初奉明詔取回營造內臣中外傳頌聖德詔墨未乾制使復出殊駭觀聽乞罷佑勿遣第令所司如式以進毋渝大信而損儉德 上曰已有成命趙典佑勅言官言內臣聲勢專重有司阿奉淪禮必致大擾東南民力疲困其何以堪乞如部議便不聽既而太監陳洪奏以龍袍紬紵行令督造禮復言前遣李佑計不下四十萬金民力已竭今復加以六十萬金民何以堪 上乃止○詔廷杖戶科給事中石星令削籍星疏陳圖政理以慰人心言陛下入春以來天顏漸瘳視朝漸稀章奏頻闕跪拜屢違因條上六事一曰養聖躬言養之道以節飲食寡嗜慾為要陛下為驚山之樂縱長夜之飲耽聲色之慾萬一起居失調聖躬虧損悔將安及二曰講聖學言經筵久輟屢請未復乞及時舉行使聖學日就光明三曰勤視朝言正月以來視朝稍倦恐奸諛之徒迎合聖意以先朝二十餘年不出官闈天下晏然欲陛下效尤則大不可矧世

卷之十三

十四

廟賓天之詔亦追悔朝講之廢陛下若不加勤勵何以保厥有終願日出視朝以周知民隱總理萬幾四曰速俞允言陛下降旨有允不允不允者固未審何如而允者亦違常期言涉聖躬則留中不下事干內宦則稽遲不行甚且因而覆戾尋常章奏稍緩猶可虜報軍機呼吸之變稍涉遲緩禍且不測豈愚言拙計無當聖心抑左右內臣抑遏章奏不使達于聖聰耶五曰廣聽納言陛下求諫未幾少卿周怡一觸忌諱而謫外給事中陸鳳儀偶遺聖旨而削籍誠使二臣俾還舊職則忠言至計日陳上前六曰察諂諂言方今公道昭明說諛間有頃錄內臣專擅言官攻發切齒中傷言或過直則曰此人欺陛下言或過激則曰此人慢陛下願深察其奸悉置不行則保全善類而天下稱明疏入 上怒以為惡言誅上無禮命廷杖之黜為民時 上御五鳳樓潛察伏者而中官戒聞更毋納給事從人部郎穆文熙恐以杖獎先以義白綏歸身

自掖中官共晉之文熙且晉且掖以出得不死王嘉賓號收不報○
命吏部右侍郎兼翰林學士林燠為日講官祭酒王希烈編修王錫爵
為經筵講官○兵部左侍郎鮑象賢卒贈工部尚書象賢歛縣人謚達
多大器為湖廣金事以獲盜功進兵備又進巡撫陝西久巡撫雲南平
夷州之亂提督兩廣勦捕山寇斬獲幾二千級以功陞一子入太學
士論稱之○二月 上耕藉田○禮科給事中張鹵請論誨皇子言皇
子方在膝齡外庭講讀事尚有特惟內侍之臣所係尤重宜勅司禮監
慎選左右口授書史陳說此情利害動作舉止必舉以正他日親賢講
學其命成德之助端在於此 上是其言○會試天下舉人命吏部尚
書建極殿大學士李春芳禮部尚書掌詹事府事殷士儋為考試官取
田一偽等四百人○議舉邊才先定論諸臣薦舉邊才至是戶部尚書
馬孫吏科給事中王治御史王友賢各有奏薦吏部尚書楊博上其議
因言五方之氣雖別千因材而百中之能難損千器使如往者輔臣楊
一清以南人用之陝西尚書王驥以北人用之雲南俱有聲績宜勿論
南北資格斟酌推用務當其才 上深然之○詔起趙貞吉員侍講讀
貞吉時年六十餘而甚壯議論侃侃上屬意焉未幾遷南京禮部尚書
以吏部侍郎林燠代之 上一日手詔諭輔臣調燠南京召貞吉還為
講官添註詹事府與殷士儋協管府事已而士儋以府事讓貞吉不允
○上詣天壽山展謁諸陵諭輔臣曰朕躬謁陵寢始知邊鎮去京切近
如此薊州總督官采朝言近日虜情何如今邊事久壞無為朕實心整
理者但還難說弄虛文將來豈不誤事卿等即以朕諭傳示宣慰二鎮
諸臣于是兵部尚書霍璵言創鎮舊屏十東宣鎮股肱于西為京師左
右輔但邇來或文武互為參商或官屬自相矛盾即當移檄二鎮多方
傾軋務令預得虜情早為經畧其仍蹈故習者罪無赦 上是之○三

月後故尚書毛伯溫原官○冊立皇太子 上御皇極殿傳制冊立皇
子 為皇太子太子貴妃李氏生也頒詔天下覃恩赦罪海內稱慶
○總督漕河工部尚書朱衡疏陳治河事宜因條為八議復言漕運之
弊皆由於用人不得人疏入詔下所司○新城縣空中迅雷如雷○懷慶
府天鼓鳴○遵化縣冰雹如鷄子損麥○廷試賜羅萬化黃鳳翔趙志
舉等進士及第出身有差○上幸南苑先是諭兵部以是月二十六日
幸南海子扈蹕止用京營官軍無煩冗費大學士徐階等上言聖駕行
幸事體重大上林苑海子雖設自先朝然止畜養免鹿非如視學耕藉
有開治理不足以煩臨幸且陵祀圯壞未久不宜復出願賜停止不允
初 上因左右有言南海子之勝者欣然欲親及至荒莽沮濕官館敗
壞亦頗悔之遂命駕還○京師地震禮部尚書高儀等請令百官修省
仍勅上親覽遠奸諱學勤政以逸欲為深戒以勵精為遠圖訓粉飾之
虛文崇交修之實政 上是之○夏四月承運庫火累朝寶器皆燬○
萬全衛白蠶縣水雹紛擊牛羊皆死○諭遣買金尋罷之時 上令
太監崔敏取戶部庫銀六萬買金萬兩進用戶部尚書馬森言先帝時
買金二千日積月累僅能足數尚不足色奉詔停止以此金暫貯太倉
今欲于數日之內計滿一萬之數臣知不能也且祖宗時御札皆下閣
臣轉示各部院無司禮監徑傳者更望率由舊章以示崇重命令之意
上乃止○陝西地震震給事中何起鳴奏西安府地震如雷平地起小遠
望城郭灰塵蔽天垣屋欹側至涇陽咸陽高陵城無完室因陳納諫恤
災邊防守令實政聖德六事乞蠲二年稅糧報聞御史周弘祖因上言
各省地震有聲裂為溝渠水潦泉湧旌竿數火天鼓再鳴隕星旋風天
雨黑豆臣以地陰也以安靜為德水亦陰也以順下為常洪範傳曰人
積怨則水湧溢夏旱曰極陰生陽不早則火胡氏春秋五石隕宋緣皇

上即位二年未嘗召見輔臣延訪治道虞忠孔棘倫製無方事涉內臣
遂多撓阻點馬則免清查則免皇莊則親收子粒太和則權取香稅纖
毫之使屢遭糾劾之疏留中皆足以招災異者疏入不報○五月朔遣
保定總督譚綸疏陳邊務言遊兵破虜誠為制禦長策而行之有四難
制虜長技非車不可召募強壯歲費甚多司農告匱一難也無趙之士
自備虜以來銳氣盡暮卒吳越又疑用之不可比散之不可南二難
也無趙之人素驕驟見軍法不無大駭且去京甚近流言易生三難也
我兵素未嘗廣戰而勝之虜不心服能再破之終身創矣第懼忌嫉易
生奇禍或至四難也不若姑就薊鎮見兵講求戡守之策各路選兵十
枝每枝務足三千列為三營營分三軍各加訓練仍付戚繼光以督理
練兵之職每春秋兩防三營之兵各移近邊臣與繼光往來督勵務各
負牆以戰遇之邊外此為上策萬一乘隙潰入亦願少追罪誅臣等決
一死戰收余偷之功亦不失為中策若先事不能禦後事不能戰將取
微功苟圖塞責是謂無策又言中國長技無如大器欲練兵三萬人必
得鳥銃手三千人為衝鋒而時加練習非選之一年不可今防秋期近
請選取浙兵三千人以濟一時之急請上裁擇從之既而後條上分立
三營事宜言春秋兩防之時各屯要地如永平有警則連化一營禦之
三屯出二哨應之密雲出一哨應之薊州有警則三屯一營禦之連化
出二哨應之密雲出一哨應之密雲有警則密雲一營禦之三屯出二
哨應之連化出一哨應之兵皆備牆為戰以拒虜不入為上功其或一
面失守致虜潰入則合三營之兵併力奮擊務收全捷又言薊鎮軍用
主兵將以罷調客兵今行之而未效若任未專也宜責臣論與戚繼光
使專重其事勿使巡按巡閱與其間俟三年補練有成然後遣官關
視補得主兵幾何即罷調客兵幾何疏入報可○上御經筵日講○山

西男化為女巡按山西御史宋鍾奏言太原府靜樂縣民李長雨娶妻
數年以不和離異後或計病遂化為女經脉行流與本村民白尚相奸
配其弟良雲以事上訴司謹疏以聞○六月浙江福建四川陝西淮步
鳳陽等處大旱○京師河南河東宣府馬革堡諸所皆大雨雹夜見火
光南京給事中張應治以災異頻仍條陳修弭七事曰勤政親賢之信
足兵食平盜賊復軍儲察幽枉大憲言天心仁愛人君禳災不當專責
臣下而前三議勅上章內批罷遊幸召還織造內臣語甚切直上意
頗不懌○秋七月詔申飭屯鹽之法時御史馬明謨疏陳四事一嚴徵
賦之期二嚴叩存之數三重優買之罰四復屯鹽之舊戶部尚書馬森
援言四事俱當如議其屯鹽一事謂屯鹽之法獲不如古者蓋祖宗朝
邊備振舉不取入關墾塞下輸納鹽糧當時不籍內帑而公私饒富
今諸邊歲歲苦虜塞下既無可耕之田鹽商又無可獲之果當事者乃
議發帑銀開餘鹽以佐之于是屯政迄不可復而鹽引滋滯夫京師天
下根本內帑國計所關以天下供京師其勢順以內帑供四方其勢逆
此復屯鹽之利誠永久之圖近已勅重臣分理其事宜申飭之務底成
效詔令行之○詔治內使梓擊御史之罪時內使許義挾刃嚇財巡城
御史李學道執而告之其黨譚譚不平是日朝罷內使百餘突出左掖
門外梓學道奮挺擊之踏地斃斃舉朝相顧錯愕上聞之大怒命錦
衣衛執首禍十餘人杖一百遣戍烟瘴餘各杖六十戍孝陵學道亦以
擅管內使不諳事體外調○大學士徐階致仕時兵科給事中張齊論
劾階不職狀上以齊肆意詆誣姑調外用階上疏辨上令即出視
事階復上疏乞休許之燕勞錫予如楊廷和故事加優○八月降虜人
率眾來降初大同人丘富入虜中教為城堡官室布滿豐州川名曰版
井以居中國被擄亡命之眾每入寇輒令前驅為嚮導遯民苦之上

即位初詔懸賞格降人應募者以千計時白春魏良田汝光等已各有部落畜產聞令乃率眾來降命授附近衛所百戶賞銀五十兩仍懸賞格于邊外九邊皆如例○詔進大學士張居正武英殿居正疏條六事上之曰省議論振紀綱重詔令嚴名實固邦本飭武備疏入上曰卿奏深切時務具見謀國忠懇該部院勘議以聞○九月諭買貓睛瑤寶尋罷之給事中魏時亮上言貓睛無用之物一顆之價動至百金熟非生靈膏血天下旱荒不言賑恤胡虜方強不言防秋乃急急于珠寶之妄費似為倒置上命罷買○詔江北屯鹽都御史龐尚鵬總攝九邊屯鹽時給事中魏時亮御史王家賓請召還清理屯鹽都御史吏部尚書楊博會戶兵二部議言在江南山西二處可罷在江北不可罷宜將九邊併歸江北屯鹽都御史龐尚鵬總攝而各省責成撫按自行清理使之既而尚鵬條上屯田四事曰開墾拋荒清理侵占查復原額追徵子粒詔悉如例○工部尚書雷禮致仕禮上言部中錢穀已經奉詔節省而為太監滕祥所持危言橫索事事掣肘頃以傳造廚槽禮加徵發費以巨萬而工殿大木斬截任意臣力不能爭徒增憤慨今撫際既成事體相持乞賜罷以全國體上不悅令致仕去○十月南京工部尚書魏尚純卒尚純鈞州人耿介有風節中州士人咸稱之○召總督漕河工部尚書朱衡入掌部事○十一月詔逮繫聞住太監李芳下獄監錮待決先是芳數以直諫忤旨上惡之諸閹亦共恨其正直短于上前故命錦衣逮繫刑部尚書毛愷奏言自昔聖王刑人于市與眾共之非直使死者服罪不寬且使生者將懼死不犯耳芳供事內庭日久一旦坐死罪狀未明臣等皆莫知所置詰非所以示天下公安左右心也疏入上曰芳在內事上無禮第命錮之○十二月奉安世宗肅皇帝神主于太廟○給事中李己請罷斥尚衣太監崔敏不職時敏以

卷之十二

十九

急缺年例黃金奉旨嚴徵以進已因上言崔敏獻諛希寵首詐嫌奸佞公用以文私索積財貨以奉私求誤國欺君速宜罷斥不報○禮部類奏災異禮部尚書高傑上言今歲四方災異比往年特甚山西天鳴地裂男子化女浙江水旱尤為異常宜痛加修省上曰朕夙夜兢惕不敢怠荒爾臣工務實心體國共圖消弭以仰承仁愛之意

己巳隆慶三年

春正月乙巳朔○原任兵部尚書趙大佑卒大佑浙江太平縣人博學和雅勤習政事歷官中外俱有能聲上改元初言官咸以德器才猷足堪重任薦而大佑病革不起時論惜之○詔獨任總理練兵都督戚繼光時繼光上疏劾鎮兵多亦少之原有七不練之失有六維練無益之弊有四又言兵形象水水因地而制流兵因地而制勝餉之地有三平易交衝內地百里以南之形也半險半易近邊之形也山谷多隘林薄窮野邊外之形也虜入平原利千車戰虜入近邊利于騎戰虜在邊外利千步戰三者迥用乃可制勝邊兵所習惟馬山戰谷戰林戰之道唯浙兵能之願予臣浙兵三千戰守又以三千鳥銃手付臣教練分發十區聽臣總領車騎合練庶臣得展布而無掣肘之虞部議宜取回總兵郭琥而獨任繼光上是之○內官監火監監以製煙火焚執房屋御史劾奏不聽○太監滕祥孟中陳洪各廢弟姪為錦衣指揮及千百戶凡二十人○禮部尚書高傑請皇太子出閣講學上命待十餘後行○提督京營戎政鎮遠侯顧養廉引疾乞休不許時養廉以老疾乞休兵部尚書霍冀等議大閱在即功罪分明養廉大將之祿十有五年而一旦求去且副將恭佐諸人俱待皇上別白以彰勸懲孰敢有便其私上命冀等勵自效不允所辭○工部尚書朱衡請察監局之費言朝廷供應皆小民脂膏內外諸臣不思得節日事廢削臣等目擊時艱不

卷之十二

二十

敢不更相戒飭為國家守財至于內府監局一切徵派浪用則在皇上親發訓辭俯容臣等隨事執奏庶宮中俱為一體而國用民命有所賴上從其言○戶部尚書馬森致仕召南京戶部尚書劉體乾為戶部尚書時森以母老引疾求歸故召體乾代之○御史詹仰庇請復皇后正位中宮時仰庇入朝遇賢官自禁中出言皇后遷于別宮寢疾危因仰庇上疏言天子之有后正位六宮之首今皇后殿下乃先帝所擇以配陛下為宗廟社稷主臣昨聞道路流言皇后移居別宮已近一年抑鬱成疾皇上畧不省問臣竊痛之臣謂人臣知而不言當言而犯忌諱俱當死願一聽臣言復皇后于中宮時加慰問則臣死賢于生多矣一上曰后侍朕久無子多病移居別宮冀稍安適暢意樂心耳爾不知內庭事體乃妄言仰庇復疏言皇后乃先帝擇選以進陛下有開雕之德樛木之賢脫簪待卷之規陛下為綱常主而使皇后抑鬱成疾已為不可乃云別宮暢意豈有大婦膝連而暢者乎朕連日深抑鬱日甚疾何由愈上曰后疾愈即還宮毋多言姑不究初仰庇疏上衆謂禍且不測仰庇亦自分重譴及命下中外聞者翕然稱聖德云○二月南京國子監祭酒姜寶疏陳鈐監規以廣聖教八事一言修理傾圯舍宇二言督徵各處膳銀三言請罷納粟事例四言催取舉人入監五言請復國初積分之法六言儲養公侯伯子孫七言處補分教屬官八言查復本監見部舊例及郵助監生部議罷從之○駙馬都尉尉景和卒景和尚永福長公主性恬雅好文嘉靖間多待衛功後以表賀聖節忤旨奪爵為民隆慶改元詔復原爵侍衛前為民時居崑山十餘年被服儒者士論嘉之及召用時為上稱引祖宗故事多見採納○三月詔以內局花樣行營造李佑織造計一千八百疋部言初造李佑已忤新詔後發花樣財力何堪科臣亦力爭不聽戶工二部臣因請自嘉靖四

十四年至今歲造未完并未織者改織新樣從之既而陳洪復請上亦是之御史賀一桂劾洪惑上病民年利乞速斥之不聽○詔治鳳陽守備太監趙芬罪時巡按鳳陽御史劾奏芬貪酷驕僭乞下吏訊裁其貪勿設便部請下御史先繫治其黨會議去留從之○庚午土星逆行犯太微垣上將星給事中吳時來上保奏九劄時上既免喪猶不親政時來乃上九劄一曰戒懼言天命人心去留無常視朝寧息悉宜敬畏二曰端莊幸皇上好遊何不召輔臣同遊講學議政以通下情三曰戒嗜好聲色寶玩最易溺人小人借以固寵人主因之喪邦四曰發給青視朝御政一發皇言庶幾臣子知所惕勵五曰習奏事祖宗朝設寶座于會極門遇有章奏面陳批答今宜漸習以練政體六曰嚴票旨自七月以來旨多外發蓋皆云不經臚思不由閣臣中外駭異且專責閣臣內批未協聽彼執奏七曰慎傳奉昨太和山事旬日間六更明旨必有舞文之徒假以行私宜令一切傳奉皆補本覆奏以防奸偽八曰弘度受謂臣下建議當虛心以聽有優容無罰謫九曰禁誣指小人欲害君子必誣以違抗指為誹謗不可不察以安善良報聞○四月諭選宮女上諭禮部祖宗之制宮中設六尚以備內治其選民間淑女十一歲至十六歲者三百人○命大臣分督屯田一往江北熱山東河南一往江南浙湖雲貴一往河東燕四諸省後以無功罷之○諭戶部取銀進用時取銀三十萬兩戶部尚書劉體乾上言銀庫見存止三百七十萬九週年例當發二百七十六萬有奇在京庫糧商價不下百萬有奇蘇州大同各鎮例外奏討不與焉蓋發庫銀猶不足用若復取三十萬經費何支乞且停止不聽因復奏此存庫之數乃近差御史搜括所入明歲且無策矣臣不足言如國事何戶科給事中李己御史傅子春等交章乞如體乾言大學士李春芳陳以勸張居正亦上疏欲于內庫

取用上曰卿等所奏已論且取十萬以濟急用不必再奏○五月大水時江以南甯兩三月不絕田禾漂溺所司俱以蠲賑請而淮揚徐州俱被水患守臣奏請發運司餘銀三萬兩鈔關船料三萬八百餘兩並院贖贖一萬八千六百餘兩河道二千三百餘兩司府州縣贖贖二萬五千餘兩華積貯勸借買穀十五萬石截漕三萬石以賑之○詔廷杖吏詹仰庇奪其官時仰庇上言陛下前取戶部銀在廷諸臣將謂充帑以備緩急乃盡以供造鰲山修理宮苑花欄龍鳳船靴靴架聖相土盤之費使群小因而乾沒為聖德累不小伏願念生財之有限思國計之甚難毋作無益以害有益近侍之臣或以織造採辦玩好逢迎者悉屏出而深罪之以革聖斷上怒責仰庇累次不悛命錦衣逮治廷杖一百為民太學士李春芳等言仰庇疏意止以內官監錢糧未明欲行請查以資國用心本無他乃挾之朝堂視其官職似為少重九卿

卷之二十二

三

楊博等亦言恐四方妄疑陛下為中貴凌忽過歸陛下疏入俱報聞○禮部郎中戚元佐疏上宗藩之議言諸藩日盛祿糧不足當及今登為區處因擬五事上請一限封爵二議繼嗣三別疏屬四議冒貴五議擅婚疏下禮部尚書高儀言元佐所奏鑿鑿可行但事体重大仍行各王府度心評議以聞上從之○六月召起汪宗伊為南京吏部郎中尋擢尚寶司卿○權海瑞為右僉都御史總理糧儲兼巡撫應天等處○原任兵部尚書趙炳然卒炳然劾州人清勤練達巡撫浙江時會百姓新罹兵燹乃悉更舊令之不便者仍奏減軍需之半以業貧民浙人至今思之進轉本兵朝廷方擬大用以病歸卒于家贈太子太保諡恭襄○閏六月南京吏部尚書易獄疏陳六事一曰勤召對言經筵進講悉循故事無裨啓沃莫若時召近臣考論古今以期實效二曰限輪對言宜令部院堂官班立便殿依次面陳軍國事情以廣聰聰三曰容直言

言言官意或稍偏詞或過激宜少霽天威以倡敢諫之風而防彈劾之患四曰崇節儉言邊方急用仰給司農一或不繼患生肘腋宜早官咸食為天下惜費不宜虛外庫以實內帑五曰正題覆言凡諸臣建議事有可行宜即為題覆不則明列是非毋持兩可失事機六曰復執奏言祖宗朝凡內批下所司稍有干礙大臣即引義固爭務以回聖心而培至德疏入上自採前四事以後二事下所司看詳左都御史王廷相言微疏皆係國體請發所司務實舉行報可○諭造鰲山燈臺罷之時上命工部造朝殿掛燈及鰲山燈尚書朱衡上言災異頻仍旱蝗水溢奏報踵至宜停典作以應天變又明年日月之食皆在歲正陛下方當撤樂戒膳恐懼修省何暇為觀燈遊宴之舉即朝殿掛燈時不可缺亦因整壞稍加修葺取資該監足矣今乃以一燈之費至三萬餘金委為聖主儉德累何上乃罷鰲山而令修葺其整壞者○禮部侍郎

卷之二十三

三

即瞿景淳卒贈禮部尚書諡文懿景淳常熟人為入醇謹以學行聞精工時義與王鏊唐順之齊名士子宗之皆稱三先生云○己亥金星辰見南方○詔諭求言給事中鄭大經上疏言災異疊見時事多艱正恐懼修省圖回幹理之日宜宣召大臣商確治道各率職條對及勅九卿言官并撫按臣講求用人理財事宜以聞給事中張商上言用人理財誠為急務願言不當實或反基禍夫番論者一日而暢卜扣角者經宿而授政以知明而用當也乃促柱過期知之不密偶據傳聞挾以意見按名登籍何以責實天下之財不在官則在民不加賦而上用足桑弘羊所以欺武帝也今國儲既虛民力亦竭妄持說不本經常道聽途說何濟實用乞勅臣工務乘至公勿事苛削報聞既而掌詹事府事殷士儋上言傾緣災異疊見皇上俞言官之請詔命諸臣講求用人理財事宜臣願皇上于宣召大臣一事亟賜舉行則可以通上下之情消四

方之變此之不圖雖餘對叢委封章山積何裨實用夫用人吏部職也考覈論薦聞見訪求臧否素定而不敢擅用理財戶部職也出納經常整頓源委動有成美而不敢輕筆此中必有掣肘之患非奏牘所能達者必宜召吏部令其面對凡實心任事與論共賢者無問卑遠廢棄非許破格酌用宜召戶部令其面對凡沿襲舊弊當革浮冗無問官府纖鉅並許清查釐正更召輔臣面賜商諮昔宋臣趙鼎薦人至裂繭補進太祖竟聽其言果得實用唐臣魏徵因宦者充外使多妄請請杜其源太宗曰非卿朕安得聞此語乃停充外使傳紀二君納諫以為美談比見吏部請錄用石星詹仰庇竟以報罷戶部疏奏太和香稅庫苟餉墊等事即護詞譴是二部所陳且未蒙嘉納矧諸司臣庶人各一職孰能適當聖心乎伏願優容骨鯁之臣如吏部之所薦講求約浮之故知戶部之所查宗社幸甚天下幸甚山西巡撫新學顏亦上疏理財言周

卷之十一

主

之洛鎮漢之西都皆屬空名而我朝西都並建官卒叢集坐靡公帑一費也宋之宗室親疎有等散處民間通名仕籍今則出城有禁入仕無階不農不商坐食常餼二費也天下之兵曰邊兵曰京兵曰留都兵曰腹內衛所兵此四者坐食雖同而緩急則異其目曰見伍曰招募曰徵調曰清勾曰充發五者之中見伍招募不可已也清勾充發按冊可覲責效無實徵調僅資擺守徒費餉送至于山東義勇諸省民壯原非祖宗之制今供勾攝之司請徵其餉以實邊儲而京兵之不可汰者亦請責以輪番戍守之法又廣鑄錢之法以通融于五穀之外重積貯之令以盈虛于豐歉之間庶其恒足乎疏入俱下所司○八月以趙貞吉為文淵閣大學士入內閣辦事貞吉疏辭不允復于講筵陳謝上曰卿其盡心贊理貞吉復言近日朝廷綱紀邊方政務多有廢弛臣欲捐身任事未免致怨惟陛下主張于上臣不敢負任使以干明典上嘉之

卷之十二

主

○詔鎮撫司訊治海戶王印罪時上林苑監海戶王印計奏積書劾備交通苑官大肆侵盜提督太監孟冲亦奏王印誑金曠役中旨下鎮撫司訊之遣印戍邊戶部尚書劉體乾給事中李己等皆請以事付法司不聽○九月詔舉邊才時諸司各以名上見任則楊魏等八十二人丁憂則都御史石茂華等七人養病則侍郎吳桂芳等八人部議俱宜以次擬用○河水溢自清河縣抵淮安府城西淤塞三十餘里方許二關出海平地水深丈餘實應湖堤往往崩壞山東曹州刻城諸處水溢從直河入邳州人民溺死無算總理河道都御史翁大立因上言濱河之民重罹水災皇上憫念下令蠲租發帑賑濟不勝大幸顧聞閭閻窮苦之狀官禁遠遯何由見聞臣謹繪圖以獻畜凡十二一曰水次兌軍二曰運河築堤三曰黃河驟漲四曰昏夜守堤五曰糧船過河六曰黃河捲掃七曰茶城榜淺八曰洪水衝城九曰風雨異常十曰海潮噴溢十一曰災民被水十二曰糧船漂沒陛下省覽以圖險阻艱難民情在目寧不惻然且時事可慮有五一慮京儲東南財藪水溢不登輟撙難加徒隕人命二慮虜患邊鎮閑隘洪水衝激墩堡傾頽何恃以守三慮內地三輔諸郡霖雨城壞積貯空虛難防不測四慮海防海倭之聞颶風鼓浪兵船戰士悉被漂沉五慮國課淮浙塩場鹹泥盡衝圍窺俱廢鹽課何出願陛下以此五患十二畜召公卿輔弼之臣面議經理審圖之術上留圖覽章下所司工部尚書朱衡因言水患如此宜及今脩築今河決直隸北合滄河至海州入海亦可疏濬以殺水勢并行會勘從之○詔釋副總兵田世威奏將劉實立功贖罪世威實俱以山西石州失陷論死繫獄忽傳旨釋戍邊衛立功自贖兵科給事中張鳳等請仍付二犯于法司或明示以得釋之故上怒問實奏奪其條○詔改折蘇松漕糧時蘇常二府水災乃議改折漕糧常熟縣十分之五崑山十

之一宜與十之三詔許之○刑科給事中宋良生請嚴御馬監耗財之弊不曉時良佐言輦轂之下耗財甚衆一謂牧馬勇士太濫二謂商人估價過當三謂草料侵冒太甚四謂牧馬地租多逋御馬監太監高相以良佐言詐舊制請仍舊為便戶部以良佐言為可行上命悉如舊○上大閱先命英國公張溶祭旗纛之神乃大閱將士于京營老幼親快威稱曠典云○禮部尚書高儀致仕先是御史傳寵劾儀往事儀上疏言撰文叩壇原非正誼中官還位累疏懇請隨奉明旨俟後疾愈還官幸在禁掖非外庭所能悉宗室祿糧奉旨行各藩府廷臣會議請自上裁上嘉儀端謹任事令安心供職既而儀四疏乞休至是始得允○詔諭御史楊松外補時尚衣少監黃雄以眷休日私出徵子錢關于市兵馬司繫白巡城御史楊松既而內監令校尉趙雄入直校說以旨召松驗無實乃劾奏黃雄暴橫矯詔雄亦入辨上以松訟奏外駁司

卷之十二

主

官削籍雄發孝陵司香○戶部尚書劉體乾上太倉及各倉歲發兵餉與本鎮屯糧之數初上問九邊年例軍餉太倉歲發及各倉解納之數幾何體乾言防守士馬各鎮原自有主兵一鎮之兵足守一鎮之地後主兵不可守增以募兵募兵不已增以客兵調集多干往時而坐食者遂衆合用芻糧各鎮原自有屯田一軍之田足贍一軍之用後屯糧不足加以民糧民糧不足加以鹽糧鹽糧不足加以京運饋餉溢于常額而橫廢者日甚因以元年至三年太倉各省歲發兵餉及本鎮屯糧之數備造進覽○京師地震有穀○巡視京通倉儲御史楊家相疏陳倉儲事宜因條上三事曰清賦額關水利通錢法既而復條議漕輓便利十餘事上俱嘉納之○十二月庚子天鼓鳴上諭嚴衛暗訪諸司之不職者上以災變頻仍多緣部院政事不調信刁濫訟候公營私致傷和氣嚴衛暗訪以聞劉思賢上疏言嚴衛暗訪係國安危肯創

西廠遂令汪直潛奪威福流毒縉紳先帝首鑒此弊一洗而更豈有不任股肱耳目之臣而任嚴衛衙役之賤者乎且曰暗訪則跡多冥秘事可虛誣疑似難明動罹刑辟重足搖手之禍將在今日後亦尋獲○召起禮部尚書具山為南京禮部尚書○吏部尚書楊博罷時御史部承劾奏總理屯鹽都御史龐尚鵬心術狡猾行事乖謬吏部尚書楊博議覆言尚鵬才堪策勵宜留用上曰近來吏部專事掩飾為欺詐博乃自訟請解職遂令致仕去給事中嚴用和疏言博自致仕乞今餘四十年駁歷中外民事邊情靡不諳練及晉銓衡秉公守正以忠國家今以題覆小誤輒令休致既非所以存大體亦非所以孚公議乞留之令展所長不聽○召起大學士高拱以原官入閣恭預機務兼掌吏部事○詔廷杖尚寶司丞鄭履淳奉令削籍履淳上疏陳時政言四方多故萬民失業燕雲遠代中原之脊也而擊鼓一聞三關震動徐梁汴衛沃衍

卷之十二

主

之地也而洪波蕩折四顧無煙荆襄秦洛形勝之區也強梗憑陵而嘯聚浙直閭閻財貨之數也奸宄剽殺而師勞宗藩之坐窮無籌中澤之哀鳴尤慘物怪人妖天鳴地震彗星兩見于女尾日月繼食于元春天心人事種種可駭正微臣痛哭流涕之秋皇上卦新嘗膳之日也夫教教赤子聖主之資若不及今定周家桑土之謀切虞廷困窮之懼則上天所以警動海內者適已資他人矣今之最急莫如用賢陛下諒陰已三期矣曾召問一大臣面質一講官賞納一諫士以共畫思慮預防之策乎竊慮高抗朕孤乾坤否隔忠言重折檻之罰儒臣虛納誨之功姬姜遲脫珥之規周召拂同舟之義回詒屢懲趙普系從補贖內批突出蘇轍何自封還善類失于振揚屬階啟平閣寺言涉官府輒肆阻撓權在私門牢不可破迨其手握王爵口啣天憲風行勢極樂禍當成會使台輔且員九卿拱手元良愠悔于孤立百職駭首而奔命霜雖未冰月

已幾望前車不遠怨豈在明萬議洵皆謂群小肆侮明良疎闇未有若是可獲永安者伏願奮英斷以決大計勿為小故所淆私濫哲以任君子勿為僻邪所惑以美色奇珍之玩保瘡痍以昭陽細物之勤和庶政以懲吏為閹門勁敵以錢穀為黎庶脂膏拔用陸樹殷石星之流納取殷士儋翁大立等疏經史經筵臣民章奏必與所司面相可否庶萬幾之裁理漸熟人才之邪正自知察變謹微回天開泰計無踰此者疏入上以履淳彛議朝廷懷奸生事命廷杖下刑部獄削籍為民

庚午降慶四年

春正月己巳朔日食不受朝賀○諭戶部取銀進用內承運庫以空劉下戶部取銀十萬兩戶部尚書劉體乾上言京帑重寄乃以片楮取之不印不名安辨真偽上復命如數以進○二月都御史王走罷命大學士趙貞吉兼掌都察院事○兵部尚書霍冀罷先是大學士趙貞吉

卷之十二

五

言我朝內外衛兵分隸五府乃高皇帝定太平之計俾免強臣揮兵之害意至深遠今祖制大壞特設戎政府鑄印而授之嚮時事危矣請收其印歸之內府有華則領勒掛印事完則繳勒納印庶大阿之柄上得而持號入令會議冀乃上疏言貞吉深鑒覆轍建議更制以收兵權不為無見但今京營之制總之為三大營以統其綱分之為三十小營以理其目兵柄不偏于一將軍法不專于一人有合操有分操有春秋閱視之操有歲終考覈之操此正所當欽承無替者諸臣多謂京兵訓練不在營制更張而在將佐得人操練如法是皆探本之論至謂大將不宜專設戎政不當有印則防微杜漸議亦可行冀謹管制既與貞吉不合會給事中楊鑾論冀為貞吉鄉人冀疑貞吉嗾之乃各上疏辨上悅冀冀令間住而慰諭貞吉○原任刑部右侍郎曾鈞卒鈞進賢人端嚴廉正嘗劾奏武定侯郭勛大學士嚴嵩有直嚴居官垂四十年

卷之十二

五

始終一節卒謫恭肅○三月諭加造段尺羣罷之時尚衣監傳旨令南京加造段尺十萬部科執奏宜令所司亟進原造之數即官用不乏民困亦蘇上命加派者惟御用三分之一餘悉准歲造之數不必加○復以郭乾為兵部尚書掌吏部事大學士高拱因言儲養本兵大臣自司屬始但北則薊遼宣大等處而南則開廣等處風土既殊事體亦異本兵處分止憑奏報別無證據宜于數處之人各擇其有才力知兵事者多則二人少則一人使為本兵司屬彼生于其地身家之慮既無不周至于山川險易將領賢否士馬強弱與夫奏報虛實功罪真偽皆所熟知可一問而得詔如議行著為令○巡按浙江御史周禧奉詔薦舉邊才因上疏言論才者先人品而後事功取才者捐細瑕而觀大致故高帝舍賈金之過資其奇謀文帝赦魏尚守雲中匈奴不敢南向何者細瑕在所畧也應揚彰足之業當于涓水隆中而殺妻食子者功可嘉而心不可測何者人品在當辨也故金車玉駟不以載馭則腐聚猶積薪象專龍璫不以獻酌則污賤猶瓦器方今人才竊有餘慨然汲黯在朝淮南廢謀中國相司馬遼人相戒何者其骨鯁忠義之氣足以陰折奸萌而耆舊老成之望可以風動四海今直隸之士犯顏批鱗委頓草莽耆舊之碩非有大故亦漸相繼報罷有識者寧不寒心既舉已試之材棄如振落乃汲汲然旁搜遠採有如建大廈濟巨川舍杞梓而別求川澤之材祭鯢鯨而他覓舟楫之利未見其可也幸念汲黯司馬之臣為國家輕重特賜召還疏上下吏部知之○夏四月京師地震○詔釋尚寶司丞鄭復淳及內官李芳等千餘刑科給事中舒化等以熱審屆期請釋繫獄鄭復淳李芳等三十五人時便死者已六人而餒殍者居半詔釋為民芳等四人充南京軍軍餘繫如故○擢四川布政殷邁為南京太僕寺卿時問政獲弛吏因緣為奸邁隨事振刷不辭煩細未幾

請告還。御史邵堦議選將才上疏言請行各公侯伯應襲之子與已襲而年三十以上者俱赴京營提督教以騎射翰墨并選中試武舉及武學官生之類出者相與淬勵之歲終巡視科道官察其有異等者送部籍記以需將才之選。上從其議。○五月外補科道官而以部屬改補之。○詔廷杖戶科給事中李已繫獄待訊削給事中陳吾德籍時已與吾德疏陳節用因劾奏太監崔敏傳買年例金寶科擾紛糾請行停止。上不允乃復上言陛下登極詔書停止株買蠲除加派海內歡若更生比者左右近習干請紛紜買玉買珠傳帖屢下人情洶洶咸謂詔書不信無所適從臣惟過方年例奏發無時畿省饑荒不濟不已司計之臣計苦無出奈何以一玩好之故而費數十萬之貲若不及今杜漸竊恐將來效尤轉相欺蔽不至空人之國不已也。上大怒謂已沽名犯上廷杖一百刑部問候縣吾德為民。○六月詔召兵馬指揮李承芳罪時北安門直宿校卒有一屍棄門外承芳疑有奸使收訊之辭連內臣李陽春陽春乃先奏死者以生人入禁故令扶出承芳酷刑逼拷誣執炸辜。上遂釋校而罪承芳刑科給事中舒化請下法司不聽。○大學士高拱議重過方有司上疏言過方有司實兼牧民禦虜之責宜擇年力精強才氣超邁者除補或查治有成績無過武事者調用以三年為率課最者比內地加等陞遷或不次擢用不職者降三級別用或罷出治罪夫既開功名之路以飲之于先又嚴降罰之條以繩之于後庶乎脩職者多過方有賴。上令加意擇人悉如議行。○御史葛守禮疏諫上兵言國初制虜內峙雄關外聯重鎮聖然天府之固也自大軍內徙京師遂露左肩所恃者朵顏三衛為我藩籬而夷情漸異嚮導交通于是虜日窺邊登陴戍守遂無算日始以舍卒至調陝西客兵調旋練土兵即當遣還今二十年矣土兵之練何在秦兵未遣而越兵徙

來山東義勇又以防秋至豈土兵皆不可用乎宜倣唐土兵之制隨地訓習以備戰守毋徒調製為也章下所司。○秋七月大學士陳以勤致仕先是勤疏陳六事上言臣因頃來多病乞骸骨歸但夙以藩邸舊臣恩意至重不忍苟去願披忠獻諫以補來朝缺條為六事一日慎陞擢二日酌久任三日懲賍吏四日廣用人五日練民兵六日重農穀疏入。上嘉納之因四疏乞致仕。上溫言慰留而諸歸盡力。上察其誠懇不得已許之加太子太師給部傳夫學如故事後賜勅獎令其子編修陳于陞送父還鄉。○刑部尚書毛愷致仕以舊守禮為刑部尚書守禮因疏請戒諭有司謹刑上言國家制例各有定則即罪大惡極衆所共棄者猶問以刑部評以大理朝審以多官及至臨刑又三覆五奏其重民命若此皇上停刑有旨熟審有貸而諸臣無以奉承德意動用酷刑有問一事未竟而已斃一二命者有到任未幾年而拷死數十人者請行各撫按戒諭有司有仍前慘刻如故勒放禁故入平人致死者依律抵死。上是其言令後有容隱者聽法司該科一併奏治。○戶部尚書劉體乾罷先是內供不足數下戶部取之太倉又令買金雲南體乾多執奏不即奉詔雲南年例金至是過期不至有旨詰責體乾引罪。上以體乾教抗旨手詔勘問勒令開住給事中光懋監察御史凌琯等交章留之不聽。○御史賈三近疏陳吏治言州縣長吏毋得偏重進士署印毋得濫受雜流吏部是其議詔允行之。○八月浙江湖州府山崩成湖。○詔釋戶科給事中李已干獄為民刑科給事中舒化等請釋李已及內犯張恩等分別情罪重輕行罰旨令釋已為民恩等獄如故始法司意見等有內援欲借以脫已及已獨釋衆始氣然謂上仁明猶斷左右不得與也。○九月詔大禮大獄建言得罪諸臣不許聚錄大學士高拱上言武反商政止于三事今皇上以子繼父豈宜專事

更張且大禮大獄皆先帝勵精之政而樂議反與尤非繼體所宜其
錄召用亦多偏私 上然之詔自後重論不宥○詔追治錦衣衛都督
陸炳罪籍其家御史張守約追論炳結納嚴世蕃竊弄威權播惡流毒
宜剖棺戮屍逮治其子繹姪緒家人陸佐籍其家百令姑削其官追奪
誥命子姪俱革職為民家產贓物如數籍入○兩吉兵部尚書吳傑卒
獄次上人居官清介質直簡易綽有古風而人不敢犯士論重之○詔
祀故禮部尚書歐陽德于鄉江西撫按言德文章行業為世所重 上
特允之○虜酋黃台吉等犯遼東大勝堡總兵王治玉及參將即得功
死之○大學士高拱請別論方士王金等之罪言金等自有當誅之罪
不當以先帝殞于非命不得正其終者罪之 上命多官訊實以聞刑
部尚書易中禮乃會多官鞫于承天門外盡反金等獄詞吏科給事中
趙奮因上言法司為天下持平昔則一主于入而不思為先帝之地今
則一主于出而賈不恤後世之譏陛下何賴哉宜更將金等重擬若以
金等為從又孰為首必以陶仲文為首今已死矣疏入報聞○河決小
河口自宿遷至徐州三百里皆淤而坡反為河時漕政大弛漕艘五月
入淮八月入關十月守東故河水橫決漕艘逆流漂損至八百艘溺死
溜卒千餘人失米二十二萬六千六百餘石○十月虜酋俺答孫把漢
那吉入邊總督王崇古留之把漢那吉酋婦之所鍾愛以却于俺酋遂
挾其妻蘭入邊崇古留之邊吏謹曰此孤豎無足重輕宜勿留崇古曰
此奇貨可居俺酋即急之因而為市論以執送叛人趙全等還我乃優
遣以慰其誠懷之愛而制其命若弗急則我因而撫納如漢賈子法使
招其故部居近塞俺酋老且死而黃台吉勢不能盡有其眾然後以居
者谷蠹秩置塞外其與黃台吉嫌則兩利而俱存之弗嫌則以助助之
外以博興戚扶危之名而內收其力因上其議走臣譚然以為不可監

察御史葉夢熊乃上疏言把漢那吉之降邊臣不宜遽納朝廷不宜授
以官爵將致結仇激禍上怒其言夢熊亂命降二級外補○詔考察科
道官大學士趙貞吉言頃聞御史葉夢熊奏論邊事上于聖怒薄示降
罰足以懲戒矣今因此一人波及諸臣遂令科道考察則將來言路塞
寒士氣消沮願收回成命疏入 上報有旨○詔令都察院掌院事大
學士趙貞吉致仕貞吉與高拱于會祭日以去留異議不合吏科給事
中韓楫劾奏貞吉貞吉求去遂令致仕○十一月金星書見三日○詔
許肅州輔國將軍緡續襲封時緡續既理府事乃謀襲爵統入賂內官
族延長王真境代奏禮部尚書殷士儋以條例却之旨曰極邊重地須
用親王鎮之土儋復奏言條例親王絕非親身姪不得襲續續懷王從
父而又駕言極邊夫肅府昔封甘肅誠為極邊今徙蘭州則內地矣即
云邊郡但讓郡王之賢者以理府事自足捍衛何必更張以徇私情而
挾公典不曉○進禮部尚書殷士儋武英殿大學士入閣承預機務○
十二月浙江礦盜作亂時麗州礦徒從昌化突入寧國池州沿江剽掠
江南騷然○以潘晟為禮部尚書張守直為戶部尚書劉自強為刑部
尚書○虜酋俺答執我叛人來獻誅之時把漢那吉留于我首婦恐我
戕其孫日夜涕屠俺酋亦日夜悔且念乃以款來而擁十萬眾壓境總
督王崇古因諭以存恤恩而要其縛叛示信首婦感且愧曰漢乃肯全
吾孫吾且啗臂盟世服屬無貳矣有于叛人遂訂盟通貢市馬如約而
諸酋亦貪漢財物願市俺答于是執我叛人趙全等來獻崇古受獻遣
使送歸那吉 上命奏告郊廟獻俘正法以慶款功加崇古少保兵部
尚書賜蟒衣白金世襲錦衣千戶諸臣還營有差○尚寶司卿汪宗伊
請申飭守衛上言守衛之設拱護宸極微成無虞愚思未萌統領之以
勤親戒臣而以臣等稽察之聖神許讓萬世當遵恭遇皇上御極百歷

振舉今萬邦入觀華夷且瞻矧茲中衛開係朝儀若不整肅何以世帝
居之威為四方之極因條上法所當申飭者三事一防直上稽考一開

辛未陰歷五年

春正月甲子朔○已丑京師大風揚塵西塞○給事中宣東光請肅朝
儀時未奉旨而舉朝調笑以為迂東光憤鬱遂發狂疾○二月百官謁
見皇太子于文華左門先是太士李春芳上言東官未出閣時閣臣
宜以朔望次日行謁見禮不惟臣等獲遂瞻仰之私而東官亦可開習
禮儀養成儲德 上許之至是文武群臣及天下朝覲官謁見于文華
左門○御史汪文輝疏陳治體四事以責言官一觀望當戒二紛更當
戒三苛刻當戒四護短當戒未言大臣意見稍殊嫌隙遂起觀望者潛
察低昂窺所向而攻所忌勢無常勝情亦隨更叛服能變于終朝賢倭
評更于月旦或卿黨故舊意氣激成致傷國體論人不先大節乃拾其

卷之十二

三

已往揣其將來陰私之影響言詞之疑似形諸章奏彼此相詬人已兩
失德之在秉政者勿用希旨之人夫希旨之人果可終信而不吾叛乎
安知不黨同伐異陰設機械以中傷善類乎况宰相不以揀時為賢當
以格心為本格心之要在去說遠佞使賢者得行其志願陛下慎選言
官申勅大臣以消朋比之私回淳厚之俗時高拱執政小人昔附徐階
者皆反面獻諛下石于階故文輝特言之奏入不十日外補金事以去
然言雖不用識者疑之○會試天下舉人命吏部尚書建極殿大學士
張居正吏部左侍郎掌詹事府事呂調陽為考試官取鄧以讚等四百
人○詹太監陳洪弟都為錦衣千戶掌鎮撫司事科臣劾之不聽○議
開膠萊河初嘉靖中山東副使王獻請循元人海運遺跡于膠萊間開
河渠一道由淮安清河清江浦歷新開海倉口以達天津道里甚近徑
度不過千六百里又可以避海洋之險業已從其議開鑿將畢會獻去

官遂罷其役至是戶科給事中李貴和言比歲河決轉餉艱難請脩
遺策開膠萊新河役河運以濟餉運 上以事體重大遣工科給事中
胡價往視之河道都御史萬恭乃上言黃河自西而東淮自南而北會
於清河口東南入海夏秋海潮既盛河復騰湧河不得入海逆流入淮
淮不能敵故河水道流而泥沙一擁遂成淤澆淤既淤則必衝踈土而決
之矣今唯疏其下流捍其決口水將自順毋煩多謀以滋勞費時因議
開膠河恭行令山東郡邑試之云中有河道亦可漸濬而浮沙百里旋
開旋塞其積石粗礪不可鑿者五十里有奇徒勞費無成奚容更議既
而價勘視還亦以為不便事遂寢○詔議北虜封貢 上御文華殿日
講大學士李春芳面奏北虜封貢事宜具言外示羈縻內修守備之意
上曰卿等既議允當其即行之先是諸司條陳與王崇古議互有異
同 上以為未當令部臣更議至是兵部尚書郭乾請如崇古議○廷

卷之十二

三

試賜張元汴劉城鄧以讚等進士及第出身有差○辛巳日暈有珥白
虹亘天左右戰氣俱蒼白色○禮科給事中張國彥進召對錄國彥言
召對一節更先朝大學士李時所記召對錄始嘉靖九年終于十五
年政事因革人材進退罔不召問臣僚面決可否與家人無異乃今日
所當記述者謹以前錄撮其大要總二十九條繕寫上進伏望遵行先
朝盛事詔留覽○詔起吏部尚書楊博禮部尚書高儀○封虜酋俺荅
為順義王時俺荅款塞廷議封貢已決乃封俺荅為順義王諸虜皆解
辭受封比屬國而俺酋弟老把都駐牧上谷有五子十萬騎強盛耻與
俺荅會盟上谷諸節即務以餌中之飽其欲于是利漢財物從俺荅上
表通貢封其父子官有差老酋益驕時有所挾以要財償無美老酋死
其子故誣為中國所鴆索賂乃已而少子滿五大者桀驁巨測盡有其
父鐵騎時時近塞為患將帥竭力啖之匿不以聞○夏四月浙江杭州

府崇樹生桃○戊午京師大雨電○左都御史萬守禮疏陳官歲士節
大事曰端趨向崇節儉正心術勤職業敦禮讓弘器度請諭今歲進士
使知遵守 上然之○五月中樞殿大學士李春芳致仕時春芳位居
高拱上與拱不合言者峻擊不休乃五上疏乞罷許之○巡按陝西御
史蕭廩請留榆林鎮入衛軍報聞○六月辛卯朔京師地震者三○乙
卯雷震圓丘廣利門鳴吻碎之○秋七月命陝西織造羊絨計三萬二
千二百四十匹計價七十五萬兩巡按御史乞廢之不聽○南京司設
監監丞田孜以盜帑戍邊○詔令學倉驛通官得選本省掌吏部大學
士高拱上言國家用人不得官于本土此惟有民社之責者則然耳若
大學倉驛通等官非有民社之責其官甚卑其家甚貧一授遠官或棄
官而不能赴或去任而不能歸零丁萬狀其情可憫近例教官得授本
省地方甚以為便乞視此為例從之○八月俺答上表稱貢賜大紅纓

卷之十二

三十五

市恩桑梓諸軍建議罷廢而海運遺音無復有存焉者今河變頻仍運
道屢梗宜將遮洋一總盡行議復務足原額以存海運遺意如該總辦
北衛兌北糧者令由天津入洋抵薊州隸南諸衛兌南糧者令由淮入
洋抵京通仍傳訪國初並海諸衛所舊制使列陣連屯彼此相望即河
渠少梗而彼塞此通亦思預防之策也部議言遮洋一總先時徑渡
天津海口不過八九十里今欲涉海運餉事難造次乞先復遮洋一總
而以良佐所上事宜下漕司詳議以聞○詔以故禮部尚書薛瑄從祀
孔子廟庭○十月河道漕季馴請重盜決河防之罪疏言每歲河決之
由河流衝射居十之四而居民盜決則十之六皆以法輕易犯故也按
問刑條例有故決盜決河防之律在河南山東者俱問發充軍而南直
隸徐邳一帶罪止于徒請自今以後徐邳上下為河流所經行處凡有
貪水利避水患盜決故決者一如河南山東例俱發充軍仍增入條例
中議下刑部尚書劉自強覆請從之○十一月大學士殷士儋致仕○
庚午天鼓鳴○上有事于南郊禮科給事中蔡汝賢疏請攝養聖躬言
近因長至運駕竊窺聖容微減于前夫皇上一身關係甚大不可不慎
今微陽初生正宜過欲養靜之時願于宮中澄心滌慮進御有常毋令
溺志遊觀有度毋令移情惟有覽典謨訓誥以陶養此心親近師傅公
孤以維持此心自然欲寡氣清神凝體固宗社生靈之幸疏上報聞○
十二月詔行皇太子冠禮 上諭禮部言皇太子明春講讀先行冠禮
擇日具儀以聞

卷之十二

三十六

壬申隆慶六年

春正月戊午朔○戶部尚書張守直致仕以王國光為戶部尚書○刑
部尚書劉自強致仕以王之誥為刑部尚書○叙遼左功加都督總兵
李成梁太子太保高拱加柱國中樞殿大學士張居正加太子太師俱

廢子世襲錦衣千戶殷士僱加少保及在籍輔臣趙貞吉俱廢于中書
舍人○命錄類氏裔孫嗣慎襲五經博士○二月 皇太子冠 上御
皇極殿文武群臣入賀仍賀 皇太子于文華左門○召起少傅華太
子太傅吏部尚書楊博加太子太師掌兵部事○遣內臣督織造于蘇
杭言官力諫不聽工部言蘇杭兵荒久困不可再擾即遣內臣必擇忠
謹安靜者以往 上可之命擇最要者以進且務安靜毋擾民○閏二
月 上御皇極門疾作還宮御史蕭燾上言冊典屢行宮掖太盛神氣
太勞以致聖躬不安乞節欲以延壽命不報○癸酉赤風揚塵蔽天○
安慶江卒作亂巡撫張佳胤平之先是以安慶府為江防要地設守備
武臣督兵卒以備江盜後武弁多令僕夫冒餉更自為盜往往白晝殺
人掠其財于是以城卒與江卒更番巡警江卒不得逞嘗懷忿恨及懷
寧尉巡城撲其急者則江卒也遂奮臂起以挺擊尉指揮馬負圖因詠

卷之十二

三九

之曰擊尉法當死蓋大逞或免乎乃誘張承祖調屯軍張志學發器械
帥江卒百千人軟血盟于旗幟祠與守備楊遇春共縛尉及郡倖攻郡
未得入巡撫張佳胤至遂誘諸武僞而誅其渠魁亂乃平佳胤因請設
兵備于池州府上言應天徽寧池太安慶廣德地理遼曠崇山大江盜
賊淵藪舊以徽隸金衢道安隸九江道近如礮賊流劫徽池而浙兵不
救安慶江卒作亂而該道罔聞太平軍民呼譟入府而僅以和解焉有
地方四千里而無一憲司以鈐束之者乞於池州設兵備而罷二道之
選制者為便報可○三月 皇太子出閣講學○議復海運山東左布
政王宗沐聞給事中宋良佐議乃力主海運之說于是遷總督漕運副
都御史提督軍務巡撫鳳陽等處因上疏言國有漕運猶人身有血脉
血脉通則人身康漕運通則國計足我朝運河幾百六十年疏通無滯
今茲黃河泛溢數患漂流故科臣議復海運而縉紳之慮復云風波夫

風波在海三尺童子知之然其利害則有辨矣古云地不滿東南東南
之海眾水所委渺茫無山則趨避靡及近南水煖則蛟龍穴居故元人
海運多警若起自太倉嘉定而北自淮安而東引登萊以泊天津茲謂
北海中多島嶼可以避風蛟龍有往來而無窟穴又其地高多山石舟
至登萊因其曠達以取其速又且標記島嶼以避其患則當今佐河運
之缺計無便于此者然此猶幸時宜而言者語全勢則其說有三一日
天下大勢二日都燕專勢三日目前急勢夫風波係天數臣豈能料其
必無趨避占候使其不乘當不足以妨大計惟聖明採擇因條上海運
七事部議如宗沐言詔允行之○詔謫尚寶司丞劉奮庸外補時奮庸
條上五事言皇上即位以來六年矣海內非不乂安而災沴未息外夷
非不威順而伏機可慮朝政若飭而權柄漸移仕路若清而宿蠹如昔
精神意氣漸不逮初臣舊邸舊臣胡忍緘默謹條為五事以聞一日保

卷之十二

四

安聖躬言乞凝神定慮忍性抑情毋違旦夕之樂而輕百年之慮毋以
有限之體而當眾欲之攻則聖德日清而聖壽益永二曰總攬大權言
先帝英明果斷恩威莫測臣下歛手莫敢弄權今政府之所擬議百司
之所奉行人才之用舍國是之更張果出于宸斷乎協于公論乎即輔
導東宮乃閣臣之職而敢圖身便朝廷名器本屬世之具而敢以市恩
先帝之世孰敢為此乞大奮乾綱獨觀萬化則上下莫測其機而政柄
不至偏重三曰慎乃儉德言歲費有經入不敷出今內府取銀已數十
萬求珍寶作鰲山鑄金雕玉國計日虛所宜痛戒四曰留心章奏言諸
臣章奏或關君德或言朝政或評人品或酌時事皆以效忠匪有要挾
乞當理者必庸狂直者必恕以來忠益五曰起用忠直言即位以來或
以勤政諫或以節用諫或以進賢退不肖諫非承望風旨而攻擊以洩
憤非迎合權要而薦拔以樹恩皆本于忠直乃遭斥逐乞嘉其批鱗述

用以盡其才疏上外補諒知與國州○大學士高拱乞罷不許時給事中曾大桢論劾拱大不忠十事言前者聖體違和大小群工寢食不寧獨拱言笑自若且過烟家飲酒作樂不忠一也東宮出閣請誦當日侍左右乃欲三八日叩頭而出是不以事陛下者事東宮不忠二也自拱復用即以復仇為事昔人直言拱罪如岑用賓數十人一切降黜不忠三也自拱掌吏部副使曹金以子女親家起擢至刑部侍郎給事中韓梈以親愛門生超擢為右通政不忠四也科道多拱心腹凡拱罪惡隱諱言路戒諭不許言大臣過失不忠五也科道多拱心腹凡拱罪惡隱諱不言知有拱而不知有陛下不忠六也昔嚴嵩止總閣事今拱兼掌吏部用舍十奪皆在掌握權重于嵩專權放恣不忠七也昔嚴嵩止子世蕃貪財納賄今拱親開賄賂之門受副使董文采金六百而奏政河南受侍郎張四維金八百而取待東宮賸跡太露不忠八也沈鍊劾嵩請發保安楊順路楷誣鍊殺之人人切齒乃受楷千金強辯脫楷不忠九也給事中吳時來昔在先朝抗疏論嵩所謂忠臣也拱以私恨借一小事黜之大學士徐階受先帝顧命所謂元老也拱以私恨多方害之必欲置之死地不忠十也請如先帝處嵩故事特賜罷黜上責大桢妄言命外調拱乞罷上慰留之時已不聽拱去而尚書楊博等連章乞留識者以為誦云○夏四月浙江黑青見時杭州府黑霧中一物蜿蜒如車輪目光電水雷隨之屋瓦皆震林中鳥雀擊死無算○詔進禮部尚書高儀兼文淵閣大學士入閣參贊機務○司禮太監孟冲請補六科郎書寫官匠從之先是司禮騰祥請汰匠役工部言已裁者尚爾占役奚以查為上命祥查之裁二千四百四十人至是冲復請補六科郎書寫官匠八十六人上許之部執奏先經騰祥查革未久輒更何以示信且起各監紛紜之端不報○詔復胡宗憲原官賜卹典時給事

中劉伯燮上言故三邊總督曾銑浙直總督胡宗憲皆立功之臣竟以罪死臣其情之銑恢復河套任事過勇而謀或疎宗憲依憑權勢靡費軍餉與夫殺戮過慘不能無罪然當倭奴憑陵之際卒以計擒首惡海波遂寧此其功罪亦當相準銑既蒙贈賄而宗憲未獲昭雪則何以為邊臣之勅宜加少恤錄乃詔復宗憲官仍賜論祭○五月工部尚書朱衡疏陳漕議言防河如防虜守堤如守邊河南累被河患大為堤防今幸有數十年之安以防守嚴而備禦素也徐邳為糧運正道既多方以築之宜多方以守之因條上三議一議夫役言自徐州至小河口新築堤三百七十里設防守夫三千七百名二議舖舍言三里建一舖一舖計屋三楹四舖設一老人統率晝夜巡視三議定期言五月十五日上限九月十五日下午限願攜妻子居住者聽疏入得旨允行○龍目井化為酒○上不豫召輔臣入受顧命已酉上疾大漸召大學士高拱張居正高傑至乾清宮受顧命拱等疾趨至宮上倚坐御榻中宮及皇貴妃咸在御榻邊東宮立于左拱等跪御榻下命宣顧命曰朕嗣祖宗大統方今六年偶得此疾遽不能起有負先皇付託東宮幼小朕今付之卿等宜協心輔佐遵守祖制保固皇圖功在社稷萬世不泯拱等咸痛哭叩首而出蓋自孝廟顧託三臣之後僅再見云○上崩於乾清宮庚午上崩壽三十六○六月皇太子即皇帝位時年十齡詔以明年為萬曆元年○上太行皇帝尊諡曰契天隆道淵懿寬仁顯文光武純德純孝莊皇帝廟號穆宗謹按諡法布德執義曰穆履正志和曰莊秋七月加上孝懿皇后李氏尊諡曰孝懿貞惠順哲恭仁儉天義聖慈皇后○加上皇后陳氏曰仁聖皇太后皇貴妃李氏曰慈聖皇太后○九月葬昭陵孝懿莊皇后祔葬

謹按史臣曰先時發令嚴具百官競競上乃寬仁大度黜不經之祀
罷無用之作蠲非藝之征絕無名之獻至如制節謹度好生戒殺嘗
食鹽膳而甘及即位間以問左右左右請詔光祿常供上曰若爾則
光祿必日殺一驢以備內膳吾不忍也歲時游娛行幸諸光祿供膳
必先期以請候上旨為豐約上嘗裁取最約者歲省光祿費以巨萬
計其恭儉如此言事之官雖震怒然責讓後嘗釋遣之留心邊事憂
形於色嘗廬大漠之長景象來王峭峒憑林之孽俛頸就縛即史稱
鳴鍾清渭縣首北關未足以喻其烈也至若守祖宗之法無紛更約
束之煩先儲貳之教為久安長治之計皆獨斷于宸衷雖享國未久
規模弘遠矣

右

兩朝聞見紀記之自先公而編次則吾伯兄力也先
公生平清苦賦性正直魏時俛仰羞語浮沉年未艾即
解組歸曹夢贈墨舟却之不得自是杜門著述硯幾穿
而退筆亦可有冢即今家藏有春秋分國本末便覽春
秋經傳集解宋史詳節諸史撮抄三黨編諸書俱各不
下數十卷似皆可傳所苦食負無力鏤布而此紀特其
一耳不肖秋陽生甫四齡先公見背即荷伯兄中才
之養伯兄苦志力學同社友率多數身青雲而伯兄尚
不能博一第日坐車比授易從遊頗眾諸弟輩亦日侍
函丈前嘗道先公言一事不知儒者之恥策不知今
判不知律令時之弊以故譚藝暇博考今古亦多纂述
此紀則因先公未竟之業而卒成之者也編次竣事
廼命弟輩參互校閱嗚呼其業章々棟華輝々聯芳濟
美曷副初心殆不能不有感於茲因綴數語於末簡用
識歲月時蓋己亥七月既望也不肖孤秋陽謹記

伯兄宗明纂 先大夫

兩朝聞見紀成示不肖孤乾陽乾跪而誦泣而言曰乾猶得睹先大夫之手澤是伯兄成親之孝也先大夫起家柱下史日侍螭頭志存白簡後以風力著然慙直不容於時歸而醵足荒衡以安半菽雖孔顛不辦路糧陽城屑榆為粥不是過也而覃精著述不厭魚蠹校讐之暇唯是藐諸孤是訓是迪伯兄少最醇篤嗜學兢競懼失墜以隕家聲然數奇拓落獻璞不啻三矣客歲

後序
檢先大夫聞見紀慨未成書力為編次聞今發

明詔修正史蘭臺之考亦何俟謀野後獲無而不敢氓臧先大夫聞見是懼豈其代庖以自賈罪戾者且管孫盛修史無曲筆諸子私易茲又何敢若知罪不免揆之檢矣噫穀櫛空餐不能希竹帛之事為世業先而咄之坐畫脂之技則耳食者將無并茲紀弁髦之是諸孤之罪也夫是諸孤之罪也夫己亥孟秋不肖孤乾陽謹識

嘉隆兩朝聞見紀十二卷

浙江巡撫
採進本

明沈越撰越字韓峰南京錦衣衛人嘉靖壬辰進士官至監察御史是編以薛應旂憲章錄鄭曉吾學編諸書止載武宗以前事故續取世穆兩朝政蹟彙次成編起正德十六年世宗卽位止於隆慶六年朱之蕃謂其為野史之良然所採書目自明倫大典以下僅四十一種未為贍備而所附案之文如五元臣皆不利之類亦體雜說部

皇明大政紀二十五卷(一)

〔明〕雷禮等輯

吉林大學圖書館北京大學圖書館藏明萬曆三十年秣陵周時泰博古堂刻本

皇明大政紀序

古昔司典有官以為大政蓋彰往考來衡鬱為不朽也自周末史失其官國自為史業多泯泯何至祖龍烈焰而史悉隨以燼乎即幸尚書春秋得存而二書所不及者無能一為臚列也至兩漢迄胡元人得緩頰以臧否而賢者共相見德不肖者共相見慝無

六千六百年即史不盡良而
穢者猶存尚論者因之以張
侈耳蓋以子長述史記漢武
取覽孝景及己本紀削而投
之非不隱切也尚許其生任
職死布書無惑為忌孟堅修
父業仇者間章帝以私史乃
益出秘書給筆札于蘭臺俾
續成焉桓溫覬覦非望彥威
著漢晉春秋以裁正之范杲

守壽上言家世史官得秉直
筆成一代大典綦室禮請于
舊臣家訪遺文事蹟以叅史
官所紀漢以來臨我者不護
短儕我者不拂正仇我者不
肆謗而史復得成于出位備
于藏家雖上非書與春秋為
聖人之言下非史記漢書為
良史之筆猶然核綜羣籍博
采衆記成一代史以備典故

爾爾於惟

國朝執事功緒踔絕百代而誕
章若史者何獨泯沒無聞哉
其世無熟墳典丘索之業者
乎抑無極涇渭朱紫之辨者

四

乎無乃金匱石室閔不易覲
而建文景泰朝事又諱不易
言用是因循二百年畏難于
史即大手筆私有撰記往往
不敢示人即示人輒匿去未

敢懸之市門傳之都邑也比
者陳南充得請于

上開館執簡以成正史寓內嚮
所撰記舊聞者始得網羅以
出亡慮數十百家大都如元

五

美所謂修郤以滅公是逞已
以淆獨非剽時耳遂為目信
人舌用為筆又或改事之非
而偁是掠人之美而歸已若
今家乘墓謏之遺文致不足

馮也館開既久尚爾因循者
意在茲乎第自

世宗朝以來靖難出狩于時當
事者無不褒而登之祀典卹
紀中殆非諱言日矣以故繼

六

東莞通紀京山鴻猷毘陵憲
章而梓者不特攜李鄭端簡
之吾學編黃恭肅之昭代典
則已也復有周生時泰者取
朱職方閔茂才所校豐城雷

公禮所述洪武迄正德之大
政紀與涑川范公守已所續
紀嘉隆者梓之間序于余余
得卒業非純于左之編年亦
非純于司馬之紀傳其祖涑
水新安通鑑綱目以成者乎
無大鵠張其臆以移瑕瑜之
體無大螻局其論以害琬琰
之用異曰載筆者藉此顯以
隱質中秘之藏藉此總以分

質郡國之識藉此錯綜以備
質會典所輯星官所職六尚
書所留故牘彼修馬班業虎
炳豹蔚一時者于此即不知
斑亦可見其一毛也若于諸
梓輒因自為鷹揚而隨有雌
黃古人致論目睫不有由然
哉余固謝不敢祗序周生梓
以埒稗官野史俟載筆之臣
採擇意也亦以見

皇明大政紀

卷八

聖明之世無護短一切畏難于

史云

萬曆壬寅歲端陽日

賜進士第嘉議大夫詹事府正

詹事奉

皇明大政紀

勅纂修

王牒副總裁前南京國子監祭

酒江夏郭正域譔



皇明大政紀目錄

卷之一

太祖高皇帝

壬辰元至正起兵至丁未吳元年

卷之二

太祖高皇帝

戊申洪武元年至癸丑洪武六年

卷之三

太祖高皇帝

甲寅洪武七年至丙寅洪武十九年

卷之四

太祖高皇帝

丁卯洪武二十年至丁丑洪武三十年

卷之五

聖明大政紀

太祖高皇帝

戊寅洪武三十一年至壬午洪武三十五年

卷之六

成祖文皇帝

癸未永樂元年至己丑永樂七年

卷之七

成祖文皇帝

庚寅永樂八年至甲午永樂十三年

卷之八

成祖文皇帝

乙未永樂十三年至甲辰永樂二十二年

卷之九

仁宗昭皇帝

乙巳洪熙元年至

宣宗章皇帝

戊申宣德三年

卷之十

宣宗章皇帝

己酉宣德四年至乙卯宣德十年

卷之十一

英宗睿皇帝

丙辰正統元年至己巳正統十四年

卷之十二

景宗帝

庚午景泰元年至丙子景泰七年

卷之十三

英宗睿皇帝

丁丑天順元年至甲申天順八年

卷之十四

憲宗純皇帝

乙酉成化元年至己丑成化五年

聖明大政紀

卷之十五

憲宗純皇帝

庚寅成化六年至己亥成化十五年

卷之十六

憲宗純皇帝

庚子成化十六年至丁未成化二十三年

卷之十七

孝宗敬皇帝

戊申弘治元年至戊午弘治十一年

卷之十八

孝宗敬皇帝

己未弘治十二年至乙丑弘治十八年

卷之十九

武宗毅皇帝

卷之二十

丙寅正德元年至辛未正德六年

武宗毅皇帝

卷之二十一

壬申正德七年至辛巳正德十六年

世宗肅皇帝

卷之二十二

壬午嘉靖元年至乙酉嘉靖四年

世宗肅皇帝

卷之二十三

丙戌嘉靖五年至乙未嘉靖十四年

世宗肅皇帝

卷之二十四

丙申嘉靖十五年至己酉嘉靖二十八年

卷之二十五

目録

三

世宗肅皇帝

卷之二十六

庚戌嘉靖二十九年至丙寅嘉靖四十五年

卷之二十七

穆宗莊皇帝

丁卯隆慶元年至壬申隆慶六年

皇明大政紀目錄終

皇明大政紀卷之一

臣豐城雷禮謹輯

餘姚朱錦謹校

金谿閔師孔謹訂

秣陵周時泰謹閱

壬辰

元至正十二年閏三月甲戌朔日我

太祖高皇帝龍興濠梁

帝濠州鍾離東鄉人先世居沛徙句容累世積德行仁

隱約田里宋季大父徙渡淮居泗上父世珍又徙鍾離

母陳生四子帝最少帝生于元天曆戊辰之九月

丁丑是夕赤光滿室上燭于天里中人皆見之號呼朱

皇明大政紀

卷之一

氏火起相率救護及至無有也歲甲申四月喪父不數

日喪伯兄又喪母值旱饑疫窘甚鄉人劉繼祖與地始

獲寔時帝年甫十七九月入皇覺寺逾月僧乏食

帝西至合肥歷光固汝穎凡三年復還皇覺寺壬辰春

定遠人元帥郭子興拔濠州據之帝憫四海分崩生

民陷溺欲起而拯之禱神卜出處惟從雄吉遂入濠見

子興子興育徐王馬公女為已女遂納為館甥後子興

因孫德崖等納徐帥彭早佐趙均用反為其所制及均

用執子興欲殺之上力救獲免尋歸鄉里募兵得七

百餘人以還授上鎮撫

癸巳

元至正七年七月

天兵取滁陽

上見彭趙二帥。馭下無道。廼以七百人屬他將。獨與徐達湯和等二十四人。南略定遠。以計取鹽牌寨。民兵得壯士三千人。又招降秦把頭得八百餘人。後七日。率之襲橫澗山。破元知院老張營。得壯士二萬。悉加訓練。時道遇定遠人李善長。與言悅之。留置麾下。與俱攻滁陽。下之。遂駐師焉。因子興為彭趙所挾。東屯泗州。遣人賂二帥。子興乃得率所部萬人歸滁。

乙未

元至正十五年

春正月克和陽

上勸子興曰。固守孤城。誠非得計。今欲謀所向。惟和陽可圖。然其城小而堅。可以計取。難以力勝。於是命張天

皇明大政紀

卷一

祐將青衣兵前行。聲言廬州兵送使者入和陽犒軍。賊再成將絳衣兵繼後。約相距十餘里。瑛青衣兵薄城舉火。即趨取之。會天祐從他道就食。誤前約。再成候之。過期率眾抵城。元平章也先帖木兒覺之。縱兵出戰。再成戰不利。中矢走。眾皆潰。元兵追至千秋壩。適遇天祐兵急擊之。追至和州小西門。城上抽橋急。我軍奪其橋而登。彼軍爭橋總管湯和。還以刀斷其索。天祐等登城大呼。衣服相亂。遇舉火輒滅之。城北門舊有木柵。元兵在城外者不得入。廼燒兵欲入。天祐等復以石塞其門。遂據其城也。先帖木兒乘夜遁去。上聞再成兵敗。將兵三千人率徐達等暮至和陽。始知天祐等已破賊據。

遂入明日撫定城中人悉還軍中。所掠婦女人民大悅。

子興遂命上總守和陽。上因諸將分工。樊城未就。作色置坐南向。出子興檄置于上。呼諸將曰。總兵主帥命也。非我擅專。且總兵大事不可無約束。今樊城皆不如約。事何由濟。自今違者即以軍法從事。諸將惶恐。皆曰。唯由是不敢言。未幾子興卒。上遂併統其軍。恩威日著。

六月丙辰克太平路。

上與諸將謀渡江。恐無舟楫。時雙刀趙德勝俞通海父子擁眾萬餘。船千艘。據巢湖結水寨。率舟師來附。上謂徐達曰。方謀渡江而巢湖水軍來附。吾事濟矣。遂親

皇明大政紀

卷一

往巢湖。趙德勝等會令廖永安等帥舟師攻蠻子海牙于峪溪口。大敗其眾。時諸將咸欲直趨金陵。上曰。取金陵必自采石始。采石南北喉襟。得采石金陵可圖也。及廖永安舉帆前行。問所向。上曰。采石大鎮。其備必固。牛渚磯前臨大江。彼難為備禦。今往攻之。其勢必克。廼引帆向牛渚。風力稍勁。頃刻及厓。守者驚駭。出兵來扼。上麾甲士以進。敵兵不支。即走。常遇春奮戈前登。諸軍鼓勇繼之。采石鎮兵驚潰。遂拔之。緣江諸壘望風迎附。上察諸將無進意。復曰。成大事者不規小利。此去太平甚近。舍此不取。將奚為。於是諸將皆聽命。廼令軍中皆食。食已。即率眾自觀渡向太平橋。直趨城下。縱

兵急攻遂拔之即令李善長爲戒軍士榜比入城即張之秋毫無犯有一卒違令斬之以徇上聞太平路總管靳義赴水歎曰義士也具棺歛葬之耆老李習陶安等率父老出城迎上安見上狀貌謂習等曰龍姿鳳質非常人也我輩今有主矣上召陶安李習與語時事安因獻言曰方今四方鼎沸豪傑並爭攻城屠邑互相雄長然其志在子女玉帛取快一時而已明公率衆渡江神武不殺人心悅服以此順天應人而行弔伐天下不足平矣上曰足下之言甚善吾欲取金陵如何安曰金陵古帝王之都龍蟠虎踞限以長江之險若取而有之據其形勝出兵以臨四方則何向不克

皇明大政紀

卷一

九

其言合上意由是禮遇安甚厚事多與議焉改太平路爲太平府以李習知府事以陶安叅幕府事令諸將分守各門修城浚濠以固守禦

甲子取溧水州

八月取溧陽

俱徐達領兵下之

丁丑取蕪湖

裨將習伯容取之置永昌翼以伯容爲萬戶

九月丁亥皇長子生

冬十一月壬子釋元萬戶納哈出北歸

納哈出木華黎裔孫也上拔太平獲之知其爲元世

臣待之甚厚至是召納哈出及降臣張御史謂之曰人臣者各爲其主况爾有父母妻子之念今遣爾歸從汝主于北因資而遣之納哈出等辭謝而去

丙申三月庚寅克集慶路改爲應天府

上率諸將進取集慶水陸並進攻陳兆先營破之擒兆先悉降其衆其驍勇者五百人置麾下其人多疑懼不自安上覺其意至暮令其悉入衛屏舊人于外獨留馮國用侍卧榻旁上解甲酣寢達旦疑懼者感

上以腹心相待願盡力圖報迺攻集慶多先登陷陣敗敵于蔣山直抵城下諸軍拔柵競進遂破之元南臺御史大夫福壽督兵力戰不能支歿于兵元帥康茂才等

皇明大政紀

卷一

五

皆來降凡得軍民五萬上入城召官吏父老諭之曰元失其政所在紛擾兵戈並起生民塗炭吾率衆至此爲民除亂耳汝宜各守職業毋懷疑懼賢人君子有能相從立功業者均禮用之舊政有不便者吾爲汝除之于是軍民更相慶慰乃改集慶路爲應天府置上元江寧二縣得儒士夏煜孫炎楊憲等十餘人皆錄用上嘉福壽之忠命以禮葬之

丁酉克鎮江

上命徐達爲大將取鎮江戒之曰吾自起兵未妄殺今汝等將兵往當體吾心戒戢士卒城下之日毋焚掠毋殺戮有犯令者處以軍法縱之者罰無赦諸將謹受命

至鎮江守將段武平章定戰歿。即克其城。號令嚴肅。城中晏然。不知有兵。遂分兵下丹陽金壇諸縣。改鎮江為江淮府。命徐達湯和鎮守。

六月乙卯。取廣德路。

時元帥鄧愈邵成等領兵取之。上命愈鎮守。

七月己卯。置江南行中書省。江南行樞密院。

諸將奉。上為吳國公。以元御史臺為公府。上總省事。以李善長等為參議等官。以湯和攝樞密院事。

置營田使。

置提刑按察司。

上以王習古王德為僉事。

九月戊寅朔。

上如江淮府。即鎮謁孔子廟。

上謂畢分遣儒士告諭鄉邑勸農桑。

十一月丁亥。皇第二子生。

丁酉。元正。十七年二月丙申。克長興。

上命耿炳文劉成自廣德取長興。張士誠將趙打虎以兵二千迎戰。不克。走湖州。我軍追至城西門下。獲戰船三百餘艘。上命炳文等鎮守。後五月。士誠遣潘元明入寇。炳文擊敗之。生擒四百人。于是士誠步卒騎不敢出廣德。窺宣歙。

三月戊午。克常州。

自丙申七月。張士誠誘我斥堠。以舟師攻鎮江。元帥徐達敗其軍于龍潭。帥師常州。進薄其壘。上復遣兵三萬助之。達聞張九六德士以數萬眾來援。謂眾曰。張九六狡而善鬪。使其勝。勢不可當。吾當以計取之。廼去城

丁八里。設伏以待。仍命總管王均用率鐵騎為奇兵。達親督師。與九六戰。鋒既交。均用領鐵騎橫衝其陣。陣亂。

九六退走。遇伏馬蹶。為先鋒刁國寶王虎子所獲。并擒其將張湯二。士誠始懼。十一月。挾我長興叛帥鄭僉院。

攻徐達湯和壘。達勒兵與戰。常遇春廖永安胡大海自其壘來援。內外夾擊。大破之。生擒其將張士誠。復遣將

呂珍馳入常州。拒守。至是。達等攻之益急。呂珍宵遁。遂取之。上命湯和張赫鎮守。徐達常遇春桑世傑率兵

取馬沱沙。克之。後戊戌正月。士誠遣兵入寇。和擊敗其眾。獲卒數百人。已亥。四月。士誠兵又入寇。和擊敗之。擒

千人。獲船四十餘隻。馬三千餘匹。

四月丁卯。克寧國路。

先是。上命徐達常遇春率兵取寧國。長鎗元帥謝國

棄城走。守臣別不花楊仲英等閉城拒守。城小而堅。攻之久不下。遇春中矢。褻瘡與戰。上親督師。登高望

曰。如斗之城。敢抗吾師。乃命造作飛車。前編竹為重。菽

數道並進攻之。仲英等不能支。開門請降。擒其元帥朱

亮祖。得軍士十餘萬。馬二千匹。于是所屬太平。旌德。南

陵涇縣相繼皆下。

五月己卯克泰興。

江淮分樞密院副使張鑑等率兵攻泰興。張士誠遣兵永救。元帥徐斌擊敗之。擒其將楊文德。

丙申克青陽。

自己卯銅陵尹羅得泰萬程輝降。壬午常遇春率王敬祖等以師駐銅陵池州總管陶起祖來降。且言城中兵勢寡弱可取之狀。常遇春遂遣王敬祖等攻池州之青陽。蘄州徐壽輝將趙普勝出兵來拒。敬祖以數十騎衝其陣。陣亂衆兵乘勢疾擊遂破之。

六月己未克江陰。

皇明大政紀

卷一

上命趙繼祖郭天祿吳良取江陰。張士誠兵據秦望山以拒我師。繼祖引兵攻之。會大風雨其兵奔潰。我師據其山。翌日進攻州之西門。克其城。命良守之。後戊戌八月士誠遣兵入寇。吳良擊敗其衆。己亥二月士誠復遣蘇同僉入寇。良又擊敗之。擒陶元帥以下二百人。于是士誠舟師不得沂大江上。金焦。

七月丁丑狗宜興取常熟。

徐達擊敗張士誠兵。獲馬五十匹。船三艘。降其兵甚衆。後戊戌六月張士誠兵寇常熟。廖永安大破之。

庚辰克徽州路。

元帥胡大海等取績溪。進兵徽州。元守將八思尔不花。

及建德路萬戶吳訥等拒戰。大海擊敗之。遂拔其城。訥與守臣阿魯灰李克膺等退守遂安縣。大海引兵追及白際嶺。復擊敗之。訥自殺。上命鄧愈守之。于是大海克休寧。進兵婺源。婺源元帥汪同縣縣尹葉茂祁門元帥馬國寶皆來降。後戊戌四月元左丞楊完者來攻。大海擊敗之。擒其將董旺李昇。

九月丙戌下武康。

元帥費子賢率兵至武康三里橋。擊敗其萬戶。斬首百餘級。遂取之。

十月壬申克池州。

常遇春率廖永安吳國寶等由銅陵進攻池州。自辰至巳破其北門。遂入其城。執元帥洪某斬之。擒別將魏壽。

皇明大政紀

卷一

九

徐天齡等敵衆敗走。得糧九千餘石。薄暮敵衆復以戰船百餘艘來迎戰。復大敗之。遂克其城。

甲申克揚州路。

青軍元帥張明鑑逐元鎮南王孛羅普化。據揚州城。克暴益甚。日屠城中居民以爲食。至是元帥繆大亨攻之。明鑑等不能支。遁出降。得其衆數萬。戰馬二千餘匹。

上命張德林耿再成等守之。改揚州路爲淮海府。仍以耿再成知府事。

戊戌元正正月乙卯克婺源州。

鄧愈遣部將王弼孫虎及汪同等取婺源州。兵至城西。

與元守將鐵木兒不花戰。自旦至晷不下。乃分門逼之。孫茂先攻北門。王弼孫虎攻南門。同攻東門。三道並進。遂拔其城。斬鐵木兒不花。獲士三千餘人。復遣萬戶朱國寶攻高沙墨克。後已亥年四月。士誠將李伯昇入寇。守將孫茂先擊敗之。

二月乙卯。遷元帥康茂才為營田使。

上諭茂才曰。比因兵亂。隄防頽圯。民廢耕耨。故設營田司。以修築隄防。專掌水利。今軍務實殷。用度為急。理財之道。莫先于農。春作方興。慮旱澇不時。有妨農事。故命爾此職。分巡各處。俾高無患。乾旱不病。澇務在畜洩。得宜。大抵設官為民。非以病民。若但使有司增飾館舍。迎皇明大政紀。

送奔走所至。紛擾無益于民。而反害之。非專任之意。

三月己丑。命提刑按察司僉事分巡郡縣錄囚。

上勅凡笞罪者。釋之。杖罪減半。重囚杖七十。其有賊者。免追。有司有所稽遲重者。從輕典。輕者原之。武將征討。有過者。皆宥之。左右或言用法太寬。上曰。百姓自兵亂以來。初離創殘。今歸於我。正當撫綏之。其間有一時誤犯。寧可盡法乎。

丙申。克建德路。

鄧愈。朱文忠。胡大海。率兵進攻建德。道出遂安。長鎗元帥余子貞。以兵來拒。愈等擊敗之。迨至淳安。有遂安將洪公率兵來援。大海復戰敗之。至軍抵建德城。元帥不

花等不支。棄城遁。父老何良輔等率眾降。上留文忠鎮守。後五月。苗帥楊完者來攻。文忠擊走之。已亥二月。四月。士誠兵兩入寇。文忠皆擊敗之。

四月己巳。徐壽輝。平章陳友諒。遣將趙普勝寇池州。陷之。樞密分院判趙忠被執。

五月癸酉。下虎江縣。

朱文忠既下浦江。聞咸得鄉鄭氏者。宋聚族同居。至元旌為義門。俱避山谷。即訪得之。悉送還家。禁軍士毋侵掠。

九月丁酉。元江浙同僉員成等。以兵三千人來降。

朱文忠遣元帥夏子實。以步騎千人。統其眾于新城。送皇明大政紀。

員成于建康。

冬十月辛未。克蘭谿縣。

先是。胡大海至婺州之鄉。頭擒萬戶趙伯顏。不花雲完都等。平其五壘。是日進攻蘭谿。敵兵千餘出戰。敗之。克其城。

甲戌。克宜興。

先是。徐達攻宜興。久不下。上遣使謂曰。宜興城小而堅。猝未易拔。聞其西通太湖口。張士誠餉道所由出。以兵斷其餉道。彼軍食乏。城必破矣。達等適分兵斷太湖口。併力急攻城。遂破之。以元帥楊國興等鎮守。後已亥四月。陳保二入寇。國興擒之。

戊子復取建德縣。

時陳友諒將趙普勝既陷池州。又攻建德。陷之。友賢退軍祁門。收集精銳。復出與戰。敗趙普勝于葛公。斬其萬戶汪彥章。復取建德。

十一月辛丑立管領民兵萬戶。

上諭行中書省臣曰。古者寓兵于農。有禁則戰。無事則耕。暇則講武。今郡縣民間豈無武勇之材。宜精加簡拔。編緝爲伍。立民兵萬戶府領之。俾農時則耕。閑則練習。有事則用之事。平有功者一體陞擢。無功令還爲民庶。幾寓兵于農之意。

壬子皇第三子生。

皇明大政紀

甲子上親征婺州。

上以胡大海攻婺州久不下。自將楊璟等師十萬往征之。至徽有儒士唐仲實姚迎者來見。上曰。喪亂以來。民多失業。其心望治。甚於飢渴。吾深知之。仲實對曰。自大軍克復。民獲所矣。又問曰。爾能博通古今。必諳成敗之迹。若漢高祖光武唐太宗宋太祖元世祖。此數君者。平一天下其道何如。仲實對曰。此數君皆以不嗜殺人。故能定天下于一。主公英明神武。兼數君之長。驅除禍亂。未嘗妄殺出民膏火。惜之于衽席之上。開創之功。超于前代。然以今日觀之。民雖得所歸。未遂生息。上曰。此言是也。我積少而費多。取給于民。甚非得已。然皆爲

軍需所用。未嘗以一毫奉已。民之勞苦。恒思所以休息之。曷嘗忘也。仲實對曰。誠如是。民之休息可待矣。上曰。不盡者盡盡言之。仲實等皆謝。迺賜諸父老布帛。撫慰之而去。

甲申克婺州。

先是元叅知政事石林宜孫守處州。聞大軍克徽州。進攻婺城。與叅謀胡深章溢議爲守備。造獅子戰車數百。輒以其弟石林厚孫守婺。繼令深將車爲援。自出衆萬餘。出縉雲以應之。深至松溪聞。上至。觀望不敢進。上謂諸將曰。婺州石林宜孫故未即下。聞彼以車載兵來援。此豈知變者。松溪山多路狹。車不可行。今以精兵遏之。其勢必破。援兵既破。則城中絕望。可不勞而下之。翌日命僉院胡大海養子濟誘其兵於梅花門外。縱擊大敗之。擒其前鋒元帥李彌章。并獲其所製驚馬器仗。深等遁去。城中勢益孤。于是同僉寧遠慶等開門納軍。上入婺州。下令禁戢軍士剽掠。有親隨知印黃某取民財。即斬以徇。民皆按堵。改婺州爲寧越府。以儒士王顯宗爲知府。命陳從貴等知東陽永康義烏武義等縣。仍命元帥王玉張彪招徠民之未附者。

是月發倉賑寧越貧民。

令禁酒。

辟儒士范祖幹葉儀。

祖幹持大學以進。上問治道何先對曰不出乎此。上命祖幹剖析其義祖幹以爲帝王之道自修身齊家以至于治國平天下。必上下四方均齊方正使萬物各得其所可以言治。上曰聖人之道所以爲萬世法吾自起兵以來漸令賞罰一有不平何以服衆夫武定禍亂文治太平悉此道也甚加禮貌命二人爲諮議儀以疾辭祖幹亦以親老辭。上皆許之聞祖幹孝行旌其居曰純孝。

建觀星臺于省治之東偏。

召儒士許元葉瓚王胡翰吳沈汪仲山李公祥金信徐華戴良童黃吳履張起敬孫履皆會食省中。日令二人進講。

經史敷陳治道。

己亥元正正月庚申克諸暨改爲諸全州。

俞院胡大海率兵取諸暨張士誠守將華元帥戰敗宵遁萬戶沈勝以衆降我師入城其衆洶洶不定復作亂。

大海復擊敗之生擒四十餘人馬六十四匹遂改爲諸全州以帳前元帥張彪爲統軍元帥兼本州同知命院判謝再興王王守之後六月士誠將呂珍入寇胡大海擊走之。

命寧越知府王顯宗開郡學。

延儒士葉儀宋濂爲五經師戴良爲學正沈徐源等爲訓導時喪亂之後學校久廢至是始聞絃誦之聲無不

欣悅。

召儒士許瓚王冕訪治道。

瓚等奏封稱古畱置幕府以冕爲諮議參軍冕紹興人慷慨有志通術數之學著周禮曰吾未即死將持此以獻明主可致太平及爲諮議參軍自以爲得行其志未幾發病卒。

嵒縣萬戶郝原道人請降。

三月甲午有獄囚。

下令曰皇天既命余削平僭亂敢不順時敷惠以闡至仁况春氣發育草木昆蟲猶皆得遂其生而吾民有久繫於獄者抑鬱悲愁之氣恐傷天地之和是用布告所

隸州郡自三月初二以前除大逆無道及敵之偵伺拘繫外其餘罪無大小咸與原有敢有不遵仍前告言者以其罪罪之。

丁巳方國珍遣郎中張本仁以溫台慶三郡來附并次子關爲質。

上曰古者虜人不從則爲盟誓盟誓變而爲質子。表世之事豈可蹈之凡人之誓交質者皆由未能相信故也今既誠心來歸便當推誠相與當如青天白日何自懷疑而以質子爲哉厚賜關而遣之改關爲完明。

四月癸酉復池州。

初陳友諒將趙普勝既陷池州遣別將守之自據樞陽

水寨數寇掠境上。元帥徐達患其侵軼。遣院判俞通海等往擊敗之。擒其將趙牛兒等。普勝棄舟陸走。遂復池州。

五月壬辰。賜寧越節婦松氏米五石。

辛酉。召胡大海守寧越。

上將還建康。諭之曰。寧越為浙東重地。必得其人守。吾將歸建康。以爾為才。故特命爾等。其衢處紹興進取之。宜悉以付爾。宋伯顏不花在衢。其人多智術。石抹宜孫守處州。善用士。紹興為張士誠將呂玘所據。數郡與寧越密邇。爾宜與同僉。常遇春同心協力。俟間取之。此三人皆勍敵。不可忽也。仍命左右員外郎侯原善都事王

皇明本政紀

八月庚午。取無為州。

命元帥朱文忠等帥師攻下之。

九月癸巳。克潛山。

徐達張德勝率兵自無為登陸。夜至浮山寨。擊走趙普勝。部將胡總管于青山追至潛山界。陳友諒叅政郭泰引兵渡沙迎戰。德勝復大破之。斬郭泰。獲馬騾牛畜千餘。軍資無算。遂克潛山縣。命詹元帥守之。

丁未。克衢州。

時常遇春圍城兩月餘。攻擊無虛日。元樞密院判張斌度不能守。密遣其下詣遇春約降。是夕引軍士十餘人

出西門迎大軍入城。宋伯顏不花不知其降也。督兵拒戰。俄頃城中舉火。大軍已入城。眾潰。總督馮浩赴水。擒宋伯顏不花及院判朶粘等。得糧八千石。改衢州為龍游府。以武義知縣楊苟知府事。

十一月壬寅。克處州。

上既定婺州。即命耿再成駐兵縉雲之黃龍山。謀取處州。元處州守將石抹宜孫遣元帥葉琛屯桃花嶺。叅謀林彬祖屯葛渡鎮。撫陳仲真照磨陳安屯樊嶺。元帥胡深守龍泉。以拒我師。久之。將士怠弛。皆無鬪志。至是深叛。宜孫聞道來降。且言處州兵弱易取。大海聞之大喜。即出兵抵樊嶺。與再成合攻之。大敗其兵。連拔桃花嶺葛渡二寨。遂薄城下。石抹宜孫戰敗。棄城與葉琛章溢走建寧。遂克處州。林彬祖走溫州。于是處州七邑皆下。改處州為安南府。以義烏知縣王道知府事。以朱文剛李佑之耿再成鎮守。

十一月甲子。敗張士誠入寇之兵于新城三溪。

初。士誠遣兵爭建德。據分水嶺。朱文忠遣元帥何世明擊敗之。至是復遣其將陸夏二元帥花將軍據分水之新城三溪結寨。數出寇掠。何世明復擊敗之。斬陸夏二花將軍以下千餘人。焚其營。分水兵潰。自是士誠不敢窺嚴婺。

庚子。元至正二十年正月。己卯。復以寧越府為金華府。

二月庚申。福建行省參政袁天祿以福寧州來歸。

天祿見王師下浙東諸郡。知天命有在。遂遣古田縣尹林文廣以書來納款。上厚賞之。遣使招諭。

三月徵劉基宋濂章溢葉琛至建康。

四人同見。上甚喜。賜坐。從容問曰。四海分爭。何時而定。溢起對曰。天道無常。惟德是輔。惟不嗜殺人者能一之。上善其言。甚禮貌之。

四月癸酉。皇第四子生。

五月陳友諒兵寇池州。我師大敗之。

友諒既殺趙普勝。即有窺池州之意。上察知之。乃遣僉院常遇春往池州。與徐達共禦之。仍使謂達遇春曰。

明大政紀 卷一

十九

友諒兵旦暮且至。爾當以五千人守城。遣萬人伏九華山。上候彼兵臨城。城上揚旗鳴鼓。發伏兵往絕其後。破之必矣。至是友諒兵果至。其來甚銳。直造城下。城上揚旗鳴鼓。伏兵悉起。緣山而出。循江而下。絕其歸路。城中出兵夾擊。大破之。斬首萬餘級。生擒三千餘人。

四五月丙辰。陳友諒陷太平。院判花雲王鼎知府許瑄死之。

友諒攻城三日不得入。乃引巨舟泊城西南。士卒緣岸尾攀堞而登。城遂陷。雲被執。縛急。怒罵曰。賊終爾。將吾。吾主必滅爾。斯爲盼也。遂奮躍大呼而起。縛皆絕。奪守者刀。連斬五六人。賊怒。縛雲于舟檣。叢射之。雲至死。

罵賊不絕口。院判王鼎知府許瑄俱爲友諒所執。亦抗罵不屈。皆歿之。後追封雲東郡侯。瑄高陽郡侯。鼎大原侯。立祠祭享。

庚申。僞漢陳友諒犯龍灣。我師大破之。

上聞友諒約張士誠侵建康。召康茂才謂曰。陳友諒欲來爲寇。吾欲速其來。非汝不可。汝與友諒舊。且佯欲爲叛。遣人致書約其來。當爲內應。彼必從。茂才曰。諾。吾家有老閹者。嘗事友諒。頗信之。且忠謹不泄。且書令賞以徃。則必信來無疑。將行。以所謀問李善長。善長曰。方以寇來爲憂。何爲更誘致之也。上曰。使二虜相合。吾何支。先破此虜。則東寇膽落矣。遂遣關者持書乘小舸徑

明大政紀

卷一

十九

至友諒軍。友諒觀書畢。甚喜。問關者曰。康公今何在。曰。見守江東橋。又問江東橋何如。曰。木橋也。乃與酒食。遣還。謂曰。歸語康公。吾即至。至則呼老康爲號。關者諾。歸具以告。上曰。虜落吾彀中矣。乃命李善長撤江東橋。易以鐵石。通宵治之。及旦而成。適有富民自友諒軍逸歸。言友諒開新河口道路。又令于新河口跨水築虎口城。以兵守之。命馮國勝常遇春率帳前五翼軍三千人。伏于石灰山側。徐達軍于南門外。楊璟駐兵大勝港。張德勝朱虎帥舟師出龍江關外。上總大兵于盧龍山。令持幟者偃黃幟于山之左。偃赤幟于山之右。戒曰。寇至。舉赤幟。則拔柵迎敵。舉黃幟。則伏兵皆起。各嚴師以

待乙丑友諒果引舟師東下。至大勝港。環整兵禦之。友諒以路口狹隘。舟不得並進。遽引退出。大江徑以舟衝江東。見橋鐵石。乃驚疑。連呼老康。無應之者。始知聞者之謬。已即率舟千餘向龍濟。先遣萬人登岸。立斷其勢。銳甚時。皆衆欲戰。上曰。天將雨。諸軍就食。雨來。雨擊之時。天無雲。衆莫之信。忽雲起。東北須臾。雨大注。赤微舉。上令校柵諸軍。競拔柵。友諒麾其軍來。爭戰。方合。適雨止。伐鼓震黃。鐵舉。馮國勝常遇春伏兵起。徐達兵亦至。張德勝朱虎舟師。並未內外合擊。友諒被靡。不能支。遂大敗。潰兵走趙。舟值湖。膠淺。卒不能動。殺溺死者無算。俘其卒二萬餘人。其將張志雄等皆降。

辛酉復太平。

上命徐達馮國勝張德勝等乘龍灣之捷。將兵追友諒于慈湖。縱火焚其舟。至采石。德勝戰死。國勝以五翼軍蹴之。友諒與其將張定邊出皂旗軍。踰黑旋風者迎戰。又敗之。遂收餘兵棄太平遁去。達追至池州而還。

壬戌取安慶路。

降將張志雄怨友諒殺趙普勝。故龍灣之戰。無鬪志。及降。言于上曰。友諒東下。盡併安慶兵。以從今之降卒。皆安慶之兵。友諒既敗走。安慶無守禦者。上命元帥余某將兵取安慶守之。

丁卯。直儒學提舉司。

上以宋濂爲提舉。遣世子受經學。

戊寅。克信州路。

友諒之寇龍灣也。上命僉院胡大海出兵。檣廣信以牽制之。大海納都事王愷言。親率兵攻信州。至靈溪。城中步騎數千出迎。大海擊敗之。督令攻城。遂克之。改信州爲廣信府。以段伯文爲知府。守之後。辛丑六月。友諒將王明道入寇。胡大海與守將胡德濟夾擊。敗之。擒明道。送朱文忠。文忠令明道爲書。招王溥。復送之建康。上命仍舊職。用爲嚮道。

辛巳。更築太平城。

是明大政紀。卷二十一。

初。太平城西南俯瞰姑溪。故爲友諒舟所破。及是。友諒敗走。常遇春復其城。乃命移築城西南隅。去姑溪二十餘步。增築樓堞。守禦遂固。

九月。戊寅。故徐壽輝袁國公袁州歐普祥及叅政劉敬遣人來降。

友諒聞普祥降于我。遣弟友仁往攻之。爲普祥部將劉仁所執。乃與普祥和約。各守其境。普祥釋友仁歸。

辛丑。元正二。正月。辛酉。下東流。

元帥朱文輝及饒州降將余春等兵次池之建德。令元帥羅友賢攻東流賊壘。擒其將李茂仲。文輝又追襲其守將趙同僉走之。

甲申始議立鹽法。

置局設官以掌之。令商人販鬻。每二十分而取其二。以資軍餉。

丁亥置寶源局鑄大中通寶錢。

先是中書以議以國家新立錢法未定以來。參與錢相。買每米一石。官值錢千而民間私易加至三千。然錢貨低昂豈能久而不變。今請置寶源局于應天府。鑄大中通寶錢。使與歷代錢兼行。以四百爲一貫。西文爲一錢。其物貨價值從民便。設官以主其事。上從之。是歲鑄錢凡四百三十一萬。

丙申議立茶法。

皇明大政紀卷一

中書省議權茶之法。官給引。令商人赴產茶郡縣。具數赴官。納錢請引。方許出境貿易。每引茶百斤。輸錢二百。郡縣籍記姓名。以憑勾稽。不及引者謂之畸零。別置由帖付之。茶無由引者聽人告捕。令府州縣委官一員掌其事。

三月丁丑改樞密院爲大都督府。

泗州守將薛顯以城降。

戊寅方國珍遣使以金玉飾馬鞍來獻却之。

上曰。吾方有事四方。所需者文武材能。所用者穀粟布帛。其他寶玩。非所好也。却其獻。

六月辛丑以胡大海爲江南行省參政鎮守婺州。以王愷

爲左司郎中。分治省事。

丙午克都陽利陽鎮。

元帥王思義擒賊首王文友及其部屬戮之。

七月丁丑皇第五子生。

壬申以張知院張定邊隨安慶。

守將余元帥等戰收奔還建康。

甲申當以軍宋思顏直言。

上視事東閣時天熱坐久汗濕衣。左右更以衣進。皆經淋濯者。宋思顏曰。臣見主公躬行節儉。舊衣皆淋濯更進。禹之惡衣服誠無以加矣。真可以示法于子孫也。臣恐主公今日如此而後或不然。願始終如此。

皇明大政紀卷二

二十三

上喜曰。思顏之言甚善。他人能言或惟及于目前而不能及于久遠。或能及于已然而不能及于未然。今思顏見我能行于前而慮我不能行于後。信能盡忠于我也。乃賜之幣以彰其直。思顏又曰。近句容有虎爲害。主公既遣人捕獲之。養民間。飼之以犬無益也。上欣然即命取二虎并二熊皆殺之。分其肉賜百官。

八月甲寅克浮梁樂平。

鄧愈取浮梁不下。上命谷繼先劉旺率兵助之。友諒守將侯邦佐等棄城走。院判余光復擊敗樂平。總管蕭明擒萬戶彭壽等六十餘人。遂克之。

庚寅上帥師伐偽漢陳友諒復安慶克江州。

先是朱文忠送李明道至建康。上問陳氏如何。明道具言友諒自執徐壽輝將士皆離心。且政令不一。擅權者多。說勇之將。如趙普勝者。又忌而殺之。雖有衆不足用也。安慶之陷。上遂決意伐之。召諸將諭之曰。陳友諒賊殺徐壽輝。僭稱天璽。天理人情所不容。乃不度德量力。肆騁兇暴。侵我太平。犯我建康。既自取敗。不知悔悟。今以兵臨安慶。觀其所爲。不滅不已。爾等各厲士卒。以從。徐達進曰。師直爲壯。今我直而彼曲。烏有不克。劉基亦言。上曰。昨觀天象。金星在前。火星在後。勝師之兆。願主公順天應人。早行弔伐。上曰。吾亦夜觀天象。正如爾言。至是遂率達常遇春等。各將舟師發龍

皇明大政紀

卷一

二十四

灣。上御龍驤巨艦。建大旗于前。署曰。弔民伐罪。納順招降。諸軍乘風遡流而上。鳥數萬。夾上艦而飛。又有蛇自西北浮江。趨蟠于舵。視其狀甚異。吁曰。至采石。泊牛渚磯。復有龜蛇于急流中旋舵後。竟口聚喜以爲有神物之相。時友諒江中斥候望風奔遁。戊戌至安慶。敵固守不戰。上以陸兵疑之。敵兵動。乃命廖永忠張瑄雄以舟師擊其水寨。破敵舟三十餘艘。戰船二十有七。遂克之。長驅至小孤。友諒守將傅友德及丁普郎迎降。壬寅。次湖口。遇友諒舟出江偵邏。上命遇春擊之。敵舟退走。乘勝追至江州。友諒親率兵督戰。上分舟師爲兩翼夾擊友諒。又大破之。獲舟二百餘艘。友諒窮蹙。

半夜挈妻子棄城走武昌。癸卯。師入江州。獲馬二千。匹糧數十萬。上復遣徐達進兵追之。

甲辰。下南康。

以星子縣尹陳子亨守之。

乙巳。池州東。鄧兵頭目許山來降。

丙午。斬黃濟來降。

戊申。僞漢平章吳宏以饒州降。

上命仍舊官守之。

九月辛亥。僞漢平章王溥以建昌降。

上命溥與同知郭敬總管孟興元帥孫德壽各復其官。

仍守建昌。溥以南豐州及臨川金谿八縣來獻。

皇明大政紀

卷一

二十五

甲寅。取德興。

判官俞茂攻下之。

十一月戊午。命叅政常遇春率兵救長興。擊張士誠司徒李伯昇。敗之。

先是士誠遣司徒李伯昇寇長興。衆十餘萬。水陸並進。

直薄城下。城中兵僅七千。耿炳文嬰城拒守。元帥劉成

戰。勢甚急。及遇春兵至。伯昇棄營遁。遇春追擊之。俘

斬五千餘人。

十一月己未。下撫州。

時友諒右丞鄧克明因平章吳宏兵至。遣人招之。欲緩

師以疑我。聞鄧愈駐兵臨川之平唐。遣人詣愈請降。愈

爲兩翼夾擊友諒。又大破之。獲舟二百餘艘。友諒窮蹙。

知其詐。間道夜襲之。黎明至城下。由西東北三門入。

壬寅。元正。正月。僞漢江西行省丞相胡廷瑞遣同僉

康泰來降。勅廷瑞令宣使鄭仁傑詣九江納款。得上所與書。即

決意歸附。

壬戌。上如隆興謁孔子廟。上因廷瑞來降。發九江。次樵舍。胡廷瑞等遣人以陳氏

所授各官勅印及糧數來獻。上至隆興慰勞之。俾仍

舊官。比入城軍令肅然。先謁孔子廟。明日命存恤孤寡

三十一

鰥獨。放陳氏所畜鹿于西山。復召父老諭之曰。陳氏據

此軍旅百需之供。爾民甚苦之。今吾悉去其弊。軍需供

億俱不以相勞。爾等各事本業。毋游惰。毋作非為。以陷

刑辟。毋交結權貴。以擾良善。各保父母妻子。為吾良民

於是士民皆感悅。

改隆興路為洪都府。以葉琛知府事。

命歐普祥以本部守袁州。

普祥遣子廣來見。上厚賜遣之。

辛未。寧州土豪陳龍以眾降。

初壬辰春三月。徐壽輝兵破寧州。龍集眾結堡于州之

恭縣鄉。鄉人和寨。旬日間州境響應。眾至萬餘。至是聞

上至隆興。遣其弟良平率分寧奉新通州城靖安德安

武寧六縣民兵二萬來降。

癸酉。守吉安土軍元帥孫本立。曾萬中粹中來降。

本立起兵廬陵。萬中兄弟聚兵吉水。從元守臣納速兒

丁守吉安。為友諒將熊天瑞所併。心常不悅。聞上至

隆興。遂納款。上以本立為行省叅政。萬中為都元帥

粹中為行軍指揮。仍守吉安。

乙亥。僞漢平章彭時中以龍泉降。

上命復其職。以行省印授之。

二月丁丑朔。改建德府為嚴州府。

癸未。金華苗軍元帥蔣英劉震李福叛。殺守臣胡大海郎

中王懋總管高子王。

皇明大政紀

卷一

三十一

皇明大政紀

卷一

三十一

初大海下嚴州。震等從員成來降。大海喜其驍勇。留之

麾下。不疑。至是震等謀亂。以書通衢處苗帥李佑之等

約二月七日同舉兵。遂殺大海等。典史李斌懷省印縋

城走嚴州。告變。朱文忠遣何世明率兵討之。英等大掠

城中。西走降張士誠。文忠率兵至金華。鎮撫其民。父老

遮道訴曰。土民不幸。遭叛寇屠戮。日夜望王師以解倒

懸。今將軍至。吾屬無患矣。文忠慰勉之。分遣左右徧行

鄉邑。輯撫人民。民乃安。事聞。上追封大海越國公。

丁亥。處州苗軍元帥李佑之。賀仁德作亂。殺院判耿再成

都事孫炎。知府王道同及朱文剛。據其城。

佑之仁德等聞蔣英已殺胡大海。亦作亂。殺再成等。據

城文忠聞亂遣元佑等率兵屯縉雲以圖之。事聞。贈再成高陽郡公炎丹陽縣男。道同太原郡侯立廟以祀。

辛卯。改拓洪都城以鄧愈爲江西行中書省叅政鎮守。

上以洪城三面臨水。不利守禦。命移入三十步。東南空曠。復展二里。計既定。駕還建康。

丙申。改中書分省爲浙東行中書省。陞同僉李文忠爲左丞。

開省于金華。總制衛嚴處廣信諸全軍馬。

二月丁未。命平章邵榮率兵討處州叛軍。

癸丑。張士誠遣弟士信率兵寇諸全。我師敗之。

皇明大政紀 一卷

二十八

士誠乘蔣英之亂。遣士信率兵萬餘圍諸全。守將謝再興鏖戰二十九日未決。尋設伏大敗之。擒其將士千餘人。獲馬四千匹。船四十艘。士信益兵攻城。再興告急。朱文忠遣同僉胡德濟援之。再興以兵少請益。是時金華叛寇初定。而嚴州逼近敵境。處州又爲叛苗所據。文忠自度兵少不能應援。聞平章邵榮率兵討處州。將至。乃與都事史炳謀曰。兵法先聲而後實。今諸全被圍日久。寇勢益熾。而我軍少。非謀不足以制之。今邵平章來取處州。宜借以張聲勢。亦制寇一奇也。炳曰善。乃揚言右丞徐達平章邵榮領大軍至嚴州。克日進擊。使謀者揭榜于義烏之古朴嶺。士信兵見之。果驚。謀夜遁。德濟覘

知之。密與再興謀發壯士夜半開門出擊。鼓譟從之。兵亂走。自相蹂踐溺死者甚衆。

癸亥。平章祝宗同僉康泰叛。陷洪都府。

初。洪都之降。非二人本意。及上還建康。廷瑞恐二人爲變。微言于上。上令二人將兵從徐達征湖廣。二人遂反。兵劫洪都。于是都事萬思誠知府葉琛皆死于難。鄧愈出走建康。後琛贈南陽郡侯。同思誠配享洪都功臣廟。

癸酉。復處州。

平章邵榮及元帥王佑。胡深等兵攻處州。燒其東北門。軍士登城以入。李佑之自殺。賀仁德走。縉雲耕者縛檻。

皇明大政紀 一卷

二十九

送建康。被誅。以王祐守之。

甲戌。復洪都府。

上命徐達率師抵城下。祝宗康泰分兵拒守。達攻破之。祝宗走新淦。爲鄧志明所殺。康泰走廣信。爲追兵所獲。送建康。

五月丙午。命大都督朱文正統元帥趙德勝同叅政鄧愈鎮洪都。程國儒知洪都府事。

七月丙辰。平章邵榮叅政趙繼祖謀反。伏誅。

八月癸巳。僞漢將熊天瑞陷吉安。守將孫本立走永新。天瑞攻破永新。執本立殺之。十月戊子。池州元帥羅友賢據州之神山寨作亂。命常

遇春率兵討平之。

辛卯設關市批驗所官。

鹽貨以十分稅其一。物貨以五稅其一。

十二月丁亥大都督朱文正遣裨將率兵復吉安以叅政劉濟陳海同李明道曾萬中共守之。

癸卯元至正二十二年二月壬申申將士屯田之。

時康茂才屯積充伴他將皆不及故令諸將宜督軍士及時開墾。

戊寅命移置浙江行省於嚴州。

時張士誠屢寇嚴州諸全行省在金華應援不便於是徙省治于嚴分金華軍戍之仍留徐司馬守金華。

皇明大政紀卷一

三十

丁酉都昌盜江爵等陷饒州。

時守將于光與吳毅不協爵乘隙誘偽漢將張定邊入寇光倉卒無備皆出走理問穆燮歿于難。

三月辛丑張士誠將呂瑄陷安豐上率右丞徐達叅政常遇春等擊敗之。

先是劉福通等兵勢日蹙以安豐來附珍陷其城殺之上率諸將三戰三勝瑄兵大敗及廬州左君弼助瑄遇春又擊敗之上乃還命達等移師廬州于是元將竹

昌忻都乘間入安豐。

四月偽漢陳友諒復大舉兵寇洪都都督朱文正與鄧愈趙德勝薛顯牛龍等分城拒守。

乙丑諸全守將謝再興叛。

初再興用部將左總管糜萬戶為腹心二人常使人賈

鬻于杭州上知其陰泄機務擒二人誅之召再興赴建康而以叅軍李夢庚總制諸全軍馬上以再興長

女妻兄子文正幼女適徐達子恩義甚厚因命守諸全再興以庚處已上忿忿不樂由是遂叛殺知州樂鳳及

鳳妻王氏執叅政李夢庚等奔紹興降于張士誠朱文忠聞亂遣同僉胡德濟屯兵五指山下以備之。

五月己巳偽漢知院蔣必勝饒昌復陷吉安攻破臨江時李明道與曾萬中兄弟不協潛通必勝等來寇舉火

為應開西門納之萬中兄弟皆被殺又攻破臨江執叅

皇明大政紀卷一

三十一

政劉濟知府朱叔華同知趙天麟送友諒所友諒以三人徇洪都城下仍以明道與臣守吉安。

癸酉置禮賢館。

上聘諸名儒集建康與論經史及咨以時事甚見尊寵至是復命有司即所居之西創禮賢館處之陶安夏煜

劉基章溢宋濂蘇伯衡等皆在館中時朱文忠守金華復薦諸儒之有聲望者王禕許元王天錫至上皆收

用之。

六月壬戌千戶張子明以忠節歿。

洪都被圍音問不通文正乃遣張子明告急于建康子明取東湖小漁舟夜從水關潛出越石頭口夜行晝止

至是凡半月始得達見上具言其故上問友諒兵勢何如子明對曰友諒兵雖盛而戰鬪者亦不少今江水日涸賊之巨艦將不利用又師久糧乏若援兵至必可破也上謂子明曰汝歸語文正但堅守一月吾自當取之不足慮也子明還至湖口為友諒所獲友諒謂曰若能誘城降非但不死且得富貴子明偽許之至城下大呼曰大軍且至宜固守以待友諒怒遂殺之後特封子明為忠節侯配享洪都功臣廟

七月癸酉上率諸軍與偽漢陳友諒大戰于鄱陽湖康郎山友諒敗死

上率徐達常遇春廖永忠俞通海等軍二十萬救洪都

皇明大政紀 卷一

三十二

至丙戌友諒攻圍凡八十有五日聞上至解圍東出鄱陽湖以迎我師上諭諸將曰兩軍相鬪勇者勝諸公當盡力有進無退剪滅此虜正在今日諸將受命皆自奮丁亥遇于康郎山友諒列巨舟當我師上諭諸將曰彼舟首尾相連不利進退可破也乃命舟師為十一隊戊子徐達身先諸將擊敗其前軍殺千五百人獲一巨舟俞通海復乘風發火砲焚寇舟二十餘艘殺溺彼軍甚衆友諒驍將張定邊奮前欲犯上舟舟適膠淺遇春從旁射中定邊舟始却通海來援驟進水湧上舟遂脫永忠遂以飛舸追定邊定邊走身被百餘矢士卒多死傷既而遇春舟亦膠淺上麾兵救之俄有

敗舟順流而下觸遇春舟亦脫會日暮始退已丑旦

上命鳴角舟師畢集復與友諒戰諸軍奮擊敵不能當

殺溺死無算敵舟相連至曉東北風起上命以七舟

載荻葦置火藥其中令敢死士操之束草為人飾以甲

冑備走舸于後將迫敵舟乘風縱火風急火烈湏臾抵

敵舟其水寨舟數百艘悉被燬焰烟張天湖水盡赤死

者大半友諒弟友仁友貴及其平章陳普略等皆焚死

我師乘之又斬二千餘級上所乘舟櫓白友諒覺併

力來攻上知之令諸船盡白其櫓至明旦莫能辨敵

益驚駭辛卯復聯舟大戰敵兵巨艦艱于運轉我舟環

攻殺其卒殆盡俞通海廖永忠張興祖趙庸等以六舟

皇明大政紀 卷一

三十三

深入搏擊旋繞敵舟而出我師見之合戰益力自辰至

午敵兵大敗遂奪氣張定邊欲挾友諒退守鞋山為我

師所扼不得出乃飲兵自守不敢更戰上乃移舟出

泊左蠡友諒遂亦移舟出泊渚磯相持者三日友諒左

右二金吾率所部來降友諒失此二將自是兵益弱我

師遂出湖口命遇春永忠統舟師橫截湖面邀其歸路

又令一軍立柵于岸控湖口旬有五日友諒不敢出

上遣裨將率兵攻蘄州及興國克之八月壬戌友諒窮

蹙欲奔武昌率樓船百餘艘欲突湖口上麾諸將邀

擊之自辰至酉力戰不已友諒在別舸中流矢貫睛及

顛而死諸軍聞之大呼喜躍殺敵益奮敵衆大潰于是

擒其太子善兒平章姚天章等降士卒五萬餘人
以小舟載友諒屍及子理徑走武昌復立理爲帝改元
德壽

復改洪都爲南昌府

九月壬午敗諸全叛將謝再興于義烏

朱文忠率部將夏子實郎中胡深引兵爲先鋒遇其兵
于義烏前後夾擊敗之深因建議于五指山築城分兵
戍守上嘉其功以名馬賜之

上率常遇春康茂才廖永忠胡廷瑞等親征陳理于武昌

上至武昌命諸將于四門圍之分兵徇漢陽德安州郡
于是湖北諸郡來降上還建康命遇春總督諸將營

皇明大政紀

卷一

三十四

柵

甲辰元至正二十四年正月李善長徐達等奉 上爲吳王建國
號曰吳

以李善長爲右丞相徐達爲左丞相常遇春俞通海爲
平章政事汪廣洋爲右司郎中張昺爲左司郎中

丁卯命收官店錢

二月辛亥上視師武昌陳理降

上遣友諒舊臣羅復仁諭陳理及張定邊等曰理若來
降當不失富貴復仁至城下號哭理驚召之入復仁諭
以 上意詞旨懇切陳理嚙壁肉袒率大尉張定邊等
出降上見理幼弱起挈其手曰吾不爾罪勿自懼也

命宦者入其宮諭友諒父母凡府庫儲蓄令理自取之

士卒無敢入城市井晏然城中民飢上命給米賑之

召父老慰諭待友諒父母以禮民大悅于是漢沔荆岳
郡縣聞風相繼降

故僞漢左丞王忠信同陳友才以潭州降

上授忠信參政仍守潭州

叛將李明道伏誅

明道叛附友諒及友諒滅剪髭逃匿武寧山中有茶客
識之縛送武昌遂戮于鮎魚口

乙卯立湖廣行中書省以院判楊瑄爲參政

三月丙寅封陳理爲歸德侯

皇明大政紀

卷一

三十五

丁酉命金大旺守撫州

置起居注給事中

皇第六子生

庚午置武德龍驤豹韜飛熊威武廣武興武鷹揚英武驍
騎神武鳳翔天策振武宣武雄武羽林十七衛親軍指揮
使司

先是所得江左州郡置各翼統軍元帥府至是悉罷諸
翼而設衛馬

江西行省以陳友諒鏤金床進却之

上謂侍臣曰此與孟果七寶溺器何異以一床工巧若
此其餘可知陳氏父子窮奢極靡焉得不亡耶命燬之

乙未。置醫學提舉司。

中書省臣進宗廟祀及月朔薦新禮儀。上覽畢。忽悲愴流涕。因命併錄以爲常。

丙申。命建忠臣祠于鄱湖之康郎山。

中書省臣以鄱湖外事之臣。樞密院同知丁普郎。樞密院判張志雄。左副指揮使韓成。統軍元帥朱貴。陳兆先。右副元帥余旭。昌文。貴右副元帥王勝。李信。陳弼。劉義。徐。輔同知元帥李志高。元帥副使王咬住。千戶姜潤。石明王德。朱鼎。王清。常德勝。王鳳。顯丁字王仁。汪澤王。理。陳冲。長幹王喜。仙。袁華。史德勝。鎮撫常推德。曹信。遠。德山。都尉鄭興。羅世榮等三十五人。列序封贈勳爵有差。令有司歲時祭之。

皇明大政紀 卷一

三六

甲辰。改各衙門總管府爲千戶所。設正副千戶各一員。

乙巳。建忠臣祠于江西南昌府。

以平章趙德勝。樞密院判官李繼先。右副指揮使劉齊。統軍元帥許圭。右副元帥朱潛。元帥副使牛海龍。千戶張子明。張德山。百戶徐明。總管夏茂。成。江西省都事葉思誠。洪都知府葉琛。臨江同知趙天麟等凡十四人。設像以祭之。

丙午。命湖廣行省所屬州縣置鐵冶。募工煉鐵。

壬戌。命江西行省置貨泉局。設大使副使各一員。

頒大中通寶大小五等錢式使鑄之。

七月。丁丑。克廬州路。改爲廬州府。

徐達常遇春克廬州。時廬被圍久。衆皆飢困。不能戰。張煥與賈丑潛通款于達。請攻東門。已爲內應。于是我師急攻。城中諸軍悉救東門。張煥乃斷釣橋。開西門出降。達兵入城。統其部將吳副使并左君弼母妻及子送建康。以指揮戴德守之。改廬州路爲府。令平章俞通海鎮守。

已卯。左君弼部將許榮以舒城降。命榮還守之。

八月壬辰。遣平章常遇春等率兵平新淦。沙坑。麻。嶺。牛。陂。諸寨。僞知州鄧志明與兄克明伏誅。

常遇春既平諸寨。次吉安。守臣饒鼎臣棄城走。遂復其

皇明大政紀 卷一

三七

城。引兵趨贛州。

九月辛巳。命中書省繪功臣像于卞壺及蔣子文廟。以時遣官致祭。

甲辰。故僞漢平章姜珪以江陵降。改江陵爲荊州府。

先是珪聞友諒敗。遣人入朝。得上書諭不決。及徐達榜瑯師次沙市。遂以城降。達安集居民。禁兵侵掠。列郡聞之。望風歸附。尋改江陵爲荊州府。而夷陵守將楊以德亦赴裨將傅友德來降。

乙酉。方明善攻平陽。參軍胡深擊敗之。遂下瑞安。

先是温州土豪周宗道以平陽歸附于我。明善率兵攻之。宗道求援于深。深擊敗之。遂下瑞安。進兵温州。明善

懼與國珍謀歲貢銀二萬兩充軍費。上許之。命深

潭州湘鄉土酋易華來降。

故僞漢歸州守將楊興以城降。以興爲千戶守之。

十一月辛酉置湖廣按察司。以章溢爲僉事。

壬申故鄧克明部卒羅五叛。寇撫州。守將金大旺斬之。

戊子。皇第七子生。

張士誠丞相張士信寇長興。平章湯和帥師來援。敗之。

和自巳至申。與耿炳文內外夾擊。破之。獲士八千餘人。

十二月庚寅克辰州。

皇明大政紀 一卷 三八

辰州先爲僞漢左丞相周文貴所據。徐達遣指揮張彬

擊敗之。文貴走湖南。

克衡州。

衡州爲元左丞鄧祖勝所守。徐達遣指揮傅友德討之。

祖勝棄城退保永州。

乙卯新淦鄧仲謙作亂。大都督朱文正遣叅政何文燦討

斬之。

仲謙志明子也。襲父惡作亂。殺知州五員。

乙巳。元至正二年正月巳巳克贛州。

常遇春鄧愈圍贛州既久。以上命勿殺。欲困服之。至

是熊天瑞出降。送之建康。上命章天瑞橫斂之弊。并

免甲辰秋糧之未輸者。

古寶慶路。

徐達遣千戶胡海洋攻城。元守將唐隆遁去。於是靖

州軍民安撫司及諸長官皆來降。達皆賞賚之。

甲戌韶州守將同僉張秉彝等南雄守將孫榮祖各籍其

兵糧來降。

常遇春師次南安。遣危止招諭。皆附。令指揮王璵守南

雄。秉彝仍守韶州。

甲申大都督朱文正有罪。安置桐城縣。

上以兄子愛逾巳子。因其驕淫暴橫。奪民婦女。被譴責。

謀叛降張士誠。江西按察司李飲水奏之。上不得已

皇明大政紀 一卷 三十九

割恩示法。後封其子鐵柱爲靖江王。改名守謙。

二月巳丑下浦城。

元福建行省平章陳友定侵我處州。叅軍胡深往援。追

至浦城。其守將岳元帥率衆拒戰。擊敗其衆。下之。

丙午張士誠遣將李伯昇挾我叛將謝再興。大舉兵寇諸

全。新城行省右丞朱文忠率師未援。敗之。

士誠憤諸全之敗。集兵二十萬。遣將李伯昇入據城北

十里。以遏援兵。守將胡德濟告急嚴州。朱文忠統指揮

朱亮祖以下悉行。且檄處州守將以兵來會。文忠戒諸

將曰。敵甚衆。今當盡力擊之。不如令者斬。及敵至。文忠

分左右翼以待之。又值龍游總制夏仲及胡深遣耿天

壁來援。於是我軍奮前擊之。文忠躍馬衝其中堅。迎稍而斃。敵潰。自相蹂踐。我軍躡而殲之。逐北十餘里。溪水皆赤。外者以萬數。士誠第五子及伯昇以數騎遁去。文忠遣朱亮祖追餘寇。燭其營。洛擒同僉韓謙等六百餘人。軍士三千馬八百。輜重鎧無算。

三月癸未。起。注宋濂乞歸省。上賜金帛遣之。

濂還金華。進表謝復致書世子。勸以進修。上覽書喜。召世子諭之曰。吾自幼極艱難。今爾曹冠服華麗。飲食甘美。安居深宮。不思勇于進修。是自棄也。宋起居之言。有益爾其味之。復遣使至金華。賜書獎濂。賜以綺帛。仍命世子親致書以報。人皆歎。上待士之盛。

皇明大政紀 一卷

四上

四月乙丑。克松溪。

參軍胡深攻下之。獲友定守將張子玉而還。聞元帥李彥文安輯其衆。

五月乙未。克安陸。

常遇春奉 上諭。安陸爲英雄必爭之地。遂攻安陸。擊敗其守將僉院任亮執之。以沔陽衛指揮吳復戍守。

己卯。下襄陽。

守將見遇春兵至襄陽。棄城遁。遇春追擊之。俘其衆五千獲馬一千八百餘疋。糧八百餘石。元僉院張德山以殺城降。仍命招徠未附寨。以鄧愈鎮守。

六月己丑。思南宣慰使田仁厚遣其都事楊深來歸款并

納元所授宣慰使告身。

上嘉其識天命。賜仍爲宣慰使。以三品銀印授之。

丁酉。克安福州。

先是饒興臣父子走安福。與其黨劉顯等仍肆剽掠。

上命元帥王國寶會參政何文輝共討之。興臣棄城走茶陵。

壬子。克樂清。

參軍胡海率兵攻下之。擒方國珍。鎮撫周清等送建康。

克崇安。

朱亮祖率兵下之。遂遣參將胡深攻建寧。深被執遇害。

乙卯。以儒士滕毅楊訓文爲起居注。

皇明大政紀 一卷

四十一

上命毅訓文集古無道之君。若夏桀商紂秦始皇隋煬

帝所行之事。以集進。曰。往古人君所爲善惡可爲龜鑑。

吾所以觀此者。正欲其知喪亂之由以爲之戒耳。

七月丁巳。平章湯和擊敗永新叛臣周安。克十七寨。

安聞陳友諒亡。來附。仍守永新。及兵入安福。討饒興臣。

安疑而復叛。與諸山寨相結抗命。和擊敗之。擒僞官五十餘人。

癸酉。沅陵民向珍入作亂。參軍詹允亨遣千戶何德出討。

拔其寨。斬之。

壬午。設太史監。以劉基爲太史令。

壬辰。故僞漢將周文貴寇辰州。千戶何德擊敗之。

初文貴走湖南其黨欲復辰州率衆寇沅溪參軍詹允亨擊走之至是文貴復寇辰州何德攻破之獲其張千戶斬百餘人文貴遁去

辛亥麻城里長袁寶捕羅田妖盜藍丑兒以獻上賜綺帛旌賞之

元平章余思立以竹山降

九月丙申置國子學以許存仁爲博士以故集慶路學爲之

僞夏主明王珍遣參政江儼來通好遣都事孫養浩報之

十月己酉信州盜蕭明率兵寇饒州千戶陳明擊敗之

皇明大政紀 卷一

四十三

戊辰平章湯和克永新執周安等送建康伏誅

甲戌取餘干州

指揮副使王漢寶擊敗賊將雷元帥劉朝瑞等取其州以鎮撫李旭守之

庚辰克泰州

徐達常遇春圍泰州擒士誠將嚴再興夏思誠等九十人卒五千馬一百六十餘匹船四十餘艘于是海安通州俱下

十一月甲申信州盜蕭明寇婺源州知州白謙从之

甲午元帥王國寶擊通賊饒鼎臣等殲之

乙未張士誠兵寇宜興左相國徐達擊敗之

擒三千餘人

十二月甲寅張士誠兵寇安吉州守將費子賢擊却之子賢所部兵僅三千拒張左丞兵八萬殺其驍將二人敵驚潰遁去

丙午元正二年正月改寧城府爲宣州府淮揚府爲揚州府

二月癸丑處州青田盜夏四等寇慶元僉事章溢令元帥祁興等擊敗之

乙巳置兩淮都轉運鹽使司

癸酉潭州衛指揮同知嚴廣率兵討故僞漢萬戶何壽寨平之

皇明大政紀 卷一

四十三

時雅渚等寨皆平梟寨首許吳二萬戶首于茶陵江口二月丙午克高郵

先是徐達援宜興令馮國勝圍高郵張士誠將余同僉詐遣人來降約推女牆爲應國勝信之夜遣康泰率兵千餘人輪城而入皆爲所殺上聞之怒責國勝旣而達自宜興還益兵攻之遂拔其城戮余同僉等俘其官將一千三十七人士卒一千一百七十五人馬三百七十三匹民一千三百九十七戶糧八千石

四月乙卯命祀天止用水輅

上曰以王飾車考之古禮亦惟祀天用之若常乘之車只宜用孔子所謂殷輅然祀天之際王輅或未備木輅

亦未爲不可。叅政張杲對曰：木格戎輅也，不可以祀天。上曰：孔子萬世帝王之師，其斟酌四代禮樂，實爲萬世之法。乘木輅，何損于祭祀？況祀事在誠敬，不在儀文也。杲頓首謝。

克淮安。

徐達兵至淮安，聞張士誠將徐義軍在馬驛港，夜率兵往襲之，破其水寨，義泛海遁去，獲船百艘，俘其院判錢福等及兵三千餘人。舟師進薄城下，其右丞梅思祖副樞唐英、蕭成籍馬軍府庫出降，得糧四萬石，兵萬人，馬千五百匹，民四千餘戶，官五百餘人，達宿兵城上，民皆安堵，以指揮蔡仙華、雲龍守其城。

皇明大政記

卷一

四十四

戊午，取興化。

先是，上命徐達圖淮揚地形，見瓠子角爲興化要地，令達以兵扼其隘。達如旨，遂取之，淮地悉平。

庚申，濠州李濟以城降。

先是，韓政兵至濠，攻其水簾洞、月城，又攻其西門，殺傷相當，城中拒守甚堅。政乃督顧時等以雲梯砲石四面并攻，時孫德崖久已歿，城中度其不能支，濟及知州馬麟出降，得官七百一十三人，軍一千四百九十，民九百二十戶，馬一百五十匹，戰船三十艘。

壬戌，元守將樞密院同知陸聚以徐宿二州降。

聚聞徐達已克淮安，詣達軍納款，事聞，上以聚爲江

淮行省叅政，仍守徐州，仍諭軍民各安生業，毋或驚疑。甲子，上發建康往濠州省陵墓。

上欲改葬，恐洩山川靈氣，但增土培之。

丁卯，取邳州，并蕭宿遷睢寧諸縣。

陸聚率兵攻之，敗其守將張侍郎。

戊辰，上宴濠州父老經濟等。

上謂濟曰：吾與父老不相見久矣，今還故鄉，父老鄉人，惟兵難，未遂生息，吾甚憫焉。濟等曰：久苦兵爭，莫獲寧居，今賴主上威德，各得安息，勞主上憂心，上

曰：濠吾鄉，父母墳墓所在，豈得忘之？諸父老宴飲極歡，上又謂之曰：諸父老皆吾故人，豈不欲朝夕相見？然吾

皇明大政記

卷一

四十五

不得久留此，父老歸，宜教子孫爲善，立身孝弟，勤儉養生，鄉有善人，由家有賢父兄也。濟等頓首謝。上又曰：鄉人耕作交易，且令無遠出，濱淮諸郡尚有寇兵，恐爲抄掠，父老等亦宜厚自愛，以樂高年。濟等皆懼醉而歸。卒，克安豐。

初，徐達師至安豐，分遣平章韓政等兵扼其四門，晝夜攻之，不下。乃于城東龍尾埧潛穿城二十餘丈，城壞遂破之。忻都、竹昌、左君弼皆走，我師追奔四十餘里，獲忻都并左君弼裨將賁元帥而還。竹昌、君弼皆走汴梁，至日晡時，元平章竹貞引兵來援，政等復大敗之。竹貞遁去，得軍四千，馬四百匹，糧九百餘石，留指揮唐勝宗守

之。

五月庚寅命有司訪求古今書籍藏之秘府。

上謂侍臣詹同日三皇五帝之書不盡傳于世故後世少知其行事漢武帝購求遺書而六經始出于是唐虞三代之制始可得而見武帝雄才大略後世罕及至于表章六經開闡聖賢之學大有功于後世吾每宮中無事輒取孔子之言觀之如節用而愛人使民以時真治國之良規孔子之言誠萬世之師也。

六月壬子改醫提舉司為太醫監。

八月庚申拓建康城。

初建康城西北控大江東盡白下門外距鍾山既濶遠而舊內在城中因元南臺為宮稍隘上乃命劉基等

呈明大政紀

一恭

一六

上地定作新宮于鍾山之陽在舊城東白下門之外二里增築新城東北盡鍾山之趾延亘週圍凡五十餘里規制雄壯盡據山川之勝焉。

壬子命博士許存仁進講經史。

存仁講書洪範篇至休咎徵之應。

上曰天道微妙難

知人事感通易見天人一理必以類應稽之往昔君能修德七政順度雨暘應期災青不生不能修德則三辰失行旱潦不時乖異迭見其應如響箕子以是告武王以為人君者之戒儆今宜體此下修人事上合天道然豈特為人上者當勉為人臣者亦當修省以輔其君上

下交修斯為格天之本。

癸丑張士誠親率兵援湖州大將軍徐達等與戰于皂林之野敗之。

達等攻湖州既擒其將尹義陳旺于湖州港口又擒其將汪海于昆山又擒其將黃寶胡貴以下官二百餘人于三里遂四面圍城李伯昇張天麒閉門拒守士誠知事急親率兵來援又敗之擒戴元帥及軍士三千餘人九月己亥取德清。

左丞廖永忠參政薛顯將龍游軍下之擒其院判鍾鎮以及叛將晉德茂。

指揮副使張勝宗討湘鄉易華斬之。

呈明大政紀

一恭

四

易華既降復叛據黃九峰益肆剽掠參政楊璟令勝宗討平之。

十月甲子取桐廬。

朱文忠率朱亮祖耿天璧攻降其將戴元帥復遣田洪孫虎略富陽擒同僉李天祿遂合圍餘杭。

十一月甲申克湖州。

常遇春擊張士誠將徐義潘元韶等于烏鎮平章王晟同僉戴茂俱乞降徐達薛顯擊敗昇山水寨燒盡船五太子朱暹呂珍以舊館降得兵六萬人士誠為之奪氣至是達遣馮國勝以降將呂珍王晟徇湖州城下于是伯昇同左丞張天麒總管陳昧等以城降。

參政胡德濟討諸暨斗巖山寨平之。

辛卯。張士誠參軍李福知州楊彙以吳江州降。下餘杭。

朱文忠諭謝五出降。

杭州平。章潘元明同僉李勝以張士誠所授印并執蔣英劉震出降。

元明聞李文忠兵至難敵。先遣員外郎方彛納款。至是將杭州士民及諸司軍馬錢糧之數以獻。文忠入城。禁士卒侵掠。城中晏然。凡得兵二萬。糧二十一萬。馬六百疋。執蔣英劉震送建康伏誅。授元明舊官。仍守杭州。聽文忠節制。

皇明大政紀

壬子。修公子書及務農技藝商賈書成。

先是徵儒士熊鼎朱夢炎至建康。謂之曰。公卿貴人子弟雖讀書。多不能通曉典義。今集古之忠良奸惡事實。以恒詞直解之。使觀者易曉。他日縱學無成。亦知古今行事。可以觀戒。民間商賈子弟。亦不讀書。宜以所當務者直辭解說。作務農技藝商賈書。使之通知大義。可以化民成俗。是書成。命頒行之。賜與等白金五十兩。及衣帽靴襪等物。

庚子。張士誠同僉李思忠以紹興路降。

上命駙馬都尉王恭千戶陳清李遇守之。

右丞華雲龍率兵攻嘉興。張士誠守將宋興以城降。

壬寅。海寧州降。

十一月。戊申。永寧縣賊饒一等作亂。指揮副使畢榮討平之。

改浙東行中書省于杭州。陞右丞朱文忠為平章事。

改紹興路為府。諸全州為諸暨縣。

十二月。己未。詔以明年為吳元年。

命有司立廟社。建宮室。

典營繕者以宮室圖進。

上見其雕琢奇麗者。即去之。謂省臣曰。宮室但取其完固而已。何必至為雕琢。昔堯之時。茅茨土階。采椽不斲。可謂極陋矣。然千古之上。稱盛德者。必堯為首。後世競為奢侈。極宮室苑囿之娛。窮

皇明大政紀

與馬珥王之玩。欲心一縱。卒不可遏。亂由是起。夫上能崇節儉。則下無奢靡。吾嘗謂珥王非實。節儉是實。有所

締構。一以朴素。何必極雕巧以殫天下之力也。

乙巳。湖廣參政戴德率兵攻沅州。守將李興以城降。

上諭省臣。進箋文勿以虛辭為美。

丁未。吳元年。二月。丁未。元將擴廓帖木兒遣左丞李二侵徐州。參政陸聚令指揮傅友德擊敗之。

擒李二及將士三百七十餘人。獲馬百疋。

三月。丁酉。參政楊璟進兵取澧州石門縣。故偽漢守將鄧

義亨帥眾降。

下令設文武科取士。

今有司預為勸諭民間秀士及智勇之人及時勉勵

一開科舉之

壬子 上諭起居注詹同等國史直書善惡

上曰昔唐太宗觀史雖失大體然命直書建成之事是欲以公天下也予平日言行可紀之事是非善惡汝等皆當明白直書勿宜隱諱使後世觀之不失其實也

五月己亥初置翰林院以知饒州府陶安為學士朱升為侍講學士

詔徐濠泗壽都東海安東襄陽安陸郡稅糧三年

六月己酉平章常遇春進軍蘇州虎丘擊敗張士誠兵于沙盆潭壬子又大敗士誠兵于胥門

皇明大政紀

一卷

五十

參知政事張景以謀叛誅

是年平定平人欲歸元乘間使人上書頌功德勸以及時娛樂 上以語太史令劉基曰是欲為趙高也基曰誠如聖見必有使之者 上不欲窮治但斥之焚其書後復勸 上重刑法破兼併之家多陳厲民之術欲

上失人心陰為元計 上皆不聽景懼不自安時元主

謂景已死贈景官謚權用其子會 上遣元平章長壽

丑的歸元景乃陰托奉表于元時憲候景病得書稿遂

奏之 上令大都督府按問得實遂伏誅

七月己丑雷震宮門鳴吻赦中外獄囚

九月甲戌朔 太廟成

三祖各為一廟 德祖居中 懿祖居東第一廟

照祖居西第一廟 仁祖居東第二廟

戊寅諭民有犯者毋連坐

參政楊憲曰先王用刑時輕時重自元政姑息民輕犯法非重治之則犯者益眾 上曰民之為惡譬衣之積垢加以澣濯則可以復潔汙染之民以善導之則可以復新夫威以刑戮而使民不敢犯其為術也淺矣且求生于重典是由索魚于釜欲其得活難矣故凡從輕典雖不求其生自無死之道

辛巳克姑蘇執張士誠及其官屬將校皆檻送建康

時城圍既久熊天瑞教城中作嚴礮以擊我師多所中

皇明大政紀

一卷

五十一

傷城中木石俱盡至祈祠廟民居為礮具達令軍士架木若屋狀承以竹笆軍伏其下載以攻城矢石不得傷至是達督將士破葑門常遇春亦破閶門新寨遂率眾渡橋進薄城下其樞密唐傑登城拒戰士誠駐軍門內令參政謝爵周仁立柵以補外城傑知不敵授兵降周仁政徐義潘元紹及錢參政皆降晡時士誠軍大潰諸將遂蟻附登城城已破士誠猶使副樞劉毅收餘兵尚二二萬親率之戰于萬壽寺東街劉毅復敗士誠倉皇歸從者僅數騎達遣士誠舊將李伯昇以理曉之士誠瞋目不言遂以戶扉昇至舟并所獲官屬及流寓之人二十餘萬皆送建康叛將熊天瑞伏誅

乙酉通州守將張右承率所部赴徐達軍門降。

得將士七千三百四十二人馬二百八十七匹船二百一十四艘糧二千六百九十餘石。

丁亥平章胡廷瑞率師攻無錫州守將莫天佑以城降。

己丑朱亮祖駐師新昌遣指揮嚴德攻關嶺山寨平之上欲全張士誠因其自縊歿賜棺以葬之。

辛卯取天台。

朱亮祖兵至縣尹湯榮以城降。

辛丑克台州下遷居諸縣。

朱亮祖兵至城下攻之益甚國瑛度力不能禦以巨艦載妻子走黃巖。

載妻子走黃巖。

皇明大政紀

一卷

五十二

癸卯新內成。

三殿曰奉天華蓋謹身左右樓曰文樓武樓殿之後爲

宮前曰乾清後曰坤寧六宮以次序列皆朴素不爲飾

上命博士熊鼎編類古人行事爲鑒戒者書于壁間又

命侍臣書大學衍義于兩廡壁間上曰前代宮室多

施繪畫予用此備朝夕觀豈不愈于丹青乎是日有言

瑞州出文石琢之可以甃地上曰敦崇儉朴猶恐習

于奢華好尚華美豈不過于侈爾不能以節儉之道事

予乃勸予以侈麗夫豈予心哉但構爲宮室已覺作者

之勞况取文石能不厲民乎言者大慚而退。

十月甲辰遣起居注吳琳魏觀等以幣帛求遺書于四方。

丙午命百官禮儀俱尚左。

定國子學官制陞博士許存仁爲祭酒劉承直爲司業。

定祭酒正四品司業正五品以後任用各官詳列卿年

表不書。

改太史監爲院以監令劉基爲院使。

取黃巖。

朱亮祖兵至方國瑛遁海上守將哈兒普降。

勅禮官令建元右丞宇安慶余闕江州總管李輔三祠省

俸歲時祀之。

士子置御史臺以各道按察司御史

臺設左右御史大夫從一品御史中丞正二品侍御史

皇明大政紀

一卷

五十三

從二品治書侍御史正三品侍御史正五品監察御史

正七品自此以後任用各詳列卿年表不書。

甲寅命中書省定律令。

以左丞相李善長爲總裁官叅知政事楊憲傅祿御史

中丞劉基翰林院學士陶安右司郎中徐本治書侍御

史文原吉范顯祖經歷錢用任監察御史盛元輔吳去

疾趙麟康未泰張純謝恕大理卿周禎少卿劉惟敬大

理丞評事陳敏孫忠按察使李祥潘輔滕毅僉事孔昭

傅敏學主簿吳彤爲議律官。

甲子命中書右丞相徐達爲征虜大將軍中書平章常遇

春爲征虜副將軍率甲士二十五萬北伐取中原又命中

平章胡廷瑞爲征南大將軍。江西行省右丞何文輝爲副將軍。率安吉寧國南昌袁顥。滁和無爲等衛軍。由江西取福建。以湖廣參政戴德隨征。湖廣行省平章楊璟。左丞周德興。張彬。率武昌荊州益陽常德潭岳衡澧等衛軍取廣西。

上諭諸將曰。爾等行師。非必略地攻城而已。要在削平禍亂。以安生民。凡遇敵則戰。若所經之處。及城下之日。勿妄殺人。勿奪民財。勿踐民居。勿廢農具。勿殺耕牛。勿掠人子女。民間或有遺棄孤幼在營。父母親戚來求者。即還之。此陰陽美事。好其爲之。

上諭世于次子往臨濠謁陵墓

五十四

上諭之曰。汝諸子生於富貴。未涉艱難。人情習于晏安。必生驕惰。況爾他日皆有國有家。不可不戒。今使爾等於旁近郡縣。游覽山河。經歷田野。因道塗之險易。以知鞍馬之勤勞。觀小民之生業。以知衣食之艱難。察民情之好惡。以知風俗之美惡。即祖宗陵墓之所。訪求父老。問吾起兵渡江時事。識之於心。以知吾創業之不易也。於是命中書擇官輔導以行。

丙申。撤諭齊魯河洛燕薊秦晉之人。

撤云。自古帝王臨御天下。中國居內以制夷狄。夷狄居外以奉中國。未聞以夷狄居中國治天下者也。自宋祚傾移。元以比狄入主中國。四海內外。罔不臣伏。此豈人

力。寔乃天授。彼時君明臣良。足以綱維天下。達人志

尚有冠履倒置之嘆。自是以後。元之臣子。不遵祖訓。壞綱常。有如大德廢長立幼。恭定以臣弑君。天曆以弟鳩兄。至於弟收兄妻。子丞父妾。上下相習。恬不爲怪。其於父子君臣夫婦長幼之倫。潰亂甚矣。夫人君者。斯民之宗主。朝廷者。天下之根本。禮義者。御世之大防。其所爲如此。豈可爲訓于天下後世哉。及其後嗣沉荒。失君臣之道。又加以宰相專權。憲臺報怨。有司毒虐。於是人心離叛。天下兵起。使我中國之民。死者肝腦塗地。生者骨肉不相保。雖因人事所致。寔天厭其德。而棄之之時也。古云。胡虜無百年之運。驗之今日。信乎不謬。又云。予

皇明大政紀 一卷

五十五

恭承天命。罔敢自安。方欲遣兵北逐羣虜。拯生民於塗炭。復漢官之威儀。慮人民未知。反爲我讎。挈家北走。陷溺尤深。故先諭告。兵至人民勿避。予號令嚴肅。無秋毫之犯。歸我者。永安於中華。背我者。自竄於塞外。蓋我中國之民。天必命中國之人以安之。夷狄何得而治哉。予恐中土久汙羶腥。生民擾攘。故率羣雄奮力廓清。志在逐胡虜。除暴亂。使民皆得其所。雪中國之耻。汝民其體之。

已巳。克溫州。

參政朱亮祖自黃巖進兵溫州。戰于城南平寨。追北至城下。餘兵奔入城中。亮祖遣張俊湯克明攻西門。徐秀

攻東門。柴虎往來應援。遂克其城。方明善遁去。亮祖入城。撫安其民。分兵徇瑞安。同僉謝伯通以城降。

十一月庚辰。平章韓政師次梁城。同知樞密院盧斌等以衆降。

辛巳。克慶元。

征南將軍湯和兵自紹興次餘姚。降其知州李樞。及上虞尹沈煜。遂次慶元西門。院判徐善等率父老出降。方國作驅部下乘海舟遁去。和率兵逐敗之。國玠率餘衆入海。和徇下定海。慈谿等縣。得軍士三千人。戰艦六十艘。馬二百餘匹。銀六千九百餘錠。糧三十五萬四千六百石。

皇明大政紀

一卷

五十六

壬子。克沂州。

先是王宣得徐達書。詐來降。故達遣徐唐臣往諭宣。以兵從徐達征討。宣叛。以兵夜劫唐臣。欲殺之。衆亂。唐臣脫走達軍。達督軍急攻其城。宣不能支。出降。達惡其反覆。戮之。命指揮韓江戍守。於是嶧州趙蠻子。莒州周鼐。海州馬驪及沐陽日照。賴榆諸縣。并隨宣子信將士皆來降。

乙酉。定都督府及各衛官制。

都督正一品。同知都督從一品。副都督正二品。僉都督從二品。餘見官制。

壬辰。方國玠遣子明完奉表乞降。

甲午。上郊天。沐浴畢。出觀園丘。

上謂起居注熊鼎等曰。此與古制合否。對曰。是也。

上曰。古人於郊。掃地而祭。器用匏陶。以示儉。周有明堂。其禮始備。今予創立斯壇。雖不必盡合古制。然一念事天之誠。不敢頃刻怠忘。鼎曰。主上創業之初。首嚴郊丘之祭。既斟酌時宜。以立一代之制。又始終盡其誠敬。此誠前代之所未及。上曰。郊祀之禮。非尚虛文。正爲天下生靈祈福。予安敢不盡其誠。

乙未。冬至。太史院進戊申歲大統曆。

上謂劉基曰。古者以季冬頒來歲之曆。似爲太遲。今於冬至。亦爲未宜。明年以後。皆以十月朔進。

皇明大政紀

一卷

五十七

庚子。克滕州。

元守將楊瑗聞大將軍徐達兵至。悉遁去。

辛丑。克益都。

徐達督兵填垣。攻其城。敗之。執老保與白知院等。平章普顏不花不屈。遂徇下壽光。臨淄。昌樂。高苑等縣。及濰膠。博興等州。獲將士一萬五百餘人。馬騾一千六百餘匹。糧一十八萬九千餘石。令指揮葉國珍守之。

壬寅。下光澤。

征南大將軍胡廷瑞帥師度關下之。

甲辰。律令成。命頒行之。

上與廷臣復閱視之。去煩就簡。減重就輕者居多。

丁未。下東平。

都督同知汪興祖師至東平。元平章馬德棄城遁。遣指揮常守道千戶許秉追至東阿。元叅政陳璧以所部五萬餘人降。秉以舟師趨安平鎮。元右丞杜天祐以衆降。以先聖孔子五十六世孫希學襲封衍聖公。

希學聞大軍至。率曲阜尹希舉。鄒縣簿孟思諒等。迎見汪興祖于軍門。於是兗州以東州縣皆下。

已酉。大將軍徐達師至濟南。元平章達朵兒只進巴等以城降。

得將士三千八百五十五人。馬四百二十九疋。命指揮陳勝守之。

皇明太祖紀

卷一

五十八

征南將軍胡廷瑞等師至邵武。元守將李宗茂以城降。

得將士五千四百人。

庚戌。下濟寧。

汪興祖兵至城南。元守將陳秉直棄城遁。我師入守之。

辛亥。方國瑒及其弟國珉率部屬謁見湯和于軍門。和送至建康。

得步卒九千二百人。水軍一萬四千三百人。馬一百九

十疋。海舟四百二十艘。糧一十五萬一千九百石。他物

稱是。於是昌國州元達魯花赤潤里士思亦來降。得糧

六萬九千石。馬五十疋。船四百八十艘。

癸丑。中書省左相國李善長率文武百官奉表勸正大位。

上南之。

丁巳。建陽元守將曹復疇以城降。

將軍胡廷瑞何文輝留指揮沈友仁守之。

戊午。頒律令直解。

上恐民不知法意。或有誤犯者。令大理卿周鼎直解其

義。至是書成頒之。

乙未。下崇安。

廣信衛指揮沐英率師破分水關。克之。

辛酉。中書左相國李善長率禮官以即位禮儀進。

甲子。上御新宮。以羣臣推戴之意。祭告上帝神祇。

乙丑。取萊陽。

皇明太祖紀

卷一

五十九

皇明大政紀卷之二

豐城雷

禮謹輯

餘姚朱 錦謹校

金谿閔師孔謹訂

戊申洪武元年正月壬申朔

乙亥

上祀天地於南郊。即皇帝位。定有天下之號曰大明。建元洪武。

自壬戌以來。連日雨雪陰沍。至正月朔旦雪霽。越三日省牲。陰雲悉歛。日光皎然。暨行禮。天宇廓清。星緯明朗。衆皆欣悅。

皇明大政紀 二

追尊四世考妣爲皇帝皇后。

上 皇高祖考尊號曰玄皇帝。廟號德祖。高祖妣曰

玄皇后。皇曾祖考尊號曰恒皇帝。廟號懿祖。曾祖

妣曰恒皇后。皇祖考尊號曰裕皇帝。廟號熙祖。皇

祖妣王氏曰裕皇后。皇考尊號曰淳皇帝。廟號仁祖

皇妣陳氏曰淳皇后。

恭詣社稷壇行禮。

御奉天殿受文武百官朝賀。

冊立妃馬氏爲皇后。世子標爲皇太子。

以李善長徐達爲左右丞相。諸功臣進爵遷秩有差。

丙子。以卽位改元。詔告天下。

封皇族

詔置大廟祭器。

上曰。今之不可爲古。猶古之不能爲今。禮順人情。可以義起。所貴斟酌得宜。必有損益。近世泥古。好用古。邊豆之屬。以祭。其先生既不用。死而用之。似亦無謂。孔子曰。事死如事生。事亡如事存。其製宗廟器御。皆如事生之儀。於是造銀器以金塗之。酒壺盂觥每事皆八。朱漆盤盆二百四十。及樺梳梳篋。篋箭帛。帛帳浴室皆具。

興化州耆民李子成率衆降。

元守將葉萬戶等聞福州不守。遁去。故子成等納款。湯和遣都指揮俞良輔守之。於是莆田等十二縣皆降附。

皇明大政紀 二

丁丑。上御奉天殿大宴羣臣。三品以上者皆陞殿。餘悉列于丹墀。

上諭羣臣曰。朕賴諸將輔相之功。尊居大位。念天下之廣。生民之衆。萬幾方殷。朕中夜寢不安枕。憂懸於心。御史中丞劉基對曰。往者四方未定。勞煩聖慮。今四海一家。宜少紓其憂。上曰。堯舜聖人。處無爲之世。尚猶憂之。矧德匪唐虞。治非雍熙。天下之民。方脫創殘。其得無憂乎。

戊寅。由舊內遷新宮。

庚辰。置寶璽。

初。上欲置璽而未得。有賈浮海適至。聞上卽位。以

玉來獻云此子闕寶玉也自其祖父相傳云當為傳國之寶上喜以示玉工果良玉即命製為璽一圭

一
辛巳命廷臣兼東宮官

初御史中丞劉基學士陶安言于上曰適聞中書及都督府議徹元舊制設中書令欲奏以太子為之上曰元氏胡人事不師古設官不以任賢惟其類是與名不足副實行不足服衆豈可取法且吾子年未長學未克更事未多所宜尊禮師傅講習經傳通古今識逆機宜他日軍國重務皆令故聞何必倣彼作中書令乎乃命詹同取東宮官制觀之謂同等曰朕今立東宮官取

皇明大政紀 二卷

廷臣勲德老成者兼其職老成舊人動有典則若新進之賢者亦選擇參用舉賢任才立國之本崇德尚齒尊賢之道輔導得賢人各盡職故連抱之木必以授大匠萬金之璧不以付拙工同對曰陛下立法垂憲之意實深遠矣於是李善長等兼東宮官詳列卿年表

上欲官外戚后勸止之

上訪得皇后親欲授以官后曰國家官爵當用賢能之士妾家親屬未必有可用之才且聞前世外戚之家多驕淫奢縱不守法度有致覆敗者陛下加恩妾族厚其賜予使得保守足矣若其果賢自當用之若庸下非才而官之必恃寵致敗非妾之所願也上聞后言

遂止

甲申遣周鑄等一百六十四人往浙西覈實田畝

上諭鑄等曰爾經理第以實聞無踵襲前弊妄有增損曲徇私情以病吾民否則國有常憲各賜衣帽以遣之壬辰克建寧路

胡廷美督兵攻建寧益急達里麻不能支夜潛至何文輝營納款詰旦總管翟也先不花亦率衆詣文輝營降廷美怒二人不諳已欲屠其城文輝止曰吾與公同受命至此為安百姓耳今城降欲以私忿殺人可乎廷美遂止乃整軍入申嚴號令毫髮無犯執參政陳子琦送京師獲將士九千七百九十餘人馬二百七十三足銀

皇明大政紀 二卷

一萬六千三百餘兩糧九萬八千六百四十石命指揮費子賢領兵守之廷美即廷瑞避御宇改今名

庚子克延平路執陳友定

先是上遣使招諭友定友定會諸將殺使者置血酒甕中慷慨飲之誓衆死守至是湯和率師攻之元參政文珠海牙等以城降我軍入城見友定飲藥氣未絕繫逸京師以唐鐸知府事友定子海聞父敗以將樂降遣仁和衛指揮徐與安撫之

諭天下來朝官

來朝官陛辭上諭之曰天下初定百姓財力俱困譬猶初飛之鳥不可拔其羽新植之木不可掘其根要在

安養自息惟廉者能約已而利人貪者必賂人而厚己
況人有才敏者或尼於私善柔者或昧於欲此皆不
害之也爾等當深戒之

二月壬寅中書省臣具圓丘方丘宗廟社稷沿革以進
李善長傅巖陶安等引古酌今擬冬至祀昊天上帝千
圜丘以大明夜明星大歲從夏至祀方丘以五嶽五鎮
四海四瀆從四代各一廟廟皆南向以四時孟月祭及
歲除則合祭于高廟社稷以春秋二仲月上戊日上
皆從之

元漳州路總制陳馬兒以城降

湯和令指揮李執中往守之

皇明大政紀

二卷

五

癸卯詔御史大夫湯和還明州造海舟漕運北征軍餉
命平章廖永忠爲征南將軍參政朱亮祖爲副將軍由海
道取廣東

元汀州路守將陳國珍以城降

胡廷美遣降將曹復疇招諭汀州及寧化連城等縣下
之於是泉州郡縣相繼降附

丁未詔以大牢禮先師孔子於國學仍遣使詣曲阜致祭
戊申上親祭大社大稷

癸丑克東昌路

常遇春率兵攻之元平章申榮自經死於是所屬荏平
等縣皆降

甲寅克寶慶

平章楊璟遣千戶王廷將兵取寶慶次邵陽萊莫灘賊
衆千餘拒戰廷擊敗之至城下周文貴遁去遂下其城
留兵守之

丁巳命都督同知康茂才率師往濟南從大將軍徐達北
伐

壬戌勅贛州衛指揮使陸仲副使顧通帥本衛及南雄韶
州等衛軍會征南將軍廖永忠等征廣東

甲子樂安俞勝復叛徐達進師復其城令指揮華雲龍守
之

乙丑命中書議役法

皇明大政紀

二卷

六

省臣奏議田一項出丁夫一人不及頃者以別田足之
名曰均工夫直隸應天府等一十八府州及江西饒州
九江南康等三府計田三十五萬七千二百六十九頃
出夫如田之數遇有興作於農隙用之上諭中書省
臣曰民力有限而徭役無窮當思節其力毋重困之民
力勞困豈能獨安自今凡有興作不獲已者暫借其力
至於不急之務浮沉之役宜罷之

戊辰定天子祭祀冕服

上謂學士陶安等曰五冕禮大繁今祭天地宗廟則服
衮冕社稷等祭則服通天冠絳紗袍餘不用

庚午命選國子監生侍太子讀書

時選監生周琦王璞張傑等十人入對謹身殿皆姿狀明秀應對詳雅。上爲之喜因謂殿中侍御史安慶儒士郭友淵等曰吾觀諸生於文義素習矣然與太子處當端其心術養其德性庶不流於浮靡太子之德亦當有助也因厚賜之。

三月丁未命翰林儒臣修女誡。

上謂學士朱升等曰治天下者修身爲本正家爲先正家之道始於謹夫婦后妃雖母儀天下然不可以預政事至於嬪嬙之屬不過備職事侍巾櫛若寵之大過則驕恣犯分上下失序觀歷代官闕政由內出鮮有不爲禍亂者也內嬖惑人甚于鴆毒惟賢明之主能察之於未然其他未有不爲所惑者卿等纂修女誡及賢妃之事可爲法者使後世子孫知所持守。

壬申克全州。

楊璟兵圍永州遣周德興張彬率兵取全州元平章阿思蘭率衆遁民以城降於是道州莫友遜寧遠州李文卿藍山縣黎元師俱請降。

甲戌元左丞何真籍所部廣東郡縣戶口錢糧遣使奉表迎降。

廖永忠遣人途其使及表詣京師。上謂真保境息民特召乘傳來朝。

乙酉斬州進竹簾。命却之。

上謂未有命而來獻受之恐天下聞風爭進奇巧民傷財自此始矣。命却之仍令四方非朝廷所需不得妄獻。

丙戌平章楊璟遣兵攻武岡州元守將會權以城降。

戊子命中書省給榜撫安山東郡縣。

時徐達奏山東悉平今所在訪賢才凡仕元者疑懼不自安故榜諭之。

丙申克南陽路。

征西將軍鄧愈率兵下之擒其守將史國新等二十六人獲軍士一千五百餘人馬一百五十匹。

己亥左君弼竹昌以汴梁降。

皇明大政紀 二卷

八

守將李克彙因君弼不敢戰夜驅軍民遁入河南於是君弼等率所部降令都督僉事陳德守汴梁。

命禮官及諸儒臣編存心錄。

上以祭祀爲國家大事念慮之間儆戒或怠則無以交神明乃命禮官及諸儒臣編集郊祀宗廟山川等儀及歷代帝王祭祀感應祥異可爲鑒戒者爲書以進。

四月辛丑取德慶路。

陸仲亨率兵下英德清遠連江連州肇慶等郡縣進攻德慶元守將張鵬程棄城遁。

丁未命畫古孝行及身所經歷艱難起身戰伐之事爲圖示子孫。

上謂侍臣詹同等曰。富貴易驕。艱難易忽。久遠易忘。世子孫生長深宮。惟見富貴。習於奢侈。不知祖宗積勞之難。故示知之。以此朝夕覽觀。庶有所警也。

戊申。克河南路。

徐達師至河南塔兒灣。元將脫目帖木兒以兵五萬迎戰。列陣於洛水之北十五里。我軍旣成列。副將軍常遇春發一矢斃其前鋒。彼軍奪氣。達揮衆乘之。俘斬無算。脫目帖木兒將敗卒走陝西。達隨進營于河南城北門。脫克彘復走陝西。於是河南行省平章梁王阿魯溫送款軍門。河南平達命左丞相趙庸守之。指揮任亮招撫嵩州。

皇明大政紀 二卷

九

廣州龍潭元將盧左丞舉衆降。將軍廖永忠令指揮胡德守之。

元國子監祭酒孔克堅來朝。

上賜宅一區。馬一匹。日給米二石。諭之曰。爾祖明先王之道。立教經世。萬世之君君臣臣父子。實有賴焉。故爾孔氏高出常人。常人且知求聖賢之學。况孔子子孫乎。爾宜勉爾族人。各務進學。

壬子。元嵩州守將李知院迎降。

常遇春率兵下之。因分兵取未附山寨。

乙卯。廖永忠擒廣州僞參政邵宗愚等誅之。

時新會黃彬。河源曹文昌。汲州廖仁。南海麥康祖俱永

忠捕誅之。

丙辰。上諭宦官不得典兵預政。

上謂侍臣曰。吾觀史傳所書。漢唐末世。皆爲宦官敗。不可拯救。未嘗不爲之惋歎。此輩在人主之側。日見親信。小心勤勞。如呂強張承業之徒。豈得無之。但開國成家。小人勿用。聖人之深戒。其在宮禁。止可使之供洒掃。給使令。傳命而已。豈宜預政典兵。漢唐之禍。雖曰宦官之罪。亦人主寵愛之使然。向使宦官者不得典兵。雖欲爲亂。其可得乎。

丁巳。克永州路。元守將右丞鄧祖勝自殺。

楊璟圍永州久不下。命胡海洋等各門築壘困之。至是

皇明大政紀 二卷

十

食盡力窮。祖勝仰藥死。參政張子賢等猶率衆拒守。百戶夏昇縋城詣璟降。因言勝死狀。夜三鼓。璟督兵四面攻之。胡海洋等踰城入。子賢復率衆巷戰。天明衆潰。子賢與元帥鄧思誠等就執。并獲其全城士馬。璟調衡州衛指揮同知丁玉守之。于是耒陽等州皆遣人降。

戊午。元肇縣孟夏寨守將參政李成來降。

庚申。元福昌守帥知院張興鈞州守將哈刺魯守許州右丞謝孚。陳州知院楊崇各遣人詣大將軍送款。

辛酉。參政傅友德分兵取福昌山寨。元右丞潘莽兒降。

副將軍常遇春下汝川。留兵守之。遂徇下郟縣。

壬戌。都督同知馮宗異克陝州。留都督同知康茂才守之。

奏乞置山東行中書省調江西叅政汪廣洋爲山東叅政以翰林院學士陶安爲江西叅政以侍儀范常爲翰林院直學士。

甲子。車駕發京師幸汴梁。

守方山寨儒官程普魯以其衆詣大將軍徐達降。

丙寅下潼關。

都督同知馮宗異進兵攻潼關李思齊張思道葉關逃遂入關引兵西至華州元守將皆望風奔潰仍請達益兵達遣郭子興將于光金旺守之。

五月庚午大將軍徐達遣指揮王臻帥兵往號州等處取

毛葫蘆山寨。

皇明大政紀

二卷

十一

已卯元梧州守將達魯花赤拜住滕州守將吳壻各率衆降廖永忠朱亮祖慰安之于是潯貴等州郡以次降。

甲申登封鞏縣雞翎山并天堂山寨復叛大將軍徐達遣指揮豐諒等率兵討之。

指揮任亮以兵取露豹寨克之。

己丑叅政傅友德以兵取凌青黑山二寨克之。

庚寅。車駕至汴梁。

辛卯常遇春馮宗異至行在。上慰勞之庚子徐達至行在。上勉達率諸將乘時取元都。

辛卯指揮唐英曹諒破雞翎寨獲叛將途大將軍營斬之甲午叅政朱亮祖引兵至梧州容州同知明安普化聲普

寧縣達魯花赤問買等皆率父老來降。

乙未指揮任亮克王山等寨擒其頭目李德斬之。

丁酉以江西行省左丞何文輝等守河南。

叅政朱亮祖師次貴州元鬱林州知州張那海來降。

昌國州蘭秀山盜入象山縣作亂縣民蔣公直等集鄉民擊破之。

上遣大理卿周禎至縣賞其功賜公直與王剛中各銀一百二十兩。

六月壬寅詔江西行省叅政黃彬鎮袁州招集諸山寨逋卒。

甲辰元海南海北道元帥羅福等及海南分府元帥陳乾

皇明大政紀

二卷

十二

富等俱遣使來降。

壬子大將軍徐達遣指揮任亮守嵩州。

壬戌克靖江路。

先是左丞周德興分兵據靖江險要以絕其聲援楊璟既克永州遂引兵抵靖江城下屯於北關叅政張彬屯西關亮祖亦帥師自廣東屯於東門象鼻山下攻城二旬不下環語諸將校曰彼所恃者西城濠水耳當先取開口關決其堤岸則破之必矣諸將曰諾明日遣指揮使丘廣引輕兵攻開口關殺其守堤兵決其堤濠水涸因築土堤至近與其城接以通士卒遂克其北門月城尋又克其北門水隘斬獲百人也光吉尼有懼色復攻

其西門不克我軍死者三百餘人相持凡兩閱月攻之益力也先吉尼勢窮感其總制張榮與麾下裴觀以書繫矢射環營約降期以是夜來會既二鼓觀縋城出見環備言城中儲積空虛人無鬪志可立取之狀環乃給白皮帽百餘俾歸為識約四鼓從賓賢門入至期環命指揮使吳寧等率眾登城而入也先吉尼聞變倉卒走追至城東伏波門執之亮祖德興各以所部兵入城惟彬尚屯兵南關彬始攻城為守者所詬詆曰城破之日當悉屠之比克城環懼其縱殺下令曰殺人傷人及剽掠者死彬乃止眾心遂安

甲子陳友定故將金子隆馮谷保等陷將樂殺知縣馮源

皇明大政紀 二卷 十五
主簿蘓兼舍進寇延平攻四鶴門指揮羅德聚千戶李申擊却之

乙丑賜北征諸將夏衣

丙寅建寧指揮沐英擊敗金子隆于沙縣青雲寨擒谷保斬之

戊辰克南寧路

廖永忠令千戶宋真守城送元平章咬住等赴京師

命平章李文忠率兵討金子隆等

七月己巳廣西左江太平府土官黃英衍右江田州府土

官岑伯顏等遣使齎平章請平章楊璟營降

壬午新寨麻張等叛征南將軍鄧愈遣安陸指揮吳復等

討平之

戊子元平章阿思蘭以象州降

辛卯都督同知康茂才兵至河北客已夏縣皆降

丙申車駕發汴梁還京師以副將軍馮宗異留守

焦山寨賊首劉士原寇汝州三屯尚唐等處指揮任亮等率兵討平之

丁酉元柳州守將左丞楊以誠詣平章楊璟營降

帶刀舍人周宗上疏請府州縣開設學校上嘉納之南海賊馮簡等作亂縣人關敏倡義擊賊死之

上以敏存日未授官而能仗義討賊沒於王事特贈敦武校尉兵馬指揮司副指揮表其鄉曰忠義公有司立

皇明大政紀 二卷 十五

祠歲時祭焉

閏七月庚子下衛輝

傅友德薛顯兵至元守將平章龍二棄城走彰德徐達令獲嘉尹胡仲信從鎮撫王處仁守之

指揮使曹興才攻九疇山寨平之

辛丑下彰德

徐達師至龍二復出走陳同知等詣軍門降遂令左丞楊思祖守之

下廣平

徐達師至元平章周昱先棄城遁邯鄲尹都文正率父老來降

丁未徵天下賢才至京授以守令厚賜遣之。

庚戌詔中書省定軍禮。

戊午元長盧守將左僉都院遁去大將軍徐達令指揮馬子賢戍守遂趨青州下之。

辛酉襄陽指揮王成遇督兵攻破光石腦寨擒偽副樞張成等六十一人斬之。

于是葉魯舞陽等縣相繼降附。

廣東何真率其官屬入朝授真江西行省叅政。

平章李文忠率師攻清化寧化諸山寨擒金子隆及餘黨誅之。

癸亥大將軍徐達等率兵大敗元平章俺普達朵兒只進

皇明大政紀

二卷

五

巴於河西務。

擒知院哈喇孫等三百餘人獲馬六百匹船一百艘糧

二千六百石。

乙丑達令衛吏田中爲通州判官攝州事。

括糧得四千石。

副將軍常遇春擊敗元知院卜顏帖木兒等擒之。

丙寅元主及后妃太子開建德門往北走。

大將軍徐達命都督副使孫興祖督軍修築通州城。

八月己巳詔以金陵爲南京大梁爲北京。

庚午克元都。

徐達師至齊化門命將填濠登城而進達登齊化門樓

執其監國宗室淮王帖木兒不花及大尉中書左丞

慶童平章迭兒必失朴賽不花右丞相張康伯御史中

丞蒲川等戮之併獲宣府鎮南威順諸子六人及玉印

二成宗玉璽一封其府庫及圖籍寶物又封故宮殿門

令指揮張瑄以一千餘人守之宮人妃主令其宦寺護

視號令士無侵暴人民安堵明日順德守將吉右丞

胡榮政鄭叅政皆自西山來降武德衛軍校獲前樂安

逃將俞勝及南叅政張郎中等達遣指揮鄭捍赴京獻

捷仍命右丞薛顯叅政傅友德平章曹良臣都督副使

顧瑄將兵偵邏古北諸隘口。

甲戌以張正常爲真人去其天師之號。

皇明大政紀

二卷

十六

大將軍徐達遣人詣東昌令韓政分兵守廣平。

政招降白土等三十六寨。

乙丑潭州通判王禕上疏勸上法天道順人心上嘉

納之。

上命中書省李善長等建六部分理庶務。

先是中書省惟設四部掌錢穀禮儀刑名營造至是以

勝毅爲吏部尚書樊魯璞爲侍郎前司農卿楊思義爲

戶部尚書少卿劉誠爲侍郎錢用任爲禮部尚書世家

寶爲侍郎陳亮爲兵部尚書朱珍爲侍郎周禎爲刑部

尚書盛原輔爲侍郎單安仁爲工部尚書張文爲侍郎

以後任用各官詳列卿年表不書。

御史中丞劉基致仕

先是上北巡命基同李善長留守京師且語基察奸惡以肅輦轂雖內府之事亦宜糾舉基敬剛嚴凡中書僚吏有犯卽捕治之宦者監正匠不肅基敬皇太子捕寘諸法宿衛舍人奕基於直舍基按治之人皆側足畏基會中書都事李彬奸事覺彬素附善長竊弄威福善長託基緩其獄基不允遣人馳奏請誅彬上可其奏時大旱善長等方議禱雨而誅彬之報適至善長曰今欲禱雨可殺人乎基怒曰殺李彬天必雨遂斬彬善長銜之及上還怨基者多訴於上前善長亦言基專恣語頗切上皆不聽會基有妻喪因請告歸上皇明大政紀二卷七

大將軍徐達遣指揮華雲龍經理故元都新築城垣

北取徑直東西北長一千八百九十丈

放元宮人

丁丑遣官釋奠于先師孔子

以後著爲令

已卯大赦天下

癸未詔大將軍徐達改飛熊衛爲大興左衛淮安爲大興

右衛樂安衛爲燕山左衛濟寧衛爲燕山右衛青州衛爲

永清左衛徐州五所爲燕山右衛

上以元都既克遂命大將軍徐達副將軍常遇春帥師

取山西別留兵三萬人分隸六衛令都督副使孫興祖

僉事華雲龍守之

詔御史大夫湯和爲偏將軍與平章楊璟俱從大將軍徐

達征山西

戊子大將軍徐達遣右丞薛顯參政傅友德陸聚等將兵

略大同

癸巳溫州南溪人董孟怡等聚衆作亂溫州衛指揮僉事

吳廣率兵討平之

命書省黜妄言御史

時有御史上言陶安隱微之過上曰朕素知安安豈

有此耶何由知之對曰聞之於道路上曰御史但取

皇明大政紀二卷七

道路之言以毀譽人以此爲盡職乎命書省黜之

甲午命副將軍馮宗異從大將軍徐達征山西

九月戊戌大將軍徐達改故元都安貞門爲安定門建德

門爲德勝門

戊申都督同知張興祖率師徇永平路下之

癸亥下詔求賢

乙丑副將軍常遇春等下保定府留指揮李傑守之

丁卯下中山以指揮董傑守之

十月戊辰大將軍徐達遣廣武衛鎮撫劉聚守河間兼領

府事

已巳副將軍馮宗異偏將軍湯和下懷慶路以指揮紀

守之。

副將軍常遇春下真定路以指揮王金吾守之。

癸酉取澤州留兵戍守之。

甲戌故元王左丞以眾攻潼關都督僉事郭子興擊敗之。

丁丑取潞州。

馮宗異湯和下之。

戊寅上以元都平頒詔大赦天下。

大將軍徐達遣徐州衛鎮撫程信守雄州又分兵守霸州。

已卯令告及不實者抵罪。

甲子司天監進元所置水晶刻漏命碎之。

其置備極機巧中設二木偶人能按時自擊鉦鼓上

皇明大政紀

卷二

覽之謂侍臣曰廢萬幾之務而用心於此所謂作無益

而害有益也使移此心治天下豈至亡滅命左右碎之

乙未以梁貞王儀為太子賓客秦鏞盧德明張昌為太子

論德

上諭之曰範金礬玉所以成器尊師重傅所以薰德朕

命卿等輔導太子必先養其德性使進於高明帝王之

道禮樂之教及往古成敗之跡民間稼穡之事朝夕與

之論說日聞謹言自無非僻之干積久以化他日為政

自然合道卿等勉之

丁酉命禮官定正旦朝會儀

十一月己亥定天子親祀圓丘方丘宗廟社稷若京師三

皇孔子風雲雷雨聖帝明王忠臣烈士先賢等祀則

祭祀郡縣立社稷有司春秋致祭庶人祭里社土穀之

及祖父母并父母并得祀寔載諸祀典餘不當祀禁止

遣文原吉詹同等觀吳輔趙壽等分行天下訪求賢才

上諭之曰天生人材必為世用然人之材器有不同明

銳者質或剽輕敦厚者性或迂緩辯給者行或不逮沉

默者德或有餘卿等宜加精鑒

庚子冬至祀昊天上帝於圓丘

上御奉先殿百官行慶成禮即日宴羣臣於奉先殿

先是上建大本堂取古今圖籍充其中延四方名儒

教太子諸王分晝夜直選才俊之士克伴讀上時召

之賜宴賦詩商確古今評論文字無虛日是日上命

諸儒作鍾山龍蟠賦置酒懽甚乃自作詩賦故有是賜

甲辰以孔希學襲封衍聖公希大為曲阜知縣世襲

癸丑大將軍徐達以參隨王成守趙州兼領州事

右丞薛顯敗故元脫脫帖木兒于石州

乙卯大將軍徐達令指揮常正宋真定營壘

癸亥詔御史中丞劉基入朝

上欲來春舉行耕籍田禮命禮官具沿革以進

議耕籍之田上躬祀先農禮畢躬耕籍田以仲春擇

日制從之

甲子。詔定乘輿以下官服之制。

十二月丁卯克太原。

初元主北奔。命擴廓帖木兒復北平。因是率兵出鴈門關。將由保安州經居庸關以攻北平。達聞之。謂諸將曰。王保保帥師遠出。太原必虛。北平孫都督總六衛之師。足以鎮禦我。與汝等乘其不備。直抵太原。傾其巢穴。則彼進不得戰。退無所依。此兵法所謂批亢擣虛也。若彼還軍救太原。則已爲我牽。進退失利。必成擒矣。諸將皆曰。舍途引兵徑進。擴廓帖木兒至保安州聞之。果還軍。其鋒甚銳。副將軍常遇春謀于達曰。我騎兵雖集而步兵未至。未可與戰。莫若遣精兵夜襲其營。其衆可破。主

皇明大政紀

二卷

廿一

將可縛也。達然之。會擴廓帖木兒部將豁鼻馬潛遣人約降。且請爲內應。達於是遣兵夜襲其軍。擴廓帖木兒方燃燭坐帳中。使兩童子執書以待。衆覺變。擾亂。擴廓帖木兒倉卒不知所出。亟納靴未竟。踣一足。踰帳後出。乘驛馬從十八騎遁出。迨旦。豁鼻馬遣其子來報。達等勒兵進。營太原城西。豁鼻馬以其將校降。得兵四萬人。馬四萬餘匹。擴廓帖木兒奔大同。遇春以兵追之。至忻州。不及而還。擴廓帖木兒遂走甘肅。

已巳。上諭皇太子諸王戒土木。

上退朝還宮。皇太子諸王侍。上指宮中隙地謂之曰。此非不可起亭館臺榭爲游觀之所。今但令內使種蔬。

誠不忍傷民之財。勞民之力耳。昔商紂崇飾宮室。不恤人民。天下怨之。身死國亡。漢文帝欲作露臺。而惜百金之費。當時民安國富。夫奢儉不同。治亂懸絕。爾等當記吾言。常存儉戒。

庚午。大將軍徐達遣右丞薛顯。叅政傅友德。率師擊敗賀宗哲等軍於石州。

以戴復初署霍州。丁玉明署忻州。蔣應宗署岢州。翁子奇守大谷。

辛未。詔中書省令禮官定官民喪服之制。

御史高原侃言。京師人民。猶習元氏舊俗。凡有喪葬。設宴會。親友作樂。娛屍。惟較酒殺厚薄。無哀戚之情。流俗

皇明大政紀

二卷

廿二

之壞至此。非所以爲治。且京師天下之本。萬民之所取則者。一事非禮。則海內之人。轉相視效。弊可勝言。況途終禮之大者。不可不謹。乞禁止以厚風俗。上是其言。定師傳賓客朝賀東宮儀。

叅政陸聚率兵攻車子山寨及鳳山。成山帖山三寨。降之。甲戌。克平陽。

馬宗異西至猗氏。擒故元右丞賈成。進攻平陽。遂擒右丞李茂。下之。

庚辰。叅政陸聚督兵取胡關山寨。克之。

副將軍馬宗異率兵攻絳州。克之。

擒故元右丞田保。徐伯昌。獲將士五百人。

乙酉太常寺奏擬立秋後辰日祀靈星立冬後亥日祀司中司命司人司祿如唐制立壇於城南上從之陽曲皮皮等十寨頭目各以其眾詣大將軍徐達營降俱令復業

丁亥命築壇於雞鳴山致祭功臣胡大海等以文臣沒於王事者參軍才夢庚郎中王愷都事孫炎等附祭

己丑頒社稷壇制於天下郡邑

壇設城西左社右稷各方二丈五尺高三尺四寸陛三級祭用春秋二仲月上戊日

庚寅立旗壽廟

壬辰遣符寶郎俱新奉璽書賜高麗國王

皇明大政紀

二卷

三

遺知府易濟頒詔於安南

遣使以書諭夏主明昇

己酉洪武二年正月丙申朔

戊戌封京都及天下城隍之神

庚子上御奉天門召元舊臣問其政事得失

馬翼對曰元有天下寬以得之亦寬以失之上口以寬得之則聞久矣以寬失之未之聞也夫步急則躓弦

急則絕民急則亂居上之道正當用寬但云寬則得衆不云寬之失也元季君臣耽於逸樂循至淪亡其失在縱弛實非寬也大抵聖王之道寬而有制不以廢棄爲

寬簡而有節不以慢易爲簡施之適中則無弊矣

辛丑命天下凡祀典神祇有司依時致祭其不在祀典而嘗有功德於民事蹟昭著雖不致祭其祠宇禁人撤毀

乙巳命立功臣廟於雞鳴山

丁未享太廟以功臣廖永忠俞通海張得勝桑世傑耿再成胡大海趙得勝配享

戊申置河間長蘆都轉運鹽使司

命中書省諒太歲風雲雷雨嶽鎮海瀆山川城隍諸神壇壇祭禮

定翰林院官制

承旨正三品學士從三品侍講學士正四品侍讀學士從四品直學士正五品其任用各官詳列卿年表

皇明大政紀

二卷

四

庚子遣前國子監祭酒孔克堅祀孔子於闕里

命都督孫遇偃等十八人祭天下嶽鎮海瀆之神

詔免北平燕南河東山東河南潼關唐鄧光息等處稅糧

癸丑更定大廟時享禮

春以清明夏以端午秋以中元冬以冬至

命祀馬祖諸神築壇於後湖

甲寅副將軍常遇春帥師征大同

乙卯遣使以即位詔諭日本占城爪哇西洋諸國

丙辰參政傅友德將兵屯朔州

己未製太廟四代帝后冠服成

太常議中庸云設其裳衣謂先祖遺衣祭則設之今禮

可以義起宜製冠服藏于廟以象生時所存遇祭則

之。上可其奏。

庚申克大同。常遇春兵至大同。元守將竹真等棄城走。擒知院于陳等八十餘人。獲軍士七千六百餘人。馬一千三百九十餘匹。

右丞許顯以兵攻潞州桃花寨克之。

壬戌詔改慶遠南丹軍民安撫司置安撫使同知副使經

各一員

癸亥大將軍徐達遣參政陸聚分兵守井陘故關。

乙丑平章韓政攻彰德蔡失寨克之。

皇明大政紀 卷二

廿

二月丙寅詔修元史。

詔中書左丞相宣國公李善長為監修前起居注宋濂漳州府通判王禕為總裁徵山林遺逸之士汪克寬胡翰宋禧陶凱陳基趙壘曾魯高啟趙訪張文海徐尊生黃篪傅忠王鈞傳著謝徽十六人同為纂修開局于天界寺取元經世大典諸書以資參考。

戊辰定遣官祭馬祖先收馬步馬社之禮。

辛未遣顏魯楊載等使占城爪哇日本等國。

乙亥詔立皇陵碑。

命侍讀學士危素撰文。

丁丑上 仁祖淳皇帝陵名曰英陵。

從禮部尚書崔亮奏請。

庚辰故元丞相也速侵通州守將曹良臣以計却之。

壬午上躬耕籍田于南郊。

先祀先農以后稷配。上耕畢三公五推尚書九卿九推各退就位應天府尹及上元江寧二縣率庶人終畝三月乙未鄜城故元守將副樞施成詣大將軍徐達降遂全成守之。

丙申 上以水旱相仍減膳省愆。

戊戌翰林學士朱升以年老致仕 詔許之。

庚子大將軍徐達師至鹿臺遂入奉元路改奉元路為西安府。

皇明大政紀 卷二

廿

元守將張思道等聞大兵入關先三日遁去達率大軍至三陵坡父老千餘迎降達遣左丞周凱入城撫諭以夏德署府事。

辛丑 上與翰林待制秦裕伯論學術。

上曰為學之道志不可滿量不可狹意不可矜志滿則盈量狹則驕意矜則小盈則損驕則惰小則陋故聖人之學以天為準賢人之學以聖為則苟局於小而拘於凡近則亦豈能克廣其學哉裕伯對曰誠如聖言。

壬寅參政陸聚攻承天寨克之。

癸卯下鳳翔。

李思齊聞遇春宗異兵至率所部十萬奔臨洮獲其部

將薛平章等以指揮金興旺守之。

戊申 上與學士詹同論文章。

上曰古人為文章或以明道德或以通當世之務如典謨之言皆明白易知無深怪險僻之語至如諸葛孔明出師表亦何嘗雕刻為文而誠意溢出至今使人誦之自然忠義感激近世文士不究道德之本不達當世之務立辭雖深而意實淺近即使過相如楊雄何碑實用自今簡牘為文但取通道理明世務者無事浮藻

癸亥置北平廣西二行省

幼元定府隸山東河南廣西隸湖廣至是各置行省以盛元輔為北平叅政劉惟敬為廣西叅政。

皇明大政紀 卷二

廿七

四月丙寅大將軍徐達會諸將于鳳翔議師所向。

諸將咸以張思道之才不如李思齊慶陽易於臨洮欲先由蘭州取慶陽然後從隴攻臨洮達曰不然思道城險而兵悍未易猝拔臨洮之地西通番夷北界河湟我師取之其人足以備戰鬪其土地所產足以供軍儲今以大軍感之思齊不西走胡則束手就降矣臨洮既克則旁郡自下諸將然之達乃留御史大夫湯和守營壘輜重令指揮金興旺余思明等守鳳翔遂移師趨隴州戊辰置陝西山西二行省

以中書叅政汪廣洋為陝西叅政御史中丞楊憲為山西叅政。

在博士孔克仁等授諸子經功臣子弟亦令入學。

大將軍徐達率師克秦州以叅隨陳忠署州事。

乙亥詔中書編祖訓。

詔定封建諸王國邑及官之制。

下鞏昌。

故元守將平章梁子中等聞徐達兵至出降達以禮待之遂以都督郭子興守之。

丁丑都督副使顧時等兵克蘭州以指揮韓溫守之。

故元守將李思齊以臨洮降。

思齊見馮宗異兵至不能支遂出降宗異遣人途徐達營達遣指揮常正等守之。

皇明大政紀 卷二

廿八

己卯大將軍徐達師入安定州以降將陳宗聚署州事令指揮陳壽周用等守之。

乙酉大將軍徐達兵入靖寧州遂徇下隆德縣。

戊子大舍衛指揮食事翁德擊擒倭寇九十二人 詔陞指揮副使。

遣使持詔諭吐番。

癸巳淮安寧國鎮江楊州台州等府并澤州各獻瑞麥凡十二本。

羣臣皆賀 上曰朕為天子惟思修德致和以契天地之心使三光平寒暑時五穀熟人民育為國家之瑞不以物為瑞也昔堯舜之世不見祥瑞何曾損於聖德漢

武帝獲一角獸。產九莖芝。當時皆以爲瑞。乃不能諫。抑自損撫輯民庶。以安區宇。好功生事。卒使國內空虛。民力困竭。後雖追悔。已無及矣。其後神爵甘露之侈。致山崩地震。而漢德於是乎衰。由此觀之。嘉祥無徵。而災異有驗。可不戒哉。

五月甲午更。英靈曰。皇陵立衛以守之。

丁酉下平涼。

徐達師至蕭關。父老持羊酒來迎。遂分兵收未附山寨。指揮朱明克延安。遂以明守之。

辛丑。故元守將張良臣以慶陽降。

初。張思道在慶陽。聞王師克臨洮。懼。走寧夏。而使其弟

皇明太政紀

二卷

廿九

張良臣與平章姚暉守慶陽。思道至寧夏。與金牌張等俱爲擁廓帖木兒所執。大將軍徐達既下平涼。卽謀取慶陽。令御史大夫湯和遣軍往和州。別遣指揮張煥將騎兵偵邏慶陽。會合部將謝三遣人招良臣。良臣以其兄被執。遂以城降。良臣驍勇善戰。軍中呼爲小平章。壬寅。都督僉事陳德率兵攻里店。買的哥保寨。取之。癸卯夏至。祭皇地祇於方丘。

戊申。張良臣復叛。據慶陽。

初。良臣之降也。遣其叅政花某詣大將軍徐達。獻軍民數目。又遣其知院李克仁。葛八來獻馬數目。達遣右丞薛顯將騎兵五千人。步卒六千人。同克仁等赴慶陽。比

良臣出迎。伏兵道左。俾爲卑下。以示歸降。逮暮時。以兵劫營。我軍不意其叛。爲所衝潰。指揮張煥被執。顯被傷。走還。達聞語。諸將曰。上明見萬里外。今日之事。果如前日所謂。良臣之叛。祇取滅亡耳。當與諸公戮力剪之。癸丑。置福建行省。以中書叅政蔡哲爲叅政。

乙卯。追封皇外祖考爲楊王。妣爲楊王夫人。皇外舅爲徐王。外姑爲徐王夫人。並建廟奉祀。

六月丙寅。功臣廟成。

以徐達爲首次。常遇春次。李文忠次。鄧愈次。湯和次。沐英次。胡大海次。馮國用次。趙得勝次。耿再成次。華高次。丁德興次。俞通海次。張德勝次。胡良次。吳禎次。康茂才。

皇明太政紀

二卷

三十

次。曹良臣次。吳復次。茅成次。孫興祖。凡二十有一人。于是命死者塑像于廟。仍虛生者之位。叅政胡大海等歿。上念其功。已命塑其像於十壺。蔣王之廟以祀。至是復塑像於新廟。

己卯。克開平。

遇春文忠率步卒八萬。騎士一萬。自北平往開平。道三河。經鹿兒嶺。過會州。敗故元將江文清兵於錦川。得士馬一千計。次全寧。故元丞相也速復以兵迎戰。又敗之。也速遁去。進攻大興州。文忠謂遇春曰。元兵必走。乃分千餘兵爲八十屯。伏其歸路。虜果夜遁。遇伏。大破之。擒其丞相脫火赤。遂率兵道新開嶺。進攻開平。元主先已

北走追奔北數百里俘其宗王慶生卒車馬住等計
凡得將士萬人車萬輛馬三萬匹牛五萬頭北
辛巳大將軍徐達督兵攻慶陽以擒獲張良臣所遣行
斬之以徇。

苛張思道理問也王保保自寧夏遣其來慶陽既受圍
張良臣復遣遠寧夏求援故獲斬之仍以參隨王敬祖
將兵守彭原

壬午安南國王陳日烿遣其少中大夫同時等來朝貢方
物因請封爵詔遣翰林侍讀學士張以寧典簿牛諒往
使其國封日烿爲安南國王賜以駝紐金銀印。

丁亥造大廟金器成

皇明大政紀 二卷

七月甲午大將軍徐達遣降將李茂等將騎兵千人往隆
德泰安等處收捕未附頭目杜伯不花羅左丞相等

乙未詔遣儒士歐陽佑等十二人往北平等處采訪故元
元統及至正三十六年事蹟增修元史

己亥征虜將軍常遇春卒於柳川以平章李文忠領其衆
戊申廣西右江田州府土官岑伯顏來安府岑漢忠向武
州萬世鐵右江太平府黃英衍思明府黃忽都龍州趙帖
等各遣使奉表進馬及方物詔許世襲

辛亥王保保部將韓扎兒陷原州指揮陳壽死之

徐達聞報與都督馮宗異參政傅友德議以驛馬關當
其衝遣右丞徐禮將兵守之又遣指揮葉谷具守彭原

調指揮帝正守邠州宗異復與徐達謀曰今大軍
陽張良臣雖困未能遽下王保保欲爲良臣聲援
扎兒攻原州欲以救慶陽請得移軍逼關以扼原州
無所施矣達然之宗異遂以其軍西臨驛馬關去慶陽
三十里而軍是夜扎兒復攻陷臨涇州丁千戶退保靈
臺縣

八月丙寅張良臣小元帥降

初小元帥張良臣共守慶陽及王師攻圍日急小元
帥欲降張良臣所囚至是城中降者夜劫小元帥出
諸大將營達受之令軍中無降者

故元將脫列伯等領兵攻大同平章李文忠擊敗之

皇明大政紀 二卷

初文忠奉命合攻慶陽至太原聞大同受敵文忠顧謂
左丞趙庸等曰吾與若等受命而來關外之事有利於
國者專之可也今大同甚急若候進止豈不失機衆皆
諾遂由代出鴈門至馬邑適遊騎數千奄至猝遇我師
與戰敗之擒其平章劉帖木兒進至白楊門又擒點虜
四大王時天雨雪文忠疑有伏兵乃身引數騎如山察
視之前軍已駐營去敵五十里文忠至遽令遷之復前
至五十里營於漫地其地阻水先遣人由間道達大同
城中使知之元將脫列伯果悉銳來攻文忠令將士秣
馬蓐食閉營不出先以兩營誘敵督令死戰自寅至辰
前營報數至文忠不爲動頃之度敵饑疲乃分軍爲左

右翼身當前鋒奮擊大敗之生擒脫列伯降其軍萬餘獲馬萬匹輜重甚衆縛脫列伯詣軍門文忠令解其縛與之共食遂進兵東勝州至莽哥倉還先是元主北走七益里命脫列伯孔興以重兵攻大同欲圖恢復至是列伯被擒孔興走綏德其部將復斬之來降元主知不濟無復南向矣

已巳命吏部定內侍諸司官制

上諭之曰朕觀周禮所記未及百人後世至踰數千卒爲後患今雖未能復古亦當爲防微之計古時此輩所治止於酒漿醢醢司服守祿數事今朕亦不過以備使令非別有委任可斟酌其宜勿令過多又顧謂侍臣曰

皇明大政紀

二卷

三

此輩自古以來求其善良千百中不一二見若用以爲耳目卽耳目蔽矣以爲心腹卽心腹病矣馭之道但常戒勅使之畏法不可使之有功有功則驕恣畏法則檢束則自不敢爲非也乃定置內史監奉御六十人尚寶一人尚冠七人尚衣十人尚佩九人尚禮八人尚樂七人紀事二人執膳四人司膳四人司香四人涓潔二人置尚酒尚醋尚麵尚染四局設正一人副二人置御馬御用二司設正一人副二人內府庫設大使一人副使二人內倉監設令一人丞二人及置東宮典璽典翰典膳典服典樂典乘兵六局局設局郎一人丞一人又置門官午門東華門西華門玄武門奉天門左右順門

左右紅門皇宮門坤寧門宮左門宮右門各設正一人東宮門官春和門東宮後門宮左門宮右門各設門正一人

癸酉元史成

丙子道符寶郎僕斯齊詔及金印諸文往高麗封王顓爲上

復慶陽賊張良臣父子斬之

○永接皆被獲至是提餉乏絕平章姚暉等皆出降良臣又于俱投井中達命指揮朱杲引出斬之并誅其黨以陳德守之

皇明大政紀

一卷

三

癸未賀宗哲寇鳳翔指揮金興旺知府周煥等擊走之甲申命國丘方丘壇南皆建殿九間社稷壇北建殿七間爲望祭之所遇風雨則於此望祭

從禮部尚書崔亮所議於是靈星壽星司中司命司人司祿諸神皆爲殿屋

司祿諸神皆爲殿屋

庚寅命歲終臘享通祭五祀於廟門外

詔儒臣修纂禮書

各省舉儒士徐一夔梁寅劉子周子諒胡行簡劉宗弼董翼蔡琛滕公琰至京時曾魯以元史方成共奏留之因命與諸儒同纂修

九月己亥賀宗哲掠蘭州聞王師至遁去

大將軍徐達御史大夫湯和發平京還京師以右副將軍

馮宗異總制軍事

癸卯令四方或有災異無論大小所司即時飛奏

詔以臨濠爲中都

上詔諸老成同以建都之地或言關中險固金城天府之國或言洛陽天地之中四方朝貢道里適均汴梁亦宋之舊京又或言北平之宮室完備就之可省民力

上曰所言皆善惟時有不同耳長安洛陽汴京實周秦漢魏唐宋所建國但平定之初民未甦息朕若建都于彼供給力役悉資江南重勞其民若就北平要之官室不能無更作亦未易也今建業長江天塹龍蟠虎踞江

皇明大政紀

卷一

三五

南形勝之地真足以立國臨濠則前江後淮以險可恃以水可漕朕欲以爲中都何如羣臣皆稱善至是始命有司建置城池宮闕如京師之制焉

壬子定藩王朝貢禮

甲寅初製鐵券

上欲封功臣有言台州民錢允一吳越王鏐之裔家歲唐昭宗所賜鐵券遂取之準其式而損益其制

乙卯吐蕃寇臨洮渭源指揮肅正率兵擣虜營降之

戊午征南將軍廖永忠奏將朱亮祖帥師自廣西還上命皇太子率百官迎勞于龍灣

比入見上撫慰懽甚命皇太子送永忠還第

十月壬戌遣湖廣行省平章楊璟諭明昇奉國入覲昇於羣議不能決

甲子甘露降於鍾山

羣臣稱賀上曰休咎之徵雖各以類應朕德涼薄烏足以致斯翰林雅對曰聖人之德上及太清下及太寧中及萬靈則甘露降陛下敬恭天地輯和民人故嘉祥顯著起居魏觀曰帝王恩及於物順於人而甘露降陛下寬租賦減徭役百姓歡豫神應之至以此故也翰林院侍讀學士危素曰王者敬養耆老則甘露降於松栢此陛下尊賢養老之所致也宜告於廟頒示史館以永萬億年無疆之休上曰卿等援引載籍言

皇明大政紀

卷二

三六

非無徵然朕存心警惕惟恐不至焉敢當此一或忘鑒而生驕逸安知嘉祥不爲災異之兆乎告諸宗廟頒之史館非所以垂示於天下後世也羣臣皆頓首謝

庚午命圖中書左丞相魏國公徐達開平王帝遇春等攻戰之蹟於雞鳴山功臣廟以示不忘

辛巳詔天下郡縣皆立學校

上諭中書省臣曰學校之教至元其弊極矣使先王衣冠禮樂之教混爲夷狄上下之間波瀾風靡故學校之設名存實亡况兵變以來人習於戰鬪惟知干戈莫知俎豆朕恒謂治國之要教化爲先教化之道學校爲本今京師雖有太學而天下學校未興宜令郡縣皆立學

校禮延師儒教授生徒以講論聖道使人日漸月化以復先王之舊以革汚染之俗此最急務當速行之

上思州蠻賊黃龍關等聚眾寇鬱林命潭州指揮同知丘廣等率兵討之

十一月壬辰征虜大將軍右丞相徐達北征還入見上慰勞之

乙丑冬至祀昊天上帝於圜丘始奉仁祖淳皇帝配十二月壬戌遣翰林院編修羅復仁兵部主事張福齋詔諭安南占城國王各聽命罷兵

丁卯平章李文忠以所俘脫列伯等獻京師上命釋之仍賜冠帶衣服

皇明大政紀 二卷

三

甲戌遣中書省管勾甘桓會同館副使路景賢封占城國王阿答阿者為占城國王

甲申總兵官丘廣等率兵討上思州追及蠻寇於黃龍關斬之

設河東陝西都轉運鹽使司

己丑大賞平定中原及南征將士之功

故元將王保保以兵襲蘭州指揮張文堅守鞏昌指揮于光來援死之

保保圍城數重文堅守不出戰時鷹揚衛指揮于光守鞏昌將兵來援至蘭州馬蘭灘卒遇保保兵戰敗被執至蘭州城下使喚張將軍出降光大呼曰我不幸被執

公等堅守徐總兵將大軍至矣敵怒批其頰遂過中聞光言守益堅保保進攻不利且懼大軍至乃引去庚戌洪武三年正月辛卯朔

癸巳上以王保保為西北邊患復命右丞相信國公徐達為征虜大將軍浙江行省平章李文忠為左副將軍都督馮勝為右副將軍御史大夫鄧愈為左副將軍湯和為右副將軍往征沙漠

上命諸將曰元主遲留塞外王保保近以孤軍犯我蘭州其志欲僥倖尺寸之利不滅不已今命卿等出師當何先諸將皆曰保保之寇邊者以元主之猶在也若以師直取元主則保保失勢可不戰而自降上曰王保

皇明大政紀 二卷

三

保方以兵臨邊今舍彼而取元主是忘近而趨遠失緩急之宜非計之善吾意欲分兵二道一令大將軍自潼關出西安檣定西以取王保保令左副將軍出居庸入沙漠以追元主使其彼此自救不暇應援況元主遠居沙漠不意吾師之至如孤豚之遇猛虎取之必矣事有一舉而兩得者此是也諸將皆曰善遂受命而行以駙馬都尉王恭為福建行省叅政

詔文武百官入朝除從中書省大都督府御史臺指揮使六部尚書侍郎等官許上殿其餘文武官五品以下並列於丹陛左右違者糾舉官舉正之甲午各道按察司來朝

上詔御史臺官併論之曰。風憲之任。本以折奸邪。理冤抑。糾正庶事。肅清紀綱。以正朝廷。而元末臺憲。每假公法。挾私憤。以相傾排。今日彼傾此之親戚。明日此陷彼之故舊。殆猶蛇蝎。自相毒螫。以致敗亡。而後已。如此。則何以爲臺諫也。今卿等司風紀。當以大公至正爲心。揚善懲惡。辨別邪正。不可循習故常。挾公以濟私。苟或如此。不惟負朕委任。亦且失其職守矣。

命內侍風憲官。與其屬官依品行禮。

命書省符下山東行省。召募木工于萊州。洋海倉運糧以餉永平衛。

禮部定朝日夕月禮。

皇明大政紀

卷二

元

朝日以春分。夕月以秋分。星辰則祔祭于月壇。

庚子遣使往安南高麗占城祀其國山川。仍命各國圖其山川及纂錄其碑碣圖籍付使者還。所至諸國皆勒石紀其事。

壬寅諭吏部不宜以有罪被黜官除廣東脩厓等處擇良吏化道之。

丁巳命戶部主事李亨馳驛往賑西安鳳翔二府饑民。

戶給粟壹石計二萬六千八百八十九石。

沂邳二州山民作亂。命叅政陸聚討平之。

二月壬戌令羣臣有親老者許歸養。

上行後苑見巢鵲卵翼之勞。嘆曰。禽勞如是。况人母子

之恩乎。遂下令云。

甲子合祀太歲四季月將風雲雷雨嶽鎮海濱山川城隍旗纛諸神。

上以各壇專祀。時日與品物各不同。遂合祀。凡設壇十有九。太歲四季月將第一。次風雲雷雨。次五嶽。次五鎮。次四海。次四瀆。次京都鍾山。其各省及左江右江安南占城高麗諸國山川并京都城隍旗纛諸神各以次列。命製四方平定巾式頒行天下。

乙丑詔續修元史。

時儒士歐陽祐等采訪故元元統以後事實還朝。仍命翰林學士宋濂侍制王禕爲總裁。儒士趙壘朱右貝瓊

皇明大政紀

卷二

四

朱世濂王彝張孟兼高遜士李懋本汶張宣張簡杜寅殷宿俞同十四人纂修之。

庚午命百官朝參左右相去不得越二尺。其省府臺官俱就甬道上拜謁。

上問吏部尚書崔亮曰。朕郊祀天地。拜位皆正中。而百官朝參則班東西以避正中。此何禮也。亮對曰。臣聞天子祭天并自午陛。祭社并自子陛。蓋社祭土而主陰。陰北方也。故君升自子陛而南面。答陰之意也。郊祭天而主陽。陽南方也。故君升自午陛而北面。以答陽也。何修之議曰。祭社北面。君答之故南面。祀天南面。君答之故北面。若夫羣臣朝參於上。非答神之義。俱當避君上之

尊。故升降則皆由卯陞。朝班分列東西以避尊卑。義不同也。上曰臣之事君與君之事天其理不同。也因有是命。但不得直行甬道。

召浙西蘄州富民至京。勉諭母凌弱。母吞貧。母害小母欺老孝。敬父母和達親族。周恤貧乏。遜順鄉里。各賜酒食而

中書省臣凡行郊祀禮。以天下戶口錢糧之籍。祭。收入內庫藏之。其天下城池山川地理形勝。悉圖以成書藏之內庫。以垂久遠。

從太常少卿陳琳所奏。

癸未。追封故元帥郭子興為滁陽王。妻張氏為夫人。立廟。明太祖紀二卷。

乙酉。指揮金朝興取東勝州。

集千童荆麟等十八人。

甲子。官大朝會。天子袞冕御殿。則服朝服。見皇太子。則服公服。仍命製朝服以賜百官。

戊子。詔天下有司推訪賢才。以禮遣之。

三月庚寅。免應天徽州等十三府州河南山東北平稅糧。甲申。給賜朝臣袍帶凡二千八百一十三人。

丙申。鄭州知州蘄琦言屯田積粟并選皇臣分鎮要害及。出實中原三事。上令酌行之。

庚子。置秘書監。

秩正六品。監丞一員。直長二員。

辛亥。置南寧柳州二衛。改慶遠安撫司為慶遠府。都督同知汪興祖克武州朔州。

獲元知院馬廣等六百三十四人家屬三千三百七十九人。

戊午。置察言司。以王文卿原本為司令。

司令二人。吏二人。掌受四方奏章。

遣萊州府同知趙秩持詔諭日本國王良懷。不得出沒海濱為患。

四月辛酉。以封建諸王告太廟。禮成。宴羣臣於奉天門及

文華殿。

皇明大政紀二卷。

甲子。禁蒙古色目人更易姓氏。

乙丑。冊封諸皇子為王。

封第二子棣為秦王。第三子橐為晉王。第四子為燕

王。第五子橐為吳王。第六子楨為楚王。第七子棣為齊

王。第八子梓為潭王。第九子杞為趙王。第十子檀為魯

王。從孫守謙為靖江王。

丙寅。諭東宮官屬及王府官屬盡心輔導。

上諭曰。輔導之臣。猶法度之器。必先正己。而後正人。益

德義者。正人之法度。善惡者。修身之衡鑑。汝等輔導諸

子。必申其德義。明其善惡。使之趨正而不流于邪。如此

則能盡輔導之職。觀之梓匠。雖有材木。必加繩削。乃能

成器太子諸王必得賢輔導因質贊山乃能成器
汝等爲官寮各宜盡心又卽經史中古人已行之事
爲鑒戒者采摭其事編次成集朝夕覽之以廣智識亦
有助於輔導羣臣受命頓首而退復顧劉基曰朕觀古
賢聖之君雖治平之世而不忘修省誠以富貴易至於
驕奢驕奢必至於荒縱未有不顛覆者故嘗戒太子諸
王以爲士不能正身修德則殃及身爲士且然況於爲
大將軍徐達等率師大敗故元王保保于沱兒峪保保由
寧夏奔和林

於西遣吏部主事林唐臣資詔封陳日燧爲安南王。

明大政紀 卷二

庚辰置弘文館以胡鉉爲學士。命劉基危素王本中雅
稼皆兼學士。

乙酉湖廣慈利縣土酋覃屋構諸洞蠻爲亂。命湖廣行
省平章楊璟以兵討之。

置磨勘司綜核天下章奏。

五月己丑大將軍徐達分遣左副將軍鄧愈招諭吐番。自
將所部取興元。

遣使訪歷代帝王陵寢。

置司農司開治所於河南。

上以中原之地田多荒蕪命省臣計民授田設官以領
之司設卿一員少卿二員主簿錄事各一員。

乙未嚴官閫之政著爲令俾世守之。

皇后之尊止得治官中嬪婦之事卽宮門外毫髮事不
預焉自后妃以下至嬪使女使小大衣食之費金銀錢
帛器用百物之供皆尚宮奏之而後發內使監官覆奏
方得赴所部關領若尚宮不及奏而朦朧發內官監監
官不覆奏而輒擅領之部者皆論以死或以私書出外
者罪亦如之官嬪以下遇有病雖醫者不得入官中以
其證取藥而已羣臣命婦於慶節朔望朝見中官而已
無故卽不得入官中人君亦無有見外命婦之禮天子
及親王后妃官嬪等必慎選良家子女而聘焉戒勿受
大進恐其貪緣爲奸不利於國也至於外臣請謁寺觀

皇明大政紀 卷二

燒香禱告星斗之類其禁尤嚴。

詔天下守令詢有學識篤行之士禮送京師。

丁酉左副將軍李文忠左丞趙庸敗故元太尉蠻子平章
沙不丁朵耳只八刺等于白海之駱駝山遂進次開平元

平章上都罕等降。

都督孫興祖及燕山右衛指揮平定大興左衛指揮龐輝
等兵大不刺川遇胡兵力戰皆沒於五郎口海寧衛指
揮副使孫虎率兵至落馬河與故元太尉買驢戰死之。

己亥詔設科取士。

詔曰朕聞成周之制取才於貢士故賢者在職而其民
有士君子之行漢唐及宋科舉取士各有定則然但貴

詞章之學而不求德藝之全。前元依古設科取士。而機家勢要結納奔競。輒竊仕祿。所得資品。或居貢士之上。其懷才抱道之賢。恥與並進。甘隱山林。而不起。風俗之弊。以至於此。今朕統一華夏。方與斯民。願得賢人君子。用之。自今年八月為始。特設科舉。以起懷才抱道之士。務在經明行修。博通古今。文質得實。才名相稱。其中選者。朕將親策於廷。觀其學識。第其高下。而任之以官。果才學出眾者。特以顯擢。使中外大臣皆由科舉而選。非有舉者。毋得為官。彼游食之徒。自然易行。

遣使頒科舉詔于高麗安南占城。

大將軍徐達率諸將自徽州南出一百八十里至略陽。擒故皇明大政紀 卷二

元平章蔡瑄。遂入汴州。

故元守將劉思忠。知院金慶祥。以興元諸大將軍徐達降。留將孫興旺張龍鎮守。

癸卯。左副將軍李文忠克應昌。

文忠聞元主於四月二十八日。殂。督兵兼程圍其城。獲元主嫡孫買的里八剌。并后妃宮人。暨諸王省院達官士卒。并獲宋代玉璽金寶一十五宣。和殿玉圖書一。玉冊二。鎮國王帶玉斧各一。及駝馬牛羊無算。遣人俱送京師。

丁未。詔行大射禮。仍令太學生及天下郡縣學生員皆令習射。

戊申。夏至。祭皇地祇於方丘。

先期賜陪祀執事官明衣布。樂舞生各給朝衣。前祀二日。詣仁祖廟告請配享。

辛亥。詔定服色尚赤。

禮部奏。夏尚黑。殷尚白。周尚赤。秦尚黑。漢尚赤。唐服飾尚黃。旗幟尚赤。今承元之後。尚赤為宜。上從之。

甲寅。定神幣各色。

禮部奏。古者禮神。每神幣一。故今郊祀天地及嶽鎮等神。皆如其數。如五嶽則用幣五。是也。至於太廟。每室奉安帝后二神主。止用幣一。恐於節文未稱。各室宜增幣一。庶為得宜。且天地山川等神幣帛。既依古制。天用蒼。

皇明大政紀 卷二

四六

地用黃。日用赤。月用白。皆用本體之色。而五嶽五鎮四海亦各隨其方色。其四瀆及天下諸水。宜用黑色。從之。

湖廣行省平章楊璟。督師攻土酋覃屋。賊遁入溪洞。

璟不悟。屋詐降。使部下黃永謙往報。為屋所執。拒不下。

璟請軍餉欲困之。上切責之。命叅政戴德以兵從璟。

乃盡力攻之。賊遁去。官軍乃還。

丙辰。免蘇州漕糧三十萬五千八百餘石。

上因戶部請論官吏逋欠如律。憫民困免之。

丁巳。論陣亡物故元帥都尉指揮等官無子孫承襲者。給祿米。食其父母妻子。

鳳翔府寶雞縣進瑞麥一莖五穗者一本。二穗者十餘本。

上謂廷臣曰昔鳳翔錢鏐朕憫其民故特遣人賑恤
未數月遽以瑞麥來獻借使鳳翔未食粒雖有瑞麥可
益苟其民皆得食雖無瑞麥亦傷朕嘗觀自古以來天
下無金革爭鬪之事國和民豐家給人足父慈子孝夫
義妻順兄愛弟敬風俗淳美此足為瑞若此麥之異特
一物之瑞非天下之瑞也

六月癸亥詔嶽鎮海瀆並去前代所封名號皆以山水本
名謂某神

五嶽東嶽太山之神南嶽衡山之神中嶽嵩山之神西
嶽華山之神北嶽恒山之神五嶽東鎮沂山之神南鎮
會稽山之神中鎮霍山之神西鎮吳山之神北鎮醫無
皇明大政紀 卷二

間山之神四海稱東海之神南海之神西海之神北海
之神四瀆稱東瀆大淮之神南瀆大江之神西瀆大河
之神北瀆大濟之神

定各處府州縣城隍稱某府某州某縣城隍之神
某祠

中書省奏凡民庶祭先祖歲除祀憲鄉村春秋祈土穀
之神凡有災患禱於祖先里社若鄉厲邑厲之祭則郡
縣自舉之其僧道建齋設醮不許奏章上表投拜青詞
亦不許塑畫天地神祇及白蓮社明尊教白雲宗並現
扶鸞禱聖書符咒水諸術並加禁止庶幾左道不興民
無惑志 詔從之

壬午詔元主曰順帝

命禮部楊士弘凡北方捷至嘗仕元者不許稱賀

命僧克新等三人往西域詔諭吐番仍命圖其所過山川
形勢以歸

左副將宣李文忠遣人送俘獲故元諸王買的里八剌等
及其宮眷等

省臣楊士弘等請以買的里八剌獻俘於廟寶冊令百官
具朝服進 上曰寶冊貯之庫不必進也古者雖有獻

俘之禮武王伐殷曾用之乎憲曰武王事殆不可知唐
太宗嘗行之 上曰太宗是待王世克若遇隋之子孫

恐不行此禮元雖夷狄入主中國百年之內生齒甚繁
皇明大政紀 卷二

家給人足朕之祖父亦預享其太平雖古有獻俘之禮
不忍加之只令服本俗衣以朝朝畢賜以中國衣冠就

令謝恩復謂憲曰故國之妃朝於君者元有此禮不必
效之亦令衣本俗衣於中官朝見見畢賜中國之服亦

令謝恩

乙亥封買的里八剌為崇禮侯

丙子賞天策衛知事朱友文綺帛各五疋

勅指揮張溫守蘭州元將王保保兵圍城溫督將士備
守夜二鼓圍兵上城千戶郭佑被酒醉卧不知覺巡城
守軍擊却之圍既解溫執佑斬之友文諫曰當賊犯城
時將軍斬佑以令眾所謂以軍法從事人無得而議之

今敵既退。乃追罪之。非惟無及於事。且有擅殺之名。實以爲不可溫。悟杖佑而退之。上聞。謂侍臣曰。友文以幕寮能守朝廷法。直言開論長官。此正人也。宜加賞賜。以勸其餘。

丁丑。頒平定沙漠詔于天下。仍令使齎詔諭安南高麗占城。

遣使詔諭元宗室部落臣民。

戊寅。遣使詔諭雲南八番西域西洋瑣里瓜哇畏吾兒等國。

上憫嵩縣劉典史任滿入覲服垢弊。以帛賜之。

庚辰。遣使葬宋理宗頂骨于紹興永穆陵。

皇明大政紀 卷二

四九

先是。上與學士危素論宋元興替。素因言元世祖至元間。胡僧嗣古妙高欲毀宋會稽諸陵。時夏人楊璉真伽爲江南總攝。奏請如二僧言。遂發諸陵。取其金寶。以諸帝遺骨瘞於杭之故宮。築浮屠其上。以厭之。又截理宗頂骨爲飲器。天下聞之。莫不心酸。上聞嘆息久之。謂素曰。宋南渡諸君無大失德。於元又非世仇。元既乘其弱併取之。何乃復縱奸人肆酷如是耶。令北平守將吳勉訪索頂骨所在。果得西僧廬中。既送。至命有司厝於京城之南。至是紹興府以永穆陵圖來獻。遂勅葬於故陵。

故元四大王寇大同。武州指揮程桂等擊走之。

檢其三大王脫忽的帖木兒途京師。

辛巳。詔大同倉入米一石。大原倉入米一石三斗。准給。一引引二百斤。商人鬻畢。卽以原給引自赴所在官司繳之。

詔蘄州杭嘉湖民無田產者。往臨濠開種。以所種田爲世業。官給牛種。舟糧。資遣。仍三年不徵其稅。

時從從者四千餘戶。

乙酉。故元陝西行省吐番宣慰使何鎖南普等。以元所授金銀牌印。宣勅詣左副將軍鄧愈軍門降。及鎮西武諸王。上納刺亦以吐番諸部來降。

先是陝西行省員外郎許允德。招諭吐番十八族大石。

皇明大政紀 卷二

五十一

門俄城。北州岷州等處。於是。何鎖南普來降。

七月丁亥。續修元史成。詔刊行之。

官學士宋廉。銀二十兩。文綺帛各二。授儒士張宣等官。出越地。未白。宋世廉乞還田里。從之。

官品以上。上殿者。坐墩之制。皇太子以下。及文官三品以上。武

官一品以上。及親王。以青爲質。綉蟠螭雲花爲飾。宰相及一品。以赤爲質。飾止雲花二品以下。蒲墩爲飾。凡大

朝會宴賜坐墩。退朝燕閒。及行幸之處。則中書省大都督府官三品以上。及勳舊之臣。文學之官。賜坐者。仍加

絨前。綉綳命如其式制之。

辛卯命編直隸應天等十八府州及江西九江饒州南

三府均工夫圖冊

每歲農隙其夫赴京供役歲率三十日遣歸

詔建諸王府

工部尚書張元泰諸王官城宜各因其國擇地請奏用

陝西治旨用太原新城燕用元舊內殿楚用武昌舊

府下基齊川青州益都縣治潭用潭州玄妙觀基靖江

府下基齊川青州益都縣治潭用潭州玄妙觀基靖江

內申定功臣守墓人戶各以封爵官品金等給之

丁酉免朔州府屬五千四百引

皇明大政紀 卷二

御史臺奏令官吏陪賞。上恐殃及小民免之。

壬寅賜文武官朝服。

命平章胡廷美往河南開封等府招集故元王保保所部

亡散士卒。凡占籍在洪武元年者聽。二年以後者收入兵

伍。

甲辰賜崇禮侯買的里八剌母妃以下鍍金銀首飾并紗

羅布服。

偽夏明昇將吳友仁寇興元守將金興旺擊却之。

中書左丞楊憲以罪伏誅。

寧市權要罷。陰忌害人以嗾御史劉炳劾汪廣洋事。遂

劉基併發其奸狀及諸陰事。上大怒。按問皆實誅之。

丙辰。上概內藏皆民力所供。諭臣下宜儉約以省浮費。

八月丙子。禁官民衣服不得用黃色爲飾。及彩畫古先帝

王后妃聖賢人物故事。日月龍鳳獅子麒麟犀象之形。如

舊有者限百日内毀之。

癸未。定宗廟四時之祭。皆用孟月。及歲除凡五祭。其清明

等節各備時物薦享。

禮部尚書崔亮奏請改正。

定親王從享功臣配享儀。

乙酉。詔在京軍諸倉增設京畿漕運司官專督其事。

論中書省臣遣人循歷水陸收遺骸瘞之。

是月京師及各行省開鄉試。

皇明大政紀 卷二

初九日始試初場。十二日試第二場。十五日試第三

場。京師直隸府州額百人。河南山東山西陝西北平福

建江西浙江湖廣各四十人。廣東廣西各二十五人。若

人材衆多之處不拘額數。若不能及數者亦從之。考試

之法。大略損益前代之制。初場四書疑問本經義及四

書義各一道。第二場論一道。第三場策一道。中式者復

十日後以五事試之。曰騎射書算律騎觀驅馳便捷射

觀其中之多寡。書通於六義。算通於九法律觀其決斷。

九月戊子。改東嶽行祠爲京師城隍。上親爲文以告之。

禮部尚書陶凱因舊卑隘請改之。

辛卯。放太子賓客梁貞還田里。

翰林侍讀學士魏觀自今太廟止稱孝子皇帝凡遣六
子行禮止稱命長子某著爲令

戊申詔以故元降將江文清爲千戶楊思祖爲衛鎮撫因
遺還招其部曲

甲寅遣斷事黃儔詔諭遼陽等處官民率衆來降

乙卯定朝會宴樂舞之數

凡奏樂出皆按月律前三奏和緩中四奏壯烈後二奏
舒長也臨深之曲名飛龍引開太平之曲名風雲會安
建業之曲名慶皇都訓羣雄之曲名喜昇平平幽都之
曲名賀聖明撫四夷之曲名龍池宴定封賞之曲名九
重歡大一統之曲名鳳凰吟守昇平之曲名萬年春其

皇明大政紀 二卷

五三

十二月按律樂歌正月爲萬年春二月爲玉街行三月
爲賀聖明四月爲喜昇平五月爲樂清朝六月爲慶皇
都七月爲永太平八月爲鳳凰吟九月爲飛龍引十月
爲龍池宴十一月爲金門樂十二月爲風雲會其武舞
曲名清海宇文舞曲名泰階平

修禮書成賜曰大明集禮

其書以吉凶軍賓嘉冠服車輅儀仗鹵簿字學樂爲綱
所該之目吉禮十四曰祀天曰祀地曰宗廟曰社稷曰
朝日曰夕月曰先農曰太歲風雲雷雨師曰嶽鎮海瀆
天下山川城隍曰旗纛曰馬祖先牧社馬步曰祭厲曰
祀典神祇曰二皇孔子嘉禮五曰朝會曰冊拜曰冠禮

曰婚曰鄉飲酒禮賓禮二曰朝貢曰遣使軍禮三曰親
征曰遣將曰大射凶禮二曰吊賻曰喪儀又冠服車輅
儀仗鹵簿字學各一樂三曰鍾律曰雅樂曰俗樂凡升
降儀節度制名數纖悉備具通五十卷詔頒行之授
會稽徐一夔周子諒董襄以官惟梁寅等六人以疾賜
還鄉里俱賞物有金

十一月丙辰勅省臺延聘儒士於午門番直與諸將說書
從御史袁凱所奏

丁巳勅百官入朝遇雨雪皆服雨衣

上因二內使乾靴行雨中詔責之因下此勅

癸亥命江夏侯周德興爲征南將軍率兵討慈利縣土酋

皇明大政紀 二卷

五四

覃壁及茅岡諸洞蠻仍命潭州常德等衛官軍悉聽調遣
初平章楊璟攻屋見官軍勢盛遁去至是復出爲寇故
命德興討之

己巳廣西向武州土官知州黃世缺父至威來朝貢馬及
步物

辛巳遣使致書故元太子愛猷識里達剌

乙酉命作大廟圭瓚

從禮部崔亮所請

十一月壬辰車駕出勞征虜大將軍徐達左副將軍李
文忠於江上

達等平沙漠還上出勞之明日達率諸將上平沙漠

表。

丙申大封功臣。

封公者六人李善長封韓國公徐達封魏國公常遇春
子茂封鄭國公李文忠封曹國公馮勝封宋國公鄧愈
封衛國公封侯二十八人湯和封中山侯唐勝宗封延
安侯陸仲亨封吉安侯周德興封江夏侯華雲龍封淮
安侯節時封濟寧侯耿炳文封長興侯陳德封臨江侯
郭子興封鞏昌侯王志封陸安侯鄭遇春封榮陽侯費
聚封平涼侯吳良封江陰侯吳禎封靖江侯趙榮封南
雄侯廖永忠封德慶侯俞通源封南安侯華高封廣德
侯楊璟封營陽侯康鐸封蕪春侯朱亮祖封永嘉侯傅
瑄明大政紀 二卷 五五

友德封穎川侯胡廷美封豫章侯韓政封東平侯黃彬

封宜春侯曹良臣封宣寧侯梅思祖封汝南侯陸聚封

河南侯。

嘗陝西蘭州等處守禦將士。

丁酉以定功封爵詔天下。

戊戌大宴諸功臣。

祭戰沒功臣。

辛丑諭諸武臣親近儒臣講求古名將成功立業故事。
辛亥詔覈民數給以戶帖。
乙卯封中書左丞汪廣洋爲忠勤伯御史中丞兼弘文館
學士劉基爲誠意伯。

十二月癸亥故元主之子失篤兒國舅何里麻思海牙
馬忙哥失等來降 詔各賜第宅。

已未詔陝西大小鹽池設鹽課提舉司。

辛酉大明志書成。

先是命儒士魏俊民黃震劉儼丁鳳鄭思先鄭雄等六
人類編天下郡地理形勢降附始末爲書凡天下行
省十二府一百二十州一百八縣八百八十七安撫司
三長官司一東至海南至瓊崖西至臨洮北至北平至
是成書命送史書監鈐梓頒行俊民等皆授以官。

甲子建奉先殿。

詔禮部尚書陶凱議凱請於乾清宮左別建奉先殿以

奉神御每日焚香朔望薦新節序及生辰皆于此祭祀

用常饌行家人禮。上從之。

京師王國各府州縣祭無祀鬼神。

歲以三月清明七月望及十月朔長吏率寮佐致祭。

允公侯儀從。

長沙洞苗作亂江夏侯周德興討平之。

禮部尚書陶凱請選人專任東宮官。上諭止之。

上曰朕以廷臣有才望勲德者兼東宮官非無謂也嘗

慮廷臣與東宮官屬有不相能遂成嫌隙或生奸謀離

間骨肉其禍非細若江克之事可爲明鑑朕今立法令

省臺都督府官兼東宮官贊輔之職父子一體君臣一

心庶幾無交構之患也。

壬午日中有黑子 詔廷臣言得失

起居注萬諭言日者陽之精也至陽之中而有黑子焉是陰之奸乎陽也其在人事德為陽刑為陰君子為陽小人為陰刑勝乎德小人勝乎君子臣請凡臣民有罪法當死者皆三覆奏毋輒置之刑小人而奸君子之位者黜之庶乎天象感也吏部尚書郎本中言日者君之象也在 陛下修德以禳之君德修則天變自消昔宋景公一言之善災惑猶為之退舍况 陛下以天錫之資誠能益加修省何天變之不回哉且河南中原之士隱於山林者宜訪求之仕於朝者有能加其官或不能

聖明六政紀

二卷

五一

者加其黜罰焉凡天之仁愛人君鑒視告戒無所不在則人君體之於心而施之於政者亦當無所不用其情也詩曰明明在上赫赫在下天人感應之機如此願陛下無忽 上皆嘉納其言。

甲申命禮部尚書陶凱鑄齋戒銅人。

高一尺有五寸手執書簡曰齋戒三日凡致齋之期置

御前使心有所警省。

辛亥洪武四年正月乙酉朔。

丙戌中書左丞相太師韓國公李善長乞致仕從之。

以中書右丞忠勤伯汪廣洋為中書右丞相叅知政事胡惟庸為中書右丞。

丁亥 上親祀上下神祇告伐明昇命中山侯湯和為征南將軍江夏侯周德興為左副將軍德慶侯廖永忠為右副將軍暨營陽侯楊璟都督僉事葉昇率京衛荆湘舟師由瞿塘趨重慶賴川侯傅友德為征虜前將軍濟寧侯顧瑄為左副將軍都督僉事何文輝等率河南陝西步騎由奉龍趨成都

命中山左丞相徐達往北平操練軍馬繕治城池。

詔濟南濟寧青州萊州徐州等衛悉聽達節制。

戊子命宋國公馮勝往陝西修城池。

命臨國公鄧愈往襄陽訓練軍馬運糧餉以給征蜀軍士。

詔定親祀圓丘方丘宗廟及朝日夕月服衮冕祭星辰社

聖明六政紀

二卷

五八

稷太歲風雲雷雨嶽鎮海濱山川先農皆用皮弁服陪祭官各服本品梁冠祭服。

己丑製玉圖記一賜 皇太子。

文曰大本堂記。

戊戌製玉圖記二賜中官。

文曰厚載之記。

己亥御史臺進擬憲綱。

凡四十條 上親加刪定頒給羣臣。

中書省臣上天下府州官數。

府州縣凡一千二百三十九官五千四百八十八員。

癸卯詔中書省以庫所儲布帛製綿襖運赴蔚朔寧夏等

處以給將士。

甲辰修治廣西興安縣三十六靈渠徙屬桂林府。

修馬援故渠可溉田萬頃。

乙巳詔宦官月支廩米壹石。

二月戊午翰林侍讀學士張以寧吏部主事林唐臣翰林編修王廉自安南使還其王陳日燧遣其臣阮汝亮偕來上表謝恩貢方物。

以刑部郎中劉惟謙爲尚書。

上諭之曰膏梁所以克饑藥石所以療病使無病之人舍膏梁而餌藥石適足以害身仁義者養民之膏梁也刑罰者懲惡之藥石也故爲政者舍仁義而專務刑罰

皇明大政紀 二卷

元

是以藥石毒民非善治之道也今擢卿爲刑官之長卿於用法之際常體古人欽恤意則張釋之于定國皆可爲矣卿其勉之。

詔各省鄉試連試三年。

是後則三年一舉著爲定例。

命中書省戶部定文武官歲祿。

命侍讀學士詹同國子司業宋濂考試禮闈。

戊辰奉先殿成令禮部製四代 帝后神位衣冠并定諸

祭儀物及常用祝文。

辛未命工部遣官往廣東買耕牛以給中原屯種之民。

壬申中書省奏會試舉人俞友仁等

命戶部定淮浙中鹽之例。

甲戌故元遼陽守將平章劉益以遼東州郡地圖并籍其兵馬錢糧之數遣右丞董遵僉院楊賢奉表來降 詔置遼東衛指揮使司以益爲指揮同知

三月乙酉廷試會試中式舉人賜一甲吳伯宗郭玘吳公達進士及第賜二甲楊自立等十七人進士出身賜第三甲姚宗敬等一百人同進士出身

詔賜伯宗朝衣冠帶授禮部員外郎高麗入試者三人惟金濤登第授東昌府安丘縣丞林實卞伯儒皆不第三人皆以不通華言請還本國 詔厚給道里費遣舟途還。

皇明大政紀 二卷

六十

癸巳廣西衛指揮僉事左君弼等平溪洞蠻獠賞綺帛各有分。

丁未詔大小武臣亡沒者卹世襲。

遣使祭歷代帝王陵寢。

上諭古先聖帝賢王以及歷代帝王曾主中原安人民者皆春秋祭祀偏安之君雖賢不祭主中原而昏愚者亦不祭。

壬寅詔臨濠之田驗丁力計畝給之不許兼并者多占。閏三月己未賜功臣守墳人戶。

甲子命吏部定內監等官品秩自監令正五品以下至從七品有差。

上謂侍臣曰古之宦豎不過司晨昏供役使而已
鄧太后以女主稱制不接公卿乃以閹人為常侍
門通命自此以來權傾人主及其為患如城狐社鼠
可以去朕謂此輩但當服事官禁豈可假以權勢縱其
狂亂吾所以防之極嚴但犯法者必斥之不令在左右
戒履霜堅冰之意也

壬午詔獎吳興王昇善教子賜金絹以旌之仍復其家

昇子為平涼知縣以書托御史幕官宇文桂達之因刑
部搜獄中囚得其私書以奏上覽其書內云凡為官
須廉潔自持貧者士之常也古人謂貧乏不能存此是

好消息撫民以仁慈為心報國以忠勤為本處已以謙
皇明大政紀 二卷 六二

敬為先進修以學業為務有暇日宜玩經史至於先儒
性理之書亦當潛心其間於此見得透徹則自然思無
邪又熟讀律令則守法不惑仕與學益不可偏廢人便
則買附子二三枚川椒一二斤必經稅而後來餘物非
所覲也 上嘉嘆良久下詔諭之

四月克蜀階州

先是穎川侯傅友德陛辭 上密諭之曰蜀人聞吾西
伐必悉其精銳東守瞿塘北阻金牛以拒我師彼必謂
地險而兵難至若出其不意直搗階文門戶既隙則腹
心自潰兵貴神速但患卿等不勇耳友德受命馳至陝
集諸道兵揚言出金牛而使人潛規知渠州果陽空虛

階文雖有兵壘而守備單弱於是引兵趨陳倉選精
五千為前鋒攀緣山谷晝夜兼行大軍繼之直抵階州
蜀守將平章丁世真率眾來拒友德擊敗之生擒其將
雙刀王等十八人世真遁去遂克階州

中山侯湯和率師克歸州李逢春烽火山寨分遣南雄侯
趙庸宣寧侯曹良臣帥兵取桑植容美洞及會江夏侯周
德興合攻茅岡壘寨平之

克文州

友德兵至文州距城三十里蜀人斷白龍江橋以阻我
師友德督兵修橋以渡至五里關蜀平章丁世真等復
集兵據險都督同知汪興祖躍馬直前中飛石死友德

皇明大政紀 二卷 六二

怒奮兵急攻破之世真徑以數騎遁去遂拔之

庚寅 上以湯和傅友德等伐蜀三月未得捷報命永嘉
侯朱亮祖率兵助之

丁酉穎川侯傅友德下渠州果陽留指揮潘忠守之

癸卯克綿州

友德徇下江油彰明二縣遂趨綿州遣都督僉事藍玉
夜襲其壘蜀將向大亨軍驚擾達旦友德麾兵乘之蜀
兵大敗大亨走保漢州遂克綿州

戊申冊開平忠武王常遇春女為皇太子妃

辛亥定太廟合祭功臣配享儀制

詔立祠祀元御史大夫福壽

五月乙卯詔免江西秋糧。

丁巳以李守道詹同爲吏部尚書。

上諭曰吏部者衡鑑之司鑑明則物之妍媸無所遁衡平則物之輕重得其當蓋政事之得失在庶官任官之賢否由吏部任得其人則政理民安任非其人則瘼官曠職卿等居持衡之任宜在公平以辨賢否毋但庸庸碌碌立位而已。

丙寅詔立大社壇於中都。

乙亥詔免兩浙秋糧。

已卯順川侯傅友德造戰艦成將兵漢州。

友德欲以軍中泊息達湯和而山川懸隔適江水暴漲。

皇明大政紀 卷二

六三

乃以木牌數千書克階文綿州日月投漢江順流而下。

蜀守者見之爲之解體。

六月壬午克漢州。

初夏人聞王師伐蜀命丞相戴壽大尉吳友仁等悉衆守瞿塘及聞友德破階文下江油乃分兵還援漢州而舟師已逼漢州向大亨悉兵拒戰友德擊破之既壽兵至友德下令諸將曰彼勞師遠來聞向大亨兵敗衆心洶洶一戰可克也乃親率師迎擊壽兵大敗遂拔漢州擒其招討黃龍萬戶梁士達等百餘人壽與大亨走成都臨江侯陳德追擊敗之獲其卒三千餘人馬三百匹友仁走古城友德乃以濟寧侯顧時守漢州自將擊古

城又大敗其衆擒殺二千餘人并擒宣慰胡孔章等。

馬騾五百餘匹友仁自古城遁還保寧。

戊子德慶侯廖永忠大敗蜀兵于舊夔州。

辛卯拔瞿塘入夔州。

永忠進兵瞿塘關以山勢峻急而蜀人設鐵索飛橋橫據關口我舟不得進乃密遣壯士數百人昇小舟踰山渡關以據上流人持檣糧帶水筒以禦饑渴山多草木永忠士皆衣青蓑衣魚貫山岩石間蜀人不之覺也度其寨精銳出黑葉渡分爲兩道夜丑鼓以一軍攻其陸寨以一軍攻其水寨將士皆以鐵裹船頭置火器而前黎明蜀人盡銳來拒永忠已破其陸寨矣既而

皇明大政紀 卷二

六四

將士昇出江者一時俱發上流揚旗鼓譟而下蜀人出不意大駭而下流之師亦擁舟前進發火箭火炮來擊大破之其將鄒興中火箭死遂焚其三橋斷其橫江鐵索擒同僉蔣達等八千餘人斬首千餘級溺死者無算飛天張鐵頭張等皆遁去遂入夔州明日中山侯湯和兵亦至分道並進和率步騎永忠率舟師約會于重慶戊戌僞夏平章丁世真率衆陷文州指揮僉事朱顯忠死之。

僞夏趙元帥與世真合兵攻城城中食且盡外援不至下皆曰與其陷死地就若出城求生路乎顯忠厲聲曰爲將守城城存與存城亡與亡豈有求生活將軍耶詰

旦世眞攻圍益急顯忠遂出兵東門拒戰而世眞行西門日且暮顯忠被傷髮蒼夫戰力不支城破爲亂兵所殺千戶王均諒被執不屈蜀人磔之于文州東門初顯忠領士卒七百餘人及城破僅一百人旣而友德調兵來援世眞棄城遁去事聞使祭顯忠均諒厚恤其家僞夏守金州九龍山寨平章俞思忠率其官屬軍民二千餘百人詣軍門降獻良馬千匹

友德遣人送至京上命還其馬賜第居京師壬寅故元右丞張良佐左丞房嵩遣叅政張華等貢馬及送殺劉益送當平章八舟等至京并上故元所授印章宣勅金牌詔以張良佐房嵩爲遼東衛指揮僉事

皇明大政紀 二卷

五

癸卯克重慶僞夏明昇面縛衛壁與母彭氏及其右丞劉仁等奉表詣軍門降

初廖永忠乘勝抵重慶劉仁勸明昇奔成都昇母彭氏泣曰事勢如此縱往成都不過逃命旦夕何益仁曰然則奈何彭氏曰大軍入蜀勢如破竹今城中兵民雖數萬膽破心悸豈能効力若驅之拒守死傷必多亦終不免也不如早降以免生靈鋒鏑昇遂遣使詣永忠軍營納款永忠以湯和軍未至辭不受及和至來降和受璧永忠解縛承制撫慰下令將士不得侵掠撫諭戴壽向大亨等家令其子弟持書往成都招諭遣指揮萬德送昇等并降表于京師

詔定武臣金銀牌制

上親制文給之曰上天祐民朕乃率撫威加華夷實憑虎臣錫爾金符永傳後嗣字皆陽文

戊申制宴享九奏樂章成

唐同陶凱同上之其曲一曰本太初二曰仰大明三曰民初生四曰品物亨五曰御六龍六曰泰階平七曰君德成八曰聖道成九曰樂清寧

魏國公徐達徙北平山後之民三萬五千八百戶一十九萬七千二十七口散處衛府籍爲軍者給衣糧籍爲民者給田以耕凡已降而內徙者戶三萬四千五十六

七月辛亥存心錄成

皇明大政紀 二卷

六

上覽之謂諸儒臣曰朕聞歷代賢君事神之道罔不祗肅故百靈效祉休徵類應及乎衰世之君罔知攸敬遠天慢神非惟感召災譴而國之禍亂亦由是而致朕爲是懼每於臨祭必誠必敬惟恐未至故命卿等編此書欲示警戒夫水可以鑒形古可以鑒今是編所載善惡豈惟行之于今將俾子孫以爲法守

以豐城知縣林唐臣爲吏部考功郎中

唐臣名弼漳州人與修元史授考功主事上嘉其使安南不受贖命知豐城以事逮至京於獄中陳情詔釋之陞前官

論中書不必素祥繡如災異蝗旱之事卽時報奏

置定遼衛都指揮使司總轄遼東諸衛軍馬修治城池

馬榮葉旺爲都指揮使

庚申穎川侯傅友德兵圍成都僞夏丞相戴壽知院向大

亨以城降

初壽等以象載甲士列陣拒戰友德擊敗之及聞重慶

已下遂納款得士馬二萬友德分兵徇下州縣之未下

者

壬戌下崇慶州

友德擊敗知州尹舍清斬之判官王桂葉率耆民降

乙丑制授明昇爲歸義侯賜冠帶衣服居第於京師

初昇至中書省擬宋待孟景儀以進上曰明昇與孟

景不同景專治國政所爲奢縱昇年幼事由臣下宜免

其叩頭伏地上表請罪之禮

淮安侯華雲龍襲破雲川故元平章僧家奴營擒之盡俘

其衆并獲駝馬四百餘匹

占城國王阿答阿者遣陪臣奏安南侵其土地命中書

省移咨安南國王即日罷兵各保疆土

乙亥命太常寺祀馬祖

先是蜀明昇獻良馬一匹色正白身長十有一尺首高

九尺足高七尺有肉隱起項下厚五分廣三寸餘貫膺

絡腹精采流動轡勒不可近引之輒人立而吼上謂

天既生此英物必有神以司之命太常以少牢祀馬祖

復囊沙四百斤壓馬令人跨其上日遊行苑中久之

漸馴服後上夕月於清涼山乃乘之而出如驅雲

風馳驅甚適上大悅賜名飛越峰

唐辰僞夏平章丁世真率餘黨寇秦川戰敗遁走爲小校

所殺中書奏請賞小校詔止之

上曰小校殺本管非義也何賞爲不許

八月辛巳改制用寶金牌二副中書省與大都督府各掌

之

凡軍機文書非大都督府長官與中書丞相及在省長

官不許入奏亦不許擅自請奏若有詔急令調軍中書

省即會大都督府官同入覆奏然後各出所藏金牌入

皇明大政紀

內請寶入用如大都督府先奉旨亦如之其有不行

約會以姦臣論

癸未皇第十二子生

癸巳浣泥國馬合漠沙遣其臣亦思麻逸進表箋貢方物

詔賜文綺答之

貢有鶴頂朱玳瑁孔雀梅花龍腦米西泮白布及降香

黃蠟等物

己亥周德興等克保寧

先是遣諭湯和等曰今全蜀已下惟吳友仁尚據保寧

偷旦夕之命乘機而取之此破竹之勢無不克者將軍

徘徊不進何也吾付將軍以大任而臨事往往逗撓如

此何以總軍政寄國命乎和等聞詔始遣劉德興令

友德兵克其城執吳友仁械送京師蜀地悉平

戊申潁州上猶縣山寇作亂命宜春侯黃彬領兵討捕

高州府海寇羅子仁等作亂殺通判王名舍雷州衛千戶

黃青領兵擒子仁等殲之

九月庚申三佛齊國王馬哈刺札八刺卜遣其臣玉的力

馬罕亦里牙思奉金表來朝貢黑熊火雞孔雀五色鸚鵡

及諸香兜羅綿被苾布物詔賜文綺答之

辛未諭省府臺臣以蠻夷小國阻山越海僻在一隅不為

中國患者不可輒自興兵惟西北胡戎世為中國患不可

不謹備

明大政紀 二卷

充

乙亥詔親祭天地宗廟齋五日祀日月星辰社稷山川風

雲雷雨霽三日降香齋一日著為令

丙子置成都衛右中前後四衛

初成都既克潁川侯傅友德等留官軍守之及曹國公

李文忠經理四川以舊城低隘增築新城高壘深池規

模粗備而友德猶駐兵保寧中山侯湯和駐兵重慶各

遣人招輯番漢人民及明氏潰亡士卒來歸者因籍其

壯丁置各衛以分隸之

置保寧守禦千戶所

初王師克保寧潁川侯傅友德留和陽衛指揮黃榮駐

守至是曹國公李文忠調濠梁等衛官軍置千戶所

之

十月庚辰論天下有災變即以實上聞

癸巳日本國王良懷遣其臣僧祖來進表等貢馬方物并

僧九人來朝又送至明州台州被虜男子七十餘口詔

賜文綺答之

丁未置紹南青州二守禦千戶所

十一月庚申命自今官文犯贓罪者無貸

壬申賊責指揮郭英私役軍士為私室宿令改過

十二月乙酉吏部奏天下府縣官數

府一百四十一官八百八十州一百九十二官五百七

皇明大政紀 二卷

充

十二縣一千三百官三千四十一

定文武官祖父封贈之典

丙戌淮安侯華雲龍遣人送故元惠王伯都不花儲王伯

顏不花宗王子蠻伯帖木兒至京獻馬及金寶金印金銀

字牌上命賜第宅錦綉襲衣及帷帳褥褥什器等物

仍月給錢米有差

詔靖江侯吳祿籍方國珍所部溫台慶元三府軍士及蘭

秀山無田糧之民賞克船戶者凡十一萬一千七百三十

人隸各衛為軍仍禁濱海民不得私出海

辛卯賞平蜀將士

惟榮陽侯楊璟南雄侯趙庸永嘉侯朱亮祖不與賞

癸巳逮漢中知府費震至京。詔釋之。

丙申置永寧貴州二衛及瞿塘漢中階州三守禦千戶所皆曹國公李文忠經理。

戊戌詔定官民揖拜禮。

宜春侯黃彬平贛州上猶山寇還。命賞其將士文綺錢帛有差。

壬子洪武五年正月己酉朔。

壬子置親王護衛指揮使司。

每王府設三護衛設左右中前後五所。所設千戶二百戶十人。設圍子手二所。每所千戶一人。

詔今後犯罪當謫兩廣克軍者俱發臨濠屯田。

皇明大政紀

卷二

瑣里國王卜納的遣其臣撒馬牙葉加兒幹的亦刺丹八兒山奉金葉表貢方物。詔厚賜文綺答之。

馬一匹。紅撒哈刺一連。紅八者藍布四疋。紅番布二疋。

凱本里布四疋。珠子頂串一副。并繪其土地山川以獻。

癸丑遣翰林待制王禕偕繇成齋詔諭雲南。梁王久留禕不遣死之。

上諭禮部近代以來舉人不中式往往謗毀主司。今後有此者罪之。

甲子遣楊載持詔諭琉球國。

乙丑詔賜魏國公徐達曹國公李文忠宋國公馮勝交趾弓五十。彤弓百。

五色雲見。

今魏國公徐達爲征虜大將軍出中路曹國公李文忠爲左副將軍出東路宋國公馮勝爲征西將軍出西路三道並進以清沙漠。

時王保保爲邊患達等勸領兵剿絕之。

命靖海侯吳禎率舟師運糧遼東以給軍餉。

上以古州田州澧州等處洞蠻管梗化作亂命衛國公鄧愈爲征南將軍江夏侯周德興江陰侯吳良爲副將軍討之。

愈率朱陽侯楊璟宜春侯黃彬出澧州德興率南雄侯趙庸指揮僉事左君弼出南寧良率平章李伯昇出清

州三道並進。

皇明大政紀

卷二

七

戊寅故元知院阿魯真巴魯王子赤斤帖木兒等來降。貢馬賜衣一襲令馳傳詣浙江徧觀城邑山川。

二月己卯諭羣臣盡心修職無負國家。

上諭曰居官者任之大小雖不同要皆盡其職而已昔范文正公居位凡一日之所爲必求與食相稱或有不及明日必補之其心始安賢人君子於國家盡心如此朝廷豈有廢事天下安得不治元之將亡內外諸官皆安於苟且不修職事惟日食肥甘因循度日凡生民疾苦政事得失略不究心紀綱廢弛民心日離遂至土崩此皆近事可爲明鑒朕每夜不安寢未明視朝嘗恐天

下之事或有廢怠不舉民受其弊卿等當體朕懷盡心能修厥職無負國家異日垂名青史豈不美乎丙戌安南陳叔明遣其臣阮汝霖來朝奉表貢象詔却之

禮部已受其表主事曾魯取其副視之曰前王乃日燧今表曰叔明必有故也亟白尚書詰之蓋叔明逼死日燧而奪其位懼朝廷致伐故托修貢以規意汝霖不隱具言之上曰島夷何狡猾如此却其貢不受

戶部奏大原陽曲縣貢納鹽糧米二千五百八十餘石

詔悉蠲之

戶部奏准四川茶稅候西番易馬

皇明大政紀

二卷

七三

產巴茶凡四百七十七處茶二百三十八萬六千九百四十三株茶戶三百一十五宜依制每茶十株官取其一徵茶二兩無戶茶園令耨種以十分爲率官取其八歲計得茶一萬九千二百八十斤令有司貯候西番易馬

戶部奏准會計四川鹽數開煎

出鹽共計一千四百五十六處已開煎三百八十處其未開者一千七十六處遂命會計各郡邑軍民歲食及鹽馬司市馬歲額之數煎辦餘井塞之

三月辛亥命禮部重定官民相見禮

詔庶民婦女袍衫止以紫綠桃紅及諸淺淡顏色其大紅

鴉綠青黃色悉禁勿用帶以藍絹布爲之丁卯都督藍玉擊敗王保保兵於土刺河

辛卯詔車駕出入有司肅清道路官民不許開門觀望行立所在官員父老合迎駕者於仗外路左叩頭俯伏俟車駕前行方起

高麗王顯遣密直同知洪師範等奉表賀平夏貢方物且請子弟入大學

上謂中書省臣曰高麗欲遣子入大學此亦美事但其涉海遠來離其父母未免彼此懷思爾宜令其王與羣

下熟議之爲父兄者果願遣子弟入學爲子弟者果願

聽父兄之命無所勉強卽遣使護送至京或居一年或

皇明大政紀

二卷

七四

半年聽其歸省也

四月戊寅廣西官軍討平宣化盜命大都督府按南寧指揮左君弼激變罪禁戢其卒

戊戌詔天下舉行鄉飲酒禮

庚子衛國公鄧愈遣榮陽侯楊璟等討澧州散毛柿溪赤松安福等三十九洞平之

五月命中書省以綿裘賜遼東將校以衣鞋三萬給戍卒戊午夏至祭皇地祇於方澤

上憂天久不雨命皇后下皆蔬食是夜大雨

皇后具冠服賀曰妾侍陛下二十年每見愛民之心奉拳於念慮之間今茲天旱陛下誠言所孚天心感格遂

致雨澤之應。民得足食。妄敢進賀。上曰。人君所以
民也。民與君爲一體。民食有缺。吾心何安。幸天垂念。獲
茲甘雨。吾何德以堪。皇后能同心憂勤。天下國家所賴
也。

六月丙子。定宦臣禁令。

丁丑。命禮部議官。官女職之制。

定設六局。凡官七十五人。女使十八人。

戊寅。征西將軍馮勝。左副將軍傅友德。率師至甘肅。故元
將上都驢降。

初。勝等師次蘭州。友德先率驍將五千人直趨西涼。遇
元失罕刺之兵戰敗之。至永昌。又敗元大尉朵兒只巴
皇明大政紀 二卷 七十五

于忽刺罕口。大獲其輜重馬牛。進至掃林山。勝等師亦
至。共擊走胡兵。友德手射死其平章不花。追斬其部落
四百餘人。降大尉鎖納兒加平章管著等。至是上都驢
知大軍至。帥所部吏民八百三十餘戶。迎降。勝等撫
輯其民。留官軍守之。遂進至亦集乃路。守將伯顏帖木
兒全城降。師次別駕山口。元岐王朵兒只班遁去。追獲
其平章長加奴等二十七人。及馬駝牛半十餘萬。友德
復引兵至瓜沙州。又敗其兵。獲金銀印。馬駝牛羊二萬
而還。

癸巳。定六部職掌。歲終考績。以行黜陟。

丁丑。定命婦冠服制。

壬寅。命中書省預送戰襖三萬鞋六萬八千。納給從征
軍士。

左副將軍李文忠率師深入。敗虜將蠻子哈刺章騎于土
刺河。

文忠率何文輝等兵至口溫之地。虜聞之。夜棄營遁。獲
其牛馬輜重無算。遂進至哈刺莽來。虜部落驚潰。復進
兵至驢胸河。文忠諭將士曰。兵貴神速。宜乘勝追之。千
里襲人。難以重負。於是留部將韓政等守輜重。命士卒
仍持二十日糧。兼程而進。至土刺河。虜將蠻子哈刺章
覘之。悉騎渡河。結陳以待。文忠督兵與戰。數合。虜稍
却。復進至阿魯渾河。虜兵益衆。搏戰不已。文忠馬中流
皇明大政紀 二卷 七十六

矢急下。馬持短兵接戰。從者劉義直奮擊。以身蔽文忠。
拊摩李榮見事急。以所乘馬援文忠。自奪虜馬。乘之。文
忠策馬橫槊。麾衆更進。於是士卒鼓勇皆死戰。虜遂敗。
走獲人馬以萬計。追至青海。虜兵又集。文忠勒兵據險。
椎牛享士。縱所獲馬畜于野。示以閒暇。居三日。虜疑有
伏。不敢逼。乃遁去。文忠亦引兵還。夜行失故道。至桑哥
兒麻士卒無水。渴甚。文忠默禱於天。乘馬跑地。長鳴。泉
水湧出。人皆以爲天助云。

癸卯。句容民獻嘉瓜二。同蒂而生。

上御武樓。中書省臣率百官以進。禮部尚書陶凱奏曰。
陛下臨御。同蒂之瓜產於句容。句容。陛下祖鄉。實爲

神祥。益由聖德和同。國家協慶。故雙瓜連蒂之瑞。獨見於此。以彰陛下保民愛物之仁。非偶然者。上曰。草木之瑞如嘉禾並蓮。合歡連理。兩岐之麥。同蒂之瓜。皆是也。卿等以此歸德於朕。朕否德不敢當之。縱使朕有德。天必不以一物之禎祥示之。苟有微過。垂象以譴告。使我克謹其身。保民不致於禍殃。且草木之祥。生於其土。亦惟其土之八應之於朕。何預若天地間時和歲豐。乃王者之祚。不在微物。遂爲贊賜民錢一千二百。作鐵榜申戒公侯。

甲辰。命工部造紅牌。鐫戒諭后妃之辭。懸於宮中。

七月乙未。左副將軍李文忠。以所獲故元官屬子孫及軍

皇明大政紀

二卷

七七

家屬一千八百四十餘人。送至京師。

上謂都督府臣曰。故元官屬子孫。不宜與士爲伍。俾參隨指揮周龍。有可用者。量才用之。軍士則令舊校李伯顏。不花。領之以隸羽林衛。

壬戌。命工部運文綺及綿戰襪詣大同。以俟給賞大將軍徐達征北軍士。

庚午。高麗王顯奏表言。就羅國不奉朝貢。及多有家古人。留居其國。宜徙之。并乞發兵討蘭透山通逃。詔寢之。

八月丙子。禮部尚書奏擬上親祀。皇太子留居守親王。戎服侍從。皇太子親王雖不陪祀。宜一體齋戒。請著爲令。從之。

已卯。貴州宣慰使雷翠請討部落隴居。詔却之。

上以隴居反側不從。命由於雷翠所激。謂大都督府臣曰。蠻夷多詐。不足信也。中國之兵。豈外夷報怨之具耶。宜遣使諭翠。中守將鎮守邊境。雷翠所請不從。將起邊釁。宜預防之。

乙酉。太原府徐縣西北空中有聲如雷。

河南獻白兔。命放之野。

丙申。副征南將軍吳良等平五開潭溪古州諸蠻。

凡二百四十三洞。籍其民一萬五千。收集逃散士卒四

千五百四十人。牛馬四百餘頭。

九月丁巳。靖海侯吳禎遣遼東故元平章高家奴知樞

皇明大政紀

二卷

七八

密院高大方。同高世舉。張海馬。遼陽路總管高賦等至

京。

戊午。征南將軍周德興等討婪鳳安田等諸洞。悉平之。遂

克泗城州。

壬戌。聖壽節。詔勿賀。

諭高麗國。繼今聖壽節。千秋節。俱免慶賀禮。

十月戊子。詔自今。雜犯死罪。可矜者。免死。發臨濠輪作

甲午。命中書省。諭高麗。并占城。安南等國。遵三年一聘之

禮。或比年一來。所貢方物勿令過多。

上聞驛傳重警。諭中書省。臣令馬夫必糧富丁多者。兄役

有司。務加存恤。有非禮擾害者。罪之。

錫應天太平鎮江寧國廣德秋糧。

十一月壬子。定命婦團衫之制。以紅羅爲之。綉重雉爲等。第一品九等。二品八等。三品七等。四品六等。五品五等。六品四等。七品三等。其餘不用綉雉。

已巳。上以西安河蘭諸處極邊苦寒。戍卒艱苦。命中書省臣以白金及綿布給之。

軍士十萬餘人。凡給白金三十三萬四百餘兩。綿布十四萬七千七百餘疋。

辛未。上因靖海侯吳禎盡收遼東未附地土。以可懼諭之。

上曰。海外之地。悉歸版圖。固有可喜。亦有可懼。禎曰。陛下威德加於四海。夫復何憂。上曰。自古人君之得天下。不在地之大小。而在德之修否。元之天下。地非不廣。及末主荒淫。國祚隨滅。由此觀之。不可懼乎。禎對曰。聖慮深遠。臣愚不及此。

壬申。命賞甘肅京衛軍士。

凡賞一萬四千三百五十人。白金四萬四千兩。時公侯都督指揮千百戶以匿所獲馬騾牛羊不賞。上曰。爲將者不私其身。況於物乎。昔祭遵爲將。愛國奉公。曹彬平南唐。所載惟圖書。汝等能法古人。則今名無窮。今之不賞。汝等當省躬以思補過。諸將皆叩頭謝罪而退。

十一月甲戌。勅中書令有司。今後考課。必書學校農桑之

績。違者降罰。

已卯。上以堯舜執中之旨。諭禮部侍郎曾魯。

上謂魯曰。朕求古帝王之治。莫盛於堯舜。然觀其授受。其要在允執厥中。後之儒者。講之非不精。及見諸行事。往往肯馳。魯曰。堯舜以此道宰制萬事。如執權衡。物之輕重長短。自不能違。而皆得其當。此所以致雍熙之治也。後世鮮能體此道。於是處事之際。欲求其一。一至當難矣。上曰。人君一心。治化之本。存於中者。無堯舜之心。而欲施於政者。有堯舜之治。不可得也。魯又曰。堯舜之道。載之典謨者。無以加矣。至於修身理政。本末次第。具大學一書。上曰。大學平治天下之本。豈可舍此而

他求哉。

庚辰。詔編實錄。

禮部尚書陶凱言。漢唐宋皆有會要。紀載時政。以資稽考。今起居注。紀言紀事。藏之金匱。實爲實錄。凡諸欽錄。聖旨及奏事簿籍。紀載時政。可以垂法後世者。宜依會要編類爲書。使後之議事者有所考焉。其臺省府宜各置銅匱。藏錄簿。以備稽考。俱從之。

乙未。詔別立四川茶局。

四川茶鹽都轉運司言。碶門永寧筠連諸處產茶。各剪粗葉。惟西番夷獠用之。自昔商販未嘗出境。既非茶馬司巴茶之比。宜別立茶局。徵其稅。易紅纓。植杉木布椒。

擬可資國用其居民所收之茶亦宜依江蘇茶法
在官司給引販賣公私便之今擬設永寧茶局一
首鎮歲收茶一十八萬八千斤雅州茶局一曰礪門歲
收茶四十一萬一千六百斤成都茶局三曰灌州歲收
茶七千四百三十斤曰安州歲收茶一萬三千一百七
十斤曰筠連州歲收茶二十九萬六千二百八十斤既
收則徵其十一於官詔從之

庚子詔造獨轅車

徐運督山西河南造八百輛李文忠督北平山東造一
千輛

癸丑洪武六年正月癸卯朔

皇明大政紀

卷二

乙巳豫章侯胡廷美收集江州沔陽舊將士

凡一萬四千五百餘人以舊校六十三人為百戶分領
之賜錢三千士卒人二千戰衣各一襲

賜來朝守令酒食

上諭之曰慈祥愷悌身之德也刻薄殘酷德之賊也君
子成其德而去其賊故惠及於人小人養其賊而悖其
德故殃流於衆且人莫不有是德君子守之不失故天
理恒昭融於中小人舍而不為故私欲恒蔽鋼其內朕
之任官所用惟賢舉廉興孝惟欲厚俗崇德勸善惟欲
成風若偽為慈祥必無仁愛之實偽為愷悌必無樂易
之誠爾等宜勉修厥德廣施惠政以副朕懷

壬子命吉安侯陸仲亨偕大同都督何文輝往北平練兵
防禦

甲寅以舉人張唯王輝李瑞張猗王璉張泰任放馬亮陳
敏俱為編修令入文華堂肄業詔太子贊善大夫宋濂
為之師

上聽政之暇輒幸堂中取其文親定其優劣命光祿日
給酒饌每食皇太子親王迭為之主冬夏賜衣時賜
白金弓矢鞍馬寵遇甚厚

黜中書右丞相汪廣洋為廣東行省參政

時廣洋以異柔息政黜之

丙辰命工部尚書黃肅以俸贖答

皇明大政紀

卷三

肅坐法當答上曰六卿之職不宜以細故加辱命以
俸贖之

戊午命中書省臣同大都督府御史臺六部議教練軍士
律

己未置西寧衛以故元納款朵兒只失給為指揮僉事

辛酉上諭儒臣詹同戒聲色

上曰朕嘗思聲色乃伐性之斧斤易以溺人一有溺焉
則禍敗隨之故其為害甚於鴆毒朕觀前代人君以此
敗亡者不少益為君居天下之尊享四海之福靡曼之
色竊寵之聲何求而不得苟不知遠之則小人乘間納
其淫邪不為迷惑者有幾况創業垂統之君為子孫之

承式尤不可以不謹。同對曰：不遜聲色，昔成湯所以能垂裕後昆。陛下此言，端本澄源，誠萬世子孫之法也。詔免江西沮壞鹽法商民死輸作臨濠。安南陳叔明遣其臣譚應昂等奉表謝罪，貢方物，且請封爵。

應昂懇陳前土日瘧因病而歿，叔明遜避于外，為國人所立。上曰：瘧既病卒，國人當為之服。叔明且以前王印視事，伏能安疆土，撫輯人民，然後定議。命中書下廣西行省備述斯意以諭之。

二月戊子，改羣牧監為太僕寺，以監令唐原亨為太僕寺卿，監丞孫瑛為少卿。

皇明大政紀 卷二

始定養馬之法，命應天廬州鎮江鳳陽等府滁和州民養江北便水草一戶養馬一匹，江南民十一戶養馬一匹，官給舍馬為種，率三牝馬置一牡馬，每一百匹為一羣，羣設羣頭羣副掌之，牝馬歲騾馬一駒，牧飼不如法，缺駒損斃者責償之，其牧地擇旁近水草豐曠之地，春夏牧放游牝秋冬而入寺官，以時巡行羣牧，視馬肥瘠而勸懲之，任滿吏部考其生息多寡以為殿最焉。

甲午，暫停設科舉，別令有司察舉賢才。

三月癸卯，昭鑑錄成。先是命禮部尚書陶凱主事張籌等采摭漢唐以來藩王善惡可為觀戒者為書，會凱出參行省，編輯未成於

是召秦王傳文原吉翰林院編修王傑國子博士李叔允助教朱復泰府錄事蔣子木續修之。至是書成，繕寫為二卷，太子贊善大夫宋濂為叙，以進，賜名曰昭鑑錄，以頒賜諸王。

戊申，上閱武教場，畢諭諸將毋凌虐害民。

壬子，魏國公亦達為征虜大將軍，曹國公李文忠為左副將軍，中山侯湯和為右副將軍，統諸將校往山西北平等處備邊。

甲寅，命德慶侯廖永忠督定遼糧儲，仍以戰衣皮靴各二萬五千給其軍。

庚午，詔會計在京大軍月糧官吏俸給。

皇明大政紀 卷三

月支二十五萬五千六百六十石有奇。

四月壬申，太僕寺丞梁瑩先帖木兒請寧夏境內務農屯田兼行種鹽之法從之。

境內及四川西南至船城東北至塔灘相去八百里，土田膏沃，舟楫通行，宜招集流亡，興此利以足軍食。

戊子，以孔克表為翰林修撰。

己丑，命天下郡縣繪山川圖以進。

戊戌，置御藥局于內府。

辛丑，命吏部訪求天下賢才。

上曰：世有賢才，國之寶也。古之聖王，恒汲汲於求賢，若高宗之於傳說、文王之於呂尚，二君者豈其智之不足

也。而遑遑於版築鼓刀之徒，蓋賢才不備，不足以爲治。鴻鵠之能遠舉者，爲其有羽翼也；蛟龍之能騰躍者，爲其有鱗鬣也。人君之能致治者，爲其有賢人而爲之輔也。今山林之士，豈無德行文藝之有稱者？宜令有司采舉，備禮遣送，至京，朕將任用之，以圖至治。

淮安侯華雲龍奏上諸關防守事宜，從之。

東自永平薊州密雲西至五灰嶺外隘口，通一百二十一里，相去約二千二百里。其王平口至官坐嶺，關隘有九，約去五百餘里，俱係衝要之地，並宜設兵守之。紫荆關及蘆花山嶺尤爲要路，宜設千戶所禦守。

五月壬午，祖訓錄成。

皇明大政紀 卷二

全

其目十有三：曰箴戒，曰持守，曰嚴祭祀，曰嚴出入，曰慎國政，曰禮儀，曰法令，曰內官，曰職制，曰兵衛，曰營繕，曰供用。上親爲之序，首尾六年，凡七謄稿，始克成編。於是頒賜諸王，且錄於謹身殿東廡，乾清宮東壁，令諸王書於王官正殿內東宮壁，以時觀省。

詔定公侯以下家廟禮儀。

六月壬午，盱眙縣民進瑞麥一莖，二穗者凡十六本。

御史答錄與權言：天產嘉祥，皆所以兆國家之福而爲聖世之徵。今瑞麥之產，乃上帝借草木之靈以彰君臣異體同心之象。又產於盱眙，屬臨濠帝鄉，也是宜薦之宗廟，以彰祖宗之神靈。且新麥之登，尚薦宗廟，况瑞麥

乎。上曰：以瑞麥爲朕所致，則不敢當，必歸之祖宗。靈御史之言良是，乃命薦之宗廟。

甲申，胡兵入寇武朔等州。時大將軍徐達駐師臨清，報至遣臨江侯陳德、華昌侯郭子興率兵進擊之。

戊寅，命淮安侯華雲龍都督同知何文輝以永平起集故元舊五省八翼軍士一千六百六十二人分補北平各衛軍伍。

戊子，大將軍魏國公徐達分遣左副將軍李文忠率諸將統騎兵右副將軍馮勝率諸將統步兵分駐山西北平等處，相機招討殘胡。

七月壬子，以中書左丞相胡惟庸爲右丞相，御史中丞陳寧爲御史大夫。

皇明大政紀 卷二

本

丙辰，以吏部尚書詹同等爲翰林學士承旨，仍兼吏部尚書，以兵部尚書樂韶鳳爲翰林侍講學士。

己未，詔禮部每春正月、秋七月享太廟之日，遣官祭功臣於雞鳴山廟。

八月庚午，學士承旨詹同等上所制釋奠先師孔子樂章。

迎神奏咸和之曲，奠帛奏寧和之曲，初獻奏安和之曲，亞獻終獻奏景和之曲，徹饌送神俱奏咸和之曲。

丙子，胡兵寇河州，土門峽千戶王才戰死。臨江侯陳德統兵擊敗之。

丁丑，遣御史大夫陳寧釋奠於先師孔子。

時丞相胡惟庸奏誠意伯劉基恭政馮冕等不陪祭而受昨。上曰劉基等學聖人之道而不暗祀使卿等何以勸。既不與祭而享其昨於禮可乎。其武人不知道理皆不足責。命停基冕俸各一月。寧坐不舉亦停俸半月。自是不與祭不頒昨。

辛巳更定親屬相容隱律。

乙酉建歷代帝王廟於京師。

祀伏羲神農黃帝少昊顓頊高辛唐堯虞舜夏禹商湯周文王武王漢高祖光武唐高祖太宗宋太祖元世祖。

禮部行聖公孔希學以父喪服闋來朝勅勞之。

聖朝大政記

者以其聞聖學之精微明彝倫之攸叙。蓋萬世綱常而不泯也。朕嘗思爾祖之道貫通天人則所以繩祖武者誠為不易。朕聞卿來朝已勅中書饗勞至則領之仍賜襲衣冠帶靴鞋。

己丑京都城成。

週圍二千六百丈高三丈城上戍屋二百七十九。

九月壬寅詔編日曆。

承旨詹同等奏自上起兵渡江以來征討平定之績禮樂治道之詳雖有紀載而未成書乞編日曆歲之金匱傳於後世。上從其請命同與侍講學士宋濂為總裁官侍講學士樂韶鳳為催纂官禮部員外郎吳伯宗

儒士朱右趙壘徐一夔孫祚徐尊生同纂修鄉貢進士黃景國子監生陳益賜等騰寫。

丁卯詔定散官資級文武官誥勅制度。

公侯一品至五品誥命六品至九品勅命公侯及一品誥命用玉伯子男及二品以下用犀五品以下用角。丁未衍聖公孔希學請歸賜白金百兩文綺帛各五疋賜宴於光祿寺命翰林院官待之。

庚戌詔禁四六文辭。

先是命翰林院儒臣擇唐宋名儒表箋可為法者翰林諸臣以卿宗元代柳公綽謝表及韓愈賀雨表進。上命書省臣錄二表頒為天下式論羣臣曰唐虞三代

聖朝大政記

八

典謨訓誥之辭質實不華誠可為千萬世法漢魏之間曾為近古晉宋以降文體日衰駢驪綺靡而古法蕩然矣唐宋之時名儒輩出雖欲一變而卒未能盡變近代制詔表章之類仍蹈舊習朕嘗厭其雕琢殊異古體且使事實為浮文所蔽其自今凡誥諭臣下辭務簡古以革弊習爾中書宜播告中外臣民凡奏箋表疏表文毋用四六對偶悉從典雅。

戊午鑄太和鐘成。

壬戌改臨濠府為中立府。

十月辛未賜弘文館學士胡鉉還鄉。

辛丑却高麗貢馬賜璽書責之。

書云王之貢馬其數五十匹使云道亡者二而至京知數乃金甲丙以已馬足之詢之云欲自進於東宮因道亡遂以備數命使問之果王言乎抑汝意乎對曰非王自願也春秋之法人臣無私交使越風濤之險以奉貢獻而又挾私以行詐此果以小事大之禮乎若使者自爲宜懲治之

壬辰令考究前代糾劾內官法

丁酉江夏侯周德興奏田州府總管黃至威招撫鳳儀等州一百一十七處人民皆來款附上嘉至威招撫之功以安州侯州陽縣屬之

十一月壬子大將軍徐達等擊胡兵於懷柔三角村擒故

元平章康同僉

已未潞州遣人貢人參

上諭之曰朕聞人參得之甚難豈不勞民今後不用進如用當遣人自取因謂省臣曰往年金華貢香米來朕用止之遂以苑中種田數十畝每耕耔刈穫之際親往觀之足以自適及計所入亦足供用朕飲酒不多太原歲進葡萄酒自今亦令勿進國家以養民爲務豈宜口腹累人哉嘗聞宋太祖家法子孫不得遠方取珍味甚得治謀之道也

閏十一月甲申詔定品官家用祭服公服

禮臣定議品官之見尊長而用朝君公服於理未安宜

別製梁冠絳衣絳裳革帶大帶大白襪烏鳥佩綬三裳去緣僕三品以上用佩綬三品以下不用其祭服三品以上去方心曲領三品以下并去佩綬從之仍令如式製祭服賜公侯各一襲以爲祭家廟之用

已丑詔詳定大明律

先是上既命頒行律令又恐小民不能周知命大理卿周禎等直解其意頒行民間既而又令儒臣同刑官共講唐律目錄二十餘條進覽上爲斟酌擇其可行者從之至是重命劉惟謙詳定大明律篇目皆准唐十二月戊戌併僧道寺觀禁女子不得爲尼

上以釋老二教近代崇尚太過徒衆日盛安坐而食囊

財耗民莫甚於此乃令府州縣止存大寺觀一所供其

徒而處之擇有戒行者領其事若請給度牒必考試通經典者方許又以民家多以子女爲尼姑女冠自今年四十以上者聽未及者不許著爲令

皇明大政紀卷之三

臣

豐城雷 禮謹輯

餘姚朱 錦謹校

金谿閔師孔謹訂

甲寅洪武七年正月丁卯朔

已巳江夏侯周德興奏閱武昌等衛十五衛所軍數
軍四萬四千八百九十九人馬騾一千二百一十五匹

長興侯耿炳文奏鞏昌慶陽平涼三衛土著頭目石林仲
榮等二十九人隨征甘肅等處有功請授以職 詔從之
諭東宮臣以正道 太子

上曰太子者天下之重器人有尊卑尚知寶愛 太子
皇明大政紀 卷三

承土器之重豈得不寶愛之乎寶愛之者必擇端人正
士以爲輔翼朝夕與居使其熟聞善言不迺誠行自然
漸漬以成其德若惟委之於便嬖近習是委重器於塗
而不知寶愛之矣汝等日輔太子講論誦說之時必道
之以正使其道明德立才器充廣庶幾他日克勝重任
可以副朕所望

詔都督僉事王簡王誠李伯昇分往彰德濟寧真定統軍
屯

上以河南山東北平建置衛所偃武連年士卒懈怠兵
餉日取諸民故命專之

定親王國中所居殿及城門名

以前殿曰承運中曰圓殿後曰存心四城門正南曰禮
禮北曰廣智東曰體仁西曰遵義

曹國公李文忠敗虜于白登俘其國公李羅帖木兒

文忠駐代縣遣將各出擒平章陳安禮木屑飛于三不
刺斬虜將珍珠驃于順寧陽門

二月丁酉詔免平陽太原汾州等州縣田租

上以其去年罹旱災故蠲之
命有司修治闕里

先師孔子廟廊祭器樂器法服俱新製仍設孔顏孟三
氏子孫教授訓其族人

臨江侯陳德六安侯王志各以所獲韃靼元帥忒魯迷失
皇明大政紀 卷三

等共二百餘人送至京師

德領兵于會寧等處志領兵于朔州等處俱奏捷

三月丁卯勅大將軍徐達左右副將軍李文忠馮勝等以
所統將士分布北平山西屯種

定六安侯王志南雄侯趙庸苗山西營陽侯楊璟汝南
侯梅思忠往北平

蘭州八里麻民郭賈的叛誘番兵入寇詔立賞格購捕之
蘭州衛遣其兄着沙與其弟火石友往招之郭賈的不
從着沙火石友夜斬其首以歸衛以其事聞請賞之
上曰賈的罪固當死然爲兄弟者告之不從執之而已
手自刃之有乖天倫若賞之非所以今天下也但以所

獲牛馬給之。

轉漕粟于陝西。

四月丙申。上巡幸中都。改中立府為鳳陽府。徙治新城。命置鐵冶。凡一十三所。每所置大使副使各一員。

命大將軍徐達以獲故元官屬送京師。軍民居之塞內。都督藍玉敗虜于興和。

丙辰。命宋國公馮勝衛國公鄧愈中山侯湯和華昌侯郭子興復鎮北邊。

五月丙寅。纂修大明曆成。

自。上起兵臨濠。至即位六年癸丑冬十二月。凡征伐次第禮樂沿革。刑政施設羣臣功過。四夷朝貢之類。莫

皇明大政紀

卷三

三

不具載。合一百卷。承旨詹同侍講學士宋濂率儒士進。

命藏之金匱。其副藏於秘書監。濂等又言於上曰。日曆藏之天府。人欲見之。有不可得。臣請倣唐太宗貞觀

政要分類更輯。聖政為書以傳於天下。上從之。於是分為四十類。自敬天至制蠻夷。釐為五卷。總四萬五

千五百餘言。名曰皇明寶訓。自是以後。凡有聖政。史官日記錄之。隨類增入。

乙亥。賜浙江行省徐本李質湖廣行省叅政陶凱吳雲江西行省叅政班用吉夏禮祿米各百石。

禮部尚書牛諒奏古禮大祀齋日。宰牘牛為膳以助精神。詔止之。

上曰。大牢非常用。致齋三日而供三牘。所費太多。徒傷物之心。何益事神之道。諒曰。周禮是古人所定。非過侈也。上曰。周官之法不行。後世多矣。惟自奉者乃欲法古其可哉。

六月丙申。命江夏侯周德興江陰侯吳良署中立府。行大都督府事。

癸丑。置貴州大華麻響長官司。以幸也。為太華長官。的雍為麻響長官。

乙卯。命書鴻龍山功臣廟。祔祭功臣姓名于籍。每歲遇祭。則製神主。命都督府官主祭堂上。各衛指揮祭兩廡。永為定式。

皇明大政紀

卷三

四

戊午。立皇陵祠祭署。上以故人汪文為令。劉英為丞。專典祀事。俾子孫世守之。

詔翰林儒臣詹同宋濂議分獻禮。同等議。上行初獻禮。莫玉帛。將畢。即分獻官行初獻

禮。亞獻終獻皆如之。上從其議。又謂古人祭用香燭。皆所以道達陰陽。以接神明。初無上香之禮。遂定凡祭

祀罷上香。

倭寇膠海。

七月。議增園丘方丘從祀。西番獻葡萄酒。詔却之。

上謂省臣曰。昔元時造葡萄酒。使者相繼於途。勞民甚。豈宜效之。且朕性不喜飲。況中國自有秫米供醕。何用以此勞民。遂却之。使無復進。賜酋長文綺襲衣。遣還曹國公李文忠督兵攻大寧高州大石崖。克之。

斬故元室王朵朶失里。擒承旨百家奴。

八月戊戌。遣故元威順王子伯齋。詔諭雲南。

辛丑。詔天下有司體訪軍士戰死及避難之民死在他鄉。其父母妻子無依者。廩至京。官爲存養。

上躬祀歷代帝王于新廟。

自伏羲至元世祖凡十八帝。服袞冕行禮。

御史答祿與權請行禘禮。詔止之。

皇明大政紀

卷三

五

禮部太常寺翰林院議以爲虞夏商周四代世系明白。其始祖所從出。可得而推。故禘禮可行。自漢唐以來。世系無考。莫能明其始祖所自出。當時所謂禘祭。不過合已祧之主。序昭穆而祭之。乃古之大祫。非禘也。宋神宗嘗曰。禘者所以審始祖之自出。莫知始祖之所自出。禘禮不可行也。今國家既追尊四廟。而始祖之所自出者。未有所考。則禘祭之禮似難遽行。上是其議。

癸卯。遣使賜故元臣禿魯書。并諭故元國公乃兒不花。

曹國公李文忠敗虜于豐州。

擒胡官答俊海把都忽都等十二人。部衆百餘人。并斬曾王。獲其妃蒙哥及其金印。

靖海侯吳禎捕獲倭寇入船送京師。

乙卯。增列侯等官食祿。

擢釋氏郭傳爲翰林應奉。

上御武樓。宋濂侍問曰。天下雖定。朕猶垂意宿學之士。卿知其入乎。濂對曰。會稽有郭傳者。雖寄跡釋氏。誠一代奇才也。上頷之。未幾復召濂曰。郭傳之文。卿可持至手。濂以其文進。上覽之曰。誠如卿言。既召見。俾侍左右。以備顧問。傳精白一心。凡可以獻替者。咸無隱情。擢爲翰林應奉。陞起居注。遷考功丞。

九月戊辰。定祭祀拜禮。

上命節爲十二拜。始迎神四拜。飲福受胙四拜。送神四拜。皇明大政紀

卷三

六

丁丑。遣崇禮侯買的里八剌北還。

上謂廷臣曰。草木無心。遇春而茂。遇秋而零落。氣之所感。猶知榮悴。況於人乎。崇禮侯買的里八剌南來已五載。今既長成。豈無父母鄉土之思。宜遣之還。於是厚禮而歸之。

復設市舶司。

己卯。翰林院奏進回鑾樂歌。

先是。上以祭祀還。宜用樂舞前導。命翰林儒臣撰樂章。以致敬慎鑒戒之意。諭之曰。古人詩歌辭曲。皆寓諷諫之意。後世樂章。惟聞誦美。無復古意。天嘗聞諷諫。則

使人惕然有警。若頌美之辭。使人自警之意。而自
之心。生蓋自恃者。日驕。自警者。日強。朕意如此。卿等
撰述。毋有所避。至是。上所撰神降祥神呪。酣酒色。荒
荒諸曲。凡三十章。曰回鑾樂歌。辭皆存規諫。其舞分爲
八隊。隊皆八人。禮部具圖。以上命樂工肄習之。

十月己未 皇長孫雄英生
命徙江南民十四萬以實中都

上謂李善長曰。濠州吾鄉里。兵革之後。人烟稀少。田土
荒蕪。天下無田耕種。村民儘多。於富庶處。起取數十萬
散於濠州鄉村。居住給與耕牛穀種。使之開墾荒田。永
爲已業。數年之後。豈不富庶。遂移江南民十有四萬詣
皇明大政紀 三卷

鳳陽命官監墾田畝。以善長同列侯吳良周德興等總
督之。

十一月壬戌孝慈錄成。

先是貴妃孫氏薨。勅禮部定喪服之制。禮部尚書牛諒
等奏曰。周禮儀禮。父在爲母服期年。若庶母則無服。
上曰。父母之恩。一也。而喪服低昂若是。其不近於人情
甚矣。乃勅翰林學士宋濂等曰。養生送死。聖王之大政。
諱亡忌疾。衰世之陋俗。三代喪禮。節文尤詳。而散失於
秦周。厄於暴秦。漢唐以降。莫能議此。夫人情有無窮之
變。爾等其考定喪禮。於是濂等考得古人論母喪者。凡
四十二人。願服三年者二十八人。服期年者十四人。奏

之於是 上親定制子爲父母。庶子爲庶母。庶子爲庶母。
年嫡子衆子爲庶母。皆齊衰杖期。五服之內。有
是書成名曰孝慈錄。上自序之。使內外遵守。
甘露降于鍾山。

劉基作頌。述洪武四年十月降于鍾山。五年十一月又
降。今年仍降如初。

詔中書省都督府。爵功臣庶子以流官。

以後有能捍大患禦姦侮者。仍功入世襲。不在流官。或
有不恭怠事。律有常憲。

封卜煙帖木兒爲安定王。

詔分別應赦諸人。

皇明大政紀 三卷

壬午太陰犯軒轅左角。諭中書省臣各告省衛官。凡公
務有乖政體者。宜速改之。

十二月 御註道德經成。

上謂儒臣舉老子所謂五色令人目盲。五音令人耳聾。
與聖人去甚。去奢去泰之類。曰。老子此語。豈徒托之空
言。於養生治國之道。亦有助也。但諸家之註。各有異見。
朕因註之以發其義。

詔鑿石灰山河。

日本國王良懷及其陪臣各遣人入貢。却之。

詔靖海侯吳禎免籍方氏溫台明故兵。

上以寧海知縣王士弘奏妄引平民。即詔罷之。

乙卯洪武八年正月辛酉朔。

各省郡縣來朝以濟寧知府方克勤有善政。賜燕禮。有司論軍士得沒錢者當杖。詔釋之。

潮州府民輸官錢三十餘萬入楊子江舟覆沒其半。民既代償已而軍士有得所沒錢者有司論當杖。上曰士卒得錢於水中非盜也釋之。

乙丑命中書省行天下郡縣訪窮民無告者月給米糧無所依者給之屋舍。

諭曰天下一家民猶一體有不獲其所者當思所以安養之昔吾在民間目擊其苦鰥寡孤獨饑寒困踣之徒常自厭生恨不即死如此者展轉於溝壑可坐而待也。皇明大政紀三卷

九

吾亂離遇此心常惻然故躬提師旅誓清四海以同吾一家之安今代天理物已十餘年若天下之民有流離失所者非惟昧朕之初志於代天之工亦不能盡也爾等為吾輔相當體朕懷不可使有一夫之不獲也。

丙寅遣官祭功臣于鷄籠山廟增祀華雲龍李思齊等八人。

詔天下郡縣間里皆立社學延師儒教民間子弟有司以時程督。

洪武聖政記成。

學士宋濂以上所行關政要者編集成書。

辛巳遣衛國公鄧愈河南侯陸聚往陝西中山侯湯和平

章李伯昇往彰德真定指揮馬俊孫通顏鎮往汝寧。歌孝童能李清陳方庸武興往永平董兵屯田開衛戍。二月庚子御製資世通訓成。

上謂侍臣曰人君為臣民之主任治教之責上古帝王道與天同今朕統一寰宇晝夜弗遑思以化民成俗復古治道乃著是書以示訓戒耳侍臣皆曰此臣民萬世之寶也書凡十四章其一君道章凡十有八事其次臣道章十有七事其次曰民用士用工用商用等十二章皆中戒士庶之意詔刊行之。

詔外夷山川附祭于各省山川之次。

癸丑享先農躬耕籍田。

皇明大政紀三卷

十

命刑部尚書劉惟謙申明馬政。

諭曰馬政國之所重近命設太僕寺俾畿甸之民養馬恐所司收養失宜或擾害養馬之民皆當告戒之昔漢初一馬值百金天子不能具鈞駟及武帝時衆庶街巷有馬阡陌成羣遂能北伐強胡威服戎狄唐初纔得隋馬三千及張萬歲為太僕至七十餘萬此非官得其人馬政修舉故耶爾其為朕申明馬政嚴督有司盡心芻牧務底蕃息有不如今者罪之。

丙子命有司立張巡許遠廟于歸德州歲致祭。

雲南土酋阿奴聰襲劫石門關吉安侯陸仲亨率指揮李榮討平之。

三月詔造大明寶鈔

時中書省及在外各行省皆置局鑄錢有司責民出錢民間皆毀銅器輸官鼓鑄甚勞奸民多盜銅又商賈轉易錢重道遠不便上以宋有交會法而元時亦嘗造交鈔及中統至元寶鈔易於流轉可以去鼓鑄之害遂詔中書省造之

命御史臺官選國子生分教北方

上諭曰近北方喪亂之後人鮮知學今大學諸生中年長學優者卿宜選取俾往北方各郡分教庶使人知務學於是選國子生林伯雲等三百六十人給廩食賜衣服而遣之

皇明大政紀

王卷

十一

詔有司給由赴京無農桑學校者以違制論

詔曰農桑衣食之本學校道理之原朕嘗設置有司頒降條章使敦篤教化務欲使民豐衣足食理道明暢何有司不遵朕命往往給由赴京者皆無桑株數目學校緣由甚與朕意乖違特勅中書省令有司今後敢有無農桑學校者論擬違制民有不奉天時而負地利者如律究焉

洪武正韻成

上以舊韻起於江左多失正音命學士梁詔鳳等以中原雅音校正之

四川 上幸中都次滁州遣官祭滁陽王廟

甲辰 皇太子攝祭皇地祇于方丘

上駐中都祭告天地

甲寅欽天監奏曰上有青氣在趙分恒山之北

上諭傅友德等嚴飭守備

丁巳誠意伯劉基卒

先是 上欲相胡惟庸基以爲不可既而 上竟相惟庸基大感曰使吾言不驗蒼生之福也言而驗者其如

蒼生何因憂憤舊疾愈增時惟庸潛蓄奸謀深惡基乃遣醫來視疾飲其藥二服有物積腹中如卷石基以白

上 上亦未之省也自是疾遂篤

五月詔永嘉侯朱亮祖等率師同潁川侯傅友德往北平

備胡

皇明大政紀

三卷

十二

遣內使趙成往河州市馬

上以西番產馬其所用泉貨與中國異自更錢幣馬至

者少乃命成以羅綺綾帛并巴茶往市之仍命河州守

將善撫循以通互市馬稍集率厚直償之成又宣諭德

意自是番酋感悅山後歸德等州西番諸部落皆以馬

來售

詔陝西行省減漢中租賦招山民開種

從陝西僉事虞以文所奏

貶禮部員外郎吳伯宗于鳳陽

時丞相胡惟庸專橫伯宗性剛直不屈惟庸衡之故貶

伯宗上疏論時政因指斥惟庸罪狀不宜獨任以政恐滋久爲國大蠹辭甚切直上覽其奏召還賜襲衣鈔錠既而奉使安南獲馴象以歸獻之改國子助教。

六月命中書省臣諭安南高麗占城等國自今惟三年一來朝貢若其王立則世見。

七月己未朔日食。

詔定五祀禮。

孟春祀司戶孟夏祀司寇季夏祀中霤孟秋祀司門孟冬祀司井。

壬戌命曹國公李元忠濟寧侯顧時往山西北平整飭兵馬。

皇明大政紀 三卷

詔免江南湖北旱租。

十三

八月京師大旱。

己亥勅太師韓國公李善長永嘉侯朱亮祖南安侯俞通海諭諸屯勸農事。

開登萊河。

降翰林修撰答祿與權爲典籍。

以不修職降之。

賜學士宋濂醉學士歌。

上觀川不息陋程秋水賦仍更爲之賦召翰林諸臣觀之令亦各撰一篇宋濂率同列次第獻賦上皆觀覽評品已而賜坐勅大官設酒饌內臣行觴上顧濂曰。

卿何不盡飲濂對不能飲恐愆於禮上曰卿姑試之。

濂飲畢上曰更宜一觴一觴豈便醉入乎濂舉觴瑟縮上笑曰男子何不慷慨濂一吸至盡上大悅濂

面頰行不成步上復笑曰卿宜自述一詩朕亦爲卿賦醉歌上賦成賜濂濂頓首謝上仍命羣臣各賦

醉學士歌見一時君臣同樂也。

九月壬子命皇太子秦王晉王楚王靖江王遊中都以

講武事詔贊善宋濂長史趙壘等從行

上閱輿地書得濠梁古跡一卷命內臣馳驛以賜東宮

且題其外令濂詢訪隨處言之皇太子至池河驛得

上所賜書大喜以示濂濂因啓曰臨濠古跡惟塗荆二

山最著塗山在昔鍾離縣西九十五里荆山亦在縣西

八十五里二山本相連屬而淮水繞荆山之陰神禹鑿

之水始流二山間民獲免阻饑之艱禹之功也十一月

壬申皇太子既過中都乃往遊焉命濂撰文記之其

他古跡濂歷歷舉之因事進說甚有規益事畢遂還京

師。

乙卯詔學士樂韶鳳考議陵寢朔望節序祭祀禮。

詔鳳擬每歲元旦清明七月望十月朔冬夏二至用大

牢伏臘每月朔望用常牲祠祭署官行禮從之。

浚涇陽縣洪渠堰。

舊堰壅塞不可通灌溉命長興侯耿炳文督工浚之由

是五縣之田大獲其利。

命湖廣行省叅政吳雲使雲南。

初梁王使其臣鐵知院等二十人使漠北爲徐達所獲送京師。上釋之。命與雲偕行至雲南之沙糖口。鐵知院等謀曰。吾屬奉使不達被執而還。罪必不免。於是共逼雲胡服。辨髮詐爲元使。改易制書以給梁王。雲不從。鐵知院等知不可奪。遂殺之。

唐冠大同鴈門。

詔舉富民素行端潔達時務者。

詔改建大內宮殿。

上謂廷臣曰。唐虞之時。宮室朴素。后世窮極侈麗。習尚華靡。去古遠矣。朕今作室。但求安固。不事華麗。凡雕飾奇巧。一切不用。惟朴素堅壯。可傳永久。使後世子孫守以爲法。至於臺榭苑囿之作。勞民廢財。以事游觀之樂。朕決不爲之。其勅所司如朕之志。

皇明大政紀

三卷

一五

十一月乙丑。詔翰林院議郊祀祭壇脫舄之禮。

學士樂韶鳳議於郊祀廟享前期一日。有司以薦籍地設御幕於壇東南門外。及設執事官脫履之次於壇門外西側。祭日大駕臨壇。入幕次脫舄。升壇其升壇執事導駕讚禮祝并分獻陪祭官皆脫舄於外。以次升壇。供事。協律郎樂舞生依前脫襪就位。祭畢降壇納舄。從之。增六部官。

甘露降于園丘青松之上。

上詣齋宮。省視壇場。親觀甘露凝枝。懸垂上下。有若明珠。命採而嘗之。入口如飴糖。詔羣臣從行者。其採食之。儒臣咸獻歌詩以頌德。上曰。人之常情好祥惡妖。然天道幽微莫測。若特祥未必獲吉。懲妖未必皆凶。蓋聞災而懼。或蒙見休見瑞而喜。或以致咎。何則。凡人懼則戒心常存。喜則侈心易縱。朕德不逮。惟圖修省之不已。豈敢以此爲己所致哉。因著甘露論以示羣臣。發罪人工役屯種於鳳陽。

令各處人民雜犯死罪者免死。工役終身。徒流者照半限工役。其官吏受贓及犯私罪當罷職者。發鳳陽屯種。

皇明大政紀

三卷

一六

犯流罪者。鳳陽工役一年。然後屯種。

命學士宋濂。彙中書大政。濂固辭。允之。

濂辭曰。臣無他長。唯文學是攻。今待罪翰林。恩莫大矣。臣誠不願居要樞。上愈厚之。每日令侍膳。訪詢舊章。

講求治道。

詔江陰侯吳良監鑄大鍾于鳳陽。

十二月。詔御史臺自今糧長有雜犯及流徙者。許納銅贖罪。

陝州人獻天書。斬之。

虜納哈出寇遼東。守將馬雲葉旺擊敗之。陞都督僉事。仍守遼東。

丙辰洪武九年正月丙辰朔

丁巳。上以修德進賢之道諭太子諸王。

上曰古之君趨蹌有節陟降有數周旋跬步而不違於規矩者由其德充於內而著乎外也所以器識高明而善道日臻惡行不見而邪辟日遠已德既修自然足以服人賢者景進而不自去能修德進賢則天下國家未有不治不務此者鮮不取敗夫貨財聲色我德之斧斤讒佞奸諛杜賢之荆棘當拒之如虎狼畏之如蛇虺苟溺於嗜好則必爲其所陷矣汝等其慎之

戊午命都督府擇公侯都督及各衛指揮嫡長次子才可試用者爲散騎舍侍舍人

皇明大政紀 卷三

七

俸秩視八品隸于都督府佩弓充宿衛或署各衛所事聽省府臺部差遣有才器超卓者不次用之

壬午冊魏國公徐達長女爲燕王妃

詔指揮僉事余隆等三十人附祭鷄籠山功臣廟

命中山侯湯和潁川侯傅友德等帥師往延安防邊

遣使勞遼東都指揮馬雲葉旺

二月定宗王公王歲祿

大安州民獻玉簡十六詔仍瘞其地

驗其刻乃宋真宗祀太山后土文

三月壬申太白晝見

詔免山西陝西河南福建江西浙江北平湖廣及直隸淮

揚徽池安慶稅糧

北虜伯顏帖木兒差人赴中山侯湯和等請和詔諸將悉還獨留潁川侯傅友德屯田備之

四月丙午日本國王良懷遣沙門圭廷用等奉表貢馬及方物且謝罪詔賜其王及廷用等文綺帛有差

乙酉詔增亡沒功臣趙德勝等七人封號

北虜伯顏帖木兒犯邊潁川侯傅友德設伏大破之

五月癸酉詔議葬祭儀

上方有事方丘適有晉王妃之喪命學士宋濂考古以聞濂議郊社之禮國之大事聖人所重雖有三年之喪亦不敢廢之示有事也上然之

皇明大政紀 卷三

七

丁亥以宋濂爲翰林學士承旨知制誥

命申書省臣作親王宮室無得過侈

省臣言王宮飾朱紅室飾大青綠亦若不爲過度上

曰惟儉養德惟侈蕩心獨不見茅茨卑宮堯禹以興阿

房西苑秦隋以亡諸子方及冠年去朕左右豈可使靡

麗蕩心

六月詔改中書行省爲承宣布政使司

陞彭州知州胡子祺爲延平知府

初子祺爲御史請都關中上善之擢廣西僉事改知

彭州有善政故陞之

莒州日照知縣馬亮考滿無課農興學之績黜降之

諭侍臣盡忠補過。

上諭侍臣曰昔大禹以五聲聽治。爲銘於筭虞曰。敬以道者擊鼓。以義者擊鐘。以事者振鐸。以憂者擊鼓。以獄者搖輶。禹聖人也。虛已求言。如此之切。朕屢勅廷臣言無諱。至今少有啓沃朕心者。侍臣對曰。陛下事無可言者。上曰。朕日總萬幾。安能事事盡善。所望左右盡忠補過。如卿所言。非朕所望也。侍臣頓首謝。

命中華兵部錄用故武官子孫有遺棄者。

召岐寧衛經歷熊鼎還京。西戎朵兒只班要劫中途死之。

上憐惜之。詔立祠致祭。

山西汾州考平遙縣主簿成樂能恢辦商稅。詔吏部移

吏部大政紀

卷三

二十九

文訊之。

上曰。地之所產有數。官之所取有制。若曰恢辦是額外剝削。主簿職在佐理。縣政撫安。若好。豈以恢辦爲能。州之考非是其訊之。

七月癸丑朔日食。

詔功臣何文輝等一百六人。祔祭于鷄籠山功臣之廟。

以韓國公李善長子祺爲駙馬都尉。尚皇長女臨安公主。

饒州知府郎敏奏樂平無賴刁民誣訴大姓五十家謀逆。

詔誅之。

八月丙申。躬祀歷代帝王。

御史大夫汪廣洋陳寧劾韓國公李善長李祺父子。失禮請付法。司正其罪。詔姑宥之。

九月更定王府官制。

金星犯上將。諭魏國公徐達及諸將一體謹備。

中書省奏福建叅政魏鑑罷莊管死姦吏。賜璽書勞之。

上曰。朕觀自古天下之治亂。在於君臣能馭不能馭耳。

若君能馭臣。以禮臣能馭吏。以法則治。君不能馭臣。臣

無以馭吏。則亂。或云胥吏下人。何預治亂。是大不然。吏

詐則蠹政。政蠹則民病。朕嘗著令。凡吏卒違法繩之以

死。此令行之已久。奈何貪官動爲下人所持。任其縱橫。

莫敢誰何。以致民多受害。今丞相奏福建兩叅政置姦

吏於極刑。所謂惟仁人能惡人也。斯民庶幾有賴矣。故

特勅往諭之。爾尚慎終如始。乃能其官。

下詔求盡言時政。

時五星系度。日月相刑。於是山東布政使吳印海州學

正曾秉正御史孫化刑部主事茹太素皆應詔陳言。

上擇其可行者施行之。

山西平遙訓導葉居升上言三事。逮繫刑曹。

其略曰。分封大侈。求治太急。用刑太繁。上以其疎闊

骨肉罪之。

罷弘文館。

十月。命中書省臣詳議大明律務合中正。仍具存筆者以

上諭曰古者風俗厚而禁網疎後世人心滿而刑法密是以聖王貴寬而不貴急務簡而不務煩國家立法得中然後可以服人心而傳後世昔蕭何作漢律九章張湯得以私意亂之況始末盡善其能久而無弊乎今律條猶有議擬不當者卿等可詳議更定務令中正仍具存案者以聞於是胡惟庸汪廣洋等復詳加考訂釐正者凡十有三條

壬子監察御史吉昌等劾秦府右相文原吉奏事備行左門非禮詔皆有之

乙未新太廟成奏安神主

皇明大政紀

卷三

三

國初立四親廟至是從同堂異室之制前為正殿後為寢殿

定太廟配享功臣

上以手詔獎山東布政使吳印

嘉其因星變陳言敷露肝膽為國為民

十一月上與侍臣論自古女寵宦官外戚權臣藩鎮夷狄之禍欲著書使後世子孫以時觀覽

侍臣曰自古亡國多由于此而所以啓之者有漸女寵之禍始于溺愛外戚之禍始于怙恩宦官之禍始于預政權臣之禍始于蒙蔽至於藩鎮跋扈則由于姑息夷狄侵暴則由于不振漢唐以下覆轍可鑒矣上曰木

必靈而後風折之體必虛而後病乘之國家之事亦猶是耳漢無外戚閹宦之禍唐無藩鎮夷狄之禍國何能滅然制之有道若不惑於聲色何有女寵之禍不牽于私愛何有外戚之禍不假以政事何有宦寺之禍不為所蒙蔽何有權臣之禍兵賦不專何有藩鎮之禍武備不弛何有夷狄之禍凡上數事嘗欲著書使後世子孫以時觀覽亦社稷無窮之利也侍臣頓首曰願著之常典以示將來

吐蕃寇西塞命衛國公鄧愈等總兵討之

十二月庚戌頒建言格式

上因主事茹太素上疏時務累萬餘言可行者四事因頒示中外使言者直陳得失無事繁文復自序其事于

皇明大政紀

卷三

三

旨云

詔賑江南江北

上諭羣臣凡事竭誠盡意相與可否毋圖容悅

置寧夏諸衛

勅送故元官蔡子英歸塞北

上因子英志不可奪勅有司送之出塞

壬午命汝南侯梅思祖往濟南貴州簡閱兵馬

丁巳洪武十年正月庚辰朔

翰林學士承旨宋濂致仕

濂既老難于步趨上命選良馬以賜復作良馬歌命

詞臣賦之。至是年六十八。上憫其老命致仕。及二月陞辭以御製文集賜之。加綵段鈔及衣三襲命其孫慎護之。

工部承差張致中上言三事。上嘉之。擢爲宛平知縣。

其一曰。監察御史。廼朝廷耳目之寄。宜擇老成。蹇諤公明廉正者。俾居其職。庶知官民利病。激濁揚清。以佐治化。其二曰。京師乃天下都會之地。邇者米價騰踊。百物沸騰。蓋由年穀不登。素無儲積。今後宜令各府州縣設常平倉。以時歛散。則物價自平。其三曰。北方土曠民稀。開墾有限。所在守令。往往責里甲。增報額數。以爲功蹟。罔上損民。甚無謂也。宜令各處農民。自實見墾畝數。以明大政紀。

定稅糧底。不有名無實。民力不困矣。

諭中書省臣。凡官員聽選者。宜早與銓注。仍令有司給冊車送之。

上曰。聞久住宏邸者。日有所費。甚至假貸于人。資用既乏。遂流爲醫卜。使賢者喪其所守。實朝廷所以待之者。非其道也。自今銓選之後。以品爲差。皆與道里費。

命都督僉事藍玉練兵東昌。

二月。遣官享先農。命應天府官率農民耆老陪祀。

庚申。復永成侯薛顯食祿。

顯先有過。減其食祿。至是全給之。

詔自今仕官有田土者。輸租外悉免役。著爲令。

白虹貫日。

三月丁未。上與羣臣論日月五星之行。

翰林應奉侍藻。曲籍黃麟。考功監臣郭傳。皆以蔡氏左旋之說爲對。上曰。天左旋。日月五星右旋。蓋二十八宿經也。附天體而不動。日月五星緯乎天者也。朕自起兵以來。與善推步者。仰觀天象。二十有三年矣。嘗于天氣清爽之夜。指一宿爲主。太陰居是宿之西。相去丈許。盡一夜則太陰漸過而東矣。由此觀之。則是右旋。此曆家亦嘗論之。蔡氏謂爲左旋。此則儒家之說。爾等不折而論之。豈所謂格物致知之學乎。

四月。征西將軍鄧愈。副將軍沐英。率師討吐蕃。破之。

皇明大政紀。

三卷

愈等分兵爲三道。併力齊入番部川藏。覆其巢穴。窮至崑崙山。斬首不可勝計。俘男女一萬口。馬五千。牛羊十三萬。

命監察御史李鐸往誠意伯劉基家。取觀象玩占天文諸書。

先是。基子璉。遵父命。收諸書。緘藏石室中。伺服闋。上進及鐸至。璉卽日出諸石室。悉取送官。從鐸赴闕。言其父遺命。上喜。復官之。璉以未終制。辭。甫釋服。卽除考功監丞。尋兼監察御史。復擢江西叅政。

五月。戊戌。諭侍臣公賞罰。

上曰。賞罰者國之大權。人君操賞罰之權。以御天下。一

主於至公。故有功者雖所憎必賞。有罪者雖所愛必罰。賞以當功。上不爲德。罰以當罪。下不敢怨。上不以小嫌而妨大政。不以私意而害至公。庶有以服天下之心。庚子。命韓國公李善長。曹國公李文忠。總中書省都督府御史臺同議軍國重事。

上因內官監言及政事。即日斥遣還鄉。命終身不齒。

論羣臣曰。自古賢明之君。凡有謀而斷之於已。未聞近習嬖幸之人得與謀者。况闕寺之人朝夕在人君左右。出入起居之際。聲音笑貌。日接乎耳目。其小善小信。足以固結君心。而便僻逢迎。其常態也。苟一爲所惑。而不之覺。將必假威福。竊權勢。以干與政事。及其久也。遂

皇明大政紀

卷三

至於不可抑。由是而階亂者多矣。朕常以是爲監戒。故立法。寺人不過傳奉灑掃。不許干與政事。今此宦者雖侍服日久。不可姑息。決然去之。所以懲將來也。羣臣頓首稱謝。

癸丑。命江夏侯周德興往濟寧。宜春侯黃彬往沂州。整理軍務。

庚申。命平涼侯費聚往陳州。整理軍務。

戶部主事趙乾往賑荆斬等處水災。坐遷延伏誅。

命韓國公李善長等十八人分祀嶽鎮海濱。

六月。詔政事啓。皇太子處分奏聞。

七月。置通政使司。以曾秉正爲通政使。

掌出納諸司文書。敷奏封駁之事。

詔遣監察御史巡按州縣。

上諭之曰。近日山東王基不務正論。乃用財利之術。以惑朕聽。今汝等出巡。事有當言者。須以實論。列勿事虛文。凡爲治以安民爲則。民安則國安。汝等詢民疾苦。察風俗。申明教化。處事之際。須據法守正。務得民情。惟專志以立功。勿要名。以取譽。朕深居九重之中。所賴以宣布條章。申達民情者。在汝等。其慎之。

八月庚戌。詔改建園丘于南郊。

初。園丘在鍾山之陽。方丘在鍾山之陰。上以分祭天地。人情有所未安。至是欲舉合祀之典。廼命即園丘舊址爲壇。而以屋覆之。名大祀殿。命改建社稷壇于午

皇明大政紀

卷三

三六

門之右。社稷共爲一壇。

南番淡巴國遣人入貢。

九月。致仕學士承旨宋濂來朝。

上見大喜。遣儀曹備膳羞。諸物抵寓館以賜。

上諭羣臣戒逸樂。

上謂侍臣曰。前代庸君暗主。莫不以垂拱無爲藉口。縱恣荒寧。不親政事。而諛佞小人又逢以主逸臣勞之說。殊不知治天下者無逸。若以荒寧怠政爲垂拱無爲。帝舜何爲曰。耄倦于勤。大禹何以惜寸陰。文王何以日昃不食。人君日理萬幾。怠心一生。則庶務壅滯。貽患不可

勝言朕常以勤勵自勉未旦臨朝夜臥不能安席觀天象見一星失次即爲憂惕量度民事當速行者待旦發遣非朕不欲暫安祇畏天命不得不爾朕言及此者恐羣臣以天下無事便欲逸樂股肱既惰元首叢生民何所賴書云功崇惟志業廣惟勤爾羣臣但能以此勉朕無憂矣羣臣皆頓首受命

乙酉暹羅斛國王遣于昭祿奉表貢象及胡椒蘇木等物命禮部員外郎王恒齋詔往賜之

勅諭浙江温州府訪求師儒

丙申紹興金華衢州大災命賑給之

命胡惟庸爲左丞相召汪廣洋爲右丞相陳寧爲左御史

皇明大政紀

三卷

主

大夫丁玉爲右御史大夫

十月新建社稷壇成

先是禮部尚書張壽奏天地社稷宗廟崇敬之禮一也書稱成湯顧諟天之明命以承上下神祇社稷宗廟罔不祇肅後世列爲中祀失所以崇祀之意至唐升爲上祀國初仍列中祀臨祭之日或具通地絳紗袍或以皮弁行禮制未有定今既考用古制右社稷左宗廟有事社稷則奉仁祖皇帝配其禮重矣宜升爲上祀其冕服以祭上是之至是行奉安禮上冕服乘輅百官具祭服詣舊壇以遷主告

改作大內宮殿成

闕門曰午門翼以樓觀中三門東西爲左右掖門午門內曰奉天門門之左右爲東西角門內正殿曰奉天殿上御之以受朝賀殿之左右有門左曰中左門右曰中右門兩廡之左曰文樓右曰武樓奉天之後曰華蓋殿華蓋之後曰謹身殿殿後則後宮之正門也奉天門外兩廡之間有門左曰左順門右曰右順門左順門之東爲東華門內有殿曰文華殿東宮視事之所也右順門之西爲西華門內有殿曰武英殿上齋戒時所居也上喜大內宮殿制度不侈勉侍臣崇節儉

上謂侍臣曰人主嗜好所繫甚重躬行節儉方能養性

崇尚侈靡必至喪德朕嘗念昔居淮右頻年飢饉艱於

皇明太政紀

三卷

主

衣食今富有四海何求不遂何欲不得然檢制其心惟恐驕盈夙夜兢惕弗遑底寧故凡有興作必量度再三不獲已而後爲之宮壺之間皇后亦躬服浣濯皆非故爲矯飾實恐暴殄天物剝傷民財不敢不謹且節儉二字非徒治天下者當守治家者亦宜守之爾等歲祿有限而日用無窮費或過度何從辦集侵牟剝削皆原于此須體朕意共崇節儉庶幾無悔

觀心亭成

時宋濂來朝上語之曰人心易放操存爲難朕日酬庶務罔敢自暇自逸况有事于天地宗廟社稷尤用祇惕是以作此亭名曰觀心卿爲朕記之傳示永久

戊午封大都督沐英爲西平侯賜誥券
詔併州縣。

遣使齋詔印立三佛齊國王嗣子麻那者巫里爲王。

十一月己卯 皇孫允炆生。

丁亥合祀天地于奉天殿。

祝文曰禮以義起貴乎情文兩盡曩者建國之初遵依
周禮分祀天地于南北郊周旋九年於情未有不誠以
人君者父母天地仰覆載生成之恩一也及其嚴奉禮
祀則有南北之異揆以人事人子事親曷敢異處竊惟
典禮其分祀者禮之文也其合祀者禮之情也徒泥其
文而情不安不可謂禮方改建大祀殿功未就緒今朝
皇明大政紀 三卷 二十元

堂適成時當冬至謹合祀于殿廷自今以春首合祀于
南郊永爲定禮謹奉皇考仁祖淳皇帝配惟上帝皇地
祇鑒之。

江夏侯周德興有罪下獄上特赦之。

都督濮真征高麗被執不屈死之。

四川威茂土酋董貼里入寇命御史大夫平羌將軍丁
玉率師討之。

十二月乙巳朔日食。

丙午諭大師李善長等自今政事啓東宮者卿等二三
大臣更爲參決可否。

上曰人君聰明雖得於天性然於物理必察識而後知

人情必諳練而後熟設若臨事不熟驟然斷火恐未
善既行之後自覺其非急欲改之妨事亦已多矣前
令皇太子躬聽朝臣啓事欲其練習國政恐聽覽之際
處置或有未當故令改之。

丁未諭都督府訪死事者子孫錄用之。

督府舉五百十一人以聞授指揮千百戶有差上恐
其年少不更事令于在京直隸衛所署事以試之。

置神宮監天地壇祠祭署及皇城門各設內使令永正副
品級有差。

戊辰威茂土酋董貼里率衆赴平羌將軍丁玉營來降

詔置威州千戶所守之。

皇明大政紀 三卷 三

行封江王朱守謙爵徙雲南尋安置鳳陽。

戊午洪武十一年正月甲戌朔

改封吳王爲周王罷杭州護衛。

進封中山侯湯和爲信國公。

給朝參文武百官牙牌懸帶出入以防奸僞。

平羌將軍丁玉遣李玉討松藩蠻平之。詔置松州衛戍
守其地。

虜寇北平命信國公湯和率列侯韓政郭興俞通源黃彬

等練兵臨清以聽調遣。

二月戊申祭大社大稷奉 仁祖配。

勅中書省議減鹽價。

上以鹽價太重。商人無利。以致輸粟者少。於是定提粟于各邊者。量地遠近。價各有差。

三月。禁奏事。關白中書省。

詔吏部課考績殿最。

河間知府楊翼安等考績入朝。上命吏部曰。考績之法。所以旌別賢否。以示勸懲。今各官來朝。宜揀其殿最第爲三等。稱職而無過爲上。賜坐而宴。有過而稱職者爲中。宴而不坐。有過而不稱職者爲下。不預宴。序立于門。宴者出。然後退。庶使有司知所激勸。

詔吏部今後庶官有賢能者。超資格不次用之。

由是西安知府李煥文。寶鈔提舉費震。俱擢爲戶部侍郎。

皇明大政紀 三卷

三十一

郎。

四月。以朱夢炎爲禮部尚書。

夢炎進賢人。以博學聞。在禮部由員外郎陞侍郎。几稽古禮文之事。多効其力。故擢令官。

戊午。永嘉侯朱亮祖。奏安東沐陽二縣之野。暮夜厲鬼驚人。御製勅文遣使諭祭之。

重建皇陵碑。

上以前所建碑。代草者有文飾。復親製文。命江陰侯吳良督工刻之。

五月。元嗣君愛猷失理。達臘祖子脫古思帖木兒立。

癸酉。命東宮文學傅藻等編纂春秋本末。

武臣子讀書國子監。

六月壬子。遣使祭故元嗣君。

八月。詔免南畿河南陝西廣東湖廣田租。

蘇松楊台海溢。

南番彭亨國及百花國各遣使奉金葉表文來朝貢。

二國自前代皆未通中國。

西番洮州等處戎寇爲亂。命西平侯沐英爲征西將軍。率都督藍玉等統兵征之。

首取甘朵降其萬戶乞失迦。夷其部落。俘獲無算。洮州十八族番鬼三副使汪舒朵酋只阿烏卜爾等據納鄰七站之地。英等進兵擊之。

皇明大政紀 三卷

遣使齎詔往金山。諭元將納哈出。

九月。庚午朔。欽天監進明年大統曆。上御奉天殿。頒曆于諸王百官。

法司劾吉安侯陸仲亨。汝南侯梅思祖。赴召違期。命奪其歲俸。

丙戌。勅諭董大祀殿工。韓國公李善長善撫工匠。今早完之。

有星孛于天。

丙申。追封劉繼祖爲義惠侯。

上感繼祖與宅兆塋。皇考妣故追封之。

十月。駙馬都尉曹國公李禎卒。

甲子。大祀殿成。

十一月乙卯。以梅殷為駙馬都尉。尚第二。皇女寧國公主。

山西邊將送所獲故元平章完者不花至京。遣使歸之于驢兒。以重書諭之。

總兵官辰州衛指揮楊仲名率兵討五開叛蠻。平之。

十二月庚寅。皇太子妃常氏薨。甲寅。致仕翰林學士承旨宋濂來朝。賜勅勞之。

遣高麗使還。以勅諭之。

詔諭故元丞相哈剌章蠻子驢兒納哈出。時元嗣君已崩。論其不可以立君為名而內有自殺之

聖明大政紀 三卷 三十三

威 已未。洪武十二年正月己巳朔。已卯。合祀天地于南郊。

大祀殿自齋戒五日。至將祭之夕。天宇澄霽。升壇。星緯昭煥。祥飈慶雲。光彩燁耀。上心甚悅。禮成。勅中書省

臣曰。朕周旋祀事十有一年。見其太繁。乃以義起。更其儀式。合祀社稷。既祀神乃歡。今十二年春。始合天地大

祀而上下悅。若有答于朕心。爾中書下翰林。令儒臣記其事。以彰上帝皇祇之昭格。定丞相御史大夫等官歲祿之數。刻石官署。二月戊戌。命曹國公李文忠往河州岷州臨洮鞏昌階州

等處督理軍務。

征西將軍西平侯沐英等兵至洮州古城。番酋三副使等。素子等率眾遁去。我師追擊敗之。

獲磧石州叛逃土官阿昌七站土官失納等。遂於東籠

山南築城戍守。既而番寇引兵來敵。我師大敗之。生擒

三副使等。俘斬數萬人。獲馬二萬。牛羊橐駝二十萬。得

納都七站之地。歸于職方。置洮州衛。設官領兵守之。

三月戊辰。上諭。皇太子君道以事。天愛民為重。其本

在敬身。上問。皇太子此日講習何書。對曰。昨看書至商周之

際。上曰。人君一言一行。皆上通於天。下繫于民。必敬

聖明大政紀 三卷 三十四

以將之。而後所行無不善也。蓋善夫必鑒之不善。夫亦

鑒之一言而善。四海蒙福。一行不謹。四海罹殃。言行如

此。可不敬乎。汝其識之。勅平羌將軍丁玉。既克松州。隨進取播州。則疊州自下。

江西參政劉璉以罪下獄。上以基故特宥之。置登州蓬萊縣河口通運所。上聽朝之暇。延諸儒臣。賜坐便殿。講論治道。時國子學官李思迪。馬懿緘默不言。上惡之。勅諭國子師生。以孔孟為法。以副朕責望之意。慎毋如李思迪。馬懿之為也。四月置松州衛指揮使司。

從御史大夫丁玉所請降印設官領軍鎮守。

五月靖海侯吳順卒。追封海國公。命都督僉事張赫督遼東海運赴之。

閏五月高麗龍川鄭白等率男婦來降。勅遼東守將潘敬葉旺毋納之以破彼奸。

詔北平久不用盡免田租。

六月壬申命翰林定皇太子與諸王往復書簡之式。

上據翰林議改皇太子與諸王書曰記諭諸王奉書

皇太子曰謹啓

詔禮部會官議親王來朝見東宮禮儀。

命都督馬雲率兵征大寧。

皇明太政紀

卷三

三五

丙子勅信國公湯和以符召還京安陸宜春江夏三侯所隸步騎馬發南安鞏昌河南永嘉四侯分領以伺北虜消息。

乙酉編春秋本末成。

上以春秋本諸魯史而列國之事錯見間出欲究其終始則艱於考索乃命東宮文學傳澤等纂錄分列國而類聚之附以左氏傳首周王之世以尊正統次魯公之年以仍舊文列國則先晉齊而後楚燕所以內中國而外夷狄也事之始終秩然有序賜名曰春秋本末。

七月遣官祭功臣於雞籠山以吳順等百九十三人祔平羌將軍丁玉討四川賊彭普貴等平之。

初普貴等爲亂焚掠十四州縣四川都指揮司以兵討之不克至是王盡殲其衆遣人奏捷上勅勞之。

曹國公李文忠自陝西還命掌大都督府事。

八月上御華蓋殿與侍臣論治身之道。

上曰人之害莫大于欲欲非止於男女宮室飲食服御而已凡求私便於己者皆欲也然惟禮可以制之先王制禮所以防欲也禮廢則欲肆爲君而廢禮縱欲則毒流于民爲臣而廢禮縱欲則禍延于家故循禮可以寡過肆欲必至滅身。

安置日本使僧於陝西。

宋國公馮勝督建周王宮殿議九月興役上以其妨民

皇明太政紀

卷三

三五

種麥勅放還侯農隙建之。

九月西平侯沐英以西番平班師。

甲申以丁玉爲左御史大夫安然爲右御史大夫秦中爲

右御史中丞殷哲爲中書右叅政。

十月癸巳以儒士吳沈爲翰林院待制。

詔定致仕官處鄉黨之禮。

議族內序尊卑如家人禮其於外祖及妻家亦序尊卑筵宴則設別席不許坐於無官者之下如與異姓致仕官會則序爵爵同則齒齒其與異姓無官者相見不須答禮庶民以官禮謁戶敢有凌侮者論如律。

永嘉侯朱亮祖以鎮廣東多不法事罷職令居京師

十一月甲午。上與翰林待制吳沆論理財之道。

上觀漢武帝紀。謂吳沆曰。人君理財之道。當視國如家。一家之內。其父經營儲積。未有不為子計者。父子而異。皆其一家必墜矣。君民猶父子也。若惟損民以益君民。求其不給。而君獨富。豈有是理哉。

大計其所有功諸將。

其子為永昌侯王弼。定遠侯張龍鳳。翔侯吳福。安陸侯曹震。景川侯謝成。永平侯張溫。會寧侯曹興。懷遠侯周武。雄武侯金朝興。宣德侯仇成。安慶侯並世襲。

丁酉。上與翰林待制吳沆論持身保業之道。

聖明大政紀 三卷

三十七

上曰。人當無所不謹。事雖微而必慮。行雖小而必防。不慮於微。終貽大患。不防於小。終虧大德。謹小行而無已者。則可以成大業。忽細事而不戒者。則必至成大惡。常人且然。況人君乎。沆對曰。聖慮及此。誠社稷永安之道。丙午。勅江陰侯吳良督造齊王宮殿。

十二月。以東宮侍書張統為通政司左叅議。脩撰原林為右叅議。

致仕學士承旨宋濂來朝。以酒榷日用之物賜之。

平羌將軍丁玉自四川還。拜大都督府左都督。

安置右丞相汪廣洋於海南道卒。

詔徵天下博學老成之士。

上謂禮部曰。為國得賢。不如薦賢。朕自臨御以來。十有二年。思得賢士以熙庶績。然博學老成之士。匿德藏光。甘於窮餓。不肯輕出。且下有司悉心推訪。禮送于朝。朕將顯用之。

訪求士人。

詔徵學國府訓導。陳廸為翰林編修。

清江安南陳母特強侵奪占城境土。

庚申。武十三年正月癸巳朔。

戊戌。左丞相胡惟庸。御史大夫陳寧。中丞涂節。

自思慮誅後。惟庸總中書政事。生殺黜陟。以恣威福。內外諸司封事有病已者。輒匿不聞。四方奔競者趨其門。

聖明大政紀 三卷

三十八

諸武臣多附之。徐達嘗言於上。惟庸忌之。達有闖者。福壽惟庸陰誘為已用。冀以圖達。乃為福壽所發。劉基亦嘗為上言。惟庸不可用。惟庸知之。恨基及基病。詔惟庸挾醫往視。基飲藥。逾月死。事在八年正月。惟庸兄女妻李善長從子祐。相結擅權。安吉侯陸仲亨。平涼侯費聚。見惟庸專政。往來益密。惟庸令掌管軍馬。又與陳寧在省中。閱天下軍馬籍。令都督毛驤取衛士劉遇寶及亡命。魏文進等為心膂。太僕寺丞李存義。善長之弟。惟庸之婿父也。以親故往來惟庸家。惟庸令存義陰說善長以邪謀。事皆未發。會惟庸子有馬馳驟于市。奔入輓輅中。傷死。惟庸殺輓輅者。上怒。命償其死。惟庸請

以金帛給其家。上不許。徐節廼上變告。時商湯窮不能隱。遂論死。又以徐節本為惟庸謀主。見事不成。始上變告。廼誅節。并餘黨皆連坐。惟李善善長陸仲亨皆起兵時腹心股肱。俱勿論。

詔免天下今年二租。

詔罷中書省。陞六部官秩。倣古六卿之制。

初尚書正三品。至是陞正二品。不隸中書省。

改大都督府為中左右前後五軍都督府。

召山西布政使斯為吏部尚書。河南按察使鄭九成為禮部尚書。前北平副使劉崧為禮部侍郎。以應天府尹徐鐸

皇明大政紀

卷三

三十九

為戶部尚書。俱賜以詔。

以武官子弟常安等百三十人為參侍舍人。

遣官祭功臣于鷄籠山廟。以濟寧侯顧時等二百二十人

祔祭。

二月。以嘉興知府薛祥為工部尚書。

詔舉聰明正直孝弟力田賢良方正文學術數之士。

遣應天府祀歷代忠臣。漢將文晉卞壹南唐劉仁贍

宋曹彬元福壽

辛巳。太師韓國公李善長以年老養疾。奏還原給儀仗二

十家。從之。

癸巳。詔以京衛軍士充公侯仗。

初以京民充。近因善長辭儀仗戶。故以軍士給之。善長徐達皆二十戶。公皆十九戶。侯十五戶。

三月。命戶部減蘇松嘉湖四府重稅糧額。

舊一畝科七斗五升。至四斗五升者。減十之二。四斗三

升。至三斗六升者。止徵三斗。若五升以下。仍舊。

定兩浙鹽額。

運使李本言。國初委官稽考舊額。以四百斤為一引。官

給本米一石。以米價低昂為準。兼支錢鈔。以資竈民。然

其間有丁產多而額鹽少者。有丁產少而額鹽多者。未

經覈實。今與各道分司。即鹽場所屬地方。驗其丁產多

寡。地利有無。官田草場。除額免科。薪鹵得宜。酌量增額。

皇明大政紀

卷三

四十

分為等則。逐一詳定。均平寔為民便。詔從之。

丙申。以故寧河武順王邵僉子鎮進封申國公。

壬寅。成祖之國北平。以葛誠為燕府長史。

故元僞國公火脫。亦知院愛足屯衆和林。為邊患。命西

平侯沐英總陝西兵。深入賀蘭山。涉流沙。夜襲其營。擒獲

其全部以歸。

乙卯。詔定公侯稱號。

禮部奏定開國世襲追封其式為三。

四月。命羣臣各舉所知。以備任用。

都督張赫卡壽率舟師海運。

戊子。賜翰林編修張美和致仕。親為文賜之。

已丑改封楚國公廖永安爲鄆國公。

改封豫章侯胡廷美爲臨川侯。

五月辛卯陞湖廣漢陽州德安州各爲府。隨縣桂陽縣各

爲州。改長寧縣爲歸州。

賜御史臺左中丞安然歸鄉里。命韓國公李善長理臺事。

罷御史臺及提刑按察司。

命會寧侯張溫雄武侯周武往河南理軍務。

勅諭遼東都指揮使司遣高麗周誼至京別處之。

六月庚午朔詔受朝于正殿。

詔免洪武十三年天下秋糧。

明大政紀 三卷

四十一

丁丑遣使諭江陰侯吳良臨川侯胡廷美停罷齊潭各王

府役作。

上以上天垂戒恤民爲先。故諭止之。

戊寅詔戶部今後如軍民嫁娶喪祭之物舟車絲布之類

皆勿稅。

臣戒錄成。

時胡惟庸事覺。上迺命翰林儒臣纂錄歷代諸侯王

宗戚宦官之屬悖逆不道者凡二百十二人備其行事

以類書之。既成賜名臣戒錄頒布中外之臣。俾知所警。

置諫院官。以唐鐸爲諫議大夫。

七月己丑朔。享太廟。

賜魏國公徐達以下六十四人米五百石。

復京官家。

罷秘書監。

凡內府書籍悉命翰林院典籍掌之。

壬子韓國公李善長等累請今年。天壽聖節受百官朝賀許之。

上以古人父母既沒生日當倍悲痛即位以來不受賀。

至是因善長以天下太平。上復年高累請乃許之。在

外諸司五品以上者自明年始表賀。

八月安置日本使僧于川陝。

九月置四輔官以王本李佑龔敷爲春官。杜敏趙民望吳

源爲夏官。

明大政紀 三卷

四十二

辛卯詔景川侯曹震榮陽侯楊璟永城侯薛顯往北平督

兵屯田訓練遼東士卒。

詔戒守令毋貪賊憲政。

十月勅四輔官王本等竭力忠誠以感格天心。

詔求真才。

爪哇國王八達那巴那務遣其使阿烈尋列時奉金葉表

入貢因其殺三佛齊國使者。賜諭責之。

致仕學士承旨宋濂以孫慎黨奸被刑降赦安置茂州。

十一月以儒士宋訥爲國子學助教。

十二月遣使諭日本國不得縱民侵擾。

漢武十四年正月丁亥朔。

命征虜大將軍徐達左

上諭禮部賞罰必在至公。若一時處分或未有當宜明白

上因近臣勸儲以備用以義折之。

近臣有言國家當理財以紓國用者。上曰天地生財以養民故為君者當以養民為務夫節浮費薄稅歛猶恐損人况可重為徵歛乎。近臣復言自天子至于庶人未有不儲財而能為國家者。上曰人君儲財與庶人不同庶人為一家計則積財一家人君為天下主當散

皇明大政紀

卷三

財於天下豈可塞民之養而陰奪其利乎。昔漢武帝用東郭咸陽孔僅之徒剝民取利海內苦之。宋神宗用王安石理財小人競進天下騷然。此可為戒。孔子曰百姓不足君孰與足。此何謂也。言者愧悚自是無敢以財利言者。

詔求賢。

創編賦役黃冊。

以一百一十戶為一里。丁糧多者十人為里長。餘百戶分為十甲。歲役里一人。管攝一里之事。城中曰坊。近城曰廂。鄉都曰里。十年一週。每里編為一冊。首總為一圖。鰥寡孤獨不任役者則帶管於一百一十戶之外。而列

於圖後。名曰畸零冊。成一本。進戶部。各布政司及府州縣各存一本。十年攢造一次。遂為定制。

二月嘉浦江鄭湜爭入獄。擢為福建布政司叅議。

鄭氏素以孝義聞。時胡惟庸既敗。四方有仇怨相告。訐者指為胡黨。率坐重獄。及是有訐鄭氏交通惟庸者。湜兄弟六人吏部之急。諸兄爭欲行。湜曰。弟在其忍。使諸兄罹刑辟。獨詣吏請行。仲兄濂先有事京師。暨弟至。迎謂曰。吾家長當任罪。弟無與焉。湜曰。兄老。吾往辨之。萬一不直。第當服辜。二人爭入獄。上聞之。俱召至廷。勞勉之。謂近臣曰。有人如此。而肯從之。為非邪。即宥之。詔賜酒食。擢為叅議。賜冠帶襲衣。

皇明大政紀

卷三

四十四

三月命宋國公馮勝節制河南。

癸卯賜翰林及諫院答祿與權等六十人羅衣各一襲。

丁未置東宮左右春坊司直郎各一人。

秩正六品。

復提刑按察司。

詔免應天太平鎮江寧國廣德五郡秋糧。

頒五經四書于北方學校。

上謂廷臣曰。夫道之不明。由教之不行也。夫五經載聖人之道者也。譬之菽粟布帛。家不可無。人非菽粟布帛則無以為衣食。非五經四書則無由知道理。北方自喪亂以來。經籍殘缺。學者雖有美質。而非有所講明。何由

知道今以五經頒賜之使其講習夫君子知學則道

小人知學則俗美他日收效亦未必不本于此也

四月征虜大將軍徐達督諸將出北黃河夜襲灰山擒虜

別里哥等破之還班師

西平侯沐英領兵出古北口擣高州嵩州全寧諸部執知

院李宣并其部屬而還

命國子生讀劉向說苑及律令

遣使諭宋國公馮勝慎防察人動靜

上以天象有警占在大梁故也

五月甲辰故學士承旨宋濂卒于夔州

湖廣五溪蠻作亂江夏侯周德興請行上壯而遣之

皇明大政紀

卷三

四十五

上賜手書曰古之將臣忠於為國者盡智慮筋力之所

能及禦災捍患終其身而後止若趙充國圖取西羌馬

援請計交趾朕嘗嘆美謂古有其人而今不可得迺者

五溪蠻叛阻遏王化貽禍良民朕方擇將命師爾德興

奮然請行朕憫卿年老不忍煩卿卿廼固請爰命為大

將往靖南服於戲忠勤不怠卿之志見矣禦侮安民尤

在斯行功成師旋當有以報卿也

六月海鹽捍海塘成

安南國王陳煒遣陪臣奉表貢方物上惡其作奸生隙

勅廣西布政司自今安南入貢並勿納

七月復大理寺

江夏侯周德興師至五溪苗悉遁去

戊戌日本國王良懷遣僧如瑤等貢方物上却其貢仍

命禮部尚書以書責之

四川水盡源通塔平散毛諸洞蠻皆作亂命江夏侯周德

興為征南將軍安慶侯仇成為副將軍討之

辛丑皇后千秋節諸命婦朝賀于坤寧宮賜宴

壬寅以賢良方正何德忠為河南左叅議以聰明正直金

思存為北平左叅政以孝弟力田聶士舉為四川左叅政

以賢良方正蔣安素為右叅政

八月諭征雲南命諸將簡練軍士先給布帛鈔錠為裝

具

皇明大政紀

卷三

四十六

河南原武祥符中牟諸縣河決為患詔有司防護舊堤

勿重用吾民

九月壬午朔命潁川侯傅友德為征南將軍永昌侯藍玉

為副將軍帥師往征雲南

上諭之曰雲南僻在遐荒行師當知其山川險易以規

進取朕嘗覽輿圖咨詢于衆得其扼塞取之之計當自

先遣驍將別率一軍以向烏撒大軍繼自辰沅以

入普定分據要害乃進兵曲靖曲靖雲南之喉嚨彼必

併力於此以抗我師審察形勢出奇制勝正在于此既

下曲靖三將軍以一人提兵向烏撒應未寧之師大軍

直擣雲南彼此牽制彼疲於奔命破之必矣雲南既克

宜分兵徑超大理先聲已振勢將瓦解其餘部落
人招諭不必苦煩兵也師行 上出餼於龍江

以聰明正直聶子實爲北平右叅政呂忠爲右叅議

癸未改翰林院秩正五品

學士正五品侍講侍讀學士從五品餘見官制

改欽天監太醫院俱正五品

己丑復置起居注以儒士單仲祐爲之

征南將軍江夏侯周德興等討四川蠻平之

命魏國公徐達鎮北平軍民悉聽節制

丁未征南將軍傅友德率大軍由辰沅超貴州兵至湖廣

分遣都督胡海洋郭英陳桓等帥兵五萬由永寧趨烏撒

皇明大政紀 卷三

十月壬子朔日食

詔太平應天鎮江寧國廣德秋糧除官田減半徵收其民

田盡行蠲免

癸丑命法司論囚擬律奏聞翰林院給事中及春坊正字

司直郎會議平允然後覆奏論決

定考課殿最法

丙辰漳州南靖縣民爲亂南雄侯趙庸討平之

辛酉翰林編修吳沈等議諸凡啓事東宮稱臣如故從之

已卯衛處溫三府山寇吳達三葉丁香等連結作亂命延

安侯唐勝宗都督僉事張德帥兵討之

潮州海陽縣民作亂南雄侯趙庸討平之

十一月遣吉安侯陸仲亨鎮守成都

丙午程鄉縣羣盜竊發南雄侯趙庸帥兵擒賊首僞萬戶

饒陸海等一百五十人平之

庚戌福安縣民作亂延安侯唐勝宗分遣將士協福州指

揮僉事李會張春兵討平之

諭吏兵二部審詳武臣子弟有志於學者用之

十二月丁巳命翰林編修檢討典籍春坊司直郎贊讀考

駁諸司奏啓以聞

癸酉征南將軍傅友德率列侯藍玉沐英引兵攻普定普

安俱下之留兵戍守

丙寅征南兵克曲靖

皇明太政紀 卷三

先是梁王把匝剌瓦爾密聞王師下普定遣司徒平章

達里麻將精兵十餘萬屯曲靖以備我師右副將軍西

平侯沐英就傳友德議曰彼不意我師深入若倍道趨

進出其不意破之必矣上所謂出奇制勝者此也友

德是之遂進師未至曲靖數里忽大霧四塞衝霧而行

阻水而止則已臨白石江矣頃之霧霽達里麻見之大

驚倉皇失措友德卽欲濟師英曰我軍遠來形勢既露

固利速戰然亟濟恐爲所扼乃整師臨下流潛度出其

陣後鳴金鼓樹旗幟達里麻見之急撤衆以禦衆亂英

乃拔劔督師濟江達里麻却數里而陳我軍既濟傳友

德麾兵進戰矢石齊發呼聲動天地戰數合英縱鐵騎

擣其中堅敵披靡遂大敗生擒達里麻俘其衆萬計之
德悉撫而縱之使各歸其業夷人見歸者皆喜
聲益振遂平曲靖諸兵鎮其地友德率其衆數萬攻烏
撒分遣左副將軍藍玉右副將軍沐英率師趨雲南
癸酉征南將軍藍玉沐英師至雲南梁王棄城走漁池島
中先縊其妃投火死

玉等師至板橋元右丞觀音等出降明日駐師金馬故
梁王聞監也先帖木兒以金寶來獻諸父老焚香迎拜
玉等整師入城戒戢軍士秋毫無犯吏民大悅

征南左副將軍藍玉遣列侯曹震王弼金朝興取臨安下
之

皇明大政紀 卷三 四十九

戊寅征南將軍傅友德敗諸蠻城烏撒。

初友德自曲靖率師循格孤山而南以通永寧之兵遂
持烏撒蠻帥元右丞實卜聞都督胡海洋等兵進自永
寧聚兵赤水河拒之及聞大軍至皆遁去友德令諸軍
築城板橋方且蠻寇復大集友德屯兵山岡持重以待
之諸將欲戰友德故弗許士卒無不奮勇思致死力友
德度其可用下令曰我軍深入有進無退彼既遁而復
合心必不一併力夾勦必破之矣若使彼據險自固未
易克也我軍既陳有芒部土酋率衆援實卜合勢迎戰
我軍鼓譟趨之戰十餘合其酋長中架墜馬死軍勢益
奮蠻衆力不能支大潰斬首三千級獲馬六百匹實卜

率餘衆遁遂城烏撒得七星關以通畢節又克可渡

於是東川烏蒙芒部諸蠻震懼皆望風降附

延安侯唐勝宗率兵討衛處溫山寇擒賊首吳達二葉丁

香及其黨屬四千八百餘人盡殲之

革京畿都漕運司

壬戌其武十五正月辛巳朔

上命儒臣重製九奏侑食樂章

其曲名一曰炎精開運二曰皇風三曰天眷皇明四曰

大道傳五曰振皇綱六曰金陵七曰長楊八曰芳醴九

曰駕六龍

故元威楚路平章閭乃馬友參政列車不花等詣景川侯

曹震等營降

壬午故元曲靖宣慰司行省樞密院同知怯列該傳慰高

仁廉訪司副使李羅海千及中慶徵江武定三路嵩盟晉

寧昆陽安寧新興路南建水七州昆明富民宜良南甸河

陽宗六縣達魯花赤劉麻等官詣征南左右副將軍藍

玉吳營降

獻金銀銅印七十四金符七馬一萬二千五百六十疋

分令各衙門用半印勘合行移

丙戌命翰林侍講火原潔等編類華夷譯語

上以前元素無文字發號施令但借高昌之書製爲蒙

古字以通天下之言至是乃命火原潔與編修馬亦

黑等以華言譯其語凡天文地理人事物類服食哭
靡不具載復取元秘史叅攷細切其字以諧其聲

成詔刊行之自是使臣往復朔漢皆能通其情

丁亥置貴州都指揮使司命平涼侯費聚汝南侯梅思祖

署司事

甲午遣使諭征南將軍傅友德等置雲南都司布政司及
府州縣以治之其烏撒烏蒙東川芒部等處宜約束其酋

長其民毋挾兵刃

丙辰南雄侯趙庸率兵攻東莞等縣石赤嶺等寨平之
詔諭烏蒙烏撒東昌等處人民效順中國有不遵教化者
即加兵討之

皇明大政紀 卷三

五十一

征南副將軍沐英等遣列侯金朝興等兵畧澂江臨安沅
江尋甸楚雄洱海俱下之

命汝南侯梅思祖掌雲南布政司事張統爲左叅政

命天下朝覲官各舉所知一人

龍川河源民自稱李元帥合龍南民作亂南雄侯趙庸發
兵擒賊五百七十餘人平之

始改國子學爲國子監

二月詔諭雲南諸夷

閏二月彗星見

陽山歸善等縣蠻夷及燈籠湖城家塘潭源洞等處宿盜
爲民害南雄侯趙庸悉分兵討平之

甲子遣使詣雲南賜各土酋冠帶給以誥勅使任本州

官
癸卯克大理擒土酋段世并略鶴慶麗江石關金齒及車
里緬甸等處俱下之

大理城倚點蒼山西臨洱海爲固土酋段世聞王師且
至聚衆扼下門以守下關者南詔皮羅閣所築龍尾關

是也號爲險要藍王等至品甸遣定遠侯王弼以兵由
洱海東趨上關爲犄角勢自率衆抵下關造攻具遣都

督胡海洋夜四鼓由石門間道渡河繞出點蒼山後攀
木援崖而上立我旗幟昧爽我軍抵下關者望之踴躍

誼譟酋衆驚沐英先士卒策馬渡河水沒馬腹將士隨
之莫敢後遂斬關而入山上軍望見亦下攻之酋兵腹

背受敵遂斬關而入山上軍望見亦下取鶴慶等處諸
夷悉平

三月改儀鑾司爲錦衣衛及置鎮撫司

所隸大漢將軍力士校尉人等專掌直駕侍衛巡捕等
事

丙辰副將軍藍王攻三營萬戶皆拔之

春坊正字魏德壽舉文學汪叔瑜等 詔有司各以楮幣
聘之

征南將軍傅友德等奏雲南圖籍不存兵數無從稽考當
以今日要害量宜設衛以守從之

癸亥命南雄侯趙庸籍廣州蠻戶萬人爲水軍

時蠻人附海島無定居或寇盜故藉而用之

丁卯詔更定官員相遇及公衆禮儀

四月廉州府巡檢王德亨奏請得兵取水銀坑冶及青綠紫泥詔禁止之

上謂戶部臣曰盡心求利商賈之所爲開邊啓釁帝王之深戒今珍奇之產中國豈無朕悉閉絕之恐此途一開小人規利勞民傷財爲害甚大况控制邊境責於安靜苟用兵爭利擾攘不休雖悔無及此人但知趨利不知釀害豈可聽也

詔天下通祀孔子賜學糧增師生廩膳

皇明大政紀 三卷 五十三

詔免浙江江西河南山東直隸州府縣稅糧

丙申更定春坊爲左右春坊

坊置大學士庶子諭德各一人中允贊善司直郎各二人

置司經局

局設洗馬校書正字各二人

烏撒諸蠻復叛勅征南大將軍傅友德等留大軍蕩除諸蠻戮其酋長使之畏服方可分兵守禦

以儒士吳顯爲國子監祭酒

詔旌表遼東高希鳳家爲五節婦之門裴皮鐵家爲貞節之門

以宋訥爲翰林學士

日本國王遣人朝貢

西堡蠻賊寇普定貴州衛指揮同知顧成出兵擊敗之五月己酉朔皇長孫雄英卒

國子監新成

上謂禮部尚書劉仲質曰國學新成朕將釋菜今諸儒議禮曰孔子雖聖人臣也禮宜一奠而再拜朕以孔子明道德以教世豈可以職位論哉昔周太祖如孔祠將拜左右曰孔子陪臣不宜拜周太祖曰百世帝王之師敢不拜乎遂再拜朕深嘉其明斷不惑於左右之言今朕君天下敬禮百神先師之禮宜特加尊崇於是仲質與儒臣定議前後皆再拜

皇明大政紀 三卷 五十四

乙丑上幸國子監詣先師孔子行釋菜禮退御講筵

命祭酒吳顯等以次講畢遂賜宴竟日而還

上謂之曰孔子生於周末承上古聖人道統之傳率天下後世之人皆欲行聖人之道惜乎魯國君臣無能用

之者當時獨一公父文伯之母責其子之不能從則一國之君臣可愧矣卿等爲師表正當以孔子之道爲教

使諸生咸知所趨向則朝廷得人矣復命取尚書大禹皋陶謨洪範親爲講說反復開論羣臣聞者莫不悚悅

丙寅國子祭酒吳顯率學官上表謝賜人衣二套

丁卯以散騎舍人耿瑄爲尚寶司卿

勅諭國子監生立志務學正儀慎言勉務進修無間晝夜有非此禮者監丞懲之

遣使求經明行修之士

廣平府吏王允道請破州臨水鎮置爐冶鐵詔杖之流海外

命奉臣議遼東屯田法以圖長久之利

上聞士卒饋運海有溺死者故下諭議之

六月勅諸司各存天理行事若是不公鬼神不饒如何消受食祿

置大渡河守禦千戶所

傳友德調從征千戶吳中領兵守之仍造船以渡往來
皇明大政紀 王六

七月旌表新樂孝婦劉氏復其徭役

上與翰林學士宋訥論後世人君不知敬民之事

上曰朕每觀尚書至敬授人時嘗歎敬天之事後世中

主猶能知之敬民之事鮮有知者蓋彼自謂崇高謂民

皆事我者分所當然威嚴日重而恩禮寢薄所以然

者只爲視民輕也視民輕則與已不相干而畔渙散離

不難矣惟能知民與已相干則必無慢事之弊

乙亥起前國子助教開濟試刑部尚書楊汝賢試刑部侍郎

征南將軍傅友德沐英率兵擊烏撒大敗其衆斬首三萬

餘級復遣兵捕餘黨盡平之

八月詔禮部設科舉取士令天下學校三年一試著爲定例

已卯廣東儒士上治平策數千言不及用賢上謂侍臣以不識道理責之

遣使勅征南將軍傅友德等檄定百蠻威加八譯特以朕心勞之

丙戌皇后馬氏崩

上慟哭終身不復立后諡爲孝潔皇后

以秀才曾泰爲戶部尚書

泰江夏人有學行故不次用之

皇明大政紀 王六

詔遣延安侯耿勝宗長興侯耿炳文巡視陝西督軍屯田

九月已酉吏部以經明行修之士鄭韜等三千七百餘人入見上令悉舉所知仍賜緡等鈔人一錠

時單縣儒士張寧舉黃倫等復遣使徵之

置天下提刑按察司

凡官吏賢否軍民利病皆得廉問糾舉

晉府長史桂彥良上太平治要十二事上以通儒稱之

一曰法天道二曰廣地理三曰順人心四曰養聖德五

曰培國脉六曰開經筵七曰精選舉八曰審刑罰九曰

敦教化十曰馭戎狄十一曰惠才俊十二曰廣咨訪

乙丑夜熒惑犯南斗上勅征南將軍傅友德等嚴加戒

防以備不虞。

壬申儒士沈士榮疏請給筆札條列事宜。上褒諭之。翰林待詔。

北平都司奏黃土嶺一片石董家口前鋒諸關隘。凡三百處宜以各衛校卒戍守其地。詔從之。

上酋楊直糾諸蠻復叛攻雲南城征南副將軍沐英遣兵悉勦平之。

斬首六萬餘級生擒四千餘人諸部悉定。

十月丙子朔朝罷召侍從儒臣訪論古道嘉典籍吳沈德業文學之美命善工者繪其像賜之。

命禮部頒劉向說苑新序於天下學校令生員誦讀。

皇明大政紀

卷三

五十五

廣東盜起南雄侯趙庸討平之。

已亥置諫院官以耆儒劉靖關賢為左右司諫兼春坊左右庶子趙肅何顯用為左右正言兼春坊左右諭德。

詔自今有以繁文出入人罪者罪之。

刑部尚書開濟奏曰欽惟聖明治在復古凡事務從簡今內外諸司議刑奏劄動輒千萬言泛濫無紀失其本情苟非禁革習以成弊。上曰虛詞失實浮文亂真朕甚厭之於是命刑部會諸司官吏議成式榜示中外。

十一月戊午倣宋制設殿閣大學士

以禮部尚書劉仲質為華蓋殿大學士翰林院學士宋訥為文淵閣大學士檢討吳伯宗為武英殿大學士典

籍吳沈為東閣大學士

徵耆儒鮑恂全銓張長年至京。命為文華殿大學士。各以老辭不拜。

壬戌詔禮部修治國子監舊藏書板。

諭曰古先聖賢之言以教後世所存者書而已朕每觀書自覺有益嘗以諭徐達亦好學親儒士囊書自隨蓋讀書窮理於日用事物之間自見得道理分明則所行不致差謬書之所以有益於人也如此今國子監舊藏書板多殘闕其令諸儒考補命工部督匠修治之庶有資於學者

設都察院以詹徽林駟為監察都御史。

皇明大政紀

卷三

五十八

詔都察院以巡按事宜頒行各處提刑按察司俾各舉其職

壬申擢監察御史任昂為禮部尚書翰林典籍李紳為侍讀學士

十一月孝陵成封都督李新為崇山侯。

乙酉定天下僧道服色袈裟法服。

延安侯唐勝宗等奏訓練陝西二十二衛軍馬數。

卒凡一十六萬六千八百七十四人得驍勇騎士一萬九千七百九十人習馬二萬三千五百匹。

大學士吳沈薦方孝孺學行。上召見稱為壯士當老其才而用之遣還鄉。

己亥命永成侯薛顯南雄侯趙庸往山西理軍務。
癸亥洪武十六年正月己巳朔。

遣使勅琉球國中山王察度等三王毋互爭廢農殘民。
戊申白虹貫日。

諭刑部尚書開濟都御史詹徽等自今凡有論決必再三
詳讞覆奏而行毋重傷人命。

上曰凡論囚須原情不可深入人罪蓋人命至重常存
平恕之心猶恐失之况深文乎昨民有子犯法當死其
父行賄求免御史執之并欲論罪朕以父子至親子死
而父救之人之至情也故但論其子而赦其父。

命魏國公徐達率列侯郭興趙庸薛顯等出鎮北平訓練
士卒。

丁巳 上以國子監祭酒吳顯寬縱不能繩檢武臣子弟
免之。

以文淵閣大學士宋訥為國子監祭酒。

以雲南所屬烏撒烏蒙芒部三府隸四川布政司。

命國公李文忠兼領國子監事。

諭之曰國學為育才之地公侯之子弟咸在焉雖講授
自節然貴游子弟苟非威望重臣以蒞之則恐怠於務
學故特命卿兼蒞其事必時加勸勵俾有成就。

二月 上與羣臣論唐太宗帝範。

上觀帝範謂侍臣曰此十二篇者雖非帝王精微之道

然語意備至曲盡物情使其子孫克守其言亦足為訓
自後女主竊柄有乖君體骨肉少恩有乖逮親語使並
進有乖求賢忠諫者忌之讒佞者悅之驕奢縱恣罔知
戒懼實罰政令不行於天下闕豎小人朋比於國中卒
召禍亂之禍而唐祚遂衰有國家者其可不守祖宗之

訓乎

命天下府州縣學校歲貢生員各一人。
命復鳳陽臨淮二縣雜差。

己丑東閣大學士吳沈進精誠錄。

六十

先是 上將享太廟致齋於武英殿召沈等謂之曰朕
聞古聖賢書其垂訓立教大要有三曰敬天曰忠君曰
孝親君能敬天臣能忠君子能孝親則人道立矣然其
言散在經傳未易會其要領汝等其以聖賢所言之事
以類編集庶便觀覽至是書成 上覽而善之賜名精
誠錄命沈為之序。

命天下府州縣學校歲貢生員各一人。

命復鳳陽臨淮二縣雜差。

征南將軍傅友德等遣人送故元雲南右丞觀音保系政
軍里不花及酋長段世等一百六十人至京各賜其家衣

服

以觀音保爲金齒指揮使賜姓名李觀

三月甲辰以雲南平詔征南諸將穎川侯傅友德永昌侯藍玉回京留西平侯沐英鎮守

時友德等攻蒙化府鄧州破佛光砦并北勝麗江等府平津等州以平及車里之外曰八百媳婦皆來附故

召之

命刑部尚書開濟議定詐僞律條

上與侍臣論歷代創業及國祚修短

侍臣皆曰前代祚運之長莫逾成周其次莫如漢諫議大夫唐鐸進曰三代以後起布衣有天下者咸稱漢高

皇帝明大政紀

卷六十一

帝及陛下而已以臣觀之漢高除秦苛法雜伯而不純

陛下革胡元弊政一復中國先王之舊所謂撥亂世反之正漢高不事詩書甘心馬上陛下留心聖學親洒宸

翰制諭萬方卓然與典謨訓誥相表裏陛下豈漢高所能及哉上曰此不足論周家自公劉后稷奕世積德

文王以服事殷武王遂一戎衣而有天下若使其后君非成康臣非周召益修厥德則文武之業何能至八百

年之久乎書曰皇天無親惟德是輔使吾後世子孫皆如成康輔弼之臣皆如周召則可以祈天永命國祚愈

昌侍臣頓首曰陛下斯言宗社萬年之福也

詔復鳳淮孫賦視豐沛

三月甲戌賜文華殿大學士全誠致仕

倭寇浙東

上與侍臣論人君好尚不可不慎

上曰人君不能無好尚要當慎之蓋好功則貪名者進好財則言利者進好術則游談者進好諛則巧佞者進

夫偏於所好者鮮有不累其心故好功不如好德好財不如好廉好術不如好信好諛不如好直夫好得其正

未有不治好失其正未有不亂所以不可不慎也

刑部尚書開濟議法巧密詔戒之

上謂刑部禁民爲奸使之遠罪非以陷民也汝張密法

以罔民無乃用心太刻夫竭澤而漁害及鯢鱣焚山而

田禍及麋穀巧密之法百姓其能免乎此非朕所以望

汝也濟大慙

故元海西右丞阿魯灰遣人至遼東願內附遣使齎勅

往諭之

五月免應天太平鎮江寧國廣德五郡稅糧

命戶部諭其民曰五郡爲興王之地其民助朕居多故

數免稅以酬其勞敢有侵漁者必置於法

令都司上衛所城池水陸地里圖

命禮部及翰林院定嫡妾封贈例

命六安侯王志安慶侯仇成鳳翔侯張龍督兵往雲南尋

六月刑部尚書開濟等官議五六日旬時審五覆之法詔以失實戒之

上曰天下之事不可徇名而失實當因名而責實通聞審覆之法但應旬時之名無曰今是昨非但未大同小異審覆者未必盡其心告訴者未必盡其情朕深知其弊爾宜戒之

戊戌上與大學士吳沆論小人爲害不可不察

沆等進講周書國則罔有立政用儉人上曰有小人必敗君子故唐虞任禹稷必去四凶晉用仲尼必去少正卯小人巧於悅上忍於賊下人君若喜其順適已意任其所爲害者必多怨將誰歸譬如犬馬噬人人不怨

皇明大政紀 三卷

六十五

蓄犬馬者乎沆曰小人中懷奸邪而其言甚似忠信不可不察上曰察之亦不易小人善於逢迎彼知人主之所樂爲者不顧非義乃牽合附會曰是不可不爲知人主不樂爲者不顧有益於天下國家亦牽合附會曰是不必爲此誠國之賊也自古以知人爲難而知言亦不易也

七月勅征南諸將傅友德等計處習字九寨及五村大壩下池等處諸蠻

詔更定冕服之制

遣御史錄囚於諸省

八月壬申朔日食

諭僉都御史詹徽等令御史及按察司巡歷郡縣凡官吏賢否政事得失風俗美惡軍民利病悉宜究心令其知之丙戌降東閣大學士吳沆爲翰林侍書

以進講後期考功監劾之故也

九月癸卯磨勘司奏增牙牌律詔從之

癸丑命中國公鄧鎮爲征南將軍臨江侯陳鏞濟寧侯顧

敬率兵討龍泉山寇

時廣東徭賊作亂江西永新龍泉山民互相煽動結聚徒黨有稱順天王勢甚猖獗江西都指揮戴宗率兵勦捕不克至是命鎮等將兵往討之

十月詔授武定軍民府女知府商勝誥賜朝服及織金

皇明大政紀 三卷

六十四

羅衣紗帽命帶

高麗王遣其臣張伯等貢方物以歲貢不如約却之

詔頒鄉飲酒禮圖式於天下

辛卯降都察院右僉都御史茹太素爲翰林院檢討

上以諸番國進貢真偽難辨命禮部各給勘合文冊

十一月壬子禮部奏請以蜀守漢文翁朱張詠與秦李冰

同祠祀及釣州有黃霸密縣有卓茂松江有陸遜及子抗

從子凱彭澤有狄仁傑建州有謝夷甫各舊祠宜令有司

脩葺并江州李輔嗣宜增祀其侄秉昭安慶余闕祠增祀

萬戶李宗閔詔皆從之

詔定朝參官員坐次

十二月甲午刑部尚書開濟等有罪伏誅

濟好以法中傷人擅移文督責諸司若中書省所爲者又爲榜戒其寮屬曰尚書任久事之遲錯皆寬大容忍復爾則罪不爾貸奏請揭於文華殿以示衆上曰汝告戒寮屬之言欲張之殿廷豈人臣禮耶濟慚謝未幾又立簿曰與戌之書以限寮屬出入上聞切責曰聞知古人以卯酉爲常道今使趨事赴工者朝自寅暮盡戌奉父母會妻子能幾何時耶濟不聽獄囚有禁死者濟亦不問嘗受一囚賂以獄中死囚代而脫之爲獄官所發上詔濟論之濟歸部與侍郎王希哲主事王叔徵執獄官於獄扼其吭而殺之上怒乃下濟獄併

呈明大政紀

卷六

六十五

執王希哲等詔廷臣訊之濟具服於是并希哲等誅之濟陰毒狡險外事諛悅嘗朝罷上召與論政事濟無建明但稱曰眞聖人眞聖人故上又深惡其諂佞云武英殿大學士吳伯宗以薦舉失人降爲翰林檢討贈禮部侍郎朱同僉都御史詹徽左通政蔡瑄等十二人

集本

甲子洪武十七年正月己亥朔

信國公湯和巡視海道築山東江南北浙東西海上諸城以孔子五十七代孫訥襲封衍聖公

旌表山陰縣民徐允讓及其妻潘氏孝節

元末兵亂允讓以潘氏奉其父安避兵山谷間遇寇砍

安頸流血允讓抱安大呼曰汝寧殺我勿殺吾父寇聞捨安殺允讓將辱潘潘給曰我夫死從汝必矣若能焚吾夫則無憾也寇以爲然縱潘聚薪焚其夫火方熾潘卽投火中死寇驚嘆而去安得不死至是有司以聞上以允讓能捐生以救父死潘氏能全節以盡婦道詔旌其門

命魏國公徐達出鎮北平

二月更定都察院以詹徽爲左都御史

陞正二品衙門定設左右都御史正二品左右副都御史正三品左右僉都御史正四品以後陞用詳列卿年表

呈明大政紀

卷三

六十六

庚戌上與學士李紳論武事

紳曰用兵重在任將上曰任將之道固重然必任之專信之篤而後可以成功昔齊用司馬穰苴魏用樂羊可謂任之專信之篤皆有功若唐肅宗用吐突承璀爲監軍使諸將掣肘以致敗事者任將不專不篤故也紳曰惟陛下聖明深知此失上曰將必擇有識有謀有仁有勇者有識能察幾於未形有謀能制勝於未動有仁能得士心有勇能摧堅破銳兼是四者庶可以成功然亦在人君任之何如耳

命吏部凡文武愛制已在職五年廉勤無過者照品給半祿終制在三年者給全祿三年

定吏員資格。

詔旌徽州黟縣民鮑叔用妻徐氏爲貞節之門。

三月大赦。

命禮部尚書頒行科舉成式。

凡三年大比子午卯酉鄉試辰戌丑未會試舉人不拘

額從實充貢。

曹國公李文忠卒。

庚子征南將軍申國公鄧鎮平龍泉永新諸寇還京。

丁未江夏侯周德興請決荊州嶽山壩以通水利從之。

自是得溉田增官田租四千三百餘石。

征南將軍傅友德藍玉自雲南班師。上慰勞之。

皇明大政紀 卷三

六十七

詔改建刑部都察院大理寺署于太平門外。

勅曰建法司于玄武之左鍾山之陰。名其所曰貫城法

天之貫索也是星七宿如貫珠環而成象。乃天牢也。若

中虛而無凡星在內則刑官無邪私政平訟理獄無囚

人若凡星處貫內者刑官非人若中有星而明者貴人

無罪而獄。今法司已法天道建置爾諸職司各勵乃心

慎乃事法天道而行之。如貫之中虛庶不負朕肇建法

司之意也。爾其敬哉。

四月庚午。上與侍臣論大學衍義。

上曰朕親大學衍義一書甚有益於治道。每披閱便有

警省。故令儒臣日與太子諸王講說使監古驗今。窮其

得失大抵其書先經後史。要領分明使人觀之易忘。

有國之龜鑑也。

壬午論平雲南功。

進封傅友德爲穎國公永昌侯藍玉安慶侯仇成定遠

侯王弼當爵及子孫陳桓普定侯胡海東川侯郭英武

安侯張翼鶴慶侯其餘將校遞陞有差。

上與諫議大夫唐鐸論聽言。

上曰人有公私好惡不齊故言有邪有正。正言務規諫

邪言務諛諛言近於忠諛言近於愛。惟不惑於謗言

則聽日聰而諛人自去。不眩於諛言則智日明而佞人

自絕矣。鐸對曰聽言之難從古爲然。惟不爲所眩惑則

諛自遠陛下聖論深得其情。上曰朕日總萬幾所行

有得失非資人言何由以知。故廣開言路以來衆言有

善者則獎而行之風聞不實亦不之罪。惟諛佞而諛者

決不可容也。

旌釣州張宗魯爲孝行之門。

更定內侍監局司庫門官品職。

五月高麗訴地不產金願以馬代。詔許之。

濟南衛指揮使何誠奏伯父養已爲嗣所生父母先已受

封乞推封伯父下禮部議許之。

諭兵部移文有司凡征南將士有死者悉收其遺骸具棺

葬之。

六月。上與羣臣論禮樂。

上曰。治天下之道。禮樂二者而已。若通於禮而不通於樂。非所以淑人心而出治道達於樂而不達於禮。非所以振綱紀而立大中。必禮樂並行。然後治化醇一。或者曰。有禮樂不可無政刑。朕觀刑政二者。不過輔禮樂為治耳。苟為治。務刑政而遺禮樂。在上者雖有威嚴之政。必無和平之美。在下者雖存苟免之心。終無格非之誠。大抵禮樂者。治平之膏梁。刑政者。救弊之藥石。卿等於政事之間。宜知此意。毋徒以禮樂為虛文也。

命禮部製大成樂器以頒天下儒學。

皇明太政紀

卷九

諭遼東守將唐勝宗等絕高麗。

七月丁酉。戒勅內官毋預外事。凡諸司毋與內監文移往來。

上謂侍臣曰。為政必先謹內外之防。絕黨比之私。庶得朝廷清明。紀綱振肅。前代人君不鑒於此。宦寺與外臣交通。覘視動靜。實緣為奸。假竊威權。以亂國家。其為害非細故也。間有奮發欲去之者。勢不得行。反受其禍。延及善類。漢唐之事。深可歎也。夫仁者治於未亂。智者見於未形。朕為此禁。所以戒未然耳。

建朝天宮。

其地即吳淞城。晉西州故址。南宋時始置總明觀。唐建

紫極宮。宋真宗大中祥符間。改祥符宮。尋改天慶觀。元元貞時。改玄妙觀。文宗時。又改永壽宮。至是重建。賜名朝天宮。設道錄司于內。

上與翰林待詔朱善等論治體。

上曰。人君能以天下之好惡為好惡。則公以天下之智識為智識。則明。又曰。人之常情。多矜己能。好言人過。君子則揚人之善。不矜己之善。貸人之過。不貸己之過。又曰。萬事不可以耳目察。惟虛心以應之。多方不可以智力服。惟誠心以待之。善等皆悚聽。

景川侯曹震泰。西番有名。朵甘思。襄日族者。人馬牛羊。蕃盛。請來春發兵捕取。詔止之。

皇明太政紀

卷十

上曰。以利而動。非兵之善。宜鎮靜以俟。毋輕舉也。若不

服。則討之。

肝貽人獻天書。伏誅。

八月。庚午。

命東川侯胡海等督金吾等衛造海舟一百八十艘。

壬午。詔翰林撰皇伯壽春王墓文。仍令工部立石。

乙未。詔通經諸儒。撰汪仲魯左春坊左司直郎。

仲魯。講西伯戡黎篇。詞旨明暢。故擢之。

吏部尚書俞熾。定考績法。

九月。戊戌。懷慶府通判戴莊。湖廣都司副斷事高翼。靜寧州判官元喜。俱以秋滿考績。課最超。擢都察院左右僉都

御史。

辛丑命公侯駙馬并文官三品武官四品以上凡大朝會及常朝許由午門之右門出入其有宣召及不時奏事文官四品武官五品以下仍由左右掖門。

士陳遇卒。

迴字中行金陵人御史秦元之薦于上召語大悅遂日侍帷幄多所獻納車駕幸其第者再命之官輒辭既而命爲翰林學士者再又固辭尋命爲禮部侍郎進禮部尚書皆固辭淨澹恬退始終一致宸翰時加存問眷待之厚隆於勳戚。

十月壬申魏國公徐達奏上北平諸衛將校士卒之數。

皇明大政紀

三卷

卷一

衛十有七計將士一十萬五千四百七十一人。

而李氏爲淑妃攝中官事。

丙子河南北平大水命駙馬都尉李祺歐陽倫等往賑之乙酉景川侯曹震秦四川貴州二都司易西番馬二千四百五十疋請分給陝西河南將士詔從之。

詔通眉州蛾眉至建昌古驛道以溫江至建昌各驛馬移置之。

閏十月詔公侯夫人賜棺自今非奉特旨者不許奏請。

宋城侯薛顯母卒工部請以棺給之上曰賜乃朝廷之恩豈可請耶。

欽天監博士元統奏天度漸差請用郭伯玉推演大統曆法詔允行之。

大明清類天文分野書成。

十一月四川鎮南宣撫司土官必刺釋用等來朝貢方物賜鈔錠有差。

乙丑上與侍臣董倫等論人臣事君之道。

上曰責難之辭人所難受明君受之爲無難諂諛之語人所易從昏主聽之尤易入朕觀唐虞君臣賡歌責難之辭氣象雍容垂訓萬世此誠可法後世以諂諛相歡如陳後主江總輩污穢簡策貽譏千古此誠可戒贊善董倫對曰誠如聖諭惟明主則能慎擇之上曰責難皇明大政紀

王卷

七十五

不入於昏君諂諛難効於明主人臣以道事君惟在守之以正若患得患失則無所不至矣。

以孔子五十六世孫希文爲曲阜世職知縣。

壬申以牛誠爲駙馬都尉尚第三皇女宗寧公主命遼東立學校。

上謂禮部臣曰近命遼東立學校或言邊境不必建學夫聖人之教猶天也天有風雨霜露無所不施聖人之教亦無往不行昔箕子居朝鮮施八條之約故男遵禮義女尚貞信管寧居遼東講詩書陳俎豆飾威儀明禮讓而民化其德曾謂邊境之民不可以教乎况武臣子弟久居邊境鮮聞禮教恐漸移其性今使之誦詩書習

禮義非但可以造就其才他日亦可資用。
十二月壬寅翰林院待詔朱善奏請弛世婚之禁。詔允行之。

朱善奏按律尊屬卑幼相與為婚者有禁若謂父母之姊妹與已之身是為姑舅兩姨皆為已之尊屬已不可
以卑幼而匹之若已為姑舅兩姨之子彼為姑舅兩姨之女是無尊卑之嫌以門第則相匹以才德則相稱以年之長幼則相若為子擇婦為女擇婿宜莫先於此古人未嘗以為非也周之時王朝所與為婚者不過齊宋陳杞數國而已故當時稱異姓大國曰伯舅小國曰叔舅其世為婚姻可知也至於列國之君若齊宋魯衛陳

聖明大政

卷三

七十三

鄭泰晉亦各自為甥舅之國降及後世如晉之王謝唐之崔盧潘楊之睦朱陳之好無不以世婚為重其顯然可證者如溫嶠之王鏡臺此以舅之子而娶姑之女也呂榮公夫人張氏乃待制張昱之女而待制夫人即榮公母申國夫人之姊又非以小姨之子娶大姨之女乎朱子小學一書正所以明人倫也而榮公事有取焉如果以為不可則必不在所取矣今江西兩浙此弊尤甚以致獄訟繁興賄賂公行風俗凋敝願以臣所奏下羣臣議弛其禁上然其言。

太平府民毆死孕婦律當絞其子乞代父受刑。詔弗許。左都御史詹徽奏請裁決大理寺卿鄒俊議曰子代父

死情固可矜然死婦繫二人之命寬易由他犯入之條律何由貸與其存犯法之人孰若全無辜之詔從其議。

乙卯東川侯胡海奏招集山東故元軍士凡一千四百四十餘人。

詔修祖陵。

乙丑洪武十八年正月癸亥朔。

吏部奏考天下朝覲官政績詔稱職者陞平常者復其職不稱者降聞茸者為民貪汚者送法司罪之。

以儒士劉三吾為左春坊左贊善。

甲申命江夏侯周德興往河南招集故元將校。

聖明大政

卷三

七十四

丙戌福建按察使陶屋仲奏父以方氏故官徙鳳陽賴兄養成亦為鳳陽軍吏乞父兄得聚處以便祿養。詔許之高麗國王遣使進馬五千匹金五百斤銀五萬兩布五萬疋賜其使金庚等八十七人鈔錠有差。

二月甲辰上以當春久雨陰晦不解間雨雹雷諭中外百司下至編民卒伍苟有所見盡言無諱。

國子監祭酒宋訥獻守邊策。上嘉納之。

訥大畧議備邊在足兵足兵在屯田宜選數人每將以東西五百里為制隨其高下立法分屯布列綠邊之地遠近相望首尾相應遇敵則戰寇去則耕此長久安邊之策也又何必勞師萬里求僥倖之功以取無用之地

哉。

國子監博士高允憲請察方面郡縣官節行卓異政事公平者增秩賜金其聞葦不職及貪苛害民者斥逐誅戮使人知勸懲。詔納之。

國子監博士陳潛夫奏上漿直臣簡師儒勵廉耻審用入四事。詔納之。

命翰林待詔朱善典籍輯鉉主考禮闈。

散棘取中式舉人黃子澄等四百七十二人。

公徐達卒。

特封中山王諡武寧。

三月。上御奉天殿策會試中式舉人賜丁顯練子寧貴。

子澄進士及第賜馬京等進士出身。賜危獻等同進士出身。

上與侍臣論漢明帝苛察。

侍臣有言明帝亦聰明之主。上曰。人主不以獨見為明而以兼聽為明。通於人情。察於是非。則聰明得其正矣。若屑屑於細故。則未免苛察。上苛察則下急迫。反有累於聰明也。

上以諸進士未更事。俾觀政諸司。

在翰林承勅監等近侍衙門者。取庶常吉士之義。稱為庶吉士。其在六部諸司者。仍稱進士。

丁丑。命吏部定翰林官制。

正官學士一人。秩正五品。侍讀侍講學士各二人。從五品。侍讀侍講正六品。五經博士八品。餘詳官制。

遣使諭靖寧侯葉昇等。凡外寇入境。但當保障清野。靜以待之。候其急歸。急擊勿失。

以翰林待詔朱善為文淵閣大學士。

四月壬申。勅靖寧侯葉昇等飭理蓋復金三州城池。俟海運船至。即以操舟軍士併築之。

五色雲見。禮部請率百官表賀。詔卻之。

丁酉。吏部尚書余燦以罪誅。

時國子監祭酒宋訥以嚴為衆所嫉。助教金文徵與燦同鄉。謀逐之。吏部移文命訥致仕。訥陛辭。上驚問故。

皇明大政紀 三卷 七十六

遂鞠得實。以燦專擅威柄。并文徵等誅之。

命吏部凡溪洞郡縣擇賢守令。撫綏之。

馬平王簿孔性善言溪洞徭獍恃險竊發。殺掠吏民。及官軍討捕。率不能獲。兇頑自恣。為患益深。然此雖盜賊。豈無良心。昔者陳景文為知縣。徭獍皆應差役。厥後長吏撫字。乖方始復反側。誠使守令得人。示以恩信。諭以禍福。彼雖兇頑。豈不革心向化為良民乎。上嘉納其言。

戶部侍郎郭桓。胡益王道亨。坐盜官糧伏誅。

盜官糧七百萬石。詞連禮部刑部趙瑁王惠迪等。兵部工部侍郎王志麥志德等。及妄指平民皆至破家。上

閩法司通桓妄指將審刑吳庸等凌遲示衆。

思州諸洞蠻作亂命信國公湯和爲征虜將軍江夏侯周德興爲副將軍從楚王討平之。

五月辛酉 上與大學士朱善論持心之道。

上御華蓋殿朱善進讀心箴。上曰人心道心有倚伏之幾蓋仁愛之心生則伎害之心息正直之心存則邪詖之心消羞惡之心形則貪鄙之心絕忠慤之心萌則巧僞之心伏故人常持此心不爲情欲所蔽則至公無私自無有我之累矣。

上與侍臣論勤政之道。

上謂侍臣曰朕夙興視朝日高始退至午復出迨暮乃

皇明大政紀

主卷

七

罷日間所決事務恒默坐審思有未當者雖中夜不寐籌慮得當然後就寢侍臣對曰陛下勵精圖治天下蒼生之福但聖體過勞。上曰吾豈好勞而惡安向者天下未寧吾飢不暇食倦不暇寢今天下已安四方無事高居宴樂亦豈不願顧自古國家未有不以勤而興以怠而衰者天命去留人心向背皆決於此甚可畏也安敢暇逸。

以沔陽指揮僉事潘進爲雲南右衛指揮同知。

上以雲南叛服不常軍儲不給進能謹屯田善用兵由是軍不乏食事無廢弛故陞之。

六月詔禁諸司納賄。

布政司毋得送贓六部等衙門若六部等有犯必稽覈自何來司府州縣有犯必遞相窮究。

諭吏部定天下司府州縣官三年一朝齋其紀功圖冊赴部考覈著爲令。

上與侍臣論漢文帝未盡用人之道。

上閱漢書謂侍臣曰漢文恭儉玄默則有之至於用人蓋未盡道初將相大臣迎自代邸卽位首拜宋昌爲衛將軍張武爲郎中令其諸將相列侯宗室大臣皆在所緩非所以示至公也有一賈誼而不能用竟死長沙竇廣國賢欲相之以其皇后弟不可曰恐天下以吾私廣國夫以廣國之賢爲天下用人何避私嫌乎此其於君

皇明大政紀

卷七

七

人之道所以有未盡也。

七月 上與贊善劉三吾論安民之道。

上曰天下人民之衆豈能保其皆安朕爲天下之主心常在民惟恐有失所故每加詢問未嘗一日忘之三吾對曰聖心拳拳若此恩德之及民者深矣。上曰恩德亦非泛然譬如盧扁不施藥石病不自瘳匠如公輸不施繩墨木不自正君如堯舜無紀綱法度之施而但曰恩德所謂徒善不足以爲政也。

命宋國公馮勝爲征虜大將軍偕穎國公傅友德永昌侯藍玉等率京衛將士往北平會諸道兵操練備邊。

鎮江丹徒知縣胡孟通縣丞鄒伯高以事就逮者民數十

人詣闕訴其撫民有方。詔釋之。仍遣使以酒勞之。

詔山東北平災傷免秋糧。

八月丙辰。上與大學士朱善論任人之道。善曰古者人主致治。重在任人。蓋擇衆賢爲耳目。則視聽周乎四海。任衆智爲計慮。則利澤施於萬民。今天下太平。惟選任賢才。宜留聖慮。上曰然。任人之道。當嚴於簡擇。簡擇嚴。則庸鄙之人不進。當專於任使。任使專。則苟且之意不生。然必賢者乃可以專任之。非賢而專任者。必生亂也。是任人爲難。然人亦有謹於始而怠於終者。亦有過於前而改於後者。則固不能保其終始。惟終始如一者。其懷忠報國之心。堅如金石。安得不任之。

皇明太史

王善

七十九

若匿詐似信。懷奸若忠者。決不可任也。

邠州請以姜嫄公劉二廟入祀典。詔從之。

命都督府選武臣子弟入國學讀書。

以進士方昇梁德遠等六十七人爲六科給事中。六部試主事。

上諭之曰。忠良者國之寶。奸邪者國之蠹。故忠良進。則國日治。奸邪用。則國日亂。觀唐太宗用房杜。則斗米三錢。外戶不閉。玄宗用楊李。則安史作亂。蒙塵播遷。此可鑒矣。

道公侯伯還鄉里。

庚午。上與大學士朱善論齊家治國之道。

善講周易至家人。上曰齊家治國。其理無二。使一家之間。長幼內外各盡其分。事事循理。則一家治矣。一家既治。達之一國。以至天下。亦舉而措之耳。朕觀其要。只在誠實而有威嚴。誠則篤親愛之恩。嚴則無閹門之失。善對。誠如聖諭。

乙亥。五溪蠻叛。古州命楚王禎同征。虜將軍湯和等進兵勦捕之。

丁亥。以翰林檢討茹大素爲戶部尚書。

詔戶部申明天下四民各守其業。不許游食。庶民之家不許衣錦繡。

文淵閣大學士朱善卒。

皇明太史

王善

八十

築漳河堤。

十月。御製大誥成。頒行天下。

築欽天監觀星臺于鷄鳴山。

癸巳。詔工部釋孟子世孫有罪。輸作者。仍詢聖賢之後。在輸作者。依例釋之。

廣南府土酋叛。命平涼侯費聚率兵誅之。

遣吏科庶吉士楊靖齋勅勞宜興主簿王復春。不肯浚民徇上陞爲常州府同知。

十一月。上與侍臣論保國之道。

上曰。保國之道。歲富於民。民富則親。貧則離。民之貧富。國家休戚繫焉。自昔昏主。恣意奢欲。使百姓困乏。至於

亂亡朕思微時兵荒饑饉日食藜藿今日貴為天子宮中有大下未嘗一日忘于懷故宮室器用亦從朴素飲食衣服皆有常供惟恐過奢傷財害民也。

乙卯勅諭岷州河州鞏昌西寧臨洮諸衛武將但畱已所乘馬餘悉送官領價每馬一匹白銀三錠若非有餘及有餘而驛驛者皆勿送。

信國公湯和等平蠻師還京。

十二月丙午詔舉孝廉之士。

丙寅洪武十九年正月戊午朔。

上曰治民猶治水治水者順其性治民者順其情人情莫不好生惡死當省刑罰息干戈以莫之莫不厭貧喜富當重農事薄賦歛以厚之莫不好佚惡勞當簡興作節徭役以安之若使之不以其時用之不以其道但抑之以威迫之以力強其所不欲而求其服從是猶激水過顛終非其性也。

皇明大政紀

卷二

人主

以御製大誥頒賜國子監生及天下府州縣學生。

雲南左布政張統奏請中鹽商人照舊納米穀于金齒詔從之。

二月丁丑上與侍臣論仁智儉及天人相與之際。

上曰聖人篤于仁賢者不舞智若姑息之人不為愛物姦欺之智足以禍身又曰不可儉者祭祀然祭不可瀆不可儉者賞賚然賞不可濫又曰天人一理人當以心

為天。

遣使勞常熟知縣成天奇。

時府吏詣縣徑由中道入公堂天奇怒其越禮執之聞上喜其能以酒勞之。

雲南瑯洞西浦擺金擺榜諸蠻叛命賴國公傅友德率師討之。

三月上諭戶部毋聚歛傷國體。

上曰善理財者不病民以利官必生財以阜民前代理財竊名之官皆罔知此道謂生財裕國惟事剝削蠹蝕窮錙銖之利生事要功如桑弘羊之商販揚炎之兩稅自謂能盡理財之術殊不知其取財有限而傷民無窮

皇明大政紀

卷三

人主

我國家賦稅已有定制樽節用度自有餘饒減省徭役使男不廢耕女不廢織厚本抑末使游惰者皆盡力田畝自然家給人足汝戶部正當究心

辛未御製大誥續編成頒示天下。

省躬錄成。

初上命翰林儒臣編集歷代帝王祭祀祥異感應可為鑒戒者為書名曰存心錄朝夕觀覽後復命贊善劉三吾編類漢唐以來災異之應於臣下者別為一書名省躬錄至是詔頒行之。

白虹貫日。

四月丙戌定工匠輪班勘合。

初工部籍諸工匠。驗其丁力。定以三年爲班。更番赴京。輪作三月。如期交代。名曰輪班匠。議而未行。至是工部侍郎秦達復議舉行。量地遠近。以爲班次。且置籍爲勘合付之。至期齎至工部聽撥。免其家他役。著爲令。

河南大水。詔贖民鬻子。
陞慈谿知縣秦仲彰爲寧波知府。降知府李仲文爲慈谿知縣。

時仲文遣吏馬仁生行縣違法。仲彰械吏仁生至闕下。上嘉之。故陞仲彰而降仲文。

五月甲辰。詔天下有司存問高年。禮敦隱士。賑卹鰥寡孤獨。

皇明太政紀 卷三
諭吏部召還進士以過調書吏者魏安仁等六人。仍錄用之。

遣行人齎勅往勞崇德知縣畢輝。縣丞齊搏。剛正能官。命禮部遣人勞常州府知府范好古。發行人王良好食。仍械良至京罪之。

賜麗水耆老酒食及道里費遣還。

麗水民有賣卜者。嘗謁富室。不應所求。乃詣闕告大姓陳公望等五十七人聚衆謀亂。命錦衣衛千戶周原往捕之。知縣倪孟賢聞原將至。密召父老詢之。父老皆曰。無是事。孟賢又微服往察。見其男女耕紡如故。乃歸謂寮屬曰。朝廷命孟賢令是邑。惟欲撫輯斯民安於田土。

今使良善者受惡逆之名。豈朝廷命孟賢意耶。即具疏上聞。復令耆老四十人詣闕訴其妄。上命法司論其告者。

安置日本使僧于雲南。

詔天下行養老之政。凡富民年八十九十以上者。皆許冠帶。免雜派差役。

六月。平越衛麻哈苗蠻楊孟等聚衆作亂。征南將軍傅友德發兵討平之。

七月丙寅。上以左都御史詹徽戶部侍郎楊靖工部侍郎秦達通政使蔡瑄左通政茹瑺任職公勤。詔有司復其家。

皇明太政紀 卷三
蘇州知府王觀等筮死。好吏錢英。遣使齎勅勞之。國子監博士吳沈以老疾乞致仕。許之。

詔舉經明行修練達時務之。士年七十以上者。郡縣禮送京師。

上諭禮部郎中鄭居貞曰。古之老者。雖不任以政。至於諮詢謀謨。則老者閱歷多而見聞廣。達於事情。周於物理。有可資者。居貞對曰。人至六十。精力衰耗。則不能勝事。請六十以上者不遣。上曰。正爲近來有司不體朕意。士有耆年。便置不問。豈知老成古人所重。文王用呂尚而興。穆公不聽蹇叔而敗。伏生雖老。猶足傳經。豈可禁以耄而棄之也。若年六十以上七十以下者。當置諭。

林以備顧問四十以上六十以下者與於六部及布政司按察司用之。

三辰星見。

八月。上與侍臣論宋太宗改封樁庫爲內藏庫首開私財之端。

上曰人君以四海爲家因天下之財供天下之用何有公私之別太宗宋之賢君亦復如此他如漢靈帝之西苑唐德宗之瓊林大盈庫不必深責宋自乾德開寶以來有司計度之所缺者必籍其數以貸於內藏候課賦有餘則償之凡有司用度乃國家經費何以貸爲缺而許貸貸而復償是猶爲商賈者自與其家較量出入及

皇明大政紀

三卷

十五

內藏既盈乃以牙籤別其名物參驗帳籍晚年出簽示真宗曰善保此足矣貽謀如此何足爲訓書曰慎厥終惟其始太宗首開私財之端及其後世困於兵革三司財帛耗竭內藏積而不發間有發緡錢幾十萬以佐軍資便以爲能行其所難皆由太宗不能善始故也。

丙戌命榮陽侯楊通靖寧侯葉昇領兵捕象于廣西左江十萬山。

甲辰命皇太子修祖陵葬衣冠。

九月庚申西平侯沐英奏雲南地廣宜置屯田令軍士開耕以備儲蓄詔戶部行之。

辛未天壽聖節大宴羣臣于奉天殿。

縣早蝗郡縣。

十月頒志戒錄。

其書采輯秦漢唐宋爲臣悖逆者凡百有餘事賜羣臣及教官諸生講讀使知所監戒。

癸卯長興侯耿炳文奏訓練陝西都司所屬官軍數目凡三十四衛馬步官軍十二萬七千二百三十八人。

封湖廣布政使何真爲東莞伯。

十一月詔長興侯耿炳文率陝西延安二十一衛及西安護衛官軍往北平聽征。

十二月詔中軍都督府造通濟聚寶三山洪武等門并築後湖城。

皇明大政紀

三卷

十六

癸巳御製大誥三編成頒示天下。

上親序之被誅貪賊官吏一切作奸犯科姓名具列誥中前後三編凡臣民務要家藏人誦以爲鑒戒倘有不遵遷于化外其有大誥者偶有所犯減等科罪。

河南盧氏縣主簿徐存義奏請設都大梁洛陽及明賞罰正雅樂三事上嘉之。

左都御史詹徽請嚴刑上恐其流于濫戒止之。

皇明大政紀卷之四

臣豐城雷 禮謹輯

餘姚朱 錦謹校

金谿閔師孔謹訂

丁卯洪武二十年正月壬子朔。

北虜納哈出擁衆金山爲邊患。命宋國公馮勝爲征虜大將軍。賴國公傅友德。永昌侯藍玉爲左右副將軍。率列侯趙庸等領師二十萬討之。

詔焚錦衣衛刑具。以所繫囚送刑部審理。

先是天下官民有犯者。俱命屬法司。其有重罪逮至京者。或令收繫錦衣衛。實情斷用者。因以非法後言。

皇明大政紀

上聞之怒。命焚之。

已未詔修闕里孔子廟。

上謂侍郎秦達曰。春秋之世人紀廢壞。孔子以至聖之資。刪述六經。使先王之道晦而復明。萬世永賴。功莫大焉。夫食桑則思樹藝之原。衣帛則思養蚕之始。皆重其所從出也。孔子之功。與天地並立。故朕命天下通祀。以致崇報之意。而闕里又故聖降神之地。廟宇廢而不修。將何以安神靈。詔來世汝工部。其卽爲修理。以副朕懷。

甲子大祀天地于南郊。

禮成天氣清明。聖情悅豫。侍臣進曰。此陛下敬天地之誠所致。上曰。所謂敬天者。不獨嚴而有禮。當有

其實天以于民之任付於君。爲君者欲求事天。必先恤民。恤民者事天之實也。卽如國家命任守令之事。若不能福民。則是棄君之命。不敬孰大焉。又曰。爲人君者。父天母地。子民皆職分之所當盡。祀天地非祈福於己。實爲天下蒼生也。

府軍前衛老校丁成。奏陝州地產銀鑛。乞採取資國用。上諭侍臣戒止之。

上曰。君子好義。小人好利。好義者以利民爲心。好利者以戕民爲務。故凡言利之人。皆戕民之賊也。朕嘗聞故元時江西豐城之民。苦官採金。其初有司貪爲己功。歲額猶足取辦。經久地產既竭。民力消耗。一州之人卒受無窮之害。此可以爲戒。豈宜效之。

皇明大政紀

二月浙江及直隸蘇州等府縣進魚鱗冊。

先是上命戶部覈實天下田土。而兩浙富民畏避徭役。往往以田產詭託親隣。勢要久之相習成風。奸弊百出。謂之通天詭寄。於是奸宄糧差累及善良。上聞之。遣國子生武淳等往各處。集里甲耆民躬履田畝。圖其田形方圓。大其字號。悉書主名。用步弓丈量編類爲冊。其法甚備。以圖所繪狀若魚鱗。然故名。

甲申大將軍馮勝遣右副將軍藍玉乘大雪將輕騎出松亭關襲虜營。殺其平章果來擒其子不藍奚并獲人馬還乙酉躬耕籍田。遣官享先農禮成宴羣臣於壇所。

甲辰御註書洪範成。

上召贊善劉三吾曰。朕觀洪範一篇。帝王爲治之道也。所以叙彝倫立皇極保萬民叙四時成百穀本於天道而驗於人事箕子爲武王陳之武王猶自謙曰。五帝之道我未能焉。朕每爲惕然遂疏其旨爲朝夕省觀三吾對曰。陛下留心是書上明聖道下福生民爲萬世開太平者也。

置兩浙防倭衛所。

三月復設交城縣大通鐵冶所。

初大通置冶歲貢雲子生熟鐵十萬斤後罷聽民採取至是朝廷繕治兵器當用雲子鐵而他所不產工部以

聖明大政紀

言故命復設之

高麗王表請不受馬直。勅延安侯唐勝宗以直償之。

暹羅國以馬來貢。詔如高麗償之。

大將軍馮勝等率師出松亭關築大寧寬河會州富峪四城遂駐兵大寧。

甲戌雲南左布政使張統秩滿來朝。賜璽書勞之。

統首任雲南五年能撫綏夷人諸蠻信服。上嘉其功。出天下十二牧之首。

四月戊子命江夏侯周德興往福建視要害築城按籍抽丁爲戍兵以防倭寇。

凡得丁壯一萬五千餘人築城十六。增置巡檢司四十。

有五。分隸諸衛。

左都御史詹徽奏有軍人犯罪當杖其人嘗兩得罪幸有免今復不悛宜并罪論誅。上以其用刑不信止杖遣之。五月庚申遣使齎勅諭西平侯沐英等晝夜緝理金齒楚雄緬甸及瀾滄江中諸道自今以後平緬不許一人差往靜以待之。

丙寅遣使齎勅諭征虜大將軍馮勝等乘納哈出棄金山宜進取之不可稽緩。

丁卯。上與侍臣論善惡感應之理。

上曰爲惡或免於禍然理無可爲之惡爲善或未蒙福然理無不可爲之善人惟修其在己者福禍則聽於天

聖明大政紀

彼爲善無福爲惡無禍者特未至耳。

甲戌禮儀司蠻子鎮撫張允恭送乃刺吾至大將軍馮勝營勝遣人送納哈出所。

六月丁酉臨江侯陳鏞從征納哈出沒于軍。

丁未征虜大將軍馮勝駐金山遣永昌侯藍玉至納哈出營降其衆。

納哈出分兵爲三營。一曰榆林深處。一曰養鷺庄。一曰龍安。一曰河輜重富盛牧蓄蕃息虜主數招之不往。及是大軍逼之納哈出計無所出乃刺吾因勸之降納哈出猶豫未決勝遣指揮往諭之納哈出乃遣使至勝營陽爲納款而實覘兵勢勝遂遣玉往一秃河受其降虜

使見勝還報納哈出聞之指天嘆曰天不復與我有此衆矣遂率數百騎自詣玉納降玉大喜出酒與之飲甚相歡納哈出願其下咄咄語將脫去時常茂在座其麾下解胡語者以告茂茂直前縛之納哈出大驚起欲就馬茂拔刀砍之傷臂不得去耿忠遂以衆擁之見勝納哈出所部妻子將士凡十餘萬在松花河北聞納哈出被傷遂驚潰餘衆欲來追勝遣前降將觀童往諭之於是其衆悉降勝以禮遇納哈出復加慰諭令耿忠與同寢食遣使奏捷于京仍奏常茂驚潰虜衆遂班師悉以納哈出來降將卒妻子及其輜重俱南行仍以都督濮英等將騎兵三千爲殿

皇明大政紀
大白經天

閏六月都督濮英殿大軍還道爲虜所乘死之

初納哈出之降餘衆驚潰者皆竄匿及聞大將軍旋師以其降衆俱行甚憾之乃設伏於途侯大軍過而邀之英等後至伏發猝爲所乘衆寡不敵遂見執英絕食不言乘間自剖腹而死後贈金山侯諡忠襄

七月丁酉納哈出所部營王失刺八禿等來降大將軍馮勝遣人送之京師仍遣定遠侯王弼發官軍往迎

詔太公從祀帝王廟

禮部奏請如前代故事立武學仍建武成王廟上曰立武學是岐文武爲二輕天下無全才矣三代以上之

士文武兼備用無不宜即以太公之鷹揚而授丹書符山甫之賦政而式古訓召虎之經營而陳文德豈比於後世武學專講韜略不事經訓專習干戈不聞俎豆拘於一藝之偏之陋哉今又欲循舊立武學建立武成王廟是乃後世之陋習也太公宜從祀帝王廟其武成王廟罷之

定親王祿五萬石

八月上與侍臣論謹嗜好

上曰人君一心當謹嗜好不爲物誘則如明鏡止水可以鑑照萬類一爲物誘則鏡垢水渟豈能照物侍臣對曰陛下謹所嗜好正心之道莫過於此上曰人亦

皇明大政紀

豈能無嗜好但在好之得其正耳如人主好賢則不肖遠好直則諂佞者遠而國治矣苟反其所好則賢者遠而不肖者進正直者遠而和佞者進欲國不亂難矣一嗜好之間而治亂係焉可不謹乎

壬子戒大將軍馮勝等在軍事多不律當改行易慮以圖後功

上曰近以沙漠未清命汝等率師何膺大將軍之任而乃專爲已私播惡胡中降虜致恨古之名將豈如是耶及旋師之際部伍無法致使濮英等人馬三千陷沒於虜又不聽朕命擅發留守大寧軍卒遂遺殘胡後患凡若此者論以國法皆當不宥朕以將軍嘗有戰功姑容

自新若改行易慮庶可保全以圖後功往來人言頗多
舉其大槩於將軍亦報哉。

丙辰遣使齎詔諭來降達達以安處事宜示之。

癸丑詔征虜大將軍馮勝還令永昌侯藍玉行總兵官事
鄭國公常茂勝之塔也勝每於衆軍中折之茂不能堪
出不遜之語勝銜之及降納哈出而虜衆驚潰勝欲自
解故歸咎於茂而奏之茂既至陳所以降納哈出之故
上曰如爾所言勝亦不得無罪命收其總兵印。

詔景川侯曹震選四川所屬精兵二萬五千往雲南尋甸
之地屯種以候征討。

丁丑征虜大將軍馮勝以故元降將納哈出所部官屬將
校三千三百餘人送至京師。

九月封納哈出爲海西侯。

納哈出等見上撫慰甚至賜以一品服封以侯爵其
官屬悉賜衣服冠帶授以指揮千百戶有差俾各食祿
不任事分隸雲南兩廣福建各都司處之

詔左副將軍傅友德編集新附軍士簡練精兵屯駐大
寧以防北虜寇挾。

北平布政使請自河間景州至永平撫寧馬驛吳橋至通
州水驛各增置馬及船從之。

永昌侯藍玉奏自遵化至喜峰口及寬河柘山會州新城
大寧等處宜置馬驛以備邊報從之。

乙未天壽聖節受朝賀宴羣臣于奉天殿。
皇太子宴國戚及東宮官于文華殿。

丁酉安置鄭國公常茂於龍川。

茂坐驚潰虜衆罪當誅上念其父開平王之功宥之

丁未遣指揮趙隆齎詔以永昌侯藍玉爲大將軍延平侯
唐勝武定侯郭英爲左右副將軍都督僉事耿忠孫恪爲
左右叅將率兵討殘胡肅清沙漠。

命長興侯耿炳文率陝西軍士城西寧。

十月戊申朔饗太廟。

封都督僉事朱壽爲船塢侯張赫爲航海侯。

改建歷代忠臣廟于雞鳴山之陽。

先是漢疎陵尉將子文晉尚書令下臺南唐節度使劉

仁瞻宋武惠王曹彬元御史大夫福壽皆已立祠上
以其溷處間巷故詔徙之。

遣使賚穎國公傅友德所稅北番降卒

凡四萬六百餘人布九十六萬一千五百八十五疋

壬子以顏檜爲溧陽縣丞。

檜顏子五十八代孫也。

罷宋國公馮勝歸鳳陽。

詔公侯駙馬出使其僕從及諸藩府使人無符驗者不許
擅乘驛傳船馬違者罪之。

命兵部遣使籍杭州嚴州金華寧波紹興及徽州市民富

賈者出克鳳陽宿州抵河南鄭州驛馬戶。

上與諸將論兵政。

上曰國家用兵猶醫之用藥。黃藥以治疾不可無疾而服藥。國家未寧用兵以勘定禍亂。及四方承平只宜修甲兵練士卒使常有備。蓋兵能弭亂亦能召亂。若恃其強富喜功生事結怨啟釁適以召亂。正猶醫家妄以瞑眩之藥強進無病之人縱不殘軀殞命亦傷元氣。故為國者但當常講武事不可窮兵黷武爾等皆有軍旅之寄宜深體朕意庶幾無失。

命吏部選南方學官有學行者分教北方學校生徒增廣生員不拘額數復其家。

皇明大政紀

卷四

九

庚午征虜將軍藍玉奏天氣向寒胡人歛迹請大軍回。

州近城屯駐。竊有邊報然後進軍。詔許之。

十一月壬午。命昔定侯陳桓靖寧侯葉昇總制雲南諸軍。

詔定邊姚安等處立營屯種以疎農隙征進。又命桓等領兵屯田於畢節等衛。

癸未大將軍藍玉遣人送所獲故元將士一千九百餘人并獻所獲宣勅金銅牌。

戊子以河南府儒學訓導葛鈞為翰林院侍講學士。

甲午大將軍藍玉奏故元丞相哈剌章乃兒不花等遁入和林乞進兵剿滅許之。

二月辛未河間阜城驛馬戶以學生馬來進。詔還之。

上曰馬戶芻豆之給其費不輕故常命兵部榜諭凡驛馬學生聽民出賣今復來進者豈朕言不信於民耶。無乃有司奉行之不至也。其即還之。

上製大誥二十二篇訓中外武臣。

上以武臣出自戎伍罔知憲典往往麗法乃親製訓之俾知守紀律撫軍士立勲業保爵位。

戊辰洪武二十一年正月丙子朔。

已卯命曹國公李景隆率列侯王弼張翼調徐邳等官軍防守漠北新附來韃軍。

命永平侯謝成以所送韃軍分隸濟南濟寧等衛軍伍。

皇明大政紀

卷四

十

居。

詔吏部復前諸城知縣陳允恭官。

允恭以簿書之過謫戍雲南。上聞其治縣能愛民下詔復之。

以浙江道御史凌漢為都察院右副都御史。

漢鞫獄平恕人有德漢者遇諸途厚報以金。漢曰子罪當爾律有定法非私子何以金為。固拒不受有廉得其

事以聞者故陞用之。

壬午韶州府知府王世安奏請修唐賢相張九齡宋名臣余靖祠從之。

韃靼官軍姚曲里歹等反於廣西命穎國公傅友德率辰

沅貴州普定等衛兵討平之。

故元將信童來降。大將軍藍玉遣人送京師。

二月。長興侯耿炳文承制遣陝西都指揮同知馬燁率西安等衛兵三萬三千解屯雲南。

普定侯陳桓等報立祿肇保城。

乙卯。大將軍藍玉途降胡寡婦一萬六十三人至京。命以文綺帛衣寶鈔賜之。

戊午。詔定歷代名臣從祀帝王廟。

先是禮部具名奏請。上裁定。以風后力牧皋陶夔龍

伯夷伯益伊尹傳說周公旦召公奭太公望召虎方叔

張良蕭何曹參陳平周勃鄧禹馮異諸葛亮房玄齡杜

如晦李靖李晟郭子儀曹彬潘美韓世忠岳飛張浚木

華黎博爾忽博爾木赤老溫伯顏凡三十有七人。

詔歷代帝王廟去隋文帝。

初帝王廟爲五室。祀伏羲至元世祖凡十七帝。至是止

十六帝。

故元四大王來降。

上以元之子孫憫而有之。且厚其賜賚。命隨西平侯沐

英戍守雲南。

禮部奏會試中式舉人施顯等九十人。

三月。上與侍臣論于方貧賤驕人之說。

上曰。富貴固不可驕人。貧賤又豈可驕人。夫驕凶德也。

富貴而驕人。則不可得天下之士。貧賤而驕人。適足以取辱於已要之君子。當以恭敬爲本。子方之言。抑揚太過。益有所激而云。侍臣對曰。誠如聖訓。

廷策會試中式舉人。賜任亨泰唐震盧原質進士及第。賜

卓敬等一十名進士出身。吳鑑等七十名同進士出身。

是科命立石題名於國子監。著爲令。後齊泰爲兵部尚

書。卓敬爲戶部侍郎。皆歿靖難。鮮緝直文淵閣。

上命諸儒撰疑信論。

上召考試官陳宗順等。諭曰。今觀列子鄰子竊鈹之事。

因思人之信疑。皆生於心心。信心常出於忠厚。疑心必起

於偏私。夫信其所好。疑其所惡。乃人之常情。是故不可

不察也。君之於臣。好而信之。讒言雖至而不入。惡而疑

之。毀謗不召而自來。苟能以大公至正之心處已待人。

則自無獨信偏疑之私。其或反乎公道而不得好惡之

正。未有不流於一偏者也。惟能好所當好。惡所當惡。信

所當信。疑所當疑。則人無浸潤之譏。形似之惑矣。又論

五性之德。上曰。小惠非仁。小節非義。足恭非禮。苛察

非智。不貞不可謂之信。

增修南郊壇壝於大祀殿。

丹墀內疊石爲臺四。東西相向。以爲日月星辰四壇。又

於內墀之外。亦東西相向。疊石爲金。凡二十。各高三丈

有奇。周以石闌。降爲磴道。臺之上。琢爲山形。鑿龕以

置神位以爲五嶽五鎮四海四瀆并風雲雷雨山川六
歲天下諸神及歷代帝王之壇壇之後樹以松栢等樹
東南鑿池凡二十區冬月伐冰藏凌陰以供夏秋祭祀
之用其歷代帝王及太歲風雲雷雨嶽鎮海瀆山川月
將城隍諸神並停春祭每歲八月中旬擇日祭之日月
星辰既以從祀其朝日夕月熒星之祭悉罷之仍命禮
部更定郊廟社稷諸祀禮儀著爲常式

上與侍臣論去讒佞

上曰朕昨觀史見前代人君好聽讒言者必致敗亂蓋
有讒佞忠賢之害也賢者事君必以正初若落落難合
終實有益讒佞險巧之人舍承人主意人主多爲所惑

聖明大政紀

卷四

十三

始若無害終實無所不至其妨賢病國可勝道哉是以
人君圖治須保賢哲去讒佞

麓川百夷思倫發叛西平侯沐英率兵討平之

時思倫發衆號三十萬象百餘隻復寇定邊欲報摩沙
勒之役勢甚猖獗英集將佐告曰賊之所恃者象耳吾
知其無能爲也乃令軍中置火銃神機箭分爲三隊候
象近則火銃以次發破之必矣及陣既交象皆披甲衝
突而前我軍矢石俱發象皆股慄奔乘勝直搗其寨遂
縱火焚其巢穴復以兵邀擊之賊衆大敗斬首三百餘
級俘萬餘人象死者過半思倫發遁去英奏捷還師所
過城邑百姓爭持牛酒迎勞之

諭大將軍藍玉整飭士馬出大寧直抵虜主脫古思帖
兒營搗之

已遣進士分巡郡邑

廷議新進士未經事宜令行監察御史事以久任御史
一人與俱皆厚賜遣之

四月丙辰大將軍藍玉率列侯王弼等兵破故元主脫古
思帖木兒于捕魚兒海

獲其次子地保奴等六十四人及故太子必里禿妃并
公主等五十九人又追獲吳王朵兒只代王達里麻平
章八蘭等二千九百九十四人軍士男女七萬七千三
十七口得寶璽圖書金銀印章馬駝牛全車輛各籍數

聖明大政紀

卷四

十四

入奏遂班師

庶吉士解縉上封事上嘉獎之

縉一日寓大庖西室上諭之曰爾試舉今日施政所
宜行者縉卽草萬餘言皆人所不敢言者又獻太平十
策一曰參井田均田之法二曰兼封建郡縣之制三曰
正官民四曰興禮樂五曰審輔導之官六曰新學校之
政七曰省繁冗八曰薄稅歛九曰講武條陳以上上
嘉之而未及行

普定侯陳桓率師駐畢節度地里樹柵爲營分布耕種
五月甲戌朔日食

乙酉五色祥雲見

贊舍劉三吾進曰。雲物之祥。徵乎治世。舜之時。興於詩歌。宋之時。以爲賢人之符。此實聖德所致。國家之全慶也。上曰。古人有言。天降災祥。在德。誠使吾德靡悔。災亦可弭。苟爽其德。雖祥無福。要之國家之慶。不專於此也。

甲午。大將軍藍玉遣使至京。上表奏捷。上遣使齎勅勞之。

六月。勅賜信國公湯和還鄉。

先是和以年老乞歸。上念之。俾建第于鳳陽。仍命和巡視閩海。築城數十處而歸。至是新第成。賜歸。

辛酉。安慶侯仇成有疾。遣人賜內酒。以嘗勞之。

皇明大政紀

卷四

十六

已巳。勅普定侯陳桓等率湖廣都司諸軍駐普安候分屯曲靖越州。

命雲南布政司以白金二十萬給各府州縣糴糧食備用。東川諸蠻叛。命穎國公傅友德爲征南將軍。西平侯沐英普定侯陳桓爲左右副將軍。帥師討之。

七月。追贈故金山侯濮英爲樂浪公。

戊寅。大將軍藍玉遣人送虜主次子地保奴及后妃公主等至京。

地保奴及后妃獻金印牌。賜鈔二百錠。命有司給第宅。廩餼。俾就居京師。旣而言王私元主妃事。上怒曰。玉無禮如此。豈大將軍所爲哉。元主妃聞之。惶懼自盡。地

保奴由是有怨言。上聞之。曰。朕初以元世祖主中國。時有恩惠及民。不可無嗣。嘗與儒臣議欲封地保奴。以盡待亡國之禮。彼乃如此。豈可以久居內地。於是遣使護送居琉球。仍厚資遣之。

從征韃兵至常德四川等處皆叛。鳳翔侯張龍討平之。

辛巳。江夏侯周德興還鄉。賜黃金二百兩。白金二千兩。鈔千錠。文綺三千疋。

丙申。旌表休寧縣民朱原卿妻李氏。黃仲僅妻吳氏爲貞節之門。

丁酉。諭大將軍傅友德等不可墮諸蠻之詭謀。宜駐兵屯種園之。

皇明大政紀

卷四

十六

賜天下武臣大誥。令其子孫誦習。

海西侯納哈出卒。

八月。壬寅朔。西平侯沐英調都督。寧正率兵會穎國公傅友德軍討東川叛蠻。

韃軍安置陝西者皆叛。河南都指揮王德剿平之。

癸丑。命故海西侯納哈出子察罕襲職。封瀋陽侯。

詔山西澤潞二州民無田者。往彰德具定。臨清歸德大康等處耕種閒地。免其賦役三年。仍戶給鈔二十錠。以備農具。

戶部郎中劉九皋建言。上諭侍郎楊靖曰。山東地廣。民不必遷。山西民衆。宜如其言。

甲寅。陝右都御史凌漢為刑部右侍郎。刑部左侍郎高。為左僉都御史。

御史桂浦劾漢等奉命往松江按事。與錦衣衛千戶。德同署公牘。故降之。

納哈出故部屬行省平章朱高等一千餘人自遼東來降。丁卯。征虜大將軍永昌侯藍玉等還朝。上以率德改行。戒諭之。

宴征北諸將于奉天殿。

上賦平胡詩二律。命羣臣和之。

封後軍都督府僉事孫恪為全寧侯。

九月。壬申。遼東侯張赫督江陰等衛軍出塞。追虜。皇明大政紀。四卷。十七。

自遼東。

封故樂浪侯漢英子瑋為西涼侯。

勅五軍都督府臣。今天下衛所督兵屯種。

越州土酋阿資叛。命西平侯沐英會征南將軍傅友德。將兵討之。

詔更定歲貢生員例。

府學歲一人。州學二歲一人。縣學三歲一人。

改建歷代帝王廟于雞鳴山之陽。

十月。壬寅。南安侯俞通源奏雲南新附官民軍士田糧馬牛之數。

乙巳。頒武士訓戒錄。

上以將臣於古者。舍惡成敗之事。未能通曉。特命儒

臣編集申明。以鉅鹿樊噲。金日磾。張敖。鍾會。房。遲。敬。德。薛仁貴。王君廓。濮固。懷恩。劉闢。王彥章。等所為。舍惡為一編。釋以直辭。俾蒞武職者。日親講說。使知勸戒。

丁未。征南右叅將靖寧侯葉昇進兵討東川平之。

捕獲五千五百三十八人。

以庶吉士解縉為監察御史。

時都御史袁泰怙勢恣橫。諸道御史欲糾之。無敢執筆為章者。縉揮筆立就。歷詆其奸狀。上慮縉少。涵養將為眾所傾。召其父至。諭之曰。才之生甚難。而大器者晚成。其以而子歸。金進其學。又諭縉曰。朕於爾。猶若君臣。

皇明大政紀。四卷。十八。恩猶父子。其歸盡心于古人。後十年來朝。大用爾。未晚也。

以進士卓敬為給事中。卓姓剛直。論事無所顧避。上器重之。時諸王在官中。服飾有擬太子者。敬乘間白於上曰。官中朝廷視效紀綱攸先。今陛下於諸王不早辨等威。而使在官中服飾有與太子埒。嫡庶相亂。尊卑無序。然則何以令天下也。上笑曰。卿言是吾慮未及此耳。

丙寅。命徐允恭襲封魏國公。常昇襲封開國公。

十一月。頒賜武臣保守勅。

時廣西指揮耿良以科歛激變良民。江西指揮戴宗以

於捕山賊貪賄致賊人縱橫皆坐罪。上曰武臣不知受命守禦之方與夫崇名爵享富貴福及子孫之道持爲保守勅頒諸武臣使朝夕覽觀知所鑒戒。

征南將軍傅友德等將兵討阿資築堡平夷駐兵屯守以捍蠻夷。

平夷山勢峻峭密邇龍海故令千戶劉成等樹柵置堡其地後以爲平夷千戶所。

十二月壬戌封永昌侯藍玉爲涼國公。

丁卯三辰晝見。

安南黎季犛弑其主煇。

己巳洪武二十二年正月辛未朔。

皇明太祖紀

十九

丙子以鄧銘爲西安護衛指揮僉事。

銘係武順王愈次子。

壬午會寧侯張溫北平行都指揮使周興奏修拓大寧等城成并上其規制。

大將軍傅友德兵至越州阿資遁普安。

二月丙午改大宗正院爲宗人府。

以秦王爲宗人令晉王爲宗人正。成祖爲右宗正周王爲左宗人楚王爲右宗人。

己未詔涼國公藍玉往四川經理城池整練軍馬。

征南將軍傅友德以精兵擊敗叛酋阿資于普安土官普旦來降。

生擒一千三百餘人獲牛馬羊五千三百餘頭。

手戍禁武臣不得預民事。遣人勸勞平陽知縣張礎。

勅曰朕惟郡守縣令民之師帥其職惟在愛民乃者通政司言湘江金鄉衛因造軍器意在擾民爾平陽知縣張礎執法不從卽具以聞朕深嘉歎縣令之職實稱焉特遣使以鈔三十錠內酒壹封往勞以旌爾能爾其領之。

詔置九溪永定二衛改大庸衛千戶所。

初九溪洞蠻因千戶夏德忠誘亂詔東川侯胡海普定侯陳桓靖寧侯葉昇討平之故置二衛。

皇明太祖紀

二十

征南將軍傅友德會西平侯沐英所遣都督寧正將兵搗越州阿資勢窮感請降。

初阿資之遁也揚言曰國家有萬軍之勇我地有萬山之險豈能盡滅我輩沐英乃請置越州馬龍二衛扼其衝要又分兵遣捕至是乃降。

三月庚午朔命大將軍傅友德率二十四將軍還軍分駐湖廣四川要地防西南諸夷。

改給事中魏敏卓敬等八十一人爲元士。

詔公侯各還其鄉。

上欲保全諸將故詔還鄉於是安遠侯王弼武定侯郭英南安侯俞通源等陛辭各賜金銀彩段緡錢。

四月遣使勅魏國公徐允恭開國公常昇曹國公李景賢及列侯葉昇陸仲亨韓勳胡海趙庸吳高孫恪費聚簡閱湖廣各衛軍士練習備邊。

命杭州溫台蘇松諸郡民無田者許令往淮泗滁和等處就耕閒田官給鈔三十錠使備農具免其賦役三年。

丙寅置詹事院以兵部尚書唐鐸兼詹事。

上以東宮官屬詹事衆務無所統領諭吏部侍郎侯庸置之秩正三品以後任用詳列卿年表。

五月癸巳置太寧福餘朵顏三衛于兀良哈。

以故元歸附阿禮失里爲泰寧衛指揮使塔賓帖木兒爲指揮同知海撒美爲福餘衛指揮同知脫魯忽察兒

皇明本政紀

卷三

爲朵顏衛指揮同知各領所部以安畜牧。

丁酉東川侯胡海等平九溪洞蠻還京頒賞有差。

上以靖寧侯葉昇獨擒賊酋誅千戶夏德忠功爲最賞鈔千錠黃金百兩白金三千兩文綺三十疋海與普定

侯陳桓等次賞之。

會都御史黃政從征雲南還次普安遇寇與其子琬皆死之。

六月癸卯置興隆衛指揮使司。

其地初屬浪洞黃平安撫司傳友德因蠻民作亂計平之遂置衛以府軍左衛指揮僉事胡質領兵守之。

上與侍臣論守成之道。

上曰人常慮危乃不蹈危常慮患乃不及患軍行於險坂而什于平地者慎於難而忽於易也保天下亦如御車雖平治何可不慎。

周定王棄國之鳳陽遷雲南尋遣還國。

七月丙子授故元來降知院捏怯來等以武職其丞相失烈門不從命禮部移文諭捏怯來從其所欲毋強之。

征南將軍傅友德有疾命還京尋詔從征諸將皆還。

八月更定大明律。

庚戌監察御史蔡新奏覈在京諸司官吏案牘稽違者請逮問詔貸其罪但移文責報惟國子監翰林院太常寺

太醫院皆勿問。

皇明本政紀

卷三

九月丙寅朔日命

山西沁州民張從整等一百一十六戶告願應募屯田。

命賞鈔錠途後軍都督府僉事徐禮分田給之。

開國公常昇奏辰州所屬編取民丁爲軍者請給月糧定數戶部援例月給五斗從之。

十月西平侯沐英自雲南來朝上賜宴于奉天殿今起第于鳳陽尋遣還鎮。

賜金二百兩白金五千兩鈔七萬五千貫文綺百疋諭之曰朕聞雲南諸夷心服於爾宜亟回以安之。

十一月乙丑朔。

上與翰林學士劉三吾論治民之道。

三五言南北風俗不同南可以德化北可以威制上

曰地有南北民無兩心帝王一視同仁豈有彼此之間

汝謂南方風氣柔弱故可以德化北方風氣剛勁故當

以威制然君子小人何地無之君子懷德小人懷威施

之各有攸當焉可槩以一言乎三吾懷服稽首而退

命後軍都督公事李論等往諭山西之民願從河南彰德

歸德山東臨清東昌諸處者驗丁給田其冒名多占者罪

之

虜也速迭兒殺其主脫古思帖木兒而立坤帖木兒

上與兵部尚書沈潛論去小人之道

上謂致治之要當進君子退小人兵部尚書沈潛對曰

君子小人實未易識上曰獨行之士不隨流俗正直之

節必不庸常譬如良玉委於污泥其色不變君子雜於

衆人德操自異何難識也潛又曰自古君子常少小人

常多亦不易去上曰舍者進之足以勸舍惡者去之

足以懲惡故太陽出而羣陰消賢者舉而不仁者遠夫

何難去哉

乙亥麓川思倫發遣把事招綱等來訴犯邊由其下力斯

郎所爲乞貸其罪願輸貢賦命通政經歷楊大用齎勅

往諭修臣禮宥之

思倫發聽命遂以象馬白金方物入貢謝罪并征雲南

叛賊自處等二人把事力斯郎等一百三十七人百夷

途平

擢德州同知陳襲爲太僕寺少卿

襲故元南臺御史大夫福壽之子始由中書宣使授德

州同知至是生事當戍邊上念其父死節特宥而擢

之仍賜以鈔錠

安南陳煥陪臣同叔來貢方物及金銀器皿賜同叔及其

從人鈔有差

時陳煥已爲其國黎一元所殺恐朝廷討之乃匿其事

仍假煥名遣同叔來貢

十二月己亥申嚴巾帽之禁

凡文武官除本等紗帽外遇雨許戴雨帽公舍出外許

戴帽子人城不許其公舍人員出外者亦如之將軍力

士校尉旗軍常戴頭巾或檣腦下官舍人并儒生吏員

人民常戴本等頭巾鄉村農夫許戴斗笠蒲笠出入市

井不禁不親農桑者不許

命定遠侯王弼往山西雄武侯周武往河南全寧侯孫恪

往陝西六安侯吳傑往湖廣俱訓練軍馬聽征漠北

已酉授六尚局官

上選民間淑德入宮者數人使兼六尚局事人各勤事

故授以官家給以祿仍令服勞五六載歸其父母從與

婚嫁年高者許歸留守者聽

賜故元元納失里太王居和林之西命來降太子八郎鐵

撫渾都帖木兒往諭有所言具以聞處之。

倭掠寧海。

高麗人幽其主禍又廢其主昌。

庚午洪武二十三年正月乙丑朔。

癸惑入南斗。

命穎國公傅友德爲征虜將軍南雄侯趙庸懷遠侯曹興

爲左右副將軍定遠侯王弼全寧侯孫恪左右叅將赴北

平訓練軍馬聽燕王節制出征沙漠。

上欲諸王知軍旅之事時成祖爲燕王故命傅友

德等從征。

勅定遠侯王弼以山西兵聽晉王節制出征。

皇明太政紀

四卷

三五

已已以康鎮孫爲太寧右衛指揮使。

鎮孫茂才次子。

唐王遣鳳翔侯張龍榮陽侯鄭遇春平涼侯費聚往置雲

南驛傳各賜賞有差。

辛未命長興侯耿炳文訓練陝西軍馬聽調北征。

詔市馬漠北。

今陝西布政使司預備西涼甘肅農具種子以給軍士屯

種。

信國公湯和自鳳陽來朝得風疾留京。

上幸其第視

之。

降翰林學士劉三吾爲國子監博士侍講學士葛鈞爲國

監助教。

侍郎侯庸劾三吾等教晉王世子怠惰故降之未幾俱

復職。

蜀王椿奏西番蠻人作亂燒里崖關已遣都指揮使瞿能

等統兵一萬三千人從京國公藍玉往大渡河邀擊之。

勅全寧侯孫恪率長興侯耿炳文所操軍馬會征虜將軍

傅友德北征。

贛州府山城夏三等連結湖廣諸蠻爲亂命東川侯胡

海爲總兵普定侯陳桓靖寧侯葉昇爲左右副將軍率湖

廣各衛軍士二萬三千五百人討之。

命延安侯唐勝宗同鳳翔侯張龍往平越鎮遠貴州諸處

皇明太政紀

四卷

二六

訓練軍士提督屯田相機征剿餘蠻。

進士王希曾奏其母任氏改嫁乞終喪三年。詔勿許。

禮部尚書李原名奏曰不喪出母古之制也希曾之母

既已失節難渝定制從之。

詔免潮州府學生員陳質補伍。

陳質言父戊大寧已死今有司取其補伍自念從幼荷

國教育願賜卒業上謂兵部尚書沈潛曰國家得一

卒易得一才難此生既有志於學可削其兵籍遣歸進

學潛對曰此生學未見成效若遂削其兵籍則缺軍伍

上曰人才必養之於未用之先而用之於既成之後事

有輕重難拘一律。尚書七缺伍不過失一力士耳若獎

一賢才以資任用其繫豈不重乎

江南北增養馬人戶

初江南人以十一戶養一馬江北鳳陽廣德等府滁和二州止一戶養一馬至是上念其勞佚不均命江北民增至五戶養一馬仍命大僕寺江南江北各存牝馬四匹為孳生一種馬其餘悉發草地牧放江北之人每戶再給鈔三百貫別市種馬孳生以補見缺之數其正得馬二匹官止歲收一駒餘聽民自鬻其飛雄廣武英武三衛牧馬亦如江北五戶之例

二月丁酉國子祭酒宋訥卒命賻祭遣使護其柩歸葬

禮部翰林院考定王國合祀山川諸神

皇明大政紀卷四

二十七

上曰王國有獄鎮即以獄為主次海次鎮次濱風雲雷雨之神又次之於是李原名為圖以進使頒諸王復命東海則燕齊皆祭東嶽東鎮齊魯皆祭西海秦蜀皆祭晉祭北海

癸卯宥給事中彭與民等罪

先是上答六科給事中記旨意增減失實覆軍籍奏報不明俱繫獄適與民父九霄來朝陳情乞免肆赦屈法伸恩俾磨礪歲年萬一上憫其情宥之於是同犯者十七人皆獲免

戊申涼國公藍玉奏擊敗西番蠻人及討平崑川雜道人寇蠻人梟土地副使觀者等俘其男女數千人賜白金

合京川侯胡海為征南將軍帥師十萬征九溪蠻

乙卯燕王率征虜大將軍傅友德及列侯趙庸曹興等出古北口伐虜

三月申定官民服飾

先是上見朝臣衣多短窄參酌禮制詔禮部尚書李原名國子司業龔穀參酌事宜俾存古意原名等議定凡官員衣服寬窄以身為度文官衣自領至裳去地一寸袖長過手復回至肘袖椿廣一尺袖口九寸公侯駙馬與文職同耆民儒士生員制同文職惟袖過手復回不及肘三寸庶民衣長去地五寸武職官衣去地五

皇明大政紀卷四

三十八

寸袖長過手袖椿廣一尺袖口僅七寸衆軍人衣長去地七寸袖手五寸袖椿廣不過一尺窄不過七寸袖口僅出拳從之命頒示中外

南將軍胡海等率師搗九溪六古卑洞擒蠻酋夏三八皮等械途京師并擊斬賀山蠻兵勦捕散毛部落悉平

率師至迤都山故元大尉乃兒不花丞相咬住忽哥知院阿魯帖木兒等皆降

上初命燕王二王同出晉王素怯不敢遠出又忌燕王有功及捷至上喜曰燕王清沙漠朕無北顧之憂矣太子乃助晉王讒之不聽

丁丑解廬侯朱壽三子興能俱法當死 上以壽

四月命戶部奪吉安侯陸仲亨臨江侯陳德舊賜公田租入官

涼國公藍玉率克散毛洞并平施南忠建二宣撫司叛蠻擒土酋刺惹諱大旺及宣撫單文等一萬一千七百八十餘人盡平之

詔築京城外垣

命鳳翔侯張龍改龍里衛為軍民指揮使司

癸卯命東平侯韓勛西涼侯濮瑋潘陽侯察罕都督僉事

王憲往東昌等處訓練軍士

皇明大政紀 卷四

戊午改徽州千戶所為新安指揮使司

閏四月詔穎國公傅友德以故元降將乃兒不花部落悉從入關其將校送京師仍以戰襖襲衣給之

置大水田軍民千戶所

藍玉奏散毛地方大水田與諸蠻洞相連命千戶石山頭領西陽兵一千五百人置所隸施州軍民指揮使司

甲戌除期年奉喪之制

吏部奏一人連遭五六期喪居官日少更易繁數曠官廢事因 詔除之

安南國遣使入貢 諭禮部尚書李原名今廣西布政司

遣還必三年一朝諭之

置貴州平壩衛指揮使司以金鎮為指揮僉事領兵于五月癸巳遷戶部尚書楊靖于刑部刑部尚書趙德于戶部兵部尚書沈潛于工部工部尚書秦達于兵部各賜誥

時詔京官三品皆遷調著為令

詔遣公侯還鄉賜黃金白金鈔錠文綺有差

乙卯大師李善長自縊命以禮葬之

時李善長奏參長當誅 上皆不許及羣臣固請乃賜

命刑部尚書楊靖以肅清逆黨事播告天下

韓國公李金長列侯胡余唐勝宗陸仲亨費聚已故侯

皇明大政紀 卷四

顧時陳德華雲龍王志楊璟未亮祖梅思祖陸聚金朝

興黃彬都督毛讓薛顯陳萬亮耿忠於琥凡二十人

六月都勻安撫司撤毛撤狗長官司蠻民作亂涼國公藍

玉遣鳳翔侯張龍率兵討平之

詔給雲南平溪清浪鎮遠偏橋興龍清平等十三衛屯牛

戊辰穎國公傅友德等師還詔將士各還原衛

已巳施南宣慰司土官覃大勝作亂涼國公藍玉移兵討

擒之伏誅其黨誦成開元

詔禮部製公侯伯屯戌百戶印賜鐵冊

上念諸將老令衣錦還鄉特命百夫長各率兵百十有

二人護其家自耕食俟公侯子承襲則入衛罷其屯戌

若民有才德知典故者

三命定東官司經局官制

禮部改唐制言太子司經局洗馬從五品校書正九品

正字從九品其餘官祿各有差本朝祿增多於唐宜從

裁減詔自洗馬而下官秩依唐制其俸則從本朝

命駙馬都尉歐陽倫往湖廣雲南給賞南雄侯趙庸所集

新兵七十萬九千五百餘人鈔各三錠

七月壬辰上與大臣論修身為教化之本

上觀大學謂大臣曰

四卷

治道必本於教化民俗之舍惡即教化之符夫也大學一書其要在於修身者教化之本

也人君修身而人化之好仁者恥於為不仁好義者恥

於為不義如此則風化豈有不美國家豈有不興苟不

明教化之本致風俗陵替民不知趨舍欲國家長治久

安不可得也

命西涼侯濮瓌往臨清訓練士卒

癸丑命東川侯曹震往四川理軍務

江南北海鹽

河決河南

詔兵部追還在外軍衛水馬驛符驗

初國朝制符驗皆用錦織文其制詞及船馬之狀付都

布按三司及諸衛有急則給之乘傳而行還則納之時

多假以營私者乃令都布按三司仍舊其各衛急追取

之若有急俾乘快船以行

乙卯命安陸侯吳傑往湖廣長沙府訓練將士籍軍士九

十一萬八千二十三人分隸平壩威清等衛

八月改鑄監察御史印

先是既分察院為河南等十二道每道鑄印二其文皆

曰繩愆糾繆守院御史掌其一每道御史分巡印藏於

內府有事則受印以出復命則納之至是副都御史袁

泰言各道印篆相類仍命改其制守院印十二如浙江

道則曰浙江道監察御史印餘道並同其巡按印則曰

巡按浙江監察御史印餘亦如之惟浙江江西直隸府

州縣事繁劇每道置印十餘皆五

三

詔考定使節之制

禮部奏漢光武時節以竹為之柄長八尺其旄三重今

約漢節長三尺旄牛尾三重詔從之

壬申涼國公藍玉還京以平定番寇散毛蠻功增祿米五

百石尋詔還鄉

賜鈔二千五百錠黃金三百兩白金二千兩文綺三十

疋綾十疋

九月庚寅朔日食

辛卯加封中山王徐達岐陽王李文忠三代皆王爵

詔自今開國功臣死後俱追封三代皆襲爵子孫生死止

依本爵者為令

建右肅政王鉅持節撫麓川平緬宣慰司具金賜
生變暫受之輸雲南布政司庫 詔陞浙江左布政
及申宋國公馮勝涼國公藍玉暨列侯郭英王弼南霽周
德興朝賀 天壽聖節還各賜鈔百錠
以夏長文爲都察院右僉都御史

十月辛酉東川侯胡海等討賴州賊夏三等平之

斬首三千七百級生擒蠻人一萬三千四百人追擒夏
三等并俘其黨三千五百人還師

詔封中丞劉基長孫薦襲誠意伯

增祿二百六十石共食祿五百石子孫世襲

戊寅詔刊行韻會定正

皇明大政紀

三十三

時洪武正韻頒行已久

上以其字義音切未盡宜命

翰林重加校正學士劉三吾言前太常博士孫吾與所

編韻書本責公紹古今韻會凡字切必祖三十六母音

韻歸一因以其書進 上覽而喜之賜名曰韻會定正

命刊行之

封右軍都督府僉事張銓爲永定侯

以征雲南有功封

置閣門使以故誠意伯劉基次子仲璟爲之

依宋制秩正六品

辛巳令誠意伯劉薦還鄉省其祖墓工部具舟送之

十一月庚寅以四川永川知縣王佐爲翰林院侍講賜之

雜機

乙卯置景東蒙化二衛

西平侯沐英奏景東乃百夷要衝蒙化亦梗化俱置衛
以錦衣衛指揮僉事胡常守景東府軍前衛指揮僉事
李聚守蒙化

十二月癸亥論刑部尚書楊靖自今惟犯十惡并殺人者
論死餘死罪皆令輸粟北邊以自贖力不足者或二人或
三人併力輸運仍令還家備贖以行

學士劉三吾等曰聖心仁恕垂念及此罪人受更生之
恩 上曰善爲國者惟以生道樹德不以刑殺立威

皇明大政紀

四卷

三四

約等

甲戌福建布政司進南唐書金史蘇轍古史

上命禮部購天下遺書今書坊刊行三書先成進之

戊子國子生程通奏祖父罪謫陝西年七十無他子孫侍

養乞放還鄉里俾得就養 上憫其志從之

辛未洪武二十四年正月己丑朔

命都督劉真創甘肅城池操練軍士及提調屯種

北平布政司參議周倬奏地方事宜命廷臣議行之

一大寧會州山海三衛所屬驛馬皆屯田軍士牧養宜
選稍富者充之一通州至直沽海口宜改置浮橋于白

河之上以便通河一遵化石門等三驛係要路宜增

王承平檢閱遷安盧峰等三驛止通遼東一路宜減
馬一鄭村常度深溝三壩舊設官夫今舟楫不通亦宜
裁減

築浙東海堤

戊申勅額國公傅友德率列侯王弼郭英於邳徐勝交濟
甯平山德州樂安及北平都司屬衛遴選精銳軍士訓練
備邊

戶部尚書趙勉奏請永定侯張銓食祿 詔以松江府官
田給之

庚戌宋國公馮勝涼國公藍玉及列侯胡海曹興張翼葉
溫吳高來朝賀正旦節陞辭各賜鈔公一百錠侯五
十錠

明大政紀

四卷

二月擢河間府景州學正胡季安試國子監祭酒
上與侍臣論高帝賜民爵非貽謀之道

上閱漢書賜民爵之令謂侍臣曰漢高祖立社稷施恩
惠賜民之爵子孫相承以為法或遇有事輒賜民至二
級三級者又聽民轉移與之甚無謂也夫爵所以命有
德禮日以賢制爵豈可濫及乎且天下之人無賢不肖
樂賜以爵則賢人君子何以爲勸高帝貽謀若此誠未
盡善

改封豫王爲代王漢王爲肅王衛王爲遼王
命種桐棕漆樹於朝陽門外鍾山之陽

時以海運及防倭戰船所有油漆棕絛悉出於民爲費
浩繁故有是命凡種桐棕漆樹五千餘萬株歲收以資
工食以省民輸

禮部奏會試中式舉人許觀等三十一人

三月戊子朔日食

遣魏國公徐輝祖曹國公李景隆涼國公藍玉等率諸將
桑敬馬鑑等往陝西等處防邊 賜鈔有差

乙未命靖寧侯葉昇練兵於甘肅 賜鈔一百三十錠
上與廷臣論正心之功不可忽

上曰朕嘗命寺人發庫藏中古鏡以鑑容貌多失真召
冶工數人問之真能若最後一人言鏡模不正故鏡偏

明大政紀

四卷

斜照人失真朕聞之惕然感悟夫鏡一物耳略有偏邪
則不可鑑形人君主宰天下辨別邪正審察是非原于
心心有不正百度乖失正心之功其可忽乎

廷策會試中式舉人 賜許觀張顯宗吳言信進士及第
賜張微等二十八人進士出身及同進士出身有差

許觀復姓黃貴池人中三元後建文中爲禮部侍郎死
靖難

丙辰命齊王棹率護衛騎兵於開平近里圍獵
命大將軍傅友德等率師出東塞討虜大獲而還

四月鑄渾天儀
彗星入紫微垣

定侍班官員

東班則六部堂上各子部掌印官都察院堂上官十三道掌印御史通政使大理寺太常寺應天府正佐官翰林院學士侍讀修撰編修春坊學士光祿寺欽天監正佐官尚寶司太醫院正官五軍斷事及京縣正官西班則五軍斷事六首領錦衣衛指揮各衛掌印指揮給事中

故元遂王阿札失里寇邊屯朶顏山。命征虜將軍傅友德率師討之。

詔後軍都督沐英自今一片石等關每處止存軍十餘人議察通逃悉令屯田。

皇明大政紀 四卷

三七

五月詔定文武官封贈。

兵部試尚書茹瑄等奏文武官封贈舊一品封贈三代二品三品封贈二代四品至七品封贈一代上命學士劉三吾考古制三吾奏宋制與今例同從之又奏庶子襲父職例止封贈嫡母所生庶無封三吾亦奏宋制以子貴母亦以生子之秩封贈詔從宋制。

初禮部侍郎張智諭天下凡為儒者恪遵聖賢之道修己教人毋徒尚文藝。

上曰古之儒者務學以明體適用窮則忠信篤敬以淑諸人達則忠君愛國而澤被天下朕自御宇以來擢用儒士布列百司思得其人以稱其任而卒少見良由師

道不立故成材罕聞爾禮部宜以朕言論天下。

征虜將軍傅友德等師至哈者舍利王道虜遁去。

詔漢衛谷慶寧岷六王練兵臨清。

六月丁巳命禮部清理釋道教自今天下各府州縣等寺觀存其寬大可容眾者一所併而居之母雜處于外與民相混違者治以重罪親故相隱者流願還俗者聽。

其佛經番譯已定者不許增減語詞建設齋醮不許拜

奏青詞惟孝子慈孫演誦經典報祖父母者各遵頒降儀毋妄立條章多索民財及民有做瑜珈教稱為舍友

道友假張真人名私造符籙者皆治重罪。

已未詔六部都察院同翰林院儒臣參考歷代禮制更定

皇明大政紀 四卷

三八

冠服官室器用制度。

丙寅命禮部翰林院議軍民侄男替伯叔職事及弟襲兄職養子女壻承襲養父妻父封贈禮制。

甲戌命禮部印通鑑史記元史以賜諸王。

命禮部頒書籍於北方學校。

上諭曰農夫舍耒耜則無以為耕匠氏舍斧斤則無以為業士子舍經籍則無以為學朕嘗念北方學校缺少

書籍士子有志於學往往病無書讀向嘗頒與五經四書其他子史諸書未曾賜予宜於國子監印頒有未備

者遣人往福建購與之。

已卯降翰林侍讀學士葛鈞為國子助教。

征南大將軍傳友德等率師深入黑嶺馬山等處次

河決原武入淮。

七月征虜將軍傳友德率師復征黑嶺寒山至磨礮子海蘭尖山追虜酋凡都深入黑松林之地野人所居熊皮山掩入達元刺室虜衆大獲人馬而還。

東寅命刑部右侍郎李似初都察院左僉都御史張構與閣門使同班備顧問百司奏事有闕違者隨事規正以貢士彭友信爲北平布政使。

時友信以貢至京朝見上曰占虹霓詩二句誰把青紅線兩條和雲和雨繫天腰。命續之友信應聲曰吾皇明大政紀四卷三十九

皇昨夜鑾輿出萬里長空駕玉橋上曰此秀才有學有行特命任之。

八月己卯朔上與侍臣稱漢高祖聽張良銷六國印。

上曰高祖聞舍言即能感悟如此者安得不興後之爲君者少有及之侍臣曰漢高以後若唐太宗亦能聞舍言故其爲治亦有足稱。

上以南地薄有遷都之意命皇太子巡視關洛。

上曰山川惟關洛號爲險固向命汝弟入封關中已十數年汝可一游以省觀風俗慰勞士民於是擇文武之臣扈從皆給道里費仍命經過府縣以宿頓聞。

詔授嗣真人張于初龍虎山正一玄壇之印制六品以翰林侍讀陳迪爲山東布政司左叅政。

迪在任捕蝗弭盜民甚德之。

哈密寇邊命都督朱晟劉眞率師征之。

九月乙酉遣禮部主事寬徹監察御史韓敬大理評事唐政使西域以書諭別失八里王乞鑒事大之誠通好往來以保封國。

壬辰宋國公馮勝于諒與家奴謀殺人事覺法司論當死當徙者二十人上以諒功臣子特免死餘論如律。

禮部奏文武官入朝爭趨競進高下失倫申明照品級人有不如議從監察御史及儀禮司糾劾從之。

皇明大政紀四卷四十

自今朝奉時將軍先入近侍官員次之公侯駙馬伯文次之五府六部又次之應天府及在京雜職又次之。

庚子詔建寧歲貢上供茶罷造龍團聽茶戶惟採茶芽以進有司勿與。

天下茶額惟建寧爲上其品有四曰探春先春次春紫筍置茶戶五百免其徭役上聞有司遣人督迫納賄故有是命。

罷閩門使改閩門使尤良徐日莊等爲祠部等主事。

丁未舳舻侯朱壽左軍都督僉事黃輅督海運糧儲還自遼東人賜鈔百五十錠。

復以吏部考功主事周卬爲新化縣丞。今禮部宴賞遣

之

丹永嘉人性明敏有治才。初由進士授新化縣丞。以廉勤稱。門無私謁。吏卒不敢欺。驗民貧富。及丁稅多寡。第爲上中下籍記之。遇有賦役。隨輕重使之。故民不擾。而事易集。至於獄訟。文牘之務。皆躬理之。吏胥不得爲奸。罷諸役。作民安。然安業由是流民之歸者益衆。考滿課最。陞考功主事。既而縣民蕭俊等詣闕言。自本官去職。縣政復擾。民不安業。乞令再任。上命吏部從之。

都督宋晟等率兵破哈密擒其僞王子別列怯。幽王桑里失哥知院岳山等殺其國公阿朶只。俘虜衆一千三百人。金印一銀印二。悉送京師。

皇明大政紀

四卷

四十一

倭寇廣東。

十月丁巳。北平河南大水。免今年秋租。

命宋國公馮勝。穎國公傅友德。涼國公藍玉。往陝西訓練軍士。

定生員巾服之制。

上曰。學校爲國儲材。而士子巾服無異吏胥。宜有以甄別之。命工部制式以進。上親視。必典雅。凡三易其制。始定。襴衫用玉色絹布爲之。寬袖。皂緣。皂繖。軟巾垂帶。

乙丑。南豐典史馮堅言九事。上嘉納之。擢都察院左僉都御史。

一曰。願養聖躬。以爲民社之福。願清心省事。勿預細務。二曰。慎擇老成之臣。以爲諸王之福。願王府官正色直言。匡救王失。三曰。攘夷狄。以爲中國之福。願務農講武。屯戍邊圉。以逸待勞。四曰。精選有司。以爲民生之福。願擇廉正之士。任以方面。俾察其所屬。五曰。褒封祀典。以勵忠烈。願於忠臣烈士。有功於民者。量加封諡。六曰。減省宦官。以防內權。願鑒諸史籍。裁擇冗員。勿令干政。以防異日弄權之患。七曰。調易邊將。以防外患。凡守邊之將。必察其可託心腹。然後假以兵權。必時遷歲調。不使久居其任。八曰。採訪廉能。以懲貪墨。願廣布耳目之臣。公聽並觀。明黜陟。九曰。增置關防。以革奸弊。願諸司設

皇明大政紀

四卷

四十二

勘合。全遣事畢。隨即繳報書奏。上覽之。曰。堅之言。關於政體者多。是可嘉也。

丙寅。寶慶衛百戶舍人倪基言四事。上嘉之。命參贊清平衛軍事。

一任用武臣。二制民之產。三興舉社學。四選賢授職。十一月丙申。宋國公馮勝。涼國公藍玉等。請討西番未附者。詔止之。

上曰。朕觀天象。未利征討。慎無輕舉。爾勝及傅友德。宜還京師。王率諸將駐陝西。訓練士馬。且多市馬爲武備。待其有釁而後取之。朕當有命也。

庚戌。呈太子還自陝西。以洛陽圖獻。

禮部奏正旦冬至及皇太子妃誕日公侯伯夫人文官四品以上武官三品以上命婦各具服赴柔儀殿行禮上命武官一品正妻如其例餘並從之

十二月己未命景川侯曹震往四川治道路

震至瀘州按視有支河通永寧界乃鑿石削崖直接其地以通漕運復闢陸路作驛舍郵亭駕橋立棧自茂州一道至松藩一道至貴州以達保寧通陝西由是從來便之

阿資復叛平寇將軍都督何福率兵討之阿資降

古州諸洞蠻作亂命都督俞通淵率辰沅貴州各衛軍討之

皇明太政紀

卷

上御武英殿觀書與學士劉三吾論惠迪吉從逆凶之旨

上曰凡人遭罹凶咎皆已有以取之及事窮勢迫則僥倖百端求免於害何益三吾曰如此者亦當聽命於天

上曰心無所愧可聽之於天若其自取於天何預

壬申洪武二十五年正月癸未朔

上御奉天殿大宴羣臣

諭五軍都督府臣今天下衛所屯田軍士人樹桑百根隨地宜植柿栗胡桃等物以備歲歉其徧行程督之靖江王守謙以罪置卒命其長子贊儀爲世子河決武陽

丙申命途故元孫王孫愛顏帖木兒于高麗轉送航羅國

依其親族

都督俞通淵進兵首克銀賴洞及三門合水古州蒲洞并銅鑼蠻俱平之

命死囚輸粟塞下

二月詔陝西緣兵備邊公侯李景隆十三人還京師

命列侯及都督指揮使葉昇曹恭吳傑陳儀李堅汪信宋晟劉道朱銘徐質於河南平涼岷州鞏昌臨洮涼州甘肅慶陽延安寧夏各衛練兵馬聽征

諭刑部尚書楊靖自今在外所上獄囚當加許獻務得真情然後遣官審決有寃者卽爲伸理惟雲南道遠今本處會官詳決之

皇明太政紀

卷

賜涼國公藍玉米千五百石

涼國公傅友德請懷遠縣官地九頃六十餘畝爲田園上不許

上曰爾貴爲上公食祿數千石而猶請地獨不聞公儀休事耶友德慚退

京國公藍玉奏涼州附籍民一千七百戶所種田畝宜徵賦輸甘肅詔候年豐足食徵之

高麗李成桂幽其主瑤而自立

詔九親王及功臣賜諡令禮部行翰林院擬奏請旨

三月癸未命宋國公馮勝等分往陝西山西河南簡閱士馬清理屯田

侯朱壽都督僉事黃輅督舟師出海運糧以給

新督俞通淵進兵入龍里四寨及酒赤沙上黃洪州迷洞并楊朝三達龍寨兩洞悉克平之班師。

法司泰兩浙運使陳襲係胡惟庸黨當付獄。上以元忠臣福壽之子宥罪雲南別勅西平侯舍遇之。

四月涼國公藍玉率將士追逃寇祁者孫遂征西番罕東之地。

辛未命涼國公藍玉襲實甘肅各衛軍士分置甘州中左右三衛。

以左春坊大學士董倫爲河南布政司左叅議。

皇明六政紀 四卷

丙子皇太子薨命禮部議喪禮。

侍郎張智等議曰喪禮父爲長子服齊衰期年。又曰期之喪達乎大夫今斟酌其宜。皇帝當以日易月服齊衰十二日祭畢釋。

戊寅上御東閣門諭廷臣欲立燕王以翰林學士劉三吾言不果。

上曰朕老矣太子不幸遂至於此命也古云國有長君

社稷之福朕第四子賢明仁厚英武似朕欲立爲太子何如翰林學士劉三吾進曰陛下言是但置秦晉二

王於何地。上不。因大哭而罷。

詔都督聶緯爲總兵建昌叛會月魯帖木兒。

五月辛巳朔京國公藍玉兵至罕東遣都督朱晟等徇

真州土酋哈答等遁去尋奉詔移兵討建昌

戊子封右軍都督俞通淵爲越舊侯賜鐵券世襲

寧夏衛副千戶何忠以所管軍士缺伍削官詣闕自陳上憫其祖父從征有功特有其罪陞本衛指揮僉事子孫世襲

六月丁卯西平侯沐英卒

上哭之慟親製文遣祭望像功臣廟

戊辰上以皇太子新薨而時享在邇命禮部翰林院議郊廟合行典禮

侍郎張智學士劉三吾等奏宋會典王制三年不祭惟

祭天地社稷益不以卑廢尊也宋真宗居喪既易日而

服除明年遂享太廟合祀天地于圓丘服袞冕所有鹵

簿儀仗車輅登歌鼓吹並如常儀及宰臣畢士安請聽

樂真宗批荅云除郊天之事資禮樂以相成須用樂鹵簿鼓吹及樓前官架諸軍音樂皆備而不作今定議天地社稷先師太歲風雲雷雨鎮鎮海瀆諸神皆係祀典

神祇歷代帝王乃是紹承統系宜如宋制惟太廟及祖先神靈所在國既有喪而時享仍用樂恐神不樂聽宜亦備而不作詔從之

七月上御右順門與侍臣論爲治緩急之道上曰爲治之道有緩急治亂民不可急急之則益亂撫

治民不可擾擾之則不治故烹鮮之言雖小可以喻大治繩之說雖淺可以喻深侍臣曰誠如聖諭

景川侯曹震簡練四川所屬軍馬聽征其軍糧兼給米鈔存其餘以餉建昌之卒

命普定侯陳桓往陝西修運雲棧以入四川

命都督王成往貴州平險阻治溝澗架橋梁以通道路

丁未改詹事院為府以兵部尚書致仕唐鐸仍兼詹事食尚書之祿以左通政祝春右僉都御史李文吉為少詹事詹事一人正三品少詹事二人正四品府丞二人正六

品以後任用詳列卿年表

琉球中山王察度遣子弟學於國子監

皇明大政紀 卷四

勅刑部榜諭天下學校

四七

時各處教官有給由到京上問民間疾苦哥嵐州學

正吳從權山陰縣教諭張桓皆對守職在學於民事無

知上歷指古人身居田畝其心常在朝廷舉伊尹寧

戚漢賈誼董仲舒唐馬周宋李沆事以責之復諭宋儒

胡瑗為蘄湖二州教授其教諸生皆兼時務治民水利

等數事當時得人皆由其教授有法今汝所言平日在

學不出則所教何事民情不知世務不通所訓生徒雖

有聰明賢才亦為汝等所壞使天下教官皆效汝等所

為朝廷焉能得人二人皆惶汗失措上顧謂刑部臣

曰若二人者立心不誠豈能為聖賢之教虛糜廩祿無

神於時宜寬之極遠其以榜諭天下學校使為警戒

八月乙卯江夏侯周德興以帷簿不修伏誅命叔公

唐申附葬皇太子于孝陵之東賜諡曰懿文

勅建宗入府五府六部太常寺官署

上諭廷臣曰南方為離明之位人君商而以聽天下之

治故設文書兩衙人臣以左文右武北面而朝禮也五

府六部宜東西並列其建六部於廣敬門之東皆

西向建五府於廣敬門之西皆東嚮惟刑部都察院大

理寺已置於西北太平門之外悉改造令規模宏壯公

主事高有常量其役

丁卯諭宋國公馮勝穎國公傅友德等率公侯伯都督常

皇明大政紀 卷四

昇王弼陳俊等二十三人往山西太原平陽等府閱門戶

四丁者籍其一為軍錫其徭役分隸各衛赴大同等處開

耕屯田各慎乃事毋擾於民

東勝立五衛大同立五衛大同迤東立六衛衛五千六

百人

公西旌表欽縣民江來肅妻葉氏寧國縣民楊仲庸妻胡

氏句容縣民孔世傑妻許氏朱仲謙妻石氏萬壽春妻王

氏張德清妻周氏廣德州民陳益妻蔡氏俱貞節之門

旌表廣德州民姚觀為孝子之門

甲戌命公侯各歸舊賜田於官仍歲給其祿

丙子靖江侯葉昇坐交通胡惟庸事覺伏誅

願會簡要錄于內外諸司。

先是上諭諸臣曰四民之中士最為難。農之最貴者何。謂聖賢之書明聖賢之道。出焉。農之最勞者何。當春之時雞鳴而起。墾土而耕。及苗既種。又須耘耨。炎天赤日。形體憔悴。及至秋成。輸官之外。所餘能幾。一或水旱重蝗。則舉家遑遑無所望。今居官者。不念吾民之艱難。至有刻剝而虐害之。仁心甚矣。於是命戶部備錄文武大小官品歲給俸米之數。以米計其用穀之數。又計田畝出穀之數。與其用力多寡。而為之書。至是編成。賜名曰醒會簡要錄。頒布中外。俾食祿者。知所以恤民。

皇明大政紀

四卷

四九

戊子。刑部尚書楊靖奏。左軍都督府經歷唐奉先以事請託。通政使葉嶽於法當杖。上以奉先進士命。紀其過。九月庚寅。立嫡孫允熒為皇太孫。以都察院左副都御史凌漢為左春坊左贊舍。以修撰黃子澄侍東宮講讀。

廷臣薦方孝孺召至京師。除漢中府學教授。詔許水陸給舟車。

上方重賞罰。以孝孺志存教化。謂左右曰。今非用孝孺時。故除漢中。

高麗知密直司事趙胖等奏。恭懿王薨逝無嗣。權臣李仁不道禍及昌及瑗。皆昏暴自恣。於是臣等與國人共推門。

下侍中李成桂主國事。乞俯從輿議。詔禮部移文從其自為。悉教以安東夷之人。

罕西番叛入寇。命都督宋晟總兵討平之。

倭計二千餘人。獲馬二千五百。牛羊十萬。

遣都督周興為總兵。討故元逆臣也速迭兒。大敗之。

先是藍玉北征。虜王脫古思帖木兒走。至也速迭兒之地。為所執。其部屬皆來附。至是興等追至徹山。大破其眾。

詔訪求通曉曆數。推往知來。試無不驗者。爵及封侯。山東監生周敬上疏入奏。上納之。

敬言。國祚修短。在德厚薄。非歷數可定。陛下但當修德。則國祚可傳萬世。何必問諸小技之人耶。又言。陛下連年遠征。臣民萬口一辭。皆知為恥。不得其傳國寶。欲取之耳。臣聞傳國寶出自戰國。楚平王以卞和所得之玉珠。之秦始皇秘之。名曰御璽。自是以來。歷代珍之。途有是名。易曰。聖人之大寶曰位。何以守位曰仁。是知仁乃人君之寶。玉璽非寶也。且戰國之時。趙先有是寶。而國不守。五代之君。皆得寶。皆不旋踵而亡。益徒知玉璽之為寶。而不知仁義之為寶。故也。天下治安。享國長久者。莫如三代。三代之時。未有玉璽。是知有天下者在仁義。而不在乎玉璽。亦明矣。今為取寶。使兵革數動。軍民困苦。是忽真正之大寶。而易無用之小寶也。疏奏。上

皇明大政紀

四卷

五十

願結其言自是北征之議稍息餘若通鈔法慎刑賞

克軍等事皆切時弊
十月己酉朔追封西平侯沐英為黔寧昭靖王以子春襲爵鎮守雲南

以後世鍾不改

戊午雲南土官月魯帖木兒叛糾合西番摩步賈哈科等大肆抄掠命涼國公藍玉率越嵩侯俞通淵將兵討之十一月丙戌景川侯曹震率四川急務五事詔從之

夔州雲陽大寧鹽井鈔票辦請依晉安例令商輸粟備軍餉以鹽償之一四川鹽課令商人輸粟建昌烏撒不敷乞以蒸江買馬官鹽給之一馬湖等秋糧照徵不

皇明大政紀

四卷

五十一

及請從末減一重慶儲糧俾施州衛發運甚便一建昌新置之衛盈甲不易成請工部支給

甲午總兵官涼國公藍玉兵次栢興州遣百戶毛海以計誘致月魯帖木兒并其子胖伯送至京師伏誅

玉奏四川之境地曠山險控扼西番連歲蠻夷梗化蓋由軍衛少而備禦寡也宜增置屯衛順慶府鎮禦巴梁大行諸縣其保寧千戶所北通連雲棧宜改為衛漢州灌縣印縣西連松茂礪黎當土番出入之地眉州控制馬湖建昌嘉定接山都長九寨俱為要道皆宜增置軍衛下羣臣議行之

癸卯復以詹事李文吉為左僉都御史

命儒臣重定文武百司品階勲祿之制以示天下惟醫學陰陽僧道官不給祿

十二月壬申宋國公馮勝等率列侯籍太原平陽民為兵伍置衛屯田還京以所籍之數奏之

甲戌以宋國公馮勝額國公傅友德兼太子太師曹國公李景隆涼國公藍玉兼太子太傅開國公常昇全寧侯孫恪兼太子太保詹徽為太子太保兼吏部尚書茹瑺為太子少保兼兵部尚書任亨泰為少詹事兼翰林修撰杜澤楚標為事府丞

勅宋國公馮勝額國公傅友德等以明年三月發京師壯勇及河南山西銳卒立屯塞上蒐獵虞庭毋違朕命

皇明大政紀

四卷

五十二

閏十二月高麗權知國事李成桂請更國號詔更號朝鮮免翰林學士劉三吾官

時三吾詣吏部自陳壻戶部尚書趙勉夫妻坐法當死皆緣素失教誨自當引退以勵廉恥吏部以聞遂免

命僧錄司造周知冊頒于天下僧寺

時京師百福寺隱囚徒逃卒往往易姓名為僧遊食四方無以驗其真偽於是命造周知冊及在外府州縣寺院僧名以次編之其年月與所授度牒字號俱載于僧名之下既成頒示天下僧寺凡遊方行脚至者以冊驗之其不同者即送有司械京治罪容隱者罪亦如之

刑部尚書楊靖鞠武官門卒檢其身得一大珠令碎之因

上聞 上嘉歎之。

上曰千金之珠卒然至前略不動心。遽斥以爲偽物而碎之。免致意外生事。靖有過人之智。應變之才矣。

詔王府延宴按察僉事坐于長史之上。

河南按察司奏王府長史與按察司僉事俱五品。然僉事爲風憲之職。今王府延長史上殿僉事乃坐于殿外。應下公案序生長史復居僉事之上。禮有未當。詔下廷議。上曰。按察司僉事方面官也。王府延宴亦宜入殿坐于長史之上。

戊戌命宋國公馮勝爲總兵官。潁國公傅友德爲之副。訓

聖明大政紀 四卷

五十三

練山西河南軍馬及領屯衛。其餘公侯都督悉聽節制。

癸酉洪武二十六年正月丁未朔。

己酉中都督僉事徐司馬卒。

司馬揚州人。好文學。所至撫綏士卒。拯恤孤貧窮困。甚得人心。尤敬士大夫公暇。退居一室。講論終日。蕭然如

布衣之士。家無餘資。人多賢之。

乙卯起兵部尚書致仕唐鐸兼太子賓客。

己巳命永定侯張瑄調山東沂州衛將士以充齊府護衛。辛未以刑部尚書楊靖兼太子賓客。

二月丁丑遣官釋奠于先師孔子。

上命晉王總宋國公馮勝等所統河南山西馬步軍出禦

北虜。勝及傅友德常昇王弼孫恪馳驛還京。其餘將校悉聽晉王節制。

乙酉涼國公藍玉謀反伏誅。

初玉以開平王常遇春妻弟。屢從征伐有功。胡惟庸之反。玉嘗與其謀。上以開平王之功及親親之故。宥而不問。後諸老將多歿。乃擢爲大將。總兵征伐所向克捷。甚稱。上意然玉素不學。性復狠愎。見上待之厚。又自恃功伐。專恣橫暴。畜莊奴假子數千人。出入乘勢漁獵。嘗占東昌民田。民訟之。御史按問。玉捶逐御史。及征北還。私其駝馬珍寶無算。夜度喜峰關。關吏以夜不卽內。玉大怒。縱兵毀關而入。上聞之不樂。會有發其私元

聖明大政紀 四卷

五十四

主妃者。上切責之。玉慢不省。嘗見上命坐。或侍宴飲。玉動止傲悖。無人臣禮。及總兵在外。擅陞降將校。黜刺軍士。甚至違詔出師。恣作威福。以協制其下。至是征西還。意圖陞爵。及命爲太傅。玉怒。攘袂大言曰。吾此回當爲太師。乃以我爲太傅。及奏事不從。玉退。語所親曰。上疑我矣。乃謀反。當是時。鶴慶侯張瑄。普安侯陳桓。景川侯曹震。融驢侯朱壽。東莞伯何榮。都督黃恪。吏部尚書詹徽。侍郎傅友文。及諸武臣。皆爲玉部將者。玉乃遣親信召之。晨夜會私宅。謀議集士卒。及諸家奴。伏甲爲變。約東已定。爲錦衣衛指揮蔣獄所告。命羣臣訊狀。其實皆伏誅。

吏部尚書詹徽侍郎傅友文以監玉黨誅命驗封司主事
翟善署吏部事

太常寺卿丘玄清卒

玄清陝西人幼爲武當山道士有司薦其有治才授監
察御史超擢今官爲人持重有守上嘗賜以媛女固
辭不受上益重之

遼東開元軍士馬名廣上言五事命禮部擇其可行者
行之授吉安府泰和縣知縣

一瀋陽廣寧義州宜復舊學一工商技藝之家不宜任
之政一兵老而無丁者除其籍一狹鄉之民遷於寬鄉
屯種一取法唐太宗府兵宜居重輿輕上曰觀所言

皇明本政紀

四卷

五十五

有可采者但工商技藝之子不預士紳則與孔子有教
無類之意悖矣

三月命長興侯耿炳文訓練陝西軍馬

乙卯命魏國公徐輝祖齋勅諭燕王將阿魯帖木兒乃

兒不花遣人防送至京其舊降胡人非出征不可輕縱

丙辰命宋國公馮勝穎國公傅友德往北平等處備邊聽

燕王節制

禁官民步卒人等服對襟衣惟騎士許服其不應服而服
者罪之

辛酉詔併西安右衛爲秦王護衛

會寧侯張溫都督蕭剛等坐與藍玉同謀伏誅

庚午諸司職掌成詔刊行頒布中外

先是上以諸司職有崇卑政有大小無方冊以著成
法恐後之蒞官者罔知職任政事施設之詳乃命吏部
同翰林儒臣倣唐六典之制自五府六部都察院以下
諸司凡有設官分職之務類編爲書至是始成名曰諸
司職掌刊行之

頒示諸司職掌錄於諸功臣

上卽位以來封賚功臣皆稽考前代典禮封爵祿食禮
儀等差悉倣唐宋之制其間因時損益皆適其宜然諸
功臣多武人不知書往往恃功驕恣踰越禮分甚或肆
情廢法奢僭不度及藍玉以反誅籍其家竟有服合器

皇明本政紀

四卷

五十六

用僭侈踰制上因詔翰林院稽考漢唐宋功臣封爵
食邑之多寡及名號虛實之等第編集爲書名曰稽制

錄御製序文頒示功臣使之朝夕省覽遏其奢僭

四月大白經天京師大旱求直言錄囚徒

士午瀋陽侯察罕坐藍玉黨伏誅

丙申賜越嵩侯俞通淵公田

賜穎國公傅友德第于鳳陽

詔戶部諭天下有司自今凡遇歲饑先發倉廩貸民然後
奏聞着爲令

時孝感縣奏民饑請發預備倉貸民命行人馳驛賑
濟諭戶部曰然嘗捐內帑之資付天下蒼民繼粟以儲

之正欲備荒糴濟饑民也若歲荒民饑必候奏請迺途往返遠者動經數月則民之饑死者多矣爾戶部即諭

陞滑縣學訓導宋復祖爲國子司業

上以故祭酒訥之子陞之

詔絕安南國朝貢

時安南絀主自立故絕之

五月庚戌兵部奏河南都指揮使齊羽無嫡嗣有二庶子皆幼請所宜立詔庶子論賢不論長第給以羽祿俟其長擇賢者襲之

詔賜陝西民代兄成者道里費并賞監途之人

皇明大政紀

四卷

五

時兄坐事戍妻病爾中途其弟夫婦請代往監途者聽之御史責弟不當代兄并罪監途者其人訴于朝上曰弟之代兄義也監途者能聽其代是亦有仁心矣命皆賞之

甲子魏國公徐輝祖崇山侯李新奏考稽制錄所載公侯家人及僮從戶存留如制餘請給付有司詔發鳳陽隸籍爲民

丁卯詔工部自今凡功臣卒不建享堂其墳塋葬具皆自備惟沒於戰陣者官給之

六月戊辰越傳侯俞通淵有罪削爵放還鄉里復以左春坊左贊善凌漢爲都察院右僉都御史

命禮部申嚴公侯制度奢侈之禁

七月己亥免武定侯郭英合輪稅糧仍撥賜佃戶

遼東指揮使司奏朝鮮國招誘女直五百餘人潛渡鴨綠江欲入寇遣使諭改前非毋違天道罰及爾身不可悔

左春坊大學士董倫薦肇州吏目諸葛伯衡學行擢陝西布政司右叅議

戊申選秀才張宗濬等隨詹事府左右春坊官分班直文

華殿侍講畢進說民間利害田里稼穡等事兼陳古今孝弟忠信文學才藝諸故事日以爲常

壬子信國公湯和男燮奏以原給家奴儀從四十八人還官隸籍爲民

皇明大政紀

四卷

五

辛酉欽天監監副李德秀奏監正元統改作洪武甲子曆元比至元辛巳曆差四日六時一元統執奏洪武甲子曆實與舊法相同略無差謬上謂二說皆難憑只驗七政交會行度無差爲是

八月命崇山侯李新督開漂水臙脂河

上諭之曰兩浙賦稅漕運京師歲實浩繁一自浙河至丹陽捨舟登陸推輓甚勞一自大江沂流而上風濤之險覆溺者多朕甚憫之今欲自畿甸疏鑿河流以通于浙俾運輸者不勞商旅獲便故特命爾往督其事爾其泣事惟勤後民勿暴新頓首受命而行暨河成人皆便之

徒慶靖王於常州

詔徵浦江鄭王二姓子弟三十以上者選用

上以東宮官屬關命廷臣舉孝義篤行之士尚書嚴震直以浦江鄭氏對。上曰：鄭氏朕素知之。聞其里人王氏亦徵鄭氏家法可選用。以風勵天下。

遣禮部員外郎潘應魯立周顒像碑于廬山

九月戊申復以劉三五為翰林學士

丙辰工部尚書嚴震直弟侄不法命自訊獄成具奏。上以震直下欺奪之。

河南按察司僉事王平巡按孟津。城有司欲財行賂者來奏。上嘉平得體。賜襲衣幣鈔以勸勞勉之。

皇明本政紀

卷四

甲子以鄭濟為左春坊左庶子。王勳為右春坊右庶子。

二家徵至闕。令自推舉。各舉濟勳用之餘。皆給道里費遣還。

命總兵官宋國公馮勝凡將校有罪。削爵聽征者悉復其職。

詔胡黨藍黨除已拿在官者外。其未發未拿者不究。

十月建翰林院于皇城東南。宗人府之後。詹事府居其左。書院又次之。

成樂器於天下。令有司如式製造。以祀孔子。

十一月壬寅朔。賜國子監琉球生及雲南生賀致志等襲

衣鈔錠

已未東莞叛寇何迪伏誅

迪東莞伯真之弟也。真次子宏以罪誅。迪自疑禍及。遂聚眾作亂。南海衛以兵捕之。迪伏眾阻殺官軍三百餘人。遣入海島。廣東都指揮使司發兵進擊敗之。械迪送京師誅之。

庚申曹國公李景隆奏還莊田六所。田地山塘池蕩二百餘頃。

擢泰州訓導門克新為左贊善。紹興府學教授王俊華為右贊善。

時天下學官入覲者。上親詢以民間政事得失。在列者多應對不稱旨。獨克新敷對亮直。俊華善文辭。故有是擢。上召二人謂之曰：朕所以左克新而右俊華者。重直言故也。

十二月壬申朔。永鑑錄成。頒賜諸王。其書雖歷代宗室諸王為厯時途者。以類為編。直叙其事。世臣總錄成。頒示中外羣臣。

歷代為臣善惡可勸懲者。

丙戌命禮部申禁軍民人等不得用太師太傅太保待詔郎中等官為名稱。

甲戌洪武二十七年正月辛丑朔。

命禮部榜示天下僧寺道觀。凡歸併大寺觀設砧基僧道

用一人以主舍稅。

每大寺觀僧道編成班次。每一班一年高者率之。餘僧道俱不許奔走於外。及交構有司。以書冊稱爲題疏。強求人財。一二人於崇山深谷修禪及學全真者。聽三四人勿許。仍毋得私創庵堂。若遊方闕道。必自備道里費。毋索取於民。凡所至僧寺。必揭周知冊以驗其實。不同者獲送。有司僧道有妻妾者。許諸人捶逐。相容隱者罪之。願還俗者。聽亦不許收兒童爲僧。違者併兒童父母皆坐以罪。年二十以上願爲僧者。亦須父母具告有司。奏聞方許。三年後赴京考試。通經者始給度牒。不通者杖爲民。有稱白蓮多賣火居者。皆治重罪。

聖明大政紀

上與學士劉二吾論爲治之難。
上曰：朕歷年多而益懼者。恐爲治之心懈也。懈心一生。百事皆廢。生民休戚繫焉。故日慎一日。惟恐弗及。如是而治猶未臻。其矣爲治之難也。三吾頓首曰：陛下之言及此。天地神人之福也。

詔有司賑貸貧民。

改中都國子監爲鳳陽儒學。

命曹國公李景隆佩平兗將軍印鎮守甘肅。

詔都督宋晟劉真率馬步壯士緝捕盜馬寇邊。仍令陝西都指揮王英領河州洮州鞏昌臨洮軍馬往歸德金佛等處追捕叛兇。

改建漢壽亭侯關羽廟於雞鳴山之陽。

舊在玄津橋西。至是改作。與歷代帝王及功臣城隍諸廟並列。通稱十廟云。

二月倭寇浙東。命都督楊文劉德商景巡視兩浙防倭。禮部奏會試中式舉人彭泰等一百人。

三月辛丑。上與侍臣論人主聰明不可使有壅蔽。

學士劉三吾曰：人君惟博集衆論。任用賢能。則視聽廣而聰明無所蔽。若信任檢邪。隔絕賢路。則視聽偏。聰明爲所蔽矣。上曰：人主以天下之耳目爲視聽。則是非

無所隱而賢否自見。昔唐玄宗內惑於聲色。外蔽於權姦。以養成安史之亂。及京師失守。倉猝出幸。雖田父野

聖明大政紀

老皆能爲言。其必有今日者。玄宗雖恍然悔悟。亦已晚矣。夫以田夫野老皆知而玄宗不知。其蔽於聰明甚矣。使其能廣視聽。任用賢能。不爲邪佞所惑。則亂何從生哉。

命魏國公徐輝祖安陸侯吳傑往浙江訓練海上軍士。同都督楊文等防倭。

以太子賓客兵部尚書唐鐸爲太子少保。

廷策會試中式舉人。賜張信耿清戴德壽進士及第。賜胡嗣宗等三十名進士出身。賜戚存心等六十六名同進士出身。

是科耿清爲御史大夫。戴德壽爲左拾遺。俱死靖難。

四年以進士及第張信爲翰林修撰

詔武官子弟習騎射

上與侍臣論毀譽之言不可不辨

上曰人固有卓然自立不同於俗而得毀者亦有譖媚
抑貶同乎流俗而得譽者夫毀者未必不肖而譽者未
必賢也弟所遇有幸不幸爾人能知其毀者果賢則誣
謗之言可息而人亦不至於受抑矣知其譽者果不肖
則偏蔽之私可絕而人亦不至於倖進矣問君十於小
人小人未必能知君子且又忌之鮮有不爲所毀者問
小人於小人其朋黨阿私則所譽者必多矣唯問於君
子則處心公正然後能得毀譽之實故知人爲難而知
聖明大政紀 卷四 六十三
言尤爲難也

陞行人司爲正七品左右副爲從七品行人爲正八品

凡設官四十員咸以進士爲之先是所任行人多孝廉
人材上以其將命四方往往不稱使旨至是始命以
進士爲之凡齋奉詔赦奉使外夷諭勞賞賜祭祀徵聘
賢才賑濟饑荒盤點軍馬等事則遣之餘非奉旨諸司
不得擅差行人之任重矣

城東勝

命天下種桑棗

甲寅命韓王潘王分道省視秦晉燕周齊王

上以二王年少欲其遊覽諸王國以敦孝友之情

四月詔陝西乾州立唐忠臣渾瑊祠

從乾州同知史孟通所奏

丙戌詔徵儒臣定正宋儒蔡沆書傳

上觀蔡氏書傳日月五 進行與朱子詩傳不同及其
他註說與鄱陽鄒季友戶論間有未安者遂詔徵天下
儒臣定正之

五月己丑勅諭宋國公馮勝實植從役者俾無窘迫

詔免孝子郝安童軍役

安童永州府祁縣人父玄戍戍定遠卒安童該補役以母
老無他兄弟供養且有姑守節老而無依亦仰給於已
詣關自陳 上憐復其身

聖明大政紀 卷四 六十四

却安南朝貢

六月 上與侍臣論魏武侯不如楚莊王

上曰昔楚王謀事而當羣臣莫能逮朝而有憂色魏武
侯謀事而當羣臣莫能逮朝而有喜色夫一喜一憂得
失判焉以此見武侯不如楚莊也夫喜者矜其所長憂
者憂其所不足矜其所長則志滿志滿則驕驕則淫淫
敗日至矣憂其不足者則志下志下必能虛心以受人
則人孰不樂告以善道故楚莊卒霸諸侯以興楚國武
侯侵暴鄰國而魏業日衰以此觀之八君當遜志納善
人臣當以道事君君臣之間各盡其道則天下之事無
不濟矣

七月甲申。旌表涑水孝子李德成爲孝行之門。

旌表長洲民張德妻高氏爲貞節之門。

甲戌。命安陸侯吳傑永定侯張全率致仕武官往廣東訓練沿海衛所官軍以備倭寇。

八月。新建縣酒樓成。

先是。上以內太平。思欲與民偕樂。乃命工部作十樓於江東諸門之外。令民設酒肆其間。以接四方賓旅。其樓有鶴鳴醉仙謳歌鼓腹來賓重譯等名。旣而又增修五樓至是皆成。詔賜文武百官鈔。命宴於醉仙樓。詔有禮部主事益霖死罪。

霖以事繫獄。其父伏闕言霖以非才授任。觸犯國法。罪

皇明大政紀 卷四

六十五

當大辟。雖死莫贖。但臣年老。父子之情有所不忍。願次男從軍以贖其死罪。上憫其言。特宥之。

階文二州軍叛。平寇將軍都督審正討平之。

九月。詔禮部定議旌表孝行事例。頒示天下。

日照縣民江伯兒。以母病割股肉食之。不愈。乃禱於岱嶽祠。誓云。母病愈。則殺子以祀。旣而母病愈。竟殺其二子。祭之。有司以聞。上怒曰。父子天倫至重。禮父爲長子。三年服。今伯兒無故賊殺其子。絕滅倫理。宜亟捕之。勿使傷壞風化。遂逮伯兒杖一百。謫戍海南。下禮部議其議。以卧冰割股。前古所無。雖出於後世。亦是間見。至若割肝。殘害尤甚。且如父母止有一子。割肝割股。

或至喪生。卧冰或至凍死。使父母無依。宗祀永絕。反爲不孝之尤者。原其所自。愚昧之徒。務詭異以驚世駭俗。希求旌表。規避徭役。割股不已。至於割肝。割肝不已。至於殺子。違道傷生。莫此爲甚。自今人子遇父母有病。醫治弗愈。無所控訴。不得已而割股卧冰。亦聽其所爲。不在旌表之例。詔從之。

丙午。撒馬兒罕附馬帖木兒遣酋長迭力必失等奉表來朝。貢馬二百匹。

已酉。詔誅錦衣衛卒誣告樂清良民者。賜民鈔八十錠。仍免今年田租。

正蔡氏書傳成。

皇明大政紀 卷四

六十六

初。詔徵國子監博士錢宰等至。上語以正定書傳之意。且曰。爾等知天象乎。皆對不知。上曰。朕每觀天象。自洪武初。有黑氣凝於奎壁奎壁乃文章之府。朕甚異焉。今年春。暮其間黑氣始消。文運自此興矣。爾等宜考正古今。慎述作。以稱朕意。由是命學士劉三吾等總其事。開局翰林院。正定是書。禮遇諸儒甚厚。各賜以綺繪衣被等物。御製詩命次韻和之。朝參則班於侍衛之前。宴享則次中殿。時酒樓成人賜鈔宴其上。各獻詩謝。上大悅。復遣禮部尚書任亨泰諭旨諸儒。有年老願歸先遣之。衆皆願留。至是書成。凡蔡氏集傳得者存之。失者正之。又集諸家之說。足其未備。三吾等率諸儒上進。

賜名曰書傳會選。命禮部刊行天下。賜諸儒宴及鈔俾馳驛而還。

庚申修寰宇通志書成。

方隅之目有八。東距遼東都司東北至三萬衛。西極四川松藩衛。西南距雲南金齒。南踰廣東崖州。東南至福建漳州府。北暨北平大寧衛。西北至陝西甘肅。縱一萬九百里。橫一萬一千五百里。四夷不與焉。

遣中使諭陝西都指揮使司訓練將士。候來春征討西番。十月辛巳。翰林院詹事府成。詔皆賜宴落之。

已丑詔停賑王宮殿工。

上諭工部曰。邊境土木之工。必度時量力。順民情而後。皇明大政紀

爲之時可爲而財力不足。不爲也。財有餘而民不欲不爲也。必有其時。有其財。而民樂於趨事。然後爲之。則事易舉。今雲南土曠民稀。軍餉轉輸。民力甚勞苦。若復加興造之役。非惟時力未可。於民亦有所不欲。賑府姑爲。棕亭以居。俟十五年後。民富力紓。作之未晚。爾工部遣人馳驛往諭雲南守臣。罷其役。

倭寇金州。

十一月。阿資復叛。西平侯沐春率兵討之。

盱眙縣耆民劉本等詣闕乞留丁母憂。知縣方素復任道。使齋勅旌勞之。

素赴闕謝恩。賜宴於禮部。陞辭請歸葬母而後任。許。

之。

十二月丙寅。置寧夏羣牧千戶所。

甲戌申定皇城門禁約。

凡朝參午門先放直日都督將軍及應直帶刀指揮千百戶鎮撫散騎舍人。然後文武官以次而入。不許撓越。其上直官軍。三日一易。於朝退辰時交代。凡內宮內使。火者出門。須比對銅符。若本無銅符。及有不比對。輒放行者。守門官軍治以重罪。仍密加搜檢。有公金帶金銀段疋出者。憑勘合照驗。亦須明白附寫。往某處公幹。及其工匠人等出入。各門依例搜檢。有誤帶鈔物者。許附寄各門。如出門夾帶鈔物。許家內官軍於民人有事。入不許固遏。及問其事情。違者官軍皆坐罪。

乙亥。洪武二十八年正月丙申朔。

命都督周興爲總兵。宋晟劉真副之。帥師捕野人。

西平侯沐春擒斬阿資於越州平之。

二月庚辰。詔右軍都督府榜諭龍州土官趙宗壽等。具奏常茂存死實狀。

山東布政司奏東昌地廣民稀。乞令青兗濟登萊無田耕者。皆令分丁。就東昌開墾閒田。詔戶部行之。

三月。詔中軍都督僉事朱信充總兵官。前軍都督府宣信。

克訓總兵官率舟師運糧赴遼東其海運大小官軍悉聽節制。

四月詔停造遼王宮室。

勅武定侯郭英遼東軍務物情來者多言其艱苦况邊境營繕不宜盡力以困之今役作軍士皆強悍勇力舍戰之人勞苦過多心必懷叛故往往逃伏草野山澤間乘間劫掠近者高麗表奏言多不實朕已命有司究之聞彼自國中至鴨綠江衝要處所儲軍糧每驛有一萬二萬石或七八萬十數萬石東寧女直皆使人誘之入境此其意必有深謀朕觀高麗自古常與中國爭戰昔漢唐時遼東地方皆為其所有直抵永平之境時遠不里明大政紀四卷臣時時美兵自古無狀今遼東乏糧軍士餓困倘不即發沙嶺倉廩賑之必放高麗招誘遁逃之心非至計也使高麗出二十萬人以相警諸軍何以應之今營繕造作暫宜停止且令立營屋以居十年之後再為之古人有言人勞乃易亂之源深可念也。

倭寇金州

辛未諭禮部尚書任亨泰議秦王世子襲爵禮

上曰秦王既沒國事無統世子長成宜命襲爵爾其集議以聞亨泰同翰林諸臣議漢諸王薨遣使者立嗣子為王則玄冠素服以承詔事反喪服又諸侯受天子之命亦宜服其命服使者出反喪即位而哭既合於

禮且協人情詔依服命服禮行之。

五月討平四川洞蠻。

六月丙寅遣前軍都督府謝亨通政使來徵奉金冊冕服持節往陝西冊秦世子尚炳為秦王。

乙亥勅曹國公李景隆整飭陝西所屬衛所軍馬以候征調。

已丑上諭羣臣禁黥刺勝剗鬬割之刑。

上曰朕自起兵至今四十餘年親理天下庶務人情舍惡真偽無不涉歷其中奸頑刁詐之徒情犯深重灼然無疑者特令法外加刑使人知所警懼然此特權宜處置頓挫奸頑非守成之君所用以後嗣君親理天下正

里明大政紀

守律與大誥並不許用黥刺勝剗鬬割之刑金剛君生長深宮人情善惡未能周知恐一時所施不當誤傷良

舍臣下敢有奏用此刑者文武羣臣即時劾奏處以重

刑。

詔羣臣以後嗣君並不許立丞相臣下敢有奏請設立者文武羣臣即時劾奏處以重刑。

上曰自古三公論道六卿分職自秦始置丞相不旋踵而亡漢唐宋因之雖有賢相然多小人專權亂政我朝

罷丞相設五府六部都察院通政使司大理寺分理天下

庶務彼此譴顏不敢相壓事皆朝廷總之所以穩當

詔皇親國戚有犯在嗣君自決惟謀逆不赦。

癸巳命翰林院編修馬京署通政使司事。

詔出征亡故武臣子弟襲職。如有試弓馬不中。仍令還衛署。與半俸。二年後復比試。不中者降爲軍。

七月。詔禮部九大臣犯重罪得免者。叙列八品九品。班後從。工科給事中陳洽等奏。

羣臣賀確山縣野臺成廟。詔止之。

上曰。人君以天下爲家。使野臺成廟。足以衣被天下之人。朕當受賀一邑之內。偶然有之。何所賀焉。

戊午。詔國子監生習讀春秋。

上曰。孔子作春秋。明三綱。叙九法。爲百王軌範。修身立政。備在其中。未有舍是而能處大事。決大疑者。近諸生專治他經者衆。至於春秋。鮮有明者。繼今宜習讀以求

聖人大經大法。他日爲政臨民。庶乎有本。

有道士以書獻。上却之。

侍臣請留觀之。上曰。彼所獻書。非存神固氣之道。卽燒丹煉藥之說。朕焉用此。朕所用者。聖賢之道。所需者。政治之術。將躋天下生民於壽域。豈獨一己之長生久視哉。苟一受其獻。迂誕怪妄之士。必爭來矣。故却之。毋爲所惑。

廣西守將韓觀率兵討山寇平之。

八月。龍州土官趙宗壽及奉議南丹向武等州叛。蠻方命虐民。命左都督楊文佩征南將軍印。爲總兵官。率副將

韓觀宋晟等將官軍討之。

丙子。命江陰侯吳高安陸侯吳傑從總兵官楊文征龍州諸蠻。

高傑皆以事獲罪。故俾征討建功以自贖。

貴州蠻叛。守將顧成討平之。

兵部尚書唐鐸奏。龍州土官趙宗壽伏罪來朝。乞罷。詔征南將軍楊文移兵奉議等處。鐸乃參議軍事。

戊子。詔更定皇太子親王封冊寶之制。

九月。戊戌。崇山侯李新有罪。伏誅。

免山東稅糧。

庚戌。頒祖訓條章於內。外文武諸司。

勅諭禮部曰。自古國家建立法制。皆在始受命之君。以

後子孫。不過遵守成法。以安天下。益創業之君。起自側微。倚歷世故艱難。周知人情。善惡。後世守成之君。生長深宮。未諳世故。山林初出之世。自矜已長。至於奸賊之臣。徇權利。作聰明。上不能察。而信任之。變更祖法。以亂敗國家。貽害天下。故日夜精思。立法垂後。永爲不刊之典。如漢高刑白馬盟曰。非劉氏者不王。以後諸呂用事。盡改其法。遂至國家大亂。劉氏幾亡。此可爲深戒者。朕少遭亂離。賴皇天眷命。剪除羣雄。混一天下。卽位以來。勞神焦思。定制立法。革胡元弊政。至於開導後世。復爲祖訓一編。立爲家法。俾子孫世世守之。爾禮部其以

朕祖訓頒行天下諸司使知朕立法垂後之意永為遵守後世敢有更改祖法者即以奸臣論無赦。

燕王進永清左衛龍門東嘉禾一莖三穗者二本二穗者六本。上親製嘉禾詩賜之。

閏九月詔更定親王歲支祿米量減以資軍國之用。

親王萬石。郡王二千石。鎮國將軍一千石。輔國將軍

八百石。奉國將軍六百石。鎮國中尉四百石。輔國中尉

三百石。奉國中尉二百石。公主及駙馬二千石。郡

主及儀賓八百石。縣主及儀賓六百石。郡君及儀

賓四百石。縣君及儀賓三百石。鄉君及儀賓二百

石。

皇明大政紀 卷四

七十一

重定皇明祖訓成。

其目仍舊更歲戒章為首章。命大書揭於右順門內西

南廊下。既而遣使詔諸王至京。諭以減祿米之故。以祖

訓賜之。

十月辛卯。禮部奏百官朝參賜食供億為難。請罷賜。從之。

上定東宮諸王世系。各擬二十字為一世。以其字為命名

之首。其下一字則臨時所議以為二名。編入玉牒。至二十

世後復擬續增。

冊光祿寺卿馬全女為皇太孫允炆妃。

十一月。上與侍臣論尚書無逸篇。

上曰。自昔有國家者。未有不以勤而興。以逸而廢。勤與

逸理亂盛衰所繫也。人君當常存惕勵。不可少息。以圖其終成王之時。天下晏然。周公輔政。乃作是書。反覆開諭。上自天命之精微。下至民生稼穡之艱難。以及閭里小民之怨詛。莫不具載。周公之愛君。先事而慮。其意深矣。朕每觀是篇。必反覆諄味。求古人之用心。嘗令儒臣書於殿壁。朝夕省閱。以為鑒戒。今日講此。深愜朕心。聞之愈益警惕。

禮制集要成命頒行之。

征南將軍楊文等討奉議等處叛蠻。平之。

十二月。詔山東河南民人田土。除已入額徵科。自二十六年以後。裁種桑果園。與二十七年以後新墾田。不論多

寡。俱不起科。有司增科擾者。罪之。

皇明大政紀 卷四

七十四

洪武志書成。

其書述都城山川地理。封域之沿革。宮闕門觀之制度。以及壇廟寺宇街市橋梁之建置。更易靡不具載。刊行

之。

命給事中傅安郭驥使西域。

丙子。洪武二十九年正月。庚申朔。

上與禮部尚書門克新論至治之難。

上罷朝。從容問左右民間事。禮部尚書門克新對曰。聖

澤深廣。天下之民各安生業。罕蒙至治。上曰。雖堯舜

在上。不能保天下無窮民。若謂民皆安業。朕恐未然。何

得遽言至治。

壬戌陞詹事府丞杜澤爲吏部尚書。

辛巳以散騎舍人湯醴爲左軍都督府僉事。

二月庚寅遣行人李思聰錢古訓使緬國及百夷諭令各罷兵。

辛卯詔戶部仍給故東甌襄武王湯和加祿米二千石。

甲午禮部尚書任亨泰奉使安南還降爲監察御史。

亨泰在安南私市蠻人爲僕故降之。

征虜將軍胡冕討柳桂等處蠻寇平之。

丙午常州武進縣奏本縣奔牛呂城二壩河道淺濘請濬深以便漕運從之。

皇明大政紀

卷七十五

三月壬申詔文廟從祀罷楊雄進董仲舒。

行人司副楊砥言孔子廟庭從祀諸賢皆有功世教若

漢楊雄仕莽忝列從祀以董仲舒之賢友不與焉事干

名教甚爲乖錯宜黜雄進仲舒則祀典明矣。上納其

言。

以徐增壽爲右軍都督府左都督李增枝爲前軍都督府

左都督沐晟爲後軍都督府左都督湯醴爲左軍都督府

都督同知。

四月甲寅詔魏國公徐輝祖及禮部翰林院官同國子監

官考試監生仍令吏部以次錄用毋使淹滯。

署監事學正吳啟言國子師生所以文學優劣分隸六

堂邇來皆無甄別高下不分無以激勵宜考第如例。

上命行之。

中軍都督僉事朱信奏比歲海運遼東糧六十萬石以糴

州府嘉定縣米輸於太倉俾轉運從之。

五月戊寅初命詹事府翰林院尚書司中書舍人六科給

事中儀禮司於午門內出入者各給牌爲驗。

詔湖廣諸郡宜桑而種之者少遣人往德安府及徐州取

桑種二十石送至辰沅靖全道永寶慶衡州等處各給一

石使皆種之。

六月癸卯以都督府斷事廖昇爲太常左少卿翰林院編

修張顯宗爲太常寺丞左僉都御史辛彥博爲詹事府少

詹事兼翰林侍讀賜衣各一襲。

詔各處有司築河防。

七月丙寅上與侍臣論唐主不當以宦者魚朝恩等掌

兵權。

上觀唐書至宦者魚朝恩恃功玩忽無所忌憚謂侍臣

曰當時不當使此曹掌兵政故恣肆暴橫然其時李輔

國程元振及魚朝恩數輩勢皆極盛代宗一旦去之如

孤雛腐鼠大抵小人竊柄苟能決意去之亦有何難但

在斷不斷爾又曰漢末之時宦官雖號驕縱尚無兵權

故凡所爲不過假人主之名濁亂四海至唐世以兵柄

授之訓注權勢之威劫脅天子廢興在其掌握大抵此

書只克使令。豈可使當要路。執政操權。擅作威福。朕深
鑒前轍。自左右服役之外。重者不過俾傳命而已。彼既
無威福。可以動人。豈能為患。但遇有罪。必罰無赦。故自
不敢驕縱也。

丙子詔在外未入流官陪祭俱用祭服與九品同。

先是鹽城縣儒學教諭王孟上言。公服以朝。祭服以祀。
今在外凡祀山川諸神。流官具祭服。未入流者具公服。
然公服既於朝賀迎接諸禮用之。而又服以祀神。禮有
未宜。且未入流官公服之制。自八品以下皆同。其祭服
亦宜與之同。上是其言。

八月詔免應天寧國太平池州廣德田租。

皇明大政紀 四卷

七十七

已酉禮部尚書門克新卒於官。命有司護喪歸葬於鄉。
改六部諸屬部為清吏司。

詔廷臣重議諸王見東宮禮。

禮部議諸王來朝見服見。天子畢。次見東宮。已有定
儀。其叙家人禮。東宮及王俱常服。引禮官請王由文華
殿東門入。至後殿。王西向。東宮東向。贊禮官贊四拜。王
坐受相見禮畢。叙坐則東宮正中。南面。諸王列於東西。
奏上從之時。諸王皆東宮叔父。故復有是議也。

頒表箋文式於天下。

先是天下諸司所進表箋。多務奇巧。詞體駢儷。上甚
厭之。乃命翰林院學士劉三吾右春坊右贊善王俊章

撰慶賀謝恩表箋成式頒於天下。今諸司凡遇慶賀。皆
思如式錄進。

九月乙亥。養天下致仕武臣。

首壬辰年至甲辰從軍洪武十一年以前為官者。次十
二年以後為官者。又大已已以後從軍洪武十一年以
前為官者。又次十二年以後為官者。凡二千五百餘人。
十月詔禮部定各司奏事次第禮。

會議凡奏事。一都督府。次十二衛。次通政使司。次刑部。
次都察院。次監察御史。次斷事官。次吏戶禮兵工五部。
次應天府。次大兵馬指揮司。次太常寺。次欽天監。若太常
寺奏紀事。則當在各司之先。

皇明大政紀 四卷

七十八

甲寅。皇曾孫文燦生。

上以十月數終。又生於晦日。命內庭勿賀。

十一月壬戌。增設詹事府屬官。左右清紀郎各一人。司諫
各二人。通事舍人各五人。

清紀從八品。司諫通事舍人從九品。改錄事亦從九品。
詳鑄渾天儀。

乙巳詔頒稽古定制。

先是。上以諸功臣之家。不循禮法。往往奢侈。自縱以
致覆亡。雖屢加誡敕。終莫之省。乃命翰林儒臣取唐宋
制度。及國初以來所定禮制。參酌損益。編類成書。凡勛
舊之家。墳塋碑碣。丈尺房屋間架。及食祿之家。貨殖禁

創皆有定制。命頒之功臣之家。俾遵行之。

十二月。命禮部會議。鎮國將軍與公侯。駙馬。文武官相見。禮及其出入。稱呼之宜。

禮部會儒臣議。凡相見。鎮國將軍居左。駙馬。儀賓。公侯。居右。平行。兩拜。若文武一品至三品官見之。亦行兩拜。

禮鎮國將軍居中。答拜。四品以下。官行禮。鎮國將軍坐。受之。若相遇於道。駙馬。儀賓。客。同右。讓道而行。文武一品。

至三品官。引馬側立。侯其過。方行。四品以下。則皆下馬。其餘內庭出入。皆由左門。稱呼則曰官人。言語則曰。某。

旨從之。

復永州府知府金彥誠等十人官。賜襲衣靴鈔。遣還。仍給。

聖明大政紀

附錄

者民道里費。

初彥誠與齊東知縣鄭敏定。遠知縣高斗南。儀真知縣。

康彥民。岳池知縣王佐安。肅知縣范志遠。當塗知縣孟。

星茶度。

詔定外官三年一朝覲。

改大理寺為司。

丁丑。洪武三十年正月甲寅朔。

初置雲南按察司。

先是以雲南地荒服。未設按察司。命布政司兼理之。至。

是始置司設官。

命長興侯耿炳文為總兵官。武定侯郭英為副。往陝西及。

甘肅。選精銳。夾騎巡西北邊。以備胡寇。

已丑。勅肅王拱辰。時督軍屯糧。遇有征伐。親率精兵與長。

興侯耿炳文討之。

漢中府沔縣吏高福興及民人田九成。僧李普。泊謀作亂。

殺知縣呂昌。執教諭李詵。敗官軍。命征西將軍長興侯。

耿炳文等。發陝西兵討之。

辛未。右春坊司諫袁寶建言三事。從之。

一。府州縣學歲貢宜照定制。一。命修理工部國學廂厨。

饗舍。室房。一。命史官摘取自古忠臣烈士成書。使將軍。

侍衛操暇。命史官陳說。使知報國之義。

癸酉。命監察御史劉觀。耿清。司中署都察院左僉都御史。

刑部主事鄧文欽。署右僉都御史。

丁丑。遣使諭別失八里王黑的兒火者。

先是遣主事寬徹等使哈梅里別失八里。及徹至。別失。

八里而黑的兒火者拘留之。副使二人得還。至是復遣。

使持書往諭之。使知朝廷恩義。母起兵端。

已卯。改太常光祿二司為寺。官制仍舊。

改儀禮司為鴻臚寺。以儀禮司正房顯為寺卿。吏工二科。

都給事中。仲牧。劉繼宗。為少卿。翰林院典籍馬定。為寺。

卿。四品。少卿從五品。寺丞從六品。

陞翰林院修撰張信爲侍讀編修戴德壽爲侍講

上諭之曰官翰林者雖以論思爲職然既列近侍旦夕在朕左右凡國家政治得失生民利害當知無不言昔唐陸贄崔羣李絳之徒在翰林皆能正言議論補益當時顯聞後世爾等當以古人自期毋負朕擢用之意

頒爲政要錄

其書載文武官屬體統及僉書案牘次第軍士月給廩餼與宿衛之禁屯田之政凡十有三條

二月甲辰行人陳誠呂讓奉命諭安南以侵地還思明府不從還京廷議當討詔姑待之

勃禮部檄打煎爐長河西土酋長以時來朝貢毋取罪罰

皇明大政紀

八十一

白虹貫日

水西蠻叛征南將軍顧成討平之

命翰林院學士劉三吾安府紀舍白信稻主考禮闈

撤棘取宋琮等三十八人山東山西陝西無一人北平止一人

三月勅兵部差人諭川陝守邊衛所嚴禁私茶出境仍遣僧管著藏上等往西番申諭之

上曰巴茶自國初徵收累年與西番易馬近因私茶出境致茶賤馬貴不獨國課有虧殆使戎寇放肆生侮慢之心益由守邊者不能禦防或濫交無度縱放私茶或假朝廷爲名橫科馬足以致番人悖信朝廷初不知此

但謂西番不順豈知邊吏有以激之故嘗命曹國公李景隆齎金牌勘合直抵西番以傳朕命令各番酋領受牌爲符契以絕奸欺尚恐邊衛將士巡防不嚴私茶出境爾兵部備傳朕意諭守邊者知之

廷策會試中式舉人賜陳郊尹昌隆劉諤進士及第宋琮等五十人進士出身及同進士出身有差

四月甲辰命六部都察院翰林院等官議百官相見之禮禮部具奏百官相見之禮往往凌越等分請申明禁之上下衆議凡百官以品秩高下分尊卑其品級近者相見行禮則東西對稍卑者居西高者居東其品級相越二三等者卑者居下尊者居上其相越四等者則卑者

皇明大政紀

八十二

禮下尊者坐兩旁受禮有事則跪白一品與二品相見二品居西行禮一品居東答拜禮與三品四品相見三品四品居下行禮一品居中答拜與五品以下相見一品坐受稟事則跪餘倣此其司屬官品級亞于上司官者稟事則跪凡近侍官員雖拘品級行跪拜禮亦不許與外官交接凡同寮官品級有高下者不拘凡大小官員於內府相見不許跪拜若官員出入街道亦不許抗禮其餘軍民人等於街道遇見官員引道經過卽須下馬却避不許衝突違者論其罪上從之

詔晉王 燕王各練兵備虜

今軍民有一才一藝者得自陳效

陞刑科給事中張思恭爲刑部右侍郎。

人有暮夜以金遺思恭者思恭却不受其人委金而去詰旦思恭言於朝上舍思恭有守遂陞其官仍以其金賜思恭

諭征西將軍長興侯耿炳文等於川陝兩界之地招諭番漢良金者付所司調管爲軍

命兵部考定武官軍役數額不許私役踰制

上張指揮使同知僉事四人千戶三人百戶衛所鎮撫

二人皆於正軍伍內取用輪番更直三日一易下直則

歸隊伍操練凡衛所直廳六人守門二人守監四人守

庫一人止老軍充役一年一更

聖明大政紀 四卷

人三

五月壬子朔日食

甲寅大明律誥成

上御午門諭羣臣曰朕有天下做古爲治明禮以導民定律以繩頑刑著爲令行之已久而犯者猶衆故於聽政之暇作大誥昭示民間使知趨吉避凶之道古人謂刑爲祥刑豈非欲民並生於天地間哉然法在有司民不周知故命刑官取大誥條內撮其大略附載於律凡榜文禁例悉除之除謀逆并律誥該載外其雜犯大小之罪悉依贖罪之例論斷今編次成書刊布中外令天下遵守刑期無刑庶稱朕恤刑之意

乙卯命楚王楨率護衛精銳軍以湘王柎爲副統都司所

屬諸衛征古州洞蠻

庚申夜有星大如雞子尾跡有光自天厨入紫微垣下有二小星隨之至游氣中沒

已巳勅燕晉代遼寧谷六王天象示變占北方當有警宜各勒兵謹守勿輕與虜戰俟其分散驕息邀截要路擊之乙亥旌表浮梁縣民鄭敬成妻王氏金添麟妻王氏欽縣民江務本妻許氏俱爲貞節之門

已卯天下講讀大誥師生來朝者凡一十九萬三千四百餘人並賜鈔遺還

六月辛巳朔上御奉天殿復策試下第舉人賜韓克忠

王恕焦勝進士及第蔡武等二十九名進士出身蘇文等

聖明大政紀 四卷

人四

二十九名同進士出身

先是禮部會試中式者少而北方被黜落者咸言不公上聞所取多南士亦疑之乃詔考官劉三吾及陳郊等三人皆下獄命翰林儒臣重閱落卷得文理優長者六十一人皆山東山西河北河南陝西四川之士至是復

廷試之

翰林學士劉三吾暴卒

遣政平訟理二藩論罪囚

上諭刑部曰人言法家少恩此後世用法之過朕觀唐虞之世好生之德洽於民心安有是言爾等每論囚引至朕前雖詳其致罪之由然一時裁決恐未得其情

今惟武臣成罪朕親審之其餘但以所犯來奏引至承
天門外其有未服欲訟者命行人持訟理庸論之訟理
其無罪應釋者持政平權宣德意遣之繼今五軍都督
府六部都察院六科給事中通政司詹事府詳加審錄
寬者即為奏聞無寬者實犯死罪以下悉如律其雜犯
死罪者准贖

乙酉以進士韓克忠為翰林院修撰王恕焦勝為編修
丁亥勅楚王慎湘王栢今占天象大白七月三日伏未可
行兵待大白出後併力討之

諭晉王燕王今吾馬數少宜近城屯住遠斥候謹修燧設
信炮毋深入沙漠

皇明大政紀 卷四

十五

附馬都尉歐陽倫坐販私茶事覺賜死

時四月晨方耕櫛倫適在陝西令布政使司移文所屬
起車載茶往河州倫家人有周保者尤縱暴所至驅迫
有司索車五十輛至蘭縣河橋巡檢司捶辱其吏吏不
能堪以其事聞上大怒以布政使司官不嚴拜倫賜
死保等皆坐誅茶貨沒入於官以河橋吏能不避權貴
遣使齎勅免勞之

月丁巳左都御史楊靖為繫獄鄉人改狀草增飾浮詞
遂聞諛為御史所劾賜死

上諭羣臣勉為君子不當其為小人
上諭之曰凡人所為不能無過舉而其心則有公私但

當平其心以觀之若其心本公而所為之事不當此則
識見未至若緣私意而有謬戾者此則其故為之也
子小人於此可見然君子之過雖微必彰小人之過雖
大弗形益君子直道而行不事掩覆小人巧修飾多所
隱蔽人君不察於此則君子小人莫辨又曰朕觀往昔
議論於人主之前者君子必多忤意小人必多順從若
以忤已而怒順已而悅之則小人進而君子斥矣人主
取人但當於心之權衡不當遽徇一己喜怒而汝
等亦當勉為君子不當其為小人也

甲子命太常寺卿張顯宗署國子監祭酒事翰林院修撰
韓克忠署司業事

皇明大政紀 卷四

十六

附馬都尉歐陽倫坐販私茶事覺賜死

附馬都尉歐陽倫坐販私茶事覺賜死

附馬都尉歐陽倫坐販私茶事覺賜死

附馬都尉歐陽倫坐販私茶事覺賜死

附馬都尉歐陽倫坐販私茶事覺賜死

附馬都尉歐陽倫坐販私茶事覺賜死

附馬都尉歐陽倫坐販私茶事覺賜死

三月戶部令天下人民每鄉里各置木鐸一懸於門
六月持鐸徇於道路

今日孝順父母尊敬長上和睦鄉里教訓子孫各安生
理毋作非為又令民每時置一鼓凡遇農種時月清晨
擊鼓聚眾皆命田所及時力田其怠惰者里老督責之
里老嚴責者不勸督者罰又令凡遇婚姻死喪吉凶
等事一里之內互相賙給不限貧富隨其力以資助之
庶幾人情相親風俗厚矣

平定王恒以護衛軍同銅鼓新軍靖州民夫

王恒以護衛軍同銅鼓新軍靖州民夫

王恒以護衛軍同銅鼓新軍靖州民夫

八十七

乙亥 上以平定將軍都指揮齊讓征蠻無功命左軍都
督楊文佩征虜將軍印為總兵官率都督同知韓觀指揮
使何清宋忠等統京衛及湖廣江西等處都司軍馬往討
之

十月癸亥犯南斗

諭戶部遼東海運軍餉有贏餘今不須轉運止令本處軍
士屯田自給其三十一年海運糧米可於太倉鎮海蘇州
三衛倉收貯仍令左軍都督府移文遼東都司知之

建國子監先師廟成

十一月有武定侯郭英罪

時英自陝西還監察御史裴成祖劾英私養家奴百五

十人又擅殺男女五人請治其罪 上以英力臣詔勿
問左僉都御史張春都給事中馮嶧等執奏不已又命
諸戚里大臣諫其罪使知所警已而有之

癸酉命西平侯沐春為征虜前將軍都督何福徐海為左
右將軍率雲南四川諸衛兵往討叛蠻刀幹孟

上御奉天殿見駝騎舍人衣極華麗以暴殄責之
上問用幾何對曰五百貫 上曰農夫寒耕暑耘早
夜思慮得絲絲麻縲績手成其勞既已甚矣及登
地而己今汝席父兄之庇生長膏粱執綺之下農桑
勤苦獲無聞知一衣制及五百貫此農夫數口之家一
歲之資也而爾費之於一衣驕奢若此豈不暴殄自今
切宜戒之

建明大政紀 四

八十八

十二月 上不豫廷臣數問安以竭忠修職勉之
勃之曰朕惟昔元治世民庶乂安何期至正之君失於
勤民慢於事神由是假手雄倡亂華夏兵興之時朕
潛草野不得已而從戎當時倡亂稱尊者幾人恣為吞
併自相磨滅如此者十有七年朕西定荆楚東平吳越
北撫華夏為眾所推戴定鼎金陵國號大明收元洪武
二十年於茲朕壽亦七十矣靜而思之非皇天眷命安
得居天位若是久哉古語云天不與首亂豈非朕無心
於天下以救民為心故天特命之乎近者失調受疾卿

等類來問安禮也堯舜禹湯文武之世聖聖相契伊
周召爲之臣其有志匡主一也朕以此示卿等宜竭忠
修職副朕至懷

陞兵部主事齊泰爲兵部侍郎

乙巳遣思倫發還雲南駐怒江上命西平侯沐春令刁
幹孟歸而主母在臣

刁幹孟既逐思倫發懼朝廷致討先遣人至西平侯所
言先遣人致方物乞授土官爲大甸乃的弄所劫由
是弗克上聞奏不許

皇明大政紀卷之五

皇明大政紀卷之五

臣 豐城雷 禮謹輯

餘姚朱 錦謹校

金谿閔師孔謹訂

戊寅洪武三十一年正月乙酉朔

命戶部遣人才分詣山東河南各縣督民耕種仍具籍其
丁男所種田地與收穀粟之數以聞

上以二省民多惰於農事以致衣食不足故諭之

曹國公李景隆賞金符往西番以茶易馬還京

凡用茶五十餘萬斤得馬一萬三千五百八十四匹分給
京衛騎士操養

皇明大政紀卷之五

二月再試寄監下第舉人

中式者四百一十五名次其等第除教授教諭訓導不
中者八十七人爲州吏目

定吏員出身資格以九年考滿

倭寇山東浙東

諭左軍都督徐增壽檄所司自礮門出枯木任長徑抵長
河西口通雜道長官司道路督軍開拓以便往來

三月戊申朔琉球國中山王察度及其世子武寧遣其臣
亞蘭匏仰等貢馬及硫黃胡椒等物

諭吏部隨材任使不可用小人

上曰觀人之法有數等材德俱優者上也材不及德者

其次也材有餘而德不足者又其次也苟二者俱無不足論矣若逐勢變移好作威福言是而行非此小人不可用也

令兵部凡武官子弟當優給者令其讀書候十五歲方許承襲若在外行所者十歲以上即令襲職還原衛讀書習弓馬以候比試

四月庚辰五軍都督府及兵部奏朝鮮雖奉貢不絕而疊生邊隙請發兵致討上恐殃民不許令禮部移文責之壬午勅邊將武定侯郭英等率兵從燕代遼寧谷五王出北平禦虜

羽林衛經歷邊昇言事稱旨超陞工部右侍郎

聖明大政紀

己丑享太廟畢諭太常寺以時省視務齊絜

上步出廟門徘徊顧立指桐梓謂太常寺臣曰往年種此因感愴泣下又曰昔太廟始成遷王就室禮畢朕退而休息夢朕皇考呼曰西南有警覺即視朝果得邊報祖考神明昭臨在上無時不存爾等當祭祀宜加敬旦暮令中使供洒掃奉神主恐有不虔當以時省視務令齊絜以安神靈

五月酉平侯沐春擒刁幹孟令思倫發還平緬

甲寅上不豫

丙辰四川平茶洞長官司土酋楊欽來朝貢方物

戊午勅左軍都督楊文爲總兵往北平選北平都司行都

司并燕谷寧三府護衛精銳馬步軍士從燕王往防虜母有疑志

勅武定侯郭英總兵往遼東選精銳軍馬隨遼王屯往開平迺北險要地防虜仍聽燕王節制

庚辰置成都重慶保寧三府及播州宣慰司茶倉四所命四川布政司除天全六番招討司將茶課仍收碶門茶課

司餘地方就近新倉收貯聽商人交易及與西番市馬

乙亥勅燕王總率諸王用防邊患

勅曰朕觀成周之時天下治矣周公猶告成王曰詰爾戎兵安不忘危之道也今雖海內無事然天象示戒夷狄之患豈可不防朕之諸子汝獨才智克堪其任秦晉

聖明大政紀

已薨汝實爲長懷外安內非汝而誰已命楊文總北平

都司行都司等軍郭英總遼東都司并遼府護衛悉聽汝節制爾其總率諸王相機度勢用防邊患冀安黎民以答上天之心以副吾付託之意其敬慎之毋怠

進齊泰爲兵部尚書

上嘗召泰問邊將姓名泰歷數無遺又問諸圖籍泰出袖中手冊進簡要詳密上天奇之

閏五月丙子朔罷四川石柁富來二鹽并開西克縣龍坎及內江縣虎跳伊家鹽三處

乙酉上崩於西宮

疾亟召兵部尚書齊泰受顧命輔皇太孫嗣位遂崩壽

七十一。時諸王皆尊屬。擁重兵。專制地。嫌勢逼。詔諸王臨邸中。毋奔喪。王國所在。吏民悉聽朝廷節制。詔下。諸王不悅。謂此齊尚書疎間我也。

辛卯。皇太孫卽皇帝位。以明年爲建文元年。大赦天下。

太孫諱允炆。懿文太子第二子。洪武十年十一月生。生六年。其兄雄英卒。二十五年懿文卒。太祖欲立成祖以學士劉三吾之言不果。是夜焚香祝曰。壽年久近。國祚短長。子孫賢否。惟簡在帝心。遂立允炆爲皇太孫。至是嗣位。

是日薨孝陵。

遵遺詔。山川因其故。無改。儀物一以儉素。不用金玉。

望明大政紀

丙申。詔內外五品以上文官及縣令薦賢才。定保舉連坐法。

六月上。皇祖考大行皇帝諡曰聖神文武欽明啓運俊德成功統天大孝高皇帝。廟號太祖。皇祖妣孝慈皇后曰高皇后。

議革冗員。省府州縣。

以兵部尚書齊泰。太常寺卿黃子澄預參國政。

文皇自燕邸入臨。至淮安。出勅令歸國。

以中書舍人蹇義爲吏部右侍郎。戶部主事夏原吉爲戶部右侍郎。

七月。召典教滇南董倫爲禮部左侍郎。兼翰林院學士。書

怡老堂三字。及縣几玉鳩各一。賜之。

倫先爲懿文太子左春坊大學士。及薨。出參議河南。以註誤免官。典教滇南。故召之。

召漢中府學教授方孝孺爲翰林侍講。

命曹國公李景隆。訊周王橐。逮至京。廢爲庶人。

建文帝初爲大孫時。坐東角門。謂黃子澄曰。諸王尊屬。擁重兵。奈何。對曰。諸王僅有護衛兵。纔足自守。萬一有變。以六師臨之。誰其能支。漢七國非不強大。卒滅亡者。大小強弱之勢不同。而順逆之理異也。大孫喜。呼子澄黃先生。及卽位。倚任子澄。謂曰。先生無忘東角門之言。子澄頓首應曰。不敢。遂出與齊泰議。削奪諸王兵。未

望明大政紀

幾果有言周王不法者。遂逮廢之。

給事中徐澄。御史黃凱薦王紳。文學孝行。授國子監博士。以張鳳李衡趙福張弼汪濱孫端王斌楊忠林良李成張敏劉政爲錦衣世千百戶。有差。

鳳等皆西官殉墓。官人父兄。所謂朝天女戶也。

以吏部尚書茹瑄掌河南布政司事。

八月。進魏國公徐輝祖。曹國公李景隆。祿秩勅輝祖練兵

山東。

召前任山西參政王景彰爲禮部右侍郎。兼翰林侍講。尋

以雲南左布政使張統爲吏部尚書。

罷禮部尚書鄭沂以陳迪代之。

以盧俊劉淵為兵部左右侍郎。

雲南百夷蠻叛。命都督何福為征夷大將軍。都督徐凱

為副將軍率師討之。

增國子監司業一員。

罷築銅鼓衛城。

召魏國公徐輝祖安陸侯吳傑還京。

長星西隕有聲如雷。

雲南總兵官西平侯沐春卒。弟晟襲爵。

以馬京為大理寺卿。

十月癸亥守心。

皇明大政紀 卷六

增置陝西洮州茶馬司。

征虜將軍何福進兵金齒討諸蠻平之。

以戴元禮為大醫院使。

元禮學醫於朱彥修精脉理以御醫事 太祖大漸時

常目之曰此人仁義故有是命。

召北平總兵都督楊文還京。

十一月征南將軍顧成副將何清宋晟韓觀平定水西五

開蠻及平洲六洞等長官司一百三十七寨班師還京賞

勞有差。

監察御史解縉來奔張謫河州衛吏。

詔舉山林巖穴懷才抱德之士。

十二月癸丑。帝如郊壇。

明年將有事南郊故特致省牲滌器嚴飭百吏禮畢還

宮。

以王鉤為戶部尚書召鄭賜於安東起徙中為工部尚書

監察御史尹昌隆上書請勤政。詔禮部以奏疏頒示天

下。

時帝視朝稍晏昌隆諫曰昔太祖高皇帝雞鳴而起

昧爽而朝百官戒懼故能庶績咸舉天下乂安陛下嗣

守大業正宜追繩祖武兢業萬幾未明求衣日旰忘食

常如不及斯為庶幾今乃日晏臨朝羣臣宿衛疲於伺

候職廢業上下懈弛臣恐播之天下傳之四夷非社

稷之福也。上曰昌隆所言切中朕過禮部可徧行天

下。不惟使朕有過人得而知之且俾天下庶官咸能勤

於趨事也。

詔吏部尚書張統試編纂官奏處士楊士奇第一。授王府

審理副。

會修太祖實錄統被旨考第高下得士奇策喜曰明

達時務有用之才不但文辭之工也。

應天府尹何寶翰林學士董倫薦奏計入京馬龍他郎甸

長官吏目程本立學行政事宜留中朝從之。

召韓宜可為都察院左副都御史。

以曾鳳韶為監察御史。

召故學士承旨宋濂之孫懌為翰林侍書。

遼州人高巍應詔辟上書請行王父偃推恩之令分王諸王子弟不當聽鼎錯削奪之策。帝奇之。

巍書略曰我高皇帝有文王純一之德大行皇后有后妃不妒之行則百斯男無不穆穆皇皇宜君宜王者也故本宗百世為天子支庶百世為諸侯體三代之封建分茅胙土先封形勢之地陝西有二山河其人勇悍西鄰土蕃以秦府王之山西表裏河山其人剛壯壯近胡虜以晉府王之北平雖無名山大川之限而桑土沃饒廣畜羊馬其人衣皮食肉弓馬是務遼金元籍之各興一代之業故以燕府王之四川雖曰西南一隅山河

皇明大政紀 王卷

阻深劉備諸葛亮據之而虎視吳魏者也故以蜀府王之其餘楚湘齊交寧遼谷代慶肅皇羅碁布比之前代雖皆分封過制而高皇帝之聖模神慮莫非欲護中國而屏四夷也今各處親王固多驕逸不削則朝廷紀綱不立削之則傷親親之恩此我皇上之所難處者也以臣愚見不當聽鼎錯削奪之策當行王父偃推恩之令使秦晉燕蜀四府子弟分王於齊交楚湘齊交楚湘子弟分王於秦晉燕蜀其餘寧遼谷代慶肅等府類比而分其地如此則藩王之權不削而自弱矣臣又願皇上待遇親王薄其貢而厚其恩常盡親親之禮其賢如漢之河間獻王與東平王蒼者下詔褒賞之其驕逸

不法如漢之淮南濟北者初犯則容之再犯則赦之三犯而不改者當合親王告太廟削其地而廢處之豈有不順服哉

以工部侍郎張昂掌北平布政司謝貴張信為都指揮使初周王有罪帝勅成祖議罪成祖上書曰若周王構所為形跡曖昧幸念至親曲宥寬貸以全骨肉之恩如其形跡顯著祖訓具在臣何敢他議帝觀書戚然黃子澄曰燕周同母兄弟燕王出塞有功威名日盛不如併去之宜簡精強謀略有威望者為守臣彈壓於是昂貴并受命視府中事

調僉都御史劉觀為嘉興知府

皇明大政紀 王卷

九

盡釋刺面軍及徒還鄉里

以燕府訓導康汝楫為安岳知縣

罷北平山東山西河南陝西五省及淮安徐州學校貢士已卯洪武三十二年正月庚辰朔

大祀天地于南郊始奉太祖高皇帝配

先是戊寅上御奉天殿誓戒百官是夕遂宿於文華殿齋宮已卯出舍皇郊尚膳進素食庚辰子夜行事帝脫舄登大祀殿秉珪奠瓚與俯拜跪如禮昧爽還宮御奉天殿受羣臣賀方孝孺進郊祀頌

詔養老賜高年米絮帛有差

命官贖民鬻子減田租

遣使告即位於天下神祇。
勅修太祖高皇帝實錄。

禮部侍郎兼學士董倫王景彰為總裁官。太常少卿廖昇翰林侍講學士高巽志為副總裁官。國子博士王紳漢中府學教授胡子昭齊府審理副楊士奇崇仁縣學訓導羅振馬龍他即甸長官司吏目程本立為纂修官。

二月命都督韓觀練兵於德州。

詔尊皇考懿文皇帝為興宗孝康皇帝。皇妣懿文皇太子妃為孝康皇后。

立妃馬氏為皇后。子文奎為皇太子。

聖明大政紀 五卷

封弟允熲為吳王。允熲為衡王。允熲為徐王。

詔薦賢養老。懇田墾學。考察官吏。旌孝。賑貧。掩骼埋胔。贖民鬻子。減田租。

令親王不得節制文武吏士。

進封江都郡王為公王。以儀賓瑋璿為駙馬都尉。

命都督宋晟為總兵官。鎮守甘肅。以周是修為衡府紀善。

陞侍講方孝孺為侍講學士。同學士董倫侍經筵。備顧問。孝孺德望素隆。遇帝好文。日與學士講論周官法度。處便殿。凡將相大臣議。輒咨之。

更定官制。

更六部陞一品。設左右侍中。位侍郎上。各司華清吏。罷左右都御史。設都御史副僉都御史各一人。翰林院增丞各一人。學士一人。改講讀學士為文學博士。二分文翰文史二館。其餘官制盡行更改。蓋不免輕易擅改之謂云。

北平右布政司曹昱按察司副使張璉坐罪削籍落職。燕王來朝行皇道入登陞不拜。

戶部侍郎卓敬監察御史曾鳳韶皆上書論劾不報。免民質舍錢。

華松藩衛。

三月丁亥。帝祀先師孔子于大學。御講學堂見師生。賞幣鈔有差。

以散騎常侍張成等七十一人為海上巡檢。

勅布按二司官糾察屬吏。革略陽縣。

燕王還國。燕世子及其弟高煦高燧留京師。尋遣還北平。初齊泰曰。三人在此宜先收之。黃子澄曰。不可。事覺則彼先發有名。且得為備。莫若遣歸。使坦懷無疑也。遂遣歸。尋遣人追之不及。

北平按察司陳瑛有罪。安置廣西。

僉事湯宗奏瑛密受燕府金錢有異謀。遂逮之。燕山左護衛百戶倪諒亦上變告。逮府中官旗于諒周鐸等伏。

誅

勅都督宋忠率兵三萬及燕府護衛健卒屯開平。

名云備胡實屯兵圖燕故調去健卒以制之。

勅都督徐凱練兵臨清都督耿獻練兵山海關。

詔燕府胡騎指揮關童等還京。

調北平左右衛官屯彰德順德。

齊泰懼燕王智勇絕人善用兵以防邊為名令諸將

防守外張昂謝貴防於內約期俱發燕王於諸王最

長成最盛地勢形便兵力又最強朝廷深忌之齊泰黃

子澄徐輝祖侍郎卓敬日夜謀所以防燕者長史葛誠

教授余逢辰亦稍洩其謀張學謝貴馬宣彭二每遇中

聖明大政紀

五卷

十二

朝使者至北平亦頗傳言語事宜早為備燕王固知之

自京師歸即托疾久之遂稱疾篤大暑圍火爐搖顛曰

寒甚寒甚宮中亦杖而行朝廷稍不為意誠逢展密告

貴昌曰殿下本無恙公等勿懈怠恐一旦不可測已而

王密謀益急

燕府遣人至京奏事詔拷訊成獄發符逮王府官屬

遣採訪使都御史暴昭侍郎夏原吉給事中徐思勉等二

十四人巡行天下問民疾苦與廉黜貪得便宜行事

京師地震求直言貶監察御史尹昌隆為福寧知縣

昌隆疏言奸人專政陰盛陽微謫見于天執政大怒斥

之未幾中使誣昌隆詛說下獄事白得釋

四月華南丹衛附慶遠

召湘王栢自焚

時有上變者遣使召訊王懼縱火自焚妃從之闔戶皆

死

召齊王博至廢為庶人

府人曾名深上變告拘置京師與周王同繫誅護衛指

揮柴直等

幽代王桂於大同廢為庶人

繁岷王榘於雲南廢為庶人

五月選補儒學官

先是學官缺用舉人及中式學生通經儒士至是詔天

聖明大政紀

五卷

十三

下凡在任未入流官及坐法滿成已更者但通經薦試

俄又詔衛官舉通經軍士聽布按二司試上吏部銓用

岳池教諭程濟上言西北兵起大難在宗室中逮至京下

獄

帝將殺濟濟大呼曰陛下且囚臣至期無兵臣外未晚

遂繫之已而兵果起赦之

以戴德壽為左拾遺王叔英為翰林修撰

省連山縣入連州

六月省興濟縣入青縣

置千戶所於戎縣

召河州衛吏解縉為翰林待詔

學士董倫薦有文學故召用之。

七月甲戌燕府起兵號靖難北平掌布政使司事侍郎張昂都指揮使謝貴彭二燕府長史為誠教授余逢辰歿之遂盡克九門

初高帝封建諸子謂元之舊都地廣民眾且密邇北胡非有大器不足以鎮之封成祖為燕王會懿文太子薨燕地有天子氣善相者見之曰龍顏鳳姿天章曰表太平天子也高皇上賓輔嗣君者忌成祖命張昂宋忠等內外防之及張昂等傳言謂宜早為備於是命謝貴等以城七衛并屯田軍士圍王城又以木柵斷端禮等門未幾削爵及逮官屬詔至指揮張玉朱能等泣呈明大政紀

卷五

十四

勸起兵先擒謝貴張昂餘無能為成祖曰須以計致之今遣內使官來逮護衛官屬悉依所生名收之就令差來內官召貴昂付所逮者貴昂必來則縛之一夫之力耳乃匿壯士端禮門內遣召貴昂及貴昂入至端禮門壯士出擒之玉等率勇士夜捕其勇伏兵攻九門黎明已克其八惟西直門未下令指揮唐雲諭散遂下令安集城中人民按堵諸司官吏視事如故北平都指揮使余瑄走居庸馬宣走薊州宋忠率兵至居庸知事不濟退保懷來留余瑄守居庸

燕府上書請誅齊泰黃子澄

略曰奸臣齊泰黃子澄竊假陛下之威權剪皇家之枝

葉構樞栢桂根五弟雖有怨過未聞不執重可裁減護衛輕可賜勅誠屬則厚親之仁懲過之義兩盡不務出此輒削王爵奪國土轉徙流離行路矜惻栢尤可憫闔室自焚聖仁在上胡寧忍此今其心尚未厭足又以加臣分兵圍守臣府但云府中不留一人號地哭天擗踊無辭又云伏觀祖訓有云如朝無正直內有奸惡則親王訓兵待命天子密詔諸王統領鎮兵討平之臣謹俯伏俟命惟陛下念之念之

甲戌通州衛指揮房勝等以城降燕

丙子都指揮使馬宣起兵薊州攻北平不克歿之指揮毛遂以薊州降燕

皇明大政紀

卷五

十五

遵化衛指揮蔣王密雲衛指揮鄭亨各以城降燕

已卯靖難將指揮徐安鍾祥千戶徐祥等攻拔居庸城以千戶吳玉守之指揮余瑄走懷來依宋忠

甲申靖難將馬雲徐祥等攻破懷來執都督宋忠指揮余瑄并斬都指揮彭聚孫泰於陣餘眾悉降

丙戌永平指揮趙秀郭亮以城降燕

庚寅大寧總兵劉真都督陳亨指揮卜萬引兵十萬出松亭關駐沙河進攻遵化及靖難千戶李濬等領兵來援真等退保松亭關

成祖謂陳亨素誠誠於我但為卜萬所制以計賄卜萬書盛稱萬而極詆亨故使為真所得真執萬下獄以聞

籍其家。

壬辰以長興侯耿炳文為征虜大將軍。駙馬都尉李堅都督寧忠為左右副將軍。率安陸侯吳傑江陰侯吳高都督都指揮盛庸潘松楊忠顧成徐凱李文陳暉平安分道進攻北平。

時帝方銳意文治。日與學士稽古更制。以北兵不足憂。黃子澄謂北兵素強。不早禦之。恐河北遂失。請眾十萬。數道並進。檄山東河南山西給軍餉。省碣嘉臨西睢寧三縣和曲祿勸二州。勅令京朝官請告歸省。給勘合於內府。

以京口驛隸京師。

皇明大政紀

五卷

十九

以睢陳歸德三州直隸河南布政司。

徵謫戊指揮僉事伏願等入京復其官。

推教諭程濟為翰林編修。充軍師。護諸將北行。

直平燕布政使司于真定。以刑部尚書暴昭掌司事。

贈故翰林待制王禕為翰林學士。諡文節。

徵雲南兵入京備征。

封駙馬都尉李堅為潯城侯。

八月長興侯耿炳文等率兵三十萬至真定。都督徐凱率兵十萬駐河間。都督潘忠楊松駐莫州。先鋒九千人據雄縣。

壬子靖難兵乘中秋夜圍雄縣。破其城。戒諸將勿妄殺。

難兵敗。都督潘忠楊松於月樣橋執之。

靖難兵遣莫州降將張保歸。教保伴言身敗被獲。竊逃。以我軍將至告之。

成祖因保降。願為先鋒。自效。詢知耿炳文半營河北。半營河南。故遣保歸告軍。至。諸將請曰。今由間道。不令彼知。蓋掩其不備。奈何。遣保告之。為備。上曰。不然。始不知彼虛實。故欲掩襲之。今知其半營河南。北則當令我至。其南所之眾必移於北。并力拒我。一舉可盡。敗。兼欲使知雄縣莫州之敗。以奪其氣。兵法所謂先聲後實者也。若不令其知。徑薄城下。雖能勝其北所之軍。南所之眾乘我戰疲。鼓行渡河。是我以勞師當彼逸力。勝負難必。且人委身事我。當推誠任使。縱若彼有反側。去一張保。於我何損哉。

皇明本末

五卷

十七

壬戌靖難兵大敗。大將耿炳文兵於真定。執副將李堅。寧忠都督顧成。何托都指揮劉燧。斬首三萬餘級。降眾數萬。餘人盡散遣之。

成祖率三騎先至真定東門。突入其運糧車中。擒二人。問知南所之營果移於北所。將輕騎數十繞出城西南。破其二營。炳文出城迎戰。張玉譚淵朱能馬雲等率眾奮擊之。成祖以奇兵出其背。循城夾擊。橫透敵陣。炳文大敗。急奔入城。軍爭門。門塞不得入。相蹈藉。死者甚眾。炳文入閨門自守。

丙寅靖難兵還北平。

以曹國公李景隆爲征虜將軍，馳至軍中，會諸將北進。

帝聞炳文敗，始有憂色，謂子澄曰：「奈何？」子澄對曰：「勝敗兵家常事，無足慮。今天下全盛，士馬精強，兵甲堅利，糧餉充足，區區一隅，豈足當天下之力？調兵五十萬，四面攻之，衆寡不敵，必成擒矣。」曰：「孰堪將者？」子澄曰：「景隆可以堪之，前不用炳文而用景隆，豈有此失？」遂遣景隆代炳文。

以斷事高巍參贊軍務，巍上書勸成祖罷兵，不報。

召遼寧王還京，遼王至，徙封荊州，寧王不至，詔削護衛。

皇明太祖紀 卷五 十六
監祭御史韓郁上言乞罷征兵，不聽。

郁言：「諸王親則太祖遺體，貴則孝康皇帝手足，尊則陛下叔父，使二帝在天之靈，子孫爲天子，而弟與子遭殘戮，其心安乎？臣每念至此，未嘗不流涕也。此皆賢儒偏見，病藩封太重，疑慮太深，而至此。夫唇亡齒寒，人人自危，周王既廢，湘王自焚，代府被摧，而齊又告王反矣。爲計者必曰：兵不舉則禍必加，是朝廷執政激之使然。燕舉兵兩月矣，前後調兵不下五十餘萬，而一矢無獲，謂之國有謀臣可乎？經營已久，軍需輒乏，將不效謀，士不効力，徒使中原無辜赤子困於轉輸，命不聊生，日甚一日，九重之憂方深，而出入帷幄與國事者方且洋洋自得，彼其勸陛下必削藩國者，果何心哉？諺曰：『親者割之不斷，疎者續之不堅，殊有理也。』陛下不察，不待十年，悔無及矣。臣雖至愚，感恩至厚，不敢不言。幸少垂洞鑒，興滅繼絕，釋代王之囚，封植湘王之墓，還周王於京師，迎楚蜀爲周公，俾其各命世子，持書勸燕，罷兵守藩，以慰宗廟之靈，明昭天下，撥亂反正，篤厚親親，宗社幸甚，不聽。」

自得，彼其勸陛下必削藩國者，果何心哉？諺曰：『親者割之不斷，疎者續之不堅，殊有理也。』陛下不察，不待十年，悔無及矣。臣雖至愚，感恩至厚，不敢不言。幸少垂洞鑒，興滅繼絕，釋代王之囚，封植湘王之墓，還周王於京師，迎楚蜀爲周公，俾其各命世子，持書勸燕，罷兵守藩，以慰宗廟之靈，明昭天下，撥亂反正，篤厚親親，宗社幸甚，不聽。」

九月，江陰侯吳高都指揮耿獻楊文帥遼東兵圍永平。

戊寅，大將軍李景隆乘傳至德州，山東參政鐵鉉調兵食合兵五十萬進營河間。

成祖語諸將曰：「李九江養養之子，寡謀而驕，矜色厲而中餒，忌刻而自用，況未嘗習兵見戰，而輒以五十萬付之，是自坑之矣。漢高祖大度，知人善任，使英雄爲用，不過能將十萬，九江何等才而能將五十萬？趙括之敗，可待矣。復聞景隆軍中事，成祖笑曰：『兵法有五敗，景隆皆蹈之。』爲將政令不修，紀律不整，上下異心，衆生離志，一也。今北平早寒，南卒裘褐不足，披冒霜雪，手足戰疼，甚者墮指，又士無糧，馬無宿藁，二也。不量險易，深入趨利，三也。食而不治，智信不足，氣盈而復，仁勇俱無，威令不行，三軍易擾，四也。部曲喧譁，金鼓無節，好談喜佞，專任小人，五也。九江五敗悉備，保無能爲，然吾在此，彼不敢至，今須往援永平，彼知我出，必來攻，試可即擊之。」

堅城在前。大軍在後。必成擒矣。

壬辰。靖難軍援永平。吳高退保山海關。

初。諸將聞李景隆率眾將至。勸守北平。恐出援永平非利。成祖曰。城中之眾。以戰則不足。以守則有餘。且世子推誠任人。足辦禦敵。若全軍在城。祇自示弱。彼得專攻。非策之善。兵出在外。奇變隨用。內外犄角。破敵必矣。吾出非專為永平。直欲誅九江來就擒耳。吳高怯不能戰。聞我來必走。是我一舉解永平圍而破九江也。九江景隆小字云。及兵出援永平。斬首數千級。俘降亦數千。盡散之。

十月。壬寅。靖難兵出塞。家口。襲破大寧。都指揮朱鑑歿之。

皇明大政紀 卷五

二十

寧王權及都指揮房寬皆降燕。初。諸將請先破李景隆。然後攻大寧。成祖曰。今從劉家口徑趨大寧。不數日可達。大寧將士悉聚松亭關。其家屬在城。皆老弱居守。師至不日可拔。城破之日。撫綏其家屬。松亭之眾。不降則潰矣。北平深溝高壘。守備完固。縱有百萬之眾。未易以窺。吾正欲使其頓兵堅城之下。還兵擊之。如拉朽耳。諸公第從予行。毋憂也。及兵抵大寧。城中不知我軍驟至。拒守不及。遂克之。

都督陳亨率指揮徐理陳文襲破總兵劉真營。降燕真走還京。

大將軍李景隆聞靖難兵攻大寧。引眾攻北平。築壘九門。

景隆攻麗正門。幾破城中婦女並棄城。擲瓦石。景隆令不服。驟退。北平守益堅。景隆別將攻通州。敗績。

甲寅。靖難兵以寧王權盡拔大寧諸軍及兀良哈三衛胡騎等還北平。

十一月。庚午。大將軍李景隆等逆戰靖難援軍於鄭村埧。大敗。盡棄輜重。南奔駐德州。

成祖率兵至孤山。知李景隆軍鄭村埧。列陣於北河西。河水難渡。是日雪。黯。曰。天若助予。則河水合。是夜水已合。遂率師擊敗前哨都督陳暉兵。暉眾奔渡河。水忽解。溺歿無數。成祖見景隆兵動。以奇兵左右夾擊。大敗景隆兵。斬首數萬級。降者數萬人。悉縱遣之。

皇明大政紀 卷五

二十

癸酉。圍九門兵皆潰。征虜大將軍李景隆戰敗。黃子澄等匿不言。

帝問于澄曰。外間近傳軍中不利。果何如。子澄曰。聞交戰數勝。但天寒士卒不堪。今暫回德州。待來春更進。子澄遂差人密語景隆隱其敗。勿奏。

乙亥。燕府再上書辯誣不軌之事。請誅齊泰。黃子澄不報。

罪黜都指揮食事周成。袁成。張睦皆降燕。

燕府傳檄天下。誅滅左班文職奸臣。

省平夷衛。十二月。丁酉。削遼東守將吳高爵。徙廣西。專命楊文守遼。

東

燕府以計間吳高乃削之。

庚申廣昌守將楊宗以城降燕。

薊州鎮撫曾潛起兵攻北平不克无之。

駙馬都尉王寧有罪下獄。

河北諸衛官張倫等率兩衛官軍南奔結盟報國。

以練子寧為吏部左侍郎。

召茹璿為兵部尚書。

罷兵部尚書齊泰太常寺卿黃子澄。

以燕府表二人之罪陽罷之陰留居京師籌畫。

初今武官襲替三都會五府取旨。

聖明大政紀

加曹國公李景隆太子太師。

省躬殿成。

殿在乾清坤寧二宮間為退朝燕息之所置古經聖訓

其中以尚父丹書之旨夏書聲色宮室之戒命方孝孺

為銘。

以袁義為右府都督僉事。

選肅王拱於蘭縣。

選募謀勇以中年人楊本為錦衣衛鎮撫沅州人周拱元

為所鎮撫。

法司奏今歲論囚視往歲減十三。

留守左衛指揮同知李中伏誅籍其家。

參贊大將軍軍務高巍使燕請罷兵不報。

署應天府事兵部郎中方賓謫戍廣東。

蘇州知府姚善薦處士錢芹授兵部司務署行軍斷事從

大將軍諮議軍事。

擢秦府長史茅大芳為右副都御史。

庚辰洪武三十三年正月丙寅朔。

天下官來朝免賀。

靖難兵攻蔚州守將指揮王忠李遠以城降。

湖廣參議楊砥上書請罷兵安置遼東。

省翁源縣入英德。

初置後湖祗候所。

聖明大政紀

二月丙申降漢陽府為州。

丁酉靖難兵攻大同。

壬寅詔禮部尚書程迪右侍郎黃觀知貢舉翰林學士董

倫太常少卿高遜志克考試官右拾遺朱逢吉史官具數

葉惠仲趙友士徐旭張秉彝為同考試官御史王度俞吉

士為監試官。

撤棘取具溥等一百一十人。

丁未鞬毬可汗坤帖木兒走刺王猛哥帖木兒率眾歸北

平。

降南雄府為州省保昌。

令蘇松浙人得官戶部。

甲子詔改都察院爲御史府革十二道置察院一定御史二十八人改都御史景清爲御史大夫

以監察御史戴德馨爲左拾遺

陸禮部右侍郎黃觀爲侍中掌尚寶司事

癸丑大將軍李景隆率兵出紫荆關援大同

清主 且居庸關還北平

癸 將軍李景隆遺書請息兵以索齊泰黃子澄答之

伯定知府雒僉以所屬降燕

陞兵部左侍郎劉雋爲兵部侍中

一月丙寅朔日食

廷策會試中式舉人賜胡靖王良李貴進士及第吳溥等

三十七名進士出身李敦等七十名同進士出身

初取王良第一上以良貌不及靖且靖策有親藩陸

梁人心搖動之語稱旨遂首擢靖初名廣上易其名

曰靖後良歿靖難而靖於永樂中入閣復疏名廣是榜

得楊榮楊溥顧瑛皆爲名臣

以胡靖王良李貴爲翰林修撰

改詹事府爲御史府賜御史大夫宴於新署賜監察御史

衣人一襲

令禮部乙榜舉人署教諭訓導事年未三十不願署教者

聽

省忻城縣併入東蘭縣

大閱武臣犯法被黜者悉叛走降燕盡復其官

遣中官賜大將軍李景隆璽書及斧鉞渡江遇暴風破舟盡沉諸江復命再賜之

景隆益專恣紀律不嚴號令頻數諸將玩之

四月庚申靖難兵大敗大將軍李景隆及諸將胡觀郭英

吳傑平安等兵於白溝河景隆走德州

成祖聞李景隆等兵至白溝河率衆禦之己未日見兵

砲火光如連擊燁燁相上下金鐵錚錚作聲弓絃皆鳴

及初天有神爵五色駐旗竿之首知其必大捷率大軍

渡白溝河平安伏精兵萬騎邀擊成祖曰平安豎子

往從吾出塞征胡識吾用兵以故敢爲先鋒今日吾且

破之使心膽俱喪安驍勇善戰互有勝負俄都指揮何

清陣動戰敗被執安收兵還營景隆胡觀郭英吳傑等

合兵六十萬聯營白溝河藏火器一窠蜂揣馬丹地中

人馬遇之輒爛夜與燕兵大戰成祖從三騎殿後迷

失道下馬伏地視河流辨東西始知營在上流倉卒渡

河而北庚申成祖率衆渡河胡騎三百叛降燕燕胡

騎指揮省吉盡掩殺之是日景隆諸軍進戰破成祖

後軍房寬狼狽走成祖率衆復戰驍將瞿能父子皆

戰沒景隆麾諸騎兵乘其後成祖見張玉朱能丘福

陣動急又見陣後塵起曰敵遠出我後矣馳騎赴之戰

甚力左右曰敵衆我寡難與持久宜退就玉等併力景

隆等呼譟益進矢石俱發。正如雨。成祖馬三易。三破。創矢三服。金射盡。乃持劍奮擊。劍又折。急走登陴。伴。鞭若招後繼者。景隆等疑有伏。不敢上陴。而。成祖復率眾馳入陣。陣動。會旋風折大將旗。景隆軍大亂。成祖乘風縱火焚諸營。郭英等潰。而西。景隆潰而南。棄輜重器械。孽子畜萬計。景隆軍書各鉞盡為燕所獲。殺溺。死者二十萬人。成祖復追至月漾橋。降十萬餘人。悉放遣之。

五月大將軍李景隆自德州濟南。

辛未靖難將陳亨張信入德州。李景隆餉百萬。轉掠濟陽。儒學教諭王省。少之。

參政鐵鉉參軍高巍還守濟南。

丁丑靖難兵趨濟南。大將軍李景隆出兵合戰城下。敗績入城。

靖難兵攻濟南城急。參政鐵鉉參軍高巍等悉力禦却之。成祖隄水灌濟南。濟南人大懼。鐵鉉參政曰。無恐。計且破之。不三日遁矣。令登陴人皆哭呼曰。旦日且降。盡輟守具。出千人城外。伏地請降。又請退兵十里。無驚動城中人時。成祖在軍逾年。往年戰守甚苦。僅得永平保定。及北平三府諸府縣。旋破旋堅守。不肯降。至是聞濟南降。曰。濟南中原要害。得濟南斷南北。即不下金陵。畫中原自守。徐圖江淮。遂下令退軍受降。軍中大喜呼萬歲。

鐵參政懸鐵板城門上。伏將士圍堵中。約候。成祖入城。呼千歲。即下鐵板。拔橋。乃遣人請。成祖入撫諭。

成祖乘肩輿。張蓋。率勁騎數人渡橋。直至入門。門中人即呼千歲。鐵板即下。傷。成祖馬首。成祖棄馬。取他馬走。走至橋。橋下伏兵發。斷橋。橋不可動。成祖得過。橋復令兵圍濟南。鐵參政隨機應敵。間出兵累敗燕兵。都督僉事朱榮棄師還京。誅之。

六月。增改詹事府官。置資德院。

八百媳婦入貢。

遣監察御史周官監徐州兵。

遣尚寶司丞李得成使燕。議罷兵。不報。

正用大政紀。使還下獄尋釋之。

以儀賓魯瑄稽富署都督僉事。

七月。參將平安率兵二十萬。大舉家橋。欲復德州。因高燧出軍不敢進。

省汙入褒城。

八月。戊申。濟南圍解。

承天門災。詔求直言。未幾乙字庫災。

改謹身殿為正心殿。

置學士一人。罷華蓋殿文華武英殿文淵東閣大學士各設學士。

改侍講學士方孝孺為文學博士。

九月。承天門改爲臯門。遂改午門爲端門。端門爲應門。門爲路門。

乙丑靖難兵還北平。

丁月。更定歷事監生選用法。

凡歷事一年爲滿考。分三等。上者卽授官。次下者再歷一年復考。上者亦卽授官。次量材選授。下還國子讀書。省兩當縣入徽州。

置威武中衛。募建武克衛壯士。

兵部右侍郎盧淵有罪除名。

清遠成卒。羅義上書乞息兵講和。下獄尋釋之。

詔諸將毋使朕負殺叔父名。

明大政紀 五卷

參將平安與靖難兵戰華山。斬其將陳亨。

參將徐凱城滄州。靖難兵襲破之。凱及都督程暹都指揮

趙許胡原李英張傑皆被執降。赴北平。

封盛庸爲歷城侯。以鐵鉉爲山東布政使。尋陞兵部尚書。

以濟南完故也。

召曹國公李景隆還赦不誅。

黃子澄慟哭曰。景隆出師。觀望二心。不亟誅何以謝。

祖宗厲將士。練于軍。亦執景隆於朝。且哭且數請誅。皆

不聽。子澄慟哭曰。大事去矣。誤薦景隆。萬死不足贖誤

國之罪。

以歷城侯盛庸爲平燕將軍。克總兵官。卽制諸軍。兵部尚

書鐵鉉參贊機務。督諸軍北進。

十一月。靖難兵至臨清。移屯館陶。掠大名。總兵盛庸出

襲後。不克。

十二月甲午。靖難兵至汶上。掠濟寧。

總兵盛庸等率兵躡靖難兵營於東昌。

先鋒將孫霖滑口。靖難將朱榮劉江襲破之。都指揮曾

禮被執。

乙卯。靖難兵至東昌。總兵盛庸出兵戰。斬其將張玉。殺

傷萬計。無檄真定。滄德諸將。水陸犄角。邀燕兵歸路。

以徐賓署兵部右侍郎。陞陝西參政劉季虎爲刑部左侍

郎。

明大政紀 五卷

詔舉優通文學之士。

以處士唐愚士爲翰林侍讀。

方孝孺薦之。

大理寺卿馬京坐事謫按察司副使。

以鄭瑾爲大理右寺丞。

辛巳。洪武三十四年正月。辛酉朔。

凝命神寶成。

寶方一尺六寸九分。帝親定其文曰。天命明德。表正萬

方。精一執中。宇宙永昌。先是帝在儲位。嘗夢神人致上

帝命。授以重寶。元年。使者還自西方。得青玉於雪山。方

踰二尺。質理溫栗。二年春正月。帝郊祀宿齋宮。夕夢

若有觀。乃驚悟。命玉人作爲大璽。冬十二月工成。名曰命神寶。至是以告天地。祖宗爲文宣示遐邇。百官稱賀。大宴於奉天門。頒賞四夷朝使。

辛未大祀天地於南郊。

明日宴慶成羣臣大歡會。賦詩。詔頒示天下。

歷城侯盛庸遣人來獻東昌之捷。詔誥天下。

丙子靖難兵還北平。

丁丑賽太廟告捷。

召兵部尚書齊泰。太常寺卿黃子澄。還任議軍國事。

二月乙巳靖難兵南出。已酉至保定。

初靖難兵起。僧道衍每云。師行必克。但費兩日耳。及敗

於東昌。成祖北還。問之道衍曰。前固已言之。費兩日

乃昌字也。自此全勝矣。與朱能力勸前進。

加禮部尚書。迪太子少保。

大理寺左右少卿汪善。聞良輔坐事。調河南湖廣肅政按

察司副使。以鎮江知府薛昂。左闕補胡閏爲大理左右少

卿。

三月己巳大將軍盛庸率衆及靖難兵戰於夾河。敗績。

初庸兵營來河。成祖掠庸陣。陣旁大車大鏡。強弩戰

盾固。不能動。成祖退。庸出千騎追襲。成祖卽出

萬騎。步兵半之。直薄庸陣。庸陣堅不動。燕步卒攻左掖

騎兵。倚中堅。庸始麾諸軍力戰。斬燕大將譚淵。成祖

復以勁騎掩庸陣後。燕將朱能張武等從。成祖合戰。

庸軍火器不及發。戰盾又中鐵稍。相牽不能先後。遂却。

都指揮莊得驍將楚智。皂旗張皆陷陣。戰沒。是夕戰酣。

迫暮。各斂兵入營。成祖以十餘騎逼庸營野宿。明日。

引馬鳴角穿營而去。以上有詔旨。無使子負殺叔父名。

也。諸將相顧不敢發一矢。成祖既還營。復嚴陣約戰。

成祖軍東北。庸軍西南。自辰合戰至未。兩軍相勝負。屢

退。屢進。將士皆疲。各坐息少頃。復起戰。相持不退。忽東

北風大起。塵埃漲天。沙礫擊面。庸軍中昏不辨咫尺。燕

兵大呼乘風。縱左右翼橫擊。庸軍大敗。成祖追奔至

濰沱河。庸走還德州。

甲申。真定諸將平安等與靖難兵大戰于單家橋。擒燕將

薛祿。祿脫走。

欽降州爲縣。省陽山縣入連州。革鎮番衛。

罷兵部尚書齊泰。太常卿黃子澄。以謝燕。

帝因靖難兵日至。不得已罷泰與子澄。且密使募兵。而

以竄齊黃使告燕罷兵。

三月己亥。真定諸將具傑平安率衆及靖難兵再戰於

夾城。敗績。

傑等營藁城。成祖亦至藁城。戊戌。合戰。互有勝負。已

亥。傑安列方陣西南。燕攻其東北。成祖以驍騎循河

出其軍後。大戰。傑安發火器大弩射。成祖下如雨矢。

集王旗如蜩毛。安陣間縛樓高數丈。安登樓望見。大喜。麾諸軍力戰。成祖見安登樓。率精騎直趨攻樓。安見成祖馳至。急下樓墜而走。會大風發屋拔樹。倭軍亦敗。都指揮鄧鵬皆被執。安傑還。真定靖難兵自白溝夾河至藁城三捷。皆有風助之異。皆前敗後勝。癸丑靖難兵掠順德廣平。至大名。官吏父老率眾迎。靖難兵謀報朝廷。已竄。逐齊泰黃子澄。上書請召諸將還京。帝遣大理少卿薛昂報之。

書至。帝召方孝孺視書。對曰。今諸軍大集。燕兵久羈大名。暑雨為沴。不戰自罷。急令遶東諸將入山海關攻永平。真定諸將渡廣溝橋。橋址平。彼顧巢穴歸。援我以

聖朝大政紀

卷五

大軍。臨其後。必成擒矣。我固欲緩之。彼奏適至。宜且與報。往返逾日。彼此解而眾離。我謀定而勢合。帝曰。善。立命方孝孺草詔言罷兵。遣大理少卿薛昂持報燕。又為榜諭數千言。刻即萬張。授昂。令至燕軍中。密散諸將士。昂入見。成祖。成祖問上意云何。昂曰。朝廷有言。殿下旦釋甲。暮即旋師。成祖怒曰。是給我也。昂惶恐不能對。燕將士譁欲殺昂。昂戰慄流汗伏地。成祖令護南還。

四月。大理寺少卿薛昂自燕軍還。昂言燕軍強盛。將士一心。父子不過焉。吾軍雖眾。然驕而懈。疎而寡謀。且諸將不如。未見有勝之道。今朝廷當

處之以道。不當以力。孝孺惡之曰。此為燕遊說也。

五月。已巳朔。真定諸將具保等出兵。抗靖難兵。餉道不克。燕王遣指揮武勝奉書於朝。下詔獄。

上覽書曰。燕王本皇考孝康皇帝母弟。於朕為叔父。奈何必用兵為也。召諭意。孝孺對曰。陛下即欲罷兵。兵一散。即難復聚。彼或長驅犯關。何以禦之。今軍聲大振。不日有捷書來聞。願陛下無惑甘言。縛勝等下錦衣衛獄。

改利州直隸廣西。

調刑部侍郎王良為浙江肅政按察司。

良問燕國人罪從末減。故不

聖朝大政紀

卷五

六月辛酉。靖難將李遠等南掠。餉道

壬申。靖難將李遠等率兵由濟寧至沛縣。焚餉舟萬艘。漕卒走散。京師大震。

壬午。都督袁宇率兵三萬。邀擊靖難將李遠。中伏敗績。

觀海衛指揮張壽。飲中言國事急。生妖言。論妖。

遣大僕少卿祝孟獻使朝鮮市馬。

七月己丑。彰德守將都督趙清禦。靖難兵敗績。

癸巳。靖難兵破尾尖寨。

丁酉。副總兵平安。邀擊靖難將劉江於平村。敗績。

戊戌。遣錦衣衛千戶張安。遺書問燕世子。

先是孝孺門人林嘉猷。嘗被燕王召至北平。居邸中。

久之。知高煦及三郡王不睦於世子。屢譏於父。內臣
儼素奸險。世子惡儼。儼曲事三郡王。三郡王與世子爭
北平。高煦從父軍中。時時傾世子。孝孺言於帝曰。兵家
貴間燕父子兄弟。可間而離也。帝問云何。孝孺言其
故。帝曰。奈何。間之。孝孺曰。世子見疑。必北歸。而吾餉道
通矣。帝曰。立命。孝孺草書。遣張安貽世子。令歸朝。
且許王燕地。世子得書。不啓封。金安致。成祖所。三郡
王令儼先已。馳使告世子。且反。成祖疑之。問高煦。高
煦曰。世子故與大孫善。厚語未竟。世子以書與安至。
成祖曰。嗟乎。幾殺吾子。

壬寅大同守將房昭率兵取保定。駐易州西水寨。靖難兵
皇明大政紀 五卷

援保定。

詔禮部限僧道田人五畝。

定銓選法。通類覆奏附選。

八月丙子。真定諸將遣都督常諒率兵餉援房昭。靖難兵

圍西水寨。遣別將朱榮攻定州。

老撾入貢。

放還不識字人才及年未三十者。

改泗城州直隸廣西。

九月。副總兵平安進攻北平。不克。還次真定。

省恭城縣。

降平樂爲州。

倭寇浙東。

置豐沛軍民指揮使司。

十月。真定諸將都指揮花英鄭琦率步騎三萬援西水寨。
列陣峨眉山。靖難兵出陣後合戰。擊敗其衆。英琦及都
指揮王恭詹忠等俱被執。帝諒還歸大同。

乙卯。靖難兵還北平。

翰林院修撰王良聞靖難兵日至。訣妻子服毒死。詔禮
部侍中黃觀諭祭。

徙慶靖王於寧夏。

十一月庚辰。遼東總兵官楊文攻永平。燕將郭亮固守。不
能克。遂出兵攻昌黎。遇燕將劉江戰敗。並指揮王雄等七

皇明大政紀 五卷

十一人皆被執。

副總兵平安敗燕將李彬於楊村。

辛亥。韃靼可汗通燕掠鐵嶺。

皇少子文圭生。

十二月丙寅。靖難兵復出北平南征。

置神武中錦川鎮海衛。

勅駙馬都尉梅殷鎮守淮海。

詔禁內臣出使侵凌吏民。

太祖高皇帝實錄成。

改程本立爲江西肅政按察司副使。楊士奇爲兵部審理

副仍留翰林。

以兵部武選司郎中古朴為右侍郎
起復陳洽為文選郎中

以徐貞馬溥為左右府都督僉事克恭將率偏師北進
壬午洪武三十五年正月甲申朔

德州將都指揮葛進率步騎萬人為先鋒遇靖難將李
遠戰於藁城敗績

副總兵平安率兵十萬復通州不克
命魏國公徐輝祖率京軍援山東

戊子指揮賈榮等兵與靖難兵戰於衡水敗績被執
丁酉靖難兵攻破東門遂克東平執指揮詹瓚吏目鄭華

歿之

聖明大政紀

五卷

三六

庚子靖難兵破汶上執指揮薛鵬遂南攻沛縣指揮王顯
出降知縣顏伯璿及主簿唐子靖典史黃詠死之

置四川英武前衛

以祭酒張顯宗為工部右侍郎募兵江西

二月甲戌靖難兵攻徐州城中兵出戰敗績

改向武都康直隸廣西省武林縣入富勞

更定勲勞

尚書為特進資政上卿侍中資政卿侍郎資政亞卿郎

中資政中大夫員外郎資政大夫給事中嘉政中士

始置京衛武學

教授一人啓忠等齋訓導二人

三月丙申靖難兵大敗副將平安兵於淝河執胡騎火耳
灰哈三帖木兒置於左右厚養之

諸將皆執平安等不至請回軍成祖曰我度其必來
須少待之迨暮哨平安等營距此四十里黎明令王真

白義劉江各將百騎往逆之乃縛草置囊中若束帛載
馬上候南兵追急佯走將進伏兵棄于地誘之其眾果

競取棄物真等勒馬回戰伏發大敗之悉羅拜請降平
安以騎兵三千駐北岸成祖率胡騎指揮童信連射

中火耳灰等執之眾皆服成祖料事之神
靖難兵攻破蕭縣知縣鄭恕歿之

甲辰靖難胡騎薛脫歡領兵攻宿州敗之

聖明大政紀

五卷

三七

四月丙寅副總兵平安等兵及靖難兵戰於小河斬燕將
陳文王真

安營小河亘十餘里張左右翼緣河而東遇成祖騎

兵合戰斬其將陳文再戰文勝斬其將王真成祖督

戰急幾為安架所及馬蹶弗得前燕番將王麒麟躍馬入

陣援成祖得脫裨將朱彬丁良被執

甲戌魏國公徐輝祖率兵會諸將及靖難兵戰於齊眉山

會大霧合歛兵還營

時平安諸將營小河南燕兵據河北甲戌大戰齊眉山

自午至酉會大霧歛兵還營乙亥燕諸將欲還北平不

敢顯言輒請退屯小河東就麥觀隙而動成祖不聽

朱能鄭亨又力言渡河非計。諸將多不肯從。成祖欲渡河者左。不欲渡河者右。諸將多趨左。成祖大恚。曰。任汝所之。諸將始不敢言。何福引兵會平安。燕軍中益懼。成祖數日不解甲矣。

辛巳。副總兵陳暉平安等率諸將合兵及靖難兵大戰于靈璧。敗績。何福遁去。陳暉平安及叅將馬溥徐真都指揮孫晟等三十七人并禮部侍郎陳性善大理寺丞彭與明等一百五十人皆被執。性善入河歿之。

初平安營靈璧。燕選其餉道。何福來援。敗績。至是又大戰敗北。

五月己丑。靖難兵至泗水。守將周景初降燕。

皇明大政紀 五卷

三十八

辛卯。大將盛庸率馬步騎數萬戰艦數千列營淮南。聞靖難將丘福朱能潛濟出庸後。庸盡棄其戰艦軍資遁去。士辰靖難兵渡淮至盱眙。

將分屯鳳陽淮安以遏靖難之兵。

庚子。靖難兵至天長。楊州指揮王禮千戶徐政張勝江都知縣張本降。守將崇剛監察御史王彬歿之。

初下盱眙。成祖會諸將議欲從淮安取道渡江。有駙

馬都尉梅殷守禦嚴備。恐攻之不克。故從靈璧出鳳陽渡淮。知府徐安毀橋。欵舟不得渡。遂徑趨楊州。

壬寅。靖難兵至楊州。高郵指揮王傑以城降。遂下儀真。

詔天下勤王。

遣禮部侍郎黃觀刑部侍郎金純翰林修撰王叔英等分道徵兵入援。

蘇州知府姚善徽州知府陳彥回寧波知府王璉率師勤王。善請急召黃子澄。

遣慶成郡主至。成祖所議割地罷兵不聽。遽東兵潰於直沽。

勅刑部尚書侯泰轉餉淮安。

靖難兵掠鳳陽。

六月癸丑。靖難兵至浦子口。諸將盛庸迎戰。值高煦引胡騎至。合師力戰敗之。

都督僉事陳瑄率舟師降燕。靖難兵遂渡江。

皇明大政紀 五卷

三十九

諸將盛庸等率海艘出高資港大戰敗績。

鎮江守將章俊降燕。

兵部侍郎陳植督師江上。以大義責督將督將殺植迎靖

難師求賞。燕王立誅之。具棺殮植。遣官護葬于白石山。

庚申。靖難兵營龍潭。遣曹國公李景隆都督王佐尚書茹

瑄再議割地罷兵不聽。

壬戌。遣諸士與李景隆等偕行至靖難軍營再申前議。不聽。

分遣諸王守京城諸門。

諸王歸。帝會羣臣慟哭。或勸帝幸浙江。或曰。不若幸

湖湘。方孝孺力請堅守京城。以待四方援兵。

遣魏國公徐輝祖開國公常昇分道出師禦靖難兵將士離散不肯向敵。

翰林修撰王叔英太常少卿廖昇聞靖難兵渡江自縊於甲子遣人賞蠟書四出促勤王兵爲靖難遊騎所獲靖難兵至金川門。

帝手誅徐增壽于左順門又欲誅李景隆不果。

乙丑谷王德輿李景隆開金川門迎靖難兵入城魏國公徐輝祖率師迎戰敗績。

安王檀及文武羣臣兵部尚書茹瑺等奉迎乘輿勸進瑞先羣臣叩頭勸進文臣迎附知名者吏部右侍郎蹇義戶部右侍郎夏原吉兵部左侍郎劉鶴右侍郎古村

星明大政記 卷五 四十

刑部左侍郎劉李虎禮部侍郎兼學士董倫侍講王景

大理寺少卿薛昂待詔解縉給事中金幼孜胡濙修撰

胡靖李貴編修吳溥楊榮楊溥侍書黃淮芮善吏部郎

中陳洽兵部郎中方賓禮部員外郎宋禮國子助教王

達鄒緝具府審理副楊士奇桐城知縣胡儼

成祖遣布告天下各處召募丁壯令悉解散復業

戶部侍郎郭任禮部侍郎黃魁左僉都御史程本立大理

寺丞鄒瑾給事中龔泰陳繼之御史魏冕衡府紀善周是

修參軍高巍聞金川不守俱歿之

時郎官御史給舍相與縋城遁去者定海梁用良等四十餘人。

大內火。帝遜位。

初太祖末年知大孫不克終既大漸乃授以一小篋封鑰甚密戒以臨難乃啓至是啓篋視之得楊應能度牒

及披剝具遂削髮披緇執度牒自御溝出至郊壇遜去成祖頒示文職奸臣黃子澄齊泰方孝孺等二十九人姓名不拘軍民人等有鄉紳至者量授官級

黃子澄齊泰方孝孺陳迪練子寧黃觀胡閏王鉞張統鄒瑾郭任盧迴侯泰鼎昭毛泰鄭賜黃福卓敬王叔英

陳繼之黃鏞曾鳳韶主度謝昇尹昌隆宋徵慶丹巨敬高翔凡二十九人尋揭奸臣榜于朝堂增徐輝祖鐵鉉

姚善甘霖鄭公智葉仲惠王璉黃希范陳彥回劉璟程星明大政記 卷五 四十

通戴德壽王良盧原質茅大芳胡子昭韓永葉希賢林嘉猷蔡運盧振牛景光周璿等五十餘人

戶部尚書王鉞工部尚書鄭賜侍郎黃福自陳爲奸臣所累乞宥罪令復其官

兵部尚書茹瑺乞宥吏部尚書張統從之丙寅諸王及文武諸臣請正天位

丁卯諸將再上表勸進戊辰諸王再上表勸進

已巳成祖諱孝陵還御奉天殿即皇帝位

初建文中有道士歌於途曰莫逐燕逐燕日高飛高飛

上帝畿已而忽不見人莫能測至是始驗其言。

復周王橘齊王樽爵。

庚午命部府諸司凡建文中改易洪武政令條格悉復其舊革除建文年號仍以洪武紀年。是年稱洪武三十五年。復諸殿門舊名。

辛未制皇帝親親之寶。

命禮部員外郎宋禮署禮部事。

贈徐增壽為武陽侯謚忠愍。

壬申葬建文皇帝。

初宮中火起。皇后馬氏赴火歿。及上入宮詰問官人內侍以建文君所在皆指認后屍應焉。乃出屍於煨

皇明大政紀

五卷

四十二

爐中哭之曰小子無知乃至此乎召翰林侍講王景潤

葬禮當何如景對曰當葬以天子之禮。上從之。

戊寅遷興宗孝康皇帝主於陵乃稱懿文皇太子遷呂太

后於懿文陵。

下魏國公徐輝祖於獄革其祿米。

時武臣無一人不歸附惟輝祖不屈。上親召問輝祖

不出一語始終無推戴意法司迫取供招輝祖默操筆

惟書其父開國功勞子孫免死而已。上大怒以元勳

國舅欲誅中止徘徊久之竟從寬典勒歸私第革其祿

米而已。

命禮部定征討并守城功次。

凡討敵之際衝入敵陣率旗斬將者或遇絕敵陣

隨之克敵者或深入敵境得其聲息眾軍乘之破敵

或鏖戰之際勝敗未決能出奇制勝者或以少擊眾或

別隊為敵所制而能率眾救援克敵者皆為奇功陞二

級嚴整隊伍當破敵不慢有功無過者或出哨殺退敵

人得其聲息者或隨軍殿後者為頭功陞一級中途才

病或罷軟不能入伍隨軍給雜役者皆為次功不陞。

召淮南總兵官駙馬梅殷還京師。

靖難兵起殷克總兵官鎮守淮南北尚欲為建文計而

大勢已去。上既正大位令寧國公主以書召之殷乃

罷兵入見。上慰之曰都尉在軍無乃勞乎殷對曰勞

皇明大政紀

五卷

四十三

而無功徒自愧耳。

兵部尚書齊泰太常寺卿黃子澄御史中丞練子寧俱被

誅至京族誅之。

召文學博士方孝孺草詔不屈族誅之。

上以姚廣孝言召用孝孺不屈繫獄一日遣人諭再

終不從召孝孺草詔即斬袁入見悲慟徹殿陛。上降

勞曰先生無勞苦朕欲法周公輔成王耳孝孺曰成王

今安在。上曰渠自焚死孝孺曰成王即不存何不立

成王之子。上曰國賴長君孝孺曰何不立成王之弟

上曰先生無過勞苦命左右授筆札草詔孝孺大批數

字云不投筆於地又大哭。上大怒命磔諸市累及宗

親八百七十二人。

部侍郎卓敬盧過太常寺卿盧原質蘇州知府姚善俱被執不屈殺之。

給事中黃鉞聞姚善死整衣冠赴水死之。

有前御史尹昌隆命為北平按察司知事。

初靖難兵南下昌隆上言今事勢日去而北來章奏有

周公輔成王之語不若罷兵息戰許其入朝彼既欲伸大義於天下不應便相違戾設有蹉跌便須舉位讓之

猶不失藩王也若沉吟不斷禍至無日進退失據雖欲

求為丹徒布衣不可得矣不報及是按名捕治奸黨昌

隆被執將就刑當陞大呼曰臣曾上章勸以位讓 陛

是明大政也

下奏牘尚有可覆案也

上乃命停刑閱其奏流涕曰

火燒頭若早從此言南北生靈可免酷禍朕亦無此勞

苦也詔貸其死

禮部尚書陳迪兵部尚書鐵鉉刑部尚書暴昭俱被執責

問不遜族誅之

拾遺戴德葬給事中韓永御史董鏞葉希賢甘霖鄭公

戶部主事巨敬國子博士黃彥清宗人經歷宋徵俱坐

論死

守安慶禮部侍郎黃觀投李陽河湍流中死之

監察御史曾鳳韶聞召復其官刺血書憤詞襟上自刎死

監察御史高翔聞上召以喪服入見大哭語不遜族誅

之

之

詔建文羣臣所上謀策悉焚之

有請上觀者上曰一時之言不必觀復有言允攷

所用之人悉宜屏斥上曰此皆我皇考數十年作

養人材豈二三載所造就者言者又曰雖仍其官不宜

置之要地。上曰台天下者必資賢才天之生才以為

世用凡有才能者當器任使共理天工烏得而棄之何

必致疑

丁丑新作奉天殿

舊殿為建文所焚至是改作殿之西

庚辰出清遠戍卒羅義於獄擢戶科給事中

是明大政也

五卷

義於建文之中赴關乞息兵講和忤旨下獄

七月壬午朔

上大祀天地於南郊

詔告天下改明年為永樂元年

書諭世子於北京

癸未詔修周齊二王府宮殿

召前北平按察使陳瑛為都察院右副都御史

瑛建文中坐藩邸事謫廣西故召用之

吏部奏建文時中外大小衙門有創革陸降官員額數有

增減及所更改文武散官合遵復洪武舊制詔速復之

上曰如係軍民利害者可因時損益既于軍民利害無

之

所關涉何用更改况前人創立制度皆有深意今行之既久無弊輒改何為此其所以敗亡也

乙酉諭刑部朕靖內難有罪者既已伏誅無罪者各安職業而中外軍民誣執無罪之人以希陞賞速諭止之違者抵罪

復翰林侍書黃淮尚善劉彥銘鄒進吳均唐恕王遂吳勝范麟為陳書舍人

命禮部侍郎兼翰林學士董倫致仕

時年八十餘特命致仕出京數日卒

大理寺奏本寺原設左寺評事五員右寺評事八員煩簡不均合依刑部都察院十二司道均分六員各帶管直隸

聖明大政紀

地方審錄下府部議從之

丙戌謚故湘王曰獻王吳氏曰獻妃遣官祭於荊州墳園以翰林侍講王景為翰林院學士具府審理副楊士奇為翰林編修

禮部奏建文中改天地壇山川壇并籍田泗州宿州祠祭署名又增置鍾山祠祭署上命天地壇定為郊壇祠祭

置山川籍田泗州宿州仍復舊鍾山祠祭署不可罷

戊子祭大社大稷分遣官祭旗纛之神

命都督李增枝節制襄瞿塘安陸兵備

命工部尚書嚴震直等巡視河北諸省

詔吏部及翰林院舉文學行誼才識之士

辛卯擢儒士曾日章為翰林院侍讀陞國子監助教鄒緝為侍講改給事中金幼孜王洪及桐城縣知縣胡儼俱為檢討

刑部尚書侯泰大理少卿胡閏御史王度俱被執論忤司禮監請如舊制鑄出入精微印從之

癸巳改封懿文太子第二子吳王允燭為廣澤王居漳州第三子衡王允燧為懷恩王居建昌第四子徐王允熲為敷惠王隨母呂氏居懿文陵

以江都知縣張本率全城歸附陞楊州府知府

甲午華建文中所設河北都司湖廣行都司

吏部奏建文中改在外文職布按三司及府州縣并改官

聖明大政紀

雜職考滿例悉宜復洪武舊制從之

丙申諭兵部出榜曉令軍民各安心樂業勿懷疑懼敢有妄言惑眾者處死

賜谷王穗樂七奏衛士三百金銀鎗大劔

兵部奏建文中改藩陽左右二衛所并天下軍衛悉復洪武舊制從之

陞翰林侍讀解縉為侍讀修撰胡靖為侍講編修吳溥楊

榮為修撰檢討鄭好義為編修太平縣學訓導蕭引高為

檢討應天儒學訓導王汝玉無湖儒學訓導張伯頴為五

經博士

上特改修撰楊子榮名榮

辛丑諭征討將士所具事蹟務詳實以候賞典
上視朝罷嘆建文多改舊制諭羣臣戒之

上曰只如羣臣散官一事前代沿襲行之已久何關利害亦欲改易且陵土未乾何忍紛紛為此於是天顏愴然變色既又曰凡開創之主其經歷多謀慮深每作一事必籌度數日乃行亦欲子孫世守之故詩書所載後王之言必曰不愆不忘率由舊章於戒警後王必曰率乃祖攸行曰監於先王成憲此皆老成之言後世輕佻詭譎之徒以其私智小見導嗣君改易祖法嗣君不明以為能而寵任之徇小人之知謀至于國弊民叛而喪其社稷者有之矣豈可不以為戒

皇明大政紀

四十八

諭吏部尚書張統戶部尚書王鉅解見職務月給尚書半俸居京師

癸卯勅提督荆襄軍務都督李增枝終歲圖所經地里險易及軍馬糧錢數目以聞

命江陰侯吳高撫安河南陝西軍民就鎮守陝西

甲辰命前工部尚書嚴震直戶部致仕尚書王鉅應天府尹薛正言巡視山西山東河南陝西民瘼具以實聞

丙午陞吏部右侍郎蹇義為左侍郎文選司郎中陳洽為右侍郎戶部右侍郎夏原吉為左侍郎改兵部右侍郎古朴為戶部右侍郎陞禮部員外郎宋禮為禮部右侍郎兵部郎中方賓為兵部右侍郎改工部尚書鄭賜為刑部尚

書陞湖廣按察使黃信為都察院右副都御史河南按察司僉事劉翥為左僉都御史監察御史楊得安俞士吉俱為右僉都御史

復前戶部尚書郁新掌部事有湖廣叅議李至剛為通政司右通政

知府葉仲惠以修太祖實錄指斥靖難事為逆黨論外籍其家

庚戌賜書寧王權

八月壬子勅歷城侯盛庸安輯山東都督劉良鎮守遼東都督何福鎮守陝西都督韓觀練兵江西

諭禮部止天下來朝耆民恐妨秋穫

皇明大政紀

卷五

四十九

甲寅詔求民間識字婦女克內職其婦人年至五十願還鄉里女子給事十年願還家適人者俱從之

命戶部停天下中鹽專於北平開中惟雲南金齒衛楚雄府四川鹽井衛陝西甘肅州衛勿停

戊子陞中書舍人黃淮為翰林編修

寧王權求封國杭州上以天子畿內不以封諸侯諭之遣勅符召秦王尚炳

定罪人輸作之例

以岷王榘與西平侯沐晟交惡賜諭宥之

復前北平右布政使曹昱官

癸亥晉王濟熿來朝賜書慰安之

甲子命西平侯沐晟鎮守雲南節制屬衛

詔北平缺軍餉命法司議雜犯必罪及流徒俱輸米贖罪給之

吏部尚書張統自縊死侍郎毛泰亦死之

統懼禍及自縊死

江西廬陵民囑眾劫掠三司奏請發兵捕討上不許遣行人許子謨齎勅諭令各復其業仍勅都督韓觀招撫之上以征討將士久効勤勞命禮部以太祖陞賞條例參酌行之

命翰林侍講解縉等編閱建文時羣臣所上封事關係軍民錢糧數目則留貯有干犯者悉焚之

皇明大政記

卷五

五十

上問縉等曰爾等宜皆有之眾稽首未對修撰李貫進曰臣實無之上曰爾猶以無為賢耶食其祿則思任其事當國家危亡之際在近侍獨無一言可乎朕非惡人蓋心於建文者但惡導誘建文壞祖法亂政經耳爾等前日事彼則忠於彼今日事朕當忠於朕不必曲自避殺也

已巳諭兵部左侍郎劉儔榜示官軍逆叛未獲者令隨處自首立功贖罪

壬申命昭德王濟熿居平陽

丙子詔免應天太平鎮江寧國廣德今年丁役

陞前燕府長史金忠為工部右侍郎

丁丑遣使賁即位詔諭和林瓦剌等處酋長

戶部奏直隸淮安及北平永平河間諸郡避兵流移人復業者七萬一千三百餘戶詔所司善加撫綏

已卯柳州等處蠻民哨眾劫掠遣禮部主事李宗輔等賁勅往赦其罪諭令復業如執迷不悛調兵勦除

以蹇義為吏部尚書夏原吉為戶部尚書劉儔為兵部尚書

初建內閣以翰林侍讀解縉編修黃淮並直文淵閣左都御史景清犯駕族誅之

清知建文出亡也猶思與復乃詣上自歸上喜曰吾故人也即厚遇之仍其官清自是恒伏劔衣衽中

皇明大政記

卷五

五十一

委蛇侍朝人疑焉至是早朝衣新緋衣而入朝畢上出御殿門清奮躍而前將犯駕先是欽天監奏有文曲星紅色犯帝座甚急至是清衣緋上命左右收之得所佩劔清知志不遂乃躍起奮立嫚罵上大怒命扶其齒且挾且罵頃之含血近前直噴心御衣命剝其皮草實之械繫長安門示百官而碎其骨肉

副都御史茅大芳被執死之九月甲申大封靖難功臣

丘福淇國公朱能成國公張武成陽侯陳圭泰寧侯鄭亨武安侯孟善保定侯火真同安侯顧成鎮遠侯王忠靖安侯王聰武城侯徐忠永康侯張信隆平侯李遠安

平疾。房寬思恩疾。徐祥興安伯。徐理武康伯。李濟襄成伯。張輔信安伯。唐雲新昌伯。譚忠新寧伯。徐嚴應城伯。房勝富昌伯。趙彝忻城伯。陳旭雲陽伯。劉才廣恩伯。加曹國公李景隆祿一千石。茹瑞忠誠伯。王佐順昌伯。陳瑄平江伯。其餘將士論功高下。一體陞賞。

追封故都督王榮國公。諡忠顯。故都督僉事陳亨。涇國公。諡襄敏。故指揮使譚淵崇安侯。諡壯節。

諭四夷君王。

陝西按察司僉事林嘉猷。刑部侍郎胡子昭。俱坐方黨。誅之。

丙戌。以即位詔諭安南暹羅爪哇琉球日本西洋蘇門占

皇明大政紀

卷五

五十一

城諸國。

以侍講胡廣修撰楊榮編修楊士奇檢討金幼孜胡儼金

直文淵閣。

都督同知韓觀奏。廬陵縣民逸聚山林者。聞命悉復業。遣

人以羊酒綵幣勞勸。

徙封谷王穗於長沙。遼王植於荊州。

廢廣澤王懷恩王為庶人。

浙江按察使王良聞召。闔室自焚。

工部尚書嚴震直卒。

謫工部右侍郎張顯宗戍興州。

追贈前燕山右護衛百戶王真金鄉侯。諡忠壯。

大理寺少卿虞謙。自陳建文中奏僧道止畜田五畝。當坐改舊制之罪。命以奏牘付科復之。

逮谷王長史劉璟。下獄。自縊死。

璟。劉基仲子。隨谷王還朝。建大策不能用。以病辭歸。

上逮至京。欲用之。不受。下獄死。

命刑部都察院。自今凡雜犯死罪及流罪。令挈家赴北子種田。

流罪三年。死罪五年。後錄為良民。

定功臣死罪減錄。

定武官軍旗贖罪例。

乙未。命戶部申明木鐸教民之令。

皇明大政紀

卷五

五十二

命都督同知韓觀等充總兵官。節制廣東廣西二都司。

命戶部覈實山西太原平陽二府澤潞遼沁汾五州無田

之家。實北平各府州縣。仍戶給鈔。使置牛具種子。五年後

徵其稅。

戊戌。車里宣慰司遲答及老樞八百五定。威遠土官刁線

歹等各遣人來朝貢象牙犀角孔雀尾西洋布花絲幔帳

及金銀器各賜錦綺紗羅有差。

陞工部左侍郎黃福為工部尚書。命建文中出使外工部

右侍郎張思恭復其官。

命武康伯徐理往北平度地。以處民之罪徙者。

陞前任湖廣布政司左叅議楊砥為鴻臚寺卿。

砥在建文中請敦親恩罷兵息民故用之
甲寅諭兵部內外將校不能撫卹軍士自今計逃丁之數
論罰

如百戶逃軍三十降克總旗四十人降小旗五十人克
軍千戶逃軍十倍於百戶指揮逃軍五倍於千戶如百
戶例降

十月丙辰饗太廟

遣官祭功臣於鷄鳴山廟

先是禮部侍郎宋禮言功臣自有廟罷太廟配饗但
於本廟祭之上曰先帝所配定不可罷又曰此皆佐
命開國之臣既自有廟矣太廟饗畢亦別遣官即其
皇明大政紀卷五十五

廟祭之著爲令

寧王權來朝改封南昌

丁巳吏部奏北平所屬州縣官朱寧等二百一十九人聞
靖難兵起棄職遠避宜寘諸法命入粟贖罪畢發興州
屯戍

戊午勅禮部以洪武中所定一切制度圖示中外俾人知
遵守

己未詔重修太祖高皇帝實錄

以李景隆爲監修官茹瑺爲副監修解縉等爲纂修官
改江西布政司治爲寧王府
復設餘姚千戶所僧道司

虜犯開元至北門初鎮守遼東左都督劉真巖兵守德
以僧道衍爲左善世

復設大寧營州興州三衛

命五軍三十衛選身長五尺以上者充將軍備宿衛

命戶部致仕尚書王鈺往北平與新寧伯唐雲經度屯種

丙午甘州左所軍張真請邊方襲職幼官悉改調內地

詔嘉養之

十一月壬午命禮部清理釋道二教

凡歷代以來若漢晉唐宋金元及本朝洪武十五年以
前寺觀有名額者不必歸併其新創者悉如舊

丙午新作奉天殿成

皇明大政紀卷五十五

五十五

禮部奏親王儀仗合增紅油絹銷金雨繖一紅紗燈籠紅
油紙燈籠各二對鮑燈一對大小銅角一對從之

己丑陞直文淵閣翰林侍讀解縉爲侍讀學士侍講胡靖
編修黃淮檢討胡儼皆侍讀修撰楊榮編修楊士奇檢討
金幼孜皆侍講

壬辰冊妃徐氏爲皇后

以冊立中宮宴文武羣臣四品以上於奉天殿五品以下
於丹墀命婦宴於坤寧宮

癸巳諭兵部建文時軍官總小旗以罪廢者皆失當悉復
之

己卯命普定衛故指揮使顧統子興祖襲父官令讀書

武藝侯年十五任事。

統鎮遠侯成，長子，成歸靖難師于真定，朝廷遂殺統。至是，上優恤其子。

以北平布政使郭資有守城功，陞戶部尚書，仍掌司事。

吏部奏順慶府學教授馮壯甫考過經任內舉人止三名，命降爲學正著爲令。

都察院副都御史陳瑛奏請追戮建文中已故禮部侍郎

黃觀、太常寺少卿廖昇、翰林修撰王叔英、衡府紀善周是修、浙江按察使王良沛、縣知縣顏伯瑋，不許。

瑛奏觀等心同叛逆，宜追戮之。上曰：朕初舉義，所誅

奸臣不過齊黃數輩耳。後來二十九人中，如張統、王純

皇明大政紀

卷五十六

鄭賜、黃福、尹昌隆皆有而用之，今汝所言數人，況有不

與二十九人之數者，彼食其祿，自盡其心，悉無問。

丙午，製陪祭官祭服二百襲，樂武生紅羅袍服二百一十四襲。

十二月壬子，勅兵部嚴武臣冒襲之禁。

初，上卽位，念諸將勤勞，既老而無子孫，弟姪者特許養子及婿襲職一次，以終養之用，報前功。其後有貪緣易姓冒襲者，故特禁之。

遣使賫詔諭別失八里黑兒火者，并賜綵幣。

戶部尚書夏原吉等進會議在京官吏軍士俸糧支米鈔格。

公侯駙馬伯儀賓祿並全支，其文武官一品二品俸支米者什之四，三品四品者什之五，五品六品者什之六，七品八品什之八，餘折支鈔。每石折鈔五貫九品雜職吏典知印總小旗軍並全支米，奉天征討自指揮以下有家屬者亦全支米，家屬在原衛者其米於京倉支什之三，於原衛支什之七，總小旗軍並於原衛支米，在京每月別給行糧六斗。上悉從其議，命俸米折支鈔者每石增五貫爲十貫。

命吏部自今欽天監正佐官歲滿不考覈，著爲令。

時監副徐伯陽考滿，吏部言監副非四品以上官，宜加考覈。上以欽天監職專占候，非常調官，故有是命。

皇明大政紀

卷五十七

庚申，以北平保定府知府雒安守城有功，陞刑部尚書掌

府事。

擢右通政李至剛爲禮部尚書。

壬戌，定垛集軍更代法。

丁卯，命成安侯郭亮鎮守永平山海，操練軍馬，撫軍民。

召前任北平按察司副使張璉爲左通政。

戒諭靖難功臣。

以江西應詔儒士軒伯昂爲山東布政司右叅議。

諭兵部循洪武馬政故事，嚴督所司，用心葺牧。

設徽州府歙縣新安驛，職染局。

壬申，掌北平布政司戶部尚書郭資奏北平保定永平之

民應募在伍者。今籍記其名放還耕種。候有警急仍復征用從之。

是歲天下戶六十二萬六千七百七十九口五千六百三十萬一千二百六十六賦稅糧三千四百五十萬九千八百二十三石。

皇明大政紀卷之六

豐城雷

禮謹輯

餘姚朱 錦謹校

金谿閔師孔謹訂

癸未永樂元年正月己卯朔

勅諭内外文武羣臣

諭曰上天之德好生爲大人君法天愛人爲本我皇考太祖高皇帝受天明命爲天下主政教修明近古鮮比朕繼承大統思承付託之重爾文武羣臣共遵成憲悉力一志敬之慎之

宴諸王于華蓋殿賜公侯駙馬伯都督儀賓等官宴于三

星門大政紀 卷六

公府

丙戌羣臣上表請立 皇太子不允

禮部尚書李至剛請立北平布政司爲京都詔陞爲北京

諭兵部平九門已陞賞者再陞一級功臣不在陞例者亦

量陞之

於是劉江萬得王福胡通海等五十餘人陞賞有差

命寶源局鑄農器給山東等處被兵之民

陞副都御史陳瑛爲左都御史

復周齊代岷四王舊封

禮部尚書李至剛奏月當食不食請率百官賀 上却之

上曰王者能修德行政任賢去邪然後日月當食不食

適以陰雨不見豈果不食耶勿賀

設普安安撫司以土酋慈長為安撫

賜銀印置流官吏目一員隸四川布政司

夜木星犯建星西第三星

二月庚戌華北平都布按三司

設北京留守後軍都督府以平安為行軍都督僉事

置左右都督并同知僉事無定員首領官經歷都事各一員

設北京行部以掌北平布政郭寶掌保定府維僉為行部尚書

尚書二員侍郎四員所屬六曹吏戶禮兵刑工清吏司

皇明大政紀

郎中員外主事各一員惟刑部員外二員主事四員

設北京國子監

改北平布政司為順天府北平太僕為北京行太僕寺

辛亥陞四川安岳知縣康汝楫按察司僉事馬京為行部

左侍郎臨江知府劉翼南戶部郎中李梟為行部右侍郎

詔嚴禁誣告法

凡誣告三四人者杖一百徒三年五六人者杖一百流

三千里所誣重者從重論誣告十人以上者凌遲處死

梟首于鄉家屬遷化外

命監察御史分詣各布政司巡視

諭之曰朕居深宮在下之情不能周知爾等為朝廷耳

目其用心咨訪悉行具奏利有當興弊有當革亦悉以聞

遣使齎書諭韃靼可汗鬼力赤遣使往來通好使過城萬里烽火無警共享太平之福

命郡王高煦率兵往開平操衛

甲子禮部奏壬午年兵革未舉鄉試請以今年秋八月皆補試詔行之

命三法司引奏獄囚依洪武中例會官於承天門覆審施行

乙丑以儀賓容李讓宋瑛俱為駙馬都尉

遣司禮少監侯顯往烏思藏徵尚師哈立麻蓋

皇明大政紀

上在藩邸聞其道行卓異故徵之

三月戊寅朔文武百官復上表請立皇太子勅姑緩

之

庚辰命江陰侯吳高鎮守山西大同防禦胡寇

虜寇遼東三萬衛都指揮同知沈永不能追襲又匿不以聞

上以其欺蔽誅之仍榜諭天下都司軍衛凡有賊寇不即奏聞者罪與未同

壬午改北平行都司為大寧都司隸後軍都督府徙于保定

設保定左右中前後五衛俱隸大寧都司調營州左屯

衛于順義右屯衛于薊州中屯衛于平谷前屯衛于香

河後屯衛於三河衛設左右中前後五所仍隸大寧都司復設東勝中前後二千戶所於懷仁等處守禦

詔京官文武四品以上命婦免朔望朝中宮但遇節來朝

河南裕州言地廣民稀請移山西澤潞等州縣無田者分丁耕種上命戶部行之

鎮守貴州鎮遠侯顧成奏金筑安撫司等處土軍宜令一槩操練上以夷人憚拘束止之

有司請修殷太師比干墓從之

潘陽中屯衛軍士唐順言開衛河通黃河以便漕運上命廷臣詳議如議可行候民力稍甦行之

奏衛河之源出衛輝府輝縣西北八里大行蘇門山下

皇明大政紀

其流自縣治北經衛輝城下入大名府濬縣界迤運抵直沽入海南距黃河陸路五十餘里若開衛河距黃河百步置倉廩受南京所運糧餉轉致衛河交通公私兩便

便

命平江伯陳瑄往遼東都督僉事宣信往北平各率舟師海運糧餉

命法司治鄧州有司責民償疫歿官牛之罪仍令疫歿者免償其已鬻男女以償者官贖還之

四月丁未安南權理國事胡奎遣使奉表及方物賀即位奏陳氏亡宗絕嗣臣係陳甥衆推權理國事乞賜封爵詔遣使廉之

戊申諭中外文武羣臣懃誠供事未保富貴

諭曰朕踐祚以來思惟文武羣臣皆自舊人推誠用之纖悉無間又何嫌疑之有哉其各盡乃心共乃職朕言不再其深體之

命戶部尚書夏原吉治水江南

時嘉興蘇松諸郡頻歲水患屢勅有司督治無功故命之

乙卯禮部以萬壽聖節宴百官預定位次上親定命行之

命駙馬儀賓及隨侍各王來朝官宴于三公府四品以上文武諸將士及在京僧道官大興龍等住持待宴奉

皇明大政紀

天殿在京各衙門堂上六品以上官近侍官修史官宴於中左門外進表官四夷朝貢土官宴於中右門餘文武宴於丹墀內

都察院右副都御史黃信以漏泄獄事誅

先是李至剛妻父坐事都察院當處以重法至剛言於上希恩乞免上曰法司鞠獄情之輕重外人何以知之對曰此黃信與臣言遂為刑科都給事中周璟等所劾上命錦衣衛鞠之有實狀特命誅之

命襄城伯李濬鎮守浙江

太白出鼎北

楚世子孟烷奏欲遣人往河南買人口詔止之

論曰昔秦愍王遣人於湘江買人口太祖聞之怒秦府官屬及郡縣承行者皆被罪且河南汝伯父周王封地汝所遣人入境或有縱恣將斥為汝過可不慮乎其已之

下令禁金銀交易犯者准奸惡論有稱捕者以所交易金銀充賞

洪武中鈔法初行每鈔一貫折銅錢一千文銀一兩鈔四貫易赤金一兩禁民間不得以金銀銅貨物交易違者治罪鈔昏爛者許入行用庫換易重收工墨價值然鈔楮易於昏爛雖有倒換之令然收受艱難法雖嚴而竟不行如故

聖明大政錄 卷六 太祖 賜書戒之

代王桂縱暴殺人取財詔降其王府職官命禮部行在外諸司自今開讀詔書除附近府衛所一同行禮外其邊海衛所亦從布政司抄騰差人開讀

鎮守大同江陰侯吳高奏請自下海水北宜抵把撤站宜分兵戍守擇才幹更番提督有警即馳報不致失機從之

五月己卯制諭文武羣臣議上太祖高皇帝孝慈高皇后尊謚

禮部尚書李至剛奏五月初二日恭遇太祖忌辰合依宋制於天禧等五寺并朝天宮令僧道誦經三晝夜詔

止之

上曰人君之孝與庶人不同為人君者奉天命為天下主稷稷所寄生靈所依但當謹身修德身體天心恪修成憲為經國遠謨使內無奸邪外無盜賊宗社奠安萬民樂業斯孝矣如不能此而惟務修齋誦經抑末矣勅戶部速下各布政司府州縣但有荒閑田地無人開墾者即于常歲租額內削除之

設北京社稷壇祠祭署隸北京行部甲申封駙馬都尉袁容為廣平侯李讓為富陽侯容讓俱有守城功羣臣以為言故封之

丙戌太祖忌辰上率諸王奉先殿祭畢仍奉古官躬詣孝陵致祭

丁亥續封靖難功臣李彬為豐城侯陳亨之子懋為寧陽伯王真之子通為武義伯陳賢為榮昌伯張興為安鄉伯

陳志為遂安伯俱子孫世襲

辛卯淇國公丘福同文武百官進號謚

皇考太祖聖神文武欽明啟運俊德成功統天大孝高皇帝

皇妣孝慈昭憲至仁文德承天順聖高皇后

諭天下諸司事于王府者遵祖訓啟知之有司合行事務不許一槩啟請若王府事有相關即遣人馳奏不待報而

以大興縣學為順天府學華太興宛平二縣學

上以 太祖實錄將成命禮部議定賞格尚書李至剛以修元史例進 上以朕繼 皇考神功聖德貽範萬世豈述前代者可比而同之遂親定賞格

六月丁巳 上奉冊寶上

太祖高皇帝

孝慈高皇后尊謚具牲醴祭告

戊午詔頒天下咸使聞知

分遣給事中楊春等十二人為正副使頒詔安南暹羅諸國仍賜其王綵幣

辛酉學士解縉等上表進 高皇帝

聖明大政紀 卷六

上以所定賞格賜監修總裁修撰等官李景隆八十

六人銀幣有差仍賜宴奉六門

命公侯伯五府六部都憲天國子監應天府太醫院欽

天監堂上官皆與宴

丙寅以實錄成陞纂修官

陞吏部郎中徐旭為國子祭酒太常寺博士錢仲益知

縣楊觀梁潛王褒為翰林修撰國子助教王達給事中

朱紘為編修行人蔣驥為檢討國子博士金王鉉為翰

林五經博士晉府伴讀蘇伯厚為翰林侍書教諭解榮

劉宗為侍詔教諭張顯為國子監學正訓導羅師程為

學錄知府劉辰為江西布政司右叅政禮部郎中胡遠

為左叅議廣東按察司僉事李燁為福建布政司左叅

議知縣趙季通例應陞而以疾乞教職授國子監博士

僉事葉砥改吏部考功司郎中知縣唐榮改監察御史

楚府教授吳勤改開封府學教授陞騰為官主事陞顯

為禮部員外郎端孝思為兵部員外郎擢監生鍾子勤

陳彝訓劉謙沈文為中書舍人梁逢吉葉蕃沈紹先華

嵩喬岳衛誥鄭中余從善陳俊良陳實為監察御史生

員金寔為翰林典籍江琦等十人為知縣

戶部尚書郁新奏轉輸北京事宜從之

新言淮河至黃河多淺灘跌坡輒運艱阻請自淮安用

船可載三百石以上者運入淮河沙河至陳州潁河口

聖明大政紀 卷六

跌坡下復以淺船可載二百石以上者運至跌坡上別

以大船載入黃河至入柳樹等處令河南車夫運赴衛

河轉輸北京

命侍郎李文郁往佐尚書夏原吉相度嘉湖蘇松水田量

免今年租稅

七月丙子朔享 太廟

諭翰林侍讀學士解縉等采輯羣書

上曰天下古今事物散載諸書不易檢閱朕欲悉采各

書所載事物名數類聚而統之以韻庶便考索嘗觀韻

府等書采摘不廣爾等將自有書契以來凡經史子集

百家天文地志陰陽醫卜僧道藝藝之言倘輯為一書

母厭浩繁

吏部奏通政司大理太常光祿太僕鴻臚等寺國子監翰林院正佐官考滿舊例四品以上本部不考所考五品以下合准四品以上之例從之

已已致仕禮部尚書鄭沂來朝 命仍知禮部事

庚寅遣指揮革來等齋書諭虜王鬼力赤毋自生釁端仍以文綺綵幣賜之

八月遣都察院僉都御史俞士吉齋水利集賜戶部尚書夏原吉使講求疏治之法

原吉奏臣等相視得嘉定之劉家港即古婁江常熟之白茆皆係大川水流湊急宜濬吳松江南北兩岸安亭

皇明大政紀

十

等浦港以引太湖諸水入劉家白茆二港使其注海又

松江之大黃浦乃通吳淞要衝今下流壅塞難即疏濬

旁有范家洪至黃浦口墮浦口可徑達海宜濬令深濶

上接大黃浦以達茆湖之水此即禹貢三江入海之跡

候既開通相度地勢各置石閘以時啟閉每歲水涸之

時修築圩岸以禦暴流如此則事功有成於民為便

上從其言命集民丁開濬

設雲南楚雄縣學

先是本府言所屬人民類皆蠻夷不知禮義惟楚人一
種有讀書識字者而學未設近委官勸集俊秀子弟入
學而無師範請立學置官從之

命平江伯陳瑄督糧五十萬赴北京及遼東

命翰林院侍讀胡廣編修王達考應天鄉試賜宴于本府

癸丑遣待詔王延齡行人顧彬使朝鮮

浙江赭山風潮衝決萬四百餘步壞田四十萬頃 命工

部遣官修築

丙寅羽林衛致仕千戶王欽首歷城侯盛庸不法事得實

陞本衛指揮同知賞銀百兩鈔四百錠

庚午遣內官楊瑄等齋勅撫諭麓川車里八百老樞古刺

孟定孟養木邦等處土官

備直隸蘇州等十郡浙江等九布政司富民實北京

命內臣齊嘉提督廣東市舶

皇明大政紀

十一

勅諭中外文武羣臣各共乃職勿為朋比勿事貪黷勿恣

情縱恣以干匪彝至于用刑欽恤敬慎期于刑措用臻康

理

九月高唐民王政建言治道權為刑科給事中

上諭侍臣 皇考功德隆盛樂章未有稱述其議為之

辛巳勅吏部令內外諸司各舉賢才

勅曰朕以眇躬嗣成大統圖惟求賢以資治理宵旰遑

遑急于飢渴其令內外諸司於羣臣百姓之中各舉所

知或堪重任而沉滯下僚或可繁劇而優游散地或抱

道懷才隱居田里並以名聞毋媚嫉蔽賢毋徇私濫舉

書曰舉能其官惟爾之能稱匪其人惟爾不任欽哉

歷城侯盛庸暴卒。

上初即位命庸鎮守淮安移鎮守山東庸每不自安至是千戶王欽發庸罪狀都御史陳瑛劾庸心懷異圖遂削爵下獄死。

命雲陽伯陳旭閱視中都留守司及直隸衛所軍馬城池遣中官馬彬等使瓜哇國以鍍金銀印并文綺綵幣錫其王都馬板。

命吏部人才皆出皇考所造就豈得因建文嘗用而遂棄之自今勿復分別但隨才擢任。

庚子 上與侍臣論時政。

上曰朕即位未久常恐民有失所每官中秉燭夜坐披閱縣圖籍靜思熟記何郡近罹飢荒當加優恤何郡地迫邊鄙當置守備且則出與羣臣計議行之近河南數處蝗旱朕用不寧故遣使省視不絕於道如得斯民小康朕之願也。

建軍功襲職例。

鎮守雲南西平侯沐晟奏車里宣慰司上官刁逞答侵威遠地擄其知州請發兵討之上命兵部以理告諭如其不從然後加兵。

後刁逞答悔懼還所擄知州及侵地貢方物謝罪。

十月丙午承天門守衛千戶秦先晚工匠出門遺木牌無姓氏亦倒寶鈔提舉司官員不法數事上謂小人假公

法報私忿自今有此者悉勿問。

築浙江杭州府緣江堤岸。

諭六科給事中自今官寺復有於皇城内畜養雞牲者必罪不宥。

上曰官寺服食所需皆朝廷給之豈得復有私營近有於皇城内畜養雞牲糜費食米今四方蝗旱之後民尚艱食朕日夜為憂此輩坐享膏粱不識生民艱難而暴殄天物不恤論其一日養牲之費當飢民一家之食朕已禁戢之矣爾等識之。

擢浙江舉懷才抱德之士任守禮為戶科給事中。

已未命侍臣韓自古嘉言善行有益於太子者為書以授長子。

皇明太政紀

上曰昔堯試舜自慎徽五典至納于大麓歷試諸艱乃命以位舜生長民間躬親稼穡堯尚試之如此朕令長子守北京親庶務雖吏案奏牘皆躬閱之以知為臣之難他日庶可為人君也朕少時嘗居鳳陽民間細事無不究知後受命鎮北方經絕塞冒霜雪與士卒同甘苦其他所未經歷者則博考於載籍每覽古人言行可自警省者讀之不能釋手讀書所以有益於人然人自有貧富強弱泛而不切亦未有益故欲令爾等輯此教之先定其尺度權衡使中有所主也。

戶部尚書郭彥恭奏別廣今年夏稅過期數目不足乞罪

司府州縣官。上命勿問第更定期令照限輸之。

兵科給事中叅劾今天下衛所官吏所進軍馬文冊謬誤不敬當治。上令姑釋勿問其條舉所失詰之俾更詳其進來。

賜鎮守貴州鎮遠侯顧成銀幣。

上謂侍臣曰漢武帝窮兵黷武以事夷狄全盛之力遂至彫耗當時雖得善馬豈足償萬一之費朕今休息天下惟望時和歲稔百姓寧安至於外夷但思有以備之必不肯自我擾之以罷斃生民近成言今日惟當安養中國慎固邊方此言甚合朕意蓋斯人老成非喜功好勝之流以是特嘉獎之。

皇明大政紀

卷六

十四

壬申命靖安侯王忠往北京安插屯田軍民整理屯種。

長興侯耿炳文暴卒。

陳瑛鄭賜劾其僭倖。命籍其家炳文自畫諸子皆外

日本國入貢。

韃靼鬼力赤及阿魯台攻瓦剌馬哈木大敗之。

甲戌西洋刺泥國回哈只馬哈沒奇等來朝貢方物因附載胡椒與民互市有司請徵其稅。上以虧辱大體不聽。

十一月定給驛傳例。

凡五府六部都察院遣人馳驛辦幹公事必同都布按三司委官者水路許乘驛船若都布按三司自委官并

承差人等於各府州縣催辦公事者水路都司所委官乘軍衛快船布按二司所委官及承差人等乘遞運所船陸路都司委官乘自己官馬驛驢布按二司委官給馬驛驢承差人等悉自備諸番朝貢使至市舶提舉司馳報者給驛。

免教諭康孔高罪復其官。

孔高先任祁陽知縣建文中謫教大理縣至是例得復祁陽孔高朝京師還枉道過家省母母適病留侍九閱月不行刑部逮問孔高罪當杖仍謫教邊縣以聞。上曰母子之愛本於天性朕遠萬里數年一旦相見已難遠舍況于有病是可矜也免杖復其官。

皇明大政紀

卷六

十五

辛卯勅諭兀良哈部落統屬大寧福寧朵顏三衛舊管授官者列名以聞咸復之。

命禮部冬至節官吏人等預宴。賜鈔如例。

乙未召六科都給事中朱原真等使申諭各科辦事官令言民間利害。

先是上欲聞民間疾苦諭吏部尚書蹇義等凡郡縣官考滿至京選其識達治體知恤民者於六科辦事令各言所治郡縣事至是尚未有言者。上諭原真等曰朕夙夜慮天下之民有失所者為爾曹未能盡知故選郡縣考滿官假辦事之名俾隨六科爾等在朕左右如朕所欲問即可知彼有所欲言即可達而至今不聞有

一人言夫郡邑之間豈都無一事利害可言今在朕左右尚猶默默况遠千里尚肯言乎爾等退以朕意申論之其所治何利當與何弊當去皆直言勿隱於今不言將有他人言之則不能逃罪矣

命工部尚書黃福罷遣潘河民夫

初洪武中免應天府夏秋二稅但擇其丁壯每歲農隙聽供力役及是河內淤塞發其丁壯潘治適時暄暖胥樂赴工將畢是日早風互寒上召福等謂曰民供役久衣食未必盡給今且遽寒且各賜鈔二錠罷遣歸未畢之工令京衛軍士次第成之

定武職新舊官襲替法

皇明太祖紀 卷六

洪武三十一年以前為舊官襲替比試自三十二年至二十五年為新官襲免比試

閏十一月癸丑諭都察院申明憲章在內令監察御史在外按察司各舉其職不能舉職者有罰

戊午安南遣使隨行人楊勃等入朝進其陪臣耆老奏章請封胡奎為安南國王從之

丁卯遣禮部郎中夏止善齋詔封胡奎為安南國王

山東男子獻陣圖詔斥去之

十二月翰林侍讀學士解縉等奉勅修古今列女傳成其傳編次古今后妃諸侯大夫士庶人之事分為三卷上親製序文命刊印賜百官仍賜解縉黃淮胡廣胡儼

楊榮金幼孜楊士奇王洪蔣驥沈度文綺各一襲鈔有差

江西左叅議孫浩廣東副使鄒祐給由至京不條陳本處民情利病以違制今法司拿問

令巡按監察御史及按察司凡府州縣官到任半歲之上者察其賢否廉貪之實具奏

工部尚書黃福奏陝西行都司所屬屯田缺耕牛耕具合行陝西布政司鑄造從之

壬辰命禮部遣監生三十餘人分詣各布政司府州縣軍民之家有收藏高廟御製詩文及宸翰者皆送官錄進仍重賞之

皇明太祖紀 卷六

上問太祖御製文集學士解縉等曰皇考文章固

天資超邁然亦學問所至觀其所著皆天地之心帝王之度語簡理至藹然可見縉等曰誠如聖諭上曰

朕於宮中偏尋於皇考宸翰不可得有言建文自焚時并寶璽皆燬矣朕深慟之又問縉等曰意者有散落臣民之家乎縉等對曰國初在命諸臣有之遂遣書各王

府求之

乙未擢鄉貢舉人王偁為翰林檢討遂命吏部凡翰林自博士以下皆陞職與偁同

上既擢偁問左右曰翰林檢討之下何官對曰博士典籍侍書待詔又問皆已除人未對曰已除又問其賢視

儒何若。對曰。俾初除。未知其爲人如舊博士中。皆老成文學士。上歎曰。古所謂用人如積薪。此類是矣。國家用人以賢以勞。俾之賢既未可知。勞亦未有而令有賢有勞者位其下。何以服士心。因命一體陞之。

選天下殷實之民田少者徙居順天府。名富戶以實京師。詔令凡有利國利民之事不拘百工技藝之人皆許具實敷奏。

是歲天下戶千一百四十一萬五千八百二十九口六千六百五十九萬八千三百三十七賦役糧三千一百二十九萬九千七百四石

甲申永樂二年正月癸卯朔

皇明大政紀

十八

甲辰勅諭天下文武諸司

對曰。朕惟事天以誠敬爲本。愛民以實惠爲先。書曰。惟天惠民。又曰。安民則惠。然天之視聽皆因於民。能愛民即所以事天。朕嗣位以來。嘗以此戒諭爾等。而治軍者或不恤軍治民者或不恤民。非惟不恤。又有刻害之者。甚違朕意。今春時和。東作方興。宜各究心務實。申明教術。勸課農桑。問其疾苦。卹其飢寒。革苛刻之風。崇寬厚之政。以迓天休。臻於治理。欽哉。

召世子高照還京

乙巳復命戶部尚書夏原吉往蘇州疏通舊河港以大理寺少卿袁復副之

丙午諭天下布政司府州進表官慎毋擾民

諭曰。數年以來。軍旅供給。民勞爲甚。今略得休息。正如病者初瘥。宜保養調護。若復勞擾。病將愈深。其共戒之。庚戌有道士獻道經。命斥去之。

上諭侍臣曰。上好正道。則下不爲邪。人主好尚。稍不謹慎。人懷僥倖之心。恣縱妄誕。以投所好。苟墮其計。將來流害無窮矣。

丁巳遣使齋詔諭占城國王占巴的賴。以安南王陳辭服罪。宜務輯睦。用保下人。

定屯田賞罰例

凡管屯都指揮指揮及千百戶所管軍旗各以歲所入之數。通計一歲軍士人食米十二石之外。查均餘石數。

多寡以爲賞罰。直隸從巡按御史在外從按察司覈實。然後行之。

已未戶部尚書郁新奏湖廣諸衛屯田收物不一。今宜以粟穀糜黍大麥蕎麥各二石。稻穀蜀秫各二石五斗。穆稗三石。各准米一石。小麥芝麻豆並與米等從之。著爲令。

辛酉禁瀕海居民不許私載海船交通外國

乙巳戶部尚書郁新奏河南等處管屯都指揮劉瑛上屯田歲收之數。一人所耕不足自供。半歲之食。宜罪瑛等警衆。上以法令初行。姑宥之。

召諭瑛等宜用心勤力以督下人。若今歲仍復怠惰耕

獲不及論罪如法

二月壬申勅江西總兵官襄城伯李濬等率兵剿捕永新流寇毋令擾害良民

癸酉禮部奏北方歲貢生員考不中式者例當充吏上令發回原學肄業俟再試不中如例處之

丁丑上召毋赴河等處朝使至前問勞之

侍臣進曰陛下懷柔遠人之恩至矣但嚮所問者皆田獵之樂其人民畜產未嘗一言及之臣愚竊所未論

上曰田獵是其性之所欲若問其人民畜產彼必疑朕方懷柔遠人豈可使之疑也

命侍讀學士解縉侍讀黃淮主考禮闈

皇明大收紀 卷六

甲申山西參政蔚綬奏河東積鹽運至楊壺店民貧難輸宜令商人中鹽年久者量增引數以爲路費使就關支庶免勞民下六部議加引行之

乙酉請會試選士之數

上曰洪武中所選幾何尚書李至剛對曰各科不同多者四百七十餘人少者三十餘人上曰朕即位初取士姑准其多者後不爲例又曰學者成材亦難當取其大略其細如十分中有一二分語疵而不害理亦可備數然科舉是國家取人材第一路不可濫且文體毋尚虛浮惟取朴實

戊子戶部奏開中浙淮鹽於北平倉納米者每引二千五

升於德州倉納米者每引三千五升今北京所轄地方米價賤宜通增一斗從之

已丑刑科給事中秦強盜有年十五以下者亦當被刑不宜免死上以童穉宥之

遣應天府祭先農命郡縣耆老陪祀著爲令

命工部修補國子監籍板

丁酉禮部奏會試中式舉人楊相等四百七十二人三月壬寅廷策會試中式舉人賜曾榮周述周孟簡進士及第賜楊相等九十三名進士出身賜徐觀等三百七十四名同進士出身

丙申賜進士曾榮冠服銀帶餘並賜鈔五錠是日賜宴

皇明大收紀 卷六

十一

會同館已酉吏部奏授進士曾榮等官命第一甲曾榮爲翰林院修撰周述周孟簡俱爲編修仍命第二甲擇文學優等楊相等五十人及善書者湯流等十人俱爲翰林庶吉士俾仍進學擢第三甲方杲等二十人爲行人司行人餘於諸司觀政

命工部建進士題名碑于國子監命侍讀學士王達撰記命平江伯陳瑄都督宣信督海運百萬石給北京

庚戌吏部尚書蹇義等奏朝廷命文臣舉懷才抱德者武臣不與今有千戶違制薦士宜罪之上命徵來如試果有材一體授官否則罪之

上怒給事中丁瑛等出使用銀誘人犯法今都察院遣

人逮之

上召刑科都給事中楊恭等諭曰。去歲命給事中御史往各處撫安軍民。禁止奸惡。道其爲善。臨遣之際。諄諄告戒。務在安民。昨日給事中丁琰等奏云。至四川見無犯法者。乃陰遣親信用銀誘之交易。已而果有犯之。是其心終不軌也。遂戒之。琰不肖刻薄如此。假令民畏法反執陰誘者送官。何以處之。古人治天下。無非公平正大之道。昔唐太宗以物試人。待其受之。則加之罪。賴魏徵諫而止。朕嘗戒此事。思得魏徵其人。置於左右。今此輩小人。但圖要功。不顧枉陷良善。甚孤朕任。使其令都察院遣人馳往釋所誣民。而執琰等赴京罪之。仍移文

聖明大政紀

卷之二十一

二五二

各處撫安者。使咸知琰等所爲。而以爲戒。

甲子。諭六科給事中條析軍民利害以聞。朕將審擇行之。上曰。天立君以養民。君不恤民。是不敬天。君資臣以成治。臣不輔治。是不忠君。朕與爾等皆不可不勉。

丙寅。撫安江西給事中朱肇奏。工部遣人于江西買牛。令有司遞送北京給軍屯種。未免勞民。今江西浙江湖廣有民間收養沒官牛。共計五十餘頭。乞轉送給軍。停收買則官民皆便。詔工部勘實。先以牛給本處屯軍。有餘者送北京給軍屯種。

河南衛指揮僉事康壽奏。必理罕東等衛納馬。皆運茶與之。今安定衛遙遠。請給布絹爲便。上以安定衛初來朝。

從之。後仍以茶爲直。

上馬給絹二疋。布二疋。中馬絹一疋。布二疋。下馬絹一疋。布一疋。

戊辰。改封敷惠王允熙爲驪寧王。奉懿文皇太子之祀。已巳。文武羣臣復上表勸立皇太子。勅答立世子。禮部卜日具儀以聞。

初。上與武臣丘福等議建儲。文臣惟金忠預。皆靖難時股肱也。武臣咸請立高煦。謂其有扈從功。金忠以爲不可。上猶豫未定。遂召解縉預議。縉言立嫡以長。復曰。好聖孫。指宣廟也。上又問黃淮。淮亦曰。長嫡承

統。萬世正法。復召桐尹昌隆對。與淮同。上意遂決。

聖明大政紀

卷之二十一

命通政趙居任使日本。令十年一貢。上命六科都給事中馬麟等。凡天下何弊當革。何利當興。何處軍民未安。何處奸邪未去。當歷歷言之。勿隱。

命曰。爲治貴得大體。比爾等疏駁奏牘。一字之誤。皆喋喋以言。瑣碎甚矣。吏治文書。叢脞積累。其精力有時而敝。豈免錯謬。自今奏內有數日月日等錯謬者。皆令從傍改註。用印蓋之。不必以聞。麟等言奏內有不稱臣者。此當罪之。上曰。下豈敢慢上。或一時急遽漏寫有之。必非故違。亦令從旁增之。

上與侍臣論進退。人皆不可苟。

上曰。人君進一人而天下皆知其善。則誰不爲善。退一

人而天下皆知其惡則誰敢為惡無善而進是出私心無惡而退是出私惡徇私而行將何以服天下

四月辛未勅北京留守行後軍都督府及大寧都司自洪武三十五年至今年三月武臣謫發者皆量情貸免情輕者俾復職重者仍令立功候有功復之

遣指揮完者禿手齋勅往瓦剌諭馬哈木等遣人往來通好即授以官令還本地畜牧樂業

簡東宮官屬

令淇國公丘福兼太子太師成國公朱能兼太子太傅

吏部尚書蹇義兼詹事府詹事陞工部右侍郎金忠為

兵部尚書兼詹事兵部右侍郎墨麟工部左侍郎趙毅

皇明大政記

卷六

二十四

俱兼少詹事陞吏科都給事中朱原真刑科左給事陞

中善為詹事府丞

壬申命僧錄司左善世道衍姓姚賜名庸孝為太子少師

簡文臣為春坊等官

命禮部尚書李至剛兼左春坊大學士陞翰林侍讀解

縉為本院學士兼右春坊大學士侍讀黃淮為左庶子

胡廣為右庶子胡儼為左諭德皆仍兼侍讀侍講楊榮

為右諭德仍兼侍講楊士奇金幼孜俱兼左右中允北

京刑部主事尹昌隆為左中允陞翰林修撰李貴右中

允仍兼修撰命吏部左侍郎許思溫兼左春坊左贊善

陞翰林編修陳仲完左贊善仍兼編修檢討王汝玉為

右贊善仍兼檢討陞國子監博士徐善述監察御史王

子沂俱為左司直郎國子監助教晁鏞刑科給事中王

文貴俱為右司直郎刑部司務楊正為左清紀郎國子

監博士楊斌為右清紀郎教授程燾教諭黃貫俱左春

坊司諫教諭張祥梁良俱右春坊司諫陞翰林編修楊

溥中書舍人姚友直俱為司經局校書吏科給事中梁

質兼司經局正字陞教諭劉真為校書訓導王雅為正

字

癸酉禮部進東宮官朝儀令頒示諸司

一每日翰林院分二員同春坊司經局官講書以五經

四書通鑑大學衍義貞觀政要等書纂其事之始終直

皇朝大政記

卷六

二十五

述大義輯成篇章進呈御覽然後赴文華講說

廣西思明府知府黃廣成奏先臣故地祿州西平州未平

寨被安南侵擄乞天恩諭使歸還上納之

進士李衡自言臣父洪武中得罪死臣不當違令干進

上嘉其志宥勉之

甲戌冊立世子為皇太子封第二子高煦為漢王第三子

高燾為趙王

冊長子妃張氏為皇太子妃

丁丑上以天氣向熱諭三法司同五府六部及六科給

事中盡數日中疏決獄囚凡死罪獄成者候秋處決輕罪

者即決遣有違引待辨未能決者

出獄聽候

戊寅吏科給事中孫璘密奏禮部前定給事中八人頒詔八國皆素非誠實者上以既去乃言戒之

庚辰命戶部尚書王鈞以浙江右布政使致仕

壬午詔封汪應祖為琉球國山南王

甲申文華寶鑑成

先是命侍臣輯自古以來嘉言善行有益於太子者為書以授太子至是書成名文華寶鑑上御奉天殿門召太子授之曰修己治人之要具於此書昔堯舜相傳惟曰允執厥中帝王之道貴乎知要知要便足為治爾其勉之皇太子拜受而退上顧侍臣解縉等曰

皇考訓戒太子嘗採經言為書名儲君昭鑑錄朕此書

皇明太政紀

六卷

二十六

稍充廣之益以皇考聖謨大訓以為子孫帝王萬世之法誠能守此足為賢君昔秦始皇教太子以法律晉元帝授太子以韓非書帝王之道廢而不講此所以亂亡朕此書皆大經大法卿等宜輔東宮從容間暇亦當以此為說庶幾成其德業他日不失為守成令主

釋安慶民誹謗罪

先是典伏率軍卒往安慶採木道過民家縱軍強取民財民將訴于官典伏教軍誣民為誹謗語縛送刑部獄具刑部以聞上曰民被誣矣諺恒言軍強民弱民安敢肆焉對官軍出誹謗語此必官軍侵利於民民不堪將訴之而軍造此誣民命五府五部都察院具訊其實

悉如上所云遂釋民而抵官軍罪并罪刑部官之枉民者

丙戌車里宣慰刁違各因朝廷諭還威遠州地及所據知州刁算黨懼罪貢馬及方物上以能改過有之

廣西都指揮朱輝奏招撫慶遠等府忻城宜山等縣洞蠻陳公宣等一千二百五戶

上御奉天門視朝罷召諭六科給事中朕日臨百官可否庶務或有失中爾等宜直言無隱

上顧學士解縉等曰敢為之臣易求敢言之臣難得敢為者強於已敢言者強於君所以王魏之風世不多見若使進言者無所畏聽言者無所忌天下何患不治朕

皇明太政紀

六卷

二十七

與爾等皆勉之

已丑勅諭文武羣臣安民息盜

諭曰天下雖安民未蘇息而郡縣豪猾遇有征徭因緣為奸細民不勝盜賊滋起汝等其悉心政務祛除民蠹毋橫歛一錢毋妄興一役存恤軍民勸課農桑慎固封守輯寧邦國臻于治理以稱朕憫念元元之意

吏部尚書蹇義奏請明日選官

上諭之曰汝等職掌銓選辨別邪正但當揆理不當任情揆理則以是非為進退任情則以從違為取舍慎之慎之

指揮蕭上都自兀娘還韃靼頭目脫兒火察哈兒兀乃等

二百九十四人隨上都來朝貢馬

命脫兒火察爲左軍都督府都督僉事哈兒兀反爲都指揮同知掌朵顏衛事安山吐不申俱爲都指揮僉事掌福餘衛事忽刺班胡爲都指揮僉事掌泰寧衛事餘及所舉未至者總三百五十七人各受指揮千百戶等官賜誥印冠帶及白金鈔幣襲衣

天下工匠集京師者疫歿左都御史陳瑛劾工部尚書黃福有罪勿問

甲午更定天下衛所屯田守城軍士

臨邊而險要者則守多於屯在內而夷僻者則屯多於守屯雖險要而運輸難至者屯亦多於守

皇明大政紀

卷六

二十六

勅諭廣東都布按三司官鍾均道果不允能翻然悔過來朝謹遵 太祖待杜回子之道處之

五月辛丑降國子監祭酒徐旭爲翰林修撰

禮科劾旭書奏不謹當降 上問蹇義義稱其有文學持守故宥之近侍

巡按北京御史周新奏請今後吏民犯法徒流悉從北京刑部巡按御史詳審允當就發種田從之

已酉錦衣衛奏明日 上謁孝陵請具法駕 上以 皇考升遐之日正屬感慕之時不用

上御右順門感慕 太祖動容永春侯王寧請誦經飯僧祈福利 上不答以正道諭之

論之曰爲庶人能承繼家業不失隆或又能擴充增益於先可以爲孝士居官食祿能持身循理建立功業榮親於當時顯名於後世可以爲孝天子以四海爲家能思天位者親之所傳大業者親之所建天下生民親之所保而敬以奉天勤以守業仁以臨民使萬物得所四夷咸賓光昭 祖宗傳之子孫可以爲孝何必能事佛乃爲孝乎

戊辰詔工部分遣官乘傳往視浙江江西湖廣安慶蘇松等府遇湖泊窪下圩岸頽圯程督有司修築

六月朔日左中允楊士奇進呈大學釋明明德講章 上指其義諭之

皇明本政紀

卷六

三十九

上覽畢稱善因曰先儒謂堯典克明俊德一章一部大學皆具士奇討曰誠如 聖諭堯舜禹湯文武數聖人凡修諸躬施於家國天下者皆大學之理 上曰孟子道性善必稱堯舜汝等於講說道理處必舉前古爲證庶幾明白易入又曰帝王之學貴切己實用講說之際一切浮汎無益之語勿用

辛未勅諭官軍人等逃還邊塞俱在赦前已寬不問宜皆挈家來歸官復原職軍復原伍民復舊業若遲疑不歸悔將無及

乙酉刑部奏河間民有訟其母者有司反擬母罪 詔執其子及有司罪之

丁亥命吏科給事中曹崇語吏部本諸司悉汰冗官以省國用

戊子命禮部諭安南使臣歸語王速還思明府故地

戶部尚書郁新奏公侯駙馬伯儀賓祿米請如文武官例米鈔兼支從之

己丑吏部奏在京各衙門近因事煩額外設添不無冗員宜依定制選留餘並送部用從之

青田縣民劉猶進太祖賜其祖誠意伯基手詔八道祭文一道賜鈔五錠

辛卯朝鮮國王李芳遠遣使送耕牛萬頭至遼東詔遼東都司以牛分給屯戍

皇明大政紀

卷六

三十

命戶部牛一酌絹一疋布四疋仍賜其王文綺表裏各百六十

壬辰上御右順門與侍臣論刑賞

侍臣進曰古稱賞人以官不若賞人以財上曰此語

蓋為濫官發以朕論之亦未盡善若人君一心愛民則

二者皆重蓋知財出於民力財必不肯輕與知官所以

養民則必不肯輕授

命禮部令翰林院更試會試下第舉人擇文詞優等貢士

張信等六十人召見皆賜冠帶送國子監進學後科

勉之曰士當立志志一則工專工專則業就爾等於學

已有根本但更百尺竿頭進步爾後科第一甲人有不

在爾曹子其往勉之

乙未命安克帖木兒遣使來朝表請封爵詔封為忠順王

上諭之曰人君一衣一食皆民所供民窮無衣食君豈

可不恤君父也民子也為子當孝為父當慈各務盡其

道爾卿往體朕此心不可為國惜費益財散得民仁者

之政

大御能者赤坎寨胡家港諸處海寇殺掠軍民勅責捕

後總兵官清遠伯王友等剿除此寇以贖前罪

七月勅宣府備馬武城侯王聰等督飭將士嚴固防禦

命翰林春坊分撰諸經講義送內閣閣過有未當處悉與

皇明大政紀

卷六

三十一

時內閣解縉閣學胡廣閣詩金幼孜閣奉公陽士奇閣

易一日學士王達譌范之九四舉諸武職

問士奇經古於此必無儲貳之說達不為然士奇對

曰講道非正道不陳豈敢含藏此出宋儒胡瑗之說

皇太子曰對我言此常人得此父亦舉此說乎對曰殿

下此問最好程子云凡卦中六爻人人有用聖賢有聖

賢用衆人有衆人用君有君用臣有臣用又舉王昭素

對宋太祖之言以對皇太子悅

甲辰吏部雲南晉寧進士張文禮自陳不問吏事願為教

官上喜雲南人能舉進士授雲南府學教授以勸其鄉

人

甲寅刑部尚書鄭賜及文武百官劾太子太師曹國公李景隆及其弟增枝陰養亡命謀為不軌上念姑孫令歸第奉國長公主之祀

辛酉勅甘肅總兵左都督宋晟令諸屯多釀酒探知虜寇將至置毒酒中及河井退以避之

禮部尚書李至剛奏山東郡縣野蠶成蠶繅絲來進請率百官賀命止之

上曰野蠶成繅亦常事不足賀使山東之地野蠶盡蠶足以被其一方而未徧天下朕之心猶未安也朕為天下父母一飲一食未嘗忘之若天下之民皆飽煖而無

皇明六政紀

卷六

三十三

飢寒此可為朕賀矣乃止

壬戌鄆陽民朱季友進書妄毀聖賢遣行人押還鄉里會布按二司及府縣官杖一百就其家檢搜所著文字悉毀之

朱季友所著書專斥濂洛關閩之說肆其詭誕上覽之怒甚曰此儒之賊時禮部尚書李至剛翰林學士解縉侍讀胡廣侍講楊士奇侍側上以其書視之觀畢縉等曰惑世誣民莫甚於此至剛曰不罪之無以示儆宜杖之縉之退齋士奇曰當毀其所著書庶幾不悞後人廣曰聞其人已七十燬書示儆足矣上曰謗先賢毀正道非常之罪治之可拘常例耶即勅行人押季友

還竟明諭其罪皆以示罰而搜檢其家所著書會焚之又諭諸臣曰除惡不可不盡悉燬所著書景是

丁卯有奉入從討將士告功賞未當者命成國公朱能降平侯張信等相至公審議以聞毋有所徇

戊辰大司馬有犯者當黜詔免黜容其自新

八月庚午占城國王占巴的賴遣使貢犀牛角及方物且奏安南攻劫未已願納國土請吏治之上怒命禮部諭安南國王知令改前非

乙卯安南故陪臣張伯言來告急命有司給衣食

庚辰遣使諭潭州漫散人民復回本處居住

丙戌沒都督李增枝庄田佃僕俱入官

皇明大政紀

卷六

三十三

乙丑翰林學士兼春坊大學士解縉等進呈大學正心章講章上指其義諭之

上覽之論縉等曰人心誠不可有所好樂一有好樂而不返則慾必勝理若心能靜虛事來則應事去如明鏡止水自然純是天理朕每朝退默坐未嘗不思管束此心為切要又思為人君但於宮室車馬服食玩好無所增加則天下自然無事

廣西荔坡縣民覃真保奏八十二洞瑶民願隸編籍乞遣使招撫命都督韓觀遣人撫諭願為民者復從後三年兵部奏屯軍年六十之上及殘疾年幼者宜令耕種自食不拘比較賞罰之例從之

都察院左都御史陳瑛奏通鈔法宜令戶部會羣臣議人口月食鹽一斤納鈔一貫小口月食鹽半斤納鈔百文從之

癸巳清遠伯王友恭奏得百姓嚴實等捕獲賊船十數艘賊數百人并其所掠貨物上勅友以所獲貨物悉與之戶部左侍郎古朴奏江西湖廣及直隸蘇州等府糧儲漕運北京近州水涉難輸今歲所儲甚豐宜發鈔三萬錠分令各府州縣不拘黍粟豆麥增時價三分糴之就彼權財俟農隙令軍民運至京充官軍糧從之

乙未軍校縛竊馬尾帽二人執稱因盜剪官馬尾所得請罪治上以疑似加刑有累君德其寢之

皇明大政紀

卷六

三十五

丙申勅寧夏總兵何福等于四五屯內築土城屯輜重糧草無警則各居耕牧有警則驅牛羊入土城固守以待援兵

上與侍臣論胡元興廢在德不在數

上御右順門與侍臣論胡元興廢皆曰天運上曰天運雖有前定之數然周家後來厯數過之蓋周之先德積累甚厚其後嗣又不至有桀紂之惡使夏殷之後不遇桀紂未遽亡也元始以有德興使其子孫知修德保民亦未遽亡若順帝不恤軍民不理國政荒淫無度安得不亡

丁酉老嫗軍民宣慰使刁線反遣使護送前安薩三孫陳

天平來朝奏被賊臣黎季犛弑主篡任乞與滅繼絕上憐而納之命有司賜第月給其廩

九月壬寅真臘國王參烈婆昆牙遣陪臣來朝貢方物賜紗幣表裏以賄饋遣軍三人遣還給道里費

初中官往使真臘將歸有從行軍三人遺索之不得國王以其同中三人從中官歸補伍至是得歸來見上曰中國人自遣何而彼事而責償且得此三人語言不通風俗不習吾馬用之況其人皆自有家寧樂處此汝體部給之去服子道里費遣還真臘尚書李至剛等言臣意中國人必非遁於彼者或為彼所匿則此三人亦不當遣上曰不用逆詐為君但推天地之心待人可

皇明大政紀

卷六

三十五

也

福建布政司奏暹羅國通好琉球番船漂泊海岸已籍記船物請命上諭禮部命各布政司舟壞者修理乏食者給粟俟有風便導之去豈可利其物而籍之也

丙午周王儲來獻騶虞

騶虞見鈞州周王往觀焉載以歸至是進獻百僚稱賀以為皇上至仁格天所致上謂侍臣曰適聞聖臣言不覺惕然天下之大如一夫有怨豈得謂仁一念不誠豈能格天朕方夙夜成慎何可便謂騶虞是天降祥於朕侍臣曰聖志如此所以上格天心上曰祥瑞之來易令人驕是以古之明主皆遇祥自警未嘗因祥

自怠警怠者國之安危繫焉騶虞若果為祥在朕更當加慎是日宴周王於華蓋殿賜其從官宴于中右門。

丙戌晉王濟燭奏上護衛及所畜小韃靼上勅令修德行善豈可因一二小人為非輒自懷疑所上護衛不允其小韃靼護衛有缺者補之。

上諭直內閣學士等官解縉黃淮胡廣胡儼楊榮楊士奇金幼孜宜謹始如終庶幾君臣獲保全之美。

學士解縉等妻入見中官于柔儀殿訓勞備至賜五品冠服及鈔幣。

丁酉陞左春坊左諭德兼翰林侍講胡儼為國子祭酒。

論吏部尚書蹇義等自今御史及按察司考察有司賢否

皆令具實績以聞。

上諭曰往者慮各處守令未必皆得人故命御史分巡

考察比問御史至郡邑恒坐公館召諸生及庶人之役

上官者詢以為信如此何由得實如入其境田野闢人

民安禮讓興風俗厚境無盜賊吏無奸欺即守令賢能

可知無是數者即守令無所可取矣且詢之弊非一

端人好惡不同則毀譽亦異若只憑在官數人之言以

定賢否其君子中正自守小人賂遺求譽而即累及阿

之毀譽出矣故孟子論取舍亦徵諸國人。

復山西太原平陽澤潞遼沁汾民一萬戶實北京。

戊辰戶部尚書原古治下京功。

原吉初察浙西兵民十餘萬沒吳淞南北兩岸安亭等

浦引太湖諸水一自嘉定縣劉家港徑入于海一自常

熟縣白茅港直注于江又浚松江府范家浜至南踰浦

口上達大黃浦以達太湖之水以復禹貢三江入海之

跡水患乃息。

十月庚午勅鎮守大同江陰侯吳高鞬輟率眾來歸慮有

詐謀其悉調山西都司行都司并太原三護衛騎士赴大

同安。

製信符及金字紅牌頒給雲南木邦八百大甸麓川平緬

勐車里老樹六宣慰使司于崖大候麻里茶山四長官司

潞江安撫司及孟良孟定灣甸順康等府州土官。

星明大政紀 六卷 三十七

辛未安撫江西給事中朱璧言江西十三府官田租重十

倍民田乞於官田折布民田輸米以甦貧民從之。

壬申御史有言甘肅總兵官宋晟擅竊威權事多專制。

上諭大將受邊寄豈可拘文法。勅晟勿置意但盡心邊

務以副朕懷。

已卯減直隸崑山縣荒田租稅三千四百四十石有奇。

庚辰刑部尚書鄭賜等言軍士初犯罪者皆家有兒小人

作過豈當全無懲戒。詔矜其初犯如怙終固不有。丁亥戶部言御馬監索白象食穀。上責其率獸食人勿聽。

召御馬監官責曰爾輩坐食膏粱衣輕暖豈知百姓艱

計家一日所飼穀當農夫數口之家。一日之食。朕爲君職在養民。爾輩不令朕知而爲此事。是欲朕失天下心。如復敢爾。必誅不宥。

丁酉。刑部尚書鄭賜等奏會諸司官錄囚。上悉召諸司官以務明慎諭之。

上曰。理刑必務明慎。譬諸農夫之耘。爲稂莠也。若心不存。則視有所不見。而并良苗去之矣。刑以除凶人。若心不存。則察有所不明。而并善人害之矣。爾等皆宜盡心。不可怠忽。

戊戌。刑部尚書鄭賜奏。詹州知州陳敘同海南衛千戶陳善等運糧遭風壞船。糧以官糧濟軍士。請還問之。上以

皇明大政紀

六卷

三十九

事有權宜其置勿問

十一月辛丑。撫安湖廣給事中何海條陳三事。從之。

一。祖訓條章。諸司職掌。行移體式。諸書焚毀不存。乞重刊頒行中外。俾知遵守。一。乞命吏部今後宜選通曉文理。識達政事者爲各都司衛所經歷吏目。一。乞令兵部查各衛所襲職。幼官多者。選老成舊官一人。相兼管事。廣東右布政徐奇奏。府州縣官有到任之後。不服水土。瘴癘而歿。遺下家屬貧難。不能還鄉。乞准行有司。應付脚力。給與行糧。送還鄉從之。

壬寅。山西太原左衛千戶陳淮率軍士來奏。所種秧田。每軍仍有餘糧三十石。上命戶部詳定賞例。除官收正糧。

及種子外。餘糧悉與自用。

左都御史陳瑛等劾駙馬都尉梅殷私匿毆人。又與女秀才劉氏造爲邪謀。乞正其罪。上命錦衣衛執鞫。鞫人送達東梅殷白處之。

辰。上御奉天門。錄囚多所矜宥。尚慮有枉抑者。命錦衣衛指揮程遠鴻。驢寺少卿劬旃等。更從容審之。果其有辭。即來白。

江浦知縣周益以罪當刑。其妻梅氏訴益母老無養。願代夫戍。上憫其情。特宥之。

刑部奏奉天征討官有以罪繫獄者。請論功定擬。詔論如律。

皇明大政紀

六卷

三十九

上曰。朝廷大公至正之道。有功則賞。有過則刑。刑賞者治天下之大法。不以功掩過。不以私廢公。此輩征討之功。既辭以爵賞矣。今有犯而不罪。是縱惡也。何以治天下。

庚戌。西北諸胡來朝。命光祿寺卿賜食。

尚書李至剛曰。西北諸胡。陛下撫綏皆已向化。邊境已寧。上曰。人恒言以不治治夷狄。夫好善惡惡。人情所同。豈間於華夷。撫之有道。未必不來。虎至暴擾之能。使馴帖。况虜亦飢食渴飲。具人心者。何不可馴哉。但有來者。惟推誠待之耳。

甲寅。京師地震。諭文武羣臣宜戒謹修職。共回天意。凡

軍民有不便之事當速改之

已卯山西民言介休縣出五色石為器用 命急斥之

上曰此倖覲小人不可聽數年兵革災荒百姓疾苦未得寧息今又以此重困之乎官府求一物即百姓受

一害况此石飢不可食寒不可衣累民何為

丙申諭成國公朱能今天氣愈寒民寒 孝陵垣牆者悉

罷歸未畢之工令軍士畢之軍士就役者日給之鈔

工部侍郎趙穀奏鎮江府民言乞於本處鑿山開河以便

漕運約用九十八萬人數月可成乞遣人驗視 上以其

為百姓植禍不行

上曰汝為大臣顧不能料制其事而必欲遣人驗視也

皇明大政紀

卷六

四十一

數年以來民困為甚非有大不得已之事豈可輕役且

役九十八萬人即復如許用人供給之騷動數十州縣

為百姓植禍矣豈不殆哉

上諭翰林學士解縉等進所纂錄韻書賜名文獻大成

影宴于禮部

上覽所進書尚多未備遂命重修而勅太子少師姚廣

孝刑部侍郎劉季麓及縉總之命翰林學士王景侍讀

學士王達國子祭酒胡儼司經局洗馬楊溥儒士陳濟

為總裁翰林侍講郭緝修撰王褒梁潛吳溥李貴楊觀

曾榮編修朱縉檢討王洪蔣驥潘徽王傑蘇伯厚張伯

頴典稽梁用行庶吉士楊相左春坊左中允尹昌隆宗

人府經歷高得賜吏部郎中葉砥山東按察司命事

壁為副總裁命禮部簡中外官及四方風學老儒有

學者充纂修簡國子監及外郎縣能書生員有繕寫開

館於文淵閣命光祿寺給朝暮膳

辛酉設天津三衛于直沽建百萬倉以儲海運糧別以小

船轉北京

直隸和州吏目張良興言本州麻澧二湖之田約五萬頃

比歲水潦乞自本州至含山縣界增築圩埂三十餘里以

防水澇從之

鬼赤力馬哈木相讐殺遣人貢馬

十一月庚午宣府總兵官武安侯鄭亨等奏修築宣府萬

里明大政紀

卷六

四十二

全懷來諸處屯堡成

戊寅命錦衣衛執治私役應天府工匠中官仍召府尹向

責戒之

上曰數年軍旅之供給加以權豪橫肆百姓艱難京師

為甚既命汝牧民當體國家愛民之意正直不阿矜恤

保庇庶幾民可休息宦者官禁使令之人非有重權汝

何用畏之而輒聽其役民略不知懼公家凡役一夫必

先告朕宦者擅役之而不告何耶為京尹朝夕在朕左

右尚畏人如此若在遠外任小官職當何如畏之譬為

人典守實責擅收藏縱人私取必不免責罰矣汝擅以

朕百姓作人情可逆罪乎今姑宥爾若復蹈前非必誅

遂遣所私役匠工中官責之曰朕爲天子不敢輕役民汝何人敢擅役之百姓家僮僕亦敢不告其主肆意自爲乎命錦衣衛執而治之

巡按山西御史張翥言山西行都司所屬地方切近沙漠恐邊衛軍人犯徒流罪者止從法科斷仍留原衛戍守從之

甘肅總兵官宋晟奏急乏邊儲乞不爲常例無分官民令於甘肅衛倉中納淮浙鹽庶邊儲易充從之

丙戌上與侍臣論管屯官不務勸率軍士

上曰朕在藩邸時數因圍獵過田家見所食甚粗糲知其所苦每親勞問之無不感悅屯種軍士亦田家若管

皇明大政紀 卷六

四三

轄者能知其情時時勞問所苦誰敢不奮勳力又曰用人之道亦須先得其心然後可以圖功若養之於無事之時用之於恩感之後未有不得其力者

壬辰安南貢正旦使者至命禮部出陳天平示之

使者識其故王孫也皆錯愕下拜有感泣者而裴伯者亦責使者以大義皆惶惑不能對上聞之謂侍臣曰

安南胡金物云陳氏已絕彼爲其甥權理國事請襲王

封固疑之及下詢其陪臣父老皆曰然朕謂陳氏以

得國今全以甥繼之於理亦可乃下詔封之孰知其

試上哀泣辭歸政元暴虐國人怨奪都境此天地鬼神

所不容也而其臣民共爲欺蔽是一國皆罪人也如何

可容

曹國公李景隆有罪下獄命革爵復其家

周王發其建文時至邸即訊受賂五府六部都察院又

劾景隆與弟增枝匿亡命上初因言其不法事有景

隆歿惟沒其田庄令杜門省愆至是下獄勅禁錮之

甲午賜六部尚書侍郎金織文綺衣各一襲特賜直內閣

學士等官解縉黃淮胡廣楊榮楊士奇金幼孜與尚書同

解縉等入謝上曰朕於卿等非偏厚代言之司機密

所寓况卿六人旦夕在朕左右勤勞助益不在尚書下

故於賜賚必求稱其事功何拘品級又曰朕皇考初

制翰林長官品級與尚書同卿等但盡心職任孔子曰

皇明大政紀 卷六

四三

若使臣以禮臣事君以忠君臣各盡其道耳縉等稽首而退

贈徐增輝爲定國公子孫世襲

分文直地建置都司衛所

時海女直野人頭目來朝設建州毛憐必里兀者赤不

罕等衛封其頭目爲都督都指揮千百戶鎮撫等官賜

印及誥仍舊俗各統其屬以時朝貢自後東瀛海北至

奴兒干北海皆來歸附自開原迤北用其部族建置奴

兒于都司一爲衛者三百八十四爲千戶所者二十四

爲站爲地而者各七

令各處衛所屯田若官員軍除家人自願耕種不拘項畝

有司毋得起科

乙酉永樂三年正月戊戌朔

庚子諭天下牧守之官以愛民爲本

諭曰朕即位以來仰遵成憲惟欲民安物阜風淳俗美

刑措不用夙夜兢兢不敢怠寧尚慮天下黎民之衆有

未寧厥居者爾等皆牧守之官必思所以愛養之毋殫

其財毋疲其力毋爲貪墨毋肆暴虐教之務善以遠刑

辟導之務本而棄末習如民皆安居足食斯德行興刑

罰措而天下治爾亦將有無窮之用欽哉

乙巳上以寧夏總兵官何福勳子用心種穀最多又請

定屯田賞罰爲經久之計降勅諭發之

皇明太祖紀 卷六

鞬靶掃胡兒等來歸言鬼力赤聞兀良哈密內屬遂相

猜防數遣人南來窺伺上勅邊將遍備之

壬子諭天下文武臣撫綏士卒督勸屯田完城堡修器械

勤訓練謹斥候慎哨備不可廢弛

命學士解縉等選新進士中才質英敏者俾就文淵閣進

學

縉等選修撰曹榮編修周述孟簡庶吉士楊相劉子欽

彭汝器王英王直余鼎章敬王訓柴廣敬王道熊直陳

敬宗沈升洪順章朴余學舉羅汝敬盧翰湯流李時勉

段民倪維哲表添祿吳紳楊勉一十八人入見上諭

勉之時庶吉士周忱自陳年少願進學上喜曰有志

之士也增忱爲二十九人

黃河清于蒲津儒臣撰頌以進

諭吏部雲南道路遙遠其布政司按察司并所屬府州縣

俱免明年應朝餘如舊制

甲寅遣御史李奇行人王樞齋勅往問安南國胡奎俾具

募奪陳氏之故以聞

詔建孝陵碑伐石龍潭山得石龜長尺許其文玄蒼儒

臣楊榮楊士奇等撰詩賦以進

丙辰國子祭酒胡儼請申明洪武中所定學規從之

上曰此其條約耳爲師範者當務正己以先之講學漸

摩以養其心淑其身此爲切要法勉之

皇明太政紀 卷六

庚申諭戶部免順天永平保定田租二年

上曰凡嘗同勞苦者後來安逸亦當同之嘗見前世人

主一旦富貴頗忘向來所共艱難之人朕甚不取昧已

心以失人心爲庶人且不可況人主乎

己丑湖廣都指揮謝鳳等奏蒼意等五寨生苗蒙朝廷

給榜招諭刻箭爲誓不復叛亂上命掌前軍都督府隆

平侯張信等以刻箭付湖廣都司藏之仍戒飭有司務盡

懷綏之道

二月己巳北京刑部尚書維僉以罪誅

陳瑛等劾奏僉居官貪婪暴虐擅作威福十數事又縱

其妻於所部郡縣管辱守令逼索財物且日乘轎于市

中。強買貨物。市人畏之。不啻豺虎。與其妻同惡如此。罪其可容。上遣人覆按得實。皆處以死。

壬申。雲南寧遠州土官同知刁吉。率奏安南攻奪其地。慢塞。擄掠其婿女。人畜。命禮部遣使諭安南。胡奎具以實對。

辛巳。遣兵部尚書徐子良等。諭柳州府武宣洛容二縣民黃田等。及桂林府荔浦縣民廖均用等。各復農業。未為良民。若怙終不悛。調軍蕩除。

廣西總兵官韓觀。奏桂平縣蠻民為亂。請發兵剿捕。上命遣人撫諭復業。如其不服。發兵未晚。

直隸和州秦州民。嘗貸官稻三千四百七十餘石。今被水。皇明大政紀 卷六 四十六

未償。乞候來歲秋成。從之。

改工部尚書黃福為北京刑部尚書。陞侍郎宋禮代之。

都御史陳瑛劾福不恤工匠。故改之。于是武臣言建文舊臣且有過不宜復仕。上引唐太宗用王魏尉遲敬

德諭之。

巡按福建御史洪湛上言。福建自漢以來。始通中國。民不知學。至唐常袞為觀察使。始興學校。人文日起。宜立廟以祀從之。

吏部尚書蹇義等。今趙王留守北京。當別建國社國稷山川等壇。致祭如禮部所議。從之。

己丑。四川布政司奏諸番以馬易茶者。例禁夾帶私茶。及

布帛青絲等物出關。今番商往往以馬易茶。及以他物易布帛。有司遵禁例。又慮杜絕遠人。詔聽之。

工部尚書宋禮言。山東衛所屯田缺牛耕種。請於太僕寺發給。從之。

賜國子監雲南天全六番招討司等處官民生高虎等五十人夏衣。

戶部言河南懷慶等府比歲蝗。請以欽代輸租稅。從之。

庚寅。勅甘肅總兵官宋晟。回例兀言撒馬兒罕。回率兵向東。宜預為之備。

三月己亥。安克帖木兒卒。以其兄子脫脫嗣。封忠順王。

癸酉。諭兵部。天氣向熱。虜人畏夏。遣人往遼東。令保定侯孟喜就廣寧。開原。擇水草便處。與福餘衛部落立市。俟馬至。官給其值。即遣歸。

丙午。勅鎮守大同江陰侯吳高。自虜中還者。言比虜將寇西京。宜嚴守備。

淮安邳州奏民飢甚。計口數。請得九千石賑濟。命戶部倍其數給之。

庚戌。大理寺等衙門會奏議文職官及中外旗校軍民人等。凡犯重條。依律科斷。其犯輕條。免決。記罪。其有不應侵損於人等項。及情犯重者。臨時奏請。從之。

甲寅。命戶部會議屯田歲收不能如數者。照紅牌考較例減輕。尚書郁新議減十之四五。從之。

遼東都司奏元良哈等處以馬至遼東互市。命兵部定其值。

上上等馬每馬絹八疋布十二疋。上等馬每馬絹四疋布六疋。中等馬每馬絹三疋布五疋。下等馬每馬絹二疋布四疋。駒絹一疋布三疋。

丙申。工部尚書宋禮奏陝西蘭州慶陽鳳翔諸衛新撥屯軍缺耕牛。請以百人共牛四十隻。官買散給。從之。命著為令。

四月。戊辰。諭侍臣自今事之叢脞者。悉記之以備顧問。所行未有合理者。亦常直諫。

上曰。為政之道。莫先于廣言路。蓋天下之大。吏治得失。皇明大政紀 卷六

生民休息。人不言。朝廷何由悉知。又曰。早來在宮中。偶忘一事。問左右皆不能記憶。蓋沉思久而後得之。朕以一人之智。處萬幾之煩。豈能一一記憶不忘。一一處置不誤。汝等慎勿有所顧避。

丙戌。召西安府儒士馬巨江至京。以年老授翰林五經博士致仕。

命禮部自今令婦大朝正三品以上。餘悉免之。著為令。

西長把都帖木兒倫都兒灰。因甘肅總兵官宋晟遣人諭以朝廷威德。率部落五馬駝萬六千來歸附。

五月。癸卯。左都御史陳瑛劾奏駙馬都尉胡觀強取民間子女。及娶娼婦為妾。諸不法事。宜正其罪。詔罷其朝請。

庚戌。鞫頭目察罕達魯花遣人歸附。貢馬。

丙辰。上以代寧泰管束興平陽諸王所為過失日多。賜書訓戒之。

詔修漢林陵尉蔣子文廟。

六月。壬午。命免高郵州民次子斬罪。諡成。追其父免贖。

州民父年老。其子長不聽教命。欲擊之。而力不能制。夜以次子往助。長子竟斃於父。刑部論次子准弟歐兄。殊罪。律父准子孫違犯教令。父母非理毆殺。律有大誅。減等杖九十。老年收贖。具奏。上曰。法原于情。其議未當。

命吏部尚書蹇義等再議。義等議奏曰。次子從父命助。執兄。初非有殺兄之意。其罪但不能乞免兄之於於父。皇明大政紀 卷六

耳。上命宥之。

甲申。命戶部尚書夏原吉都察院僉都御史俞士吉通政司左通政趙居任大理寺少卿。哀復賑濟蘇松嘉湖飢民。上曰。四郡之民。頻年厄於水患。今舊穀已罄。新苗未成。老穉嗷嗷。飢餓無告。朕與卿等能獨飽乎。其徃督郡縣。發倉廩賑之。所至善加綏撫。一切民間利害。有當建革者。速以聞。

者速以聞。

丁亥。大理寺卿呂震言近例文官犯杖罪者。記罪還職。停俸三月。蓋欲使之改過。自新。請今有再犯者。論如律。上命再犯仍宥之。三犯如律。

辛卯。諭戶部比蘇湖被水。民飢求食他郡。令所在官司善

加撫綏毋驅逐之候水退令復業無糧食種子並官給之
湖廣都司奏楚府付鐵牌一面遇差人出門驗此開門
上諭王府自出牌非禮即停革之

安南胡奎遣使臣阮景真等隨御史李琦等入朝上表謝
罪請陳天平歸國

七月丙申賜書諭趙王高燧今邊報西北屢有火速差官
軍覘虜情降者招之若入寇其相機襲之

戊戌陝西興平鳳翔二縣進瑞麥三十本禮部尚書李至
剛等率羣臣上表賀上以諛佞責之

上曰瑞麥固是嘉應但四方遠邇靡一物不得其所斯
可為太平今中外果無匹夫匹婦之怨愁於下者乎覽

皇明大政紀 六卷

五十

表祇慚愧耳君臣貴相與以誠諛佞非治世之風也至
剛等愧謝

壬寅戶部奏官民雜犯外罪舊令於北京納米贖罪各議
量增其米聽於京倉輸納為便從之

雜犯外罪納米百一十石流罪三等八十石加役者九
十石徒罪三年者六十石二年半者五十石二年並還

徙者四十五石一年半三十五石一年三十石杖罪九
十一百俱二十五石六十至八十二十石皆罪十石

甲辰遣行人蔣聰齎勅諭安南胡奎果誠心盡革前非迎
還天平以君事之當建爾上封以大郡傳之子孫永世無

窮

已酉賜把都帖木兒姓吳名允誠陞右軍都督府僉事倫
都兒灰姓柴名秉誠陞後軍都督僉事并其部屬都指揮
指揮 戶等官居涼州賜資甚厚仍命總兵官宋晟給
與牛等犒牧有差

上令晟知意撫綏候允誠等居處既定選其中壯勇或
二百三百五百參以官軍三倍於塞外偵邏非但耀武
亦以招徠未附者

巡按廣東御史汪俊民奏瓊州有黎母等山皆生熟黎民
所居今遣使招諭未易信從訪得倫縣熟黎峒首王賢祐
常奉命招諭黎民信從請追還使命仍召賢祐至京量授
以官俾招徠未服黎民從之

皇明大政紀 六卷

五十一

壬子車里宣慰使刁遣答遣頭目請舉兵討八百甸宣慰
使刁招散 上諭已遣使令改過遷善如再執迷不悛即
命兵征之

八月己巳諭禮部申明國子監洪武舊規俾師教無闕士
學有成庶幾國家得賢才之用

禮部尚書李至剛有罪下獄降為儀制司郎中

九月關陝奏獻嘉禾數穗同一莖翰林儒臣撰詩以進
上以太祖高皇帝御製嘉禾詩石本分賜諸王及京師三

品以上翰林近侍國子祭酒司業

洪武二十八年九月庚戌北平禾有異莖同穗之祥

上為燕王時進上太祖親御翰墨為詩一章以賜上佩誦追惟乃用摹勒于石拓本成軸至是復有嘉禾之瑞頒賜之

命福建浙江廣東市舶提舉司各置驛以館海外諸番朝貢之使

福建曰來遠浙江曰安遠廣東曰懷遠各置驛丞一員改刑部尚書鄭賜于禮部陸真定知府呂震代調吏部左侍郎陳洽為大理寺卿

辛丑賜周王橐書以擅調官軍及用箭鏃燒烙無罪之人浸駕有司虐害百姓戒飭之

乙巳賜齊王橐書以所為不法戒飭之

皇明大政紀

六卷

卷二

丁巳徙山西太原平陽澤潞遼沁汾萬戶實北京

加封信安伯張輔為新城侯

十月禮部進冕服鹵簿儀仗并洪武禮制禮儀定式禮制集要稽古定制等書

上以祖宗成憲不可改更即命頒之有司永為儀式

益殺駙馬都尉梅殷

殷入朝警家都督譚深指揮趙曦令人擠殷於魚橋下曦又誣殷自投水死都督許成發其事上怒罪深曦

二人對曰此上命也奈何殺臣上大怒立命武士

持金瓜落二人齒斬之謚殷榮定

一月庚子遣重臣諭趙

尚燧凡遇警急但令嚴固守備

勿輕出兵

封井肅總兵宋晟為西寧侯子孫世襲

忠誠伯兵部尚書茹瑄不送趙王下獄除名為民

序班楊善奏庶吉士章朴收藏方孝孺文集逮朴戮于市復善官

十二月丁丑安南胡奎復遣阮景真等隨行人聶聰等來貢迎陳天平許之

勅廣西總兵韓觀左右將軍黃中呂毅率兵五千送陳天平歸國令安南胡奎遣使來迎

令兵部榜諭邊北官民示以朝廷柔遠之意今後西番馬至必以好茶若復以謬欺之令巡按御史以聞

皇明大政紀

六卷

卷三

丙戌末樂四年正月壬辰朔

考察北京及天下文武官

南陽皇君山寇發命豐城侯李彬新城侯張輔討之

上曰此雖小醜不治將大元末汝穎初亂才數千人順

帝恬不加意遂至大亂此今日殷鑒也夫治患於初萌

則為力易及其盛而治之則費力多而所傷不少矣遂

命李彬張輔率兵捕之

戊戌陳天平陛辭命陝西叅政王麟護送之勅封胡奎

為順化郡公

遣使齎書褒諭日本國王源道義

先是對馬臺岐等島海寇劫掠居民勅道義捕之道

義出師獲渠魁以獻而盡殲其黨類上嘉其勤誠
有是命仍賜道義白金千兩織錦綵段二百疋綺繡衣
六十件綺繡幃褥枕席銀盤器皿諸物又封其國之山
曰壽安鎮國之山立碑其地

鞋鞞頭目滿束兒仄等率衆來朝授以官仍賜各姓名俾
居涼州莊浪寧夏三衛

以滿束兒仄爲都指揮同知賜姓名柴志誠何兒刺台
爲都指揮僉事賜姓名楊汝誠餘各授以指揮千百戶
等職並賜冠帶詰勅及衣服鈔幣有差

諭六部尚書及近侍自今凡有事當商略者皆於晚朝來
庶得盡委曲

皇明大政紀

六卷

五十四

上曰早朝四方所奏事多君臣之間不得盡所長午後
事簡卿等有所欲言可從容陳論朕有所言者亦欲及
此時與卿商確

二月趙王高燾居守北京

令侍讀學士王達洗馬楊溥主考禮闈

撤棘取朱縉等二百二十二人

三月辛卯車駕視太學謁先師孔子

禮部尚書鄭賜言宋制謁孔子服靴袍再拜上曰見

先師禮不可簡必服皮弁行四拜禮退御養倫堂祭酒

胡儼等講經畢賜宴及襲衣

遣使齎書諭鬼力赤可汗

丙午廷策會試中式舉人賜林環陳全劉素進士及第賜
朱縉等六十五名進士出身賜蕭福等一百五十一名同
進士出身

足科王驥任兵部尚書以功封靖遠伯世襲
廷試下第舉人得文學優等周翰等二十一人各賜冠帶
送國子監進學

安南胡奎弒其故王陳天平于芹站

黃中等以兵五千護送陳天平至丘溫胡奎遣陪臣黃
晦卿等以康餼迎候及牛酒犒師晦卿及諸從者見天
平皆拜舞踴躍中問胡奎不至何也晦卿曰屬有微疾
中遣晦卿還促奎且遣騎覓之往來皆無所見而迎者

皇明大政紀

六卷

五十五

壺漿相續於道中以爲實遂徑進度隘留雞陵二關將
至芹站山道險峻林木叢密軍行不得成列且遇雨潦
忽伏發大呼鼓譟動山谷遂殺天平中等亟整兵擊之
冠已斬絕橋道不得前中等引兵還時大埋卿薛昂譚
在廣西中舉以輔行天平被劫昂在其中亦自經

四月副將黃中等奏安南胡奎劫殺陳天平事上決意
興師

上大怒謂成國公朱能等曰叢爾小醜罪惡滔天猶敢
潛伏奸謀肆毒如此朕推誠容納乃爲所欺此而不誅
兵則何用能等皆曰逆賊罪大天地不容

命禮部遣使購求遺書

上視朝之暇，輒御便殿閱書史，或召翰林儒臣講論，問文淵閣經史子集皆備否。解縉對曰：經史粗備，子集多闕。上曰：士人家稍有餘資，皆欲積書，況于朝廷有闕乎？遂命禮部令擇通知典籍者，遣使四出購求。勅鎮守雲南西平侯沐晟與師伐安南，預調軍糧，賜白金五百兩。

勅曰：比遣都督黃中等送安南國王孫陳天平還國，中等輕視，以率意而進，以至辱國。今與師南伐，勅四川等都司選卒五千，并勅蜀王于成都三護衛選卒五千，聽爾等調遣大軍，合用糧儲，須預為會計，規畫輸運，不致後期。

皇明大政紀

六卷

五十六

五月，遣忽都帖木兒答剌罕勅諭鬼力赤部下阿魯古，既知天命所在，當趨吉避凶，仍賜織金文綺三端。

命大理寺陳洽赴廣西議計軍事。

以副將黃中呂毅前送陳天平失律，徵赴京。

廢齊王傅為庶人，處之京師。

傅結無賴養游客，私詣帝前，及呪咀魔鎮等事，屢有告者，察之皆驗。上賜書諭令改行，於是傅請入朝面謝。既至，廷臣交章劾奏，傅罪不當宥。傅厲聲曰：奸臣又欲噪噪動建文時事耶？會當盡刪此輩。上聞之不懌，曰：此其心可知已。命罷其隨侍護衛及長史等官，廢之。

六月己未朔日食。

是日陰雲不見，禮部尚書鄭賜等言：此聖德所感召，請率百官表賀，不許。

間結牙思進王碗不受。命禮部賜鈔遣歸。

上曰：朕朝夕所用中國磁器潔素瑩然，甚適于心，不必此也。況此物今府庫中亦有之，但意自不用，又曰虜賁而詭今受之，必應厚賚之，將有奇異於此者，繼踵而至矣，何益國事哉。

雲南西南夷大古刺小古刺等部落皆來朝貢。詔置宣慰使二長官司，以統之。

七月癸卯，命成國公未能為征夷大將軍，西平侯沐晟新城侯張輔為左右副將軍，兵部尚書劉儁參贊軍務。刑

皇明大政紀

六卷

五十七

部尚書黃福大理寺卿陳洽督理軍餉，率師分道征安南。黎賊上親送之龍江，遣使祭告嶽鎮海濱之神。

以朱濬為刑部尚書。

上燕閒與侍臣論人之壽夭。

上曰：壽夭在天，人貴勉其在己者。人壽百歲，人多有之，然皆身沒無聞，類子三十二，令名無窮，人苟有德可傳，何必百歲之壽。

閏七月文武羣臣洪國公丘福請建北京宮殿，備巡幸。命工部尚書宋禮往四川，兵部右侍郎古朴往江西，吏部刑部右侍郎師達金純往湖廣，右副都御史劉觀往浙江，命都御史史仲誠往山西提督採木。

命泰寧侯陳珪北京刑部侍郎張思恭督造磚瓦。

命平江伯陳瑄兼督江淮河衛轉運。

召北京儒士武周文至。命為翰林侍讀學士。以其老賜勅致仕。

上語胡廣等曰。朕守藩時。王府官亦有二三人知易者。然皆不若周文切實。但所言亦有拘滯處。易道在變通。不失其正。古人隨時從道之說。最得要領。唯在虛心以玩之耳。又曰。為學不可不知易。只內君子外小人一語。人君用之。功效不小。

八月。勅甘肅寧夏山西守將宋晟何福吳高等相釋秦晉近邊可畜馬牧地。計議以聞。

皇明大政紀

六卷

五八

九月。設陝西甘肅二苑馬寺。

十月。丙午。征夷大將軍朱能卒於龍州。計聞。命副將軍張輔代之。

師至廣西。一日。上顧侍臣曰。朕察天象。西師有憂。未能其不免乎。能足完斯事。第慮氣候非其所習耳。計聞。

上震悼。輟視朝五日。愆還。上親為文祭之。極其悲愴。進封東平郡王。謚武烈。

征夷大將軍張輔等度被壘。副將沐晟率兵由蒙自經野蒲斬木通道。攻奪猛烈。棚華關隘賊徒悉遁。遂築堡駐兵。造舟。

平江伯陳瑄擊倭於沙門。敗之。

十一月。己巳。甘露降。孝陵松柏醴泉出。神樂觀羣臣上表賀。聖孝瑞應。上以因祥思懼。不宜怠忽。申飭之。

上於十一月庚申。修舉金壽齋法於朝天宮。神樂觀洞神宮追薦。皇考。皇妣。甲子慶雲見。朝天宮。乙丑。甘露降於宮樹。丙寅。慶雲復見。既訖。事二日。復有此祥。侍臣楊士奇等俱有詩頌。

命中使取甘露醴泉獻宗廟。分賜廷臣。

左都御史陳瑛劾戶部人才高文雅言時政狂妄。請寘之法。詔宥之。

文雅首舉建文事次及救荒卹民言辭率直無所忌諱。上命禮部會官議行之。陳瑛等劾奏其言狂妄。請寘之。

皇明大政紀

六卷

五九

法。上曰。草野之人。不知忌諱。其中言有可採。勿以直而廢之。

西域亦力把力國入貢。

即古龜茲國也。

十二月。大赦天下。

辛亥。陝寧王允熙暴卒。謚哀簡。

是夜邸第不成于火。竟成疾而薨。時年十六。

征夷諸將張輔沐晟柳琮等合兵攻黎賊於多邦城。破之。

丁亥。永樂五年。正月。丙辰朔。

上御奉天殿。受朝賀。大宴文武羣臣。及四夷朝使。

公侯伯及文武三品以上命婦朝 皇后賜宴于坤寧宮
征夷諸將張輔沐晟等率兵討黎賊自注江濟軍襲擊江
棚繼焉其東西二都及因枚山萬初江普賴山等寇盡破
之

斬首三萬七千三百七十級獲偽國副丁部曲殺之餘
黨潰散

黎賊胡杜聚船於盤灘江大將張輔因南策州土人隊正
陳封來降使擊杜敗之仍使封招撫諒江東湖等人民皆
使安集

計 時郡邑聞風相繼降士民上書論黎賊過惡者日以百

皇明大政紀

六卷

六十

壬戌命平江伯陳瑄總督海運糧儲

已巳征夷將軍張輔副將沐晟等敗黎賊於木九江

先是輔得牒報賊船往來富良江距交州下流二十餘

里又言季季及其子澄等聚船于黃江等處遂領軍次

木九江晟及參將豐城侯李彬率步騎戰船由富良江

進次魯江黎賊以船五百餘艘犯我軍輔等水陸並進

都督柳升等奮擊賊舟膠淺遂大敗獲賊船百餘艘殺

賊將阮子仁阮嘉阮劣斬首萬餘級生擒賊將世岡

彤文傑馮文寶莫鉄范鞋阮利等百餘人皆斬之溺死

者不可勝計時南策州人莫遂等素憤黎賊率土兵萬

餘人從征屢効勞績焉

辛未直隸及浙江諸郡軍民子弟私披剃為僧赴京冒請
度牒者千八百餘人禮部以聞上怒命兵部編軍籍發
戍遼東甘肅

已亥雲南鎮南州奏洪武中有命建學時以民力未敷暫
聚徒訓于城隍廟因循已久今請別建學舍從之

已卯賜陝西都指揮僉事朵爾只姓名曰馬惟良寧夏都
指揮僉事鉄柱姓名曰柴克恭各賜誥命

二月丙戌朔征夷諸將張輔等道南策州人莫遂等宣
上德意令諸郡官還原職兵還原伍民還原業訪求陳氏

嫡而賢者一人送京師請立復其王業

已丑勅鎮守遼東保定侯孟喜錄遼東女直野人來朝
皇明大政紀

及互市者悉從其便但禁戕士卒勿擾之

黔翰林學士解縉為廣西右叅議改左中允尹昌隆為禮
部主事

初縉與丘福易儲之議頗泄于外漢庶人怨縉等言於
上曰藩邸舊臣無洩者惟解縉泄之上怒出縉廣西

尋改交趾昌隆亦改禮部

戊戌朵顏衛頭目把禿率妻子來朝自陳其母久居北京
乞往省視命禮部賜襲衣路費令就居北京侍母如欲

俱還朵顏者聽

三月丁巳封尚師哈立麻為大寶法王領天下釋教其徒
李隆通尾系兒加等為大國師

庚申都察院劾駙馬都尉胡觀黨比李景隆。怨望朝廷。蓄異志。當誅。命下獄。

甲子督木工部尚書宋禮奏有大木數株。不藉人力。一夕出大谷。達于江。蓋川之靈相之。賜其山名神木山。遣禮部郎中王羽致祭。建祠立碑。命侍讀胡廣製碑文。

征夷諸將張輔等奏遣招諭人莫遂等同北江等府安越等縣耆老尹沛等一千一百二十人。詣軍門。上言陳氏無遺類。願復古郡縣。永霑聖化。

庚午哈密忠順王脫脫遣人貢馬。遣使戒諭。孝親忠朝廷。善撫下人。毋令失所。以綺帛賜之。

壬申守衛官有於皇城下口誦經不輟者。召至戒諭之。皇明大政記 卷六

上曰汝爵祿自誦經得之耶。身備宿衛。不於此時用心防奸。乃一志誦經可乎。若意欲修善。當存心忠孝。不越分違法。自然有福。無是數者而望有福無禍得乎。若間暇之際。口欲誦念。則太祖高皇帝御製武臣大誥等書。其中皆趨吉避凶保富貴之道。汝取讀誦。亦於身家有益矣。今後若仍於宿衛之所誦經。必罪不宥。

癸酉設四夷館。命禮部選國子生蔣禮等三十八人隸翰林院習譯書。

八月給米一石。遇開科令就試。仍譯所作文字合格。准出身。置館于長安右門之外處之。分爲八館。曰韃靼。曰女直。曰西番。曰西天。曰回回。曰百夷。曰高昌。曰緬甸。

禮部右侍郎戚存心有罪誅。

存心先生。坐漏洩機密。上姑容之。至是暮夜。上御右順門。急召禮部官。召命及廷。存心滅燭。趨避暗室中。上久待不至。召者還奏。廉問得實。遂誅之。

丙子吏部言詹事府六品以上正佐官。三年考滿。宜如太常寺等衙門堂上官例。不考。候九年奏請黜陟。從之。

辛巳改上林署爲上苑監。左右監正各一員。正五品。左右監副各一員。正六品。左右監丞各一員。正七品。

征夷諸將張輔沐昂等敗賊於富良江。

初輔等追賊至膠水縣閭海口。賊敗而走。其地不

皇明大政記 卷六

可駐兵。遂議還師。誘賊至鹹子關築堡。令都督柳升守之。至是升報賊入富良江。輔遂往擊。賊舟縣巨十餘里。陸路又以精勁數萬來戰。官軍兩岸夾攻之。賊以海艘橫截江中。而用划船載木立柵。以拒官軍。輔乘柵未備。躬督將士力戰。賊不能支。升等繼以舟師橫擊之。賊大敗。生擒偽工部尚書阮希周。斬其偽羽衛將軍胡射等。及將卒數萬。江水爲赤。衆勝長驅至黃江。直抵閩海口。獲賊舟無算。聚賊父子僅以數小舟脫身遁去。偽吏部尚書范見覽大理寺卿阮飛卿千牛衛將陳日昭華碩將軍黎威等。皆詣輔降。

癸未賜文武百官西洋及高麗布有差。特命直內閣侍讀

黃淮胡廣侍讀楊榮楊士奇金幼孜賜同尚書。

四月辛卯。皇太子出閣就學。羣臣稱賀。召太子少師姚廣孝等以盡心開導諭之。

諭曰。人於學問。當以先入之言為主。朕長孫天資明睿。爾等宜盡心開導。凡經詞所載孝弟仁義與夫帝王大訓。可以經綸天下者。日與講說。浸漬之久。涵養之深。則德性純而器識廣。他日所資甚大。不必如儒生繹章句。工文詞爲能也。

甲午。勅寧夏總兵何福。爾掌邊境。宜一切謹密。比內使林清以他事至邊。極索兵馬之數。而還與之。鮮不泄漏。屢實自今。慎之慎之。凡內官內使往來。無勅旨。皆勿聽信。

命吏部增置各處按察司僉事。專督屯糧。

陝西僉事王士嘉奏軍衛屯糧。往往差委屬官。所至欺公作弊。乞勅該部徵收之時。差監生一名查盤。上以遣監生非便。命浙江江西廣西廣東湖廣河南雲南四川增僉事一員。陝西福建山東山西增僉事二員。

庚子。上與侍臣論政。盡羣情。

上曰。朕與卿等論政事。每不覺坐久。或謂朕曰。語多傷氣。非調養之道。當務簡爲貴。朕語之曰。人君用貴簡默。但天下之大。民之休戚。事之利害。必廣詢博訪。然後得之。非好多言也。侍臣對曰。舜無爲而治。然亦好問好察。通言。豈舜不貴簡默哉。上曰。不如是。不足以盡羣情。

癸卯。征夷諸將張輔等奏安南耆老尹沛等願復立郡縣。設官治理。命侯擒黎賊父子而後處置。

五月辛酉。命諭德楊榮如甘肅規畫邊防。

甲子。征安南諸將張輔等獲賊首黎季犛及其子登。

先是張輔追賊至典史海門。涇鵲凌久晴水涸。賊棄舟遁。及官軍至。大雨水漲數尺。舟畢渡。衆大喜曰。天贊王師。及輔率步騎至茶龍。舟師亦至。偽四夷大尹阮謹等來降。言黎賊走入安南。遂調都督僉事柳升率舟師前進。輔及左副將軍西平侯沐晟等循舉厥江。進至日南。州奇羅海口。升殺賊得船三百餘艘。餘賊遁。輔等乘勝追之。升復引兵奇羅海口。水平。賊等王柴胡等七人與賊遇。賊困敗。黨與皆散走。柴胡等生擒賊首黎季犛。李保保十人。擒其子澄于海口山中。

乙丑。安南土民武卿如等於未盤海口高望山。獲僞大虞國王黎蒼。僞太子黎丙及黎賊子孫弟姪。僞梁國王黎啟等并賊將僞柱國東山川鄉侯胡杜等。安南悉平。

丁卯。北京刑部奏西湖景至通流七閘河道淤塞。請以民丁疏浚。并自昌平至沛村一百里。增至十二閘。命以運糧軍士浚河道。其置閘候更議。

癸酉。上與侍臣論近俗崇佛簡先之弊。

上謂侍臣曰。聞近俗之弊。嚴於事佛而簡于其先。果有之乎。對曰。間有之。上歎曰。此蓋教化不明之過。朕

於奉先殿旦夕祇謁未嘗敢慢或有微恙亦力疾行禮世人於佛老竭力崇奉而於奉先之禮簡略者蓋溺於禍福之說而昧其本也率而正之正當自朕始耳戊寅工部言北京文明河至通州五閘請設船置閘戶水脚夫從之

每閘設二十艘於龍江造用閘戶十一戶水脚夫四百六十人於湖廣江西河南點充

辛巳巡視浙江都察院右僉都御史李士吉還京上聖孝瑞應頌命擲還之

上曰爾以大臣出視民瘼既歸其民情如何年穀如何水患如何未聞有一語汲汲進諫詞都御史行事固如此乎

皇明大政紀 卷六

壬午平安南捷奏至羣臣入賀復請開設三司及郡縣命降詔行之

六月癸未朔以安南平詔天下

立交趾都布按三司以都督僉事呂毅掌都司事工部尚書黃福兼掌布政司按察司事

以前工部侍郎張顯宗福建布政司左叅政王平為左右布政使前河南布政司左叅政劉本右叅政劉昱為左右叅政前按察司周觀政安南歸附人裴伯耆為左右叅議前河南按察司副使某前太平府知府劉有年為按察司僉事別選辦事官發去於府州縣官內任用

仍具聞不足者吏部銓注

定交趾十七府并所隸州縣

交趾北江涼江三江大原宣化建平新安建昌奉化清化鎮蠻諒山新平演州又安順化升華總一十七府隸四十一州二百零八縣軍民衙門四百七十二戶三十一十二萬

改大理寺陳洽為吏部左侍郎以吏部勘合二千道付給與總兵張輔等計議量才授職給與勘合

來朝之日憑此稽考其先已授於事無碍者補之

癸巳勅甘肅總兵宋晟鬼力赤等為違憲當伺隙驅除之

乙未勅交趾總兵新城侯張輔等班師預報廣西都督驍

皇明大政紀 卷六

觀寇期合兵剿除柳澤等處叛寇

庚子諭都察院差御史二員徑往山西將內使李進一千為非之事鞫問明白械送京師必寬重法若都司布政司有干涉者併治雖關皇親亦不恕

諭曰自昔開臣弄權假朝廷號令擅調軍馬私役人民以逞威福生事造孽傾覆宗社者多矣我太祖皇帝

鑒前代之失立紀綱明號令調發軍馬必以御寶文書

朕即位以來亦遵舊制愛恤軍民首詔天下一軍一民

不許擅差復命所司嚴切禁約去年曾命內使李進往

山西採天花此一時之過後甚悔之更不令採近聞李

進詐傳詔旨偽作勘合於彼召集軍民復以採天花為

名假公營私大為軍民之害。乃今炎暑之月。亦不敢遣計李進所為。與昔之弄權者何異。若後來做倣益多。朝廷威福之柄下移。嗣君何以統治天下。今進所為。所在軍民官都不奏來。此與胡藍齊黃欲壞國家者何異。

癸卯。勅交趾總兵張輔等。兵部尚書劉儁。徵用交趾人才。勅曰。交趾有懷才抱德山林隱逸。明經能文。博學有才。賢良方正。孝弟力田。聰明正直。廉能幹濟。練達吏事。精通書算。明習兵法。武藝智謀。客貌魁偉。言語利便。膂力勇敢。陰陽術數。醫學。方脈之人。悉心訪求。禮送赴京。用兵科給事中傅安郭驥等。自撤馬兒罕。還改禮科給事中。賜文綺襲衣。

皇明大政紀

安等白洪武二十八年使西域留撤馬兒罕者十有三

年。至是其頭目合里間。

上即位。乃遣使臣虎反達等

送安還。并貢方物。安等言元帖木兒駙馬已卒。哈里嗣

之。乃帖木兒之孫。遂命指揮白阿兒忻召等往祭帖木

兒。而賜哈里爾書銀幣。并賜其部屬有差。

七月。癸丑。西寧侯宋晟卒。命有司治喪葬。

辰鎮。西涼州人。嘗遣將張文傑出王門關。襲鞏。鞏也速

兒。擄衆二萬餘。獲長酋吳把都等。獻俘京師。又征哈密

克之。擄其王子別列怯及僞國公省哈桑兒只。并部落

以歸。繼破罕東。羗西境以寧。後命討廣西五開蠻。平之

威聲益震。上即位。仍命鎮甘肅。招降西北虜酋把都

帖木兒倫都灰等五千餘人。封西寧侯。

甲寅。諭德楊榮還自甘肅。具山川形勢。軍民休戚。城堡虛實。以聞。遣中使以羊酒賜之。

乙卯。皇后徐氏崩。

后中山王達之女。博通載籍。每覽古人言行之懿。即思

曰。古人書之冊。固欲後來者倣而行之。洪武九年正月

冊為。燕王妃恭勤婦道。高皇后深所愛重。及高

皇后崩。哀毀動左右。執喪三年。蔬食如禮。上靖難。世

子守國事。多稟命。文皇既正大統。后正位中宮。愈

益祗勤。數言南北戰鬪。累年。軍民俱敝。宜與休息。又言

帝克施仁。自親農。始又言人才難得。昔湯武之佐伊尹

皇明大政紀

太公皆先代之人。况今日賢才。皆太祖皇帝所成。聖

陛下不以新舊為問。上悉嘉納。初冊立。皇太子。封

漢趙二王。后曰。太子國家之本。諸王藩屏所資。願擇老

成端正之士。輔養德器。上曰。此朕所注意也。又語后

曰。皇考之制。東宮官屬。率以廷臣兼之。任使一則疑

隙不生。今凡官臣之重者。悉擇廷臣賢者兼之。后曰。此

先朝鑒戒。往古之失。誠良法也。雖萬世當守而行之。嘗

問曰。陛下日與共圖政理者誰何。上曰。六卿治政務。

翰林職論思。典詞命。皆朝夕在左右者也。嘗請於上

許命婦入見。悉賜其命婦冠服。紗帶。且諭之曰。妻之事

夫其道。豈止于衣服饋食。必有德行之助焉。古之公侯

夫人及大夫士之妻助成其夫之德化有形於詩歌有載諸史傳者矣古今人豈相遠哉常情朋友之言有從有違夫婦之言婉順易入吾在宮中旦夕侍皇上未嘗不以生民爲念每承顧問多見聽納今皇上所與共圖理道者六卿翰林之臣數輩諸命婦可不有以翼贊于內乎百姓安則國家安國家安則君臣同享富貴澤被子孫矣后觀女憲女戒書采其要義作內訓二十篇居常志存內典復取儒釋道嘉言善行類編之名勸善書既疾劇上臨問對曰今至此命也但身蒙上恩位中官不得終事此遺恨耳又天下雖定兵甲不用然生民未大休息惟上矜念之又問復有何言曰願

聖明大政紀

卷七

七

廣求賢才明別邪正不以小過而棄之不以小才而比之子孫成之以學宗室親之以恩妾不能報上恩矣願無驕畜外家上泣后亦泣曰人生必有定數惟上割恩自愛無以妾故傷聖心遺令皇太子身沒之日喪葬務從簡省毋妨臣民后崩上哭慟羣臣奉慰上曰皇后仁明賢淑漢馬氏唐長孫之倫也雖處宮中其一念惟在仁民繼今朕入宮不復聞直言矣后年四十六皇太子及漢王趙王皆后出

丙子修神樂觀立醴泉碑

勅命道士於朝天宮設醮上資皇考皇妣冥福竣事醴泉出觀井中羣臣以爲上孝感所致請立碑以

昭靈貺翰林院侍讀胡廣製碑文

八月甲申勅四川等處督本尚書宋禮侍郎金純古朴師達副都御史劉觀等今天氣漸寒宜節量人力使溫飽起事而無咨怨愁苦之聲

乙酉勅陝西行都司都指揮陳敬等及巡按監察御史禁止外交

上曰人臣無外交古有明戒太祖皇帝申明此禁最爲嚴切如胡惟庸私往卜寵吉兒通日本等處禍及身家天下後世曉然知也今邊境猶有玩法嗜利之人往往潛行詭稱朝使索取寶物或於道途盜竊外夷所貢善馬或爲商販圖利此皆邊防不謹致然都指揮

聖明大政紀

卷七

七

廷鎮守邊境御史爲國耳目之臣皆坐視不理可乎其悉廉問防閑不可縱弛

詔設海運都漕運使

交趾七源諸州餘寇爲盜砲死都督僉事高士文總兵張

輔道都督指揮程錫等領兵平之九月乙卯交趾總兵官張輔等遣都督僉事柳升等齎露布獻俘至京上御奉天門受之

文武羣臣侍立兵部侍郎方賓讀露布至弒主篡國僭號紀元等語上使問季犛父子曰此爲人臣之道乎

季犛父子不能對詔以季犛及子蒼及其僞將相胡杜等悉付獄赦其子孫澄滿等命有司給衣食

丙辰諭禮部尚書鄭賜兵部尚書金忠今柳升魯麟領兵獲賊來獻俘宜先賞賚俟總兵官至京論功陞官爵軍士有功者即以官賞定等第之

戊午建龍笑妃廟成命太常寺少卿朱輝祭告

時太監鄭和使古里勒加諸番國還言神多感應故有是命

壬申上與侍臣論養身之道

上曰人能清心寡慾使氣和體平疾自少如神仙家說吐納導引亦只可少病豈有長生不灰之理近有一種疲精勞神仗佛求壽又愚之甚也

癸酉爪哇國西王都馬板遣使亞烈加恩等來朝

使朝大政紀

諭都馬板曰爾居南海能修職貢使者往來以禮迎送朕嘗嘉之爾比與東王構兵而累及朝廷所遣使百七十餘人皆殺此何辜也且爾與東王均受朝廷封爵乃逞貪忿擅滅之而據其地違天逆道罪有大於此乎方將與師致討而遣亞烈加恩等詣關請罪朕以爾能悔過姑止兵不進但念百七十人皆死於無辜豈可已也即輸黃金六萬兩償死者之命且贖爾罪庶幾可保爾土地人民不然問罪之師終不可已安南之事可鑒丙子兵部奏軍官子弟比試多不中請罪之詔姑移文戒諭今後比試不中者悉簡成交趾

十月辛巳朔日食

以交趾所舉明經士人甘潤澤等十一人為諒江府同知賜勅及親製詩慰勉之

戊子遣使責勅諭老揭宣慰司刁線歹潛通黎華助之兵象能追悔前過庶圖保全不然天譴人罰悔將無及

甲午遣太子太師淇國公丘福禮部尚書趙珩奉冊謚大行皇后曰仁孝皇后

戊戌增設北京苑馬寺清河等監順義等二十四苑

順義長春咸和馴良四苑隸清河監水州隆平大牧遂寧四苑隸金臺監沂池鹿鳴龍河長興四苑隸涿鹿監

遼陽龍山萬安番昌四苑隸遼陽監清苑廣濟四苑隸林四苑隸香山監河陽崇義興宣永成四苑隸通州監

癸卯追贈故安南國王陳氏子孫致顯等七人為交趾布政司左右叅議叅政

初設屯田按察司僉事十一月辛亥朔欽天監進未樂六年大統曆上御奉天門受之頒賜諸王及文武羣臣

陞直文淵閣胡廣為翰林學士兼左春坊大學士黃淮為右春坊大學士兼翰林院侍讀楊榮為右庶子楊士奇金幼孜為左右諭德俱兼翰林侍講仍令吏部繼今考滿勿改外任

勅交趾諸將張輔沐晟等今交趾已平如有反側必當討

減宜戒飭將士不可濫及無辜

乙丑以仁孝皇后內訓賜羣臣俾於家

初后於宮中覽觀載籍著是書以爲女範其目曰德性修身慎言謹行勤勵警戒節儉積善遷善崇聖訓景賢範事父母事君事舅姑奉祭祀母儀睦親慈幼逮下待外戚凡二十篇名曰內訓書成皇太子以進上覽之愴然命刊印分賜

太子少師姚廣孝等進重修文獻大成賜名永樂大典親製序以冠之賜廣孝等二千一百六十九人鈔有差

書凡二萬二千九百三十一卷一萬一千九十五本始於元年之秋成於五年之冬

皇明大政紀

卷四

戊辰廣西按察司僉事楊廉劾敗廣西布政司左叅議具翔往龍川受民貨賄皇太子命都察院追鞠之

丙子勅甘肅總兵官何福前命西寧侯宋晟選都指揮領騎三千同買馬回由甘肅取道哈密之北觀虜動靜晟任指揮劉廣非人致謀洩無功循還巡在沙漠俟命可令即還毋致爲虜所得

總兵何福奏邊地田多請令餘丁屯種及請甘肅鹽場聽南人於黃河迤南糴糧中納從之

十二月命戶科都給事中胡濙訪求異人

以訪張仙爲名實爲建文也終莫知所之

癸巳勅守大同江陰侯吳高爾奏焚邊草景當預預報旁

近及巡徼軍馬併屯堡房舍使皆知備

廣東布政徐奇朝京師載嶺南藤簞諸物將以遺廷或得其單目以進上因諭德楊士奇之言命中官取其口燬之

上閱視無士奇名召士奇問故將以私交罪之對曰奇自都給事中受命赴廣時皆作詩文贈之故有此餽臣時有病無所作不然亦不免今衆名雖具受否未可知

當亦無他

上意解即以單目付中官令燬之一無所問

甲午以太祖戒飭功臣鐵榜及勅旨頒賜武臣復以謹

字憲度諭之

皇明大政紀

卷五

甘肅總兵官何福奏哈密指揮法都刺欲置把總官上以哈密官校惟聽令忠順王若復置把總官令出不一下難奉承宜熟計具可否以聞

已酉享太廟

是歲天下戶九百八十二萬二千九百五十七口五千一百八十七萬八千五百七十二稅糧二千九百八十二萬四千四百三十六石

戊子永樂六年正月庚戌朔

二月定巡狩禮

乙酉平江伯陳瑄及前軍都督僉事宜信率官軍海道運

糧赴北京

三月掌交趾布政司工部尚書黃福奏交趾初平其地既
欽不一請酌量輕重為定制命戶部會官從輕省議之
上曰比除交趾郡縣官朕數諭之為政務寬簡以綏新
附之民無重徵歛重歛者驅民之策也福所言良合朕
意

辛酉遣鴻臚寺丞劉帖木兒不花等齎書往諭本雅失里
毋為鬼力赤所惑宜驗天道以審去就仍以文綺綵幣賜
之

癸亥巡按福建監察御史趙昇及布按二司賀栢生花為
瑞賜勅切責之

勅曰朕主幸天下於生民休息未嘗偏知故委用爾等
皇明大政紀

鎮撫潘方以圖安輯而乃肆志安逸於軍民疾苦一毫
不言而今言栢花為瑞夫時和歲登物無疵癘生民足
食四夷順安此國家之瑞也爾等驗之人事歲果豐登
民果給足乎樹木之花世所常有何益于國何利于民
而以為瑞也相為朋比諛佞忠君卹民之心果安在哉
姑曲宥爾等若復為欺罔雖欲倖免亦不可得矣
丙寅勅甘肅總兵何福自今諸事但竭誠致力盡其才識
可行即行慎勿復有顧慮

勅曰爾奏欲令在京驍官之材能者詣邊率領所調驍
軍朕亦計之驍官素於地理不諳人情不悉遽令領軍
出境將不知軍軍不知將不相親附而於歸令或有乖

迨則功不成此事理甚明不待智者可知矣於爾有不
知耶得非有人謂爾總藩漢兵久慮勢重致說為此言
乎朕為天下主賞罰予奪皆自己出未嘗以讒加罪一
人况爾老將為朕素知故推誠委任所言輒聽有未聽
者必相與盡心商度其事之可否何嘗有一毫致疑且
爾皇考舊臣有疑不信於驍官又何信耶

丁丑蘇州揚州二府賀檜花為瑞降聖書切責之

上曰蘇松諸郡水澇為灾有司往往蔽不以聞昨有奏
栢花為瑞者已責其欺罔今又言檜花小人之務諛說
也可惡

四月己卯朔日食

皇明大政紀

乙酉諭兵部近聞東北來朝諸胡原居開原快活自在三
城者多有思鄉土及欲省親戚去者即榜示明言鎮守官
勿阻之

五月乙酉朔頒詔交趾除罪逆深重俱已伏誅其餘衆咸
除之

庚辰詔諭北京諸司文武羣臣北京軍民備歷艱苦勞瘁
未蘇自今北京諸郡不急之務及諸買辦悉行停止其民
流移未歸者免賦役三年

勅泰寧侯陳珪及北京刑部方今盛暑軍民赴工者宜加
撫恤飲食作息必以時無過于勞有疾悉與醫藥爾等其
體朕仁民之意

辛巳命禮部移文中外軍民男僮僕自削髮冒僧者并其父兄赴京師發五臺山輪作畢日就北京為民種田及盧龍牧馬寺僧擅自容留者示發北京為民種田丁亥征夷諸將張輔沐晟等班師還京上交趾地圖上嘉勞之賜宴于中軍都督府

其地東西相距一千七百六十里南北相距二千八百里

翰林院庶吉士蔣升上言五事 命所司行之

一言安不忘危宜勅五軍各衛以時訓練軍士毋致廢弛

二言巡幸北京宜增扈從軍士以登觀瞻倘不虞三

言預備倉在鄉村難于守視莫若移府州縣城內委老

皇明大政紀

卷八

人及有下糧者守視四言師範庸常難以成材宜勅吏部精選經明行修之士以充教官五言鄉薦多大義未通宜勅各布按二司精選實學之士毋貪多濫舉仍勅禮部會試亦皆精選上覽之曰其言皆是令所司施行

已丑吏部尚書蹇義等奏新城侯張輔平定交趾建設軍民衙門總四百七十有二并城池糧儲人民象馬牛船隻軍器數目 命義等同禮部定議將士功次陞賞視雲南例增之

辛丑禮部尚書鄭賜卒

先是禮部職務繁夥賜為侍郎趙壯所間憂鬱且有疾

奏嘗屢失措 上厭之是日早遽以計聞召翰林諸臣

問曰未嘗聞賜病豈其自盡乎衆未對士奇進曰臣觀

賜有病數日但惶懼不敢退即便安求醫藥昨日晚臣

與賜同立右順門外賜體力不支仆地旁人怪其鼻口

之氣有噓無吸臣遽令其屬官扶出午門外上不俟

士奇語竟即諭翰林諸臣曰賜本君子顧才不足耳其

撰祭文遣官祭之又命工部予棺其晚士奇與黃淮奏

事退上召士奇還諭曰早來微汝言幾誤賜賜自今

有事但直勿隱

七月癸丑叙平定交趾功次封爵陞職有差

新城侯張輔進封英國公西平侯沐晟進封黔國公清

皇明大政紀

卷九

遠伯王友進封清遠侯都督僉事柳升進封安遠伯都督僉事高士文追贈建平伯俱子孫世襲都督僉事朱榮陞左軍都督府左都督初上問夏原吉陞賞孰便原吉對曰賞費於一時有限陞費於後日無窮多陞不若重賞上從之於是陞元功餘皆班賚有差

甲子勅甘肅總兵官何福今本雅失里阿魯台俱為瓦剌所敗奔竄臚胸河欲收兵入寇爾宜整飭士馬以待如來掠不必馳報即率將士擊之不來則謹守邊備

戊辰上憂郡縣數奏水旱因通政馬麟諉諸天數以不學責之

上御奉天門顧侍臣曰近日郡縣數奏水旱朕甚不寧

右通政馬麟對曰。水旱出于天數。堯湯之時所不免。今間一二處有之。不至大害。上曰。爾此言不學故也。洪範恒雨恒暘。皆本于人事。不修厥德。尚書方實。等曰。朕與卿等皆當修省。更須擇賢守令。守令賢則下民安。民安於下。則天應於上。麟言。豈識天人感應之理。麟慚而退。

庚子命禮部自今諸司庶務。故事。東宮處分者。則書皇太子令旨。其承受於親王者。書云。王令旨。皆為定制。辛未。上念功臣自靖難後。數驕縱犯法。思保全之。錄洪武間戒諭鐵榜及律例。定制人賜一本。俾未為鑒戒。

八月壬午。戶部奏。屯田賞罰例。已刊著紅牌。蒙聖諭。于罰例減輕期三年。後依紅牌。今已及期。當舉行之。命仍從輕例。

皇明大政紀

八十

癸未。命翰林院修撰李賁檢討伍從主考。應天鄉試。賜宴於本府。

撤圍取黃壽生等八十名。

乙酉。交趾都布按三司奏。逆賊簡定鄧悉等聚眾作亂。命黔國公沐晟為征夷將軍。兵部尚書劉儒叅贊軍務。帥師討之。

定陳氏故官。大軍初討。黎賊以出降。將遣赴京師。遂偕陳希葛。進去與化州偽官鄧悉阮悉等作亂。悉等推定為王。僭號紀元興慶處。往來又安化州山中。造兵器。招徒黨。官軍使遼定等遂出攻盤離。賊子開扼三江府往。

來之路寇交趾近城而慈威蠻上大堂應平石室諸州縣皆因賊勢盛。官軍屢出無功。奏請益兵。上以交趾初入版圖。人心未固。而餘孽紛起。不及時剿滅。恐益滋蔓。命雲南四川貴州及成都三護衛兵共四萬討之。丙戌。詔以明年二月巡幸北京。

詔曰。成周營洛。肇啟二都有虞。勤民尤重。巡省朕君臨天下。祇承典彛。統御之初。已陞北平為北京。今四海清寧。萬民安業。國家無事。省方維時。將以明年二月巡幸北京。命皇太子監國。朕所經之處。親王止離王城一程。迎候。官吏軍民於境內朝見。非經過之處。毋得出境。道途一切飲食供給之費。皆已節備。不煩於民。諸司毋得有所進獻。布告中外。咸使聞知。

皇明大政紀

六卷

八十一

甲午。遣使賫詔諭叛寇簡定等。誠能革心來歸。悉赦往罪。不問。仍各受官。俾統治其眾。若執迷不悛。禍及身家。悔將無及。

乙未。淳泥國王麻那惹加那乃等引其妃及弟妹男女并陪臣來朝。奉金縷表文及貢龍腦帽頂腰帶片腦鶴頂玳瑁犀龜筒金銀八寶器諸方物。上親饗麻那惹加那乃於奉天門。賜其妃宴于舊三公府。

丙申。增設甘肅苑馬寺所屬武威安定臨川宗水四監。并前所連甘泉為六監。每監領四苑。

九月滿刺加入貢 詔封其王西利八兒速刺為滿刺加國王

其國前代未嘗通中國

十月乙亥朔日食

召皇子楊榮歸葬其父 命起復還京

十一月戊申淳泥國王麻那惹加那乃卒于京謚恭順命其子遐旺襲封淳泥國王

遐旺與其叔施里難那惹等言本國歲供瓜哇片腦四十斤乞勅瓜哇罷供請以歲進朝廷又言今者還國請遣使臣護送就留鎮一年以慰國人之望復乞限年次朝貢及儀從許帶若干人 上皆從之朝貢以三年

皇明大政紀

卷六

八十二

為期儀從多寡任便遂勅瓜哇國王都馬板罷淳泥所供片腦

甲寅勅文武大臣輔導皇長孫

命丘福蹇義金忠胡廣黃淮楊榮楊士奇金幼孜及洗馬姚友直等輔導仍賜勅諭曰朕嫡長孫天章日表玉質龍資孝友英明寬仁大度年未一紀體具志寧動必中規言必合道好學之篤夙夜孜孜日誦萬言必領要意朕嘗試之以事輒能裁決得中斯實 宗社之靈上天賜慶篤生異質以福祐天下而基命於無窮然宏材之建必由匠氏之功圭璫之成必假琢磨之力卿等皆茂簡德意職輔東宮東宮之子必資兼顧宜協心同志

輔導於我推廣仁義道德之源開三王之典與我太祖高皇帝之大經大法凡創業守成之難生民稼穡之事朝夕講論以涵養本源恢弘智量充其盛大之器以為宗社生民之福國家有無窮之休卿等亦有無窮之聞欽哉

丙辰陞江西等道監察御史于敬李賢劉子春韓守益為左中允宛平縣丞梁敏為左贊善

十二月丁巳遣中官張謙行人周航護送嗣淳泥國王遐旺等還國

初故淳泥國王麻那惹加那乃象朝廷厚恩賜封王爵國之境土皆屬職方而國有厚山乞封一國之鎮至是

皇明大政紀

卷六

八十三

其子遐旺復以為請遂封其山為長寧鎮國之山命謙等即其地樹碑

庚辰瓜哇國西王都馬板遣使獻黃金萬兩謝罪禮部言所償金尚負五萬兩宜下法司究治 命免之仍遣使賞勅諭意并賜之鈔幣

上曰朕於遠人欲其畏罪而已豈利其金耶今既能知過所負金悉免之

癸巳涼州韃官都督僉事吳答蘭紫別刀哥等自陳戴朝厚恩久居邊境願領精騎巡邏漠北以圖報効從之時鬼力赤為衆所戕北虜迎立本雅失里有不相附而奔潰者故吳答蘭等請出塞自効

山西靈丘縣民李天秀妻朱氏一產三男循例給糧至是八歲有司奏請罷給

丙申諭自今凡教官考滿吏部同六科都給事中選其有才識者留六科理事年後從本科都給事考其高下用之

丁酉交趾總兵官沐晟與賊首簡定戰于生厥江敗績都督呂毅尚書劉儵交趾叅政劉昱皆死之

命英國公張輔復爲總兵官清遠侯王友爲副帥師二十萬討交趾賊首簡定

瓦剌攻破鬼力赤阿魯台立本雅失里爲可汗

已丑永樂七年正月朔

星明大政紀

六卷

八十四

遣中官鄭和領兵航海通西南夷封海神宋靈惠夫人林氏爲護國佐民妙靈昭應弘仁普濟天妃建廟于京師之儀鳳門祀之

巨艦自福建之長樂五虎門航大海西南行抵林邑又

自林邑正南行八晝夜抵滿刺加由是而達西洋古里

大國分航徧徃支國阿丹榜葛刺忽魯漠斯等處

石庶子楊榮聞母喪乞終制上欲巡北京不允命奪情起復

二月聖學心法書成命司禮監刊行

上採輯聖賢格言若執中建極之類切于修身齊家治國平天下之要者爲書四卷曰君道臣道父道子道世

示胡廣等廣等覽畢奏曰帝王道德之要備載此書遂爲聖學心法親爲之序

上巡幸北京命皇太子監國庶務惟文武除拜四夷朝貢邊境調發上請行在餘常務悉啟聞處分

命吏部尚書詹事府等官饗養金忠黃淮楊士奇輔導皇太子監國

諭義等曰居守事重今文臣中簡留汝四人輔導監國若唐太宗簡輔監國必付房玄齡等汝宜識朕此意敬

恭無怠諭黃淮楊士奇曰東宮侍側朕問講官今日講何書對曰論語君子小人和同章因問何以君子難進

易退小人則易進難退對曰小人逞才而無耻君子守

星明大政紀

六卷

八十五

道而無欲又問何以小人之勢常勝對曰此係上人之好惡如明主在上必君子勝矣又問明主在上都不用小人乎曰小人果有才亦不可盡棄須常警飭之不使有過可也朕甚喜其學問有進爾等其盡心輔之

上發京師命尚書夏原吉及內閣學士等官胡廣楊榮金幼孜扈從賜錦衣狐裘鞍馬

前忠誠伯除名茹瑄有罪下獄卒

先是瑄既以罪除名回原籍旣而家人茹輿安告其不應事都察院行提至京久之得釋放還家道經長沙不朝谷王都御史陳瑛奏瑄有違祖訓當重典復逮之下錦衣衛獄瑄知不免命其子銓市砒霜藏米中送

入瑞服之而死。既而法司以銓下毒殺父奏聞，依謀殺父母律，全家問擬死罪。幼男皆發較轡局習匠，婦人送浣衣局。後以銓承父命，非謀殺，宥免發戍邊。

禮部奏會試天下貢士取陳璘等一百人，以。上巡北京，故未廷試。

壬寅，車駕至汶上。由濟寧晚至汶上，漏下數刻。上召胡廣等至行殿賜坐，論時政數事。語久夜深，廣等辭退。上曰：朕每日避風沙于草間，且行且獵，爾可隨行觀之。

癸卯，早發汶上。上騎射過小村，召學士胡廣等以民家樂諭之。

皇明本政紀 卷六

八十六

時茅屋數家，桑叟聚茂，雞豚雜處。兒童婦女聚觀，自得略不知爲。萬乘經過，廣謂楊榮曰：此真有含哺鼓腹氣象。奏上曰：民家樂哉，皆陛下仁恩所及。

二月乙卯，北京行後軍都督府僉事平安暴卒。

先是，泥河之戰，安操長鈴馳馬追。上幾及之，會馬蹶乃弗克前，及安被擒。上問曰：向非馬，汝將何爲？大言曰：刺殿下如拉朽耳。上壯其言，嘆曰：高皇帝養下好漢，因慰勞之。既正大位，仍命爲都督，委任無間。至是上在道中，因羣臣奏事，問平保兒尚在耶？安聞之以爲恨之也，遂自縊歟。

已未，駐驛涿州。

辛酉，至彰義門。上乘法駕入城。

壬戌，上登午門樓，召學士胡廣等三人從。

上曰：此處好看山。今日風沙不見，無風沙時來觀。上下城，御奉天門，謂廣曰：爾初至此，未諳風土，食後不可即臥，好生痞氣，身欲常溫，不可過涼，有汗不宜解衣透風。此間能致疾，朕居此久，故知之。廣三人即叩頭曰：陛下念臣至此，天地生成之恩，豈敢忘也。

庚午，大饗羣臣於奉天殿。

故事：品以上與學士升殿，有旨令榮幼夜皆升殿，榮以喪服辭不起。命中官以珍饌送至家。

巡視兩淮都御史虞謙給事中杜欽、敕、潁州軍民缺食，請發廩賑貸。皇太子遣人馳諭，即發廩賑之，勿緩。

皇明本政紀 卷六

八十七

四月，遣給事中郭驥等覈書論本雅失里通好。本雅失里欲殺驥，驥不屈歟之。

閏四月，擢兵部侍郎方賓爲兵部尚書。

時禮部尚書趙鼎傳奉。聖旨：方賓授兵部尚書，今日便到任。蓋當時簡用大臣，皆出親擢，公朝傳旨行之。

皇太子令吏部尚書蹇義自今議事不必多思致惑。

義於事多疑少斷，常持兩端，曰：事當熟慮，不然必有後憂。士奇曰：事豈得不思，但多思則惑，惟當據理而行。

皇太子聞而嘆曰：此須兼知仁勇，自當議事，擇當理者從之，不必多思致疑也。於是事多從士奇言之。

諭德楊士奇勸皇太子觀大學衍義

皇太子監國視朝之暇專意文事因覽文章正宗論士奇曰直德秀學識甚正選輯此書有益學者士奇對曰德秀是道德之儒所以志識端正其所著大學衍義一書大有益學者及朝廷為君不可不知為臣不可不知君臣不視大學衍義則其為治皆苟而已皇太子即召翰林典籍取閱既大喜曰此為治之條例監戒不可無因留一部朝夕自閱又取一部命翻刊以賜諸子贊善王汝立以詩法進皇太子諭德楊士奇勸詩非所急當致力於重且大者

皇太子顧士奇曰古人主為詩者其高下優劣何如對曰詩以言志明良喜起之歌南薰之詩是唐虞之君之志最為尚矣後來如漢高祖大風歌唐太宗雪耻酹百王除克報千古之作則所尚者霸力皆非王道漢武帝秋風詞氣志已衰如隋煬帝陳后主所為則萬世之鑒戒也如殿下於明道玩經之餘欲娛意於文事則兩漢詔令亦可觀非獨文詞高簡近古其間亦有裨益治道如詩人無益之詞不足為也皇太子曰太祖高皇帝有詩集甚多何謂詩不足為對曰帝王之學所重者不在作詩太祖皇帝聖學之大者在尚書註諸書作詩特其餘事於今殿下之學當致力於重且大者其餘事可姑緩皇太子又曰世之儒者亦作詩否對曰儒

者鮮不作詩然儒之品有高下高者道德之儒若記誦詞章皆前輩君子謂之俗儒為人主尤當致辨於此五月營壽陵於北京昌平縣東黃土山封其山為天壽山命武義伯王通提督工程

初王賢嘗夢人授之書曰讀吾書可衣緋不讀吾書止永綠覺而異之數日於路得一書視之青鳥家說也潛玩讀久之乃以善地理聞為鈞州佐時漢府有異志遣人購之不往曰欲得予非詔旨不可漢以名聞時上以仁孝皇后未葬有事壽陵曰吾正欲得之乃遂取以往見於房山某處上指示其處對曰此公侯地耳扈從至賣家庄蓋寶十郎故址曰勢如萬馬自天而下真

皇明大政紀

天子地也乃定今長陵是也前有小阜欲去之曰恐有妨于皇嗣上問無後乎曰非也但多庶出耳上曰庶出亦可遂不去後賢官至順天府尹時江西有明地理廖均卿等亦與其選

賜皇太子聖學心法書

交趾賊首簡定稱上皇立陳季擴為越皇帝

置邊城調軍勘合

上以邊戍調遣止憑勅書慮或有詐乃以勇敢鋒銳神奇精壯強毅克勝英雄威猛十六字編為勘合

封瓦剌兀哈木為順寧王太平為賢義王把禿字羅為安樂王

六月遣御史考察守令

刑科給事中耿通等劾左都御史陳瑛及御史袁綱賈珩朋比蒙蔽誣構兵部主事李貞陷之於地綱珩已下獄瑛為長官不宜獨宥皇太子奏請行在處分

七月命淇國公丘福為征虜大將軍武城侯王聰同安侯火真為左右副將軍靖安侯王忠安平侯李遠為左右叅將率師征本雅失里密授方略令慎行之

命右庶子楊榮賞勅諭甘肅總兵官何福處置降虜

何福奏鞬輟脫脫不花等各率所部來歸今止於亦集乃

上遣楊榮賞勅諭福曰脫脫不花等既來止於亦集乃遲回日久或致生變爾可與楊榮計度從長行事須斟

皇明大政紀

九十一

酌權宜處之務在得當

諭德楊士奇編集周易大義進呈皇太子

皇太子喜誦易凡決疑必用著而以易斷命士奇取朱

子本義纂其要以進名周易直指士奇因進曰易固為

卜筮作然文王周孔所繫辭凡修齊治平之道悉具請

編輯以備觀覽書成以進

八月英國公張輔兵至交趾敗賊衆于鹹子關

斬首數千溺死無算生擒賊偽監門衛將軍潘坻等二

百餘人獲船四百餘艘賊酋阮世美鄧景異脫身逃

征虜大將軍丘福等兵至臘胸河敗績皆歿之

丘福等率將校千餘人至臘胸河獲虜一人福飲勞而

詢之言本雅失里知大兵至惶懼欲北遁去此可三十

餘里福喜曰當疾馳擒之是時官軍未集諸將皆曰恐

虜遣此人誘我且駐兵候諸軍俱至而後擊之毋墮虜

計福不從令所獲者為嚮道率衆直薄虜營毋戰虜輒

佯敗引去福銳意乘之李遠曰將軍輕信諜者孤軍深

入進必不利莫若結營自固以待我軍畢至王聰亦力

言不可福皆不可謀遣火真使虜營假言求和自率騎

繼之火真猶豫未決福厲聲曰不從命者斬乃先馳馬

率士卒行控馬者皆泣下諸將不得已與之俱行虜衆

奄至李遠王聰率五百騎突虜陣聰戰歿遠馬蹶被執

罵不絕口而火真與火真王忠為虜所執俱歿之

皇明大政紀

六卷

九十一

九月遣書以丘福等違律沒軍諭皇太子

諭曰凡遣丘福等帥兵征北虜皆沒於虜辱國如此若

不再殄滅之邊禍未已今選將練兵來春朕決親征凡

國家之事爾當慎不可忽也

命南京各衛及陝西山東山西湖廣屬衛兵共十餘萬各

賜鈔及行糧皆以來年二月至北京隨征

命庶子楊榮持節封甘肅總兵都督何福為寧遠侯仍道

經寧夏規畫邊務

榮抵亦集乃封福還經寧夏與寧陽伯陳懋計度邊情

交趾總兵張輔等敗賊于太平海口

十月上召諸將諭以親征之意

庚子楊榮還京復命歷陳邊境便宜十事 上嘉納賜紫衣鈔幣

諭行在禮部尚書趙祖久氣嚴肅除奉天門行禮畢駕御右順門內便殿百官有事奏者以次入奏無事者退治職務朔望朝如常儀自十一月朔始行之

命戶部尚書夏原吉議餽送

上曰工部所造武剛車足可輸運然道遠人力為難朕欲以所運糧緣途築城貯之量留官軍守護以俟大軍之至此法便於是原吉等議用武剛車三萬兩約運二十萬石踵軍而行過十日程築一城再十日又築一城每城貯貯糧以俟回軍仍留軍守之如虜覺而遁即擊明大政紀 六卷

躡其後亦如前法築城貯糧 上然之各所築之城曰殺胡平胡

鎮守寧夏寧陽伯陳懋敗虜于境外進封為侯

西域火州國入貢

其國東南至肅州一月程即漢車師前後王地唐之高昌也

西域哈烈國入貢

其國東至肅州一萬一千里即漢之大宛也

北京有白鵲之瑞行在禮部行南京進賀 皇太子命諭德楊士奇撰表文

時士奇以病在告監門表 命庶子贊善選呈稿 皇

太子不憚命尚書寒義持以示士奇曰甚寂寞且不着題以賀白龜白鹿皆可命士奇改正士奇改一對云聖金門而進喜馴彤陛以有儀後增一對曰與鳳同類踰於帝舜之庭如玉其輝書簡在如王之圖義以進

皇太子喜曰此方是帝王家之白鵲適內厨進膳遂命內使陳昂徹以賜士奇且傳旨諭士奇曰其勉進藥食早出非但倚卿文學久不聞直諫之言慮有過不知急得相見也

十一月戊寅交趾請將張輔沐晟等敗執賊首簡定於美良并獲其偽相陳希葛阮晏等檻送京師季擴遁走十二月左中允周翰等劾湖廣採木吏部左侍郎師達務皇明大政紀 六卷

皇明大政紀卷之七

豐城雷 禮謹輯

餘姚朱 錦謹校

金谿閔師孔謹訂

庚寅永樂八年正月戊辰朔。

上御奉天殿受賀。大宴文武羣臣及四夷朝使。

辛未。寧夏寧陽侯陳懋隨征漠北。

以親。遣書諭皇太子代告天地。宗廟社稷。

命故富陽侯駙馬都尉李讓子茂芳襲侯爵。

設州守禦千戶所橋關。

甲戌。享太廟。皇太子行禮。

皇明大政紀

丙子。以將祀南郊。百官受誓戒于文華殿。

塞古北路口小關口及大關。外門僅通一人。

父趾總兵官英國公張輔敗賊餘黨阮師檜于潮州。

初師檜僞稱王。與僞金吾上將軍杜原措等據東潮州。

安老縣宜陽社有眾二萬餘人。時出黃江麻牢江大全。

等處海口為寇。以應簡定。至是輔以兵圍宜陽社。賊眾。

拒戰。官軍水陸皆奮。矢石交下如雨。賊大敗。斬賊首四。

千五百餘級。溺水尤多。生擒僞監門衛將軍范支。僞羽。

林衛將軍陳原卿。僞鎮撫使阮人桂等二千餘人。皆斬。

之歛其屍為京觀焉。

己丑。人祀天地于南郊。皇太子代行。命禮部尚書呂震。

復命。

自是遇巡幸皆命代行。

甲申。皇太子除肇慶府絕戶租糧九百八十餘石。

乙酉。勅遼東都指揮儲欽巫凱於原調官軍。選步軍五千。

委能幹指揮領還備寇。及防護屯田。其官軍并朝鮮所進。

馬。令赴北京隨征。

丙戌。築北京至居庸關鋪舍。

關內關外每三十里築烟墩一所。

丁亥。命禮部加賜爪哇國使臣路費鈔。

辛卯。茂州衛軍沈連言二事悉從之。

連言舊制禁綿布不許販賣出境。今茂州威州查溪。

皇明大政紀

松潘產馬及通番商人處甚遠。而綿布一禁。禁約軍士。

無以為衣。若但申嚴出境之禁。許綿布得至茂州查溪。

庶幾軍士有以禦寒。又言茂州古成都屬郡。其民都是。

兩川流移來者。亦頗知禮法。不同生羌。若開學設教。使。

沐浴聖化。亦足以彰聖朝治道之盛。

夜有星大如蓬青白色。尾跡有光。出文昌西北。行至近瀾。

壬辰。詔濟寧迤南至北京水陸輸運軍需之民免差役一。

年。

命北京行部尚書郭資率所屬民丁萬人隨軍餽運人賜。

鈔五錠。仍給行糧。

癸巳。皇太子以去年江北水患。遣都察院右副都御史。

虞謙戶科給事中杜欽往揚州淮安鳳陽直抵陳州視

民疾苦免其年被災田租贖還典賣子女

甲午書諭 皇太子畱守總軍國之務事無大小宜審度

而行務合中正

大寶法王哈立麻贊善王吉刺思巴監藏巴里藏卜等各

遣使來朝 賜鈔幣衣服等物

夜有星大如雞子青白色有光出天厨西南行至雲中

乙未諭從征將士胡寇違天逆命殺害朝使荼毒邊民非

一朝夕今朕躬行天討爾等宜共德謀奮勇驅逐此虜永

享太平

交趾總兵官英國公張輔等奉勅召還奏賊首陳季擴賊

黨阮師檜胡具鄧景異等未殄滅請畱都督江浩等領雲

南福建廣東江西都司四川福建二行都司荊州南昌武

昌廣西護衛官軍聽點國公沐晟調用以雲陽伯陳旭為

副將從之

皇太子諭工部侍郎陳壽揚州淮安鳳陽至陳州去歲水

災有工匠在京應役者悉遣還令營衣食

江西交趾總兵官英國公張輔差指揮朱幅等監送僞大

越上皇簡定拜偽太保等官陳和葛阮汝勵阮武世傳

等至京師伏誅

二月戊戌朔 勅皇長孫畱守北京戶部尚書原吉

會官議畱守事宜

勅黔國公沐晟仍充總兵官雲陽伯陳旭充副總兵率師

征勅交趾餘寇

女直野人頭目那溪等十九人來朝 命為甫兒河使坊

河亦麻河三衛指揮等官賜誥印冠帶襲衣及鈔幣有差

庚子戶部尚書夏原吉等進所議北京畱守事宜

辛丑以親征胡虜詔告天下

命戶部尚書夏原吉輔導 皇長孫仍兼行在吏戶兵三

部事

諭曰朕長孫雖今幼齡而克勤學問正當涵養德性充

其大器爾其勉盡乃心朝夕輔導俾智識益廣道德有

成紹成有賴爾亦與有光榮欽哉賜吉米二十石鈔一

千貫

命趙王高燧整理北京城池軍馬令廣平侯袁容泰寧侯

陳珪輔導之

壬寅居靈州都司阿難不花等來朝貢馬賜之鈔幣

癸卯命國子祭酒胡儼兼翰林侍講掌翰林院事

裁革鎮夷千戶所平樂通源泉水三驛

甲辰都察院劾應天府尹姚恕非京尹才 皇太子降為

浙江布政司右叅議

廣德知州楊翰以公事稽程逮京耆老二百餘人詣闕言

翰善撫字乞貸罪還職 皇太子以小過可恕遣行人就

道宥之復職仍賜翰鈔三百貫

乙巳諭 皇太子用刑貴在得中。

諭曰前命爾爾覆審重囚。爾奏乞貸其死。見爾重惜人命。然十惡不可宥。其餘雜犯。必罪以下。悉准所言。國家用刑。貴在得中。過則濫。不及則弛。自今尤宜盡心。

法因河等處野人頭目禿刺等朝貢。命為法。因河兀應河二衛指揮等官。賜誥印冠帶襲衣及鈔幣有差。

丙午。北京耆老以車駕將發。詣朝辭。上以此舉為民諭之。命禮部悉賜布鈔。

拾烈沙哈魯把都兒遣頭目貢方物。上因其與姪哈里構兵。遣使勸沙哈魯及哈里各罷兵睦親。并以綵幣賜之。

安王楹奏免護衛屯軍子粒二年。從之。

皇明大政紀 卷七

五

丁未。遣官釋奠先師孔子。

以親征胡虜。破於承天門。遣官祭太歲旗幟等神。

車駕發北京。親征北虜。本雅失理。命翰林學士胡廣庶子楊榮諭德金幼孜扈從。

遣指揮完者帖木兒賞勅及絲幣。賜別失八里王馬哈麻。夜有星大如雞子。青白色。尾跡有光。出右攝提。南行至近濁。

戊申。皇太子代祭大社稷。

遣官祭先農。

車駕次沙河。陞鰲山衛指揮使管八禿帖木為山東都指揮僉事。

己酉。車駕次龍虎臺。遣行在太常寺少卿朱焯祭居庸山。

行在工部尚書吳中言。營建山陵。合用工匠民夫。請於山東山西河南北京及於浙江等布政司直隸府州縣徵用。并北京附近衛所量撥軍士。從之。仍命有司月給糧賞。

庚戌。車駕次永安甸。雨雪已而復霽。日下五色雲。見戶部啓江西新城縣民永樂五年八月多疫死民田四百八十餘頃。俱荒官覈實除稅。皇太子從之。

壬子。德慶州新落山等處徭首駱第二等以龍水縣丞馮原泰招諭嚮化。來朝貢方物。皇太子賜之紗幣襲衣。

戶一百六十口五百餘。

皇明大政紀 卷七

六

夜有星大如雞子。青白色。有光出女床西北行至游氣。

癸丑。皇太子諭都察院左都御史陳瑛戒勵五城兵馬。專以巡警京城。使各修厥職。

巡按直隸監察御史劉煥劾啓治水蘇湖左通政趙居住田多荒蕪。蔽不以聞。惟簡烏程熟田穗繁其夥粒及三百之上為秉稱瑞罔。上宜加誠責。皇太子以上之所使未可擅易。封此章示之。令自省。

甲寅。車駕次泥河。見病卒。命馬載至營。遂諭諸將撫卹軍士。令太醫院遣醫分療各營將士之病者。

浙江道監察御史陳孟旭等劾啓中軍右都督郭義已給皂隸。又擅用軍士二十餘人充僕從。於法當罪。皇太子

以義武人不諳法姑釋不問悉收其兵士還伍
丙辰遣行在太常寺卿朱煌祭宣府山川城隍
丁巳駐蹕宣府閱武營內

戊午修 太廟及 社稷山川先農壇

壬戌 車駕度德勝關駐蹕興和遣官祭所過各山大川
癸亥命鎮守大同江陰吳高標練山西大同天城陽和
等處車馬整理城池節制山西都司行都司及太原三護
衛官軍

四川通海寺三井鹽課司龜丁李奉春言祿聚井鹽煎不
及額宜開中江縣金佛竹筒水鹽井補所虧鹽課 皇太
子從之

皇明大政紀

七卷

七

甲子駐蹕興和閱武營外

上指揮將士坐作進退折旋無不如 旨顧尚書方賓
學士胡廣侍講楊榮金幼孜曰節制之師庶幾可用然
教紳貴熟孔子曰牧民七年可使即戎朕每御師未嘗
恃其已習而輟操練故往往得用

英國公張輔至自交趾入見 命提督操練宣府萬全興
和等處軍馬整治城池屯堡烟墩仍聽趙王調用
約清遠侯王友循野狐嶺德勝口安武侯郭亨往宣府萬
全營覲運

浙江黃巖縣言民被水患乏食乞免永樂五年六年鹽糧
仍乞今歲稅糧折鈔 皇太子從之

乙丑大閱兵興和

勅戶部運糧民夫死者與鈔十錠及凍傷手足者俱復其
家一年

三月丁卯朔命清遠侯王友督中軍安遠伯柳昇副之寧
遠侯何福督左哨武安侯鄭亨督右哨寧陽侯陳懋督左
掖都督曹得都指揮胡原副之廣恩伯劉才督右掖都督
馬榮副之

戊辰命都督劉江等充遊擊將軍督前哨都督薛祿冀中
等充驃騎將軍都指揮侯鏞陳賢等充神機將軍都督金
玉等充鷹揚將軍都指揮李文等充輕車將軍

葛稱哥野人頭目斜稱哥等來朝 命為葛稱哥衛指揮
皇明大政紀

七卷

千百戶鎮撫賜誥印冠帶襲衣及鈔幣有差

夜有星大如碗赤色光燭地出太微東垣外西南行入太
微垣右執法星旁

庚午福建清流縣耆老赴闕陳刑部員外郎宋忠前知清
流勤於撫字政平盜息乞復任 皇太子陞忠汀州府知
府

辛未琉球國中山王恩紹遣姪三吾等來朝貢馬百一十
匹 皇太子賜鈔幣

工部言淮安府淮河南岸棚地延及倉廩墻垣宜令有司
脩築 皇太子從之

山西涼州衛及永昌衛驍官千戶虎保亦今真巴等叛殺

虜人口 皇太子命都督費祿為總兵刑部尚書劉觀恭贊軍務討之

壬申命忻城伯趙華守宣府仍聽英國公張輔調遣

勅鎮守大同江陰侯吳高軍士隨征者苟有畏避及強劫去人財皆斬以徇

命湖廣浙江江西都布二司各運糧赴北京備官軍俸糧湖廣一百三十萬石浙江一百五十萬石江西三十萬石

脩直隸鎮江衛城

甲戌 駐蹕鳴鑾成瓦刺順寧王馬哈木遣完者帖木兒等貢馬謝恩 賜絲幣襲衣

皇明大政紀 七卷

皇太子召前北京行部左侍郎喬穩於交趾謫所復為此京苑馬寺卿

乙亥 上大閱誓師於鳴鑾成

時軍陣綿亘數十里師徒甚盛戈甲旗旄輝耀蔽日鐵騎騰躍鉦鼓鉦震瓦刺使者望之駭愕曰天兵如此孰敢嬰其鋒者 上聞之顧謂學士胡廣等曰國家無所用兵乃善朕久厭之矣今日此舉非得已也然治兵最難纖毫舉動當致謹廣曰孔子所慎齊戰疾 上曰孔子言吾戰必勝祭必受福惟誠敬之至其効可必廣曰誠如 聖諭

上罷問名諭從征將士以唐薛仁貴宋狄青自勉悉賜之

酒食

都察院右副都御史虞謙給事中杜欽啓潁州及潁川衛軍民缺食請稟賑貸 皇太子遣人馳諭發倉賑之勿

丙子 車駕次凌霄峰登絕頂望漠北

上顧學士胡廣等曰元盛時此皆民居今萬里蕭條惟見風埃沙土耳虜勢衰微若此尚敢倔強果何所恃哉因問廣等曰諸將此來不聞進一言何也對曰成算在上星火之輝何能上裨日月 上曰是何言也聖人有資於芻蕘之言何況君臣之間古稱好問則裕自用則小朕有所為必盡衆人之情曷嘗專任一己以掩其策時少水夜大雪尺餘軍中足用

皇明大政紀 七卷

遣瓦刺使者歸復賜勞順寧王馬哈木賢義王太平安樂王把禿孛羅各絲幣二十疋

丁丑 皇太子命戶部從四川南部內江二縣各言議并塩大通溪口山皮袋并塩開煎

四川茂州衛軍人金有祥妻吳氏一產三男事聞 皇太子令循例優給

戶部啓四川塩課提舉司言小溪牛井鹹水減少開梅旺井煎補增千一百五十二斤中坝井土石填塞開龍透井煎補增千八百斤宜以今增數為額 皇太子從之

脩鎮江府丹陽縣練湖塘

庚辰勅凡供具減半

命口北設軍坊黑峪土墓三巡檢司。隸隆慶衛。槍桿嶺。兒嶺。雞鳴山。三巡檢司。隸宣府前衛。

辛巳命都指揮章安等充輕車將軍。同尚書吳中督餽運赴平胡城。

滁州知州陳璉以治最聞。皇太子召至京。州民赴闕乞留。特陞揚州府知府。仍掌滁州軍。賜襲衣及幣。命禮部宴之。

甲申。車駕次錦木嶺。前鋒報見虜蹤跡。下令各軍嚴警備。

乙酉。皇太子以與脩永樂大典。茂名知縣董子莊為國子監司業。

皇明本政紀 卷七

夜有星大如盞。赤色。有光出漸臺東北。行至近濁。

丙戌。車駕次環瓊圃。勅各營謹哨瞭。

丁亥。交趾副總兵雲陽伯陳旭卒於軍。皇太子命賜如例。

戊子。車駕次金剛阜。勅遊擊將軍都督劉江先據清水源山嶺以俟。

己酉。左都御史陳瑛啓蘇州妖婦鄒氏誣降邪神。當絞其子。梁何往屢乞代死。皇太子曲宥其死。命杖遣之。

辛卯。脩河南汝陽縣汝河堤岸。

癸巳。皇太子諭後軍都督府。聞山西寇盜出沒。其衛所官軍揆補者。除今年屯種子粒。

丙申。駐蹕清水源。去營六七里。地忽出泉。溢數畝。士馬飲之不竭。賜名神應泉。

雲南金沙江土官巡檢李瑛等四川馬平府平夷長官司副長王福等各來朝貢馬。皇太子賜之鈔幣。

四月丁酉朔。命皇太子代享太廟。

撫寧縣老人張甫通遷安縣老人何彬俱督運至清水源。上聞而嘉之。名授本縣縣丞。免視事。

雲南陀安安撫司土官安撫匝各九刺次和長官司長官張首皆遣人貢馬。謝受職恩。西番里陀等處土官知府各及八男阿寺等及得直地西頭目刺馬。必遣弟令失伯來朝貢馬。皇太子賜鈔幣襲衣有差。

皇明本政紀 卷七

戊戌。上與諸將議餽運用車。

十二

有言沙磧車運行遲。不若人負之便。上曰。任重致遠。水莫如舟。陸莫如車。舟遇淺車遇沙。雖遲。如舟出淺車出沙。人力所不能及。矣。十人運一車。或缺一二人。尚堪挽之。以行。用人負者。一人有故。必分於衆。以一累十。百不尤難哉。遂用車。

交趾布政司掌司事工部尚書黃福言五事。桂陽知縣梁善言二事。俱奉皇太子令旨。下禮部會議。

福言大軍征安南。俱瘴癘之地。行者艱難。今詢得瀘江北岸小河。直通瀘下。至新安府靖安州。萬寧縣抵廣東欽州水路。止。站欽州至靈山縣入廣西橫州陸路。

止三站。比舊行之路水路減半。乞令廣東廣西二省。司差官量道里設水馬驛站。遞運所。并相其要害去處。設衛所巡檢司。鎮禦賊盜。既免瘡痍。又便往來。二言官軍用不足。乞召雲南等處閒例中。監庶便商賈通行。糧食不乏。三言交趾官吏軍民。多於原籍携家前來。間有事故遺下人口。欲還鄉里。路遠艱難。乞為定例。給與脚力行糧。庶不失所。四言曩為交趾軍儲不足。奏請往支軍民衙門官吏月糧量撥荒田。俾自種食。其軍職有于原任支俸者。各衛所首領官吏典。仍支食米。即今倉無積粟。宜將食米并行任支。照例撥田種食。為便。俱議行之。惟五條言三六年循例給由。恐路遠虛曠。候九年給

皇明大政紀

七卷

十三

由送部以憑黜陟。惟倉官巡檢依例給由。善言郴州距廣東海北提舉司支益。止二千餘里。今令往兩淮支鹽水陸六千餘里。不便議照舊例。又軍戶一丁應合承繼者。仍令補役田土付丁多之家佃種。如果無人承種。准開糧額。皇太子皆從之。

庚子行在各營中。夜刀戟皆有火光。

夜有星大如雞子。青白赤色。尾跡有光。出紫微垣內。后星旁西北行至北斗魁。

癸卯。車駕次玄石坡。上制銘。使勒於立馬峰之石。

銘曰。維日月明。維天地壽。玄石勒銘。與之悠久。

甲辰。日本國王源氏。遣使圭密等奉使貢方物。謝賜父鑑。

及命襲爵。皇太子賜鈔幣有差。

乙巳。皇太子令旌表撫州府樂安縣民陳伯榮妻鄧氏。安東中護南百戶陸阿葛妻倪氏。應天府江寧縣民陸留妻。恭氏。向官童妻汪氏。上元縣民王勝一妻沈氏。陶官真妻。諸氏。張五妻俞氏。俱貞節之門。

夜月犯雲臺上星。

丙午。江寧知縣王愷言。工部近於龍山官民田地置廠儲水。乞蠲除稅糧。皇太子從之。

戊申。車駕次楊林。戊以深入虜地。免諸將朝。

己酉。琉球山南王汪應祖遣使。乃佳吾斯右貢馬。賀萬壽聖節。皇太子賜之鈔幣。

皇明大政紀

七卷

十四

庚戌。廣西總兵官韓觀以疾聞。皇太子謂觀在廣西久。甚盡心蠻夷。畏服。遣醫往視。仍遣行人牛肆問疾。賜觀鈔二千貫。

壬子。車駕次擒胡山。上制銘刻石。賜名靈濟。

銘曰。瀚海為鐔。天山為鐔。一掃胡塵。永清沙漠。

以明日。萬壽聖節。勅免文武羣臣賀。

瓦剌順寧王馬哈木等。遣舒黑的兒等來朝。賜宴勞之。

甲寅。車駕次廣武鎮。賜其泉名清流。上制銘。

銘曰。於樂六師。用殲醜虜。山高水清。永彰我武。

乙卯。夜月犯十二國之秦星。

丁巳。脩寧國府南陵縣野塘。時時湧泉。

戊午四川鹽課提舉司奏請開井研縣捲市井龍子井鹽

鹽戶部以聞 皇太子從之

已卡女直野人頭目塔因哥撒因加等來朝 皇太子命
爲兀里奚山等衛指揮千百戶賜鈔幣有差
庚申 車駕次威虜鎮無水命以駝於席武鎮載水賜衛
士

日暮上猶未食中官請進饌 上曰軍士未食朕何忍
獨先飽令人視各營軍士皆食始進饌

孟良府土官知府刀交及茶山黑麻長官早張刁思發各
遣頭目貢馬 皇太子賜之鈔幣

壬戌 車駕次玄雲谷聞涼州韓官叛命都指揮僉事史

皇明大政紀 卷七

五

照充總兵官鎮守涼州等處凡土軍土民有梗命者勦之
車里宣慰司刁還谷遣孫刁珀等貢象馬等物 皇太子
賜錦綺鈔羅有差

陝西按察司奏平涼臨洮等處檢輸甘肅永昌寧夏莊浪
永樂六年七年稅糧芻茭民困災傷運至中途車推牛死
不能前進致逋負者多 皇太子命戶部停徵免被災之
民徭役一年

都督費繼等敗叛虎保等於雙城

時虎保等屯番城東相距百五十里繼進軍勦之賊來
搏戰且詐言欲降既而引退復相遇於雙城繼以兵擊
其左陳懷等擊其右賊大敗走所殺傷甚衆斬首三百

餘級追奔至黑魚海獲賊屬千餘馬駝牛羊十二

奇虎保等亦令眞巴等遠遁繼等遂還

甲子 車駕次長青塞賜其泉名玉華

乙丑 皇太子令設河南衛輝提舉司

五月丁卯 車駕發順安鎮臨臚胸河登山四望賜各飲
馬河營於平漠鎮

羽林前衛故指揮同知賈浩子福等三十一人乞以父功
免比試照例優給襲職 皇太子以武官子弟不閑弓馬

慮其何用命都督府依例比試不中者罰

備州宣慰司楊升并恩恩州土官岑永昌各遣人貢馬
皇太子賜資有差

皇明大政紀 卷七

六

漢中府金州大水壞城垣倉廩漂溺人口事聞 皇太子
命戶部速遣人撫視

夜有星大如雞子青白色有光出東南雲中東北行至近
濁

戊辰 駐蹕平漠鎮遣都督冀中祭飲馬山川

庚午 車駕次蒼山峽哨騎獲虜謀者五人及指揮欽台
獲虜馬四匹來獻

甲戌 車駕次環翠皇胡騎指揮欽台獲人詢知本雅失

里在兀古兒札河晚遂度飲馬河下營

皇太子命戶部賑直隸滁州宿州饑民

脩廣東松茲縣張家坑何家洲堤岸

乙亥命清遠侯王友廣恩伯劉才領官軍於飲馬河上殺胡城住劄

上率精銳騎軍循飲馬河西北行胡騎都指揮婁鬼力獲殺虜人口孽命送殺胡城仍勅王友等撫養之

丙子車駕發聞喜岡勅諸將以次前進避山取道毋疲困士卒

丁丑車駕次平虜鎮用韃韃百戶為鄉道

工部言山東平度州濰河及浮糠等河水決壞堤堰請遣官脩築皇太子從之

交趾總兵官沐晟統軍敗賊首陳季擴於虞江追至會湖靈長海口生擒神龍將軍黎弄斬首三千餘級

車馬大政紀

卷七

七

戊寅車駕至兀古兒札河虜先遁賜名清塵河夜倍道追之

交趾總兵官沐晟遣都督僉事江浩與賊黨鄧景異等戰於魯江不利都指揮孫全亦戰死於爭江

己卯車駕追虜至幹難擊敗之本雅失里以七騎遁去獲馬驢牛羊生口無算

皇太子令設陝司茶馬司隸本布政司

辛巳諸將以所俘把禿帖木兒等男婦百餘人來朝見上命皆釋之

旋師次五原峯命清遠侯王友等簡精銳士卒候征阿魯

壬午駐蹕五原峯命都督薛祿祭幹難山川賜名玄冥池

皇太子復遼東辦事官滕宗智仍為廣東道監察御史宗智初以御史坐累謫為辦事官既還薦其才者故復之

復之

巡按廣西御史李賢啓橫州海橋增設遞運所以便復往并乞除免從征亡沒者幼男寡婦子粒皇太子悉從之

癸未車駕次清塵河指揮萬忠獲虜四人至命釋縛留隨征

國子監司業董子莊啓請如南監例置典籍一員專掌書籍皇太子從之

皇明大政紀

卷七

七

丙戌車駕次飲馬河遣都督指揮李文中中官海壽貴書諭皇太子遂下詔班師

上謂兵部尚書方賓學士胡廣等曰朕為宗社生民不得已遠征逆虜異一勞永逸今首惡已遁其眾敗散朕當旋師且休兵息甲嚴守備更務屯田使兵堅邊實

虜不足慮賓對曰宗社生民之福也

丁亥車駕次殺胡城勅成安侯郭亮督餽運赴應昌

命清遠侯王友廣恩侯劉才領將士先赴開平休息時謀報虜偽知院失乃干潰散走西至廣武鎮欲率眾

來降遣指揮廓廓帖木兒等招之仍命王友等途中如遇失乃干降須善撫綏之不降即掩擊之

勅工部尚書吳中節指揮章安督餽運赴會州山

肅州寄居回回哈刺馬牙等叛殺守禦都指揮劉秉謙等

據城指彈盧本伴為承順密約出哨千戶朱迪等內外合

攻復其城亦斤千戶塔力尼及沙州衛指揮困即東各率

眾獲散潰卒盡藏之事聞皇太子賜絲幣綿布有差

庚寅車駕循飲馬河次蟠龍軍士乏食命軍中所獲牛

羊及光祿寺上供米麪諸物悉給士卒

上勅清遠侯王友等曰士卒從朕遠征備極艱難古人

為將皆與士卒同甘苦士卒未食不先食朕安得獨享

辛卯刑科給事中耿通言驍騎等衛倉壞運糧露積虧折

工部侍郎陳壽等不預脩宜正其罪皇太子令亟修之

皇明大政紀卷七

夜月犯昴宿

壬辰車駕次定邊鎮遣都督梁福祭去年陷沒將士

設萬全東關驛

癸巳車駕次雙清源前丘福陷虜軍士聞上親征至

是多脫歸

朝鮮國王李芳遠遣陪臣尹向貢馬及方物皇太子賜

鈔幣

甲午吏科給事陶瑋有罪下獄

時瑋啓其鄉一工匠不赴工役而私賈於外皇太子

曰爾以是為忠耶朝廷置六科雖以考察奏牘防閑欺

蔽亦欲聞政事之闕失下人之休戚今朝廷政事兵民

休戚豈無言者皆未聞爾言而瑋瑣瑣及此豈汝等

私憾乎命刑部名匠訊之刑部還言匠以役滿將斬瑋

以給路費其家居與瑋鄰素有私忿益誣之遂下獄

六月丙申車駕次凝翠岡下令將士臨陣毋掠人口輜

重及馬駝牛羊違者斬

庚子車駕次楊青戍戒將士毋妄殺戮

疏求國官生模都古等三人入國子監受學皇太子命

賜巾衣靴纓纓帳具

其京監察御史鄒師顏劾御史白春巡視驛傳貪受賄

賕宜付法司論罪皇長孫命都察院鞫之

壬寅夜有星大如雞子赤色光燭地出輦道東北行入貫

皇明大政紀卷七

索內

甲辰車駕次飛雲堡前山谷中阿魯台遣諸軍門請降

上知其詐為自脫計遣勅諭令來朝不決率兵擊敗之

阿魯台歸順之意其左右沮之曰爾不殺大朝使臣邪

大明皇帝何負爾爾既背之今復歸之縱天地之量能

爾容爾何顏而立於其朝乎阿魯台默然猶未決又

遣其甥朵兒只來諭誠款上賜之酒復遣使與偕往

諭之其下欲降者半欲戰者半阿魯台對眾太息曰今

戰勝負未可必但戰敗欲降可得乎哉所遣使知虜猶

豫無堅志馳歸奏之上曰朕固知此虜詐諸將請戰

上未可令諸將暫休各嚴陣以待虜亦遲回不敢發

上以數百騎挑之虜眾迎戰右哨先與虜敵阿魯台率數千騎當中堅上躬率精騎千餘徑衝虜陣其軍大呼人百其勇天下如注阿魯台失色墮馬虜騎歛者相枕藉阿魯台罵其麾下曰不從吾言至此今無及矣策馬走我師乘之追奔百餘里虜眾潰散阿魯台以其家屬遠遁

乙巳 上旋師逐虜潰散者晚次駐蹕峰地高少水忽雷雨大作軍中足飲

皇太子免潁州并太和縣被水災田賦

丙午 上率精騎前進至長秀川虜棄輜重牛羊雜畜滿山谷及河兩傍百餘里命都督冀中金玉等殿後收其牛

羊雜畜盡焚其輜重

夜火星犯太微垣石沬法

上追及虜於回曲津大敗之斬其名王以下百數十人

戊寅 上追虜至廣漠戌餘虜數十人遙拜祈哀盡釋之

廣都指揮僉事謝奉啓奉命招撫臺虜諸寨蠻賊苗普

等歸順 皇太子悉宥之令復業

設宿遷縣黃河渡口崞山路一關隘

已酉 車駕發廣漠伏兵誘虜盡殲之
上諭諸將曰虜性至死不易今雖潰散山谷必有窺伺我後者須擒之乃命諸將先渡河伏騎士數百餘河曲

柳林中令步卒十餘銃士後行而實草於囊載之以誘

虜戒之曰虜至則引入伏中舉銃伏兵聞銃即出上

按精兵千餘最後發虜見大兵渡河果食所載物競趨

而至既入伏中銃發伏兵躍出虜亟回走上所率兵

已至虜窮急莫知所向復奔渡河馬陷入淖泥遂生擒

數十人餘盡死至是虜無敢窺於後者而訊所擒數十

人皆兀良哈部下嘗入朝授官矣復叛附阿魯台上

責之曰爾於朝廷何功徒因來朝輒予爵賞今不思報

乃復叛爲寇用命悉斬之

庚戌 車駕次寧武鎮虜率眾來降者踵至遣都督王其

中官紫塞賁敗阿魯台之績諭 皇太子

皇明大政紀 七卷

切英國公張輔成安侯郭亮督餽運赴軍前

辛亥 車駕次紫雲谷諸將皆會賀捷

上曰朕非無深宮廣殿可以自逸而與卿等蒙冒霜露

暴於遠外者誠以邊民之患不可坐視胡虜之勢不可

滋長及朕與卿皆耄耋同力掃除之亦子孫生民之利

也

膠州知州文敏言民困水災缺乏乞累歲通租折布帛今

年租輸粟 皇太子從之
上 車駕次玉門山命諸將善視軍士有病者毋令失

所

甲寅北京監察御史鄒師顏劾啓御史李公敏娶見監罪

因親屬為妻或挾其妻就於家人通宵不反致同僚御史劉先劉免張肅郭衡商忠皆娶離異不明之婦乞黜免以清憲紀 皇長孫令都察院鞠之

乙卯 車駕發清華源命諸將巡視士卒有病者悉舁載赴營

戊午 車駕次淙流峽遣人督成安侯郭亮餽運赴營已未 車駕次錦雲峯成安侯郭亮餽運至

庚申 車駕次永寧戍

辛酉 車駕次長樂鎮命都督劉江等率師殿後遇遺骸就瘞之

上聞清遠侯王友等將至禽胡山與失乃干相距一程迂

道避往應昌致軍士乏食遣使切責之

上曰將士從朕遠征勞苦可憫特付爾等先歸就有粮之處休息今舍近趨遠踏無粮之地致餓死甚眾馬謖

違諸葛亮節度舍水上山亮按斬之朕為天子總六軍乃可廢法耶又嘗諭爾等遇胡寇即相機勦滅寇距爾

一程乃舍之而避去為將擁兵縱賊尚可逃誅耶

壬戌 車駕次通川甸勅英國公張輔閱視王友所領馬

牛官軍器仗

癸亥 車駕次全抄苑勅英國公張輔收王友等原受制諭領其眾

命都督馬榮領軍收恤王友所遺之病餒者並給粮食毋

遺棄一人有收病卒一人至營者賞鈔五錠

湖廣容美宣撫使田勝遣把事杜貴達等貢方物 皇太子賜鈔幣

乙丑 車駕次威信戍 皇長孫及趙王高燧北京文武衙門遣官進迎鑾表至行在所

琉球國中山王思紹遣使臣林佑等及阿端回哈只火離等貢方物 皇太子賜鈔幣有差

七月丙寅朔享 太廟 命 皇太子行禮

丁卯 車駕次開平宴勞將士及進表官命諸將以所獲牛羊給軍食

上謂侍臣曰朕在塞外久素食非乏肉也但念士卒艱

難朕雖食之豈能甘味故寧已之侍臣曰臣等比見

陛下服御供具儉約蓋將帥有過之者 上曰朕往時

在軍皆然不獨此行但此行尤念士卒勞苦也

命都督張遠等於平胡城運軍餉還開平

遣使勅駙馬都尉西寧侯宋琥鎮甘肅

戊辰遣右庶子楊榮齎書諭 皇太子以七月十七日抵

北京代告天地 宗廟 社稷

皇長孫遣中官進瓜果至行在

改開平李陵驛為威虜驛

已巳趙王高燧遣使進瓜果行在

勅文武羣臣議王友等罪

辛未置湖廣施南宣撫司之金峒忠孝東鄉五路安撫
流官吏目各一員

壬申 車駕次盤谷鎮勅廣平侯表容等預撥軍士候隨
征將士到家代為牧放仍禁軍士踐苗稼採瓜果

勅寧夏備禦都指揮王倣慎守寧夏
平胡捷音至京師 皇太子令賞來使及從行銀鈔綵幣
賜宴于中軍都督府

癸酉 車駕次獨石勅北京留守羣臣毋遠迎妨事
脩遼東廣寧右屯衛城池

改雲南驛為龍門驛浩門驛為雲門驛

甲戌 車駕次龍門 皇太子遣兵部尚書兼詹事金忠
皇明大政紀 卷七

進迎鑾表詹事府丞陸中善進袍服皆至 命倣入關將
士俱易衣服方易之

上曰將士同朕勤勞其衣裘悉敝未有更易朕何為獨
先

乙亥禮部咨議凡州縣戶不及五百者州一年縣二年各
貢生徒一人 皇太子從之

湖廣興山知縣秦鳳言天下郡邑民數不同多者不下
萬戶寡者僅一二百戶歲貢生員宜有差等故議之

交趾按察司僉事劉友年言交趾衛宜倣雲南例三分守
城七分屯田 皇太子命兵部議行之

丁丑 皇太子命禮部近聞京師民有厭多男子生輒棄

之宜禁止再有犯者并兩隣加罪

甫兒河衛千戶我不加元者衛千戶別里哥兀當哈等詣
闕自陳願居遼東自在州 皇太子從之令如例給賜

戊寅置交州鎮夷二衛城柵
裁省福建興化縣丞主簿

溫州平陽縣風潮漂沒廬舍溺死人民事聞 皇太子遣
人安撫

庚辰 車駕次龍虎臺北京文武羣臣奉迎見畢即遣歸
山東登州府寧海等州縣自正月至六月男婦疾死六十
一百餘口

辛巳 皇太子命戶部賑安慶徽州鎮江鳳陽等郡饑民
皇明大政紀 卷七

壬午 帝至北京御奉天殿受朝賀羣臣上表稱賀
癸未大宴羣臣於奉天殿未預宴者各賜之鈔

甲申 上以 皇長孫守北京民安政理賜戶部尚書夏
原吉鈔一千貫綵幣四表裏及鞍馬羊酒

戊子 皇太子千秋節以 仁孝皇后梓官未葬止勿賀
已丑工部侍郎蔣廷瓚招撫青州府莒州等縣復業民一
萬三千四百戶

庚寅築開平衛及烟墩七座

辛卯浙江金鄉衛颶風聚雨壞城垣公廨
壬辰陞指揮同知滿都為陝西指揮同知撫綏涼州驍軍
夜有星大如豆青色有光出北落師門西南行至近濁

甲午論從征將士功行陞賞

八月乙未左庶子楊榮由南京至北京復命撰平胡頌以進

丙申夜有星大如盞青白色尾跡有光出西方西南行入游氣

丁酉遣官釋奠先師孔子

監察御史李琳言福建各塩場累歲虧折課乞論官吏罪上知前辦之難遣人馳驛宥之

戊戌皇太子代祭大社大稷

本邦宣慰使罕兵法遣頭目貢象馬金銀器物等項謝賜賚恩

聖明大政紀

改槍杆嶺巡檢司爲長安嶺巡檢司

遣北京牧馬千戶所吏目一員

壬寅以安遠伯柳昇北征有功進封侯爵

癸卯皇太子命如例賜國子監琉球四川雲南生楊麟等九十二人衣服余縵巾絛靴襪

賑陝西伏羌通渭等縣饑民五千八百九十餘戶

大理寺左寺丞遠志有罪謫北京死馬寺充軍

乙巳浙江按察司僉事徐善安有罪謫戍邊

丙午遣官祭歷代帝王廟

丁未皇太子代祭風雲雷雨嶽鎮海瀆山川等神遣官祭旗纛

以都指揮同知王貴李文北征有功俱陞爲陝西都指揮使

命行在禮部集僧道於慶壽寺白雲觀建齋醮三晝夜薦薦北征亡故軍士

庚戌命禮部厚賜北征亡故官軍之家襲職優給如例

癸丑修揚州府實應縣塘岸八十里

寧遠侯何福懼罪自殺命追削封爵

丙申河南衛軍人蔡挽兒妻產三男事聞命禮部循例優給

丁巳以朝鮮國王李芳遠獻馬萬疋助北征遣中官田嘉禾等齎勅并白金兩萬兩賜之

聖明大政紀

遣交趾鎮夷衛經歷司經歷一員

戊午命北京行部運塩三萬斤儲懷來以給開平守禦將士

己未賜扈從北征文職官鈔幣有差時命學士胡廣庶子楊榮諭德金幼孜賜同尚書

設四川長河西魚通寧遠等處及苦白沙思遠等寺五僧副司

河南按察司僉事張翥等言黃河泛漲壞開封舊城民被患者萬四千一百餘戶沒田七千五百餘頃命戶部遣人巡視安撫

辛酉旦老人星見丙位色赤黃

以涉河節指揮使卽來等赤斤蒙古千戶答方尼
哈喇馬牙等叛獲賊有功各通陞一級賜綵幣衣服

丙子才星犯右執法

乙丑朔改立北京灤州蠶沙河泊所

丁卯古路慶之地女直頭目不理哈等來朝乞于東寧居
住之授千百戶之職賜予如例

戊辰夜有星大如盞青白色光燭地出正南雲中西南行

己巳車駕幸天壽山議武義伯王通天氣漸寒善撫恤
軍民人賜鈔有差

聖明大政紀

卷七

辛未雲南雷益州土官知州阿周遣其屬貢馬賜鈔幣

丁申設四川長河西刺思綱道紀司

占城國王占巴的刺史濟標等貢象并金銀器等物遣
中官馬彬送還賞勅賜其王錦紗羅

甲戌修高郵衛城池

乙亥夜木星犯靈臺土官

丙子朝鮮國王李芳遠遣陪臣趙大林等奉表賀平胡獻
馬及方物賜鈔幣有差

丁丑以金吾衛左衛指揮使李福等征胡有功各陞一級
夜月犯中屏西第二星

己卯以擒獲交趾賊首簡定功陞交趾軍士添永受爲千
戶賜冠帶并銀五十兩鈔三百錠綵幣三表裏餘陞賞有
差

中官張謙行人周航使浚泥國還其王遐旺遣其叔蔓的
里哈盧等百六十人偕來貢方物謝恩賜文綺襲衣鈔
幣有差

庚申命番僧綿思吉等爲淨慈妙濟等國師各給護勅俾
自在修行

辛巳命戶部遼東備禦官軍俸糧給全米

甲申曾王羣輝奏護衛給月糧已三年當罷乞以六分屯
田四分守城從之

聖明大政紀

卷七

福建右布政使張拱立福建官軍俸糧倉儲有餘有司復令
民海運舊者不免腐爛新者無倉收受乞將今年秋糧折
收布鈔從之

乙酉老撾宣慰使刁線友遣頭目貢馬及方物賜之鈔
幣

撫安山東給事中王鐸言長山等縣文廟聖賢塑像衣服
左衽乞改正從之

乙丑諭皇太子以十月初四日啓行回京命預告天地
太廟社稷

夜月犯太微西垣上將星

設北京順天府廣備庫置太使副使准內庫例周歲考滿

辛卯烏撒軍民前土官知府阿能遣人貢馬。賜之鈔幣。遣內官關僧齋書及銀幣往西土徵尚師昆澤恩巴。夜金星犯天江南二星。

十月甲午朔。皇太子代享太廟。

乞忽古里三衛女直野人頭目阿兒克等九十二人來朝。

命爲指揮千百戶等官。賜冠帶襲衣鈔幣。

命番僧班丹藏卜等爲淨覺弘濟等國師。把奔等爲禪師。各給誥印。

夜星有大如碗。赤色有尾跡。光燭地。出司怪。東北行入輿星。

乙未行在都察院右副都御史李慶言。公侯都督令家人

皇明大政紀 卷七

三

子弟行商中。盜凌轅官吏倍數多支。乞付於法。上令戶部榜諭禁止。

女直野人頭目撒加因等來朝。命爲兀里奚山衛指揮

等官。居安樂州。賜予如例。

丁酉。車駕發北京。

右中允劉子春。劾啓左都御史陳瑛等。方命廢事。乞懲以罪。皇太子責瑛等刻薄。其速改之。

戊戌。降刑部左侍郎劉季篈爲兩淮運司副使。應天府尹向寶爲兩浙運司判官。

己亥。駐蹕新城。命會州衛指揮趙得率保定涿鹿茂山蔚州衛軍。共千人守紫荆關。

甘肅總兵官西寧侯宋琥奏。調都指揮丁綱鎮涼州。王貴鎮肅州。史昭鎮番從之。

庚子。浙江臨海縣言。淫雨潦沒田稼。民多饑窘。乞以鈔代

輸稅糧魚課。皇太子從之。

交趾布政司言。新例徒流遷徙杖罪。皆北京種田。比先降

刑名事例不同。皇太子以交趾在萬里外。宜從先例。今

刑部移文知之。

癸卯。務本之訓成。

時。上以長孫生長深宮。欲其知稼穡之艱難。因巡幸

北京。以待行。使歷觀民情風俗。及田野農桑勤勞之事。

而知國用所需。皆出於此。爲民上者。宜加體恤。且

皇明大政紀 卷七

三

太祖高皇帝創業之難。及往古聖賢之君。昏亂之主。興

亡得失。可爲鑒戒者。以致飭勵之意。書成名務本之訓

云。

乙巳。改北京遷安驛。隸灤州。

戊申。戶部言。蘇州府崑山縣。青州府日照縣。各貸預備倉

糧。拯饑民。以累歲水災。不能償。乞折輸鈔。皇太子從之。

書。太白見未位。

壬子。夜月犯五諸侯二星。

甲寅。車駕次濟寧。魯王肇輝來朝。賜絲幣等物。

夜。有星大如彈丸。赤色。尾跡有光。出天關流五丈餘。光如

雞子大。西南行入天樞。

乙卯。上聞周王櫛於國中作殿奉祀。太祖賜書戒止之。

書曰禮支子不祭 皇祖國廟則肇於始封之王若太祖高皇帝之祀朝廷自有宗廟王今祀於國中過矣孔子曰祭之以禮若不得爲而爲之不可爲孝王其審禮而行勿貽異議

丁巳。車駕次臨城。侍行賢妃權氏以疾薨。賜祭。謚恭獻。權瘞於澤縣。

戶部言江西廣昌縣民疫死八百餘戶乞蠲其稅。皇太子從之。

戊午夜月犯太微垣右執法 諭三法司宜加敬謹無罪
皇明不敗紀 奏

十一月癸亥朔戶部會議直隸郡縣官租既重又令速輸誠爲勞費宜令輸納附近官倉 皇太子從之

乙丑命武安侯鄭亨率領北京各衛所軍馬往宣府操備。
己巳韃官脫罕等十人率男女百六十口來歸。奏願居京。

師賜予如例。

癸酉巡按福建監察御史李素劾啓倭寇攻破大金定海二千戶所羅源等縣殺傷民軍乘勢攻圍平海衛百戶繆真戰死福建都指揮童俊及千戶王朝用等逗遛不救援宜正典刑。皇太子命法司鞠之。

甲戌 帝還京遣官祭告天地宗廟社稷孝陵承

天門及京都祀典旗纛諸神

上御奉天殿受賀大宴文武羣臣

丁丑思南宣慰使王宗鼎遣副長官李斌貢馬。賜鈔幣。
庚辰冬至。上御奉天殿受朝賀。大宴文武羣臣四夷朝
使。

辛巳虎賁左衛千戶楊瑋發指揮曹昇私蓄妖書 命陞
府軍衛指揮僉事

壬午命張宇清爲正一真人。
千戶卜玉發都督梁銘隨侍。
皇太子監禮。擅用有過衛
士帶刀入直。詔銘下獄。

惠顧王脫脫沉湎於酒陵辱朝使建伯輝母極辱與徐

乞烈速頭目干塔奴等來朝。命爲指揮僉事。賜詔印冠帶襲衣及鈔幣有差。

緬甸宣慰使那羅塔遣頭目忙只等貢馬。賜幣有差。
癸未。賜國子監琉球等處生李傑。并從人冬衣靴襪。

禮部尚書呂震曰。昔唐太宗興學校。新羅百濟皆遣子入學。當時僅聞給廩膳。未若今日資與周備也。陛下盛德。前古未有。上曰。遠方慕中國禮義。故遣子入學。

必足於衣食然後樂學。我太祖高皇帝命資給之。著於令典。所謂曲成萬物而不遺者。朕安得違之。

申申置四川施州衛鎮南長官司吏目一員。

戊子。給江淮濟川二衛水夫胖襖。

已丑。陝西指揮同知劉昭泰以茶易河州衛各番馬七千七百一十四匹。發陝西甘肅二處死馬寺孽牧外。餘馬六千二百八十四匹。送北京太僕寺飼養。從之。

每匹上馬茶六十斤。中馬茶四十斤。下馬遞減。

壬辰。以羽林千戶卜玉發都督梁銘罪。陞指揮同知。賜鈔三千貫。及襲衣鞍馬。

遣指揮哈喇那海等有涼州韃官虎保亦令真巴等罪。率妻子萬二千餘口來歸。悉令復業。

十二月。癸巳朔。欽天監進永樂九年大統曆。上御奉天殿。受之。頒賜諸王及文武羣臣。

聖明大政紀 卷七

上視往南郊。

韃靼太師阿魯台遣平章脫忽乃等來獻貢馬。命宴勞之。賜襲衣鈔幣。

甲午。瓊州府文昌縣斬脚寨黎首振洞生等來朝貢。賜以鈔幣。俾往招諸洞生黎。

乙未。楚王楨寧王世子磐斌來朝。宴楚王於華蓋殿。賜世子宴於前三公府。其從官皆賜宴。

戊戌。諭勉楚王隨行文武官屬。賜文綺及鈔有差。

諭曰。朕即位以來。楚王未嘗有越禮踰分之事。雖府中有一二小人作過。悉是其下所為。王無預焉。王素性樂善。秉德奉法。可為賢王爾等。為其官屬。與有榮矣。然爾

等亦有贊輔之力。今歸更加勉之。

楚王楨言。王府校尉死亡者。自今請留所生另補缺。庶免別念從之。

河南守臣言。河決環城。宜及時修理。諭工部遣人往視隄防。

爪哇國王都馬板遣使亞烈速木等上表貢馬及方物。宴養其使。以文綺賜之。

暹羅國王昭祿群英。哆羅諦遣使曾受賢等貢馬及方物。并送中國流移人還。宴養其使。遣中官張原等賫勅并織金文綺紗羅勞之。

設交趾長江安樂磨那杜四巡檢。

聖明大政紀 卷七

庚子。臘日。賜文武羣臣宴。

遣行人余良賁勅往涼州。賜都督吳允誠妻綵幣等物。

諭曰。比韃寇以兵脅爾為叛。爾夫及子從朕征討。而爾能守節勵志。與子管者謀執叛者戮之。而秉丈夫之節。

忠以報國。智以脫患。朕甚嘉焉。今賜爾綵幣十表裏。米百石。鈔四千貫。羊百羴。用示褒嘉。陞子管者為指揮僉事。其所部都指揮保住等各賜綵幣八表裏。米八十石。

壬寅。重建醉仙樓。

樓在三山門外。洪武中建。比燬於火。故復建之。

戶部尚書夏原吉言。揚州府如皋縣水沒民田四十五頃。宜蠲其租。從之。

癸卯蘇州府吳江縣言石塘官路連年土石坍塌橋梁斷壞請及時修理。勅通政趙居住督理之。

甲辰周王櫛亦明隨從軍士在途擾民往往空室逃避命錦衣衛執軍士送王自治。

福建邵武府言境內疫癘民一萬二千餘戶所遺田地乞以仗罪囚徒耕種輸稅從之。

乙巳孔子五十九代孫彥縉來朝。賜宴于奉天殿。

丙午兀列河等處女直野人頭目早花等二十人來朝命為指揮千百戶賜誥印冠帶襲衣及鈔幣有差。

丁未勅諭韃靼太師阿魯台爾遣脫忽歹等言元氏子孫已絕欲率部屬來歸爾此

皇明大政紀

七卷

七

心朕具悉之朕奉天命為天下君惟欲萬方之人咸得其所凡有來朝者皆厚撫之初無遠近彼此之間脫忽歹又致爾言謂瓦剌之人非有誠心歸朕彼如誠心歸附當遂獻傳國之寶矣彼誠否固不可必而朕未嘗重此寶也自昔堯舜禹湯文武數聖人主天下豈有此寶也蓋帝王之寶在德不在此如必以此為寶則元氏子孫當永保天位福及子孫何至衰敗凋落如今哉脫忽歹等回遣指揮岳山鎮撫丁全等偕行諭朕之意并賜爾綵幣至可領也。

戊申蘇門答剌國王宰如里阿必丁榜葛刺國王雷牙思丁遣使麻抹細智等貢方物。賜賚有差。

已酉命都督龜貝嶽都指揮胡宗陳懷率陝西都司馬步軍五千河南都司三千山西都司二千在甘肅操備者聽總兵官謝馬都尉西寧侯宋琥節制。

庚戌刑科給事中周智有罪謫戍交趾。

辛亥命孔彥縉襲封衍聖公。

壬子都察院左都御史陳瑛劾隆平侯張信強占丹陽練湖及江陰官田七十餘頃法當逮問。命三法司雜治之夜月犯木星。

癸丑諭吏部尚書蹇義繼今風憲更不得用吏者為令。

上曰御史國之司直必有學識達治體廉正不阿乃可任之刀筆吏知利不知義知刻薄不知大體用此徒何

皇明大政紀

七卷

七

風紀抵使人輕視朝廷前之由吏為御史者悉罷之改置承寧南邊界首烏撒七星關巡檢司。

用寅勅甘肅總兵西寧侯宋琥謹守常法不宜輕易遣人出境。

上曰禮臣子無外交昔中山王守北京十餘年未嘗輕遣一人出塞外當時邊圉無事中山亦安享富貴今名無窮爾能遵朕訓則邊境可安爾之富貴亦永遠矣。

吏部言監運司判官考覈事例職掌未載請依本司堂上官例北京新設死馬寺卿丞等官考如行太僕寺官例從之。

都指揮同知吳玉奉命往胡廣調軍縱軍虐民謫戍邊自

效

乙卯撤馬兒罕并大州等處回火者馬兒等獻玉璞硯砂賜鈔衣服有差

罷北京城內外城門郎

丙辰定祠祭署改郊壇為天地壇鍾山為孝陵

朝鮮國王李芳遠遣陪臣林整琉琉球國中山王思紹遣姪

三吾良賡各貢方物賀明年正旦命禮部宴勞之

戊午勅寧夏守備都指揮王倣聞虜寇近邊須嚴備之

慎勿輕戰墮其詭計

交趾賊首陳李擴遣胡彥臣等上表請降上以能遷善

許之命為交趾布政司使

聖明大政紀 七卷

已未徐州碭山縣言連年水災薄收乞租稅折鈔從之

辛酉享太廟

是歲天下戶九百六十萬五千七百五十五口五千一百

七十九萬五千二百五十五賦稅糧三千六十二萬二千

一百三十八石餽運北京糧二百一萬五千一百六十五

石有奇交趾上供金百三十二兩

辛卯永樂九年正月壬戌朔

上御奉天殿受朝賀大宴文武羣臣及四夷朝使

甲子命兵部尚書方賓等榜諭天下愚民遵守朝廷法度

毋嘯聚為非

諭曰建文時賦役繁重兩廣江西福建多有嘯聚作亂

為害鄉里朕初即位不忍捕戮遣官招諭悉能聽從各

還生業今天下平寧朝廷紀綱法度已定尚慮愚昧者

不知為善之樂或因有司暴虐或為豪富凌逼乘其小

忿輒入山林嘯聚劫掠於法必應勦捕然兵戈所加傷

其善人此徒豈無良心當預先開導爾兵部即榜諭自

今務須遵守法度賦役一體應當以盡為民之分如有

分外科徵自下而上陳告若不准理許賞大誥赴京陳

訴如鄉里有頑惡無賴之人扇誘作耗其良善者能擒

之解官朝廷量加賞賜豈不勝於脅從受禍果能遵守

朕訓永遠安吉違則有禍悔將無及

丙寅立春上御奉天殿文武羣臣行賀禮賜宴

聖明大政紀 七卷

贈太常寺寺丞表廷玉為本寺少卿

廷玉郵縣人少遊海上遇異人授相術論人壽夭窮通

休咎皆有驗上在潛邸聞其名召之一見再拜稽首

曰殿下太平天子也龍質鳳姿天高地廣日月大明

半踰四十萬方仰照焉上既正大統追憶廷玉言遣

內侍召至以為太常寺丞賜資甚厚暨巡狩北京復召

至行在懇以老乞歸田里至是卒賜祭贈官

丁卯享太廟

開平備禦成安侯郭亮等奏請給金鼓夜巡銅牌起馬符

驗命所司悉給之

已巳修江西安福縣龍陂等處塘堰

庚午浙江麗水縣請修築通濟堰從之。

賜暹羅國使臣曾壽賢四川長河西刺麻長巴監藏東洋使人李有等宴。

辛未以大祭南郊上御奉天殿文武受戒。

錦衣衛百戶馬貴使西洋古里等處有勞陞為本衛指揮同知。

壬申老過宣慰使刁線歹遣人貢方物賜資其使遣中官楊林以文綺往酬之。

甲戌大祀天地于南郊上還御奉天殿文武羣臣行慶成禮。

乙亥以郊祀成大宴文武羣臣及四夷朝使。

皇明大政紀 卷七 十一

丙子元宵節賜文武羣臣宴。

丁丑命安遠侯柳升鎮守寧夏。

已卯命英國公張輔為征虜副將軍會征夷將軍黔國公沐晟率兵討交趾叛寇。

勅交趾都布按三司凡有犯重罪而情可矜者發英國公處立功贖罪。

庚辰勅甘肅總兵官西寧侯宋琥得報鞬失墜於剽掠黃河東岸宜戒都指揮王倣輕敵陷身不可怠忽。

辛巳順天府香河等縣奏所收官草因雨濕爛而法司坐侵欺責償甚急乞寬恤。特命釋之仍賜鈔五錠為道里費。

壬午吏部言交趾新附免各官明年朝覲止命布按二司掌印官一員來朝從之。

命吏部凡官邊方當朝者皆止勿來。

巡按陝西監察御史劉璧言潼關等衛補造軍器料買銅鐵丹漆牛勛魚鱉生漆黃麻皆非土產請令所司係本土所產者先辦其餘官給價銀於出產處收買為便從之。

甲申命戶部於復征交趾將士全支俸糧。

修湖廣襄陽衛護城堤及樊城西堤。

浙江上虞縣請改置通明堤於鄭鑑山為便從之。

乙酉建孝陵門如大祀壇南門之制。

右庶子楊榮奏乞奔母喪。命申官宋成馳驛還鄉且勅皇明大政紀 卷七 十一

榮速來。

丙戌命豐城侯李彬平江伯陳瑄等率領浙江福建官軍勦捕海寇。

命都督費義率舟師命衛輝府所儲粟二十二萬四千四百石赴北京。

揚州府奏高郵州鹽城北家溝塘岸三十里及張家溝等處塘岸因水衝決乞發丁夫修治。皇太子令工部覈實修築。

戊子中軍都督同知蔡福坐私賣官馬謫戍邊自效。

已丑免北京祁州被水災田租。

刑科給事中耿通等劾輪班匠役滿工部仍畱不遣請罪。

之命錦衣衛執郎中以下鞠問尚書宋禮令戴罪理事
二月壬辰朔遣勅戒勵秦王尚炳符至不出迎侮慢使者
械長史紀善典儀送京師王自今勉力學問癸巳北京國子監生徒增益請如南京國子監例置博
士助教學正學錄掌饌官員從之

戶部言四川涪州武陵縣石床灘有龍泉塩井近河夏秋
為水所沒春冬煎塩可二十七萬二千二百五十斤宜以
屬郁山井塩課司提督開煎從之

賜光祿寺卿權求均少卿鄭允厚陪琉球國王姪三吾王
良璽等宴

遣中官張謙等賞勅浣泥國賜王還旺錦綺羅絲絹百二
皇明大政紀七卷

琉球國中山王思紹遣王相之子懷德寨官子祖魯右入
國子監受學

江西吉水縣知縣錢本中卒民哀慕之留葬吉水爭趨負
土營墳

本中常州武進人涉獵書史明法律洪武中以才舉授
河間故城縣知縣改元城再改吉水前令不職豪民宿

吏並緣為奸良苦之本中至捕其尤者一二徙遠方邑
中肅然新解字壇壝學舍躬視諸生旌別勤惰以勸政

務清簡不任刑罰邑嘗有盜聚山谷間初劫掠郡守欲
以兵勦之本中卑騎詣賊壘喻禍福衆信服即縛首賊

送官會赦皆得免本中操守清堅門無私謁妻子僅足

衣服後坐累罷官翰林學士胡廣薦其治得民心遂復
吉水知縣縣民聞本中復來奔走迎拜未幾以疾卒

丁酉遣官釋奠先師孔子

戊戌祭大社大稷

遣官祭先農

己亥山東沂州言沐河口衝水決五十餘丈請發民夫修
築從之

壬寅置湖廣容美宣撫司之水盡源通塔坪石梁洞三長

官司流官吏目各一員

修江西安仁縣饒家坡

皇明大政紀七卷

癸卯上諭侍臣謹小事改小過

上御右順門覽奏牘時御案鎮紙金獅欲側將墜給事
中耿通趨進移置案中上顧侍臣曰一器之微置於

危處則危置於安處則安天下大器也獨可置之於危

乎尤須安之天下雖安不可忘危故小事必謹小不謹

而積之將至大患小過必改小不改而積之將至大壞

皆致危之道也先是上諭六科查奏牘恐發落有失

中者悉改之有奏改之恐失信於下上曰但欲得當

何憚於改至是因此申諭之

修天地山川孝陵及奉天殿祭器

勅交趾總兵官英國公張輔黔國公沐晟等陳李橫果能

至誠歸順卽赦其罪。若懷詐不誠務在協謀平賊庶不負朕委任。

甲辰都督罕提吉兒女直野人頭目馬吉你等來朝授馬吉你爲指揮餘爲千百戶鎮撫賜話印冠帶及鈔幣有差上諭學士胡廣等曰朕非欲併其土地蓋以此輩貪殘自昔數爲邊患勞動中國宋歲賂金幣剝及下人膏血卒爲大患今既與服來朝則恩遇之從所欲授一官量給鈔賜賚損小費以弭重患亦不得不然。

皇明大政紀

七卷

四

夜有星大如盞赤色有光。出車流丈餘發光近西蜀北行全游氣。

戊申都督柴別里哥等百人來朝貢馬。賜鈔幣有差。已酉河南武涉縣言去歲天雨浸淫沁河南北流潰九百餘步渰田土廬舍請丁夫修築從之。

庚戌山東齊東知縣張升言去歲洪水衝決小清河渰及下澗官堤等處塩場及青州屬縣邑田請浚上流修隄防使水由故道。皇太子命工部速遣官相度修浚。

浚山東濰縣千舟等河及築壽光縣隄以禦水患。都察院左都御史陳瑛有罪下獄。

瑛初有寵恣意羅織逢迎凡建文諸臣得罪深重瑛寔

贊之既而給事中耿通劾其誣陷李貞中允劉子春劾其方命廢事。皇太子皆有之至是上聞遂下獄死籍其家。

甲寅秦王尚炳來朝且首服不親出迎勃符之罪。上宥而勉之。

遣使嘉日本國王源義隆獲倭寇賜金織文綺百疋鈔五千緡。

浚山東福山縣城西官渠千四百餘丈。

丙辰詔諭交趾自永樂九年二月以前但有嘯聚山林者咸赦其罪稅糧及金銀等項停徵三年見任土官有才能顯著善撫軍民者奏聞以憑旌賞。

皇明大政紀

七卷

四

丁巳改禮部右侍郎王彰於戶部。

廣東都指揮司秦倭賊攻陷昌化千戶所殺死千戶王偉等副總兵指揮李珪等不救援追勦罪當死。命捕寇贖罪如寇不獲皆斬。

已未開會通河。

自濟寧至臨清舊通舟楫洪武中沙岸衝決河道淤塞故於陸路置八遞運所每所用民丁三千車二百餘輛歲久民困其役永樂初屢有言開河便者上重民力未許至是濟寧州同知潘叔正言會通河道四百五十餘里其淤塞者三之一浚而通之非惟山東之民免轉輸之勞實國家無窮之利乃命工部尚書宋禮都督周長往視禮等還

極疎疏浚之便且言天氣和霽且及時用工於是遣侍郎金純發山東及直隸徐州民丁繼發應天鎮江等府民丁併力開浚民丁皆給糧賞而蠲其他役及今年田租命尚書宋禮總督之遣吏部侍郎師達以大牢祭山川城隍之神仍命御史二員監督

夜有星大如碗青白色出正西雲中西北行入雲中

設奴兒干都司

置開原馬市

三月辛酉朔

廷策會試中式舉人陳璣八十四人賜蕭時中苗衷黃賜等進士及第楊慈等三十二人進士出身陳祚等四十九人同進士出身

七年己丑會試取陳璣等八十四人值上巡狩北京

詔禮部以璣等寄監讀書八年冬車駕還京至是廷試

癸亥詹事府丞陸中善坐不能輔導降交趾丘溫知縣

工部言湖廣安陸州及京山景陵等縣圩岸為水所決宜修築從之

甲子賜進士蕭時中冠服銀幣餘並賜鈔五錠宴於會同館

諭三法司審錄囚徒當明君子小人之分

上曰刑當於恤然論刑之際尤當明其君子小人若君

子有過如失足溝澗偶出於誤當於其情而護之小人

有罪如嗜食飲食恣意為之非過誤也當懲以法君子

誤犯而不恕非右善之道小人故犯而不懲有縱惡之

失爾等其審邪正精權度不宜驟論

戊辰遣都指揮張鬼力赤梁北斗奴賜祭忠順王脫脫剌

都指揮哈刺哈納為都督僉事鎮守哈密

修揚州泰州河堤岸一萬八千六百餘丈

命工部建進士題名碑於國子監

建州衛千戶古那等及禾屯吉衛指揮伯顏帖木兒等奏

願居遼東安樂州從之賜養如例

大營都指揮僉事牛諒坐奏對不實免官實隨寧夏兵

官安遠侯柳升立功自効

癸酉械隱情首賂貨指揮詣交趾充軍

先是通政司言指揮首天城衛千戶犯罪繫刑部獄其

母致貨託已為賂部官求免已不敢從以其貨來首

上問千戶與指揮有舊乎對曰無上曰非故舊而輒

以違法干之獨不慮事敗哉此非人情命法司訊之至

是法司奏指揮所居近刑部而千戶之母寓其鄰家朝

夕饋子食指揮察其有賈囊給言已與刑官厚可以賂

免母遂致貨倘有欲發其姦者指揮懼遂自首而隱其

實情論法千戶母當準與駐律指揮當罷職謫屯種

上曰愛其子以賂其免人之常情且婦為知法律其有

之指彈始則欺人取貨終則隱情罔上又汙讎朝臣此不可恕但罷職屯種何以示懲卽械送交趾充軍

鎮康州土官知州曩光道頭目刁怕楞等來朝乞貸劫去之罪遣給事周讓行人方濟往戒諭之

建州失里綿二衛女直野人因童撤歹也輕哥等二十人來朝命爲指揮等官賜子有差

甲戌選進士楊慈劉永清錢習禮陳燧黃壽生陳用俱爲翰林庶吉士

時鍾英張習張式馬信邵聰皆由監生選入翰林讀書至是中進士改庶吉士餘分隸庶司觀政

雲南路江長官司長官曩壁遣子惟羅法等貢馬賜錄

幣

乙亥陞交趾宣化府土官同知黃公勛爲大原知府命

吏部移文交趾布政司給路費廩給遣其家屬米完聚

丙子有縣官坐贓罪謫戍邊以年踰七十擊登聞鼓乞哀

給事中張昭鄭傑周岐俊坐事俱謫交趾充吏

已卯民有盜勸善書者刑部黥發戍邊奏聞命免戍邊

去所黥字自今凡情可矜疑者必先具奏

上曰朕常命爾等罪當黥者具所犯來白若可矜憫者

免之蓋黥卽爲棄人欲改過無由矣盜勸善書原其心在好善但取之不以道爾其可比盜財者樂黥之乎

修福建長樂縣官塘圩岸

庚辰溫州府民言本府歲白礬數千斤赴京阻隔山路乞

附載運糧舟輸京爲便命罷其歲征布衣不必染色

上問工部臣曰礬欲何用對曰以染色布上曰特索

布耳而勞民數千里之外可罷之

壬午浚河南中潞河故道

河水屢歲爲患遣工部侍郎張信往視信訪得祥符縣

魚王口至中潞下二十餘里有舊黃河岸與今河面平

浚而通之俾循故道則水勢可殺

南民十萬命與安伯徐亨工部侍郎蔣廷璿率運木夫

同侍郎金純相度開浚丁夫給糧賞且蠲戶內今年租

稅仍遣定國公徐景昌以大牢祠河神戶部侍郎古朴

以大牢祭河南境內山川時工部尚書朱禮督工開會

通河遂命禮兼董之

六科給事中曹閏等劾五軍都督府掌府事成國公步

魏國公徐欽定國公徐昌吉永康侯徐忠右都督郭義監

境土賜絲幣有差。

乙酉鎮守大同江陰侯吳高請留屯種軍之半操練以備不虞。命兵部宜視地險夷以定守備多寡。且耕且守以爲定制。

陽和雷十之四。天城朔州雷十之三。蔚州雷十之二。廣西鎮安土官知府岑永壽遣岑榮堅貢馬謝襲職恩。賜之絲幣。

工部右侍郎任穀坐事降管繕司主事。

浙江都指揮同知張貴坐縱酒廢事戍邊。

陝西都指揮高英坐誣罔免。

丙戌命平江伯陳瑄都督宣信帥舟師海運糧餉赴北京。皇明大政紀 卷七

丁亥遣中官勞都督吳允誠屢征有功。其妻在涼州不爲賊誘。賜鈔二千錠。絲幣二十表裏。米百石。羊三羴。仍令所司宴之。

戊子命中軍右都督劉江仍鎮守遼東。

復都指揮同知蔡斌官備禦遼東廣寧。

湖廣武陵民劉觀音保妻王氏一產三子事聞。詔循例優給。

庚寅修蘇州至嘉興石土橋七十餘里。泄水洞三十一處。刑科給事中任憲以罪謫戍邊。

四月辛卯朔享太廟。

癸巳復給事中任守禮官。

刑部都察院言各處布按二司所轄重罪。審覆明白者請遣官臨決。命再遣人審覆來聞而後遣官決之。

上曰。雖云審覆明白。然能保其中悉無冤乎。京獄有冤者。得擊登聞鼓。自陳彼在數千里外。或有冤欲自陳難矣。人命既絕不可續。寧緩無急。果如有失。緩可以改。急則欲改無及矣。

琉球中山王思紹遣使坤宜堪爾等貢馬及方物。并以長史程復來請命致仕還饒州。命陞復爲琉球國相。兼右長史。仍賜坤宜等鈔幣遣還。

乙未有兩淮巡鹽同知使劉季德等服士服。諱翰林院修書。皇明大政紀 卷七

免淮安府安東縣永樂七年牛租。

己亥修湖廣寧遠左右千戶所城池。

庚子朝鮮爪哇諸國各遣使及四川湖廣廣西土官宣慰使楊昇等來朝。貢馬及方物。賀萬壽聖節。賜賚有差。

夜月犯木星。

壬寅守聚寶門千戶秦檢入城。民行李得金錫及銀數錠。於法不應。命悉還之。

上問刑部尚書劉觀此在何法。對曰。法不得以銀交易。百姓不得用金首飾。上曰。禁民交易服用。何嘗禁其藏蓄。命悉還之。領千戶諭之曰。爾職在察詰奸細。民違去何預爾事。今姑宥爾。如再越職厲民。必罪不宥。

命戶部開河自効民丁一體給糧免租稅。

初朝議開會通河及浚河南黃河命戶部凡民丁皆給米鈔及蠲戶內是年租稅而山東河南之人多有自願効力者上聞之遂有是命。

丁未萬壽聖節上御奉天殿受朝賀宴文武羣臣及四夷朝使。

巳酉召遼谷藩安唐鄂伊肅晉九王來朝以次而至。時周王巳朝蜀慶二王有疾未召。

庚戌夜有星大如盞赤色有尾光燭地出紫微垣內四輔旁北行至游氣。

辛亥都察院僉都御史史中成劾陝西按察使辛耀副使皇明大政紀七卷

徐道正張大僉事江榮馬驥賈順拔飲酒有玷風憲上命都察院械置耀等於陝西按察司前榜示警衆。

甲寅交趾右叅政劉本言三事上嘉納之。

一言交趾新附未知朝廷禮教冀寬以撫之將一切不急之務悉皆停止仍降恩旨撫安人心庶蠻民絕從賊之念二言今後宜選老成廉謹之士除郡邑庶撫綏有道夷民得安三言乞選老成有學者典教俾其子弟習知中國禮義之化變易夷俗他日亦可得人資國用。

丙辰賑山西保德等州縣饑民二萬二千六百八十口給糧一萬八百石。

丁巳交趾總兵張輔至南寧奏反賊陳季擴阮師等無悛。

心請進兵討之。

庚申勅鎮守大同江陰侯吳高近得謀報虜寇失糧于謀襲大同宜思患預防萬千無失。

五月乙丑端午節賜文武羣臣宴。

丁卯設交趾鹽課提舉司通濟鹽倉。

四川天全六番招討普安撫司及白納泥溪諸長官司湖廣施南忠洞二安撫司各遣人貢馬悉賜鈔幣。

巳巳定交趾土官考覈例。

凡土官或遷調任或本土世襲俱以三年為一考開任之事亦行本衙門驗實申布政司按察司考覈平常者復職稱職者於官錢內量加賞賜稱職者不計考覈。

皇明大政紀七卷

一級于缺官衙門補用六年再考如初考九年給由赴京通黜陟若貪污害民劫奪營殺事有顯跡者按察司舉問如律。

工部右侍郎劉仲廉言遼東三萬衛成造軍器乏缺宜依定遼左衛例設鐵場撥騎軍一百一十二名以其半鈔餉簡用半屯田以給從之。

中下進士王彥自陳臣家安福與奸惡外姻有連臣雖中進士實罪人應就繫上諭三法司成材勿棄且有罪能自陳可矜并其家有之。

倭寇浙東磐石。

癸酉土魯番總統古麻刺里遣倭答失哩等貢馬賜鈔。

幣有差

甲戌設四川茂州儒學

陝西鄜州請浚故道引水南流復築城垣從之

沙州都指揮因即來赤斤蒙古衛指揮塔力尼等遣使貢馬 賜鈔幣有差

四川越嵩等衛指揮蔡莊等西陽永寧二宣撫司冉興戴亮及九姓長官司土官任福各遣人貢馬俱賜鈔幣

庚辰廣東南海縣河泊所新增魚課米二百六十六石有奇番馬縣河泊所新增魚課米一百二十七石五斗有奇

雲南麓川平緬宣慰司思仁發遣人貢象馬 賜之絲幣

陝西寶雞知縣尚英奏本縣歲綿花綿布乞就本縣運赴

皇明大政紀 卷七 七

漢州不必運布政司徒勞人力及陳倉東河等驛積艸可

二十餘年若將永樂九年草折鈔收支官民兩便悉從之

河南臨漳縣主簿趙永忠奏河決低下土田不堪耕種乞

令被災之民別於漳河旁近擇高阜荒地開種從之

乙酉董卜韓胡地面頭目南科遣人朝貢且言容隆蒙調

門二招討侵掠鄰境請兵伐其罪 命賜絲幣降勅以別

遣人令彼改過若其稔惡不悛發兵未晚諭之

友帖衛指揮亦令哈建州衛千戶牢若禿等奏願入開原

及自在州居住從之 賜資如例

丁亥哈密回回馬黑麻哈非思遣人貢礪砂 命禮部給

六月內官鄭和等使西洋諸番國襲執錫蘭王亞烈苦柰

兒歸獻俘 命姑釋之擇其屬之賢者嗣立

時苦柰兒貪暴不輯睦鄰國數邀劫其往來使臣諸番

皆苦之和等奉使歸經其國苦柰兒遂誘和至國令其

子納顏索金銀寶物不與潛發番兵數萬劫和舟而伐

木拒險絕歸路使不得相援和覺之即擁眾回船路已

阻絕和語其下曰賊大眾既出國中必虛且謂我客軍

孤怯不能為出可以不意攻之可以得志率所領兵二

十餘萬間道急攻王城破之生擒苦柰兒并家屬頭目

番兵復圍城和與戰大敗之遂以歸 上曰蠻夷貪獸

耳何足深較命禮部擇其屬之賢者立為王遣還國并

皇明大政紀 卷二 二

赦苦柰兒遣歸

右庶子楊榮奏喪還起復至京召對閩中民情風俗 幼

戶部優免其家徭役

會通河成

可以汶泗為源汶水出寧陽縣泗水出兗州至濟寧而

合置天井閘以分其流南流通於淮而新開河則居其

西北流由新開河道東昌入臨清計三百八十五里自

濟寧至臨清置十五閘以時啓閉舟行便之

逮交趾右叅政解縉下獄

先是縉入奏事適 上北征見 皇太子而歸 上還

京漢王言縉觸 上遠出觀儲君無人臣禮 上怒時

檢討王汝玉亦以罪謫交趾續偕汝玉趨廣東娛嬉山水且言請用數萬人鑿賴江以便往來上大怒曰爲臣受事則引而避去乃欲勞民如此併汝玉俱下獄周宗範謝垣伏誅

七月交趾諸將英國公張輔黔國公沐晟等敗賊黨阮師胡具鄧景異等于九真州月常江尋復敗黎蓋兵于臨安殲之

戶部言賑北京臨城縣饑民三百餘戶給糧三千七百石有奇上諭今後但遇水旱民饑開倉賑給毋令失所

上曰大旱民饑隋文帝不發倉賑聽民流移末歲計所積可供五十年今國家儲蓄上以供國下以濟民故豐

皇明大政紀

卷七

年則歛凶年則散但有土有民何憂不足隋開皇間倉廩雖豐民心不瞻煬帝無道遂至滅亡前監具在

八月工部尚書宋禮等百六人開會通河畢還京

工部尚書宋禮請疏沙河築堰從之

禮言會通河以汶泗爲源夏秋霖潦泛溢則馬常泊之流亦入焉汶泗合流至濟寧分爲二河一入徐州一入臨清河流深淺舟楫通塞繫乎泊水之消長泊水夏秋有餘冬春不足非經理河源及引別水以益之必有淺澁之患今汶河上流自寧陽縣閘已築壩堰使其水盡入新河東平州之東境有沙河一道本汶河支流至十里口通馬常泊比年流沙淤塞河口宜趁時開濬沉沙

河至十里口故道具存不必施工河口當落者僅三里河身宜築堰者計百八十丈從之

命右庶子楊榮等主考應天鄉試命宴于本府

撤棘取中式舉人徐則寧等三百名

滿剌加國王拜里迷蘇剌率其妻子及陪臣入朝

九月通政司言黃巖民告豪民持建文時士人包彝古所進楚王書稿與衆聚觀書中有干犯語請法司治之勿聽

上曰此必與豪民有怨而欲報之朕初卽位命有司凡建文中上書有干犯語言皆朕未卽位以前事悉毀

之有告者勿行今復行之是號令不信矣況天下之主

豈當念舊惡如唐之王魏太宗素宿憾而信之宰相與

成治功帝王之度如海納百川無所不容故能成其大豈可一一追咎往事

皇明大政紀

卷八

皇太子令庶子楊榮侍諸皇孫讀書文華後殿

皇太子諭諸皇孫曰此皇祖近臣汝輩當禮敬榮

講授有程度諸皇孫多所進益皇太子召榮獎諭

切至且曰他日學成卽汝訓迪之功也榮在春坊每進

講罷必從容以正心務德親賢去邪尚儉戒逸之言進

深見嘉納或訪以正務必陳其切要及先後緩急施行

之序皆懇切無少避忌

十月詔重修太祖高皇帝實錄

上以前監修總裁官李景隆茹瑄等心術不正又成於

急促未極精詳巡幸至北京之初命胡廣等重修至是

命姚廣孝夏原吉為監修官胡儼黃淮楊榮為總裁官

楊士奇金幼孜等為纂修官皆賜勅勉勵

兵科給事中倪峻言有內官奏千戶不待朝命擅發兵捕

盜請治其罪上以千戶無罪戒諭之

上曰國家養兵正以除奸衛民境內盜發千戶能率眾

捕之使民免於暴橫正是能盡其職若必待奏而後發

兵小則亡逸大則勢張民受害多矣聞豎不達事體爾

亦從其言乎峻惶恐而退

哈密忠順王脫脫卒封免力帖木兒為忠義王

十一月交趾總兵官英國公張輔率舟師追捕反賊陳季

聖明大政紀 七卷

擴等於海上梟賊首一千五百餘人以徇餘賊散走林莽

泥澤中盡殲之

自是廉福安諸州縣皆平

哈密忠義王免力帖木兒受封尋卒封字羅帖木兒為忠

順王

上御奉天殿立皇長孫瞻基為皇太孫冠於華蓋殿

詔蠲陝西山西河南自永樂八年以前拖欠稅糧

十二月遣指揮木答哈阿升哥齊諭朵顏福餘泰寧三衛

頭目如能悔過即還所掠戍卒仍納馬三千足贖前罪不

然發兵誅叛悔將何及

諭曰兀良哈之衆數為韃靼抄掠不安乃相率歸附誓

守臣節我太祖高皇帝於厥困窮設福餘朵顏泰寧

三衛而授爾等官職俾各領其衆臣屬既久後竟叛去

及朕即位復遣人來朝朕畧其舊過加意撫綏數年

以來生聚蕃息朝廷于爾可為厚矣比者爾等為本雅

失里所脅掠我邊卒又遣苦列兒等給云市馬實行窺

伺狡詐如此罪奚可容

閏十二月令百官條上軍民利病

詔在內七品以上在外五品以上及縣正官各舉堪任牧

民風憲者吏部考驗如果賢能量才擢用其不職者連坐

舉主

廣西阿魯台遣使納款請併屬女直吐蕃諸部不許

聖明大政紀 七卷

上問侍臣多請許之黃淮獨曰此虜狼子野心使各為

心則易制若併為一則難圖矣此舉實其姦謀也上

顧左右曰黃淮如立高岡無遠不見諸人如處平地所

見惟目前耳乃不許阿魯台之請

鑄永樂通寶錢

壬辰永樂十年正月丙戌朔

上御奉天殿受朝賀宴文武羣臣及四夷朝使

戊子封右軍左都督吳允誠為恭順伯

刑科給事中曹閏等劾定國公徐景昌趨朝不循禮度又

縱家奴犯法乞垂懲戒上令景昌從師講學勿預政事

已丑刑部都察院六科劾奏天下朝覲官千五百餘人勦

合多未定請付法司究治 上命各部條目已完者八十餘員賜鈔五十錠復職餘未完者亦有復職 朝覲官各上政務 命六部議便于民者行之言有不當勿問

上問鴻臚寺及六科口前日命朝覲官言民瘼已言者幾人對曰百十人 上曰一郡一縣未必都無一事可言都無一民不安盡今日皆須言緘默者罪于是各官悉上所言

福建閩清縣言本縣及福清糧歲皆分運福州鎮東三衛本縣近福州而涉海赴鎮東福清甚近鎮東乞各從近便運納從之

皇明大政紀

七卷

六十一

廣西都結州言本州糧歲運納太平守禦千戶所行四百餘里險阻甚難南寧至本州可通舟楫乞改納南寧為便從之

乙未兩淮都轉運鹽使鮑軍等言近年朝廷以營造巨商中納北京鹽糧令各處罷中往歲所中鹽停支今淮陽二府人民每歲食鹽五萬餘引亦宜暫停候北京罷中然後納與從之

山東濟寧州同知潘叔正言齊州東昌定陶等縣田賦民佈宜擇青萊諸郡丁多田少者分居就耕蠲役三年從之河南洛陽知縣姚弘言本縣舊有水田茂輸梗米今為陸地乞令納粟從之

廣東樂昌知縣徐善惠言本縣耕農多稻少麥請自今止令輸米從之

丁酉大祀 天地于南郊

上還御奉天殿文武羣臣行慶成禮

戊戌以郊祀禮成宴文武羣臣及四夷朝使

庚子元宵節賜文武羣臣宴聽臣民赴午門外觀鰲山三日

命中官賜戶部尚書夏原吉母鈔二百錠

原吉侍母往觀鰲山 上聞之曰此賢母也即其家賜之

壬寅諭吏部尚書蹇義禁差守令

皇明大政紀

七卷

六十二

諭曰守令郡邑之長昔人每戒數易蓋牧守之寄甚重須久於其職比聞諸司以造作雜務輒差正官意在成事之速此殊不識大體自今一應公務不許擅差守令俾專職理民

癸卯復設陝西金州千戶所東洋西洋二關

甲辰軍東土酋屢為寇盜劫掠 遣指揮康壽賁勅戒飭之

播州宣慰司楊昇遣兄亮貢馬以白金文綺賜之

保清宣慰司彭勇烈遣人貢馬 賜之鈔幣

思州宣慰司田琛母楊氏來朝貢馬 賜之鈔幣

乙巳趙王高燧還北京 皇太子親送之江東門

丙午寧夏總兵官安遠侯柳昇械送叛賊察罕等至京誅之。

山東左布政司瑄言大同歲用馬草皆令大原平陽澤潞運給往復三千里民用困乏而大同所屬天城陽和等衛地皆平川秋多青艸乞令以時採儲往給大同以太原平陽澤潞諸郡縣艸儲于附近驛舍從之。

丁未陞國子司業趙季通童子莊爲趙府長史。

勅都督賈義尚書宋禮領舟師運糧赴北京。

戊申都察院左僉都御史劉蕡劾中軍都督郭義尚寶司少卿朱坊孟春時享太廟無故不陪祀命鞠之。

已酉巡按山東監察御史許堪言去年衛河水溢河岸倒皇朝大政紀 七卷

塌乞勅有司修理。命工部移文尚書宋禮相度措置。

陝西隴州言民饑。命戶部發州倉粟一萬二百三十石賑之。

河南靈寶永寧二縣言今旱災并八年虧糧乞折輸鈔帛從之。

山西平陵縣言連歲旱澇民食不充乞以八年九年糧折輸鈔幣從之。

庚戌雲南景東等府土官知府陶幹等遣人貢馬。賜鈔幣有差。

命國師班舟藏卜爲大國禪師。把湛查包刺麻俱爲國師。辛亥法司劾山東都指揮吳旺以公事決人致死當斬。

上以非私事姑宥之。

壬子令法司凡奸民越訴當笞者免罪令挈妻子徙北京。

良鄉涿州昌平武清爲民種田給路費三年始供租調誣。

吉兒徒流言杖者亦免罪挈妻子徙盧龍山海永平興。

州爲民種田不給路費一年供租調。

癸丑貴州宣慰司安上能遣人貢馬。賜之鈔幣。

山東稷山等縣耆老言歲歉民饑採桑掘蒲根以食乞。

賜寬貸蠲賦。命戶部遣官賑濟其布政司及所屬郡縣。

官嚴不以聞者悉械送京師論罪。

甲寅陝西淳化縣及河州軍民指揮司言水旱田稼不登。

乞今年稅糧折輸從之。

皇朝大政紀 七卷

置濟寧州南城垣。

二月庚申山西猗氏縣耆民張彥清等言累歲旱澇田稼。

不登乞以八年九年連租折鈔帛。命悉除之。

辛酉詔免山西河南永樂八年以前連租。

命翰林侍講楊士奇金幼孜主考會試賜宴禮部。

壬戌勅戒靖江輔國將軍贊億用錢債繫人妻子鬻居以。

償械左右小人送京師。

勅諭兵部及各處總兵官張輔等武職自永樂十年二。

月初七日以前有犯笞杖徒流遷徙罪名皆有復職如恃恩。

與功再犯必誅不赦。

置河間衛。命兵部凡北京之民見在遠衛爲軍亡故者。

其戶丁就補河間新衛別調人補之。

乙丑勅甘肅總兵官西寧侯宋琥與豐城侯李彬熟計諸降虜及新附者悉送京師設法隄備毋致逃竄

丙寅戶部言湖廣五寨長官司業濫等七洞人民歲課硃砂近因酋賊殺虜累歲有虧命除之

戊辰命禮部尚書呂震論考官楊士奇金幼孜精選試卷諭曰數科取士頗多不免玉石雜進今取母過百人其務精選收散木累百不若得良材一株也

庚午勅平江伯陳瑄都督宣信率舟師海運糧餉赴北京

之亥琉球國山南王汪應祖遣使臣阿勃吾斯古貢方物賜宴及鈔幣

皇明大政紀 七卷

廣東信宜縣根竹洞徭首陸伸八等來朝賜衣及鈔

丁丑改戶部右侍郎王彰為都察院右副都御史

庚辰遼王植有罪削其護衛及儀衛司止給軍校厨役三百人備使令

命戶部減涼州鹽糧則例名商中納以供軍餉待糧用充足則仍其舊

定納涼州鹽糧淮浙鹽每引三斗五升河東每引二斗四川每引一斗五升

辛巳禮部奏會試取中式舉人林誌等一百人賜考官楊士奇金幼孜宴于本部

癸未居太平都桑歌失望弟元者死賁駱駝賜鈔幣紵

絲綾衣各一襲

三月丁亥命豐城侯李彬充總兵官率兵討甘肅叛寇八月思榮羅夕等令恭順伯吳允誠等悉聽節制

戊子廷策會試中式舉人林誌等百人及前科未廷對舉人林文灃等六人賜馬鐸林誌王鈺進士及第黃乾等三十名進士出身黃祖等六十四名同進士出身

是科仍賜宴于會同館

辛卯賜烏思僧丹竹領等禪衣及鈔

壬辰鑄征蠻將軍印

癸巳命進士原習譯書將禮趙勗徐俊何賢潘勣黃裳羅興揚榮張觀馬馴王橫劉濬胡讓邵進宋顯復為庶吉士

皇明大政紀 七卷

仍隸翰林餘二三甲進士分刑部都察院理刑

定州衛軍趙四獻馬產驢有肉角類麟陞四為小旗賜鈔一百錠綯四疋

甲午夜月犯軒轅大星

乙未兀速麻河等處女直野人頭目把失等三十人來朝命為法因河衛千百戶鎮撫賜冠帶襲衣鈔幣

丙申雲南左叅政呂明善言武定尋甸廣西三府居民繁庶請設學校從之

上曰學校風化所係人性之善蠻夷與中國無異特在上之人作興之耳

增置應天府都稅司副使分管三山門外沿河塌坊官稅

戊戌女直野人頭目阿刺孫也兒怯等來朝 賜衣鈔幣
辛丑雲南廣西府土官知府阿覺鎮康州土官知州翼光
孟璉長官司司長官刁懷等特冷土官班野騰衛千戶所土
官千戶汪用淇海衛土官百戶楊祥鳳溪長官司司長官牙
各遣使貢馬及方物 賜鈔及文綺表裏有差

壬寅賜漠北來歸韃靼瓦剌等宴

甲辰蠲北京所屬水災郡縣租稅

丁未都指揮程忠等使哈密還忠義王亭羅帖木兒遣陪

臣阿都兒火者貢馬謝恩 賜鈔千錠文綺二十疋

哈的蘭之地回回賽因哈里等來朝貢馬 賜資遣歸

戊申勅武義伯王通等夫壽山營建將完工匠役久戶無

皇明大政紀

七卷

六十七

次丁者悉遣歸仍命所過官司給行糧

修浙江平陽縣捍湖隄岸

河南遂平縣水決河隄沒田四十餘頃被災一百三十六

戶 皇太子遣人賑恤之

己酉雲南沅江軍民府土官中旺等貢馬及金銀器 賜

衣鈔幣有差

庚戌交趾太原府同知百琮言交趾亡故官吏妻妾路遠

不能歸往往更嫁有傷風化乞今後官為續食遞送還鄉

守制從之

壬子夫里線等衛女直野人頭目桑哥失里哈等五十一

人來朝 命為指揮千百戶鎮撫悉賜鈔幣

癸丑賜翰林院學士胡廣等五員二品織金紗衣各一襲
甲寅陞順天府知府張貫為府尹同知嚴節為府丞
官制視應天府其大興宛平俱陞正六品

設祿谷長官司隸雲南鎮沅府

四月丁巳陞鴻臚寺左寺丞許廓為工部右侍郎

韃靼瓦剌等奏願居北京從之 賜予如例

庚申浚北京通流等四開河道一萬七百三十七丈

壬戌工部尚書宋禮奏自衛河東北至舊黃河一十二里

內五里舊河有溝渠五里係古路二里係平地今開河泄

水以入舊黃河則至海豐大沽河入海 上命候秋成為

之

皇明大政紀

七卷

癸未勅開平備禦成安侯郭亮自開平至懷來宣府萬全

興和各止頂置五砲架有警即發庶易為隄備

徙廣寧衛鐵山馬市于團山

都察院右副都御史王彰劾陝西按察司僉事馬英激肅

州衛寄居回回指揮哈刺馬牙為變殺御史陳錡都指揮

劉秉謙大掠而去 命磔英于市

江西安仁知縣曹潤奏請復設惠民藥局養濟院從之

甲子諭兵部飭勵太僕及各都司衛所管馬官各盡乃心

歲終具實數來聞當考勅怠施賞罰

都察院右副都御史王彰言監察御史陳孟旭受賍枉法

當絞文獻盜課銀當斬 皇太子從之

涼州衛都督同知柴別力哥等七十七人來朝貢馬。賜鈔幣有差。

福餘三衛指揮使喃不花等如勅書遣人納馬贖務掠邊卒之罪。

丁卯四川益興井竈丁言本井近年崩塌修淘不通致虧課額請開煎鹽亭縣長豐天城二井從之。

已巳哈的蘭回僧人馬黑哈蠻哈密回回百戶阿馬丹等來朝貢馬及方物玉璞。賜賚有差。

庚午命築遼東開元西門土城以處韃靼之歸附者。

朝鮮國王李芳遠遣陪臣閔海翼琉球國中山王恩紹遣使坤宜堪補等貢馬及方物。萬壽聖節賜鈔及文綺。

皇明大政紀

七卷

六十九

表裏有差

河南許州襄城長葛臨潁泌陽等州縣民饑。命戶部給粟萬二千五百二十六石賑之。

辛未。萬壽聖節御奉天殿受朝賀大宴文武羣臣及四夷朝使。

癸酉戶部言浙江臨安縣民因水災虧允監糧萬三千一百八十餘石請令以鈔折輸。命蠲除之。

甲戌涼州衛都督僉事阿魯卜里等及遼東自在安樂二州指揮僉事賈你等來朝貢馬。賜鈔幣襲衣。

山西平陽翼城等郡縣民饑。遣戶部員外郎孫恪賑之。凡十六萬九千六百餘戶給粟三十一萬四千二十石。

有差

已卯忽石門指揮僉事兀丁哥達州衛副千戶可奚等自陳願居自在安樂二州從之。賜予如例。

辛巳賜在京文武百官夏布有差命直內閣學士胡廣等五員賜同尚書。

擢進士胡榮肅常弋謙鄧直李曰良金庠等二十三名監生張勤等一十六名為監察御史。

山東萊州府民饑。命戶部遣官發粟賑之。計粟五十八萬三千八十石。

五月甲申朔賜在廷文武百官扇。

乙酉瓦剌順寧王馬哈木等遣其知院海峇兒等請天兵。皇明大政紀

二卷

七十

除阿魯古乞軍器及賞賚部屬。命宴賚其使而遣之。

命山西中監商民於宣府萬全懷來興和五衛輸納一萬備官軍俸糧。

都察院右副都御史王彰言金吾右衛指揮李嚴逐母不養。命磔于市。

丙戌命禮部揭榜申明洪武僧道嚴禁。

諭曰佛道二教本以清淨利益羣生今天下僧多不守戒律民間修齋誦經動輒較利厚薄又無誠心甚至飲

酒吃肉遊蕩荒淫畧無顧忌又一種無知愚民妄稱道人一槩盡惑男女雜處無別敗壞風化洪武中僧道不

務祖風及俗人行瑜珈法稱火居道士者俱有嚴禁即

揭榜申明違者殺不赦。

丁亥賜哈密忠義王李羅帖木兒使臣阿都火者宴。

廣西河池縣民言縣有銀礦大發長沙民言其鄉產銅採煉可獲厚利上皆斥之。

上曰獻利以圖僥倖者小人也國所愛在民安不在于利。

己丑勅鎮守興和都指揮王煥等阿魯台或進馬歸附須詳察其實勿違納之。

庚寅修四川棧道。

辛卯哈密忠義王李羅帖木兒請以僧速都刺史爲都綱從之。

皇明大政紀

七卷

七

勅甘肅總兵官豐城侯李彬所獲叛賊闊脫赤人口就給原獲官軍馬駝令軍衛牧養。

四川按察司副使周南言涪州并長壽縣見積倉糧五萬餘石約可支十年今貴州各衛所俸糧俱于重慶民倉支給如將涪州長壽倉新舊兼支可免朽腐從之。

丙申陝西秦州民張源言鞏昌臨洮等府歲稅運甘州相距二千餘里皆陸行甚艱乞收儲本處倉遇農隙令附近州縣民運輸蘭縣倉自蘭縣至甘州每五十里設站一或役刑徒或令官軍轉輸庶少蘇民力從之。

辛丑命都督僉事費義督運衛輝館陶倉粟二十一萬四千四百五十餘石赴德州。

河南開封等府縣水災免糧四萬三千四百二十石有奇哈密衛指揮虎禿帖木兒等來朝貢馬及硃砂賜之鈔幣。

甲辰江西寧縣大雨山水泛漲漂民舍事聞皇太子遣人撫恤。

丙子思南故宣慰使田大雅母楊氏卒官屬六十五人來朝貢馬及方物賜鈔文綺紗帛有差。

辛亥武清縣民一百一十餘戶遺原給報効蠲芻糧徭役牒有司復徵其徭役事聞悉蠲之。

六月甲寅廣東龍水縣丞馮原泰善撫諸徭陞爲德慶州判官。

皇明大政紀

七卷

七

丁巳禮部言滿刺加國榜葛刺國遣使朝貢將至命差人往鎮江府勞之。

戊午建武當山宮觀命隆平侯張信駙馬都尉沐昕董其役。

巡按山西監察御史

劾訓導

經過平陽朝王

王免見遂造王府官飲酒當逮問不聽。

上曰王自免體固非其不往見王府官必其交親故造之飲酒敘歡亦人常情無罪今外夷來朝者與人交易尚不禁人況與王府官往來乎不聽。

戶部言四川羅召樊家二井崩裂虧歲課近有明月太平二井比舊額稍增宜開煎從之。

已未湖廣按察司僉事胡璉言武陵縣民居湖泊不宜墾
麥乞令納米從之

庚申以韃靼把都克哈刺爲百戶賜冠帶襲衣及鈔幣
浙江按察使周新言永樂九年湖州府所屬被霖潦盡沒
窪田負糧十七萬二千四百餘石有司不與分給民被迫
責日就逃亡命戶部亟遣人覆實蠲免

辛酉建州衛指揮僉事李顯忠奏塔溫新附人民缺食
命戶部遣人發粟賑之

上曰薄海內外皆吾赤子遠人歸化尤宜存恤

壬戌增建習譯書館二十楹

癸亥賜國子監琉球國雲南四川官民生懷得等一百三
皇明大政紀 七卷 七

十六人夏布藍衫絳靴

刑部侍郎張本言浙江送至奸惡鄭公智外親宋濂之孫
請罪如法上以濂勞宥之遣歸

河南鄆陵臨漳二縣大水沒田禾事聞皇太子遣人撫

視

夜月犯心宿後星

戊辰山西左布政使周璟言平陽榮河太原交城捕蝗已
絕命巡按御史驗之

庚午諭兵部尚書方賓靖難故官子弟皆幼弱可令襲職
給全俸俟長成比試不中罪之未晚

諭曰朕適見所引故官子弟比試者不覺愴然蓋初舉

義之時其父兄忍饑冒寒艱苦百戰不幸有死于戰陣
或沒於疾病今觀其子弟皆稚弱若令如例比試而後
襲職必未開武事而田是絕其俸祿無以自存矣

辛未賜靖難子孫襲職者鈔有差

上謂侍臣曰諸將與朕同起艱難亦當同享安樂而今
有亡故不逮者矣雖有子孫襲職豈能悉得其所昨在
官中對諸子諸孫甚樂因念及諸將子孫心不能已故
加之恩故朕於一飲一食之際未嘗不思艱難之時學
士胡廣對曰陛下所以得衆心保洪業蓋在於此

工部主事蘭芳按視塩中隄決河請依舊河岸捲土爲掃
樹椿捍禦之不重爲民患從之

皇明大政紀 七卷 七

湖廣荊州武昌漢陽黃州常德等府大水沒民廬舍田禾

事聞命戶部遣人巡視撫綏

壬申浙江按察司奏浙西水潦通政趙居住匿不以聞逼
民輸稅命戶部遣人覆視但田禾壞於水者蠲其稅民

被水甚者官給粟賑之

滿剌加國拜里迷蘇刺遣姪西里撒麻蘭禮牙等貢方物
癸酉禮科給事中引法司所逮犯人內一二人欲有所陳
許錦衣衛官促之起遂不得陳上惡其蒙蔽戒錦衣衛

官繼今敢爾者必誅

甲戌勅戶部令發粟賑河南饑民凡郡縣及朝廷所遣官
日擊民艱不言者悉逮下獄

勅曰朕爲天下主所務民安而已民者國之本一民不得其所朕之責也故每歲遣人巡行郡邑凡歲之豐歉民之休戚欲周知也近者河南民饑有司不以聞而往往有言穀豐登者若此欺罔發罪於天此亦朕任非其人之過

陝西西安等府老人詣闕謝賑濟恩命給道里費遣還上召問老人今歲禾稼如何對曰來時甚茂上曰禾稼雖茂民力未甦凡所借用官糧今年不責爾償俟下年豐熟令償老人叩頭謝上命戶部山東山西皆准此例凡經賑濟者悉免詣闕謝恩

乙亥詔賽弗丁嗣爲榜葛刺國王賜錦綺襲衣帳幔傘蓋皇明大政紀 七卷 七十五

丙子諭工部修國子監

趙政使奏有軍官舍人以其父嘗遇海賊退避爲平江伯所殺不當襲今乞矜憫上以其越制祈恩命兵部發戍文趾復以爾能奮勇立功則朝廷不終棄勉之

丁丑鎮守遼東都督劉江等今阿魯台遣人修貢心不可測毋怠邊備

戊寅命北京行後軍都督府量撥軍夫運宣府萬全衛倉粟二萬石往開平備軍餉

壬午命幼軍無妻室者官爲婚配仍給鈔資其家七月丙戌賜在京文武堂上官兜羅綿被有差直內閣學

上胡廣等五員賜同尚書

直隸吳江長洲崑山常熟四縣水災免糧一十三萬八千六百九十石有奇

順天府言盧溝河水漲壞橋及堤岸八百二十丈壞官民田廬溺死人畜命戶工二部遣人撫綏修築

丁亥巡按福建監察御史陳智劾右布政張拱辰贓罪命都察院追問之

戊子廣西結倫州土酋馮郎黃等來朝貢方物賜之鈔幣

己丑諭兵部選健官閑居老成謹厚者教民畜馬

居永平薊州通州者就留本處教民居真定定州者赴皇明大政紀 七卷 七十六

順天等府教民但令教飲飼之宜若孳息不及數者無預

卯寧夏總兵官安遠侯柳昇奏請察罕腦兒舊城河塞之時撥軍巡巡賜勅以難守諭之

勅曰修城之策固善未知城成之後守者當用幾人少則難于守備多則難于餽餉朕意此城不過關防一二逃卒若寇猝至不能禦之反以資之如何爾更熟議如果便利即聽修築

甲午鑄永樂通寶

丙申封耶把乃那爲錫蘭山國王先是國王亞烈苦奈兒罪執至京上命擇其屬賢者

立之至是禮部詢國人咸謂耶把乃那賢遂遣使立之時羣臣請誅亞烈苦奈兒上曰蠻夷禽獸不足誅赦之亦遣歸

指揮岳山等七十二人使北虜還進馬四百四十七匹

命禮部給紗絹綿布償之

丁酉賜文武百官西洋布有差

辛丑免四川通江縣歲輸不及茶課三百七十萬四千四百斤有奇

後軍都督薛祿等言各衛軍官子弟皆有進用之日宜及時操練武藝

壬寅勅甘肅總兵官西寧侯宋琥等土隴軍民終懷反側

皇明大政紀 卷七

宜徙入蘭縣就糧西寧衛土官指揮所管番民調其精壯赴野馬川防寇

原任四川會知縣張邦達坐累戍邊以薦出使楊葛刺還奏稱旨權河南道監察御史

癸卯諭都察院令都布按三司及巡按御史事之當行者所司自行不許中官干預

乙巳朝鮮國王李芳遠遣陪臣李安愚奉箋貢金銀賀皇太子千秋節賜之鈔幣

丙午皇太子千秋節免賀禮

丁未勅寧夏總兵官安遠侯柳昇今叛虜毛哈刺等窮寇無食或來擾邊宜嚴備禦

浙江嘉興縣水災免糧三千六百一十五石

戊申遣中官吳實等賞勅賜爪哇國西王都馬板錦綺紗羅綵絹千匹并文綺襲衣

己酉浙江平陽縣獻嘉禾百六十四本命戶部遣人巡視四方水旱不可恃此

四川布政司奏天光井雲吉井開煎年久歲虧鹽課今安岳縣古跡竹筒大井小井比舊有增宜令開煎從之

八月癸丑朔交趾總兵官張輔等敗賊黨陳磊等于神投海檻鄧汝戲等三十五人赴京師

輔率舟師安謨海口遙見賊舟由大安如神投海巨率都指揮方政等擊之賊舟四百餘艘亦出神投海外分

皇明大政紀 卷七

列爲三時北風輔督衆衝其中堅賊氣銳甚官軍奮力直前與賊聯舟刀槳競進火器迅發賊不能支即開船走官軍追躡之相與鈎束殊死戰自卯至巳賊大敗生擒偽副衛大將軍陳磊龍虎將軍鄧汝戲黎目金吾武

衛等將軍校尉安撫團練巡檢等使阮林等七十五人及其從賊千餘人斬溺死者無算賊黨阮師等望風奔潰輔承督軍出海追之不及而還磊等四十人被重創

皆斬以徇

甲辰諭兵部尚書金忠等選民間子弟年十七至二十勇健有才藝者充皇太孫隨從

上曰皇太孫年長有志略朕令其學問之暇兼講武事

其遣人往直隸應天及江北鳳陽滁和等府州北京山東山西陝西河南四川湖廣境內選民間子弟年十七至二十勇健有才藝者官給路費廩食送京師

勅北京提督養馬官從公考驗軍士有用心養馬孳生及數百人賞鈔五錠不可冒濫其提督官若仍循舊弊不悛改者罪不赦

已未勅邊將凡關外如長安野狐等嶺及興和迤西險惡之地皆崇石垣深濠塹以防虜患

庚申樂亭縣丞楊直言北京人民在各衛爲兵死者戶無餘丁遺孤老無依乞給與口餉遺還故土就親存活從之

皇明大政紀 七卷

七

辛酉禮部言淳泥國王遐旺偕其母妻等來朝已至福建命郎中高謙等往宴勞之

修廣東新會圩岸二千餘丈

壬戌山東定陶河南中牟等縣者民詣闕謝賑濟諭戶部其未至者移文止之

上曰天子以天下爲家則以天下爲休戚比念民饑令有司發粟賑之此國之恒典況郡縣儲蓄正爲民計而使人廢其農業遠來謝恩非朕意也其令止之

占城國王占把的賴遣使部該濟標等奉表貢象及方物賜鈔幣有差仍賜部該濟標冠帶

丙寅日壽星見丙位

女直野人頭目淮土奴塔失等百七十八人來朝貢方物命爲指揮千百戶賜誥印冠帶襲衣及鈔幣有差

已巳皇親徐赫匪逃民法司請罪之命治如律

上詔赫曰踈遠小人尚相戒守國法不敢違汝乃敢狎恩先衆犯法昔中山王勳戚大臣謹守法度不敢縱越分毫能流慶于孫汝今縱肆如此豈是受福之道赫惶恐叩首上顧法司曰不可以私廢公治之如律

庚午論陝西行都司都指揮史昭宜與西寧侯宋琥豐城侯李彬協心協力關防涼州土韃軍民老的罕等徙入關縣就糧

癸酉擢庶吉士劉翀爲禮科給事中同吏科給事中張璠

皇明大政紀 七卷

十

國子監學錄王讓侍皇太子讀書

上曰朕聞讓孝于其親故擢用之

甲戌致仕右軍都督僉事趙清言其子琮爲府軍後衛指揮使坐罪謫立功乞寬貸之以終養餘年上憫而從之賜清鈔六十錠仍命工部檢勘功臣子孫坐事謫戍者悉以名聞

乙未修姑庸開水門

丁丑戒諭甘肅總兵西寧侯宋琥豐城侯李彬互有猜疑宜改心易慮務在和協毋致悞邊事取罰

重建天禧寺

庚辰甘肅總兵宋琥等奏涼州土韃軍民老的罕等逃叛

都指揮滿都何銘等領兵追及之銘戰死擒獲叛賊弩者兒伯顏等九百餘人械送京師老的罕等以衆遁

九月癸未朔湖廣黃梅縣耆民言江水泛溢圩岸坍塌傷民田千八百二十餘頃請闔郡丁夫修築從之

戊子勅宣府總兵武安侯鄭亨率師還京

辛卯重陽節賜文武羣臣宴

勅兵部天下衛所軍職自今日以前犯笞杖徒流當充軍及立功者已未發落悉復舊職月給半俸仍于本處立功雜犯死罪亦令復職於本處立功候有功給俸

甲午遣官祭天壽山亡沒夫匠命有司函骨歸葬仍復其家二年

皇明大政紀

七卷

全

浚松江府上海蟠龍江袤十四里廣十丈

乙未以廣西潯貴等府縣徭蠻作亂除糧三千六百石

工部主事簡芳言分導中濠河流事宜從之

芳言天下水惟河爲大故水患惟河爲甚今於中濠分導河流使由故道北入于海河南之民免於昏墊誠萬世之利然緣河新築護岸掃座正用蒲繩泥艸不能經久臣愚以爲若用木編成大圓若欄圈然置之水中以椿木釘之中實以石却以橫木貫於椿表牢築堤土則水可以殺隄可以固而河患可息如允臣言乞令河南近河府衛徵軍民於農隙採木春和修砌

都察院右副都御史王彰劾山西參政何濂貪淫不律等

事 皇太子逮下獄

丁酉湖廣高羅安撫司木柵長官司各遣人貢方物賜鈔幣遣還

戊戌喃渤利國王馬哈麻殺蘇門答刺國王宰奴里阿必丁各遣使貢方物賜國王印誥及錦綺紗羅絨帛

己亥勅鎮守遼東都督劉江等瓦剌軍馬欲襲阿魯台當嚴固守備不得怠忽

甲辰陞工部主事簡芳爲工部右侍郎

初芳爲吉安知府有善政坐事謫爲辦事官專治河渠以通漕運累有建明卽還授都水清吏司主事至是尚書宋禮薦其才故有是命

皇明大政紀

七卷

全

勅武安侯鄭亨巡視興和各處關隘屯堡凡衝要處有坍塌者壘石甃砌務在堅固

乙巳權山東昌邑訓導戴綸爲禮科給事中侍皇太子讀書

丁未渤泥國王遐旺等入朝貢方物命宴于奉天門宴王母于三公府光祿寺旦暮給酒饌

十月癸丑朔享太廟

甲寅修山東安丘縣河堤岸

戊寅平江伯陳瑄于蘇州嘉定縣青浦築土爲山立侯表識工成賜名寶山

方一百丈高三十餘丈

宣府總兵官武安侯鄭亨等請調大同前衛帶管東勝衛中左中前所陽和衛帶管東勝衛前所俱于大同左衛增益守備從之

平江伯陳瑄築揚州海門縣捍湖堤岸萬八千餘丈

已未命三法司出繫囚之輕者輪作贖罪有病令遣醫療之

諭曰古人不得已而用刑故存欽恤後世以治刑為能事則必流於刻刻吏必為朝廷歎怨於平民卿等不宜效有此者宜速改之

老樞宣慰使刁線歹遣頭目才弄等貢方物賜絨錦綺羅各五丈

皇明大政紀

七卷

全

庚申復設湖廣南渭州以彭仲才為知州

遼海衛指揮王謹等所招野人女直付羊右等願居開原校督守河衛指揮千戶等官循例給賜

癸亥命鎮守交趾都督韓觀督運廣東糧萬石赴交趾給軍食

甲子遣使賁勅撫諭底里國王馬哈木納撲兒國王亦不刺金各賜絨錦金織文綺絲綃等物

乙丑府軍右衛軍人李士文妻一產三男事聞命循例優給

夜月掩犯昴宿

丁卯命皇太子寅武于方山是日甘芳山遂採以

進羣臣表賀

置遼東境外滿涇等四十五站勅提領那可孟嘗等悉恭命毋怠

巡按四川監察御史滕宗智劾按察使譚友得才質庸下行止污濁不可玷風紀命都察院治其罪

戊辰車駕幸城南武崗

浙江烏程歸安長興臨海等縣水災免糧一十七萬四千五百石有奇

浚山東濰縣白浪河

丁丑山西繁峙進嘉禾百五十八本

三法司奏有軍病妻不治湯藥數毆其夫姑責之又擊傷

皇明大政紀

七卷

全

其姑當就刑不孝之罪刑科不應覆奏上以刑科遵三

覆奏之例非擅止之勿罪此婦即如法誅之

戊寅交趾總兵官英國公張輔等軍至惡江僞少保潘季

昫等詣軍門降承勅校李祐交趾按察司副使管又安府事

於是僞將軍知府觀察安撫招討等使阮士勤陳敏陳全最陳全敏陳立阮爽等皆降

庚辰命浙江湖廣江西及鎮江等府衛造海運船三百艘十一月壬午朔頒賜諸王及文武羣臣大統曆

甘肅總兵官西寧侯宋琥言叛寇老的罕等逃居依赤斤蒙古衛指揮格力尼取遣人索之不發將為邊患命庶

子楊榮會豐城侯李彬經畧。

癸未通政趙居住奏蘇州逃軍言水滂傷禾乞免秋糧及奸民決隄壞禾冀免稅糧俱請罪之。命遣官往視。

上曰言水滂者果逃軍可止坐逃軍罪其言決隄車水求免稅糧恐無是理蓋與其勞力決隄車水曷若勞力治田田中所入十分以一分入官九分入己豈肯以一廢九自受饑餒耶殆非人情且前時浙江按察司亦嘗言言四水滂趙居住不恤民隱今居住此言未可信仍遣官往視之。

甲申勅西寧侯宋琥陞西寧衛指揮李英勦戮叛寇爲都督指揮僉事餘將士有功者各陞一級并及賜賚有功勞

皇明大政紀

卷七

全五

異等者別具來聞當加優賞。

湖廣湘陰廣東海康遂溪二縣以水災免稅糧。

乙酉諭河南等處左叅政等官李冲高謙等七人御史苗賁庸等十人佐方岳任風紀皆要職當慎操履務長忠厚戒刻薄其往勉之。

九里奚山等衛女直野人頭目歡只忽等來朝。命爲指

揮千戶賜予有差。

丙戌修儀真綠江堤岸及夾港溪等處河道。

肥河衛指揮僉事木答哈奏願居遼東東寧衛阿刺山衛

指揮伯哈木等願居安樂自在州並從之賜予如例。

丁亥開州民三人自陳。天壽山營造願父子効力報國。

上遣歸勉之。

上曰得無別有所爲乎。命戶部審之奏父子無別所爲報効益出誠意。上召至廷諭之曰爾意誠善夫爲民欲報國不但効力役若能安分循禮務本棄末修孝弟忠信之行和於家厚於鄉遵奉教令不犯刑辟使鄉里做效悉爲善人如此卽是報國何必出力汝歸勉之見鄉人老少亦以朕言諭之。

孟誥土官刁猛甫等遣其家屬貢馬及方物。賜錦綺紗羅綵絹。

戊子命兵部及五軍都督府自今有武官子弟襲職者循

洪武比試例。

皇明大政紀

卷七

全六

上曰在營生長者循此例若田里間出未嘗習弓騎者不可遽責成須一歲中十試之。

庚寅賜渤泥國王遐旺冠帶金織文綺衣并賜其母冠服其叔及頭目冠帶。

通政司奏有婦告前夫之子不能供養請治其不孝罪。勿聽。

上問是親生之子否。對曰此婦于前夫亦是繼室蓋此子之繼母。上曰所謂子母無絕道者非爲繼母今繼母改適卽義可絕已失節於夫乃責人不能盡孝乎所言勿聽。

戶部言雲南通安縣民饑請以所貯課程小麥賑給從之。

辛卯冬至。上御奉天殿受朝賀。大宴文武羣臣及四夷朝使。

丙午遣太監鄭和等齎勅往賜蒲刺加瓜哇占城蘇門答刺刺魯柯支古里喃淳利彭亨急蘭毋加異勒忽魯謨斯北刺雷山孫刺諸國王錦綺紗羅絲綉等物有差。

丁酉山東都指揮僉事李凱等督運衛輝等處糧百六十五萬九千二百七十餘石至北京。

戊戌北京行太僕寺卿楊砥言吳橋至天津等衛大水決隄傷稼。切見德州東南黃河故道及土河之開二河以分水勢。命工部侍郎蘭芳往經略之。

河間獻縣言水決真定之饒陽武強等處隄岸。泮沒下流。

皇明大政紀 卷七
田廬乞集夫修築從之。

辛丑諭兵部尚書金忠嚴禁各衛養馬官軍不許怙勢蹂踐民禾稼。仍行按治御史巡察犯者并本伍頭目悉罪之。

壬寅命揚州等衛造海風船六十一艘。

戶科都給事中胡濙奏陝西通年積草沍爛。今作侵欺追贖民甚不堪。上命戶部賑濟虧折馬州悉免追。

洮州衛所鎮撫陳恭上言外夷異類之人不宜置左右。引玄宗徽欽為鑒。禮部尚書呂震請加恭妄言罪。上容之。

上覽畢以示羣臣曰。所言近衛宜嚴。甚是。但天之生才。何地無之。為君用人。但當明其賢否。何必分別彼此。其人果賢。則信任之。非賢。雖至親亦不可用。漢武帝用金

日碑唐太宗用阿史那杜金蓋其人之賢也。若玄宗寵任安祿山播遷之禍。正是不明於知人。宋徽宗自是寵任小人荒縱無度以致夷狄之禍。豈因用夷狄之人致敗朕為天下主覆載之內。但有賢才用之不棄。近世胡元分別彼此。柄用蒙古韃靼而外漢人南人以致滅亡。豈非明鑒。禮部尚書呂震請加恭妄言罪。上曰。恭之心本是忠朝廷。但未深思耳。豈可罪。朕恒語卿等。言事之人有非謬。當容之。罪之則言路塞。人君無由得聞善道。爾為大臣。此言亦非忠矣。

乙巳考郎兀衛千戶兀魯不花乞於北京居住。從之。齊子循例。

皇明大政紀 卷七
修廣西潯州衛城池。

凌鎮江京口新港甘露三港達于江。

遼東都指揮同知兀凱等奏建州居住指揮宇速趙歹都劉伯顏等乏食。命發粟賑之。

十二月壬子朔復命工部尚書宋禮保水四川。

平樂蠻賊莫彥恭等聚眾劫殺良民。廣西都指揮葛森奉命勦平之。

甲寅擢監生劉端為戶科給事中。專掌北京皇城門勘合。修靖海縣至青縣河隄。

四川安縣言歲徵茶七萬三千三百八十四斤。比年茶株枯死。採納不敷。乞茶課折鈔從之。

戊午。勅武義伯王通、天壽山夫匠得代者。令原管官領回。有司給行糧。病者予醫藥。

癸酉。勅宣府總兵官武安侯鄭亨等。今阿魯台移近開平。遣人來貢。須謹備預防之。

保定府安州奏水決直亭河口。乞起夫修築。命候春暖築之。

甲子。暹羅國王昭祿羣英。哆罷諦刺。遣坤文琨等奉表貢方物。遣中官洪保等往賜其王。文綺羅帛。

丙寅。勅寧夏總兵安遠侯柳升領兵還京。陝西大同調用者。令還各衛。

烏思藏尚師昆澤思巴來朝。先遣人進舍利佛像。

皇明大政紀 七卷

七卷

丁卯。刑部侍郎張本等言。御史張循理擅鞫軍職。宜正其罪。從之。

己巳。以仁孝皇后梓宮將歸山陵。命工部侍郎蘭芳。通政司右通政樊敬錦。衣衛指揮莊敬等。沿途預備宿頓。治橋道具車船。

諭各王府。免來京送。仁孝皇后葬。但遣官來祭。

庚午。以水災免湖廣黃州常德二府糧萬九千五百石。河南中牟河內等縣糧千六百石。

辛未。修京城各門樓。

湖廣華容縣言水決安津等隄。防四十六處。傷民禾稼。功大難成。命發旁縣民併力修之。

壬申。戶部言邳州水災。民乏食。命監察御史乘傳往賑之。

癸酉。勅都指揮使張麟鎮守寧夏。

乙亥。詔明年巡狩北京。

勅山東等都司中都留守司直隸揚州等衛。選精銳騎士及步卒。各委官管領。赴徐州等處駐劄。候駕扈從。

山東都司及潼關衛駐德州。湖廣都司及睢陽揚州淮安各衛駐徐州。陝西山西都司駐真定。邳州沂州各衛駐濟寧。中都留守司及宿州徐州各駐本處。皆給行糧。

及賜鈔爲道里費。

丙子。立春。

皇明大政紀 七卷

七卷

上御奉天殿。文武羣臣行賀禮。賜宴。

丁丑。韃靼太師阿魯台遣所部把禿荅蘭兒不花等貢馬二百匹。賜鈔幣有差。

刑部等衙門侍郎張本等劾御史劉翼同掌道御史袁綱。挾讐非法。考訊兵馬主事李貞致死。論以斬罪。而御史陳耘知而不舉。應徒從之。

戊寅。勅甘肅總兵豐城侯李彬勿進兵伐塔力尼。

先是以西寧侯宋琥言。赤斤蒙古衛指揮塔力尼。匪叛賊老的罕等。命翰林侍講楊榮詣甘肅與彬商略。發兵伐塔力尼。彬謂叛寇固當誅戮。但軍行道路險惡。難於餽運。榮亦謂隆冬非用兵之時。且有罪不過數人。官

軍所至不免臨及無辜。彬猶豫榮請自歸奏之。既上具言所以未可進兵之故遂勅止勿進。

遣人賈勅諭塔力尼擒老的罕等送來當行賞賚不然發兵討叛非赤斤之利。

降安民王尚煥為庶人安置泗州。

裁浙江按察使周新

時錦衣衛指揮紀綱有寵使千戶往浙緝事作威受賂新捕治之千戶脫走訴于綱綱奏新更置上命官校建新至

陛前抗聲陳其罪且曰按察司按事與在內都察院同

陛下明詔也臣奉詔擒奸惡耳奈何罪臣臣死且不憾上怒命戮之臨刑大呼曰生為直臣死

皇明大政紀

卷七

七

為直鬼上尋悟其冤顧問侍臣曰新何許人對曰廣東歎曰廣東有此奸人枉殺之矣悼惜者久之

朝鮮國王李芳遠遣陪臣李從茂等貢方物賀明年正旦

賞賚如例

是歲天下戶一千九十九萬二千四百三十六口六千五百三十七萬七千六百三十三賦稅三千四百六十一萬二千六百九十二石

癸未永樂十一年正月辛巳朔日食免朝賀

先是鴻臚寺奏習正旦賀儀上召禮部翰林院官問曰正旦日食百官賀禮可行乎尚書曰震對曰日食與朝賀之時先後不妨侍郎儀智曰總然同日免賀為當

上顧問翰林諸臣古有日食行賀禮否黃淮楊榮金幼孜皆未有對楊士奇對曰日食天變之大者前代元正

日食多不受朝宋仁宗時元正日食富弼請罷宴徹樂宰相呂夷簡不從弼曰萬一契丹行之為中國羞後有

自契丹回者言虜是日罷宴仁宗深悔今免賀誠當

上曰君子愛人以德不以姑息其免賀及宴仍賜百官節鈔

初諭奸黨蔡黃等遠親未卒者悉皆宥之有來告者勿論

時翰林庶吉士錢習禮江西吉水人與練子寧有姻婭

先是逮治奸黨習禮偶獲免而恒為鄉人所持習禮不自安以告學士楊榮榮乘間以聞上欣然曰使練子

皇明大政紀

卷七

七

寧今日在此朕固當用之況習禮乎即日下令禁止於是奸黨漸解

二月上巡幸北京

皇太孫從命戶部尚書夏原吉學士胡廣庶子楊榮諭德金幼孜扈從吏部尚書蹇義學士黃淮諭德楊士奇洗馬楊溥輔皇太子監國

設貴州等處承宣布政使司及思州新化黎平石阡思南

遠銅仁烏羅八府

洪武中止設貴州思南思州諸宣慰司思州所轄二十

二長官司思南所轄十七長官司仍設都指揮使司鎮

守其地及思南宣慰使田宗鼎與思州宣慰使田琛數

相攻殺抗拒朝命乃勅鎮遠侯顧成以兵擒之命戶

部尚書夏原吉等議分設長官司為府。

三月田琛田宗鼎伏誅以工部侍郎蔣廷讚為貴州左布政使。

四月諭禮部尚書呂震今後司府州縣官至京所言有切民情治理者宜旌賞之否則重懲勿貸。

諭曰朕嘗命布按二司及府州縣官至京者陳民間利弊近有以時和歲豐民安物阜為言者及驗視之田野

荒蕪人民饑寒蟲蝗皆不以聞朕已寘諸法。

五月於未端午節車駕幸東苑觀擊毬射柳聽文武羣臣四夷朝使及在京耆老聚觀。

自呈太孫而下諸王大臣以大擊射皇太孫擊射連

皇明大政紀

卷三

發皆中上喜命儒臣賦詩賜羣臣宴及鈔帛有差。

交州北江府土官陳麻歷阮必恭等及耆民百有八人來朝悉賜鈔還。

麻歷等自言交趾之人久被黎賊荼毒荷王師滅之民獲蘇息故詣闕謝恩。

山東曹縣復獻騶虞禮部尚書呂震奏稱上瑞請率羣臣表賀詔不許。

上曰百穀豐登雨暘時若家給人足此為上瑞騶虞何與民事不必賀震固請上曰大臣之道當務為國為

民汝能效李沆為人則善矣震退上顧侍臣曰震可謂不學無術者也。

六月開平備禦郭虎奏兵少不足守備以在精不在多勅報之。

勅曰爾能撫卹有道訓練有方雖千人亦足用軍多不精徒耗糧餉無益也。

七月封韃靼太師阿魯台為和寧王。

先是馬哈木滅本雅失里而立谷里巴阿魯台來附故封之。

八月遣吏部員外郎陳誠偕中官李達使西域諸國。

先是西域火州于闐哈烈亦力把力諸國皆來朝貢乃遣誠等齎詔幣往諭資於其國宣布朝廷德威焉。

十月山西緣邊烟墩成。

皇明大政紀

卷四

十一月瓦剌三酋叛。

以野蠻絲制衾命皇太子奉薦太廟。

先是山東民有獻野蠻絲者羣臣奏賀瑞應上曰此祖宗所祐也特命織帛染拓黃制衾以薦。

十二月英國公張輔等大敗賊兵於愛子江擒陳李擴檻送京師。

時輔偕沐晟等進兵順州賊黨阮師等屯愛子江設象伏以候官軍輔偵知之以戒先驅羣象來衝一矢落其

象奴再矢披其象鼻奔還賊陣自相蹂踐官軍乘之賊大敗斬賊將阮山生擒偽將軍潘經等數十人賊眾先

者無算李擴走追擒之餘黨悉降交趾復平。

甲午永樂十二年正月丙子朔日食免朝賀
壬申大祀天地於南郊。皇太子代行禮。

二月上朝退坐右順門所服裏衣袖敝納而復出。
侍臣有贊聖德者上嘆曰朕非不知三公布被之議
但念當惜福昔皇妣躬補緝故衣皇考見而喜曰
勤儉如此正可以為子孫法故朕常守先訓不敢忘耳
爾等慎勿諛也。

詔親征瓦剌胡寇答里巴馬哈木太平把禿孛羅。

先是朝廷封阿魯台為王瓦剌馬哈木等怨焉自是朝
貢不至遂議親征命安遠侯柳昇領大營武安侯鄭亨
領中軍寧陽侯陳懋豐城侯李彬領左右哨成山侯王

皇明大政紀

卷二

九

通都督譚清領左右掖都督劉江朱榮等為前鋒。

三月設隆慶州并永寧縣隸北京行部。

隆慶古縉雲氏所都之地金置縉山縣元仁宗生於縣
東改為隆慶州國初移其民入關內州遂廢至是以
其路當要衝土宜稼穡改為隆慶州又設永寧縣隸焉
以其罪當遷謫者實之。

庚寅車駕發北京皇太孫從之。

上謂侍臣胡廣楊榮金幼孜曰朕長孫聰明英睿智勇
過人今令侍行俾知用兵之法且使躬歷行陣知將士
勞苦然文事武備不可偏廢管中稍閑爾等即以經史
于長孫前講說庶幾有益。

辛卯發清河午至沙河命光祿寺賜侍臣酒饌
癸巳至隆慶州下營

時馬步官軍五十萬俱集。

甲午至懷來下營

戊戌車駕次宣府

壬寅車駕發德勝口度野狐嶺

四月甲辰刻駐蹕興和五軍盡出塞

丁未命撫子楊榮兼掌尚寶司事

由是凡號令與傳宣之事勅旨旗牌非榮奏允不敢發

已酉大開軍士於沙城

甲寅車駕次凌雲峯

皇明大政紀

卷七

九

創元出於伯嶺

乙卯次大石鎮召問庶子楊榮足食足兵之策榮進對

上嘉納之

榮曰宜慎擇將帥竭力屯田將得人則撫馭有方軍士
安則耕不違時不患食不足兵不精上是其言

丙辰車駕次五雲關

即哈剌罕

戊午車駕次高平阜

即忽牙徹里禿

已未車駕次殺虜城

即答魯城

丙申 車駕次龍沙甸

即阿蘭腦兒

甲子 車駕次清水源

即馬塔馬

五月癸酉朔 駐蹕楊林戍大閱武

上閱武之暇 皇太孫侍語及創業守成之難 上曰

前代帝王多有生長深宮狃於富貴安逸不通古今不識民艱經國之務惛然弗究而至於亡者朕嘗以之爲戒汝將來有嗣統之責須勉力學問於凡天下之事不可不周知人之艱難不可不涉歷聞見廣而涉歷多自然心胸開豁于萬幾之來皆有以處之而不差矣如此

皇明大政紀 七卷

非惟不負 祖宗之付託亦有福澤被及下人勉之勉

之

辛卯 車駕次廣武鎮

即哈刺莽來

癸未 車駕次王帶川

即紫壳

甲申 車駕次富平鎮

即兀兒壳

六月壬寅朔日食

甲申 車駕次雙海泉

即撒里怯兒元太祖發跡之地舊嘗建宮殿及郊壇每

歲於此度夏西北山有三關口通飲馬河土刺河胡人常出入之處

乙巳 下營雙泉海前哨馬來報遇胡寇數百人稍與戰皆遁

甲午前鋒都督劉江殺敗胡寇於三峽口

戊申發蒼崖峽大勦虜寇峇里巴及其三酋于急蘭土刺

河賜名殺胡鎮

初七日晴午次急蘭忽失溫賊首峇里巴同馬哈木太平把秃孛羅掃境來戰去營十里許寇四集列於高山上可三萬餘人每人帶從馬三四匹 上躬擐甲胄帥官軍精銳者先往各軍皆從後至整列隊伍與寇相拒

皇明大政紀 七卷

寇下山來迎戰火銃四發寇驚棄馬而走復集于山頂

東西鼓譟而進寇且戰且却將暮 上以精銳者數百人前驅繼以火銃寇復來戰未交鋒火銃竊發精銳者復奮勇向前力戰無不一當百寇大敗人馬死傷者無數寇皆號痛而往宵遁至土刺河 上乃收軍回營已

二鼓矣

庚戌詔班師

上麾柳昇等發神機銃砲斃賊數百人親率鐵騎擊之虜大敗殺其王子十餘人斬虜首數千級餘衆敗走上還帳中 皇太孫入見 上語以虜敗之故 皇太孫叩頭稱賀 上曰此虜尚未還夜中尤須慎防遲明

交趾總兵官張輔檻送賊首偽大越國王陳季擴及偽國公阮師等至京伏誅。

初高領兵守大同多不法及上北征班師至興和高稱疾不朝波名回京縱家人給驛及私役有司車牛又擅以守邊官軍千百戶鎮撫張玉等百二十餘人隨行

所過騷擾爲御史成務等所劾遂免之。

十一月甲午朔日食。

降晉王濟煥爲庶人。俾與長子美圭同守晉恭王墳。

勅諭曰爾謀爲不軌自絕於天自絕於祖宗論爾之罪有不容誅重念恭王手足之義特全爾生令守恭園其

門閭念各杜絕外交改過遷善以保公終慎之哉。
甲寅給學士等官胡廣楊榮金幼孜纂修五經四書性理大全。

前曰五經四書皆聖賢精義要道傳註之外諸儒議論有發明餘蘊者爾等采其切實之言增附於下其周程張朱諸君子性理之言如太極通書西銘正蒙之類皆

皇明大政紀

卷七

三

上

六經之羽翼然各自爲書未有統會爾等分別類聚成編務極精簡庶垂後世命廣等總其事仍命舉朝及在外教官有文學者同纂修開館東華門外命光祿寺給饌。



ZW

21181888542563